

sc. 21. Pl. 5.





HAG 4365

P. F. JOANNIS VINCENTII
P A T U Z Z I

ORD. PRÆDICATORUM

IN VENETA CONGREGATIONE B. JACOBI SALAMONII

S. THEOLOGIÆ PROFESSORIS

ÆTHICA CHRISTIANA

S I V E

THEOLOGIA MORALIS

EX PURIORIBUS SACRÆ SCRIPTURÆ DIVINÆQUE
TRADITIONIS FONTIBUS DERIVATA, ET

S. THOMÆ AQUINATIS DOCTRINA

CONTINENTER ILLUSTRATA.

TOMUS SECUNDUS

C O N T I N E N S

TRACTATUM DE OFFICIIS HOMINUM, SIVE DE HUMANIS
ACTIONIBUS BONIS, AC MALIS.



MEDIOLANI ✧ ✧ MDCCLXXXI.

APUD FEDERICUM AGNELLUM.
SUPERIORUM PERMISSU.



ETHICÆ CHRISTIANÆ,

S I V E

THEOLOGIÆ MORALIS TRACTATUS TERTIUS

DE OFFICIIS HOMINUM, SIVE DE HUMANIS ACTIONIBUS
BONIS, AC MALIS.



ATIS abunde, ut mihi quidem videtur, de *Regulis Morum* Legē scilicet, ac *Ratione* humana sermonem habuimus. Accedamus nunc ad explicanda ea hominum officia, sive humanas actiones, quæ ex conformitate, aut difformitate ad eas regulas bonas, vel malas sunt. Quoniam vero hoc argumentum latissime pateat, immo totam *Ethicam Christianam* complectatur; ideo de iis duntaxat hoc *Tractatu tertio* disceremus, quæ universalia principia spectant humanitatis, ac pietatis officiorum hominis, sive humanarum actionum. Quinque autem erunt hujusce *Tractatus* Disserationes, quarum prima de principiis agit in generalibus, & conditionibus actionum humanarum; in altera de virtutibus moralibus; in tertia de vitiis, & peccatis in genere consideratis; cum vero in quarta de peccatis capitalibus; in quinta demum de peculiaribus quibusdam generibus peccatorum.

Pars prima Theol. Mor. T. II.

A.

DIS-

DISSERTATIO I.

DE PRINCIPIIS ET CONDITIONIBUS GENERALIBUS
ACTUUM HUMANORUM.

HÆC Dissertatio ea continet principia, & conditiones, de quibus Doctor Angelicus S. Thomas pertrahit in prima suæ secundæ partis, agens de humanis actionibus, ad breviorē methodum redacta, illamque in aliquod capitula de more tribuimus.

CAPUT I.

Prælibantur ea, quæ tradit S. Thomas de ultimo fine hominis, & beatitudine.

DOCTRINA.

Doctrinæ Synopsis.

- I. Proprium hominis est agere propter finem.
- II. Ex hoc fine speciem bonitatis, ac malitiæ actus humani.
- III. Ultimus aliquis finis humane vitæ admittendus; isque unicus tantum sit oportet.
- IV. Omnia, quæ homo appetit, appetit propter ultimum finem, sive propter bonum.
- V. Finis ultimus peccantis letaliter est creatura, sive bonum creatum.
- VI. Quædam notantur pro solutione difficultatum, quæ fieri contra possunt.
- VII. Creatura, quam pro fine ultimo habet peccator; presse loquendo, ipse peccator est, bono aliquo commutabili, quod sibi maxime vult, perfectus.
- VIII. Iustus venialiter peccans, & peccator opus aliquod bonum peragere non respiciunt in his suum ultimum particularem, sed generalem duntaxat, sive communem boni rationem.
- IX. De vero ultimo fine, seu vera hominis beatitudine mira inter antiquos Gentiles Philosophos dissensio.
- X. Quid sit beatitudo? Hæc consistere nequit in ullo exteriori creato bono.
- XI. Sed neque consistere potest in aliquo bono

interiore animi, sive in scientiis intellectualibus, aut virtutibus moralibus.

XII. Doctrina S. Thomæ, quæ probat, & explicat, hominem invenire nullatenus posse beatitudinem in semetipso.

XIII. Solus Deus clave visus creaturam intellectualem salicem efficere valet, atque beatam.

QUUM a fine ultimo, quem sibi præfigit homo, tota pendeat æquum suorum moralis bonitas, aut pravitas juxta illud a Philosopho usurpatum: Sic se habet primum principium in speculabilibus, ita ultimus finis in operabilibus; idcirco D. Thomas primam suæ secundæ partis, in qua de his, quæ motum actiones spectant, diserit, tractationem orditur ab ultimo fine hominis, primumque statuit art. 1., convenire homini agere propter finem, eo quod actiones omnes, quæ procedunt ab aliqua potentia, causantur ab ea secundum rationem sui objecti: objectum autem voluntatis est finis, & bonum.

Porro quum S. Thomas hic potissimum agat de actionibus moralibus, duplex distinguit genus actionum, quæ ad hominem pertinent, quarum aliæ dicuntur humane, aliæ vero hominis. Actiones humane appellantur eæ, quæ propriæ sunt hominis, prout homo est, quatenus scilicet operatur per rationem, & voluntatem, sive per liberum arbitrium, quo se determinat ad aliquod agendum, vel non agendum. Si quæ autem
(sub-

(subdit) *alia actiones homini conveniunt, quæ nempe a deliberata voluntate non proveniunt, possunt quidam dici hominis actiones; sed non proprie humane, cum non sint hominis, in quantum est homo, seu in quantum libero arbitrio pollet, ac differt a cæteris creaturis irrationalibus.*

Hæc autem prærogativa, qua homo deliberate tendit in finem, ita convenit homini, ut nulli alii creaturæ, quæ rationalis non sit, conveniat. Quapropter considerandum est ex eodem Angelico Doctore art. 2. „ Quod aliquid sua actione, vel motu tendit ad finem dupliciter: uno modo, sicut seipsum ad finem movens, ut homo. „ Alio modo, sicut ab alio motum in finem, sicut sagitta tendit ad determinatum finem ex hoc, quod movetur a sagittante, qui suam actionem dirigit in finem. „ Illa ergo, quæ rationem habent, se ipsa movent ad finem: quia habent dominium suorum actuum per liberum arbitrium, quod est facultas voluntatis, & rationis. „ Illa vero, quæ ratione carent, tendunt in finem propter naturalem inclinationem, quasi ab alio motu, non autem a se ipsis, cum non cognoscant rationem finis: & ideo nihil in finem ordinare possunt, sed solum in finem ab alio ordinantur. Nam tota irrationalis natura comparatur ad Deum, sicut instrumentum ad agens principale. Et ideo proprium est naturæ rationalis, ut tendat in finem, quasi se agens, vel ducens in finem: naturæ vero irrationalis, quasi ab alio acta, vel ducta, sive in finem apprehensum, sicut bruta animalia, sive in finem non apprehensum, sicut ea, quæ omnino cognitione carent “.

II. Ab hoc fine speciem bonitatis, vel malitiæ recipere omnia officia humana, sive moralia, prout ea modo considerantur, docent cum D. Thoma cæteri quique Theologi, docueruntque jam SS. Patres, ex

quibus Magnus Ecclesiæ Doctor S. Augustinus expendens illud Christi Domini apud Matth. c. 6. : *Si oculus tuus simplex fuerit, totum corpus tuum lucidum erit, sic habet lib. 2. de Serm. Domini in Monte cap. 13.:* „ Oculum hic accipere debemus ipsam intentionem, qua quidquam facimus: quæ si munda fuerit, & recta, & illud aspiciens, quod aspiciendum est, omnia opera nostra, quæ secundum eam operamur, necesse est bona sint. Quæ omnia opera totum corpus (Christus) appellavit. Sicut ex opposito, si prava sit finis intentio, & tenebrosa, etiam totum corpus actionum nostrarum pravum, ac tenebrosum sit, oportet. Quod clarius explicat idem S. Doctor lib. de moribus Manich. c. 3. inquit: „ Quod non veseimini carnibus, & vinum non bibitis, signaculum oris mirandum, & laudandum putatis. Sed quæro a vobis, quo fine faciatis? Finis enim, quo referuntur ea, quæ facimus, idest propter quem facimus, quidquid facimus, si non solum inculpabilis, sed etiam laudabilis fuerit, tunc demum facta nostra laude aliqua digna sunt. Sin ille jure merito culpatur, quem spectamus, & intuemur, cum in aliquo versamur officio, id quoque officium nemo improbandum, vituperandumque dubitaverit. De Carilina memoriæ proditum est, quod frigus, sitim, famem ferre poterat: Hæc erant illi spurco, sacrilegoque etiam cum Apostolis nostris communia. Unde ergo discernitur parricida iste ab Apostolis, nisi sine illo, quem diversissimum sequebantur? Namque ille ista tolerabat, ut immoderatissimas, & immanissimas exple-ret cupiditates: illi contra ut eas premerent, & dominantī rationi servire cogerent “.

Hanc S. Augustini, ac cæterorum Patrum doctrinam confirmat Angelicus Doctor art. 3. hujus questionis hac ratione: quia humana

manæ actiones speciem bonitatis, vel malitiæ depromunt & a principio, & a termino earumdem. *Principium* autem extrinsecum humanæ actionis est finis, qui movet voluntatem, & simul, speciato executionis ordinis, *terminus*, in quo voluntas quiescit. *Et ideo*, concludit, manifestum est, quod principium humanarum actuum, in quantum sunt humani, est finis, & similiter est terminus eorumdem. Nam id, ad quod terminatur actus humanus, est id, quod voluntas intendit tamquam finem: adeoque a fine speciem moralitatis actus humani, qui idem sunt, ac morales, sortiuntur.

III. Hinc vero progrediens S. Thomas, postquam art. 4. ostendit admittendum esse aliquem finem ultimum humanæ vitæ, sive humanarum actionum, quia in finibus per se intentis repugnat dari processum in infinitum; probat art. 5. impossibile esse unius, & ejusdem hominis voluntatem simul intendere plures ultimos fines; Idque triplici ratione, quibus aliam præmittit in *sed contra*, ex Scripturæ textibus desumptam; nimirum finis ultimus ille est, cui omnia, quæ sunt in hominis potestate, subijciuntur: ipse vero affectui hominis omnino dominatur; unde de iis, qui gulæ serviunt, dicitur ad Philip. 3.: *Quorum Deus venter est*; quia scilicet ventris voluptatem tamquam Deum, & ultimum finem habent, ad quem omnia referunt. Porro duo supremi esse non possunt voluntatis Domini, quibus prorsus subijciantur omnes ipsius affectus: quia saltem amor unius amor alterius non dominabitur, alias uterque finis non esset supremus Dominus juxta illud apud Matth. 7. *Nemo potest duobus Dominis servire; aut enim unum odio habebit, & alterum diligit &c.*

Ratio autem prima S. Thomæ in hoc sita est, quod finis simpliciter ultimus satiare debet, & explere appetitum: Si enim appetitum plene non satiet, ac explicat, in

eo ultimo non quiescit voluntas, sed ad ulteriorem suspirabit, ut in eo consummatam suam perfectionem inveniat. Voluntas autem non potest intendere duo bona perfecte satiativa sui ipsius: bonum namque perfecte satiativum tale est, ut nihil extra ipsum appetendum relinquatur: quod utique non esset, si præter unum ex illis bonis aliud voluntas ad sui perfectionem requireret. Igitur duos ultimos fines voluntas simul intendere nequit.

Ratio altera ita proponitur a S. Thoma: „ Quia sicut in processu rationis principium „ est id, quod naturaliter cognoscitur; ita „ in processu rationalis appetitus, qui „ est voluntas, oportet esse principium id, „ quod naturaliter desideratur. Hoc autem „ oportet esse unum: quia natura non tendit, nisi ad unum. Principium autem „ rationalis appetitus est ultimus finis. „ Unde oportet id, in quod tendit voluntas, ras sub ratione ultimi finis, esse unum“.

Tertia demum ratio in hoc consistit, quod primum principium in quolibet genere est tantum unum: sed ultimus finis est primum principium in genere appetibilem, quatenus in hoc genere est primum movens voluntatem: ergo ultimus finis est tantum unus. Id confirmari potest, quod sicut se habet ultimus finis hominis relate ad totum humanum genus; ita se habet ultimus finis hujus hominis ad hunc hominem: totius autem humani generis non est nisi ultimus finis, sicut docet art. 7.; igitur etiam unius hominis in particulari non potest esse nisi unus ultimus finis.

IV. Subinde art. 6. decernit S. Præceptor necesse esse, quod omnia, quæ homo appetit, appetat propter ultimum finem. Hoc autem, quemadmodum exponunt graviores interpretes, intelligendum est de fine, non quidem materialiter, & in particulari apprehenso, sed formaliter, & in universali, sive sub communi notione summi boni,

quod

quod satiat, & explet appetitum. Id autem S. Thomas evincit duplici ratione, quarum prima est: quia quidquid homo appetit, appetit sub ratione boni: quod quidem vel est bonum perfectum, adeoque finis ultimus, atque ita finem ultimum appetit: vel est imperfectum, atque adeo natura sua ordinatum in bonum perfectum, sicut omnis inchoatio perfectionis ex se, & suapte natura tendit in bonum perfectum, quod est ultimus finis, atque ita appetit illud propter ultimum finem. Alteram vero ita proponit. "Ultimus finis hoc modo se habet in movendo appetitum, sicut se habet in aliis motionibus primum movens. Manifestum est autem, quod causa secundæ moventes non movent, nisi secundum quod moventur a primo movente. Unde secunda appetibilia non movent appetitum, nisi in ordine ad primum appetibile, quod est ultimus finis.

V. Ex his vero quæstiones aliquæ suboriuntur, quæ plane elucidandæ, ac resolvendæ sunt, quum ad institutum nostrum maxime pertineant. Prima est, quinam sit mortaliter peccantis finis ultimus, non quidem inspectus sub universali ratione boni, sed sub ratione peculiaris, sive re illa particulari, in qua lethaliter peccans finem ultimum suum constituit. Qua in quæstione perperus, & constans est S. Thomæ doctrina ex Sanctis Patribus desumpta, peccantem mortaliter finem ultimum suum constituere in creatura, sive in bono creato, aut commutabili, sicut tradit pluribus in locis suorum Operum, quorum aliqua proferre præstat. In hac prima secundæ partis q. 89. art. 1. ad 3. ait: *In peccato mortali anima per amorem contingit rem temporalem quasi finem: & per hoc totaliter impeditur influxus splendoris gratiæ, qui provenit in eos, qui Deo adherent ut ultimo fini per charitatem. Sed in peccato veniali non adheret homo creaturæ tanquam fini ultimo &c.* Et 2. 2. q. 45.

art. 1. ad 1. *Quicumque avertitur a fine debito, qui Deus est, necesse est, quod aliquem finem indubitum sibi propositum: quia omnis agens agit propter finem.* Paria luculentius docet lect. 2. in cap. 2. epistolæ ad Rom. dicens: *Quicumque mortaliter peccat, avertitur ab incommutabili bono, finem constituit in bono commutabili.* Et in Disput. q. 28. de Verit. art. 2. ad 10. *Quicumque in re temporalis finem sibi constituit, quod facit omnis mortaliter peccans, ex hoc ipso quantum ad affectum suum proponit creaturam Creatori, diligere plus creaturam, quam Creatorem: finis enim est, qui maxime diligitur.* Eademque habet q. 7. de malo art. 1. ad 10., & lib. 1. sententiarum q. 4. art. 1., & in aliis pluribus locis.

Solidum fundamentum habet hæc doctrina in Sacris Litteris. Nam & in loco supra citato de gulæ deditur dicitur: *Quorum Deus venter est*, eo quod ultimum finem suum in deliciis ventris constituent: & de iis, qui in Christum qualem crediderant, sed propter Phariseos ipsum non confitebantur, ne a Synagoga eijcerentur, legitur apud Joan. 12. *quod dilexerunt gloriam hominum magis, quam gloriam Dei.* Et similiter bona hujus Mundi honores, divitiæ, voluptates magis diligunt, quam Deum, qui per peccatum mortale ab ipso avertuntur: adeoque carnes mortaliter peccantes quidpiam a Deo diversum diligunt plus quam Deum ipsum, quod est finem ultimum in creatura, sive creato bono constituere. Et sane quicumque mortaliter peccat, aliquem finem respicit; siquidem actiones omnes humanæ, aut deliberatæ sunt propter aliquem ultimum finem. Cum igitur peccantis actio pro fine ultimo habere nequeat Deum, quem desecit, rebusque aliis postponit, oportet, quod finis ipse sit aliqua creatura.

VI. Ut autem solvantur objectiones, quæ facti contra possunt, duo præ oculis habenda sunt. Primum quod licet lethaliter peccans aliquando actu imperfecto, & ineffica-

ci velit, aut velle videatur placere Deo; actū tamen perfectū, & efficacī creaturam Creatori præfert, quæcunque illa sit, ob quam peccat, & ideo virtualiter saltem, aut interpretative creaturam illam respicit velut ultimum finem. Alterum, contingere posse, ut quandoque qui lethale peccatum committit. Deum quidem amet, siue amore aliquo erga ipsum afficiatur; at non amore charitatis, quo Deus sincere diligitur super omnia tanquam ultimus finis, sed amore aliquo naturali, aliove imperfecto. Unde & concedendum videtur, peccantem mortaliter Deum amare plusquam creaturam, si consideremus Deum, prout est bonum quoddam universale, & commune omnium, & loquamur de amore mero naturali. Hoc enim amore naturali tum Angelos etiam malos, tum homines naturales diligere plus Deum, quam semetipsos docet S. Thomas p. 1. q. 60. art. 5., ubi inter alia ad 5. ait: *Illi, qui non vident essentiam Dei, cognoscunt eum per aliquos particulares effectus, qui interdum eorum voluntati contrariantur. Et sic hoc modo dicuntur odio habere Deum: cum tamen, in quantum est bonum commune omnium, unumquodque naturaliter diligit plus Deum, quam seipsum.*

VII. Hinc vero alia quæstio subnascentur, quænam, presse loquendo, sit illa creatura, in qua peccator finem suum ultimum collocat? Qua in quæstione Theologi in varias abeunt, atque inter se dissidentes opinionationes, iuxta plura hujus mundi bona, divitias, voluptates, honores &c., quæ peccatores affectu suo prosequuntur. Sed nisi fallor ipse, hæc opinio diveritas potius in verbis, quam in re ipsa consistit. Unde mihi magis ea sententia ardeat, quæ etiam conformior videtur sensui Sanctorum Patrum, maximeque Sancti Augustini; nimirum creaturam, quam inordinate peccator diligit, habetque pro ultimo

fine, ipsum esse peccatorem, non utcunque consideratum, sed ut eo creato bono perfectum, atque fruendum, quod sibi maxime vult, atque appetit præ vero ultimo fine hominis, qui solus Deus est. Atque hoc sensu intelligimur, ac intelligi debent frequentes illæ locutiones Patrum de duobus amoribus dominantibus, qui discernunt iustos, ac peccatores. Sic S. August. lib. 14. de Civit. Dei, cujus textum refert, & approbat S. Thomas eodem art. 5. scribit: *Fecerunt Civitates duos amores duo; terrenam scilicet amor sui usque ad Dei contemptum: cælestem vero amor Dei usque ad contemptum sui.* Hinc celebris illa in Sancto Augustino distinctio duplicis amoris, charitatis scilicet, & cupiditatis, quas ita definit lib. 3. de doctr. Christ. c. 18.: *Charitatem voco motum animi ad fruendum Deo propter ipsum: cupiditatem motum animi ad fruendum se, & proximo, & quolibet corpore non propter Deum.* Quo nomine fruitur S. Pater, quemadmodum & S. Thomas, intelligit quietem appetitus tanquam in ultimo fine. Igitur peccator alia quidem amat, honores, divitias, voluptates &c. sed quia hæc omnia non referunt ad Deum, sed ad semetipsum, & propter sui ipsius perfectionem quarit, ideo semetipsum respicit, habetque tanquam ultimum finem.

VIII. Sed alia hinc quæstio oritur; quænam ultimum finem respiciat siue homo iustus, qui habet Deum pro ultimo fine, dum venialia peccata committit; siue peccator, qui pro fine ultimo habet seipsum, dum bonum aliquod opus peragit: præsertim quum D. Thomas discrete doceat, omnia, quæ homo vult, velle propter ultimum finem, ut supra vidimus? Hæc quæstio ex his, quæ dicta sunt, resolvī debet. Admittendum quippe omnino est, & iustum in aliquibus sæpe venialiter delinquere, adeoque nec in iis respicere Deum velut ultimum finem: neque peccatorem peccare sem-

semper in operibus, quæ agit, sed aliquando bona aliqua opera efficere, aut efficere posse honesta ex officio, quibus pròinde non respiciat seipsum tanquam finem ultimum: sic etenim jam definitum ab Ecclesia est. Quemnam ergo in his finem ultimum uterque respicit? Respondemus juxta dicta, hominem in his nullum habere finem ultimum *particularem*, & veluti *materiale*, sed *bonum sub communi boni ratione*: neque enim necesse est, quod omnia, quæ vult homo etiam deliberate, ea velit vel propter Deum summe dilectum, vel propter seipsum inordinate amatum: sed aliqua potest velle, quæ nec actu, nec habitu, nec virtute referat in finem ultimum particularem. Atque ita præter alios memrém S. Thomæ explicat P. Medina dicens: *Quando affirmat B. Thomas, hominem omnia velle propter finem ultimum, loquitur de fine ultimo formaliter, non materialiter. Sensus itaque est, quod homo in omnibus operibus suis hoc intendit, & cupit, ut bene se habeat, ut perfectionem suam acquirat sive veram, sive apparentem, & ut desideria sua expleat. Et in resp. ad 5.: Dicendum est conclusionem D. Thomæ (quoniam nimirum dixit, necesse esse, quod omnia, quæ homo appetit, appetat propter ultimum finem) veram esse de fine ultimo in generali, non in particulari.*

Quoties igitur iustus venialiter peccat, appetit quidem ultimum finem sive bonum in communi, aut beatitudinem, vel aliquam ejus participationem, sed non appetit finem ultimum *particularem*, scilicet Deum, cui tamen semper manet subordinatus. Unde non amat obiectum peccati venialis propter Deum, sed præter Deum, sicuti sæpe docet S. Thomas. Quare, ut recte observat S. Bonaventura, in peccato veniali neque est usus, nec fructus, sed abusus. Usus namque tendit ad finem particularem, & fructus in eo sistit: abusus vero est recessus ab ultimo fine particulari citra contemptum illius.

Similiter non oportet, ut ea omnia, quæ sive infidelis, sive alius in peccata mortali exiens, opera faciat, propter semetipsum tanquam finem ultimum faciat, adeoque peccata sint. Nam in operibus bonis ex officio, puta elemosyna pauperi ex motivo misericordiæ collata, in honore parentibus exhibito. Patriæ defensione, aliisque id genus operibus, non agit peccator propter suum ultimum finem particularem, sed ex præciso honestatis motivo agere potest. Fines vero ultimus harum actionum commune bonum est, sive beatitudo, quam in actu omni indefinenter querimus. Qui finis, utpote naturaliter amatus, & ab honesto, vel inhonesto de se præcindens, nullum in actum refundit bonitatem, aut malitiam.

IX. Prænassa questione de ultimo fine progreditur D. Thomas ad inquirendum, ac determinandum, qua in re verus Creaturæ intellectualis finis ultimus, ac hominis beatitudo constituenda sit. Multiplex enim extitit olim de hoc inter Gentiles Philosophos opinionum diversitas, adeo ut Marcus Vario ducentas octuaginta sententias recensere, uti refert S. Augustinus lib. 19. de Civit. Dei: *De finibus, inquit, bonorum, & malorum multo, & multipliciter inter se Philosophi disputarunt. Quam questionem maxima intensione versantes invenire conati sunt, quid efficiat hominem beatum? Illud enim est finis boni nostri, propter quod appetenda sunt cetera, ipsum autem propter seipsum.... Fines itaque isti sunt summum bonum, & summum malum, de quibus invenendis, atque in hac vita summo bono adipiscendo, vitando autem summo malo, multum laboraverunt, qui studium sapientie in hujus seculi vanitate professi sunt: nec tamen eos, quamvis diversis errantes modis, natura limes in tantum ab itinere veritatis deviare permisit, ut alii in anime, alii in corpore, alii in utroque fines bonorum ponerent, & malorum. Ex qua tripar-*

partia veluti generalium distributione fellarum Marcus Varro in lib. de Philosophia tam multam dogmatum varietatem diligenter, et subtiliter scrutatus advertit, ut ad 288. felices, non quæ jam essent, sed quæ esse possent, adducens quasdam differentias facillime perveniret.

X. Porro beatitudo definitur a S. Thoma bonum totaliter quietans, et satians appetitum. Quæ definitio in eam recidit, quam tradunt sive Tullius, nempe bonorum omnium, semotis malis omnibus, cumulata complexio; sive Boethius, status omnium bonorum aggregations perfectus; sive demum S. Augustinus, rerum omnium optandarum cumulata plenitudo. In quo ergo sita sit huiusmodi hominis felicitas, querit S. Præceptor q. 2., ac primum, in quo ea neque consistat, neque consistere valeat, determinari, nimirum in nullo bono creato corporis, aut animi. Et quidem (ut ea, quæ fusc versat per plures articulos, compendioso colligan) consistere nequit in aliquo exteriori, sive interiore corporis bono, nempe non in divitiis; quia si loquamur de naturalibus, huiusmodi divitiæ queruntur ad sustentandam naturam hominis, adeoque non possunt esse ultimus finis, sed magis ordinantur ad hominem, sicut ad finem. Si vero de artificialibus, uti sunt pecuniæ, eas non queruntur, nisi propter naturales. Non enim queruntur, nisi quia per eas emuntur res ad usus vite necessariae. Unde multo minus habent rationem ultimi finis.

Non in fama, et gloria consistere beatitudo valet: tum quia hæc bonitatem, vel excellentiam supponit; tum quia beatitudo est bonum constans, ac stabile: fama autem falso timore facillime amittitur, aut obscuratur; tum etiam quia cognoscere nobilius est, quam cognosci: non enim cognoscunt, nisi quæ in omnibus nobiliora sunt: cognoscuntur autem etiam infima.

Sed neque in potestate temporali sita bea-

titudo est, tum quia beatitudo est bonum possessum propter se, cum sit omnium finis. Potestas autem ordinatur ad alios; tum quia beatitudo est bonum perfectum, et tranquillum. Potestas autem maxime imperfecta, et inquieta est: neque enim vitare potest sollicitudines, et aculeos timorum; tum quia instabilis est, et obnoxia fortunæ vicissitudini.

Demum neque est possia in voluptate, sive delectatione: tum quia si honesta sit, et spiritualis, consequitur ex possessione boni convenientis. Si vero sit terrena, aut corporea, non satisfacit præcipue hominibus parvi, animæ nempe rationali: tum quia beatitudo debet esse bonum hominis, sive intellectualis creaturæ proprium; voluptas autem corporea communis est bestis, aut pecudibus; immo in his sepe perfectior est, quam in hominibus: tum demum quia beatitudo est supremum hominis bonum; adeoque consistere nequit in conjunctione ipsius boni bonis sibi inferioribus, scilicet bonis sensibilibus corporis.

XI. Num vero, si in nullo exteriori bono creato beatitudo hominis possia est, eam inveniet homo in aliquo bono animi sui, puta in scientiæ intellectus, aut in virtutibus voluntatis? Nequaquam, idque facile evincitur. Nam in primis si loquamur de scientiæ intellectualibus, vera beatitudo talis sit oportet, ut terminet hominis appetitum. In hac autem vita quæ amplius homo intelligit, eo magis augeatur scientiæ desiderium, nec unquam ad hoc scientiæ desiderium exhauriendum pervenit quia immo ut Eccles. 1. dicitur, et experientia compertum est: Qui ablit scientiam, addit et laborem; quia ex profundioris eruditionis copia majores dubitationes emergere solent: Si vero sermo sit de operationibus moralium virtutum, neque in his consistere felicitatem hominis posse satis ex-
gloratum est; quia beatitudo est ultimus
finis,

finis, qui ad ulteriorem non tendit: operationes autem virtutum ad aliud ordinantur: fortitudinis videlicet ad victoriam, & pacem, iustitiæ ad Reipublicæ incolumitatem, atque ita de cæteris virtutibus, quæ omnes eo spectant, ut medium in internis affectionibus conservetur, & decor in externis operationibus exurgat.

XII. Confirmatur generatim, & explicatur ex S. Thoma *quest. 2. art. 7.* dicente: „Finis dupliciter dicitur: scilicet *ipsa res*, „quam adipisci desideramus, & *usus*, seu „adeptio, vel possessio illius rei. Si ergo „loquamur de ultimo fine hominis, *quantum ad ipsam rem*, quam appetimus, „sicut ultimum finem, impossibile est, „quod ultimus finis hominis sit ipsa anima, vel aliquid ejus: Ipsa enim anima „in se considerata est ut in potentia. . . „Unde impossibile est, quod ipsa anima „sit ultimus finis sui ipsius. Similiter „etiam neque aliquid ejus, sive sit potentia, sive actus, sive habitus. Bonum enim, quod est ultimus finis, est bonum „perfectum, completus boni appetitus: „Appetitus autem humanus, qui est voluntas, est boni universalis. Quodlibet „autem bonum inherens ipsi animæ est bonum participatum, & per consequens „particulatum. Unde impossibile est, quod „aliquid eorum sit ultimus finis. Sed si loquamur de ultimo fine hominis, quantum ad ipsam adeptionem, vel possessionem, seu quemcumque usum ipsius rei, quæ appetitur ut finis, sic ad ultimum finem pertinet aliquid hominis ex „parte animæ: quia homo per animam beatitudinem consequitur. Res ergo ipsa, „quæ appetitur ut finis, est id, in quo beatitudo consistit, & quod beatum facit. Unde dicendum est, quod beatitudo est aliquid animæ: sed id, in quo beatitudo consistit, est aliquid extra animam⁴⁴.

XIII. Quodnam igitur est bonum illud,

in quo beatitudo hominis posita est, neque vere felices efficiat, atque beatos? Non aliud profecto, nisi Deus, qui, cum bonum universale sit, infinitum, & undequaque perfectum, solus explere valet appetitum humanum, solus conditiones habet, ob quarum carenciam felicitas in nullo creato bono reperitur. Supremum namque bonum est ad nullum aliud ordinatum: omne bonum, cætera omnia bona precontingens: summum bonum, cuiusque defectus, & imperfectionis incapax: sufficiens, & exuberans bonum, satians omne desiderium: constans, & stabile bonum, utpote non temporarium, sed æternum: denique conaturale hominis bonum, ad quod possidendum rationalis creatura naturaliter inclinatur, & cuius affectione omnino perficitur. Unde S. Augustinus de *Spir. & lit. c. 33.* ait: *Ista cognitio, illa visio, illa contemplatio satiabitur bonis animæ desiderium; hoc enim ei solum sat est: ultra non habet, quod appetat, quo inibet, quod requirat.* Hæc autem summam, & perfectum bonum, cum in hac vita mortali plene possideri nequeat, restat, ut illud possidendum nobis sit in vita futura immortalis, in qua videmus Deum *sicuti est*, ejusque visione complebuntur omnia desideria nostra: si tamen per observantiam Divinæ legi, sanctæque opera dignos nos effecerimus tam magnæ, & ineffabilis felicitate.

C A P U T II.

CONSECTARIA PRÆCEDENTIS DOCTRINÆ.

- I. *Diversa modo homo agit propter finem, ac cætera creature: nec homo ipse semper ut homo in omnibus suis actibus operatur.*
- II. *Actiones humanæ a fine generatim recipiunt, quod morales sint; speciem vero peculiariter ab objecto, quod idem est, ac finis proximus, desumunt.*
- III. *Non eodem modo loqui oportet de fine operum.*

B

riy.

ris, ac de fine operantis.

- IV. Idem numero actus in esse physico multiplex esse potest in esse morali, & e converso.
- V. Hinc eadem volitio physica infici potest pluribus speciebus malitia.
- VI. Qualibet actio humana semper ab aliquo sine speciem depromit sive operis, sive etiam operantis.
- VII. Quamvis non omnes homines in unam, eandemque rem determinatam tendant, tendunt tamen semper in ultimum finem beatitudinis.
- VIII. Est unus, ejusdemque hominis plures ultimi fines esse nequeant, plura tamen bona simul juncta praestituere sibi potest velut ultimum finem.
- IX. Rationalis creatura in hac vita determinata est ad beatitudinem in universali, non autem in particulari.
- X. Cum de fine ultimo absolute sermo est, tum finis, quem vocant cuius gratia, tum quem appellant quo, intelligi debet.
- XI. Errant turpissima tum Epicurei, tum Mubamedani, beatitudinem hominis in voluptatibus sensilibus constituentes.

Reflexio.

CONSECTARIUM PRIMUM.

- I. QUAMQUAM universae Creaturae propter finem operentur, quatenus ab Authore Naturae diriguntur in finem; in hoc homo a ceteris creaturis hujus mundi distinguitur, quod nedum agat propter finem, sed etiam seipsum moveat, & dirigat in finem, & finem cum mediis, & media cum fine conferat. Equidem & homo ipse nonnumquam agit propter finem, quin semet in finem dirigat, cum nempe agit praeter deliberationem, & consensum voluntatis, sive praeter rationem: sed hujusmodi actiones hominis quidem sunt, non tamen humanae, & morales proprie dicuntur, cum non eliciantur ab homine, prout homo est, seu per rationem operante. Multa, inquit S. Thomas

hic art. 1. ad 3. homo agit absque deliberatione, de quibus etiam quandoque nihil cogitat: hujusmodi autem actiones non sunt proprie humanae; quia non procedunt ex deliberatione rationis, quae est proprium principium humanorum actuum; & ideo habent quasi finem imaginatum, non autem per rationem praestitutum: adeoque neque ad ordinem actionum moralium pertinent.

CONSECTARIUM SECUNDUM.

II. Duplex finis alicujus actus distingendus est, proximus scilicet, & remotus. Finis proximus idem est, ac obiectum: & ab hoc speciem particularem recipiunt humani actus. Finis autem remotus speciem non tribuit actibus humanis, sed ordo ad talem finem est circumstantia ipsorum. Porro cum actuum humanorum alii sint a voluntate elicti, alii imperati; proprie loquendo finis obiectum est actus elicti, sive interioris, & ab eo tamquam a proprio obiecto talis actus speciem depromit: actus vero exterioris a voluntate imperati obiectum est materia, circa quam versatur, & ab ea speciem ille sortitur, quatenus est exterior: quatenus vero moralis est, eundem finem habet, atque adeo idem obiectum, quod actus interior voluntatis; ideoque speciem quoque ex fine recipit, quum moralis non sit, nisi ex eo, quod a voluntatis deliberatione procedat, quemadmodum dicemus, cum de specie humanorum actuum sermo erit.

CONSECTARIUM TERTIUM.

III. Ex his sequitur, aliter loquendum esse de Opere, aliter de Operante. Qui enim e. g. furatur, ut mœchetur, magis mœchus est, quam fur, ut docent Philosophi, ac D. Thomas. Siquidem adulterium est primo intentum, magisque mœchanti voluntarium, quam furtum: quandoquidem vult adulterium tamquam finem, quem sibi praefigit, & prop-

& propter quem eligit actionem furti. Verum essentialis, & primaria spec. es operis, quod est furari, ut adulterium committatur, potius est in genere furti, quam a furti, & eaque ex fine, sive objecto proximo desumitur. Quemadmodum qui elemosynam tribuit, ut satisficiat Deo pro peccatis suis, magis iustus est, quam misericors: nihilo tamen fecius actio illa erogandi elemosynam est opus misericordiae potius, quam iustitiae.

CONSECTARIUM QUARTUM.

IV. Idem numero actus in esse physico multiplex esse potest in esse morali: sicut e converso. Ita docet S. Thomas *hic art. 3. ad 3.*, cuidam objectioni respondens his verbis: „Item actus numero, secundum quod semel egreditur ab agente, non ordinatur, nisi ad unum finem proximum, a quo habet speciem: sed potest ordinari ad plures fines remotos, quorum unus est finis alterius. Possibile tamen est, quod unus actus secundum speciem naturae (sive in esse physico) ordinetur ad diversos fines voluntaris: sicut hoc ipsum, quod est occidere hominem, quod est idem secundum speciem naturae, potest ordinari sicut in finem ad conservationem iustitiae, & ad satisfaciendum irae. Et ex hoc erunt diversi actus secundum speciem moris: quia uno modo erit actus virtutis, alio modo erit actus vitii. Non enim motus recipit speciem ab eo, quod est terminus per accidens, sed solum ab eo, quod est terminus per se. Fines autem morales accidunt rei naturali: & e converso ratio naturalis finis accidit morali. Et ideo nihil prohibet, actus, qui sunt idem secundum speciem naturae, esse diversos secundum speciem moris, & e converso“. Haec S. Thomas, qua de re infra fortasse sermo recurret.

CONSECTARIUM QUINTUM.

V. Si quis animo deliberet occidere quemcumque hominem sibi occurrentem, nulla facta personarum distinctione, nedum reus est homicidii, sed etiam sacrilegii: tametsi actio ipsius nullum determinatum finem respicere videatur. Nam in primis homicidium intendit tamquam finem, adeoque coram Deo homicida est. Deinde quia ejus volitio, licet physice una, virtute tamen multiplex est, ac fertur nedum ad laicos, sed etiam ad Clericos; idcirco non est solum homicida, verum etiam sacrilegus; unde hoc in Confessione explicare tenetur, nisi forte ex circumstantiis loci, ac temporis colligi jure possit, non alias respexisse personas, nisi saeculares.

CONSECTARIUM SEXTUM.

VI. Quaelibet actio humana semper ab aliquo fine speciem deponit vel operis, vel operantis. Et quidem speciem primariam, & essentialem recipit tum in genere naturae, tum in genere moris a fine operis, quidem est, ac obiectum. Finis autem operantis, si alius sit a fine operis, tribuit actioni speciem, quae illi juxta primarium suum obiectum consideratur accidentaria est.

CONSECTARIUM SEPTIMUM.

VII. Esti non omnes homines in unam, eandemque rem determinatam tendant, quam pro fine ultimo sibi proponant; omnes tamen tendunt in aliquem ultimum finem, ut minimum scilicet in beatitudinem sub communi boni notione apprehensam. Nam & qui divitias, & qui honores, & qui voluptates, aut alia hujusce mundi bona depereunt, ea felicitatis causa expetunt, ex eisque felices se futuros exilinant, quemadmodum notat ipse Philosophus *lib. 1. Eth. cap. 7.* adeoque tendunt omnes in felicitatem tamquam in ultimum finem.

B 2

CON-

CONSECTARIUM OCTAVUM.

VIII. Unius quidem, ejusdemque hominis plures fines ultimi simul esse non possunt; nihil tamen obstat, quominus sibi quispiam plura bona conjuncta præstituat velut integritatis unum summum bonum, seu unum ultimum finem. Unde, cum S. Thomas *art. 5. sibi objecisset textum S. Augustini lib. 19. de Civ. Dei* dicentis, *quosdam ultimum hominis finem posuisse in quatuor, scilicet in voluptate, in quiete, in bonis nature, et in virtute*; respondet: *Quod omnia illa plura accipiantur in ratione unius boni perfecti ex his constituti ab eis, qui in eis ultimum finem ponebant. Quia videlicet existimabant ea omnia necessaria esse ad constituendum unum bonum perfectum, quod expleret hominis appetitum.*

CONSECTARIUM NONUM.

IX. Rationalis omnis creatura felicitatem indeterminatam, & in universali naturaliter appetit, sicut & ea, que in ipsa felicitate includuntur, ut est cognitio veritatis, aliaque hujusmodi, & circa hoc deficere nequit. Sed in particulari non est determinatus creature voluntatis motus ad querendam felicitatem in hoc, vel illo bono: & sic appetendo felicitatem aliquis peccare potest, si eam querat non in Deo, in quo duntaxat reperitur, sed in aliquo alio creato bono, ubi querere non debet, sicut qui eam querit in voluptatibus. Hoc iisdem ferme verbis ex D. Thoma *q. 24. de Verit. art. 7. ad 6.*, & aliis in locis. Hinc, ut habet hic *art. 7. ad 1. Illi, qui peccant, avertuntur ab eo, in quo vere invenitur ratio ultimi finis, scilicet Deo; non autem ab ipsa ultimi finis intentione, quam falso querunt in aliis rebus.*

CONSECTARIUM DECIMUM.

X. Quamvis distinctio finis communiter a Theologis tradita in finem ejus, qui est ipse

illa, quam per media consequi intendimus, & finem quo, qui est ipsa rei consecutio, sive adeptio, necessario admittenda sit nedum ut vera, sed etiam pluribus difficultatibus amovendis idonea; nihilominus cum loquimur de fine ultimo absolute, utrumque finem complectimur, finem scilicet ejus, seu ejus gratia, & finem quod; neque enim duo sunt simpliciter fines, sed porius duæ quasi partes totalem unum finem constituentes.

CONSECTARIUM UNDECIMUM.

XI. Ex doctrina tradita de Beatitudine constat turpiter errasse, ac errare Epicureos, qui in voluptatibus corporeis, sive sensibus supremam hominis felicitatem constituerunt, atque constituunt: ex quorum persona Salomon dicebat Ecclesiast. 5.: *Hæc itaque visum est mihi bonum, ut comedat (homo), et bibat, et fruatur latitia in labore suo, et hæc est pars illius.* Simulque error excluditur Muhamedanorum, qui fabulantur in prædictis voluptatibus retributionem iustorum positam esse.

REFLEXIO.

Si creature omnes tendunt continenter in finem, quem ipsis supremam naturæ Author præstituit: si nullus alius finis ultimus homini præstitutus est præter Deum O. M. 2 si finem hunc non consequitur homo, nisi Deum cognoscendo, & amando, seque, & omnia sua in illum referendo; nonne cæteriis omnibus creaturis infelicior est homo, qui Deum cognoscere, & amare, seque, & omnia in ipsum referre omni studio, & diligentia non satagit, quin potius creaturis se inferioribus subjiciens in his finem suum constituit, & beatitudinem querit? O rem plane deplorandam! Homo propter Deum conditus, ad æterna natus, tot eximii prærogativis ornatus, rationis, intellectus, ac liberæ voluntatis particeps, dum rationem

rationis ductum non sequitur, dum ad unicum finem suum Deum non aspirat, infra brutorum conditionem deprimitur, comparatur jumentis insipientibus, similis illis factus, & sicut equus, & mulus, quibus non est intellectus, quo ad superiora, suae naturae digna dirigatur. Hujusmodi sane homo, sicut ait Regius Propheta, in vanum accepit animam suam, tor praclaris dotibus praeditam. Vanum siquidem est, ut seite animadvertit S. Thomas q. 9. de malo art. 1., quod non consequitur finem : sicut in vanum sumpsit medicinam, qui non est consecutus sanitatem. Rationalis animus, quemadmodum non habet, nec habere potest pro vero suo ultimo fine, nisi Deum ; ita si ab hoc ultimo fine divertat, & in rebus hujus mundi divagetur, in iisque finem suum, ac felicitatem inquirat ; jam nullum finem affequitur, cujus possessione tranquilla, ac beata vita fruatur : non Deum scilicet, in quo illum haud querit ; sed neque creaturam, in qua frustra querit. Fieri enim non potest, ut cum Augustino loquar in Psal. 31. & lib. 3. Conf., ut res deterius nobis meliores nos faciat, atque felices, ut beatitudinem desideria nostra exsaturantem inveniamus, dum fontem aquae vitae devalinquimus, nobisque sedimus cisternae dissipatae, quae continere non valent aquae, quibus sitis nostra extinguitur : Creatura quippe rationali, cujus est immensa capacitas, ad beatam requiem non sufficit, quidquid Deo minus est.

Igitur, Filii hominum, clamare lubet cum Propheta, eodemque Augustino (in Comment.) usquequo gravi corde, ut ad haec vobis inferiora deprimamini, in iisque beatitudinem vestram requiratis ! Ut quid diligitis vanitatem, & queritis mendacium ? Ut quid vultis beati esse de infimis ? Corda sursum, & appetitiones vestras erigite. Sole veritas facit beator, ex qua vera sunt omnia. Ut quid temporalium rerum amore detinemini, in quibus non nisi vanitatem, & afflictionem spi-

ritus invenietis ? Quid tamquam prima extrema festamini, quod est vanitas, & mendacium ? Vanitas, & mendacium divitum sunt, quibus acquirendis studio, ac labore tam impenso inihiatis. Vanitas, & mendacium humana potentia, gloria honores, ac terrene voluptates, quas tam ardenti desiderio perquiritis. Vanitas, inquam, & vanitas vanitatum haec omnia inferiora bona, quae posseta onerant, non levant appetitum, amata inquinant, non meliores efficiunt, amissa cruciant : temporaria namque sunt, non aeterna : quin nec bona reapse dicenda sunt, sed vera mala, speciosa supplicia, mera mendacia. Assurgite potius animis vestris ad illud summum, sempiternumque bonum, quod duntaxat verum, perfectumque bonum est, totam exprens voluntatis vestrae amplitudinem : ipsum unice querite : in ipso finem ultimum vestrum, & amorem constanter collocare in hac vita, ut beatissima ejus possessione in futura vita aeternum perfrui valeatis.

CAPUT III.

De officiis, sive Actibus hominum voluntariis.

DOCTRINA.

- I. Praeloquium S. Thomae.
- II. Voluntarii definitio, & explicatio.
- III. Voluntarii divisio.
- IV. Quaedam circa voluntarium tacitum adnotantur.
- V. Voluntarii indirecti exaltior discussio.
- VI. Declaratur exemplis, haud semper effectus, qui ex aliqua causa consequuntur, esse indirecte voluntarios.
- VII. Exempla aliqua indirecte voluntarii proponuntur.
- VIII. Regulae quaedam traduntur pro voluntario indirecte dignoscendo. Regula prima : Expendere oportet, quam frequenter effectus ex causa sequatur.

IX.

- IX. Regula secunda :** Quo perniciosior effectus est, eo minus frequenter ex causa sequatur oportet.
- X. Regula tertia :** Qualitas motivi ponendi causam, sive actionem consideranda est, ut cognoscatur, num effectus indirecte sit voluntarius.
- XI. Regula quarta :** Necessè est, ut causa non ponendi actionem iusta sit.
- XII. Regula quinta :** Causa debet esse iusta comparative ad effectum.
- XIII. Regula sexta :** Modus, quo causa in effectum insuit, attendendus.
- XIV. Regula septima :** Quaedam S. Thomae doctrina cum debita cautione accipienda.
- XV. Regula octava :** Etiam effectus mali, qui ex ignorantia, aut infirmitate hominum consequuntur, præcavendi sunt.
- XVI. Regula nona :** Non idem sciendum de malis effectibus, qui sequuntur ex mera hominum malitia.
- XVII. Regula decima :** Etiam tamen in istis causa aliqua rationalis ponendi actionem requiritur.
- XVIII. Regula undecima :** Ne malus effectus indirecte voluntarius sit, ad omne culpabilis, necesse est, ut causa iusta, quae subest, ad actionem ponendam, hic & tunc voluntatem ad agendum inducat.

„ **I. QUONIAM** ad beatitudinem (verba sunt D. Thomae 1. 2. q. 6., quibus officiorum, sive actuum humanorum tractationi præstat) per actus aliquos necesse est pervenire; non equidem (ut ostenderat questionis præcedentis art. 7.) propter insufficientiam divine virtutis beatificantis, sed ut servetur ordo in rebus: oportet consequenter de humanis actibus considerare, ut sciamus, quibus actibus perveniatur ad beatitudinem, vel impediarur beatitudinis via. Sed quia operationes, & actus circa singularia sunt; ideo omnis operativa scientia in particu-

„ lari consideratione persequitur. moralis igitur consideratio, quia est humanorum actuum, primo quidem tradenda est in universali; secundo vero in particulari. ... Circa hoc duo consideranda occurrunt. Primo de conditione humanorum actuum; secundo de distinctione eorum actuum. Cum autem actus humani proprie dicantur, qui sunt voluntarii, eo quod voluntas est rationalis appetitus, qui est proprius hominis, oportet considerare de actibus, in quantum sunt voluntarii. Primo ergo considerandum est de voluntario, & involuntario in communi.

§. I.

Definitio voluntarii, eiusque divisio.

II. Licet plures trahi soleant voluntarii definitiones; quæ tamen colligitur ex D. Thomae Angelico hic art. 1. & 2. communior est, cæterisque omnibus præferenda; nempe *Voluntarium est id, cujus principium est intra eum cognitione finis.*

Hanc definitionem explicat S. Thomas hic art. 1., si-ni-sq-ue probat, voluntarium præse dictum homini convenire, inquit: „ Eorum, quæ a principio intrinseco moventur, quæ iam movent se ipsa, quædam autem non. Cum enim omne agens, seu morum agat, seu moveatur propter finem; illa perfecte moventur a principio intrinseco, in quibus est aliquid intrinsecum principium, non solum ut moventur, sed ut moveantur in finem. At hoc autem, quod fiat aliquid propter finem, requiritur cognitio finis aliquis. Quo leumque igitur sic agit, vel movetur a principio intrinseco, quod habet aliquid quam notitiam finis, habet in se ipsa principium sui actus, non solum ut agit, sed etiam ut agat propter finem. Quod si autem nullam notitiam finis habet,

„ et si

„ etſi in eo ſit principium actionis, vel
 „ motus, non tamen ejus, quod eſt agere,
 „ vel moveri propter finem, eſt principium
 „ in ipſo, ſed in alio, a quo ei imprimi-
 „ tur principium ſue motionis in finem.
 „ Unde hujusmodi non dicuntur movere ſe
 „ ipſa, ſed ab aliis moveri. Quæ veto ha-
 „ bent notitiam finis, dicuntur ſe ipſa mo-
 „ vere, quia in eis eſt principium non ſo-
 „ lum ut agant, ſed etiam ut agant prop-
 „ ter finem. Et ideo cum utrumque ſit ab
 „ intrinſeco principio, ſcilicet quod agunt,
 „ & quod propter finem agunt, horum
 „ motus, & actus dicuntur *voluntarii*. Hoc
 „ autem importat nomen *voluntarii*, quod
 „ motus, & actus ſit a propria inclinatio-
 „ ne Unde cum homo maxime co-
 „ gnoſcat finem ſui operis, & moveat ſe
 „ ipſum, in ejus actibus maxime *volunta-
 „ rium* invenitur “.

Duo itaque ad *voluntarium* neceſſaria ſunt: nempe quod proveniat a principio illi rei, quæ operatur, *intrinſeco*; & quod ex aliqua procedat *ſine cognitione*, adeo ut res, quæ per principium ſibi intrinſecum operatur, finem aliqualem cognoscat, & ex ea cognitione operetur. Unde *voluntaria* dicendæ non ſunt actiones illæ, ſive motiones, quæ ſunt per externum duntaxat principium: quemadmodum nec illæ, quæ ab interno quidem principio eliciuntur, ſed citra finis cognitionem: cujuſmodi ſunt motiones, & operationes omnes rerum ratione, ſenſuque carentium, quæ propterea voluntariæ non ſunt, quum potentia quidem agendi intranea ſit, non autem cognitio finis, ex qua ad agendum ſe moveant.

III. Dividitur voluntarium in *ſpontaneum*, & *liberum*. *Spontaneum* illud eſt, quod ex propria inclinatione procedit, etiamſi ex neceſſitate actio, aut motus voluntatis in illud feratur. Sic amor beatiſſimæ in comuni neceſſarius nobis eſt, ſed ſpontaneus, cum ad illam ex propria naturali inclina-

tionem rationis animus perſeſtatatur. *Libe-
 rum* autem voluntarium eſt, quod quidem cum amore, & inclinatione ſit, ſed cum facultate ad ſuſpenſionem actus, vel etiam ad actus oppoſitos. Priori opponitur neceſſarium ex *coactione*; alteri neceſſarium ex *naturali neceſſitate*.

Secundo dividitur in voluntarium *elicium*, & *imperatum*. Priore modo voluntarii ſunt actus omnes, qui immediate ab ipſa voluntate eliciuntur. Alio modo actus illi, qui eliciuntur quidem ab aliis hominis potentiis, aut facultatibus, ſed ex imperio voluntatis, cui ſerviant, & obſequuntur.

Tertia voluntarii diviſio eſt in *directum*, in quod directe voluntas tendit, & *indirectum*, quod in ſe quidem, & ſecundum ſe non eſt volitum, volitum tamen cenſetur in alio directe intento. De hac diviſione, quæ magni momenti eſt, ac permaxime advertenda, mox ſermo erit.

Quarta tandem diviſio voluntarii eſt in *expreſſum*, & *tacitum*. *Expreſſum* eſt, quod aut verbis exprimitur, aut alio ſigno conſenſum ex inſtituto ſignificante. *Tacitum*, quod ſine hujusmodi ſigno ex aliquo facto, vel facti omiſſione, ſpectatis circumſtantiis, merito colligitur.

§. II.

Quædam adnotantur circa voluntarium tacitum.

IV. Quoad poſtremum voluntarii genus, nempe *tacitum*, celeberrima circumſertur, & in ore omnium eſt Regula illa 43. in 6. *Qui tacet, conſentire videtur*; quæ licet ſæpe vera ſit, ſemper tamen vera non eſt, ſed ſolum quum ex circumſtantiis, ac veriſimi- libus conjeſturis argumentum deſumitur conſenſus alicujus. Nam eodem loco ſequens alia trahitur regula: *Is, qui tacet, non fatetur; ſed nec utique negare videtur*. Unde Theologi, & Canoniſtæ aliqua obſervanda præcipiunt, ut cum fundamentum

consensus alterius ex silentio inferri valeat.

Primo itaque *tacens consentire presumitur*, quod agitur de favore, vel commodo ipsius; ut dum aliquis pro te se iubeat, vel quidpiam tibi donat; si taces, consentire videris: secus autem, dum agitur de ipsius incommodo, aut detrimento; ut si quis puellam interroget, num consentiat in nuptias suis, non ideo consentire presumitur ex eo, quod taceat, nisi signo aliquo, vel facto consensum exprimat.

Secundo: *tacens consentire videtur*, dum negare, & contradicere deberet, ut si reus legitime interrogatus, ac respondere iussus, tacet, fateri presumitur, ut habetur Cap. Si post de Confessione in 6. Similiter Canonicus inique electioni, vel constitutioni in Capitulo non reclamans relate ad peccatum, & pœnam consentire censetur, ut habet Innocent. III. Cap. 1. de his, que sunt a maiori parte Capituli. In re namque grave præjudicium Communitati afferente, silentium in illo, qui loqui teneretur, pro consensu iudicatur.

Tertio: Principis sive temporalis, sive Ecclesiastici scientia, & patientia præsertim diuturna consensus ælimatur, dum facile, & absque scandali, aut alterius mali periculo aliquid a se dependens impedire valeat, nec tamen impedit: secus, si impedire facile nequeat, vel non expediat, nisi opportuno tempore, vel nisi res ad iudicium ipsius deducatur. Quo ex capite non omnia, quæ Summi Pontifices sciunt, ac tolerant, approbare presumuntur. Quoniam, ut habetur C. Cum iam dudum de Præben.: multa per patientiam tolerantur, que si deducta fuerint ad iudicium, exigente iustitia, non deberent tolerari. Sunt etiam variz consuetudines Sacris Canonibus contrarie, quas licet Pontifices tolerant, quia ob multitudinem delinquentium emendare non valent, non ideo censendi sunt approbare. Quæ de re aliqua alijs a se dicta sunt,

Quarto tandem regula illa locum non habet, in quibus iura consensum expressum exigunt, ut notat Glossa in Cap. 15. Qui facit. Itaque generatim loquendo taciturnitas, si administris alijs suffulta non fuerit, neque consensum significat, neque dissentium, ut constat ex allata regula 44. in 6. Is qui tacet, non fatetur; sed nec utique negare videtur.

§. III.

Exaltior voluntarii indirecti discussio.

V. Cum legitima voluntarii indirecti cognitio maxime necessaria sit, ex eaque pendat plurimarum difficultatum solutio, paulo operosius tractanda res est, & nonnullæ regulæ statuendæ, quibus veritas in aperta luce collocetur. Non desunt pures Theologi ex Probabilitatis præsertim, qui licet voce tenus non rejiciant divisionem voluntarii in directum, & indirectum, re ipsa tamen negant, nec aliud nisi primum admittunt, in quorum numero Thomas Sanchez, sive Theologorum Moralium, ut vocant, facile Princeps, extitisse videtur, quem plures alii subinde secuti sunt. At vere Princeps Theologorum S. Thomas eam discretissime addruit pluribus in locis, & in hac etiam q. 6. art. 3., ubi ait: „Voluntarium dicunt, quod est a voluntate. Ab aliquo autem dicitur esse aliquid dupliciter. „Uno modo directè, quod scilicet procedit ab aliquo, in quantum est agens, sicut calefactio a calore. Alio modo indirectè, ex hoc ipso, quod non agit. „Sicur submersio navis dicitur esse a gubernatore, in quantum desinit a gubernando. Deinde magis exponens, quomodo aliquid indirectè sit voluntarium, subdit: „Sciendum, quod non semper id, quod sequitur ad defectum actionis, re ducitur sicut in causam in agens ex eo, quod non agit, sed solum tunc, cum

potest, & deber agere. Si enim gubernator non posset navem dirigere, vel non esset ei commissio gubernatio navis, non imputaretur ei navis submersio, quæ per absentiam gubernatoris contingeret. Quia igitur voluntas volendo, & agendo potest impedire hoc, quod est non velle, & non agere, & aliquando debet, hoc, quod est non velle, & non agere imputatur ei quasi ab ipsa existens.

Hinc cum sibi tertio loco objecisset: *De ratione voluntarii est cognitio: Sed cognitio est per aliquem actum; ergo voluntarium non potest esse absque omni actu; responderet, quod eo modo requiritur ad voluntarium actus cognitio, sicut & actus voluntatis, ut scilicet sit in potestate alicujus considerare, & velle, & agere. Et tunc, sicut non velle, & non agere, cum tempus fuerit, est voluntarium; ita etiam non considerare.*

Ex hac solidissima S. Thomæ doctrina, cui major, meliorque Theologorum pars altero suffragatur, sequitur tria requiri, ut effectus indirecte voluntarius censetur, in causa scilicet sive positiva, sive negativa, ad quam consequatur. Primum est, ut aliquis advertat, vel advertere queat talem effectum ex tali causa sequenturum, vel frequentius sequi.

Alterum: ut quis possit causam illam non ponere, vel positam remove. Si enim in alicujus potestate non sit impedire causam, nec in ipsius quoque potestate est effectum ex ea sequentem impedire; adeoque effectus ipsi moraliter non imputatur.

Tertium est, ut quis actionem illam omittere teneatur, sive causam non ponere, aut positam remove; alioqui effectus permissivè dumtaxat voluntarius reputabitur. Neque enim effectus censetur indirecte voluntarius ex eo, quod quispiam causam illius non impediat, sed ex eo, quod effectum non impedit, cum possit, & debeat, ut patet in exemplo allato a S. Thoma de

Patuzzi Theol. Mor. T. II,

Gubernatore, cui commissio non sit navis gubernatio, & ad impediendum submersionis effectum ex officio suo, vel debito charitatis minime tenetur.

VI. Ut hoc amplius declararetur, hæc regula generalis magno adjumento esse potest: nimirum *dum justa causa suppetit non impediendi effectum ex aliqua actione, aut omissione provenientem, effectus non censetur indirecte voluntarius, atque adeo nec imputabilis ad culpam.* Regula hæc tum ratione, tum exemplis pluribus comprobari valet.

Et quidem in primis S. Thomas 2. 2. q. 64. art. 7. ita docet: *Nihil prohibet unius actus esse duos effectus, quorum alter solum sit in intentione, alius præter intentionem: ideoque voluntariam minime censeri tradit occisionem injusti invasoris propriæ vitæ, si contingat, non intendendo ipsius occisionem, sed propriæ solummodo vitæ defensionem; Quia, subiicit, non est necessarium ad salutem, ut homo actum moderata tutela prætermittat, ad evitandam occisionem alterius: quis plus tenetur homo vitæ suæ providere, quam vitæ alienæ. Illicitam tamen judicat intentionem occidendi hominem, ut etiam semetipsum defendat, nisi ei, qui publica gaudet autoritate. Igitur juxta S. Doctorem, quamquam occisio injusti vitæ invasoris physice sequatur ex propriæ vitæ defensione, quia tamen invaso justa causa subest defensionem suam non prætermittendi, occisio illa non censetur ipsi moraliter voluntaria, si eam directe non intendat.*

2. Neque ipsi Deo voluntaria etiam indirecte censentur peccata, quæ committimus, eo quod causam ipsorum non impedit, voluntatem videlicet per gratiam efficacem adjuvando, ne peccet. Quamquam enim ea impedire valeat, justam tamen habet non impediendi causam ex ordine divinæ suæ providentiæ: ideoque illa solum permittit, quin voluntaria, ne indirecte quidem, ipsi efficiantur.

C.

3.

3. Medicus jure præscribit ægroto portionem, ut ex infirmitate lethali convalescat, quin ægroti debilitatio, quæ ex ipsa portione consequitur, ipsi voluntaria moraliter censetur. Principi quoque justam causam habenti obviandi civitatem, eamque bellicis tormentis oppugnanti, voluntaria ne indirecte quidem moraliter reputatur innocentis occisio cum hostibus fortasse commixti.

4. Neque Medico, neque Chirurgo voluntarii moraliter dicendi sunt concupiscentiæ motus, ac pollutiones (si tamen consensus periculum absit), qui exsurgunt ex aspectu, vel tactu partium secretiorum mulierum, quas curant, quoniam iusta supponitur parces illas aspiciendi, aut tangendi necessitas. Atque ita alia plura exempla in idem afferri possent. Hinc communis Doctorum sententia est, quod licet memorati effectus indirecti voluntarii, adeoque peccaminosi censentur absque iusta necessitate, aut utilitate non impediti; secus tamen est, si iusta causa, aut utilitas subsit. Quamvis enim homo inferiorem appetitum regere, ejusque adversus spiritum rebellionem compefcere debeat; hæc tamen obligatio intra hos terminos continetur, ut inordinatis motibus consensus non præbeat, aut præbendi periculum non impendat, eorumque causas inutiles, minimeque necessarias amoliat. Nec quicumquam muneri suo deesse obstringitur, aut a casuum obfcenorum studio, sive auditio- ne Confessionum abstinere, licet in se prædictos effectus experiatur, voluntate relutante. *Plerumque fit*, inquit S. Greg. Magnus lib. 1. Regist. Epist. 24., *ut dum Religiosis animus tentamenta condescendo recognoscit, auditis tentationibus & ipse pulsatur: quia & hæc eadem, per quam populi multitudo diluitur, aqua procul dubio luti inquinatur. Nam dum sordet diluentium suscipit, quasi sua munditia serenitatem per-*

dit. Sed hæc nequaquam Pastori timenda sunt: quia Deo subtiliter cuncta pensante, tanto facilius a sua eripitur, quanto miseri- cordius ex aliena tentatione fatigatur.

§. IV.

Nonnulla exempla assignantur ad voluntarium indirectum, atque adeo ad peccatum, discernendum idonea.

VII. Quum late pateat in Morali Theologia indirecti voluntarii materies, simpliciusque casus occurrant illam spectantes, idcirco paulo diligentius discutienda est, ac nonnulla rum exempla, tum regulæ tradendæ, quas ad hanc illustrandam, casusque plurimos Airimendos opportuniore exitimo. Er quoad exempla quidem attinet, illud in primis præ oculis semper habendum est, quod nomine voluntarii indirecti illud accipitur, quod tamen in se volitum non sit, volitum tamen est vel tanquam effectus in causa, vel propter connexionem cum directo aut physice, aut moraliter ob circumstantias occurrentes, vel demum quia in prudenti hominum æstimatione volitum censetur. Unde voluntarium indirectum tum virtuale, tum interpretativum voluntarium complectitur. Itaque

Hujusce voluntarii exempla habemus in homicidio, quod indirecte voluntarium æstimatur homini venatori sagittam ejaculanti, aut scelopum explodenti absque debita diligentia præmissa, num feta sit, vel homo illic pertransiens, aut latens.

In scandalo, quod indirecte voluntarium fuit David ob adulterium cum Bethsæba commissum, ac necem Uriæ ipsius cojugis. Quamquam enim scandalum idud directe non intenderit, illud tamen ipsi imputavit Propheta Naran, cum dixit: *Blasphemare facti inimicos Domini*, ut habetur 2. Reg. c. 12. Quemadmodum & Apostolus ad Rom. 9., & 1. ad Corin. 8. de scandal

dalo arguit Christianos cum infirmorum fratrum offendiculo legalia praecepta observantes, vel Idololatria comedentes, etiam si nihil minus intenderent, quam fratrum suorum scandalum, & offendiculum.

In aliis erroribus, aut peccatis, quae indirecte voluntaria reputantur iis, qui non impediunt, cum possint, ac debeant. Ut enim dicitur *Cap. Error distinct. 83. Error, qui non resistitur, approbatur; & veritas, cum minime defenditur* ab iis, quorum interest ex officio, opprimitur. Quam ob causam Confessarii, qui plus aequo indulgentius agunt cum poenitentibus, *levissima quaedam opera pro gravissimis delictis injungendo, peccatorum alienorum participes officii dicuntur a Concilio Tridentino sess. 14. Cap. 8.*

In iuramentis, blasphemis, imprecationibus &c. quae voluntaria censentur assuetis in ea prorumpere, dum ludo vacant, nec tamen a ludo abstinere. Qua in re praestat audire S. Concilium Salsum p. 4. *Introduct. Cap. 6.* ajentem, quandoque nos peccati reos sola tentatione constitui, eo quod eam ipsi nobis accesserimus; v. g. dum scio me lusu ad iracundiam, vel blasphemiam, & novi ad ista me ludendo tentari, toties pecco, quoties ludam, omniumque tentationum, quae in lusu contingunt, reatu aggreor. Similiter si quam conversationem noverim parere mihi tentationem, & lapsus, nec tamen eam conversationem desero, omnium tentationum, quibus in ea impetendus sum, reus indubitanter efficior.

In quacunque peccato mortali, cujus aliquis proxima occasione se exponit, vel in ea persistit, sive illa fuerit occasio per se, & ex sua natura periculosa, sive per accidens, & ex conditione subiecti. Reputatur quippe toties peccatum illud indirecte velle, quoties eam frequentat, vel in ea voluntarie permanet. Atque alia exempla proferri possunt, quae facile considerantibus patebunt.

§. V.

Quaedam regula traduntur pro voluntarie indirecte cognoscendo valde necessaria.

VIII. Effectus aliqui ex nostris sive actionibus, sive omissionibus triplici modo consequi possunt: vel primo scilicet ex mera aliorum malitia absque ullo nostro concursu; ut dum quis scandalum sumit ex actione nostra, quae nullam scandalis occasionem praebet: secundo ex natura actionis, quae nata de se est effectus istius inferre: tertio ex hominum fragilitate, aut ignorantia. Quo posito fit.

REGULA PRIMA.

Ut recte iudicetur, quidnam effectus indirecte voluntarius sit in causa, expendere opus est, num, & quoniam frequenter ex huiusmodi causa sequatur.

Hec regula desumi videtur ex hac S. Thomae doctrina 1. 2. q. 20. art. 5. Si eventus sequens non est praecipitatus, nec per se sequatur ex tali actu, & ut in pluribus, sed per accidens, & ut in paucioribus; tunc eventus sequens non addit ad bonitatem, vel ad malitiam actus. Non enim datur iudicium de re aliqua secundum illud, quod est per accidens; sed solum secundum illud, quod est per se. Hinc si ex certo quodam accumbendi modo nec per se, nec ut in pluribus sequantur motus valde turpes, si aliquando, & per accidens contingant, non ideo illi indirecte voluntarii censentur: quemadmodum nec ita voluntaria censetur pollutio nocturna aliquando consecuta ex immoderato cibo, aut potu; quia per se, & ut in pluribus ea ex tali causa non sequitur.

REGULA SECUNDA.

Quo deterior, & perniciosior est effectus, vel specialis aliquo titulo a tali persona præcavendus, eo minus necesse est, quod frequenter ex aliqua causa sequatur, ut in ea censeatur indirecte voluntarius.

IX. Hæc regula a recta ipsa ratione facit præscribi videtur. Quanto enim deterior effectus est, ac perniciosior, tanto magis est cavendus; adeoque tanto magis ad illum cavendum cavenda est causa ipsius. Quare haud semper necesse est, ut effectus ex tali causa per se sequatur, sive ut in pluribus, aut majori verisimilitudine, ut voluntarius indirecte, sive in causa censeatur; sed interdum sufficit, ut ex ea etiam minus frequenter, vel raro consequatur. Exemplum sit tum in homicidio, tum in abortu foetus animati, quorum iste sequitur ex comestione aliqua, aut potione, sive nimio labore, aut defatigatione corporis: alterum vero ex ebrietate. Abortus quippe gravissimis de causis magno studio, ac sollicitudine præcavendus est, cum foetui mortem tum corporis, tum animæ adferat: & ideo causæ omnes de medio tollendæ, unde etiam haud frequenter, sed tamen aliquando consequitur. Similiter ab ebrietate voluntaria studiose cavendum est nedum propter ejus malitiam, sed etiam propter periculum, licet raro contingens, homicidii: quoniam de re gravissima agitur. Quare S. Thomas de hoc casu verba faciens 3. C. Gen. C. 160. absolute docuit, quod Ebrius ab homicidio non excusatur, quod per ebrietatem committit, quam sua culpa incurrit: quod præcipue de homine rixis dedito intelligere par est.

REGULA TERTIA.

Ex qualitate motivi ponendi actionem aliquam repetenda est ratio voluntarii indirecti in prævo effectus inde consequente.

X. Si enim vel nulla, vel levissima causa sit exercendi actionem aliquam, ex qua sequi, licet raro, pravus effectus soleat, tunc ad culpam, tamquam indirecte volutus, imputatur: Ut ex. c. si quis ad solam ostentationem audaciæ, sive dexterratis suæ ambulet super asserem ex alto loco prominentem, unde præceptus ruetur, & occideretur. Non idem vero dicendum, si quis hanc, similemque actionem exerceat vel ex officio suo, vel ob grave, ac rationabile motivum: ut ex sequenti regula liquet. Sit itaque

REGULA QUARTA.

Iusta causa necessaria est ponendi, sive non prætermittendi actionem aliquam, ut in ea voluntarius non censeatur effectus malus, qui inde consequitur.

XI. Ratio est: quia unusquisque tenetur impedire, ne ex actione sua malus effectus sequatur: unde si non impedit, cum possit, & debeat, effectus ipsi imputatur: nec excusari potest, nisi justam causam habeat, ob quam impedire minime teneatur.

REGULA QUINTA.

Causa ponendi actionem, ex qua sequitur malus effectus, ad hunc comparatur oportet, ne voluntarius indirekte aspietur.

XII. Contingere namque potest, ut suppetat quidem causa alias iusta ponendi actionem, ex qua sequitur malus effectus; sed tamen comparative ad hanc iustam neutiquam sit,

spectata certitudine, aut verisimilitudine futurationis ipsius: tunc enim in hujusmodi circumstantiis ponens actionem in ea censetur interpretative velle effectum. Quare, ut ratio ponendi actionem iusta sit, satis non est, ut talis sit comparative ad effectum minus malum, sed talis debet esse comparative ad magis malum, qui secuturus timetur: cum tanto gravior esse debeat ratio ponendi causam, quanto effectus, qui ex illa sequi potest, deterior est, certiusque, aut verisimilior consequi valet. Unde ceteris paribus gravior causa requiritur, ut ponatur actio, ex qua sequi possit homicidium, vel abortum, quam solius uocurnæ pollutionis.

REGULA SEXTA.

Modus quoque, quo causa, sive actio in effectum insinuat, attente expendendus est.

XIII. Si enim causa, vel actio ex se, & propinque nata sit effectum producere, tanto gravior motivum illam ponendi exigitur, quanto propinquius inducit effectum, aut ad illum inducendum suapte natura tendit, & longe gravior illud motivum sit, oportet, quam si solum per accidens illum inferret. Hæc regula maxime locum habet in moribus, & effectibus libidinosis, qui aliquando ex causis per se in illos influentibus proveniunt: aliquando ex causis, aut actionibus in eisdem influentibus tantummodo per accidens.

REGULA SEPTIMA.

Cum debita cautione, atque limitatione accipienda est doctrina S. Thomæ supra tradita: Quando causa duos habet effectus unum bonum, & alterum malum, poni potest ex intentione solius effectus boni, solum permissive se habendo ad effectum malum.

XIV. Hæc, inquam, doctrina cum debita cautione, suisque limitationibus circumscripta intelligenda est, ne abusus, ac laxitibus occasione præbeat. Limitanda igitur primo est, ut locum non habeat, dum causa sive actio directe, & immediate inspicit, aut inducit effectum malum, & nonnisi indirecte, & mediate, sive medianie illo effectui inserit bonum effectum. In hoc siquidem casu eam actionem ponere nequaquam licet: quoniam non sunt facienda mala, ut eveniant bona, prout ex Apostolo habemus; v. g. mentiri non licet ad salvandam vitam Patris, nec abortum procurare ad vitandam infamiam, aut necem puellæ gravidæ ex fornicatione.

Secundo: quamquam causa, vel actio æque directe, & immediate duplicem effectum habeat, alterum bonum, alterum malum; si tamen nulla sit comparatio bonitatis unius effectus cum pravitatem alterius effectus, hujusmodi actionem ponere non licet; v. g. non licet ignem apponere loco, ubi æque directe exurendus est homo, ac lupus; fumere potionem æque directe causam abortum, ac febris expulsiorem &c.

Tertio: etiamsi causa, sive actio illa æque directe habeat effectum tam bonum, quam malum, & bonitas unius effectus minor non sit, immo major quam pravititas alterius, si tamen actio illa per se mala sit, adeoque prohibita, licitum non est actionem illam ponere ex intentione effectus boni. Neque enim tibi privata autoritate licita est projectio tui ipsius in ignem, vel puteum, unde emergere nequeas, ad baptizandum puerum, alias sine baptismate moriturum, vel ad salvandum virginis stromem. Cum enim projectio illa sit tui ipsius occisio a Deo vetita præcepto illo: *Non occides*, absque divina autoritate nunquam licet. Unde a peccato excusari nequeunt, nec excusant Ecclesiæ Pa-

trea



tres quasdam sanctas mulieres, quæ ut intactam pudicitiam suam conservarent, sese in ignem, aut flumen projecerunt, ut invaiores effugerent, nisi quia Divini Spiritus peculiari instinctu id peregrisse crediderunt.

REGULA OCTAVA.

Non minus effectus, qui per se consequuntur ex actione nostra, quam qui ex ignorantia, vel infirmitate hominum derivantur, indirecte voliti censentur, nisi caveantur.

XV. Eadem quippe videtur esse ratio de effectibus per se ex actione consequentibus, & consequentibus ex hominum infirmitate, aut ignorantia, si verisimiliter sequi præsumantur. Hinc sacra Eloquia vehementer inculcant, ut pusillorum scandalum præcaveamus, poenaeque gravissimas comminamur iis, per quos huiusmodi scandalum venit: quemadmodum dicturi sumus, cum de scandalo agemus. Hinc etiam ab Apostolo iubemur, ut alienis infirmitatibus compatiamur, & alter alterius onera portemus, quod Legem Christi adimpleamus.

REGULA NONA.

Malus effectus, qui sequuntur ex aliorum malitia, non censentur indirecte voliti, si actionem ponendi subsit causa rationalis.

XVI. Scandalum hoc pharisaicum appellatur, quod contemnendum Dominus docet Matth. c. 15. Quum enim Discipuli Christo dixissent: *Scis, quis Pharisei audito verbo hoc scandalizati sunt*, Divinus Magister respondit: *Sinite illos: cæci sunt*; quasi diceret, ejusmodi scandalum pro nihilo habendum. Atque idem docet S. Thomas Patres secutus, sicut in loco dicemus de hac, alisque id genus questionibus.

REGULA DECIMA.

Ne malus effectus, qui ex actione nostra consequitur, etiam ob alienam malitiam indirecte voluntarius, atque culpabilis reputetur, requiritur causa rationalis non prætermittendi actionum.

XVII. Qui culm absque necessitate, aut iusta utilitate quidpiam agit, ex quo prævideretur proximus accepturus occasionem spiritualis ruinae, ipsum quodammodo tentat, & saltem interoretative ad malum inducit. Hinc D. Thomas 2. 2. q. 97. art. 1. de tentatione D-i loquens, quod æque tentationi hominis applicari valet, hæc docet: *Tentare contingit dupliciter . . . quandoque quidem expresse, puta cum quis disto, vel falso intulit experimentum sumere de aliquo. Quandoque vero interpretative, quando scilicet, etsi hoc non intendat, ut experimentum sumat; id tamen agit, vel dicit, quod ad nihil aliud videtur ordinabile, nisi ad experimentum sumendum. Sic ergo . . . quasi interpretative Deum tentat, qui etsi non intendit experimentum de Deo sumere; aliquid tamen petit, vel facit, quod ad nihil aliud est utile, nisi ad probandum Dei potentiam, vel bonitatem, vel cognitionem. Ex hac ergo S. Thomæ doctrina colligitur, quod aliquis agere absque iusta causa cum prævisio periculo peccati proximi ex malitia sua secururi, nihil aliud sit, nisi experimentum sumere de malitia proximi: quod circa culpam fieri nequit.*

Atque ex hac regula infert S. Doctor, causam justam requiri, puta indigentiam, ut quis licite mutuum petat ab eo, qui non nisi sub usura daturus cognoscitur. Sic etiam, ex Augustino Episc. 54. docet, privatæ personæ illicitam esse petitionem juramenti ab eo, qui cognoscitur pejeraturus, ut habet ibidem, & q. 98. art. 4. ubi tamen addit, id licite personæ publicæ, non

non alia plane de causa, nisi quia in publica Persona occurrit iusta petendi ratio, ut nempe officio suo satisfaciatur, ac partijuramentum secundum juris ordinem postulanti.

REGULA UNDECIMA.

Causa iusta ponendi actionem, ex qua malus effectus sequitur, aut praevidetur, ne imputetur ad culpam, talis sit oportet, ut hic & nunc voluntatem ad agendum inducat.

XVIII. Si namque voluntas ex causa illa ad agendum non inducatur, sed ex alio motivo, quod minime sufficiat, iusta illa causa agentem a culpa non excusabit, nec impedit, quin malus effectus ipsi imputetur tamquam indirecte, sive interpretative voluntarius. Exemplo res clara fiet. Iusta causa Principi subesse potest ad bellum indicendum; ab hac tamen non movetur, sed potius ab ira, vel odio, aut simili alio pravo motivo, eaque utitur solum tamquam prae-textu, aut velamine pravæ suæ voluntatis exequendæ. Mali tunc, qui ex bello consequuntur, effectus ipsi imputantur ad culpam tamquam indirecte voliti. Non enim iusta causa, quæ adesse præsumitur, ipsum magis movet ad indicendum bellum, ac si non existeret. Quamobrem S. Thomas 2. 2. q. 40. ad iustitiam belli cum S. Augustino nedum requirit auctoritatem Principis, & iustam causam, sed etiam rectam intentionem, qua Princeps ad illud moveatur. Et Cardinalis Bellarminus lib. 3. de Laicis asp. 15. sapienter monet, peccare graviter tam Reges, quam milites, qui ad gerendum bellum hic & nunc non ex iusta causa permoventur, sed vel ex odio, ut alicui noceant, vel ex imperii sui fines dilatandi libidine, vel ut bellicam fortitudinem suam ostendant &c. De his, aliisque casibus, in quibus voluntarium indirectum locum habet, plura dicentur in locis suis, prout rerum tractatio postulerit.

CAPUT IV.

CONSECTARIA PRÆCEDENTIS DOCTRINÆ.

- I. *Voluntarium presse dictum in brutis non invenitur.*
- II. *Voluntarium cum libero confundi minime debet.*
- III. *Ad omissionem voluntariam exigitur aliquis actus, saltem qui causa sit, aut occasio illius. Textus S. Thomæ proponitur.*
- IV. *Distinguenda est omisso voluntaria a culpabili: sicut etiam omisso ab omissionis effectu.*
- V. *Præpositura consecutia ab aliquibus illata ex quadam S. Thomæ doctrina.*
- VI. *Cujusdam Auctoris sententia veluti plus aequo rigidior repudiata.*
- VII. *Circa concupiscentiam motus impediendi obligationem, discernere oportet inter causas, & causas eorumdem.*
- VIII. *Voluntarii indirecte repugnandi sunt, dum causas illorum ponimus absque iusto, & rationabili motivo.*
- IX. *Indirecte voluntaria censeri Medico, aut Chirurgo debet mori infirmi sibi commissi, dum contingit ex illorum negligentia in eo curando.*
- X. *Idem afferendum de damnis clienti obvenientibus ex ignorantia Advocati, vel Judicis.*
- XI. *Idem quoque de lapsu in priora peccata, qui contingit penitenti, si subicere venienti remediis a prudenti Confessario præscriptis.*
- XII. *Peccatum mortale vult indirecte, qui illud committendi proxima se occasione committit.*
- XIII. *Pregnantes mulieres speciali obligatione tenentur ad ea præcavenda, ob quæ abortus periculum impendit.*
- XIV. *Aliena ebrietas sæpe tamquam indirecte voluntaria Cauponibus imputatur.*
- XV. *Falsa existimanda est quorundam opinio band*

habet majorem malitiam effectui indirecto volito tribuendum, quam quae convenit causae.

XVI. *Ad alium virtutis voluntarium indirectum minus sufficit.*

Reflexio.

CONSECTARIUM PRIMUM.

I. **VOLUNTARIUM** in propria, & perfecta voluntarii ratione non invenitur in brutis. Ita S. Thom. *hic q. 6. art. 2.* Et ratio est, quoniam in his non reperitur perfecta cognitio finis, quae ad voluntarium pressè dictum requiritur. Ad hanc quippe finis cognitionem satis non est, quod utcumque apprehendantur res, quae finis est, sed etiam cognoscatue ratio finis, & proportio eorum, quae ordinantur ad finem: quod soli rationali creaturae competit. Apprehendunt itaque bruta finem, sed rationem finis non cognoscunt, nec mediorem cum fine proportionem. Atque hoc inter cetera unum ex praecipuis discrimen est inter hominem, & bruta animalia; quod elegantissime exponit Marcus Tullius lib. 1. de Officiis cap. 4. inquit: „ Inter hominem, & bellum hoc maxime interest, quod haec tantum, quantum sensu movetur, ad id solum, quod adest, quodque praesens est, se accommodat, paulum a modum sentiens praeteritum, aut futurum. Homo autem, quantum rationis est particeps, consequentia cernit, principia, & causas rerum videt, earumque progressus, & quae antecessiones non ignorat, similitudines comparat, & quasi rebus praesentibus adjungit, atque annexis futuras: facile totius vitae cursum videt, ad eumque regendum praeparat res necessarias &c.“

CONSECTARIUM SECONDOM.

II. Voluntarium cum libero confundendum non est. Nam orane quidem liberum

voluntarium esse necessum est: sed non e contra omne voluntarium liberum est. Amor siquidem nostrae beatitudinis in communi cerre voluntarius est; neque tamen liber est: Deus pariter indubie se voluntarie diligit; & tamen hujusmodi actus ipsi necessarius est, cum nullo modo possit se ipsum non diligere. Non desunt quidem aliqui Theologi, qui negant rationem perfecti voluntarii a nobis beatifico Comprehensorum: sed perperam. Cur enim ratio perfecti voluntarii huius a nobis desgetur, cum a principio maxime intrinsecò procedat, & a perfectissima finis cognitione? Quod ad voluntarii definitionem requiritur satisque est.

CONSECTARIUM TERTIUM.

III. Actus aliquis ad voluntarium & culpabilem omissionem exigitur, adeo ut, subdito omni voluntatis actu, omnisio voluntaria nequaquam sit. Magna questio haec inter Theologos animorum contentione agitur: at quoniam ea nihil refert ad institutum nostrum, quum omnes ferme conveniant re ipsa, moraliter loquendo, omissionem non esse absque omni actu voluntariam, propterea satis duco, hic exscribere luculentissimam S. Thomae doctrinam, quam, recensita utraque sententia, tradit 1. 2. q. 71. art. 5. his verbis: „ Utraque opinio secundum aliquam veritatem habet. Si enim intelligatur in peccato omissionis illud solum, quod per se pertinet ad rationem peccati, sic quandoque omissionis peccatum est cum actu interiori, ut cum aliquis vult non ire ad Ecclesiam: quantoque vero absque omni actu vel interiori, vel exteriori: sicut cum aliquis hora, qua tenetur ire ad Ecclesiam, nihil ergitur de cundo, vel non cundo ad Ecclesiam.“

„ Si vero in peccato omissionis intelligantur etiam causae, vel occasiones omis-

„ ten-

„tendi; sic necesse est in peccato omisso-
 „nis aliquem actum esse. Non enim est
 „peccatum omissionis, nisi cum aliquis
 „prætermittit, quod potest facere, & non
 „facere. Quod autem aliquis declinet ad
 „non faciendum illud, quod potest face-
 „re, & non facere, non est nisi ex aliqua
 „causa, vel occasione conjuncta, vel præ-
 „cedente. Et si quidem causa illa non
 „sit in potestate hominis, omisso non ha-
 „bet rationem peccati: sicut cum aliquis
 „propter infirmitatem prætermittit ad Ec-
 „clesiam ire. Si vero causa, vel occasio
 „omittendi subjaceat voluntati, omisso
 „habet rationem peccati: & tunc semper
 „oportet, quod ista causa in quantum est
 „voluntaria, habeat aliquem actum ad
 „minus interiorem voluntatis: qui quidem
 „actus quandoque directe fertur in ipsam
 „omissionem: puta cum aliquis vult non
 „ire ad Ecclesiam, vitans laborem. Et
 „tunc talis actus per se pertinet ad omis-
 „sionem: voluntas enim cuiuscumque pec-
 „cati per se pertinet ad peccatum illud,
 „eo quod voluntarium est de ratione pec-
 „cati. Quandoque autem actus voluntatis
 „directe fertur in aliud, per quod homo
 „impeditur ab actu debito: sive illud, in
 „quod fertur voluntas, sit conjunctum
 „omissioni, puta cum aliquis vult ludere,
 „quando ad Ecclesiam deberet ire; sive
 „etiam sit præcedens, puta cum aliquis
 „vult diu vigilare de sero, ex quo sequi-
 „tur, quod non vadat hora matutinali ad
 „Ecclesiam. Et tunc actus iste interior,
 „vel exterior *per accidens* se habet ad omis-
 „sionem: quia omisso sequitur præter in-
 „tentionem. Hoc autem dicimus *per ac-
 „cidents* esse, quod est præter intentionem.
 „Unde manifestum est, quod tunc pecca-
 „tum omissionis habet quidem aliquem
 „actum conjunctum, vel præcedentem,
 „qui tamen *per accidens* se habet ad pec-
 „catum omissionis. Atque hæc perspi-

Patuzzi Theol. Mor. T. II.

„cua, ac solida S. Thomæ doctrina de hac
 „questione sufficiat, missis Theologorum tri-
 „cis, & rixis. Illud solum animadvertendum
 „censeo, quod, cum postea subjicit S. Doctor,
 „judicium de rebus fieri ex eo, quod est *per
 „se*, adeoque dici posse, quod aliquod peccatum
 „possit esse absque omni actu; non ex hoc ex-
 „cludit ab omissione culpabili omnem alium
 „actum, qui sit causa, vel occasio illius,
 „cum discrete assermet adesse semper in omis-
 „sione culpabili saltem *per accidens* aliquem
 „actum, a quo tamen judicium ferri non
 „debet de ipsa omissione, prout in se est
 „considerata.

CONSECTARIUM QUARTUM.

IV. Quapropter accurate discernere opor-
 „tet inter omissionem *voluntariam*, & omis-
 „sionem *culpabilem*: quemadmodum & inter
 „omissionem, & omissionis effectum. Habetur
 „enim omisso *voluntaria*, quæ tamen *culpabi-
 „lis* non est; veluti cum quis sciens, ac vo-
 „lens omittit aliquid, quod agere quidem
 „potest, sed ad agendum non tenetur neque
 „ex iustitia, neque ex charitate, neque ex
 „alia quacunque obligatione. Pariter habet-
 „tur quandoque omisso voluntaria, quin ef-
 „fectus illam consequens voluntarius sit, nec
 „ad culpam imputeretur: Ex. c. si quis videns
 „duos homines rixantes inter se, evaginato
 „gladio, quos eadem separare posset, at
 „nonnisi cum gravi suæ vitæ periculo, ob
 „quod nullo jure ad eos separandos obstrin-
 „gitur, ac interim alicujus mors, aut per-
 „cussio sequatur; mors illa, sive percussio est
 „tamquam voluntaria non imputatur ad cul-
 „pam ex eo, quod illos separare omiserit.
 „Siquidem cum gravi illo vitæ suæ periculo
 „non tenebatur. Atque in hoc sensu volun-
 „tarii imputabilis ad culpam intelliguntur
 „regula traditæ de voluntario *indirecto*.

CONSECTARIUM QUINTUM.

V. Perperam inferunt quidam Theologi
 D

ex S. Thomæ doctrina supra tradita, *Regula septima*, licitam esse projectionem pueri, alias sine baptisate morituri, in puteum, unde emergere nequeat, non ad suam quidem occidendi, sed tantum ipsum baptizandi: quod confirmant exemplo Principis hostilem turrim obsessam deficientis, licet æquo ditecte innocentium occisio sequatur, quam tamen non intendit. Hæc sententia probanda non est: quoniam projectio illa infantis in puteum vera occisio illius est, quæ privata autoritate, ut docet ipse S. Doctor, nunquam licet, utpote natura sua mala. Nec quidquam evincit paritas ex dejectione turris deducta: hæc enim fit, ut supponimus, publica autoritate Principis bellum iuste gerentis. Ex iusto autem bello, quod ob commune bonum licitum esse nullus dubitat, & Sacre ipsæ Litteræ docent, incommoda illa consequi solent, ut nedum hostes, sed & aliquando innocentes opprimantur.

CONSECTARIUM SEXTUM.

VI. Plus æquo rigidior videtur sententia *P. Irenæi a S. Jacobo*, non permittentis auditionem Confessionum Sacerdoti, nisi spes probabilis affulgeat, quod pollutio per Dei gratiam secutura non sit, quamvis absit consensus periculum; idque confirmantis exemplo illius, qui certo peccaret sumens vinum venenatum, quamvis nolit mortem inde secuturam. Plus æquo, inquam, rigidior est hæc sententia. Arctius namque teneor abstinere ab actione occisiva mei ipsius ex se, & natura sua prohibita, quam a quibusdam actionibus pollutionem citra periculum consensus inferentibus, quas prætermittere solum obligamur, dum nec iusta utilitas, nec necessitas eas requirit: alias nec Chirurgus liceret curare foeminam certo morituram in partibus secretioribus, dum ejusdem effectus involuntarii periculum immineret.

CONSECTARIUM SEPTIMUM.

VII. Non ergo tenemur concupiscentiæ motus involuntarios impedire, dummodo absit consensus periculum, & juxta causa suppetat non impediendi. Qua tamen in re caute nos gerere debemus, & cum Doctoribus discernere inter causas, & causas illorum motuum. Aliæ namque sunt causæ *per se* & *propinque* excitativæ, quæ in hoc corruptæ naturæ statu eam habent turpitudinis speciem, ut *per se* ad luxuriam pertineant, nisi propriæ, vel aliæ necessitatis titulo honestentur, ut aspectus, vel tactus partium inhonestarum præsertim alterius sexus. Aliæ vero sunt causæ *remotæ*, quæ nempe non eam præferunt turpitudinis speciem, sed vel ex se honestæ sunt, ut audire Confessiones, vel indifferentes, ut cibis vesci calidioribus in communi usu apponi solitis. Si de prioribus causis sermo sit, tanto gravior debet esse necessitas eas non prætermittendi, quanto graviore concupiscentiæ motus natus sunt excitare: unde lethaliter peccat Chirurgus absque gravi necessitate tangens, aut aspiciens secretiora mulierum. Si autem de posterioribus, Theologi frequentius docent sufficere utilitatem, ut eas a novere non teneamur, modo nec motus illos queramus, nec eis, dum exsurgunt, consensum præbeamus. Perfecti tamen castitatis amatorum consulto cum aliquo sui incommodo ab iis actionibus abstinent, quoties necessariæ non sunt, ut effectus illos devitent. Sed de his alibi fustus.

CONSECTARIUM OCTAVUM.

VIII. Voluntaria *indirecte*, adeoque peccatum exitimanda est sive pollutio, sive alii libidinosi motus in iis omnibus, qui absque iusta causa deliberate volvant animo venereas cogitationes, vel libros legunt de obscœniis tractantes; vel turpes picturas meditate aspiciunt, vel cum personis con-

ver-

versantur, ex quarum incultu, & familiaritate carnales in se motus, & periculum pollutionis experiuntur. Cum enim iusta causa abesse supponatur, eos virtualiter, sive indirecte velle merito censetur.

CONSECTARIUM NONUM.

IX. *Indirecte* voluntaria censetur Medico, vel Chirurgo mors infirmi vel corpore laesi, si morbum, vel vulnus sibi ad curam commissum ea, qua par est, diligentia, ac sedulitate curare negligant, unde mors illius consequatur: quemadmodum & ipsi infirmo voluntaria *indirecte* mors est, si necessarii Medici præscriptionibus saltem communiora remedia præscribentibus parere detestat.

CONSECTARIUM DECIMUM.

X. Idem dicendum de damnis temporalibus, quæ Clienti obveniunt, ex ignorantia, aut negligentia Advocati, vel Judicis: sicut etiam de damnis spiritualibus obvenientibus poenitenti, aut parochiano ex ignorantia, vel negligentia Confessarii, vel Parochi.

CONSECTARIUM UNDECIMUM.

XI. Item quoque asserendum de relapsu in priora peccata, qui indirecte voluntarius poenitenti est, renuenti se subicere salutariis remediis, quæ ipsi præscribuntur a prudenti Confessario, qui ea tamquam omnino necessaria putat ad relapsum devitandum: quæ proinde respuere, aut non exequi est relapsus ipsum, saltem *indirecte* velle; vanaque contentia est non relabendi pollicitatio, quam facit, quamdiu remedia illa adhibere contemnit: quia tametsi relapsus expresse nolit, illum tamen *ineffectu* vult, & virtualiter, aut interpretative eligit.

CONSECTARIUM DUODECIMUM.

XII. Non minus *indirecte* peccatum quod-

libet mortale vult, qui ejus committendi proxime occasione se exponit, aut in ea permanet, sive occasio illa fuerit *per se* inductiva peccati, sive *per accidens*. Censetur enim peccatum illud toties *indirecte* velle, quoties eam frequentat, sicut etiam voluntarie in peccato ipso permanere, dum in proxima peccandi occasione voluntarie permanet. Hinc etiam peccatum satis velle æstimatur, qui consuetudinem jurandi, aut blasphemandi non conatur excindere; ea namque ipsi proxime relabendi occasio est.

CONSECTARIUM DECIMUMTERTIUM.

XIII. Prægnantes mulieres speciali obligatione adstringuntur peculiarem adhibendi curam, atque studium, ut caveant tum a nimis corporis laboribus, tum a gravibus animi perturbationibus, quæ periculum abortus creare valeant. Summum quippe malum, sive damnatio sempiterna animæ fœtui ex abortu consequitur, quod præcavere tenentur, ac nisi præcaveant, dum facile possunt, ipsis imputatur ad culpam.

CONSECTARIUM DECIMUMQUARTUM.

XIV. Aliena ebrietas *indirecte* voluntaria dicenda est Cauponibus, qui sine gravi detrimento recusare valentes, vinum ministrant iis, quos ebriati proximos cernunt, atque adeo inebriandos prævident. In his enim circumstantiis vinum ministrare, actio est natura sua tendens ad ipsorum ebrietatem. Unde tunc meminisse debent Apostoli ad Rom. 14. dicentis: *Si esca scandalizat fratrem meum, non manducabo carnes in æternum*; atque inde colligant quoque ipsi, atque dicant: *Si vinum scandalizat fratrem meum, non promam illud in æternum*. Nec refert, quod ex recusato vino prævideant inimicitias, rixas, blasphemias: hæc enim, utpote ad scandalum pharisaicum pertinentia, negligere debent, ut de scandalo agentes dicturi sumus. Hic solum addendum.

dum arbitror, quod si in communi plurium consortis pauci quidem inveniantur ebrietati proximi: alii vero multi vinum sumere valeant, quin ebrietatis periculum impendeat, his vinum petentibus promere, ac ministrare. Cauponibus licet, quamvis hi cæteris propinaturi sint. Quum enim iusta causa suppetat præbendi vinum, nonnisi permissive se habent ad malitiam eorum, qui inebriandis vinum propinant.

CONSECTARIUM DECIMUMQUINTUM.

XV. Falsa absolute existimanda est quorundam neotericorum opinio, qui ajunt, prævum effectum *indirecte*, sive *in causa* duntaxat voluntarium, solum esse culpabilem *in causa*, nec majorem culpam contrahere, quam quæ convenit causæ: unde docent, pollutionem ex. g. in causa, sive in aliqua, quam ponit, actione prævisam, in eaque sola, non in se voluntariam, venialiter tantum esse malam, si causa, vel actio in genere luxuriz sit de se solum veniale peccatum. Contraria quippe sententia satis aperta, ac verosimilior videtur. Satis namque est, ut effectus voluntarius sit, ut eam malitiam contrahat, quæ ipsius propria est. Porro licet indirecte sit volutus, voluntarius tamen est; adeoque id sufficit, ut, dum ex se graviter malus est, gravem quoque culpæ reatum incurrat, qui causam, aut actionem ponit, ex qua ille consequitur. Hinc ex communis Doctorum sententia actus impudici, quos conjugati inter se exercent solius voluptatis causa, grave peccatum reputantur, dum pollutio inde fecutura prævidetur: quamquam alias nonnisi peccatum veniale forent; nec pollutio sit ab ipsis per se intenta, sive directe voluta, sed solummodo indirecte.

CONSECTARIUM DECIMUMSEXTUM.

XVI. Tametsi ad peccandum sufficiat voluntarium *indirectum*, ad actum tamen

virtutis *directum* requiritur; quod perinde est, ac asserere necesse esse, ut actio nostra honestatem contrahat alicujus virtutis, quod honestas illa in se, & propter se intendatur ab operante, & causa sit, quæ hic & nunc ad operandum moveat, aut inducat. Rationem hujus discriminis tradit S. Thomas 1. 2. q. 71. art. 1. respondens ad primam objectionem hoc pacto: „Dicens, quod plura requiruntur ad bonum, quam ad malum, eo quod bonum contingit ex tota integra causa: malum autem ex singularibus defectibus. Et ideo peccatum potest contingere, sive aliquis faciat, quod non debet, sive non faciendo, quod debet. Sed meritum (idem dicitur de actu virtutis) non potest esse, nisi aliquis faciat voluntarie, quod debet. Et ideo meritum non potest esse sine actu (directe voluntario): sed peccatum potest esse absque actu eo modo, quo dictum fuit. Id clarius supra docuerat q. 19. art. 7. ad 3. his verbis: *Malum contingit ex singularibus defectibus: bonum autem ex tota, & integra causa. Unde, sive voluntas sit ejus, quod est secundum se malum, & sub ratione boni; sive sit boni, & sub ratione mali, semper voluntas erit mala. Sed ad hoc, quod sit voluntas bona, requiritur, quod sit boni sub ratione boni; id est quod velit bonum, & propter bonum.*

REFLEXIO.

Voluntarie sacrificabo tibi, ajebat olim Propheta Regius alloquens Deum: quod & alio in loco expressit dicens: *Holocausla medullata offeram tibi*: ex intimis scilicet medullis cordis, & voluntatis profecta. Hæc etenim sola sacrificia probare Deum, & ad æternam felicitatem assequendam idonea esse, probe perspexerat, atque menti persuasum habebat. Enimvero, ut ex D. Thoma prænotavimus, ex ordine a Divina Sa-

Sapientia mortalibus constituto, opera bona, Deoque placita necessaria sunt, ut ad beatitudinem, quæ in Dei possessione consistit, demum perveniamus. Verum hæc neque Deo placere, nec ad beatitudinem perducere hominem possunt, nisi voluntaria sint, sive nisi ex plena, atque perfecta voluntate prodeant. Primum namque bonorum operum, atque æternæ felicitatis organum, ac instrumentum *bona voluntas* est; ideoque, nascente Domino, qui cælum ob peccatum Protoperantis nostri clausum referat venerat, *pax hominibus bonæ voluntatis* denunciatur: quemadmodum certa ad prava opera, & ad sempiternam miseriam via mala voluntate sternitur, & complanatur. *Sola quippe voluntas*, ut habet S. Augustinus, *miser quippe efficitur*; licet *miserior* subinde evadat *potestate qua desiderium mala voluntatis pravis operibus adimpletur*.

Quanto igitur studio, quanta animi vigilantia satagamus, oportet, ut bona in primis sit voluntas nostra, quæ & grata Deo est, & utilis nobis, simulque facilis omnibus! *Grata* quidem primum Deo est: quidquid enim veraciter, atque sincere volumus, etiam si illud exequi minime valeamus, pro facto ipso computat Deus, nimirum, ut ait idem S. Doctor: *Deus cor quarit: cor inspicit intus: cordis tistis est, iudex, approbator, coronator*. Sufficit, ut *offerat voluntatem*. Cum *potes*, consistere ad salutem: cum *non potes*, corde crede ad iustitiam, corde laudas, corde benedici, corde in ara conscientie victimas sacras imponis. Et respondetur tibi: *pax in terra hominibus bonæ voluntatis*.

Utilis nobis *bona voluntas* est, qua appetimus recte, honesteque vivere, & ad summam sapientiam, Deique in omnibus voluntatem implendam pervenire. Siquidem, ut docent Augustinus idem, & S. Bernardus, cum voluntas nihil liberum habeat,

nisi seipsam (ad alia quippe violenter impelli potest), merito non iudicatur, nisi ex se ipsa. Nec tardum ingenium, ut cum piissimo Authore loquar, nec labilis memoria, nec inquietus appetitus, nec vita languens, nec corpus egrotans, nec penuria rerum fontem per se constituunt hominem, sicut nec contraria innocentem: quia præter voluntatem posse provenire probantur. Sola bona voluntas fecunda est, ac ditissima illa auri fodina, unde solidi thesauri eruntur: ac veluti lapis ille a pluribus, sed frustra-neo labore quæsitus, metalla in aurum convertens, mala ipsa in bonum transmutans, tristitia in gaudium transformans, pauperatatem locupletans, vilitatem nobilitans, infamiam illustrans, & , ut recte scripsit Philosophus Moralis Epist. 72. *valentior fortuna est voluntas: in utramque partem ipsa res suas ducens, beataque, ac misera vite sibi causa est*.

Postremo nedum *grata* Deo, nedum *utilis* bona voluntas est, sed *facilis* etiam, & absque labore comparabilis. Si quidem, ut ait S. Augustinus, *dilige, & fac, quod vis: nihil tam facile bonæ voluntati, quam ipsa sibi*; & hoc sufficit Deo. Voluntatem non impediunt carceres, non alligant vincula, non domant dominantes tyranni: libera semper est, maximeque si spiritu ducitur; quoniam ubi spiritus, ibi libertas. Hinc sciscitanti cuipiam, quid ad sanctitatem compendio acquirendam facto opus esset, S. Thomas respondit: *Bona voluntas exigitur, & sufficit: bona, inquam, voluntas, non velleitas; sed voluntas sincera, fortis, & efficax, saltem quantum in se est, adeo ut dum facultas non deest, in opus prodeat, nec in folis desideria inefficacibus sisat*. Quæ enim fœgnis, languida, otiosa est, non *bona*, sed *mala* potius voluntas nuncupari debet.

CAPUT V.

De Causis Involuntariis.

DOCTRINA.

- I. *Quaedam de involuntario premittuntur.*
- II. *De prima involuntarii causa scilicet violenta. Voluntas non in alioquin a se elicitis, sed imperatis duntaxat violentiam pati potest.*
- III. *Violentia simpliciter, & absolute talis involuntarium causat.*
- IV. *De altera involuntarii causa, nempe metu. Distinctio metus exposita.*
- V. *Quae sunt ex metu, mixta sunt cu voluntario, & involuntario. Doctrina explicatio.*
- VI. *In iis, quae sumpsit natura prava sunt, nullus metus excusatur.*
- VII. *Validi sunt contractus ex metu initi, solo naturae iure spectato.*
- VIII. *Contractus metu extorti, ac iuramento firmati servandi sunt.*
- IX. *Etiam iure positivo validi sunt contractus ex metu celebrati, iis exceptis, quos ius idem irritos statuit, aut declaravit.*
- X. *Contractus per metum gravem iniuste iactum extorti, iuramento non firmati, rescindi probabiliter possunt in foro conscientiae.*
- XI. *Contractus non nisi ex levi metu celebrati validi sunt tum attento iure naturali, tum etiam positivo.*
- XII. *De tertia causa involuntarii, scilicet concupiscentia. Quid hic concupiscentia nomine intelligendum veniat.*
- XIII. *Duplicem concupiscentiam distinguere oportet, antecedentem, & consequentem. De hac questio nulla.*
- XIV. *Concupiscentia potius facit voluntarium, quam causet involuntarium.*
- XV. *In hoc, de quo agimus, argumento voluntarium cum libero confundendum non est.*
- XVI. *Concupiscentia antecedens culpa ratio-*

nem diminuit: consequens autem potius aggravat.

- XVII. *De quarta involuntarii causa, scilicet ignorantia. Qua ratione involuntarium causetur. Triplex ignorantia divisio recolenda.*
- XVIII. *Ignorantia consequens, quaecumque esset, nunquam excusat involuntarium.*
- XIX. *Istud duntaxat causatur ab ignorantia antecedente.*
- XX. *Ignorantia eo modo, quo causatur, vel non causatur involuntarium, causatur etiam, vel non causatur peccatum. Doctrina Sancti Thomae proposita.*

I. INVOLUNTARIUM dupliciter sumi potest; proprie scilicet, ac minus proprie. Proprie illud involuntarium est, quod est contra inclinationem voluntatis: minus proprie, quod cum non voluntario confunditur. Quemadmodum vero voluntarium aliud est plene, ac simpliciter voluntarium, quod nempe voluntas absolute, & efficaciter vult; aliud semiplene, & secundum quid, quod voluntas equidem vult, sed inefficaciter: ita quoque involuntarium aliud est plene, ac simpliciter tale; illud utique, cui voluntas plene, efficaciterque resistit; aliud semiplene, & secundum quid solum involuntarium, cui voluntas non absolute, & efficaciter resistit, sed aliquatenus duntaxat, & imperfecte. Quatuor porro involuntarii, sive plene, sive semiplene sumpti assignantur a Doctoribus S. Thomae secutus causas; nimirum violentia, metus, concupiscentia, & ignorantia, de quibus nonnulla dicenda.

§. I.

De prima causa involuntarii, nempe violentia.

II. Advertendum in primis est, duo actuum voluntatis genera distinguere oportere cum Sancto Thoma: alii namque sunt ab ipsa voluntate elicti, quae scilicet ab ipsa

vo-

voluntate eliciuntur, quique ad ipsum *vell* reducuntur; alii a voluntate *imperati*, & mediis aliis facultatibus exerciti, ut ambulare, loqui, &c. qui a voluntate quidem imperantur, sed mediante alia potentia exercentur. Quoad igitur actus *elicitos* pertinet, *violentiam* pati voluntas minime potest: cujus ea ratio est, inquit S. Thomas hic art. 2. : „ Quia actus voluntatis nihil „ est aliud, quam inclinatio quaedam pro- „ cedens ab interiori principio cognoscente: „ sicut appetitus naturalis est quaedam in- „ clinatio ab interiori principio, & sine „ cognitione. Quod autem est coactus, „ vel violentum, est ab exteriori principio. „ Unde contra rationem ipsius actus volun- „ tatis est, quod sit coactus, vel violentus: „ sicut etiam est contra rationem naturalis „ inclinationis vel motus lapidis, quod „ feratur sursum; potest enim lapis per „ violentiam ferri sursum: sed quod iste „ motus violentus sit ex ejus naturali in- „ clinatione, esse non potest: Similiter etiam „ potest homo per violentiam trahi: sed „ quod hoc sit ex ejus voluntate, repu- „ gnat rationi violentiæ “. Totum hoc paucis verbis expressit S. Augustinus *lib. 3. de lib. arbitr. c. 3.* inquit: *Fieri non potest, ut, dum volumus, non velimus.*

Verum si loquamur de actibus a voluntate *imperatis*, in iis voluntatem pati posse violentiam admittendum omnino est. Siquidem, cum hujusmodi actus eliciantur, & exercentur per aliquam potentiam a voluntate disinctam, ea potentia, sive facultas per aliquod agens externum ab his actibus impediri valet etiam tunc, cum voluntas illes imperat: imo & per violentiam compelli potest aliquos exercere, quos voluntas exercere nolit; veluti si voluntas progressionem imperet, pedes per externam vim detineantur, ne progredi queant: aut si manum movere nolit, aut quicquam audire, ab exteriori agente manus moveatur,

aut impediatur, ne aures obstruere valeat. Quibus in casibus recte dicitur ipsum hominem cogi, aut violentiam pati. His positus.

III. Doctrina est S. Thomæ ab omnibus recepta violentiam, quæ simpliciter, & absolute talis est, causare *involuntarium*. Dico, quæ simpliciter & absolute violentia est, juxta *violentiam* definitionem ab Aristotele traditam; nimirum *violentum est id, cujus principium est extra, nihil conferens eo, qui cogitur*, nimirum nihil cooperante, sed renitente potius, ac repugnante. Hanc assercionem probat S. Doctor art. 5. ea ratione; quod *violentia directe opponitur voluntario, sicut etiam & naturali. Commune est enim voluntario, & naturali, quod utraque sit a principio intrinseco: violentum autem est a principio extrinseco. Et propter hoc, sicut in rebus, quæ cognitione carent, violentia aliquid facit contra naturam; ita in rebus cognoscentibus facit aliquid esse contra voluntatem. Quod autem est contra naturam, dicitur esse innaturale: & similiter quod est contra voluntatem, dicitur esse involuntarium: unde violentia involuntarium causat.*

Illud duntaxat hic semper animadvertere oportet, quod ex definitione *violentie* præmissimus; nempe ut violentia actum involuntarium efficiat, debeat esse *absoluta*, & *simpliciter* talis, reluctante omni cuncta voluntate, adeo ut etiam quoad licet, facultates exteriores omnino impediatur, ne ad actionem, ad quam cogitur, ullo modo concurrat. Quapropter si quis alterius manu alium percuteret, negative illo se habente, & non efficaciter repugnante, non ideo ea percussio violenta foret, sed voluntaria dicenda esset. Qua etiam de causa, tametsi more, ac tormentis illata Christo, ejusque SS. Martyribus, *violenta* dici possint, ex parte agentium, sive tyrannorum inspecta, quatenus ab extrinseco principio proveniebant, & erant contra hominibus insitam naturam inclinationem, *viol-*

violenta tamen dici sequuntur relate ad Christum, ejusque Martyres: quoniam illa voluntarie passi sunt, prout ex D. Thoma colligitur hic ad 1. scribente: *Voluntarium potest aliquid dici dupliciter: uno modo secundum actionem, puta cum aliquis vult aliquid agere: & alio modo secundum passionem, scilicet cum aliquis vult pati ab alio. Unde, cum alio infertur ab aliquo exteriori, manente in eo, qui patitur, voluntate patientis, non est simpliciter violentum; quia licet ille, qui patitur, non conferat agendo, confert tamen volendo pati. Unde non potest dici involuntarium.*

§. II.

De secunda causa involuntarii, nempe metu.

IV. *Metus* communiter desiniri solet, *instantis, vel futuri periculi mentis trepidatio*. Frequentior divisio illius est in *levem, & gravem*; sive, ut alii vocant, *justum*. *Levis* dicitur, quo vel leve malum timetur, aut grave quidem, sed ex causa levi, & improbabili. *Gravis*, qui etiam vocatur *cadens in virum constantem*; seu qui prudentem, & fortem virum movet, aut movere valet, quo ex causa satis probabili grave malum timetur, ac describi consuevit: *Cursa, aut verisimili expectatio ingentis mali*, uti est mors, membrorum mutilatio, carcer, damnatio ad triremes, bonorum proscriptio, & id genus alia. Ingens malum *relative* etiam dicitur ad personas, quæ metu percelluntur. Contingit enim malum aliquod apprehensum, quod respectu viri leve est, grave sit respectu mulieris, vel adulescentis.

Utique metu dupliciter se habere potest ad actionem, vel passionem, *concomitantur* scilicet, & *causaliter*. Concomitantur se habet, quando non est causa movens ad actionem, vel passionem, sed mere eam

comitatur, & tunc actio quidem fieri dicitur *cum metu*, sed non *ex metu*: veluti, cum quis interroganti Judici crimen capitale facetur, ob quod mors imminet; confesso illa fit cum metu mortis, at non ex metu mortis, sed ex debito veritatis sincere fatendi: *causaliter* vero metu se habet, cum est causa movens, aut excitans voluntatem ad aliquid agendum, vel patientium, ut cum quis ex metu naufragii merces in mare projicit, vel latroni jugulum districto gladio petenti pecuniam tribuit. His præstitutis

V. Doctrina certa S. Thomæ, ac Theologorum est, ea, quæ ex metu sunt sive *levi*, sive *gravi*, mixta esse ex voluntario, & involuntario; sive esse *voluntaria simpliciter*, & *involuntaria secundum quid*. Audiamus S. Doctorem præclare rem hanc dispicientem, atque probantem *art. 6.* his verbis: „Hujusmodi, quæ per metum aguntur, mixta sunt ex voluntario, & involuntario. Id enim, quod per metum agitur, in se consideratum non est voluntarium: sed sit voluntarium in casu, scilicet ad vitandum malum, quod timetur. Sed si quis recte consideret, magis sunt hujusmodi voluntaria, quam involuntaria. Sed enim voluntaria simpliciter: involuntaria autem secundum quid. Unumquodque enim simpliciter esse dicitur, secundum quod est in actu: secundum autem quod est in sola apprehensione, non est simpliciter, sed secundum quid. Hoc autem, quod per actum agitur, secundum hoc est in actu, secundum quod sit. Cum enim actus in singularibus sit: singulare autem in quantum hujusmodi, est hinc & nunc; secundum hoc id, quod sit, est in actu, secundum quod est hic & nunc, & sub aliis conditionibus individualibus. Sic autem hoc, quod sit per metum, est voluntarium, in quantum scilicet in hoc casu hic & nunc: prout scilicet in hoc casu

est

est impedimentum majoris mali, quod timebatur; sicut projectio mercium in mare sit *voluntarium* tempore tempestatis, propter timorem periculi: unde manifestum est: quod *simpliciter* voluntarium est: unde & competit ei ratio voluntarii; quia principium ejus est intra. Sed quod accipitur id, quod sit per metum, ut extra hunc casum existens, prout repugnat voluntati, hoc non est, nisi secundum rationem tantum. Et ideo est involuntarium *secundum quid*, idest prout consideratur extra hunc casum existens.

Illustrari hæc doctrina potest ratione, & exemplo a D. Bernardo producto lib. de grat. & lib. arbitr. c. 12.: Quia, inquit, velle plene convincimur quod non fieret, si nollemus. Cogebatur (sive metu mortis urgebatur) Christianus negare Christum, & negavit quidem dolens: non tamen, nisi volens. Volebat nimirum vitare gladium ferventis: atque illa talis voluntas intus præsidens os aperiebat, non gladius, qui foris apparebat.

Verum, ut difficultates in hac materia, si quæ sunt, penitus eliquentur, quasdam majoris claritatis ergo regulas apponere præstat.

REGULA PRIMA.

Nullus metus, quantumvis gratia, excusat a peccato in iis, quæ sunt natura sua, & intrinsece mala.

VI. Evidens hæc regula est; neque enim metus, quantumvis gravis, & gravissimus, ita excusare a peccato potest; quasi opus, quod sit ex metu, vi illius destinat esse malum, quod ex natura sua, & intrinsece malum est, ut patet. Sed neque illud excusare valet ob defectum voluntarii, quod ad culpam contrahendam requiritur; nam ea, quæ ex metu fiunt, *simpliciter*

esse *voluntaria* probatum fuerit, Unde ex nullo capite metus gravis absolute excusat a peccato in iis, quæ natura sua prava sunt. Negandum tamen non est, quod culpæ rationem saltem imminuat, eoque amplius, quo gravior metus est: eo modo, quo diminuit ipsum voluntarium, non ita tamen, ut ex lethali veniale peccatum efficiat. Unde semper mortaliter peccant, qui gravissimorum etiam tormentorum metu vel fidem Christianam abnegant, vel perjurium, aut aliud simile peccatum perpetrant.

Si vero de iis sermo sit, quæ non sunt natura sua mala, sed tantum positiva lege prohibita, metus gravis interdum excusat a culpa, interdum non excusat; adeo ut actio ex metu facta lethalis culpa non sit, quemadmodum in Tractatu de Legibus dictum est.

REGULA SECUNDA.

Spēctato solo jure natura contractus metu gravi initi validi sunt.

VII. Siquidem nihil est in jure naturæ, quod hujusmodi contractus irritos, aut invalidos reddat. Quid enim est vi hujusce juris, quod eos irritet, aut nullos efficiat? Num defectus consensus voluntarii? Sed jam ostensum est, ea quæ ex metu sunt, esse *simpliciter voluntaria*. Num forte quia injuria illata contrahenti ex metu valorem contractui adimat? Sed hoc falsum esse satis constat, tum quia injuria non est immediata causa contractus, sed contrahentium consensus: tum quia, licet illata injuria sit causa sufficiens, ut consensus semel datus revocari queat, atque ita irritari contractus, sufficiens tamen non videtur, ut contractum ipso jure invalidum reddat.

REGULA TERTIA.

Si contractus juramento firmati sunt, quamvis metu extorti, ad eos servandos tenentur.

VIII. Equidem in hac regula minime conveniunt omnes Theologi: at amplectendam censeo D. Thomæ doctrinam, quam diserte tradit 2. 2. q. 89. art. 7. ad 2. dicens: „In juramento, quod quis coactus fecit, duplex est obligatio. Una quidem, qua obligatur homini, cui aliquid promittit: & talis obligatio tollitur per coactionem: quia ille, qui vim intulit, hoc meretur, ut ei promissum non servetur. Alia autem est obligatio, qua quis Deo obligatur, ut impleat, quod per nomen ejus promissit: & talis obligatio non tollitur in foro conscientiae; quia magis debet damnum temporale subire, quam juramentum violare. Potest tamen repetere in judicio, quod solvit, vel Prælato denunciare, non obstat, quod contrarium juravit: quia tale juramentum vergeret in deteriorem exitum: esset enim contra justitiam publicam.“ Hanc quoque doctrinam non minus diserte tradit q. 98. art. 3. ad 1. his verbis: „Coactio non aufert juramento promissorio vim obligandi respectu ejus, quod licite fieri potest. Et ideo si aliquis non impleat, quod coactus juravit, nihilominus perjurium incurrit, & mortaliter peccat. . . . Quod autem dicitur, quod tales non sunt puniendi, tamquam pro mortali crimine, non hoc ideo dicitur, quia non peccent mortaliter: sed quia poena eis minor imputatur.“ Quoties igitur res juramento promissa licita, & honesta est, ut si latroni mortem minitantur jurjurando pecuniam commitas, in quo nihil pravi continetur, ob reverentiam debitam divino no-

mini servandum juramentum est, nisi tamen ab habente potestatem obligatio relaxetur. Unde, ut observat in iisdem locis S. Doctor, Romani Pontifices ab hujusmodi juramentis absolvent, non quasi decernentes hujusmodi juramenta non esse obligatoria, sed quasi hujusmodi obligationem ex justa causa relaxantes.

REGULA QUARTA.

Jure etiam positivo validi sunt contractus per metum gravem injuste extorti, & juramento non firmati, iis exceptis, qui vel per Ecclesiam, vel per legem civilem irritati sunt.

IX. Neque enim de contractibus in communi quidquam definivere leges tum Ecclesiasticæ, tum Civiles, sed de aliquibus duntaxat particularibus, quos exceptos voluerunt: quæ exceptio firmat potius regulam in contrarium. Porro contractus a positivo jure irritati, hi sunt: primo contractus matrimoniales, juramento etiam firmati, cum per metum gravem injuste incussum extorquerentur, ut habetur Cap. Significavit. De eo qui duxit, C. Cum locum, Cap. Veniens tit. de Sponsal.

2. Promissio dotis, & similiter solutio per metum extorta. Ita namque dispositum est l. 4. digesti. tit. 2. Lege: Si mulier: Si dos promissa sit, non puta nasci obligationem: quia est verissimum nec talem promissionem dotis ullam esse.

3. Vota, & votorum solemnes professiones.

4. Bonorum Ecclesiasticorum promissiones, vel traditiones. Cum enim Clerici non sint horumce bonorum domini, sed dispensatores, alienare ea minime possunt, nisi cum solemnitatibus in jure expressis Cap. Sine exceptione, in q. 2., & in Extravag. Ambitiosa de reb. Eccles. non alienandis. Hæ autem solemnitates non adhi-

adhibentur, quando vel traditiones, vel promissiones per metum iniuste extorqueantur.

5. Absolutio, vel revocatio excommunicationis, suspensionis, aut interdicti per vim, vel metum extorta. Quod enim ea absolutio nullius roboris sit, constat ex Cap. *Absolutionis*, tit. his, quæ vi. in 6.

6. *Authoritas* quoque Tutorum extorta per metum nulla declaratur, ut ex leg. 1. tit. de *Authorit.*

7. Demum, aliis fortasse omissis, invalida est jurisdictio, quam partes litigantes Judici conferunt, cui alias subiecti non sunt, si eam ipse per metum extorqueat, ut ex leg. 2. tit. de *Jud. lib. 5. ff. Vide*, quæ de irritante lege alibi diximus.

REGULA QUINTA.

Valde probabile est, eos contractus juramento non firmatos, qui per metum iniuste incussum extorqueantur, posse, quoad forum conscientia, rescindi, & revocari ab eo, qui injuriam passus est.

X. Huic opinioni suffragari videtur S. Thomas autoritate supra allata ex q. 89. art. 7. 2. 2., cum docet, quod obligatio, qua quis obligatur homini, cui aliquid promittit, tollitur per coactionem: quia illa, qui vim intulit, hoc meretur, ut ei promissum non servetur, rescindendo scilicet, & revocando illud. Ex qua ratio potest regulæ promitti: quoniam qui per metum iniuste incussum quidpiam ab alio extorsit, huic injuriam fecit, adeoque tenetur hunc in statum pristinum restituere: & qui eam injuriam passus est, jus habet restitutionem illam exigendi. Hinc est, quod Alexander III. Cap. *Abbas* tit. de *his, quæ vi*, ait: *Quæ metu, & vi sunt, de jure debent in irritum revocari.* Et Innocentius III. cap. *Ad audientiam*: *Quæ vi, metusve causa sunt, carere debent robore firmitatis.* Quæ-

propter emptiones, venditiones, transactiones, concessionem, promissiones, donationes, contractus per metum gravem, seu cadentem in virum constantem extorci possunt hujusmodi contractu quidpiam consecutus est, tenetur in conscientia restituere, etiam si non ipse, sed alius metum iniecerit.

REGULA SEXTA.

Contractus nonnulli ex levi metu celebrati tum jure natura, tum positive validi sunt.

XI. Hec regula clara est: nam qui ex metu absolute, & respectivo levi aliquid agit, se habet, ac reputatur veluti qui omnimode in actionem consentit; ac ulterius nulla lex nedum naturalis, sed nec positiva est, quæ talem contractum rescindat, aut irritum declaret. Nam omnes positivæ leges semper loquuntur de metu gravi, qui etiam *justus* appellatur, & cadens in virum constantem. Illud solum adnotant Doctores, quod si metus ille, tametsi levis, per injuriam fuerit ad contractum extorquendum incussum, potest qui injuriam passus est, illum in foro conscientia rescindere; ac restitui debet, quidquid hæc pacti obtinuit sit: tum quia quæ per injuriam extorqueantur, sunt obnoxia restitutioni: tum quia qui talem metum est passus, iniuste privatus fuit sua libertate. Excipitur tamen votum, quod validum est, licet ex metu levi factum; sicut etiam Matrimonium, de quo alibi dicendum erit.

§. III.

De tertia causa involuntarii, nempe concupiscentia.

XII. Nominem concupiscentia hic intelligitur

ur motus, five passio appetitus sensitivi, quo ad aliquid prosequendum inclinamur; atque hoc sensu concupiscentiam hic accipere S. Thomam constat ex articulo septimo hujus *quest.* 6. ad 1. Quum enim sibi objecisset, *concupiscentiam causare involuntarium*, eo quod sicut metus passio quædam est *involuntarium* quodammodo causans, ita et *concupiscentia*; approbans hanc partem, disparitatem assignat, quod concupiscentia respicit bonum voluntari consonum: timor autem est de malo, quod *secundum se contrariatur voluntati*: unde magis se habet timor ad *causandum involuntarium*, quam concupiscentia. Quod autem sub concupiscentia eam passionem non comprehendat, qua avocamur, & impedimur a boni prosecutione, cuiusmodi est timor, ex articulo precedente satis liquet. Quare definitio concupiscentiæ prout hic sumitur, hæc esse potest; scilicet

Concupiscentia est motus, five passio appetitus sensitivus, exclusa tristitia, & dolore circa malum.

XIII. Duplex est huiusmodi concupiscentia, alia *antecedens*, alia *consequens*: quæ distinctio eruitur ex D. Thoma *q. 77. art. 6.* ubi utramque designat, & explicat inquit: „*Passio est motus appetitus sensitivus*“, *vi.* Appetitus autem sensitivus potest se „habere ad liberum arbitrium & antecedenter, & consequenter. *Antecedenter* quidem, secundum quod passio appetitus sensitivi trahit, & inclinat rationem, vel voluntatem. *Consequenter* autem, secundum quod motus superiorum virium, si sint vehementes, redundant in inferiores. Non enim potest voluntas intense moveri in aliquid, quin excitetur aliqua passio in appetitu sensitivo“.

Nulla questio est de concupiscentia consequente, an sit *causa involuntarii*. Mani-

festum quippe est, hanc *involuntarium* causare non posse, cum actionem consequatur, solumque tamquam signum vehementiam voluntatis ostendit in exercenda actione. Unde, ut ait ibidem S. Præceptor, *non diminuit peccatum, sed magis augeat, vel potius est signum magnitudinis ejus, in quantum scilicet demonstrat intensiorem voluntatis ad actum peccati*. Superest igitur, ut solum de concupiscentia antecedente loquamur.

XIV. De hac concupiscentia S. Thomas decernit, quod hæc *non causat involuntarium, sed magis facit aliquid voluntarium*. Dicitur enim aliquid voluntarium ex eo, quod voluntas in id *hæret*. Per concupiscentiam autem voluntas inclinatur ad volendum id, quod concupiscit. Et ideo concupiscentia magis facit ad hoc, quod aliquid sit voluntarium, quam quod sit involuntarium: videlicet concupiscentia, cum passio sit inclinativa voluntatis, ex propria ratione magis habet, quod causet voluntarium, quam quod causet involuntarium. Atque in hoc diversitas metus a concupiscentia relucet. Nam in eo, qui operatur ex metu, manet voluntatis repugnantia relate ad illud, quod agit secundum se consideratum adeo, ut tunc etiam, cum agit, illud ipsum nolit spectatum secundum se ipsum. At vero in eo, qui operatur ex concupiscentia, haud manet repugnantia ad rem, quam agit: quoniam non manet prior voluntas, quæ rem illam repudiabat, sed illa mutatur, ut modo velit, quod prius nolebat. *Incontinent concupiscentia*, subdit S. Doctor ad 2. *agit contra id, quod prius proponebat, non autem contra hoc, quod nunc vult. Sed similiter agit contra id, quod etiam nunc secundum se vult*.

XV. Confundendum tamen non est voluntarium cum libero: sua quippe in hoc, de quo agimus, inter utrumque diversitas est. Nam voluntarium situm est in inclinatione voluntatis cum cognitione finis, ad-

adeoque quæ major inclinatio est, eo voluntarium est inenſus. Verum si hoc voluntarium conſideretur ut liberum, cum libertas iudicii indifferentiam exigat, concupiſcentia antecedens, maximo si vehemens sit, obſcurare hocce iudicium poteſt, ac ſolet, adeoque diminueret libertatem, ſicque malitiam. Hanc doctrinam pluribus in locis tradit S. Thomas, ex quibus unum ſeligo ex q. 3. de malo art. 2. ubi ait : *Meritum, & demeritum in electione conſiſtit ex ratione præcedente. Paſſio autem obnubilat, vel etiam ligat iudicium rationis. Quanto autem iudicium rationis fuerit purius, tanto electio eſt perſpicacior ad merendum, vel demerendum. Unde qui inducitur ad bene faciendum ex iudicio rationis, laudabilis operatur, quam qui inducitur ad hoc idem ex ſola animi paſſione: Hic enim errare poteſt indebite miſerando. Concupiſcentia igitur, ſive paſſio minuit voluntarium, quatenus liberum eſt; auget vero, quatenus naturale.*

XVI. Hæc vero recolenda diſtinctio eſt ſupra tradita ex q. 77. art. 6., ubi poſtquam S. Doctor concupiſcentiam, ſive paſſionem diviſit in antecedentem, & conſequentem, ita pergit : „ Si accipiat paſſio, ſic, ſecundum quod præcedit actum peccati, ſic neceſſe eſt, quod diminuat peccatum. Actus enim in tantum eſt peccatum, in quantum eſt voluntarium (ſive liberum, ut aures dixerat), & in nobis exiſtens. Eſſe autem aliquid in nobis dicitur per rationem, & voluntatem. Unde quanto ratio, & voluntas ex ſe ſtius, quid agunt, non ex impulſu paſſionis, magis eſt voluntarium, & in nobis exiſtens. Et ſecundum hoc paſſio minuit peccatum, in quantum minuit voluntarium. Nimirum cum peccatum eſſentialiter conſiſtat in actu liberi arbitrii, eo, cæteris, paribus, majus, vel minus eſt, quæ eſt magis, vel minus liberam. Paſſio

autem antecedens minuit rationem libertatis : antecedens quippe ea dicitur, quæ præcedit motum rationis, & voluntatis, eamque trahit, vel inclinat in obiectum regulis morum diſſentaneum. Quod autem ratio, & voluntas operantur ex impulſu paſſionis, non eſt adeo liberum, ſicut illud, quod agunt omnino ex ſeipſis, abſque paſſione obnubilante rationem, & impellente voluntatem.

Sequitur ſubinde S. Præceptor, & ait : *Paſſio autem conſequens non diminuit peccatum, ſed magis auget, vel potius eſt ſignum magnitudinis ejus, in quantum ſcilicet demonſtrat intentionem voluntatis ad actum peccati. Et ſic verum eſt, quod quanto aliquis majori libidine peccat, tanto magis peccat : ſive paſſio conſequens ſequitur motum liberæ voluntatis, quemadmodum aliquis cupiens ultionem capere de inimico ſuo, ſponte aſſumit, atque excitat iram, ut tanto vehementius agat; vel libidinem ſuam explere deſiderans, turpiores in ſe motus accendit, aut pulchriorem mulierem ſeligit, ut illam ardentius explcat. Huiusmodi concupiſcentiæ, ſut paſſiones a voluntate ipſa excitatæ magis peccatum augent, ſut porius ſignis ſunt magnitudinis ejus : quia vel augent voluntarium, & liberum, vel motum indicant voluntatis vehementioris, aut propenſioris in obiectum peccati ſui.*

§. IV.

De quarta involuntarii cauſa, videlicet ignorantia.

XVII. De ignorantia plura a nobis alibi dicta ſunt, quæ hic repetere non eſt opus. Quædam tamen animadvertam, ut D. Thomas, quam hic tradit, doctrinam, quoad præſens argumentum attinet, exponamus. Primum itaque ſapienter notat S. Præceptor, quod *ignorantia non habet cauſare involuntarium, niſi ea ratio, quæ privat cogniti-*

tionem, quæ præexigitur ad voluntarium: non tamen qualibet ignorantia cognitionem privat. Ignorantia nimirum est privatio scientiæ, aut cognitionis: voluntarium autem necessario cognitionem importat: adeoque consequens est, ignorantiam ea ratione causare involuntarium, quæ tollit eam cognitionem; quæ ad voluntarium præexigitur. Quandoquidem vero non omnis ignorantia eam tollit cognitionem; idcirco non omnis ignorantia involuntarium causat.

XVIII. Quenam igitur est ignorantia, quæ tollit cognitionem ad voluntarium requisitam, atque adeo involuntarium causat? Triplicem ille ignorantiam distinguit concomitantem, consequentem, & antecedentem. *Concomitans* est, quæ ita operi, quod agitur, est conjuncta, ut etiam si abesset, & cognitio haberetur, actio fieret. Hæc neque opus efficit voluntarium, neque involuntarium; sed tale relinquit, quale ceteroqui futurum erat: quia nec inducit ad volendum, nec ad non volendum, sed per accidens se habet sive ad actum voluntatis, sive ad opus, quod agitur, ut patet in vibrante sagittam in feram, & occidente inimicum, quem tamen occideret, si ibi delitescere novisset. Ignorantia *consequens* ea dicitur, quæ iudicium rationis, ac motum voluntatis consequitur, & a libera voluntate procedit, unde & *voluntaria* appellari solet. Hinc S. Thomas dividit in voluntariam *directæ*, & *indirectæ*. *Directæ voluntaria* est, in quam voluntas *directæ* fertur: sicut cum aliquis vult ignorare, sive ut excusationem habeat peccati sui, sive ut ab opere non retrahatur. *Indirectæ voluntaria* ignorantia est, quoties est aliquis actu non eligat ignorare, nescit tamen id, quod scire potest, ac tenetur. *Hoc modo*, inquit hic S. Thomas, *dicitur ignorantia, sive cum aliquis actu non considerat, quod considerare potest, ac debet, quæ est ignorantia male electionis vel ex passione, vel ex habitu proveniens;*

sive cum aliquis notitiam, quam debet habere, non curat acquirere. Antecedens demum ignorantia vocatur, quæ voluntatis consensum, aut motum omnino antecedit, adeo ut nullo modo sit voluntaria nec directæ, nec indirectæ, & tamen est homini causa volendi, quod alias non veller: sicut cum aliquis homo, verba sunt S. Thomæ, *ignorat aliquam circumstantiam actus, quam non tenebatur scire: et ex hoc aliquid agit, quod non faceret, si sciret: puta cum aliquis, diligentia adhibita, nesciens aliquem transire per viam, projicit sagittam, quæ interficit transeuntem.*

XIX. Ut igitur de proposita questione quidpiam asseramus, ignorantia *consequens* (nam de *concomitante* jam diximus), quæcumque ea sit, sive affectata, sive non affectata, sive malæ electionis, aut crassa, & supina, causare non potest involuntarium simpliciter. Quoniam illud simpliciter voluntarium est, quod consideratis omnibus hic & nunc, aliquis vitare potuisset, ac debuisset. Porro opus, quod ex huiusmodi ignorantia proficiscitur, omnibus diligenter inspectis, vitare poterat, ac debebat, nec tamen vitavit is, qui illud peragit, adeoque ipsi simpliciter voluntarium est.

Solum itaque superest, ut ea ignorantia, quæ involuntarium simpliciter causat, sit ignorantia *antecedens*. Siquidem si adesset cognitio, vel scientia huic ignorantie opposita, ipsa impediret effectum: ac proinde ignorantia, quæ talem scientiam, aut cognitionem removeret, est causa illius effectus, causa, inquam, eo modo, quo removens prohibens causa vocari solet.

XX. Juxta doctrinam, quam hic tradit S. Doctor de ignorantia concomitante, consequente, & antecedente relate ad voluntarium, & involuntarium, questione subinde 76. hujus 1. 2. p. determinat ea, quæ ignorantiam ipsam spectant, prout causa, vel non causa peccati est. Neque enim ullum peccatum est, quod non sit

volunt-

voluntarium, & actio omnis, quæ simpliciter est involuntaria, nullum peccati reatum incurrit. Itaque *art. 1.* constituit, ignorantiam posse esse causam actus peccati, quatenus removet *scientiam perfectam rationem, qua prohibet actum peccati, in quantum dirigit actus humanos*. Quia in re pulcherrima est, quam subiecit, observatio, nec eam præterire lubet. Sic itaque scribit:

„ Considerandum est autem, quod ratio
„ secundum duplicem scientiam est huma-
„ norum actuum directiva: scilicet secun-
„ dum scientiam *universalem*, & *particularem*. Conferens enim de agendis utitur
„ quodam syllogismo, cujus conclusio est
„ iudicium, seu electio, vel operatio.
„ Actiones autem in singularibus sunt.
„ Unde conclusio syllogismi operativi est
„ singularis: singularis autem propositio
„ non concluditur ex universalis, nisi me-
„ diante aliqua propositione singulari: sicut
„ homo prohibetur ab actu parricidii per
„ hoc, quod scit Patrem non esse occiden-
„ dum, & per hoc, quod scit, hunc esse
„ Patrem. Utriusque ergo ignorantia potest
„ causare parricidii actum, scilicet & uni-
„ versalis principii, quod est quædam regula
„ rationis, & singularis circumstantiæ. Un-
„ de patet, quod non quilibet ignorantia
„ peccantis est causa peccati, sed illa
„ tantum, quæ tollit scientiam prohiben-
„ tem actum peccati. Unde si voluntas
„ alicujus esset sic disposita, quod non
„ prohiberetur ab actu parricidii, etiam si
„ Patrem agnosceret, ignorantia Patris
„ non est huic causa peccati, sed conco-
„ mitanter se habet ad peccatum: & ideo
„ talis non peccat propter ignorantiam,
„ sed peccat ignorans “.

Quemadmodum autem metus licet *involuntarium* quadantenus causet, quia tamen *simpliciter* voluntarius est actus ex illo sequens; ita de ignorantia consequente dicendum est: idque ex duobus contingere

docet S. Thomas *art. 3.*: „ Uno modo ex
„ parte rei ipsius ignorantie. In tantum
„ enim ignorantia excusat a peccato, in
„ quantum ignoratur aliquid esse pecca-
„ tum. Potest autem contingere, quod
„ aliquis ignoret quidem aliquam circum-
„ stantiam peccati, quam si sciret, re-
„ traheretur a peccando, sive illa circum-
„ stantia faciat ad rationem peccati, sive
„ non: & tamen adhuc remanet in ejus
„ scientia aliquid, per quod cognoscit il-
„ lud esse actum peccati: puta si aliquis
„ percussit aliquem, scit quidem illum
„ esse hominem, quod sufficit ad rationem
„ peccati; non tamen scit eum esse pa-
„ trem, quod est circumstantia constituens
„ novam speciem peccati: vel forte ne-
„ scit, quod ille se defendens repercutiat
„ eum: quod si sciret, non percuteret,
„ quod non pertinet ad rationem peccati:
„ unde licet talis propter ignorantiam pec-
„ cet, non tamen totaliter excusatur a
„ peccato: quia adhuc remanet ei cogni-
„ tio peccati “.

„ Alio modo potest hoc contingere ex
„ parte ipsius ignorantie: quia scilicet
„ ignorantia est *voluntaria*: vel *directa*,
„ sicut cum aliquis studiose vult nescire ali-
„ qua, ut liberior peccet; vel *indirecta*,
„ sicut cum aliquis propter laborem, vel
„ propter alias occupationes negligit ad-
„ scire id, per quod a peccato retraheretur.
„ Talls enim negligentia facit
„ ignorantiam ipsam esse voluntariam, &
„ peccatum, dummodo sit eorum, quæ
„ quis scire tenetur, & potest: Et ideo
„ talis ignorantia non totaliter excusat a
„ peccato. Si vero sit talis ignorantia,
„ quæ omnino sit involuntaria (hujusmo-
„ di est ignorantia *antecedens*), sive quia
„ est invincibilis, sive quia est ejus, quod
„ quis scire non tenetur, talis ignorantia
„ omnino excusat a peccato “.

Quia tamen ignorantia vult dimi-
nuere

peccatum, quatenus diminuit ipsum voluntarium, inde consequitur, quod ignorantia indirecte, aut per accidens volita peccatum minuat, quoniam hæc est minus voluntaria, quam directe intenta; quæ ideo potius sicut augeat voluntarium, sic etiam augeat peccatum. Atque hæc de ignorantia modo sufficiant; reliqua, quæ ad ipsam pertinent, legi possunt in Tractatu superiore.

CAPUT VI.

CONSECTARIA PRÆCEDENTIS DOCTRINÆ.

- I. Deus, dum voluntatem ad aliquid inclinat, nunquam ipsi violentiam infert.
- II. Duplex modus, quo Deus voluntatem hominis inclinat, & movet citra ullam violentiam.
- III. Potentia, aut facultates humane a voluntate distincte violentiam patiuntur, quoties contra ipsius voluntatis inclinationem agere compelluntur.
- IV. Perperam Christianus Thomasmus communem improbat Theologorum doctrinam, voluntatem pati coactionem non posse quod actus a se elicitos.
- V. In actibus mere violentis non invenitur nec meritum, nec demeritum.
- VI. Violentia illata debet esse talis simpliciter, & absolute, ne ad culpam ascribantur actus peccaminosi ex violentia provenientes.
- VII. Falsa, & omnino repudianda est circa hoc Cornelli a Lapide, aliorumque Theologorum doctrina.
- VIII. Qui per vim absolutam ad Baptismum recipiendum cogitur, invalide baptizatus est.
- IX. Non idem dicendum de iis, qui terroribus, aut suppliciis ad suscipiendum Baptisma permoventur.
- X. Discrimen eorum, quæ aguntur per metum, & per vim.

XI. Non eodem modo metus, & violentia involuntarium causant.

XII. Quæ ex metu sunt, quomodo voluntaria, & involuntaria sint.

XIII. Hinc dolor peccatorum etiam ex gebenne metu conceptus satis se solo non est ad sinceram peccatoris conversionem.

XIV. Peccata ex gravi metu commissa minus gravia reputanda sunt.

XV. Concupiscentia motus ordinarii voluntarii sunt, ac peccata. De his S. Thomas doctrina.

XVI. Quæ distinguenda sint in his motibus, ut dignoscamus, quinam involuntarii, quinam autem voluntarii, & culpabiles ex eodem S. Doctore.

XVII. Eiusdem Angelicæ Doctrinæ explicatio.

XVIII. Concupiscentia, siue passio nunquam voluntatem ad peccandum pertrahit, quin sit error aliquis, aut inconsideratio in intellectu.

XIX. Qui ex voluntario amore carnali in insaniam incidunt, non excusantur a peccato.

XX. Præsumendum communiter est peccare letaliter, qui ex impetu passionis ad aliquem externum actum graviter peccaminosum procedit.

XXI. Quæ de causalitate ignorantia relata ad voluntarium, & peccatum docet S. Thomas, attente consideranda sunt.

XXII. Ignorantia voluntaria necum ratione actus, sed etiam omissionis diligentia debita peccatum est.

Reflexio.

CONSECTARIUM PRIMUM.

- I. EQUEDEM Deus procul omni dubio inclinare potest voluntatem hominis, quocunque voluerit, juxta illud Proverb. 21.: Cor Regis in manu Domini; quocunque voluerit, inclinabit illud. Sed negamus, hoc cum agere posse per veri nominis violentiam, aut coactionem. Potest æqui-

„Siquidem Deus voluntatem hominis inclinare, ipsam immutando, & operando, ut in illud feratur, in quod antea non ferebatur, velique id, quod prius nolebat: sed tunc voluntas nequaquam violentiam patitur: quia nihil agit, vel patitur contra inclinationem suam, sed novam tunc a Deo recipit inclinationem, quemadmodum & voluntas ipsa suum actum immutat, jamque velle incipit, quod antea nolebat; prout habetur ex D. Thoma q. 22. de Verit. art. 8. dicente: *Sum Deus voluntatem immutat, facit, ut precedenti inclinationi succedat alia inclinatio; & ita quod prima auferatur, & secunda maneat. Unde illud, ad quod inducit voluntatem, non est contrarium inclinationi jam existenti, sed inclinationi, que prius ingrat: unde non est violentia, nec coactio.*

CONSECTARIUM SECUNDUM.

II. Duplici modo Deus citra ullam violentiam, aut coactionem voluntatem nostram immutat per gratiam suam, & inclinam in bonum, nempe & actione sua physica movendo voluntatem, & delectationem eidem voluntati infundendo, de qua motione tum S. Thomas, tum maxime S. Augustinus pluribus in locis differit, cæterisque omisit, Tract. 26. in Joan. ubi ad ea verba Christi Domini: *Nemo potest venire ad me, nisi Pater, qui misit me, traxerit eum*, subicit: „Magna gratiæ commendatio. Nemo venit, nisi trahatur.... „Quid hic dicimus, fratres? Si trahimur, ad Christum, ergo inviti credimus; ergo violentia adhibetur, non voluntas, exciratur? Noli cogitare te invitum trahi: trahitur animus & amore. Nec dicas: quomodo voluntate credo, si trahor? Ego dico: parum est voluntate; etiam traheris voluptate.... Porro si Poetæ dicere licuit: *Trahit sua quemque voluptas*; non necessitas, sed voluptas: Patuini Theol. Mor. T. II.

„non obligatio, sed delectatio; quanto fortius nos dicere debemus, trahi hominem ad Christum, qui delectatur veritate, delectatur beatitudine, delectatur iustitia, delectatur sempiterna vita, quod totum Christus est &c.“

CONSECTARIUM TERTIUM.

III. Quamvis cæteræ potentie, sive facultates hominis a voluntate distinctæ pati violentiam possint, quoad actus suos elictos relate ad inclinationem suam particularem, respectu ramen inclinationis universalis, quæ est voluntas, solum violentiam patiuntur, quoties per vim externam compelluntur agere contra ipsam voluntatem, quia tunc agere coguntur ea, quæ repugnant præcipuè hominis inclinationi, quæ est ipsa voluntas. Sicur ergo lapis non solum violentiam patitur, quando sursum projicitur (quod est contra propriam, & particularem ejus inclinationem), sed etiam si per vim detineatur, ne sursum ascendant, quoties illuc ascendere nititur ex generalibus naturæ legibus, quod ei pertinet ex inclinatione universali; ita potentie voluntati subordinatæ nedum violentiam patiuntur, si cogantur agere contra particularem suam inclinationem, verum etiam si per externam vim compellantur ad aliquid agendum contra inclinationem universalem, idest contra voluntatem.

CONSECTARIUM QUARTUM.

IV. Perperam Christianus Thomaeus Lutheranus lib. 1. cap. 1. de *Natura hominis moralis* §. 40. communem improbat Theologorum nostratum, certamque doctrinam; voluntatem nimirum cogi non posse in actibus suis elictis. A quo enim cogi potest? Nam a Deo, cui omnia obediunt? Haud plane. Nam Deus, ut diximus, immutare quidem voluntatem potest: sed illud, ad quod Deus inducit voluntatem,

F.

NON

non est contrarium inclinationi, quæ jam existat, sed quæ prius existeret: adeoque nec violentia, nec coactio est. Profecto si recte perpendatur, quid sit actus voluntatis, & violentum, nemo statim non videt, contradictionem implicari in hoc, quod idem actus sit a voluntate elicitus, simulque violentus: quia de ratione actus voluntatis eliciti est, quod a voluntate prodeat tamquam a principio interno: de ratione autem actus violenti, quod non fiat a principio interno, sed externo; adeoque ne per divinam quidem Omnipotentiam cogi voluntas potest ad aliquem actum a se elicitem. Quod si cogi nequit voluntas ab ipso Deo, multo minus cogi valet ab aliqua creatura etiam intellectuali ad eundem actum, quæ vel ipsa potestate caret operandi, & immutandi voluntatem. Quapropter dum Author ille absolute ait, *falsum esse commune dictum, quod voluntas non possit cogi*, aut turpiter fallitur, aut sordide confundit actus voluntatis imperatos cum elicitis.

CONSECTARIUM QUINTUM.

V. In actibus voluntatis, quos in hac vita exercemus, sive sint eliciti, sive imperati, invenitur meritum, ac demeritum; sed in actibus imperatis mere violentis neque meritum est, neque demeritum, ac neutiquam computantur ad laudem, aut vituperium sicut in foro divino, sic neque in humano, ut manifestum est ex Cap. Presbyteros D. 50. & ex Cap. Majores tit. de Baptis., ubi nihil peccasse dicuntur, quorum manus fuerunt violentè attractæ, & Idolorum sacrificiis adhibite.

CONSECTARIUM SEXTUM.

VI. Ut tamen quod per violentiam efficitur, ad culpam non adscribatur, oportet, quod violentia sit talis simpliciter &

absolute, adeo ut qui vi E. C. compellitur obsequium præstare Idolo, nedum mente adorationi repugnet, sed exterius etiam, quoad potest, renitatur. Si enim quantum in se est, huic actui non resistat, haud violentiam simpliciter patitur. Quia tamen huiusmodi adorationis principium sit *extra*, ipsa tamen non simpliciter sit *renitente passio*; neque enim passum renititur eo modo, quo posset reniti, scilicet tum animo, tum opere externo. Proinde huiusmodi adoratio tamquam *indirecte* voluntaria censetur, & grave peccatum. Idemque iudicium ferendum est de Virgine, quæ vi opprimeretur, repugnans quidem animo nefatio facinori; sed vel clamore, vel etiam viribus non reluctans eo modo, quo posset, ac deberet reluctari.

CONSECTARIUM SEPTIMUM.

VII. Hinc tamquam falsa dicenda est, & omnino repudianda sententia Cornelii a Lapide, quam alii plures sequuti sunt, qui Cap. 13. in *Danielem* expendens factum Susannæ ab impudicis Senioribus aggressæ scribit, *potuisse Susannam (circa peccatum) in tanto periculo infamiae, & mortis negative se habere, ac permittere in se eam libidinem, modo interno allu in eam non confensisset, sed animo detestata, & execrata fuisset. Quia majus bonum est fama, & vita, quam pudicitia: unde hanc pro illa exponere licet Itaque non tenebatur exclamare Quod ergo exclamaverit, nullo modo libidinem illorum in se permisit, alius fuit insignis, & heroica castitatis Ordo. Repudianda, inquam, tamquam falsa, ac laxa huiusmodi sententia est. Namque nedum actus fuit insignis, & heroicæ virtutis resistentia illa Susannæ clamantis, & non permittentis in se ulla modo illam libidinem, sed etiam positivæ obligationis: tenebatur enim reniti eo modo, quo poterat; eaque per-*

permisso *indirecto* voluntaria fuisse, adeoque lethale peccatum.

CONSECTARIUM OCTAVUM.

VIII. Qui per vim absolutam cogitur ad aliquod Sacramentum, puta Baptismum recipiendum, adeo ut & exterius compellatur, & animo semper reluctetur, Baptismum haud valide recipit, neque compelli potest ad Fidei Christianae professionem: siquidem non voluntarie baptizatus fuit, sed contra voluntatem suam passus est, quod alii in eum facere tentaverunt.

CONSECTARIUM NONUM.

IX. Non idem dicendum est de illo, qui non per vim absolutam ad suscipiendum Baptismum adigitur, sed potius conditionatam, sive qui terroribus, atque suppliciis, quod perinde est, ac per metum gravem, seu cadentem in virum constantem ad eum recipiendum inducitur, adeo ut, quod illa supplicia deviret, in Baptismum consentiat. Huius enim valide baptizari, atque adeo ad Fidei Christianae professionem adstringi posse credendum est. Horum namque suppliciorum metus non efficit involuntarium *simpliciter*, sed duntaxat *secundum quid*. Atque hoc sensu intelligendum est C. de *Judeis* desumptum ex Concilio Toletano IV., in quo declaratur, eos, qui temporibus Zizebuti ex metu suppliciorum Baptismum susceperant, ad fidem Christianam renendam cogendos esse.

CONSECTARIUM DECIMUM.

X. Ea, quae aguntur per *metum* (animo, madverbo est Sancti Thomae hic *art. 6. ad 1.*), & per vim non solum differunt secundum praesens, & futurum, sed etiam secundum hoc, quod in eo, quod agitur per vim, voluntas non consentit, sed omnino est contra motum volunta-

tis: sed id, quod per metum agitur, sit voluntarium; ideo quia motus voluntatis fertur in id, licet non propter se ipsum, sed propter aliud, scilicet ad repellendum malum, quod timeatur. Sufficit enim ad rationem voluntarii, quod sit propter aliud voluntarium. Voluntarium enim est non solum id, quod volumus propter seipsum ut finem, sed etiam quod propter aliud volumus ut propter finem. Patet ergo, quod in eo, quod per vim agitur, voluntas interior nihil agit: sed in eo, quod per metum agitur, voluntas aliquid agit.

CONSECTARIUM UNDECIMUM.

XI. Metus itaque, ut dictum est, non eo modo causat involuntarium, quo violentia, aut coactio: cum non causet involuntarium *simpliciter*, & *absolute*, sed potius voluntarium. Quod enim ex metu fit, est *simpliciter voluntarium*; eum voluntas ex praevia deliberatione, spectatis omnibus, efficaciter velit, & faciat id, quod ex metu facit, sive id faciat ex metu tamquam causa unica, & totali, sive non tamquam causa totali, sed partiali. Quamvis enim id, quod agitur ex metu tamquam causa unica, & totali, secundum se consideratum non sit voluntarium, absolute tamen hic & nunc eligitur, & efficitur a voluntate tamquam impeditivum mali, quod timeatur.

CONSECTARIUM DUODECIMUM.

XII. Quamquam vero quae sunt ex metu, *simpliciter*, & *absolute* voluntaria sunt; involuntaria tamen sunt *secundum quid*, ac veluti, conditionate, adeo ut, sublati casu illo, non fieret, quod solum ex metu fit: sicut merces in mare non projiceretur, nisi naufragium ex tempestate impendens ad id non urgeret; manetque semper affectus erga merces, quas idem
F 2 solum

solum projicit mercator, quia mortem timet, alias non projecturus: qui affectus sejungi nullatenus potest ab actione ex metu facta. Unde actiones hujusmodi, ut ait S. Thomas, *mixte sunt ex voluntario, & involuntario. Id enim, quod per metum agitur, in se consideratum non est voluntarium, sed fit voluntarium in casu, scilicet ad vitandum malum, quod timetur.*

CONSECTARIUM DECIMUMTERTIUM.

XIII. Hinc vero colligendum est, ut hic obitet dicam, dolorem peccatorum ex quocunque pœnatum, etiam gehennæ sempiternæ timore concepium, se solo satis non esse ad sinceram, ac sufficientem pœnitentiam, & conversionem peccatoris, ut gratiam etiam in Sacramento recipiat. Quandoquidem in eo, qui ex solo timore gehennæ ad pœnitentiam movetur, semper manet affectus erga objectum peccati sui, sicut manet in mercatore ex metu naufragii merces in mare projiciente affectus erga easdem merces, quas projicit. Conversio autem peccatoris, ut sincera sit, excludere debet affectum erga peccatum; quemadmodum evidens est ex ipso Tridentino Concilio.

CONSECTARIUM DECIMUMQUARTUM.

XIV. Ea, quæ ex metu sunt, quamvis intrinsece mala, minus gravia absolute reputanda sunt, intra tamen limites peccati lethalis spectata gravitate materiæ: quoniam esto metus non causet *involuntarium simpliciter*; minuit tamen voluntarium, & libertatem, & quamdam secum affert displicentiam actionis in eo, qui ex illo metu aliquid facit, ceteroquin non facturus. Nec reponi contra potest, displicentiam, vel difficultatem boni operis non minuire meritum ejus, qui ea non obstante bonum opus exequitur: unde nec peccatum imminuat displicentia, quam habet

is, qui metu urgetur ad malum aliquod patrandum. Disparitas quippe clara est: quoniam, qui displicentiam quidem perferit pœnalitatis, sive difficultatis alicui bono operi adjunctæ, sed nihilo secius opus illud contra repugnantiam naturalem fortiter perficit, nullo modo involuntarius dici valet, sed ita potius perfecte voluntarius, ut subortam naturalem displicentiam omnino subigat, & voluntati penitus subiciat: quod plane non contingit in illo, qui opus aliquod ex metu facit, quod alias facere nollet.

CONSECTARIUM DECIMUMQUINTUM.

XV. Concupiscentiæ motus, quia, ordinatè loquendo, non auferunt cognitionem, neque consequenter auferunt voluntarium saltem indirectum, atque adeo culpa non vacant: sed si totam omnino corrumpant cognitionem, nulla culpa præcedente, neque voluntarii forent, neque culpabiles. Præstat id probare, & explicare S. Thomæ doctrina hic *art. 7. ad 3.*, ubi sic ait: „ Si concupiscentia totaliter „ cognitionem auferret, sicut contingit in „ illis, qui propter concupiscentiam sunt „ amentes, sequeretur, quod concupi- „ scentia voluntarium tolleretur (etiam in „ causa, si ipsamet nullo modo esset vo- „ luntaria). Nec tamen propter effect ibi „ involuntarium: quia in his, quæ usum „ rationis non habent, neque voluntarium „ est, neque involuntarium. Sed quando „ quæ in his, quæ per concupiscentiam „ aguntur, non totaliter tollitur cognitio: „ quia non tollitur (N. B.) potestas co- „ gnoscendi, sed solum consideratio actua- „ lis in particulari agibili. Et tamen hoc „ ipsum est voluntarium (atque adeo cul- „ pabile), secundum quod voluntarium „ dicitur, quod est in potestate volunta- „ tis, ut non agere, & non velle: simi- „ liter autem & non considerare. Potest

enim

enim voluntas passioni resistere, ut infra
 dicitur q. 77. art. 6. et 7. ubi in-
 ter alia hæc habet: „ Passio quandoque
 quidem est tanta, quod totaliter aufert
 usum rationis. . . . Et tunc, si talis
 passio a principio fuerit voluntaria, impu-
 tatur illis ad peccatum: quia est volun-
 taria in sua causa. . . . Si vero causa
 non fuerit voluntaria, sed naturalis,
 puta cum aliquis ex ægitudine, vel ali-
 qua huiusmodi causa incidit in talem
 passionem, quæ totaliter aufert usum
 rationis; actus omnino redditur invo-
 luntarius, & per consequens totaliter a
 peccato excusatur. Quandoque vero pas-
 sio non est tanta, quod totaliter inter-
 cipiat usum rationis. Et tunc ratio po-
 test passionem excludere, divertendo ad
 alias cogitationes, vel impedire, ne
 suum consequatur effectum: quia mem-
 bra non applicantur operi, nisi per con-
 sensum rationis. . . . Unde talis passio
 non totaliter excuset a peccato “.

CONSECTARIUM DECIMUMSEXTUM.

XVI. Quoniam vero materies isthæc sci-
 tu necessaria permaxime est propter fre-
 quentes, qui in nobis exurgere solent,
 concupiscentiæ motus, aliam profero soli-
 dissimam S. Præceptoris doctrinam, quæ
 eidem lucem affert splendidissimam: eaque
 promittitur ex l. 2. sentent. dist. 24. q. 3. art.
 2., ubi hæc docet: „ Nullus motus pec-
 catum est, & pertinet ad genus mor-
 tis, nisi habita comparatione ad volun-
 tatem, quæ principium est moralium:
 & ideo ibi incipit genus moris, ubi pri-
 mum dominium voluntatis invenitur.
 Habet autem in quibusdam voluntas do-
 minium completum, in quibusdam in-
 completum. Completum dominium ha-
 bet in illis actibus, qui ex imperio vo-
 luntatis procedunt. Et hi sunt actus
 deliberationem sequentes, qui rationi ad-

scribuntur. Incompletum dominium ha-
 bet in illis actibus, qui non per impe-
 rium rationis procedunt; sed tamen vo-
 luntas eos impedire poterat, ut sic quo-
 dammodo voluntati subjaceant quantum
 ad hoc, quod est impediri, vel non
 impediri. Et ideo inordinatio, quæ in
 illis actibus contingit, rationem peccati
 causat, tamen incompleti. Et ideo ve-
 niale est, non mortale “.

Ad ampliorem hujus S. Thomæ doctrinæ
 intelligentiam advertere oportet, quod jam
 supra eodem loco docuerat, motus scilicet
 concupiscentiæ, qui ex mera corporis di-
 spositione proveniunt, non esse peccata:
 quia super illos nullum voluntas dominium ha-
 bet, ut eos impedire possit. Et hic subdit,
 sunt motus, qui secundum quorundam dictum
 primo primi vocantur. Motus autem, qui
 ex apprehensione sensus insurgunt, vocantur
 secundo primi: quia licet rationis delibera-
 tionem præveniant, poterant tamen a volun-
 tate impediri per applicationem animi ad ali-
 quid aliud, et per sensuum custodiam.

XVII. Perpendenda diligenter est hæc
 solida, & clara S. Thomæ doctrina. Tri-
 plex itaque concupiscentiæ motuum genus
 distingui debet: alii ex sola corporis di-
 spositione, & quædam dimanant, quos
 voluntas impedire nequit, aut in istis
 suum exercere dominium, utpote natura-
 liter, ac necessario insurgentes: & illi tan-
 tummodo juxta communem locutionem ap-
 pellantur, & appellati debent primo primi,
 qui ideo omni culpa carent, quoniam
 penitus involuntarii sunt: adeoque etiam in
 viris sanctissimis locum habent; & de his,
 ut quidem arbitror, loquebatur S. Paulus,
 cum dicebat: Sentio aliam legem in mem-
 bris meis repugnantem legi mentis meæ.

Alii sunt concupiscentiæ motus, qui in-
 surgunt in nobis ex apprehensione sensus,
 seu sentientis appetitus, vocanturque fre-
 quentius secundo primi, qui non omnino
 inve-

involuntarii dici possunt, atque adeo neque culpæ omnis expertes, quatenus præveniunt quidem rationis deliberationem; sed tamen, quia poterant a voluntate impediri, si nempe applicasset animum ad alia objecta spiritualia, & divina, si vigilantior fuisset in custodia sensuum, si diligentior in subigenda carne spiritui &c., ideo culpa non caret: sed quia huiusmodi motus illecebrosi in solo sistunt sentiente appetitu, nec ad attrahendum voluntatis consensum perveniunt, *imperfecte involuntarii* sunt, adeoque & *imperfecte* peccata, nimirum venialia.

Denum sunt alii motus concupiscentiæ, qui *perfecte voluntarii* dicuntur; ac proinde, posita objecti gravitate, peccata lethalia, quibus nempe voluntas consensum præstat, quive ex ipsius voluntatis imperio, aut deliberatione procedunt sive *directe*, sive *indirecte*, quemadmodum jam dictum est.

CONSECTARIUM DECIMUMSEPTIMUM.

XVIII. Concupiscentia, seu passio nunquam voluntatem ad peccandum pertrahit, quin in intellectu sit aliqua saltem actualis ignorantia, vel error, aut inconsideratio, quæ etiâ non tempore, natura saltem antecedit actum voluntatis. Ita S. Thomas hic q. 77. art. 2. inquit: *Cum voluntas sit boni, vel apparentis boni, nunquam in malum movetur, nisi id, quod non est bonum, aequaliter rationi bonum appareat: & propter hoc nunquam voluntas in malum tendit, nisi cum aliqua ignorantia, vel errore rationis. Quod etiam præter alia loca repetit 2. 2. q. 35. art. 2.: Nullum peccatum potest accidere, nisi sit defectus in aliquo actu rationis dirigentis.*

CONSECTARIUM DECIMUMOCTAVUM.

XIX. Qui ex voluntario amore carnis vehementius affecti in amentiam incidunt,

non excusantur a peccato, sive quod ab eis prævisum fuit, sive quod ex huiusmodi amore consequitur. Non enim huiusmodi peccatum omnino *involuntarium* est, cum sit *voluntarium in causa sua*, scilicet in concupiscentia, aut inordinata passione, quam compescere poterant, ac debebant. Atque idem dicendum de iis, qui vel ex nimia crapula, aut vini potatione infirmitatem, aut ebrietatem incutunt.

CONSECTARIUM DECIMUMNONUM.

XX. Cum aliquis ex concupiscentia, vel passione progreditur ad aliquem actum extetnum graviter peccaminosum, plerumque, & ordinario voluntarie, & lethaliter peccasse præsumendus. Hinc S. Thomas hic q. 77. art. 8. ait: *Hoc solummodo potest contingere, quod inclinatio animi in aliquid, quod contrariatur ultimo fini, non sit peccatum mortale: quia ratio deliberans non potest occurrere: quod contingit in subitissimis. Cum autem ex passione aliquis procedit ad actum peccati, vel ad consensum deliberatum, hoc non fit subito. Unde ratio deliberans potest hic occurrere. Potest enim excludere, vel saltem impedire rationem, ut dictum est. Unde si non occurrat, est peccatum mortale: sicut videmus, quod multa homicidia, & multa adulteria per passionem committuntur.*

Hec doctrina valde notanda est. Sunt enim nonnulli, qui, concupiscentia exultulante, vel passione abrepti ad pravos, aut turpes actus etiam vigilantes procedunt; seque sæpe excusant hoc prætextu, quod non advertterent, quid ipsi tunc agerent: non enim hi a prudentibus Confessariis audiendi sunt, aut excusandi a peccato etiam lethali. Siquidem ratio deliberans poterat tunc occurrere, & excludere, vel impedire passionem: unde quia id omiserunt, peccatum lethaliter. Deinde obiter considera, quam longe abest integritas

ta S. Thomæ doctrina a laxa, & scandalosa opinione illorum Theologorum, qui ad peccatum lethale requirunt actusalem advertentiam ad malitiam objecti voliti. Nam ad huiusmodi peccatum contrahendum Doctori Angelico satis est, quod ratio deliberare possit occurrere, & possit excludere, vel saltem impedire passionem. Quam multa siquidem homicidia, quam multa adulteria, quam multæ fornicationes, quam multi actus turpissimi &c. per passionem committuntur, in quibus ratio quidem non advertit, non deliberat: sed quia advertit, & deliberare potest, & excludere, vel saltem impedire passionem, ideo tamquam lethalia crimina reputantur a S. Thoma, & reputari debent ab omnibus, qui Scripturæ, Patribus, & melioribus quibuscunque Theologiæ contraire non præsumunt.

CONSECTARIUM VICESIMUM.

XXI. Attenta consideratione etiam digna sunt, quæ ex S. Præceptore diximus de causalitate ignorantie relate ad voluntarium, atque peccatum. Quamquam enim sit aliqua ignorantia, quæ involuntarium simpliciter causet, adeoque excuset a peccato, nempe quæ vere antecedens est; ratio tamen huiusmodi ignorantia est in hominibus, & præcipue Christianis admitenda: quoniam directæ, aut indirecte solet esse volumaria, peccatumque, si de iis agatur, quæ scire possumus, ac debemus. Quare cum S. Thomas hic q. 76. art. 1. sibi tertio loco obiecerit: *Omne peccatum in voluntate consistit: Sed voluntas non fertur, nisi in aliquod cognitum; quia bonum apprehensum est objectum voluntatis: ergo ignorantia non potest esse causa peccati.* Quid responderet? En ipsius verba: „Dicendum, quod in illud, quod est quantum ad omnia ignotum, non potest ferri voluntas. Sed si aliquid est secundum aliquid notum, & secundum aliquid ignotum, potest voluntas

„illud velle. Et hoc modo ignorantia est „causa peccati: sicut cum aliquis scit „hunc, quem occidit, esse hominem, „sed nescit eum esse Patrem: vel cum „aliquis scit aliquem actum esse delectabilem, „nescit tamen eum esse peccatum“.

CONSECTARIUM VICESIMUMPRIMUM.

XXII. Ignorantia, quæ est voluntaria sive directæ, sive indirectæ, non solum peccatum est ratione actus voluntatis, sed etiam ratione omissionis diligentie debite sciendi, adeo ut utrumque peccatum sit & omisso debite diligentie, & ipsa ignorantia consecuta. Id quoque diserte tradit S. Thomas hic art. 2. ad 3. Sicut, inquit, in peccato transgressionis peccatum non consistit in solo actu voluntatis, sed etiam in actu volito, qui est imperatus a voluntate; ita in peccato omissionis non solum actus voluntatis est peccatum, etiam ipsa omisso, in quantum est aliquid voluntaria. Et hoc modo ipsa negligentia sciendi, vel etiam ipsa inconsideratio est peccatum. Cætera, quæ ad hanc ignorantie imbecitiam pertinent, videbis in II. Tract. diligenter elucidata.

REFLEXIO.

Pia Sancta Mater Ecclesia omnium fidelium suorum nomine ferventissimis precibus, & ex intimis præcordiis Deum deprecatur, & orat, ut nos ad seipsum convertat, nostramque etiam repugnantem voluntatem cogat, & subigat: *Nostras etiam rebelles ad te propitius complace voluntates.* Iustum equidem est, quin & prorsus necessarium subditum esse Deo, eius voluntati, & imperio continenter obsequi, ac præceptis obtemperare. Hoc a nobis exigit suprema ipsius in nos dominatio, atque potestas: hoc summa, quam ipsi debemus, subiectio, & obedientia: hoc effugit aut immensa ab eo collata beneficia: hoc demum inlucet naturalis infinitus,

æus, & infata ratio, ut fideliter serviamus Deo, qui nos creavit, qui nos e Diaboli servitute redemit, qui nobis in libertatem filiorum Dei vindicatis infinita, atque innarrabilia bona promittit. Quid tamen? Adhuc contumax, & rebellis voluntas nostra Deo subijci tenuit, ejusque imperium, ac jussa detrahit a rebus hujus mundi abstracta, & illecta: nimirum seducit (heu nimium!), & abducit, nos mundus a subjectione debita Deo; seducit, & abducit, ut aiebat S. Augustinus, nos *erroribus, terroribus, & amoribus*, quæ sunt causæ illæ *non involuntariæ*, sed procul *voluntariæ* defectionis ab obedientia, quam Deo præstare deberemus. Seducit nos *mundus erroribus suis*, densissimas *ignorantiæ* tenebras mentibus nostris offundens, ut ea non cernamus, quæ agenda sunt, & quæ fugienda, devitemus. Seducit nos *terroribus*, voluntatem concutiens, atque percellens metu adversitatum, persecutionum, injuriarum, jacturæ bonorum temporalium. Seducit nos, & frequentissime abducit *amoribus suis* alliciens, & illiciens blanditiis, lenociniis, concupiscentiæ illecebris, quibus delinuti, atque corrupti a Dei servitio desciscimus, & ad ejus mandata violanda lubentes, ac volentes pertrahimur.

Cum itaque voluntas nostra hoc seducta, & abducta tyranno, mundo videlicet, vero Deo, ac Domino suo servire recuset, ejusque obedire præceptis, & in contumacia sua, ac rebellionē constans, ac firma persistat; quid aliud superest, nisi ut pia Sancta Ecclesia, miserrima filiorum suorum conditione permota, Deum obtestetur, atque exoret, ut absolutam suam in hominam corda potestatem exercent, nostrasque etiam rebelles ad se propitius compellant voluntates? Compellat, inquam; sed ea ratione, qua voluntas compelli valet. Compellat, ut addiscat (loquitur cum D. Bernardo Sermo. 20, in Cantica) servire

Deo, Deumque amare *dilectiter, prudenter, fortiter, ne oppressa ab amore*, & servitute *Dei avertatur*. *Ne mundi gloria*, seu *carnis voluptatibus abducatur*; *dulce fiat ei præ his sapientia Christi*; *ne seducatur spiritu mendacii, & erroris*; *lucet ipsi veritas Christi*; *ne adversitatibus fatigetur*; *confortetur ipsam virtus Dei Christi*. O felix violentia! O necessitas suavissima, quæ non ad meliora tantum, sed ad ipsum, nec rotius bonitatis fontem ire compellit! Utinam, benignissime Jesu, hac ego dulci violentia, hac amabili necessitate semper trahar, & compellar ad te. *Trabe igitur*, etiam, atque etiam cum Ecclesiæ sponsa tua rogo, atque obsecro, & ad te compelle refractariam, repugnantem, rebellem hanc voluntatem: trahere volentem trahi; compelle compelli desiderantem, ne me amplius mundus seducat, & abducatur *erroribus, terroribus, & amoribus suis*: ut semper in tua servitute, in tua dilectione defixus, atque obfirmatus in hac vita mortali, perfrui merear felicissima tibi serviendi, reque semper amandi necessitate in vita immortalis.

CAPUT VII.

De Libertate Voluntatis Humanae, ætuumque nostrorum æconomia.

DOCTRINA.

- I. *Hominem libero esse arbitrio præditum vel solo intimo cujusque sensu invicta demonstratur.*
- II. *Humana libertatis proxima radix in iudicio intellectus non ad unum determinato, sed ad multa indifferente consistit.*
- III. *Humana libertas non in sola immunitate a coactione, verum etiam a quacunque necessitate posenda, dum homo viator est.*
- IV. *Nullum huic libertati præjudicium inferre Deus efficaci sua motione.*
- V. *In harmonia humanorum ætuum prior est simplex cognitio finis, cui simplex*

finis

finis volitio respondet .

VI. *Simplicem volitionem pone sequitur efficax intentio finis , quæ ipsum respicit ut per media assequendum .*

VII. *Huic succedit Consilium , quo media inquiruntur ad finem consequendum idonea , de eorumque convenientia judicatur .*

VIII. *Consilii inquisitioni , atque judicio accedit consensus voluntatis , quo proposita media approbantur , & acceptantur .*

IX. *Consensui proxima est electio mediorum , quæ voluntas unum præ alio acceptat in ordine ad assequendum finem magis idoneum .*

X. *Electiois comes est imperium , quod mediorum executionem efficaciter imperat .*

XI. *Ufus activus voluntatis præterea admittendus est , qui media respicit ut præsentia , & ad executionem per alias potentias deducenda .*

XII. *Æconomiam denum humanorum actuum concludit , ac perficit asecutio , sive fructio finis , quæ vel imperfecta est , & incerta , vel perfecta , & consummata .*

I. **H**OMINEM libero præditum esse arbitrio tamquam certum , exploratumque hæcenus posuimus , nosque alio in Opere de futuro Impiorum statu agentes pluribus demonstravimus adversus quosdam male serios incredulos , ac præsertim Materialistas , qui nullum non movent lapidem , ut præclaram hanc libertatis dotem hominibus eciplant , eosque ad abjectissimam Brutorum conditionem depri- mant . Hi nimirum Religionis jugum , Deique nostrarum actionum supremi Judicis impatienter ferentes , illud excutere pertentant , sublata de medio humani arbitrii libertate , quæ deliberet de actibus suis , eligatque , prout velit , sive bonum , sive malum . Hic etenim semel ablata , illud concedi oportere intelligit , tum naturam hominis hæud plane diversam esse a mate-

Patuazi Theol. Mor. T. II,

ria , quæ seipsam agere , ac movere nequit , nec nisi a causis externis determinatur : tum inanes leges esse , pœnas iniquas , præmia nulla . Nam , quæ libera minime sunt , nec merentur aliquid , nec demerentur . Cæteris modo argumentis ad hos Religionis hostes revincendos prætermis- sis , illud satis abunde esse potest , quod petitur ab intimo sensu , quo de libertate arbitrii nostri penitus convicti sumus . Neque enim pro quacunque alia ex iis , quæ prima veritates , aut principia dicuntur , certius adtribuenda , validiora ex omnium Sapientum consensione argumenta suppetunt ; quam quæ ab hoc intimo sensu promuntur . Cur namque E. C. certi sumus nos cogitare , atque vivere ? Cur actionem præcedere debere existentiam rei : quidquid extensum est , habere partes : sine causa non esse effectum : cognitionem quidpiam esse amplius , quam simplicem existentiam ; & alia id genus : quemadmodum & Deum tolerandum esse : vitandum mendacium , fraudem , perjurium : Deo non placere , nec præbui flagitia : bonum amandum , fugiendum malum &c. ? Quæ profecto non alio meliore , ac certiore principio comperta nobis , & explorata , quam sensu intimo .

Itaque nos ipsi in nobis , dnmmodo attendamus animo , experimur eximiam hanc liberratis dorem : nos ipsi vivide , atque clare percipimus , dominos nos esse actionum nostrarum ; nosque non necessitate aliqua ductos , sed pro arbitrio nostro ad agendum dirigere , atque determinare . Quis namque non sentit ita se agere , ut possit etiam non agere ? Quis non mente cognitum , comprehensumque habet , ita se nunc manum movere , vel pedem , ut possit etiam non movere , aut a motu cessare , vel etiam utrumque ad diversa applicari ? Quis non deseravit actiones , quas ipse proprio arbitrio elicit , ab iis , ad quæ vi aliqua iterum adigitur , nolens-

G

que

que exercere compellitur? Sed de hoc argumento audire præstat virum in primis eximium, atque doctissimum D. de Fenelon Archiep. Cameracensem ita differentem gallico sermone, quem in latinum verti:

„ Ego sentio, inquit, me esse liberum;
 „ neque de hoc dubitare possum. Hæc
 „ mea libertas quidpiam plane non est
 „ mea imaginatione confictum. Necessè
 „ hercle mihi foret dubitare de omnibus,
 „ quæ intimiora mihi sunt, atque certiora,
 „ si de libero arbitrio meo dubitare fas es-
 „ set. Ego sentio me liberum esse ad per-
 „ manendum, dum ad ambulandum af-
 „ surgo. Il ego in memetipso experior
 „ tanta certitudine, & perspicuitate, ut
 „ de hoc serio ambigendi nulla in me po-
 „ testas sit, & contra conscientiam aperte
 „ loquerer, si me de hoc ambigere aude-
 „ rem asserere. Hæc veritas & meo, &
 „ omnium hominum insita cordi, ne qui-
 „ dem in dubium prædicte vertitur, vel ab
 „ his Philosophis, qui illam vanis quibus-
 „ dam speculationibus excutere abs se vel-
 „ lent. Evidentia intima hujusce veritatis
 „ æque effulget in nobis, ac prima illa
 „ universalis principia, quæ nulla indi-
 „ gent probatione, quibusque ceteræ, quæ
 „ non ita lucent, probantur veritates.
 „ Affirmare libertatem hominis spectrum
 „ esse inane, perinde est, ac insonantem
 „ naturæ vocem violenter comprimere,
 „ atque citra sensum pudoris omnem seme-
 „ tipsum ementiri. Ita plane (pergit ille),
 „ dum impius homo liberum arbitrium
 „ negat, mentitur adversus cor suum,
 „ timens Deum agnoscere provisorum, ac
 „ vindicem. Quare nihil illustrius pro Re-
 „ ligione putandum est testimonium, quam
 „ adversantes habere nefarios hosce homi-
 „ nes, qui in hæc opinionum portenta ne-
 „ cessario prorumpunt, ut, quæ ab illa do-
 „ centur, impugnent.

II. Proderit ad hanc veritatem compro-

bandum, unicum tantum ex pluribus argu-
 mentis, quæ a D. Thoma *lib. 2. cont.*
Gen. C. 4. afferuntur, subjicere. Ex eo
 siquidem elucet etiam radix libertatis, quæ
 invenitur in homine præ cæteris creaturis.
 Sic itaque ait: „ Judicii libertate carent
 „ aliqua vel propter hoc, quod nullum
 „ habent judicium, sicut quæ cognitione
 „ carent, ut lapides, & plantæ: vel quia
 „ habent judicium a natura determinatum ad
 „ unum, sicut irrationalis anima. Naturali
 „ enim æstimatione judicat ovis lupum sibi
 „ nocivum: & ex hoc judicio fugit ipsum.
 „ Quæcumque ergo habent judicium de
 „ agendis non determinatum ad unum a na-
 „ tura, necesse est liberi arbitrii esse. Intel-
 „ lectus enim apprehendit non solum hoc,
 „ vel illud bonum, sed ipsum bonum com-
 „ mune. Unde cum intellectus per formam
 „ apprehensam moveat voluntatem: in
 „ omnibus autem movens, & motum
 „ oporteat esse proportionata, voluntas
 „ substantiæ intellectualis non erit determi-
 „ nata a natura, nisi ad bonum commune.
 „ Quidquid igitur assertur sibi sub ratione
 „ boni, poterit voluntas inelinari in illud,
 „ nulla determinatione naturali in contra-
 „ rium prohibente. Omnia igitur intel-
 „ lectualia liberam voluntatem habent ex
 „ judicio intellectus venientem, quod est li-
 „ berum arbitrium habere. Quam do-
 „ ctinam tradit Doctor Angelicus sexcentis
 in locis.

Certum ergo sit, atque indubitatum,
 radicem proximam libertatis esse indiffe-
 rentiam judicii, & quamdiu judicii in dif-
 ferentia consistit, tamdiu voluntas liber-
 tate prædicta est. Quoniam quandiu con-
 sistit causa, tamdiu effectus, sive propie-
 tates, quæ eandem necessario consequun-
 tur, consistere necesse est. Porro ita ratio
 objectum proponit voluntati, ut finitum
 & limitatum, quod proinde haud æquare
 valet amplitudinem voluntatis, ideoque
 di-

dicatur propositum cum indifferentia: quia respui potest a voluntate, utpote bonum limitatum, & infertus seipsa. Sola beatitudo in communi respui minime valet a voluntate, quoniam hæc plene explet, & satiat appetitum, & voluntas semper vult bonum, & quidquid vult, semper, & necessario vult sub ratione boni: sed quia intellectus bonum, apprehendere potest in infinitis propemodum objectis, voluntas neque ad hoc, neque ad illud determinatur, sed libere eligit quidquid sibi magis placet.

III. Ex hoc liquet apertissime, ideam libertatis humane non esse ponendam in eo tantum, quod spontanee agat, quæ vocatur *libertas a coactione*; sed in hoc, quod quæcunque careat absoluta agendi necessitate, adeo ut possit agere, & non agere, objectum aliquod eligere, & illud respuere, bonum, aut malum amplecti, prout sibi libuerit, saltem dum est in via: Quamquam enim ad liberi arbitrii essentiam sola pertineat libertas, quæ dicitur *contradictio- nis*, scilicet quod possit agere, & non agere; non autem *contrarietatis*, quæ includit potestatem peccandi: in hac ramen vita utraque voluntati convenit, adeo ut utrumque possit agere, nempe bonum, & malum. Quare audiendi nullatenus sunt quidam Novatores, qui libertatem constituunt in sola immunitate a coactione. Sententiam hanc jam pridem rejecit, & hæreticam declaravit S. Thomas q. 6. de malo q. un. hisce gravissimis verbis: „ Quidam „ posuerunt, quod voluntas hominis ex „ necessitate movetur ad aliquod agentum; „ non tamen ponebant, quod voluntas „ cogeretur. Non enim omne necessarium „ est violentum, sed solum id, cujus „ principium est extra: unde & motus na- „ rurales inveniuntur aliqui necessarii: non „ tamen voluntarii (sive liberi)... Hæc „ autem opinio est hæretica. Tollit enim ra-

„ tionem meriti, & demeriti in humanis „ actibus. Non enim viletur esse merito- „ rium, vel demeritorium, quod aliquis „ sic ex necessitate agit, quod vitare non „ possit. Est enim numeranda inter extra- „ neas Philosophiæ opiniones: quia non „ solum contrariatur fidei, sed subvertit „ omnia principia philosophiæ moralis. Si „ enim non sit aliquid in nobis, sed ex „ necessitate movemur ad volendum, tol- „ litur deliberatio, exhortatio, præceptum, „ & puniatio, & laus, & vituperium, cir- „ ca quæ moralis Philosophia consistit. „ Hujusmodi autem opiniones, quæ de- „ struunt principia alicujus partis Philoso- „ phiæ, dicuntur *positiones extraneæ*: sicut „ nihil moveri, quod destruit principium „ scientiæ naturalis. Ad hujusmodi autem „ positiones ponendas inducti sunt aliqui „ homines, partim quidem propter pro- „ serviam, partim propter aliquas ratio- „ nes sophisticas, quas solvere non potue- „ runt “.

IV. Verum hic prætereunum omnino non est, libertatem hanc nobis in hac vita degentibus minimè læsi ex Divina motio- ne, qua Deus omnia opera nostræ operatur in nobis, ut testatur Isaias; vel, ut ait S. Paulus, Operatur in nobis & velle, & per- ficere pro bona voluntate. Quod idem S. Doctor pluribus in locis exponit, ex quibus illud sufficiat asserere, quod hic habet q. 10. art. 4. nempe: Ad Providentiam Divinam non pertinet naturam rerum corrumpere, sed servare. Unde omnia movet secundum eorum conditionem: ita quod ex causis necessariis per motionem divinam sequantur effectus ex necessitate; ex causis autem contingentibus sequantur effectus contingentes. Quia igitur voluntas est actuum principium non determinatum ad unum; sed indifferenter se habens ad multa; sic Deus ipsam movet, quod non ex necessitate ad unum determinat, sed remanet motus ejus contingens, & non neces-
sa-

ferius, nisi in his, ad quæ naturaliter morietur; scilicet ad amorem boni in communi. Et in resp. ad primum argumentum, quod nempe agens, cui resisti non potest, ex necessitate movet: Deo autem resisti non potest &c., ait: Voluntas Divina non solum se extendit, ut aliquid fiat per rem, quam morietur; sed etiam ut eo modo fiat, quo congruat naturæ ipsius. It idcirco magis repugnaret divine motioni, si voluntas ex necessitate moveretur, quod sua natura non competit; quam se moveretur libere, prout competit sue naturæ. Hæc satis: nam accuratior de his discussio ad Theologos de Schola pertinet.

V. His de humana libertate, atque ipsa voluntate præmissis, ad mirabilem actuum ipsius harmoniam, atque ordinem tum intentionis, tum executionis descendendum accedo. De his suse pertractat S. Thomas hic 1. 2. q. 10. ad 12. mira eruditione, ac perspicuitate; quæ brevitati consulentes ad pauca contrahemus. Et primum quidem officium, sive actus est *simplex cognitio finis* alliciens voluntatem, qua ejus amabilitas, & convenientis proponitur. Nihil quippe, ut jam est in proloquio, *volitum, quin præcognitum*. Sicut enim appetitus naturalis sequitur formam naturalem, & sentiens formam per sensum apprehensam; ita appetitus rationalis, scilicet voluntas, formam per intellectum propositam amore prosequitur. Hæc autem apprehensio non solum debet esse speculativa, quæ voluntatem anticipem relinquit, & dubiam, ut liquet in peccatore bonum sciente, & non faciente; sed debet esse practica, alliciens, ac movens, quatenus exhibet objecti bonitatem, quæ ad sui amorem invitet.

Hic simplici finis cognitioni respondet *simplex volitio finis*, quæ etiam appellatur *voluntas*, actus nomine potentie tributo. Hæc in sola finis complacencia sistit, illumque in se a mediis sejunctum diligit; unde & *velleitas* dicitur, sive volitio languida,

torpens, & inefficax. Hujus objectum adæquatum est bonum verum, vel apparet. Quod si aliquando feratur ad malum per modum fugæ, id præstat propter bonum, quo allicitur: & in ipsis peccatis puræ malitiæ semper bonum aliquod apparet quærit in objecto, cujus deformitatem perspectam habet. Hæc autem volitio, cum sit primus voluntatis fructus, quo voluntas incipit in actum prorumpere, indiget aliquo motivo, quo in lucem emittatur; idque potiori jure ei convenit, quam aliis actibus, qui cum præcedentium actuum apparatus supponent, habent in illis, a quibus moveri possunt.

VI. Volitionem simplicem finis comitatur *efficax intentio illius* quæ respicit finem non absolute tantum, & in seipso, sed in ordine ad media: ex hoc etenim a *simplici volitione* seceratur, quæ sola attingentia finis contenta est: *intentio* vero respicit finem, prout est ratio volendi media, & quatenus per media comparari potest. Quapropter in finis intentione virtualiter, & implicite appetuntur media. Immo, tametsi voluntas eodem actu primario, & per se ferri nequeat in finem, & media, quæ sic terminant duos actus specie distinctos, *intentionem* videlicet, & *electionem*; tamen si unum eorum attingatur *primario*, aliud vero *secundario*, ac veluti oblique, tunc eodem actu respiciuntur. Sicut enim intellectus plura per modum unius ordinate se habentia unica cognitione intuetur; ita voluntas eodem motu in finem, ac media fertur, si unum se habeat, ut ratio formalis amandi; alterum, ut objectum amatum: unde S. Thomas hic q. 8. art. 3. ait: finis, ut est ratio volendi medium, eodem actu appetitur, quo medium. Cum quo tamen illud verum est, *intentionem*, & *electionem* esse actus realiter distinctos; sicut cum aliquis ex intentione videndi Romanam quotidie proficiscitur; ac necesse non est,

est, quod singulis passibus de duo fine cogitet; satis namque est, quod ex finis intentione virtuali moveatur, ac Romam pergat. Illud veto notandum, *intentionem* sæpe a Patribus inter actus intellectus accenseri: sed hoc ideo, quia intentio actum intellectus præsupponit; vel *intentionem* pro *attentione* accipiunt, vel metaphorice loquuntur: quia sicut attentio rationis dirigit operationes, ita intentio finis totius viæ moralis æconomiam dirigit. Qua de causa *oculus*, & *lucerna* a Christo dicitur: quia sicut oculus manuum operationes, pedumque gressus regit; ita pia intentio totam humanorum actuum seriem in ultimum finem ordinat, ac præcedere debet, ut ad debitum finem actiones omnes dirigere valeant.

VII. Intentionem sequitur *Consilium*, quod est discursus quidam intellectus practicus inquirentis media ad obtinendum finem, & de eorum convenientia judicantis. Unde perfectum, completumque consilium medium importat inquisitionem, & consultationem, sed etiam iudicium de mediis utilitate, & juxta hanc posteriorem rationem consilium invenitur in Deo, qui operatur omnia secundum *consilium voluntatis sue*. Itaque *consilium* duo significat in homine *inquisitionem*, & *iudicium* de mediis, quæ media inquisitio supponit non esse determinata, sed incerta, ac dubia: nam quæ determinata sunt, sub inquisitione non cadunt. Supponit etiam, rem, de qua agitur, alicujus esse momenti, sive in re, sive saltem in apprehensione. Quemadmodum autem discursus, aut ratiocinatio speculativa a duplici intellectuuali virtute profuit, *intelligentiæ* scilicet, sive habitu primorum principiorum quantum ad præmissas, & a *scientia* quantum ad conclusionem; ita in discursu practico consilii duæ concurrunt virtutes, nempe *Eubulia*, quæ acce consiliatur in inquisitione mediis,

& *Synesis*, seu *gnosis*, quæ de mediis convenientia iudicium, ac sententiam pronunciat, de quibus alibi a nobis dictum est. Ex his sequitur, *consilium* semper præcedere electionem: ad hoc enim conculimus, ut eligamus, & ex consultatione mediis aliud præ alio seligamus.

VIII. Consilii inquisitioni, & iudicio succedit *consensus voluntatis approbans media proposita*, eaque acceptans tamquam utilis, & fini præintento consequendo idonea: qui actus distinguitur ab electione unius præ alio. Fieri namque potest, ac sæpe contingit, quod per consilium inveniantur, & proponantur voluntati plura media ad finem obtinendum accomodata, quibus sibi complacere, ac consentire voluntas potest, licet deinde per electionem unum alteri præferat. Si tamen contingat, unicuique esse relate ad finis affectionem medium idoneum, tunc consensus ab electione laud distinguitur, quæ tunc non est determinativa alienius medii inter plura: sed idem actus est *consensus*, prout complacet in medio proposito, simulque est *electio*, prout præfert illud aliis ineptis.

Ex quibus habetur, *consensum* esse actum voluntatis ad hærentis propositioni Consilii, sive acceptantis media ab intellectu selecta: media, inquam; quoniam de fine non est proprie consensus. Cum enim consensus sit applicatio, & complacentia voluntatis in eo, quod ex consilio iudicatum est, de illis tantum est consensus, de quibus est consilium. Constat autem, consilium non esse de fine, sed solum de mediis: finis enim est principium in operabilibus: unde sicut in speculativis non est questio de principiis, quæ certa supponuntur, sed de conclusione; ita non est consilium de fine, sed de mediis. Quod si interdem de fine inquirimus, an sit amandus, dubitantes de bonitate ipsius, hoc ex eo provenit, quod bonitas finis in particulari nos latet: & ideo

ideo potius inquirimus, an tale objectum materiale debeat habere rationem suam, quam an finis sit appetendus: quia si constaret talem rem esse finem, de ea nulla esset inquisitio.

IX. Consensus proxima est electio mediorum, qui voluntatis actus est versans circa media, quorum unum præ alio acceptat relate ad consequendum finem. Dicitur *actus voluntatis*: quamvis enim electio præsupponitur actum rationis ordinantis, conferentis, & mediorum utilitatem ponderantis, in ipsa tamen voluntate consummatur, & ab ipsa elicitur. Versatur circa media, non circa finem; quia, cum electio sit præacceptatio unius præ alio, supponit amorem finis, ad quem assequendum hoc alteri medium præfert. Quoniam vero, ut adnotat S. Thomas, sicut principium unius scientiæ potest esse conclusio alterius; ita bonum, quod est finis respectu inferiorum, potest esse medium ad finem ultimum, atque hoc modo potest esse electio finis, non quatenus finis est, sed prout est medium: tunc autem vocari consuevit finis intermedius, medius scilicet inter finem ultimum, & media inferiora. Atque hoc quidem verum est, si loquamur de electione in propria significatione sua. Nam si minus presse accipiatur electio, finem quoque particularem ultimum complectitur, quatenus bonis aliis omnibus antefertur. Unde Deuteron. 16. populum Israeliticum Moyses alloquens dixit: *Dominum elegisti hodie, ut sit tibi Deus, & ambulans in viis ejus*. Et Luc. 10. de Maria Magdalena Christus ait: *Optimam partem elegisti sibi Maria, que non auferetur ab ea*.

X. Electioni comes est imperium, cujus munus est intimare mediorum executionem. Hic actus hoc habet peculiare præ cæteris, quod adhuc descripsimus, quod hi interiores sunt, & intra intellectum, & voluntatem fiunt: Imperium vero, quod est

actus intellectus, veluti foras erumpit, exterisque potentiis tum internis, tum externis executionem intinuit, ac jubet, quemadmodum pulchre declarat S. Thomas hic q. 17. art. 3. ad t. inquit: *Post determinationem consilii, que est judicium rationis, voluntas eligit, & post electionem ratio imperat ei, per quod agendum est, quod eligitur: & tunc demum voluntas incipit uti, exequendo imperium rationis: quandoque quidem voluntas alterius, cum aliquis imperat alteri: quandoque voluntas ipsius imperantis, cum aliquis imperat sibi ipse*.

XI. Usus ergo actus voluntatis præter imperium admittendus est, qui plane ab electione distinguitur: Hec enim respicit media veluti futura; sed usus, ut præsentia, & ad executionem per exteriores potentias deducenda juxta exigentiam, & difficultatem rerum, sive negotiorum, quæ occurrunt, & finis præsententi naturam. Unde actus iste, sive officium magnam sæpe difficultatem ingerit, ad quam prompte, celeriterque superandam speciali voluntatis conatu opus est, ne tædio & labore vincamur. Quoties (ajebat olim Bernardus lib. 1. de Consid. C. 1.) *vis, & incassum: quoties moves; nec permoves! quoties conaris, & non datur ultra! Eniteris, & non obtines: parturis, & non paris: tentas, & abripis: ubi incipis, ubi desicis: & dum adhuc ordiris, succidunt te. Venerunt filii usque ad partum (ait Propheta) & vires non habent parturiendi*. Atque utinam hæc sæpe non expeiremur in nobismetipsis!

XII. Demum omnium nostrorum actuum æconomiam perficit assuetio, seu fructus finis, qui actus intellectus non est, sed voluntatis, ejus sicuti proprium est desiderare suam possessionem; ita & in ejus possessione quiescere, sive sine jam acquisito, & possessio frui. Hinc fructus in Sacris Literis pro suavi quodam delectationis experimento usurpatus juxta illud: *Pesui-*

te, fruamur bonis : sumiturque hujusce nominis etymon a fructu, qui arboris est potestus effectus. Quare S. Augustinus fruitionem sæpe declarans : Frui, inquit, dicimur de ea re, de qua capimus voluptatem, & rebus cognitis fruimur, in quibus voluntas delectata quiescit. Quia potero finis dupliciter haberi potest, perfecte scilicet, ac consummate, & imperfecte, seu inchoative ; ideo duplex fructus distingui solet : altera initiativa, quæ est de complacentia de fine cognito, & sperato, secundum illud Apostoli ad Rom. 13. : *Spe gaudentes* ; altera plena, & cumulata, quæ solum habetur post finem adeptum. Quia vero per primam fruitionem inchoatur, ac veluti sternitur via ad cæteros actus jam enumeratos, nempe intentionem, electionem, imperium, usum, & delectationem perfectam ; ideo in quæstionibus de hujusmodi actibus prius egit S. Thomas de fructione, quam ut ad actus alios explicandos progrediretur. Hæc attingisse sufficiat de mirabili ætuum nostrorum harmonia, atque ordine : amplior namque discussio ad nostrum institutum minime pertinet.

CAPUT VIII.

CONSECTARIA PRÆCEDENTIS DOCTRINÆ.

- I. *Qui libertatem humani arbitrii negant, tamquam exitiosissimi totius Religionis, ac Politicæ hostes habendi.*
- II. *Fidei Christianæ repugnat sententia, quæ tradit, humani arbitrii libertatem quoad bonum, & malum extitisse in Adamo peccante.*
- III. *Non minus reprobanda est tertia illa inter quinquæ propositiones Jansenii tributa : Ad merendum, vel demerendum in statu naturæ lapsæ non requiritur in homine libertas a necessitate, sed sufficit libertas a coactione.*
- IV. *Negus tamen propterea solus in homine*

admittenda libertas est, ut possit sine gratia quidpiam agere salutare in ordine ad vitam æternam.

- V. *Nullus datur altius voluntatis sine aliquo actu intellectus. Quorundam Mysticorum legitimus sensus exponitur.*
- VI. *Intentio finis non ideo in Scripturis denominatur oculus, quia ad intellectum pertineat, sed quia cognitionem præsupponit.*
- VII. *In mediocrem electionis maxime effulget voluntatis libertas.*
- VIII. *Electio non est, nisi eorum, quæ per nos aguntur, & finem respiciunt.*
- IX. *Voluntas inefficax, siue velleitas potest esse vel non possibilem, verum etiam impossibilem. Sed electio non nisi possibilem est.*
- X. *Homo non eligit ex necessitate, sed libere ; libertate tum quoad exercitium, tum etiam quoad specificationem.*
- XI. *Serio advertere debent homines, quid proprie sit voluntatis consensus, & in quo consistat.*
- XII. *Ut consensus ad culpam imputetur, necesse non est, ut sit expressus, sed sufficit implicitus.*
- XIII. *Satis creato bono uti licet, non autem inrecto.*
- XIV. *Quibus bonis creati uti potest voluntas, declaratur.*
- XV. *Voluntas tum intellectui, tum propriis actibus imperare valet, atque etiam actibus sentientis appetitus, sed non eodem modo.*
- XVI. *Quemadmodum uti non debemus nisi bonis creatis, ita frui non licet nisi bono increato, quod Deus est.*

Reflexio.

CONSECTARIUM PRIMUM.

QUI humanæ voluntatis libertatem negant, habendi sunt veluti cuiusque Religionis hostes, Politici statim everfores,

ac pestes humani generis. Sublata quippe libertate, haud plane consistit lex Dei æterna, quæ rectum ordinem præscribit, jubetque exequi, quæ honesta sunt, atque iusta; fugere vero, quæ turpia, & iniusta. Quis enim bonam actionem, vel malam propterea dixerit; iustam, vel iniustam, quam necessario elicimus? Quis teneretur ad morum regulas, quas impressas in nobis percipimus, sequendas, si æque, ac bellum inevitabili fato, ac instinctu cuncta ageremus? Immo huiusmodi leges, ac regulas, quæ tum ad colendum Deum, tum ad iustitiam servandam, tum ad virtutes cæteras excedendas urgemur, atque obligamur, frustra nec penitus, & inuiles essent. Fieri namque minime posset, ut ad earum amissionem vitam homines componerent, & honeste viverent, qui vitam inhoneste, turpiterque traducunt: quemadmodum nec fieri potest, ut videat, qui caret lumine, aut recte inceat, qui claudus est. Nec divinæ solum, sed omnes etiam vanae sunt humanæ leges, quæ in quovis recto regimine constituuntur. Neque enim sit: tuæ leges valere possunt, si ii, pro quibus statuuntur, potestate carent ita, aut aliter agentis. Nam necessitate ducti subditi eodem modo, nulla legum ratione habita, agerent, nec possent exequi, quæ Legumlatores precipiunt, aut vitare, quod prohibent: atque adeo nec adversus transgressores legum poenæ iuste sineiuntur: siquidem, ut ait S. Augustinus lib. de duab. anim. Peccati reum vinere quemquam, quia non facit, quod facere non potest, summa iniquitatis est, et insania; & alia plura admittere absurda necesse est in societatis perniciem, quæ euique obvia sunt.

CONSECTARIUM SECUNDUM.

II. Filii Christianæ repugnat, & inter hæretica dogmata recensenda doctrina est,

quæ tradit, primum quidem humani generis parentem Adam libero fuisse arbitrio præditum: ac extinctum, sublatumque illud penitus esse post peccatum ipsius relate ad opera bona, & virtutis æternæ meritorias adeo ut liber quidem adhuc permanferit homo in hoc statu naturæ lapsæ quoad opera naturalia, ac civilem societatem spectantia: sed in genere moris, æternæque salutis negotio, sublata omni eligendi facultate, & activa indifferentia, necessario ille peccet, nullasque omnino partes habeat in iis, quæ Divina gratia præventus operatur. Hunc errorem docuit Lutherus, & in eo jam damnavit Ecclesia, dum hanc ipsius propositionem falsavit pes Leonem X. in Bulla: *Exurge Domine*; nimirum: *Libero arbitrium post peccatum esse res de solo titulo: et dum facit, quod in se est, peccat mortaliter*. Docuit etiam post Lutherum Calvinus, & utriusque doctrinam damnavit Concilium Tridentinum sequentibus tribus Canonibus, nempe scilicet. 6. can. 4. *Si quis dixerit, liberum hominis arbitrium a Deo motum, et excitatum nihil cooperari assentiendo Deo excitanti, atque vocanti, quo ad obtinendam justificationis gratiam se disponat, ac præparet; neque posse dissentire, si velit, sed veluti inanime quoddam nihil omnino agere, merique passive se habere, anathema sit.*

Can. V. *Si quis liberum hominis arbitrium post Adam peccatum amissum, et extinctum esse dixerit, aut rem esse de solo titulo, immo titulum sine re, signumque ænigmati a Satana involutum in Ecclesia, anathema sit.*

Et Can. VI. *Si quis dixerit, non esse in potestate hominis vias suas malas facere, sed mala opera, ita ut bona Deum operari non permittit solum, sed etiam propriis, et per se, adeo ut sit proprium opus ejus non minus proditio salutis, quam vocatio Pauli, anathema sit.*

CONSECTARIUM TERTIUM.

III. Non minus reprobanda est veluti hæretica tertia illa inter quinque famosas, quæ Janfenio tribuuntur, propositiones, quam anathemate perculit Summus Pontifex Innocentius X., ac cæteri, qui subsequuti sunt, Romani Pontifices, nimirum: *Ad merendum, vel demerendum in statu naturæ lapsæ non requiritur in homine libertas a necessitate; sed sufficit libertas a coactione.* Quam merito fuerit hæc propositio proscripta, nemo non videt: totum quippe continet virus Lutheranae, ac Calvinianæ de libertate humana doctrinæ: neque enim adeo despuerunt Lutherus, & Calvinus, ut negarent actus elicitos a voluntate in quocunque genere liberos esse libertate a coactione, sive nullam inferri voluntati violentiam a Deo illam movente, aut in ipsam operante. Solam proinde negant libertatem a necessitate, seu liberos esse, & immunes a necessitate homines in hoc statu lapsæ naturæ, dum bonum aliquod salutare peragebant, & nihilo secius hanc necessitatem sufficere putabant saltem ad demerendum in hocce statu. Nam meritum nullum agnoscebant.

CONSECTARIUM QUARTUM.

IV. Neque tamen aliud extremum delineare fas est, in quod Pelagiani lapsi sunt, non minus ab Ecclesia tamquam hæretici propterea rejehti, videlicet libertatem in hoc statu corruptæ naturæ neque ad bonum, atque ad malum solis viribus naturalibus idoneam esse, quin ad bonum divine gratiæ subsidio indigeat. Siquidem, Augustino teste Epist. 47. ad Valentini, *Fides Catholica neque liberum arbitrium negat sive in vitam malam, sive in bonam: neque tantum ei tribuit, ut sine gratia Dei valeat aliquid, ad vitam nempe æternam.*

Patuzzi Theol. Mor. T. II.,

CONSECTARIUM QUINTUM.

V. Nullus datur actus voluntatis sine actu aliquo intellectus. Hinc quantumvis voluntas ad altissimum gradum orationis a Deo elevata extra se rapti videatur, nunquam tamen cessat omnino rationis operatio: quia licet tunc desinat, aut desinere queat meditatio, aut discursus, semper tamen divina flamma ardet, & lucet; nemo quippe amat, quod ignorat. Quod si aliqui Patres, qui de Mystica Theologia tractant, aliquando asserant, solam voluntatem operari in profunda beatæ quietis oratione; ideo hoc dicunt, quia ratio tunc non discurret, sed statim ac Dei simplici intuitu gaudet, fervens amore voluntas sese in objectum amatum effundit, ac juxta Scripturæ locutionem totum cor liquescit, ut dilectus locutus est. Et quia amans amore trahitur, nec agit, nisi quia ab objecto alliciente patitur, idcirco oratio illa passiva dicitur; sed semper cum aliquo intellectus actu conjuncta est. Hinc merito proscriptæ ab Ecclesia sunt quædam Michaelis de Molinos propositiones, quæ huic adversantem doctrinam satis insinuant.

CONSECTARIUM SEXTUM.

VI. Intentio finis non ideo in sacris Literis metaphorice denominatur oculus (veluti cum Matth. 6. dicitur: *Si oculus tuus fuerit simplex &c.*), quia ad cognitionem pertineat, sed quia cognitionem presupponit, per quam finis voluntati proponitur, ad quem movetur: sicut oculo prospicimus, quo tendere gressu corporali debemus. Sic etiam ibidem intentio vocatur lumen, cum dicitur: *Si lumen, quod in te est, tenebra sint; quia manifesta est intendenti*, inquit S. Thomas hic q. 11. art. 1. ad 2. Unde & opera dicuntur tenebræ; quia homo scit, quid intendit, sed nescit, quid ex opere sequatur.

H

Con-

CONJECTARIUM SEPTIMUM.

VII. Electio est peculiaris actio, in qua libertas maxime effulget humanæ voluntatis: Cum enim, verba sunt S. Thomæ q. 13. art. 2. electio sit præceptio unius respectu alterius, necesse est, quod electio sit respectu plurium, quæ eligi possunt. Et ideo in his, quæ sunt penitus determinata ad unum, electio locum non habet. Est autem differentia inter appetitum sensitivum, & voluntatem; quod appetitus sensitivus est determinatus ad unum particulare secundum ordinem naturæ. Voluntas autem est quidem secundum naturam ordinem determinata ad unum commune, quod est bonum: sed indeterminate se habet respectu particularium bonorum. Et ideo proprie voluntatis est eligere, non autem appetitus sensitivi, qui solus est in brutis animalibus.

CONJECTARIUM OCTAVUM.

VIII. Electio semper eorum est, quæ a nobis aguntur, sive actuum humanorum: cuiusmodi non est, nisi eorum, quæ finem respiciant: quæ autem respiciunt finem a nobis intentum, vel est actio nostra, vel est res aliqua, quæ nobis conjungi potest ex nostra actione; ea nimirum, qua vel quidpiam facimus, quod ordinatur ad finem, aut eo utimur. Si actio nostra sit, manifestum est electionem esse alienius humani actus: si res distincta, etiam tunc electio est actus humani, ejus scilicet, quod mediante rem illam agimus, aut ea utimur. Quare, cum S. Thomas hic art. 4. ubi objecerit, eligi interdum a nobis homines ad aliqua officia sive secularia, sive ecclesiastica ab his, qui nihil circa eos agunt; respondet, „quod homo, qui eligit Episcopum, vel Principem Civitatis, eligit nominare ipsum in talem dignitatem: „alioquin, si nulla esset ejus actio ad „constitutionem Episcoporum, vel Principis,

„non competet ei electio. Et similiter „dicendum est, quod quodcumque dicitur aliqua res præligi alteri, adjungitur ibi aliqua operatio eligentis.“ Ex quo fit, quod electio quæcumque aut bona est, aut mala, sive regulis morum subiecta.

CONJECTARIUM NONUM.

IX. Voluntas inefficax, sive simplex complacentia, aut velleitas potest esse nedum possibilem, sed etiam impossibilem: sed electio non esse nisi possibilem. Ratio prioris affecti est, quia tunc voluntas respicit unice objectum secundum seipsum, sive potest esse, vel apprehenditur sive conveniens: Unde voluntas potest affectu inefficaci in illud tendere, quod est impossibile; sicut si homo appetat esse Angelum. Posterioris autem, quia electio respicit objectum ut futurum, & per media obtinendum: nullus autem movetur ad obtinendum id, quod judicat acquisitu impossibile. Adverte tamen etiam simplices velleitates, sive inefficaces appetitiones alicujus rei impossibilis esse bonas, aut malas juxta objectorum conditionem; ex. gr. bona est volitio illius qui vellet non peccasse, sive Deum non offendisse peccatis, quæ commisit: mala vero, immo pessima volitio, qua quis appeteret Deum non esse, ut libere peccare posset.

CONJECTARIUM DECIMUM.

X. Homo non ex necessitate eligit, sed libere; idque nedum libertate quoad exercitium, sed etiam quoad specificationem. Hoc conjectarium hic ideo subijcio, ut afferam pulcherrimam, solidamque S. Thomæ doctrinam, qua explicat liberitatem homini in eligendo convenientem. Sic itaque scribit art. 6. q. 3. „Homo non ex „necessitate eligit: & hoc ideo, quia quod „possibile est non esse, non necesse est esse.“

„Quod

„ Quod autem possibile sit non eligere ,
 „ vel eligere , hujus ratio ex duplici ho-
 „ minis potestate accipi potest . *Potest enim*
 „ *homo velle , & non velle , agere , & non*
 „ *agere* (en libertas quoad exercitium) ;
 „ *potest etiam velle hoc , aut illud* (en li-
 „ bertas quoad specificationem) . Cujus
 „ ratio ex ipsa virtute rationis accipitur .
 „ Quidquid enim ratio potest apprehende-
 „ re ut bonum , in hoc voluntas tendere
 „ potest . Potest autem ratio apprehendere
 „ ut bonum non solum hoc , quod est vel-
 „ le , aut agere , sed hoc etiam , quod est
 „ non velle , & non agere .

„ Et rursus in omnibus particularibus
 „ bonis potest considerare rationem boni
 „ alicujus , & defectum alicujus boni ,
 „ quod habet rationem mali . Et secun-
 „ dum hoc potest unumquodque hujusmodi
 „ bonorum apprehendere , ut eligibile ,
 „ vel fugibile . Solum autem perfectum
 „ bonum , quod est beatitudo , non po-
 „ test ratio apprehendere sub ratione ma-
 „ li , aut alicujus defectus . Et ideo ex ne-
 „ cessitate beatitudinem homo vult , nec po-
 „ test velle non esse beatus , nec esse mi-
 „ ser . Electio autem , cum non sit de
 „ fine , sed de iis , quæ sunt ad finem ,
 „ non est perfecti boni , quod est beatitu-
 „ do , sed aliorum particularium bonorum .
 „ Et ideo homo non ex necessitate , sed
 „ libere eligit . Hinc in resp. ad 1.
 „ ostendens , quo pacto , etiam posita inten-
 „ tione consequendi finem , non ideo volun-
 „ tas in electione necessario moveatur , ait :
 „ *Non oportet , quod semper ex fine infit bemi-*
 „ *ni necessitas ad eligendum ea que sunt ad*
 „ *finem : quia non omne , quod est ad finem*
 „ *tale est , quod sine eo finis haberi non possit*
 „ *aut si tale sit , non semper sub tali ratione*
 „ *consideratur* .

CONSECTARIUM UNDECIMUM.

XI. Tum qui scrupulosa , tum qui libe-

rioris conscientie sunt , sedulo adverta-
 oportet , quid consensus , prout hic sumitur
 proprie sit , & in quo actu consistat : ni-
 mirum , ut docet S. Thomas q. 15. art. 2.
Consensus importat applicationem appetitivi
motus ad aliquid agendum (sive ad rem se-
 cundum quod ei inheret , ut habet art. 1.) .
Ejus autem est applicare appetitivum motum
ad aliquid agendum , in cuius potestate est ap-
petitivus motus : sicut congere lapidem convu-
nit quidem baculo : sed applicare baculum ad
tallum lapidis est ejus , qui habet in potestate
movere lapidem . Unde colligit : Bruta ani-
 malia , cum non habeant in suo potestate ap-
 petitivum motum , sed talis motus in eis sit
 ex instinctu nature , appetunt quidem , sed non
 applicant appetitivum motum ad aliquid . Ac
 vero idem non est de rationabili naturo , que
 cum habeat in potestate motum appetitivum ,
 potest ipsum applicare , vel non applicare ad
 hoc , vel ad illud , atque alio consentire . Qua
 ex doctrina inferre debent , qui conscientiam
 sunt nimium meticolose , non esse consen-
 sum in peccatum , licet sensum rebellis
 appetitus perferant , quamdiu voluntas
 libere non applicat motum appetitivum ad
 objectum : quia juxta tritum illud S. Ber-
 nardi : *Non nocet sensus , ubi non est consen-*
sus . E contra vero perimefcent appetitus ,
 qui laxioris conscientie sunt , sepe se ap-
 plicare appetitum ad motum peccaminoso-
 sum , adeoque consentire peccato .

CONSECTARIUM DUODECIMUM.

XII. Consensus in actum peccati perti-
 net quidem ad rationem superiorem (ut
 hic art. 4. ex Augustino docet S. Thomas) ,
 quæ utramque facultatem complectitur ,
 intellectum scilicet , & voluntatem : sed ut
 ad culpam impugetur , satis est judicium
 rationis superioris implicitum : neque enim
 tunc solum censetur ratio superior consen-
 tire , quando secundum rationes æternas
 expresse movet ad agendum ; sed etiam
 H 2 quan-

quando sciens, & videns, quid placeat rationi inferiori, eam non cohibet; sed permittit: tunc siquidem secundum rationes aeternas non dissentit, quemadmodum posset, ac deberet, ideoque merito ipsi ad culpam adscribitur. Hinc S. Thomas ad argumentum quoddam sibi tertio loco objectum art. 4. ita respondet: *Dicendum, quod ratio superior dicitur consentire non solum, quia secundum rationes aeternas semper movet ad agendum, sed etiam quia secundum rationes aeternas non dissentit.*

CONJECTARIUM DECIMUMTERTIUM.

XIII. Presse accipiendo *usum*, solo creato bono *uti* licet, adeo ut sit semper *abusus*, atque peccatum, dum bono increato, Deo scilicet, utimur. Quare recte S. Augustinus q. 30. inter 83. scribit: *Omnis humana perversio est fruendis uti velle, atque utendis frui.* Deus enim bonum duntaxat illud est, quod querere debemus ad eo fruendum, nec eo *uti* possumus. Unde ibidem varia recensens, quibus homo uti potest, *de solo*, inquit, *Deo non iudicat: quia secundum Deum de ceteris iudicat, nec eo utitur, sed fruitur, Neque enim ad aliud Deus referendus est: quoniam omne, quod ad aliud referendum est, inferius est, quam id, quod referendum est: Deus autem nulla re potest esse inferior.* Et lib. 15. de Civit. cap. 7. affirmat: quod boni ad hoc utuntur mundo, ut fruantur Deo: mali autem e contra, ut fruantur mundo, uti volunt Deo.

CONJECTARIUM DECIMUMQUARTUM.

XIV. Atque hinc si querat aliquis, quanam fiat, quibus *uti* liceat; generalis in primis responsio est, posse nos uti quolibet bono creato: cum omnis creatura Dei bona sit, ac propterea possit esse homini medium quoddam, sive adminiculum ad Deum cognoscendum, & amandum: Quoad vero

bona particularia, potest primum homo uti ratione, qua praeditus est, ac etiam voluntate, ut Deum amplius cognoscat, & diligat. Deinde uti potest creaturis aliis, rationalibus ad societatem, irrationalibus ad propria commodum, & utilitates. Tertio potest uti vita sua eam ad hoc referendo, ut Deo fruatur. Quarto etiam uti potest suo corpore, ut per illud Deo inferviat. Quinto rebus quibusdam vel assumendis, vel respuendis, prout ad beatitudinem conferunt. Sexto demum rebus quibusdam tolerandis ad patientiam, & iustitiam, vel meditandis ad doctrinam.

CONJECTARIUM DECIMUMQUINTUM.

XV. Voluntas imperare quidem potest suis actibus, atque etiam actibus intellectus quantum ad *exercitium*. Verum relate ad appetitum sentientem non eodem modo loqui fas est. Nam licet quidam actus, aut motus huiusce appetitus imperari a voluntate valeant; quidam imperari nequaquam possunt. Cum enim appetitus sentiens sit pars organica corporis, ejus actus non solum pendent ex potentia animae, sed etiam ex qualitate, & dispositione organi corporis, atque adeo motus sensiles interdum excitantur ex sola corporis dispositione absque ullo actu facultatis imaginativae, ut ex gr. motus concupiscentiae in somno contingentes. Atque hocce in casu motus partis sentientis non subjacent imperio rationis, adeo ut imperare possit, ne exoriantur; quoniam corporis dispositio in potestate nostra non est, sed solum quoad hoc, ut eis praebatur, vel non praebatur assensus, postquam exorti sunt. Interdum vero motus partis sentientis in nobis excitantur ex apprehensione potentiae imaginativae: & quia apprehensio imaginativa, cum sit vis particularis, dirigitur ab apprehensione rationis, quae virtutis universalis motio est; ideo hujusmodi motus imperio rationis subj-

jacent; quemadmodum virtutis particularis subest virtuti universali. Quapropter si motus illi orientur ex imaginatione solum indirecte voluntaria, quæ scilicet impediri potuissent, si ratio vigilasset, indirecte saltem, & imperfecte subjacent voluntatis imperio. Si autem orientur ex imaginatione profus voluntaria, veluti si ratio eam imperavit hoc fine, ut ejusmodi motus exurgerent, directe, ac perfecte subsunt imperio rationis. Hæc doctrina tota, quanta est, sumitur ex *art. 7. q. 17. S. Thomæ*, eaque magis firmantur, quæ de eodem ferme argumento supra dicta sunt.

CONJECTARIUM DECIMUMSEXTUM.

XVI. Quandoquidem fruitio, quæ in serie humanorum actuum postrema est, non est nisi *adbasio per amorem alicui rei propter se ipsam*, ut tradit Augustinus *lib. 1. de doctr. Christi. c. 4. & lib. 10. de Trinit. c. 10.*; ideo nulla creata re frui possumus citra peccatum, *fruitione* proprie accepta; quia cum solus Deus debeat esse noster ultimus finis, Deo solum *frui* licet: quæ fruitio imperfecta quidem est in hac vita, sed perficietur in altera. Hinc sapienter observat idem S. Doctor, Apostolum Paulum scribentem ad Philemonem dixisse: *Itaque, frater, te fruar in Domino.* „ Si enim (inquit) dixisset: *te fruar*, & non „ addidisset: *in Domino*, videretur finem „ delectationis in eo posuisse. Sed quia addit: *in Domino*, in Domino se posuisse „ finem, atque eo se *frui* significavit, ut „ sic fratre se frui dixerit non tamquam „ termino, sed tamquam medio “.

REFLEXIO.

Equis est, qui, dum serio animum advertit, seque liberi arbitrii facultate prædictum contemplatur, ac intimo sensu percipit, non agnoscat tam excellentia beneficia a Deo sibi collati magnitudinem? Hæc

insigni prærogativa donati supra cæteras quaslibet Mundi hujus aspectabilis Creaturas altius assurgimus, atque eminemus. Hæc Angelicis Spiritibus, immo & ipsi supremo rerum omnium Conditori, ac gubernatori Deo assimilamur. Hæc tamquam domini de nobismetipsis, deque actibus nostris pro libitu disponere valemus, eaque feligere, quæ gratiora nobis, atque utiliora visa fuerint. Hæc demum, ne omnia persequar, laudem immortalem, ac felicitatem sempiternam, ad quam Creaturæ cæteræ pervenire nequeunt, comparare nobis possumus. Verum, dum eximium hæc Divinæ beneficentiæ munus attente cognovimus, atque perpendimus, quis non inde colligat, arctissimo se vinculo devinctum esse, ut libertatem suam in ejus honorem, & gloriam continenter impendat, a quo illam accepit? ita nimirum, ut ea nunquam utatur, nisi juxta Dei beneplacitum, & rectissimam voluntatem, cui obsequenda magis illa, magisque persequitur, divinæque similior evadit. Hoc utique debet homo omni procul dubio Creatori suo tum propter hoc singulare, atque præstantissimum beneficium, quo supra res alias creatas excellit. Verum prohi dolor! Quam multi sunt, qui hoc ipso liberatis dono abutuntur in offensam, & contumeliam Benefactoris sui! Quam pauci, qui propriæ voluntatis actus ita disponant, ut finem ultimum Deum unice sibi præstint, ad eumque adipiscendum efficaciter dirigant! Et ut de his tantum, cæteris prætermittam, quidpiam dicamus, & quæ de harmonia actuum nostrorum prælibata sunt, attingamus, plures equidem invenire est, qui summam Dei amabilitatem considerantes aliquem eiga Deum amorem concipiunt, & in ea, quæ Deo placita sunt, virtutes scilicet, & virtutum officia nonnunquam inardescunt: sed ultra non procedunt, in sterili quadam voluntatis complacentia sistentes, cæterosque actus,

actus, quibus ad Deum pervenitur, omit-
tentes. Finem quidem ultimum Deum as-
sequi vellent, recteque etiam de mediis ad
finem assequendum idoneis consilium, &
judicant; sed tamen finem non assequun-
tur: quia vel religio, vel labore victi ne-
cessaria media non apponunt, vel in in-
ceptis deficiunt, similes plane homini illi,
de quo Sapiens loquitur, cum ait: *Vult,
& non vult piger. Vult* scilicet prosequi bo-
num, illudque exequi: at simul non vult,
quia labore, & difficultate terribus bonum
non efficit, fluctuansque torpens, & lan-
guens in his volitionibus sibi contrariis,
quemadmodum de se ipso testatur S. Au-
gustinus in initio suae Conversionis lib. 8.
Confes. C. 10.: *Ego deliberabam*, ait, *ut
servirem Domino meo: ego eram*, qui vole-
bam: *ego eram*, qui nolabam: *ego eram*,
nec plane nolabam: ideo contende-
bam, & dissi-
pabam a me ipso: & ipsa dissipatio, me in-
vito quidam, fiebat, nec tamen ostendebat
naturam mentis aliene, sed poenam meae. Qui
ita se gerit, ad finem ultimum Deum nun-
quam perveniet ut eo in sempiterna beati-
tudine, quae in ejus possessione consistit,
perfruatur.

Quapropter maxima cura impendenda
nobis est, ut libero, quo possemus, arbi-
trio recte utentes non in uno, vel altero
sitamus nostrae voluntatis actu, sed omnes,
qui seriem eorum complent, ita ordinemus,
ut beatissimum finem nostrum tandem as-
sequamur. Cum vero omnes diligenter or-
dinandi sint, tum duo potissimum sollicitos
habere nos debent, *intentio* videlicet, &
executio. *Intentio*, tametsi cognitionem, &
simplicem volitionem finis praesupponat,
nihilominus illa est, a qua plurimum pen-
der subsequantium actuum rectitudo. Hec
enim est veluti fax splendida, quae tenebras
dissipat, ac veluti Sol aliis officiis lucem,
& calorem communicat. Hinc sapienter
observat S. Bernardus *serm. 40. in Cant.*,

per faciem Sponsae mentis intentionem de-
signari, ex qua nimirum pulchritudo operis,
sicut ex facie pulchritudo corporis aestima-
tur; signanter tamen genas nominasse Spi-
ritum Sanctum, dicentem: *Pulchra sunt ge-
nae tuae*; quia *duo quaedam* (inquit) *in in-
tentione* (quam faciem animae esse diximus)
necessaria requiruntur, *res*, & *causa*; id est,
quid intendas, & *propter quid*. Ex his sane
duobus vel decor, vel deformitas judicatur;
ut anima, quae ambo ista vestit, atque pu-
dica habuerit; illi merito, veraciterque di-
catur: *pulchra sunt genae tuae*, sicut turturis.
Quae vero altero horum caruerit, non poterit
dici de ea, quod *pulchra sint genae ejus* sicut
turturis propter eam, quae adhuc ex parte
erit, deformitatem. In eo igitur summa
nobis cura vigilandum est, ut recta sit in-
tentio nostra, ut Deum scilicet semper respiciat,
ne aut vanae gloriae vitio, aut concu-
piscientiæ blandientiis insidiis alio verta-
tur, ac praeterea ut media, quae spectat,
mala non sint. Nam sicut bonum polluit
ac damnat intentio prava, ita malum opus
non excusat intentio recta: nihilque refert,
quo animo aliquid facias, si vitiosum est,
quod facis: nec desinit esse pestifera labes
putredinis, quamvis bona intentionis spe-
cie, & colore recta obducatur. Unde lau-
datus S. Augustinus lib. cont. Mend. c. 7.
ait: *Interest quidem plurimum, quae causa,
quo fine, qua intentione quid fiat. Sed ea,
quae constat esse peccata, nullo bonae causa ob-
tentu, nullo quasi bono fine, nulla velut bo-
nae intentione faciendae sunt*.

Si hujusmodi fuerit *intentio finis*, recta
quoque, & sancta erit *electio mediorum*, quae
in processu actuum nostrorum peculiarem
locum obtinet, & praecipuus fructus est
rectae intentionis. Ut autem in ea nullus
obrepit error, ipsam praecedat oportet, ut
cum eodem S. Bernardo loquat lib. 5. de
consil. c. 2. vel comitetur, vel sequatur con-
sideratio triplex, *dispensativa*, *estimativa*,
spe-

speculativa. Prima rebus ordinate utitur ad promerendum Deum. Altera res diligenter scrutatur, & ponderat ad vestigandum Deum. Tertia ab humanis rebus se avocat ad contemplandum Deum, quem nisi respicimus, dum eligimus, & postquam elegimus, ipsum non consequemur. Prima multa serit, sed parum metit: secunda vadit, sed nondum evadit: tertia venit, & ad Deum pervenit. *Quod prima cpat, secunda odorat, tertia gustat*. Pura erit electio, si sic incipiat: constans, si sic pergat: felix, si sic perveniat. Quandoquidem voluntas ira disposita, efficaciter mediorum executionem imperabit, iisque, nulla difficultate, nullo retrahente labore utetur, & ad possessionem, ac fruitionem beati finis felicissime pertinget.

CAPUT IX.

De bonitate, & malitia actuum humanorum, sive moralium in genere.

DOCTRINA.

- I. Moralitas neque in voluntario, & libero, neque in impetabilitate statuenda est, sed in subiectione actuum humanorum ad divinam regulam.
- II. Specifica humanorum actuum moralitas ab objecto desumitur.
- III. De circumstantiis agitur actuum humanorum. Haec a Theologis maxime consideranda.
- IV. Circumstantiae describuntur, earumque sensus legitime explicatur.
- V. Harum ordo, ac praesentia notatur.
- VI. Ex his sumitur peculiaris bonitas, aut malitia actionum humanarum.
- VII. Quaedam specialiter observantur de circumstantiis finis, quae inter ceteras praecipuae sunt.
- VIII. Nunquam actio, quantumvis ex objecto bona, talis revera est, si ex circumstantiis aliqua, ac praesertim ex fine operantis mala fuerit.
- IX. Dantur actus secundum speciem suam nec boni, nec mali, sed indifferentes.
- X. Nullus tamen humanus actus in individuo, ut ajunt, indifferens est, sed aut bonus, aut malus.
- XI. Celebris in primis ad hoc probandum affertur auctoritas Christi Domini de verbo otioso, de quo reddendam a nobis rationem esse admonet.
- XII. Genuina interpretatio verbi otiosi adversus aliquos Neotericos asseritur, & vindicatur auctoritate Sanctorum Patrum.
- XIII. Ratio S. Thomae postitam assertionem confirmat.
- XIV. Eadem evidenter colligitur ex duabus propositionibus ab Ecclesia in hac materia damnatis.
- XV. Praeceptum referendi actus nostros in finem bonum naturale est, sive in principiis natura fundatum.
- XVI. Quaestio alia tractanda sumitur, num obligatio sit referendi actiones nostras in finem ultimum Deum. Sententia affirmans ad Apostolicam Sedem delata censura omni immunis evest.
- XVII. Eandem alii viri eximii, & celeberrimi Episcopi tradiderunt, damnaruntque, qui ipsi erroris notam incurrere arsi sunt.
- XVIII. Haec sententia explicatur juxta doctrinam S. Thomae.
- XIX. Obligatio referendi actiones omnes deliberatas in Deum conformior est Scripturae locutionibus, maximeque Apostoli sententiae: Sive manducatis &c. omnia in gloriam Dei facite.
- XX. Interpretatio hujus textus SS. Patrum traditione firmata.
- XXI. Alius Apostoli textus in eandem rem allatus, & Patrum testimonio roboratus.
- XXII. S. Thomae doctrina huic sententiae plane conformis latius exposita: ex qua firma ratio colligitur in ejus confirmationem.

XXIII.

XXIII. *Altera ratio deducta ex ordine supernaturali, ad quem homo pervenire debet.*

XXIV. *Diluitur obiectio, qua Adversarii hanc sententiam Bajaniſini fuligine cantantur adſpergere.*

I. **D**E bonitate, & malitia morali actuum humanorum in genere ediderit Angelicus Doctor tota quæſt. 18. r. 2. partis, in undecim articulos distributa, ex quibus, quæ in rem noſtram magis neceſſaria ſunt, ſeligemus. Primumque illud præmittendum exiſtimo, ſive potius recolendum, Moralitatem humanorum actuum minime ſtam eſſe neque in voluntario, & libero, quæ potius ſunt fundamenta, & principia effectivæ actuum moralium, neque in imputabilitate, ſive imputativitate, ut ajunt aliqui Juniores, quæ immo eſt aliquid ad moralem actuum conſequentum; ſed in ordine, & conformitate, ſive diſformitate ad regulas morum, ut perpetuo docet S. Thomas, & gravioreſ quique Theologi. Unde ſi actus humanus conformis ſit regulis morum, erit actus moraliter bonus; ſi autem, ab iis diſſentiat, moraliter malus. Dux autem, ut vel ab initio dictum eſt, ſunt morum regulæ, lex ſcilicet, & ratio. Lex, inquam, æterna Dei, a qua profluunt cæteræ quæcumque leges, & ratio humana: illa extrinſeca eſt, atque remota; altera proxima, & intima. Quare ſicut bonitas, ita & malitia humanorum actuum ex utraque pendet, ac malus ſemper actus eſt, dum alterutri non conſentit. *Habet*, inquit S. Thomas, *actus humanus, quod ſi malus, ex eo quod caret debita commensuratione.* Omnis autem commensuratio circumſpectum rei attenditur per comparationem ad aliquam regulam: a qua ſi divertat, incommensurata erit. Regula autem voluntatis humana eſt duplex: una propinqua, & homogenea, ſcilicet ipſa humana ratio: alia vero eſt prima regula, ſcilicet lex æterna, quæ eſt quaſi ratio Dei.

§. I.

De moralitate actuum humanorum ſpecifica, ſive ex obiecto deſumpta.

II. Porro hiſce regulis actio humana conformis non eſt, aut diſformis, niſi mediante obiecto, a quo ſpeciem ſuam depromit: adeoque S. Thomas hic art. 2. ſtatuit, humanum actum ex obiecto primariam, atque ſpecificam habere bonitatem, vel malitiam, probatque hac ratione: „Sicut res naturalis habet ſpeciem ex ſua forma; ita actio habet ſpeciem ex obiecto, ſicut & motus ex termino.“ Er ideo, ſicut prima bonitas rei naturalis attenditur ex ſua forma, quæ dat ſpeciem ei; ita & prima bonitas actus moralis attenditur ex obiecto convenienti. Unde & a quibuſdam vocatur bonum ex genere, puta uti re ſua. Et ſicut in rebus naturalibus primum malum eſt, ſi res generata non conſequitur formam ſpecificam, puta, ſi non generetur homo, ſed aliquid loco hominis: Ita primum malum in actionibus moralibus eſt, quod eſt ex obiecto, ſicut accipere alienum. Et dicitur malum ex genere, genere pro ſpecie accepto, eo modo loquendi, quo dicimus humanum genus totam humanam ſpeciem. Ex quo advertas actionem quidem humanam procul dubio primam ſuam bonitatem ex lege deſumere, ſed non propere ſequitur, quod eam non ſumat ex obiecto; quandoquidem hoc illam depromit, quatenus regulæ, ſive legi & rationi conſentaneum eſt.

§. II.

De moralitate actuum humanorum ex circumſtantiiſ deſumpta.

III. Præter hanc primam moralitatem, quæ naturam, ſive ſpeciem conſtituit moralis

ralis actionis, alie sunt bonitates, sive malitiæ accidentales, quæ reputantur a circumstantiis. Unde de moralitate, quæ ex iis depromitur, agitur subinde S. Thomas art. 3. Verum de his aliqua in antecessum adnotare præstat ex doctrina ab eodem supra tradita quæst. 7. qua de circumstantiis agit humanorum actuum; ubi primum circumstantiæ notionem exhibet dicens: *Nomen circumstantiæ ab his, quæ in loco sunt, derivatur ad actus humanos. Dicitur autem in localibus aliquid circumstare, quod est quidem extrinsecum a re, tamen attingit ipsam, vel appropinquat ei secundum locum. Et ideo quæcunque conditiones sunt extra substantiam actus, & tamen attingunt aliquo modo actum humanum, circumstantiæ dicuntur. Quod autem est extra substantiam rei ad rem ipsam pertinens, accidens ejus dicitur. Unde circumstantiæ actuum humanorum accidentia eorum dicenda sunt.*

Hæc autem circumstantiæ magna cura a Theologis considerandas esse, art. 3. ostendit triplici ratione; primo nimirum, quia Theologorum munus est considerare humanos actus, prout per eos homines in beatitudinem ordinantur. Quidquid autem ordinatur ad finem, oportet esse proportionatum fini. Actus porro humani non possunt esse proportionati fini, qui est beatitudo, nisi efficiantur cum circumstantiis debitis. Altera ratio est: quia Theologi humanos actus considerant, quatenus boni, vel mali sunt, meliores, aut deteriores. Hæc autem diversitas a diversitate circumstantiarum proficiscitur. Tertia tandem: quia Theologi considerant humanos actus, prout sunt meritorii, vel demeritorii, atque adeo prout sunt voluntarii. Ad judicium autem voluntarii, vel involuntarii actus cognitio, aut ignorantia circumstantiarum præcipue deservit.

IV. Quenam autem sunt hujusmodi circumstantiæ, quarum cognitio maxime per-

Patuzzi Theol. Mor. T. II.

tinet ad Theologos? Quam variæ recenseri circumstantiæ soleant, tum plausibilior est enumeratio, quam ex Philosopho affert S. Thomas art. 3. & hoc versiculo continetur:

Quis, quid, ubi, quibus auxiliis, cur, quomodo, quando;

additque, quod sub secunda, quæ dicitur *quid*, comprehensa intelligatur ea, quam Philosophus vocat *circa quid*. Ex his tres se tenent ex parte agentis; videlicet *quis*, quibus auxiliis, & *cur*. *Quis* enim designat causam agentem principalem: quibus auxiliis causam instrumentalem: *cur* causam finalem. Tres tenent se ex parte actus; nimirum *quomodo*, *ubi*, *quando*. Una demum, nempe *quid*, aut *circa quid* ex parte objecti. Cæterum ut hæc veræ circumstantiæ sint, non sunt accipiendæ, quatenus ab illis pender substantia actus in genere causæ sive efficientis, sive materialis, sive finalis. Ut enim recte monet S. Doctor in resp. ad 3.: *Illæ conditio causæ, ex qua substantia actus dependet, non dicitur circumstantia, sed aliqua conditio adjuncta, sicut in objecto non dicitur circumstantia furti, quod sit alienum (sive rei alienæ): hoc enim pertinet ad substantiam furti; sed quod sit magnum, vel parvum. Et similiter est de aliis circumstantiis, quæ accipiuntur ex parte aliarum causarum. Non enim finis, qui dat speciem actus, ex circumstantia, sed aliquis finis adjunctus; sicut quod fortis fortiter agat propter bonum fortitudinis non est circumstantia: sed si fortiter agat propter liberationem Civitatis, vel propter Christum, vel aliquid hujusmodi. Accipiendæ itaque sunt pro conditionibus, quæ tamen non pertineant ad substantiam actus, unde & sine illis actus fieri potest; ipsi tamen actui aliquatenus eonjunguntur.*

Ut vero hæc circumstantiæ paucis exponamus, prima *quis*, quatenus circumstantia est, non denotat neque causam effecti-

lectricem, neque substantiam personae agentis, sed ejus statum, aut conditionem; veluti an is, qui agit, laicus sit, vel Religiosus, Praelatus, Episcopus, Matrimonio junctus, an solutus, juvenis, an senex, non autem hic, aut ille homo, Petrus, aut Paulus &c.

Quid pariter non hic significat substantiam actionis, aut objecti, a qua, ut diximus, speciem desumit; sed qualitatem, aut quantitatem. Hinc etiam *circa quid* non intelligitur ipsa materia, vel objectum actionis, sed aliqua ipsius conditio quantitatem, vel qualitatem importans; ex. gr. an detractio levis, aut gravis sit, an de Superiore, Praelato &c.

Ubi, & quando non accipiuntur hic pro nudo loco, vel tempore secundum se spectatis, sed specialem indicant locum, vel temporis qualitatem, V. g. an locus, ubi furum, vel homicidium, vel fornicatio commissa est, sacer sit: an tempus, quo opus servile factum est, festum fuerit: quaedam enim uno loco, vel tempore prohibentur, non alio. Quedam etiam ratione loci, vel temporis specialem, aut graviorem malitiam contrahunt.

Quibus auxiliis circumstantia est designans media, & instrumenta, quae actio humana perfecta est; v. gr. an ad malum perpetrandum usus quis fuerit ope Daemonis, vel alterius hominis, an ad pellicendam aliquam in fornicationem auxilium lenonis, an rem sacram ad prophanas res adhibuerit &c.

Cur denotat finem extrinsecum actionis, aut operantis, qui adjungitur fini, qui vocatur *intrinsecus*, & ab ipso objecto non differt: unde etiam appellari solet finis remotus, ut si quis orat propter vanam gloriam, si quis furetur, ut se inebriet, aut fornicetur.

Postremo *quomodo* non insinuat modum, qui est essentialis actui humano, quatenus

moralis est, nempe quod bene, vel male in genere fiat: sed aliam quamdam conditionem pertinentem ad qualitatem actus, ut actio fiat per insidias, ininsens, vel remissa, naturaliter, vel contra naturam &c.

V. Ordinem autem praeminentiae considerans S. Thomas *ars. 4.* inter hasce circumstantias resolvit primum tenere circumstantiam *propter quid*, sive *cujus gratia*; deinde sequi in dignitate ipsum *quid*: ceteras autem magis, minusve principales esse, prout ad duas illas propius, aut minus prope accedunt: idque probat tum auctoritate S. Gregorii Nysseni, tum hac ratione, quod actus proprie dicuntur humani, prout sunt voluntarii: voluntaria autem motivum, & objectum est finis; *Ex ideo principalissima est omnium circumstantiarum, quae attingit actum ex parte finis, scilicet ejus gratia: secundaria vero, quae attingit ipsam substantiam actus, idest quid fecit. Aliae vero circumstantiae sunt magis, vel minus principales, secundum quod magis, vel minus ad has appropinquant.* Hinc in resp. ad 2. quod nempe *finis sit extrinsecus rei, non ergo &c.* ait: *Dicendum, quod finis, etsi non sit de substantia actus, est tamen causa actus principalissima, in quantum movet agentem ad agendum. Unde & maxime actus moralis speciem habet ex fine.*

VI. His itaque de circumstantiis praeratis, *art. 3.* hujus *quest. 18.* definit, actiones hominum bonas esse, vel malas ex circumstantiis: idque declarat; quia sicut res naturales totam essendi plenitudinem eis debitam non recipiunt ex forma, quae speciem tribuit, sed plurimum ipsis additur ex accidentibus, quae superveniunt, quemadmodum homo e. g. non habet ab anima rationali, quae speciem confert, perfectiones omnes eidem convenientes, sed aliae ipsi superaddunt ex accidentibus, veluti ex figura, colore, magnitudine &c. quorum si desit aliquid ad decentem habi-

tu-

rudinem, *malum naturæ* dicitur; ita quoque morales actiones totam bonitatis suæ plenitudinem non recipiunt ex objecto, a quo speciem habent; sed aliquam etiam bonitatem hauriunt ex circumstantiis, quæ sunt humorum actuum *accidentia*, quarum si desit aliqua, quæ deesse non deberet, *morale malum* est. Hinc Sacræ Scripturæ sæpe memorant hujusmodi circumstantias, quas exigunt in actionibus nostris, ut nempe fiant convenienti loco, tempore, fine &c.: eosque redarguunt, qui actiones de se bonas inficiunt pravis circumstantiis, ut cum Dominus Matth. 6. jubet, ne elemosynas erogemus, ut videamur ab hominibus, acriterque reprehendit Phariseos, qui tum elemosynas, tum orationes, tum alia opera bona faciebant, ut ab hominibus viderentur, sive ob finem aucupandæ vanæ gloriæ. Hinc etiam improbant Sacrificium, quod sane opus sanctissimum est, Deo oblatum a Caino, & Saule, a Caino quidem, quia deerat debite circumstantiæ, vero, quia deerant debite circumstantiæ.

VII. Quia vero, ut mox dictum est, inter circumstantias *finis* est omnium præcipuus, idcirco art. 4. S. Thomas specialiter inquiri, *utrum actio humana sit bona, vel mala ex fine*. Qua in re duplex, prout alias notavimus, finis distinguendus est; finis nempe *operis*, & finis *operantis*. Finis *operis*, qui etiam dicitur finis *proximus*, idem est, ac *objectum* actionis, adeoque intrinsecus actioni, eisdemque tribuens speciem propriam, æe primariam: & de hoc fine modo non loquitur. Loquitur ergo de fine *operantis*, qui actioni extrinsecus est, neque ipsi propriam speciem communicat: sed est circumstantia operis ab operante relata in finem, qui circumstantia omnium principalissima est: & ab hoc fine docet actiones humanas desinere bonitatem, & malitiam, *præter bonitatem, & malitiam absolutam, quæ in eis existit ex objecto*. Probat

autem resolutionem suam profunda ratione, quæ in hoc consistit; nempe quia eadem est dispositio rerum in bonitate, & in esse: sed in his, quorum esse est independent, satis est considerare esse absolute ad hoc, ut sint entia: quorum autem esse ab alio dependet, oportet, quod considerentur per respectum ad causam, a qua dependent: Sicut ergo id, quod habet bonitatem non dependentem ab alio, est bonum absolute sine ulla consideratione bonitatis ab alio dependentis; ita quod bonitatem habet ex alio dependentem, aliquam bonitatis rationem sortitur ab eo, a quo dependet. Bonitas autem humanarum actionum dependet nedum ab objecto, sed etiam ab operante tamquam a causa, quæ agit propter finem. Igitur ex fine quoque suam depromunt bonitatem. Unde, subdit, in *Personis Divinis, quæ non habent bonitatem dependentem ab alio, non consideratur aliqua ratio bonitatis ex fine*.

VIII. In his autem, quæ dicta sunt de causis, unde trahunt humani actus bonitatem, aut malitiam, peculiari observatione dignum iudicio, ad rationem actus simpliciter, & vere boni minime sufficere, ut ex aliqua parte bonus sit; v. g. ex objecto, ex circumstantiis, aut ex fine, nisi bonitates omnes in eo concurrant, adeo ut si aliqua ex parte malus sit, totus malus dici debeat, ut tradit aperte S. Thomas art. 4. ad 3. inquit: *Nihil prohibet actioni habenti unam prædictarum bonitatum* (quod scilicet bonus sit ex objecto, & pravus ex fine, aut e contra) *desse aliam*. Et secundum hoc contingit, *actionem, quæ est bona secundum speciem suam, vel secundum circumstantias ordinari ad finem malum, vel e converso*. Non tamen est *actio bona simpliciter, nisi omnes bonitates concurrant*: quia quilibet singularis defectus causat malum: bonum autem causatur ex integra causa. Quod & confirmat q. 19. art. 7. ad 2. *Voluntas non*

potest dici bona, si sit intentio mala causa volendi. Qui enim vult dare elemosynam propter inanium gloriam consequendam, vult id, quod de se est bonum sub ratione mali t: & ideo, prout est volitum ab ipso, est malum. Quare hoc sensu duntaxat vera dici potest aliquorum Authorum, qui contra sentiunt, opinio, quod nempe contingat aliquando, ut in elicientia bonorum actuum alii actus immisceantur, qui pravi sint, sed non afficiant actum bonum, adeoque neque corumpant; sed unum eundemque actum repugnat simul esse bonum, & malum.

§. III.

De moralitate actuum indifferentium.

IX. Verum ad aliam magni momenti quaestione convertamus animam, de qua S. Thomas pertractat tum 8. tum 9. art. hujus quaestionis 18. spectatque actus indifferentes. Et quidem admittendos esse actus indifferentes secundum speciem suam, qui nempe, spectato eorum objecto, nec boni sint, neque mali, hac eleganti ratione ostendit, nimirum „Actus humanus, qui „dicitur moralis, habet speciem ab objecto, „sto relato ad principium actuum humanorum, quod est ratio. Unde si objectum actus includat aliquid, quod conveniat ordini rationis, erit actus bonus secundum suam speciem, sicut dare elemosynam indigenti. Si autem includat aliquid, quod repugnet ordini rationis, erit malus actus secundum speciem, sicut furari, quod est tollere aliena. Contin- „git autem, quod obiectum actus non includit aliquid pertinet ad ordinem rationis, sicut levare fessucam de terra, ire ad campum, & hujusmodi: Ex talis actus secundum speciem suam sunt indifferentes“.

X. Sed tamen hoc verum fir, si tamen humani actus considerentur in individuo, sive quatenus ab homine sunt, constans

est S. Thomae, & Thomistarum omnium, quemadmodum & meliorum quorumque Theologorum sententia, nullum actum, qui ex deliberata ratione procedit, esse indifferentem, sed aut moraliter bonum, aut moraliter malum. Dico actum ex deliberata ratione procedentem, sive deliberatum, & humanum. Qui enim non ex ratione deliberante proveniunt, sed vel ex quadam imaginatione, aut impulsu naturali, ut morio pedis, vel manus, fricatio barbae &c. nemo negat nec bonos, nec malos esse moraliter, cum nec ipsi actus humani sint, ac morales. Hæc autem S. Thomae sententia pluribus nititur, iisque gravissimis momentis, quorum aliqua attingam.

XI. Et primum quidem repetitur ex celebri auctoritate Christi Domini apud Matth. 12. ita dicentis: *Omnis verbum otiosum, quod loquuti sunt homines, reddent rationem de eo in die judicii.* Ex verbis enim tuis justificaberis, & ex verbis tuis condemnaberis. Ex quibus sic argumentum conficito: De omnibus deliberatis factis in die judicii neque oportet nec rationem reddere, sive ut justificemur, sive ut condemnemur, ac de omnibus deliberatis verbis. Sed de omnibus deliberatis verbis in ordine ad justificationem, aut condemnationem reddenda nobis ratio est coram supremo Judice. Nulla igitur sive facta, sive verba in individuo indifferentia sunt, sed omnia vel bona, vel mala. Si qua enim in individuo indifferentia essent ad bonitatem, vel malitiam, ad justificationem, vel condemnationem, forent otiosa verba. Quid namque verbi otiosi nomine intelligendum venit, aut intelligant Ecclesiae Patres? Haud certe, ut apud Valentiam constat hic disp. 2. quaest. 13. p. 6. verbum ex se, aut natura sua malum, nocivum, mendax, blasphemum, impium &c., prout Juniores aliqui interpretantur. Siquidem nullam vim haberet argumentum, quo eo loco ex ver-

bo otioso probat Christus Dominus potiori titulo reddendam esse in die iudicii rationem de verbis nocivis, mendacibus detractoris &c., quibus Pharisei ipsum calumniabantur. Hinc S. Ambrosius ita arguit lib. 1. Offic. c. 2. *Si pro otioso verbo ratio possitur, quanto magis pro sermone impietatis, & blasphemiarum?* Vel ut S. Bernardus serm. de tripl. cust. : *Si de omni vel otioso verbo &c. Deo sunt homines reddituri rationem &c. quanto diffidit de verbo mendaci, & injurioso &c. Si de verbis otiosis ratio redditur ad poenam, quanto magis de operibus?*

XII. Quodnam ergo otiosum verbum existimandum est? Idem Sancti Patres nobis declarant illud esse, quod non refertur ad aliquem bonum finem. *Otiosus est*, inquit Origenes hom. 1. in Psal. 28., *qui neque boni, neque mali aliquid agit. Otiosum verbum est*, subdit S. Hieronymus in cap. 4. epist. ad Ephes., *quod non edificat audientes, ut si omisit scribi, de rebus frivolis loquamur, & fabulas narremus antiquas. Omne verbum*, ait S. Basilus in Reg. ad intet. 23., *quod ad propositum in Domini usum non servit, otiosum est. Otiosum verbum est*, illud perspicue definit S. Greg. Magn. Hom. 6. in Evang., *quod aut utilitate relictum, aut rationis iuste necessitatis caret; adeo ut pro fine quispian non habeat ad edificationem.* Immediate namque subjicit: *Otiosa ergo colloquia ad edificationis studium veritate.* S. quoque Bernardus tract. de Vita felicit. *Quicumque*, ait, *quodcumque agit, & non propter hoc agit, ut Deserviat, in eo, quod agit, otietur.* Hinc S. Thomas 2. 2. q. 132. art. 1. docet, *appetitum glorie non relatum ad gloriam Dei, vel salutem proximi vanum esse, atque adeo peccaminosum, inquit: Potest gloria dici vana tripliciter Tertio modo ex parte ipsius, qui gloriam appetit, qui videlicet appetitum glorie suae non refert in de-*

bitum finem, puta ad honorem Dei, vel proximi salutem. Hinc etiam generatim in 1. dist. 2. q. 3. ad 3. tradit: *Actus proedens a ratione deliberata, si est reservabilis in Deum, & non refertur, vanus est, & otiosus.* Concludendum igitur ex laudata Evangelii sententia invicte probari, nullum actum, aut verbum ex deliberata ratione profectum indifferens esse, sed aut bonum, aut malum, prout est ejusdem finis.

XIII. Atque in hoc praecipue consistit ratio, qua S. Thomas in hoc art. 9. efficaciter probat positum assertionem, quam, cum clarissima sit, juvat ejusdem verbis asserere: „ Ideo, inquit, actus qui alias in-
„ differens est secundum speciem suam,
„ tamen est bonus, vel malus in individuo
„ consideratus; quia actus moralis non so-
„ lum habet bonitatem ex objecto, a quo
„ habet speciem, sed etiam ex circum-
„ stantiis, quae sunt quasi quaedam acci-
„ dentia: sicut aliquid convenit individuo
„ hominis secundum accidentia individua-
„ lia, quod non convenit homini secun-
„ dum rationem speciei. Et oportet, quod
„ quilibet individualis actus habeat aliquam
„ circumstantiam, per quam trahatur ad
„ bonum, vel malum, ad minus ex parte
„ intentionis finis. Cum enim rationis sit
„ ordinare, actus a deliberativa ratione
„ procedens, si non sit ad debitum finem or-
„ dinatus, ex hoc ipso repugnat rationi,
„ & habet rationem mali. Si vero ordi-
„ tur ad debitum finem, convenit cum or-
„ dine rationis; unde habet rationem
„ boni. Necesse est autem, quod vel er-
„ dinetur, vel non ordinetur ad debitum
„ finem. Unde necesse est, omnem actum
„ hominis a deliberativa ratione proceden-
„ tem in individuo consideratum bonum
„ esse, vel malum “.

Subdit autem apposite, ut mentem suam, ac veritatem amplius manifestet, quod initio jam notavimus: *Si autem actus non pro-*

procedit a ratione deliberativa, sed ex quadam imaginatione: sicut cum aliquis fricat barbam, vel movet manum, aut pedem, talis actus non est proprie loquendo moralis, vel humanus, cum hoc habeat actus a ratione. Et sic erit indifferens, quasi extra genus moralium actuum existens.

XIV. Alia plura in eamdem rem proferre argumenta possem, quæ lubens prætermitto. Sed illud præterire nefas, quod sumitur ex duobus propositionibus ab Ecclesiâ proscriptis in Decreto Innocentii XI., quarum prima in ordine octava est: *Comedere, & bibere usque ad satietatem ob solam voluptatem non est peccatum: quia licite potest appetitus naturalis suis actibus frui.* Altera vero in ordine nona sic effert: *Opus conjugii ob solam voluptatem exercitum penitus caret culpa, ac defectu veniali.* Attentius quæro hujusmodi proscriptæ propositiones perpendantur. Eæ profecto damnatæ non sunt ob aliquam immoderatam voluptatem, sive in comestione, sive in opere conjugali quæstam: quoniam nemo Theologorum est, qui docuerit, comestionem, & conjugalem voluptatem immoderatam, aut intemperantem omni etiam veniali culpa carere: ac præterea in damnatis ipsi propositionibus ne umbra quidem hujusce *immoderationis* apparet. Constat enim in illis sermonem esse duntaxat (nec Doctores, qui eas docuerunt, alius voluere) de comestione, & conjugio exercito ob solam voluptatem, in hac sistendo, nec ad alium finem honestum rationi convenientem hæc opera dirigendo. Excludit hæc quippe eamdem Authores nocuum mentis omne, quod cibis, & potus asferre possunt valetudini, si immoderate sumantur: tunc enim & ipsi venialeni saltem culpam in iis agnoscebant; & rationem afferrebant doctrinæ suæ: *Quia licite potest appetitus naturalis suis actibus frui.* Si ergo nihilominus damnatæ ab Ecclesiâ fuerunt, jam sola voluptas in his actionibus

percepta, & quæstæ damnabilis iudicata est, nec licet appetitui naturali suis actibus frui, quin eos referat in aliorem finem, & homine dignum. Porro si in hisce actibus non relatis in finem honestum culpa aliqua admittenda est, eandem procul dubio militat ratio de cæteris quibuscunque actibus, si in eis sistat homo, nec referat in honestum finem: adeoque nullus actus deliberatus indifferens est, sed aut bonus, aut malus: bonus, si referatur; malus si non referatur.

XV. Præceptum itaque est, illudque naturale, sive in primis principiis homini inditum fundatum, ut quoties homo debet agere, agat ut homo, sive ob finem rationi convenientem, qui alius non est præter honestum. Et quicquid præceptum hocce affirmativum sit, semper tamen obligat, quoties deliberate agimus, quia universale est pro actionibus omnibus; adeoque includit *negativum*, quo prohibetur quidpiam agendum esse, nisi juxta rationem, aut finem hominis ratione præliis dignum. Quoniam vero adversarii, ut hoc præceptum naturale referendi actus nostros in finem humanum eludant, argumentum desumero solent ex eo, quod nullum sit præceptum naturale referendi in finem supernaturalem, sive in ipsummet Deum; ideo aliam quæstionem hic alacriter inexistimo, deque hoc alio præcepto quidpiam decernendum.

§. IV.

De obligatione referendi actus humanos in ultimum finem, nempe Deum, differtur.

XVI. Omnes ferme Theologi, quibusdam exceptis laxioris Ethicæ patronis, conveniunt in doctrinâ hætenus tradita de obligatione, qua obstringimur, referendi actiones quaslibet nostras, dum deliberate agimus, in aliquem honestum finem, ex quo

quo bonæ sunt, adeo ut, si nullo modo in eum referantur, malæ sint, & aliqua saltem veniali culpa infectæ. Sed non omnes aliam obligationem referendi eandem in finem ultimum Deum agnoscunt; putantque plures ex his satis esse, ut in Deum sint referibiles, sive quod hujusmodi sint, ut in Deum referri possint, quamvis ab agente non referantur nec actualiter, nec virtualiter; atque hanc sententiam docet etiam P. Daniel Concina de Charit. agens in *primum Decal. præceptum*; quamquam alibi de ejus veritate subdubitanter loquitur. Sed alii permulti sunt, sin numero, auctoritate, meo facile judicio, potiores, qui contendunt haud sufficere, ut actus nostros referamus in finem honestum, adeoque sint solummodo in Deum referibiles; sed obligationem ulterius esse, ut eæ in finem ultimum, Deum scilicet, actu vel virtute referamus ex aliquo amore erga ipsum, aut ex charitate saltem, quam vocant *justificante minorem*, quamque admittendam omnino esse alibi manifestum fiet. Atque hanc sententiam præter plures ex antiquis Theologis, quorum aliqui Concilio Tridentino interfuerunt, tradunt discretissime plures Catechismi in Ecclesia probatissimi, & ipse Catechismus Romanus, sive Tridentini Concilii p. 4. c. 13.; tradunt duo Duacensis Academiæ splendidissima lumina, Aëtius, & Sylvius; tradit Hesselius, Steyartius, ac tota Lovaniensis Theologica Facultas, quæ hanc doctrinam examinandam detulit per Deputatos suos SS. Domino Innocentio XI. anno 1677. his verbis conceptam att. 2. *Potem charitas, tametsi aliqui Scholastici accipiant pro sola illa Dei dilectione, qua est nostra cum eo per peccatorum remissionem auxilium, S. Augustinus, & alii Patres eam sumere solent pro quavis supremi boni causa propter se dilectione: quasi vero, inquit Augustinus, aliud sit bona voluntas, quam charitas: Et art. 5. Omne*

opus ut plene bonum sit, & ne venialiter quidem in eo delinquatur, debet ex tali charitate procedere, ac per ipsam referri in Dominum Deum. . . . attamen ista relatio per charitatem perfectam fieri non debet, sed sufficit fieri per charitatem imperfectam. . . . neque necessaria est relatio actualis; sed sufficit, quod virtualiter in Deum referatur. Cumque hæc doctrina in Sacra Congregatione ad examen deducta fuisset, ac diligenter discussa, nullam omnino censuram passa est. Eandem tradidit etiam Universitas Theologicæ Parisiensis anno 1717. aperte docens: *Necessarium esse necessitate præcepti referre in Deum tamquam in ultimum finem actiones humanas, nedum interpretative, sed etiam actualiter, aut saltem virtualiter.*

XVII. Præter hos, aliosque egregios Theologos sententiam hanc perspicue docuerunt Illustrissimi Archiepiscopi, & Episcopi, Joannes Episcopus Cadoriensis, Nicolaus Episcopus Bellovacensis, Antonius Godæus Episcopus Grassensis, Ludovicus Episcopus Agennensis, Daniel Episcopus Valentinus, & (ut alios plures omitam) Franciscus Genettus in sua Theologia Semmo Pontifici Clementi XI. dicata, & a S. Palatii Apostolici Magistro Raymundo Capisuchio specialiter approbata. Cumque doctrinam hanc de relatione operum in Deum, Apologia Casuistarum tamquam erroneam traduxisset, ac in Bajo damnata, plures Galliarum Episcopi hæc inter alias de causa hujusmodi librum proscribere, quem etiam proscripsit, ac prohibuit Alexander VII.

XVIII. Huic sententiæ ego quoque lubens accedo, eamque defendo tamquam sacris Libris, & Patrum doctrinæ conformiorem, & doctrinæ etiam S. Thomæ, quos ille fidelissime sequutus est. Sed illam manifestius in primis declaro, ne ullus in ejus intelligentia error subrepat, & omnis æquivocatio de medio tollatur.

ita-

Itaque illud primum animadverto, duplex præceptum charitatis juxta germanam S. Thomæ doctrinam distinguendum esse: alterum, quo Deum super omnia efficaciter, ac perfecte diligamus, nosque omnes, & opere nostra in ipsum referamus, quod a præcepto charitatis non distinguitur; & hoc præceptum obligat sub peccato lethali: sed quia *affirmativum* est, licet *semper* obliget, non obligat tamen *pro semper*, sed pro certis temporibus, & circumstantiis, in quibus, si hunc dilectionis actum omittimus, lethaliter delinquimus, prout modo certissimum est post damnationem ab Ecclesia factam plurium propositionum hanc materiam spectantium; de qua nos agemus primum Legis divinæ præceptum explicantes. Verum aliud præceptum charitatis, sive amoris Dei, & relationis in ipsum nostrarum actionum admittimus, & admittendum putamus, quod tamen *affirmativum* dici queat, *negativum* tamen involvit, adeoque obligat *semper*, & *pro semper*, non quidem sub lethali, sed sub veniali culpa; ut nempe nihil deliberate operemur, quin illud in Deum referamus, tamquam in ultimum finem nostrum: quod non sine aliquo Dei amore saltem imperfecto fieri potest: atque hæc relatio necesse non est, quod *actualis* sit, sed *factis* est *virtualis*, eo modo, quo plura agimus propter finem, licet de ipso actu non cogitemus. Audiamus S. Thomam in 2. dist. 38. q. 1. art. 2. ad 4. ita rem hanc explicantem. „Ad hoc quod alicuius actionis finis sit Deus, vel charitas, non oportet, quod agendo illam actionem aliquis de Deo, vel charitate cogitet: nec iterum sufficit, quod alicuius habitu tantum Deum, vel charitatem habeat: Quia sic etiam actum ven-

nialis peccati aliquis in Deum ordinaret, quod falsum est. Sed oportet, quod prius fuerit cogitatio de fine, qui est charitas, vel Deus, & quod actiones sequentes in hunc finem ordinaverit, ita quod rectitudo istius ordinationis in actionibus sequentibus salvetur, ut patet in artifice, qui si, dum opus exercet, semper de regula artis cogitet, multum in opere impediatur: sed, sicut prius excogitavit per regulam artis, ita postmodum operatur: & sic in opere ejus rectitudo artis salvatur. Hæc ipsa explicatione intelligo ego intentionem, sive relationem actuum nostrorum in finem ultimum Deum, dum opus tale est, ut in ipsum referri valeat, nempe *moraliter bonum*. Hæc autem relatio si desit, bonum quidem erit opus ex officio, sed ramen comitem habebit aliquam omissionem venialiter culpabilem, quæ non afficit opus, sed operantem, qui deberet opus ipsum referre in Deum ultimum finem.

XIX. Hæc sententia sic exposita, ut jam dixi, conformior est tum Sacræ Scripturæ, tum Ecclesiæ Patribus. Ex Scripturæ duos tantum textus profero, aliis prætermisiss. Prior sumitur ex iis Apostoli verbis, quæ habentur 1. ad Corinth. c. 10. *Sive manducatis, sive bibitis, sive aliud quid facitis, omnia in gloriam Dei facite*. Plana sunt, atque perspicua hujusmodi verba. Omnes actus nostros, comprehendunt, nullumque prorsus excipiunt, ut constet tum ex eo, quod Apostolus ait: *Sive aliud quid facitis*, tum ex verbo *omnia*; tum ex eo, quod, si vult, ut etiam esum, & potum, quæ sunt actiones infimæ, & animalium propriæ, referamus in Deum, multo magis referendæ erunt aliæ quæ

quæcumque actiones nobiliores, & homini convenientes. Omnes igitur humanos actus jubet Apostolus: ut in *gloriam Dei faciamus*. *Jubet*, inquam, non merum consilium præbet, ut contendunt adversarii. Nam primo verbum *facite* imperativum est, quod, dum materia patitur, & locutionis circumstantiæ non obstant, obvie, & literaliter imperium, seu præceptum denotat, nec nisi violenter ad merum consilium detorquetur.

Deinde textus antecedentes, & consequentes satis coarctant verbum *facite* ad imperium. Nam in contextu immediate antecedente prohibet Apostolus cum infirmorum fratrum scandalo idolothyta comedere; & in immediate subsequente jubet, sine offensione esse Judæis, Gentibus, & Ecclesiæ Christi: atque & textum intermedium eodem modo imperativo accipere pat est: *Sive ergo manducatis, sive &c.*; qua voce *ergo* significatur, documentum istud inferri ex textu præcedente, qui de præcepto loquitur.

XX. Tercio textum hunc ita interpretantur Ecclesiæ Patres, Basilii in *Reg. sust.* 3. ait: „*Christianus, si actiones suas omnes, sive majores, sive minores ad Dei voluntatem direxerit &c. Apostoli præcepto illi sat facit: Sive manducatis, sive bibitis, sive aliud quid facitis, omnia in gloriam Dei facite*“. Juxta quod tota Ecclesiæ Græca in quadam Oratione publica relata a Goatio in suo Euchologio Deum ita precatur: *Domine, qui per Apostolum tuum Paulum omnia in gloriam tuam nos facere præcepisti &c.*

Origenes lib. 10. 1. *Epist. ad Rom.* ad illa verba: *Omne, quod non est ex fide &c.* scribit: *Sive quid gesseris sine fide, sive loquutus fueris, sive etiam cogitaveris, peccas. Hoc idem est, quod in aliis dicit: Sive manducatis, sive bibitis, sive aliud quid facitis, omnia in gloriam Dei facite.*

Patuzzi Theol. Mor. T. II.

Hieronymus *epist. ad Cresiphont.* in Pelagium sic insurgit: *Audi, ingrati; imo sacrilegi: Sive manducatis, sive bibitis, sive aliud quid facitis, omnia in gloriam Dei facite.*

S. Augustinus in eundem sensum sæpe accipit Apostoli verba, ita ut de ejus mente omnino dubitare nefas sit. S. Maximus hom. 2. *De gratis Deo &c.* ait: *Christianus semper debet Patri, ac Domino suo laudes dicere, & in ejus gloriam omnia procurare, sicut ait B. Apostolus: Sive manducatis, sive bibitis, sive aliud quid facitis, omnia in gloriam Dei facite.* S. Bernardus serm. 2. *de diversis*, & serm. 3. *de Obedient.* *Quidquid facimus, inquit, jubemur facere in gloriam Dei.*

Ur alios omittam, satis sit asserre explanationem hujus textus Paulini non in uno loco allaram a S. Thomâ, qui sensum germanum Apostoli, ac caterorum Patrum complexus est. In *Disput. q. unic. de Charit. art. 11. ad. 1.* primum exponit sensum præcepti referendi omnia in Deum, atque: *Omnia actu referre in Deum non est possibile in hac vita: sicut non est possibile, quod semper de Deo cogitetur. . . . Sed quod omnia virtute referantur in Deum, pertinet ad perfectionem charitatis, ad quam tenemur.* Et explicata hac relatione virtuali exemplo Medici colligentis herbas ad ægri salutem procurandam, subdit: *Sic igitur, cum aliquis se ordinat in Deum sicut in finem, in omnibus, quæ propter se ipsum facit, manet virtute intentio ultimi finis, qui Deus est.* Hoc igitur modo præcipit Apostolus, quod omnia in gloriam Dei referantur.

Eadem habet *lect. 10. in cap. 10. Epist. 1. ad Corinth.* exponens laudatâ Apostoli verba: *Sive manducatis, sive bibitis &c.* docens, quod Apostolus primum inducit actum multiplicem, sive manducatis sive bibitis &c. secundo persuadet intentionem debitam, omnia in gloriam Dei facite. Debitam

K

cc-

ergo asserit S. Thomas hanc intentionem, quam subinde fufius in fequentibus exponit, & confirmat. Demum & hunc textum S. Doctor designat. 2. 2. *quest.* 29. *art.* 1. dum ait: *Ex præcepto tenemus omnia in gloriam Dei facere*, ut patet 1. Corinth. c. 10. Liqueat ergo appetiffime laudatum Apostoli fensum ex Patrum consensione perperam explicari ab aliquibus Theologis, ac si merum consilium, non autem præceptum contineret.

XXI. Non abfimilis huc, nec abfimi-
rer intelligendus est alius ejusdem Apostoli
textus, quem habet Cap. 3. ad Colossens.
*Omne quodcumque facitis in verbo, aut in
opere, omnia in nomine Domini nostri Jesu
Christi*. In cujus commentario *lect.* 3. scri-
bit S. Thomas: *Quidam dicunt, quod hoc
est consilium; sed hoc non est verum*. Quod si
dicas, hinc confequi peccare mortaliter,
qui facit contra præceptum, negat S. Do-
ctor confequentiam: quia *venialiter peccans
non facit contra hoc præceptum simpliciter*,
fcilicet contra finem præcepti, Nam in
fensu S. Doctoris, ac Veterum folus ille,
qui lethaliter peccat, facit contra præcep-
tum; qui autem venialiter, facit *præter
præceptum*.

Poffem hic fubnectere aliorum Doctiffi-
morum Interpretum fententias ad eandem
confirmandam hujus Apostolici textus,
aliorumque explicationem. Verum brevita-
tis caufa autoritatem tantummodo proferam
Alphonfi Salmeronii celeberrimi ex
Societate Scriptoris, qui Concilio Triden-
tino interfuit. Is laudatum textum ad Co-
loffenses exponens fic ait: „*Omne quodcum-*
„ *que facitis in verbo, aut in opere, omnia*
„ *in nomine Domini facite*, præceptum ge-
„ nerale est, omnibus fidem Evangelicam
„ profitentibus datum, ita ut, fi fecus
„ fecerint, a mandatis declinent. Nam
„ fervi Dei fumus, tanto pretio redempti,
„ ut prompte ad voluntatem Dei exequen-

dam teneamur. Non tamen ad hæc
„ *semper actu præftanda* (ob imbecillita-
„ tem mentis noſtræ, ac naturæ) *obliga-*
„ *mur*; fed fatis est *habitu*, aut (ut me-
„ *liores Theologi docent*) *virtute*, etfi non
„ actu, hæc præſtare, ut nulla fit actio,
„ quam non velimus in gloriam Dei cede-
„ re. Apostolus dixit alio loco: *Sive man-*
„ *ducatis, five bibitis, five aliud quid faci-*
„ *tis, omnia in gloriam Dei facite*. Ubi
„ etiam actiones crassas, & humanas co-
„ medendi, & bibendi, & opera genera-
„ tionis præſtandi, per illud verbum: *Vel*
„ *aliud quid facitis*, Apostolus comprehe-
„ dit. Igitur Apostoli doctrina nullum ad-
„ mittit medium inter opus meritorium,
„ & demeritorium. Et intelligi in actione
„ humana, & deliberata. Et cur grati eſſe
„ jubemur Deo, & diligere Deum ex toto
„ corde, anima, & mente, *quomodo non*
„ *aliquid erit peccatum*, fi omnia opera no-
„ ſtra in gloriam ejus non referamus? Sed
„ & alius Apostoli textus non est om-
nino prætereundus, deſumptus ex 1. ad
Corinth. cap. 16. *Omnia vſtra in caritate
fiat*. Quid enim aliud hiſce verbis ſigni-
ficat? niſi, *Omnia referri debent ad finem
caritatis, ut ſcilicet fiant præter Deum*,
quemadmodum exponit S. Thomas *lect.* 9.
in eum locum, ubi certe nullum actum
Apostolus excipit, nullam adhibet limita-
tionem ad certa tempora, aut circumſtan-
tias, quibus hoc faciendum ſit. Atque
ipſe S. Auguſtinus *de Corell.* 1. & *grat.* ex-
preſſe præceptum ita accipiendum docet,
dum ait: *Præcipit Apostolus dicens: Omnia
vſtra in caritate fiant*. Quod & contextus
prorſus exigit. Sic enim legitur: *Vigila-*
„ *te, ſtate in fide, viriliter agite: omnia ve-*
„ *ſtra in caritate fiant*. Vigilare autem, &
„ viriliter agere quis neget eſſe præceptum?
Plures alios Scripturæ textus ſas eſſet af-
ferre; fed cui hæc non ſufficiant, nec
plane alii ſufficiant.

XXII.

XXII. Testimonia Patrum omnium hic contexere minime lubet, ne minus sim : quæ namque laudavimus in confirmationem Apostolice sententia satis abunde sunt. Solum proinde paulisper immorabor in doctrina D. Thomæ ex patribus procul dubio eruta amplius confirmanda; utpote quod ex ipsa fundamentum hujusce sententiæ præcipuum depromitur. Itaque principium, ac doctrina S. Thomæ, quam tradit rum hac *prima secunda*, tum aliis in locis, hæc est; quod, sicut Deus est ultimus finis hominis, ita in hunc finem dirigenda sit omnis actio hominis operantis, prout homo est, sive ex deliberatione rationis, atque adeo nunquam bona sit voluntas humana, nisi tendat in hunc ultimum finem, sicut docet 1. 2. q. 19. art. 9. & art. 10. ubi ait : *Non est recta voluntas alicujus hominis volentis aliquod bonum particulare, nisi referat illud in bonum commune, sicut in finem, qui alius non est nisi Deus.* Atque hinc quæst. 21. art. 4. ubi quærit, *Utrum actus humanus habeat rationem meriti, vel demeriti apud Deum*, considerando meritum, & demeritum absolute, & in genere, non prout vitæ æternæ, hæc scribit : *Utroque modo actus nostri boni, vel mali habent rationem meriti, vel demeriti apud Deum.* Ratione quidem ipsius, in quantum est ultimus hominis finis. Est autem debitum, ut ad finem ultimum omnes actus referantur, ut supra habitum est &c. nempe art. 10. mox citato. Ex quo subinde in Resp. ad 3. colligit differimen inter ordinem, quem habet homo agens, ac Communicatæ, & ad Deum, inquit : „ Dicendum, quod homo non „ ordinatur ad Communicatæ politicam „ secundum se totum, & secundum omnia „ sua : & ideo non oportet, quod quilibet „ actus ejus sit meritorius, vel demerito- „ rius per ordinem ad Communicatæ em po- „ liticam. Sed totam (N. B.) quod homo „ est, & quod potest, & habet, ordinandum

„ est ad Deum. Et ideo omnis actus hominis „ bonus, vel malus habet rationem meri- „ ti, vel demeriti apud Deum, quantum „ est ex ipsa ratione actus “. Hæc ex S. Thoma deducta ratio, & verbis ejusdem firmata, plane apodictica pro nostra sen- tentia mihi videtur.

XXIII. At non minus firma æstimanda est hæc altera ratio, in ipsa fundata doctrina ab Adversariis communiter probata. Consentiunt ipsi nimirum (qui enim dis- sentiunt, ne quidem curandos existimo) nullos actus deliberatos in individuo esse indifferentes, sed omnes bonos esse, vel malos : idque eo maxime fundamento nixi, quod ordo ipse naturalis ab homine exigat, ut omnia opera sua referat in finem honestum rationi humanæ convenientem. Si ergo in hunc finem referat homo actus suos, hi boni erunt; si autem non referat, mali. Consentiunt etiam in hac alia doctrina, humanum scilicet genus elevatum fuisse in Adamo ad ordinem supernaturalem, gratiæ videlicet, & gloriæ in clara Dei visione positæ. His autem constitutis principiis sic arguere licet. Si homo in ordine naturali consideratus teneatur suas actiones dirigere in finem naturaliter honestum; cur idem homo consideratus in ordine supernaturali, ad quem Dei munere elevatus est, non tenebitur dirigere easdem actiones suas ad finem ultimum Deum totius ordinis naturalis, ac supernaturalis principium, & complementum? Nonne si juxta adversarios obligatio est homini indita a principis naturæ referendi actus suos in honestum finem, & homini, ut homo est, sive particeps rationis, convenientem; obligatio quoque, saltem superaddita, erit homini elevato ad ordinem superiorem gratiæ, & gloriæ, ut opera sua referat in finem huius ordini congruentem, qui certe alius non est, nisi Deus Naturæ author, & gloriæ? Atque huc conspirant ea Scripturæ K 2 testi-

testimonia, quæ de hac vocatione loquuntur, ac redemptione humani generis peracta per Christum Jesum. Sic enim 1. Petr. 1. dicitur: *Secundum enim, qui vocavit nos, sanctum et ipsi in omni conversatione sancti sint*. 2. Corinth. 5. *Pro omnibus mortuus est Christus, ut et qui vivunt, jam non sibi vivant, sed ei, qui pro ipsis mortuus est*; & alia id genus satis obvia, quæ nos urgent, ut semper agamus opera vocatione nostra digna, & tamquam filii Dei, & heredes æternæ gloriæ omnia penitus ad Dei nostri honorem, & gloriam referamus.

XXIV. Verum obstrepunt ex adverso plures, ajuntque sententiam, quam defendimus, Bajaniſmi, ac Jansenismi fuligine tinctam esse, & ab Apostolica Sede jam damnatam, dom proſcripſit eam Baji propositionem ordine 38. *Omnis amor creature rationalis aut vitiosa est cupiditas, qua mundus diligitur, aut laudabilis illa caritas, qua per Spiritum Sanctum in corde diffusa Deus amatur*; sicut & aliam, qua asseritur, *omnia infidelium opera esse peccata*: utraque enim consequi videtur ex sententia nostra.

Verum ad has objectiones, ne in iis resellendis diutius detineamur, respondere satis esset, cas jam fuisse propositos adversus Lovanienſes Doctores, & post severum examen ipsorum, nostræque sententiæ, nullam hanc passam esse censuram sive Bajaniſmi, sive Jansenismi, prout jam adnotavimus; Nam Baji locutus est de charitate perfecta, propriæque justorum, quam exigebat ad quodcumque opus bonum. Nostra autem sententia loquitur de charitate imperfecta, sive amore quocumque ultimi finis nostri Dei, quo in ipsum actiones nostras dirigimus. Deinde etiam in infidelibus nos admittimus opera ex officio suo moraliter bona, solumque dicimus, si ea aliquatenus in Deum non referantur, comitem habere culpam, quæ non inficit

opus, sed operantem. Qua in re juvat referre S. Thomæ doctrinam, quam habet in 2. diff. 41. q. 1. art. 2. ubi ita sapienter disserit: „Dicens, quod sicut in rebus naturalibus una perfectio alteri superadditur, sic ut quædam res habeant unam illarum, & quædam duas; & sic deinceps; ita etiam in moralibus contingit in actu considerare aliquam perfectionem alii superadditam, ex quarum unaquaque dicitur actus bonus; & si aliqua illarum perfectionum deſit, deſerit bonitas, quæ est secundum perfectionem illam: verbi gratia, omnis actus, in quantum est actus, habet essentialiter bonitatem, secundum quam omne ens bonum est: sed in aliquibus actibus superadditur quædam bonitas: ex proportionem actus ad debitum objectum. Et secundum hoc dicitur actus bonus ex genere: Et rursus ex debita commensuratione circumſtantiarum dicitur bonus ex circumſtantia; & sic deinceps, quousque pervenitur ad ultimam perfectionem, cujus actus humanus est susceptivus, quæ est per ordinem ad finem ultimum, per habitum gratiæ, & charitatis. Et ideo actus illorum, qui gratiam, & charitatem non habent, hoc modo bonus esse non potest. Et hæc est bonitas, secundum quam actus meritorius dicitur (æternæ vitæ). Sed subtrahæo posteriori, nihilominus remanet prius, ut in lib. de caus. dicitur. Unde, quamvis ab infidelium actibus subtrahatur ista bonitas, secundum quam actus meritorius dicitur, remanet tamen bonitas alia, vel virtutis politicæ, vel ex circumſtantia, vel ex genere.“

Ex hac S. Thomæ auctoritate maxima lux emicet, solvendæ objectioni propositæ perquam idonea. Plures ille bonitates distinguit, quæ humano æui convenire possunt, inter quas alia est bonitas ex objecto,

Acto, quam vocat bonitatem ex genere, sive ex specie: alia, quæ profuit ex circumstantiis, in qua comprehenditur bonitas ex fine extrinseco: alia ex habitu virtutis ab habitu charitatis distinctæ, quam in confuso verbis illis designat; & sic dicitur; etque bonitas, quam actus cuiuslibet virtutis habet ex eo, quod procedat ex habitu virtutis, puta eleemosyna ex virtute misericordiæ profecta. Postrema demum his verbis designata: quousque perveniat ad ultimam perfectionem &c. Ex hac est bonitas, secundum quam actus dicitur meritorius æterni præmii. Itaque in actibus infidelium, sicut etiam peccatorum nequit esse hæc ultima bonitas, secundum quam actus meritorius dicitur; quoniam in his non est nec gratia sanctificans, nec perfecta charitas: nihil tamen repugnat esse in eorum actibus bonitatem ex objecto, & ex circumstantiis provenientem, & etiam ex ipso sine ultimo cognito lumine naturali, adeo ut in ipsum actus succurrere valeant; & consequenter non peccent: at semper in illis deficit ultima bonitas derivata ex gratia, & charitate habituali, quæ sola opera nostra meritoria redduntur vitæ sempiternæ. Atque hæc pauca de hac celebri controversia sufficiant. Qui plura desiderat, consulat plurimos Auctores egregios, qui dedita opera argumentum hocce versarunt.

CAPUT X.

CONJECTARIA PRÆCEDENTIS DOCTRINÆ.

- I. Falsa est Puffendorffii sententia moralitatem actuum humanorum in imputativitate constituentis.
- II. Non minus falluntur ii Theologi, qui moralitatem ponunt in arbitrii libertate ad agendum, aut non agendum.
- III. Hæretica est opinio Lutheri, atque Calvini putantium, omnia etiam iustorum opera peccata esse in suis consideranda.

IV. Nullius ponderis sunt ab iis productæ ex sacris Litteris auctoritates.

V. Perfecta circumstantiarum cognitio Confessarii maxime necessaria.

VI. Circumstantia, ut bonitatem actionibus, aut malitiam tribuant, ordinem ad humanam rationem habere debent.

VII. Circumstantia malitiam alicui non tribuunt, nisi eidem adesse, vel ab eo abesse debuerint.

VIII. Aliquando circumstantia in specie boni, vel mali actionem constituunt.

IX. Non inducunt peccatorum diversitatem specificam, nisi obiectum specie diversum respiciant.

X. Licet finis actionis bonus sit, si obiectum, aut alia circumstantia sit mala, tota actio mala est.

XI. Hinc a via veritatis longe abeunt Escobarus, Hurtado, aliique, qui actiones ex se malas benevolent intentione leni finis.

XII. Solido fundamento caret eorum sententia, qui eandem actionem simul bonam, & malam esse posse contendunt.

XIII. Plura in divino iudicio tamquam otiosa, & culpabilia damnabuntur, quæ interdum etiam laude digna apud homines judicantur.

XIV. Rejiciendi sunt nonnulli moderni Theologi, qui aliam ab ea, quam Patres tradiderunt, verborum, & operum otiosorum notionem ingerere moluntur.

XV. Expresse damnata censenda est doctrina quorundam maxime ex Societate Scriptorum, qui omni peccati labe fugant actiones plures ob solam voluptatem alicuius eo motivo, quod naturalis appetitus licite suis actibus frui possit.

XVI. Propositionum ab Ecclesia de hac re damnatarum sensum legitimum pervertit potius, quam explicet P. Dominicus Vrous.

XVII. Non minus erronea reputanda est exceptio ab eul. m. Auctore facta quorundam

dam actuum, quamquam ob solam voluptatem exerceantur.

XVIII. Quare generatim, & absolute dicendum est in Decreto condemnationis virtualiter, & implicite contineri damnationem sententie admittendis actus in individuo indifferentes.

XIX. Nedom immoderatus, sed etiam moderatus voluptatis, aut delectationis amor propter se quesita illicitus est.

XX. Idcirco admittenda non sunt ut veritati, & restitutiui consentanea omnia illa motiva, quibus permulti ex recentioribus omni culpa etiam veniali purgant legitimi matrimonii usum.

XXI. Peculiari vigilantia opus est in electione rerum delectabilium.

XXII. Nedom quarere minime licet propter se voluptatem, aut delectationem, sed nec etiam alium finem ab honesto diversum.

XXIII. Homo Christianus opera sua efficere debet propter finem Christiano homine dignum, sive ad honorem, & gloriam Dei.

XXIV. Nonnisi temeritate summa quidam Auctores damnare audent hanc doctrinam veluti erroneam, & ab Ecclesia proscripiam.

XXV. Instruendi Fideles sunt, & efficaciter hortandi, ut quotidie opera sua in Dei gloriam referant.

XXVI. Hec autem in Deum referibilia esse necessum est.

XXVII. Ex tradita doctrina nemo colligere debet gravari nimium, & scrupulis implicari fidelium conscientias.

R. A. xio.

CONSECTARIUM PRIMUM.

I. **F**ALSA est sententia Samuelis Puffendorfi, qui lib. 2. de Jur. Nat. & Gent. moralitatem actuum humanorum in imputativitate constituit dicens c. V. §. 3.

Formale actionis moralis consistit in imputativitate, ut ita loquar, per quam effectus actionis voluntaria agenti potest imputari &c. Siquidem hæc consequitur ad moralem actionem sive bonam, sive malam, eamque in ordine morali constitutam præsupponit: prius namque est, quod actio bona, aut mala moraliter sit, quam quod alicui impuretur vel ad præmium, vel ad culpam, aut ad laudem, aut ad vituperationem. Unde & S. Thomas de hac proprietate actionis moralis agit quæst. 21. ubi sermonem habet de his, qui consequuntur actus humanos ratione bonitatis, vel malitiae.

CONSECTARIUM SECUNDUM.

II. Falluntur etiam ii Theologi, qui moralitatem sitam esse defendunt in libertate ad agendum, aut non agendum. Libertas etenim necessaria quidem est, ut actio moralis sit: nam quæ necessario sunt, nec bona, nec mala moraliter sunt; adeoque illa præcedere debet tamquam fundamentum, aut conditio omnino ad moralem actum requisita: attamen ejus essentia in ea posita non est: sed in subjectione actus ad regulas morum. Unde & invariata liberrate actio eadem plures malitias induere valet ex sola difformitate ad morum regulas, ut pater in eo, qui maritum occidit, ut adulterium cum ejusdem uxore committat.

CONSECTARIUM TERTIUM.

III. Tamquam hæretica rejicienda est opinio Lutheri, & Calvinii asserentium, opera omnia etiam iustorum in seipsis considerata peccata esse, & quidem etiam mortalia, quæ tamen ex Dei misericordia ipsis non imputantur. Error iste anathematice percussus est a Synodo Tridentina sess. 6. c. 7.: Qui dixeris omnia opera, quæ ante justificationem sunt, quacumque ratione facta sunt,

sint, vere esse peccata, anathema sit. Et c. 25. Si quis in quolibet bono opere iustum saltem venialiter peccare dixerit, aut, quod intolerabilis est, mortaliter, atque adeo pœnas eternas mereri, tantumque ob id non damnari, quia Deus ea opera non imputet ad damnationem, anathema sit. Quam iuste huiusmodi opinio proscripta fuerit, innumeris Scripturarum testimoniis comprobari facile posset.

CONSECTARIUM QUARTUM.

IV. Hinc, quum Ecclesiast. C. 7. dicitur: *Non est homo iustus in terra, qui faciat bonum, & non peccet*; hæc verba ita nativo in sensu accipienda sunt, neminem scilicet esse in hac vita mortali tam iustam, ac sanctum, qui bonum semper operetur, nec interdum peccet, aut in aliqua saltem venialia peccata labatur juxta illud: *Septies enim cadit iustus*. Atque ita quoque intelligendus est textus Apostoli, sive ab Apostolo relatus ad Rom. 2.: *Omnes declinaverunt, simul inutiles facti sunt: non est, qui faciat bonum, non est usque ad unum*. Nisi forte textum hunc intelligere mavis juxta eam Scripturæ consuetudinem, qua locutio universalis non ad omnes, sed ad maximam hominum partem refertur; sicut cum ad Philip. 2. dicitur *Omnes, quæ sua sunt, querunt*. Neque enim in horum numero erat Apostolus ipse, neque alii Apostoli, & ceteri iusti illius temporis, qui non quæ sua sunt, querebant, sed quæ Jesu Christi.

CONSECTARIUM QUINTUM.

V. Perfecta circumstantiarum cognitio apprimè necessaria Theologis est, ac præsertim Confessoria, ut populum docere valeant, quas in Confessione exprimere debeant, quas utile tantum sit, & quas etiam nec exprimere oporteat, nec utile sit, quemadmodum sæpe contingit in cir-

cumstantiis carnalia peccata spectantibus. Necessaria item ea cognitio est, ut pœnitentes docere possint, quinam ad restitutionem aliquam obstringantur, quid, ubi, quantum, quo loco, quo modo, quo ordine illam exequi debeant: ut interim omittamus, quod de iis, quæ ad casus conscientie pertinent, rectum iudicium fieri nequeant absque notitia, & distinctione circumstantiarum, quemadmodum nec sana præberi consilia.

CONSECTARIUM SEXTUM.

VI. Circumstantiæ, ut bonitatem, aut malitiam humanæ actioni tribuant, tales esse debent, ut aliquem ordinem habeant ad rationem humanam, prout hæc ordinatur ad ultimum finem; cum, ut ait S. Thomas, *bonitas actuum sit, in quantum sunt utiles ad finem*, atque adeo prout ei profunt, vel obsunt in ordine ad finem. Quapropter circumstantiæ, quæ imperiènter se habent ad finem, nihil bonitatis addunt, aut malitiæ moralis humanis actionibus; ut e. g. quod quis elemosynam contulerit hora sexta, vel octava, vel quod alium occiderit feria secunda, vel tertia &c.

CONSECTARIUM SEPTIMUM.

VII. Requiritur etiam ut plurimum, quod circumstantiæ debeant adesse, ut actui bonitatem, vel malitiam tribuant: quod ita explicari potest. Ut actio moralis mala sit, oportet, quod circumstantia, ob cuius absentiam defectum actio mala est, debuerit adesse, ac sufficit vel unam deesse circumstantiam ex his, quæ ex præcepto adesse debebant. Ut autem actio sit bona, non sufficit, quod habeat solas circumstantias ex præcepto debitas, sed necessum est, ut omnes omnino habeat, quæ ad actionem ipsam, aut ejus objectum pertinent. His vero si aliqua alia circumstantia adjungatur, quæ non ex præcepto debi-

bita sit, sed tamen absolute bona, hæc bonitatem aliquam addere poterit; sed ejus absontia nullam addet malitiam.

CONSECTARIUM OCTAVUM.

VIII. Etsi bonitas, aut pravitas specifice actionis humanæ desumatur ex objecto; aliquando tamen etiam circumstantia constituit moralem actum in specie boni, vel mali. Ita D. Thomas hic *quæst.* 18. *art.* 10. Et ratio est, quia species moralium actuum constituuntur ex formis, prout sunt a ratione conceptæ, hoc est ex objectis, seu conditionibus objectarum per se habentibus convenientiam, aut repugnantiam ad rationem. Atque adeo quotiescumque aliqua circumstantia respicit specialem ordinem rationis, sive sit conformis, sive dissentanea huic ordini, tribuit speciem actui morali vel bono, vel malo. Sic locus circumstantia quedam est: sed quia ratio præcipit non esse inferendam injuriam loco sacro, ideoque furtum in loco sacro commissum specialem malitiam tribuit furto, a malitia furti diversam. Atque hæc doctrina tamquam dogma catholicum tenenda est, cum in sacro Concilio Tridentino definitum sit, circumstantias, quæ speciem peccati mutant, Confessioni sacramentali subjiçendas esse.

CONSECTARIUM NONUM.

IX. Circumstantiæ non inducunt peccatorum specificam diversitatem, nisi quando motivum, aut objectum specie diversum respiciunt, aut important. Id declarat Doctor Angelicus 2. 2. q. 53. *art.* 2. ad 3. respondens cuidam argumento ex eo desumpto, quod peccata contingant specie diversa, quoties circumstantiæ virtutum corrumpantur, his verbis: „ Dicendum, „ quod quando corruptio diversarum circumstantiarum habet idem motivum, „ non diversificantur peccati species: sicut

„ ejusdem speciei est peccatum, ut assu-
„ quis accipiat non sua, & ubi non de-
„ bet, & quando non debet. Sed si sint
„ diversa motiva, tunc essent diversæ
„ speciei; puta, si unus acciperet, ubi
„ non deberet, ut faceret injuriam loco
„ sacro, quod faceret speciem sacrilegii:
„ alius, quando non debet, propter so-
„ lum superfluum appetitum habendi,
„ quod esset simplex avaritia. Et ideo de-
„ festus eorum, quæ requiruntur ad præ-
„ dentiam, non diversificant species, nisi
„ quatenus ordinantur ad actus rationis.”
Sed de his alibi latius.

CONSECTARIUM DECIMUM.

X. Sicut si actus bona ex objecto, & aliis circumstantiis mala est, si in malum finem ordinetur, puta elemosyna debito loco, & tempore erogata, sed in finem vanæ gloriæ ordinata; ita si finis, ad quem actus refertur, bonus sit, objectum autem, aut circumstantiæ sint prave, tota erit actio mala, ex illo generali S. Thomæ principio: *Bonum ex integra causa: malum autem ex singularibus defectibus*. Unde quæcumque sit intentio bona, quin & optima, si opus aut ex objecto, aut ex circumstantia pravam sit, actionem a peccato immunem numquam efficiet. Hinc tamquam falsa, & errore infecta repudianda est doctrina quorundam Theologorum, qui opus de se prava, & ipsum etiam homicidium ob honestum finem vel tuendæ propriæ famæ, vel defendendæ alterius puritatis commissum a peccato excusant prætextu rectæ intentionis.

CONSECTARIUM UNDECIMUM.

XI. Ex his colligere pronum est, quam longe a via veritatis aberraverint tum Escobarius, qui *Traët.* 1. ex 7. n. 48. docet, quod iusta causa occidendi hominem, qui aliam impiegit, sit intentio recuperandi ho-

honorem, ostendenda signa excellentis, & emulatio apud homines capiende: tum Hurtadi (apud Dianam p. 5.) Tract. 14. resol. 99. qui censet excusari a peccato, qui provocatus ad duellum provocanti se fecit ea intentione, ne gallina ab exercitu occideretur, & non vir. Vah sceleratissimas prolapiones!

CONSECTARIUM DUODECIMUM.

XII. Solido fundamento caret sententia, quam propugnat P. Contensonius, alique post ipsum de admixtione malitiae, & bonitatis in eodem actu juxta vulgatum illud: *Sunt bona mixta malis; sunt mala mixta bonis*. Explicatione potius indiget hoc Consectarium, quam probatione. Certum in primis apud omnes est, idem exterius officium a duobus principiis profectum bonitatem, & malitiam induere posse, quia tunc duplicis actionis objectum est: puta si elemosyna bona intentione imperetur a Domino, & perverfa exoretur a servo. Item conveniunt omnes, eundem actum physicum, qui duo objecta disparata respiciat, posse bonitatem ex uno suspicere, & malitiam ex altero; ut si quis eodem actu physico tribuat elemosynam Petro ob motivum misericordiae, Paulo autem ob motivum vanae gloriae. Moraliter quippe duplex actus est.

Huc igitur quaestio recidit, num idem physicus actus ex objecto bonus, sed ob finem pravam volitus simul sumat bonitatem ex objecto, & malitiam ex fine. Contensonius ita in hac quaestione mentem suam explicat: „Quoties actus ex objecto
„ bonus propter finem pravam elicitur
„ tunc opus bonum vel elicitur praecise per
„ modum puri medii conducentis ad finem,
„ vel per modum finis intermedii, adeo ut
„ voluntas non solum alliciat a fine, sed
„ etiam ab objecti bonitate moveatur“.

Falso modo actum malum esse faretur ab-

Patuzzi Theol. Mor. T. II.

que mixtura boni: altero vero bonum putat ex objecto, simulque malum ex fine, eundemque omnino actum mixtum esse asserit bonitate, ac malitia.

Sed fallitur plane celeberrimus ceteroquin Author, ac perperam aptat sententiae suae testimonia, & exempla, quae proferit. Frequenter quidem etiam in viris sanctis contingit, ut bona, quae agent, circumscripta sint inanis gloriae, vanaeque complacentiae lenociniis: At non ideo eadem mixta sunt bonitate, & malitia, ita ut eodem actu ea velint ob inanem gloriam, quae potius ea comitatur, ac veluti circumfiat. Unde si aliquando ea moveantur, actus diversus est, nec afficit opus, sed operantem: Idque etiam quodam intimo sensu percipiunt bene morati viri, qui non referunt quidem opera sua bona nisi in gloriam Dei; sed, dum non attendunt saper se ipsos, se pertrahi sinit hominum laude, & quadam occulta gloria complacentia apud homines, quae operibus bonis infunditur.

CONSECTARIUM DECIMUMTERTIUM.

XIII. Plura recensenda sunt inter otiosa, & vana, de quibus in divino iudicio reddenda nobis ratio est, quae homines vel pro nihilo habent, vel etiam laudabilia arbitrantur. Sic vanus, & culpabilis est appetitus gloriae non relatus in gloriam Dei, aut proximi salutem, ut animadvertit D. Thomas 2. 2. quae. 131. art. 1. Sic otiosus & vanus est appetitus ipse, vel studium, ut ait quae. 167. art. 1. cognoscenda veritatis, quando homo appetit cognoscere veritatem circa creaturas, non referendo eam ad debitum finem, scilicet ad cognitionem Dei; atque ita alia plura, quae laude digna estimantur ab hominibus: quia, ut habet S. Doctor in 1. dist. 1. q. 3. ad 5. actus procedens a ratione deliberata, si est referibilis in Deum, & non refertur, vanus est, & otiosus. L Con-

CONJECTARIUM DECIMUMQUARTUM.

XIV. Rejicienda quoque est sententia quorundam Neotericorum, quæ, teste Eusebio Amort, increbuit præcipue in Scholis Bavaricæ ab anno 1708, ac sustinetur moralis alius per se indifferentes in individuo. Hi præsertim contendunt totis viribus eludere evangelicum textum, quo de reddenda ratione de omni verbo otioso divino iudici sermo est, dicuntque in primis, „ non deesse aliquos, qui non admittunt „ paritatem de verbis ad opera, eo quod „ verbis sit labi prius, & peccare facilius, quam operibus; adeoque licet non „ derur actus indifferens verbalis, dicunt tamen posse dari actum indifferentem „ realem, seu in actione aliqua consistentem. Interim tamen, cum huic responsioni non videatur (subdunt) adeo firmum subesse firmamentum „ (necum „ parum firmum, sed prorsus infirmum, & ineptum est hoc fundamentum, cum eadem „ omnino ratio sit de verbo, ac de opere otioso); idcirco aliud responsum præbent „.

Respondent itaque secundo, *negando antecedens*, nempe verbum otiosum esse, quod non dirigatur in finem honestum. „ Hæc enim (ajunt) definitio: *Illud est verbum otiosum, quod non est ordinatum ad finem positivè honestum; est probabiliter falsa ex duplici capite*. Primo quia potest dari verbum otiosum, licet finis sit honestus. „ Nam ex communi sensu censetur eum loqui otiose, qui in eodem sermone, vel conclusione, quam bono fine instituit, sæpius, & pluries idem repetit, & sic verba inutiliter multiplicat &c. Secundo: quia illa definitio non convenit soli: positio enim, quod aliquis in tempore vel loco, in quo loqui aliunde non est, prohibeatur dicat alteri: *hodie est tempestas, pluvia*, non intendendo his ver-

„ bis finem positivè honestum, non censetur loqui verbum otiosum. „ Hæc rescripti non ut ea confutarem: revera namque otio abuterer, si serio refellenda susceperem; sed ut videat prudens Lector, quid non moliantur aliqui, ut certissimam, & clarissimam juxta Ecclesiam Patres veritatem obscuram, ac dubiam efficiant.

CONJECTARIUM DECIMUMQUINTUM.

XV. Inter expresse ab Ecclesia damnatas doctrina illa ponenda est, quam docuerunt Escobarus, Jo. Sanchez, Diana, & alii innumeri, nimirum haud peccare homines, dum querunt solam commoditatem, aut voluptatem facultatum humanarum, sive sentientis appetitus; ea ratione, quod licite possit naturalis appetitus suis actibus frui, ex. gr. comedere, & bibere usque ad satietatem ob solam voluptatem, opus conjugii exercere ob eandem voluptatem, & alia id genus plurima. Damnata, inquam, expresse hæc doctrina reputanda est in duabus jam recensitis propositionibus: quoniam aliter explicari minime queunt. Et jure quidem merito damnata fuit. Non enim voluptas sensilis esse potest finis homine dignus, qui, cum ratione prædictus sit, secundum finem hunc convenientem, qui alius esse non potest, nisi ipsa honestas, sive bonum honestum, agere semper tenetur, & ad illud ceteras suas actiones dirigere. Plane proscripta doctrina Epicureismum sapit, immo tota Epicurea censenda est. Neque enim Epicurus immoderatam voluptatem sensuum, aut aliarum facultatum finem constituit humanarum actionum, sed moderatam potius, atque intra definitos quosdam terminos coercitam, quemadmodum Authores, qui ejus sententiam diligentius expenderunt, observant.

CONSECTARIUM DECIMUMSEPTIMUM.

XVI. Legitimum propositionum damnatarum sensum perverit, non explicat P. Dominicus Viva, dum in eandem *trutinam*, sive commentario illas coarctare videret ad solam immoderantiam in cibo, potu, ac venereæ voluptatis. Postquam etenim ad offendendam illarum propositionum falsitatem progreditur, adhibet S. Thomæ auctoritatem, qua probat, gulam esse peccatum, de quo nemo dubitavit, atque :
 „ Cum enim gula consistat in *inordinata*
 „ concupiscentia edendi, potest *inordinata*
 „ ista concupiscentia attendi dupliciter .
 „ Uno modo &c. “ : & recenset modos, quibus in sua specie gula redditur vitiosa; quod ad præsentem quæstionem, & intentum propositionis damnatæ nullatenus pertinet. Non illud siquidem damnat Pontificium Decretum, quod nemo negavit, sed unice summptionem cibi, & potus etiam moderatam, sed *ob solam voluptatem* perceptam licitam esse.

Eadem aberratio P. Vivæ apparet etiam in sua prima ratione, qua offendit *falsitatem* proscriptæ propositionis. Scribit enim :
 „ *Ratio horum omnium videtur esse* ; tum
 „ quia non potest non vacare culpa eibus
 „ immoderatis propter meram delectationem sumptus ; quando bruta ipsa, quæ unice a delectatione provocantur ad comedendum, abstinere tamen a cibo immoderato, & solum ad sufficientiam, non ad satietatem comedunt “. Quid ex hac P. Vivæ doctrina consequitur ? licitas plane esse propositiones, quas Ecclesia damnavit ; neque peccatum ullum esse comedere, & bibere usque ad satietatem ob solam voluptatem : & opus conjugii ob solam voluptatem exercitum penitus carere culpa, ac defectu veniali. Nam & qui comedit, & bibit, usquequo saturata natura sit, non immoderate comedit ; nam & bruta ipsa,

qua unice a delectatione provocantur ad comedendum, a cibo solum abstinere, cum ad satietatem pervenerunt : ac præterea opus conjugii ob solam voluptatem exercitum, sicut exerceant bruta ipsa citra immoderantiam, penitus caret culpa, ac defectu veniali. Hæc cunctæ sunt damnatæ propositiones interpretari, an potius easdem docere, & confirmare.

CONSECTARIUM DECIMUMSEPTIMUM.

XVII. Non minus erronea est exceptio aliquorum actuum ibidem facta a P. Viva, licet exerceantur ob solam voluptatem, dum ait n. 6. : *Verum quidem est, quod possit propter se intendi directæ oblectatio aliqua, qua reperitur in ludo v. g., in olfactu floris, in auditione Musicæ, & in aliis actibus moraliter indifferentibus*. Et ratio est ; quia hujusmodi voluptas ad hoc ipsum instituta est a natura, ut animum relaxet. Egregia sane ratio, & disparitas ! Poterit ergo directæ propter se intendi oblectatio, sive voluptas in ludo, & in aliis actibus, quia instituta est a natura ad relaxandum animum. At eut non poterit etiam directæ, & propter se intendi voluptas in cibo, potu, & venereis legitimi matrimonii percepta ? Nonne & hæc instituta a natura est ad honestum finem, ad conservationem seilicet individui, vel speciei ? Si hæc nihilominus damnatur ab Ecclesia in iis, qui propter se illam intendunt ; cur damnata quoque dicenda non erit in iis, qui eam propter se intendunt, & quærent in ludo, & in aliis ?

CONSECTARIUM DECIMUMOCTAVUM.

XVIII. Hinc absolute, & generatim dicendum est, in propositionibus duabus ab Ecclesia anathemate percussa virtualiter, & implicite contineri damnationem sententiarum, assertantis dari actus indifferentes in individuo, seu prout deliberate exerceantur ab homine, quin eos referat in finem hominis.

nctum; omnemque, si qua antea gaudebat, amississe sententiam illam probabilitatem. Quare audiendus non est citatus P. Dominicus Viva, dum s. 13. sui Commentarii scribit: *En dictis sequitur primo, ex condemnatione horum propositionum nullatenus concui opinioem de possibilitate actus moralis indifferentis in individuo. Quia locutione satis approbat, quod ab initio jam dixerat in favorem damnatarum thesium, quod iuxta probabilissimam sententiam Scoti, Vasquez &c., et aliorum dari potest actus moralis indifferens in individuo; puta si quis accedat ad ignem, ut calefiat, vel si quis deambulet per pomarium, ita ut advertat hujusmodi actiones nec prohiberi, nec precipi, sed permitti; & non referat illas sive ad finem virtutis, seu ad Deum, sed solum intendat delectationem illam naturalem, qua inde percipitur.*

CONJECTARIUM DECIMUMNONUM.

XIX. Nedom in P. Viva, sed & in aliis pluribus vitanda ea opinio est, quæ docet, moderatum amorem voluptatum sensibilibum propter se volitum licitum esse, solumque immoderatum prohiberi. Hæc opinio plane contraria Ecclesiæ sensui in damnatis propositionibus emicanti, animalis est, & Evangelicis regulis, ac vitæ Christianæ principiis repugnans; eamque confutavit S. Augustinus in suis libris contra Julianum, veluti ex corruptis sacunis haustam Epicuri, & Dinomachi. Confutat etiam S. Thomas ea ratione, quod inordinatum sit, neminem etiam negative ultimum ponere in eo, quod non habet juxta ordinem a Sapientia Divina constitutum, rationem suam, sed medii ad aliud ordinati. Nulla porro delectabilia, quæ in usum hominum veniunt, in ordine rerum habent rationem suam, sed medii ordinati ad aliquam vitæ necessitatem. Vulgatum quippe principium est: *Delectationes sunt propter operationes.* Et Ideo, loquendo S. Doctor de ludo,

statuit, *malum esse ponere suum in delectatione ludi, hæc ludum querere propter solam delectationem, quæ ludento percipitur.* Quid ergo dicendum de his, qui plures horas quotidie in ludo insumunt, nihilque se mali agere sibi persuadent eo facili prætextu, quod non querant damnum proximorum, sed solum oblectationem suam? Numquid non malum est solam ipsam querere oblectationem, quæ non est ad alium finem honestum ordinata, nec ordinari potest, dum nimia est, vel nimium in ea tempus consumitur?

CONJECTARIUM VICESIMUM.

XX. Non sunt igitur admittenda tamquam licita omnia illa motiva, ob quæ plures Theologi culpa etiam venialis purgant usum Matrimonii, nimirum proles in Dei cultu procreanda, carnis concupiscentia sedanda, sanitas propria, uxorisque conservanda, propria obligatio obeunda. Hæc namque doctrina e diametro opponitur S. Thomæ in 4. dist. 26. & 31. cum Magistro docenti: *Quibus solis modis Conjuges absque omni peccato conveniunt, scilicet causa procreanda proles, & debiti reddendi: alias semper est ibi peccatum ad minus veniale.* Hanc doctrinam hausit ille ex Sanctis Patribus. Nam Augustinus lib. de bon. Conjug. Cap. 6. & 7. scribit: *Conjugalis concubitus generandi gratia non habet culpam: concupiscentia vero satienda, sed tamen cum conjugis propter fidem tori, veniale habet culpam. Reddere debitum conjugale nullius est criminis: exigere autem ultra generandi necessitatem est culpa venialis.* Idem tradit S. Gregorius Magnus lib. 32. Mor. c. 10.: *Tunc solum conjuges in admixtione sine culpa sunt, cum non pro explenda libidine, sed pro suscipienda prole miscantur.* Adnotant tamen iidem Patres, in casu, quo quis a libidine lethaliter mala temperare sibi non posset, indulgentiam eidem, si ab omni vinculo

culo solutus sit, ut ad concupiscentiam sedandam uxorem ducat: quia videlicet cedere libidini etiam non prohibetur non laudatur quidem, sed in comparatione mali peioris ignoscitur.

CONSECTARIUM VICESIMUMPRIMUM.

XXI. Peculiati vigilantia opus est, ne in actionibus nostris aliam finem, quam honestam nobis praestigamus, ac innumeram, saltem veniales, culpas devitemus, neve loco honestatis solam voluptatem, aut delectationem nostram amice confectemur. Cum enim, ut aiebat Tullius, *penitus in omni actu implicata insideat imitatrix boni voluptas, malorum autem mater omnium*, nisi sedula adhibita diligentia, & attentione, ab ejus insidiis, ac blanditiis cavere non possumus. Quare aut amice, aut fere omnes actiones, quae in seipsa inspectae aut indifferentes sunt, aut etiam suapte natura bonae, nisi specialem cutam impendamus, ab amore voluptatis, aut delectationis, quam in ipsis duntaxat querimus, corrumpuntur, ac male evadunt, de quibus rationem reddere oportet. Profecto si perpendamus opera, quae ab otiosis, & incuriosis hominibus continentur, sunt a mane usque ad vespem, nimium clare constabit non ab alio fine ad ea peragenda moveri, quam a voluptatis amore, quam in his percipiunt; atque adeo culpa coram Deo nequaquam carere, licet ne culpabiles quidem frequentissime reputentur.

CONSECTARIUM VICESIMUMSECUNDUM.

XXII. Nedum querere minime licet in operibus nostris voluptatem, aut delectationem propter seipsam, sed neque finem alium ab honestate diversum, qui finis rationem habere aequit, scilicet utilitatem, aliumve similem: unde illicitum est amare pecuniam propter seipsam: Haec enim solius *medii* rationem habet; vel temporalem

honorem, aut gloriam, in his *utendo*. Quapropter rejicienda doctrina est eorum, qui docent licitum esse operari praecise ad acquirendam pecuniam; vel cum Eschario *trah.* i. *Exem.* 3. affirmant, ne venialis quidem culpa ream esse mulierem se ornantem *ab naturali sensus inclinationem*.

CONSECTARIUM VICESIMUMTERTIUM.

XXIII. Quemadmodum homo, ut homo est, quoties deliberate agit, spero debet propter finem hominis proprium; ita homo Christianus agere debet propter finem proprium Christiani, sive propter Dei gloriam, ita ab ipso exigente vocatione sua, qua divinum consortis factus naturam est in Sacramento Baptismatis, nec ignorat sublimem, ac supernaturalem ordinem, ad quem beneficentia divina munere elevatus fuit. Hinc merito plures ex Episcopis Gallicarum Ecclesiarum reprobarunt, ac diris devoverunt quamdam propositionem quorundam Scriptorum; *posse nempe Christianum hominem in agendo exuere Christiani personam*, seque genere veluti parum hominem.

CONSECTARIUM VICESIMUMQUARTUM.

XXIV. Nonnisi temeritate summa damnatus *Cassianus Apologista*, sive P. Pirot, Ardeselinus, alique solutiores Ethices Patrum etroneam asserere audent doctrinam, qua Christianis omnibus obligatio asseritur, ut actus suos ad Deum, sive ultimum finem, ex aliquo saltem imperfecto amore, actu, vel virtute referant. Hanc siquidem *Apologista* illius propositionem Ecclesia Senonensis, & Parisiensis merito censuit *temerariam, falsam, Patribus, S. Thome, & clarissimis Theologia Doctoribus injuriosam, qui in his Pauli verbis*: Omnia vestra in charitate fiant, *&*: Omnia in gloriam Dei facite, *verum continere praeceptum semper agnoverunt*.

CONSECTARIUM VICESIMUMQUINTUM.

XXV. Instruendi sunt a Sacerdotibus, & Confessariis fideles omnes, & efficaciter hortandi, ut statim ac de lecto surrexerint, seipsos, omniaque illius diei opera Deo offerant, & in Dei gloriam, & honorem referant. Ita quippe facile fiet, ut pia illa intentio constanter persistat, saltem virtualiter, per totam diem: ad quod plurimum inserviet, si eam quandoque repetant, maximeque dum novum aliquod opus adoriri oporteat. Quod si aliquos inveniant tam salutarem actuum suorum directionem in Deum negligere, eos acriter redarguant, increpentque. Quandoquidem huiusmodi homines ita vivere solent, ut ne Christiani quidem appellari queant, nisi solo nomine, quum Christianismi spiritum, ac sensum penitus frequenter amittant, agantque opera sua velut Infideles, & Athei, qui nullum Deum agnoscunt, & colunt, imo more pecudum, quæ non nisi, quæ corporis sunt, prosequuntur, & querunt.

CONSECTARIUM VICESIMUSEXTUM.

XXVI. Illud vero diligenter est animadvertendum, satis non esse, ut opera nostra etiam sæpiissime in Deum referamus, si in Deum referibilia non sint. Quod enim inordinatum, aut aliquo modo culpabile est, in Deum referri non potest. Sic immoderate delectationes vel in cibo, & potu, vel in ludis, aliisque similibus; sic nimium studium augendi res proprias; sic inordinatus scientiarum amor, & id genus alia, quæ culpa aliqua non vacant, non ex eo, quod referantur etiam actu expresso in Deum, recipiunt bonitatem, & meritum: quoniam in ipsum referibilia non sunt; & cum ea referimus, ipsi Deo potius illudimus, quam, quod probari ab illo valeat, offeramus. Vel ergo huiusmodi opera ex se bona sint, oportet, vel saltem ex obiecto suo indifferentia.

CONSECTARIUM VICESIMUMSEPTIMUM.

XXVII. Ex iis, quæ hætenus dicta sunt de obligatione referendi omnia opera nostra in finem honestum, & in ipsum Deum ultimum finem omnium, nemo colligat nimium hac doctrina gravari conscientias hominum, scrupulisque & anxietatibus perpetuis implicari. Nam in primis doctrina nostra, quæ alia non est, nisi doctrina Sacre Scripturæ, Patrum, S. Thomæ, & graviorum Doctorum, locum non habes nisi in actibus deliberatis, non autem in deliberatis, qui intra genus humanorum actuum non continentur. Deinde non exigimus *actuales* operum nostrorum in finem honestum, Deumque relationem, quæ plane in hac misera vita impossibilis est; sed *virtuales*, quæ nempe ex actu, quo nos, omniaque nostra in Deum retulimus, proficiscitur. Unde non rejicimus congruas huius vitæ utilitates, ac delectationes in cibo, potu, cæterisque huiusmodi, quæ eo ipso virtualiter ordinantur ad finem honestum, Deique gloriam in eo, qui se, & omnia sua in Deum ordinavit, & omnia in Dei gloriam facere intendit. *Hæc ipsum*, inquit S. Thomas hic ad 3. *quod aliquis agit ordinate ad sustentationem, vel quietem sui corporis, ad bonum virtutis ordinatur in eo, qui corpus suum ordinat ad bonum virtutis.* Fateri tamen necesse est, quod quia appetitus delectationis nos sæpe fallit, & voluptas, quæ propter operationem admittitur, *præcurrere, aut ducere conatur*, ut in seipso experiebatur S. Augustinus; ideo etiam viri iusti sæpe, leviter saltem, delinquant, & in ipsi bonis operibus positi trepidant, ac ne in iisdem occulto aliquo errore concupiscentiæ Deo displiceant, *continuis lamentis vacant*, prout agebat S. Gregorius Magnus.

REFLEXIO.

Quam sublimis, quam sancta, quam pura, & immaculata sit Christianæ Religionis doctrina, quis non intelligit, dum ad ea, quæ tradit pro officiis hominum dirigendis, animum vel tantisper advertit? Hæc objecta præstunt, quæ prosequi intanto studio debemus, ne a morum regulis unquam desectamus. Hæc circumstantias humanarum actionum ita ordinat, ac disponit, ut objectis semper apta cõhæreant, nihilque contineant, quod a perfecta rectitudine dissentire valeat. Hæc demum finem circumstantiarum omnium nobilissimum ostendit, atque præstituit, quem solum in actibus suis inspicere debeat homo, ac in ipsum perpetuo tendere, quin ad alia naturæ suæ, suæque rationi minus consentanea divertat. Atque ut in hoc duntaxat modo versetur *Reflexio* nostra, quisnam est hujusmodi finis a Christiana Religione hominibus in officiis suis unice præstitutus? Triplex bonorum genus distinguit Ethnica Philosophia, *utile* scilicet, *delectabile*, & *honestum*. Ex his primum nonnulli Philosophi gentiles pro fine habuerunt. Epicurei finem ultimum posuerunt in altero, nimirum *in voluptate*. Stoici tertium, sive *honestum*, aut honestatem virtutis finem hominis constituerunt. Hinc Philosophi priores ad utilitatem, Epicurei ad voluptatem, Stoici ad virtutem opera sua omnia referebant. Et quidem hi postremo præ reliquis laude digni æstimandi forent, nisi honestatem virtutis ita finem actuum nostrorum statuissemus, ut in ea sislerent, nec ultra provererent cogitationes suas, ut Deum veluti ultimum omnium finem agnoscerent, in quem se, suæque omnia referrent.

At vero Christiana Religio divino illustrata lumine, suis ponderibus res quaslibet expendens, bonum tum *utile*, tum

delectabile a ratione finis omnino excludit, quin etiam eadem bona vel ut sæpe sæpius tamquam mala repudiat, vel saltem ut indifferentia parvi pendit. *Quæcunque vero sunt honesta, quæcunque pudica, quæcunque iusta, quæcunque sancta* cum Apostolo probat, atque commendat. Neque tamen cum Stoicorum dogmate illa consentit. Non enim in sola rerum honestate sistendum judicat, ut eam finem ultimum sibi statuatur, atque hominibus proponatur. Atque illa assurgit, & ad altiores finem, vereque homine Christiano dignum, Deum videlicet Optimum Maximum sectatores suos assurgere debere docet, atque præscribit, in quem omnia sive opera, sive verba, sive cogitationes dirigant, in ejusque honorem, & gloriam tandem referant quidquid agunt, quidquid loquuntur, quidquid cogitant. *O celsitudinem*, exclamare liceat cum pio Granatensi, *Religionis Christianæ*! O vere Divinam Ethicæ suæ sublimitatem, ad quam cæca gentilium Philosophia nunquam pervenit, tamen aut omnes, aut ferme omnes ex illis Deum non ignorarent, sed plane cognoscerent, ac profiterentur! Quid enim præstantius, aut sublimius ingenii sui acie adinvenirent, vel alios docuerunt? *Major sum*, ajebat celeberrimum Stoicæ Philosophiæ lumen Seneca Epist. 65. *et ad majora natus, quam ut mancipium sim corporis mei; quod equidem non aliter aspicio, quam vinculum aliquod libertatis meæ circumdatum*. Et alibi lib. de Vit. Beat. C. 10. *Tu voluptatem complecteris: ego compesto: Tu voluptate fruieris; ego utor*. Huic præfusetat Tullius non minus recta, ac desecata doctrina frequenter admonens in suis de Legibus, & de Officiis, de finibus bonorum, & malorum libris, *illud solum bonum esse, quod rectum, et honestum, et cum virtute est*. Hinc intulit, *corporis voluptatem non satis esse dignam hominis præstantia, et per-*

ti-

vinere ad omnem questionem, semper in promptu habere, quantum natura hominis pecudibus, reliquisque bestis nihil nisi voluptatem sentientibus antecellat. Hæc, aliaque similia nativo lumine perviderunt gentiles Philosophi, nihilque altius cogitarunt. At divina plane Religionis Christianæ Philosophia superiore luce collustrata hæc dogmata probat, perficit, iisque erroribus, quibus permixta erant, expurgat. Sed his tamen contenta non est, eoque contendit, ut hominæ, humanaque omnia officia ad Deum extollat, finemque ultimum bonorum omnium doceat esse solum Deum, quem propterea semper spectare debeant eo modo, quo fas est in hac vita mortalit: quo quid præclatius, quid divinius concipi, aut excogitari a nobis potest? Hanc cælestem doctrinam ubique resonant Sacrarum Litterarum oracula: hanc continenter inculcant Evangelium Christi, & Apostolorum Epistolæ, maximeque Apostoli Pauli, qui eam cæteris fortasse luculentius præscribit.

Verum enim vero quid ex his colligamus, oportet? Illud in primis consequens mihi esse videtur, rubore maximo suffundi debere plures ex Theologiæ nostris, qui eo laxitatis dicam, an cæcitatibus ignoro, devenere, ut in clarissimo lumine positi, quod circumquaque diffundit Christiana Religio, non videant, quod vel ipsi viderunt densissimæ tenebris obvoluti Gentiles Philosophi, rectum scilicet esse non posse, quod honestum non est, nec utilitatem unquam, aut voluptatem, sive delectationem querendas esse propter se ipsas etiam in objectis ex se indifferentibus, sed propter honestatem, sive finem honestum. Nonne, dum legunt laudata Sencæ verba, *utendum ut summum esse voluptate, non autem fruendum*, dum occurrunt in Tullio frequentes illæ locutiones, *corporis voluptatem non satis esse dignam hominis præstantia,*

semperque ad omnem officii questionem in promptu habendum esse, quantum natura hominis pecudibus, reliquisque bestis antecellat; nonne, inquam, pudere ipsos vehementer deberet, quod Christiano spiritui enutriti, & Christiana disciplina imbuiti haud verecundur docere, scilicet hominem agere propter commoditatem naturæ, ac voluptatem, quia eas referat in finem honestum: posse citra culpam omnem sentientem appetitum suis actibus frui: posse comedere, & bibere, & alia opera hestiarum propria facere, in eorum delectatione silendo: posse ludere, posse spatari ob solam recreationem in iis quæstam: posse se mulieres ornare ob solam salus inclinationem &c. &c.? Quis hæc audiens non inardescat, aut non invocet *fontes illos lacrymarum*, quos invocabat olim Augustinus, ut tam sceleratas, & Christiano Dæmore nimium indignæ aberrationes amare desinat?

Sed & alteram ex allata doctrina consecutionem colligat necesse est Lector Christianus; ut nempe, quemadmodum Stoici, in solo fine honesto, seu honestate victuris nequaquam conquiescat, verum & ipsas honestas actiones ad Deum finem ultimum totius honestatis suffollat, ac referat, in ejusque gloriam operetur omnia. Ita namque ab hominæ Christiano requiritur sacræ paginæ, ac præcipue, qui plenam earum, & legitimam intelligentiam assequutus est, S. Paulus Apostolus: ita ab eodem exigunt Ecclesiæ Patres, maximeque Augustinus, & Thomas: ita ab eo efflagitant suæ Religionis documenta, & dignitas vocationis, ad quam divino munere provectus est. Agnosce ergo, quicumque es, Christiane, tuæ Religionis celsitudinem, doctrinæ profunditatem, sanctitatem, soliditatem. Agnosce & altissimam dignitatem tuam, & divinæ consortis factus naturæ, non nisi divinam in tuis

omnibus operibus, etiam quæ viliora sunt, finem respice. Memento cujus Capitæ, cujus corporis sis membrum, cujus Evangelii, cujus Religionis discipulus, unaque filius. Reminiscere, quod cum erutus sis de potestate tenebrarum, translatusque in Dei lumen, & regnum, plura a te exiguntur, quæ Christiano, quam ut homine, quam ut puro Philosopho. Facit te Dominus ad se, vocavit te sancta vocatione sua, teque elegit ad felicitatem æternam in clara sui visione positam. Ad cælum ergo mente, & operatione consurge, & esse incipe, quod futurus es. *Empius es pretio magis: mortuus es pro te Christus*, quem-admodum & pro omnibus, ut qui vivunt, inquit Apostolus, jam non sibi vivunt, sed ei, pro quo ipse mortuus est. At quomodo vivas præter ipsum, nisi ad ipsum dirigas omnes cogitationes, locutiones, & actiones tuas, cum vita in operatione consistat?

Utinam id ego indefinenter efficiam, quousque vixero, amabilissime Deus, qui me creasti, qui me redemisti, qui te totum propter me tradidisti moriens pro me, ut semper viverem tibi! Prosteor omni cordis affectu, me ad te unice pertinere, tibi que totum devinctum esse, atque tam æstis vinculis devinctum, ut nullum vitæ momentum præterire deberet, quo tuæ gloriæ, tuo cultui, tuæ servituti non sum jurgiter mancipatus. Pœnitent me (heu quam iusta causa mihi pœnitendi est) id elapso jam meæ vitæ tempore non præstitisse. Ar nunc firmiter statuo auxilio gratiæ tuæ, amissum tempus redimere, inque officia tibi debita diligentius incumbere. Propterea me tibi totum impense dedico, atque offero, mecumque simul omnia opera quæcumque mea, ut nonnisi in gloriam tuam perpetuo cedant; ac deliberatum animo, fixumque habeo, me nihil aggredi sine magnum, sine parvum, nihil loqui, nihil etiam, quantum in me est, cogitare, nisi

Patuazi Theol. Mor. T. II.

intuitu, & amore tui ipsius, qui finis ultimus omnium es, ad cujus possessionem, plenamque fruitionem, eadem tua me gratia adjuvante, tandem perventurum confido.

CAPUT XI.

De bonitate, & malitia in particulari actu voluntatis tum interiorum, tum exteriorum.

DOCTRINA.

- I. *Duplex complacentia simplex, aut delectatio distinguitur.*
- II. *Non omnis complacentia, aut delectatio etiam sentientis appetitus mala dicenda est.*
- III. *In appetitu sentiente nulla potest esse delectatio prava, nisi dependenter a voluntate.*
- IV. *Delectatio morosa pravi objecti propria in ratione est.*
- V. *Lebale peccatum est, postea materia gravitate.*
- VI. *Dum imminet probabile consentiendi periculum in pravam delectationem, non potest quis negativè se habere, quin graviter peccet.*
- VII. *Graviter etiam peccat, qui metum, aut delectationem graviter illicitam repellere negligit.*
- VIII. *Præter delectatio de re, aut actione modo illicita prava est, quamvis aut licita quandoque fuerit, aut futura sit.*
- IX. *Quodlibet, etiam inefficax, desiderium rei graviter male grave semper peccatum est.*
- X. *Desiderium conditionatum rei, aut actionis prave nonnumquam malitia caret, sæpius tamen peccatum est.*
- XI. *Si conditio apposita desiderio inefficaci rei vetita ejusdem malitiam auferat, illud de se non est mortale: scilicet, si non auferat.*
- XII. *Peccatum lebale est delectari de opere*
M

na-

natura sua malo, quamvis absque peccato commissum sit.

XIII. Quoties intentio finis antecedenter se habet, bonitas voluntatis in eis, quae sunt ad finem, ex ipsa intentione dependet.

XIV. Minime vero, si consequenter se habeat.

XV. Finis operantis haud semper est circumstantia operis.

XVI. Non eadem ratio habenda est de intentione boni, ac mali, quoad meritum, & demeritum.

XVII. Si actus exterior, & interior simul jungantur, eadem est tum species, tum numero bonitas, aut malitia.

XVIII. Actus exterior nihil addit ad bonitatem, vel malitiam interioris, quoties eam desumit ex fine operantis.

XIX. Absolute loquendo exterior actus nullam addit bonitatem, aut malitiam interiori, quoties voluntas perfecta omnino est, & efficax.

QUONIAM multa in superioribus, prout se tulit occasio; jam dicta sunt de his, quae per plures articulos quæst. 19. pertractat Præceptor Angelicus de bonitate, & malitia actuum interiorum voluntatis; idcirco, quæ tantum explicanda supersunt, seligemus. Actus internus voluntatis recensuimus, scilicet simplicem volitionem, sive meram complacentiam objecti, intentionem finis, electionem &c. Itaque de duobus actibus prioribus, quantum ad institutum nostrum attinet, quædam duntaxat animadvertere necessarium existimo; ac primum sit.

§. I.

De simplici complacentia, ac desiderio inefficaci, & conditionato.

I. Simplex volitio, sive complacentia rei tum bona, tum mala est, sicut ipsum objectum, quod inspicit. Si enim obje-

ctum bonum sit, & ipsa quoque est bona; ut si quis considerans Deum sibi in ejus bonitate, aliarumque perfectionum pelagus complaceat, ac delectetur. Si vero pravam objectum sit, ipsa quoque prava est, ejusque malitia sordescit. Cum hac simplici complacentia confunditur delectatio ab appetitu percepta de ipsa re, sive objecto, quemadmodum & desiderium inefficax ejusdem; quæ ab ipso objecto bonitatem, vel malitiam contrahunt. De his practicæ quædam regulæ statuendæ sunt horum actuum malitiam præcipue spectantes: ad quarum clariorem intelligentiam prænotandum est, duplicem distingui a S. Thoma quæst. 31. art. 4. complacentiam, sive delectationem; aliam, quæ est in appetitu intellectivo, sive in voluntate, quæ dicitur gaudium: aliam in appetitu sensitivo, sive sentiente nobis cum brutis communi; & vocatur delectatio corporalis. Hæc autem interest inter delectationem utriusque appetitus: quod delectatio appetitus sensibilis est cum aliqua transmutatione corporali; delectatio autem appetitus intellectivi nihil aliud est, quam simplex motus voluntatis. Prima est quædam animæ passio, cum sit motus quidam in appetitu animali, consequens apprehensum sensus; non autem altera, quæ consequitur solam apprehensionem intellectus. Hæc itaque posito sit.

REGULA PRIMA.

Non omnis delectatio etiam sentientis appetitus ex se mala dicenda est.

II. Hoc assertum statuit S. Thomas quæst. 34. hujus primæ secundæ partis art. 1. adversus quosdam antiquos Philosophos, delectationes omnes malas esse afferentes: idque probat duplici ratione, quarum primam desumit ex parte boni, in quo aliquis delectatur: „Bonum enim (inquit), & „malum in moralibus dicitur, secundum „quod convenit rationi, vel discordat ab

„ ea:

ea : sicut in rebus naturalibus aliquid
dicitur *naturale* ex eo , quod natura
convenit ; *innaturale* vero ex eo , quod
est a natura discordans . Sicut igitur in
naturalibus est quædam quies naturalis ,
quæ scilicet est in eo , quod convenit
naturæ , ut cum grave quiescit deorsum ;
& quædam innaturalis , quæ est in eo ,
quod repugnat naturæ , sicut cum grave
quiescit sursum : ita & in *moralibus* est
quædam delectatio *bonæ* , secundum quod
appetitus superior , aut inferior requie-
scit in eo , quod convenit rationi ; &
quædam *malæ* ex eo , quod quiescit in
eo , quod a ratione discordat , & a le-
ge Dei .

Rationem alteram repetit *ex parte operationum* , quarum quædam sunt malæ , &
quædam bonæ . Operationibus autem
magis sunt affines delectationes , quæ
sunt eis conjunctæ , quam concupiscen-
tiæ , quæ tempore eas præcedunt . Unde ,
cum concupiscentiæ bonarum operatio-
num sint bonæ ; malarum vero malæ :
multo magis delectationes bonarum oper-
ationum sunt bonæ ; malarum vero malæ .

Obvia objectio erat veterum Philosopho-
rum , quod nempe delectatio corrumpat
prudentiam , & impediat rationis usum ,
atque adeo eam pravitare carere non pos-
se . Quam egregie solvit S. Doctor in res-
ponfione ad primum : & quia singulari dig-
na observatione est ejus doctrina : ideo
placeat iisdem verbis describere . Sic ergo
ait : , Sicut supra dictum est , delectatio-
nes , quæ sunt de actu rationis , non
impedient rationem , neque corrumpunt
prudenciam : Sed delectationes extraneæ ,
enjusmodi sunt delectationes corporales ;
quæ quidem rationis usum impediunt vel
per contrarietatem appetitus , qui quie-
scit in eo , quod repugnat rationi , &
ex hoc habet delectatio , quod sit mo-
raliter mala ; vel secundum quandam

ligationem rationis , sicut in concubitu
conjugali : quamvis delectatio sit in eo ,
quod convenit rationi , tamen impedit
rationis usum propter corporalem trans-
mutationem adjunctam . Sed ex hoc non
consequitur malitiam moralem ; sicut nec
somnia , quo ligatur usus rationis , mo-
raliter est malus , si sit secundum ratio-
nem receptus : nam & ipsa ratio hoc
habet , ut quandoque rationis usus in-
tercipiatur . Dicimus tamen , quod hujus-
modi ligamentum rationis ex delectatio-
ne in actu conjugali , etsi non habeat
malitiam moralem , quia non est pecca-
tum mortale , nec veniale ; provenit
tamen ex quadam morali malitia , scilicet
ex peccato primi parentis . Nam hoc
in statu innocentie non erat , ut patet
ex his , quæ in primo dicta sunt .
Nihil solidius , nihil elegantius dici pote-
rat . Ex quibus plura colligere proclive est ,
quæ consideranti facile occurrunt .

At quemadmodum non omnia delectatio-
malia est , sive sit *voluntatis* , sive *sentien-
tis appetitus* ; ita neque omnis bona repu-
tari debet , ut contendebant Epicurei ;
quod ostendit S. Thomas articulo sequen-
te ea ratione , quia contingit , aliquos de-
lectari in eo , quod non est verum bonum ,
& rationi conveniens , sed apparen-
s , sique dissimulatum : unde & Scriptura re-
darguit illos , qui *letantur , cum male se-
cerint* ; prohibetque , *ne delectemur in femi-
nis impiorum* .

REGULA SECUNDA .

*In appetitu sentiente nulla potest esse
delectatio prava , nisi depen-
dent a voluntate .*

III. Ratio evidens est ; nullus quippe
actus , vel motus hominis potest esse pra-
vus , atque culpabilis , nisi homo causa
sit , aut principium ipsius , quatenus homo
est ,

est, siue agit ex deliberatione rationis. Sed earum delectationum, quæ in appetitu sentiente, aut in sensualitate exurgunt independentes a voluntate, homo causa non est, aut principium, quatenus est homo. Ergo pravæ, & culpabiles dici nequeunt. Hoc autem intelligendum est juxta ea, quæ dicta sunt de voluntario directo, & indirecto. Pulchra est, quam de hac delectatione, siue concupiscentiæ motu habet S. Augustinus, sententia, exponens illud S. Jacobi Cap. i. epistolæ suæ: *Unusquisque tentatur a concupiscentia sua abstractus, & illellus*: deinde concupiscentia, cum conceperit, parit peccatum. „ Profec-
 „ to, inquit S. Pater lib. 6. cont. Julian. c. 5.,
 „ in his verbis pariens a partu discernitur.
 „ Pariens enim est concupiscentia: partus
 „ peccatum. Sed concupiscentia non parit,
 „ nisi conceperit: non concipit autem, nisi
 „ illeceperit: hoc est ad malum perpetrandum
 „ obviaverit voluntatis assensum.
 „ Quod ergo adversus eam dimicatur,
 „ hoc agit, ne concipiat, pariatque pec-
 „ ratum “.

REGULA TERTIA.

*Delectatio morosa pravi objecti proprie
 est in ratione.*

IV. Delectatio morosa ea dicitur, qua quispiam suggestione, vel delectatione alicujus peccati, siue rei peccaminosæ oblectatur. *Morosa* vero appellatur, non a *mora temporis*; cum peccatum etiam lethale uno quasi momento temporis perfici queat: sed a *mora*, siue *deliberatione rationis*, ex eo scilicet, quod post advertentiam ratio non curat eam repellere: sed vel expresse in illam consentit, vel dissimulenter agit, eam non cohibendo, sicuti potest, ac debet; adeoque consentit saltem *indirecte*. Tunc enim ratio ponitur in *mora* eo modo, quo dicitur aliquis in

mora esse, qui suum officium non exequitur, quando potest, ac debet. Atque ita hanc delectationem exponit S. Thomas in resp. ad 3. art. 6. quæst. 74. inquit: *Delectatio dicitur morosa, non ex mora temporis: sed ex eo, quod ratio deliberans circa eam immoratur: nec tamen eam repellit tenens, ac volens libenter, quæ statim ut attigerant animum respici debuerunt; ut Augustinus dicit 12. de Trinitate*. Atque eundem morosa delectatio frequentius contingit in cogitatione rerum venerearum: sed & in cogitatione aliorum pravorum objectorum contingere potest, puta furti, homicidii &c. Haec præmissa

Assertio D. Thomæ est, eaque certissima, quam tradit hic quæst. 74. art. 6. peccatum morosæ delectationis in ratione proprie consistere. Illud siquidem peccatum dicitur, quoties ratio deficit in directione passionum, aut motuum interiorum: ipsa namque directiva est nedum exteriorum actuum, verum etiam interiorum passionum; adeoque si in utrorumque directione deficit, peccati rea efficitur. Hoc autem dupliciter contingit: primo scilicet, quando imperat illicitas passionis: sicut quando homo in deliberatione proveat sibi motum iræ, vel concupiscentiæ. Alio modo quando non reprimit illicitum passionis motum: sicut cum aliquis postquam deliberavit, quod motus passionis insurgens est inordinatus, nihilominus circa ipsum immoratur, & ipsum non expellit. Et secundum hoc dicitur peccatum delectationis morosæ esse in ratione. Hinc prava quidem delectatio est in facultate appetitiva tamquam in primo principio: sed in ratione est sicut in primo motivo, seu *directivo*, in quo tunc merito dicitur esse peccatum, quoties non movet, ac dirigit, sicut dirigere posset, atque deberet.

RE-

REGULA QUARTA.

*Delectatio morosa, qua quispiam de re illi-
cita delectatur, etiam absque animo
perficiendi opus, peccatum lethale
est, posita materia gravitate.*

V. Antequam id probem, præmittendum est ex D. Thoma hic *art. 2.* quod cum omnis delectatio objectum aliquod respiciat. „ Delectatio qualibet potest com-
parari ad duo, scilicet ad operationem,
quam consequitur, & ad objectum, in
quo quis delectatur. Contingit autem,
quod aliqua operatio sit objectum de-
lectationis, sicut & aliqua alia res: quia
ipsa operatio potest accipi ut bonum,
& finis, in quo quis delectatus requie-
scit. Et quandoque quidem ipsamet ope-
ratio, quam consequitur delectatio, est
objectum delectationis, in quantum sci-
licet vis appetitiva, cujus est delectari,
reflexitur in ipsam delectationem, sicut
in quoddam bonum; puta cum aliquis
cogitat, & delectatur de hoc ipso, quod
cogitat, in quantum sua delectatio pla-
cet⁴⁴. Dum itaque delectatio habet pro
objecto suo solam cogitationem, nullum
peccatum est, sed ut summum veniale; ut
si quis in cogitatione rerum inutilium sese
occupet circa periculum consentiendi in
rem, sive actionem lethaliter peccaminoso-
sam.

„ Quandoque vero, pergit S. Doctor,
delectatio consequens unam operationem,
puta cogitationem aliquam, habet pro
objecto aliam operationem quasi rem co-
gitatam: & tunc talis delectatio procedit
ex inclinatione appetitus, non quin-
dem in cogitationem, sed in operatio-
nem cogitatam, puta cum aliquis dele-
ctatur de ipsa fornicatione cogitata. . .
„ Quod autem aliquis cogitans de fornicatione
delectetur de ipsa actu cogitato,

„ hoc contingit ex hoc, quod affectio ejus
„ inclinatur est in hunc actum. Unde quod
„ aliquis consentiat in talem delectationem,
„ hoc nihil aliud est, quam quod ipse con-
„ sentiat in hoc, quod affectus suus sit in-
„ clinatus in fornicationem. Nullus enim
„ delectatur nisi in eo, quod est conforme
„ appetitui ejus. Quod autem aliquis ex
„ deliberatione eligat, quod affectus suus
„ conformetur his, quæ secundum se sunt
„ peccata mortalia, est peccatum morta-
„ le. Unde talis consensus in delectatio-
„ ne peccati mortalis est peccatum mor-
„ tale⁴⁵. Ex objecto ergo, cui afficitur
animus tanquam bono delectabili, ratio-
nem peccati delectatio desumit. Quare si
res cui afficitur, sit lethaliter prava, ut
cum quis delectatur de fornicatione, de
morte inimici &c. non potest morosa dele-
ctatio non esse lethale peccatum: veniale
vero, si objectum ipsum delectationis veni-
aliter malum sit; ut ex. gr. cum quis de
officio mendacio morose delectatur.

Neque huic assertioni, quæ communis
est inter Theologos, opponi potest illud
Augustini dicentis in *Enchir. c. 78. Consen-
sum in delectationem aboleri per orationem
Dominicam*, qua abolentur venialia pecca-
ta. Respondet enim S. Thomas hic *ad 6.*
hanc orationem recitari nedum ad abolen-
da venialia, sed etiam mortalia peccata,
licet non eodem modo, ut ipse S. Augusti-
nus docet *C. 71. inquires: Dolet omnino
hec oratio maxima, & quotidiana peccata:
dolet & illa, a quibus vita fidelium scelerate
etiam gressa, sed penitendo in melius mutata
descendit.* Certe S. Augustinum agnovisse
consensum in delectationem operis lethali-
ter mali culpam esse lethalem, dubitan-
dum non est. Quandoquidem hoc eodem
articulo refert S. Thomas sententiam ipsius
asserentis lib. 22. de *Trinit. C. 12. Deus
homo demonstrabitur, nisi hoc, quæ sive volun-
tate operandi, sed tamen cum voluntate au-*

trahit

num talibus oblectandis, solius cogitationis sentiuntur esse peccata, per Mediatoris gratiam remittantur.

Hac tamen in re illud advertendum, ac discernendum est ex Cajetano, aliisque, num delectatio, in qua quispiam immoratur, objectum ipsum peccati respiciat, an vero duntaxat modum ipsius. Nonnumquam enim occurrit cogitatio de furto, simulque de modo ingenioso, quo illud commissum est; ferique potest, ut aliquis isa delectetur de modo, ut nullatenus de furto ipso gaudeat, quin potius illud detestetur; quemadmodum si quis tibi res tuas auferat ingenioso quodam modo, & exquisita astutia, doles equidem de rebus amissis, sed simul admirari potes furantis ingenium, in ejusque consideratione delectari. Atque hoc sensu dicitur in Evangelio Dominus laudasse villicum iniquitatis, eo quod prudenter egisset ut non fraudem, & iniquitatem laudaverit, sed ingenium, & solertiam, quae suae egestati profpexit.

RICULA QUINTA.

Quoties imminet probabile periculum expressi consensus in delectationem rei graviter mala, letaliter peccat qui hoc advertens negativè se habet nec offendiendo, nec dissentiendo.

VI. Delectatio de re illicita cogitata variis modis contingere potest. Primo absque advertentia, & ullo rationis consensu; ut si quispiam de re turpi, aut prava delectetur, sed nullo prorsus modo advertat vel ipsam delectationem, vel ejusdem turpitudinem: & tunc fatentur omnes non esse peccatum, utpote quæ voluntaria non est eo pacto, quo supra explicatum fuit. Quemadmodum nec peccat juxta omnes, qui illam quidem advertit, sed ei resistit, ac repellit. Secundo si pravam cogitatio-

nem, aut motum illicitum sibi imperet, sive deliberate excitet in semetipso: tunc autem peccatum esse juxta objecti gravitatem nemo dissentit. Tertio si eum non imperet quidem, aut excitet; sed delectationem advertens eidem ditectæ, vel indirectæ, sive interpretative consentit: atque eo in casu peccare jam supra docuimus. Quarto tandem si dum advertit, neque consentiat, neque dissentiat, sed negative se habeat: Et de hoc casu posita regula intelligenda est, quoties nempe subest consentiendi periculum. Itaque ea facile probatur. Certum namque est tunc adesse consensum interpretativum, aut indirectum; quemadmodum animadvertit S. Thomas *quæst. 15. de verit. art. 4. ad 20.* inquires: *Antequam ratio delectationem perpendat, vel nocumentum ipsius, non habet (voluntas) interpretativum consensum, etiam si non resistat. Sed quando jam perpendit ratio de delectatione insurgente, et de nocumento consequente etiam si expresse resistat, videtur consensire.* Neque in hoc immorari lubet, cum jam Theologi omnes in asserta propositione consentiant.

RICULA SIXTA.

Si quis motum, aut delectationem graviter illicitam advertens ita repellere negligat, ut positivè neque consentiat, neque dissentiat, sed negativè se habeat, peccat letaliter.

VII. Hæc regula, quam adversus PP. Salmanticenses, aliosque defendo, tamquam certa saltem in praxi judicanda est, dum nulla subest juxta ratio non repellendi positivè motum, aut delectationem ex se gravius illicitam. Siquidem juxta doctrinam alibi traditam, qui hujusmodi motum, aut delectationem advertit, neque tamen eidem repugnat, indirecte, aut interpretative in ipsam consentit. Quis enim ad

ad hunc consensum requiritur, nisi quod quis repugnare possit, ac teneatur? Porro hunc repugnare posse non est dubium, cum plena advertentia in eo præsumatur. Quod etiam teneatur, liquet, tum quia ejusmodi delectatio turpis est, & in genere peccati mortalis illicita: tum quia ex se animum allicit, & eaque est veluti naturalis conditio humane nature, ut dum appetitus sentiens se in aliquo oblectatur, simul quoque oblectetur voluntas, nisi hæc positive resistat, præsertim cum nulla subest non resistendi juxta, ac rationabilis causa. Quare, ut dixi, hæc sententia, quoad praxim saltem attinet, certa judicari debet, quidquid sit de eadem speculative considerata. Medium autem aptissimum ad hos motus compescendos est mentem alio avertere, & ad Deum confugere, si maxime perseverent.

REGULA SEPTIMA.

Præva est delectatio præsens de re, aut aliovis modo illicita, licet hæc aut fuerit, aut exitura sit licita.

VIII. Obvia sunt hujusce regulæ exempla in viduis, & sponsis: illis namque licita fuit delectatio percepta ex copula maritali; istis vero licita futura est post contractum matrimonium. Si itaque viduus, aut vidua cogitans copulam præteritam de ipsa se complaceat, ac delectetur; ac similiter sponsus, aut sponsa de futura, lethaliter peccant: quia delectatio desumit bonitatem, aut malitiam ab objecto formali: Objectum autem formale istius delectationis est letale peccatum, nimirum actus matrimonialis, qui tamen si fuerit olim licitus, aut aliquando futurus sit; modo tamen licitus non est, adeoque nec licita præsens de illo delectatio. Quapropter si vidui, aut sponsi deliberare cogitent opus conjugale, oscula, amplexus, tactusque eo

pertinentes, & admittant in se ipsi voluntarias corporis, sive sentientis appetitus libidinosas commotiones, peccant mortaliter: quia tales commotiones non excusantur a mortali culpa, nisi ratione actus matrimonialis, qui nunc licitus ipsis non est.

Quod si tamen delectatio in sola ratione consistat, in eoque duntaxat posita sit, ut vidui approbent conjugale opus, quod præterit, aut sponsi, quod futurum est, neque illud ut præsens concipiant, in eoque sensualem delectationem non hauriant; tunc vel non peccant, vel non nisi venialiter peccant, si hujusmodi actus otiosus sit, ut esse plerumque solet. Atque idem dicendum videtur de conjugis in absentia comparis: de quo fortasse alibi.

REGULA OCTAVA.

Desiderium quodlibet etiam inefficax rei, seu objecti graviter mali grave peccatum est.

IX. De hujus regulæ veritate nemo dubitare potest, cum hujusmodi desideria expresse prohibeantur in duobus postremis Decalogi præceptis de non concupiscendis uxore, bonisque proximi nostri. Idque perspicua ratio confirmat. Turpe siquidem, ac inhonestum est velle, ac desiderare quovis modo aliquid turpe, ac illicitum. Unde quod quis, etiam inefficaciter, desideret quidpiam, quod graviter divinæ legi opponitur, natureque rationali dissentaneum est, non potest non esse grave peccatum. Neque enim ad mortale peccatum requiritur, ut consensus in opus efficax sit; sed sufficit etiam inefficax: alioqui qui crimem alterius approbat absque illud committendi voluntate, non peccaret mortaliter; quod falsum esse aperte testatur Apostolus ad Roman. 1. dicens: *Digni sunt morte non solum qui faciunt, sed etiam qui consentiunt facientibus.*

REGULA NONA.

*Desiderium conditionatum rei, sive actionis
prava nonnunquam malitia caret: sapius
tamen peccatum est.*

X. Hec regula explicatione potius eget, quam probatione. Ac primo quidem si solum quis cuperet delectari de re illicita posita conditione, si illicita, aut mala non esset, nec tamen de illa ullam habeat presentem delectationem, haud sane peccat. Siquidem objectum ejusmodi delectationis nullam malitiam continet: quamquam enim res, quam cogitat, secundum se mala sit, objectum tamen cogitationis illius non est res illa simpliciter, sed sub conditione, si licita foret, vel si peccatum non esset. Unde voluntas non fertur in rem illam, quae mala est, sed ab ea potius refugit, & abhorret ideo quia mala. Si autem is, qui talem cogitationem concipit, de re ipsa mala in presenti delectatur: peccat, & quidem lethali, attenta materiam gravitatis. Siquidem delectatio ejusmodi conditionata non est, sed absoluta, ac praesens: de re autem mala nunquam delectari fas est. Quapropter duos consensus distinguere oportet in hujusmodi actibus conditionatis; ex. gr. *rem habere vellem cum hac, aut illa muliere, si liceret: vel inimicum occiderem, si a lege non prohiberetur.* Alter conditionatus est respectu operis cogitati, qui aequivalet huic: *vellem hoc exequi, si esset licitum: sed quia illicitum est, exequi nolo.* Atque hic malus non est, aut saltem non nisi venialiter malus. Consensus alter potest esse in delectationem presentem; ac iste est absolutus, perinde ac si nulla poneretur conditio. Voluntas quippe absoluta vult eam delectationem, quam modo praesens est, adeoque pro rei gravitate malus est. Si igitur prior ille consensus ab altero sejungatur, non peccat qui ita cogitat,

nisi forte venialiter ratione actus otiosi, & inutilis. Si vero addit posterior, in re gravi lethali peccat. Quapropter si dum quispiam ita deliberat: *Occiderem inimicum, nisi peccatum esset, aut vellem rem habere cum hac muliere, si non esset contra legem Dei,* in his cogitationibus actualiter obstat, mortaliter peccat.

REGULA DECIMA.

*Si conditio apposta desiderio inefficax rei
velita ejusdem malitiam auferat,
illud ex se non est mortale
peccatum: secus, si non
auferat.*

XI. Prioris partis ea ratio est; quia hujusmodi affectus non est graviter inordinatus, nec secundum se, nec ex objecto, a quo per conditionem gravis malitia exclusae supponitur: peccatum autem non est illud desiderare, a quo malitia vere sublata est. Id autem semper intelligi debet, si nullum subest probabile periculum consensus absoluti ex generali ratione, quod nemo se exponere queat probabili peccandi periculo. Ratio vero posterioris est; quia si per conditionem sublata ab objecto malitia non sit, jam tunc voluntatis actus tendit in objectum absolute malum, a quo proinde malitiam ipse depromit.

Et quidem in ille, quae jure solo positive prohibita sunt, conditio apposta frequentius ab objecto malitiam remover, ut si quis in Quadragesima, aut die veneris de esu carniū cogitans dicat: *Carnes comederem, nisi jejunium Ecclesia praeciperet; vel optarem, ne jejunium hac die praescriptum foret; ne lex Principis hoc vestigal injungeret &c.* Raro tamen id efficit in his, quae naturae jure prohibentur, ac forte nonnisi cum ea, quae sunt hujusmodi, in aliqua circumstantia licita evaderent, si conditio apponatur; ut ex. gr. *si Judex essem, hunc*

hominem homicidam, aut furem, ad mortem, aut ad ultimas damnarem; sive vellem uxorem ducere, si Sacerdos non essem &c. Recte tamen Doctores monent, ejusmodi desideria periculosa esse, ac vitanda; quia sæpius in his implicatur delectatio præsentis rei vetitæ, quæ non conditionata, sed absoluta est, adeoque peccatum. Unde Cajetanus hæc desideria vocat *fatuas*, ac *diabolici tentationes*, quibus janua aperienda non est: & revera pletumque sunt occasiones peccati in materia præsertim venerea, & in aliis etiam, in quibus passione aliqua movemur.

REGULA UNDECIMA.

Peccatum mortale est delectari de opere ex se, ac natura sua malo, quamvis absque peccato commissum fuerit.

XII. Quidquid olim senserint aliqui Theologi laxiores, posita regula tamquam certa tenenda est, postquam Summus Pontifex Innocentius XI. in suo Decreto sequentem propositionem damnavit n. 25.: *Licetum est filio gaudere de parricidio Parentis a se in ebrietate perpetrato propter ingentes divitias inde ex hereditate consecutas.* Porro ex hac proscripta propositione sequitur damnatam esse generalem doctrinam, quæ asserere, non esse mortale peccatum gaudere, sive delectari de opere ex genere suo sub lethali culpa prohibito, sine culpa tamen commissæ ob defectum voluntarii. Parricidium namque est opus secundum se quidem malum: hic tamen & nunc culpa vacat, quia perpetratum est in ebrietate, adeoque involuntarie. Filius de ipso actu gaudere non quidem secundum se, sed ut causa est boni effectus, hæreticis scilicet inde consecutus. Quare damnata propositio non aliud est præter quoddam exemplum generalis doctrinæ, quæ prohibita fuit ab Ecclesia.

Patuzzi Theol. Mor. T. II.

Id evidens ratio confirmat. Tota quippe ratio, cur opus illud secundum se malum culpa vacaverit, dum commissum est, ea erat, quod defuerit voluntas, sive conditio voluntarii ad culpabilem actum requisita. At cum voluntas eo delectatur, aut gaudet, hæc voluntarii ratio non deficit, quia voluntati acceptum est; igitur culpabile efficitur: quemadmodum procul dubio culpabile foret, si tale desiderium respiceret objectum futurum; ut si Virgo ex. gr. desideraret corrumpi ab aliquo, dum dormit, aut mentis impositus est: tempus enim non mutat rationem peccati, nisi sit circumstantia, unde operis malitia proveniat. Sed ad alium voluntatis actum progrediamur, videlicet intentionem.

§. II.

De intentione relate ad bonitatem, aut malitiam actuum humanorum.

XIII. Quid intentio finis sit, jam explicuimus; eamque unam ex præcipuis esse diximus circumstantiis humanorum actuum ad voluntatem pertinentium. De hac disserit S. Thomas *art. 7. & 8. quæst. 19.* relate ad bonitatem eorumdem actuum; ex quo, quid dicendum sit relate ad ipsorum pravitatem, colligere facile est. Primum itaque docet, intentionem dupliciter se habere posse ad voluntatem, sive mediorum volitionem; nempe *antecedenter*, & *causaliter*, ita nimirum ut tempore, vel natura præcedat voluntatem, & causa sit volendi media: *Et tunc ordo ad finem consideratur, ut ratio quadam bonitatis ipsius voliti; puta cum aliquis vult jejunare propter Deum: Habet enim jejunium rationem boni ex hoc ipso, quod fit propter Deum.* Alio modo intentio finis se habet *consequenter*. & posterior volitione est, qua scilicet volutus id, quod rationem medii habere potest; ut si quis ambulare velit, nihil do-

N

Ans

fine cogitans, propter quem ambulat; postea vero hoc ad sanitatem referat. Hoc posito fit

REGULA PRIMA.

Quoties intentio finis antecedenter se habet, bonitas voluntatis in iis, quæ sunt ad finem, ex ipsa finis intentione dependet.

Ratio est; quia tunc ea finis intentio ad voluntatam se habet ut formalis ratio objecti voluntatis, a quo pender bonitas voluntatis ipsius. Cum bonitas, inquit S. Thomas, voluntatis dependeat a bonitate valuti (sive objecti), ut supra dictum est, necesse est, quod dependeat ex intentione finis.

Uti autem quedam, quæ his occurrere difficultates possunt, diluantur, advertere opus est, non eo sensu assertionem esse intelligendam, ac si voluntatis actus circa media semper bonus sit, dum bonus finis intenditur. Liquet enim hoc esse a veritate alienum, ipsique D. Thomæ contrarium. Multas quippe actiones, quæ cæteroquin ad finem bonum eliciuntur, malas esse indubitatum est; si nempe ad finem illum eligatur medium illicitum, vel aliqua desit circumstantia ad bonitatem requisita. Nam ut actio mala sit, sufficit vel unius circumstantiæ defectus juxta illud, quod sexcentis in locis repetit Doctor Angelicus: *Bonum ex integra causa; malum ex quocumque defectu*. Sed hoc tantum sensu doctrina S. Thomæ accipienda est, quod scilicet actus voluntatis circa media bonus esse non possit, nisi finis qui intenditur, bonus sit. Atque ita bonitas voluntatis circa media ita pender ab intentione boni finis, ut hæc intentio prorsus necessaria sit, quamvis sola minime sufficiat.

REGULA SECUNDA.

Bonitas voluntatis in his, quæ sunt ad finem, non pender ex intentione finis se habente consequenter, nisi quatenus iteratur actus cum hujusmodi intentione.

XIV. Ita quoque S. Præceptor hoc eodem articulo septimo. Et ratio est; quia intentio, quæ actum subsequitur, nec causat, nec efficit illum; ut si quis ad spatiandum pergat, nullo sibi proposito fine: ac subinde honestum istud animi levamen referat in Deum; aut si quis elemosynam erogare velit, ac postea ejusmodi voluntatem referat in vanam gloriam. Dixi: *Nisi quatenus iteratur voluntatis actus cum hujusmodi intentione*. Eo namque in casu intentione efficitur formalis ratio præsentis volitionis mediorum, ad eamque se habet antecedenter: ideoque bonitatem ipsi, aut malitiam conferre valet, prout fuerit boni, vel mali finis intentio.

REGULA TERTIA.

Finis operantis baud semper est circumstantia operis; sed si aliquando tribuit primam bonitatis, vel malitiæ speciem.

XV. Hæc regula manifesta est in omnibus actibus ex specie sua, sive ex objecto indifferentibus. Opera namque ex objecto suo indifferentia ex ipso objecto bonitatem, aut malitiam desumere nequeunt; adeoque nonnisi ex fine, in quem referuntur, eam depromere possunt. Deinde etiam si actus ex objecto bonus sit, si quis non attendat ad speciem ejusdem bonitatem, sed ad solam bonitatem finis extrinseci, actus ille nonnisi ex hoc fine suam bonitatem accersit: ut ex. gr. si quis temperate comedat non attendens ad temperantiæ honestatem, sed tantummodo ad sanitatem suam, quatenus ad Dei servitium conferre valet; tunc temperata illa comestio non habet boni-

mi-

mitatem formalem ex proprio objecto, sed ex solo illo extrinseco fine. Tertio demum id semper contingit, quoties actus ex objecto bonus, sit ob finem malum, ut elemosyna collata pauperi ob vanam gloriam: tunc enim primam malitiæ speciem ex illo fine recipit.

REGULA QUARTA.

Non eadem ratio habenda est de intentione boni quoad meritum, ac de intentione mali quoad demeritum.

XVI. Hanc doctrinam tradit S. Thomas art. 8. hujus questionis: & in corpore quidem docet, in bonis quempiam non tantum mereri, quantum mereri intendit; eo quod quantitas meriti non commensuratur quantitati intentionis, sed quantitati, sive perfectioni actus, quem elicimus in ordine ad finem intentum. Certe bona intentio, quamvis sit aliqua causa bonæ voluntatis, sive bonæ electionis; non est tamen sola, vel sufficiens causa: sed requiritur præterea medium conveniens ad finem intentum, modusque congruus tendendi in illum finem. Unde tamen quis multum mereri intendat, contingere potest, ac sæpe contingit, vel quod bonum medium non eligat, vel si eligat medium bonum, hoc sit longe impar merito, quod intendit.

Non ita se res habet in malis, ut ait S. Doctor ad. 3. In his enim sola malitia intentionis sufficit ad malitiam voluntatis. Et ideo etiam quantum mala est intentio, tantum etiam mala est voluntas. Quare qui intendit peccare mortaliter, licet actio, quam eligit, ex se vel nullum peccatum sit, vel solum veniale, mortaliter peccat; v. g. si quis lapidem projiciat ex intentione occidendi hominem, etiam si vel non occidat, vel solum leviter lædat.

§. III.

De bonitate, & malitia actuum exteriorum.

XVII. Actus exteriores juxta ea, quæ diximus, sunt vel boni, vel mali, vel indifferentes, quatenus respiciunt objectum vel conforme regulis morum, vel iisdem dissidentem, vel nullam præferens vel conformitatem, vel difformitatem cum iisdem regulis. Hæc bonitas, vel malitia, quæ in actibus exterioribus invenitur, obliqua est; & de hac loquens D. Thomas quest. 20. art. 1. docet, prius esse bonitatem, vel malitiam in actu exteriori, quam in voluntate. At de hac modo sermo non est, sed de bonitate, vel malitia formali, quæ dependet ab ipsa voluntate deliberante agente; circa quod tres sequentes regulas constituimus.

REGULA PRIMA.

Quoties actus exterior, & interior respiciunt idem objectum, eundemque finem, ac circumstantiam, simulque conjuncti sunt; una est tum specie, tum numero utriusque bonitatis, vel malitia: numero vero diversa, si invicem separantur.

Utræque pars decetur a S. Thoma tum in 2. dist. 42. art. 1. tum quest. 2. de malo art. 2. ad 11. Ea vero probatur: quia actus interior, & exterior ita conjuncti unum tantum actum in genere moris constituunt: Nam nullus actus potest esse moralis, nisi sit voluntarius. Hujusmodi autem actus simul, & eodem principio habent, quod voluntarii sunt: adeo ut si exterior sine interiori consideretur, non sit ullo modo voluntarius, ac proinde nec formaliter bonus, nec formaliter malus.

Alteræ vero pars evincitur: siquidem, dum actus interior, & exterior ab invicem separantur, adeo ut quispiam ex. gr. primo velit aliquid peccatum, & post moralem

lem hujus actus interruptionem illud voluntarie committat, non unus, & idem est voluntatis actus; adeoque necessum est, quod duo peccata sint, numero saltem diversa propter diversitatem duorum actuum voluntatis. Sic enim expresse tradit S. Doctor loco citato de malo inquit: Si aliquis primo tantum velit, & postea volens faciat, sunt duo peccata: quia iteratur voluntatis actus. Sed de hoc amplius, cum de peccatorum distinctione.

REGULA SECUNDA.

Si loquamur de bonitate, aut pravitate exterioris actus, quam actus exterior desumit ex fine operantis, actus exterior non addit aliquid ad bonitatem, vel malitiam actus interioris.

XVIII. Ira D. Thomas hic quæst. 20. art.

4. ubi tamen addit: *Nisi contingat, ipsam voluntatem secundum se fieri meliorem in bonis, vel pejorem in malis.* Quod, subdit, videtur posse contingere tripliciter. Uno modo secundum numerum; puta cum aliquis vult aliquid facere bono fine, vel malo: & tunc quidem non facit; postmodum autem vult, & facit, duplicatur actus voluntatis: & sic fit duplex bonum, vel duplex malum. Alio modo quantum ad extensionem; puta cum aliquis vult aliquid facere bono fine, vel malo, & propter aliquod impedimentum desistit: alius autem contrinuat motum voluntatis, quousque opus perficitur; manifestum est, quod hujusmodi voluntas est diuturnior in bono, vel malo: & secundum hoc est pejor, vel melior. Tertiè secundum intentionem: sunt enim quidam actus exteriores, qui in quantum sunt delectabiles, vel pœnosi, nati sunt intendere voluntatem, vel remittere. Constât autem, quod

„ quanto voluntas intensius tendit in bonum, vel malum, tanto est melior, vel pejor “.

REGULA TERTIA.

Actus exterior nullam addit bonitatem, aut malitiam actui interiori, quoties voluntas ita perfecta est, ut ad opus non procedat, nisi aliquo defectu extrinseco, aut impedimento intercedente.

XIX. Hec quoque regula colligitur ex verbis D. Thomæ hujus art. 4. ubi ait: *Non est perfecta voluntas (sive ex se omnino effectiva), nisi sit talis, quæ opportunitate data operatur: si vero possibilitas desit, voluntate existente perfecta, ut operaretur, si posset defectus perfectionis, quæ est ex actu exteriori, est simpliciter involuntarius: involuntarium autem, sicut non meretur pœnam, vel premium in operando bonum, aut malum, ita non tollit aliquid de præmiis, vel de pœnis, si homo involuntarie simpliciter deficiat ad faciendum bonum, vel malum.* Quibus in verbis rationem affert S. Doctor, cur eo in casu nihil meriti, vel demeriti addatur voluntati humanæ ex actu exteriori, quod nempe tunc defectus operis omnino involuntarius sit: quod autem involuntarium est, nihil confert ad formalem bonitatem, vel malitiam; quemadmodum nec ad premium, aut pœnam.

Huic etiam regulæ Patrum authoritas suffragatur; ac in primis S. Augustinus lib. 1. de lib. arbit. cap. 3. ita scribit: *Si cui etiam non contingat facultas concubendi cum conjuge aliena, plenum tamen aliquo modo sit id eam capere, & si potestas detur, faciendum esse; non minus reus est, quam si in ipso facto depræbenderetur.* Et lib. de bon. conjug. c. 2. affirmat, non impar esse meriti patientiæ in Petro, qui passus est, & in Joanne, qui passus non est.

D.

D. Gregorius homil. 5. in Evangelium ait: *Exteriora nostra Domino quamlibet parva sufficiunt: cor namque, & non substantiam pensat; nec perpendit, quantum in ejus sacrificio, sed ex quanto proferatur.*

S. Cyprianus lib. ad Quirin. c. 2. expendens verba illa Apostoli ad Cor. 8. Si voluntas prompta est, secundum id, quod habet, accepta est, subdit: *In opere, & elemosynis, etiamsi per mediocritatem minus fiat, ipsa voluntas satis est.* Cui concinens Hugo de S. Viâ. lib. 2. de Sacram. p. 14. c. 6. 2. Si contingat (inquit) tantum esse voluntatem in eo, qui non operatur, quanta est in illo, qui opus exercet, ubi voluntas eadem est, meritum dissimile esse non potest. Gemina tradunt S. Bernardus Epist. 77. S. Bonaventura, & ceteri cum ipsis Theologi, si unum fortasse, aut alterum demas.

Verum ut in clara luce veritas constituat, solvanturque aliquæ, quæ fieri contra possunt, objectiones, illud D. Thomæ sub oculis habendum in primis est, regulam positam intelligendam esse de ea voluntate efficaci, & perfecta, quæ nullam subit propter exteriorem actum mutationem, sed absque illo æque intensa, ac diuturna est. Si enim in ipsa externi operis executione contingat, ut sæpe fit, voluntatem intendi, magisque, vel etiam diuturnius affici ab bonum, vel malum, quod concupiscit, quam antea afficeretur; dubium non est ex actu exteriori augeri bonitatem, vel malitiam actus interioris. Sed tamen augmentum istud exterior actus non præstat nisi ex accidenti, quatenus occasione externi operis contingit, actum interiorem fieri vel intensiorem, vel diuturniorem, atque hæc sensu explicandæ sunt quedam Patrum autoritates, quæ contrariæ videntur.

Uterius doctrinam hanc intelligere oportet de bonitate, & malitia actuum nostro-

rum relate ad præmium, aut pœnam essentialem. Quamvis enim exterior actus nihil addat ad præmium essentialē, addere tamen ad præmium accidentale consentit, ac docet S. Thomas in 2. diff. 40. art. 3. Cujus diversitatis ea ratio est; quia ad præmium essentialē ordinatur actus virtutis charitatis, ex qua procedit: ad accidentale vero ordinatur ex bonitate, quæ convenit actui exteriori ex objecto, seu specie sua. Atque idem dicas de actu exteriore malo quoad quantitatem demeriti per comparisonem ad pœnam essentialē, quæ in separationē a Deo pœnit est; quia hæc pœna male voluntati respicitur: sed quoad pœnam accidentalem, sive secundariam magis demeretur, magisque puniatur, qui actu, & voluntate peccat. De his legi potest S. Thomas quest. 2. de malo art. 2.

Demum & illud animadvertendum est, quod quamvis actus exterior malus nihil addat ad formalem pravitatem actus interioris eo modo sumpto, quo exposuimus; nihilominus illum in Sacramentali Confessione omnino aperiendum esse, non quia ferundum se malitiam augeat, sed ob alias causas, tum quia scilicet præcepto divino adstringimur ad integram peccati confessionem; actus autem externus integrum peccatum cum interno constituit; tum quia occasione actus externi sæpe intensior voluntas fit; ea vero crescente malitia major evadit: tum ob alia gravia inconvēntia, quæ ex exterioribus actibus consequuntur, de quibus dijudicare pertinet ad Confessarios. Unde qui voluntatem furandi, necandi, occidendi &c. habuit, & eam opere complevit, præcepto Confessionis non satisfacit, nisi externum prævum opus declararet.

CAPUT XII.

CONSECTARIA PRECEDENTIS DOCTRINÆ.

- I. *Motus, aut penitus indeliberate delectationes concupiscentiæ peccata propriè dicenda non sunt.*
- II. *Hæc veritas certa fide tenenda est nedum adversus nuperos bareticos, sed etiam adversus quoscumque alios, qui aliter senserunt.*
- III. *Gravis, aut levis inordinatio morosa delectationis ex gravitate, aut levitate objecti attendenda.*
- IV. *Complacentia, seu delectatio deliberata nedum de rebus vcnereis, sed etiam de aliis objectis prohibitis, letibale peccatum est.*
- V. *Cautè se gerere quisque debet in delectationibus de sola cogitatione rei prava.*
- VI. *Delectatio eadem malitia polluitur, qua sordet objectum.*
- VII. *Ad eandem peccati speciem reducitur delectatio, aut simplex complacentia, ad quam pertinet ipsum opus.*
- VIII. *Non idem asserendum de delectationibus eorum, quæ solo jure positivo prohibita sunt, ac de prohibitis jure naturali.*
- IX. *Species mali, de qua quisque delectatur est, in Confessione est aperienda.*
- X. *In delectationibus, & desideriis inefficacibus rei mala quadam S. Thomæ doctrina serio ab omnibus attendenda.*
- XI. *Quænam ex tradita doctrina consequantur.*
- XII. *Rejicienda propterea sententia Busembaum, aliorumque, quos laudat, quoad desideria inefficacia.*
- XIII. *Quædam de his propositionibus jure meritoque ab Ecclesia damnata.*
- XIV. *P. Locroixii sententia rejecta.*
- XV. *Inrependenda muliercula sæpe in desideria inefficacia rei mala prorumpentes.*
- XVI. *Alia quadam propositio quorundam*

Casistarum ab Ecclesia meritissime proscripta.

XVII. *Ex hac proscriptioe sequitur falsitas, & improbabilitas alterius universalioris doctrinæ.*

XVIII. *Improbanda quoque est alia a Tamburino offerata propositio.*

Reflexio.

CONSECTARIUM PRIMUM.

I. CERTISSIME tenendum est adversum nuperos heterodoxos, motus, sive indeliberatas delectationes, quæ in concupiscentiæ exurgunt citra ullum sive directum, sive indirectum voluntatis consensum, non esse peccata ne quidem venialia. Hoc Consectarium nititur auctoritate tum Sacræ Scripturæ, tum Ecclesiæ traditionis, juxta quam Concilium Tridentinum ita definiit sess. 5. can. 5. &c.: *Manere in baptizatis concupiscentiam, vel fomitē hæc sancta Synodus fatetur, & sentit, quæ cum ad agorem relicta sit, nocere non consentientibus, sed viriliter per Christi Jesu gratiam repugnantibus non vult; subditque postea, eam in renatis non esse vere, ac propriè peccatum.*

CONSECTARIUM SECUNDUM.

II. Hinc merito S. Pius V., & Gregorius XIII. sequentes propositiones vulgo Bajanas condemnarunt: *Prava desideria, quibus ratio non consentit, & quæ homo invitus patitur, sunt prohibita præcepto, Non concupisces --- : Motus pravi concupiscentiæ sunt pro statu hominis vitiosi, prohibiti præcepto, Non concupisces; quamvis in peccatum transgressio non deputetur. Igitur præceptum illud, Non concupisces, hoc sensu intelligendum est: Nihil voluntarie concupisces contra legem Dei; sive: Nulli prava concupiscentiæ consensum præstes.*

CON-

CONSECTARIUM TERTIUM.

III. Gravis, aut levis inordinatio delectationis morose attendi per se debet ex gravitate, vel levitate objecti, in quod ipsa tendit; adeo ut si objectum ex genere suo graviter peccaminosum sit, & ipsa quoque grave peccatum est: secus autem, si objectum levem tantum malitiam importet. Hanc doctrinam tradit S. Thomas *hic quæst. 74. art. 2.*, ubi agit de consensu in delectationem, inquit *ad 2.*, Consensus in peccatum, quod est veniale ex genere, est veniale peccatum. Et secundum hoc consensus in delectationem, quæ est de ipsa vana cogitatione fornicationis, est peccatum veniale; sed delectatio, quæ est in ipso actu fornicationis, de genere suo est peccatum mortale; adeoque ex genere suo ipsa quoque delectatio mortale peccatum est. Sed quod (subdit) ante consensum sit veniale peccatum tantum, hoc est per accidens, scilicet propter imperfectiorem actus: quæ quidem imperfectio tollitur per consensum deliberatum supervenientem. Unde ex hoc adducitur in suam naturam, ut in peccatum mortale.

CONSECTARIUM QUARTUM.

IV. Non minus complacentia, sive delectatio deliberata de actu homicidii cogitari, aliarumque actionum gravem inordinationem continentium, quam de actu venereo, lethale peccatum est: quoniam eadem prorsus est ratio; idque Confessarii diligenter attendant, oportet. Nam multi de delectationibus quidem pravi res venereas spectantibus se in Confessione accusant: quæ autem ad alia præcepta pertinent, sæpe ignorant, aut confiteri prætermittunt.

CONSECTARIUM QUINTUM.

V. Quamvis delectatio, ut notavimus, de sola cogitatione, sive cognitione rei pravi non sit ex se peccatum mortale, sed aliquando solum veniale, aliquando etiam nullum omnino; caute tamen quisque se gerere debet in hisce delectationibus; si de rebus venereis præsertim cogitatio sit. Nam interdum delectatio quidem ab initio solum est de cogitatione, & cognitione rei; sed paulatim augeti potest, ac de cogitatione ad rem, sive actionem ipsam delectatio progreditur, nisi ratio in suis actibus vigilet.

CONSECTARIUM SEXTUM.

VI. Delectatio morosa eadem malitia polluitur, qua sordet objectum ipsius, adeo ut si opus, circa quod versatur, plures specie distinctas malitias habeat, easdem contrahat ipsa delectatio. Quamquam enim non desunt Theologi, qui oppositum doceant, ac judicent eum, qui delectatur de concubitu cum uxore aliena, non ut aliena est, sed ut scemina duntaxat nonnisi unum, peccatum committere; contraria tamen opinio communior est, & in praxi omnino tenenda. Et ratio est; quia non solum voluntas efficax, sive desiderium, aut executio pravi operis, sed etiam delectatio de eodem sequitur operis ipsius naturam, aut conditionem. Delectatio enim, inquit S. Thomas hic *ad 4. quæ habet alium exteriorum pro objecto, non potest esse absque complacentia exterioris alius secundum se, etiam si non statuantur implendum*. Sicut igitur qui vel exequitur, vel desiderat rem habere cum aliena muliere, licet eam, prout aliena est, non consideret, adulterii reus est juxta omnes; ita quoque qui de eadem actione solummodo delectatur. Hoc ipso namque, quod qualitas illa mulieris alienæ, qua affectatur, & non ignoratur, non retrahit ani-

anym

num a prava illius concupiscentia, aut delectatione, jam tendit in obiectum, saltem indirecte, prout est in se; adeoque duplicem contrahit malitiæ speciem; idemque dicitur, si mulier sit confanguinea, aut voto castitatis obstricta &c. Hinc, quemadmodum qui adulterium, aut incestum commisit, aut satis in Confessione explicat peccatum suum dicendo solum, *se rem habuisse cum muliere*; ita quoque qui de iisdem obiectis tantum morose delectatus est.

CONSECTARIUM SEPTIMUM.

VII. Ad illud itaque obiectum, & obiecti speciem reduciur delectatio, seu mera complacentia de eodem, in quo illud invenitur; adeo ut delectatio de homicidio, aut de furto sive a se, sive ab alio patrato, sit peccatum mortale contra iustitiam, atque ita de cæteris. Minus tamen grave peccatum reputanda est sola simplex delectatio, aut complacentia, quam consensus efficax in huiusmodi opus; quia consensus efficax majorem habet voluntatis inordinationem. Itemque mortale peccatum est contra castitatem gaudere, se ab alio amari amore libidinoso, tamen qui sic amatur, nequaquam redamet; quia semper obiectum delectationis suæ malum est, & castitati adversatur, licet non ita grave, ac si turpem amorem ipse obsecunaret, aut fovet.

CONSECTARIUM OCTAVUM.

VIII. Non ita asserendum videtur, si sermo sit de obiecto, quod malum ex se non est, sed sola lege positiva prohibitum, ex. gr. de usu carniæ cogitato die veneris; nisi forte respiceretur (quod raro accidit), promi ab Ecclesia vetito. Quantequidem obiectum istud de se illicitum non est, neque actus ipse delectationis mere interne cadit sub speciali Ecclesiæ prohibitione. Venialis tamen illiusmodi dele-

ctatio dicenda est ob affectum quemdam intemperantiæ, a quo separari non potest.

CONSECTARIUM NONUM.

IX. Satis non est explicare in Confessione, se de aliquo modo gravi proximi delectatum esse, aut illud ipsi inefficaciter optasse: sed etiam species mali apertenda est; puta mors, infamia &c.; ut tenet nondum probabilior, sed vera sententia. Nam quavis omnia mala, quæ proximo optare aliquis potest, conveniant sub una generica ratione mali; certum tamen est, quædam, ut mors, infamia, paupertas &c. specie inter se differre. Cum autem obiecta delectationum, siue desideriorum specie differant, specificam quoque diversitatem in actus illos refundunt: adeoque cum peccatorum species sint in Confessione explicandæ, dubitari nequit, quin explicanda quoque sit species mali, quam quis optavit proximo suo.

CONSECTARIUM DECIMUM.

X. In desideriis inefficacibus, aut delectationibus de malo alterius, vel etiam proprio, doctrina illa sedulo attendenda est, quam habet Doctor Angelicus 2. 2. *quest. 76. art. 1.* ubi querit, *utrum liceat maledicere aliquem*; & præter alia, quæ ibi observat, hæc habet in rem nostram.

„ Si aliquis imperet, vel optet malum alterius, in quantum est malum, quasi ipsum malum intendens; sic maledicere utroque modo erit illicitum. . . . Si autem aliquis imperet, vel optet malum alterius sub ratione boni; sic est licitum, nec erit maledictio, per se loquendo, sed per accidens: quia principalis intentio dicentis non fertur ad malum, sed ad bonum.

„ Contingit autem aliquid dici imperando, vel oprando sub ratione duplici boni. Quandoque quidem sub ratione „ ju-

„ iustus: & sic Iudex licite maledixit illum,
 „ cui præcipit iustam penam inferri: & sic
 „ etiam Ecclesia maledixit anathematizan-
 „ do Quandoque vero dicitur aliquid
 „ malum sub ratione utilit: puta cum ali-
 „ quis optat, aliqueum peccatorem pati
 „ aliquam ægritudinem, aut aliquid in-
 „ pedimentum vel ut ipse melior efficiatur,
 „ vel ut saltem ab aliorum nocimento
 „ cesset “. Ex quibus generalis hæc regu-
 „ la sumitur, atque probatur a Theologis,
 „ qui sanis doctrinas confectantur: *Quoties*
bonum illud, propter quod quispiam vel op-
rat, vel deleatur de suo, aut proximi malo,
majus est, ac præstantius bono, quo quis ex
illo malo privatur: toties hujusmodi desideria,
aut delectationes licite sunt, & etiam fre-
quenter laudabiles: illicita vero, si bonum
minus sit, & inferius.

CONSECTARIUM UNDECIMUM.

XI. Ex hac tradita doctrina sequitur,
 licere mortem, aut aliud simile malum
 optare hæretico falsis suis erroribus per-
 vertenti fideliū animas, publice pacis
 perturbatori exilium, peccatori egestatem,
 aut morbum, ut a peccato desistat, mo-
 resque suos corrigat &c. quoniam bonum,
 quod hujusmodi desideria respiciunt, majus,
 & excellentius est bono, quod damnum
 desideratum importat. E contra desiderare
 non licet nec sibi, nec aliis mortem propter
 egestatem, aut calumnias, aut perfec-
 cutiones vitandas: quia mors majus his
 omnibus malum est; adeoque inordinate
 propter hæc appetitur.

CONSECTARIUM DUODECIMUM.

XII. Quapropter rejicienda est sententia,
 quam refert, ac probat Bussembaum lib. 2.
 tract. 3. c. 1. dicens: „ Eadem ex causa
 „ Bonacina, Azorius, & Palanus &c. ex-
 „ cūsant a peccato matrem, quæ mortem
 „ filiorum exoptat, eo quod ob deformi-
 „ tatem, vel inopiam commodæ, & ho-
 „ nestæ nuptiæ tradere non possit. Etsi vero
 „ sibi ipsi optare mortem Navarra, & cæ-
 „ teri dicant esse mortale; ad vitanda
 „ tamen gravia mala, v. g. afflictionem
 „ internam, id licere volunt Sanchez,
 „ Sorus, Granadus, Diana &c. Ita &
 „ Trullenchus excusat scēnam, quæ
 „ sibi, vel alteri mortem optat ad vitan-
 „ dam gravem infirmitatem, mendicitā-
 „ tem, vitam acerbam &c., vel alia simi-
 „ lia mala a marito v. g. inflicta, vel in-
 „ fligenda “. Hæc doctrina, inquam,
 „ rejicienda omnino est tamquam falsa; nec
 „ desideria, sive voluntariæ delectationes de
 „ malis in ea memoratis a gravi culpa excu-
 „ sati valent.

CONSECTARIUM DECIMUMTERTIUM.

XIII. Jure proinde, meritoque proscriptæ
 ab Ecclesia fuerunt sequentes duæ propo-
 sitiones in Decreto Innocentii XI. quarum
 altera in ordine 13. sic efferebat: *Si cum*
debita moderatione facias, potes absque pec-
cato mortali de vita alicujus tristari, & de
illius morte naturali gaudere, illam inefficaci
affectu petere, & desiderare, non quidem ex
displicentia persone, sed ob aliquod temporale
emolumentum. Altera vero hæc erat: *Lici-*
tum est absoluto desiderio cupere mortem Pa-
tris, non quidem ut malum Patris, sed ut
bonum cupientis: quia nimirum ei obventura
est pinguis hereditas. Quas propositiones
 nemo non videt, quam aperte regulæ con-
 stitutæ penitus adversentur. Porro perpe-
 ram a quibuscumque in harum propositionum
 patrociniū detorta est autoritas Angelici
 Doctoris agentis in 3. dist. 30. quæst. 1. art.
 1. ad 4. *Potest aliquis, salva caritate,*
optare malum temporale alieni, & gaudere,
si contingat, non in quantum est malum illius,
sed in quantum est impeditiuum malorum al-
terius, quem plus tenemur diligere, vel Com-
munitatis, aut Ecclesiæ. Animadvertite dili-
 O gen-

genter verba S. Thomæ, quæ diserte confirmant traditam a nobis doctrinam; dum loquitur de malo, quod est impeditivum malorum alterius, quem plus tenemur diligere, scilicet vel *Communitatis*, aut *Ecclesiæ*; in quo charitatis ordo servatur omnino, nullatenus vero pervertitur. Quis nisi emotæ mentis afferat, hujusmodi textum Angelicum suffragari doctrinæ in Juabus damnatis propositionibus contentæ, ubi manifestæ est charitatis ordinis perturbatio?

CONJECTARIUM DECIMUMQUARTUM.

XIV. Falso assintant, ac docet, etiam post damnatas, quas attulimus, propositiones, P. Claudius La-Croix n. 186. in citatum Bufembai locum; "*Manere probabilem*," *sententiam*, quam (inquit) post S. Thomam 2. 2. q. 76. art. 1. tenent Authores gravissimi, quos citat, & sequitur, Mendo, Atdeskin &c. nempe quod homo possit desiderare mortem proximo ad vitandum aliquod ingens malum sibi, vel alteri proximo impendens, quod aliter vitari non potest; v. g. ne injuste occidatur ab illo, ne per illius injuriam spoglietur bonis suis, quod alioquin futurum est: sicut aliquis sibi ipsi licite optat mortem, ut evadat ingens malum spirituale, vel temporale, v. g. si aliter non possit vitare peccatum, vel petuum, & durum carcerem. Plura hic infareit, & confundit Lacroixius, quæ seorsum consideranda sunt. Nam uno, vel altero ex his, quos assert, excepto casu, ceteros, quos probat, virtualiter in propositione damnata contentos esse existimo: adeoque doctrinam ejus nullatenus esse *probabilem*. Ac primo quidem, quid sentiat S. Thomas de hac re loco citato, & quantum ejus doctrina ab erroribus damnatis abhorreat, ex allatis verbis compertissimum est; nimirum: *Quandoque dicitur aliquod malum sub ratione utilis, puta cum*

aliquis optat, aliquem peccatorem pati aliquam aegritudinem, aut aliquod impedimentum, vel ut ipse melior efficiatur, vel ut saltem ab aliorum nocimento cesset. Ubi nemo non perspicit, in hac doctrina bonum superius bono inferiori præferri; adeoque inviolatum conservari charitatis ordinem; & si nihil aliud docuisset Lacroixius, ceterique, quos laudat, *Authores gravissimi*, nedum *probabilis*, sed etiam certa foret ejus sententia. Sed in reliquis, quæ immisceet in textu suo, hic Auctor culpandus est. Si namque ejus verba perpendantur, constat ipsum probare sententiam permittentem delectationes, & desideria de privatione bonorum, quæ præstantiora sunt bonis, ob quæ permittuntur; atque adeo charitatis, & justitiæ ordinem perturbati.

CONJECTARIUM DECIMUMQUINTUM.

XV. Increpandæ graviter sunt mulierculæ quædam, quæ altero sæpe verbo, dum a viris suis aut vexantur, aut molestias, & persecutiones sustinent, aut ætumnis hujus vitæ subjectæ sunt, sibi mortem exoptant. Peccant enim, & quidem lethaliter, nisi eas quandoque inadvertentia, aut subitaneus motus excuset. Neque in his admittenda distinctio est, quam adhibet P. Viva in propositionem damnatam n. 21.: nimirum hoc verum esse, si hæc desideria concipiantur *ad evadendas leves, & communes hujus vitæ calamitates*; non autem si respiciant *errumnes, quæ reddunt vitam mortis deteriorem*. Semper enim vita bonum est, quod præponderat cæteris hujus vitæ miseriis.

CONJECTARIUM DECIMUMSEXTUM.

XVI. Quod si meritisime proscriptæ ab Ecclesiâ fuerunt recitatæ duæ propositiones in Decreto Innocentii n. 13. & 14. potiori jure proscrito damnari metuit, disisque de-

voveri alia, quæ sequitur in eodem Decreto n. 15, videlicet: *Licitum est filio gaudere de parricidio Patris a se in ebrietate perpetrato propter ingentes divitias inde ex hereditate consecutas*. Nam præterquamquod objectum præseus hujusmodi gaudii malum est, & pietati repugnans, ipsa sola propositio sub aspectum cuiusque posita talem, tantumque horrorem ingerit, ut mirum mihi videatur extitisse Theologos, qui eam staderent ac propugnarent.

CONJECTARUM DECIMUMTERTIUM.

XVII. Hæc propositio de gaudio parricidii in ebrietate commissi ab Ecclesia damnata profecta est ex alia doctrina universali, quam ex Lesio, Vasquesio &c. tradit Busembaum lib. 5. cap. 1. his verbis: *Si effectus (bonus) sit sequens ex opere secundum se quidem malo; hic tamen & nunc culpa vacante, ut ex. gr. quia factum est in somno, amentia, ebrietate, inculpabili ignorantia; tunc etiam de ipso actu licere aliquando delectari, non quidem secundum se, sed ut est causa talis boni effectus, docet Lessius &c.* Quare hæc quoque generalis doctrina, quantum quidem arbitror, in damnatione illarum propositionis comprehenditur; adeoque aperte falsa dicenda est, ut ex dictis satis colligitur.

CONJECTARUM DECIMUMQUARTUM.

XVIII. Damnata propositioni affinis examinanda est sententia, quam docet Tamburinus lib. 10. in Decal. c. 5. §. 1. his verbis: „Gaudebat quidam Sacerdos se „per inculpabilem oblivionem matutinum „die hesternum non recitasse, & reprehendi- „debat ab alio nimis religioso Sacerdote. „Huic dixi potuisse ipsum gaudere de „carentia illius laboris, quæ tunc nullo „modo peccaminosa fuit: atque adeo tale „gaudii objectum erat ab omni malicia se- „paratum, nedum separabile“. Impro-

banda est hæc doctrina. Nam illud objectum erat quidem separatum ab omni malitia ex mera præcisione mentis, non autem reipsa; adeoque malum esse non desit.

REFLEXIO.

Si vera sunt, quæ hætenus docuimus, ut vera esse nemo negaverit, vide, quæso, pie Lector, quam præpostera sint, quam plene diversa judicia hominum a judiciis Dei de bonitate, ac pietate actionum nostrarum. Homines, qui, ut ait Scriptura, non vident, nisi ea, quæ apparent, parum, aut nihil omnino curant, quæ intus in corde gerantur, sive bona, sive mala. Deus autem, qui cor intratur, tum in bonis, tum in malis cordis dispositionem maxime æstimat, eamque pro facto habet, ac iusta ipsam opera nostra vel præmio afficit, vel supplicio. Abraham ad immolandum filium suum, sicut ei jussit Dominus, re ipsa non pervenit. Quia tamen cor ipsius paratum omnino erat ad tam egregium facinus peragendum, jamque gladium ad immolandum extenderat, quamquam actus non interfecerit, heroicæ obedientiæ suæ meritorium, præmiumque nequaquam amisit; immo Deus solam sancti viri voluntatem pro facto ipso habuit, ac si revera filium interfecisset; quemadmodum testatus est inquit: *Quia scieisti rem hanc, & non percipisti filio tuo unigenito propter me, benedicam tibi, & multiplicabo semen tuum &c.* Quid in Gazophylacium Templi contulerat vidua illa pauperula, cujus meminit S. Lucas, nisi ara minuta duo? Et tamen, quæ dispositio cordis ejus in iis conferendis perfectior cæteris extitit, qui ingentia munera contulerant, omnibus judicio Christi, Domini prælata est, atque commendata; quasi plus omnibus contulisset.

Atque idem pariter ferendum judicium est de operibus malis. Error veterum Hebræorum fuit, qui & nunc obtinet inter

modernos, peccata non esse, aut saltem non puniri, quæ solo corde contemuntur, atque consummantur prave delectationes, desideria, intentiones &c., nec in opus exterius erumpunt. At hunc lericorem gravissimum correxit Christus Dominus, emendavitque in suo Evangelio, discretissime docens nedom externa opera, sed & ipsas pravas in corde latentes cogitationes, odia, invidias, concupiscentias &c. peccata esse inimadversione digna coram Deo, eorumque malitiam augeri juxta pravam voluntatis dispositionem. Hinc Matth. 5. dixit: *Invitis, qui videt mulierem ad concupiscentiam eam, jam merbatus est eam in corde suo, oluntatem solam pro facto reputans: Et ap. 15. tradidit, cor esse fontem, unde*

exerunt ea, quæ coinquinant hominem: De corde enim exeunt cogitationes mala, homicidia, adulteria, fornicationes, furtiva, falsa testimonia, blasphemias; adeo ut etiam illa, quæ externo opere complentur: totam suam formalem malitiam trahant a prava cordis dispositione majorem, minoremve juxta majorem, minoremve pravitatem ipsius.
Corrigamus ergo judicia nostra, illudque serio perpendamus, non esse aliquem coram Deo sanctiorem, qui plura bona opera facit; sed qui ea perfectiore cordis dispositione exequitur: neque sola externa prava opera poena digna a Deo aestimari, sed etiam interna; atque hæc aliquando graviora, quam illa, si nempe ex corruptione cordis dispositione proveniant.



DISSERTATIO II.

DE VIRTUTIBUS MORALIBUS, VITIISQUE OPPOSITIS.



VIRTUTES, ac vitia principia sunt, & fontes, unde effluunt actus humani sive boni, sive mali. Quare, cum de humanis actibus in genere, & in specie proxime præterita Dissertatione dixerimus, sequitur, ut fontes modo perscrutemur, ac de virtutibus, vitiisque, quæ illis opponuntur, disseramus. At vero non hic de virtutibus omnibus, quemadmodum nec de vitiis, sermo erit, cum plures ad alios Tractatus pertineant, ubi congruentius discutientur: sed de virtutibus moralibus, ac præsertim cardinalibus, iisque annexis, de quibus alibi tractandum non est. Præmo itaque de virtutibus generatim loquimur, de hisdem in specie postea locuturi.

CAPUT I.

De virtutibus in genere quadam prælibantur.

DOCTRINA.

- I. *Definitio virtutis ex SS. Thoma, & Augustino.*
- II. *Plures virtutis divisiones assignantur, & exponuntur.*
- III. *Quid sit virtus bergica, & in quo consistat.*
- IV. *De origine moralium virtutum, Harum incubatio quadam in homine est attentâ naturâ tum speciei, tum individui.*
- V. *At in ratione virtutis non comparantur nisi operum assuetudine, labore, studio, & industria.*
- VI. *De subiecto virtutum. Tres in animo nostro partes distinguuntur; suprema media, & infima.*
- VII. *Quæ tribus hisce partibus virtutes conveniant, explicatur.*
- VIII. *Hisce omnibus partibus sua tribuuntur virtutes, quibus insident.*
- IX. *Apposita S. Thoma observatio.*
- X. *De medio, in quo virtus consistit. Multorum medium distinguitur.*

XI. *Medium per se non habent Theologica virtutes.*

XII. *Ex parte tamen nostra regula, & mensura etiam his virtutibus præfigitur; & per accidenti medium habent.*

XIII. *De mutua virtutum connexionem, & harmonia. Hac procul omni dubio prærogativa gaudent virtutes supernaturales.*

XIV. *Obvia quadam objectio ex verbis S. Thoma soluta.*

XV. *Virtutes quoque morales acquisite in statu perfectio considerata connexæ invicem sunt.*

XVI. *De virtutum perfectione, quæ haberi in hac vita potest. Eleganti S. Thomæ doctrina præmissa.*

XVII. *Pelagianorum error de hac perfectione a S. Hieronymo confutatus.*

XVIII. *Confutavit eundem etiam S. Augustinus.*

XIX. *Tria Decreta ab Ecclesia in Concilio Africano edita adversus huiusmodi errores.*

XX. *Præcipuum Catholici dogmatis fundamentum ab Augustino propositum, & a S. Thoma illustratum.*

XXI. *Alia de eodem argumento Sancti Thome doctrina.*

XXII.

XXII. Cujus generis, & conditionis dicenda sit impossibilitas non peccandi homini conveniens in hac vita mortali.

XXIII. Pauca quedam attinguntur de Deo Spiritus Sancti.

§. I.

Virtutis definitio.

QUUM multæ circumferantur definitiones virtutis, tum illam cæteris omnibus præferendam puto, quæ traditur ab Angelico Doctore p. 2. q. 56. a. 4. probaturque frequentius a Theologis; nimirum

Virtus est bona qualitas mentis, quæ recte vivitur, quæ nullus male utitur; & quam Deus in nobis sine nobis operatur.

Quam apta sit hujusmodi definitio virtutis, & quam perfecte omnem virtutis rationem complectatur, pulchre declarat ipse S. Thomas in corp. articuli, cujus verbis nihil neque addere, neque detrachere debemus. Sic enim scribit: „Perfecta ratio uniuscujusque rei colligitur ex omnibus causis ejus. Comprehendit autem prædicta definitio omnes causas virtutis. Causa namque formalis virtutis, sicut & cujuslibet rei, accipitur ex ejus genere, & differentia, cum dicitur bona qualitas: genus enim virtutis qualitas est; differentia autem bonum. Effert tamen convenientior definitio, si loco qualitatis habitus poneretur; qui est genus propinquum. Virtus autem non habet materiam ex qua, sicut neque alia accidentia; sed habet materiam circa quam, & materiam in qua, scilicet subiectum. Materia autem circa quam est obiectum virtutis, quod non ponit in prædicta definitione poni, eo quod per obiectum determinatur virtus ad speciem; hic autem assignatur definitio vir-

tutis in communi: unde ponitur subiectum loco causæ materialis, cum dicitur, quod est bona qualitas mentis. Finis autem virtutis, cum sit habitus operativus, est ipsa operatio. Sed notandum, quod habituum operativorum aliqui sunt semper ad malum, sicut habitus viciosi; aliqui vero quandoque ad bonum, & quandoque ad malum; sicut opinio se habens ad verum, & falsum. Virtus autem est habitus semper se habens ad bonum. Et ideo, ut discernatur virtus ab his, quæ semper se habent ad malum dicitur, quæ recte vivitur. Ut autem discernatur ab his, quæ se habent quandoque ad bonum, quandoque ad malum, dicitur, quæ nullus male utitur. Causa autem efficiens virtutis infusæ, de qua definitio datur, Deus est; propter quod dicitur: Quam Deus in nobis sine nobis operatur; quæ quidem particula si auferatur, reliquum definitionis erit commune omnibus virtutibus & acquisitis, & infusis.

Hæc definitio sic exposita ex variis S. Augustini locis collecta est, ac præsertim ex lib. 2. de lib. arbitr. cap. 19. ubi ait: quod virtutes, quibus recte vivitur, magnæ bonæ sunt; ac postea: Virtutibus nemo male utitur. Quod ex doctrina ejusdem S. Doctoris cap. eodem explicat S. Thomas in resp. ad 5. dicens, quod quidem virtute potest aliquis male uti, tamquam obiecto, puta cum male sentit de virtute, cum edit eam, vel superbit de ea: non autem tamquam principio usus; ita scilicet, quod malus sit actus virtutis.

Nec plane hæc definitio ab Angelico Doctore tradita ab ea, quoad rem ipsam, differt, quam tradidit ipse S. Augustinus lib. 15. de Civ. Dei cap. 22. ubi ait: Mihi videtur, quod definitio brevis, & vera virtutis sit ordo amoris: quia recte vivere est ordinate amare: Non enim, ut alibi docet,

faciunt bonos, vel malos mores, nisi boni, vel mali amores. Unde & eam approbat S. Thomas *art. 1. ad 4. iniqui*: *Virtus dicitur ordo, vel ordinatio amoris, sicut id, ad quod est virtus: per virtutem enim ordinatur amor in nobis.*

§. II.

Virtutum divisio.

II. Prima, eaque universalis divisio virtutum satis constat ex data virtutis definitione; eaque se tenet ex parte principii efficientis earundem: nimirum aliae sunt infusae a Deo, quas scilicet *Deus in nobis sine nobis operatur*: aliae acquiritae, quas videlicet nostris actibus, sive exercitatione bonorum actuum acquirimus.

Alia divisio ex parte ipsius virtutis considerata, est in *intellectualem, moralem, ac theologiam*, adeo ut quaecumque virtus assignetur, sub aliqua harum contineri oporteat. Illam porro tradit S. Thomas in hujus questionis. proœmio, traduntque etiam ceteri Doctores.

Virtus intellectualis triplex tantummodo est: scilicet *sapientia, scientia, & intellectus*. Siquidem, ut animadvertit S. Thomas *q. 57. art. 2.* virtus intellectualis speculativa est: per quam intellectus speculativus perficitur ad veritatis considerationem. Aut igitur ordinatur ad consideranda prima principia, quae sunt per se nota; & virtus hæc *intellectus* dicitur: aut ad considerandas conclusiones, quae ex primis principiiis inferuntur, & vocatur *scientia*: aut ad considerandas altissimas causas; & *sapientia* appellatur. Non enim *sapientia* hic sumitur, prout peculiare donum Spiritus Sancti est, sed generatim pro habitu quodam, quo quis prompte assentitur veritatibus necessariis, quæ ultimo ad humanam notitiam pervenire queunt, hoc est *causis altissimis*.

Virtutes theologice tres pariter sunt; nempe *fides, spes, & caritas*, de quibus peculiari tractatu a nobis erit agendum.

Virtutes morales em solum dicuntur, quæ sunt in facultate appetente, sive appetitiva, aut ab ea dependente. Denominantur quippe virtus moralis a *more*, prout mos significat quamdam inclinationem ad actum. Inclinatio autem ad actum proprie solum convenit appetitivæ facultati, ad quam solum pertinet movere cæteras potentias, sive facultates.

Virtutes morales quatuor præcipue distinguuntur, quæ etiam dicuntur *principales*; nempe *prudentia, justitia, temperantia, fortitudo*, ad quas ceteræ quæque virtutes morales revocantur. His Ecclesiam Patres vocant quatuor angulos ædificii spiritualis, quatuor fluvios Paradisi terrestriis, quatuor roras mystici currus Ezechielis, quatuor elementa prævi Mundi. *Cardinales* etiam passim appellari solent: quia, ut S. Thomas observat in *Disput. quest. de virtutibus Cardinal.* *art. 1.* *Cardinalis a cardine dicitur, in quo osium vertitur, secundum illud Prov. 26. 1. Sicut osium vertitur in cardine suo, ita piger in lectulo suo. Unde virtutes Cardinales dicuntur, in quibus fundatur vita humana.*

Hujus autem divisionis idem S. Doctor duplicem rationem assignat *p. 2. q. 61. art. 2.* quarum prima sumitur ex parte *principii formalis ipsius virtutis, quod est bonum rationis*: quod quadrifariam considerari potest. Primo scilicet, prout in consideratione rationis consistit: & circa illud sic spectatum versatur *prudentia*. Secundo quatenus est circa operationes: & ad illud pertinet *justitia*. Tercio quatenus est circa passionem, easque vel impellentes in bonum rationi contrarium; & ad hoc pertinet *temperantia*: vel retrahentes a bono, quod ratio præferit; & ad illud pertinet *fortitudo*.

Rationem aliam repetit ex ipso subiecto

humane virtutis. *Quadruplex enim, inquit, invenitur subiectum hujus virtutis (moralis), de qua nunc loquimur; scilicet rationale per essentiam, quod prudentia perficit: & rationale per participationem, quod dividitur in tria; id est in voluntatem, quae est subiectum iustitiae, & in concupiscibilem, quae est subiectum temperantiae; & in irascibilem, quae est subiectum fortitudinis.*

Aliam demum virtutis divisionem repetere possumus ex diverso statu, sive perfectione ejusdem: & juxta hanc distinguuntur virtutes in *Exemplares, Politicas, Purgatorias, & purgati animi. Exemplares* hoc appellantur, quae in Deo sunt tamquam in perfectissima, absoluteque exemplari virtutum omnium, quoniam inspicere semper debemus, ne a virtutis tramite unquam deducamur. *Oportet enim, loquitur S. Augustinus lib. de Mor. Ecclesiae cap. 6. quod animi aliquid sequatur et hoc, quod possit virtus inassequi; & hoc Deus est, quem si sequemur, bene vivimus.*

Politicae virtutes non ea hic ratione dicuntur, quod in bonum Communitatis ordinentur; sed quod convenienter statui hominis in communi aliorum hominum societate viveatis, ipsumque perficiant ad rehumanis juxta communem convictum bene gerendas.

Purgatoriae vocantur, quae in iis sunt, qui se a Reipublice actibus sejungentes, resque terrenas contemnentes, toti ad hoc tenentur, ut divinis vacent: ita scilicet, inquit S. Thomas quæst. 61. art. 5. quod prudentia omnia mundi divinarum contemplatione despiciat, omnemque animi cogitationem in divina sola dirigat: temperantia vero reliquat, in quantum natura patitur, quae corporis usus requirit: fortitudo autem, ut animus, qui terreatur propter recessum a corpore, & accessum ad superna iustitia vero est, ut tota anima consentiat ad hujusmodi propositi viam.

Tandem virtutes purgati animi in iis percipiuntur, qui ita virtutum studio divinam assequuntur similitudinem (verba sunt ejusdem S. Doctoris) ut prudentia sola divina intuentur: & temperantia terrenis cupiditatibus nequeat: fortitudo passiones ignoret: iustitia cum divina mente perpetuo fœdere societur, eam scilicet imitando. Quas quidem virtutes dicimus esse *Beatorum, vel aliquorum in hac vita perfectissimorum*: qui perfecti paucissimi sunt.

III. Hisce virtutibus purgati animi accensentur illae, quae *heroicae* nuncupantur, quamquam, & hæc, quae purgatoriae sunt, hoc vocabulo aliquando donentur, si ad gradum perfectionis eximium pertingant. Hinc Angelico Præceptore docente arbitramur, habitum heroicum, vel divinum, ut ait ille 3. p. q. 7. art. 2., non differre a virtute communiter dicta, nisi secundum perfectiorem modum, quatenus scilicet quis est dispositus ad bonum quodam altiori modo, quam communiter omnibus competat.

Nominis, *heroicæ* virtutis, sive actus etymologiam usumque in Ecclesiam invehit ad egregias Martyrum, & Sanctorum virorum virtutes celebrandas declarat S. Augustinus lib. 12. de Civit. c. 17. Ait namque: „ Martyres multo elegantius, si Ecclesiastica loquendi consuetudo pateretur, nostros *heroes* vocaremus. Hæc enim nomen a Junone dicitur tractum, quod, græce *Juno, Hera* appellatur: & ideo nescio quis filius ejus secundum Græcorum fabulas *heros* facit nuncupatus; hoc videlicet veluti mysticum significante fabula, quod ær’ Junoni deputetur, ubi volunt eum Demonibus *heroes* habitare, quo nomine appellant aliquos meriti animas defunctorum. Sed a contrario Martyres nostri *Heroes* nuncupantur: non quod eis esset cum Demonibus, acce societas, sed quod eodem Demo-

„ nec „

„ res, i. e. aereas vincerent potestates . .
 „ . . . & easdem virtutibus divinis supe-
 „ rantur “ .

Virtutis itaque heroicæ idea posita est in
 sublimiore quodam modo disponendi, & af-
 ficiendi animo erga bonum . . . , quam com-
 munitur hominibus competat: quem modum
 clarissime exponit S. Thomas *lect. 1. in lib.*
7. Ethicorum his verbis: „ Considerandum
 „ est, quod anima humana media est inter
 „ superiores substantias, & divinas, qui-
 „ bus communicat per intellectum; & ani-
 „ malia bruta, quibus communicat in sen-
 „ sibus potentis . Sicut ergo affectiones
 „ sensitivæ partis aliquando in homine cor-
 „ rumpuntur usque ad similitudinem be-
 „ stiarum: & hæc vocatur *bestialitas* supra
 „ humanam malitiam, & incontinentiam;
 „ ita etiam rationalis pars quandoque in
 „ homine perficitur; & formatur ultra
 „ communem modum humanæ perfectionis
 „ quasi ad similitudinem substantiarum se-
 „ paratarum: & hæc vocatur *virtus divina*
 „ supra humanam virtutem, & commu-
 „ nem “; sicut etiam *heroica* .

Sapienter etiam admonet idem S. Doctor
 2. 2. quæst. 159. art. 2. ad 1. *virtutes il-
 las heroicas fieri, quæ maxime diriguntur,
 & elevantur Spiritus Sancti donis*. Hinc ait:
 „ Savitia, vel feritas directe non opponi-
 „ tur clementiæ, sed superexcellentiore
 „ virtuti, quæ Philosophus vocat *heroici-
 „ tam*, vel divinam, quæ secundum nos
 „ videtur pertinere ad dona Spiritus San-
 „ cti “ . Et hic q. 68. art. 1. ad 1. :
 „ Hujusmodi dona nominantur quandoque
 „ virtutes secundum communem rationem
 „ virtutis . Habent tamen aliquid super-
 „ veniens communi rationi virtutis, in
 „ quantum sunt quedam divine virtutes
 „ perfectiores hominem, in quantum est a
 „ Deo motus . Unde & Philosophus in 1.
 „ 7. *Ethic.* docet, virtutem communem
 „ poni quandam virtutem heroicam, vel
 Patuzzi *Thsol. Mor. T. II.*

„ divinam, secundum quam dicuntur ali-
 „ qui *divini viri* “ .

§. III.

De origine moralium virtutum .

IV. Virtutum infusarum, sive superna-
 turalium originem a Deo esse, eas nobis
 infundente, atque causante, explorara-
 res est: sed non adeo comperta est virtu-
 tum naturalium origo, & causa; eamque
 obscuriorē effecere Philosophorum inter
 se dissidentium opiniones . At missis hujus-
 modi dissidiis ad institutum nostrum neuti-
 quam pertinentibus, quam amplexus est
 S. Thomas, docueruntque Ecclesiæ Pa-
 tres, paucis expono . Ut rem omnem di-
 lucide, solideque conficiat, monet pri-
 mum hic *quæst. 63. art. 1.* dupliciter quid-
 dam diei posse homini *naturale*; altero
 modo *ex natura speciei*, altero *ex natura
 individui*: Illud autem, quod convenit ho-
 mini secundum animam rationalem, ei esse
 naturale secundum rationem *speciei*; illud
 autem, quod ipsi convenit secundum deter-
 minatam corporis complexionem, natura-
 le esse secundum naturam *individui* . Mo-
 net etiam virtutes bifariam posse conside-
 rari; primo secundum quantum *inchoationem*;
 & deinde quod earum *consummationem*,
 & *perfectionem* .

Hinc vero docet, virtutum *inchoationem*
 naturalem homini esse secundum utramque
 naturam tum *speciei*, tum *individui*: vi-
 delicet homini utrovvis modo considerate
 congenita esse quedam veluti semina vir-
 tutum, sive quedam principia, & dispo-
 sitiones, quibus per industriam, atque
 exercitationem comparare sibi virtutes
 queat . Partem priorem illustrat his ver-
 bis: *Secundum quidem naturam speciei, in
 quantum in ratione hominis insunt naturaliter
 quedam principia naturaliter cognita sibi sci-
 bilium, quam agendorum, quæ sunt quedam
 P*

seminaria intellectualium virtutum, & moralium, in quantum in voluntate inest quidam naturalis appetitus boni, quod est secundum rationem. Nimirum insunt rationi bona quaedam iudicia practica de bono amando, & de malo fugiendo. Insunt etiam voluntari amor boni honesti, & fuga mali rationi dissensanei. Hæc omnia scilicet a Deo Conditore citra ullum animi nostri studium, atque industriam indita nobis, & impressa sunt: quæ sane non sunt virtutes, nec virtus actus, & opera. Sunt tamen virtutum semina, & principia, quibus voluntas, rectæ rationis prælucente iudicio, prodit in particulares honestatis amores, iisdem frequenter exercitiis, bene ipsa constanterque afficitur erga particulares honestates, virtutesque acquirit, quæ in bona, constanterque animi affectione consistunt.

Ad partem alteram subinde pergit S. Doctor, eamque his verbis exponit: „Secundum vero naturam individui, in quantum ex corporis dispositione aliqui sunt dispositi vel melius, vel peius ad quasdam virtutes, prout scilicet vires quædam sensitivæ sunt actus quarundam partium corporis, ex quarum dispositione adjuvantur, vel impediuntur huiusmodi vires in suis actibus, & per consequens vires rationales, quibus huiusmodi sensitivæ vires deserviunt. Et secundum hoc unus homo habet naturalem aptitudinem ad scientiam: alius ad fortitudinem: alius ad temperantiam“. Constat videlicet, partium corporis dispositiones maxime pendere e fibrarum, cerebrique textura, ac natura spirituum, quos animales vocamus: atque e spirituum natura, texturæque fibrarum, & varia cerebri conditione, tenuitate, subtilitate, acrimonia, duritie, copia diversorum oritur affectus, spei, timiditatis, audaciæ, iræ, aliasque animi propensiones.

V. His ergo modis, concludit ibidem S. Thomas, tam virtutes intellectuales, quam morales secundum quamdam aptitudinis inclinationem sunt in nobis a natura. At si virtutum consummatio, aut perfectio, qua animus noster constanter afficitur, disponiturque ad bonos amores faciliter, ac suaviter producendos, consideretur, hanc non esse docet ille appendicem naturæ congenitam. Hinc *art. 2. ejusdem quest.*, & *q. 1. de virtut.* tradit, operum assuetudine, studio, labore, & industria comparari virtutes: idque quoad partem priorem evincit, quia natura determinatur ad unum; consummatio autem ejusmodi virtutum non est secundum unum modum actionis, sed diversimode secundum diversas materias, in quibus virtutes operantur, & secundum diversas circumstantias. Alteram vero ita ostendit: Cum ratio multoties inclinat virtutem appetitivam in aliquid unum, sit quædam dispositio firmata in vi appetitiva, per quam inclinatur in unum, & ipsa dispositio sic firmata est habitus virtutis, Unde si recte consideretur virtus appetitiva partis, nihil est aliud, quam quædam dispositio, sive forma sigillata, & impressa in vi appetitiva a ratione. Atque hæc S. Thomæ doctrina consona omnino est iis, quæ de hoc argumento tradunt Ecclesiæ Patres, Clemens Alexandrinus lib. 6. Strom., Athanasius in vita S. Antonii, Basilus hom. 9. in Exam., Chrysost. hom. 2. in epist. ad Ephes., alique, quorum testimonia prætereo.

§. IV.

De subiecto virtutum.

VI. De subiecto, sive sede virtutum differit Doctor Angelicus hic *quest. 66.* per plures articulos, & in *Disput. q. de Virtut.* Quæ scitu digniora sunt, cursim expono, nonnullis in antecessum præmissis: nimirum tres in animo nostro, tum quæ cognoscit,

tum

tum qua appetit, partes distinguere oportet; supremam, mediam, & infimam. *Supremam* vocat eam S. Thomas q. 15. de *Verit.* art. 2., quæ rebus attendit increatis, & æternis supra animam existentibus, sive ut earum veritatem, & naturam absolute contempleretur, sive ut ab eis rationes, & quasi exemplaria operandi capiamus. *Media* est, quæ convertitur ad ea, quæ animam non excedunt, aut infra eam posita sunt, vel conspicienda per contemplationem, vel per actionem disponenda. Utriusque partis objecta, officia, operationes declarat ille *art. seq.* docens, primæ partis munus esse, ut deliberet de agendis ex hoc, quod Deo acceptum est, vel divina lege præceptum, vel aliquo huiusmodi modo, uti sunt ultimi finis ratio, Dei voluntas, Dei offensa, lex divina, motiva quæque supernaturalia, & si qua sunt alia, quæ humanam mentem excedant.

Alterius partis, sive *mediæ* deliberare proprium est de agendis per causas inferiores, utpote considerando turpitudinem actus, rationis dignitatem, hominum offensam, quamlibet honestatem creatam naturalem, virtutum officia, bona delectabilia, commoda huius vitæ, utilitates, & huiusmodi.

Denique pars *infima* est imaginatio rerum sensibilium, & appetitus earundem, qui *sentientis* nuncupatur: quæ duæ animæ facultates utuntur organo corporeo, & spirituum animalium ministerio.

VII. Tum supremæ, tum mediæ parti perfectam convenire libertatem consentiunt Theologi: imperfectam aliquam competere quoque infimæ parti, sive appetitui sentienti, quæ in homine est, concedit S. Thomas, quamquam Discipuli ipsius in ea explicanda dissideant; de quo dissidio nihil ad nos. Bona, & mala, quæ sibi vindicant tres huiusmodi partes, innuamus.

Suprema itaque pars agere dicitur, quoties Deum, rationesque æternas, & increatas diligimus; & ab eodem avertemur odio Dei, quæ desperatione, infidelitate, aliisque huiusmodi generis flagitiis. Ad eam quoque pertinent actus, & amores tum mediæ, tum infimæ partis, quoties in eos prodigimus ob motiva illa, quæ suppeditant supremæ, & increatæ rationes. Bene agit pars *mediæ*, cum honestatem creatam, & officia quæque virtutum amat ob honestatis motivum, odit operum turpitudinem, vitat hominum offensam, decoremque rationis custodit: peccat autem, cum, hisce regulis prætermittis, in oppositos amores erumpit. Sed & actus sentientis appetitus bonos omnes, omnesque lethales malos hæc eadem pars sibi vindicat: cum nulla passio bona sit, quam recta ratio, honestatis sine sibi proprio præstituto, non ordinet ad mediocritatem; nec ullum peccatum lethale sit, si ejus deliberatio desit. Quoad appetitum sentientem atinet tria docet S. Thomas; primo, quæ bona facit ille, siue directione mediæ, aut supremæ partis non fieri: secundo, neque labi posse in peccatum lethale, quin etiam voluntas consentiat: tertio, veniale tamen peccatum admittere posse sibi proprium. Quod fuscè exponit in Disp. q. 25. de *sensualitate*: quem locum videbis, si lubet.

VIII. Ex quibus omnibus colligi facile potest, quodnam sit virtutum subiectum; sive quænam sedes virtutibus aptandæ sint: nimirum *suprema pars* animi supremia illis, quæ *supernaturaliter* dicuntur, virtutibus afficitur; cuiusmodi sunt fides, spes, charitas, religio, penitentia, & si quæ sunt aliæ se habentes erga Deum gratiæ auctorem, & gloriæ. Insunt quoque eidem parti virtutes, quibus bene permanenter disponatur erga bonum divinum Deo proprio, licet solo naturæ lumine norum, ut præter religionem, & penitentiam, humilitas, P 2

qua

qua propriam excellentiam subicimus Deo, aliisque propter Deum, ut docet S. Thomas hic *art. 6.*

Media parti inherēt virtutes, quæ versantur erga officia aliis præstanda: cum enim seipsa absque virtute in proprium bonum honestum tendat, valeatque virtutum officia, quæ sunt ejusdem proprii boni partes, amare, ac velle exercere, opus non habet, nisi ut per virtutem bene constanterque afficiatur erga bona officia aliis præstanda: unde insunt illi iustitia, ejusque partes omnes, ut pietas erga parentes, observantia erga hominum excellentiam, amicitia, affabilitas, & ea liberalitas, ac magnificentia, quæ ad aliorum utilitatem ordinantur.

Tandem virtutes reliquas, fortitudinem, temperantiam, earumque partes, & virtutes subiectis in appetitu sentiente collocat S. Thomas. Docet nempe, sentientem appetitum diviti in *concupiscentem*, & *irascntem*, ac passiones, sive animi perturbationes, quæ spirituum animalium motu excitantur, ædus esse utriusque partis: prioris quidem amorem, & odium, desiderium, & fugam, delectationem, & dolorem, sive tristitiam; posterioris autem spem, & desperationem, timorem, audaciam, & iram. Ratione recta diriguntur passiones istiusmodi, diverso tamen modo, ac corpus ipsum regit, prout explicat hic *quest. 56. art. 4. ad 3.* inquit: „Alia ratione regitur corpus ab anima, & iram, seibilib, & concupiscentibilib. Corpus enim „ad nutum obedit animæ absque contradictione in his, in quibus natum est ab „anima moveri. Unde Philosophus dicit „in 1. *Polit.* quod anima regit corpus „potius dominio; id est sicut dominus servum: & ideo totus motus corporis fertur ad animam, & propter hoc in „corpore non est virtus, sed solum in „anima. Sed irascibilis, & concupis-

„bilis non obediunt ad nutum rationi, „sed habent proprios motus suos, quibus „interdum rationi repugnant. Unde in „eodem loco Philosoph. dicit, quod ratio „regit irascibilem, & concupiscentem „principatu politico, quo scilicet reguntur liberi, qui habent in aliquibus propriam „voluntatem. Et propter hoc etiam potest „in irascibili, & concupiscenti esse „aliquas virtutes, quibus bene disponantur ad ædus.”

Quamquam igitur voluntas virtute non eget, ut bene disposita sit erga virtutum officia, quæ sunt partes boni honesti ipsius voluntatis proprii; frænum tamen ratio, atque voluntas imponere debent appetitui, ut rationi serviat, ac moderatas passiones eliciat fini rationis convenientes. Hinc bonæ constantesque affectiones appetitus erga passiones moderatas sunt virtutes in eo sedem habentes; nempe *temperantia* in appetitu concupiscentie, seu concupiscenti, & in irascntie, seu irascibili *fortitudo*, earumque partes, verecundia, abstinentia, castitas, modestia, jucunditas, eutrapelia: fiducia quoque, seu magnanimitas, magnificentia, patientia, & perseverantia.

IX. Hic tamen adnotare lubet, nos virtutes, ac virtutum ædus eo solum modo sentienti appetitui adjudicare, quo docet S. Thomas in *Disp. q. de virtut. art. 4.* ubi ait: *Actus virtutis non potest esse irascibilis, vel concupiscentis tantum sine ratione; id tamen, quod est in actu virtutis, principalis est rationis, seu electio. Ratio enim imperat irascibili, & concupiscenti. Non ergo dicitur esse virtus in irascibili, vel concupiscenti, quasi per eas totus actus virtutis, vel principalior pars explicetur: sed in quantum per virtutis habitum ultimum complementum bonitatis actui virtutis confertur, in hoc scilicet, quod irascibilis, & concupiscentis absque difficultate sequantur ordinem rationis.*

§. V.

De medio, in quo virtutes consistunt.

X. Virtutes morales in medio consistere commune Theologorum decretum est: unde etiam virtus definiri solet: *Habitus electivus in mediocritate consistens, prout determinaverit prudens.* Medium porro huiusmodi multiplex est, prout exponit disertissime S. Thomas. Primum illud est, quod *medium rationis* vocatur, & a prudentia præscribitur; cuius munus est humanos actus ad legem, rectamque rationem exigere, eisque certum modum, finem, ac terminum præstitueret. Medium huiusmodi submovere perinde est, ac virtutem omnem extinguere, ut probat S. Doctor *hic quest. 64. art. 1. inquires*; & regula appetitivi motus circa appetibilia est ipsa ratio. Bonum autem cuiuslibet mensurati, & regulati consistit in hoc, quod conformetur suæ regule: sicut bonum in artefactis est, ut sequatur regulam artis; malum autem per consequens, quod aliquid discordat a sua regula, vel mensura. Quod quidem contingit vel per hoc, quod superexcedit mensuram, vel per hoc, quod deficit ab ea: sicut manifeste apparet in omnibus regulatis, & mensuratis. Et ideo patet, quod bonum virtutis moralis consistit in adæquatione ad mensuram rationis. Manifestum est autem, quod inter excessum, & defectum medium est æqualitas, sive conformitas. Unde manifeste apparet, quod virtus moralis in medio consistit. Hinc tametsi quædam virtutes videantur ad extremum declinare, ut *magnificencia*, quæ magnos sumptus exercet; *virginitas*, quæ ab omni venere, & carnalis delectationis sensu abstinet; *humilitas*, quæ ingenium omne exerit, ut animum dejiciat; & *penitentia*, quæ continuis lacrymis pec-

cata castigat: re tamen ipsa penitus expensa, in medio sistant excessum inter, & defectum, regulamque rationis præferentem mediocritatem in sumptibus, in carnis maceratione, in humiliatione, in corporum castigatione adamussum sequuntur.

Medium alterum est, quod habetur inter duo officia, duosque actus, & habitus, utrumque malum: ac medium istud quamplures virtutes tenere, non autem omnes docet S. Thomas in *Disp. q. 1. de Virt. art. 13. ad 12.* dicens: *Aliæ virtutes morales sunt inter duo vitia; non autem iustitia, quæ tamen medium in propria materia tenet, quod per se pertinet ad virtutem.* Sic ergo liberalitas medium sedem tenet inter avaritiam, & prodigalitatem: fortitudo inter audaciam, & timorem inordinatum: magnanimitas inter præsumptionem, & pusillanimitatem: temperantia inter insensibilitatem, ac intemperantiam; & aliæ plures virtutes mediæ dantur, quæ animi scilicet passionibus, & perturbationibus modum imponunt. At vero vitium omne, quod iustitiæ adversatur in propria materia, in defectu positum est: neque enim contra iustitiam peccamus, dum plus reddimus, quam debemus; sed duntaxat, dum minus solvimus.

At enim vere iustitia medio non caret; illudque est ipsum *medium rei*, quod est æqualitas rerum a rebus ipsæ determinata vel secundum quantitatem, ut cum mutilanti decem nummos, decem pariter reddendi sunt; vel secundum proportionem, ut cum rependitur cuique, quod sibi debetur, sive sibi debitum facit juxta proprium meritum, ac dignitatem. Hoc autem *medium rei* quod confunditur cum *medio rationis*, non ita fixum, acque determinatum est, sicut illud, quod attingunt externæ virtutes. Illud immo variari potest pro loco, tempore, persona, aliisque circumstantiis ad arbitrium boni viti, ac pruden-

dentis. En de re hac S. Thomæ doctrina, quam tradit hic *quæst. 64. art. 2.* his verbis: *Justitia est circa operationes, qua consistunt in rebus exterioribus, in quibus rectum institui debet simpliciter, & secundum se. Et ideo medium rationis in justitia est idem cum medio rei, in quantum scilicet justitia dat unicuique, quod debet, & non plus, nec minus. Sed alie virtutes morales consistunt circa passiones interiores, in quibus rectum constitui eodem modo propter hoc, quod homines diversimode se habent ad passiones. Et ideo oportet, quod restitudo rationis in passionibus instituat per respectum ad nos, qui afficimur secundum passiones.*

XI. Alterius conditionis sunt virtutes theologicæ, quæ per se acceptæ, ad eaque objecta, in quæ tendunt, comparatæ, medium non habent, nec finem, nec terminum cavere debent, nec excessum timeant; & quo magis magisque in objectum suum conantur, eo perfectiores sunt. Unde tritum illud S. Bernardi ad Haim, scribentis, & charitatis causam, modumque expendendi: *Causa diligendi Deum, Deus est; mōs sive mōdo diligere.*

Argumentum, quod ad id probandum fuit Doctor Angelicus *art. 4.* istiusmodi est: „Regula virtutis theologicæ est ipse „Deus. Fides enim nostra regulatur secundum veritatem divinam: charitas „autem secundum bonitatem ejus: spes „demum secundum magnitudinem omnipotentis, & pietatis ejus. Et ista est „mensura excedens omnem humanam facultatem. Unde nunquam potest homo „tantum diligere Deum, quantum diligere debet: nec tantum credere, aut sperare in ipsum, quantum debet. Unde „multo minus potest ibi esse excessus: & „sic bonum talis virtutis non consistit in medio. Sed tanto est melius, quanto magis acceditur ad summum.”

XII. Verum sapienter monet ibidem S.

Thomas, regulam, vel mensuram virtutis theologicæ ex parte nostra præfigi: quia, etsi non possumus ferri in Deum, quantum debemus, debemus tamen ferri in ipsum credendo, sperando, & amando secundum mensuram nostræ conditionis. Unde per accidens potest in virtute theologicæ considerari medium, & extrema ex parte nostra. Quare vituperandus esset excessus illius, qui divini amoris exercitio aut tempus impenderet, quod aliis necessariis functionibus infundendum foret, aut vires suas, ac sanitatem frangeret: immo neque divinum amorem tunc eliceret, qui cum labe vitiosi excessus, & debitorum actuum ommissione conciliari nequit. Spei etiam, ac fidei medium ex parte nostra desumptum exponit S. Thomas *ibid. in resp. ad 3.* inquiens: *Spes media est inter presumptionem, & desperationem ex parte nostra; in quantum scilicet aliquis presumere dicitur ex eo, quod sperat a Deo bonum, quod excedit suam conditionem, vel non sperat, quod secundum suam conditionem sperare potest. Non autem potest esse superabundantia ex parte Dei, cujus bonitas est infinita. Erdes etiam media dici potest inter contrarias hereses, non per comparisonem ad objectum, quod est Deus, cui non potest aliquis nimis credere; sed in quantum ipsa opinio humana est media inter contrarias opiniones: sive in quantum, ut ait 2. 2. q. 17. art. 4. ad 2., unum verum est medium inter duo falsa.*

§. VI.

De virtutum connexionem, & harmoniam.

XIII. Nobilissima omnino est cujusque virtutis, quæ ipsi tribuitur, prærogativa, ut, ubi illa existerit, cæteras quoque comites habeat. De mutua quidem earum, quæ ad ordinem supernaturalem, aut gratiæ pertinent, inter se, & cum virtutum regina charitate, connexionem perspicua sunt,

sunt, quæ docet Angelicus Doctor *hic quæst. 65. art. 2. & 3.*, nimirum *cum charitate simul infundi omnes virtutes*; cuius rei elegantem rationem depromit ex iis, quæ in naturæ operibus conspiciuntur: „Deus, inquit, non minus perfecte operatur in operibus gratiæ, quam in operibus naturæ. Sic autem videmus in operibus naturæ, quod non invenitur principium aliquorum operum in aliqua re, quin inveniantur in ea, quæ sunt necessaria, ad huiusmodi opera perficienda; sicut in animalibus inveniuntur organa, quibus perfici possunt opera, ad quæ peragenda habet animal potestatem. Atqui vero sancta Dei charitas est primum principium vitæ supernaturalis, primamque tribuens potestatem ad opera huius vitæ exercenda. Igitur oportet, quod cum charitate simul infundantur omnes virtutes morales, quibus homo perficit singula genera bonorum operum.

XIV. Neque quispiam dicat, impossibile esse supernaturalium omnium virtutum infusionem cum charitate: siquidem plerumque contingit, sæpe homines in eo statu versari, cui virtutes omnes nequaquam conveniunt, ut magnificentia pauperi, virginitas uxorato, pœnitentia innocenti.

Respondet enim S. Thomas 2. 2. q. 15. art. 3. ad 2. his verbis: *Connexio virtutum accipitur secundum illud, quod est formale in virtutibus, idest secundum charitatem, vel prudentiam; non autem secundum id, quod est materiale in illis. Nihil enim prohibet alicui virtuoso suppetere materiam alicuius virtutis, non autem materiam alterius: sicut pauper habet materiam temperantia, non autem materiam magnificentia. Et hoc modo alicui habenti alias virtutes deest materia virginitatis, idest integritas carnis: attamen potest id, quod est formale in virginitate, habere, ut scilicet habeat in præparatione animi prædictæ virginitatis*

conservandæ propositum, si hoc sibi competeret. *Sic etiam pauper potest in præparatione animi habere propositum magnifico, sumptus faciendi. . . . Et similiter ille, qui est in prosperitate, habet in præparatione animi propositum adversa æquanimiter tolerandi. Et sic hac præparationis animi non potest esse aliquis virtuosus.*

XV. Quoad virtutes acquisitas attinet, eas considerat Præceptor Angelicus *hic art. 2.* in duplici statu; perfecto scilicet, & imperfecto. Imperfecta autem moralis virtus, ut ille docet, nihil aliud est, nisi *aliquis inclinatio in nobis existens ad opus aliquod de genere bonorum faciendum, sive talis inclinatio sit in nobis a natura, sive ex assuetudine.* Et si quidem hoc pacto virtutes accipiantur, affirmat non esse connexas: *Videmus enim, inquit, aliquem ex naturali complexione, vel ex aliqua consuetudine esse promptum ad opera liberalitatis, qui tamen non est promptus ad opera castitatis.*

Cæterum si loquamur de virtute morali perfecta, quæ nempe est habitus inclinans in bonum opus bene agendum, tradit virtutes morales sic acceptas invicem esse connexas: & hunc earum mutuum complexum fere ab omnibus admitti testatur. Ac perfecto præter antiquos Philosophos in hac sententia fuerunt Ecclesiæ Patres. Ambrosius lib. de Parad. c. 3. scribit: *In quo aliqua harum, quas diximus, principalis est virtus; ideo in eo etiam cætera præsto sunt, quia ipsa sibi sunt connexa, concretæque virtutes.* Augustinus lib. 6. de Trinit. cap. 9: *Virtutes, quæ sunt in animo humano, quamvis alio, atque alio modo singula intelligantur: nullo tamen modo possunt separari ab invicem.* S. Gregorius Magn. lib. 1. Moral. cap. 39: *Non enim unaquaque vera virtus est, si mixta aliis virtutibus non est.* Bernardus serm. de Annunciat. : *Non possunt esse virtutes, si ab invicem separantur.* Idem docent Hieronymus, alique.

Du-

Duplici ratione eandem connexionem confirmat S. Thomas, quarum unam tantum gratia brevitatis exhibeo, atque ita propono: Virtus moralis virtus perfecta esse non potest sine prudentia; siquidem proprium perfectæ moralis virtutis est recte eligere: ad rectam autem electionem non sufficit inclinatio in debitum finem, quæ est directe per habitum virtutis moralis; sed requiritur etiam, ut aliquis recto eligat ea, quæ sunt ad finem; quod efficitur per prudentiam, quæ est consiliativa, & iudicativa, & præceptiva eorum, quæ sunt ad finem. Similiter nec prudentia potest esse sine virtutibus moralibus, cum prudentia sit *recta ratio agibilium*: hæc autem ratio procedit tamquam ex principiis ex finibus agibilium, ad quos recte se habet aliquis per virtutes morales. Igitur &c.

§. VII.

De perfectione virtutum, quæ haberi in hac vita potest.

XVI. Existerunt hæretici plures, qui de virtutibus, & virtutum perfectione, quam consequi in hac mortali vita possumus, differentes, putarunt, posse hominem ad talem virtutum gradum pertingere, ut acquireret immunitatem ab omni peccato; atque hoc in statu virtutum studium, & exercitationem veluti in homine perfecto supervacaneam proscribere. Hi præter Pelagianos præcipui fuerunt Beguardi, & Beguine, qui decimotertio Ecclesiæ sæculo eruperunt, & non paucos subinde sectatores habuerunt elapso proxime Ecclesiæ sæculo, sicut etiam in præsentī. Hos omnes reprobavit Ecclesia, reprobaruntque Summi Pontifices, ac plurimi Auctores, qui de hoc argumento scripserunt. Ut autem & nos de his aliqua dicamus, & veritatem catholicam in clara luce ponamus, atque

confirmemus; adnoto in primis ex D. Thoma 2. 2. quæst. 184. art. 1. ad 2. *perfectiorem Christianam vitam attendi simpliciter secundum charitatem, per quam anima Deo coniungitur, & secundum alias virtutes secundum quod.* Charitas enim unit animam Deo, quæ ex unionem tota perfectio pendet; ac virtutes frangunt, regunt, ac moderantur animi perturbationes, quæ prædictam unionem impediunt.

Quapropter dum negamus animabus in hac vita degenibus consummatam illam virtutum perfectionem, quam saltem aliquibus memorati hæretici tribuerunt, eisque adjunctam impeccantiam; perinde est ac negare anime talem per charitatem in hac valle miserie unionem cum Deo, quæ major dari non possit; talem carendiam perturbationum animi, sive passionum, ut illæ veluti jam evulse, atque extinctæ virtutum opera non amplius indigeant; eamque impeccantiam, quæ iusti homines omni prorsus peccato etiam veniali vitam immunem ducere valeant, ac non pauci ipsa ducant.

XVII. Pluribus hanc veritatem illustravit, atque probavit S. Hieronymus adversus Pelagianos, maximeque lib. 1. ut præsentiam virtutum consummatam perfectionem refellat: primumque expendit humilem, sed veram Apostoli Pauli confessionem his verbis editam in Epist. ad Philipp. cap. 3. : *Non quod jam accepi (sic ille legit), aut jam perfectus sum: persequor autem, si comprehendam, in quo & apprehensus sum a Christo. Fratres, ego me necdum arbitror comprehendisse. . . . quotquot ergo perfecti sumus, hoc sentiamus. . . .* Quid est, inquit, Hieronymus, id, Apostolum, viroque huius vitæ perfectæ comprehendisse, quod non comprehendunt: accepisse, quod non accipiunt; & perfectos esse, qui nondum perfecti sunt? Quid ergo sapiamus, immo quid sapere debemus, quia

„ per-

„ perfecti non sumus? imperfectos videri, licet nos esse confiteri, & necdum comm- prehensisse, necdum accepisse “. Hinc duos in Scripturis sanctis colligit ille distinguere perfectiones, duas iustitias, & duos timores : Primam perfectionem, & incomparabilem veritatem, perfectamque iustitiam Dei virtutibus coaptandam; alteram autem, quam competit nostrae fragilitati. Hanc posteriorem absque novo non esse, pergit ille probare tum illis *Psal. 142.* verbis : *Non iustificabitur in conspectu tuo omnis vivens* ; tum exemplis Zachariae, & Elisabeth, qui iusti dicti sunt secundum eam iustitiam, quae possit in iniustitiam aliquando mutari ; tum aliis fundamentis .

Eundem errorem persequitur etiam Hieronymus in Joviniano ; & inter alia haec profert ex Scripturis testimonia . Joan. Epist. 1. cap. 1. : *Si confiteamur peccata nostra, fidelis, & iustus est, ut remittat nobis peccata, & mundet nos ab omni iniquitate.* Et ibid. vers. 10. : *Si dixerimus, quia non peccavimus, mendacem facimus eum, & verbum ejus non est in nobis.* Illud etiam animadvertit, quod cap. 5. Apostolus idem, postquam dixerat, non peccare, qui natus est ex Deo, statim subjungit : *filiali, custodite vos a simulacris* ; quae omnia elare negant mortalis hominis consummaram virtutum perfectionem, peccantique impotentiam .

XVIII. Tum haec, tum alia plura in ejusdem dogmatis confirmationem producit S. Augustinus adversum Pelagianos, ex quibus satis sint quædam, quæ habet in lib. *de perfect. Just. hom.*, nimirum cap. 14. lib. *Job.* : *Quis mundus est a peccato? Nec insani, cuius est unius diei vita super terram.* Ex quo libro, cum hæc, quæ sequuntur, deciperent Pelagiani in sui erroris patrocinium, apte resolvit, atque explicat S. Doctor; nempe opponebant illi primum illud cap. 12. : *Iustus animi vir, & sine quærela solus sum in derisum*; ac si, *Paucissimi Theol. Mor. T. II.*

reponit Augustinus, non posset dici bono iustus, qui perfectiori iustitie plurimum affuevit. Deinde aliud cap. 13. : *Ecco ego proximus sum iudicio meo, & scio, quia iustus inveniar.* Sane iusti (respondet) illo iudicio, quo in fine omnes iudicandi sunt, invenientur omnes, qui non fallaciter dicunt : *Dimitte nobis debita nostra.* Tertio quoque illud c. 9. : *Vias ejus custodivi, & non declinavi a mandatis ejus, neque discedam*; sensus nempe est, custodire vias Dei, qui non se exorbitat, ut eas relinquat; sed in eis currendo proficit, & si aliquando, ut infirmus offendit, proficit tamen minuendo peccata, donec perveniat, ubi sua peccata sit .

Sed & aliud splendidissimum testimonium subministrat Epist. 1. Joan. cap. 1. : *Si dixerimus, quia peccatum non habemus, ipsi nos seducimus, & veritas in nobis non est*; quod certe adeo clarum est, ut obnubilari nullatenus queat alio, quod ex eadem Epist. opponebant Pelagiani; videlicet : *Omnis, qui natus est ex Deo, peccatum non facit*; quoniam semen ipsius in eo manet, & non potest peccare; quia ex Deo natus est. Obvia quippe ejusdem S. Augustini responsio est; ita nimirum esse, secundum quod ex Deo nati sumus : secundum autem, quod de homine nati sumus, per quem peccatum intravit in mundum, sine peccato non sumus; quia sine illius infirmitate nondum sumus; donec illa renovetur, quæ fit de die in diem . . . infirmitas nostra &c. Quæ verba insinuant præcipuum totius disputationis momentum; quia in hac via nondum facta est reparatio appetitus sentientis, sive nondum reparata sanitas, prout ex D. Thoma subinde notabimus .

XIX. Hæc concertatio inter SS. Augustinum, & Hieronymum ex una parte, & Pelagianos ex alia, sublata tandem fuit in plenario Africæ Concilio, tribus editis Decretis adversus Pelagianorum errores, ex quibus etiam validissimum argumentum Q. su-

sumitur ad contentendos eosdem, quos ex ore excitavit tum Beguardi, tum Michael de Molines, alique.

Primus Canon, qui sexto loco ponitur in Concilio Milevitano II. sic effert: *Item placuit, quod ait S. Joannes Apostolus: Si dixerimus, quia peccatum non habemus, nos ipsos seducimus, & veritas in nobis non est; quisquis sic accipiendum putaverit, ut dicat propter humilitatem oportere dici, nos habere peccata, non quis ita est; anathema sit.* Sequitur enim Apostolus, & adjungit: Si confessi fuerimus peccata nostra, fidelis est Deus, & justus, qui remittat nobis peccata, & mundet nos ab omni iniquitate: ubi satis apparet, hoc non tantum humiliter, sed etiam veraciter dici &c.

Alter, qui septimus est in eodem Milevitano Concilio, hæc habet: *Item placuit, ut quicumque dixerit in oratione Domini, ideo dicere Sanctos: Dimitte nobis debita nostra; ut non pro ipsis hoc dicant, quia non est eis jam vera ista petitio, sed pro aliis, qui sunt in suo populo peccatores; & ideo non dicere ullum Sanctorum: Dimitte mihi debita mea; sed: Dimitte nobis debita nostra; ut hoc pro aliis potius, quam pro se justus petere intelligatur, anathema sit.* Sanctus enim, & justus erat Apostolus Jacobus, cum dicebat: In multis enim offendimus omnes. Nam quare additum est: omnes? nisi ut ista sententia conveniret & Psalmo, ubi legitur: Non intres in judicio cum servo tuo: quia non iustificabitur in conspectu tuo omnia vivens & in ore sapientissimi Salomonis: Non est homo, qui non peccet; & in lib. Job.: In manu omnis hominis signat, ut sciat omnis homo infirmitatem suam. Unde etiam Daniel sanctus, & justus, cum in oratione pluraliter diceret: Peccavimus, iniquitatem fecimus, & cetera, qua ibi veraciter, & humiliter confitetur, ne putaretur, quemadmodum quidam sentiunt, hæc non de suis, sed de populi potius dixisse peccatis, postea

dicit: Cum orarem, & confiterer peccata mea, & peccata populi mei Domino Deo nostro; noluit dicere peccata nostra, sed & populi sui dixit, & sua &c.

Tertius tandem Canon, qui in ordine octavus est, ita decernit: *Item placuit, ut quicumque verba ista Domini orationis, ubi dicimus: Dimitte debita nostra, ita voluit a Sanctis dici, ut humiliter, non veraciter hoc dicatur, anathema sit.* Quis enim ferat orantem, & non hominibus, sed ipsi Domino mentientem, qui labiis sibi dicere dimitti vellet; & corde dicit, quæ sibi dimittantur, peccata non habere?

Verum ipsum quoque Tridentinum Concilium errorem eundem profligavit lib. 6. de Justif. Can. 23. ubi statuit: Si quis dixerit, hominem semel iustificatum posse in tota vita omnia peccata vitare, etiam venialia, nisi ex speciali privilegio, quemadmodum de Beata virgine tenet Ecclesia, anathema sit.

XX. Præcipuum Catholici dogmatis fundamentum proponitur a S. Augustino, declaraturque amplius a S. Thoma. Prior lib. de perf. Just. Cælestis interroganti, an quodcumque peccatum vitari possit, aut vitari non possit, responderi, vitari posse peccatum, si natura vitata sanetur, gratia scilicet per Jesum Christum Dominum nostrum; in tantum enim sana non est, in quantum id, quod faciendum est, aut caritate non videt, aut infirmitate non implet, dum caro concupiscit adversus spiritum, & spiritus adversus carnem, ut non ea, quæ vult, homo faciat. Hoc est, felicitas hæc erat sani, & innocentis hominis, cui Deus condens naturam, tantam largitus est gratiam, quæ mentem Deo, & appetitui menti perfecte subiciebat, omni compressa ejusdem appetitus contra mentem perturbatione, ac seditione. Excidit homo, cum lapsus est, ab hac felicitate, & adeo felicem potestatem amisit. Gratia Dei per Jesum Christum sanatur quidem mens hominis, dum san-

Æ charitatis diffusionem in Deum convertitur. Sed integra homini non restituitur sanitas, adhuc carne concupiscente adversus spiritum. Atque adheo, quemadmodum gratia tum actualis, tum habitualis, quam Deus hominibus elargitur in hoc reparata naturæ statu, secundum communem suæ providentiæ legem, nec fomitem concupiscentiæ extinguir, nec ligat; ita vires non tribuit, quibus homines sanctificati sine omni peccato vivere valeant.

Rationem hanc præclare illustrat S. Thomas in *Disp. q. 9. de charit. art. 10.* ubi etiam perfectionem omnem præsentis vitæ declarat. Tria enumerat perfectionis, consummatæque virtutis impedimenta. Primum est contraria inclinatio mentis, quando mens per peccatum conversa ad commutabile bonum, sicut ad suam, avertitur ab incommutabili bono. Deinde occupatio secularium bonorum: quia, ut dicit Apostolus; Qui cum uxore est, sollicitus est, quæ sunt mundi, quomodo placeat uxori, & divisus est: & cor ejus non movetur tantum in Deum. Denique infirmitas præsentis vitæ, cujus necessitatibus oportet hominem aliquatenus occupari, & retrahi, ne casualiter mens feratur in Deum; & corporis gravitas, quæ deprimitur anima.

Docet nihilominus S. Præceptor, hominem in hac vita posse sine peccato mortali esse, quod avertit ipsum a Deo, & iterum sine occupatione temporalium rerum, sicut Apostolus dicit: Qui sine uxore est, sollicitus est de his, quæ sunt Domini, quomodo placeat Deo: Sed ab eorum corruptibilibus carnalis in hac vita liberum esse non posse. Ex quo infert, charitatem, ceteraque, quæ cum ea junguntur, vi tutes perfecti posse in hac vita, quantum ad remotionem primorum duorum impedimentorum; secus ad remotionem tertii impedimenti.

XXI. Atque hoc tertio impedimento manifeste ostenditur, hominem in hac vita minime sanati perfecte posse; nec tam

perfectum acquirere virtutum statum, qui ipsum provehat ad omnimodam impeccantiam, per gratiam illam, quam Deus juxta communem suæ providentiæ legem dispensat, nec vires communes, & ordinarias gratiæ tantum homini tribuere potestatem, ut absque omni peccato vitam ducere queat, aut integram peccatorum venialium collectionem per totam vitam, aut aliquod diuturnum, & notabile tempus vivere valeat. Aurea est ejusdem Præceptoris doctrina, quam tradit 1. 2. q. 109. art. 8. Docet nempe, in statu naturæ corruptæ indigere hominem gratia habituali, sanante naturam ad hoc, quod omnino a peccato abstinere. Sed hæc sanans gratia juxta communes providentiæ leges conceditur a Deo, ut menti quidem sanitas restitatur, non appetitui. Hinc ait ille: Sanatio primo fit in præsentī vitā secundum mentem, appetitui carnali nondum totaliter reparato. Unde Apost. ad Rom. 7. in persona hominis reparati dicit: Ego ipse mente servio legi Dei; carne autem legi peccati.

Ex his patet falsitas alterius commentii traditi a Beguards, & Beguinis; nimirum non oportere vel jejunare, vel orare hominem, postquam ad gradum ultimum perfectionis in hac vita pervenerit: quia tunc sensualitas est ita perfecta spiritui, & rationi subiecta, ut possit homo libere corpori concedere, quicquid placuerit. Quam longe enim hoc a veritate abhorreat, quæ dicta sunt, manifestant: quemadmodum & illud, quod subdicebant, sese exercere in actibus virtutum hominis esse imperfecti, animamque perfectam licentiare a se virtutem. Quem errorem præter alia reprobabat etiam, & confundit tota viri Christi, & Sanctorum perfectorum, qui se in actibus virtutum continenter exercebant.

XXII. At vero, cum dixerimus possibile non esse, ut aliquis in hoc statu corruptus

ruptæ naturæ ad eam virtutum perfectionem perveniat, ut immunis omnino sit a peccato saltem vcniali per totam vitam, imo per diuturnum tempus; inquit aliquis, cujus generis, aut conditionis sit hæc impossibilitas?

Egregius vir P. Thomas de Lemo. T. 4. *Parop. tract. 2. cap. 5.* respondet primo, hanc impossibilitatem non esse physicam, & absolutam, sive ex ipsa rei natura perfectam, ac si potestas nunquam peccandi voluntati repugnaret. At subinde, moralem duntaxat dici non posse eo sensu, quod moraliter impossibile id appellare solemus, quod nisi magna cum difficultate præstamus, vel quod ut plurimum non fit, licet aliquando fieri possit. Hinc tertio addit, moralem esse eo sensu, quod peccato primi parentis infirmus factus homo; non dum appetitui inferiori sanitate restituta, vires non habet, quibus omni peccato intra diuturnum, aut notabile tempus abstinere. PP. Salmanticenses T. 5. *tract. 14. disp. 2.* nedum moralem, sed etiam physicam hanc impotentiam vocant: quia nempe gratia, quam juxta commune providentiam largitur Deus hominib. reparato, sicut non extinguit, nec ligat concupiscentie seminem, ita neque vires tribuit, quibus homo quantalibet perfectione donatus, vitam ducere valeat sine peccato.

§. VIII.

De Donis Spiritus Sancti.

XXIII. Doctrinæ de virtutibus generatim inspectis obiter adnecto, quæ subinde tradit S. Thomas quest. 68. *de Donis*, quæ art. 1. a virtutibus ipse distinguit; & constituit in quibusdam qualitatibus, secundum quas homo disponitur, ut efficiatur prompte nobilis ab inspiratione divina extraordinaria, ut facile eam recipiat, prompteq. exequatur. Hujusmodi dona homini esse necessa-

ria probat art. 2. t. quia aliqua contingunt in humana vita, in quibus non sufficit infirmus rationis, sed est necessarius infirmus Spiritus Sancti. Quamvis enim per virtutes homo multa cognoscat, atque agere possit; quia tamen rationi humanæ non sunt omnia cognita, nec possibilia: inde est, quod præter virtutes requirantur motiones, sive Spiritus Sancti infirmus, seu dona, quibus disponatur, ut ea, quæ sunt extraordinaria, cognoscat, simulque perficiat.

Dona hæc esse habitus quosdam, qui simul infunduntur cum gratia sanctificante, ostendit art. 3., tum quia Christus de Spiritu Sancto Discipulis loquens ait Joan. 14.: *Apud vos manebit, & in vobis erit*: tum quia dona sunt perfectiones quædam permanentes, quibus homo disponitur, ut bene sequatur infirmum Spiritus Sancti.

Art. deinde 4. septem Spiritus Sancti dona congrue in Scripturis enumerari docet; nimirum *sapientia, intellectus, consilii, fortitudo, scientia, pietas, & timor Domini*. Cujus numeri convenientia ita potest declarari. Spiritus Sanctus aut intellectum movet, aut appetitum. Si intellectum: vel perficit eum quantum ad apprehensionem, ut divina recte percipiat, ac penetret; & ad hoc est donum *intellectus*: vel perficit, quantum ad iudicium, quo homo decernat, qua ratione erga res omnes divinas, & humanas, easque sive in generali, sive in particulari se habere debeat; & si quidem percipiat in generali circa res divinas, ad hoc est donum *sapientie*: si generatim circa res humanas, est donum *scientie*: si circa particularia agibilia, est donum *consilii*. Quod si Spiritus Sanctus moveat appetitum, vel eum perficit in iis, quæ sunt ad alterum; & ad hoc est donum *pietatis*; vel in iis, quæ sunt ad seipsum, idque, vel ut nulla difficultate retrahatur a prosecutione boni ardui; & est donum *fortitudinis*: vel ut illi-

ci-

citae delectationes respuat; & ea donum timoris.

Ex his facile patet, quomodo unumquodque horum donorum describi possit; unumquodque donum sapientia est qualitas, vel habitus, quo homo disponitur, ut sit prompte mobilis a Spiritu Sancto, ut recte iudicet de rebus divinis, etiam excellentiori, & extraordinario modo cognitis: quod eis inherendum sit, & ab oppositis recedendum.

Donum intellectus est, quod animum disponit, ut peculiari instinctu moveri prompte valeat ad divina recte percipienda, & juxta conditionem suam penetranda.

Donum scientia est, quo disponitur homo, ut ex speciali illustratione cognoscere queat, & judicare de rebus humanis, quatenus ad Deum perducant. Non enim hic agitur de scientia naturali; sed Christiana, quae ad animae salutem pertinet.

Consilii donum est, quo prompti reddimur ad bene deliberandum, resolvendumque, quid in rebus difficilioribus, ac praesertim inopinatis ad animae salutem pertinentibus, vel Dei gloriam promerentibus, optimum sit eligendum, & faciendum.

Donum fortitudinis est, quo disponitur animus ad fortiter tolerandum adversa, maximeque quae praeter expectationem occurrunt, vel ad aggrediendum gravia, & insolita pericula.

Dono pietatis disponitur, ut bene nos habeamus erga Deum, ejusque cultum, potissimum in casibus extraordinariis.

Denique donum timoris disponit hominem, ut recedat a malis praesertim delectationibus, & concupiscentiis etiam vehementioribus, & extraordinariis. Atque haec pauca de Donis satis.

CAPUT II.

CONJECTARIA PRÆCEDENTIS DOCTRINÆ.

- I. Quo sensu accipienda sint sententia S. Augustini virtutem per amorem deficientis.
- II. Proprium virtutis subiectum mens est, sive ratio.
- III. Diversa plane sunt virtutum semina, quae ab Ecclesia Patribus admittuntur in homine, ab iis, quae admissa fuerunt a Cassiano, & Semipelagianis.
- IV. Egregia S. Thome doctrina, quae difficultates diluuntur ad virtutum moralium connexionem pertinentes.
- V. Virtutes acquisite non sunt simpliciter, & absolute virtutes, si cum caritate non jungantur, eas ad Deum ultimum finem ordiante.
- VI. Verosimilior, & omnino tenenda sententia est, quae praeter fidem, spem, & caritatem, alias virtutes infusas agnoscit.
- VII. Virtutum connexio non exigit, ut sancti vivi in omnibus virtutibus aequè praesulgeant.
- VIII. Quam merito ab Ecclesia damnatae sint plures propositiones Michaelis de Molinos, quoad virtutum perfectionem ab ipso invellam.
- IX. Jure quoque, ac merito aliae proscriptae sunt de eodem argumento Francisci de Fenelon propositiones.
- X. Homini in hac vita degenti tribuenda nunquam est apathia, & imbecillitas.
- XI. Quantalibet perfectio donetur homo, semper tamen indiget oratione, jejunio, carnisque, ac passionum mortificatione.
- XII. Licet nec in tota vita, nec aliquo diuturno tempore peccatum omne leve, ac veniale praeveri queat; pro aliquo saltem brevi tempore ab illo abstinere possumus.
- XIII. Haec immunitas ab omni etiam levi peccato.

cata per totam vitam privilegium specialissimum est Deipara Virgini a Deo concessum.

Reflexio.

CONSECTARIUM PRIMUM.

I. CUM S. Augustinus virtutis notionem explicat per amorem, ut nedum loco jam supra citato, sed etiam lib. de morib. Eccles. Cathol. cap. 15., ubi ait: *Quatuor virtutes sic definire non dubitem, ut temperantia sit amor integrum se probens ei, quod amat; fortitudo amor facile tolerans omnia propter quod amatur; iustitia amor soli amato serviens, et propterea recte dominans; prudentia ea, quibus adjuvatur ab eis, quibus impeditur, sagaciter feligens etc.* Cum, inquam, hæc, & similia habet S. Doctor de virtutibus generatim, ejus verba haud preesse accipienda sunt; sed eo pacto, quo ea intelligit S. Thomas *quest. 66. art. 3.* ubi docet, etiam intellectum, ejus proprius actus non est amor, subiectum esse virtutis. Cum enim hujusmodi locutionem S. Patris sibi objecisset, responderet: *Quod verbum Augustini intelligendum est de virtute simpliciter dicta, non quod omnis talis virtus sit simpliciter amor; sed quia dependet aliquantulum ab amore, in quantum dependet a voluntate, ejus prima affectio est amor.* Atque hoc sensu etiam prudentia, quæ in intellectu residet, amor dici potest, ac debet.

CONSECTARIUM SECUNDUM.

II. Nulla virtus potest esse in irrationali parte animæ, nisi in quantum participat rationem. Et ideo ratio, sive mens est proprium subiectum virtutis humanæ. Ita D. Thomas t. 1. *quest. 55. art. 4. ad 2.* Quare facultates irascibilis, & concupiscibilis, ut habet *quest. 66. art. 4.*, si considerentur secundum se, quatenus sunt partes appetitus sentientis non competit eis, quod

sint subiectum virtutis: sed quatenus duntaxat participant rationem. Unde etiam docet, quod virtus, quæ est in irascibili, & concupiscibili, nihil est, quam quædam habitualis conformitas istarum potentiarum ad rationem.

CONSECTARIUM TERTIUM.

III. Quoties invenitur in S. Augustino, aliivve Ecclesiæ Patribus, quemadmodum & in S. Thoma, inesse nobis semina, aut seminearia virtutum; diverso plane in sensu locuti sunt, ac illas voces intellexerunt Semipelagiani. Hi siquidem sicut admittiebant initium salutis in nobis esse abque divina gratia, sic etiam talia in homine virtutum semina posuerunt, quæ salutaria forent; hoc est, quæ ad spirituales animæ salutem pertinerent, essentque veluti principium operum salutarium, de quibus loquens S. Prosper cap. 27. ait: *Virtutum semina, quæ beneficio Creatoris inserta sunt, pravariatione primi Parentis eversa fuisse.* Unde ita concludit cap. 29.: *Ergo omnia, quæ ad vitam, & pietatem pertinent, non per naturam, quæ vitiosa est, habemus; sed per gratiam, quæ natura reparatur, accipimus.* Alterius rationis sunt ea virtutum semina, quæ nos cum Sanctis Ecclesiæ Doctoribus adstruimus, ut liquido constet ex his, quæ ex D. Thoma in hanc rem protulimus.

CONSECTARIUM QUARTUM.

IV. Digna peculiari animadversione est egregia S. Thomæ doctrina circa virtutum moralium connexionem, quam habet hic *quest. 65. art. 1. ad 1.*; nimirum, virtutum moralium quædam perficiunt hominem secundum commune statum, scilicet quantum ad ea, quæ communiter in omni vita hominum occurrunt agentibus. Unde oportet, quod homo simul exercetetur circa materias omnium vir-

„ tu-

tutum moralium. Et si quidem circa
 omnes exercitetur bene operando, ac-
 quiritur habitus omnium virtutum mora-
 lium. Si autem exercitetur bene ope-
 rando circa unam materiam, non autem
 circa aliam (puta, bene se habeat cir-
 ca iras, non autem circa concupiscen-
 tias); acquireret quidem habitum aliquem
 ad refranandum iras: qui tamen non
 habebit rationem virtutis propter de-
 fectum prudentiæ, quæ circa concu-
 piscentias corrumpitur: sic etiam natu-
 rales inclinationes non habent perfectam
 rationem virtutis, si prudentia desit.
 Quædam vero virtutes morales sunt,
 quæ perficiunt hominem secundum ali-
 quem convenientiam statum: sicut *mo-
 gificentia*, & *magnanimitas*. Et quia
 exercitium circa materiam harum virtu-
 tum non occurrit unicuique communiter,
 potest aliquis habere virtutes morales
 sine hoc, quod habitum harum virtu-
 tum habeat actu, loquendo de virtuti-
 bus acquisitis. Sed tamen, acquisitis
 aliis virtutibus, habet istas virtutes in
 potentia propinqua. Cum enim aliquis
 per exercitium adeptus est liberalitatem
 circa medioeres donationes, & sumptus,
 si superveniat ei abundantia pecuniarum,
 modico exercitio acquireret magnificentiæ
 habitum: sicut Geometer modico studio
 acquirit scientiam alicuius conclusionis,
 quam nondum consideravit. Illud autem
 habere dicimus, quod in promptu est,
 ut habeamus. Nil luculentius dici
 potuit.

CONSECTARIUM QUINTUM.

V. Equidem ut virtutes morales ac-
 quisitæ aliquo modo vere virtutes sint, a cha-
 ritate non pendunt: simpliciter tamen, &
 absolute virtutes non sunt, nisi cum cha-
 ritate jungantur, & ab ipsa ad finem ul-
 timum, qui Deus est, ordinentur. Ita D.

Thomas hic *quest. 65. art. 2.*, ubi cum
 necessitatem charitatis ad virtutum perfe-
 ctionem statuisse, concludit his verbis:
 Patet igitur, quod *sola virtutes infusæ
 sunt perfectæ, & simpliciter* dicendæ vir-
 tutes: quia bene ordinant hominem ad
 finem ultimum simpliciter: aliæ vero
 virtutes, scilicet acquisitæ, sunt *secun-
 dum quid* virtutes, non autem simplici-
 ter; ordinant enim hominem bene res-
 pectu finis ultimi in aliquo genere: non
 autem respectu finis ultimi simpliciter,
 nempe Dei; quod sola charitas præstat,
 quæ Deum respicit velut ultimum finem,
 ad quem referri debent bonæ ipsæ actio-
 nes, atque virtutes.

CONSECTARIUM SEXTUM.

VI. Quamquam fide certum non sit, ad-
 mitrendas esse præter fidem, spem, &
 charitatem alias virtutes infusas, tenenda
 tamen omnino ea sententia est, quæ ipsas
 adstruit, cum plurima præsto sint Scriptu-
 rarum testimonia, quæ eidem maxime fa-
 vent; eisdemque suffragium ferant plures
 Ecclesiæ Patres, Ambr. *l. 6. Exam. c. 7.*,
 August. *tract. 8. in epist. 1. Joan.*, Prosper.
cap. 27. cont. Collat., Gregor. Magn. *hom.*
5. in Ezech.; eamque S. Thomas hic *q. 65.*
art. 3. confirmat optima ratione quam in-
 dicavimus.

CONSECTARIUM SEPTIMUM.

VII. Non ex eo, quod virtutes sint in-
 vicem connexæ, existimare debemus, San-
 ctos viros æque in omnibus excellere virtu-
 tibus: quin potius easdem ita largiri solet
 bonorum omnium Author Deus, ut unus-
 quisque Sanctorum in aliqua cæteris præ-
 emineat. Hinc Ambrosius loco supra cita-
 to scripsit: *Sanctis una competit virtus; sed
 ei, quæ fuerit uberius, uberius est preminuit.*
*Quanta hospitalitas in Abraham, quanta ho-
 militas, quanta sanctitas, ut fratris filium*
 ab

*ab hoste servaret, & quanta abstinentia, ut nihil de præda quereret? Sed quia fide præfuit, fidei præ ceteris meruit principatum. Hinc etiam Sacra Scriptura propriam aliquibus in virtutibus sanctitatis excellentiam tribuit, ut inter alios observat S. Joan. Chrysost. *serm. de mart.* dum Abel vocatur *innocens*. Henoc *Deo placens*, Noe *justus*, Abraham *fidelis*, Moyses *mansuetus*, Joseph *cæstus*, David *lenis*, Elias *acceptus*, Daniel *sanctus* &c.*

CONSECTARIUM OCTAVUM.

VIII. Jure meritoque damnaræ ab Ecclesia fuerunt in Decreto Innocentii XI. edito anno 1627. sequentes Michaelis de Molinos propositiones ex fecibus Beguardorum, & Beguardarum hauriæ; nempe

Prima in ordine 55.: *Per hanc viam internam pervenitur, etsi multa tum sufferentia, ad purgandas, & extinguendas omnes passiones; ita quod nihil amplius sentitur, nihil, nihil: nec ulla sentitur inquietudo, sicut corpus mortuum; nec anima se amplius commoveri sentit.*

Secunda in ordine 56.: *Due leges, & due cupiditates anima; una caritatis, & amoris proprii altera, tamdiu perdurant, quamliu perdurat amor proprius. Unde, quando hic purgatus est, & mortuus, ut fit per viam internam, non adsunt amplius illæ due leges, & due cupiditates: nec ulterius lapsus aliquis incurritur, nec aliquid sentitur amplius, nisi quidem veniale peccatum.*

Tertia in ordine 57.: *Per contemplationem acquisitam pervenitur ad statum non faciendi amplius, ne quidem veniale peccatum, peccata mortalia, nec venialia.*

Quarta in ordine 61.: *Anima, cum ad mortem mysticam pervenit, non potest amplius aliud velle, quævis qual Deus vult: quia non habet amplius voluntatem, & Deus illi eam adsulit.*

Quinta in ordine 62.: *Per viam internam*

pervenitur ad continuum statum immobilem in pace imperturbabili.

Errorum primum Beguardorum, quem rejecimus, ut nemo non videt, producit hujusmodi propositiones. Aliæ, quæ sequuntur, alterum eorumdem insinuant. Itaque sexta propositio Michaelis de Molinos damnata in decreto Innocentiano, ordine 14. hæc est: *Qui divine voluntati resignatus est, non convenit, ut a Deo rem aliquam petat: quia petere est imperfectio, cum sit alius propriæ voluntatis, & electionis: & est velle, quoti divina voluntas nostra conformetur; & non quod nostra divina.*

Septima in ordine 17.: *Tradito Deo libero arbitrio, & eidem relicta cura, & cogitatione anima nostra, non est amplius habenda ratio tentationum, nec eis alia resistentiæ fieri debet, nisi negative, nulla adhibita industria: & si natura commoveatur, oportet scire ut commoveatur; quia est natura.*

Octava in ordine 38.: *Crux voluntaria mortificationum pondus gravis est, & infructuosum; ideoque dimittenda.*

Nona in ordine 39.: *Saudivora opere, & penitentia, quas peregerunt Sancti, non sufficiunt ad removendam ab anima vel unicam adhesionem.*

Decima in ordine 40., Beata Virgo unquam unquam opus exterius peregit, & tamen fuit sanctis omnibus sanctior. Igitur ad sanctitatem perveniri potest absque opere exteriori.

Sal & alium Beguardorum errorem exhibent sequentes ejusdem Auctoris propositiones; atque alio merito in Decreto Innocentii anathemate percussæ.

Undecima in ordine 29.: *Dum anima interna scindit discursus de Deo, & virtutes, & frigida remanet, nullam in se ipsa sentiens fervorem, bonum signum est.*

Duodecima in ordine 31.: *Nullus meditationis veras virtutes exercet internas, quæ non debent a sensibus cognosci. Opus est amittere virtutes.*

De-

Decimatercia in ordine 32. : *Nec ante, nec post communionem alia requiritur preparatio, aut gratiarum actio (pro istis animabus internis), quam permanentia in solita resignatione passiva : quis modo perfectiore supplet omnes actus virtutum, qui possunt, & sunt in via ordinaria. Et si hac occasione communionis insurgunt motus humilitionis, petitionis, aut gratiarum actionis, reprimentur, quoties non dignoscuntur eos esse ex impulsu speciali Dei : alias sunt impulsus naturæ nondum mortuæ.*

Decimaquarta in ordine 35. : *Non convenit animabus hujus vitæ internæ, quod faciant operationes etiam virtuosas ex propria elevatione, & activitate; alias non essent mortuæ : nec debent eliceræ affectus amoris erga B. Virginem, Sanctos, & Humanitatem Christi; quia, cum ista objecta sensibilia sint, talis est amor erga illa.*

Hæ, aliæque hujusmodi fursus infectæ propositiones damnatæ fuerunt in laudato Decreto tamquam hereticæ, suspectæ, erroneæ, scandalosæ, blasphemæ, pium aurium offensivæ, temerariæ, Christianæ disciplinæ relaxativæ, & everisivæ, & seditiosæ respectivæ.

CONSECTARIUM NONUM.

IX. Non minus jure, ac merito proscriptæ sunt ab Ecclesia propositiones aliæ, quas invenit Franciscus de Fenelon Archiepiscopus Cameracensis, qui tamen non iisdem Authoribus Beguardis, & Beguinis, sicut etiam Michaeli de Molinos accensendus est, a quorum spurcissimis erroribus longe recessit; suasque doctrinas, statim ut audivit, ab Innocentio XII. & Ecclesiæ Romanæ oraculo reprobari, lubenti animo ejuravit. Hic in libro, quem edidit hoc titulo: *Placita Sanctorum circa viam interiorem, inceptum*, duas hæc in argumento, quo de agnitus, evulgavit malefanas, falsasque propositiones; nimirum 18. in ordine: In

Patuzzi Theol. Mor. T. II.

statu passivo exercentur omnes virtutes distinctæ, non cogitando, quod sint virtutes. In quolibet momento aliud non cogitatur, quam facere id, quod Deus vult; & amor zelotypus simul efficit, ne quis amplius sibi virtutem velit, nec unquam sit adeo virtute præditus, quam cum virtuti amplius affixus non est. Altera in ordine n. 21. : *Sancti mystici excludunt a statu animarum transformationum exercitationem virtutum.*

CONSECTARIUM DECIMUM.

Nullatenus homini vitam hanc mortalem agenti absolute concedenda est *apatibia*, seu passionum omnium vacuitas, & impeccantia, qua vitam omni prorsus etiam veniali peccato immunem ducere valeat, & reapse saltem aliqui ducant. Neque id solum negandum est fieri posse sine gratia, ut Pelagiani asseruisse videntur, in quorum systemate vera omnis Christi gratia expungebatur. Sed neque ad id satis esse dicendum est vires gratiæ tum habitualis, tum actualis, quas iustis hominibus confert Deus in præsentī vitæ secundum legem communem, cursumque ordinarium. Hoc consecrarium ex thesi constituta, & doctrinis SS. Patrum fuit appetitissime.

CONSECTARIUM UNDECIMUM.

XI. Quantaecumque perfectione per Christi gratiam donatus homo sit in hac vitæ, opus semper habet oratione, jejuniis, carnis mortificatione, cultuque, & exercitio virtutis. Hoc exploratissimum est ex damnatis tum in Pelagianis, tum in Beguardis, & Beguinis, tum etiam in Michaeli de Molinos propositionibus. Et profecto fieri minime potest, ut homo, qui juxta vires communes, & ordinarias gratiæ sanatur quidem quantum ad mentem, carne tamen servit legi peccati; non egeat oratione, qua Dei adiutorium continenter exposcat, nec jejuniis, quo corpus castiget, & in

& in servitutem religat, nec virtutum studio, quibus tamquam fœnis animæ perturbationes magis, magisque cohibeat.

CONJECTARIUM DUODECIMUM.

XII. Licet possibile neutricam sit, hominem in hac valle miseriæ tota vita, aut etiam diuturno tempore consistere sine peccato saltem veniali; nihil tamen est, cur negemus pro modo, & tempore, & imbecillitatis corporeæ conditione ab omni posse etiam levi peccato ad breve tempus abstinere. Verum hoc breve tempus quis definiverit, nisi Deus, cui humanæ imbecillitatis noti sunt modi omnes, & conditiones? Unde Hieronymus loco supra laudato, nulla posita brevis huiusce temporis mensura, id duntaxat asserit humanam scilicet conditionem, si paulum se remiserit, discere fragilitatem suam. Monet etiam S. Augustinus in lib. de perfect. iust. hom. cap. 14., *Quantalibet iustitia sit præditus homo, cogitare debet, ne aliquid in illo, quod ipse non videt, invenjatur esse culpandum, cum Rex iustus federit in throno, cuius cognitionem delicta fugere non possunt, nec ulla, de quibus dictum est: Delicta quis intelligit.*

CONJECTARIUM DECIMUMTERTIUM.

XIII. His tamen nihil obstantibus asserendum omnino est, hanc immunitatem ab omni etiam levi peccato, singulari plane privilegio, concessam fuisse Beatissimæ Virgini Dei genitrici Mariæ. Hanc ipsi specialem prærogativam Ecclesia tribuit, testimonium perhibentibus sacre Synodi Tridentinæ Patribus, qui sess. 6. de iustif. Can. 23. ita testati sunt: *Si quis dixerit, hominem semel iustificatum posse in tota vita peccata omnia, etiam venialia, vitare, nisi speciali Dei privilegio, quemadmodum de Beata Virgine Maria tenet Ecclesia, anathema sit.* Quæ verba expendens V. C. Fran-

ciscus Sylvius 3. p. 9. 27. art. 4. adnotat expresse definitum non esse B. Virginem Mariam sine omni peccato fuisse, aut Ecclesiam hanc tenere impeccantiam tamquam fidei dogma, nihilominus eandem sine temeritatis nota negari minime posse.

Huic Sanctæ Virginis privilegio suffragatur S. Augustinus lib. de nat. & grat. cap. 36. ubi Sanctorum sine peccato elenchum, quem texerat Pelagius, exelpeunt ait: *Excepta Sancta Maria, de qua propter honorem Domini nullam proferimus, cum de peccatis agitur, volo habere questionem. Inde enim scimus, quod ei plus gratiæ collatum fuerit ad vincendum omni ex parte peccatum, quæ concipere, & parere meruit, quem constat nullum habuisse peccatum. Hec ergo Virgo excepta, si omnes Sanctos, & Sanctas, cum hic viverent, congregare possemus, & interrogare, utrum essent sine peccato, quid fuisse responsuros putamus? Utrum hoc, quod iste Pelagius dimit, an quod Joannes Apostolus? Rogo vos, quantalibet fuerint in hoc corpore excellentia sanctitatis; si hoc interrogari potuissent, nonne una voce clamassent: Si dixerimus, quod peccatum non habemus &c.?*

S. Ambrosius idem adstruit Mariæ privilegium *serm. 22. in Psal. 118.* dicens: *incorruptam fuisse Virginem, & ab omni integram labe peccati.* Idem docet S. Bernardus *Epist. 174. ad Canonicos Lugdunenses de Concept. B. Mariæ*, ubi ait: *Ego puto, quod & copiosior sanctificationis benedictio in eam deferretur, quæ ipsius non solum sanctificaret ortum, sed & vitam ab omni prorsus peccato custodiret immunem; quod nemini alteri in natis quidem mulierum creditur esse donatum. Decuit nimirum, Reginam Virginum singulari privilegio sanctitatis absque omni peccato ducere vitam &c.* Paria habet tota etiam Ecclesia Græca in Epistola Sophronii Hierosolymorum Patriarchæ, quæ Patribus Concilii sexti Œcumenici Constantinopolitani

tertiū act. 2. lecta fuit his verbis : *Venerum intradum ingressus Dei Filius Virginitatis castitate fulgentem Maria Sancta , præclaratque , & que Dei fuit sapientia ab omni corruptione libera & corporis , & anima , & intellectus .*

Denique S. Thomas eandem veritatem confirmat 3. p. q. 27. huiusce privilegii convenientiam trahens ex ea , quam par erat Virginem habere , idoneitate , ut esset Mater Dei . Hinc privilegii notionem exponens in eo situm fuisse docet , quod *in ea abundantia gratiæ , maximeque divini providentiæ ligaverit fomitem , ne in aliquem inordinatum motum proderet , ac demum totaliter auferret .*

REFLEXIO.

- Si dixerimus , quia peccatum non habemus , ipsi nos seducimus , & veritas in nobis non est ; aiebat olim , & nunc quoque omnibus ait Sanctus Apostolus , & Evangelista , Christoque specialiter dilectus Joannes . Perpendamus , quæso , magna cum diligentia huiusmodi verba , ex quibus elicere possumus , arque debemus documentum apprimè nobis salutare , ac plane necessarium . Extiterunt , ut vidimus , tum primis Ecclesiæ sæculis , tum elapsis proxime temporibus , arque etiam fortassis exrant hoc ipso ævo nostro nonnulli superbi homines , qui eo præfidentiae , & erronæ , fluitæque opinionis devenere , ut assererent , tum se , tum alios ad sublimem adeo perfectæ , consummatæque virtutis excellentiam in hac misera vita tot periculis obvoluta , tot scopulis circumsepta , tot tentationum turbinibus , ac hostium insidiis obnoxia , posse pertingere , ut immunitatem ab omni penitus etiam levi peccato adipiscantur .

Horum omnium sibi ita blandientium iustam arrogantiam arguit , damnat , confunditque vel sola allata Sancti Apostoli

sententia , etiam si aliæ , quæ eandem validissime confirmant , deessent in Sacris Libris . *Si dixerimus , inquit : quia peccatum non habemus neque grave , neque leve ; ita ut in aliquo Deum non offendamus , aut ab ejus voluntate deflectamus , ipsi nos seducimus ,* mentimur , decipimus , ac decepti sumus in summam animæ nostræ perniciem , atque ruinam . Quicumque enim se putat ab omni peccato immunem , primum excitationem suam maximam prodir , dum minime cernit , in quæ peccata sæpissime labitur , dum non attendit infirmitatem suam , peccati fomitem , qui in ipso bellum perpetuo gerit , inimicorum suorum potentiam , artes , machinationes , quæ continent impetitur . Ex hac deinde exaltate illud veluti sponte sua consequitur , ut in seipso confusus ea a Dei misericordia quaerere remedia negligat , quibus sua peccata purget , ac deleat . Qui enim fieri potest , ut huiusmodi remedia perquirat , qui se nullo remedio indigere arbitrat ? Tum vero superbe se reputans peccato omni cedere , ipsa superbia , ac præsumptione sua gravissime peccat caretque nedum humilitate oninibus perquam necessaria , verum etiam cæteris omnibus virtutibus , quarum excellentem perfectumque gradum se attigisse persuadet . Hæc siquidem neque in gradu infirmo absque humilitatis fundamento consistere queunt ; seque , quod maiorum omnium supremum est , indignum efficit gratia divina , omnibusque præstantissimis donis eam comitantibus , quæ non nisi humilibus , suamque fragilitatem , arque miseriam agnoscenribus , & confitentibus impertitur bonorum omnium largitor Deus . Hinc S. August. in sent. sent. 363. ita scribit : *Divinitus dictum est Ecclesiast. 7. v. 7. : Noli esse iustus multum ; quoniam non est iustitia sapientis , sed superbia præsumptis . Qui ergo sic fit nimis iustus , ipso nimio fit iniustus . Quis est autem , qui se facit ju-*

iustum nimis, nisi qui dicit, se non habere peccatum?

At vero satis non est ad legitimum Apostoli Joannis in verbis laudatis sensum intelligendum, ut quis ore solum non exprimat, se peccatum non habere; nisi etiam id veraciter sentiat in corde. Multi namque sunt (ut animadvertit idem S. Pater in Psalm. 118. expendens eandem S. Joannis sententiam), qui se peccatores, se Deum sæpius offendere altro passimque prosterunt: sed in corda, si penitus introspectatur aliter de se ipsis sentiunt, foventque frequenter, ac nutriunt quasdam de peccata innocentia sua occultam existimationem, quæ neutiquam cum verbis coheret, ac interdum etiam seris erumpit. Falsam hanc persuasionem & cognoscimus, & diligenter a nobis abigamus, oportet: quoniam gratiæ Dei recipiendæ magno impedimento est, utpote ex tumore superbiæ profecta, quam Deus summo opere averfatur, & odit. Conticescat igitur, ait S. idem Doctor, & arefcat elatio sanæ superborum se ipsam seducens, quæ in auribus hominum, simulata humilitate, dicit se habere peccatum; in corde autem suo dicit, se non habere peccatum. Qui enim hoc dicunt, seipsos seducunt; & veritas in eis non est. Sed quando seipsos hominum hoc dicunt, non tantum seipsos, sed & alios quosque doctrinæ infana perversitate seducunt. Cum vero id in corde suo dicunt, illis se ipsos seducunt, & in suo corde veritatis lucem amittunt.

Quid ergo (subjicit idem S. Doctor, eandem sententiam: Si dixerimus &c. considerans serm. 10. de verbis Apostoli) nihil habemus de justitia? (de sanctitate, de virtute, etiam ad eam habendam toto studio, animique contentione laboremus). Habemus, reponit ille; sed non totum habemus. Hoc ergo queramus. Si ergo aliquid habemus, & aliquid non habemus; crescat, quod habemus, & implebitur, quod non ha-

bemus. Ecce enim baptizati sunt homines: omnia illis peccata dimissa sunt; justificati sunt a peccatis. Restat tamen lucta cum carne, mundo, & diabolo. Qui autem luctatur, aliquando ferit, aliquando percutitur; aliquando vincit, aliquando perimitur, aut vincitur. Atque utinam plures essent, qui luctando non perimerentur, aut vincerentur: ad mortem sempiternam! Verum si non pauci sunt, qui ita fortiter luctantur, & pugnant, ut lethalia vulnera devitent, neque de ipsis dicere queat aliquando inimicus: prevalui adversus eum; nullus tamen est, qui saltem levem aliquem ictum non recipiat, & fragilitatis suæ detrimento patiat, ita ut remedio, & curatione non indigeat; nec opus habeat, ut semper Deum oret, & quotidie dicat: *Dimitte nobis debita nostra*. Quapropter caveamus attente a seductione superbiæ nostræ, ne dicamus unquam non solum coram aliis, sed neque in nobismetipsis, quia peccatum non habemus. Agnoscamus serio, quam leves, quam imbecilles, quam instabiles sumus: quemadmodum ex opposito quam multi, quomodo fortes, quam in bello obstinati, qui nos impugnant, arque inde profundæ humilitatis, ac timoris salutaris argumentum capiamus, ut nihil de nobis præsumentes, sed in solo Deo spem nostram, & fiduciam collocantes, perveniamus ad beatitudinē illius vitæ statum, in quo nullum erit nedum peccatum, sed neque peccandi periculum.

CAPUT III.

De Prudentia.

DOCTRINA.

- I. Quid sit prudentia?
- II. Officia, sive alius prudentia.
- III. Fines, ad quos prudentia dirigit, alii generales, alii particulares.
- IV. De partibus prudentiæ integralibus.

Pri-

- Prima est praeceptorum memoria .*
 V. *Secunda intelligentia , sive intellectus .*
Tertia providentia .
 VI. *Quarta docilitas , Quinta solertia .*
 VII. *Sexta ratio , Septima circumspectio .*
 VIII. *Octava demum cautio ; sive consideratio*
malorum , & impedimentorum , quae oc-
currere possunt .
 IX. *De partibus prudentiae subjectivis ; ac*
primum de prudentia regnativa .
 X. *De prudentia politica .*
 XI. *De prudentia oeconomica , & militari .*
 XII. *De vitiis , quae prudentia opponuntur .*
 XIII. *De astutia .*
 XIV. *De dolo , & fraude .*
 XV. *De nimia rerum temporalium sollicitu-*
dine .
 XVI. *De immoderata sollicitudine futurorum .*

PRÆTER Religionem , quæ theologicis virtutibus propinquo est , ac peculiarem tractationem exposcit , quatuor sunt , ut notavimus , primariæ virtutes *morales* , quæ etiam *cardinales* appellantur , à quibus plures aliæ proficiuntur , vel quibus adnexæ sunt ; videlicet *prudentia* , *iustitia* , *temperantia* , & *fortitudo* , de quibus agendum modo est , non omnia quidem persequendo , quæ sub his continentur : siquidem non pauca commodius alibi tractabuntur ; sed quæ ad ideam , & notitiam harum virtutum comparandam pertinent , magisque necessaria existimo .

§. I.

Quædam de Prudentia generatim attinguntur.

I. De prudentia multa diximus *tract.* 2. de *secunda regula moralium actionum* proxima , & immediata , scilicet *humana ratione* differentes . Unde hic pauca addenda , sive potius recolenda sepe sunt . Eam definit S. Thomas , quod sit *recta ratio agibilium* ; sive , ut alii , *Prudentia est*

virtus ostendens , iudicans , atque precipiens , quid in qualibet actione particulari agendum sit , tamquam bonum , vel fugiendum tamquam turpe , sive morum regulis dissentaneum .

II. Ejus officia , sive actus sunt 1. rectum de rebus agendis *consilium* querere , accipere , vel præbere . 2. De iisdem *recte* iudicare , sive juxta regulas communes , sive juxta altiora principia . 3. Recte de rebus ipsis agendis *precipere* ; qui postremus actus prudentiæ maxime proprius est : alii vero ad virtutes prudentiæ adnexas , & affines potius spectant .

III. Hisce actibus , & officiis prudentia dirigit actiones hominum ad fines suos , quorum alii sunt *generales* , & amplii ; alii *particulares* . Primi generis sunt hujusmodi : *Bonum est faciendum ; malum fugiendum ; ordo in rebus servandus ; divina lex custodienda* ; similesque . Alterius autem sunt ipsa peculiaria virtutum officia , quæ propria nempe sunt particularium virtutum , prudentiæ , iustitiæ , temperantiæ , fortitudinis , earumque partium : quæ cum considerari valeant tum in *acquisitione* , tum in *perfectiōe* sibi conveniente , prudentiæ opus est primum , ut virtutes acquirantur , deinde ut eadem acquisitæ in suas , quando , & quoties oportet , operationes prodeant , simulque ea media eligantur , quæ cuilibet virtutis officio exercendo opportuna sunt .

§. II.

De partibus Prudentiæ integralibus .

IV. Partes plures , quæ *integrantes* vocantur , & ad perfectum ipsius usum requiruntur , recenset , atque egregie explicat S. Thomas 2. 2. q. 49. Harum prima est *praeceptorum memoria* , quæ vel sensu , vel etiam intellectu percipimus : quæ enim experti quandoque sumus , magno sunt

ad-

adjumento prudentiæ, ut de aliis, quæ contingere possunt, recte deliberet. Unde in sensibus maxime dicitur esse prudentia.

V. 2. *Intelligentia*, sive intellectus, qui non sumitur hic, inquit S. Thomas art. 2. pro potentia intellectiva, sed prout importat quandam nullam estimationem alicujus extremi principii, quod accipitur ut per se notum, sicut & prima demonstrationum principia intelligere dicimur. Omnis autem deductio rationis ab aliquibus procedit, quæ accipiuntur ut prima. Unde oportet, quod omnis processus rationis ab aliquo intellectu procedat. Quia ergo prudentia est recta ratio agibilium; ideo necesse est, quod totus processus prudentiæ ab intellectu derivetur. In Scripturis appellatur intellectus prudentiæ ut Eccli. 1. & alibi spiritus intelligentiæ: de quo Denter. 4. scriptum est: Hæc est vera sapientia, & intellectus coram populis, ut audientes universa præcepta hæc dicant: populus sapiens, & intelligens.

3. *Providentia*, quæ, ut ait art. 6. S. Thomas, importat respectum quendam alicujus distantis ad ea, quæ in presenti occurrunt, & ordinanda sunt: sive, ut alii, ea est, qui futurum aliquod ante videtur, quam factum sit, & idonea media ad finem consequendum assumuntur. De hac loquitur Christus in Parabola illius, qui volens turrim edificare, prius sedens computat sumptus, qui necessarij sunt, si habeat ad perficiendum; ne, posteaquam posuerit fundamentum, & non potuerit perficere, omnes, qui vident, incipiant illudere ei, dicentes: quia hic homo cepit edificare, & non potuit consummare. Quod & sequenti parabola persequitur, cum de Rege ait: Qui iturus committere bellum adversus alium regem, sedens prius cogitat, si possit eum decem millibus occurrere ei, qui cum viginti millibus venit ad se: alioquin adhuc illo longe agente legationem mittens rogat ea, quæ pacis sunt.

VI. 4. *Docilitas* ea est, quæ quæ para-

tum, promptumque se exhibet ad aliorum consilia, & monita de rebus agendis capeienda. Huc spectat illud Proverb. 2.: *Ne imitaris prudentiæ tuæ*; & Eccles. 6.: *In multitudine presbyterorum prudentium sua, & sapientiæ illorum ex corde conjungere, ut omnem narrationem Dei possis audire, & proverbia laudis non effugiant a te*. Atque hæc quidem docilitas, ut observat S. Thomas art. 3. ad 2. sicut & alia, quæ ad prudentiam pertinent, secundum aptitudinem est a natura, quatenus a bona quadam, & felici indole non parum pendet; sed ad ejus consummationem plurimum valet humanum studium: dum scilicet homo sollicite, frequenter, & reverenter applicat animum suum documentis majorem, non negligent ea propter ignaviam, nec continentur propter superbiam.

5. *Solertia* ad hoc pertinet (verba sunt S. Thomæ art. 4.), ut homo bene se habeat in acquirendo rectam estimationem per se ipsum: ita tamen, ut solertia accipiatur pro Eulochia; cujus est pars: nam Eulochia est bene conjecturativa de quibuscumque; solertia autem est facilis, & prompta conjecturatio circa inventionem medij, ut eo invento rectum de actione judicium formari valeat.

VII. 6. *Ratio*, sive, uti S. Thomas intelligit, promptitudo ratiocinandi, inter partes integrales prudentiæ collocatur; quia ad prudentiam necessarium est, ut homo sit bene ratiocinativus; nempe quod ex principijs practicis intellectus recte deducat conclusiones practicas, quæ in ipsa continentur.

7. *Circumspectio*, id est attenta consideratio circumstantialium, quæ in humanis actionibus occurrunt, & faciunt ad honestatem, vel turpitudinem actus. „ *Prudentia* enim, ait S. Thomas art. 7., est „ circa singularia operabilia, in quibus „ multa concurrunt; & ideo contingit ali- „ quid secundum se consideratum esse bonum, & conveniens fini, quod tamen

ex aliquibus concurrentibus redditur vel
malum, vel non opportunum ad finem.
Sicut ostendete signa amoris, alicui secun-
dum se consideratum, videtur esse con-
veniens ad allicendum ejus animum ad
amorem, sed si contingat in animo illius
superbia, vel suspicio adulationis, non
erit hoc conveniens ad finem. Et ideo
necessaria est *circumspectio* ad pruden-
tiam, ut scilicet homo id, quod optat
natur ad finem, comparat etiam cum
his, quæ circumstant. Huc spectat
illud Apostoli Pauli ad Philip. 1. cap. 9. :
Et hoc oro, ut caritas vestra magis, ac
magis abundet in scientia, & in omni sensu,
ut probetis potius.

VIII. 2. *Cautio* est malorum, & impedi-
mentorum extrinsecutorum, quæ finis conse-
cutioni obijciuntur, & adversantur, accu-
rata consideratio, ut ea vitentur, vel re-
moveantur: *Prudentia* namque, inquit idem
S. Doctor art. 2., est circa contingentia ope-
rabilia, in quibus sicut verum potest admisceri
falso, ita & malum bono propter multiformi-
tatem hujusmodi operabilium, in quibus
bona plerumque impediuntur a malis, & mala
habent speciem boni. Et ideo necessaria est cau-
tio ad prudentiam, ut sic accipiantur bona,
quod vitentur mala. Huc pertinet illud
Apostoli ad Ephes. 4. : Videte itaque, fra-
tres, quomodo caute ambuletis, non quasi in-
sapientes : redimentes tempus, quoniam dies
mali sunt. Propterea nolite fieri imprudentes,
sed intelligentes, quæ sit voluntas Dei.

§. III.

De partibus Prudentiæ subjectivis.

IX. Partes *subjectivæ*, sive *subjecta* pruden-
tiæ sunt, ac ejusdem species. He considerantur vel in ordine ad seipsum,
vel in ordine ad alios. Et quia, inquit S.
Thomas hic quæst. 50., per quam aliquis
regit se ipsum, jam dictum est; nosque pa-

riter diximus *tract. 2. cit. Dissert. 1. cap.*
1. & 2., restat nunc dicendum de speciebus
prudentiæ, quibus multitudo gubernatur,
quæ quatuor sunt; nempe. regnativa, po-
litica, æconomica, & militaris, de quibus
pauca, quæ ad institutum nostrum perti-
nere possint, attingemus.

De Prudentia regnativa.

Admittendam esse specialem prudentiam
pro Regibus, ac Principibus, agnovit, &
docuit Aristoteles in 3. *Polit. 1.*; imo ipsi
maxime convenite assensit, dum scripsit,
prudentiam esse propriam virtutem Principis.
Item luculentissime ostendit, & probat S.
Thomas art. 1. hoc egregio discursu :

Ad prudentiam pertinet regere, & præ-
cipere; & ideo ibi invenitur specialis
ratio regiminis, & præcepti in humanis
actibus, ubi etiam invenitur specialis
ratio prudentiæ. Manifestum est autem,
quod in eo, qui non solum seipsum habet
regere, sed etiam communitatem
perfectam civitatis, vel regni, invenitur
specialis, & perfecta ratio regiminis.
Tanto enim regimen perfectius est,
quanto universalius est, ad plura se ex-
tendens, & ulteriorem finem attingens.
Et ideo Regi, ad quem pertinet regere
civitatem, vel regnum, prudentia com-
petit secundum specialem, & perfectissi-
mam sui rationem. Et propter hoc
regnativa ponitur species prudentiæ.
Qui plura de hac re desiderat, consulat S.
Thomam in libris de *Regimine Principum*,
clarissimum Bossuetum, aliosque Autores,
qui hoc argumentum discutere.

De Prudentia politica.

X. Quoad hanc prudentiam a fert in
primis S. Thomas textum Aristotelis ex 6.
Ethic., nempe: *Ejus autem, quæ circa ci-*
vitatem, hæc quidem, ut architectonica pru-
dentia legis positiva; hæc autem communis
nomen habet Politica circa singularia existens.
Deinde ita differt: Dicendum, quod
,, ser-

„secvus per imperium movetur a Domino, & subditi a Principante: aliter tamen, quam irrationabilia, & inanimata moveantur a suis motoribus. Nam inanimata, & irrationabilia aguntur solum ab alio, non autem ipsa agunt se ipsa: quia non habent dominium sui actus per liberum arbitrium. Et ideo reſtitudo regiminis ipſorum non eſt in ipſis, ſed ſolum in motoribus. Sed homines ſervi, vel quicumque ſubditi ita aguntur ab aliis per præceptum, quod tamen agunt ſe ipſos per liberum arbitrium. Et ideo requiritur in eis quedam reſtitudo regiminis, per quam ſeipſos dirigant in obediendo Principantibus. Et ad hoc pertinet ſpecies prudentiæ, quæ Politica vocatur“. Unde per prudentiam politicam regit ſe homo in ordine ad bonum commune, non autem ad proprium.

De Prudentia Œconomica, & militari.

XI. Hæ quoque duæ ſunt prudentiæ ſpecies, quarum prima, ſcilicet Œconomica reſpicit pro objecto rectum regimen propriæ domus; ſequæ habet medio modo inter unam ſingularem perſonam, & civitatem, vel regnum. Nam ſicut una ſingularis perſonæ eſt pars domus; ita una domus eſt pars civitatis, vel regni. Et ideo ſicut prudentia communiter dicta, quæ unam tantum perſonam regit, diſtinguitur a prudentia politica; ita oportet, quod Œconomica ab utraque diſtinguatur.

Alteræ vero, nimirum militaris ita explicatur elegantiffimè ab eodem Sancto Præceptore docente: „Ea, quæ ſecundum artem, & rationem aguntur, conformia eſſe oportet hiſ, quæ ſecundum naturam, quæ a ratione divina ſunt inſtituta. Natura autem ad duo tendit: primo quidem ad regendam quancumque rem in ſcipſa; ſecundo vero ad reſiſten-

„dum extrinſecis impugnantibus, & coe-
ruptivis. Er propter hoc non dedit ſolum animalibus vim concupiſcibilem, per quam moveantur ad ea, quæ ſunt ſalutis eorum aecommodia; ſed etiam vim irraſcibilem, per quam animal reſiſtit impugnantibus. Unde & in hiſ, quæ ſunt ſecundum rationem, non ſolum oportet eſſe prudentiam politicam, per quam diſponantur convenienter ea, quæ pertinent ad bonum commune; ſed etiam militarem, per quam hoſtium inſultus repellantur.

§. IV.

De vitiis Prudentia oppoſitis.

XII. Antequam D. Thomas ad vitia, quæ prudentiæ opponuntur, explicanda progrediatur, pulchram præmittit S. Doctoris Auguſtini ſententiam ex lib. 4. contra Julian. hiſ verbis conceptam, videlicet: Omnibus virtutibus non ſolum ſunt vitia manifeſta diſcretione contraria: ſicut prudentia temeritas; verum etiam vicina quodammodo, nec veritate, ſed quadam ſpecie fallente ſimilia, ſicut ipſi prudentia aſtutia. Primo ergo, ſubſtit, conſiderandum eſt de vitiis, quæ manifeſtam contrarietatem habent ad prudentiam; ſecundo de vitiis, quæ habent quendam ſimilitudinem falſam cum prudentia. De prioribus alibi ſatis diximus; ſupereſt igitur, ut de poſterioribus aliqua dicamus.

De Prudentia carnis.

Primum vitium, quod quendam habet veræ prudentiæ ſimilitudinem, eſt prudentia carnis; quæ proprie dicitur de eo, qui carnis bona ut ultimum vitæ ſuæ finem præſtituit; atque adeo peccatum eſſe, & quidem lethale ex ſua natura, non eſt ambigendum, cum omnis inordinatio circa finem ſemper grave peccatum ſit. Non enim

enim in bonis corporis, sicuti nec in aliqua re creata finis ultimus constituendus est, sed in solo Deo rerum omnium, ac præsertim rationalis creaturæ ultimo fine. Scite autem observat S. Thomas hic *quest. 55. art. 1.*, quod licet hæc *prudentia carnis* appelleretur in Divinis Scripturis, quemadmodum etiam *prudentia mundi*: quia tamen prudentia quodammodo dicitur etiam *sapientia*; ideo secundum tres tentationes potest intelligi triplex, & quidem unaquæque perversa, *prudentia*. Unde Jacob. 3. dicitur sapientia esse *terrena, animalis, & diabolica*: *terrena*, quatenus sibi præstipulat finem in rebus terrenis exterioribus: *animalis*, prout finem collocat in bonis corporalibus: *diabolica* demum, dum illum ponit in aliqua propria excellentia ad imitationem Diaboli, qui ipsum in sua excellentia præfixit. Reliqua de hac prudentia vide loco citato cap. 2.

De Astutia.

XIII. *Astutia* aliquando in Scripturis accipitur in bonam partem, ut cum Proverb. 13. legitur: *Astutus omnia agit cum consilio*; & 2. Corinth. 12. *Cum essem astutus, dolo vos cepi*. Non autem hæc proprie dicuntur, sed potius abusive, ut ait S. Augustinus *lib. 4. cont. Julian.* Sicut enim *prudentia* abusive quandoque in malum sumitur; ita *astutia* quandoque in bonum. Germanam ejus notionem assignat hic *art. 3.* Doctor Angelicus: „Peccatum aliquod potest esse contra prudentiam, habens similitudinem ejus dupliciter: uno modo, quia studium rationis ordinatur ad finem, qui non est vere bonus, sed apparens: & hoc pertinet ad prudentiam carnis. Alio modo in quantum aliquis ad finem aliquem consequendum vel bonum, vel malum, utitur non veris viis, sed simulacris, & apparentibus. Et hoc pertinet ad peccatum *astutia*. Unde est

Patruzi Theol. Mor. T. II.

„quoddam peccatum prudentiam oppositum, & a prudentia carnis distinctum. Ad hanc referuntur ea, quæ habet S. Gregorius Magnus *lib. 10. Moral. cap. 16.* in illud Job cap. 12. *Deridetur iusti simplicitas*, omnia, quæ ad falsam mundi prudentiam pertinent, complectens, inquit: *Sapientia hujus Mundi est cor machinationibus tegere, sensum verbis velare; quæ falsa sunt, vera ostendere; quæ vera sunt, falsa demonstrare. Hec prudentia a juvenibus fitur, a pueris pretio disfitur.* Hanc Apostolus reprobatur 2. Corinth. cap. 4. illis verbis: *Non ambulantes in astutia, neque adulterantes verbum Dei.*

Itaque *astutia*, dum presse accipitur, est excogitatio ingeniosa medianum, quæ obvia non sunt, apparenter quidem bonorum, sed revera malorum, ac fallacium ad obtinendum finem intentum sive bonum, sive malum cum voluntate ea applicandi. Adeoque non solum *astutia* peccatum est, dum mala media ordinat ad finem malum; verum etiam dum eadem ordinat ad bonum. Non enim sunt facienda mala, ut veniant bona. Peccatum vero mortale, vel veniale est pro ratione mediæ, quo astutus utitur, vel mali finis, qui intenditur.

De Dolo, & fraude.

XIV. *Dolus* ad astutiam pertinet, sicut etiam *fraus*; & sunt executio illius: quæ si per verba, vel facta contingat, proprie *dolus* vocatur; *fraus* vero, si per sola facta. Sicut *dolus*, inquit S. Thomas hic *art. 5. consistit in executione astutia*, ita etiam *& fraus*. Sed in hoc differre videntur, quod *dolus* pertinet universaliter ad executionem astutia, sive fiat per verba, sive per facta: *fraus* autem magis proprie pertinet ad executionem astutia, secundum quod fit per facta. Observat autem in resp. ad 2. quod executio astutia sive per dolum, sive per fraudem fieri potest mediante aliquo

S

alio

alio vitio; sicut & executio prudentiæ fit aliquando mediante alia virtute: & hoc modo nihil prohibet, quod ea executio pertineat ad *avaritiam, illiberalitatem* &c. Tunc autem *astutia* peccatum lethale semper est, si vitium illud, aut executio eo vitio peracta sit lethale peccatum.

De Sollicitudine rerum temporalium.

XV. Inter vitia, quæ veræ prudentiæ opponuntur, licet ejus quamdam similitudinem præferant, reponit S. Præceptor art. 6. nimiam sollicitudinem rerum temporalium; sicut & art. 7. sollicitudinem futurorum. Priorem explicat, quid sollicitudo sit, in primis definiens; nempe *studium quoddam adhibitum ad aliquid consequendum*. Tum vero docet, quot modis ea illicita fiat; nimirum primo *ex parte rei*, circa quam sollicitudo versatur: Si nempe temporalia tanquam finem queramus. Unde & S. Augustinus in lib. de Oper. Monach. cap. 16. ait: Cum Dominus dicit; Nolite solliciti esse, dicentes, quid manducabimus, aut quid bibemus, aut in quo operiemur; hoc dicit, ut non ista tutueantur, & propter ista faciant, quidquid in Evangelii predicatione facere jubentur.

Allo modo illicita potest esse sollicitudo rerum temporalium propter *superfluum studium*, quod in temporalibus procurandis impenditur; propter quod homo avocatur a spiritualibus, quibus principaliter intervenire debet. Et ideo dicitur Matth. 13. quod *sollicitudo sæculi suffocat verbum Dei*.

Tertio tandem illicita fit *ex parte superflui timoris*; quoties videlicet aliquis timet, ne agendo, quod agere tenetur, sibi necessaria deficiant. Quod Dominus in Evangelio tripliciter removet, primo propter majora beneficia homini præstata divinitus præter suam sollicitudinem, scilicet corpus, & animam. Secundo propter curam, qua Deus animalibus, & plan-

tia etiam subvenit absque humano subsidio, juxta naturæ suæ proportionem. Tertio ex divina providentia, ob cujus ignorantiam Gentiles circa temporalia bona querenda sollicitudinem gerunt. Ex quo Christus Dominus concludit, quod principaliter sollicitudo nostra versari debeat circa bona spiritalia, sperantes a Deo, quod etiam temporalia bona haud nobis defutura sint, si ea, quæ præstare debemus, non prætermiserimus. Sollicitudo ergo de rebus temporalibus moderata non prohibetur; sed nimiam & immoderatam de rebus hisce gerere, vitium est omnino vitandum. Unde S. Augustinus lib. 11. de serm. Dom. in monte cap. 18. expendens de re hac aliqua Scripturarum loca, quæ sibi invicem adversari videntur, docet, *Dominum nostrum non hoc improbare, si quis humano more ista (temporalia) procurat: sed si propter ista Deo militet, ut in operibus suis non regnum Dei, sed ipsorum acquisitionem intusatur*. Quod & S. Hieronymus animadvertit dicens: *Labor exercendus est; sollicitudo (nimia scilicet & immoderata) tollenda*.

De Sollicitudine futurorum.

XVI. Hæc sollicitudo, de qua agit S. Thomas art. 7. definiti potest, quod nempe sit *Nimis anxia mentis occupatio circa futura, ne scilicet temporalia desint*. Hujus vitii labem ostendit S. Doctor his verbis: „Nullum opus potest esse virtuosum, nisi „debitis circumstantiis vestiatur, inter „quas una est debitum tempus secundum „illud Eccles. 8. *Omni negotio tempus est „& opportunitas*. Quod non solum in exterioribus operibus, sed etiam in interiori sollicitudine locum habet. Unicuique enim temporis competit propria sollicitudo, sicut temporis æstatis competit sollicitudo metendi; ipsi autumnus autem competit sollicitudo vindemiæ. Si quis ergo tempore æstatis de vindemia jam „ esset

„ esset sollicitus, superflue præoccuparet
 „ futuri temporis sollicitudinem. Unde
 „ huiusmodi sollicitudinem tamquam su-
 „ perfluum Dominus prohibet dicens :
 „ Nolite solliciti esse in crastinum. Unde
 „ subdit : Crastinus enim dies sollicitus eris
 „ sibi ipse ; idest suam propriam sollicitu-
 „ dinem habebit, quæ sufficet ad ani-
 „ mum assidendum. Et hoc est, quod
 „ subdit : Sufficit dies malitia sua ; idest
 „ afflictio sollicitudinis. “

Facit ad clariorem intelligentiam hujus sollicitudinis futurorum, quæ vel superflua, & damnabilis est, vel honesta, & laudabilis, autoritas S. Augustini loco citato cap. 17. ubi ait : Cum viderimus aliquem servum Dei providere, ne ista necessaria sibi desint, non judicemus, eum de crastino sollicitum esse. Nam & ipse Dominus propter exemplum locutus habere dignatus est, & in Actibus Apostolorum scriptum est, ea quæ ad vitium sunt necessaria, procurata esse in futurum propter imminentem famem. Non ergo Dominus improbat, si quis humano more ista procuret &c. Intempestiva itaque, nimisque de futuris eventibus, & cum defectu fidei in divinam providentiam, sollicitudo duntaxat damanda est.

CAPUT IV.

CONSECTARIA.

- I. Prudentia recte comparatur ad synderesim, sive habitum primorum principiorum practiorum, sicut scientia ad intellectum principiorum speculabilium.
- II. Providentia inter omnes prudentia partes integrales principatum obtinet.
- III. Quam impossibile sit homini in hac vita mortali constituto peccare omnia mala, quæ contingunt, ad hoc homo non tenetur ex virtute, ac præcepto.
- IV. Prudentia proprium est, cavere ne dum a

vitiis, & a peccati occasionebus, sed etiam ab hominibus, quorum probitas non est perfecta.

- V. Ad prudentiam maxime pertinet cavere a falsis Magistris, & conscientia Directoribus laxas doctrinas tradentibus.
- VI. Virtus regnativa convenientius ponitur prudentia, quam iustitia.
- VII. Quamquam multi peccatores, & impii providi sint in gubernatione propria familie, non est tamen in eis admittenda illa prudentia, quæ dicitur economica.
- VIII. Prudentia carnis, frus, dolor &c. ex avaritia potissimum originem trahunt.

Reflexio.

CONSECTARIUM PRIMUM.

I. PRUDENTIA congrue a S. Thoma comparatur ad synderesim, sicut scientia comparatur ad intellectum principiorum. Quemadmodum enim scientia versatur circa conclusiones rationis speculative ; ita prudentia circa conclusiones rationis practice. Et sicut nobis naturaliter indita sunt principia speculabilium, a quibus intellectus procedit ad conclusiones speculative ; sic etiam naturaliter nobis sunt operabilium principia, a quibus intellectus procedit ad conclusiones practice. Synderesis ex. gr. versatur circa hæc principia : Bonum est faciendum, malum fugiendum, ordo in rebus servandus, Deus colendus, æternus transitus præferendus ; quæ, & id genus alia a S. Augustino vocantur regula incommutabilis, & semina virtutum. Prudentia autem versatur circa conclusiones practice, quæ ex illis inferuntur, & circa actiones, quæ sunt in singularibus, & iis consentaneæ sunt.

CONSECTARIUM SECUNDUM.

- II. Quamquam multæ sint Prudentia partes ad ejus integritatem pertinentes, omnibus tamen præminet ea, quæ dicitur

S 2

providentia, a qua prudentia ipsa veluti nomen accepit. Quoniam, ut sapienter animadvertit S. Thomas hic quæst. 49. art. 6. ad 1. „ Quen locumque multa requiruntur ad unum, necesse est, unum eorum esse principale, ad quod omnia alia ordinantur. Unde in quolibet toto, necesse est esse unam formalem partem, & prædominantem, a quo totum unitatem habet. Et secundum hoc *providentia* est principaliter inter omnes partes prudentiæ: quia omnia alia, quæ requiruntur ad prudentiam, ad hoc necessaria sunt, ut aliquid recte ordinetur in finem. Et ideo nomen ipsius prudentiæ sumitur a *providentia*, sicut a „ principaliori sua parte “. Quapropter de illa permixtissime curam habere debemus, ut prudenter agamus.

CONSECTARIUM TERTIUM.

III. Impossibile quidem est homini mortali præcavere mala omnia, quæ in hac vita contingere possunt: neque ad hoc homo tenetur ex virtute prudentiæ. Sed tamen distinguere necesse est cum D. Thomas hic art. 8. ad 3. mala, quæ vitanda occurrunt. Quædam enim sunt, quæ plerumque accidere solent: & talia comprehendendi ratione valent. Et contra hæc ordinatur *cautio*, quæ prudentiæ pars est, ut omnino vitentur, vel ut minus noceant. Quædam vero sunt, quæ raro, & potius casualiter contingunt. Hæc autem, cum infinita sint, ratione comprehendere nequeunt, nec homo potest ea præcavere: *Quamvis*, subdit S. Doctor, *per officium prudentia homo contra omnes fortuna insultus se disponere possit, ut minus laedatur*.

CONSECTARIUM QUARTUM.

IV. Prudentiæ proprium est non solum cavere a vitiis, & a peccati occasionibus, verum etiam ab hominibus, quorum pro-

bitas perspecta non est, & explorata; nec temere cuius credere, etiam si bonis verbis blandiatur. Quocirca Jeremias cap. 9. dicitur: *Unusquisque se a proximo suo custodiat, & in omni fratre suo non habet fiduciam: quia omnis frater supplantans supplantabit, & omnis amicus fraudulenter incaudet*. Et Cap. 12. *No credas eis, cum locuti fuerint tibi bona. Quod & Michæ 7. dicitur: Nolite credere amico, & nolite confidere in duce. Et Matth. cap. 7. Cavete autem ab hominibus: tradent enim vos in conciliis suis, & in synagogis suis flagellabunt vos*.

CONSECTARIUM QUINTUM.

V. At præ cæteris maxima adhibenda cautio est in diligendis Magistris, Confessariis, aut animæ nostræ Directoribus; ne scilicet ex eorum numero sint, qui doctrinis falsis, & blandis conscientias hominum seducunt, & animas per viam latam, & spatiosam ducentes, eas in perditionem æternam præcipites agunt. Hinc Christus Dominus, cum Matth. c. 7. dixisset: *Intrate per angustam portam, quia lata porta, & spatiosa via, quæ ducit ad perditionem, & multi sunt, qui intrant per eam: Quam angusta porta, & arcta via est, quæ ducit ad vitam, & pauci sunt, qui inveniunt eam*! cum hæc, inquam, dixisset, statim immediate subiecit: *Attendite a falsis Prophetis*. Quod & ipse Apostolus Petrus maxime commendat fidelibus, inquit Epist. 2. cap. 3. *Fuerunt Pseudopropheta in populo, sicut & in vobis erunt Magistri mendaces*. Quinam sunt hi *Pseudopropheta*, a quibus attendere? quinam *Magistri mendaces*, quos cavere iubemur; nisi qui homines non per angustam, quæ ducit ad vitam, sed per latam, & spatiosam, quæ ducit ad perditionem, viam deducunt, quæ multi sequuntur, atque adeo multi intrant per eam? Sapiens est P. Elizalde p. 2. lib.

6. q. 4. animadversio, in falsis Prophetis veteris legis non hæreticos solum, sed & Catholicos notari, atque eos argui, qui falsam morum doctrinam tradunt. *Sciat, inquit, hoc in Ecclesia esse Magistros falsos, & mendaces, quod in populo Judaico fuerit Pseudopropheta* Rursus, ut Hieronymus observat, Prophetarum nomen bonis, & malis, veris, & falsis commune est. Præter Hieronymum laudat Augustinum, atque Chrysostomum, qui expresse affirmat: *Propheta, de quibus Christus loquitur, Doctores intelligatur.* His porro Doctoribus, ac Prophetis haud fidere populum debere, monet Deus per Jeremiam dicentem: *Propheta tui viderunt tibi falsa, & stulta, nec aperiebant tibi iniquitatem tuam, ut te ad poenitentiam provocarent. Viderunt autem tibi assumptiones falsas, & ejctiones.* Vide alia, quæ de hac re diximus in Consecrariis adversus Probabilismum. Ex quibus omnibus colligere oportet, quam caute nos gerere debeamus in defectu Magistrorum nostrorum, ac conscientie Directorum, ut prudens sit electio nostra; nec hujus defectu æternæ damnationis periculum incuramus.

CONSECTARIUM SEXTUM.

VI. Præclare observat S. Doctor hic *quæst. 50. art. 1. ad 1. cur virtus regnativa ponatur potius speciei prudentiæ, quam justitiæ; tametsi peculiaris prærogativa Regis sit esse custodem justitiæ; quia nempe* „ Omnia, quæ sunt virtutum moralium, „ pertinent ad prudentiam, sicut ad dirigentem: unde & *recta ratio prudentiæ* „ ponitur in definitione virtutis moralis. „ Et ideo etiam executio justitiæ, prout „ ordinatur ad bonum commune, quod „ pertinet ad officium Regis, indiget directione prudentiæ. Unde istæ duæ virtutes sunt maxime propriæ Regi; scilicet „ *prudencia, & justitia secundum illud* „ *Joan. 23. Regabit Rex, & sapiens erit,*

„ *& faciet judicium, & justitiam in terra.* „ Quia tamen dirigere magis pertinet ad „ Regem, exequi autem ad subditos; ideo „ *regnativus magis ponitur speciei prudentiæ, quæ est directiva, quam justitiæ, quæ est executiva.* „

CONSECTARIUM SEPTIMUM.

VII. Etiam multi sunt, ut animadvertit S. Thomas *art. 2. ad 2. peccatores, & impii, qui providi sunt in gubernatione familiae:* dicendum tamen non est, in ipsis esse prudentiam, etiam illam, quæ *œconomica* dicitur: quoniam ad aliquam quidem particulariam, quæ sunt in domo disponendam, possunt providere se habere; sed non ad ipsam totum bene vivere domesticæ conversationis, ad quod precipue requiritur vitia virtuosæ.

CONSECTARIUM OCTAVUM.

VIII. Prudentia carnis, astutia, dolus, & fraus vitia sunt, quæ ex avaritia præsertim oriuntur, ut colligitur ex S. Gregorio 11. *Moral. cap. 17. ejus rei hanc assignat rationem S. Thomas quæst. 55. art. 2. quia hujusmodi vitia quamdam habent cum prudentia similitudinem in aliquo rationis actu. Inter alias autem virtutes morales rectæ rationis usus elucet in justitia, quæ in appetitu rationali sedem habet; adeoque etiam usus rationis indebitus maxime apparet in vitiis justitiæ oppositis, cui præsertim avaritia adversatur. Et ideo prædicta vitia maxime ex avaritia procedunt. Alia ad prudentiam pertinentia consecraria vide Tract. citat. cap. 2.*

REFLEXIO.

Multi prudentiæ imaginem, & umbram gerunt: pauci veritatem. Multi veluti prudens, immo & prudentissimi laudantur in hoc sæculo, qui stulti, immo & stultissimi habentur apud Deum. Quoniam eorum prudentia tota versatur in rebus tem-

po-

poralibus, & caducis; non autem in spiritualibus, ac æternis; adeoque vel prudentia carnis est, vel prudentia hujus Mundi, quæ, teste Apostolo, *inimica est Deo*; & prudentia nomen nequaquam meretur, sed imprudentiæ potius, atque stultitiæ. Perpende, quæso, pie Lector, veræ, quam dedimus, prudentiæ notionem, & characteres; & nullam his inesse prudentiæ veritatem clare perspicies. Hæc, ut docet Doctor Angelicus, circa ea potissimum versatur, quæ ad finem totius vitæ nostræ ordinantur, Deum scilicet ultimum omnium finem: Hæc de hoc beatissimo fine, sive de actionibus; quibus ad eum perducimur, consiliatur, judicat, præcipit, ne ab illo deflectamus: Hæc, ut ait S. Augustinus, sive potius Julianus Pomerius lib. 12. de Vita Contempl. *Res spirituales a carnalibus deſecat illustrat, ut homines prudentes, ac sapientes imminetia mala prospiciant, simul & caveant; nec putent ulla esse mala, nisi qua malos efficiunt, & inter fallacia, & solida bona, quæ non nisi sempiterna sunt, discernant*. Hæc demum, ne omnes hujus excellentissimæ virtutis prærogativas persequar, hominem edocet, ut ex præteritis argumentum sumat ad disponenda futura; ut ex principis primis, atque certissimis congruas conclusiones deducat, ut ea, quæ fortassis ignorat, a majorum documentis addiscat; ut bene se habeat in acquirenda recta rerum æstimatione per semetipsum; ut ex iis, quæ novit, per rationationem ad alia, quæ nescit, procedat; ut ea, quæ ordinantur in finem, cum iis comparet, quæ circumstant, ne in judicando fallatur. Hæc, & alia similia vera prudentia præstat, ut finem, quem respicit, & in quem suas dirigere debet actiones, attingat.

At vero, dum hæc plus Lector attente considerat, ut quænam sint vere prudentiæ officia, percipiat; nonne necesse est,

ut inle colligat paucos esse, qui vere prudentes sint, & appellari mercantur; per multos autem, qui falso prudentes, ac sapientes ab hominibus reputantur? Quænam etenim pleraque horum consilia, quænam frequentiora judicia, & quæ exinde consequuntur, deliberationes? Nonne de rebus hujus Mundi, in quibus finem vitæ suæ constituunt, omnes curas suas, atque labores impendunt, quos nempe modo ea, quæ carnis sunt, assequuntur, quibus mediis transitorias sibi divitias comparent, quibus viis ad dignitates, & honores ascendant; & ad hæc, & similia bona acquirenda totum animum adjungunt, ingenium, cogitationes, & quandoque etiam fraudes, dolos, ac perverſas inclinationes? Hi plane omnes vera prudentia carent, tametsi prudentes, ac sapientes vulgo prædicentur. Neque enim in his prudentia vera consistit; adeoque insipientes potius, & imprudentissimi dicendi sunt: quia sibi ipsis non consulunt in iis, quæ salutem, & felicitatem æternam spectant. Sola prudentia vera in iustis invenitur, qui solum Deum tantquam vitæ suæ ultimum finem præliucentes, omnia consilia sua, omnesque actiones huc dirigunt, ut ipsi placeant, & ad vitam illam sempiternam, quam promissis diligentibus se, continenter aspirant. Quamquam enim industriam illam interdum non habeant, qua sibi & aliis providere valeant de omnibus, quæ ad vitæ humanæ rationem pertinent, ea tamen industria præstiti sunt, quæ sola sufficit ad res salutis æternæ procurandas, eaque sola vera prudentia, non fucata, non apparens, aut imaginaria dici debet; quam Christus Dominus nobis commendat, ac præcipit, dum ait, *Estote prudentes, sicut serpentes, & simplices, sicut columbae*.

Concludamus igitur cum Sancti Augustini verbis in Epist. 52. ad Macedon. *In hac vita virtus non est, nisi diligere, quod di-*

gen-

gendum est. Profecto id eligere prudentia est . . . Quid autem eligamus, quod præcipue diligamus, nisi quo melius nihil invenimus? Hoc Deus est: cui si diligendo aliquid præponimus, vix æquamus, nos ipsos diligere nescimus. Tanto enim nobis melius est, quanto magis in illum imus. Imus autem non ambulando, sed amando; quæ tanto habemus præsentiorum, quo eundem amorem, quo in eum tendimus, potuerimus habere puriorem. Tanto proinde homo prudentior erit, quanto amor Dei in corde ipsius purior erit, atque perfectior: quoniam charitas, quæ lumen secum splendidissimum deferret, clarius ostendit, quid fugere, quid eligere debeamus ad finem ultimum consequendum, quæ media adhibere, quas actiones exequi, & quemnam modum observare, ut via recta ambulemus in Deum, & ad ipsum omnium virtutum actus ordinemus.

CAPUT V.

De virtute Justitiæ.

DOCTRINA.

- I. Definitio justitiæ tum universim, tum specialiter considerata.
- II. Expositio juris, quod est obiectum justitiæ, & a quo nomen desumit.
- III. Non uno, eodemque modo tria exposita jura justitiæ respicit.
- IV. Aliæ divisiones juris, quas justitiæ intactas custodit.
- V. Ex his bonitas tradite definitionis exite-rit.
- VI. Species, sive partes justitiæ assignantur, & explicantur; ac primum quid sit justitiæ legalis.
- VII. Quid justitiæ distributiva, & commutativa.
- VIII. Ex his facile constat, quid sit injustitia, quæ justitiæ opponitur.
- IX. Varii modi, quibus injustum committi potest.

X. Nullus petitur injustum volens. Quo sensu hoc intelligendum veniat.

§. I.

Virtutis Justitiæ definitio.

I. DE nobilissima virtute justitiæ nonnulla hic dicemus; reliqua in aliis peculiaribus Tractatibus expendenda, & discutienda erunt. Ea duplex est, aut dupliciter distingui potest; scilicet in universalem, & particularem. Justitia universim considerata est conformitas vite nostræ, omniumque nostrarum actionum ad divinam legem sive naturalem, sive positivam, aliasque leges omnes humanas, quæ ex ea derivantur, eidemque consentiunt: atque adeo idem est, ac sanctimonia, omnesque virtutes complectitur. Duo ejus officia sunt his verbis Psalm. 36. expressa: *Declina a malo, & fac bonum*; & de hac justitiâ sæpe loquuntur Sacre Litteræ, ut cum inter alia de Sancto Joseph dicitur: *Joseph autem cum esset justus*; super quæ animadvertit Ambrosius: *Justitia communis est virtus*. De hac modo sermo non est.

Justitiâ specialiter accepta, de qua duntaxat nunc est disputatio, definitur a S. Thoma Ambrosium, & Augustinum secuto, quod sit.

Perpetua, & constans voluntas juris suum unicuique tribuens.

Hæc definitio, quæ a Theologis communiter probatur, cum actum potius, quam habitum designare videatur, paucis immutatis, ita virtuti justitiæ aptari potest, si dicamus, esse habitum, secundum quem aliquis constanti, & perpetua voluntate juris suum unicuique tribuit.

II. Ut hanc definitionem luculenter exponamus, juris notio, quod unicuique justitiâ tribuit, præmittenda est. Variæ sunt hujusce vocis acceptiones; illisque præter-

missis, quibus interdum *juris* nomine significamus vel disciplinam, aut scientiam legum, vel actum, quo Iudex sententiam pronunciat; unde jati dicundo Præfetti *Judices* appellari consueverunt; vel etiam locum, ubi jus dicitur, quo spectant illæ locutiones, *rapere in jus*, *vocare in jus*, similesque; his, inquam, prætermis- sis, quæ nullam lucem definitioni asserunt, tres aliæ hoc loco paucis exponendæ sunt. Primum itaque *jus* illud dicitur, quod est *æquale*, ac *debitum alteri*; diciturque *jus proprium uniuscujusque*. Jus præterea vocatur *facultas agendi*, *utendi*, *fruendi aliqua re*; ac demum *lex ipsa*, quæ declarat, atque præscribit, quid cuique juris, hoc est facultatis, potestatis, domini circa aliquid competat.

III. Porro tria hæc jura respicit justitia virtus, non uno eodemque modo, sed paululum diverso. Lex namque norma, & regula est, quam sequitur *justitia*, suum cuique tribuendo. Id vero, quod ipsa tribuit, & alteri servatum vult, unde & alterius proprium est, dicitur *objectum justitiæ*, sive in quod justitia tendit, & opus quod ipsa facit. Ac demum ex ea; quæ alteri competit, facultate, ut aliquid agat, aut habeat, eoque utatur, ac fruatur, sumit justitia veluti causam, seu conditionem, aut titulum, quo quisque sibi quidpiam suum efficit. Hujusce juris, quantum lex est, plures sunt divisiones, de quibus egimus in Tractatu de Legibus. Quatenus vero vel *facultas* est, vel *potestas*, aut *titulus*, quo quisque sibi quidpiam vindicat, suumque facit, alias subit divisiones: vel enim a natura; vel ex hominum actu, vel ex Dei voluntate, hæc inest cuique facultas. Domum eodem modo dividitur potest *jus*, quod est æquale, ac debitum alteri, juxta multiplicem legem, multiplicemque titulum, quibus, quid cuique suum sit, præscribitur, ac determinatur.

IV. Alia præterea est divisio eorumdem jurium, illiusque maxime, quod est facultas, in *perfectum*, & *imperfectum*. Illud appellari solet *jus ad rem*, quæ nondum habetur; illud autem *jus in re*, quæ habetur. Hinc dominium oritur, quod vocant *proprietas*, quod tum privatis, & singulis convenire potest, tum singulorum Communitati. Hoc dividitur in *directum*, *utile*, & *plenum*. Dominium *directum* sola constituitur proprietate rei absque ejusdem usufructu, & commodis, sive utilitatibus, ut patet in *commodato*, *locato*, *fendo*, *emphyteusi*, & similibus. Dominium *utile* in usu, vel fructione rei positum est, salva ejusdem substantia: ac hujusce veluti species sunt *usus*, *usufructus*, *habitatio*, & *servitus*. Denique dominium *plenum* rei proprietatem, ejusque usum, & fructi- nem complectitur; quod variis modis acquiritur suo loco declarandis.

Hæc igitur jura omnia intracta, & integra servare officium justitiæ est, ac cuique reddere, quod titulo aliquo suum est. *Sua* porro cuique jure naturæ vita est, quam vivit; *sua* integritas membrorum, quæ pollet; *sua* temporalia bona, quæ jure acquisivit, quibusque utitur ut vitam agat, seque conservet; *sua* honor; *sua* bona fama, quam sibi peperit. Hæc omnia servat constanti voluntate justitia, ea-que ab homicidiis, mutilationibus, furtis, rapinis, violentiis, conviciis, contumeliis, detractionibus, aliisque id genus iniquitatibus flagitiis. *Sua* rursus cuilibet sunt jure gentium, quæ primum occupantur, quæ possidemur cum proprietate, quæ legitima præscriptione habentur, quæve acquiruntur per mutuos hominum, ac gentium contractus. *Sua* sunt etiam Civium, quæ cuique competunt juxta particularia Civitatum, regnorum, aut rerumpublicarum condita: ac *sua* demum dici possunt cuiuslibet Christiani ea, quæ tradita sunt a Jesu Christi-

Christo Novi Testamenti Conditor ad vitam eternam consequendam .

His demum & illud adiciendum censeo, *jus naturæ* per cætera quæque diffundi, eademque firmare . Quare possit hominum pactis, conditiis, contractibus, atque inde consequente proprietate rerum, tenentur homines, quæ sua cuilibet facta sunt, tum jure humano, tum jure naturali indemnitas servare, ac reddere: non minus, ac nemini fas est polluere, quam *suum* mutuo consensu maritus fecit, uxorem; & e converso: unde adulteria injusta sunt, & justitiæ adversantur; ac etiam non minus terræ portionem, quam ante initas societates quispiam colendam sumpsit, ut fructus colligeret ad vitam conservandam necessarios, non absque injustitia alteri occurreret . De quibus omnibus plura in loco .

V. Exposito ergo, quod præcipuum est in justitiæ definitione, nempe propria materia, sive objecto ipsius, quod differentie locum habet, illamque distinguit a cæteris virtutibus; jam clarescit bonitas definitionis traditæ . Nam cæteræ, quæ præmittuntur, particulæ se tenent ex parte generis, easque communes cum virtutibus cæteris habet justitiæ . Unde cursim eas declaro: nimirum justitiâ dicitur *voluntas*, sive habitus voluntatem afficiens; nam in voluntate scilicet habet . Additur *perpetua*, & *constans* tribuendi &c. perpetua quidem, non quod actus, aut habitus ejus *perpetuo* durare debeat; sed ut conditio indicetur ad perfectæ virtutis rationem, quæ requiritur propositum semper, & in omnibus operandi secundum virtutem . *Constans* vero, ut significetur, quod in illo proposito oporteat firmiter permanere . Neque enim idem est *perpetuum*, & *constans* . Nam *perpetuum* designat tantummodo lo propositum, & intentionem ita semper operandi: *constans* autem addit ejusdem propositi firmitatem .

§. II.

Species, sive partes justitiæ .

VI. Tres communiter assignantur justitiæ species, sive partes; scilicet justitiâ generalis, seu *legalis*, *distributiva*, & *commutativa* . Divisionem hanc desumit S. Thomas ex triplici comparatione, quæ constitui potest in hominum societate; si hæc veluti quoddam totum partibus constans consideretur, nempe *partis ad totum*, *totius ad partem*, & *partis ad partem* . Priorem describit ille *questi. 58. art. 5.* his verbis: „ Justitiâ ordinat hominem in com-
„ paratione ad alterum: quod quidem po-
„ test esse dupliciter . Uno modo ad alium
„ singulariter consideratum: alio modo ad
„ alium in communi, secundum quod sci-
„ licet ille, qui servit alicui Communtra-
„ ti, servit omnibus hominibus, qui sub
„ Communitate illa continentur . Ad
„ utrumque ergo se potest habere justitiâ
„ secundum propriam rationem “ .

„ Manifestum est autem, quod omnes,
„ qui sub Communitate aliqua continen-
„ tur, comparantur ad Communitatem,
„ sicut partes ad totum . Pars autem id,
„ quod est, totius est . Unde & quodlibet
„ bonum partis est ordinabile in bonum
„ totius . Secundum hoc ergo bonum cu-
„ juslibet virtutis, sive ordinantis aliquem
„ hominem ad se ipsum, sive ordinantis
„ ipsum ad aliquas alias personas singula-
„ res, est referibile ad bonum commune,
„ ad quod ordinat justitiâ . Et secundum
„ hoc actus omnium virtutum possunt ad
„ justitiâ pertinere, secundum quod or-
„ dinat hominem ad bonum commune .
„ Et quantum ad hoc justitiâ dicitur *vir-
„ tus generalis* . Et quia ad legem perti-
„ net ordinare ad bonum commune, inde
„ est, quod talis justitiâ prædicto modo
„ generalis dicitur *justitiâ legalis*: quia
„ sci-

„ scilicet per eam homo concordat legi
„ ordinanti actus omnium virtutum in bo-
„ num commune “. .

Ihinc non pauci sunt, qui existimant iustitiam hanc generalem, seu *legalem* ab aliis virtutibus non distingui, sed confundi cum omni virtute, quæ juri, & legibus consentanea operatur. Nihilominus D. Thomæ sententia est hic *quest. 58. art. 6.* eam *generalem* appellari, non quod tam late pateat ejus essentia, quam virtus quælibet, sed ratione officii, & efficacis: quia ipsa nempe reliquarum virtutum actus ad commune, & publicum bonum referre doceat: *Sicut etiam caritas potest dici virtus generalis, in quantum ordinat alius omnium virtutum ad bonum divinum, licet eadem, quæ respicit bonum divinum ut proprium obiectum, sit quedam speciei virtus secundum suam essentiam.*

VII. Ad alias pergo iustitiæ partes, quæ sunt *distributiva*, & *commutativa*. Agit de utraque Doctor Angelicus *q. 6. art. 2.* & ait: *In distributiva iustitia datur aliquid alicui persone privatae, in quantum id, quod est totius, est debitum parti: quod quidem tanto majus est, quanto ipsa pars majorem principalem habet in toto; & ideo in distributiva iustitia tanto plus alicui de bonis communibus datur, quanto illa persona majorem habet principalem in communitate.* Unde hæc tradi solet distributivæ iustitiæ definitio, quod nempe sit ea, *quæ versatur in distributione communium bonorum, officiorum, bonorum, premium, & gratiarum, ut unicuique consentanea pro conditione, statu, meritis, & dignitate cujusque tribuantur.*

Iustitia *commutativa* versatur tota circa res, quæ sub sunt commerciis, & commutationibus hominum, si tamen voces istæ late usurpentur. In his vero redditur aliquid, ut inquit ibidem S. Thomas, singulari personæ propter rem ejus, quæ ac-

cepia est, ut maxime patet in emptione, & venditione, in quibus primum invenitur ratio commutationis. Unde hæc esse potest definitio ipsius, quod nimirum sit *virtus directiva commutationum, quæ fiunt inter personas, æqualitate rerum servata.*

Hujusmodi autem commutationum, quæ iustitia dirigit, aliæ sunt *voluntariæ*, quibus ultro rem suam alter transfert in dominium alterius: & aliæ *involuntariæ*, dicuntur, quibus res aliena, vel persona, invito Domino, usurpatur, aut læditur. Primi generis octo veluti species enumerat S. Thomas *q. 122. art. 3.*, scilicet emptionem, & venditionem, usufructum, mutuum, & commodatum, locationem, & conductionem, depositum, impignorationem, & fidejussionem. Quindecim vero posterioris recenset; & quæ sunt furtum, rapina, dolosa occisio, percussio, beneficium, violenta occisio, incarceration, verberatio, mutilatio, falsum testimonium, detractio, falsa accusatio, convicium, adulterium, servi seductio.

§. III.

De vitio injustitiæ.

VIII. Ex notione, & ex divisione iustitiæ, quam dedimus, & declaravimus, facile colligi potest, quid sit *injustitia*, quod est vitium ipsi directe oppositum. Hinc S. Thomas consequenter ad doctrinam suam *2. 2. q. 59. art. 1.* duplicem distinguit injustitiam: quarum altera *illegalis* dicitur, quæ nempe *legali* iustitiæ opponitur; & hanc definit secundum essentiam suam esse speciale vitium, quatenus respicit speciale obiectum, scilicet bonum commune, quod contemnit: Sed *quantum ad intentionem*, subdit, *est vitium generale*; quia per contemptum boni communis potest homo

ad

ad omnia peccata deduci : sicut etiam omnia vitia , quatenus repugnant bono communi , *injustitiæ* rationem habent , quasi ab *injustitia* profecta .

Altero modo *injustitia particularis* est , sicut & *justitia* , cui adversatur , secundum scilicet inæqualitatem quamdam ad alterum : prout nimirum homo vult amplius habere de bonis , puta divitiis , honoribus , & minus de malis , puta laboribus , & damnis . Atque ita considerata *injustitia* materiam , sive objectum speciale habet : & vitium peculiare est virtuti peculiaris *justitiæ* oppositum vel *distributiva* , vel *commutativa* .

Quemadmodum autem *justitiæ* objectum est aliquid *æquale* in rebus exterioribus ; ita quoque objectum *injustitiæ* est aliquid inæquale , prout videlicet alicui attribuitur magis , vel minus , quam sibi competat . Ad hoc autem objectum , inquit S. Thomas art. 2. , comparatur habitus *injustitiæ* mediante proprio actu , qui *injustificatio* appellatur . Unde contingere potest , quod qui *injustum* aliquid facit , non sit *injustus* .

IX. Hoc autem , quemadmodum & quæ docere pergit Doctor Angelicus , sic explicari possunt ; videlicet , variis modis contingit , aliquem operari , quod *injustum* est , primo *ignoranter* ; & si quidem ignorantia sit inculcata , nullatenus peccat : si vero culpabilis sit : peccat quidem , sed non idcirco dicendus est *simpliciter injustus* ; quia *injustum per se* , & *formaliter* non operatur , sed *materialiter* , & *per accident* .

Secundo potest aliquis , quod *injustum* est , committere ex aliqua passione iræ , luxuriæ , aliave simili . Et qui ita operatur , equidem peccat : sed non propterea *simpliciter* denominatur *injustus* . Quoniam , licet agat ex electione objecti , quod sciens , & volens eligit ; non tamen agit ex perfecta deliberatione , & electione *injusti formaliter* ; qui non omnino intendit facere *injustitiam* , sed potius passioni suæ , aut vo-

luptati satisfacere . Neque tamen inde colligas , ex passione luxuriæ mœchando cum aliqua muliere uxorata , non peccare etiam contra *justitiam* ; sed luxuriosum potius dicendum esse , quam mœchum .

Tertio potest aliquis *injustum* agere ex plena , & deliberata electione *injusti* , quod ipsi placeat : & iste simpliciter , & absolute dicitur *injustus* : quia agere ex plena deliberatione , & electione objecti , quod sciens , & volens quis eligit extra ignorantiam , & passionem , magnum indicium est habitus prævalentis in animo ipsius . *Injustum* siquidem esse hic denotat habitum , & ex habitu operantem : neque enim unus actus virtutis denominat hominem simpliciter *virtuosum* : sicut neque unus actus vitii præsertim ex ignorantia , vel passione elicitus , denominat *vitiosum* .

X. Aliam art. 3. difficultatem versat S. Thomas , num scilicet aliquis possit pati *injustum* volens ? eamque ita resolvit ; nimirum quod *injustum per se* , & *formaliter* loquendo , nullus potest facere , nisi volens , nec pati nisi volens ; probaturque hac ratione : „ Actio de sui ratione procedit agente : „ passio autem secundum propriam rationem est ab alio : unde non potest esse „ idem secundum idem agens , & patiens . „ Principium autem proprium agendi in hominibus est voluntas : & ideo illud „ proprie , & per se homo facit , quod „ volens facit ; & e converso illud proprie homo patitur , quod præter voluntatem suam patitur : quia , in quantum „ est volens , principium est ex seipso ; & ideo „ in quantum est hujusmodi ; magis „ est agens , quam patiens . Ita D. Thomas , qui tamen per accident , & quasi *materialiter* loquendo , consentit posse aliquem id , quod de se *injustum* est , vel *facere* volentem , sicut cum quis præter intentionem operatur ; vel *pati* volentem , sicut cum aliquis alteri tribuit amplius , quam ipsi d-

T 2

Hæc

Hæc doctrina firmatur vulgata illa regula juris in 6. *Scienti, & volenti non fit injuria*. Quæ tamen regula de illo intelligenda est, qui est omnino *sciens*, & *volens*; adeo ut ejus voluntarium admixtum involuntario non sit, sed liberum porsus, atque spontaneum: cujusmodi sane non est, dum quispiam ex ignorantia consentit, vel per violentiam, aut aliam similem injustitiam ad consentiendum adigitur; ut cum latroni mortem minitanti viator nummos tribuit.

CAPUT VI.

CONSECTARIA.

- I. Quo sensu S. Augustinus justitiam vocat amorem Deo servientem.
- II. Nedom primarius, sed etiam secundarius justitiæ actus in ipsius definitione comprehenditur.
- III. Necessè est justitiam semper esse ad alterum.
- IV. Justitia legalis veram habet, ac proprium justitiæ rationem.
- V. Justitia legalis, quæ reperitur in Principe, ejusdem speciei est, ac ea, quæ reperitur in subditis.
- VI. Justitia particularis, sive distributiva sit, sive commutativa, propriam habet, ac peculiarem materiam in actionibus exterioribus positam.
- VII. Hinc justitia per se, & primario non versatur circa passiones.
- VIII. Justitia medium non est rationis, sed rei.
- IX. Justitia nedum legalis, sed etiam particularis præeminet cæteris virtutibus moralibus, quæ sedem habent in appetitu sentiente.
- X. Speciale peccatum contra justitiam legalem non est quicquid vitiosum agitur, nisi fiat ex contemptu boni communis, vel intentione illud violandi.

- XI. Unde injustitia illegalis speciale quidem peccatum est secundum essentiam: generale vero secundum intentionem operantis.
- XII. Quamvis non improbabile sit Virgini injuriam non inferri, dum sciens ac volens in stuprum consentit: opposita tamen sententia probabilior est.
- XIII. Injuriam patitur tum qui nummos usurario solvit, tum qui pecuniam latroni mortem comminanti tribuit; læcet utrumque libere hoc faciat.
- XIV. Injustitia ex genere suo letale peccatum est; & solum ex pravitæ materia veniale.

CONSECTARIUM PRIMUM.

I. CUM S. Augustinus justitiam vocat, ut passim id præstat, amorem Deo servientem; hoc non est intelligendum eo sensu, ut virtus non sit a charitate distincta, sed eo duntaxat, quem exponit S. Thomas q. 58. art. 1. ad 6. nimirum: Sicut in dilectione Dei includitur dilectio proximi; ita etiam in hac, quod homo servit Deo, includitur, quo unicuique reddat, quod debet: adeoque charitas, quæ Deum diligit, ut summum bonum, non est justitia, sed virtus sublimior, quæ illam quemadmodum & cæteras virtutes, dirigit in finem proprium, omnesque elevat, & maxime perficit.

CONSECTARIUM SECUNDUM.

II. In eo, quod in justitiæ definitione diximus, ipsam tribuere unicuique, quod suum est, intelligendus venit nedum primarius, sed etiam secundarius justitiæ actus, qui est non lædere quempiam, & cum primario penitus coheret. Fieri namque non potest, quod aliquis firmum habeat propositum tribuendi euique, quod suum est, si aliquem aut lædat, aut lædere velit. Hoc enim est jus suum cuique tribuere, quod ei debitum est, reddere, si ipse non habet; intactum servare, si habet.

CON-

CONSECTARIUM TERTIUM.

III. *Iustitiam ad alterum semper esse necessum* est: nam iustitia æqualitatem importat; nihil autem, dum proprie loquimur, est sibi æquale, sed alteri. Quare inter partes ejusdem personæ, quoribus ratio imperat, & vires inferiores obediunt, etiam quædam iustitiæ similitudo fit, recte Augustino *lib. 19. de Civit. Dei cap. 21.*; ea tamen nonnisi metaphorica iustitia est: quia est inter vires, ac facultates ejusdem personæ, vel suppositi. Ad iustitiam autem præse dictam personarum diversitas requiritur.

CONSECTARIUM QUARTUM.

IV. *Iustitia legalis veram iustitiæ rationem obinet.* Nam inter Communitatem, & particulares ejus Cives reperitur tum verum debitum, tum suppositorum diversitas, ac etiam quædam æqualitas, dum alter alteri præstat, quod debet, secundum leges; adeoque nihil ipsi deficit, quod ad veram, propriamque iustitiæ rationem pertinet, quamquam minime negari queat, deesse aliquid ad ejus perfectionem hoc ipso, quod omnes ad Communitatem spectantes comparentur ad ipsam Communitatem veluti pars ad totum: pars autem id, quod est, totius est; atque adeo ibi iam perfecta *ad alterum* comparatio non fit, sicut est inter duos Coneives, quorum alter ab altero non pendet. Neque dicere, hujus iustitiæ transgressionem non obligare ad restitutionem: non enim restitutio cuiuscumque iustitiæ actus est, sed *commutativæ*; adeo ut probabile sit etiam *distributive* iustitiæ violationem, quæ vera iustitia species est, non inducere restitutionis onus, nisi quatenus cum ea immisceatur iustitiæ *commutativæ* violatio.

CONSECTARIUM QUINTUM.

V. *Ejusdem speciei est iustitia legalis*, quæ reperitur in Principe, ac in subditis: idem siquidem objectum formale respicit, scilicet *bonum commune*. Equidem Princeps bonum commune respicit, ac promovet per rationes universales, quam subditi. Veram hoc iustitiæ speciem non immutat: quemadmodum nec fidei species, aut natura mutatur ex hoc, quod Prælati per Scripturas, & argumenta sublimiora de fide judicent, subditi autem solam Ecclesiæ propositionem attendant. Hinc S. Thomas hic *art. 6.* docet quidem, iustitiam principaliter, & quasi archiæthonice esse in Principe; *in subditis autem secundario, et quasi ministrally*; sed hæc diversitas officii potius est, quam speciei; nec mutationem nisi numericam actus inducit, cum ad eundem finem, bonum nempe Reipublicæ, actus uterque conspiret.

CONSECTARIUM SEXTUM.

VI. *Iustitia particularis, distributiva* scilicet, & *commutativa* propriam habet, & peculiarem materiam; nimirum actiones exteriores, prout juxta eas unus alteri coordinatur. Cum enim iustitia a cæteris virtutibus differat, quod hæc componant, recteque hominem faciant in semetipso: iustitia vero in ordine ad alterum; consequens est, quod hæc ordinatio non perficiatur, nisi secundum actiones, & res exteriores, in quibus homines sibi invicem communicare possunt.

CONSECTARIUM SEPTIMUM.

VII. Atque hinc fit, iustitiam per se, & primario non versari circa passiones: Quod quidem, inquit S. Thomas *hic art. 9.* ex duobus apparet. Primo quidem ex ipso subjecto iustitiæ, *quod est voluntas*, cujus motus, vel actus non sunt
,, pas-

passiones; sed solum motus appetitus sensitivi *passiones* dicuntur; & ideo iustitia non est circa passiones, sicut temperantia, & fortitudo . . . Alio modo ex parte *materia*: quia iustitia est circa ea, quæ sunt ad alterum; non autem per passiones interiores immediate ad alterum ordinatur. Nihil tamen vetat, quin iustitia passiones respiciat indirecte ac mediate, sive mediantibus aliis virtutibus, temperantia, fortitudine &c.

CONSECTARIUM OCTAVUM.

VIII. Sicut medium aliarum virtutum moralium est *medium rationis*; ita medium iustitiæ est *medium rei*. Cum *medium* illud sit, quod inter extrema versatur, in moralibus autem extrema vocentur *excessus* & *defectus*; medium virtutis est bonum illud, quod inter excessum, & defectum consistit. Si sola ratio illud constituat, spectata qualitate personæ, *medium rationis* appellatur: si vero statuatur ex comparatione rei ad rem, sive per æqualitatem alicujus rei ad alteram, dicitur *medium rei*. Itaque, ut animadvertit S. Doctor hic art. 10. cum, aliæ virtutes morales, principaliter consistant circa passiones, quarum rectificatio non attenditur, nisi secundum comparationem ad ipsum hominem, cuius sunt passiones, prout scilicet quod irascitur, vel concupiscit, ut debet, secundum diversas circumstantias; ideo *medium* talium virtutum non accipitur secundum proportionem unius rei ad alteram, sed solum secundum comparationem ad ipsum virtuosum. Et propter hoc in ipsis est medium solum secundum rationem ipsam quoad nos. At vero materia (subdit ille) iustitiæ est exterior operatio, secundum quod ipsa, vel res, cuius est usus, debitam proportionem habet ad aliam personam. Et ideo *medium iustitiæ* consistit in qua-

dam proportionis æqualitate rei exterioris ad personam exteriorem. Æquale autem est realiter medium inter majus, & minus. Unde iustitia habet medium rei. Hic autem advertere opus est, interdum mutata persona mutari etiam *medium* iustitiæ, non propter diversam operantis complexionem, sicut in temperantia; sed propter ipsam personam, quæ mutationi subest, ex qua debitum, & æqualitas in rebus consistens variatur, si nimirum persone qualitas, sive conditio auget, aut minuit quantitatem rei. Sic majori punitione dignus est, qui percutit, aut occidit Principem, quam qui civem privatum; quoniam gravitas delicti, & injuriæ mutatur.

CONSECTARIUM NONUM.

IX. Iustitia nedum *legalis*, sed etiam *particularis* præcellit omnibus virtutibus moralibus, quæ in sentiente appetitu sedem habent: de his quippe loquitur Præceptor Angelicus hic art. 11. Et de *legali* quidem iustitia nullum esse dubium potest; quia cum hec primario, & per se ad commune bonum referatur, illud bono cuiusvis singularis personæ præeminet. Quoad iustitiam vero *particularem* attinet, ejus supra ceteris excellentiam primo repetit S. Thomas ex nobilitate subjecto, in quo residet, nempe voluntate, cum aliarum subiectum sit appetitus sentiens. Deinde ex parte objecti: aliæ namque virtutes laudantur solummodo secundum bonum ipsius virtuosus; iustitia autem laudatur, secundum quod virtuosus ad alium bene se habet, & sic iustitia quodammodo est bonum alterius. Et propter hoc Philosophus in 1. Rhet. tradit: *Necesse est maxime virtutes esse illas, quæ sunt aliis utilissima*.

CONSECTARIUM DECIMUM.

X. Non est peccatum speciale contra iustitiam.

licitiam legalem, quiddid vitiosum agitur, nisi hoc fiat ex contemptu boni communis, vel ex certa intentione contra illud agendi. Nam si contemptus, & ejusmodi intentio prorsus absint, injustitia illegalis non erit vitium distinctum ab iis, quæ adversus illas virtutes perpetrantur, quarum actus exercendi erant ex imperio legalis iustitiæ, sed erit quædam generalia omnium peccatorum consilio; ut si aliquis vel occidat, vel fornicetur, furetur &c., non ex animo contemnendi legem, vel bono communi adversanti, sed ut cupiditati suæ obsequatur; tunc enim peccatum ad illas virtutum species pertinebit, quibus ea vitia opponuntur.

CONSECTARIUM UNDECIMUM.

XI. Ex quo colligi potest, *illegalem* injustitiam *specialem* quidem vitium esse secundum essentiam suam; *generale* vero secundum intentionem operantis, quatenus ex animo, vel intentione operantis potest unicuique vitio admisceri, si nempe fiat ex contemptu communis boni; ut si quis ex. gr. furetur pecuniam non ex passione duntaxat, sed etiam ex contemptu vel legis, vel boni communis: quod peccatum, utpote tunc speciale, in Confessione peculiariter apertendum esset.

CONSECTARIUM DUODECIMUM.

XII. Quoniam nullus sciens, et volens *injustum* patitur; qui Virginem voluntarie, ac spontanee consentientem violat, nullam in ipsam committit injuriam. Injuriam tamen parentibus infert, sub quorum potestate est, nisi forte & ipsi libere assentiantur: eoque in casu peccatum illud non erit contra iustitiam, sed solum contra reverentiam. Ita respondet Banez, Silvius, alique. Verum probabilius alii putant; etiam contra iustitiam illum peccare: quia Virgo claustræ sui virginalis ita

domina non est, ut de ipso ad libitum disponere valeat; de quo alibi.

CONSECTARIUM DECIMUMTERTIUM.

XIII. Injustitiam aliquis ab Usurario patitur usuras exigente, quamquam eas ipsi libere solvat; non enim iste est volens plena, ac perfecta voluntarii ratione, sicut neque ille, qui latroni mortem minanti pecuniam tribuit. Nam qui vel usuras solvit, vel pecuniam latroni tribuit, simpliciter quidem hoc vult, atque eligit, ut suæ necessitati succurrat; nolle tamen solvere, vel tribuere, si usurarius gratis murum præstare vellet, & latro pecuniam non extorqueret.

CONSECTARIUM DECIMUMQUARTUM.

XIV. Injustitia de se peccatum lethale est; quoniam cum alteri ex sua ratione nocumentum inferat, charitati repugnat. Propter ramen materiæ pravitate veniale est: siquidem, ut ait S. Thomas q. 59. art. 4. ad 2., *deficit a perfecta ratione ejus, quod est injustum facere: in quantum potest reputari non esse omnino contra voluntatem ejus, qui hoc patitur: puta si auferat aliquis alicui unum pomum, vel aliquid tale, de quo probabile est, quod ille inde non lædatur, nec ei displicat.*

CAPUT VII.

De judicio, prout actus iustitiæ est.

DOCTRINA.

- I. *Judicii, quo de agitur, definitio.*
- II. *De conditionibus, quæ ad iustum iudicium requiruntur.*
- III. *An lethaliter peccet Iudex, in peccato mortali sententiam pronuncians. Doctrina S. Thomæ.*
- IV. *Quanam ex data doctrina colligantur.*
- V. *De judicio ex suspitione profecto. Quid sit suspicio: quinam ejus gradus.*

VII.

- VI. *Suspicio quo sensu peccatum letale sapie-
sit.*
VII. *Quid de hoc sensu senserit S. Thomas,
ostenditur.*
VIII. *Dubia in meliorem partem interpre-
tanda sunt.*
IX. *Hujus doctrinae amplior explicatio.*
X. *In iudicio publico sive seculari, sive ec-
clesiastico juxta leges scriptas judican-
dum est.*
XI. *Sententia iudicis injusta valorem non ha-
bet in foro conscientie.*
XII. *De iudicio perverso propter iudicialia
auctoritatis usurpationem.*
XIII. *Dirimitur controversia de legibus, ac
iudiciis Tyrannorum, sive in regimine,
sive in titulo ejusmodi sunt.*

§. I.

De definitione Iudicii, prout hic sonatur.

I. JUDICIUM multiplex in sensu sumi potest, ac solet; nempe pro determinatione intellectus in quacunque materia, pro causis, & negotiis, de quibus est judicandum, pro legibus, & mandatis, pro punitione, & condemnatione, pro loco, in quo fertur sententia iudicis &c. In hac vero quaest. 50. sumit illud S. Thomas pro actu ad iustitiae virtutem pertinente. Unde ex S. Doctoris doctrina, quam rora quaestione tradit, iudicium, quo de agimus, ita definitur potest, quod nimirum sit,

Actus determinatio ejus, quod iustum est; sive illa fiat per iudicem cogentem partes ad aequalitatem servandam: sive per privatas personas ferentes de aliorum prohibita sententiam.

Hec definitio colligitur quoad priorem partem ex art. 1. & 2. quoad alteram vero ex art. 3. & 4. Primum itaque ostendit S. Thomas, iudicium esse actum iustitiae hinc ratione, quod scilicet „Iudicium proprie

„nominat actum iudicis, in quantum iudex est: iudex autem dicitur, quasi ius dicens. Ius autem est obiectum iustitiae, ut supra habitum est. Et ideo iudicium importat secundum primam nominis impositionem definitionem, sive determinationem iusti, sive iuris. Quod autem aliquis bene definit aliquid in operibus virtutis, proprie procedit ex habitu virtutis: sicut castus recte determinat ea, quae pertinent ad castitatem. Et ideo iudicium, quod importat rectam determinationem ejus, quod est iustum, proprie pertinet ad iustitiam. Hic tamen animadvertere oportet juxta traditam iudicii definitionem, minime requiri ad essentialem iudicii rationem auctoritatem Superiorem, cum etiam privatis personis vera, ac proprie dicti iudicii iudicii ratio competere valeat: quibus nequaquam adversari ea, quae hic habet S. Doctor, nempe iudicium, quod importat definitionem iusti, pertinet ad iustitiam, secundum quod est principaliori modo in *Prasidente*, iusticia contabit.

§. II.

De conditionibus ad iustum iudicium requisitis.

II. Ut occasionem sumat S. Thomas agendi de conditionibus, quae ad iustum iudicium requiruntur, inquit art. 2. *utrum sit licitum iudicare: ac tres conditiones esse docet, ut iudicium actus iustitiae sit, necessarias: quarum prima est, ut ex inclinatione iustitiae procedat: altera, ut procedat ex auctoritate Praesidentis; tertia, ut secundum rectam rationem prudentia profertur.* Qualibet autem ex his deficiente, iudicium vitiosum est. Si prima deficiat, perversum erit, aut *injustum*: si secunda, erit *usurpatum*: si tertia, *temerarium*.

Quoad primam ex his conditionibus attinet, sensus non est, quod iudicium, ut actus iustitiae sit, procedere debeat ex *habitu*

bitu iustitiæ : certum quippe est, hoc habitu carere posse iudicem, neque tamen iniustum, aut perversum ferre iudicium, si regulam iustitiæ, & prudentiæ dictamen seruet: sed hoc sensu est intelligenda, tum quod iudicium ferri debeat non contra iustitiam; tum quod ex affectu, & amore iustitiæ proveniat; tum demum quod non ex aliqua privata affectione feratur: uno verbo oportet, quod iudicium procedat ex inclinatione iustitiæ, idest secundum iustitiæ rectitudinem, ex affectu scilicet, siue intentione reddendi unicuique, *quod suum est*, proferatur, idque juxta leges, & iustitiæ regulas. Quæ si desint, iudicium dicitur *iniustum*, & est mortale peccatum adversus iustitiam.

Quoad alteram conditionem spectat, adnotandum est, *authoritatem* Principis, siue Presidentis non ad omne iudicium necessariam esse. Sicut enim privata persona virtutis iustitiæ gaudere potest, ejusque actum exequi, aliena restituendo, aut debita solvendo; ita quoque judicando, quod hoc, vel illi fieri debeat juxta regulas iustitiæ. Sed hæc conditio ad *publicam* duntaxat iudicium exigitur, cujusmodi est, quod in tribunalibus siue Sæcularibus, siue Ecclesiasticis exercetur. Quoniam ad hujusmodi iudicium vis coactiva necessaria est, qua is, qui judicat, partes ad obtemperandum compellere valeat, siue ad observantiam sententiam iudicis. De hoc iudicio loquitur D. Thomam manifestum est, cum ad iudicandum Superioris auctoritatem requirit, ne patet ex *quest. 67. art. 1.* ubi ait: *Sicut lex generalis debet habere vim coactivam; ita etiam sententia iudicis habere debet vim coactivam, per quam costringatur utraque pars ad servandam sententiam iudicis.*

Circa tertiam conditionem hæc requiritur, ut qui iudicium proferit, servet leges, ac rectitudinem prudentiæ, habita scilicet ratione loci, temporis, personarum, alia-

Patuzzi Theol. Mor. T. II.

rumque circumstantiarum. Alioquin, quamquam, quod iustum est, constitueret, si tamen id non præster, quando, ubi, & quomodo oportet, iudicium ipsius vel suspectum erit, vel temerarium.

§. III.

Num letaliter peccet Iudex in peccato letali sententiam proferens.

III. Ex his, quæ docet S. Thomas in hoc art. respondens ad 3. argumentum, quæstio suboritur haud levis momenti, an scilicet peccet Iudex letaliter, dum iudicat in peccato mortali existens? Et quidem ejus responsio istiusmodi est: „Dicens, „quod illi, qui sunt in gravibus peccatis, „non debent iudicare eos, qui sunt in iis- „dem peccatis, vel minoribus, ut Chryso- „stomus dicit super illud Matth. 7.: *Nolite „iudicare.* Et præcipue hoc est intelligen- „dum, quando illa peccata sunt publica: „quia ex hoc generatur scandalum in cor- „dibus aliorum. Si autem non sunt pub- „lica, sed occulta, & necessitas iudican- „di imminet propter officium, potest cum „humilitate, & timore vel arguere, vel „iudicare. Unde Augustinus dicit *de serm. „Domini in Mont. lib. 2. cap. 29.*: *Si in- „venimus eos ex eodem vitio esse, conga- „mismus, & ad pariter conandum invita- „mus.* Nec tamen propter hoc homo sic „seipsum condemnat, ut novum condem- „nationis meritum sibi acquirat; sed quia „condemnans alium ostendit se similiter „condemnabilem esse propter idem pec- „catum, vel simile “.

IV. Ex hæc fulgentissima Sancti Thomæ doctrina nonnulla erui possunt quoad propositam quæstionem. Primo scilicet, Iudicem in peccato mortali ex officio suo iudicantem non ideo peccare, quasi auctoritatem ad iudicandum per peccatum amiserit. Christus enim Matth. 23. non idcirco

co,

co, quia Scribæ, & Pharisei peccatores erant, suam auctoritatem, ac potestatem amississe censuit, sed potius eam retinuisse docuit, dicens: *Super cathedram Moysi sederunt Scribæ, & Pharisei. Omnia ergo quæcunque dixerint vobis, servate, & facite: secundum vero opera eorum nolite facere.* Et S. Petrus fideles admonet, ut Dominis obediant non tantum bonis, & modestis, sed etiam dyscolis.

Sequitur secundo, Judicem five Sæcularem five Ecclesiasticum, existentem nendum in occulto delicto, verum etiam in publico, sed scandalum non præbente, haud peccare lethaliter, imo ne venialiter quidem, si peccatum occultum sit, & ex officio iudicium exerceat, non ex odio, aut superbia, aut aliquo alio pravo affectu. Ita colligitur ex verbis illis Sancti Thomæ: *Si peccata non sint publica, sed occulta, & necessitas iudicandi imminet propter officium, potest cum humilitate, & timore vel arguere, vel iudicare.* Quod amplius declarat *lect. 1. in cap. 8. Joan. Si est in proposito peccandi, aut proferat sententiam ut legis minister: & sic non peccat ex hoc, quod sententiam proferat: quamvis peccet ex hoc, quod talia facit, quibus dignus est contra se ipsum similem sententiam recipere.* Si autem proprio motu, dico, quod proferendo sententiam peccat: cum non moveatur ad hoc ex amore iustitiæ, sed ex aliqua mala radice. Quod ex aliis etiam locis constat. Unde dicendum est, S. Thomam correxisse, quod antea scripserat in 4. dist. 19. art. 2. *quæst. 2. peccare, nimirum, qui existens in peccato mortali etiam occulto, prælationis utitur officio alterum corripiendo, vel quidpiam aliud proprii officii exequendo.*

Ratio quoque ad eandem assertionem probandam suffragatur. Siquidem huiusmodi iudex ferendo sententiam servat condiciones omnes, quæ ad rectum iudicium necessariae sunt, non sufficientem autori-

tatem habet, ut supponimus, & iuxta inclinationem iuditiæ operatur: jus etiam peritiam non caret, sicut neque causæ cognitione, nec cæteris aliis, quæ ad recte iudicandum moralis prudentia requirit, adeoque nihil est, cur iudicium ipsius actus moraliter bonus existimari non debeat.

Tertio colligitur, Judicem existentem in peccato mortali non solum publico, sed etiam scandaloso peccatum committere ex genere suo lethale: omne namque peccatum, quod scandalum parit, ex genere suo peccatum lethale, ut alibi dicimus. Huiusmodi autem iudex aliis scandalum est: præbet enim occasionem conquerendi, vel quod iudex in cæteris puniat eadem, quæ ipse committit; vel quod iustitia vim non habeat eandem in iudice, ac in aliis; atque ita iustitia contemptui exponitur. Negari tamen haud posse videtur, hoc iudicis peccatum, licet ex se grave sit, veniale nonnunquam esse posse ob materiæ levitatem, aut si peccatum illud vel nullum, vel exiguum scandalum præbeat, veluti si scandalosum non fuerit relate ad sententiam, quam iudex proferat, neque ipsam contemptui exponat.

§. IV.

De iudicio ex suspitione profecto.

V. Suspicio, prout eam hic art. 3. definit ex Tullio S. Thomas, est *quidam opinio mali ex levibus indicitiis procedens*; & ex tribus contingere docet. Uno quidem modo ex hoc, quod aliquis in se ipso malus existens, ex hoc ipso quasi conscius malitiæ suæ, facile de aliis malum opinatur, juxta illud Eccles. 10. *In via stultus ambulans, cum ipse sit insipiens, omnes stultos æstimat.* Alio modo ex hoc provenit, quod aliquis male ad alterum afficitur: quoniam, cum aliquis alium contemnit, aut odio habet, aut adversus eum irascitur,

tur, aut invidet, ex levibus signis per-
motus de ipso malum opinari solet; quia
faciliter quisque credit, quod appetit.
Tertio modo provenit suspicio ex diutur-
na experientia; qua de causa, ut obser-
vat Philosophus in 3. Rhetor. *Senes sunt
maxime suspiciosi, quia multoties experti
sunt aliorum defectus.* Prioris duæ suspi-
cionis causæ ad perversitatem affectus per-
tinent; tertia vero rationem suspicionis
inminuit, quatenus experientia ad certitu-
dinem proficit, qua est contra rationem su-
spicionis. Atque adeo, concludit S. Do-
ctor, *suspicio vitium quoddam importat; &
quanto magis procedit suspicio, tanto magis
est vitiosum.*

Porro triplicem suspicionis gradum di-
stinguere oportet cum eodem Angelico
Præceptore. Et primus quidem gradus est,
ut homo ex levibus indiciis incipiat de al-
terius probitate dubitare: & hoc quidem
veniale, ac leve peccatum esse definit: *Per-
tinet enim, inquit, ad tentationem huma-
nam, sine qua vita ista non ducitur, ut ha-
beatur in Gloss. ad illud 1. ad Corinth. 4.
Nolite ante tempus judicare.*

Alter gradus est, cum aliquis pro certo
malitiam alterius æstimat ex levibus indi-
ciis: & si de aliquo gravi peccato con-
cipiatur, peccatum mortale est, quatenus
non est sine proximi nostri contemptu,
qui charitati repugnat. Unde Glossa ibi-
dem subdit: *Si ergo suspensionem vitare non
possumus, quia homines sumus, iudicis ta-
men, id est defensionis, firmasque sententias
continere debemus.*

Tertius tandem gradus est, cum aliquis
iudex ex suspensione procedit ad aliquem
condemnandum; & hoc directe ad iudi-
cium pertinet, & peccatum mortale est,
& iustitiæ adversatur.

VI. Hæc quamvis satis aperta videan-
tur, nihilominus inter Theologos dissi-
dium est, num suspicio ad rationem mor-

talitatis peccati, saltem aliquando, pertin-
gat. Sed hanc controversiam, ac, si qua
est, difficultatem discuti facile posse arbi-
tror, diligenter perpensa S. Thomæ do-
ctrina. Unde primum assero: suspicari,
vel etiam judicare quidpiam mali de pro-
ximo, quoties ad suspensionem, vel iudi-
cium, quod firmam adhesionem intellē-
ctat importat, formandum causæ sunt ad
hoc sufficienter moventes, nullum pecca-
tum esse: siquidem hujusmodi suspicio,
aut iudicium conforme tunc est prudentiæ,
atque adeo rectum. Neque hic temporis
habenda ratio est sive brevis, sive diutur-
ni, quo suspicio, vel iudicium duravit,
si eadem causæ moventer persistant.

1. Si iudicium temerarium sit, hoc est,
conceptum sine sufficiente motivo, quod
ex rei qualitate, conditione persone, &
circumstantiis maxime pendet, peccatum
lethale est, aientia gravitate mali, circa
quod iudicium versatur: quia tunc proxi-
mo gravis infertur injuria; nec leve fieri
potest, nisi ex imperfectione actus, si
nempe desit plena advertentia, ut in re-
liquis id genus peccatis contingit.

3. Suspicio temeraria, id est ex levibus,
& insufficientibus motivis concepta, sive
opinionem imprudentem mali, sive dubi-
tationem propriæ dictæ secum afferat,
ex genere suo peccatum lethale est; so-
lumque veniale sit vel propter materiæ
parvitatē, vel propter imperfectionem
actus haud plene deliberati.

VII. Hoc assertum, de quo dumtaxat
dissensio videtur esse penes Theologos, ex
irrita D. Thomæ doctrina perspicuo coi-
ligi mihi videtur. Cum enim tres gradus
suspicionis distinxisset, in primo non com-
prehendere dubitationem, & opinionem
plene deliberatam, sed eam tantum, quæ
levis est, ac veluti repentina, primusque
rationis motus, satis constat ex eo, quod
illam veluti definientem ait, quoties ex levi-
bus

huc indicium dubitare quis incipit; ubi consulto non dixit, *quando dubitat*, sed *quando dubitare incipit*, ut nempe significet, ad hunc gradum, quem solum *veniens peccatum* esse docet, non pertinere suspicionem, aut dubitationem, quæ est omnino deliberata, & perfecta, sed illam tantum, quæ est imperfecta, repentina, & indeliberata. De hac enim, non autem de altera loqui compertum est.

Præterea de suspitione hujusce primi gradus S. Thomas Augustinum sequitur affirmat, ipsam *pertinere ad humanam tentationem, sine qua vita ista non ducitur*. Porro certum est, solas leves, ac repentinas suspiciones ad hujusmodi *tentationem humanam* pertinere: quoniam cæ suspiciones, quæ prorsus deliberatæ sunt, non ad fragilitatem humanam, sed ad diabolicam tentationem referuntur.

Denum ex responsione S. Thomæ *ad 2. argument.* & ex articulo sequenti liquido apparet, in eo primo gradu non completi opinionem plene deliberatam. Scribit enim act. 4. *Ex hoc ipso, quod aliquis habet malam opinionem de alio absque sufficienti causa, indebite contemnit ipsum, & injuriatur ei*. Hoc autem articulo 3. docet peccatum mortale esse contemnere proximum, eique injuriam inferre; adeoque in primo gradu non loquitur, nisi de suspitione indeliberata.

Profecto si suspitionis propriæ dictæ notionem penitus expendamus, aliter loqui non possumus. Quid enim suspicio sit, jam vidimus ex ipso S. Doctore, nempe *opinio mali de proximo ex levibus indiciiis procedens*: opinari autem de gravi peccato proximi ex levibus, & insufficientibus indiciiis, nunc est injuriam in corde nostro ipsi inferre, eumque contemnere? Injuriam autem sine causa proximo inferre, eumque contemnere, quis neget ex genere suo grave esse peccatum?

Id confirmari potest ex pluribus Scripturarum locutionibus, quæ quidem principaliter damnant temerarium de proximi peccato judicium, quod certam importat, ac definitam sine justa, ac sufficienti causa sententiam; sed simul etiam comprehendere omnem illam dubitationem, ac malam opinionem deliberatam, planeque voluntariam, ex levibus indiciiis ita cognitæ conceptam, dubitari vix potest, præsertim cum hoc in sensu intelligantur, & explicentur a Sanctis Ecclesiæ Patribus, qui nedum certa, ac firma temeraria judicia de proximorum nostrorum pravitare execrantur, sed etiam malas opiniones, quæ tanta certitudine, ac firmitate non gaudent, in quas homines frequentius incurrunt, & ex quibus plerumque derivantur detractiones, mormurationes, aliæque, quæ tum charitati, tum justitiæ operantur.

§. V.

Num dubia in meliorem partem interpretari debeamus?

VIII. Quæstionem hanc versat S. Thomas hic *art. 4.* camque affirmative resolvit; & hac brevi quidem, sed efficaci ratione confirmat: „Sicut dictum est, ex hoc ipso, quod aliquis habet malam opinionem de alio absque sufficienti causa, injuriatur ei, & contemnit ipsum. Nullus autem debet alium contemnere, vel nocumentum quodcumque inferre absque causa cogente. Et ideo ubi non apparent manifesta indicia de malitia alicujus, debemus eum ut bonum habere.“ Huic doctrinæ favent inter alios Ecclesiæ Doctores Sancti Augustinus, & Bernardus. Prior utamque *lib. 2. de serm. Dom. in mont. cap. 18.* ad illa Christi Domini verba apud Matth. cap. 7. *Nolite judicare &c.* subjicit: *Hæc loquor vobis*

pro

præcipi existimo, nisi ut ea facta, quæ ducuntur, quo animo fiant, in meliorem partem interpretemur. Alter vero, nimirum S. Bernardus serm. 40. in Cant. Etiam si perperam actum quid deprehendas, nec sic iudices proximum: magis autem excusa. Excusa intentionem, si opus non potes; puta ignorantiam, puta subreptionem, puta casum.

Favet etiam illud pervulgatum juris naturæ principium: *Quod tibi non vis fieri, alteri ne feceris. Nemo autem vult, actiones suas dubias in partem deteriorem accipere, sed potius in meliorem. Ex quo naturali principio deducta sunt duo alia juris positivi: Cum jura partium sunt obsecra, reo favendum potius est quam allori: . . . In pari delicto, vel causa potior est conditio possidentis.*

IX. Hæc doctrina, ut facile quisque percipit, intelligenda est de dubiis elica probitatem, aut pravitatem proximi nostri, adeoque de dubiis, quæ personas spectant; non autem de dubiis, quæ spectant res secundum se consideratas absque ullo ad personas respectu. Quandoquidem dubia de rebus, ex. gr. *Stus licitus, an illicitus hujusmodi contractus*, non in meliorem, sive benigniorem partem interpretanda sunt, sed suis ponderibus æstimanda. In hoc enim judicio nullum subest periculum nocendi alteri. In judicio autem de personis, ubi non res cum re, sed cum persona, vel ejus intentione comparatur, veritas ab iis solum querenda est, quorum interest, & ita quidem ut nulla ipsi personæ injuria fiat. Hinc S. Thomas in *resp. ad 2.* ait: *In judicio, in quo de rebus judicatur, non attenditur bonum, vel malum ex parte ipsius rei; sed attenditur solum bonum judicantis, si vere iudicet, vel malum, si falso: quia verum est bonum intellectus; falsum autem est malum ipsius. Sed in judicio, quo judicamus de hominibus, præcipue attenditur bonum, vel*

malum ex parte ejus, de quo judicatur: an videlicet judicio proximus honoretur, vel conseruetur, & injuriam patiatur in bona extinctione, ad quam jus habet. Fit hoc jus, quod quilibet habet ad suam famam, sive bonam de semetipso opinionem, quamdiu contrarium manifestum non constet; sufficiens ratio est, ut dubia in meliorem partem interpretari debeamus; aut positive, meliori scilicet parti assentiendo, si indicia levia sint; aut saltem negative, suspendendo nimirum actum judicii, si indicia æque utrinque gravia fuerint.

§. VI.

In judicio publico, quod in Tribunalibus sive secularibus, sive ecclesiasticis exercetur, semper juxta leges scriptas judicandum est.

X. Hæc assertio traditur a S. Thomas *art. 5.*, ac luculenter probatur his verbis: *Judicium nihil aliud est, quam quædam definitio, vel determinatio ejus, quod justum est. Fit autem aliquid justum dupliciter: uno modo ex ipsa natura rei; quod dicitur jus naturale: alio modo ex quodam condito inter homines, quod dicitur jus positivum. Leges autem scriptæ sunt ad utriusque juris declarationem; aliter tamen, & aliter. Nam legis scriptura jus quidem naturale continet, sed non instituit. Non enim habet robur ex lege, sed ex natura. Jus autem positivum scripturam legis & continet, & instituit, dans ei auctoritatis robur. Et ideo necesse est, quod judicium fiat secundum legis scripturam: alioquin judicium deficeret vel a iusto naturali, vel a iusto positivo.*

Gemina tradit Gregorius II. q. 3. l. *Summopere*, statuens, ut, transi prius diligenter ventilatis, cum res, quæ ignorarentur, pleniter ad notitiam venerit, tunc divina,

et humana lex revolvatur : & tunc secundum quod ibi constitutum est , remota personarum acceptione , definitiva proferatur sententia . Quod & antea prælocuetur S. Augustinus de legibus humanis loquens his verbis : *Quamquam de his homines judicent , cum eas instituant ; tamen , cum fuerint instituta , atque firmata , non licebit iudici de ipsis judicare , sed secundum ipsas .*

Advertendum tamen , prout advertit etiam Doctor Angelicus , distinctione aliqua opus esse inter leges naturales , & humanas , quod illæ , utpote quæ jus naturæ continent , quod nulli mutationi obnoxium est , sed immutabile semper manet , ita iudices obligant , ut juxta ipsas judicare semper debeant : Humanæ vero , quæ mere positive sunt , nec jus naturæ implicant , casus aliquos admittunt , in quibus secundum ipsas judicare non oporteat , prout exponit in resp. ad 1. , & 2. argument.

Et quidem cum sibi primo loco objecisset , *Legem scriptam humanam , quod injustum est , aliquando continere ;* reponit , quod hæc , sicut nullum robur præstat juri naturali , ita nec potest hujusce robur imminuere , vel auferte : *quia nec voluntas humana potest immutare naturam .* Atque adeo si scriptura legis humanæ aliquid contineat contra jus naturale , secundum eam judicandum non est , prout jam diximus in *Tract. de Legibus .*

Altetum argumentum erat , quod cum judicium versetur circa casus singulares , lex humana scripta eos omnes comprehendere nequit . Respondet vero admittendo , quod leges humanæ , quod sunt recte positæ , in aliquibus casibus deficient , in quibus si lex scripta servaretur , esset contra Legislatoris mentem , & ideo in his casibus judicandum non esse juxta litteram legis , sed potius juxta mentem Legislatoris . Vide quæ loco citato dicta sunt .

XI. Hic veto institui a Theologis questio solet , non sententia judicis *injusta* valorem habeat in foro conscientie , cum nempe *injusta* est ex natura rei , & causæ , qua per errorem , secundum allegata , & probata , contra facti veritatem aliquis re , vel jure suo privatur . Qua in questione nonnulli distinguunt inter causas sæculares , & ecclesiasticas ; ac de prioribus quidem affirmant , *injustam* sententiam non esse validam in foro conscientie ; secus autem de posterioribus . Mihi veto videtur , tum in causis sæcularibus , tum in ecclesiasticis eandem militare rationem , adeoque Judicis sententiam , quæ citra dubium *injusta* est , quæcumque sit , sive declarativa , sive privativa , tamen *secundum allegata , & probata* pronuncietur , nullam habere vim in foro conscientie , hoc est neque aliquem privare re , vel jure suo , neque alteri jus verum conferre .

Assertum hoc in eo principio fundatur Angelici Doctoris , quod habet hic *quæst. 70. art. 4. ad 2.* scilicet *injustum* judicium non est *judicium* : adeoque res in eodem statu relate ad conscientiam se habere debet , ac si nullum *judicium* secutum fuisset . Quod principium amplius explicatur , ac roboratur ex definitione ipsius *judicii* , quam ex ipso tradidimus , quod nimirum *nihil aliud sit , quam quedam definitio , ac determinatio ejus , quod justum est .* Porro *injusta* sententia determinat id , quod recipi ipsa est *injustum* ; ideo namque *injusta* vocatur . Igitur nullum in foro conscientie valorem obtinet , ac si lara non esset . Et sane sententia judicis quid aliud est , nisi quædam quasi lex in aliquo particulari facto : lex autem *injusta* non est vera lex , caretque virtute obligandi conscientiam ; adeoque neque *injusta* sententia judicis talem vim obtinere potest .

§. VII.

De judicio perverso propter autoritatis usurpationem.

XII. Ex iis, quæ docuit *art.* præcedente hujus *quest.* 60. subinfert S. Thomas resolutionem circa judicium per usurpationem autoritatis redditum, quod definiri potest, illud esse, quod exercetur absque legitima autoritate in personam, quæ vel judicanti subiecta non est, vel saltem non in iis causis, in quibus ab eo judicatur. Qui enim ita judicat, autoritatem, quæ caret, sibi usurpat.

Igitur hocce judicium perversum esse, hæc ratione declarat. Judicium namque in Tribunalibus, ut rectum sit, juxta leges scriptas ferendum est. Ille autem, qui judicium pronunciat, legis edictum quodammodo interpretatur, ipsumque applicat ad hoc, vel illud particulare negotium. Ejusdem porro autoritatis est legem interpretari, ac legem condere: adeoque, sicut lex condi nequit, nisi publica autoritate, ita nec nisi publica autoritate vel Principis, vel illius, cui eam Princeps commisit, judicium ferri potest; quæ quidem se extendit ad omnes, qui communitati subijciuntur. Unde concludit: Et ideo, sicut injustum esset, ut aliquis constringeret alium ad legem servandam, quæ non esset publica autoritate sancita; ita etiam injustum est, si aliquis compellat aliquem ferre judicium, quod publica autoritate non ferretur.

Hæc ratio si perpendatur, objectionem solvit, quæ fieri potest, sibi que proponit S. Thomas, quod scilicet nihil depercat rectitudini justitiæ ex hoc, quod alii etiam publica autoritate carentes id; quod justum est, determinent. Nam pronuntiatio sola veritatis non importat compulsionem ad hoc, quod suscipiatur, sed liberum est uni-

cuique eam recipere, vel non recipere, prout vult. Sed judicium importat quandam compulsionem: & ideo injustum est, quod aliquis judicetur ab eo, qui publicam autoritatem non habet.

XIII. Verum occasione hujus resolutionis controversia subnascitur, quoad iusticia, & leges Tyrannorum; num hæc ita perversa censenda sint, ut iisdem populus obtemperare minime teneatur. Cui quæstioni ut satisfaciamus, duo in primis Tyrannorum genera distinguenda sunt. Alii namque sunt Tyranni in solo regimine, sive in administratione regni, cujus domini sunt aliquo legitimo jure; quatenus illud administrent non secundum jus, & æquitatem, sed inique gubernant, & non ad populorum communiæ bonum, sed ad bonum, utilitatem, & cupiditatem propriam referunt omnia. Alii dicuntur Tyranni in *translo*, utpote qui regnum, seu Principatum nec jure hæreditario, nec populi electione, nec alio iusto titulo sibi competentem vi, aut dolo vel usurparunt, vel usurpare conantur. Hi duplicis generis esse possunt: alii siquidem regnum tyrannice usurpatum jam possident, & in eo pacifice imperant, Republica non amplius reluctante, sive propter defectum vitium, sive propter aliam quamcumque causam: Alii vero regnum nondum pacifice obtinent, sed obviare conantur, Republica vel adhuc contradicente, vel armis etiam se illis opponente. Quibus positis

Dicendum primo est: iusta iudicia, sicut etiam iustæ leges illius, qui solo regimine Tyrannus est, haud propterea perversa sunt, sed populum obligant, ut hisce iudiciis, & legibus sese subiciat. Tyrannus quippe hujusmodi verus Princeps est, ac legitima auctoritate ferendi leges iustas, & secundum eas judicandi potitur. Idemque dicendum de legibus, & iudiciis secundum allegata, & probata editis ab eo Tyranno, qui

qui tyrannice quidem regnum usurpavit, at, cessante jam violentia, paceque fruente Republica, imperat: tunc enim saltem tacite in huiusmodi leges, & judicia consentit Respublica, suoque consensu his auctoritatem, & robur attribuit. Atque hæc profecto D. Thomæ sententia est, qui in 2. sent. dist. 44. quæst. 2. art. 2. docet, Eum, qui per violentiam dominium surripit, non effici verum dominum, nisi postea Dominus efficiatur vel per consensum subditorum, vel per auctoritatem Superioris. Si autem verus Princeps est, verusque Dominus, jam leges legitime rogare potest, ac ferre iustitia, quæ populi ex conscientia subdantur, eisque obediunt.

Decendum est secundo: Si Tyrannus, qui nondum Principatum, aut Regnum obtinet, sed illud invadit, ut eo potiarur, resistente legitimo Domino, aut Republica, iudicia ferat, quantumlibet iuxta allegata, & probata ferantur, perversa sunt, nullamque proinde habent obligandi vim. Evidens ratio est: quia nec in illo est auctoritas gubernandi, nec in populo parendi necessitas propter Reipublicæ bonum, quod hoc requirit. Hinc D. Thomas loco laudato scribit: *Qui per violentiam prelationem accipiunt, non sunt veri Prælati: Unde nec eis obedire tenentur subditi. Vide plura de hoc argumento in libro, quem edidi pro Defensione doctrinæ S. Thomæ circa Tyrannicidium.*

CAPUT VIII.

CONSECTARIA.

- I. Quoties in iudicando violatur iustitia, sive equalitas, iudicium iniustum est, nullumque jus alteri tribuit.
- II. Dum in iudicio servatur equalitas, nunquam peccatur contra iustitiam.
- III. Licet agere in iudicio contra raptorem, qui Christi sententia repugnemus.

IV. Error Videlicet est asserere, sententiam iudicis in peccato mortali existentis nullum esse roborem, & auctoritatem.

V. Suspicio, & iudicium temerarium peccata sunt iustitia opposita.

VI. Non obligant tamen ad restitutionem proprie acceptam.

VII. Quoties sufficientes cause suppetunt sive ad suspicandum, sive ad iudicandum, nullum iudicium, aut suspicium peccatum importat. Quænam leves, quænam graves, ac sufficientes cause existimanda sint.

VIII. Oportet attente distinguere cogitationes, quæ sepe in mentem incidunt de alterius malo, a suspitione veri nominis.

IX. Vir timorata conscientia regulariter mature non debet de consensu præstito cogitationibus iudicium de proximi probitate spectantibus.

X. Falsa dicenda est Cajetani sententia, suspensionem quantumvis temerariam nunquam esse mortale peccatum.

XI. Materia gravis, circa quam versatur suspicio, aut iudicium temerarium, per se est peccatum mortale: per accidens autem est materia levis peccati.

XII. Interveniunt, attentis circumstantiis, ipsam peccatum veniale obiectum est iudicii temerarii graviter mali.

XIII. Semper suppetit sufficiens causa interpretandi dubia in meliorem partem.

XIV. In causis ecclesiasticis beneficiorum nulla sententia iniusta vim habet in foro conscientie.

XV. Bonæ fides in omnibus causis non suffragatur in conscientia, si iniusta sit.

XVI. Hinc qui per iniustam sententiam re sua spoliatus est, illam omni licito modo recuperare potest.

CONSECTARIUM PRIMUM.

I. IUDICIUM dicitur *isiquum*, & peccatum lethale est contra iustitiam, quoties, regulis, aut legibus iustitiæ posthabito-

bitis, violatur æqualitas alteri debita: atque adeo, qui per ejusmodi sententiam novit sibi attributam esse rem alienam, in conscientia restituere tenetur, quamvis alter non appellaverit a sententia Judicis, vel non appellaverit tempore opportuno: quoniam is neque per Judicis sententiam re sibi debita spoliatur, neque eam amittit per omissionem appellationis, nisi forte ille, cui adjudicata est, bona fide processerit, & legitimo tempore eam præscripserit.

CONSECTARIUM SECUNDUM.

II. Si judicium æqualitatem non violat, sed ex aliquo pravo affectu proferatur; poterit quidem esse peccatum lethale ex prava illa affectione, qua proferitur; at non est contra justitiam, nec restitutionis obligationem inducit. Unde Judex, qui latronem, aut homicidam juxta allegata, & probata mortis reum, morte condemnat ex privata cupiditate, vel odio, solum peccat contra charitatem, & graviter quidem, si criminosa illa affectio peccatum lethale fuerit; sed tamen ad restitutionem damnorum non tenetur.

CONSECTARIUM TERTIUM.

III. Cum Dominus Matth. 5. ait: *Ei, qui vult tecum in judicio contendere, & tunicam tuam tollere, dimitte ei & pallium;* non prohibet in judicio agere sive pro rebus nostris aut conservandis, aut recuperandis, sive pro damno, si quod illatum est, refarciendo: sed monet tantummodo, debere ita esse animo comparatos, ut quicumque injuriam potius sustinere velimus, quam aut privata auctoritate ulciscamur, aut aliter charitati inimiciam facimus: atque adeo, si quis in judicio, aut extra, nobis velli auferre tunicam, etiam pallium, aliaque bona amittere parati potius esse debemus, quam litigando salutem animæ nostræ in discrimen adducere. De hac Christi Patrucci Theol. Mor. T. II,

sententia legendus est S. Augustinus *Epist. 5.*

CONSECTARIUM QUARTUM.

IV. Error fuit Wiclephi in Concilio Constantensi damnatus asserere, Judicem in peccato mortali existentem auctoritatem hoc ipso judicandi amittere, sicut & Principem, ac Prælatum dominium, aut jurisdictionis potestatem. Repugnat enim sententie tum Christi Domini *Super eathedram Moyses sederunt Scribæ, & Pharisei, omnia ergo &c.*; tum Apostoli Pauli jubentis ad Rom 13. ut *omnis anima Potestatibus sublimioribus subdita sit*; tum etiam Petri præcipientis, ut *obediamus Dominis etiam dyscolis.*

CONSECTARIUM QUINTUM.

V. Suspicio, ac judicium temerarium peccata sunt contra justitiam. Hoc satis aperte docet S. Thomas hic art. 3. ad 3. eum ait: *Tunc judicium suspiciosum dicitur ad injuriam pertinere, quando ad alium exteriorum procedit: & tunc est peccatum mortale. Judicium autem interius pertinet ad injuriam, secundum quod comparatur ad exterius judicium, ut alius interior ad exterius: sicut concupiscentia ad fornicationem, & ira ad homicidium.* Et certe cum suspicio, & judicium temerarium per se ordinentur ad honorem, & famam proximo auferendam, sitque origo, & fundamentum judicii exterioris; hoc satis est, ut dicantur esse contra justitiam, sicut contra justitiam sunt ea interiora peccata, quæ ad exteriores actus injuriam ordinantur.

CONSECTARIUM SEXTUM.

VI. Ex hoc, quod suspicio temeraria, sive ex levibus, & insufficientibus indiciiis concepta, sit contra justitiam, hauri sequitur eam obligare ad restitutionem propriæ acceptam. Quanloquidem peccata justitiæ opposita non inducunt onus restituendi,

di, nisi in externum opus processerint, eo quod ceteroquin nullum damnum externum illatum sit. Si autem restitutionem minus propriis sumamus, ejusmodi suspiciones, atque judicia ad illam quadantenus obligant. Cum enim ex iis interius injuste auferatur bona extimatio de proximo in mente judicantis, oportet judicia illa, aut suspiciones veluti quædam damna tamquam injusta remove, ac vel bonam de proximo opinionem concipere, vel dubia in partem meliorem interpretari.

CONSECTARIUM SEPTIMUM.

VII. Quoties cause sufficientes suppetunt sive ad suspicandum, sive ad judicandum, nullum judicium, aut suspicio peccatum important: bene vero, si sufficientes, aut graves minime sint, sed leves, sive insufficientes. At vero quenam graves, quenam leves cause hujusmodi dicende erunt, adeoque quenam indicia levia, quenam gravia, paucis declarare opus est ex communiori Authorum doctrina. *Levia* sunt, quæ, spectata rei gestæ, ac personæ qualitate, atque aliis circumstantiis, idonea non sunt ad movendum virum justum, ac prudentem ad dubitandum, suspicandum, vel judicandum de proximo. *Gravia* vero, quæ, iis omnibus consideratis, probum, ac prudentem virum ad male de eodem opinandum movere possunt. Nam cum materia istius moralis sit, & illud, quod relate ad unam personam *leve* est, relate ad aliam *grave* esse queat; definiti aliter nequit *gravitas*, aut *levitas* indicii, nisi ex viri prudentis, ac probi judicio: qui in primis præter facti circumstantiam attendit etiam circumstantiam temporis; ut si quis videat aliquem nocte; vel clanculum alienam domum perforantem, scalas apponentem, per fenestras intrantem, sufficiens hoc indicium est, ut existimet, illum quidpiam mali moliri, nempe aut furcū, aut

aliquid nefarium scelus. Si autem id cernat fieri pleno die, aliis promiscue aspicientibus, sufficiens ad suspicandum argumentum non est, cum alia de causa id præstare facile velit.

Loci quoque circumstantia attendenda est, veluti si in oppido, ubi multa homicidia, ac latrocinia committi solent, videas aliquos huc illuc cum armis circumcurrere, ad quos non pertineat vel civitatem custodire, vel malefactores capere, non leve indicium est, ut iudices, quod aliquem aut interficere velint, aut percutere, aut bona aliena diripere. Similiter si adolefcentem, & adulescentulam conspicias vel noctu, vel in obscuro loco se lascive amplexantes, quos nostri conjugatos non esse, grave fundamentum habes, ut iudices, aut certe suspiceris de illorum pudicitia: secus autem, si eosdem videas secreto loquentes, nec aliquid inhoneste agentes.

Tertio maxime est consideranda circumstantia *personæ*; tum eiv, de qua judicamus, tum alterius, a qua commissi delicti narrationem accepimus. Num indicium, quod in aliquo *grave* est, in altero est *leve*. Sic si persona, de qua judicatur, consuevit aliquid perpetrare peccatum, minora signa sufficiunt, ut male de ipsa judicemus quoad illam peccati materiam; quæ plene non sufficiunt neque ad judicandum, neque ad suspicandum de alia. Sic si juvenis petulans, prociac, ac mulierosus cum meretrice colloquia misceat, *grave* indicium præbet, cur de ipsius libidine judicemus; non ita vir gravis, & probus, boneque famæ apud omnes, si cum eadem loquatur: potius enim tunc cogitare debemus, ejusmodi locutionem ad rectum aliquem, & honestum finem referri. Quoad personam autem alterius delictum referentem, si pia sit, nec aliis detrahere, aut falsos rumores spargere solita, neque ullam inimicitiam gerat, aut indignationem adversus aliam,

gra-

grave fundamentum præstat, ut de delicto ab alio commisso judicare possimus, præsertim si ille vulgaris homo sit, ac probabile similia commissurum. Si vero hic quoque probus fuerit, nec ulla unquam culpa in eo genere notatus, sufficiens fundamentum non est ad male de eo judicandum, aut etiam suspicandum, sed ut summum ad dubitandum; quo in eadem judicium suspendere debemus, & juxta regulam juris *favere reo potius, quam actori*; quia *melior tunc est fama sua possidentis conditio*.

CONSECTARIUM OCTAVUM.

VIII. Attente dilinguamus oportet suspensionem veri nominis a meris cogitationibus, quæ sæpe in mentem incidunt, nec eis, etiam imperfecte, adhæremus, & cum ea sæpe confundi solent ab hominibus parum in hac doctrina peritis. Nam vera suspicio judicium, licet imperfectum, aut opinionem importat ex levibus indiciis conceptam. Sæpe autem cogitationes, quæ mentem nostram incurrunt de aliquo alterius peccato, hujusmodi judicium imperfectum non afferunt: unde veræ suspensiones non sunt, adeoque immunes ab ea culpa, quæ vera suspicio non caret.

CONSECTARIUM NONUM.

IX. Si quis timoræ conscientie est, curamque gerit propriæ salutis, regulariter metuere non debet de mortali culpa, dum non meminit se consensum præstisse cogitationi, quam de gravi malo proximi habuit, quamvis forte diu illa cogitatio duraverit: quoniam prudenter existimare potest, vel se non consensisse, vel sufficientia indicia habuisse ad suspicandum, aut dubitandum, præsertim si postquam advertit dubitationem, haud abs se illam depellere potuit. Contra vero qui non ira de salute sua sollicitus est, sed libere vitam aliorum carpere solet, si dubius est, an tali cogi-

tationi assensum præbuerit, timere merito debet de mortali; & saltem sub dubio de illa se in confessione accusare: probabile namque tunc est assensum præbuisse. Unde notant Theologi eximii, raro viros timoratos incurrere in lethalem culpam judicii temerarii, tamen sæpe hujusmodi molestat cogitationes patiuntur; siquidem vel ad voluntatis consensum non pertingunt, vel si repentinus aliquis consensus occurrere videatur, plene deliberatus non est.

CONSECTARIUM DECIMUM.

X. Falsa dicenda est sententia Cajetani in Commentario ad *art. 3. S. Thomæ*, quam tradit etiam in Summa verbo *Judicium temerarium*, & verbo *Suspicio*, quem sequuntur Navarrus, alique docentes suspensionem, quantumvis temerariam, seu ex nullis, aut ex levibus signis, & indiciis conceptam, etiam cum firma estimatione, nunquam esse mortale peccatum, quamvis intra ambiguitatis limites consistit. Falsitas hujus sententiae satis constat ex dictis, & ex recte exposita Sancti Thomæ mente, prout supra animadversum est.

CONSECTARIUM UNDECIMUM.

XI. Materia *gravis*, circa quam versatur suspicio, aut judicium temerarium, per se quidem, & ex natura sua peccatum mortale est: quia is, de quo judicatur peccasse mortaliter, censetur esse infamis coram Deo, utpote Dei inimicus; *per accidens* autem veniale quandoque est: quia nonnulla peccata sunt, quæ quorundam hominum vitio aut opinione, pro infamibus non reputantur, neque illa committentes inde verecundie argumentum sumunt, aut famam, & honorem suum læsi putant, quamvis ea committere ab aliis judicentur: atque adeo ejusmodi peccata, licet in se materia gravis, gravis tamen apud aliquos non estimantur, neque suspicio, aut ju-

dicium temerarium de talibus personis, quod illa peccata commiserint, peccatum mortale est; ut si quis de homine vino dedito ex indicibus levibus iudicet, quod inebriatus fuerit, vel de lascivo, & perditio iurene, quod puellam ad malum sollicitaverit, de milite rixoso, quod alium ad duellum provocaverit, aut etiam in duello interfecerit &c.

CONSECTARIUM DUODECIMUM.

XII. Nedium peccatum mortale, sed etiam interdum veniale materia gravis esse potest suspitionis, aut iudicii temerarii, considerata videlicet personæ, & facti conditione. Quædam namque sunt venialia peccata, quæ ob statum, & qualitatem personæ, de qua temerarium iudicium fertur, plurimum detrahunt bonæ ipsius estimationi; ejusque famam non leviter commaculant, adeo ut rationabiliter ægrius ferret, talem de se ipso existimationem haberi, quam ingentem sibi auferri pecuniæ summam. Quapropter temerarium de his personis iudicium, quemadmodum etiam detractio, mortale peccatum esset, ut si temere suspiceris, aut iudices de Episcopo, quod mendax sit, aut mendacii proferendis assuetus: quod sanctimonialis, aut pudica mulier noctu vanos frequenter sermones misceat cum adolescentibus; quod Religiosus probus, ac gravis in consuetudine habeat violare leges, & constitutiones sui Ordinis, aut cum sæcularibus libentius conversetur, quam cum viris Religiosis, aut tempus in rebus ad statum suum minime pertinentibus inaniter terat &c.

CONSECTARIUM DECIMUMTERTIUM.

XIII. Dum evidens proximi malum non est, nec in seipso, nec in suis indicibus, semper suppetit iusta, ac sufficiens ratio, ut ea, quæ dubia mala sunt, in meliorem

partem interpretari debeamus. Hæc autem iusta, ac sufficiens sic interpretandi ratio ad bene iudicandum de proximo, est ipsum jus, quod quisque habet ad suam famam, sive ut bona de se opinio concipiatur, aut conservetur, quoties argumenta contraria malum esse manifeste non probant.

CONSECTARIUM DECIMUMQUARTUM.

XIV. In causis ecclesiasticis quorumcumque beneficiorum sententia iniusta, sive declarativa sit, sive privativa, valorem non habet in foro conscientie, neque vere beneficium transfert in eum, cui ad iudicata causa est; adeoque eum primum ipse novit, sententiam fuisse iniustam, tenetur beneficium resignare, aliumque, in cuius favorem ferri sententia debuisset, monere de iniustitia, quam patitur. Eadem quippe ratio a S. Thoma producta pro causa civili, quod *iniustum iudicium non est iudicium*, pro ecclesiastica militat.

CONSECTARIUM DECIMUMQUINTUM.

XV. In omnibus causis tum civilibus, tum ecclesiasticis bona fides actoris, & testium non suffragatur in foro conscientie, si sententia deprehendatur iniusta. Hæc enim valorem, quo caret sententia, non confert, cum in falsa præsumptione fundetur, neque iustam efficiat illam, dum constat esse iniustam: sed præstat tantummodo, ut a peccato excusetur, nec restituere teneatur, qui v. g. fundum, aut beneficium ex illa sententia consecutus est, expensas, aut fructus bona fide perceptos, & consumptos. De quo alibi dicemus.

CONSECTARIUM DECIMUMSEXTUM.

XVI. Hinc sequitur illud, qui pet iniustam sententiam re sua spoliatus est, eam posse recuperare omni licito modo, quo potest, dummodo scandalum absit, aut periculum inferendi alteri damnum; nec

nec qui eam possidet, jam legitime præscripserit. Quod si actor, qui sententiam sibi favorabilem obtinuit, litem mala fide intraverit, nunquam potest rem sibi adjudicatam præscribere.

CAPUT IV.

De Justitia Distributiva.

DOCTRINA.

- I. *Justitiæ distributiæ notio prout distinguitur a commutativa.*
- II. *Agitur de præcipuo, quod justitia distributiæ opponitur, vitio; nimirum acceptione personarum. In quo hæc consistat, declaratur.*
- III. *De personarum acceptione in bonis spiritualibus dispensandis. Dignior in foro conscientie semper eligendus est.*
- IV. *In foro tamen exteriore sufficit eligere dignum.*
- V. *Casus ab hac generali regula excipiendus.*
- VI. *Quam necessaria sint, ut prudens judicium formetur de idoneitate alicujus ad spiritualia rebus administranda. Sive quid requiratur in personis eligendis. Primum, et secundum requisitum est legitimus torus, et ætas legitima.*
- VII. 3. *Tonsura Clericalis.* 4. *Calibatus.*
- VIII. 5. *Immunitas a censura, irregularitate, et hæresi.*
- IX. 6. *Morum probitas.* 7. *Litteratura sufficiens.*
- X. *Exactior discussio de obligatione eligendi digniorem ad beneficia.*
- XI. *Casus aliqui excepti referuntur.*
- XII. *Num qui promouet minus dignum, digniore prætermisso, ad aliquam restitutionem teneatur.*
- XIII. *De personarum acceptione in officiis, et rebus secularibus distributivis.*
- XIV. *De personarum acceptione in exhibitione honoris, et reverentie.*
- XV. *De acceptione personarum in ferendis judiciis.*

§. I.

Notio justitiæ distributiæ prout a commutativa distinguitur.

I. PAUCA quædam ex D. Thoma de justitia, prout distributiva est, nobis expendenda supersunt in hoc Tractatu. Nam, ut jam monuimus, quæ ad commutativam pertinent, speciali tractatione opus habent. Igitur in *justitia distributiva*, inquit S. Thomas q. 61. art. 2. *datur alicui alicui private persone, in quantum id, quod est totius, est debitum parti.* Quapropter distributiva justitia considerat dignitatem persone, ut constituat æqualitatem ad se pertinentem, servetque proportionem & rerum distributivandarum, & personarum, quibus illæ distributivæ sunt; ut scilicet tanto amplius honorum communium utri, quam alteri tribuatur, quanto dignitas unius major est dignitate alterius: æqualiter autem distributio fiat, si æqualis est dignitas. In hoc proinde commutativa justitia a distributiva fecerit, quod illa respiciat æqualitatem rei ad rem, pretii ad mercedem, mercedis ad laborem, solutionis ad debitum; adeoque hæud necesse est, quod attendat personæ dignitatem ad æqualitatem sibi propriam constituendam. Sed hoc aliquando præstare debet, quoties videlicet id necessarium sit ad cognoscendam æqualitatem damni, vel injuriæ, ut juxta illam æqua compensatio fiat: cum enim ex personæ dignitate augeatur injuria, etiam poena augeatur, oportet.

Hinc sequitur, medium justitiæ non eodem modo accipi in justitia distributiva & commutativa. In commutativa namque medium sumitur secundum absolutam æqualitatem, quæ proportio *arithmetica* appellatur, hoc est secundum æqualitatem rei ad rem. In distributiva vero secundum æqualitatem proportionis, quæ *geometrica* di-

dicitur; ut nimirum, quemadmodum aliqua persona excedit aliam in merito, vel dignitate, ita etiam res, quæ uni confertur, excedat rem, quæ confertur alteri. *In iustitia distributiva*, inquit S. Thomas hic art. 22. *non accipitur medium secundum aequalitatem rei ad rem, sed secundum proportionem rerum ad personas Et ideo tale medium est secundum geometricam proportionalitatem, in qua attenditur aequalitas non secundum quantitatem, sed secundum proportionem Sed in commutationibus redditur aliquid alicui singulari personæ propter rem ejus, quæ accepta est, ut maxime patet in emptione, & venditione.*

Ex hoc offendit S. Doctor art. 3. materiam quidem remotam utriusque iustitiæ esse eandem, proximam vero diversam. Nominem enim materiam remotam intelligitur usus quorundam exteriorum vel rerum, vel personarum, vel eorum operum: & hæc materia sunt utriusque iustitiæ distributivæ, & commutativæ; utraque enim circa talia versatur. At proxima materia intelligitur ea, quæ consistit in ipsi actionibus principalibus, quibus utraque iustitia utitur, personis, rebus, & operibus; atque ita inspecta alia utrobique materia est. Nam *distributiva iustitia est directiva distributionum: commutativa vero iustitia est directiva commutationum, quæ attendi possunt inter duas personas, ut ait S. Thomas*, qui postea variis commutationes recenset, quæ tamen non divisi sunt commutativam iustitiam in diversas species, sicut neque variæ distributiones iustitiam distributivam: idem quippe formale obiectum in omnibus est.

§. II.

De præcipuo, quod iustitia distributiva operatur, vitio; personarum nempe acceptione: In quo ea consistat.

II. Personarum acceptio, quamvis in

bonam partem sumi quandoque soleat etiam in divinis Scripturis, hic tamen pro vitio quodam accipitur iustitiæ distributivæ opposito; ac definiri potest.

Peccatum, quo in his, quæ juxta iustitiam conferenda sunt, non habetur ratio meriti, vel idoneitatis ejus, cui aliquid confertur, sed aliqua causa attenditur huic impertinens, & extrinseca.

Explicatur. Dicimus primum de his, quæ conferenda sunt secundum iustitiam: acceptio namque personarum locum non habet in illa, quæ conferuntur ex gratia. Unde Deus nemini ex iustitia debitor est; & ea, quæ creaturis suis confert, ex gratia confert. Adhuc alie particule, quæ ex D. Thoma facile colliguntur. Nam in resp. ad 1. art. 1. hujus q. 62. ait: *In acceptione personarum considerantur conditiones, quæ non faciunt ad rem.* Et in corp.: *Consistit, inquit, aequalitas distributivæ iustitiæ in hoc, quod diversis personis diversa tribuuntur secundum proportionem ad dignitatem personarum.* Si ergo aliquis consideret illam proprietatem personæ, propter quam aliquid est ei debitum, ei quæ propterea confert, secundum distributivam agit: secus autem, si aliam considerat, propter quam res debita non est; Puta si aliquis promoveat aliquem ad Magisterium propter sufficientiam scientiæ, hic attenditur causa debita, non persona: si autem aliquis constitueret in eo, cui aliquid confertur, non id, propter quod id quod ei datur, esset ei proportionatum, vel debitum, sed solum hoc, quod est ille homo, puta Petrus &c., hic est acceptio personæ: quia non attribuitur ei aliquid propter aliquam causam, quæ facit eum dignum, sed simpliciter attribuitur personæ. Ad personam autem refertur quæcumque conditio non faciens ad causam, propter quam sit dignus hoc dono; puta si aliquis promoveat aliquem ad prelationem, vel magisterium, quia est dives,

ves, vel quia est consanguineus suus, est persona acceptio.

Recte autem, ac sapienter subinde moner S. Præceptor contingere, aliquam personæ conditionem eam dignam reddere respectu unius rei, non autem respectu aliorum: sicut consanguinitas aliquam dignam efficit, ut ea potius hæres patrimonii instituat, quam alia; non vero ut ipsi Prælatio Ecclesiastica conferatur. Et ideo eadem conditio personæ in uno negotio considerata facit acceptionem personæ, in alio autem non facit.

Porro acceptionem personarum sic expositam peccatum esse, jure tum naturali, tum positivo prohibitum, facile convincitur. Et quidem prohibitum esse jure naturæ patet; siquidem justitiæ distributiæ repugnat. Quemadmodum enim naturale jus justitiam distributivam servandam præcipit, ita & injustitiam ipsi adversantem vetat. Profecto cum equalitas distributiæ justitiæ in hoc sita sit, quod personis diversis diversa beneficia tribuantur juxta proportionem ad merita sive ad dignitatem earumdem: hæc proportio in personarum acceptione violatur. Quidpiam enim alicui confertur non propter ejus dignitatem, vel causam ad rem pertinentem, sed propter aliam rei ei sem extraneam: adeoque acceptio personarum peccatum est; & quidem ex genere suo lethale, quemadmodum injustitia. Propter tamen materiæ pravitatem veniale quandoque est, ut si in mensa locus minus dignus assignetur digniori &c. Eandem veritatem tradunt Sacre Litteræ, ut cum Levit. 19. dicitur: *Non consideres personam pauperis, nec honores vultum potentis*; Deuter. 1. *Nulla erit distantia personarum: ita parvum audietis, ut magnum: nec accipietis cuiusquam personam*; & alia similia.

§. III.

De acceptione personarum in bonis spiritualibus dispensandis.

III. Peccatum esse personarum acceptionem in rebus spiritualibus dispensandis, & tanto quidem gravius, quam quæ in dispensandis temporalibus contingit, toto art. 2. hujus quæst. declarat, ac probat S. Thomas; quia personarum acceptio peccatum est, quatenus justitiæ opponitur. Quanto autem in rebus excellentioribus aliquis justitiam violat, tanto gravius peccat: atque adeo, cum spiritualia temporalibus longe præcellant, gravius peccatum est personarum acceptio in spiritualium dispensatione, quam in temporalium.

Peculiari dignum observatione est, quod hic subjicit S. Doctor inquit: „ Quia „ personarum acceptio est, cum aliquid „ personæ attribuitur præter proportionem „ dignitatis ipsius, considerare oportet, „ quod dignitas alienius potest attendi dupliciter: Uno modo simpliciter, & secundum se; & sic majoris dignitatis est ille, qui magis abundat in spiritualibus „ gratiæ donis: Alio modo per comparationem ad bonum commune. Contingit enim quandoque, quod ille, qui est minus sanctus, potest magis conferre ad bonum commune propter potentiam, vel industriam secularem, vel propter aliquid hujusmodi. Et quia dispensationes spiritualium principaliter ordinantur ad utilitatem communem, secundum illud 1. Corinth. 12. *Unicuique datur mensura spiritus ad utilitatem*; ideo „ quandoque absque acceptione personarum „ in dispensatione spiritualium illi, qui „ sunt simpliciter minus boni, melioribus „ præferuntur: sicut etiam & Deus gratias „ gratis datas quandoque concedit minus „ bonis “.

Quo-

Quoties ergo ad aliquod spirituale officium eligere oportet, qui dignior, attentis omnibus circumstantiis ad commune bonum pertinentibus, aestimatur, praefertendus omnibus est; adeo ut peccet, qui minus dignum aliis anteponit. Verum ob tertium, quod sibi S. Thomas objicit, ac solvit, argumentum, quædam addere consultum erit. Argumentum hoc erat: „Secundum jura sufficit eligere bonum; non autem requiritur, quod aliquis eligat meliorem. Sed eligere minus bonum ad aliquid aliud, videtur ad acceptionem, personatum pertinere. Ergo personarum acceptio non est peccatum in spiritualibus“. Quid autem respondet? „Dicendum, quod quantum ad hoc, quod electio impugnari non possit in foro judiciali, sufficit eligere bonum, nec oportet eligere meliorem: quia sic omnis electio posset habere calumniam; sed quantum ad conscientiam eligentis necesse est eligere meliorem vel simpliciter, vel in comparatione ad bonum commune: quia, si potest haberi magis idoneus erga aliquam dignitatem, & alius praefertatur; oportet, quod hoc sit propter aliquam causam: quæ quidem si pertineat ad negotium, quantum ad hoc erit ille, qui eligitur, magis idoneus. Si vero non pertineat ad negotium, id, quod consideratur ut causa, erit manifeste acceptio persone“.

IV. Forum itaque exterius, sive jus ecclesiasticum, saltem ordinarie, non permittit in controversiam deduci electionem, vel provisionem alicujus, quoties electus, vel provisor idoneus inventus est iudicio eorum, quorum id est examinare: & hoc, quia facile electio quolibet calumniari, & impugnari posset, aditusque latissimus aperiretur perpetuis litibus, atque querelis illorum, qui sive vere, sive falso sibi minus dignum praetatum esse putarent. Sed non

propterea declarat, quod Praesentator, vel Collator securus sit in conscientia, quodque officio suo satisfecerit, si digno quidem beneficio contulerit, sed digniore praetermissio. Unde idem S. Doctor quodlibet 2. art. 6. asserit. Decretalem illam, quæ satis esse tradit eligere dignum, non loqui quantum ad forum conscientie, sed quantum ad forum contentiosum, in quo non improbat electio ex hoc, quod alius melior inveniri queat, dummodo electus sit idoneus: *Alias electio omnis calumniam patretur*.

V. Casus attamen aliquis ab hac generali regula excipendus videtur ob Constitutionem editam a S. Pio V. anno 1567. ubi firmare magis cupiens, quæ statuerat Synodus Tridentina sess. 24. cap. 18., ita ordinavit: *Ut autem non solum digni, sed magis idoneis repertis juxta ejusdem Concilii decretum Parochiales Ecclesie conferantur, volumus, & eadem autoritate decernimus, quod si Episcopus minus habilem, posthabitis magis idoneis, elegerit, possit hi, qui repositi fuerint, a mala electione hujusmodi ad Metropolitanum; vel si ipse eligens Metropolitanus, aut exemptus fuerit, ad vicariorem Ordinarium appellare: ac praeterea ad novum examini coram ipso appellationis Iudice, & examinatore provocare. Et consilio prioris eligentis irrationabili iudicio, eumque revocato, Parochialis magis idoneo per eundem Iudicem appellationis autoritate vestra (quatenus collatio ad Episcopum, a quo appellatum fuit, spectaret) conferatur: alius eilem magis idoneus per Iudicem appellationis approbato conferenda remittatur ad eum, ad quem collatio, provisor, vel institutio spectabit*.

Ex quibus constat, in peculiari casu, in quo de beneficio parochiali agitur, fieri posse appellationem ab Electore, qui minus idoneum ad illud elegit, modo a Summo Pontifice praescripta. Hic tamen casus perquam raro contingit: quia nemo prae-

fu-

sumere jure debet de majore sua idoneitate; nisi forte qui appellat, sit aliqua alia persona, quæ apprimè conficia sit de utriusque meritis, ac dignitate. Notandum autem est, quod si casus contingat, ut minus dignus ad parochiale beneficium prædigniore electus fuerit, electio non est ipso facto irrita; neque enim Pontifex eam impugnari permittit, quasi de jure nulla foret, sed tamquam quæ irritari valeat. Quin potius subdit: *Hæc tamen appellatio interposita non impedit, aut suspendat, quin minus electio per Ordinarium primo loco facta interim debita demandetur executioni: Et prorsus ab eadem Ecclesia, causa appellationis hujusmodi pendente, non amoveatur.*

§. IV.

Quenam necessaria sint, ut prudens formetur judicium de idoneitate alicujus ad spiritualia recte administranda.

VI. Innocentius III. Cap. Cum nobis tit. de Elect. & elect. potest., de idoneitate ad recte administranda spiritualia loquens, tribus eam præcipue constare æstimavit. Ait enim: *Tria sunt in persona electi præcipue requirenda; videlicet ætas legitima, morum bonestas, & litteratura sufficiens.* Ex hoc tamen nequaquam excludit alia etiam requiri, quæ forte, utpote notiora, non expressit. Ut igitur complectamur omnia; hæc sunt, quæ ex Authoribus afferuntur.

Primo requiritur *legitimus torus*. Nam qui ex illegitimo toro natus sunt, nisi dispensatio intercedat, hoc ipso ad obtinendum spirituale beneficium inhabiles judicantur, sive hoc impedimentum publicum sit, sive occultum: & in hoc impedimento solus Papa dispensat sive ad sacram Ordinem, sive ad aliquam dignitatem, sive etiam ad beneficium curatum. Quoad minores autem Ordines, sicut & beneficium simplex, cui Ordo sacer non sit annexus, Patuzzi Theol. Mor. T. II,

dispensate potest etiam Episcopus, prout habetur Cap. 15. qui tit. de fil. Presb. in 6. Quod si rationem inquiras, cur illegitimi a beneficiis arceantur? Responso est, arceri propter ignominiam quamdam, quæ coram hominibus aspersi sunt. Facile quippe est, ut quorum origo contemniatur, vita quoque, & doctrina contemnantur. Quare de filiis Clericorum ex illegitimo matrimonio natis Concilium Tridentinum statuit sess. 25. cap. 15. ut in Ecclesia, ubi patres eorum beneficium habent, vel habuerunt, quodcumque etiam difficile beneficium habere non possint: nec in dictis Ecclesiis quoquo modo ministrare, nec pensiones super fructibus beneficiorum, quæ parentes eorum obtinent, aut obtinuerunt, habere: nec reciproce resignationes in eorum filiorum favorem a parentibus factæ illis profint.

Secundo requiritur *ætas legitima*; quæ diversa est juxta diversitatem beneficiorum, quæ in Ecclesia conferantur. Nam ad Episcopatum ætas expleta triginta annorum exigitur, ut Cap. Cum in cunctis tit. de Elect. & elect. potest. Ad dignitates Episcopatu inferiores, curam tamen animarum habentes, & generatim ad quæcumque beneficia curata vigesimus quintus annus saltem inchoatus statutus est Cap. eodem §. inferiora, & in Concil. Trid. sess. 24. Cap. 12., ac insuper Cap. Licet Canon eodem tit. de Elect. in 6. ubi expresse decernitur, collationes de Parochialibus Ecclesiis iis de cætero faciendas, qui vigesimum quintum annum non attingerint, vitibus omnibus carere. Veneris, cæteris paribus, qui majoris ætatis sunt, reliquis præferendos esse consultum est. Ad alias dignitates, vel personatus, quibus cura animarum non incumbit, annus vigesimus secundus requiritur ex Concilio Tridentino laudato Cap. 12. quod de dignitatibus, & personatibus in solis Ecclesiis Cathedralibus,

lus, non autem Collegiatis intelligunt plures Auctores; aliis tamen etiam pluribus dissentientibus, quorum sententia probabilior videtur. Ad Præbendam Pœnitentiarum in Ecclesiis Cathedralibus Concilium Tridentinum *sess. 24. c. 8.* exigit, ut quis sit annorum quadraginta, seu qui alias aprior pro qualitate loci reperiarur'.

Quoniam vero idem Concilium eodem Cap. 11. statuit, ut Canonici omnes Ecclesiæ Cathedralis adnexum habeant Ordinem aut Presbyterii; aut Diaconatus, aut Subdiaconatus, requiritur saltem, ut annus vigesimus primus sit inchoatus, si præbenda subdiaconalis sit: si autem distinctio facta non sit, quæ Præbendam quem Ordinem habere debeant, ut aliquis sit capax alicujus talis Canonici, saltem vigesimum primum annum inchoasse debuit, ut in hunc ipsius possit ordinari Subdiaconus. Quoad Canonici veto in aliis Ecclesiis, & alia quæcumque beneficia simplicia, requiritur juxta ejusdem Concilii Decretum *sess. 23. cap. 6.* & sufficit, quantum ad valorem attinet, annus decimus quartus, isque inchoatus. Reliqua, quæ ad hanc materiam pertinent, vide apud Canonistas.

VII. Tertium, quod requiritur ad idoneitatem, est *tonsura clericali*, ut Cap. *Ex litteris* tit. de Transact. in Ecclesia tit. de Infit. Debet autem esse collata a proprio Episcopo: alioquin id, qui tonsuram ab alieno Episcopo accepit sine litteris dimissoris, vel sine Summi Pontificis dispensatione, incapax est beneficii ex Cap. *Illud*, & ex Cap. *Si quis ausus* dist. 71. ubi ordinatio ab alieno Episcopo facta decernitur irrita, quoad usum videlicet, & privilegium Ordinis: quia conditio deest jure Ecclesiastico ad valorem requisita.

Requiritur quarto loco *Calibatus*. Nam conjugati Ecclesiastica beneficia consequi nequeunt, aut jam consecuta retinere, ut Cap. *Si quis* tit. de Cleric. Conjug., adeo

ut beneficium statim amittat, qui validum Matrimonium contrahit, ejusque beneficium vacet. Beneficium tamen non amittit, qui sola contrahit sponsalia, eo quod hæc hominem non constituent in statum, qui cum beneficio compati nequeat: solum quippe matrimonium transfert hominem ab Ecclesiastico statu ad sæcularem.

VIII. Quinta conditio est, eum, qui beneficium assequitur, nulla esse censura innodatum. Collatio siquidem beneficii facta excommunicato excommunicatione majore, ipso jure nulla est C. *Postulasti* tit. de Cleric. Excom. sicut & ejus electio, vel præsentatio juxta communem opinionem. Neque refert, an ejus excommunicatio denunciata fuerit, an publica, vel occulta, an de illa, qui excommunicatus est, conscius sit, an ignarus; modo constet, ipsum vere excommunicatum esse, quando vel eligebatur, vel ei beneficium conferebatur. Et quamvis absolutio ab ea censura postmodum impetretur, hæc propterea collatio ipsi prius in excommunicatione existentis facta valida redditur, sed opus est nova collatione, ut legitimus esse queat beneficii possessor, teneaturque ad fructus, si quos ipse percepit, restituendos. Doctrinam hanc confirmat Summorum Pontificum, aliorumque Collatorum praxis, qui, quoties beneficium alicui conferant, solent ad cautelam eum absolvere ab excommunicatione ad effectum collationis consequendum: Hujusmodi enim absolutio superflua foret, si excommunicatio ipso jure collationem non impediret.

Sextum requisitum est, ut irregularis non sit, qui recipit beneficium. Nam irregularitas omnis, quæ præcedit collationem beneficii, eam invalidam reddit ipso jure, si hæc subsequatur. Cum enim irregularitas efficiat hominem inhabilem ad Ordinem, ejusque usum, efficit etiam inhabilem ad beneficium, quod adnexum quodammodo Or-

Ordini est, ita scilicet, ut vel debeat, vel possit congruo tempore a beneficiario suscipi. Hinc bigami, & cæci incapaces beneficii sunt, tum quia sunt irregulares, tum quia ea corporis aptitudo in beneficio requiritur, quæ ad officium decenter obeundum necessaria est.

Septimum, quod requiritur, est immunitas ab hæresi non solum propria, sed etiam parentum. Neque enim soli hæretici, sed etiam eorum parentes, imo etiam receptatores, defensores, & fautores, ipsorumque filii ad usque secundam generationem, ad beneficia Ecclesiastica inhabiles declarantur C. *Quicumque* §. hæretici, & cap. *Statutum* 2. tit. de hæret. in 6. Ino illi etiam, qui ad hæreticorum preces, & officia beneficium scienter obtinent, ad illud, & ad alia impofterum consequenda sunt incapaces, C. eodem *Quicumque* §. ad hæc.

IX. Octava ad beneficium obtinendum requiſita cunctio est probitas morum, ut scilicet gravibus peccatis deditus non sit, nec propter crimina infamis. Quamquam enim beneficii collatio criminoso viro facta valida sit, si crimen haud secum afferat irregularitatem, non tamen conferre licet. Jure etenim naturæ decet ministros Dei, & Ecclesiæ probos esse, fideles, & irreprehensibiles. Hinc Alexander III. C. *Cum in cunctis* tit. de Elect. ait: *In cunctis sacris Ordinibus, & Ecclesiasticis ministeriis ætatis maturitas, gravitas morum, & litterarum scientia sunt inquirenda.* Er Conc. Trid. morum probitatem summopere requirit *sess.* 24. c. 1. de *Reform.* & aliis in locis. Sane Ecclesiasticorum exempla maximi momenti sunt ad pravam sæcularium vitam corrigendam, & ad decorem Ecclesiæ Dei. Unde electio ad beneficium, eam cui animarum cura, aut Sacramentorum administratio non adnectitur, alicujus male conversationis, & vitæ, valde probabile est

peccatum esse mortale, dum præsertim officium circa cultum Dei, & obsequia divina versatur.

Postrema tandem conditio est *litteratura sufficient*, quæ non eadem requiritur in eligendis ad beneficia, sed dispar est juxta beneficiorum diversitatem: aliud enim maiorem, aliud maiorem exigit, prout dicemus alibi. Illud solum hic adverto, collationem beneficii, quodcumque illud sit, factam homini penitus illiterato, nullam esse ex C. *Illiterator* dist. 36. C. *Cum in cunctis* tit. de elect. & ex Concilio Tridentino *sess.* 22. cap. 4. decernente, ut provisio facta iis, qui æratem, & cæteras habilitates non integre habent, si irrita.

Cæterum, ut recta æstimatio fiat de maiore alicujus dignitate, ut beneficium ipsi conferatur, satis non est unam, vel alteram pendere considerationem, aut qualitatem, sed omnes accurate considerande sunt, quæ in diversis personis illud petentibus, vel oblaris deprehenduntur, & conferendæ cum fine principali status, vel officii vacantis. Neque enim semper est aptior, qui melior est, & doctior, aut eloquentior, sed qui, omnibus ponderatis, utilior est ad finem, ad quem tale officium, vel beneficium ordinatur, ut diximus. Atque inde est, quod sæpe merito aliis præferuntur quidam vel prudentes, vel nobiles, aut Ecclesiæ famulatum præstantes: quia majori possunt esse Ecclesiæ adjuvamento, vel per consilium sapientiæ, vel per auxilium potentiæ, vel per maiorem in Ecclesiæ negotiis obeundis dexteritatem, ac peritiam.

§. V.

An liceat ad Ecclesiastica beneficia eligere dignum, digniore prætermisso?

X. Hæcenus ramquam certum posuimus, illicitum esse eligere, aut promovere dignum

gnum ad beneficia, digniore respective prætermisso. Verum, quoniam hæc controuersia magni momenti est, ideo certius comprobanda, magisque confirmanda. Et hanc quidem apertam esse S. Thomæ sententiam ex verbis jam laudatis, præter alia loca, apertissime constat; ejusdemque sententiæ sunt S. Antoninus p. 2. tit. 1. cap. 20., Adrianus in 4. tit. de Rest., Cajetanus verbo *Acceptio personarum*, Dominicus Soto lib. 3. q. 6. art. 2., & alii communiter Theologi, si paucos fortassis excipias.

Hæc autem evincitur in primis ex Sacrorum Canonum autoritate. Nam ex Cap. *Idcirco* 4. 8. q. 1. dicitur: *Sciant omnes, et certi sint, quod qui præstantior est ex omni populo, qui doctior, qui sanctior, qui in omni virtute eminentior, ille eligatur ad Sacerdotium*. Innocentius III. Cap. *Ut nostrum* lib. 3. Decret. tit. 12. *Non ex affectu*, scribit, sed discreto judicio debuisti Ecclesiasticum et officium, et beneficium in personam magis idoneam dispensare. Quemadmodum enim ait Augustinus epistola 29.: *Nec sane, quantum arbitror, putandum est, leve esse peccatum in personarum acceptione habere sedem Domini nostri Jesu Christi, si illam distantiam standi, ac standi (de qua Jac. 2.) ad honores Ecclesiasticos reservamus. Quis enim ferat, eligi divitem ad sedem honoris Ecclesiæ, contempto paupere instructiore, atque sanctiore?*

Diserta quoque verba sunt Concilii Tridentini sess. 24. C. 2. de Refor. de illis agentis, penes quos potestas est Episcopos eligendi, & afferentis, eos alienis peccatis communicantes mortaliter peccare, nisi quos digniores, et Ecclesiæ magis utiles ipsi indicaverint, non quidem præcibus, vel humano affectu, aut ambientium suggestionibus, sed eorum exigentibus meritis, præfici diligenter curaverint. Et cap. 18. de provisionibus Ecclesiarum Parochialium agens præcipit,

examen per examinatores Synodales fieri, & ex iis, qui fuerint judicati idonei, deinde Episcopus eum eligat, quem ceteris magis idoneum judicaverit. Quod si beneficium jurispatronatus Ecclesiastici erit, ac institutio ad Episcopum, et non ad alium pertinet; is, quem Patronus digniorem inter probatos ab examinatribus judicabit, Episcopo presentare tensatur, ut ab eo instituitur. Cum vero institutio ab alio, quam ab Episcopo erit facienda; tum Episcopus solus ex dignis eligat digniorem, quem Patronatus ei præsentet, ad quem institutio spectat.

Id quoque rationes admodum efficaces confirmant: tum quia primo, ut ex D. Thoma ad 3. vidimus, qui promovet dignum, prætermisso digniore, peccatum committit acceptionis personarum, adeoque contra iustitiam distributivam; quod ex genere suo mortale est. Tum quia neque collator beneficiorum, neque præsentator, neque alius quispiam dominus est bonorum Ecclesiæ, sed duntaxat administrator, & dispensator: dispensator autem fidelis esse debet in officio suo, ut ait Apostolus 1. ad Cor. 4.: Fidelis vero dispensator non est, qui, cum possit, dominum suum de meliore ministro non providet. Tum tertio, quia beneficia principaliter instituta sunt ad utilitatem Ecclesiæ: adeoque qui beneficia dispensandi potestatem habent, ex officio suo tenentur utilitati Ecclesiæ consuleretum in aliis, tum in iis, quæ ad eam dispensationem pertinent; præferendo nimium digniores, magisque idoneos ad utilitatem Ecclesiæ promovendam.

XI. Hic tamen advertere necesse est, contingere posse, quod si Collatores, siue Præsentatores, siue Electores beneficiorum a gravi, & quædamque etiam a levi peccato excusentur, dum minus dignum digniori præferunt. Casus autem, qui ab Authoribus frequentius afferuntur, sunt hi: primo si disparitas dignitatis vel

vel

vel admodum exigua sit : Secundo si liberum Collatori, vel institutori non sit conferre alteri, vel alium instituere, quam sibi presentatum a Patrono. Tunc enim Patronus tantummodo in culpa est, si minus idoneum praesentet, cum digniorem praesentare possit. Quod si nec ipse alium praesentare valeat, a culpa uterque immunus erit.

Tertio si beneficium ex institutione per Ecclesiam legitime confirmata, vel acceptata alicui ex certa familia, vel oppido conferendum sit, aut si ex Canonum Decreto quispiam de Ecclesiae gremio eligi debeat; haud peccant, etiam si aliunde aptiorem invenire possent. Ceterum si de beneficiis curam animarum habentibus agatur, nefas esse videtur, ea ita instituere, ut futuris temporibus semper aliquis dignus assumi debeat de familia, vel oppido, quamvis notabiliter dignior aliunde repariatur: neque haec conditio ab Ecclesia acceptanda est. Secus vero res se habere videtur, quando aliquis eligendus est de gremio Ecclesiae: quia plerumque qui de Ecclesiae gremio sunt, utiliores esse solent ejusdem bono.

Quarto: quoties duo simul beneficia vacant, alterum simplex, & pingue, alterum parochiale, ac tenue, illud minus digno conferri potest; istud autem digniori citra culpam, si nimirum dignior huic Ecclesiae necessarius sit: utilitas quippe Ecclesiae praeculis semper habenda est, & privatae praesentari debet.

Quinto: si fundator beneficii parochialis praesentet ad illud personam dignam, praetermissa digniore, a peccato videtur excusandus: tum quia bona sua distribuere potest pro sua voluntate; tum quia C. *Monasterium* 16. q. 7. hoc ipsi ab Ecclesia indulgetur fortasse, ut ex hoc fideles ad fundanda Ecclesiastica beneficia facilius accendantur. Tum demum quia ad digniorem

eligendum non tenetur ex iustitia distributiva: haec enim locum habet in distributione bonorum communium, non autem in gratuita largitione propriorum.

Sexto tandem excusandus non est a peccato, qui digno beneficio resignat, digniore praetermissio: quoniam licet si collator non sit, aut patronus beneficii, causa tamen est, cur beneficium illud minus idoneo conferatur; qui autem causa damni est, damnum fecisse videtur: neque solum ille peccat, qui ipsum opus peccati facit, sed etiam qui vel causa sunt, ut fiat, vel facientibus consentiunt.

Quinquam vero tuta Canones, tum Concilium Tridentinum, dum constituunt, digniores ad beneficia Ecclesiastica promovendos esse, expresse loquantur de beneficiis curatis, sive curam animarum habentibus; idem tamen dicendum videtur de promovendis ad beneficia simplicia. Licet enim ratio ex Ecclesiae utilitate desumpta, cui providere promotor teneat, in his locum non habeat: attamen militat semper ratio generalis iustitiae distributivae, quae obligat distribuendum communia bona, ut digniores semper praeferat, qui, spectatis circumstantiis, tales deprehenduntur.

XII. Unum vero hic quaeri facile potest; scilicet, an qui, dignioribus praetermissis, dignos promovent ad Ecclesiasticum beneficium, ad aliquam restitutionem teneantur, quibusque ea facienda sit. Ad quod communior responsio est, eos teneri restituere non quidem dignioribus, sed Ecclesiae. Et ratio utriusque est, quia relate ad digniores sola per hoc iustitia distributiva violatur, quae onus restitutionis non inducit. Relate vero ad Ecclesiam, etiam commutativa iustitia laeditur: sunt enim causa damni, quod Ecclesia patitur ex eo, quod beneficiario dignissimo culpa ipsorum careat, atque subinde ea utilitate majori, propter quam beneficia instituta sunt. Id

ex-

explicari, & confirmari exemplo potest Oeconomi, cui ex officio incumbit conducere idoneos operarios ad Patriæfamilie vineam sub iusta mercede excolendam, qui si operarios digniores prætermittens eligat dignos, ad nullam restitutionem tenetur dignioribus faciendam: sed si quid damni inde domino proveniat, illud ei refarcire tenetur, cuius rem negligenter curavit. Igitur Ecclesiasticorum quoque beneficiorum dispensator, si minus dignos eligat, non dignioribus, quos prætermisit, sed Ecclesiæ manet obligatus.

§. VI.

De Personarum acceptione in officiis, & rebus temporalibus distribuendis.

XIII. Ea, quæ de personarum acceptione dicta sunt, quoad distributionem bonorum Ecclesiæ, locum etiam habere quoad distributionem officiorum, & bonorum secularium dubitandum non est. Par siquidem ratio in utraque concurret. Verum, ut hæc veritas clariore in luce collocetur, duplicis generis publica bona, quæ dispensari possunt, distinguenda sunt. Quædam directe, & immediate in bonum civium ordinantur, ut proventus alicujus Civitatis, aut Communitatis ad hoc legati, ut singulis incolis distribuantur juxta proportionem indigentie, meritum, aut dignitatis uniuscujusque. Alia directe, & immediate instituta sunt in bonum communitatis, ut officia publica, & stipendia his adnexa. Quæ prioris generis sunt, ex justitia commutativa illis debentur, quibus distribuenda committuntur; atque adeo, qui in eorum distributione a justitia defecerit, conferendo alicui minus, quam oportet, ad restitutionem tenetur, utpote infidelis dispensator. Quæ vero sunt generis posterioris non debentur huic, aut illi ex justitia commutativa, sed tantum distribu-

tiva; adeoque qui in his distribuendis minus dignos dignioribus præfert, non tenetur ad restitutionem illis, quos prætermisit, faciendam. Sed si magni momenti officia sint, lethaliter peccat, dum minus dignos dignioribus anteposit: & si qua exinde damna Reipublicæ obveniant, refarcire tenetur. Ratio est, quia in re gravi contra fidelitatem Reipublicæ debitam operatur; & ex commutativa justitia procurare tenetur Reipublicæ bonum, ipsique de melioribus, quantum potest, ministris providere, cum ad hoc stipendia, & tributa recipiat.

Atque hinc cautissime se gerere debet Reipublica, quoties officia sua venditioni exponit: & in hoc sequi oportet D. Thomæ monitum in *Opus. de Regimine Judæorum* ad Ducissam Brabantie, in quo hæc habet: „Cam Ballivis, & Officialibus vestris, nihil committatis, nisi temporalis officium potestatis; non video, quare hu- „jusmodi officia non liceat vobis vendere, dummodo talibus ventatis, de quibus „possit præsumi, quod sint utiles ad talia „officia exercenda: & non tanto pretio „vendantur officia, quod recuperari non „possint sine gravamine vestrorum subditorum. Sed ramen talis venditio expectari non videtur; quia contingit frequenter, quod illi, qui essent magis idonei ad hujusmodi officia exercenda, sunt „pauperes, ut emere possint. Et si sunt „divites, illi, qui meliores sunt, talia „officia non ambiunt, nec inhiant ad lucra ex officio acquirenda“. Ut autem hæc venditio licita sit, hæc condiciones concurrere debent: 1. ut vendens auctoritatem habeat vendendi, cujusmodi sunt Reges, & Principes absolvi: 2. ut quantum fieri potest, digni vendantur: 3. ut vendantur moderato pretio: 4. ut hæc venditio ad publicam utilitatem referatur.

§. VII.

§. VII.

De acceptione personarum in exhibitione honoris, & reverentia.

XIV. Nedom in officiis temporalibus, sed etiam in exhibitione honoris, & reverentiae locum habere peccatum acceptionis personarum, docet Præceptor Angelicus *art. 3.* hujus quæst. 63. Ut autem hoc ostendat, hanc doctrinam præmittit: „Honor est „quoddam testimonium de virtute ejus, „qui honoratur. Et ideo sola virtus est „debita causa honoris. Sciendum tamen, „quod aliquis potest honorari non solum „propter virtutem propriam, sed etiam „propter virtutem alterius: sicut Principes, & Prælati honorantur, etiam si sint „mali, in quantum gerunt personarum „Dei, & Communitatis, cui præsident. „... Et eadem ratione parentes, & domini sunt honorandi propter participationem divinæ dignitatis, qui est omnium „pater, & dominus. Senes autem sunt honorandi propter signum virtutis, quod „est senectus, licet hoc signum quandoque deficiat. . . . Divites autem honorandi sunt propter hoc, quod majorem „locum in Communitatibus obtinent“.

Ex hoc colligendam relinquit assermativam responsum, quod scilicet etiam in exhibitione honoris, & reverentiae contingere queat peccatum acceptionis personarum. Cum enim sola virtus vel proptia, vel ejus, cujus aliquis personant, vel similitudinem gerit, causa debita sit honoris, & reverentiae, si quispiam honoretur, ubi nulla similis causa invenitur, sed tantum propter aliquid, quod eum honore dignum non efficit, ut si dives e. g. honoretur solummodo propter divitias, acceptionis personarum peccatum est; mortale quidem, si fiat cum gravi contemptu pauperum, aut aliorum, quibus potius debebatur ho-

nor, qui diviti defertur: veniale autem, si in rebus levioribus dives honoretur præ paupere, atque ita humano affectu respectus ad divitias habeatur.

§. VIII.

De acceptione personarum in judicio servandis.

XV. Acceptionem personarum habere locum in judiciis, eamque criminofam esse, probat S. Thomas *art. 4.* & ultimo hujusce quæstionis tum autoritate Scripturæ Proverb. 18. dicentis: *Accipere personam impii non est bonum, ut declines a veritate judicii;* tum brevi hac, & solida ratione: *Judicium, inquit, est actus justitiæ, prout iudex ad aequalitatem justitiæ reducit ea, quæ inæqualitatem oppositam facere possunt. Personarum autem acceptio inæqualitatem quandam habet, in quantum attribuitur alicui personæ aliquid præter proportionem suam, in qua consistit aequalitas justitiæ. Et ideo manifestum est, quod per personarum acceptionem judicium corrumpitur.*

Obvia objectio est, quod scilicet acceptio personarum ad justitiæ distributivam pertineat: judicia autem ad commutativam justitiæ referantur. Hanc autem sapienter solvit idem S. Doctor *ad 1.* ubi judicium dupliciter considerari posse docet: nimirum quoad ipsam rem judicatam; atque ita judicium communiter ad commutativam justitiæ pertinent, simulque ad distributivam. *Potest enim, ait, judicio deserviri, qualiter aliquid commune sit distribuendum in multos, & qualiter alteri unus restituatur, quod ab eo accepit. Sed alio modo considerari potest, quantum ad ipsam formam judicii, prout scilicet iudex etiam in ipsa commutativa justitiæ ab uno accipit, & alteri dat: & hoc pertinet ad distributivam justitiæ. Et secundum hoc in quolibet judicio locum habere potest acceptio personarum.*

Hu-

Hujus doctrinæ occasione inquiri a quibusdam solet, num quoties opiniones inter duos litigantes pro utraque parte sint *aque probabiles*, iudex causam alteri adjudicare valcat citra personarum acceptionem. Quia in quæstione Probabilistæ plures affirmantem sententiam reventur. Cæterum hæc sententia reprobanda omnino est, aliæque tenenda, quæ docet, minime licere Judici, dum opiniones litigantium utrinque probabiles sunt, nec una altera probabilior apparet, pro hac potius parte sententiam pronunciare, quam pro altera; sive de jure agatur, sive de facto: sed tunc ex justitia teneri ad rem, sive pretium ipsius ex æquo dividendum inter partes; quoniam iudex ad jus dicendum constitutus est: in proposito autem causa æquale jus est in utraque parte. Neque reponas, Judicem tunc esse liberum ad eligendam opinionem, quam maluerit. Non enim hac libertate fruitur, quoties agitur de præjudicio alterius; atque adeo, sicut liber non est, ut neutri litigantium adjudicet rem, de qua agitur; ita quoque non est liber, ut rem totam adjudicet alteri, uti placuerit: sed curare debet, ut res dividatur, aut certe partes invicem componantur. Vide ea, quæ notantur ab Authoribus circa secundam propositionem damnatam in Decreto Innocentii XI.

CAPUT X.

CONJECTURÆ.

- I. *Justitia vindicativa, quæ est in Judice, non ad distributivam, sed commutativam pertinet.*
- II. *Personarum acceptio locum non habet in iis, quæ gratis conferuntur.*
- III. *Sapienter S. Thomas animadvertit circa collationem beneficiorum factam consanguineis.*
- IV. *Dispensatio, quæ fit cum divitiis, et*

potentibus, ut contrabant matrimonium in gradu prohibito, a vitio acceptionis personarum purgari potest.

- V. *Etiã absque hoc vitio eliguntur aliqui de gremio Ecclesiæ ad beneficia.*
- VI. *Propositio merito ab Ecclesiâ damnata circa collationem beneficiorum parochialium factam minus dignis.*
- VII. *Aliæ propositiones, quæ in damnata continentur.*
- VIII. *Concilium Tridentinum præcipiens curatæ beneficia conferenda esse dignioribus, novum jus non condidit, sed antiquum declaravit.*
- IX. *Non est excusandus a peccato minus dignus concurrens ad beneficium cum manifestè digniore.*
- X. *Quamvis excessus dignitatis unius præ alio levis appareat, digniori conferendum est beneficium.*
- XI. *Indignus nunquam eligendus. Casus tamen occurrere potest, ut pro digno suffragium ferre liceat.*
- XII. *Lessi, Malderi, aliorumque improbanda sententia, qui digno etiã præ digniore resignari posse beneficium docent.*
- XIII. *Etiã Examinatores teneantur Episcopo digniorem proponere pro beneficio.*
- XIV. *S. Thomas doctrina circa injuste impediētes aliquem a beneficio consequendo.*
- XV. *Magna cura addibenda est ab iis, qui eligunt ad beneficia, sive officia tum ecclesiastica, tum secularia.*
- XVI. *Quinam dignitatum, aut officiorum ambitus a Principe permitti, quoniam tamquam illicitus, et perniciosus prohiberi possit, ac debeat.*
- XVII. *Falsæ, et obsona quorundam Probabilistarum opiniones, quoad iudicio de bonis temporalibus, quæ fieri posse concedunt.*

Reflexio.

CON-

CONSECTARIUM PRIMUM.

I. JUSTITIA vindicativa, quæ est in Judice, non solum respectu boni communis, sed etiam relare ad bonum particulare partis læsæ, non pertinet ad justitiam distributivam, sed commutativam. Ita expresse docet S. Thomas hic *quæst.* 80. art. unico ad 1.: *Vindicta, inquit, quæ fit auctoritate publicæ potestatis, pertinet ad justitiam commutativam: sed vindicta, quam quis facit proprio motu, non tamen contra legem, vel quam quis a Judice requirit, pertinet ad virtutem justitiæ adjunctam: quia scilicet, quamvis justum requiratur, non tamen exigit ex debito saltem legali.*

CONSECTARIUM SECUNDUM.

II. Illud attendi debet, duplici modo aliquis alteri conferri posse; alio modo ad liberalitatem pertinente; quo nempe gratis datur, quod ei non debetur: sicut est collatio munerum gratiæ, quæ conferuntur a Deo. Et in hac collatione locum non habet personarum acceptio: quia quilibet absque injuria potest de suo alteri tribuere, quidquid vult. Alio modo ad justitiam pertinente, quo scilicet aliquis tribuit alicui, quod ei debetur; & circa tales contributiones attenditur personarum acceptio, cum nimirum res communis non eo modo distribuuntur, quo distribui deberent.

CONSECTARIUM TERTIUM.

III. Quoad consuetudinem attinet Prælatorum quorundam, dignitates, aut beneficia ecclesiastica suis consanguineis conferentium; diligenter ponderanda est S. Thomæ doctrina, quam habet hic *quæst.* 63. art. 1. ad 1. ubi sic ait: „Circa consanguineos Prælati distinguendum est: quantumquidem enim sunt minus digni & simpliciter, & per respectum ad bonum commune. Et sic si dignitatibus præ-

Patuati Theol. Mor. T. II.

„tantur, est peccatum acceptionis personarum in dispensatione spiritualium, quorum Prælati ecclesiastici non est dominus, ut possit ea dare pro libito; sed dispensator secundum illud ad Corinth. 4. Sic nos existimet homo ut ministros Christi, & dispensatores mysteriorum Dei: Quandoque vero consanguinei Prælati ecclesiastici sunt æque digni, ut alii. Et sic licite potest absque personarum acceptione consanguineos suos præficere: quia saltem in hoc præminent, quod de ipsis magis confidere potest, ut unanimiter secum negotia Ecclesiæ tractent. Esset tamen hoc propter scandalum dimittendum, si ex hoc aliqui exemplum sumerent, etiam præter dignitatem, bona Ecclesiæ consanguineis dandi.“

CONSECTARIUM QUARTUM.

IV. Dispenratio, quæ sæpe fit cum divitiis, & potentibus, quod in gradu prohibito matrimonium contrahant, quæ fieri non solet cum pauperibus, a vitio acceptionis personarum purgari facile potest. Quoniam cum his non dispensatur eo titulo, quod divites, aut potentes sint: hoc enim esset acceptio personarum; sed propter publicas causas, puta propter fœdera incunda, propter dissensiones componendas, aliasve similes rationes communi bono admodum utiles; quæ causæ raro, aut vix occurrunt in pauperibus, aut plebeis.

CONSECTARIUM QUINTUM.

V. Nullum quique redolet acceptionis personarum vitium, quod juxta statuta quorundam Ecclesiarum non eligantur ad aliquam dignitatem, aut beneficium Ecclesiasticum, nisi qui de gremio Ecclesiæ, sive Communitatis fuerint. Nam, ut inquit D. Thomas hic ad 4.: *Ille, qui de Ecclesiæ gremio assumitur, ut in pluribus, consuevit esse utilis, quantum ad bonum com-*

2

mun-

manne : quia magis diligit Ecclesiam , in qua est nutritus . Hinc veteres Canones Cap. Nec emeritis Cap. Nullus , Cap. Obitus &c. præscribunt , ut ex ipsa Ecclesia eligatur , quando illic invenitur aliquis idoneus , modo magna dissimilitudo ex alia parte non intercedat , vel si non nisi indignus invenitur .

CONSECTARIUM SEXTUM.

VI. Jure , meritoque ab Innocentio XI. damnata est sequens propositio in Decreto n. 47. : Cum dixit Concilium Tridentinum , eos alienis peccatis communicantes mortaliter peccare , qui nisi quos digniores , & Ecclesiam magis utiles ipsi judicaverint , ad Ecclesias promoveant ; Concilium vel primo videtur per hoc digniores non aliud significare velle , nisi dignitatem eligendorum , sumpto comparativo pro positivo : vel secundo locutione minus propria ponit digniores , ut excludat indignos , non vero dignos ; vel tandem loquitur tertio , quando fit concursus . Nullam ex his explanationem pati præceptum Concilii Tridentini , immo quamlibet aperte cum ejus mente pugnare , clarissime patet ejusdem verba legentibus .

CONSECTARIUM SEPTIMUM.

VII. Ex memoratæ propositionis damnatione liquido sequitur , damnatas pariter esse sequentes duas PP. Filiucci , & Thomæ Tamburini , quorum prior hæc docet *tratt. 4. in Append. c. 4. n. 18.* : Dico quintò , sententiam , quæ censet satis esse dignos , eligere ad beneficia , quæ non dantur in concursu , esse probabilem ex Tridentino *sess. 7. cap. 3. de Reform.* dicente : *Conferantur dignis* ; & universali æstimatione in creatione beneficiariorum , & Cardinalium , Episcoporum , & Abbatum &c. qui si inter dignos habentur , laudari elector , & electio . Non laudaretur autem communiter , si mala esset , & peccatum mortale .

Alter vero , nimirum Tamburinus hæc scribit *lib. 8. c. 4. §. 4. n. 5.* : *Affero* , secundo , omnia beneficia , sive majora , ut Cardinalatus , & Episcopatus , sive minora , ut Canonicatus , & Capellaniam , sive cutam animarum habentia , ut Abbatia , & Parochia , sive non habentia , ut prædictus Canonicatus , & Capellaniam , & cætera beneficia , quæ simplicia nominantur , abstrahendo ab his , quæ dantur in concursu ; assero , inquam , satis esse ad vitandum mortale , si conferantur dignis , & idoneis , esto præmittantur digniores , vel dignissimi . Quam aperte hujusmodi theses in damnata propositione comprehendantur , nemo non videt .

CONSECTARIUM OCTAVUM.

VIII. Dicendum est , Tridentinum Concilium , cum illam obligationem decrevit , novam legem non imposuisse , sed antiquam tantum declarasse , quæ ex lege naturali oritur . Equidem Concilium loquitur solum de Episcopatibus , ac de Ecclesiis curam animarum habentibus , dum statuit , ea beneficia dignioribus esse conferenda . Quia tamen eadem ratio est de cæteris beneficiis , etiam simplicibus præferim majoris momenti , uti sunt Canonicatus , Decanatus &c. idcirco mortaliter peccant , qui dignioribus dignos præferunt , nisi forte materiæ pravitas quandoque excuset a gravi culpa .

CONSECTARIUM NONUM.

IX. Si minus dignus cum eo concurrat , qui certe , ac manifeste est dignior , a lethali culpa excusandus non videtur . Si quidem quantum de se est , ex una parte digniorem impedit ; ex alia causam examinatoribus , aut patronis præbet peccandi mortaliter in sui promotione . Dixi tamen certo , & manifeste : quoniam si alterius

rius major dignitas, aut idoneitas obscura, vel dubia fuerit, putetque minus dignus, posse Examinatores quidpiam in altero agnoscere, ob quod eum iudicent vel æque, vel minus dignum, non peccat, bona fide Examinatoribus, aut Prælati iudicio se subiectens, ut ipsi iudicent de sua dignitate.

CONSECTARIUM DECIMUM.

X. Tamen si graves Authores doceant, non peccare, nisi ut summum leviter Electorem, qui confert beneficium minus digno, quoties excessus dignitatis alterius levis est: quia tamen hæc materia confinia præfinita non habet, & res est plena periculi, ne levis nobis inter utrumque dignitatis disparitas videatur, quæ ceteroquin gravis facile potest esse; saltem relative ad Ecclesiæ utilitatem, quæ maxime spectanda est; ideo in hoc iudicio quoties aliquis absolute, aut relative dignior constet, licet excessus dignitatis modicus esse videatur ad alium comparatus, illum semper præferendum putarem, nec a gravi peccato abolverem, qui aliter se gereret.

CONSECTARIUM UNDECIMUM.

XI. Quoties major eligentium pars in alicujus promotionem concurrere cernitur, nihilque te profuturum cognoscis, si illi suffragium deneges, tunc distinguere oportet. Vel enim qui promovetur, indignus a te iudicatur; & tunc suffragium omnino denegare debes: quoniam nunquam licet indignum eligere, nec in ejus electionem concurrere, quamvis nihil suffragio tuo proficias. Vel suffragium digno præbendo, indigni electionem impedire potes: tunc vero suffragium licite præbes; quia sic Ecclesiæ bono consulis eo meliori modo, quo vales, & quantum in te est, digniorem in hac circumstantia eligis. Quod si suffragia viles prævalere pro persona quidem digna, sed digniore prætermittit; non ex-

eufaris, suffragium tuum pro ea ferendo, quia iniquæ aliorum electioni consentis. Nec quidquam contra valet, quod mox dictum est, quoad electionem indigni; in quo casu suffragium pro digno, etiam prætermisso digniore, dari potest, ne eligatur indignus. Disparitas quippe est, quia in eo casu Ecclesiæ provides eo modo, qui tibi possibilis est, & in illis circumstantiis dignior ille redditur: quod in casu præfati fecus se habet.

CONSECTARIUM DUODECIMUM.

XII. Improbanda est sententia Lessii, Malderi, Azorii, aliorumque, quos sequuntur etiam Salmantienenses, resignari posse beneficium digno, etiam prætermisso digniore. Quandoquidem etsi resignans Collator non sit, vel Patronus beneficii, causa tamen est, eum beneficium illud minus idoneo conferatur. Qui autem causam dampni præstat, dampnum præstitisse videtur, adeoque sive cognati sint, sive amici, qui hujusmodi resignationem procurant, graviter delinquant, nisi rationabiles cause concurrant, quæ a peccato excusent. Hinc reprobari debent permutationes illæ, sive renunciationes beneficiorum, quibus aliqui senes magna, & pingua beneficia resignant in favorem nepotum, & amicorum exiguae eruditionis, ac virtutis; huc spectantes, tum ut ipsi ante mortem provideant, tum ne hujusmodi beneficia extra suam familiam, aut amicos conferantur.

CONSECTARIUM DECIMUMTERTIUM.

XIII. Examinatores ad beneficia tenentur proponere Episcopo, aut suffragis adprobare, quem ex Candidatis, & examinatis digniorem putaverint. Ideo enim instituti sunt, ut illorum cura major, minorve concurrentium habilitas ad beneficia deprehendatur. Sicut enim Episcopus investigare teneat ut majorem concurrentium

dignitatem, aut idoneitatem, & huic assequendo fini utitur Examinatorum opera, & industria; ita hi debent ingenue veritatem manifestare per examen deprehensam, ut meliorem eligat. Quare in Bulla *Cum illud* edita a Benedicto XIV. præscribit Pontifex, in concursu teneri Examinatores, *judices esse non tantum doctrinæ, sed et ceterarum dotum, quæ necessaria sunt ad parvuli officium.*

CONSECTARIUM DECIMUMQUARTUM.

XIV. Quoad restitutionem faciendam ei, qui injuste prætermittitur in concursu ad beneficium, attendenda est sæpius S. Thomæ doctrina 2. 2. q. 62. art. 3. ad 4. ubi sic ait: „ Aliquis potest impedire aliquem, „ ne habeat præbendam multipliciter. „ Uno modo juste, puta si intendens honorem Dei, vel utilitatem Ecclesiæ procuret, quod detur alicui personæ digniori: & tunc nullo modo tenetur ad restitutionem, vel ad aliquam recompensationem faciendam. Alio modo injuste, puta si intendat ejus nocumentum, quem impedit propter odium, vel vindictam, aut aliquid hujusmodi: & tunc si impedit, ne præbenda detur digno, consulens, quod non detur; antequam sit firmatum, quod ei detur, tenetur quidem ad aliquam compensationem, pensatis conditionibus personarum, & negotiis secundum arbitrium sapientis: non tamen tenetur ad æquale, quia illam nondum fuerat adeptus, & poterat multipliciter impediri: si vero jam firmatum sit, quod alicui detur præbenda, & aliquis propter indebitam causam procuret quod revocetur, idem est, ac si jam habitam ei auferret; & ideo tenetur ad restitutionem æqualis, tamen secundum suam facultatem “.

CONSECTARIUM DECIMUMQUINTUM.

XV. Magna cura adhibenda est in electione sive ad beneficia ecclesiastica, quæcumque ea sint, sive ad officia, aut dignitates sæculares tum ab iis, qui eligunt, aut conferunt dignitates, tum ab iis, qui suffragia sibi, vel alteri conquirunt. Si enim in hac re utilitatem propriam, vel alterius duntaxat spectent; si carnem, & sanguinem respiciant, non autem majorem utilitatem, aut commodum sive Ecclesiæ, sive Communitatis; indubium est, quod seipso gravi culpa obstringant. Quapropter oportet semper inspicere finem, propter quem illud beneficium, aut officium, sive dignitas conferatur; ac juxta illum, omni privato affectu femoto, definire coram Deo, quænam ad ipsum persona sit aptior, ac dignior, circumstantiis omnibus spectatis, quæ occurrere possunt, ac solent: eumque eligere, vel eidem suffragia conferre.

CONSECTARIUM DECIMUMSEXTUM.

XVI. Nedom fas est, sed etiam sæpe expediens, ac laudabile Principibus, ac Reipublicæ administratoribus, juramento prohibere *ambitum* in honoribus, sive dignitatibus sibi, aut amicis procurandis. Nomine *ambitus*, vulgo *officio*, vel *broglia*, de quo in legibus Romanæ Reipublicæ frequens mentio, potest intelligi dupliciter; nimirum primo quædam meritum expositio, & supplicatio a Candidato facta iis, qui suffragia conferunt ad dignitatem, quæ peccatio eo unice spectat, ut suffragatores memoria teneant Candidati merita, eaque diligenter expendant: & hujusmodi *ambitus* licitus de se est, nec prohiberi solet. Secundo nomine *ambitus* intelliguntur ea officia, quibus præter expositionem meritorum, simplicemque præcationem, quæ Candidatus rogat, ut suffragatores infixa memoria teneant merita sua, addit peculiar

liaria obsequia, promissiones, pœda, retributionem, munera, aliaque, quæ suffragatorum animos movent ad præstandum votum, non inuitu meritorem Candidati, sed proprii commodi ex tali voto reportandi. Hic autem ambitus prohiberi potest in Republica a Principe, ac reapse jure, ac merito prohibetur: Quoniam distributivæ justitiæ summopere infestus est. Impedit enim, ne præmia dignis, aut dignioribus tribuantur, immo etiam viam latissimam aperit ad promovendos indignos cum magno communis boni detrimento. Nam si vel ignorantes, qui nesciunt, vel ignavi, qui non valeant justitiam commutativam, aut vindicem administrare, ad dignitates, aut officia subleventur; nonne necesse est, ut damna plurima consequantur, perturbationes, scelera, ac scelerum impunitas, virtutis, ac proborum hominum depressio &c.?

CONJECTARIUM DICMUNSEPTIMUM.

XVII. Circa judicia, quæ de aliorum bonis in Tribunalibus exercentur, non solum tamquam falsæ, sed etiam tamquam absone, & legibus justitiæ aperte pugnantes rejiciendæ sunt opiniones, quæ sequuntur, quorundam maxime Probabilistarum: Valentis, qui in 2. 2. diff. 5. q. 7. p. 4. ita scribit: *Dico quinto. Si Judex reputaret utramque sententiam* (duorum litigantium) *esse probabilem, licite potest propter amicum secundum illam judicare, quæ amico magis favet.*

P. Dicaillii lib. 2. tract. 1. disput. 10. dub. 9. dicentis: *Licet judicii sequi opinionem minus probabilem, dummodo vere probabilis sit, relicta probabiliore, & secundum illam adjudicare amico, vel consanguineo.* Et pro hac laudat etiam P. Salam, & plerisque.

P. Fagundez Tract. 2. diff. 7. sect. 12. quid docet *Judex tam supremus, quam infe-*

rior, ceteris paribus ex parte facti, potest judicare secundum opinionem probabilem ex parte juris, relicta probabiliore, ac proinde ferre sententiam pro ea parte, cui minus probabiliter favent jura, leges, & rationes. Ejusdem sententiæ est P. Escobarius, qui T. 1. Theol. Mor. lib. 2. sect. 12. probl. 14. ait: *Judex reputans unam sententiam esse probabiliorem, debet, & non debet juxta illam judicare; sive sequi permittit, quam Judex mavult.* Hanc quoque sententiam tradit Sanchez, licet cum aliqua limitatione. De his alibi plura.

REFLEXIO.

Nobilissimam inter omnes virtutes morales, prudentia tantum excepta, esse justitiam prædicant Gentiles Philosophi, agnoscunt Ecclesiæ Patres, profitentur unanimi consensione Theologi. Et sane, si eam aliquanto latius accipiamus, simulque consideramus & sedem, quam tenet, & officium, quod exerceat, cunctis dignitate, ac merito præminere nemo in dubium verterit. Residet illa in voluntate facultatum humanarum omnium principe, atque regina; quod nulli competit cæterarum moralium virtutum. Officium ipsius est reddere cuique, quod debitum est; atque adeo nedum quod debemus proximis nostris, verum etiam quod debemus summo omnium Domino Deo; immo quadam, nec profecto impropria ratione, & quod debemus nobismetipsis. Nam tamen si sint aliæ virtutes, quæ vel officia erga Deum, vel actuum nostrorum erga nos ipsos rectitudinem inspiciant, & dirigunt; nihilominus qua ratione debitum aliquod implicant, ad justitiam quodantenus pertinere non immerito dicantur. Qua de causa Doctor Angelicus S. Thomas 2. 2. q. 122. art. 1. præcepta omnia Decalogi ad justitiam revocat, atque sapientis animadversione declarat: cum enim justitia sit, quæ hominem

nem ordinat ad alterum, ut cuique reddat, quod debet; præcepta omnia Decalogi eo tendunt, ut unusquisque id accurate perficiat, quod alteri debet. Nam tria prima præcepta Religionis officia præscribunt, quæ Deo debemus: reliqua septem, quæ debemus aliis. In his autem omnibus, quæ etiam nobis ipsis debemus, continentur. Hinc S. Pater Augustinus iniustitiam expendens, quam committit, qui se, & omnia sua Deo non refert, a quo accepit omnia, servitque potius aliis, quam unico, & vero Domino suo, sic arguebat lib. 19. de Civ. Dei C. 21.: *An qui furtum ejus auferit, a quo emptus est, & tradit ei, qui nihil in eo habet juris, iniustus est; & qui se ipsum auferit dominanti Deo, a quo salus est, & qui malignis servit spiritibus, iustus est?*

Omnia igitur, quæ debita sunt omnibus fideliter, ac studiose reddamus, ut legem impleamus. Reddamus proximo, quod suum est: reddamus Deo, quod ipsi omni jure debetur, timorem, honorem, amorem: Atque hæc si exacte præstiterimus, reddemus etiam nobis quod debitum est. Neque enim fieri potest, ut dum Deum timemus, honoramus, ac super omnia diligimus, nosmetipsos recte non amemus; aut aliquid omittamus eorum, quæ tum circa proximum, tum circa nos præstare debemus. Hec est illa integra, ac perfecta justitia, quam a Christo Domino esurire, ac sistere jubemus in hoc calamitoso exilio, in hac valle miseriæ, in terra hac deserta, in via, & iniqua; & qui eam esuriunt, & sistunt, beati prædicantur. Hec est illa justitia, a qua, inquit idem S. Doctor in psal. 61., si recedis, iniustus es: ad quam si accedis, iustus es. Te recedente, non deficit: te accedente, non crescit. Sed ubi est? sequitur ille. Transcende omnia creata. Vade illuc, ubi semel locutus est Deus: & ibi invenies fontem justitiæ. Ex illo fonte profluit ille ordo justitiæ, ut fir-

viens Deo animus recte corpori imperet, & in ipso animo Domino Deo subiecta ratio recte imperet sensibus, cæterisque vitis. Dei ejusdem erudiente nos gratia, id præstare dicimus, quod Augustini Discipulus S. Prosper, seu potius Julianus Pomerius ex illo lib. 3. de Vit. Contempl. cap. 13. fufius, ac luculentius exponit dicens: „ Si in hac „ vita justitiam conamur implere, cujus „ justitiæ opus est præprium sua cuque tri- „ buna, Deo nos, a quo sumus facti, red- „ damus: nec domirari ea nobis, quibus „ naturaliter præpositi sumus, permitta- „ mus. Dominetur vitis ratio: subiecta- „ tur corpus anime, animus Deo: & im- „ pleta est hominis tota perfectio. Ac per „ hoc & justitiæ facti participes, sua cui- „ que tribuimus, si inferiora melioribus, „ & virtutibus carnalia oblectamenta sub- „ damus: & sicut viventia vita carenti- „ bus, sensibilia viventibus, intellectualia „ sensibilibus, immortalia mortalibus ra- „ tiocinando præponimus; ita beate viven- „ do voluptuosos vitia, utilibus honesta, „ sanctis perfecta omnia præferamus. . . „ Illic est ordo naturæ, atque justitiæ, „ quem qui tenere voluerit, & obsecrare, „ perfectionem vite actualis complebit; „ & ad illam sempiternam beatitudinem per- „ veniet, quam Deus esurientibus, ac sitien- „ tibus justitiam repromittit.

CAPUT XI.

De Fortitudine, & adjunctis virtutibus, vitisque oppositis.

DOCTRINA.

- I. Fortitudinis definitio, ac materia.
- II. Actus fortitudinis duo; aggradi, & sustinere.
- III. Pericula, quæ fortitudo maxime respicit, sunt pericula mortis.
- IV. Quenam sint fortitudinis partes.
- V. Inter omnes Christianæ fortitudinis actus præstantissimus est martyrium. VI.

- VI. *Aliæ quoque in martyrio virtutes emicant.*
 VII. *Quenam ad martyrium conditiones requirantur.*
 VIII. *Plures martyrii gradus distinguere oportet, magis minusve perfectos.*
 IX. *Non aggressione, sed passionis tolerantia martyrium perficitur.*
 X. *Vitia fortitudini opposita paucis exponuntur.*
 XI. *De quatuor virtutibus fortitudini adiungendis; ac primum de magnanimitate, & vitiis oppositis.*
 XII. *De magnificentia, ac vitiis contrariis.*
 XIII. *De patientia. In quo proprie consistat.*
 XIV. *Pulcherrima S. Augustini de patientia doctrina.*
 XV. *Vitia patientiæ opposita.*
 XVI. *De perseverantia, prout virtus est, & prout speciale quoddam donum Dei.*
 XVII. *De vitiis, quæ perseverantiæ opponuntur.*

§. I.

Quid sit Fortitudo; quanam ejus materia, & actus.

I. **T**ERTIA inter virtutes, quæ cardinales appellantur, fortitudo est, de qua fusc agit per plures quæstiones Doctor Angelicus S. Thomas, ex quo pauca tantum decerpam, quæ ad institutum nostrum pertinere possunt. Hæc dupliciter sumi potest; scilicet prout absolute importat quamdam animi firmitatem: atque ita inspecta generalis quædam est conditio virtutum omnium; ad omnes quippe requiritur firmiter, & immobiliter operari. Secundo vero accipitur, prout exprimit duraxat firmitatem in sustinendis, & repellendis iis, in quibus maxime difficile est firmitatem habere, scilicet in gravibus periculis. Unde hæc est ex Tullio tradita, & a S. Thoma probata 2. 2. q. 12. art. 2.

DEFINITIO FORTITUDINIS.

Fortitudo est considerata periculorum susceptio, & laborum perceptio.

Hæc definitio clara satis est; & ex ea constat, ipsam nemum esse virtutem, sed etiam virtutem specialem, utpote quæ materiam habet, sive objectum determinatum.

Hanc fortitudinis determinatam materiam dividit S. Doctor art. 3. in *mediatam & immediatam*. Posteriores constituit in *timoribus, & audaciis*: priorem autem in *periculis, & laboribus* quia res periculose, & alius laboriosi non retrahunt voluntatem a via rationis, nisi vel nimium incutiendo timorem, quo plus æquo formidamus, vel audaciam excitando, qua immoderate, & imprudenter in eosdem labores, ac pericula insurgimus. Et ideo inquit ad 2. oportet, quod fortitudo sit *immediate circa timores, & audacias*: *mediate autem circa pericula, & labores*, sicut objecta prædistantium passionum; ne videlicet vel nimium timendo, vel nimium audendo a rationis regula desectamus.

II. Duo numerantur fortitudinis actus, nempe *aggredi, & sustinere*: quorum prior honorabilior quidem, ac splendidior apparer: sed alter, utpote difficilior, reipsa præstantior est. Rem demonstrat S. Thomas quæst. laudata art. 6. inquitens: „Fortitudo est magis circa timores reprimendos, quam circa audacias moderandas. „Difficilius enim est timorem reprimere, quam audaciam moderari: eoquod ipsum „periculum, quod est objectum audaciæ, & timoris, de se confert aliquid ad repressionem audaciæ; sed operatur ad „augmentum timoris. *Aggredi* autem pertinet ad fortitudinem, secundum quod „moderatur audaciam. Sed *sustinere* sequitur repressionem timoris. Et ideo „pri-

„ principalior actus fortitudinis est *sustinere*,
 „ *re*, id est immobiliter sistere in periculis,
 „ quam aggredi “.

III. Pericula, quæ fortitudo vel aggreditur, vel sustinet: sunt præ cæteris pericula mortis, ut hac eleganti ratione ostendit idem S. Thomas *art. 4.:* „ Ad
 „ virtutem fortitudinis pertinet, ut voluntatem hominis tueatur, ne retrahatur a
 „ bono rationis propter timorem mali corporalis. Oportet autem bonum rationis
 „ firmiter tenere contra quodcumque malum: quia nullum bonum corporale æquivalere
 „ valet bono rationis. Et ideo oportet,
 „ quod fortitudo animi dicatur, quæ firmiter
 „ teneat voluntatem hominis in bono rationis contra maxima mala: quia
 „ qui stat firmus contra majora, confert
 „ quens est, quod sit firmus contra minora; sed non convertitur. Et hoc etiam
 „ ad rationem virtutis pertinet, ut respiciat ultimum. Maxime autem terribile
 „ inter omnia corporalia mala est mors,
 „ quæ tollit omnia corporalia bona. . . .
 „ Et ideo virtus fortitudinis est maxime
 „ circa timores periculorum mortis “.

Iraque, ut magis ille thesaurum suum declarat in *resp. ad. 1.*, bene se habet fortitudo in omnibus adversis tolerandis; non tamen ex tolerantia quorumlibet adversorum reputatur homo simpliciter fortis, sed solum ex hoc, quod bene tolerat etiam maxima mala: ex aliis autem dicitur homo fortis secundum quid. Eadem nempe est fortitudo, quæ mala omnia difficilia vel aggreditur, vel sustinet. Quæ vires exerit contra minora mala, parva est: major, perfectiorque efficitur, cum maioribus sese malis opponit. Tunc vero perfectissimum gradum attingit, quæ parata est malis ipsis mortis sustinendis, quæ malorum omnium terribilis est.

Causa, sive finis, cui servire debet fortitudo periculorum aggressionem, & perpetu-

sione malorum, maximeque mortis omnium terribilium, in bono rationis, seu in honestate, & virtute posita est. Id namque exposcit generalis conditio virtutis, quæ rationalem animum bene disponit ad honestatem. Id sibi vendicant proprii fortitudinis, sicut etiam temperantia characteres, quorum munus est, ut sententia appetitus impetus cohibeant, ne superior animæ pars a bono rationi conveniente declinet. Fortitudinis enim materia seipsa indifferens est. Unde vel perpeti mortem, ut advertit S. Thomas hic *quæst. 124. art. 3.*, non est laudabile secundum se, solaque honestate, veluti fine, præstituta virtutis opus efficitur. Ac demum cum bonum dimittat rationis sit vita pretiosius, nemini licet nisi illius causa aggredi, aut sustinere pericula mortis, quæ vitam eripit. Hinc fortitudo dicenda non est, quæ servit iniquitati, aut bonis delectabilibus ancillatur: solamque ut summum speciem, aut similitudinem fortitudinis habet, sed recaret; ac splendore virtutis.

§. II.

Partes Fortitudinis.

IV. Quænam sint fortitudinis partes, assignat idem S. Doctor hic *quæst. 128.* hac præclara doctrina; primumque statuit, nullas esse hujus virtutis partes *subalternas*, prout est specialis virtus, eoque non dividitur in multas virtutes *specie differentes*, quia est circa materiam valde specialem. Non aliæ ergo partes assignari valent, nisi *quæst. integræ*, & *potentiales*: „ *Integræ* quidem (inquit) secundum ea, quæ oportet concurrere ad actum fortitudinis: „ *Potentiales* autem, secundum quod ea, quæ fortitudo observat circa difficillima, scilicet circa pericula mortis, aliquæ aliæ virtutes observant circa quasdam alias materias minus difficiles: quæ quidem

dem virtutes adiunguntur fortitudini, sicut secundariæ principali. Est autem, sicut supra dictum est, duplex fortitudinis actus; scilicet *aggredi, & sustinere*. Ad actum autem aggrediendi duo requiruntur, quorum primum pertinet ad animi præparationem, ut scilicet aliquis promptum animum habeat ad aggrediendum. Et quantum ad hoc ponit Tullius *fiduciam*. Unde dicit, quod *fiducia est, per quam magnis, & honestis in rebus multum ipse animus in se fiducia certa cum spe collocavit*."

Secundum autem pertinet ad operis executionem, ne scilicet aliquis deficiat in executione illorum, quæ fiducialiter inchoavit. Et quantum ad hoc ponit Tullius *magnificentiam*. Unde dicit, quod *magnificentia est rerum magnorum, & exultorum cum animi ampla quadam, & splendida propositione agitatio, atque administratio*, idest executio, ut scilicet amplo proposito administratio non desit. Hæc ergo duo si coarctentur ad propriam materiam fortitudinis, scilicet ad pericula mortis, erunt quasi partes integrales ipsius, sine quibus fortitudo esse non potest. Si autem referantur ad aliquas alias materias, in quibus est minus difficultatis, erunt virtutes distinctæ a fortitudine secundum speciem suam; tamen adiunguntur ei, sicut secundarium principali: sicut *magnificentia* a Philosopho in 4. *Ethic.* ponitur circa magnos sumptus; *magnanimitas* autem, quæ videtur idem esse fiduciæ, circa magnos honores."

Pergit subinde ad alium actum fortitudinis, qui est *sustinere*, ad quem duo requiruntur: Quorum primum est, ne difficultate imminens malorum animus frangatur per tristitiam, & decidat a sua magnitudine. Et quantum ad hoc ponit *patientiam*. Unde dicit, quod *patientia* Patruæ Tobol. Moræ T. II.

est honestatis, aut utilitatis causa, rerum arduarum, aut difficultium voluntaria, ac diuturna perpassio. Aliud autem est, ut ex diuturna difficultium passione homo non fatigetur usque ad hoc, quod destitatur secundum illud Hebr. 12.: *Non fatigemini animis vestris deficientes*. Et quantum ad hoc ponit *perseverantiam*. Unde dicit, quod *perseverantia est in ratione bene considerata stabilis, & perpetua permanens*. Hæc etiam duo si coarctentur ad propriam materiam fortitudinis, erunt partes quasi integrales ipsius. Si autem ad quascumque materias diffusetur, referantur, erunt virtutes a fortitudine distinctæ; & tamen ei adiunguntur, sicut secundariæ principali. Nihil distinctius, ac luculentius exprimi poterat.

Ex hac præclarissima doctrina habes partes fortitudinis, tum prout eam integrant, tum prout eidem adiunguntur. Habes etiam virtutum harum adiunctarum germanam notionem expressam in ipsarum traditis definitionibus. Illud solum addendum puto, *fiduciam, magnanimitatem*, sive *magnificentiam, & perseverantiam* afficere appetitum, qui dicitur *irascibilis*, ejusque passionem cohibere, ne propter operum arduitatem aut nimium effrænes, aut plus æquo deficientes ab acce rationis, & officio virtutis animum deturbent. *Patientia* vero bene disponit appetitum, qui *concupiscibilis* appellatur: maiores namque, ac tristitias ad hanc animi partem attinentes comprimit, ac moderatur, ut hisce passionibus compressis, malisque patienter tolleratis, sui compos mens fit, propriaque officia liberius operentur cæteræ virtutes.

§. III.

De Martyrio, præcipue Fortitudinis actu:

V. Inter omnes Christianæ fortitudinis actus præstantissimum esse Martyrium, tenet
A a neg.

nendum omnino est. Equidem non desunt ex Theologis, qui negent, illud esse fortitudinis opus; ac virtutis illius actum constituunt, ejus gratia mora ipsa sustinetur. Sed adversa S. Thomæ, meliorumque Theologorum sententia est, quibus suffragatur Sanctorum Patrum auctoritas, nempe Cypriani *Epist.* 10. ad Mart. & Confess., Ambrosii *lib. primo de Offic.*, Chrysostomi *hom.* 5. in *Mattb.*, Augustini *lib. 1. de morib. Eccles.* cap. 22. & 23., aliorumque; eamque satis insinuant Sacra Littera pluribus in locis; maximeque Apostolus ad *Hebræos* art. de martyribus inquit, *fortes factos esse in bello contra fidei persecutores.*

S. Thomas eam declarat, suadetque *quest.* 124. art. 2. in resp. ad 1., ubi hæc habet: *In actu fortitudinis duo sunt consideranda, quorum unum est bonum, in quo fortis firmatur, & hoc est fortitudinis finis. Aliud est firmitas, quia quis non cedit contrariis prohibentibus ab illo bono: & in hoc consistit essentia fortitudinis. Sicut autem fortitudo civilis firmat animum hominis in justitia humana, propter ejus conservationem mortis pericula sustinet; ita etiam fortitudo gratuita (sive Christiana) firmat animum hominis in bono justitie Dei, quæ est per fidem Jesu Christi, ut dicitur ad Rom. 3. Unde martyrium comparatur ad fidem, ad charitatem, ceterasque virtutes, sicut ad finem; ad fortitudinem autem, sicut ad habitum elicientem.*

Hanc assertionem ita declaratam probat subinde inquitens: „Ad fortitudinem pertinet, ut confirmet hominem in bono virtutis, & maxime contra pericula, & præcipue contra pericula mortis, & maxime ejus, quæ est in bello (quod supra jam demonstraverat). Manifestum est autem, quod in martyrio firmiter homo confirmatur in bono virtutis, dum fidem, & justitiam non deserit propter imminencia pericula mortis, quæ etiam

„in quodam certamine particulari a persecutoribus imminet“. Nemo hæc omnia negaverit; adeoque manifestum est, quod martyrium sit fortitudinis actus, & quidem præcipuus.

VI. Fateor tamen quam lubenter, alias in Martyribus etiam emicare virtutes, charitatem, fidem, patientiam, easque omnes, quæ ab improbis hominibus impugnari possunt: sed illas omnes vel comites fortitudinis esse, vel se habere tamquam fines, quibus fortitudo servit, docet S. Thomas. De fide sic disserit ille art. 2. ad 1. *Fortitudo gratuita firmat animum hominis in bono justitie Dei, quæ est per fidem Jesu Christi, ut dicitur ad Rom. 3.: & sic martyrium comparatur ad fidem, sicut ad fidem, in quo aliquis confirmatur. Charitatem locum habere statuit in resp. ad 2. his verbis: Ad actum martyrii inclinatur quidem charitas, sicut primum, & principale motivum per modum virtutis imperantis: fortitudo autem sicut motivum per modum principii elicientis & inde est, quod martyrium est actus charitatis ut imperantis; fortitudinis autem ut elicientis. Quod autem sit meritarius, hoc habet ex charitate, sicut ex quolibet virtutis actus. Denique in resp. ad 3. comitem fortitudinis patientiam facit in martyrio: nam principalior actus fortitudinis est sustinere, ad quem pertinet martyrium. Et quia patientia deservit fortitudini ex parte actus principalis, qui est sustinere, inde est, quod patientia maxime in martyrio commendatur.*

§. IV.

Conditiones ad Martyrium requisitæ.

VII. Prima, quæ ad martyrium conditio requiritur, est status gratiæ, vel idoneæ, & sufficiens ad gratiam dispositio, scilicet charitas. Ut enim discretissime docet Apostolus: *Si tradidero corpus meum, ita ut ardeam.*

deum, charitatem autem non habuero, nihil mihi prodest. Hinc qui affectu inheret ad peccatum mortale, indispositus est, ut ei martyrium proflit ad salutem: sola namque charitas est, quæ sicut ceteros actus nostros, ita & martyrium ipsum reddit æternæ vitæ meritorium.

Conditio altera est perceptio mortis ob professionem fidei, vel alterius virtutis Christianæ. *Martyres enim*, inquit S. Thomas hic quæst. 124. *dicuntur quasi testes, quia scilicet corporalibus suis passionibus usque ad mortem testimonium perhibent veritati; non cuiuscumque, sed veritati, quæ secundum pietatem est, quæ per Christum nobis innotuit. Unde & martyres Christi dicuntur quasi testes ipsius.* Huiusmodi autem est veritas fidei. Et ideo cuiuslibet martyrii causa est fidei veritas. At vero omnium virtutum opera, secundum quod referuntur in Deum, sunt quedam protestationes fidei, per quam nobis innotescit, quod Deus huiusmodi opera a nobis requirit, & nos pro eis remunerat. Et secundum hoc possunt esse martyrii causa. Unde & B. Joannis Baptista martyrius in Ecclesia celebratur, qui non pro neganda fide, sed pro reprehensione adulterii mortem sustinuit.

Hoc amplius declarat in resp. ad 1. Cum enim sibi objecisset, Christianum aliquem ex eo vocari, quod fidelem Christi profiteatur; adeoque solum Christi fidem conferre martyrii gloriam; respondet, quod, Christianus dicitur, qui Christi est. Dicitur autem aliquis esse Christi non solum ex eo, quod habet fidem Christi; sed etiam ex eo, quod spiritum Christi ad opera virtuosa procedit, secundum illud ad Rom. 8. : *Si quis spiritum Christi non habet, hic non est ejus.* Et etiam ex hoc, quod ad imitationem Christi peccatis moritur secundum illud ad Galat. 5. : *Qui Christi sunt, carnem suam crucifixerunt cum vitis, & concupiscentiis.* Et ideo ut Christianus patitur, non solum

qui patitur pro fidei confessione, quæ sit per verba, sed etiam quicumque patitur pro quocumque bono opere faciendo, vel pro quocumque peccato vitando propter Christum: quia hoc totum pertinet ad fidei professionem.

Tertia conditio ad martyrium requisita est pœna mortis a persecutore illata. Equidem multiplex pœna carceris, exilii, proscriptionis bonorum, tormentis inchoari martyrium concedendum omnino est; sed illud sola morte consummari asserimus cum D. Thoma dicente hic art. 4. : *Martyr dicitur quasi testis fidei Christianæ, præquam nobis visibilia pro invisibilibus commendanda proponuntur, ut dicitur ad Hebr. 12. Ad martyrium ergo pertinet, ut homo testificetur fidem, se opere ostendens omnia præsentia contemnere, ut ac futura, & invisibilia bona perveniat. Quamvis autem homini remaneat vita corporalis, nondum se opere ostendit corporalia cuncta despiciere. Consecravit enim homines & consanguineos, & omnia bona possessa contemnere, & etiam dolores corporis pati, ut vitam conservet. . . . Et ideo ad perfectam rationem martyrii requiritur, quod aliquis mortem sustineat propter Christum.*

§. V.

Plures Martyrii gradus distinguuntur.

VIII. Itaque morte martyrium consummatur. Sed quoniam pœnæ, quæ propter Christi fidem inferuntur, multiplex modo ad mortem perducunt, plures martyrii gradus distinguere oportet magis, minusque perfectos. Primus, ac supremus est, cum pœna ob Christi confessionem illata mortem inferat, eamque subinet Martyr. Gradus alter partes duas complectitur, quas declarat S. Thomas lib. 4. sent. dist. 49. quæst. 5. art. 3. his verbis: *Si aliquis*

„quis

„ quia propter fidem vulnus mortale acci-
 „ piat, & supervivat; non est dubium,
 „ quod aureolam meretur; sicut de Beata
 „ Cecilia patet, quæ triduo supervixit,
 „ ac de multis Martyribus, qui in carcere
 „ sunt defuncti. Et alter, si ex vulnere
 „ lethali suscepto moriatur. Lethale nam-
 „ que vulnus, quod necessario mortem
 „ inferit, pro morte ipsa computatur;
 „ quique sustinet lethale vulnus, nedum
 „ desiderio, sed opere externo mortem
 „ pati dicitur, quamquam eadem suspen-
 „ ditur ad aliquot dies, aut divino mira-
 „ culo impeditur “.

Tertium gradum tenet martyrium co-
 rum, quibus applicata sunt instrumenta,
 quæ vi sua inferunt lethalem morbum, ac
 lethale vulnus, demumque mortem; quam-
 vis non solum mors, sed etiam lethales
 dispositiones divinitus impediuntur. Hoc
 martyrii genus in pueris Hebræis, qui in
 ardentem fornacem coniecti fuerunt; in
 Joanne Evangelista in olei ferventis dolum
 immisso, & in aliis a Deo specialiter pro-
 tectis, commendant Sancti Patres.

Denique quartus gradus eorum est, qui
 propter Christi confessionem coram Tyrannis
 editam, plagis, cruciatibus, carceribus,
 honorum spoliatione affecti, in iisdem
 vita demum fundi sunt: de quibus ait
 S. Doctor: *Qualitercumque afflictio propter*
Christum ita usque ad mortem continuatur,
sive mors inde sequatur, sive non, aliquis
martyr efficitur, & aureolam meretur. Sunt
 & alii, qui licet in nullo ex his gradibus
 martyrii inveniantur, a Patribus tamen
 martyrum nomine, sed minus presse ac-
 cepto, celebrantur. Unde nec aureola
 martyrii a Deo insigniuntur.

IX. Ex his omnibus sponte fuit, non
 aggressionem, sed passionem Martyrium perfici.
 Quotquot enim martyrii presse dicti
 gradus recensuimus, passionum tolerantiam
 exhibent, non pugnam, non rebellionem

contra Tyrannos. Hinc Canon 60. Conci-
 lii Eliberitani prohibet, eos in numero
 Martyrum recenseri, qui ultro, & non la-
 cessiti idola destruere occidebantur. Et
 ratio est, tum quia temeritatem quamdam,
 & præsumptionem redolet, se ultro inge-
 rere tentationi gravissimæ; cum potius me-
 mores nos esse oporteat fragilitatis huma-
 næ, ideoque a Christo jubeamur, *vigilate,*
& orate, ut non intretis in tentationem; &
 non pauci, qui ultro se ingesserunt, in
 tormentis defecerint: tum quia, ut ait S.
 Petrus Alexandrinus canone nono, *Scriptum*
est in Evangelio Marc. 13. Tradent vos
in Conciliis, & in Synagogis verpabitis.
Tradent, dixit; non vos ipsos tradetis; &
ad Reges, & Principes ducemini propter no-
men meum: non vos ipsos ducetis. Quod
 etiam confirmant S. Cyprianus atque ex
 ipso S. Augustinus lib. 1. *cont. Gaudentium*
 cap. 31.

Hoc tamen intelligere oportet *citra spe-*
cialem Spiritus Sancti inspirationem. Legi-
 mus namque de multis sanctis viris, ac scæ-
 minis, quorum exempla nefas est in sus-
 picionem adducere, quod ultro se ad
 martyrium obtulerint; ex impulsu videli-
 cet Spiritus Sancti, qui aliquando animum
 movet supra ordinariam operandi regulam.

Occurrere pariter possunt aliquando cir-
 cumstantiæ quædam, in quibus se ultro of-
 ferre martyrio laudabile sit: primo nempe
 ad erigendum animum martyrum in
 passione deficientium; secundo ut ingentem
 ruinam fidelibus aliquin imminere aver-
 tamus; tertio dum infideles ex hoc con-
 vertendos prævidemus, vel fideles aliqui
 a fide defecturos confirmandos; quarto ut
 Tyranni audaciam, feritatem, ac persec-
 utionis impetum compeſcamus; quinto
 demum quoties id exigit Dei gloria, &
 causa publicæ magni momenti.

§. VI.

De vitio Fortitudini oppositis.

X. De his agit S. Thomas hic *quest.* 215., & duobus sequentibus : nos autem cursim attingemus. Primum vitium, quod immediate fortitudini opponitur, *timor* est, sive *timiditas*, quæ posita est in motu quodam animi inordinato, quo quispiam ea mala fugit, quæ recta ratio præscribit esse sustinenda ; adeo ut illicitum aliquid committere malit, quam ea sustinere. De hoc timore loquutus est Christus, cum dixit Matth. 10. : *Nolite timere eos, qui occidunt corpus ; & Apostolus Petrus r. cap. 3. : Si quid patimini propter iustitiam, beati : timorem autem eorum ne timueritis.*

Peccatum esse duntaxat veniale timorem, si consistat in solo appetitu sensitivo, definit S. Thomas *art.* 3. Si autem ad appetitum rationalem pertingat, tunc veniale esse, vel mortale docet juxta qualitatem delicti, quod ex eo timore homo committit, vel paratus est committere. Hinc qui ex tormentorum timore fidem, cum debet, non proficitur coram Tyranno, graviter peccare dubium non est.

Vitium alterum fortitudini oppositum vocatur a S. Thoma *intimiditas* ; & vocari etiam solet *vacuitas timoris* : qua nempe quispiam mortis, aliorumve malorum pericula non timet, ubi, quando, vel quomodo timere oportet ; quod procul dubio est contra rectam rationem. Sicur enim vitam temporalem, eaque, quæ illi conservandæ necessaria sunt, amare debemus ; ita, quæ his adversantur, fugere, ac timere, quoties, & quomodo fugienda sunt. Hujus vitii, sive motus inordinati causa triplex esse solet ; scilicet 1. *superbia*, qua quis talem, ac tantam de se ipso estimationem habet, ut neminem putes ipsi posse nocere, juxta illud Prophetæ Abdii ;

Superbia cordis tui extulit te habitantem in fissuris petrarum, exaltantem solum tuum, qui dicis in corde tuo : quis detrahet me in terram ? 2. Defectus rationis, sive soliditas mentis, ob quam quispiam non percipit, quibus periculis, aut damnis sit obnoxius ; ideoque securus manet omnium malorum, atque eorum etiam, in quæ facillime incidere valet. Nam, ut ait Salomon Proverb. 24. : Sapiens timet, & declinat a malo : stultus transiit, & confidit. Tertia causa est, quod quis vitam, atque vitæ bonâ negligat, aut minoris, quam par est, æstimet. Qui enim aliquid pravi æstimat, illud amittere non pertimescit. Est autem hoc vitium peccatum mortale, si aut ex causa mortaliter peccaminosa proveniat, aut propter illud magno se periculo mali incurrendi exponat sine iusta causa : peccatum tamen non est diffinidum ab eo, unde provenit, vel cui se temere exponit.

Tertium vitium huic cognatum, quod fortitudini opponitur, est *audacia* : quæ non hic sumitur, prout simpliciter quædam passio est, sed quatenus importat excessum passionis illius, qua aliquis nimium sibi præfidit in periculis invadendis, aut aggreddendis. Unde cum rectæ rationis regulam excedat, procul dubio vitiosa est, atque adeo peccatum : cumque importet immoderantiam circa materiam fortitudinis, ad quam pertinet moderari audacias, consequens est, quod eidem opponatur.

§. VII.

De virtutibus Fortitudini adjunctis.

XI. Quatuor esse virtutes fortitudini adjunctas, jam ex D. Thoma notavimus, quas ipse pluribus questionibus declarat, atque illustrat ; nempe *fiduciam*, sive *magnanimitatem* ; hanc enim *fiduciam* nomine intelligit ; *magnificentiam*, *patientiam*, & *perseverantiam* ; ex quibus pauca, quæ ad

legitimam eorum notionem haulendam conferre queunt, delibabimus. Ac primum

De Magnanimitate.

„Magnanimitas, inquit S. Præceptor hic *quest. 129. art. primo*, ex suo nomine importat quamdam extensionem animi ad magna. Consideratur autem habitus virtutis ad duo. Primo ad materiam: circa quam operatur. Alio modo ad actum proprium, qui consistit in debito usu talis materię. Et quia habitus virtutis principaliter ex actu determinatur, ex hoc principaliter dicitur aliquis *magnanimus*, quia habet animum ad aliquem magnum actum.

„Aliquis autem actus potest dici dupliciter *magnus*. Uno modo secundum proportionem: alio modo absolute. *Magnus* quidem potest dici actus secundum proportionem, etiam qui consistit in usu alicujus rei parvę, vel mediocris: puta, si aliquis illa re optime utatur. Sed simpliciter, & absolute *magnus* actus est, qui consistit in optimo usu rei maxime.

„Res autem, quę in usum hominis veniunt, sunt res exteriores, inter quas simpliciter maximum est honor; tum quia propinquissimum est virtuti, utpote iustificatio quędam exiens de virtute alicujus; tum etiam quia Deo, & optimis exhibetur; tum etiam quia homines propter honorem consequendam, & vituperium vitandum, alia omnia possunt. Sic autem dicitur aliquis *magnanimus* ex his, quę sunt magna absolute, & simpliciter: sicut dicitur aliquis *fortis* ex his, quę sunt difficilia simpliciter. Et ideo consequens est, quod magnanimitas consistat circa honores. Hęc ille magnanimitatis notionem disertissime exponens.

Magnanimitatem esse virtutem, & quidem specialem ostendit deinde *art. 3. & 4.* Ex quidem virtutem esse, ex idea virtutis

elucet: quoniam *ad rationem virtutis humanę pertinet, ut in rebus humanis bonum rationis servetur, quod est proprium hominis bonum. Inter ceteras autem rei humanę superiores honores præcipuum locum tenent. Et ideo magnanimitas, quę modum rationis ponit circa magnos honores, est virtus.*

Quod autem non communis virtus sit, sed specialis, liquet ex eo, quod ad specialem virtutem requiratur, ut modum rationis constituat in aliqua determinata materia. Hoc autem magnanimitati convenire, compertum est: modum siquidem rationis constituit circa materiam determinatam, scilicet circa honorem, qui secundum se consideratus, bonum quoddam peculiare est. Quia tamen honor est cujuslibet virtutis præmium, ideo ex consequenti ratione suę materię respicit etiam omnes virtutes.

Vitia, quę huic virtuti opponuntur per excessum sunt *presumptio*, quę est nimia confidentia, qua quis ea aggreditur, quę vires suas excedunt. *Ambitio*, quę consistit in appetitu inordinato honoris, cum scilicet aliquis honores nec oblatos, nec debitos appetit, vel ad eos mediis illegitimis pervenire nititur, aut etiam illegitime oblatos, aut minime debitos affectat, ac suscipit. *Juavis gloria*, scilicet immoderata glorię cupiditas contra rationis, legisque divinę ordinem, de qua alibi. Per defectum autem opponitur *pufflavititas*, quę vitium est, quo quis res magnas, quibus gerendis est aptus, aut magnos honores, quibus dignus est, legitime oblatos, ex animi parvitate, & nimia dejectione refugit: vel autoritatem suam, dignitatem, honorem, privilegia tueri negligit, quatenus ad Dei gloriam, & commune bonum id necessarium, & utile est.

De Magnificentiā.

XII. Proxima magnanimitati virtus *magnificentiā*.

gnificentie est, cum ad magna opera in exteriori materia magnis sumptibus perficienda juxta rationis, ac divinæ legis regulam animus inclinatur. Hæc duplex est, publica scilicet, & privata. *Publica*, cum ad publicos usus magni sumptus conferuntur; idque vel ad usum pios, veluti ad sacrificia, & publicas preces, cujusmodi sunt extructio, & dotatio Templorum, fundatio Monasteriorum, Collegiorum, Xenodochiorum &c. : vel ad usum politicos, Reipublicæ nimirum augendæ, conservandæ, aut decorandæ causa, ut ædificatio hæreorum publicorum, armamentarii, fori, portarum, murorum Civitatis, instructio classis, vel navium bellicarum, ad Rempublicam defendendam, ejusque gloriam promovendam.

Privata magnificentia est, cum magnifica munera alicui privato tribuuntur, vel magnifice fiunt, quæ ad proprium usum, vel dignitatem pertinet, quatenus id exigat gradus proprius, aut conditio. Quamquam enim vir magnificens in his, quæ propriam personam spectant, sumptus moderetur, quia bonum privatum magnum non est: si quid tamen in his, quæ proprium gradum, aut dignitatem pertinet, magnum videatur; id etiam exequitur *magnifice* in his præsertim operibus, quæ debent esse diuturna. Et quia, ut ait S. Thomas art. 2. ad 3. *nullus finis humanorum operum est adeo magnus, sicut honor Dei; ideo magnificentia præcipue magnum opus facit in ordine ad Deum. Unde Philosophus 4. Ethic. dicit: Honorabiles sumptus sunt maxime, qui pertinent ad divina sacrificia. Et circa hoc maxime studet Magnificus: & ideo magnificentia conjungitur sanctitati: quia præcipue ejus effectus ad religionem, sive sanctitatem ordinatur.*

Huic virtuti per defectum vitium opponit S. Thomas quæst. 135. quod *parvificentiam* vocat: quæ pecuniæ nimis amator

deficit a recta proportionem, quam ratio decori exigit inter sumptus, & opus, quod peragendum est; aut minus elargitur, quam personæ, vel ejus dignitati conveniat. *Magnificus* videlicet primario intendit magnitudinem operis; secundario autem magnitudinem sumptus, quam non refugit, ut magnum opus perficiatur. *Parvificus* e contra præcipue sumptus parvitatem intendit, ex consequenti vero parvitatem operis, quam non recusat. Hæc vitium, ut animadvertit S. Thomas, veniale plerumque peccatum est. Fieri tamen ex aliqua circumstantia potest mortale, puta si aliquis ratione voti, aut juramenti &c. ad magnum sumptum faciendum obstrictus fuerit.

Vitium autem, quod magnificentie opponitur per excessum, appellatur ab eodem S. Thoma *consumptio*, quæ aliud non est, nisi indecora, & inepta, sive nimia sumptuum profusio; & in eo consistit, quod quispiam excedat proportionem, quæ debet esse, sumptuum ad opus decore perficiendum, veluti si ad opus magnum sumptus augeat, supra quam vel res poscat, vel decorum pariat: aut si ad res parvas magnos sumptus impendat. Quod vitium ex genere suo veniale peccatum est; sed non raro mortale evadit; ut quando quis inepte sua bona consumit ob inanem gloriam mortalem, aut quando debet vel creditoribus pro solutione debitorum, vel pauperibus in necessitate existentibus sua bona tribuere: sicut etiam quando ob hoc grave aliis detrimentum inferit.

De Patientia.

XIII. Inter virtutes fortitudini adjunctas ceteris eminet *patientia*. Cum enim duplex sit fortitudinis actus, *aggradi* scilicet, & *sustinere*, hic utpote altera difficilior, ita quoque nobilior est, atque præstantior. Ea designatur a Tullio *bonestatis*, aut *utilitatis*

tatis causa rerum arduarum, & difficilem voluntaria, ac diuturna perpassio; a S. Augustino autem lib. de Patient. cap. II. virtus, qua mala aequo animo toleramus, ne animi bona deferamus, per quae ad meliora perveniamus.

Hanc virtutem inter excellentiores, magisque necessarias computari quis dubitet? dum legit Scripturas eam maximopere commendantes, ejusque necessitatem in hac mortalit, ac misera vita saepe adfluentes. Sic Christus Dominus Luc. 21. Apostolis, aliisque fidelibus dixit: *In patientia vestra possidebitis animas vestras*: quia nempe perpassio, ut declarat S. Thomas *quæst. 136. art. 2. ad 2. importat quietum dominium; et ideo per patientiam dicitur homo suam animam possidere, in quantum radicatus evellit passiones adversitatum, quibus anima inquietatur*. Hinc etiam Jacob. 1. dicitur: *Patientia opus perfectum habet*; quem textum sic egregie commentatur idem S. Doctor *ad 1. dicendo, quod patientia dicitur habere opus perfectum in adversis tolerandis, ex quibus primo procedit tristitia, quam moderatur patientia: secundo ira, quam moderatur mansuetudo: tertio odium, quod tollit charitas; quarto injustum nocuentum, quod prohibet justitia. Tollere enim principium minusculusque est perfectius*. Hinc etiam a S. Gregorio Magno *hom. 15. in Evang. patientia vocatur radix, & custos omnium virtutum*; quatenus removet tristitiam, quæ impedit, ne virtutes in nobis causentur, & conserventur.

XIV. S. Augustinus, qui de patientia integrum librum edidit, aliqua observat scitu admodum necessaria: ac inter alia veram, & Christianam patientiam, quæ sola virtus est, docet *cap. 6. esse distinguendam a falsa ex causa patiendi. Quando causa, inquit, bona est; tunc ista, patientia scilicet, vera est; quando illa non polluitur cupiditate, tunc a falsitate ipsa distinguitur.*

Cum vero illa tenetur in crimine, tunc hujus multum erratur in nomine. Non enim, sicut omnes, qui sciunt, sunt participes scientia, ita omnes, qui patiuntur, sunt participes patientia: sed qui passione recte utuntur, hi patientia veritate laudantur, hi patientia munere coronantur. Unde Christus non omnes, qui persecutionem patiuntur, beatos prædicat; sed qui patiuntur propter justitiam.

At præstat audire, quæ etiam habet Sanctus Pater *cap. 9. & 10. „ Quamvis patientia virtus sit animi, partim ramen, ea utitur animus in se ipso, partim vero in corpore suo. In se ipso utitur patientia, quando illaeso, & inraato corde, pore aliquid, quod non expellat, vel non doceat, facere, aut dicere quibuslibet adversitatibus, aut sædiratibus rerum, seu verborum stimulus incitatur; & patienter mala omnia tolerat, ne ipse mali aliquid opere, vel ore committat. Per hanc patientiam sustinemus, etiam dum corpore sani sumus, quod inrex hujus sæculi scandala beatitudo nostra differtur. Unde dictum est: Si quod non videmus, speramus, per patientiam expectamus. Hac patientia S. David opprobria conviciantius toleravit; & cum, facile posset ulcisci, non solum non fecit, verum & alium pro se dolentem, commotumque compescuit: & potestatem regiam magis adhibuit prohibendo, quam exercendo vindictam. Hanc patientiam Dominus docuit, quando comotus zizaniorum permixtione servis, & volentibus ea colligere, dixit respondisse Patremfamilias: *Sinite utraque crescere usque ad messem. Oportet enim patienter ferri, quod festinanter non oportet auferri. Hujus & ipse patientiæ præbuit, & demonstravit exemplum, quando ante passionem corporis sui discipulum suum Judam, priusquam ostenderet**

traditorem, percussit furem “.

„ Alius est patientiæ modus, quando ipse animus quocunque molesta, & gravia in sui corporis passionibus perferat, non sicut stulti, vel maligni homines propter adipiscenda vana, vel scelera perpetranda; sed sicut a Domino definitum est, *propter iustitiam*. Utroque modo Sancti Martyres certaverunt. Nam & impiorum opprobriis saturati sunt, ubi animus corpore intacto quasdam veluti plagas suas integer sustinet; & in corporibus vincit sunt, inclusi sunt, fame ac siti affecti sunt, torti sunt, secti sunt, dilaniati sunt, incensi sunt, trucidati sunt; & pietate immobili subdiderunt Deo mentem, cum paterentur in carne quidquid exquirenti crudelitati venir in mentem “. Et alia plura ibi persequitur de hoc argumento S. Doctor.

Patientiam hanc, quæ vese Christiana patientia est, haberi non posse sine auxilio gratiæ, eleganti ratione probat ex eodem Augustino S. Thomas hic *art. 3.* quoniam, ut ille ait, *vis desideriorum facit tolerantiam laborum, & dolorum; & nemo nisi pro eo, quod delectat, sponte suscipit ferre, quod eruciat*. Nam tristitiam, & dolorem, subiicit Angelicus, secundum se abhorret animus. Unde nunquam ea perpeti eligeret propter se, sed solum propter finem. Unde oportet, quod illud bonum, propter quod aliqua vult mala perpeti, sit magis volitum, & amatum, quam bonum illud, cuius privatio ingerit dolorem, quem patienter toleramus. Quod autem aliquis bonum gratiæ præferat omnibus naturalibus bonis, ex quorum amissione dolor causari potest, ad charitatem pertinet, quæ Deum super omnia diligit: atque adeo patientia, prout virtus est, a charitate causatur, quæ nonnisi per Spiritum Sanctum diffunditur in cordibus nostris. Unde sine gratiæ auxilio sicut non habetur charitas,

Patuzzi Theol. Mor. T. II.

ita neque Christiana patientia.

XV. Patientiæ duo vitia opponuntur, sicut & cæteris virtutibus, per excessum, & per defectum; nimirum *insensibilitas*, & *impatientia*. Vitiosa quippe *insensibilitas* est; humanæque rationi dissentaneum, nec propriis malis tangi, nec alienis; cum id duritiæ indicium sit, veræque amicitiae, & vitæ politicæ indecorum. Vitiosa quoque *impatientia*, qua quis nimirum dolet, aut queritur de malis, quæ ipsum circumveniunt aut ex hominum pravitate, aut ex huius calamitosæ vitæ conditione; vel etiam propter ea sive a fide Christi, sive a recto virtutis tramite deflectit; quod sæpe contingit in iis præsertim, qui huius vitæ bonis nimio amore affecti sunt.

De Perseverantia.

XVI. Quarta tandem fortitudini adjuncta virtus *perseverantia* est, quæ dupliciter accipitur a Theologis, & ab eorum Principe S. Thoma; scilicet prout virtus, & prout peculiare donum Spiritus Sancti. Prout virtus consideratur a S. Thoma hic *quæst. 137.* licet etiam eam prout donum consideret, præsertim *art. 4.* *Virtutis perseverantiæ definitio hæc esse potest; nimirum habitus, per quem homo firmum propositum gerit persolvendi in opere bono ad usque illius consummationem; ac re ipsa persistit, non obstantibus molestiis, ac difficultatibus ex alius diuturnitate provenientibus*. Hanc esse specialem virtutem constat ex speciali obiecto, quod inspicit ipsa; nempe boni operis peragendi diuturnitatem, & timorem defatigationis, quem moderatur, & cohibet; tamen pro materia respicere possit quorumlibet virtutum actus, in quibus eligit constanter permanere.

D. hæc decrevit S. Thomas *art. 2.* ipsam fortitudini adnecti veluti secundariam principalem; *art. vero 3.* constantiam ad perseverantiam pertinere; ac demum *art. B b*

4. ubi

4. ubi querit, an perseverantia indigeat auxilio gratiæ? ita respondet: *Perseverantia dupliciter dicitur; uno modo pro ipso habitu perseverantia, secundum quod est virtus: & hoc modo indiget dono habituali gratiæ, sicut & cetera virtutes infusa. Alio modo potest accipi pro actu perseverantia durante usque ad mortem. Et secundum hoc indiget non solum gratia habituali, sed etiam gratuito Dei auxilio, conservantis hominem in bono usque ad finem vite. Quia cum liberum arbitrium de se sit instabile, & hoc ei non tollatur per habituales gratias presentis vite, non sufficit potestati liberi arbitrii etiam per gratiam reparati, ut se immobiliter in bono statuatur, licet sit in potestate ejus, quod hoc eligeret. Plerumque enim credit in nostram potestatem electio, sed non executio.*

De hoc sæpe agit S. Augustinus, ac præcipue in lib. de *Dono perseverantia*; & Concilium Arausicanum tamquam Ecclesiam dogma definivit cap. 10. *Adjutorium Dei etiam renatis, ac sanctis semper est implorandum, ut ad finem bonum pervenire, vel in bono possint opere perdurare.* Concilium etiam Tridentinum sess. 6. Can. 22. anathema tulit in omnes, qui oppositum asseruerint, iniqui: *Si quis dixerit, justum vel sine speciali auxilio Dei in accepta justitia perseverare posse, vel cum eo non posse, anathema sit.* Sed de his Theologi de Schola in *Tract. de Gratiâ*.

XVII. Duo vitia perseverantiæ sunt opposita; alterum per defectum, scilicet animi molities: alterum per excessum, videlicet pertinacia, seu perversitas. Molities vitium est, quo quis ex amore voluptatis, seu viæ molliis, & delicatæ consuetudine, labores, ac difficultates bonorum operum sustinere refugit; quod vitium frequentissimum est inter homines, adeoque pauci sunt, qui in bono opere perseverant. Pertinacia est vitium, quo quis contra regulam rationis in sententia propria, rebusque

susceptis firmiter persistit, nulla habita ratione difficultatum, aut etiam consilii, vel judicii prudentum virorum, quæ ab earum prosecutione prohibere mæstro deberent. Quod profecto fatum superbiis argumentum est: Nam, ut scribit Seneca lib. 4. de Benef. *Non est levitas a cognito, & damnato errore discedere; & ingenuus fatendum est.* Aliud putavi, deceptus sum. Hæc vero superba stultitia perseverantia est. Quod semel dixi, qualecumque est, firmum ratumque sit. Non est surpe cum re mutare consilium.

CAPUT XII.

CONJECTARIA.

- I. Omnia virtutum opera, prout quedam sunt protestationes fidei, possunt esse martyrii causa.
- II. Martyres vocandi non sunt, qui moriuntur in bello contra Infideles.
- III. Non omnes tamen resistentia, sive contra pugnatio palmam martyrii eripit.
- IV. Martyria charitatis, castitatis, mortificationis, compassionis etc. minus propriè hoc nomine decorantur.
- V. Hinc falsitatis convincitur sententia Reynaudi, aliorumque aureolam martyrii tribuentium iis, qui immoriuntur inserviendo pœsidentia afflati.
- VI. Licet laudabile absolute non sit bonorem appetere, quibusdam tamen in casibus laudabile esse potest.
- VII. Audiendi non sunt aliqui Casuistæ, qui sicut propter voluntatem, ita & propter bonorem, in eo sistendo, nos agere posse existimant.
- VIII. Magnanimitas nullatenus adversatur humilitati.
- IX. Perperam ab aliquibus magnanimitas cum presumptione confunditur.
- X. Doctrina S. Thomæ ad veram ambitionis notionem habendam, prout magnanimitati opponitur.

XI. *Non quivis honoris contemptus laude dignus est; sed illo, qui recta ratione regitur.*

XII. *Non omnes, qui dura, & adversa perferunt, Christiane patientiæ virtute potentiuntur.*

Reflexio.

CONJECTARIUM PRIMUM.

I. OMNIA virtutum opera possunt esse martyrii causa, prout sunt protectiones quædam fidei, per quam nobis innotescit, quod Deus hujusmodi opera a nobis requirit. At observatione dignum est, non omnem virtutum relationem ad Deum, ut ad finem duntaxat, satis esse, ut opera virtutum sint fidei protestationes, & causa martyrii: sed requiri relationem earumdem in Deum revelantem, quem videlicet fide credimus, opera virtutum a nobis exposcere, nosque pro eis remunerari. Hinc Martyres dicendi non sunt, qui pro amicitia, pro bono communi, pro castitate &c. mortem aliquando subeunt, tamen sibi, suæque morti gloriam Dei finem præstigant.

CONJECTARIUM SECUNDUM.

II. Cum non aggreffione, sed passione martyrium perficiatur, Martyres vocandi minime sunt milites, qui etiam pro fidei defensione cum pura intentione dimicant, si in ejusmodi bello a Muhamedanis, Hebræis, aliisque vel hereticis, vel infidelibus occulantur. Licet enim plurimum obpiam hanc intentionem mereantur, non tamen ut Martyres ab Ecclesia reputantur. Quia magis querunt infideles occidere, quam ab ipsis necem pari. Hinc cum Phocas, & Nicephorus Imperatores magno studio contenderent, ut milites, quos in bello adversus fidei hostes interfici contigisset, in Martyrum albo ponerentur, resisterunt Orientis Episcopi assentes, minime his

hujusmodi nomen convenire; pluresque causas prodixerunt, quibus a suo proposito Principes illos revocarunt, ut narrat Baronius.

CONJECTARIUM TERTIUM.

III. Nihilominus non omnem resistentiam, sive contra pugnationem martyrii palmam eripere, docet D. Thomas in 4. dist. 49. q. 5. art. 3. ad 1r. his verbis: *Cum quis propter bonum commune non relinquitur ad Christum mortem sustinet, aureolam non meretur. Sed si hoc referatur ad Christum, aureolam merebitur, & Martyr erit, utpote si rempublicam defendat ab hostium impugnatione, qui fidem Christi corrumpere moliantur, & in tali defensione mortem sustineat: ubi plane tolerantia mortis conjuncta est justæ defensioni, quæ sine aliqua aggreffione non habetur. Sed declarat ille præterea, aggreffionem non ideo fieri debere, ut vita propria defendatur, sed ut fides Jesu Christi ab hostibus impugnata vindicetur; licet eadem aggreffione defensio quoque fiat propriæ vitæ tamquam necessaria ad pugnandum pro Fide, & Ecclesia. Quo in casu etiam cætera, quas pro Martyrio recepsimus, conditiones deesse non debent.*

CONJECTARIUM QUARTUM.

IV. Martyria charitatis, mortificationis, castitatis, compassionis, &c. si qua sunt alia, martyria minus proprie dici debent, & per solam similitudinem. Disertam de re hac habemus S. Thomæ sententiam 2. 2. quæst. 124. art. 4. ad 1. ubi verba quædam Hieronymi, vel potius Sophronii, aut certe aliorum antiqui Scriptoris Mariam Virginem martyrem appellantis, & Gregorii Magni martyrium in pace, qua fruimur, extra persecutionis occasionem agnoscantis, expendens ait: *Ille autoritatis, & si quæ similes inveniantur, loquuntur de martyrio per quamdam similitudinem.* Verum

Bb 2

rum rem hanc declarat amplius *lib. 4. diff. 49. q. 5. art. 3.* docens, martyrium Mariæ Virginis proprie dici non posse: siquidem corporis passio, veritas fidei, vel morum impugnata, confessio ejusdem, persecutio in odium Christi mota Martyrem faciunt: quæ omnia defunt passioni Mariæ, quæ spiritui, non corpore passa est, nullum fidei, vel morum veritatis, quam negare cogere, testimonium edidit, nec Judæorum contra semetipsam persecutiones sustinuit. Præterea, quos ipsa perferbat, dolores non inferebat persecutor exterior; sed amor interior, qui unione affectiva eam in Christum dilectum transformando, Christi ærumnas, & plagas ejus corpori impositas in Mariæ spiritum transferebat, faciebatque compatientem Martyri Christo, non vere, ac proprie Martyrem.

CONSECTARIUM QUINTUM.

V. Si quæ modo observata sunt, diligenter perpendantur, perspicue apparet falsitas sententiæ, quam acriter defendit Theophilus Raynaudus in suo libro *de Martyrio per pœnem*; eamque etiam tradidere Cornelius a Lapide, alique, quibus placeat, eos, qui pure ex christiana charitate immorantur ministerio lue affectorum, esse absque impropperitate ulla vere Martyres, dignosque martyrii aureola. Hanc, inquam, sententiam constat esse falsam, & noviter in Ecclesiam invasam: & similitudinem quidem martyrii hujusmodi sanctis viris, qui heroicum charitatis actum exercent, libenter concedimus; sed vetitatem, ac proprietatem negamus. Nec quidquam aliud addendum existimo ad sententiam hanc refellendam. Satis namque superque sunt, quæ hæcenus fuere disputata.

CONSECTARIUM SEXTUM.

VI. Non est absolute laudabile quovis modo appetere honores, ac dignitates:

sed laudabile fieri interdum potest, dum nempe illa appetuntur eo modo, quo recta ratio appetenda esse præscribit; si nempe homo temporales honores appetat ad Reipublicæ utilitatem, eosque in se non valde æstimet, solumque magni ducat, qui a Deo expectantur. Hinc S. Thomas *q. 129. art. 1. ad. 3.* ait *Hoc modo magnanimitas est circa honores; ut videlicet studeat facere ea, quæ sunt magno honore digna; non tamen sic, ut pro magno æstimet humanum bonorum; & propter hunc operetur.*

CONSECTARIUM SEPTIMUM.

VII. Quapropter audiendi non sunt aliqui Casuistæ, quos inter Burgaberius, qui sicut docent agere posse hominem propter voluptatem in ea sistendo; ita etiam propter honorem cum debita moderatione questum. Sicut enim appetitus voluptatis, & divitiarum propter se illicitus est, prout jam demonstravimus; ita quoque appetitus honoris, & gloriæ; docetque S. Augustinus *lib. 5. de Civit. Dei cap. 13. fauvis videri, qui ex amore laudis vitium esse cognoscit.* Nec dubium est, appetitum honoris propter se ad ambitionem pertinere; magnanimitatemque eo ipso definire esse virtutem, quo magna operatur propter honorem tamquam finem. *Neque enim est vera virtus, ut ait idem S. Pater cap. 11. nisi quæ ad eum finem tendit, ubi est bonum hominis, quo melius non est.*

CONSECTARIUM OCTAVUM.

VIII. Non est ullo modo putandum, magnanimitatem, & humilitatem sibi invicem adversari: quin potius amico sœdere consociantur. Quod facile constat, si utriusque virtutis notiones, & characteres apprimè considerentur. Nam, ut egregie observat S. Thomas *quest. 129. art. 3. ad 4.* In homine invenitur aliquid magnum, quod ex dono Dei possidet; & aliqua
,, de-

defectus, qui competit ei ex infirmitate naturæ. Magnanimitas ergo facit, quod homo se magnis dignificet secundum considerationem donorum, quæ possidet ex Deo. Humilitas autem facit, quod homo seipsum parvi pendat secundum considerationem proprii defectus. Similiter etiam magnanimitas contemnit alios, secundum quod deficiunt a donis Dei: non enim tantum alios appetiatur, quod pro eis aliquid indecens faciat. Sed humilitas alios honorat, & superiores æstimat, in quantum in eis aliquid suscipit de dono Dei. Unde dicitur in Psal. 14. de viro iusto: *Ad nihilum deductus est in conspectu ejus malignus*; quod pertinet ad contemptum magnanimitatis. *Timentes autem Dominum glorificat*; quod pertinet ad honorationem humilis. Et sic patet, quod magnanimitas, & humilitas non sunt contraria, quamvis in contraria tendere videantur: quia procedunt secundum diversas considerationes. Locupletissimum hujusce rei habemus exemplum in Beatissima Virgine Maria, quæ, salva summa humilitate sua, agnoscebat, ac prostebatur, quod *fecerit sibi magna, qui potens est*; propter quæ beatam ipsam prædicaturæ essent omnes generationes: eodemque tempore dicebat, *respexit Deus humilitatem ancilla suæ*; in ejusque misericordiam referebat omnia, quæ a Deo munificentissime acceperat.

CONSECTARIUM NONUM.

IX. Ne magnanimitatem, quæ virtus est, cum *presumptione*, quæ est vitium ipsi oppositum, ut sæpe fieri solet, confundamus, præ oculis habeamus oportet S. Thomæ doctrinam, quam tradit hic *quest. 130. art. 2.* his verbis: „Magnanimitas consistit in medio; non quidem secundum quantitatem ejus, in quo tendit, quia tendit in maximum: sed con-

stituitur in medio secundum proportionem ad propriam facultatem: Non enim in majora tendit, quam sibi conveniant. Presumptuosus autem quantum ad id, in quod tendit, non excedit magnanimum: sed multum quandoque ab eo deficiit. Excedit autem secundum proportionem suæ facultatis, quam magnanimus non transcendit. Et hoc modo ponitur presumptio magnanimitatis per excessum.”

CONSECTARIUM DECIMUM.

X. Inter vitia, quæ magnanimitati opponuntur, ac peculiari digna consideratione sunt, *ambitio* est, quæ late vagatur, ac sub specioso virtutis velamine plurimos fallit. Ut itaque ejus deformitas, atque inordinatio clare deregatur, perpendenda sunt, quæ lucuenter tradit S. Præceptor *quest. 131. art. 1.* cujus verba oculis subijcio, ut germana hujusce vitii notio omnibus pateat: „Honor, inquit, importat quandam reverentiam alicui exhiberi, tam in testimonium excellentiæ ejus. Circa excellentiam autem hominis duo sunt attendenda. Primo quidem, quod illud, secundum quod homo excellit, non habet homo a seipso, sed est quasi quiddam divinum in eo: & ideo ex hoc non debetur ei principaliter honor, sed Deo. Secundo considerandum est, quod illud, in quo homo excellit, datur homini a Deo, ut ex eo alii profit. Unde in tantum debet homini placere testimonium suæ excellentiæ, quod ab aliis exhibetur; in quantum ex hoc patet sibi via ad hoc, quod alii profit. Tripliciter autem appetit honoris contingit esse inordinatum: uno modo per hoc, quod aliquis appetit testimonium de excellentia, quam non habet; quod est appetere honorem supra suam proportionem. Alio modo per hoc, quod

„ quod honorem sibi cupit , non referen-
 „ do in Deum . Tertio per hoc , quod ap-
 „ petitus ejus in ipso honore quiescit , non
 „ referens honorem ad utilitatem aliorum .
 „ *Ambitio* autem importat inordinatum ap-
 „ petitum honoris . Unde manifestum est ,
 „ quod ambitio semper est *peccatum* . Ex
 quibus patet facile in peccata prolabi , qui
 honores quaerunt , ob aliquam ex his in-
 ordinationibus , quae in eorum appetitu in-
 veniuntur . Verum de hoc argumento in-
 fra latius dicemus .

CONSECTARIUM UNDECIMUM.

XI. Non quivis honoris contemptus ex
 doctrina ejusdem S. Thomae laudabilis est ,
 sed ille duntaxat , qui recta ratione regu-
 latur . Merito enim vituperantur ii , qui
 ita honorem contemnunt , ut nihil ipsum
 omnino curent , etiam quoties honorem
 servandum esse ratio praescribit . Quapro-
 pter honorem suum cordi habere unusquis-
 que debet , ubi , quando , & quomodo id
 exigit proximi salus , vel alia ipsius utili-
 tas : Item quoties proprii officii conditio
 hoc requirit , & maxime honor , & gloria
 Dei . Cavendum tamen est , ne quis ita ho-
 norem quaerat , ut vel bona faciat , vel
 mala omittat solum , aut praecipue propter
 honorem , qui expectatur ab hominibus .

CONSECTARIUM DUODECIMUM.

XII. Ad patientiam , quae virtus est , mi-
 nime pertinet tolerantia malorum , quae
 perferunt plures , ut cupiditates suas ex-
 pliciant , vel etiam ut temporalia bona acci-
 piscantur . Ut enim scribit S. August. lib.
 de patient. cap. 2. *Patientes proprie dicun-
 tur , qui malum mala non committendo fer-
 re , quum non ferendo committere . In illis
 autem , qui mala sustinent , ut mala faciant ,
 nec miranda , nec laudanda est patientia , quae
 nulla est : sed miranda duritia , neganda pa-
 tientia .*

R E F L E X I O .

Multos ex Gentilibus celebravit Antiqui-
 tas ; multos nunc etiam celebrat hominum
 opinio veluti heroica fortitudine spectantissi-
 mos viros , quos tamen fil penitus contem-
 plemur , speciem quidem , & umbram for-
 titudinis habuisse aut habere , non rem ip-
 sam , ac veritatem , fateri omnino necesse
 est . Neque enim eorum , quos homines
 admirantur , fortitudo iis characteribus pra-
 dita est , sine quibus , sicut nulla virtus
 est , ita neque ulla veri nominis fortitudo .
 Sola Christiana Religio veras peperit ac
 parit hujusce virtutis heros : sola charitas ,
 Christi fecit , ac facit ; charitas , inquam ,
 illa , quae sola *fortis* est , & *fortis* quidem ,
 testante Scriptura , *ut mors ipsa* , quae vin-
 cit omnia , quinimo & morte ipsa fortior .
 Nam qui corde perfecto Deum amat , nec
 mortem , nec supplicia etiam terribiliora
 metuit ; sed impavidus corpus suum Ty-
 rannis , ac tortoribus objicit , ut in eo ge-
 nus omne crudelitatis exerceant ; nec hor-
 ret flammam , ac vulnera , nec in tormen-
 tis etiam acerbioribus deficit . *Quis nos se-
 parabit* , clamabat ferventissimus ille Dei
 amator Paulus , *a charitate Christi ? Tribu-
 latio , an angustia ? an fames ? an nuditas ?
 an periculum ? an persecutio ? an gladius ?*
Sed in his omnibus superamus propter eum ,
qui dilexit nos . Certus sum enim , quia ne-
que mors , neque vita , neque Angeli , neque
Principatus , neque virtutes , neque instantia ,
neque futura , neque fortitudo , neque altitu-
do , neque profundum , neque creatura alia
poterit nos separare a charitate Dei .
 Praeclare hujus , vereque Christianae for-
 titudinis , quam charitas roboravit , fir-
 mavitque in atrocioribus suppliciis , exi-
 mium exemplum enlit in tot Martyribus ,
 qui Ecclesiae fasces illustrent . Etenim ea
 numquam perculissent tormenta , quae non
 sine ingenti horrore vel legere , vel me-
 mi-

minisse fas est, nisi illos Dei charitas, ac Spiritus Sancti virtus, ac fortitudo in poenae solidassent. Quoniam ut scribit S. Augustinus lib. de patient. cap. 4. *Vit desideriorum*, quibus ferebantur in Deum, fecit *tolerantiam laborum*. Nam nemo nisi pro eo, quod delectat, sponte suscipit ferre, quod cruciat: tuncque Dei dilectio (lib. de Nat. & grat. c. 70.) *maxima est in hac vita, quando pro illa ipsa contemnitur vita*. Hæc est vera fortitudo, quæ in Martyribus maxime eluxit, & quam in ipsis tot præconis concelebrat S. Cyprianus episc. 8. sic ipsos alloquens: *Quibus vos laudibus prædicem, fortissimi Martyres? Robur pectoris vestri, & perseverantiam fidei quo præconis vocis exornem? Tolerastis usque ad consummationem gloria durissimam quæsiem, nec cessistis suppliciis; sed vobis potius supplicia cesserunt. Finem dolorum, quem tormenta non dabant, coronæ dederunt, . . . Inexpugnabilem fidem superare non potuit sevens diu plaga repetita, quamvis rupta compage viscerum, torquerentur in servis Dei jam non membra, sed vulnera. Quale illud fuit spectaculum Domino! quam sublime! quam magnum! . . . Pretiosa mors hæc est, quæ emit immortalitatem pretio sui sanguinis, quæ accipit coronam de consummatione virtutis. Eandem quoque Martyrum laudē fusc persequitur S. Ephrem Syrus, quas brevitatē gratia prætereo.*

Sed illud formidandum nobis magnopere est, quo Sanctus iste Pater suam orationem concludit: *Quam ergo nos, queso, fratres, in die extremi Judicii excusationem apud Deum habebimus, qui absque ulla persecutionis atrocitate, tormentorumque vi caritatem Dei, vitamque nostram usque adeo negligimus, atque tam profundo corporis, atque desidiæ somno demersi sumus? Cui concinens S. Gregorius Magnus, dum considerat ea, quæ pro Christi fide infracto animo, & invita fortitudine periculerunt vel ipsæ tenebræ*

Virgines, b. m. 11. in Evang. hæc apponente subdit: Recte per Salomonem dicitur: Fortis est iuxta more dilectio; quia sius mors corpus int'rimis, sic ab amore verum corporaliū æterna vitæ caritas occidit. Nam, quem perfecte absorberit, ad terrena foris desideria velut insensibilem reddit. Nec enim sancta hæc N. mori pro Domino potuisset in corpore, si prius a terrenis desideriis mortua non fuisset in mente. Ereclius namque in virtutis culmine animus tormenta despexit, præmia calcavit. Quid inter hæc nos barbati, & debiles dicimus, qui ire ad regna cælestia puellas per ferrum videmus? quos ira superat, superbia inflat, ambitio perturbat, luxuria inquinat. Qui si adipisci regna cælorum per bella persecutionum non possumus, hoc ipsum nobis turpe sit, quod Deum volumus saltem per pacem sequi. Hæc sedulo cogitare debemus, & alta mente desigere, ne deficiamus in laboribus, & adversitatibus, quæ in hac vita rolerare necesse est, pro æterna vitæ adipiscenda.

CAPUT XIII.

De Temperantia, ac virtutibus adjunctis.

DOCTRINA.

- I. *Definitio, & indoles temperantia.*
- II. *Temperantia obiectum, officium, & regula, quam in delectationibus talis præscribit.*
- III. *De partibus temperantiam integrantibus.*
- IV. *De virtutibus temperantia subiectis; ac primum de abstinentia.*
- V. *De j-junio, & variis ejus speciebus.*
- VI. *De sobrietate, sive abstinentia a potu immoderato.*
- VII. *Quid sit castitas? Ejus excellentia, maximeque castitatis virginalis.*
- VIII. *Nedum virginitas illicita non est; sed etiam admodum laudabilem esse omnino tenendum.*

IX.

IX. *Quid sit pudicitia, & in quo ea consistat.*

X. *De partibus temperantia, quas potentiales S. Thomas appellat; sive de virtutibus, quas ipsi adiuncta sunt; ac primum de continentia.*

XI. *De clementia.*

XII. *De mansuetudine.*

XIII. *De modestia.*

XIV. *De taciturnitate.*

§. I.

De Temperantia definitione, indole, & regula, quam prescribit.

I. **QUARTA**, ac postrema virtutum moralium, quæ cardinales dicuntur, temperantia est, quæ latiore quadam significatione usurpata definiri solet *virtus, quæ juxta legem divinam, & rectam rationem passionis humanas moderatur, ac regit*. Atque hoc sensu non semel illam accipit S. Augustinus, veluti cum lib. 83. qq. quæst. 31. eam ita definit: *Temperantia est ratio in libidinem, atque in alios non rectos impetus animi firma, & moderata dominatio*; juxta quam definitionem lib. de morib. Eccles. cap. 21. scribit: *Habet vir temperans in hujusmodi rebus mortalibus, & fluentibus vitam regulam, utroque Testamento firmatam; ut eorum nihil diligat, nihil per se appetendum putet, sed ab vita hujus, atque officiorum necessitatem, quantum sat est, usurpet attentis modestia, non amantis affectu*. Verum sic accepta specialis virtus non est, hæc enim præstant etiam ceteræ morales virtutes in propria materia: nam & fortitudo affectum timoris cohibet, ne declinet in vitium; & justitia animam avocatur a furtis, & injuriis &c.

Pressius autem considerata temperantia, ac prout est quædam peculiaris virtus, hæc ex D. Thoma 2. 2. quæst. 141. art. 3. tradit potest.

DEFINITIO TEMPERANTIAE.

Temperantia est virtus præcipua consistens circa passionem tendens in bona sensibilia, scilicet circa concupiscentiam, & delectationem: ex consequenti autem circa tristitiam, quæ contingunt ex absentia talium delectationum.

Explicatur definitio, ac probatur ex doctrina, quam ibidem tradit S. Doctor laqueus: *Ad virtutem moralem pertinet consecutio boni rationis contra passionem rationi repugnantem. Affectus hujusmodi, qui rationem perturbant, alii consequuntur sensibilia, & temporalia bona; alii refugunt sensibilia, & temporalia mala. Illi rationi repugnant maxime per immoderantiam, secundum quod appetitus sensitivus in ea bona secundo non secundum modum rationis; isti contrariantur eidem maxime secundum discessum, prout aliqui refugiendo mala, quæ interdum concomitantur bonum rationis, per consequens discedit ab ipso bono rationis. Affectus posteriores regit fortitudo virtus, quæ primo firmitatem præstat contra nimios timores; ac secundo temperat audaciam, quæ aggreditur terribilia sub spe alienius boni. Igitur par quoque admittenda virtus est, scilicet temperantia, cujus præcipuum munus sit concupiscentias comprimere, ac præterea contra nimias tristitias animum muniat. Qui enim non immoderate concupiscit, consequens est, ut immoderate speret, ac moderate de absentia concupiscentiarum tristetur.*

Experimento proprio compertum habemus, sensus omnes concupiscentia, ac delectatione aliqua affici, animumque ex omni sensu haurire voluptatem. Sic aures delectantur cantu, oculi rerum pulchritudine, & elegantia, nares odoribus, lingua sapore, & tactus cibi, palatque delicis, & blanda tactuum sensatione. Num ergo circa

circa has omnes delectationes virtus temperantiam versatur? S. Thomas de hac questione agit *art. 4.*, docetque temperantiam proprie versari *circa delectationes ciborum, & circa delectationes venereorum*, quibus tactus, & gustus afficiuntur; adeoque ejus principale munus esse eas regere, ac moderari: idque probat ratione ex ipsa iudole, ac natura temperantiae deducta: „Ita, inquit, est temperantia circa concupiscentias, & delectationes, sicut fortitudo est circa timores, & audacias. Fortitudo autem est circa timores, & audacias respectu maximorum in locum, quibus ipsa natura extinguitur, quia sunt pericula mortis. Unde similiter temperantia oportet, quod sit circa concupiscentias maximarum delectationum“.

„Et quia delectatio consequitur operationem, tanto aliquae delectationes sunt vehementiores, quanto consequuntur operationes magis naturales. Maxime autem naturales animalibus sunt operationes, quibus conservatur natura indivisi per cibum, & potum, & natura speciei per conjunctionem maris, & feminae. Et ideo circa delectationes ciborum, & potuum, & circa delectationes venereorum est proprie temperantia. Huiusmodi autem delectationes consequuntur sensum tactus (quo nomine etiam *gustum* intelligit). Unde relinquitur, quod temperantia sit circa delectationes tactus“; dum nempe preesse sumitur. Circa autem concupiscentias, & delectationes aliorum sensuum, ut visus, auditus, & odoratus haud proprie temperantia versatur, si sensibilia eorum spectentur, quatenus delectabilia sunt propter sui convenientiam: quia scilicet sunt vel pulchra, vel sonora, vel odorifera; non vero quoad oblationem,

Patuzzi Theol. Mor. T. II.

sive delectationem tactus. Sed si ad huiusmodi tactus delectationem referantur, ad amorem nimirum, vel desiderium alimentum, aut venereorum, circa illorum sensibilibus delectationes, & concupiscentias temperantia quoque versatur, sed secundario, & ex consequenti, non autem principaliter.

I. Ex quibus intelligi facile potest, quodnam sit temperantiae obiectum, & quodnam ejus officium. Temperantiae scilicet obiectum aliud materiale est, ac remotum, quod consistit in usu earum rerum, quae ad naturae conservationem, & propagationem necessariae sunt, ac etiam in ejusmodi rebus. Formale autem, & proximum est talium rerum amor, & voluptas, sive delectatio ex perceptione ipsarum proveniens: atque inde officium temperantiae est huiusmodi cupiditates, ac delectationes moderari, sive comprimere, ne a mediocritate, ac regula per legem Dei, ac rationis praescripta recedant.

Regulam hanc, quam temperantia in delectationibus tactus praescribit, defumendam esse secundum necessitatem vitae praesentis docet S. Thomas *art. 5.* Siquidem juxta solemne, ac generale illud principium: *Eorum, quae ordinantur ad finem, regula est ipsa finis*. Omnia autem, quae tactui, aut gustui delectabilia sunt, & in usum hominis veniunt, ordinantur ad sublevandam aliquam hujus vitae necessitatem, seu indigentiam; adeoque cum illorum finis sit vitae praesentis necessitas sublevanda, temperantia non aliam regulam sequi debet nisi vitae necessitatem; ut scilicet iis delectabilibus utatur, quando, & juxta modum, quem necessitas vitae requirit. Necessitatem vero non eam solum intelligere oportet, sine qua res aliqua nullatenus esse potest; sed eam etiam, sine qua convenienter non est, spectatis nimirum omnibus circumstantiis status, &c. hone-

honestatis, officii, opulentiæ, dignitatis, sanitatis &c.

Porro sicut alius finis est in usu alimentorum, qui alius non est, nisi conservatio individui; & alius in usu venereorum, qui est conservatio speciei per propagationem: Idcirco alia pariter est regula temperantiæ in usu utrorumque. Quatenus enim versatur in esculentis, & potulentis, ejus regula ordinaria est bona corporis valetudo, & mentis ad operationes suas dispositio: ad hunc enim finem sumi debent alimenta; adeoque nec amplius, nec minus; nec alio modo, quam secundum rectam rationem ad hunc finem expedit. Quatenus vero versatur in venereis, temperantiæ regula est extra quidem matrimonium penitus ab eis abstinere; eoquod solum matrimonium ad propagationem proli institutum sit: in Matrimonio autem eatenus illo uti, quatenus procreatio proli consequatur.

§. II.

Temperantiæ partes integrales.

III. Tria veluti genera partium cujusque cardinalis virtutis distinguit S. Thomas: quarum alias vocat *integrales*, alias *subjectivas*, alias *potenciales*. Partes *integrales* dicuntur quædam conditiones ad virtutem aliquam requisitæ. Partes *subjectivæ* sunt diversæ ejusdem speciei. Partes denique *potenciales* sunt virtutes accessorix, sive adjunctæ, quæ non versantur circa materiam virtutis principalis, sed quodam simili modo alias materias respiciunt; sive, ut ait D. Thomas, quæ modum, quem principalis virtus observat circa aliquam principalem materiam, eundem observat in quibusdam aliis materiis, in quibus non est ita difficile.

Itaque hæc sunt partes veluti integrales temperantiæ, *verecundia*, & *bonestas*: quo-

niam hæc duæ conditiones sunt illam complentes. Verecundia est timor, & horror turpitudinalis, & vituperii intemperantiam committantis: quæ quidem proprie loquendo virtus non est, sed perfectio virtutis, licet quandoque a Sanctis Patribus virtus appelletur. De hac pulchre S. Ambrosius dixerit lib. 1. Offic. cap. 18. & 43. iniquens: Ordo vita nobis tenendus est, & a verecundia prima quedam fundamenta ducantur, quæ socia, & familiaris est mentis placiditati, proterviam fugitans ab omni alieno luxu, sobrietatem diligit, bonestatem fovet Pulchra virtus est verecundia, & suavis gratia, quæ non solum in factis, sed in ipsis spectatur sermonibus, ne modum transgrediatur loquendi, ne quid indecorum sermo resonet tuus: speculum enim mentis plerumque in verbis refulget . . . Est & in oculis verecundia, ut nec videre viros femina, nec videri velit. Est etiam ab ipso motu, gestu, incessu tenenda verecundia &c.

Verecundiæ opponitur *inverecundia*, de qua ibid. S. Ambrosius ait: *Inverecundum est sensum ambulando imitari histrionicos gestus, & quasi quedam fercula pomparum, ut quotiescunque gradus transferunt, modulos quosdam servare videantur. Inverecundum quoque eursim ambulare, nisi cum causa exigat alienus periculis, vel iusta necessitas. Est gestus probabilis, in quo sit species auctoritatis, gravitatisque pondus. . . . Multo magis inverecundum est, siquid turpe ore excat: non enim eundem conquinat hominem, sed iniusta obtrellatio, sed verborum obscenitas. Hæc enim vulgo pudori sunt. . . . Partes corporis, quæ natura tegere jubet, detegere, aut spectare. Si casu aperiantur, confunditur verecundia: si studio, impudentia æstimatur &c.*

Quoad bonestatem attinet, quæ est pars altera integralis temperantiæ, docet S. Thomas quest. 145. art. 1. & 2. eandem esse cum virtute, & decore; illamque attribui

tribus potius temperantiæ, quam cæteris virtutibus probat: *Quis boneſtas eſt quadam ſpiritualis pulchritudo: pulchro autem opponitur turpe; oppoſita autem maxime ſe invicem manifeſtant.* Et ideo ad temperantiæ ſpecialiter boneſtas pertinere videtur: quia id, quod eſt homini turpiſſimum, & indecentiſſimum, repellit; ſcilicet brutales voluptates. Unde & in ipſo nomine temperantiæ maxime intelligitur bonum rationis, cuius eſt moderari, & temperare concupiſcentias pravæ. Sic ergo boneſtas, prout ſpeciali quadam ratione temperantiæ attribuitur, ponitur pars ejus non quidem ſubjectiva, ſed ſicut virtus adjuncta, ſive pars integralis ipſius, ſicut quadam ejus conditio. Huc ſpeſtant, quæ habet Apoſtolus 1. Coriuth. 14.: *Omnia veſtra boneſte, & ſecundum ordinem ſiant.* Et Ambroſius loco laudato cap. 43. &c. *Quarendum in omni actu, quid perſonæ, quid temporibus conveniat, atque ſtatibus. Sæpe enim quod alterum decet, alterum non decet. Aliud juveni aptum, aliud ſeni, aliud in periculis, aliud in rebus ſecundis. Non mediocra eſt rebus ſingulis modum ſervare, atque impartiri ordinem, in quo vere præluet illud, quod decorum dicitur; quod ita cum boneſto conjungitur, ut ſapervari non queat. Siquidem & quod boneſtum, decet; & quod decet, boneſtum eſt.*

§. III.

*Virtutes Temperantiæ ſubjectivæ,
ſive ſpecies ipſius.*

IV. Quatuor ſunt ſpecies temperantiæ, ſcilicet *abſtinentia, ſobrietas, caſtitas, & pudicitia.* Cum enim virtutes ab objecto ſpeciem recipiant, temperantiæ ſpecies diſtinguendæ ſunt juxta materiæ, ſive objecti varietatem. Quia veſ temperantia verſatur circa delectationes gultus, & tactus; ſive cibi, & potus, ac venereorum, *abſtinentia* moderatur delectationes, quæ

perelipiuntur in cibo: *ſobrietas* delectationem potus: *caſtitas* delectationem conjunctionis carnalis: *pudicitia* delectationem amplexuum, aliorumque tactuum ad carnalem conjunctionem diſponentium. De his pauca adnotare lubet.

De abſtinentia.

Abſtinentia juxta nominis ſui ſignificationem nihil aliud exprimit, niſi *ſubtractionem ciborum.* Duplici ergo in ſenſu ſummi poteſt nomen *abſtinentia*; nimirum primo, quatenus absolute ciborum ſubtractionem designat. Et hoc modo abſtinentia non importat neque virtutem, neque actum virtutis, ſed aliquid indiſferens. Secundo ſumitur *abſtinentia* pro ſubtractione cibi juxta rectam rationem regulata. Tunc vero ſignificat vel habitum virtutis, vel actum: ad virtutem quippe pertinet, ut homo a cibo abſtineat, prout oportet, inquit S. Thomas hic quæſt. 146. art. 1. pro congruentia hominum, cum quibus vivit, & perſona ſua, & pro valetudine, ſive neceſſitate. Hinc hæc abſtinentiæ poteſt eſſe definitio; quod nempe ſit *ſubtractio cibi facta ſecundum diſtamen rectæ rationis ad ſpiritualem animi utilitatem.*

Varios abſtinentiæ gradus Divina Scriptura commemorat. Primus eſt, quando ab omni cibo abſtinetur ad tempus, ut fecit Moyses, ac deinde Chriſtus Dominus ad uſque dies quadraginta; & alii, qui vel tribus, vel quatuor, vel pluribus diebus in Sacris Litteris jejunaſſe leguntur. Ab omni namque cibo per aliquod tempus abſtinebant.

Alter gradus eſt, quo a quibuſdam cibis perpetuo abſtinetur, quo pacto ab aliis quibus cibis juſti ſunt Hebræi abſtinere, & abſtinent nunc etiam plures viri religioſi.

Tertius eſt, quo a quibuſdam cibis abſtinetur ad certum tempus; quemadmodum C c 2

Apo-

Apostoli jusserunt Gentiles abstinere a sanguine, & suffocato, ut habetur *Act. 15.*

Quartus gradus est, quo vel semper, vel ad tempus abstinetur a certo genere potus, ut Sanfon, Julich &c., & Sacerdotes ministrantes ad altare.

V. De jejuniis, quod peculiariis quædam abstinentia est, subinde *quest. 147.* agit S. Thomas; circa quod illud in primis observandum est, quod jejuniorum genera distinguuntur: *metaphoricum* scilicet, *naturale*, *morale*, & *ecclesiasticum*. Metaphoricum, sive spirituale idem est, ac abstinentia a quibuslibet vitiis, & peccatis, ad quod nos hortatur Petrus Apostolus in priore sua Epistola cap. 2. dum scribit: *Obsecro vos tamquam advenas, & peregrinos abstinere a carnalibus desideriis, quæ militat adversus animam.* De hoc jejuniis loquitur S. Augustinus *tract. 17. in Joannem* dicens: *Jejunium magnum, & generale est abstinere ab iniquitatibus, & illicitis voluptatibus seculari.*

Jejunium *naturale* importat omnimodam abstinentiam, post mediam noctem, ab illis, quæ gustari possunt: adeo ut qui ita jejunit, nihil omnino a media nocte sumpsit cibi, potus, medicinae, aut cujuslibet alterius rei, quæ per modum cibi, vel potus sumatur. Signi autem quidpiam intelligitur, quoties deglutitur, sive in stomachum transmittitur. Si vero tantum lingua, vel palato ita gustetur, ut non deglutatur, sumptum esse minime censetur; adeoque naturale jejunium non solvitur; ac proinde nec celebrationem Missæ, aut Communionem impedit.

Jejunium *morale* est illa cibi, ac potus temperantia, quæ servatur juxta dictamen rectæ rationis. Hoc jejunium etiam Ethnici saltem meliores servaverunt, quorum plures Hieronymus recenset *lib. 2. contra Jovinian. cap. 9.* ac servant etiam non raro Infideles.

Tandem jejunium *ecclesiasticum* ab Innocentio IV. Cap. Cum ex eo de observat. Jejun. describitur *abstinentia vitius, seu vitiorum secundum ordinationem Ecclesiæ sive scripto, sive consuetudine approbata.* De hoc, eum de *præceptis Ecclesiæ.*

Generatim loquendum jejunium esse actum virtutis, sic ostendit art. 1. S. Doctor: „ Quia ex hoc aliquis actus virtuosus est, „ quod per rationem ordinatur ad aliquod „ bonum honestum. Hoc autem convenit „ jejuniis. Assumitur enim jejunium prin- „ cipaliter ad tria. Primo quidem ad con- „ cupiscentias carnis reprimendas: Unde „ Apostolus dicit 2. ad Corinth. 6. *In je- „ junio, in castitate; quia per jejunia casti- „ tas conservatur.* Ut enim Hieronymus „ dicit *lib. 2. contr. Jovin.* Sine certe „ & barba frigit venter; idcirco per absti- „ nentiam cibi, & potus repressit luxu- „ ria. Secundo assumitur ad hoc, quod „ mens liberius elevari ad sublimia contem- „ planda. Unde dicitur *Daniel 19.* quod „ post jejunium trium hebdomadarum re- „ velationem accepit a Deo. Terrio ad „ satisfaciendum pro peccatis. Unde dicitur „ Joel. 2. *Convertimini ad me in toto „ corde vestro, in jejunio, & fletu, & „ planctu.*“

Id confirmat auctoritate S. Augustini in *serm. de Orat. & jejun.* dicentis: *Jejunium purgat animam, mentem sublevari, propriam carnem spiritui subjicit, cor facit contritum, & humilatum. concupiscentie nebulas dispergit, libidinum ardores extinguit, castitatis verum lumen accendit.* Ex quo evidenter consequitur, jejunium esse virtutis actum.

Ob salutares hosce fines, planeque necessarios homini in hac vita degenti jejunium eadere nedum *sub præcepto ecclesiastico*, verum etiam *sub præcepto juris naturalis*, certa est nedum S. Thomæ, sed etiam omnium Patrum, ac innumerorum Theologorum sententia. Et de præcepto quidem eccle-

ecclesiastico res est omnibus exploratissima; illudque in loco explicandum erit. Sed & sub præcepto naturali contineri, diserte affirmat S. Thomas hic *art. 3.* dicens: *Jejunium in communi cadit sub præcepto legis naturæ; cuius fundamentum ex eo sumitur, quod naturalis ratio præscribit, ut unusquisque, qui remedio indiget, illo uti debeat: jejunium autem remedium est admodum opportunum ad plures scilicet spirituales, maximeque ad comprimendam rebellionem carnis nostræ adversus spiritum. Hinc Augustinus de utilit. jejus. loquens cap. 3. ait: Si jumento forte infideres, si equo utereris, qui te gessando passet præcipitare; nonne, ut securus iter ageres, cibaria ferenti subtraheres, & fame donares, quem frango non posses? Caro meum jumentum meum est, iter ego in Jerusalem: plerumque me rapit, & de de via conatur exire. Via autem mea Christus est: ita exultantem non comibero jejunio!*

De Sobrietate.

VI. Sobrietas, prout generatim sumitur, significat animi moderationem, sive statum mentis sibi præsentis, nullaque passione, aut perturbatione a mensura desistentis. Quia vero temperantia a potu nimio præcipue infervit ad statum mentis integre conservandum, ideoque temperantia a potu nomen *sobrietatis* sibi peculiariter vindicavit. De hac disserit Præceptor Angelicus tota *quæst. 149.* ex qua pauca seligo. Primum quod docet, hoc est, *materiam sobrietatis esse potum: quia virtutes, quæ ab aliqua generali virtutis conditione denominantur, eam specialiter materiam respiciunt, in qua & difficillimum, & optimum est eam conditionem integram conservare. Cum autem sobrietatis nomen a mensura, ac moderatione fumatur, eamque servare in potu optimum, ac difficillimum sit, sobrietati sibi specialiter vendicatur nimium potum, qui inducere ebrietatem valet, veluti materiam, quam mode-*

ratur, ut in eo mensuram servet, quæ recta ratio præscribit. Unde Ecclesi. 31. legitur: Sanitas est anima, & corporis sobrius potus. Vinum multum potatum irrationem, & iram, & ruinas multas facit. Et ideo (concludit) specialiter sobrietas attenditur circa potum, non quicumque, sed enim, qui sua fumositate natus est caput conturbare, sicut vinum, & omne, quod irabrire potest. Ex hoc autem consequitur, ipsam specialem esse virtutem, quia speciale objectum respicit, nempe moderationem in potu, qui ebrietatem causare potest.

De Castitate.

VII. Partem illam temperantiæ, quæ castitas appellatur, definit S. Thomas 2. 2. *quæst. 151. art. 1. & 3. quæ concupiscentiam castigat, utiturque moderate licitis delectationibus, quæ venere dicuntur. Ea dividitur in castitatem conjugalem, quæ abstinet ab illicitis voluptatibus, licitasque admittit in conjugio ob finem procreandæ proles: in castitatem vidualem, quæ cohibet animum, ne delectationes, quarum experimentum in conjugio habitum est, impossibilem quærat: in castitatem communiter dictam, cuius est affectum continere a venereis delectationibus extra conjugium: ac demum in castitatem virginalem; in qua, ut inquit S. Thomas *quæst. 152. art. 3. id, quod est formale, & completivum, est propositum perpetuo abstinendi a delectatione venerea, materiale autem est integritas carnis absque omni experimento venereæ delectationis.**

Virtutis castitatis excellentia, ac perfectio constat tum ex fortitudine, quam comitem habet; neque enim castus unquam esse homo potest, nisi fortiter impetus concupiscentiæ sustineat, ac subigat; tum quia legem carnis, sive rebellionem ipsius legi mentis, & spiritus subijciat: tum ex fine ejusdem, qui est sanctitas corporis, & spiritus. Denique tanto excellentior castitas est, quanto graviora sunt luxuri-

ma-

mala, a quibus liberat, & quanto majora bona, quæ secum affert. Mens etenim casta multo melius percipit ea, quæ sunt Dei, quam animalis homo, qui ea non intelligit. Atque hinc est, quod S. Joannes Evangelista præ cæteris in contemplandis sublimibus Christianæ Religionis Mysteriis excelluerit, aliusque tribus aliis exerxerit prædicationem suam.

At quamvis tres priores castitatis partes suo decore, & eximio quidem fulgeant; maximam tamen pulchritudinem prodit *virginitas* inter omnes sicut difficilior, ita quoque præstantior. Hanc sub oculos ponit S. Thomas *quæst.* 152. *art.* 1., facta comparatione ad ea, quæ sunt in venere completa delectatione, qua proflus abstinere virginis. Tria in ea contingunt. Primum est, quod accidit in corpore; scilicet carnis integritatis violatio, seu reformatio sigilli virginis in foemina, quodcumque demum illud sit, quod virgines a maritatis, & corruptis distinguit: non enim de virginis sigillo conveniunt inter se artis medicæ, sive anatomicæ Professores. Aliud autem est, in quo conjungitur id, quod est animæ, cum eo, quod est corporis; scilicet resolutio foemina delectationem sensibilem causans. Tertium denique se habet duntaxat ex parte animæ; scilicet propositum perveniendi ad talem delectationem. Horum primum per accidens se habet ad moralem actum (inquit S. Thomas) qui non consideratur per se, nisi secundum ea, quæ sunt animæ. Unde neque in maribus apparet, & potest in foeminis contingere sine voluntaria corruptela. Alterum materialiter se habet ad actum moralem; hoc est materia est, ac obiectum illius actionis, quæ dicitur moralis: quia sensibiles passionis animæ sunt materia moralium actuum, qui vel eisdem utuntur, vel abutuntur. Tertium tandem se habet formaliter, & complete: quia ratio moralium in eo, quod est rationis, completur.

„ Quia ergo, sublit, virginitas dicitur „ per remotionem prædictæ corruptionis, „ consequens est, quod integritas membri „ corporalis per accidens se habeat ad vir- „ ginitatem: ipsa autem immunitas a de- „ lectione, quæ consistit in seminis re- „ solutione, se habet materialiter; Ipsum „ autem propositum perpetuo abstinendi a „ tali delectatione, se habet formaliter, & „ complete in virginitate “. Hinc res- „ pondens ad tertium, quod sibi objecerat, „ argumentum docet: Si contingat, quod per „ alium modum aliquo casu membri integritas „ corrumpatur, non magis præjudicat virgini- „ tati, quam si corrumpatur manus, aut pes.

VIII. Virginitatem non esse illicitam, ut quidam impuri hæretici docuerunt, sed licitam, atque laudabilem, dogma Fidei est; idque tum ex exemplo Christi, ac Beatissimæ ejus Matris, multorumque Sanctorum comprobatur; tum ex eo, quod nihil illicitum cadit sub consilio. Virginitatem autem sub consilio cadere, constat ex verbis Apostoli agentis 1. ad Corinth. cap. 7. *De Virginitate præceptum Domini non habeo; consilium autem do, tamquam misericordiam consecutus a Domino, ut sim fidelis*: Et postea: *Solutus es ab uxore? noli querere uxorem*. Ratio autem id confirmat; quia nimirum ex illa habetur, ut utamur iis quæ sunt ad finem juxta eam mensuram, quæ congruit fini. Quemadmodum autem bona exteriora ordinantur ad bonum corporis tamquam ad aliquem finem; ita bona corporis ordinantur ad bonum animæ, & ad bona vitæ contemplativæ. Sicut ergo ad rectitudinem rationis pertinet, ut bonis exterioribus quis utatur secundum illam mensuram, quæ competit corpori; ita quoque ut utamur bonis corporis secundum mensuram, quæ convenit bono animæ. Sed abstinere ab exterioribus rebus, ut consulumus salutem corporis, bonum est, ac laudabile. Igitur similiter bonum est, & lau-
da-

dabile adfinere a delectationibus corpora-
libus, ut bonum animæ procuremus, &
liberius vacemus veritatis contemplationi.

Nec solum licitam, & laudabilem esse
virginitatem, sed etiam matrimonio præ-
ferendam, veluti fide certum tenere de-
bemus adversus Jovinianum, ac nuperos
Lutheranos. Nam, ut ait S. Augustinus in
lib. de *Virgin.* cap. 19. *Et certa ratione, &*
SS. Scripturarum auctoritate nec peccatum esse
nuptias invenimus; nec eas bono aut virgini-
tas continentia, aut etiam vidualis æquamus.

Siricius quoque Papa Jovinianum cum suis
Discipulis condemnavit in *Epist.* 80. apud
S. Ambrosium dicens: *Nos sane nuptias non*
aspernantes accipimus, quibus velamine inter-
sumus; sed Virginum nuptias Deo devotes
maior honorificentia veneramus. Demum ut
alia omittam, Concilium Tridentinum *sess.*
24. Can. 10. anathema tulit in eum, qui
dixerit statum conjugalem præferendum esse
statui virginitatis, vel cœlibatus; & non
esse melius, ac beatius manere in virgini-
tate, aut cœlibatu, quam jungi matrimo-
nio.

De Pudicitia.

IX. Pudicitiam, quæ postrema est inter
virtutes temperantiæ subiectas, ad castita-
tem specialiter pertinere, non quasi virtus
sit a castitate omnino distincta, sed quia
quamdam exprimit castitatis circumstan-
tiam, docet S. Thomas hic *quæst.* 151.
art. 4., cujus ea ratio est: „ Quod no-
„ men *pudicitia* a pudore sumitur, in quo
„ verecundia significatur. Et ideo oportet,
„ quod pudicitia proprie sit circa illa, de
„ quibus homines maxime verecundantur.
„ Maxime autem verecundantur homines
„ de actibus venereis, ut Augustinus dicit
„ *lib. 14. de Civit. Dei cap. 18.*, in tan-
„ tum quod etiam concubitus conjugal-
„ is, qui honestate nuptiarum decoratur, ve-
„ recundia non careat: & hoc ideo, quia

„ motus genitalium membrorum non sub-
„ jicitur impetui rationis, sicut motus alio-
„ rum exteriorum membrorum. Verecun-
„ datur autem homo non solum de illa
„ commixtione venerea, sed etiam de
„ quibuscumque signis ejus &c. Et ideo pu-
„ dicitia attenditur proprie circa venerea,
„ & præcipue circa signa venereorum, sicut
„ sunt aspectus impudici, oscula, & ta-
„ tus. Et quia hæc magis solent depre-
„ hendi, ideo pudicitia magis respicit hu-
„ jusmodi exteriora signa: castitas autem
„ magis ipsam veneream delectationem.
„ Et ideo pudicitia ad castitatem ordina-
„ tur, non quasi virtus ab ipsa distincta,
„ sed sicut exprimens castitatis circum-
„ stantiam quamdam. Interdum tamen
„ unum pro alio ponitur: castitas scilicet
„ pro pudicitia, & pudicitia pro casti-
„ tate, ut etiam posuere plures Ecclesiæ Pa-
„ tres, ac præsertim S. Augustinus.

§. IV.

De partibus Temperantiæ, quas potentiales
S. Thomas appellat, sive de virtutibus
adjunctis Temperantiæ.

X. De partibus temperantiæ potentiali-
bus, sive virtutibus ipsi adjunctis fufe per-
tractat Angelicus Doctor per plures quæ-
stiones a *q. 155.* De quibusdam ex ipsis
paucis nos agemus, potiusque earumdem
solas notiones assignabimus.

Continentia.

Continentia hoc loco non sumitur pro vir-
tute, qua quis ab omni abstinet venerea
delectatione, & cum ipsa confunditur cas-
titate virginali, aut virginali: sed pro vir-
tute quadam, qua homo strenue obstat
pravis delectationibus, quæ vehementer
ipsum ad malum sollicitant. Ita tamen
continentia, inquit S. Thomas, virtus est,
ut quanto *strictius* accipitur, tanto sit major
ac

ac perfectior virtus. Dam. simpliciter, & absolute sumitur, circa concupiscentias delectationum tactus versatur tamquam proprium objectum, quia illæ maxime impellunt ad aliquod prosequendum adversus rationem. Circa concupiscentiam autem pravas aliam rerum non absolute dicitur continentia; sed cum adjuncta expressione certæ materiæ, veluti *continentia ire, continentis avaritiæ, continentia bonoris*, quemadmodum docuit Aristoteles.

Clementia.

XI. Hec virtus est, quæ animus ad lenitatem in exigenda pœna propendit, sive est lenitas superioris adversus inferiorem, aliquid ex debita pœna remittentis, prout id patitur ratio iustitiæ, spectatis scilicet circumstantiis facti, causæ, personæ, aliisque. Nec solum pœnas reis debitas moderatur; sed quandoque etiam iustis de causis præstat, ut omnino remittantur: sicut fecit Christus Dominus cum adultera muliere, cui pœnam juxta legem debitam remisit dicens: *Nemo te condemnavit, mulier; nec ego te condemnabo: vade, & jam noli amplius peccare.*

Manfuetudo.

XII. Affinis clementiæ *manfuetudo* est; etque definiri potest virtus, quæ moderatur iram juxta dictamen rectæ rationis, ut scilicet homo non irascatur, nisi quando, quoties, quam ob causam, & quomodo oportet. Hinc virtutem præ cæteris docuit Christus Dominus, dum se ejusdem exemplum proposuit dicens: *Discite a me, quia mitis sum, & humilis corde*; quam & maxime commendavit inquit: *Beati viri, quoniam ipsi possidebunt terram.* De hac S. Basilii in psal. 33. scribit: *Maxima omnium virtutum manfuetudo est, ea quod in beatitudinem numerum relata est.* Et in Cōfess. Monach. cap. 14. *Manfuetudo patientiæ*

mater est, quæ conjuncta benignitati, præstantissimam omnium virtutum charitatem efficit. Et S. Joan Chrysost. hom. 19. in epist. ad Rom. *Quomodo poterit quis fieri filius Dei? si mansuetudinem erga conviciatores ostenderit? Nihil enim ita conformiter Deo facit, ac ipsa virtus. Ideo Paulus, cum dixit: Imitatores Dei estote, ad hoc dicit, ut isti studeamus virtuti.*

Modestia.

XIII. Modestia virtus est, quæ interiores, & exteriores hominis actiones, in quibus modum servare non adeo difficile est, moderatur. Externos corporis motus componit, ut nihil in eis sit, quod cujuscunque offendat aspectum, sed quod interioris hominis deceat sanctitatem. *Amisus* namque corporis, ut dicitur Ecclesiæ, cap. 19. *& risus dentium, & ingressus hominis annuntiant de illo.* Efficit hæc virtus, ut *nihil torum, nihil elatum sit in oculis, ut cum Ambrosio loquar lib. de Virginibus, nihil in verbis prociæ, nihil in actu inverecundum; non gestus fractior, non incessus solutior, non vox petulantior, ut ipse corporis species simulacrum sit mentis, figura probitatis.* Bona quippe domus in ipso vestibulo debet agnosci, ac tanquam lucerna lux intus posita foris luceat. Circa alia quatuor modestia quoque versatur; nempe circa appetitum celsitudinis, quam refrænat humilitas; circa amorem sciendi, quem moderatur studiositas, ne nimium excedat; circa apparatus exteriorum, qui sit in vestibus, suppellectili, & aliis hujusmodi; & circa ludos, & jocos: Quamquam enim joci, & ludi ad quamdam animi ex contemplatione, & vehementi attentione defectu quietem utiles sint; in eorum tamen usu tria præcipue sunt cavenda; primum ne hujusmodi delectatio quæretur in actionibus, aut verbis turpibus, vel noxiis; secundo ne gravitas animi omnia resolvatur; ac tertio ut ludi con-

congruant personæ, tempori, loco. Hæc autem virtus *Eutrapelia* frequentius appellari solet: de qua postea; sicut & de modestia in exteriori apparatu.

Taciturnitas.

XIV. Hæc virtus sermones regulat, ac moderatur juxta illud psal. 38. Dixi, custodiam vias meas, ut non delinquam in lingua mea: posui ori meo custodiam. Quæ verba expendens S. Ambrosius lib. 2. de Officiis ait: *Sapiens ergo, qui novit tacere. Ideo sancti amabant tacere... Quis est enim, qui non delinquit in lingua sua? Et ideo Psalmista, quia neminem videbat sanctum, os servare posse ab immunditia sermonis, ipse sibi silentio legem posuit innocentia, ut tacendo culpam declinaret, quam vix effugere posset loquendo. Quid igitur mutos esse nos oportet? Minime: est enim tempus tacendi, & tempus loquendi. Deinde, si pro otioso verbo reddimus rationem; videamus, ne reddamus & pro otioso silentio &c. Igitur alliga sermonem tuum &c. sit restrictior, & ripsis suis coercetur. Cito lutum colligit amnis exundans. Sit ori tuo osium, ut claudatur ubi, & quando oportet; & obsecratur diligentius.*

CAPUT XIV.

De Vitiis oppositis Temperantiæ, ac virtutibus adnexis.

D O C T R I N A.

- I. *De doctrina S. Thomæ præmissa de vitiis temperantiæ oppositis.*
- II. *Duo sunt temperantiæ opposita vitia; insensibilitas, & intemperantia.*
- III. *De vitio incontinentiæ, quod proprie consistit in illicitis delectationibus tollis.*
- IV. *De vitio curiositatis, quod studiositati opponitur. In quo situm illud fit.*
- V. *Quadrupliciter hoc vitium incurritur ex parte cognitionis intellectivæ.*
- VI. *Duobus autem modis ex parte cognitionis sensitivæ.*

Patuani Theol. Mor. T. II.

VII. *Vitium istud nonnunquam peccatum mortale est.*

VIII. *De vitio modestiæ opposito, prout illa consistit in agibus externis; ac primum de ludo. Quo pacto ludus accipitur.*

IX. *Ludus moderatus licitus est, ac virtutis actus. S. Thomæ doctrina.*

X. *Vitium damnable est, dum requisitas conditiones non servat. Quenam hæ sint, exponitur.*

XI. *Doctrinis Angelici doctrina, quoad excessum in ludo, observanda.*

XII. *Mens S. Doctoris quoad diversiones, & artem diversionum, clara in luce collocatur.*

XIII. *Imunes a culpa non sunt, qui principaliter ludunt propter lucrum.*

XIV. *De vitio modestiæ opposito, prout hæc spectat exteriorem apparatus. Decent, & moderatus laudabilis est, ac actus virtutis.*

XV. *Immoderatus semper est vitiosus. Ex duplici copite immoderatio procedit.*

XVI. *Eriam per defectum peccator aliquando contra hunc modestiæ partem.*

XVII. *De vano, ac superfluo mulierum ornatu. S. Thomæ doctrina de hoc argumento proposita, & explicata.*

XVIII. *Quenam ex hac S. Præceptoris doctrina certo colligantur.*

XIX. *Si Scriptura, ac Patres consulantur, grave sæpe peccatum esse videtur, & immoderatum mulierum ornatum, asserere necessum est.*

XX. *Extrema in hac materia rigoris, & laxitatis devitanda. S. Antonini iudicium.*

§. I.

De vitiis Temperantiæ oppositis generalis doctrina.

- I. **N**on de omnibus quidem vitiis, quæ temperantiæ, ac virtutibus eidem adnexis opponuntur, hic agendum sumimus,

mus, quoniam de quibusdam, & quidem præcipuis juxta methodum, quam nobis præstitimus, opportunius alibi differendum erit: sed de aliquibus duntaxat, de quibus in aliis tractatibus disputatio habenda non est. Ac primum quæ temperantiæ generatim inspectæ oppositæ sunt, exponimus D. Thomam secuti, qui de hoc argumento differens 2. 2. *quest. 142. art. 1.* solidam hanc, atque elegantem doctrinam præmittit; unde huic materiæ lux maxima affulget. Sic ergo ait: „Omne „illud, quod contrariatur ordini natura- „li, est vitiosum. (*Ex generale princi- „pium.*) Natura autem delectationem appo- „suit operationibus necessariis ad vitam „hominis. Et ideo naturalis ordo requi- „rit, ut homo in tantum hujusmodi de- „lectationibus utatur, quantum necessa- „rium est salutis humanæ, vel quantum „ad conservationem individui, vel quan- „tum ad conservationem speciei. Si quis „ergo in tantum delectationem refugeret, „quod prætermitteret ea, quæ sunt ne- „cessaria ad conservationem naturæ, pec- „caret, quasi ordini naturali repugnans. „Et hoc pertinet ad vitium *insensibilitatis*. „Subdit tamen apostatæ S. Doctor, ne „quis sua doctrina abutatur: „Sciendum „tamen, quod ab hujusmodi delectationi- „bus consequentibus hujusmodi operatio- „nes quandoque laudabile, vel etiam ne- „cessarium est abstinere propter aliquem „finem: sicut propter sanitatem corpora- „lem aliqui ablinent a quibusdam de- „lectationibus ciborum, potuum, & vene- „reorum: & etiam propter alicujus of- „ficii executionem: sicut athletas, & mi- „lites necesse est a multis delectationibus „abstinere, ut officium proprium exe- „quantur. Et similiter ponentes ad re- „cuperandam animæ sanitatem abstinencia delectabilium, quasi quadam diæta „utuntur: & homines volentes contem- „plationi, & rebus divinis vacare, oportet,

ter, quod se magis a carnalibus delectationibus abstrahant. Nec aliquid prædictorum ad insensibilitatis vitium pertinet: „quia sunt secundum rationem rectam“.

II. Hæc præmissa doctrina, duo sunt vitia, quæ temperantiæ generatim consideratæ opponuntur: *intemperantia* scilicet, & *insensibilitas*. Illa opponitur per excessum, ista per defectum. Insensibilitas tunc dicitur, quando aliquis ira delectatione gustus, & tactus refugit, & averfatur, ut nolit eis uti, quando, ubi, quomodo, vel quantum eis utendum esse recta ratio præscribit. Adversus quippe naturalem ordinem delinquit, qui renuit eas operationes exequi, quæ ad vitam necessariæ sunt: adeo ut si quis ad vitandam delectationem, quam in sumendo cibo experitur, hunc sumere penitus nollit, peccaret mortaliter, suæque ipsius mortis, quæ inde consequeretur, reus esset; quemadmodum etiam si quis ob eandem causam haud vellet uxori petenti reddere debitum. Sed hoc vitium valde rarum est inter homines.

Frequentius longe est vitium *intemperantia*, quo videlicet delectationes sensiles, ac præcipue gustus, & tactus appetuntur, aut quærantur *plus, quam oportet, ubi, quando, vel quomodo non oportet* juxta rectæ rationis regulam. *Pueris* hoc vitium ab Aristotele, tum a S. Thoma appellatur *hic art. 2.* non ea de causa, quod puerorum proprium sit, sed, quia homines efficit pueris effrenatis simillimos. Sicut enim puer ordinem rationis non attendit, sed naturam animalcm unice sequitur; adeoque non id appetit, quod secundum rationem honestum est, sed quod turpe, aut intemperans: ita quoque homo, qui intemperantia vitio se abstrahi, & abduci finit.

Præ cæteris quibusque vitiis intemperantiam esse maxime exprobabilem ostendit subinde *art. 4.* tum quia maxime derogat dignitati, & excellentiæ humanæ, cum volup-

voluptates sensibiles communes sint brutis animalibus, & propter eas homo *comparatur jumentis insipientibus, & similibus illis* est. Sciatur; tum quia in actibus intemperantiae nihil, sicut in aliis quibusdam vitiis, elucet fœculi, nihil virtutis, nihil quod hominem deceat, quin potius ex hoc vitio abiciatur ad inferiora, servusque reddatur rerum vilissimarum juxta illud 2. Apostoli Petri c. 2. *A. quo quis superatus est, hujus & servus est.*

§. II.

De vitio incontinentiæ.

III. Quam de vitiiis, quæ opponuntur abstinentiæ, & castitati, gula scilicet, & luxuria sermonem alibi sumus habuisti, idcirco ad illa progredimur, quæ sunt opposita temperantiæ adjunctis; ac primum ad vitium incontinentiæ oppositum, nimirum, *incontinentiam*. Vitium hoc ad animam proprie pertinet, quæ proprie, & per se incontinentiæ causa est. Siquidem quantumlibet vehementes sint passionēs in appetitu concupiscibili, sufficiens tamen incontinentiæ causa non sunt: potest enim homo, dum viget usus rationis, iis passionibus semper resistere, ne voluntas consentiat. Equidem ex corporis temperamento insurgunt in appetitu sentientes, qui resistit in organo corporeo, passionēs valde vehementes: quia tamen qualiscunque complexio corporis occasionem tantum incontinentiæ præbet, non causam; propterea non ad corpus referenda incontinentia est, sed ad animum, qui est proprius dicta causa ipsius.

Hæc autem incontinentia proprie, & simpliciter sumpta, quæ nempe versatur circa illicitas delectationes tactus, peccatum est ex duplici capite; scilicet tum quia per eam deserit homo rectæ rationis iudicium; tum quia incontinens sensualitati

obsequens se ipsum turpibus, atque homine indignis voluptatibus immergit. Minus tamen grave peccatum esse docet S. Thomas hic *art. 3.* peccatum ex incontinentia, quam ex intemperantia commissum. Quoniam ubi major est inclinatio voluntatis ad peccandum, ibi majus peccatum est. In eo autem, qui intemperatus est, est major inclinatio voluntatis ad peccandum, quam in incontinente: incontinens enim non peccat, nisi ab aliqua passione tentatur, & abreptus; intemperans vero etiam passionem prævenit, eligitque peccare; unde ejus voluntas longe corruptior est. Hujus discriminis, signum in eo se prodit, quod qui per incontinentiam peccat, statim peccati sui penitere solet; non autem is, qui peccat per intemperantiam, cum hic potius ex eorum numero sit, qui, ut Scriptura loquitur, *lasciuntur, cum male fecerint, & consultant in rebus pessimis.*

§. III.

De vitio Curiositatis.

IV. Studiositati, quæ virtus est temperantiæ adjuncta, & appetitum sciendi, vel cognoscendi moderatur, opponitur per excessum vitium curiositatis, quæ si generaliter consideretur, pro objecto respicit quæcumque fieri possunt, vel cognosci, vel acquiri, immo & ea, quæ hæc licet agere, cognoscere, vel acquirere: atque adeo sic accepta denotat superfluum curam circa res aliquas cognoscendas. Si vero pressius accipiatur determinari potest nimius, aut superfluous appetitus sciendi; habetque pro objecto cognitionem, seu cognitionis desiderium, & curam, quæ rectæ rationis mensuram prætergreditur. Sed quia duplex cognitio est, intellectiva altera, altera sensitiva; ideo de utraque questione movet S. Thomas hic *quest. 67.*

Primum itaque statuit *art. 1.* aliter iudicandum esse de ipsa cognitione veritatis; & aliter de appetitu, & studio veritatis cognoscendæ. Et quidem ipsa cognitio veritatis ex se bona semper, ac laudabilis est. *Sed ipse appetitus, vel studium cognoscende veritatis potest habere rectitudinem, vel perversitatem.* Hoc autem contingit ex duplici capite: altero, prout aliquis tendit suo studio in cognitionem veritatis, prout per accidens jungitur ei malum: sicut illi, qui student ad scientiam veritatis, ut exinde superbiaut. . . . Similiter etiam illi, qui student addiscere aliquid ad peccandum, vitiosum studium habent, secundum illud *Jerem. 9.* Docuerunt linguam suam loqui mendacium; ut inique agerent, laboraverunt.

V. Altero ex capite vitium esse potest in appetitu sciendi ex ipsa inordinatione appetitus, & studii ad discendam veritatem. Et hoc quadrupliciter. Primo nempe, si quis animum intendat cognitioni minus proficue, minusque necessarie, ut ea addiscere negligat quæ vel necessaria sunt, vel magis utilia; veluti si supervacaneis aut Philosophorum, aut Theologorum quorundam disputationibus sese applicet, in iisque tempus insumat, nihil curans, si Theologus sit, Scripturarum libros, & Sanctorum Patrum lectionem: aut, si sit Iuriscofultus, leges & Canones juris sive Civilis, sive Ecclesiastici. Adversus hos est illud Apostoli 2. ad Timoth. scribentis cap. 1. *Stultas, & sine disciplina questiones devota sciens, quia generant litas.* Et illud ad Tit. 3. *Stultas autem questiones, & genealogias, & contentiones, & pugnas legis devota: Sunt enim inutiliter, & vana.*

Secundo: quatenus studet aliquis addiscere ab eo, a quo non licet: quemadmodum contingit in iis, qui aliqua futura a Dæmonibus, vel a Magie perquirunt. Unde S. Augustinus in lib. de vera Relig. cap. 19. ait: *Nescio, an Philosophi impe-*

direntur a fide vitio curiositatis in percontandis Dæmonibus.

Textio: quotias hominibus appetit veritatem cognoscere circa creaturas, non referendo ad debitum finem, scilicet ad cognitionem Dei, quales erant illi Philosophi, de quibus Apostolus loquitur: *qui cum cognovissent Deum, non sicut Deum glorificaverunt.* Unde loco laudato scribit Augustinus, quod in consideratione creaturarum non est vane, & peritura curiositas coerenda: sed gradus ad immortalis, & semper manentis faciendus.

Quarto tandem, quatenus aliquis animum applicat ad veritatem cognoscendam supra proprii ingenii facultatem: quoniam ex hoc facile homines in errores labuntur. Quapropter Eccles. 3. monet Sapiens: *Altiora te ne quaeris, & fortiora te ne scrutatus fueris. Et in pluribus operibus ejus ne fueris curiosus.* Et postea sequitur: *Multas enim supplantavit suspicio eorum, & in vanitate detulit sensus eorum.* Hinc etiam Proverb. 25. dicitur: *Sicut qui mel multum comedit, non est ei bonum; sic qui scrutator est majestatis, opprimetur a gloria.*

VI. Quod spectat vitium curiositatis circa cognitionem sensitivam, observat primum S. Doctor, cognitionem hanc ad duo ordinari. Uno modo, inquit, tam in hominibus, quam in aliis animalibus ordinatur ad corporis sustentationem: quia per hujusmodi cognitionem homines, & alia animalia vitam neciunt, & conquirunt ea, quæ sunt necessaria ad corporis sustentationem. Alio modo specialiter in homine ordinatur ad cognitionem intellectivam, vel speculativam, vel gratificam. Quo posito duplex in ea vitium contingere decernit. Primo quatenus sensitiva cognitio non ordinatur ad aliquid utile, sed potius ab aliqua utili consideratione hominem avertit. Unde Augustinus lib. 10. Confess. c. 35. ait: *Cauem currentem post leporem jam non specta, cum in circo sit: an vero in agro, si casu transeam, avertit me for-*

fortasse ab aliqua magna cogitatione, atque ad se convertit illa venatio: & vixi, jam mihi demonstrata infirmitate mea, cito admoveat, virtus bebescit.

Aliero modo viciofa est hujusmodi cognitio, si directe, vel interpretative ordinetur ad aliquod peccatum, vel peccandi periculum: cujusmodi sunt curiofe inſpectiones perſonarum diverſi ſexus, ludorum, & ſpectaculorum, in quibus obſcœna repræſentantur, inquisitiones de aliorum factis ex animo, ut proximi famæ detrahatur, vel alicui moleſtis creatur.

VII. Quamquam autem curioſitas, dum ex objecto ſuo tantummodo conſideratur, peccatum veniale ſit, non raro tamen mortale peccatum eſſe poteſt. Et primo quidem *ratione materia*; ut ſi res, vel cognitio ipſius de ſe graviter illicita ſit, vel admodum noxia, aut periculofa, vel ſi facultatem ingenii longe excedat, neque Deus eam revelaverit, & tamen eam quis ingenio ſuo comprehendere nitatur. Ita iethaliter peccant, qui pacto inito cum Dæmone vel expreſſo, vel tacito quærent aliqua cognoscere: item qui libros de Amoribus tractantes legunt cum periculo conſentiendi turpibus delectationibus; qui Fidei myſteria naturæ vitibus aſſequi conantur &c.

Secundo *ratione formæ*, ſeu *modi*: ut quando interdictum ab aliqua lege eſt legere, videre, vel audire aliqua; & nihilominus iis legendis, videndis, aut audiendis intenditur. Qua de cauſa lethalliter peccant, qui legunt libros prohibitos, qui ſcire volunt, quæ ad ſigillum Sacramentalis Confeſſionis pertinent: Religioſi & Monaſteriiſ excentes ad audiendas leges, vel medicinæ præcepta; & excommunicationem etiam incurrunt, ſi intra duos meſes ad monaſterium non reverantur.

Tertio *ratione medij illiciti*, quod ad ſciendum quidpiam adhibetur: veluti ſiquis

aliū ad peccatum mortale, aut ad detegendum naturale ſecretum inducere velit, ut eam, quam quærit, cognitionem aſſequatur.

Demum *ratione gravis detrimenti*, aut pravi effectus conſequentis: ut ſi pro ſtudio rerum, quæ neceſſariæ non ſunt, negligat aliquis, quæ ſub mortali ſcire reneatur, ut quæ fidem ſpectant, vel proprium ſtatum, & officium; aut ſi ex appetitu immoderato ſciendi, quodcumque mortale peccatum committat.

§. IV.

De vitio Modestia oppoſito, prout in exterioribus motibus conſiſtit; ac præſertim de ludo.

VIII. Quemadmodum modestia moderatur, ac regit exteriores corporis motus; ita, quidquid inordinatum, & incompoſitum eſt in hiſce motibus, modetiæ opponitur. Quia vero de hoc genere modetiæ agens S. Thomas quæſt. 168. ſermonem præſertim habet *de ludo*, & vitiis ejuſdem; ideo nos quoque de hoc argumento agemus valde neceſſario, propter ejuſdem frequentes, gravesque abuſus, qui in ipſo contingunt. Ille autem advertere opus eſt, quod tamethi *ludus*, *focus*, & *luſus* ſæpius invicem confundantur; diſſerunt tamen inter ſe. Nam *ludus* proprie dicitur in factis: *focus* in verbis; & *luſus* ad voluptatem reſerri ſolet: quia ſolius voluptatis cauſa ſit, non aliqua lucri ſpe, aut periculo damni; quod tunc frequentius appellatur *ludus*, de quo ſermo erit in Tractatu de *juſtitia*.

IX. Quidquid ſit de nominis acceptione, *ludum*, prout ad honeſtam voluptatem ordinatur, ad modetiā, quæ in externis motibus ſervanda eſt, revocat Dædor Angelicus; ſicut ad vitium eidem oppoſitum, ſi modum, aut menſuram excedat, aut alio ſine aſſumatur. Et quidem ludum poſ-

se esse virtutis actum, ita primum ostendit *art. 2.* inquit: „Sicut homo indiget corporali quiete ad corporis refocillationem, quia non potest continue laborare propter hoc, quod habet finitam virtutem, quæ determinatis laboribus proportionatur; ita etiam est ex parte animæ, cujus etiam est virtus similis ad determinatas operationes proportionata. Et ideo quando ultra modum suum in aliquas operationes se extendit, laborat, & ex hoc fatigatur; præsertim quia in operationibus animæ simul etiam laborat corpus, in quantum scilicet anima intellectiva utitur viribus per organa corporis operantibus. Sunt autem bona sensibilia connaturalia homini. Et ideo, quando anima supra sensibilia elevatur, operibus rationis intenta, nascitur exinde quedam fatigatio animalis, sive homo intendat operibus rationis practiciæ, sive speculativæ & magis tamen si operibus contemplationis intendat; quia per hoc magis a sensibilibus elevatur: quamvis forte in aliquibus operibus exterioribus rationis practiciæ major labor corporis consistat. . . . Sicut autem fatigatio corporalis solvitur per corporis quietem; ita etiam oportet, quod fatigatio animalis solvatur per animæ quietem“.

Hic solida generali doctrina præmissa, pergit S. Doctor ad ejusdem applicationem, & ait: „Quies autem animæ est delectatio, ut supra habitum est, cum de passionibus ageretur. Et ideo oportet remedium contra fatigationem animaleam adhiberi per aliquam delectationem, intermissa intentione ad insitutum studium rationis. . . . Hujusmodi autem dicta, vel facta, in quibus non queritur nisi delectatio animalis, vocantur ludicia, vel jocosæ. Et ideo necesse est talibus interdum uti, quasi ad quandam animæ quietem“.

Hoc confirmat S. Thomas autoritate Aristotelis 4. *Ethic.* dicentis; quod in hujus vite conversatione quidam requirit cum ludabatur: adeoque interitum laudabile est, & moraliter etiam naturæ nostræ necessarium, ut hisce jociis, aut ludis utamur. Et tunc hujusmodi moderati joci, vel ludi ad eam inodiosam partem revocantur, quæ græce vocatur *eutrapelia*, quam nos, inquit Angelicus, possumus dicere *juvandaritatem*, vel *urbanitatem*, aut *comitatem*.

X. Ex notione virtutis fas est facile intelligere, quid sit vitium ipsi oppositum, quod propter affinitatem sæpe a multis cum virtute confunditur. In quod vitium incurritur illi, qui conditiones non servant ad honestum jocum, vel lulum necessarias. Primo nempe, dum animi relaxationem, aut delectationem querunt verbis, aut operationibus turpibus, aut alteri injuriis, vel quomodolibet nocivis; dum scilicet vel obscæna, vel alteri damnoisa in materiam lusus, aut joci vertuntur. Unde Tullius lib. 2. *Offic. duplex*, ait, *est jocandi genus: unum illiberale, petulans, flagitiosum, obstinatum; alterum elegans, urbanum, ingeniosum, facetum*. Primum solet esse grave peccatum, nisi materiæ levitas a gravi quandoque excusetur alterum ad virtutem pertinet.

Secundo: si per jocos, aut lules animæ gravitas omnino resolvatur; neque enim ludicris, aut jocosis vacare licet amplius, quam oporteat. Quare peccant, qui in lulis, vel jociis intendunt, ut in ea delectatione finem ultimum sibi constituere videantur: quorum sane non paucos invenimus illi, qui totum nempe, aut fere totum in lulis vite tempus consumunt. His redarguit vel ipse Tullius lib. laudato: *Neque enim ita generati a natura sumus, ut ad lulum, & jocum salti esse videamur, sed ad severitatem potius, & ad quasdam studia graviora, atque majora*. Peccant etiam ob ha-

hujus conditionis defectum, qui tamen in ludicis actionibus finem ultimum non constituent, nimium se dedunt ludi voluptati, adeo ut recte rationis limites transgrediantur. Nam, ut idem Tullius ait, *ludo, & joco uti quidem licet, sed sicut somno, & quietibus ceteris tum, cum gravibus, fortisque rebus satisfecerimus: ipsamque genus jocandi non profusum, nec inmodestum, sed ingenuum, & factum esse debet.*

Tertio peccant, qui ludis, & jocis, quavis secundum se moderate, honestis, & personæ, loco, ac tempori congruentibus ita utuntur, ut non omnino observent alias circumstantias, quæ ad actum virtuosum generatim consideratæ desiderantur; quas vix, aut nunquam observant, qui huic voluptati studere solent.

XI. Verum in hac re præstat asserere doctrinam Doctoris Angelici, qui defectus in ludo, prout ad voluptatem assumitur, egregie de more patefacit *art. 2. ubi querit, an in superfluitate ludi possit esse peccatum?* Sic autem respondet: „In omni eo, quod est dirigibile secundum rationem, *superfluum* dicitur, quod regulam rationis excedit. Diminutum autem dicitur aliquid, secundum quod deficit a regula rationis. Dicitur est autem, quod ludica, sive jocosa verba, vel facta sunt dirigibilia secundum rationem. Et ideo superfluum in ludo accipitur, quod excedit regulam rationis. Quod quidem potest esse dupliciter: uno modo ex ipsa specie actionum, quæ assumuntur in ludum. . . . quando scilicet utitur aliquis causa ludi turpibus verbis, vel factis, vel etiam his, quæ vergunt in proximi noementum: quæ de se sunt *peccata mortalia*. Et sic patet, quod excessus in ludo est peccatum mortale“.

„Alio autem modo potest esse excessus in ludo secundum defectum debitum circumstantiarum; puta cum aliqui utun-

„tur ludo vel temporibus, vel in locis, indebitis, aut etiam præter convenientiam negotii, seu personæ. Et hoc quidem quandoque potest esse peccatum mortale propter vehementiam affectus ad ludum, cujus delectationem præponit aliquis dilectioni Dei, ita quod contra præceptum Dei, vel Ecclesiæ talibus lulis uti non refugit. Quandoque autem est peccatum veniale; puta si aliquis non tantum afficitur ad ludum, quod propter hoc velit aliquid contra Deum committere“.

XII. Difficultatem in hac materia facere possunt, quæ habet S. Thomas in resolutione ad tertium argumentum. Ibi objecerat ille: *Maxime bisfriones in ludo videntur superabundare, qui totam suam vitam ordinant ad ludendum. Si ergo superabundantia ludi esset peccatum, tunc omnes bisfriones essent in statu peccati. Peccarent etiam omnes, qui eorum ministerio uterentur; vel qui eis aliqua largirentur, tamquam peccati fautores: quod videtur esse falsum &c.*

Quid vero ad hoc argumentum reponit ille? „Dicendum, inquit, quod, sicut dictum est, ludus est necessarius ad conversationem humanæ vitæ. Ad omnia autem, quæ sunt utilia conversationi humanæ, deputari possunt aliqua officia licita. Et ideo etiam officium histriionum, quod ordinatur ad solatium hominibus exhibendum, non est secundum se illicitum. Nec sunt in statu peccati, dummodo moderate ludo utantur, idest non utendo aliquibus illicitis verbis, vel factis ad ludum, & non adhibendo lulum negotiis, & temporibus indebitis. Et quantumvis in rebus humanis non utantur alio officio per comparisonem ad alios homines; tamen per comparisonem ad se ipsos, & ad Deum, alias habent seriosas, & virtuosas operationes. . . . Unde illi, qui

„mo

„ moderate eis subveniant , non peccant ;
 „ sed iuste faciunt , mercedem ministerii
 „ eorum eis tribuendo . Si qui autem
 „ (subicit) superflue sua in tales con-
 „ sumant , vel etiam sustentant illos ho-
 „ mines , qui illicitis ludis utuntur , pec-
 „ cant , quasi eos in peccato foventes .
 „ Unde Augustinus dicit super Joan. , quod
 „ donare res suas bistriouibus vitium est im-
 „ mane , non virtus “ ,

Hoc S. Doctoris testimonio abutuntur nonnulli , ad patrocinium Comœdiarum , ac Spectaculorum Theatralium illud pertrahentes , quæ hodiernum in usu sunt . Sed perperam omnino . Nam tameris nomen *bistriouum* commune sit cum illis , qui & olim apud Geniles ita appellabantur , & nunc quoque appellantur ; re tamen longe differunt ab iis , qui ævo D. Thomæ , proximisque temporibus obtinebant ; quemadmodum jam plures antiquitatis scrutatores observant , & ex ipso S. Thomæ textu evidenter colligitur . A sæculo nempe Æræ Christianæ XIII. sublati publicis Theatris , qui *bistrones* vocabantur , in privatis domibus versus recitare consueverunt , instrumentis musicis adhibitis , ad populi levamen ; prout etiam modo aliqui in viciis , aut domibus faciunt ad subsidium sibi aliquod conquirendum . De his itaque *bistronibus* cum aliis illius temporis Theologis S. Thomas loquutus est ; non esse nempe illicitum secundum se *bistronum* officium , quod ordinatur ad solatium hominibus exhibendum , nec illos esse in statu peccati : dummodo moderate ludo utantur , idest non utendo aliquibus illicitis verbis , & non adhibendo ludum negotiis , & temporibus indebitis . Et nunc quoque illicitum non foret , si huiusmodi conditiones servarentur . Cæterum quia temporum progressu , abusus in hoc officio plurimi introduci cœperunt , & histrones , & quæ assumuntur ad delectationem , frequentius verba , & facta turpia ,

& obscœna sunt , vel flagitiosa , quæ peccare potius docent , quam a peccato animum avertat ; adcirco jure a melioribus Theologis histronis officium tamquam primum reprobatum est , ac reprobari meretur .

XIII. Cum animi recreatio , aut solamen sit finis , ad quem ludus ordinatur , consequitur , non sine culpa esse , qui ludic principaliter propter lucrum ; vel lucrum in ipso ludo nimium avide quærit . Et enim in hoc quædam ordinis perversio , dum quod ad aliquem finem suapte natura ordinatur , ad alium detorquetur . Damnandi ramen non sunt , qui ludentes præter honestum animi solamen exiguum aliquod lucrum adjiciunt , quod tamquam finem non intendunt . Cæterum caute in hoc se gerere oportet : quoniam experientia satis frequenti constat , nihil minus sæpius intendi , quam animi levamen , quoties lucrum proponitur , maxime si lucrum pecuniarum sit . Videmus quippe tunc ludentes tanto mentis ardore in ludum incumbere ad victoriam assequendam , ut nihil aliud cogitent , quam evadere victores . Hinc in his , qui ita ludunt , admodum raro lusus actus virtutis est : quod si virtutis actus non est , non potest non esse nisi actus aliqua vitii labe corruptus . Sed de ludo lucratorio alibi dicemus .

§. V.

De vitiiis , quæ Modestiam opponuntur , prout spectat exteriorem apparatus .

XIV. Duobus articulis , quibus constat *questio* 163. hujus secundæ secundæ partie , totam S. Thomæ materiam absolvit , quæ modestiam spectat in exteriori apparatu observandam , ac vitia , quæ eidem ita consideratæ opponuntur ; quos explicat , & aliquantulum illustrare præstat , ut in re admodum necessaria vera doctrina innotescat .

Quod

Quod igitur primum querit, hoc est: *utrum in exteriori apparatu possit esse virtus, & vitium*; primamque proferat S. Ambrosii auctoritatem ex lib. pr. de Offic. cap. 19. ubi ait: *Decor corporis non sit effectus, sed naturalis, simplex, neglectus magis, quam expolitus, non pretiosus, & albensibus adiunctis vestimentis, sed communibus, ut honestati, vel necessitati nihil desit, nihil accedat vitioris*. Ex qua colligit, in exteriori cultu virtutem esse possit, & vitium. Nimirum corporis ornamenta Instituta sunt necdum ad naturam fovendam, ac a temporis injuriis protegendam, sed etiam ad statum, conditionem, ac sexus distinctionem indicandam. Unde sicut in corpore physico membrorum distinctio est, & dispositio cuique parti corporis conveniens, ita quoque congruum fuit, ut corpus pollicum suis membris conflet, quæ signis, & ornatibus distinguantur, ut ex partium varietate, & idonea dispositione utriusque corporis physici, atque pollicis pulchritudo consurgat. Hinc membra, quæ in corpore utroque altius eminent, ac nobiliora sunt, ornatiora cæteris esse rerum naturæ conforme est; adeoque ut viri nobiles, & Magistratus cultioribus præ aliis vestibus induantur, ut sui status, aut officii dignitas manifestetur. Quod S. Thomas approbat in resp. ad 2. hisce verbis: *Illi, qui in dignitatibus constituantur, vel etiam Ministri Altaris pretiosioribus vestibus, quam ceteri, induuntur, non propter sui gloriam, sed ad significandam excellentiam sui ministerii, vel cultus divini: & ideo in eis non est vitiosum*. Addit tamen, eisdem, qui, dum Altari ministrant, convenienter utuntur pretiosis vestibus, competere vilibus vestibus uti, dum alios verba, & exempla ad penitentiam hortantur, sicut fecerunt Prophetæ.

XV. At vero si exterior apparatus virtutis actus est, dum eam, quæ par est, spectata conditione, ac dignitate cujuscunque, Patuzzi Theol. Mor. T. II.

moderationem servat; ita vitiosus efficitur propter hujus defectum: quod ex duplici capite contingit. Uno quidem modo, inquit S. Thomas, per comparationem ad consuetudinem hominum, cum quibus aliquis vivit: quoniam, ut ait S. Augustinus, quæ contra mores hominum sunt flagitia, pro moram diversitate vitanda sunt &c. Turpis enim est pars universo suo non congruent. Ut si quis erigeret magnifica ædificia, & ea ornaret pretiosiore suppellectili, vel majore servorum comitatu uteretur, quam sui status conditio, vel hominum consuetudo ferat.

Alia modo potest esse immoderantia in usum talium rerum ex inordinato effectu utentis: Ex quo quandoque contingit, quod homo nimis libidinose talibus utatur, sive secundum consuetudinem eorum, cum quibus vivit, sive præter eorum consuetudinem. In his ctenim, inquit S. Augustinus lib. 3. de doctr. Christ. Non rerum usus libido tamen utentis in culpa est. Hinc S. Gregorius Magnus bam. 40. in Evang. scribit: *Sunt nonnulli, cui cultum subtilium, pretiosarumque vestium non putant esse peccatum. Quod si culpa non esset, nequaquam sermo Dei tam vigilanter exprimeret, quod Dives, qui torquebatur apud inferas, bysso & purpura indutus fuisset: nemo quippe vestimenta pretiosa (hoc est. supra suum statum, & dignitatem) nisi ad inanem gloriam querit; videlicet ut banqvior ceteris esse videatur*.

Porro inordinatum hujusmodi affectum tripliciter contingere notat S. Præceptor. Primum ex hoc, quod aliquis ex superfluo cultu vestium hominum gloriam querit, prout scilicet vestes, & alia hujusmodi pertinent ad quemdam ornatum. Secundo, quatenus homo per superfluum cultum vestium querit delicias, secundum anad vestis ordinatur ad corporis fomentum, Tectio, prout nimiam sollicitudinem apponit ad nimium vestium cultum, etiamsi non sit aliquis inordinatio ex parte finis.

E c

XVI.

XVI. Quemadmodum autem vitiosa inordinatio per excessum esse potest in cultu vestium, aliorumque, quæ ad externum apparatus pertinent; ita pariter esse posse per defectum, hoc eodem articulo docet S. Thomas. *Uno quidem modo, inquit, ex negligentia hominis, qui non addibet studium vel laborem ad hoc, quod exteriori cultu utatur, secundum quod oportet* *Alio modo, quod ipsum defectum exterioris cultus ad gloriam ordinat. Unde dicit Augustinus in lib. 2. de ser. Dom. in Monte, non in solo rerum corporearum nitore, atque pompa, sed etiam in ipsi sordibus lutuosus esse posse iactantiam, & eo periculosiorem, quod sub nomine servitutis Dei desipit.* Ac statim: *Qui in professione Christianitatis insitato squalore, ac sordibus intentus in se oculos hominum facit, eum id voluntarie faciat, necessitate patiatur; ex ceteris ejus operibus potest conjici, utrum id contemptu superflui cultus, an ambitione aliqua faciat: quia & sub ovina pelle cavendus lupus Dominus præcipit.*

§. VI.

De vano mulierum ornatu.

XVII. Quamquam ea, quæ modo dicta sunt de apparatus exteriore, non minus ad mulieres, quam ad viros pertineat; peculiarem tamen sermonem de ornatu mulierum insitiendum putavit S. Thomas hoc titulo; *utrum ornatus mulierum sit sine peccato mortali?* Quandoquidem præter ea, quæ utrique sexui communia sunt, speciale quidpiam occurrit circa mulierum ornamenta; quod videlicet muliebris cultus viros ad libidinosos affectus plurimum provocare solet, eique sexual magis familiare sit tum pulchritudinem, tum ornatum assestare, ut experientia liquet.

Quid in hac valde implexa questione doceat laudato articulo S. Thomas, primum

aperio; quædam subinde adjiciam ad doctrinæ suæ, ac veritatis ampliorem declarationem. In primis itaque distinguit mulierem conjugatam a soluta: Ac de illa docet, licite operam dare ornatui moderato, *ut viro suo placeat, ne per ejus contemptum in adulterium labatur;* scilicet ne eam fortasse maritus fastidiat, ac dimisso affectu uxoris propriæ, pravum erga alienam mulierem amorem concipiat. Unde 1. ad Cor. dicitur, *quod mulier, quæ nupta est, cogitat, quæ sunt Mundi, quomodo placeat viro; quod clarius infirmat 1. ad Timoth. c. 2. Mulieres in habitu ornato, cum verecundia ornantes se, non in tortis crinibus, aut aura, aut margaritis, vel veste pretiosa: Per quod, subdit S. Thomas ad 2. datur intelligi, quod subtilis, & moderatus ornatu non prohibetur mulieribus, sed superfluus, & inverecundus, & impudicus.*

Quod si etiam in eo ornato, ad hunc finem assumpto placendi viro suo, mulier excedat, nonnisi venialiter peccabit; modo ille ex aliquo alio capite illicitus non sit, ex. gr. scandali aliorum, aut gravis damni famigliæ, de quo postea. Quoniam dum excessus est in re, seu appetitu rei, quæ non est ex se mala, nec ex alio capite mala evadit, excessus ejusmodi per se loquendo non est, nisi veniale peccatum.

De aliis vero mulieribus ita subinde docet S. Thomas: *Illæ mulieres, quæ virum non habent, nec volunt habere, vel sunt in statu non habendi; non possunt absque peccato (lethali, de quo loquitur) appetere, placere virorum aspectibus ad concupiscendum: quia hoc est dare eis incentivum peccandi. Et si quidem hæc intentione se ornent, ut alii provocent ad concupiscentiam, mortaliter peccant: si autem ex quadam vanitate præter iactantiam quandam, non semper est peccatum mortale, sed quandoque veniale. Ex eadem ratio quantum ad hoc est de viris. Unde Augustinus dicit in Epist. ad Possidium: „No-*

lo, ut de ornamentis auri, vel vestis præpropterea habeas in prohibendo sententiam, nisi in eos, qui neque conjugati sunt, neque conjugari cupientes cogitare debent, quomodo placeant Deo. Illi autem cogitant, quæ sunt Mundi, quomodo placeant viri uxoribus, vel mulieres maritis: nisi quod capillos nudare feminas: quas etiam velare Apostolus jubet, nec maritatus decet. In quo tamen casu, subdit, possent aliquæ a peccato ex-usari, quando hoc non fieret ex aliqua vanitate, sed propter contrariam consuetudinem; quamvis talis consuetudo non sit laudabilis.

XVIII. Ex hac S. Thomæ doctrina plura habemus, quæ faciem veritatis in hac obscura materia splendidissimam accendunt. Habemus primo, licere mulieribus conjugari se studio aliquo ornare ob hunc finem, qui rationis ordini consentaneus est, ut placeant viris suis, eosque avergant ab alienarum mulierum amore.

Habemus secundo, idem licitum esse puellis, quæ matrimonio jungi volunt, ut sibi honestum amorem concilient, dummodo in ornatu non excedant, neque periculum sit, ut alios ad peccandum alliceant, aut ille sit immoderatus, & meretricius.

Habemus tertio, mulieribus, quæ nec viros habent, quibus placere debeant, nec habere volunt, vel in statu non sunt habendi, ut Virgines, quæ Deo se manci- prant, maximeque Moniales, nullo modo convenire ninium corporis ornatum: & si illum adhibeant, ut placeant virorum aspectibus, ad concupiscentiam in illis excitandam, aut immoderato cultu corporis sui incentive peccandi præbeant, semper mortaliter peccare.

Habemus quarto, mulieres se superflue ornantes, non intentione provocandi alios ad venerem, sed vel ex quadam animi le-

vitatē, vel ex quadam vanitate mulieribus familiari, ut nempe de pulchritudine, & corporis sui elegantia laudentur, quandoque solum peccare venialiter, ut ait S. Thomas; qui consulto usus est hac limitatione quandoque: quoniam sepe contingit, ex alio capite esse peccatum mortale, ut dicemus.

XIX. Profecto saltem frequenter grave peccatum esse vanum, & immoderatum mulierum ornatum, sive Scripturas, sive Patres consulamus, affirmare necesse est. His quippe locutionibus adversus illum utuntur, quæ mulieres æternæ salutis suæ sollicitas ab eo maxime detertere deberent. Vehemens admodum comminatio est, quam intemat Isaias cap. 3. Judæorum feminis superfluo ornatu compitis, quam ipse describit his verbis: *Et dixit Dominus: pro eo quod elevatae sunt filie Sion, & ambulaverunt extenso collo, & nitibus oculorum ibant &c. & composito gradu incedebant; decalvabit Dominus verticem filiarum Sion, & Dominus erinem earum auferet. In die illa auferet Dominus ornamentum calceamentorum, & lunulas, & torques, & monilia, & armillas, & mitras, & discriminalia, & periscelidas, & murennulas, & olfactoriola, & ivantes, & anulos, & gemmas in fronte pendentes, & palliola, & lintamina, & acus, & specula, & sindones, & vittas, & thestris. Et erit pro suavi odore fetor, & pro zona fuculus, & pro crispanti crine calvitium, & pro fascia pectorali cilitium.* Quæ verba, quantum vana hec ornamenta Deus abominetur, satis enunciant.

Quam facile homines ad lasciviam attrahant ornatæ mulieres, insinuat Sapientis Ecclesiastes cap. 9. dum ait: *Averte faciem tuam a muliere compta, & ne circumspicias speciem alienam.* Propter speciem mulieris multi perierunt: & ex hoc concupiscentia quasi ignis exardescit. . . . Speciem mulieris alienæ multi admirati, reprobi facti sunt: col-
E c 2

loquium enim illius quasi ignis exardescit. Paria habet cap. 42. In medio mulierum noli commorari. De vestimentiis enim procedit sententia, & a muliere iniquitas viri. S. quoque Petrus Epist. 1. cap. 3. his verbis muliebrem ornatum perstringit, de mulieribus dicens: Quorum non sit extrinsecus capillatura, aut circumdatio auri, aut indumenta vestimentorum cultus. Alia præterea; sicut etiam Sanctorum Patrum sententias, quorum duntaxat indicabo loca; Tertulliani lib. De cultu feminar. cap. 11. Cypriani lib. de Discipul. & Hab. Virginum, S. Aug. lib. 3. de Doctr. Christi. cap. 12. S. Joan. Chrysoth. hom. 17. in Matth. S. Greg. Mag. hom. 40. in Evang. Qui omnes ita vituperant, ac damnant superfluum mulierum ornatum, ut satis manifestent, illum a gravi peccato immunem, generatim loquendo, non existimasse.

XX. Verum hac in re extrema devitanda esse censeo, adeo ut nec mulieres ob excessum ornamentorum præcipiti iudicio lethalis peccati fontes arguamus, nec etiam nimia facilitate a peccato absolvamus. Malitia namque sive gravis, sive levis huiusce criminis colligenda est ex pluribus circumstantiis, quæ subesse solent; nempe ex seminarum statu, conscientia, morum integritate, aut pravitate, ex expensis, quæ propter ornatum fiunt, ex conditione familiaris, aliisque. Quare subscribō prudenti iudicio S. Antonini Archiepiscopi Florentini ita loquentis: „Quantum ad ipsum ornatum in se, duo possunt ibi vitia inveniri; scilicet superfluitas expensæ, quæ pertinet ad prodigaliteriam: & incertum, & excitativum libidinis, ad quod illud inducit. Et quantum ad superfluitatem, quum non omnis prodigalitas sit mortale, sed aliquando, & frequentius veniale; ideo isto respectu non poterit illud judicari mortale, nisi fuerit valde evidens, & enormis excessus.

„fus. Quantum autem sit ille excessus, quoad superfluitatem ornatus, qui faciat mortale, fateor me nescire dare regulam generalem, nec de facili posse dari, nec reperio aliquem dedisse. Unde prudentiæ, & arbitrio boni viri relinquendum est. In quantum vero ipse ornatu mulieris est provocativus ad luxuriam, videtur ibi distinguendum de occasione data sufficienter, vel accepta. Poterit autem esse tantus excessus, quod erit ibi occasio etiam data ex parte mulieris se ornantis. Quale autem sit iste excessus, ut mortale valeat judicari, ad arbitrium boni viri videtur dimittendum. Boni viri, dico, non solum in conscientia, sed in sufficienti pericia circa huiusmodi. Sed ex his, quæ notat Alexander de Ales, non de facili debent huiusmodi mulieres de mortali condemnari.“

CAPUT XV.

CONSECTARIA

Duorum præcedentium Capitulum.

- I. Delectationes sensibiles homini non conveniunt, nisi sint juxta rationem.
- II. Cum homo sustentare corpus debeat, non potest ab omnibus corporis delectationibus abstinere.
- III. Necessitas humana vitæ, quæ regula temperantia est, dupliciter attenditur; simpliciter nempe, & moraliter.
- IV. Gravior peccat adversus temperantiam, qui delectatur vel comestione carnis humane, vel potu humani sanguinis: nec nisi uti licet etiam in casu necessitatis.
- V. Jejunium naturale non frangitur, nisi aliquid sumatur, quod vel nutriet, vel nutrire queat.
- VI. Interdum jejunium ob circumstantias vitiosum efficitur.
- VII. Præceptum naturale jejunii nonnunquam obli-

obligat prater tempus ab Ecclesia constitutum .

VIII. *Pescant aliquando mortaliter , qui inordinato affectu foruntur in studium veritatum , etiam ad intellectualem cognitionem pertinentium .*

IX. *A peccato immunes sepe non sunt joci , & ludi .*

X. *Ludere propter lucrum etiam moderatum non est sine aliqua culpa .*

XI. *Licet exterior apparatus vilior , quam deceat , non sit approbandus ; suppetere tamen causa possunt , cur laudabilis sit .*

XII. *Mulieris ornatus , qui de se ad luxuriam provocat , semper est letale peccatum .*

XIII. *Etiam ob sola gravia incommoda , qua sepe familia affert mulieris ornatus , grave peccatum est .*

XIV. *Mulieres sine peccato non utantur fucis , ac pigmentis ad pulchritudinem ementendam .*

XV. *Quorundam Casuistarum de hac re ratiocinanda sententia est .*

XVI. *Peccato non caret , quod vir muliebri , aut mulier virili veste utatur .*

XVII. *Caute se gerere debet Confessarius in directione mulierum , vanis ac superfluis ornamentis utentium .*

Reflexio .

CONSECTARIUM PRIMUM.

I. QUUM natura appetat , quod sibi est conveniens , delectationes secundum se hominis appetitui conveniunt . Quia vero , ut animadvertit S. Thomas q. 141. art. 1. homo in quantum hujusmodi , est rationalis , consequens est , quod delectationes sint homini convenientes , quae sunt secundum rationem . Et ab his non retrahit temperantia , sed potius ab his , quae sunt contra rationem . Ex quo colligitur , quod ut delectationibus juxta temperantiae regulam , contrarium non est inclinationi humanae na-

turae , immo conveniens : contrarium tamen est inclinationi naturae bestialis , non subjekte rationi ; quam inclinationem homo sequi non debet .

CONSECTARIUM SECUNDUM.

II. „ Quia ratione homo uti non potest (verba sunt S. Thomae hic q. 141. art. 1. ad 2.) sine sensitivis potentiis , quae indigent organo corporali , necesse est , quod homo sustentet corpus ad haec , quod ratione utatur . S sustentatio autem corporis fit per operationes delectabiles . Unde non potest esse bonum rationis in homine , si abstineat ab omnibus delectationibus . Secundum tamen quod homo in exequendo actum rationis plus , vel minus indiget corporali virtute , secundum hoc plus , vel minus necesse habet delectabilibus corporalibus uti . Et ideo homines , qui hoc officium asumpserunt , ut contemplationi vacent , & bonum spirituale , quasi quadam spiritali propagatione , in alios transmittant , a multis delectabilibus laudabiliter abstinere , a quibus illi , quibus ex officio competit operibus corporalibus , & generationi carnali vacare , laudabiliter non abstinere⁶⁶ . Seria meditatione Angelica haec doctrina digna est .

CONSECTARIUM TERTIUM.

III. Necessitas humanae vitae , quae est temperantiae regula , dupliciter attendi potest , scilicet simpliciter , & moraliter , quatenus est aliquid vitae humanae conveniens : temperantiae autem regula peditur primam , sed alteram etiam necessitatem respicit . Unde temperatus recte appetitum ea , sine quibus e. g. sanitas haberi non potest , tum illa , quae ad bonam corporis valetudinem conferunt . Alia vero , inquit S. Thomas art. 6. ad 2. quædam civitatis , quæ ad hoc non sunt necessaria , possunt dari

duplenter s. habere. Quodam enim suat impedimenta sanitatis, vel bonae habitudinis. Et his temperantia nullo modo utitur: hoc enim esset peccatum contra temperantiam. Quodam vero sunt, quae non sunt his impedimenta: & his moderate utitur pro loco, tempore, & congruentia eorum, quibus convivit. Et ideo Philosophus dicit, quod etiam temperatus appetit talia delectabilia; quae scilicet non sunt necessaria ad sanitatem, vel ad bonam habitudinem, non impedimenta his existentia.

CONSECTARIUM QUARTUM.

IV. Cum juxta D. Thomam hic art. 6. ad 3. temperantia respiciat necessitatem quantum ad convenientiam vitae, & etiam quantum ad convenientiam honestatis, ad peccatum contra temperantiam referri debet, quod quis delectetur vel comestione carnum humanarum, vel potu humani sanguinis, aut peccatis carnalibus, quae propter turpitudinem, & horrorem, quem ingerunt innominabilia dicuntur. Hinc illicitum semper est, ac mortale peccatum vesci carne humana, saltem extra gravissimam necessitatem. An vero hac necessitate urgente eisdem carnibus vesci liceat, disputant Auctores. Nihilominus probabilior mihi sententia est nunquam licere: quia semper hoc cum hominis natura pugnare videtur, & semper veluti serium quoddam, atque immane habitum est, quod aliqui ejusmodi alimento uterentur, etiam in arctissima oblatione civitatum. Unde in oblatione Samaritae, quae refertur 4. Reg. cap. 6. in qua vennebatur caput asini octoginta argenteis, & quarta pars cabi stercoreis columbarum quinquaginta argenteis, neque Eliseus, neque alius quispiam legitur consuluisse populo fame oppresso, ut humanis cadaveribus, quae praesto esse poterant, vescerentur.

CONSECTARIUM QUINTUM.

V. Jejunium naturale non frangitur, nisi aliquid sumatur, ac saltem in via sit, ut trajiciatur ad stomachum, quod vel nutritia, vel ad nutriendum idoneum sit; uti sunt quilibet cibus, potus, medicinae, & quidquid sumitur per modum cibi, vel potus, quemadmodum tradit S. Thomas in 4. diff. 8., & Adrianus pariter in 4. dicens: Jejunium naturale est carentia cibi, & potus suscepti in stomacho, vel in via ad stomachum. Unde si quis vel casu, vel data opera deglutirer glandem plumbeam, vel partem ferri, videtur non fregisse naturale jejunium.

CONSECTARIUM SEXTUM.

VI. Quamquam jejunium ex genere suo sit actus virtutis, vitiosum tamen saepe efficitur ex circumstantiis adjunctis. Hinc merito reprobavit Deus Isai. 58. Hebraeorum jejunium ea de causa, quam expressit dicens: Ecce in diebus jejunii vestri invenitur voluntas vestra; & paulo post: Ad libes, & contenti nes jejunatis, & percussitis pugno impio. Quod exponens S. Gregorius in Pastor. inquit: Voluntas ad latitium pertinet, pugna ad iram. Incausum ergo per abstinentiam corpus atteritur, si inordinatis motibus dimissa mens vitii dissipatur. Et S. August. in serm. 230. de orat. & jejun.: Jejunium verborum non amat, divitiarum superfluitatem judicat, superbiam spernit, eleemosinam commendat, praestat homini se ipsam intelligere, quod est infirmum, & fragile.

CONSECTARIUM SEPTIMUM.

VII. Quoniam ex doctrina S. Thomae jejunium in communi cadit sub praeprocepto legis naturae; siquidem ex naturali ratione teneretur quisque ad ea mensa adhibenda, quae necessaria sunt triplici fini jejunii expositio, ma-

maximeque ad cohibendas concupiscentias carnis nostræ: ex hoc colligere oportet, quod jejunio, etiam præter tempora ab Ecclesia statuta, uti debeamus eo modo, tempore, & quantitate, qua ad illum præfertim finem obtinendum necesse est. Qui carnem magis effrænem experitur, majore, aut frequentiore jejunio opus habet, ut eam comprimat. In hujusmodi autem jejunio non requiritur, ut eam formam, & modum servet, qui in jejunio Ecclesiastico præscribitur: sed formam illam, modumque jejunandi observare debet, qui carni in officio continendæ magis idoneus est, ab usque possimum cibis abstinere, qui ejusdem rebellionem fovere possunt. Hæc doctrina a Confessoribus, & Directoribus animatarum diligenter advertenda est.

CONSECTARIUM OCTAVUM.

VIII. Peccant, & nonnumquam mortaliter, qui nimio, & inordinato appetitu feruntur in studium veritatum etiam ad intellectualem cognitionem pertinentium; tum quia sæpe, quæ sui status, & officii propria sunt, omittunt, aut valde negligunt, ob curiositatis affectum, quo aliis minus utilis veritatibus pernoſcendis totum, aut fere totum tempus impendunt: tum etiam quia tanto erga studium amore quandoque afficiuntur, ut illud tamquam finem ultimum sibi præſigant, non minus ac voluptuosi delectationem, aut avari divitias: tum demum quia plurimque cognitiones, quas acquirere peroptant, non referunt in Deum summam, & perfectissimam veritatem. Hinc D. Thomas hic *quest. 67. art. 1. ad 1.* observat, *bonum quidem hominis consistere in cognitione veri; non tamen summum hominis bonum consistere in cognitione cujuslibet veri, sed in perfectissima cognitione summa veritatis: & ideo esse posse vitium in cognitione aliquorum verorum, secundum quod talis appetitus non debito modo*

ordinatur ad cognitionem summa veritatis, in qua consistit summa felicitas.

CONSECTARIUM NONUM.

IX. Tameſſi joci, & ludi moderati liciti sint, ac honesti; frequentius tamen illiciti evadunt ob carentiam circumſtantiarum, quæ ad eos honestandos necessariæ sunt. Certe qui hæc animi oblectamenta nimium frequentant, sine culpa non sunt. Nam, ut ait Tullius in lib. 1. de offic. *Non ita generati a natura sumus, ut ad ludum, & jocum facti esse videamur, sed ad severitatem potius, & ad quedam studia graviora, atque majora.* Quare a peccato non sunt immunes, qui plures horas diei in joci, ac ludis etiam circa aliorum damnum insuere solent: eo præfertim, quod hi vix indigent hoc remedio ad levamen animi serioſis studiis defatigati, ac ludo non propter finem levandi animum, sed propter ludum ipsum, ac delectationem, quam in eo percipiunt, dumtaxat utantur. Unde oportet, ut illud ejusdem Tullii ob oculos semper habeamus; nimirum: *Ludo, & joco uti quidem licet; sed sicut somno, & quietibus cæteris, tum cum gravibus, seriisque rebus satisfecerimus.*

CONSECTARIUM DECIMUM.

X. Ludere propter lucrum principaliter intentum non est sine aliquo peccato saltem veniali (non loquor modo de ludis violentis, in quibus magna pecuniarum summa forti exponitur; sed de ludis ordinariis). Finis namque ludi sola animi curis aliis defecſi recreatio est, aut solamen; non lucrum: adeoque pervertit ordinem, & ludum a suo nativo fine detorquet, qui lucrum principaliter intendit. Quælibet autem in actionibus nostris inordinatio peccatum aliquod secum affert. Quapropter tamquam falsa rejicienda est sententia Cardinalis de Lugo, aliorumque Probabilistarum, qui

qui in ludo principaliter ad lucrum ordinato nullam peccati labem agnoscunt.

CONSECTARIUM UNDECIMUM.

XI. Peccari quidem potest, saltem venialiter, per defectum contra modestiam in exteriori apparatu servandam; ut si quis ex. gr. externum vestitum per negligentiam villore, quam debeat, uteretur. Vitiosum tamen non est, ut quispiam adhibeat vel habitum, vel externum alium apparatus villorem, quam consuetudo ferat eorum, cum quibus vivit, ob aliquem finem virtuosum, dummodo & socialem vitam non perturbet, & abist ab illo jactantia omnis, aut inanis gloria, aut alia quævis intentio prava; sed pura, ac rationabili intentione moveatur, veluti ad sui humiliationem, ad corporis macerationem, ad agendam penitentiam, ad edificationem proximi. Hinc reprehensione digni non sunt, qui in Cœnobitis Religiosorum degentes vilem habitum gerant, modo talem non assumant, qui notabiliter ab habitu aliorum differat.

CONSECTARIUM DUODECIMUM.

XII. Mulieribus ornatus, si hujusmodi sit, ut de se ad luxuriam alliciat, & provocet, semper est peccatum mortale. Talia esse solet ornatus, qui meretricius dicitur, ex eo quod illo utantur meretrices ad perturbandum homines ad turpem sui amorem. Quare si ornatum similem adhibeant etiam aliæ mulieres honestæ, licet eandem pravam intentionem non habeant, nihilominus graviter peccant: quia scandali occasionem proximo præbent. Audiamus, quid de hac re senserit Magnus S. Carolus in monitis ad Confessarios si alicui sermone scriptis, quæ latine reddo: *Peccat etiam leibaliter mulier in modo se ornandi, veluti si ornatus ad lasciviam inducat aut de se, aut interpretative, siue communi hominum interpretatione; sicut etiam, quamvis de se*

non inducat, si ageat ipsa, aut cum fundamento dubitet, occasione talis se ornandi modi, hanc consueti inter alias sui status personas, aliquem ad inbonestum sui amorem inducendum iri.

CONSECTARIUM DECIMUMTERTIUM.

XIII. Immodicus mulierum ornatus non infrequenter leibale peccatum est ob gravia, quæ ex illo proficiuntur, incommoda. Hoc consecratum expono, afferendo pauca quædam ex pluribus, quæ habet de hoc argumento S. Bernardinus Senensis *serm.* 46. *art.* 2. de vano, & immoderato ornatu mulierum verba faciens: „ Nocent, „ inquit, hujusmodi mulieres pauperibus, „ devoratis, quibus illa, quæ expenduntur in pompis, & jocalibus, atque vanitatibus suis, restitui debent. Devoravit enim illos Pater suus, five Maritus per usuras, rapinas, furta, simonias, aut per quascumque concussiones. Pereunt illi fame, frigore, & nuditate: nobilissima puellæ expoliatorum clausæ, & innuptæ retinentur in domo, laceratis vestibus, vix carnes operientes, verecundæ, & timidæ vix coram aliquo comparentes. Parvuli panem petunt &c. Et tu, vanitatis insatiabilis lupa, & guinem pauperum cum cauda per terram trahis, fastosas pompas jactanter ostentas “.

Neque hic consistunt mala, quæ ex immoderatis mulierum ornamentis, & pompis non raro proveniunt. Eadem referre persequitur *art.* 3. idem S. Bernardinus dicens: „ Ex vanitatibus veniunt mala temporalia. „ Nam qui diligenter advertit, ex multitudine expensarum, quæ in vanitatibus sunt primo cessant juxta lura: secundo crescunt temporalia damna: tertio cogunt ad hæc prædicta continuanda. Primo quidem cessant juxta lura. Nam pecunia, quæ expenditur in superfluis in lu- „ men-

mentis, in monilibus, in annulis, in coronis, in lapidibus pretiosis, atque in superfluis aliis ornamentis, mortua perseverat, quæ quidem potest esse lucrosa in mercaturis, in possessionibus &c., & in aliis quibuscumque &c. : aliaque plura ibidem habet, quæ prætereo. Quæ ergo mulier, ob nimium ornamentorum appetitum, ac studium, aut horum, aut aliquorum ex his causa malorum est, a mortali peccato immunis nullatenus esse videtur.

CONSECTARIUM DECIMUMQUARTUM.

XIV. Absque peccato fucus, aut pigmentis mulieres, aut etiam viri vultum suum non adulterant, ut pulchritudinem ementiantur. Ita D. Thomas hic q. 169. art. 2. ad. 2. ubi ait : „ Mulierum fucatio est quædam species fictionis, quæ non potest esse sine peccato. Unde Augustinus dicit in epist. ad Possid. *Fucari pigmentis, quod rubicundior, vel candidior appareat, adulterina fallacia est : quæ non dubito, etiam ipsos maritos se nolle decipi, quibus solis (scilicet maritis) permittenda sunt femina ornari secundum veniam, non secundum imperium. Non semper tamen (subdit) talis fucatio est cum peccato mortali ; sed solum quando fit propter lasciviam, vel in Dei contemptum ; in quibus casibus loquitur Cyprianus (cuius locum sibi olivecerat). Sciendum tamen (ad. sic statim), quod aliud est fingere pulchritudinem non habitam, & aliud occultare rursipudinem ex aliqua causa provenientem, puta ægritudine, vel aliquo huiusmodi ; quod permittere videtur. Ceterum ad solum maiorem pulchritudinem conciliandam, etiam si alius desit pravus affectus, pingere fucus, aut coloribus vultum, semper aliquod peccatum esse juxta doctrinam S. Thomæ dicendum omnino est, ut patet quædam fuliginis speciem. — Patuzzi Theol. Mor. T. II.*

CONSECTARIUM DECIMUMQUINTUM.

XV. Hinc tamquam falsa repudianda est aliquorum Casuistarum sententia, qui fucare pigmentis vultum ad pulchritudinem ementientiam, nullum esse peccatum perpendunt, sed actionem indifferentem, non S. Thomæ secuti, sed potius P. Lessium, qui lib. 4. cap. 4. præter alia, quæ de mulierum vanis ornamentis tradit a veritate aliena, hæc habet : *Denique pingere faciem, sique varios colores induere, non est per se malum, sed indifferens : similiter per hoc intendere, pulchritudinem artificio juvare, ac exornare opus natura. Ergo nihil hic mali, nisi ratione excessus in affectu, & usu rei indifferentis.*

CONSECTARIUM DECIMUMSEXTUM.

XVI. Peccato quoque non carer, quod mulier virili, vel vir muliebri veste utatur. Ut enim docet S. Thomas hic art. 1. & art. 2. ad 3. „ Cultus exterior debet competere conditioni personæ secundum communem consuetudinem. Et ille vitiosus est, quod mulier utatur veste virili, aut e converso : & præcipue, quia hoc potest esse causa lascivie, & specia- liter prohibetur in lege . . . Potest tamen quandoque hoc fieri sine peccato, propter aliquam necessitatem, vel causam, se occultandi ab hostibus, vel propter defectum alterius vestimenti, vel propter aliquid aliud huiusmodi. Quod si absque simili causa hæc habitus mutatio fiat, sed solum ex quadam levitate animi, & absque tam scandalum quam intentio, periculumque libidinis, non excedit culpam venialem. Nec obijci potest, prohibitionem factam in lege *Deuteronomio* c. 22. iis verbis esse conceptam, ut grave peccatum indicare videatur. Prohibetur enim, *ne mulier induatur veste virili, nec vir veste feminea ;* additurque immediate : *Abominatio est* bi-

bilis enim est apud Deum, qui facit hoc; quæ plane locutio plus, quam veniale peccatum designat. Respondetur enim, præceptum illud considerari posse, ac debere & ut *positivum*, sive *ceremoniale*; quatenus ea mutatio vestium tunc temporis prohibebatur, ut Judæi averterentur a cultu Idololatriæ, in quo Gentiles tali habitus mutatione utebantur, quemadmodum loco eodem advertit S. Thomas: & quatenus est *morale*, sive *naturale*, prout ea vestis mutatio quamdam inordinationem importat. Sub priore consideratione lethale peccatum erat: Sed quia præcepta *ceremonialia* legis jam obligare desierunt; ideo nunc tota obligatio non mutandi habitum repetenda est ex sola lege morali, seu naturali, quæ non est sub gravi culpa, dum mutatur habitus ex sola levitate, aut vanitate citra scandalum periculum.

CONSECTARIUM DECIMUMSEPTIMUM.

XVII. Caute se gerere debet Confessarius in directione mulierum vanis, ac superfluis ornamentis utentium, ne imprudenter aut in nimium rigorem, aut laxitatem declinet. Si cultus, aut ornatus ejusmodi sit, ut vel ex se, vel ex circumstantiis ad libidinem provocet, licet hac intentione careant, absolutionem denegare ipsis debent, dum ab illo abstinere abnuunt. Similiter si expensæ, quas in hisce ornamentis faciunt, aut superent domus facultates, aut propter eas debita non solvant, aut ea non restituunt, quæ restituere tenentur, aut alia id genus incommoda obveniant, quæ gravis peccati materia sint, deneganda ipsis absolutio est. Quod si nullum ex his damnum interfit, sed sola vanitatis, aut levitatis culpa locum habeat in hisce, quæ adhibent, ornamentis, etiam, atque etiam hortetur, ut tales deferant vanitates, quæ minime decent, Christianas mulieres, quarum

proprius decor debet esse modestia in omnibus suis actibus, maximeque in vestitu juxta illud Apostoli, præscribentis *1. ad Timoth. cap. 2.* mulieribus, ut *ornent se cum verecundia, & sobrietate, non in tortis, crinibus, aut auro, aut margaritis, vel veste pretiosa, sed quod decet mulieres, promittentes pietatem per opera bona.* Quod si tamen eas deferere nolint, non propterea a Sacramentis arceat; sed ad frequentem Communionem non esse admitendas existimarem.

REFLEXIO.

Quamquam *temperantia* non omnium etiam moralium virtutum nobilissima sit, cæteris tamen omnibus nemo, quantum quidem arbitror, negaverit magis esse necessariam homini in hac vita mortali constituto, ac tum rationali, tum corporea natura constanti; adeoque turbidis, vehementibusque passionum motibus, quæ brutorum animalium propriæ sunt, indefinenter obnoxio. Hæc enim sola virtus est, quæ maxime cohibet appetitum sentientem ab iis rebus, in quas turpissime fertur; quæ continet, sedatque effrænes concupiscentiæ cupiditates, quibus inhiamus in ea, quæ nos avertunt a lege Dei, & a fructu bonitatis illius. Hæc sola, quæ moderatur, & comprimit illecebrosas voluptates gustus, ac tactus, cæterorumque etiam sensuum, ne a rectæ rationis norma defeiseant. Hæc demum est, quæ sensilibus omnibus delectationibus veluti certam regulam præstituit hujus vitæ necessitatem, ut scilicet eis dumtaxat utamur, quantum necessitas vitæ requirit. Unde S. Augustinus *lib. de Morib. Eccles. c. 21.* illud præclare scripsit: *Habet vir temperans in bujusmodi rebus mortalibus, & fluentibus vitæ regulam utroque Testamento firmatam, ut eorum nihil diligit, nihil per se appetendum putet, sed ad vitæ hujus, atque officiorum*

necessitatem, quantum sat est, usurpet utentis modestia, non amantis offensum.

At enim vero equis est inter homines etiam Christianos, ac etiam virtutis, & honestatis desiderio flagrantis, qui regulam hanc, quam temperantia præscribit, exacte accurateque custodiat? Quis est, qui a lenociniis, atque blanditiis voluptatis, quem, ut Tullius ait, *in omni sensu implicata insidet*, se se satis tucatur? Qui ab ejus insidiis se omnino seduci non sinat, & laqueos effugiat, quos illa sub specioso necessitatis velamine perpetuo tendit? Hoc erat, quod magnopere angebat eundem S. Augustinum, quemadmodum in suis Confessionum libris Deum alloquens querebatur; ac proderit hic sensus ejus asserere, ut inde discamus, quanta nos cura, ac sollicitudine a voluptate capitali temperantiam hoste, & callidissimis ejus insidiis, atque fraudibus cavere debemus, ne nos a divinæ legis, ac rectæ rationis inviolabili regula abducatur.

Sic itaque agebat ille lib. 10. *Confess. cap. 31.* de voluptate in edendo, & bibendo primum loquens: „Hoc me docuisti, Domine, ut quemadmodum medicamentum, sic alimenta sumpturus accederem. Sed dum ad quietem satietatis ex insidientis molestia transeo, in ipso transitu mihi insidiatur laqueus concupiscentiæ. Ipse enim transitus voluptas est: & non est alia, qua transeat, quam quo transire cogit necessitas. Er cum salus sit causa edendi, & bibendi, adjungit se tamquam pedissequa periculosa juvenilitas: & plerumque præire conatur, ut ejus causa fiat, quod salus causa me facite vel dico, vel volo; nec item modus utriusque est. Nam quod saluti satis est, delectationi parum est. Et sæpe incertum sit, utrum necessitaria corporalis cura subsidium petat, an voluptaria cupiditatis fallacia ministerium suppetat. Ad hoc incertum, hilarescit

F f 2

„infelix anima, & in eo præparat excursionia patrociniis, gaudens non apparere, quid scia sit moderationi valetudinis, ut obtentu salutis obumbrat negotium voluptatis. His tentationibus quotidie conor resistere, & invoco dexteram tuam ad salutem meam; & ad te refero miles meus: quia consilium mihi de hac re nondum stat. Audio vocem jubentis Dei mei: *Non graventur corda vestra in crapula, & ebrietate.* Ebrietas longe est a me: misereberis, ne appropinquet mihi. Crapula autem nonnunquam suscepit servo tuo: misereberis, ut longe fiat a me. Nemo enim potest esse continens, nisi tu des.”

Audivi etiam vocem tuam: *Post concupiscentias tuas non eas, & a voluptate tua avertere.* Audivi & illam ex munere tuo, quam multum amavi: *Neque si manducaverimus, abundabimus; neque si non manducaverimus, deerit nobis.* Hoc est dicere: nec illa res me copiosum faciet, nec illa ærumnosum. Audivi & alteram: *Ego enim didici, in quibus sum sufficiens esse, & abundare novi, & penuriam pati novi. Omnia possum in eo, qui me confortat.* Ecce milles castrorum cælestium, non pulvis, quod nos sumus &c. Nec ille in se potuit, quia idem pulvis fuit: quem tamen dicentem affuit tuæ inspirationis adamavi. *Omnia possum* (inquit) in eo, qui me confortat. Conforta me, ut omnia possum &c. Audivi alium rogantem, ut accipiat: *Aufer a me, inquit concupiscentias ventris.* Unde apparet, sancte Deus meus, te dare &c. Itaque freni gutturis temperata relaxatione, & contritione tenendi sunt. Et quis est, Domine, qui non rapiatur aliquantulum extra metas necessitatis? Quisquis est, magnus est: magnificet nomen tuum. Ego autem non sum, quia peccator homo sum.”

Quam

Quam multi ex iis etiam Christianis, qui (non sicut plures, qui ita ventri serviunt, ut Deus eorum venter sit) pietatem colunt, & mortificationi student, eadem cum veritate fateri possunt, quæ S. Augustinus fortassis ex humilitate confessus est. Ego certe ingenue fateor, me sæpe sub prætextu necessitatis a voluptate incedendo, ac bibendo abreptum fuisse, & eos limites prætergressum esse, quos temperantiæ regula præscribit: idemque mecum plures alii candide fatebuntur. At pergamus, & quedam etiam de voluptate, quæ se immiscet in auditu, atque visu (ut de tactu nunc omittam), & nos ultra regulam pertrahit, cum eodem Augustino observemus. „ Voluptates aurium (ira cap. 33. subinde scribit) tenacius me implicaverant, & subjugaverant; sed resolvisti, & liberaisti me. Nunc in sonis, quos animant eloquia tua, cum suavi, & artificiosa voce cantantur, fateor, aliquantulum acquiesco, non quidem ut hæream, sed ut surgam, cum volo &c. Sed delectatio cordis mei, cui mentem enervandam non oportet dari, sæpe me fallit, dum rationem sensus non ita committatur, ut patienter sit posterior, sed tantum quia propter illam meruit, admittitur. Ita in his pecco non sentiens, sed postea sentio &c. . . . Restat (cap. 34.) voluptas oculorum nostrorum carnis meæ &c., ut concludamus tentationes concupiscentiæ carnis, quæ me adhuc pulsant ingemiscentem, & habitaculum meum, quod de cælo est, superinducupientem. Pulchras formas, & varias,

nitidos, & amœuos colores amant oculi. Non teneant hæc animam meam: teneant eam Deus, qui hæc fecit, bona quidem valde; sed ipse est bonum meum, non hæc. Et tangunt me vigilansem totis diebus: nec requies ab eis datur mihi, sicut datur a vocibus canoris aliquando . . . Resistit seductionibus oculorum, ne implicentur pedes mei, quibus ingredior viam tuam: & erigo ad te invisibiles oculos, ut tu evellas de laqueo pedes meos “. Hæcenus Augustinus præter alia plura, quæ ibidem interfert.

Ex his Sancti viri confessionibus colligamus oportet, pugnandum nobis continuo esse adversus voluptatem, quæ sese inserit in actionibus sensuum nostrorum; nosque seducere nititur, ne regulam temperantiæ sequamur: adeo ut ipsorum objectis utamur pro relevanda necessitate huius vitæ, non hisdem fruamus; sive voluptatem, quam in iisdem experimur, non queramus propter ipsam voluptatem, quam percipimus, sed propter honestatem, sive propter operationes honestas, atque homine, maximeque Christiano dignas, cujus vita Magistro suo conformis esse debet: illudque animo identidem revolvamus, quod, sicut de omni verbo otioso reddenda nobis ratio Deo est, ita & de omni voluptate, non secundum rectæ rationis regulam quesita, aut percepta: & quo magis in hac vita sensuum voluptatibus fruemur, eo graviora nobis subeunda supplicia manent in altera, juxta illud Apocalypicos: *Quantum glorificavit se, & in deliciis fuit, tantum date illi tormentum, & luctum*.

DISSERTATIO III.

DE PECCATIS IN GENERE.



QUAMADMODUM virtutibus vitia, ita virtutum adibus opponantur peccata, quae a regula deficiunt, quam servant virtutes. Propterea, cum de virtutibus, vitiisque oppositis, quantum quidem methodus patiebatur, quam nobis proposuimus, sermonem habuerimus, statim de peccatis agendum esse mihi visum est, in genere primum consideratis, ac postmodum in specie, prout scilicet ea complectitur peccata, quae capitalia appellari solent. Hanc autem Dissertationem in plura Capita de more tribuimus, primumque, quae universalia sunt in hac materia, explicabimus.

CAPUT I.

De Peccati definitione, ac divisione.

DOCTRINA.

- I. Peccati definitio a SS. Augustino, & Thoma tradita explicatur, ac illustratur.
- II. Potius per oppositionem ad legem aeternam, quam ad humanam rationem definitur peccatum delictum.
- III. Peccatum Deum offendit, eique injuriam irrogat: Ex quo potissimum capite hac Dei offensa proveniat.
- IV. Alia plura capita, ex quibus offensa Deo per peccatum illata adaugetur.
- V. Plures peccatorum divisiones describuntur.
- VI. Quaedam in divisionem peccati ex fragilitate, & malitia animadversiones. Peccatum ex fragilitate, sive infirmitate idem est, ac ex passione.
- VII. In quo consistat peccare ex malitia. Doctrina S. Thomae de ejusmodi peccato.
- VIII. Quicumque ex habitu peccat, peccat ex certa malitia. Alius S. Thomae textus propositus, & explicatus.
- IX. De praecipuis peccati effectibus. Primus peccati effectus macula est, quam in anima peccatis relinquit.
- X. Quid sit, aut in qua hac macula consi-

stat, exponitur.

- XI. Effectus alter est reatus poenae, quam quisque peccando promeretur.
- XII. Poena peccato mortali debita aeterna est. Prima hujusmodi Catholicae veritatis probatio a S. Thoma proposita.
- XIII. Altera probatio ejusdem, quae aequitas aeternae poenae demonstratur.
- XIV. Illustratur hujus probationis efficacia.
- XV. Eadem ratio alio modo proponitur.
- XVI. Tertia S. Thomae ratio ad eandem veritatem comprobendam.

§. I.

Definitio Peccati.

- I.** PLURES traduntur ab Ecclesiae Patribus, & a S. Thoma peccati definitiones juxta varias respectus, sub quibus illud spectari potest. Caeteris omisiss, eam assero, quam ex D. Augustino desumpsi, probavitque Angelicus Doctor 1. 2. q. 71. art. 6. nimirum

Peccatum est dictum, vel factum, vel concupitum contra legem aeternam.

Optimam esse hanc peccati definitionem, ex eo facile constat, quod & peccata omnia complectitur, & peccati naturam

ram manifestat. Atque in primis hæc definitio complectitur nedum omne peccatum mortale *oris, cordis, & operis*, cum dicitur *dictum, factum, vel concupitum*; verum etiam quodcumque veniale peccatum. Quamquam enim peccatum istud non sit contra finem legis, eo quod non destruat charitatem, nec dissolvat amicitiam cum Deo, quæ finis legis est; quo sensu plerumque affirmat S. Thomas, veniale peccatum *non esse contra, sed præter legem*: vere tamen est contra inhibitionem legis, adeoque vere contra legem. Siquidem lex ex. gr. non furandi non tantum furtum vetat unius, aut plurium aureorum, sed etiam unius, aut paucorum assium: & similiter lex non mendiandi non solum prohibet ineniacium perniciosum, ac grave, verum etiam iocosum, & leve &c. Nihilominus, cum peccatum absolute nominamus, intelligi debet de peccato lethali, quod autonomastice dicitur *peccatum*.

Facillime quoque definitio eadem aptatur peccato omissionis. *Affirmatio* quippe, & *negatio*, inquit S. Thomas ad 1. *reducuntur ad idem genus*: adeoque ad factum contra legem reducitur, *non factum; non dictum, & non concupitum* ad dictum, & concupitum contra legem eamdem.

Denique eadem definitio ea etiam peccata comprehendit, quæ committuntur contra leges humanas sive ecclesiasticas, sive civiles: quæcumque enim sunt contra leges humanas, sunt etiam saltem mediate contra legem æternam, ex qua humanæ leges obligandi vim obtinent, & per quam etiam præscribitur obediendum esse superioribus legitime præcipientibus.

Sed & optime quoque allata definitio naturam, sive essentiam peccati generationis sumpti declarat. Nam, ut docet S. Thomas. „Peccatum nihil aliud est, quam „*actus humanus malus*. Quod autem ali- „quis actus sit humanus, habet ex hoc,

„quod est voluntarius; sive sit voluntarius, quasi a voluntate *elicitus*, ut ipsum velle, vel *eligere*: sive quasi a voluntate *imperatus*, ut exteriores actus, vel locutionis, vel operationis. Habet autem actus humanus, quod sit malus ex eo, quod caret debita commensuratione. Omnis autem commensuratio cuiuscumque rei attenditur per comparisonem ad aliquam regulam, a qua si divertat, incommensurata erit. Regula autem voluntatis humanæ est duplex; una propinqua, & homogenea, scilicet ipsa *humana ratio*: alia vero est, prima regula; scilicet *lex æterna*, quæ est quasi *ratio Dei*“.

Qua ex doctrina subinde concluditur, & undequaque perfectam offendit positam ab Augustino peccati definitionem, inquit: *Et ideo Augustinus in definitione peccati posuit duo; unum, quod pertinet ad substantiam actus humani, quod est quasi materiale in peccatum, cum dixit: dictum, vel factum, vel concupitum: aliud autem, quod pertinet ad rationem mali, quod est quasi formale in peccato, cum dixit: contra legem æternam*.

II. At vero, opponat aliquis, cum peccatum, ut ex posita S. Thomæ doctrina liquet, sit etiam contra regulam humanæ rationis, quæ propinquis est lege æterna; quare non potius ex oppositione ad humanam rationem formalis peccati ratio desumitur?

Apposita ad hanc objectionem S. Thomæ responsio est ad 5. dicentis: „Quod „a Theologis consideratur peccatum præcipue, secundum quod est offensa contra Deum; a Philosopho autem moralis, secundum quod contrariatur rationi. Et „ideo Augustinus convenientius definit „peccatum ex hoc, quod est *contra legem æternam*, quam ex hoc, quod est *contra rationem*; præcipua cum per legem æternam

„nam

nam regemur in multis, quæ ex-
citant rationem humanam, sicut in iis,
quæ sunt fidei⁴⁴. Ubi illud advertere
proclive est, duos illos respectus ad legem
æternam, & ad rationem humanam, haud
inviem in peccato posse sejungi reipsa,
ut sejungunt peccati philosophici defensores,
de quo postea; sed solummodo per intelle-
ctum nostrum unum, non alterum respec-
tum confidentem.

§. II.

Peccatum Deum offendit.

III. Hæc peccati contrarietas ad legem
æternam Dei eidem omnino essentialis pa-
lam quidem facit turpitudinem ejus: sed
hæc amplius elucet, si alium observemus
peccati characterem ex illo manantem,
quod scilicet Deum offendit, ipsique in-
juriam irrogat; non equidem *essentive*,
quod nempe ipsi Deo in se noceat: hoc
enim est impossibile; sed *affective*, sive in
affectu peccantis. Unde in Sacris Litteris
peccata sæpe vocantur *offensiones*, *injurie*,
injustitiæ: idque satis aperte fluit ex ipsa
tradita peccati definitione. Si namque
peccatum essentialiter, & ex propria sua
natura est contra legem æternam, plane
est contra ipsum Deum Legislatorem, &
contra ejus voluntatem; cum in omni lege
contineatur voluntas illam ferentis. Porro
si peccatum est contra Deum Legislatorem,
ejusque voluntatem, non potest non esse
injuria, & *offensa* ipsius: siquidem negare
Superiori præcipienti debitam subjectionem,
& obedientiam, est ipsum pravi
pendere, adeoque offendere, & injuriam
irrogare.

IV. Augetur *offensæ* ratio, quæ in pec-
cato est, ex aliis capitibus. Peccator nam-
que nedum offendit Deum, ut Legislato-
rem, sed etiam ut justum Judicem, nihil
pertimescendo pœnas, & supplicia, quæ

legis suæ transgressoribus comminatur. Of-
fendit ut testem, non reverendo præsen-
tiam, ac majestatem ejus, in cujus oculis
peccat. Offendit ut summæ bonum, cui
necesse est, ut malum omne culpæ displi-
ceat, & cui magna infertur injuria, dum
ipsi bonum creatum præponitur. Offendit
etiam Deum ut ultimum omnium finem;
quoniam per peccatum a Deo avertitur
vero ultimo fine rerum omnium maximeque
creaturæ rationalis, & convertitur ad com-
mutabile bonum, quod finis rationem ha-
bere nequit. Quæ duo postrema capita as-
signat etiam Angelicus Doctor q. 28. de
Verit. art. 2. his verbis: *Quicumque rem
aliquam digniorem indigniori postponit, inju-
riam ei facit, & tanto amplius, quanto res
est dignior. Quicumque autem in re temporali
finem sibi constituit; quod facit omnis morte-
liter peccans; ex hoc ipso, quantum ad esse-
ntiam suam, præponit creaturam Creatori,
diligens plus creaturam, quam Creatorem.
Igitur &c.* Præterea etiam offendit pecca-
tor Deum ut supremum, & universalem
Dominum creaturæ præsertim intellectu-
alis, cui jure servitutis debita est omnis
actio ejusdem. Demum offendit Deum ut
benefactorem, & amicum, cui nefas est
post innumera ab eo recepta beneficia in-
gratum se exhibere, atque inimicum. Hæ
autem omnes, quæ in peccato sunt, offen-
sæ divinæ rationes virtualiter continentur
in his duabus, quibus consideratur Deus
ut Legislator, & ut ultimus finis, ut Theo-
logi observant.

§. III.

Peccati divisio.

V. Multæ afferri possunt, ac solent pec-
cati divisiones, quas cursim innuimus po-
rius, quam explicabimus. Nam de iis,
quæ scitu necessariæ magis sunt, fufius in-
fra nobis agendum erit. Itaque prima pec-
ca-

cari diviso est in peccatum *originale*, & *personale*. Originale dicitur, duod ex culpa primi nostri parentis Adam in nos derivatur. Personale est, quod propria peccantis voluntate committitur. Hoc duplex est, nempe *actus*; & actus scilicet inordinatus, & regulis morum dissentaneus: & *habitus*; & macula nempe ex peccato actuali in anima relicta, postquam pia voluntas tam actu, quam virtute desit.

Secunda divisio est in peccatum *mortale*, & *veniale*. Mortale vocatur ex eo, quod animæ mortem inferat, hoc est privationem gratiæ sanctificantis, quæ animæ vita est, quemadmodum anima est vita corporis. Veniale vero appellatur ex eo, quod *vanam* facile meretur, nec animæ mortem infert, nec divinam amicitiam dissolvit.

Tertio dividitur in peccatum *commissiois*, quod in transgressione præcepti negativi consistit, illud agendo, quod prohibetur; & in peccatum *omissionis*, quo transgredimur præceptum affirmativum, ea non agendo, quæ fieri præcipiuntur, juxta illud S. Augustini lib. de perfect. Justit. cap. 3. *Quobus modis constat omne peccatum; si aut fiant illa, quæ prohibentur, aut illa non fiant, quæ jubentur.*

Quarta divisio sumitur ex ipsa definitione peccati, traditurque expresse a S. Hieronymo cap. 18. in Ez. 6. videlicet in peccatum *cordis*, *oris*, & *operis*. Cum enim peccatum sit *distum*, *factum*, vel *concupitum* contra legem eternam; concupitum contra legem ex peccatum *cordis*; distum eorum causam est peccatum *oris*; ac demum factum in eisdem repugnant ex peccatum *operis*.

Dividitur quinto in peccatum *in Deum*, *in proximum*, & *in seipsum*. Equidem peccata omnia sunt contra Deum: nam omnia Deum offendunt; & etiam contra peccantem, quatenus ipsi detrimentum inferunt. Nihilominus aliqua sunt, quæ adversantur virtuti regulanti hominem in ordi-

ne ad Deum, & ad ea, quæ Deum immediate respiciunt; ejusmodi sunt, quæ Deo detrahunt debitum amorem, honorem, aut reverentiam, ut odium Dei, sacrilegium, infidelitas &c. Alia, quæ sunt contraria virtuti regulanti hominem in ordine ad seipsum; sive regulanti passiones hominis juxta rationem, quales sunt luxuria, gula, avaritia &c. Denique sunt alia, quæ contrariantur virtuti regulanti hominem in ordine ad proximum; ut ea, quæ lædunt jus proximi, vel humanam societatem.

Sexto dividitur peccatum in *proprium*, & *alienum*. Proprium dicitur, quod peccans ipse committit; alienum vero, quod committunt alii nostro consilio, jussu, exemplo, patrocinio, adulatione, dissimulatione, vitioso silentio, omissione correctionis, aliisque modis.

Est & alia peccati divisio a S. Gregorio Magno tradita lib. 18. Moral. in peccatum *carnale*, & *spirituale*. Peccata *carnealia* sumuntur in Scriptura nonnumquam latiore significatione; nempe vel pro peccatis omnibus, quæ ex sensu procedunt, sicut Apostolus ad Galat. 3. inter opera carnis reponit iras, rixas, dissensiones &c. vel pro quibuscumque peccatis, quæ versantur circa exteriorem, & corpoream materiam; unde idem Apostolus ad Ephes. 5. inter carnealia peccata recenset avaritiam. Preterea tamen peccata *carnealia* dicuntur, quæ carnalem delectationem pro objecto habent, & in carne consummantur, ut sunt gula, & luxuria. Peccata *spiritualia* in delectatione spirituali, sive in animo complentur, ut superbia, & inanis gloria.

Postrema tandem peccati divisio est in peccatum *ex ignorantia*, & *ex infirmitate*, & *ex malitia*. Peccata *ex ignorantia* sunt, quæ ex culpabili cognitionis, & adverentiam defectu proveniunt: de quibus susce alibi disseruimus. Peccata *ex infirmitate* appellantur, quæ committuntur ex gravi aliqua

qua tentatione insurgente, aut ex commotione antecedente sentientis appetitus voluntatem ad consensum trahentis. Peccata ex malitia vocantur, quæ voluntas nulla antecedentis passionis impulsu, sed se ipsa deliberate movente committit.

§. IV.

Animadversiones quædam in divisionem peccatorum ex fragilitate, sive infirmitate, & ex malitia.

VI. Quoniam de cæteris peccatorum divisionibus vel dictum alibi satis est, vel postmodum dicendum erit; juvat hic paulo attentius immorari in explicanda, & tradenda legitima notione peccatorum, quæ ex fragilitate, aut infirmitate, & ex malitia perpetrantur, de quibus infra sermo non redibit. De utroque peccato differit S. Thomas p. 2. ac de peccato quidem ex fragilitate commisso q. 77. præsertim art. 3. ubi querit, utrum peccatum, quod est ex passione, debeat dici (sive convenienter dicatur) ex infirmitate. Cui questionis affirmative respondet, & resolutionem suam ita exponit, utæ probat.

„Causa (inquit) peccati propria est ex parte animæ, in qua principaliter est peccatum. Potest autem dici infirmitas in anima ad similitudinem infirmitatis corporis. Dicitur autem corpus hominis esse infirmum, quando debilitatur vel impeditur in executione propriæ operationis propter aliquam inordinationem partium corporis; ita scilicet, quod humores, & membra hominis non subdantur virtuti regitivæ, & motivæ corporis: unde & membrum dicitur esse infirmum, quanto non potest perficere operationem membri sani; sicut oculus, quando non potest clare videre. . . . Sicut autem partes corporis dicuntur esse inordinatæ, quanto non sequuntur

Paruzai Tuzol. Mir. T. II.

„ordinem naturæ: ita & partes animæ dicuntur esse inordinatæ, quando non subduntur ordini rationis. Sic ergo quando extra ordinem rationis vis concupiscibilis, aut irascibilis aliqua passione afficitur, & per hoc aliquod impedimentum præstatur modo prædicto debitæ actioni hominis, dicitur peccatum esse ex infirmitate. Unde & Philosophus in 7. Eth. comparat incontinentem paralytico, cujus partes moventur in contrarium eius, quod ipse disponit.“

Ex quibus perspicuum est, convenienter dici tunc hominem agere ex infirmitate, quoties agit ex aliqua passione inordinata; atque ideo & illud peccatum existimandum est ex infirmitate procedere, cujus principium, aut causa est infirmitas, seu passio inordinata, quæ vel mentem abstrahit a consideratione ejus, quod ratio recta præscribit, vel apprehensionem, & imaginationem desigit in objecto rationi dissensaneo: cujusmodi sunt peccata, quæ vel ex metu, vel ex ira, vel ex concupiscentia, ceterisque passionibus committuntur. Quod si contingat, ut contingere sæpe solet, quod aliquis excitet in semetipso passionem, ut vehementius, ac libentius peccet, peccatum illud non ex infirmitate erit, sed potius ex malitia; quemadmodum animadvertebat Mem S. Doctor quæst. de malo art. 12. ad 5. his verbis: Cum dicitur aliquis peccare ex aliquo, datur intelligi, quod illud sit primum principium peccati. In eo autem, qui peccat ex infirmitate, voluntas mali non est primum principium peccati, sed causatur ex passione: sed in eo, qui peccat ex malitia, voluntas mali est primum principium peccati; quia ex se ipso, & per habitum proprium inclinatur in voluntatem mali, non ex aliquo exteriori principio.

VII. Hæc doctrina satis insinuat, quodnam sit peccatum ex malitia. At magis peccatum hocce perspicuum fiet, si ex Gg

consideremus, quæ S. Præceptor docet p. 2. q. 78. ubi primum tradit, tela esse principia humanorum actuum, scilicet intellectum, appetitum sensitivum, & appetitum rationalem, qui dicitur *voluntas*; adeoque peccatum omne contingere vel ex defectu intellectus, qui est ignorantia; vel ex defectu appetitus sensitivi, qui est passio immoderata; vel ex defectu voluntatis, qui est ejusdem inordinatio in hoc posita, quod minus bonum magis amer, quam bonum majus; quodque propterea scienter eligat pati detrimentum in majori bono, ut bono minori potiat. Porro detrimentum pati majoris boni malum est, cum malum nihil aliud sit, quam privatio alicujus boni. Igitur qui scienter eligunt istud detrimentum pati, scienter eligunt malum; qui autem scienter eligunt malum, neque ex ignorantia, neque ex passione peccant; adeoque peccant ex malitia. Unde, concludit, dicitur ex certa malitia, vel industria peccare.

Hanc profundam rationem amplius explicat, distinguens in responsione ad primum triplicem ignorantiam, qua quis peccare potest: Ignorantia, inquit, quandoque quidem excludit scientiam, qua aliquis simpliciter scit, hoc esse malum, quod agitur: & tunc dicitur ex ignorantia peccare. Quandoque autem excludit scientiam, qua homo scit, hoc nunc esse malum, sicut cum ex passione peccatur. Quandoque autem excludit scientiam, qua homo scit, hoc malum non sustinendum esse propter consecutionem illius boni; scit tamen simpliciter, hoc esse malum: & sic dicitur ignorare, qui ex certa malitia peccat.

Quare licet, qui ex malitia peccat, non peccet ex ignorantia (sicut neque ex passione tamquam causa, aut principio); ipse nihilominus semper aliqua ignorantia laborat, ea videlicet, quæ dicitur ignorantia electionis: quoniam tamen malum esse sciat id, quod committit; nunc tamen

actu, & in particulari ignorat, hoc malum non esse sustinendum ad alicujus boni temporalis consecutionem, ut ait S. Thomas. Atque hoc sensu verum est vulgatum illud: Omnis peccans est ignorans; sicut & quod legitur Proverb. 14. Errant, qui operantur malum.

VIII. Hinc verò colligit art. 2. S. Doctor, quod quicumque peccat ex habitu, peccat ex certa malitia. Qua in re prætereunda non est doctrina, quam assertit, ut hanc suam assertionem illustret. Notat itaque in primis, idem non esse, peccare habentem habitum, & peccare ex habitu. Ut enim habitum non est necessarium, sed subjacet voluntati habentis. . . . Et ideo sicut potest contingere, quod aliquis habens habitum vitiosum prorumpat in actum vitiosum, eo quod ratio non totaliter corrumpitur per malum habitum, sed aliquid ejus integrum manet; ex quo provenit, quod peccator aliquid operetur de genere bonorum: ita etiam potest contingere, quod aliquis habens habitum vitiosum, interdum non ex habitu operetur, sed ex passione insurgente, vel etiam ex ignorantia.

Sed quodcumque videtur habitu vitioso, necesse est, quod ex certa malitia peccet: quia unicuique habenti habitum est per se diligibile id, quod est ei convenientius secundum proprium habitum; quia sic fit ei quodammodo connaturale, secundum quod consuetudo, & habitus vertitur in naturam. Hoc autem, quod est alicui convenientius secundum habitum vitiosum, est id, quod excludit bonum spirituale; ex quo sequitur, quod homo eligat malum spirituale, ut adificetur bonum (creatur temporale), quod est secundum habitum convenientius. Et hoc est ex certa malitia peccare.

Itaque juxta S. Doctorem peccare ex habitu, est peccare ex certa malitia: quia qui-

quicumque ex habitu peccat, peccat ex voluntate per consuetudinem: obfirmata, & veluti naturaliter inclinata ad malum; cum habitus malus sit confirmata, & veluti naturalis conversio voluntatis ad malum: in quo distinguitur a peccato ex passione commissio. Neque enim qui ex passione antecedente peccat, voluntas ipsius est in malo obfirmata, sicut qui peccat ex habitu vitioso. Nec quidpiam obstat similitudo actuum, qui procedunt ex passione, & ex habitu. Nam *quamvis*, ut observat S. Thomas in resp. ad 2. *actus similes sicut secundum speciem, differunt tamen inter se, sicut perfectum ab imperfecto*: quatenus actus mali ex passione procedentes non ita plane voluntarii sunt, sicut illi, qui procedunt ex habitu.

§. V.

Peccati effectus; macula nempe & peccati reatus.

IX. Plures peccati effectus asseri possent, qui ex hac infecta radice fel, & amaritudinem germinante profluunt. Duo tamen præcipui sunt: *macula* videlicet, & *reatus peccati*, de quibus breviter aliqua dicemus.

Quoad primum attinet, extra dubium omne esse debet, ex peccato commissio quidpiam habituale remanere in anima peccantis, quod *macula* vocari solet; ob quod ipsa anima dicitur *maculata*, *atominabilis*, *immunda*, *Deoque invisa*. Ita liquidem passim vel indicant, vel supponunt sacre pagine, dum de peccatoribus mentionem faciunt. Sic Ihesus cap. 22. legitur: *An parum vobis est, quod peccastis in Belphegor? & usque in præsentem diem macula vestrius sceleris in vobis permanet*. Sic Ierem. cap. 2. de Iherusalem dicitur: *Maculata es in iniquitate cor tuum me*. Et Ezechiel. c. 36. promittitur: *Effundam super vos aquam munda-*

dam, & mundabimini ab omnibus inquinamentis vestris. Quibus, aliisque, quæ prætereo, testimoniis clarissime habetur, ex peccato relinqui in anima *maculam* quandam, eamque in ipsa permanere, quousque per penitentiam detegatur.

Porro peccatum dicitur, ut observat Doctor Angelicus hic q. 86. art. 1. causare *maculam* in anima, ad similitudinem maculæ, quæ causantur in corporibus nitiidæ ex contactu alterius corporis, Quemadmodum enim velles, aut facies splendida admixtione, vel contactu lutu fordescit, primævumque splendorem sive nitorem amittit: sic anima, dum rebus creatis adhæret per amorem, atque miscetur, nitorem illum deperdit, quem a divinæ sapientiæ, & gratiæ lumine resurgente mutabatur. Unaquæque namque res, sicut unione ad nobiliora perficitur, ac nobilitatur; ita commixtione cum inferioribus deturpatur, atque vilescit: non enim dicimus, argentum impurum esse ex permixtione auri, qua potius pretiosior efficitur; sed ex permixtione plumbi, vel ferri, qua inficitur, ac vitiat. Unde S. Thomas opusc. 62. ait, *Animam mediam inter Deum, & creaturas conversione ad Deum illuminari, meliorari, & perfici; & conversione ad creaturas obtenebrari, deteriorari, & corrumpi*.

X. Ex quibus hæc esse potest definitio *maculæ*, de qua loquimur; nempe *macula est privatio nitoris spiritualis, ex verum terrenarum amore, & adhesionem proveniens: sicut macula corporis est detrimentum nitoris corporis ex alieni corporis contactu procedens*. Habet autem, subdit S. Thomas, hic *quæst. 86. art. 1. anima hominis duplicem nitorem: unum quidem ex refugentia luminis naturalis rationis, per quam ditigitur in suis actibus; alium vero ex refugentia divini luminis, scilicet sapientiæ, & gratiæ, per quam etiam homo perficitur ad bene, & de-*
G g 2

„ *caus*

„center agendum“. Hujus utriusque nitoris privatio est macula peccati manens in anima, etiam postquam actus peccati transierit, donec pœnitentiæ virtute deleatur. Non est ergo *macula aliquid positive in anima*, inquit ad 3. *nec significat privationem quandam nitoris animæ in ordine ad suam causam, quæ est peccatum*. Ex quo inferri, diversa peccata diversas maculas inducere ad similitudinem umbræ, quæ est privatio luminis ex objecto alicujus corporis, & secundum diversitatem corporum objectorum diversæ sunt umbræ. Unde etiam fir, æquales non esse omnium peccatorum maculas: quia privationes illæ nitoris spiritalis connotant inæqualia peccata, quæ majus, minusve obstaculum ingerunt divino lumini.

XI. Alter peccati effectus est *reatus pœnæ*, sive obligatio ad subeundam pœnam, quam sibi quisque peccando promeruit. Ut intelligas, in quo ejusmodi reatus proprie consistat, animadvertas oportet, plura ad ipsum concurrere. Primum est actuale peccatum, quo quis pœnam sibi debitam fecit. Secundo actuali peccato commisso, remanet peccatum habituale, sive *macula*, qua quis habitualiter constituitur peccator. Tertio in ipso peccato offensa, sive injuria est, quam homo peccando Deo irrogat. Quarto demum lex divina est, quæ non solum prohibet peccatum, sed etiam homini peccanti pœnam decernit. Igitur *reatus pœnæ* proprie consistit in obligatione, sive condignitate ad subeundam pœnam. Hæc siquidem condignitas ad pœnam illud est, quod per se primo intelligitur in reatu. Antequam enim quispiam delinatur ad pœnam, supponitur esse pœna dignus; sicut antequam aliquis delinatur ad præmium, supponitur esse dignus præmio. Hæc tamen condignitas ad pœnam non habetur, nisi ex peccato, aut macula tamquam primaria sui radice; nec completur

in ratione reatus, nisi per passivam ordinationem ad pœnam a Deo supremo Judice factam. Unde damnari ad gehennam perpetuo quidem peccant blasphemis, quæ in Deum evomunt; neque tamen novæ pœnæ reatum contrahunt, non aliam ob causam, nisi defectu divinæ ordinationis ad novam pœnam eos destinantis.

Perpulchra est D. Thomæ ratio, quæ art. 1. quest. 87. probat, peccantem obnoxium pœnæ fieri; nec sanè prætermittenda: „Ex rebus naturalibus, inquit, ad res humanas derivatur, ut id, quod contra aliquid insurgit, ab eo detrimentum patiat. Videmus enim in rebus naturalibus, quod unum contrarium vehementius agit, altero contrario superveniente... Unde in hominibus hoc ex naturali inclinatione invenitur, ut unusquisque deprimatur cum, quo contra ipsum insurgit. Manifestum est autem, quod quæcumque continentur sub aliquo ordine, sunt quodammodo unum in ordine ad principium ordinis. Unde quicquid contra ordinem aliquem insurgit, consequens est, ut ab eo ordinetur, & Principe ordinis deprimatur“.

Cum autem peccatum sit actus inordinatus, manifestum est, quod quicumque peccat, contra aliquem ordinem agit: & ideo ab ipso ordine consequens est, quod deprimatur. Quæ quidem depressio pœna est. Unde secundum tres ordines, quibus subditur humana voluntas, triplici pœna potest homo puniri. Primo enim subditur ordini propriæ rationis: Secundo ordini exterioris hominis gubernantis vel spiritualiter, vel temporaliter, politice, seu œconômice: Tertio subditur universali ordini divini regiminis. Quilibet autem horum ordinum per peccatum pervertitur; dum ille, qui peccat, agit & contra rationem,

q. nem.

mem, & contra legem humanam, &
 contra legem divinam. Unde triplicem
 penam incurrit: unam quidem a se
 ipso, quæ est conscientie stimulus;
 aliam ab homine; tertiam a Deo. Hæc
 ille. De secundo, sicut etiam
 de primo genere pœnæ hic non agimus;
 sed de reatu pœnæ a Deo infligendæ.

§. VI.

De æterna pœna peccato mortali debitæ.

XII. Itaque quicunque peccat, dum se
 ab ordine legis divinæ subducit per cul-
 pam, in ordinem Divinæ Justitiæ revoca-
 tur per pœnam. Hæc autem pœna, nisi
 in hac vita expietur per poenitentiam, lu-
 enda superest in alia, & quidem per totam
 æternitatem, si quispiam in peccato de-
 cesserit. De hoc argumento, quod scilicet
 impiorum pœna æternum duratura sit,
 fusissime disserui in Libro a me edito. De
 futuro impiorum statu inscripto; eamque
 adversum tum Socinianos, tum nuperos
 Origenistas theologicis omnibus argumentis
 comprobavi. Hic vero solum asseram pro-
 bationes aliquas, quibus S. Thomas ostendit,
 lethali peccato per poenitentiam non
 expiato debitam esse pœnam sempiternam.
 Et primum *lib. 3. cont. Gent. cap. 143.* dis-
 tinguat peccatum mortale a veniali; atque
 de utroque ita loquitur: „Dupliciter con-
 tingit peccare; uno modo sic, quod to-
 taliter intentio mentis avertatur ab or-
 dine ad Deum, qui est ultimus finis ho-
 norum: & hoc est peccatum mortale,
 alio modo sic, quod, manente ordine
 humanæ mentis ad ultimum finem, im-
 pedimentum aliquod afferatur, quo re-
 tardatur, ne libere tendat in finem:
 & hoc dicitur peccatum veniale. Si ergo
 secundum differentiam peccatorum opor-
 tet esse differentiam pœnarum, conse-
 quens est, quod ille, qui mortaliter pec-

cat, sit puniendus sic, quod excidat ab
 hominis fine: qui autem peccat venialiter,
 non ita, quod excidat, sed ita
 quod retardetur, aut difficultatem pati-
 atur in adipiscendo finem. Sic enim
 justitiæ servatur æqualitas, ut quomodo
 homo peccando voluntarie a fine se di-
 vertit, ita pœnaliter contra suam volun-
 tatem in finis adeptione impediatur. Hæc
 ille præclarissime.

Quapropter cum dicimus, dignum, ju-
 stumque esse, ut peccatum æterna pœna
 puniatur, id non de quocunque peccato
 intelligi oportet; sed de eo quod absolu-
 tam obtinet peccati rationem, de mortali
 videlicet, quo homo se avertit a Deo,
 & convertit ad creaturam velut ultimum
 finem. Alia vero peccata, quæ hujusmo-
 di ordinis perversionem non asserunt pœ-
 nam ex se solummodo temporariam pro-
 merentur, quæ cum in hac vita mortali
 haud semper exsolvantur, exsolvenda reman-
 ent in vita futura ante extremum Judicii
 diem. Solum ergo peccatum illud, quod
 Deum ultimum finem abiicit, quod chari-
 tati opponitur, quod amicitiam cum Deo
 dissolvit, quod creaturam Creatori præfert,
 dignum est æterna pœna; adeo ut ipsi se-
 cundum justitiæ leges debeat, nullumque
 injuriam Deus inferat, dum propter isti-
 usmodi peccatum creaturas in æternum
 punit.

XIII. Omisissis aliis rationibus, quæ ibi-
 dem profert S. Doctor, quasque citato li-
 bro illustravi, & a vanis adversariorum
 cavillationibus vindicavi, eam propono,
 quam hic habet *quest. 87. art. 3. præmissa*
sententia Christi Domini apud S. Mar-
cum c. 3. Qui blasphemaverit in Spiritum
Sanctum, non habebit remissionem in æternum,
sed reus erit æterni delicti. Atque ita disse-
 rit: „Dicendum, quod, sicut supra di-
 citur, & est, peccatum ex hoc inducit reatu-
 tum pœnæ, quod pervertit aliquem or-
 di-

„dinem : manente autem causa ; manet
 „effectus . Unde quandiu perverſitas or-
 „dinis remanet , neceſſe eſt , quod rema-
 „near reatus pœnæ . Pervertit autem ali-
 „quis ordinem , quandoque quidem re-
 „parabiliter ; quandoque autem irrepara-
 „biliter . Semper enim defectus , quo
 „ſubtrahitur principium , irreparabilis eſt .
 „Si autem ſalvetur principium , ejus vir-
 „tute alii defectus reparari poſſunt ; ſicut
 „ſi corumpatur principium viſivum , non
 „poſſe fieri viſionis reparatio , niſi ſola
 „virtute divina : Si vero , ſalvo principio
 „viſivo , aliqua impedita adveniant
 „viſioni , reparari poſſunt per naturam ,
 „vel per artem . Cujuslibet autem ordi-
 „nis eſt aliquod principium , per quod
 „aliqui ſit particeps illius ordinis . Et
 „ideo ſi per peccatum corumpatur prin-
 „cipium ordinis , quo voluntas hominis
 „ſubditur Deo , erit inordinatio , quan-
 „tum eſt de ſe , irreparabilis , eſſi repa-
 „rari poſſit virtute divina . Principium
 „autem hujus ordinis eſt ultimus ſinis ,
 „cui homo inheret per charitatem . Et
 „ideo quæcumque peccata avertunt a Deo
 „charitatem auferenda , quantum eſt de
 „ſe , inducunt reatum æternæ pœnæ “ .

Rationem hanc , tamquam omnino effi-
 cacem ad ſequitatem probandam æternæ
 pœnæ pro leſiali peccato inſitiæ , agno-
 ſcunt Theologi nedum Catholici , ſed etiam
 inter Proteſtantes doctiores : quos inter
 Leibnitius in *Theodicea* p. 3. n. 266. cum
 inſiſtaſſet fundamentum , cui nitebatur
 Erneſtus Sonerus Saciniam ad negandam
 proportionem inter culpam finitam , &
 pœnam duratione inſinitam ; ſubiicit , ne-
 ququam illum attendiſſe ad præcipuam
 huiusce veritatis rationem , deductam ex
 permanentia culpæ , quæ vel ſatis eſt ad
 requirerem æternæ pœnæ defendendam ,
 cum juſtitie conſonum admodum videatur ,
 damnatos perſeverare in miſeria , quouſque

perſeverant in culpa ; additque ſe ani-
 madvertiſſe , doctos quouſque Theologos
 eandem reddidiſſe rationem perpetuæ du-
 rationis pœnarum , referenti inter alios
 Joannem Gerardum celebrem Confeſſionia
 Auguſtinæ Profeſſorem , Zachariam Uſſi-
 num Theologum Heidelbergenſem &c.

XIV. Porro ut rationis hujus firmitas
 omnino conſiſtat , omneſque , quæ fieri
 poſſunt , difficultates diſſipentur , principia ,
 quæ ſtatuit S. Thomas , diligenter obſer-
 vanda ſunt . Primo itaque conducit gene-
 rale illud principium : *Peccatum ex hoc in-*
ducit reatum pœnæ , quod pervertit aliquem
ordinem . Quod principium certum , explo-
 ratumque eſt apud omnes ; illudque jam
 ſupra firmaverat S. Doctor . Ex eo autem
 perſpicue ſequitur , neceſſum eſſe (ut jux-
 ta legem juſtitie incolumis ordo ſerveur)
 tamdiu peccatorem deprimi a Deo debere
 per pœnam , quamdiu adverſus ordinem
 ab ipſo conſtitutum inſurgit per culpam ;
 ſive , quod perinde eſt , quamdiu perman-
 net in culpa , per quam ordo pervertiſſur .
Manente enim cauſa , quæ eſt ordinis per-
verſio , manet effectus , ſive reatus pœnæ
inbeundæ .

Principium alterum hoc eſt ; quod nempe
 ordinis perverſio per culpam inducitur ,
 ſit ex ſe , ac ſuapte natura , *irreparabilis* .
 Quo. ut evincat , obſervat , duplicem eſſe
 inordinationem , aliam per *ſubtractionem*
principii ordinis : aliam , quæ , *ſalvato prin-*
cipio ordinis , ſit inordinatio circa ea , quæ
ſunt poſt principium . Et quidem poſterio-
 rem hanc inordinationem reparari poſſe conce-
 dit virtute principii , quod integrum per-
 manet : priorem vero docet irreparabilem
 eſſe ex meritis ſuis , quamquam Dei virtu-
 re ſupra connaturalem modum operante
 reparari poſſe fateatur . Hoc declarat exem-
 plo viſus facultatis , cujus principium ſi
 petiſſit incolume , reparari poſſunt per
 naturam , aut artem alii quicumque defe-
 ctus ,

Aut, qui sunt impedimento visioni. Si autem penitus corrumpatur, non nisi virtute Dei supra naturam operante reparari valet: idque & aliis exemplis cuilibet obviis explicari potest. Quo præjacto principio talem esse demonstrat perversionem, quæ per lethale peccatum inducitur, ut corrumpat, aut subtrahat principium ordinis, quo voluntas humana subditur Deo. Cum enim principium hujus ordinis sit ultimus finis, cui homo adhæret per gratiam, & charitatem, quæcumque peccata averrunt a Deo, & charitatem auferunt, consequenter principium hujus ordinis de medio tollunt. Quocirca nihil amplius in hominis potestate remanet, unde inordinationem hanc reparare valeat; adeoque ex se, meritisque propriis irreparabilis est.

Solum ergo superest, ut inordinatio hæc per culpam lethalem inducta auferri possit a Deo supra naturalem eorum agente, & præter meritum peccatoris gratiam, & charitatem conferente. Verum hoc non exigitur ab aliqua lege justitiæ, & æquiratis; ut eam auferat Deus; semperque verum est, perversionem ordinis inductam a peccato mortali esse de se irreparabilem, adeoque de se semper esse duraturam, ac proinde de se pariter asserre reatum pænæ sempiternæ. Equidem suavis Dei Providentia disposuit, ut in hoc moralis vitæ statu misericordiæ locus esset, & per gratiam, & charitatem supra merita peccatoris infusus hujusmodi inordinatio removeri posset, ac repta in multis removeretur, quemadmodum ex sacris Libris, ac perperua Ecclesiæ traditione, & doctrina certo constat. At non minus certo constat ex hisdem libris, & doctrina Ecclesiæ de contraria dispositione ejusdem Divinæ Providentiæ, quod statum vitæ futuræ: nec quispian sano capite eo titulo talem dispositionem negaverit, quod justitiæ, & æquirati repugnet. Quis enim dixerit, Deum jure non posse, hominem in ea in-

ordinatione relinquere, quam ipse sponte, ac libere eligit, sed obstringi lege justitiæ, ut dona gratiæ suæ conferat, quibus illa auferatur? Qui hoc asserere ausit, profecto & illud affirmare deberet, teneri Deum vi, & lege justitiæ vitam ei restituere, qui sibi voluntate mortem concessit, aut se in flammam, vel puteum, unde egredi nequeat, sponte coniecit: quod quam absensum sit, nemo non intelligit.

XV. Hæc eadem ratio ita a quibusdam proponitur. Qui peccat in statu *vitiæ*, meretur ut in statu *termini* puniatur pænæ culpæ proportionata. Proportio autem inter pænâ, & culpam in hoc maxime posita est, ut quantum, & quamdiu culpa displiceat Deo, tantum, & tamdiu pænâ displiceat peccatori. Cum ergo in statu *termini* culpa æterna sit, Deoque æternum displiceat, etiam oportet, ut pænâ sit æterna, æternumque displiceat peccatori. Id confirmant exemplo debitoris. Qui enim debitum cum alio contraxit, tamdiu tenetur sub reatu, sive obligatione solvendi debitum, quamdiu vel ipse non solvit, vel creditor ex liberalitate non remittit. Porro qui lethalis peccati reus ex hac vita decessit, neque solvit unquam debitum pænæ, neque hoc ex Dei misericordia, & liberalitate aliquandiu dimittitur. Igitur pænæ reatu perpetuo manet obstrictus. Priorem secundæ propositionis partem sic evincunt; quoniam ut peccator tale debitum solveret, offerre deberet pænâ, sive satisfactionem Deo acceptam, sive quæ acceptari par esset. At vero Deus acceptare neutiquam tenetur pro satisfactione opus, aut pænâ, quam exhibet is, qui aversus ab ipso est per culpam. Altera autem ejusdem propositionis pars ex his, quæ dicta sunt, liquido constat: nam culpæ remissio fieri nequit, nisi per infusionem gratiæ, & meritum Christi applicationem. Hæc autem ex justitiâ minime de-

debetur peccatori : aliunde vero juxta Divine Providentiæ ordinem sapientissime constitutum, nec ex Dei misericordia, & liberalitate gratia confertur, aut merita Christi applicantur tuis, qui jam per finalem sententiam sunt in termino, & ad inferna damnati.

XVI. Plures aliæ rationes adduci possent in eandem rem ex Sancto Præceptore, quas, ne nimius sim, lubens omitto. Sed præcitate plane fuerit, eam omnino præterire, quæ ex offensa Divine Majestati per peccatum illata desumitur. Hanc sæpe proposuit S. Thomas, scilicet *lib. 2. sent. dist. 46. quest. 1. art. 5. & lib. 4. dist. 46. quest. 1. & in cap. 2. Epist. ad Rom. lect. 2. & etiam in Opuscul. 3. cap. 183.* ubi sic ait : „Habet quodlibet peccatum contra Deum commissum quamdam infinitatem ex parte Dei, contra quem committitur. Manifestum est enim, quod quanto major persona est, contra quam peccator, tanto peccatum est gravius : sicut qui dat aliquid militi, gravius reputatur, quam si daret rustico, & adhuc multo gravius, si Principi, vel Regi. Et sic, cum Deus sit infinite magnus, offensa contra ipsum commissæ est quodammodo infinita : unde de & aliquoties poena infinita ei debetur. Non autem potest esse infinita intensio : quia nihil creatum sic infinitum esse potest. Unde relinquitur, quod peccato mortali debeatur poena infinita duratione, sive extensive.

Peccatum esse Dei offensam jam supra diximus, ac probavimus, pluribusque aliis momentis comprobare fas esset. Hanc autem offensam gravitatis esse quodammodo infinitæ, ratione a S. Thoma adducta facillime evincitur. Nam gravitas injuriæ, & offensæ, ut cuilibet perspectum est, sumitur ex dignitate, aut excellentia personæ offensæ, moraliter totam dignitatem

suam veluti refundentis in injuriam, qua offunditur. Unde est vulgare illud, verissimumque proloquium : *Honor est in honorante ; offensa in offenso*. Cum igitur Deus sit dignitatis, & excellentiæ infinitus, injuria ipsi per peccatum illata erit moraliter, sicut in prudenti æstimatione infinita. Quod manifestius sit exemplo injuriarum, quæ inter homines sæpe contingunt. Quoniam si personæ infimæ conditionis inferatur injuria, quæ sit e. g. gradus unus ; quo altius ascendit dignitas personæ offensæ, eo amplius crescit offensæ gravitas. Hinc injuria irrogata militi, vel equiti major illa ab omnibus æstimatur, quam irrogatur plebejo ; & quæ inferitur Principi, ea major, quæ inferitur militi, vel equiti : quia Princeps equitem, eques plebejum dignitate præcellit. Cum igitur dignitas Dei omnem creature dignitatem excedat, & quidem in infinitum ; non potest non esse illam infinita offensa, quæ ipsi inferitur per peccatum.

Ex his ergo propositæ rationis efficacia emittitur. Injuria siquidem cujuscumque personæ irrogata poenam aliquam meretur, eoque graviorem, quo major est dignitas, & excellentia personæ offensæ. Unde humana justitia graviore supplicio plectit, qui Principem percutit, aut injuria afficit, quam qui equitem, aut ignobillorem personam. Cum itaque injuria Deo illata per peccatum infinita sit ob infinitam Dei dignitatem, & excellentiam, infinita quoque poena digna est, adeoque æterna. Hæc enim sola poenæ infinitas penes durationem creaturæ convenire potest.

Arque hæc fortasse suffus, quam instituti mei ratio pateretur, afferre placuit adversus aliquos, qui æternitatem poenæ peccato minime deberi juxta justitiam leges obgannunt. Qui plura de hoc argumento valde necessario desiderat, adeo citatum

librum de futuro imperiorum statu, ubi plurima deprehendet ad hoc catholicum Dogma adversum Socinianos, & recentes Originistas comprobandum idonea.

ob conjunctionem cum peccato mortali, æterna pena in inferno puniuntur.

Reflexio.

CONJECTARIUM PRIMUM.

CAPUT II.

CONJECTARIA.

- I. Quodlibet peccatum mortale excludit quidem omnes virtutes infuses; non tamen acquisite.
- II. Peccatum etiam consideratum, prout rationi opponitur, est essentialiter offensæ Dei.
- III. Rejicienda est secularis opinio P. Vassquez, rationem offensæ Dei presse dicta peccato denegantis.
- IV. Formalis peccati ratio non in aliquo positivo, sed in privatione consistit.
- V. Neque tamen colligere fas est, peccata specie invicem non differre.
- VI. Corporis infirmitas nullam præbet justam causam excusandi peccata, quæ in ea committuntur.
- VII. Semper peccat ex malitia quicumque eligit, quod malum esse cognoscit.
- VIII. Peccatum Angeli, sicut & Protoperentum nostrorum, fuit ex malitia commissum.
- IX. Pluribus modis aliquem ex malitia peccare contingit.
- X. Ille non est peccatum ex malitia, & peccatum in Spiritum Sanctum.
- XI. Nihil faciendi est excusatio illorum, qui peccata sua extenuant, eo quod ex eo habitum considerant.
- XII. Nec audiendi sunt, quoties effutunt, se de peccato dolore, quod committunt.
- XIII. Macula peccati non res, sed nomen tantum a peccato habitusli distinguitur.
- XIV. Peccatum potest esse aliquando parum alterius peccati.
- XV. Peccatum veniale nec quorundam culpam, nec quorundam penam in hac vita remissum, Pasuzzi Theol. Mor. T. II.

I. LICET peccatum mortale non excludat ex se habitum virtutis acquisite, nisi actus peccaminosi multiplicentur; quodlibet tamen, etiam si unicum sit, excludit omnes habitus virtutum infusarum, quatenus sunt virtutes. Quodlibet enim, inquit S. Thomas hic quæst. 71. art. 4. peccatum mortale contrariatur charitati, quæ est radix omnium virtutum infusarum, in quantum sunt virtutes; & ideo per unum actum peccati mortalis, exclusa charitate, excluduntur per consequens omnes virtutes infusæ, in quantum sunt virtutes. Et hoc dico propter filium, & spem, quarum habitus remanent informes post peccatum mortale; & sic non sunt virtutes.

CONJECTARIUM SECUNDUM.

II. Quum lex æterna; & recta ratio non sint duæ rationes omnino diversæ, sive disparatæ; sed una alteri subordinetur, sicut inferius superiori: inde fit, quod peccatum, etiam consideratum prout contra rectam rationem, sit essentialiter offensæ Dei; præsertim quia ratio humana recta non est, nisi ex eo, quod legi æternæ sit conformis. Quidquid est, verba sunt S. Thomæ quæst. 71. art. 2. ad 4. contra rationem artificiatam, est etiam contra naturam artis, quæ artificiatum producit. Lex autem æterna comparatur ad ordinem rationis humanæ, sicut ars ad artificiatum. Unde ejusdem rationis est, quod vitium, & peccatum sit contra ordinem rationis humanæ, & quod sit contra legem æternam. Aleoque peccatum sub alterutra ratione inspectum non potest non esse semper Dei offensæ, quod contra æternam mereatur. Atque in hoc situm est præcipuum fundamentum

h h

fat

fallitatis sententiæ, peccatum mere philosophicum descendens, de quo infra sermo erit.

CONSECTARIUM TERTIUM.

III. Tamquam singularis, omnique solido fundamento destituta rejicienda est opinio Vasquesii, qui peccato rationem injuriæ in Deum, & offensæ preste dictam denegavit, eo potissimum momento ductus, quod inter Deum, & creaturas nequeat esse justitia proprie dicta: quia nulla creatura æquale Deo reddere valer. Hæc opinio jamdiu est a cæteris Theologis omnino rejecta. Constat enim, Deum habere verum jus, propriumque dominium honoris, ac dignitatis suæ conservandæ; non minus ac homines verum jus, ac dominium habent proprii honoris, ac famæ. Cum ergo ad honorem, ac dignitatem Dei pertineat, ut sit supremus, & ultimus finis hominis, omniumque humanarum actionum; peccator, qui hunc honorem, ac dignitatem, quantum est ex se, lædit, dum finem suum ultimum in creatura constituit, lædit jus aliquod Dei proprie dictum; adeoque & proprie dictam injuriam infert. Leve porro est Vasquesii fundamentum: non enim ex quo æquale Deo reddere nequeat rationalis creatura, consequens est, quod neque possit veram contra Deum injuriam committere, lædendo supremum ipsius jus, atque dominium; quemadmodum non sequitur, plebejū hominem non posse injuria proprie dicta afficere Principem, quia ad æqualitatem satisfacere minime valer. Non diminuitur
 „ (inquit apposite insignis Theologus Jo-
 „ *annes a S. Thoma* Disput. 1. de Incar-
 „ nat.) aliqua ratio injuriæ ex eo, quod
 „ committatur a persona non habente
 „ æqualitatem ex parte subiecti ad recom-
 „ pensandum debitum, sed potius auge-
 „ tur. Ergo ex defectu hujus æqualitatis

„ negare propriissimam rationem injuriæ,
 „ & injuriam ex parte juris læsi, into-
 „ lerabilis sententia est. Quis enim æqua
 „ auribus audit, offensam, & injuriam
 „ unius hominis erga alium veram injuriæ
 „ rationem fortiri, ad ejus recompen-
 „ sationem stricte tenetur ex justitia; offen-
 „ sam autem hominis erga Deum non esse
 „ injuriam, neque injuriam stricte di-
 „ ctam; cum majus jus lædatur, & com-
 „ sequenter, quantum est ex parte juris
 „ læsi, stricte obligetur homo ad re-
 „ compensandum, quamvis ex conditione
 „ subiecti, cui impossibile est æquale red-
 „ dere ex justitia stricte, id non possit “ ?

CONSECTARIUM QUARTUM.

IV. Communior, ac vera sententia est tum a Sanctis Patribus, tum a S. Thoma tradita, essentialis, sive essentialis, ac formalem peccati rationem non consistere in aliquo positivo, sed in privatione rectitudinis, quæ actui inesse debet. Sententiæ hujus ego pluribus hic veritatem, ut facile possem, non adstruam, cum ad præsens institutum minime pertineat; sed duntaxat declarare sufficiat. Sensus itaque est, non quod in peccato positivum aliquod non invenitur: in eo quippe invenitur actus humanus, qui *materiale peccati* vocari solet; sed quod nihil positivum sit essentia, aut *formale peccati*, solaque boni privatione consistat: adeo ut, dum actus aliquis v. g. furtum, homicidium, mendacium &c. peccatum esse dicitur; tale non est propriè aliquod positivum, quod sit formalis ratio, quæ peccatum formaliter constituat, sed propriè aliquam privationem, sive defectum rectitudinis debet. Qua de causa in Sacris Literis vocatur *vanitas*, *mendacium*, *nihilum* (ut apud Amos c. 6.), *aversio a Deo*, *recessus*, aliisque hujusmodi nominibus, quæ solam privationem denotant. Aique
 id

id pluribus S. Thomæ autoritatibus confirmare fas esset : sed em satis modo sint, quas habet hic q. 78. nimirum art. 1. *Nihil est aliud malum, quam privatio alienius boni* ; & ad art. 2. ad 3. *In ipsa privatione consistit ratio mali* ; eodemque pertinet, quod frequenter ait, aversionem a bono incommutabili esse formalem, & completam rationem peccati ; quodque hic differre docet, nempe id, quod ab substantiam actus humani pertinet, esse quasi materiale in peccato ; illud autem contra legem æternam, esse formale.

CONSECTARIUM QUINTUM.

V. Ex hoc tamen nemo colligat, peccata specie invicem non differre, eo quod privationes inter se differre specie non videantur. Quandoquidem peccatum non constituitur per privationem veluti solitarie sumptam, sed per illam ut conjunctam finis indebito, & per ordinem ad objectum : hoc est ; formalis, sive essentialis peccati ratio in privatione consistit, estque ipsa privatio, quæ & constituit peccatum in genere peccati, & distinguit illud ab omnibus iis, quæ peccata non sunt. Id autem, quod constituit peccatum in certa, seu determinata specie, & a cæteris distinguit, quæ peccata quidem sunt, sed diversæ species, non est privatio boni in genere, sed est hæc determinata privatio, quæ videlicet coniungitur huic inordinato actui, seu conversioni ad commutabile bonum. Quod optime expressit S. Bonaventura in 2. dist. 42. art. 3. hæc brevi sententia : *Est aversio* (quæ sane privationem importat) *det conversioni, quod fit peccatum ; conversio tamen dat aversioni, quod fit tale peccatum*, sive in hac, aut illa specie constitutum.

CONSECTARIUM SEXTUM.

VI. Sedula consideratione digna est do-

ctrina, quam habet S. Thomas q. 77. art. 3. ad 2. propter eos, qui sæpe de carnis, aut corporis infirmitate conqueruntur, seque ob eam impediri ab exercitio virtutum, atque in frequentia peccata labi, ab illa veluti cogi causantur. *Peccatum*, inquit, *principaliter consistit in actu voluntatis, qui non impeditur per corporis infirmitatem : potest enim, qui est corpore infirmus, promptam habere voluntatem ad aliquid faciendum ; impeditur autem per passionem*. Unde cum dicitur, *peccatum esse ex infirmitate*, magis est referendum ad infirmitatem animæ, quam ad infirmitatem corporis. Quate nemo corpore infirmus prætexere iuste potest excusationem a peccatis, quæ in infirmitate committit, aut omissione actuum virtutum, quos exercere tenetur. Hyrum namque causa non infirmitatis corporis tribuenda est, sed potius infirmitatis animæ, passionibus nempe immoderatis, quas reprimere, & in officio continere neglexit, ac negligit : quæ propterea, dum impedimento sunt voluntati, ne in debitos actus prodeat, non illos a peccato excusant. *Voluntas enim, in qua principaliter consistit peccatum, semper libera est, nec per corporis infirmitatem impeditur*.

CONSECTARIUM SEPTIMUM.

VII. Quicumque cognoscit aliquid malum esse, sive divinæ legi dissentaneum, & nihilominus ob amorem inordinatum, & affectionem alicujus boni creati illud eligit, semper peccat ex malitia. Quapropter S. Thomas hic q. 78. art. 1. ad 1. recte distinguit triplicem ignorantiam, quæ potest esse in eo, qui peccat. Inquit enim : *Ignorantia* quandoque quidem, excludit scientiam, qua aliquis simpliciter scit, hoc esse malum, quod agitur : & tunc dicitur *ex ignorantia peccare*. Quandoque autem excludit scientiam,

11. tiam, qua homo scit, hoc nunc esse
 12. malum: *sicut cum ex passione peccatur*.
 13. Quandoque autem excludit scientiam,
 14. qua bonus scit, hoc nunc esse malum:
 15. *sicut cum ex passione peccatur*. Quando-
 16. que autem excludit scientiam, qua ali-
 17. quis scit, hoc malum non sustinendum
 18. esse propter consecutionem alicujus bo-
 19. ni; scit tamen simpliciter hoc esse ma-
 20. lum: & sic dicitur ignorare, qui ex
 21. *certa malitia peccat*. Atque hoc sen-
 22. su etiam de hoc illud verum est: *Omnis*
 23. *peccans est ignorans*; ignorantia scilicet ele-
 24. ctionis, qua praecece ignorat, hoc malum
 25. legi Dei contrarium non esse eligendum,
 26. ut bonum, in quod, divina lege postha-
 27. bita, tendit, assequatur.

CONSECTARIUM OCTAVUM.

VIII. Peccatum Angeli, quemadmodum
 & primum peccatum Adami, & Evæ,
 dicendum est *ex malitia*. Cum enim non
 ex ignorantia illud commiserint, neque ex
 aliqua passione inordinata, qua carebant;
 consequens est, quod ex industria, sive
 ex certa scientia illud patnaverint, adeo-
 que ex malitia. Ille siquidem, ut ait S.
 Thomas q. 3. de malo art. 14. ad 7. *Peccat*
ex malitia, qui vult bonum; cui conjun-
gitur malum, nec inclinatur ad illud ex ali-
qua passione, vel ignorantia; sive qui sciens,
 ac volens eligit malum, nulla ad hoc im-
 pellente passione, vel ignorantia.

CONSECTARIUM NONUM.

IX. Verum & illud observandum est,
 quod, cum aliquis *ex malitia* peccare di-
 citur, dupliciter hæc malitia intelligi po-
 test; nempe vel certa mali deliberatio,
 qua quis peccaminosum actum eligit citra
 ullam passionem, vel ignorantiam, quæ
 sit istius electionis causa: vel ipsa liberæ
 voluntatis facultas, sive libera voluntas,
 quæ, tamen ex se, ac simpliciter bona

fit, dicitur tamen *malitia causaliter*: qua-
 tenus malam electionem efficit, non ex
 impulsu passionis, aut ignorantie, sed ex
 semetipsa de industria sit eligens. Non-
 numquam etiam hæc malitia, ex qua pec-
 care quis dicitur, est vel pravus habitus,
 quoties nempe ex inclinatione pravi habi-
 tus peccat; vel aliquod peccatum præce-
 dens, veluti cum aliquis fratrem gratiam
 impugnatur ex invidia. Unde peccare
 ex industria, vel electione, aut ex habi-
 tu pravo, aut ex certa scientia, aut ex
 malitia, eadem omnino sunt, aut in idem
 recidunt.

CONSECTARIUM DECIMUM.

X. Non est prorsus idem peccatum *ex*
malitia, & peccatum *in Spiritum Sanctum*.
 Omne namque peccatum in Spiritum San-
 ctum est *ex malitia*, quatenus is, qui
 peccat, abiecit beneficia Sancti Spiritus,
 quibus posset a peccato revocari. Sed non
 omnis, qui peccat *ex malitia*, preste lo-
 quendo, peccat in Spiritum Sanctum.
 Nam qui ex habitu pravo peccat, haud
 semper peccat abjiciendo per contemptum
 ea, quibus retrahi posset a peccato,
 quod proprium est peccati in Spiritum
 Sanctum. Ac præterea peccare in Spi-
 ritum Sanctum est peculiare quoddam genus
 peccati, ut alibi notum fuit. Peccatum
 autem, quod *ex malitia* est, non est spe-
 ciale genus peccati, cum peccata omnia
 ex malitia committi valeant.

CONSECTARIUM UNDECIMUM.

XI. Quamquam necessum haud sit, ut,
 quicumque vitiosum habitum contraxit,
 ex eo semper operetur, sed agere inter-
 dum valeat ex passione; nihilominus,
 dum agit ex habitu, semper agit *ex ma-*
litia, ut jam offensum est ex doctrina S.
 Thomæ. Inanis proinde, nec admitten-
 da excusatio est eorum, qui habitu aliquo
 pec-

peccandi irretiti, peccata, quæ committunt, in illum refundunt, quasi habitus, quem voluntatio contraxerunt, ob eam, quam infert, veluti peccandi necessitatem, præjudicium aliquod inferat libertati, aut ipsam diminuat. Quoniam præter ea, quæ dicta sunt, si ita res haberet, quo deterior quis fieret, eo foret excusabilior; & quo propter habitum, & peccandi consuetudinem magis esset obfirmatus in malo, eo minus peccaret. Ac similiter ex opposito quanto amplius quis in virtute proficeret, tanto minus meritum, ac præmium consequeretur: Quod oppido falsum est, & cogitare absurdum. Rejicienda est igitur a Confessariis hæc excusatio, quam peccatores habituati prætexere solent; ipsique modis omnibus arguendi, & inducendi sunt, ut praves habitus deserant, atque evellant: alioquin rei futuri peccatorum omnium, quæ perpetrant, dignique graviore pœna, quæ peccatis ex malitia debita est.

CONSECTARIUM DUODECIMUM.

XII. Illud tamen advertere oportet, quod habet S. Thomas in hoc *art. 2. q. 78. ad 3.* Cum enim sibi objecisset, quod si, qui peccant ex habitu, post peccatum commissum aliquando de ipso dolent; respondet, quod ille quidem, qui peccat ex habitu, non dolet, sed semper gaudet de hoc, quod ex habitu operatur, quando in habitu nititur. Sed quia potest habitu non uti, sed per rationem, quæ non est totaliter corrupta, aliquid aliud meditari; potest contingere, quod non utens habitu doceat de hoc, quod per habitum commisit. Plerumque tamen tales pœnitent de peccato, non quia eis peccatum secundum se displicet, sed propter aliquod incommodum, quod ex peccato incurrit. Atque hujusmodi frequentius esse solet horum peccatorum dolor, ac pœnitentia.

CONSECTARIUM DECIMUMTERTIUM.

XIII. Ex notione tradita *macule peccati* colligere proclive est, eam et ipsa non distinguere a *peccato habituati*. Nihil enim aliud est esse animam macularam, & inquinatam, quam esse peccato inquinatam, & a Deo averfam. Solum itaque nomine differunt, quamvis inter hæc duo nomina alterum altero magis, minusve rem explicet. In hoc namque, quod est exprimere offensam Dei adhuc pœnitentia non delectam, præcellit nomen *habituali peccati*: in hoc vero, quod est significare turpitudinem, & privationem minoris subjecto debiti, *macula* nomen præferitur.

CONSECTARIUM DECIMUMQUARTUM.

XIV. Unum peccatum potest esse aliquando pœna alterius peccati, quod pœnitentiam non statim delectur. Quid sit de modo, quo id contingat, de quo inter se disputant Theologi de Schola, hæc asserio indubitate tenenda est. Siquidem Sacre Litteræ expresse nos docent, peccata præcedentia mereri, ut homo in alia, & alia peccata prostruere sinatur. Hinc Apostolus *ad Rom. 1.* de ingratitude illorum Gentilium verba faciens, qui cum cognovissent Deum, non sicut Deum glorificaverunt, subdit: Propter quod tradidit illos Deus in desideria cordis eorum, in immunditiam &c. Et postea: Propter quod tradidit illos Deus in passionem ignominie. Et iterum: Tradidit illos Deus in reprobum sensum, ut faciant ea, quæ non conveniunt; quibus similia docet etiam 2. ad Thessal. 2. Eandemque doctrinam tradunt luculenter Ecclesie Patres Augustinus, Gregorius Magnus, alique.

CONSECTARIUM DECIMUMQUINTUM.

XV. Peccatum veniale, nec quoad culpam, nec quoad pœnam remissum in hac vi-

vita, ob conjunctionem cum peccato lethali punitur in Inferno eterna pœna. Hoc perspicue docet S. Thomas q. 5. de malo art. 2. ad 8. inquit: *Peccatum veniale in eo, qui decedit cum mortali, quia nunquam remittitur, æterna pœna punitur propter gratiæ carentiam*. Et q. 7. att. 10. *Veniale peccatum non meretur pœnam æternam ex specie sua, neque ex parte inbærentiæ ad subiectum per se loquendo: quia non privat gratia; sed per accidens fit irremissibile peccatum mortali conjunctum, in quantum est in subiecto privato gratis: & sic per accidens punitur pœna æterna*. Quibus in verbis rationem insinuat assertionis nostræ, quæ sic proponi potest, nimirum: quamdiu remanet reatus culpæ, tamdiu remanet etiam reatus pœnæ; quia pœna tamquam proprietas sequitur culpam. At vero veniale peccatum remanet indelebile, æternumque remanebit. Peccatum siquidem veniale nunquam remittitur, nisi aut formaliter, aut saltem virtualiter retractetur: quod in damnatis nunquam contingit, cum eorum voluntas in malo obdurata sit. Igitur &c.

REFLEXIO.

Nullum in universo Mundo malum est, cui vere proprièque dicti mali nomen conveniant, nisi peccatum præcipue mortale. Nos falsi rerum æstimatores mala solum credimus, & vocare solemus, quæ nos temporaliter vexant, & exeruciant; paupertatem, infamiam, dolorem, afflictiones, persecutiones, miseria &c., maximeque mortem malotum omnium temporalium supremum. At hæc omnia etiam collectim sumpta, si cum peccato conferantur, non nisi æquivoce mala sunt, & ne mali quidem nomen merentur. Illud tantummodo propriè malum dicere, atque æstimare debemus, quod nos privat summo bono, quod opponitur sanctissimæ legi Dei, quod Deo ipsi injuriam maximam

infert, quod infinitam ejus Majestatem offendit; ex quo infinitam quandam malitiæ rationem contrahit ob infinitatem, ut ait S. Thomas, *Divine Majestatis, quæ offenditur*. Et tamen quid non agimus, quid non molimur, ut hæc mala temporalia, quæ mala propriè non sunt, avertamus à nobis? Contra vero, quam desides, quam ineuriiosi sumus in eo vitando, quod unice malum est, essentielle malum, malum infinitum: dicam amollus, ac verius; quam facile, quam frequenter illud eligimus, ultro excipimus, atque libenter amplectimur, ac fovemus! O vero mendaces filii hominum in fateri! O miseriam jugibus lacrymis deplorandam! O cæcitatem plane incredibilem! Væ nobis miseris, qui iniquitatem velut aquam bibimus, & dum peccata peccatis cumulamur, nedum nullo horrore concutimur, nec ad aspectum eorumdem expavefcimus; sed potius lætamur, cum mala facimus, & exultamus in rebus pessimis. O infelix peccator, quicunque es! Siccine tu leve putas, imo pro nihilo pedis, quod Deus infinito odio prosequitur, ad cuius enormem sceleritatem, testante Sacro Eloquentio, *mundi Dei oculi respicere nequaquam possunt*, ad cuius horrendam malitiam tangitur dolore cordis intrinsecus, pœnitentque, quod fecerit hominem; in quod toto furoris æstu excalescens deservit, peccatoribus occurrens quasi leona, vel pardus in via Assyriorum; quasi ursa, raptis catulis, disfruens interiora jecoris eorum, & consumens eos; quasi Leo, & quasi bestia agri scintens illos, congregans super eos mala, & sagittas suas complens in eis, ut Scripturæ verbis utar? Siccine flocci facis peccatum, cuius pondus immensum, & gravitas, mensuram omnem excedens Sapientiam Dei non extimescit, & potentiam vilipendit, & dominium aspernat, & vitam, si posset, adimeret, & divinitatem de throno suo deturbaret, & uni-

ratem destrueret, dum ipsi rationem ultimi finis essentialiter convenientem, quantum de se est, penitus surripit, ut in vilissima creatura constituat; ac, ut cum Tertulliano loquar, Diabolum Deo præponit: *comparationem enim*, inquit ille, *peccator videtur egisse, qui utrumque cognoverit; Deum scilicet, & Diabolum, & judicando pronunciasse esse meliorem, cujus se esse maluerit?*

Quod si te, infelicissime peccator, nec lex Divina, quam proculcas, nec injuria maxima, quam Deo irrogas, nec Majestas infinita, quam contemnitis, nec ira Dei, quam in te accendis, a peccando absterrent; cur non saltem commoveris damnis gravissimis, quæ tibi ipsi infers, dum peccatum committis? Nonne peccatum animæ tuæ decorem corrumpit, divitiis ejus omnes deprædatur, merita, ac bona quæcumque opera obliterat, ut nullam eorum rationem habeat Deus? Nonne peccando te Dæmonis servituti subjeis, crudelissimi utique Tyranni, qui te dieſque noctesque exagitat, torquet, diseruat, quin nullam tibi requiem animi a labore, ac dolore permittat? Nonne reatum incurris pœnæ, & quidem sempiternæ, quæ te manet in futura vita? Si mala hujus Mundi, quæ levissima sunt, brevique tempore duratura, adeo formidas, ut nihil non agas, nihil non suscipias, ut ea evites; quid non potius exhorrescis aliterius vitæ supplicia longe acerbiora, & quæ finem nunquam habitura sunt? Considera, quæso, carcerem horribilem, unde nullus est exitus, ignem illum inextinguibilem, vermem immortalem, cruciatus æternos, quos pro peccato mereris, quibusque semper obnoxius futurus es, si a peccato non desistis, quæque peccata perpetrasti, odio, ac sincera detestatione, & veraci pœnitentia non deleas, & abstergis.

Hæc itaque certissima veritas sit alte impressa in cordibus nostris, nullum revera in hoc universo malum esse, quod propriissime malum dici valeat, nisi peccatum; tum quia nullum malum est, nisi peccatum, quod sapientissimus rerum æstimator Deus ut vere malum agnoscat, abominetur, & infinito odio prosequatur: tum quia nullum est, nisi peccatum, quod fons, & origo sit omnium cæterorum malorum, maximeque illius sempiterni mali, quod in damnatione consistit. Hanc veritatem incessanter, ac serio meditemur, ut illud ex animo detestemur, si forte admiserimus; atque ab illo impostherum admittendo omni studio, omnique nisu evicemus, & quasi a facie colubri, ut monet Scriptura, summo cum horrore fugiamus.

CAPUT III.

De Peccato Originali.

DOCTRINA.

- I. *Peccati originalis notitia omnibus valde necessaria.*
- II. *Definitio peccati originalis; & explicatio ejusdem.*
- III. *Quid proprie sit hoc peccatum, luculentius exponitur ex S. Thoma.*
- IV. *Dogma Fidei est, originale peccatum in omnes homines a primo parente Adam propagari. Hujus dogmatis definitiones Ecclesia.*
- V. *Error ex his definitionibus reprobat.*
- VI. *Christi Dominus ab universali lege omnino excipiendus.*
- VII. *An etiam ex speciali privilegio excipienda sit Beatissima Virgo Maria, ad fidem minimis pertinet.*
- VIII. *Quid de hac inter Catholicos controversia decreverint Summi Pontifices, proponitur.*
- IX. *Differitur de effectibus peccati originalis in genere. Conciliorum definitiones asseruntur.*

- X. *S. Thome de his effectibus doctrinae.*
 XI. *Uerior ejusdem doctrinae expositio ex eodem S. Doctore.*
 XII. *De effectibus peccati originalis in specie. Quatuor vulnera S. Thomas enumerat ab illo nobis inflicta.*
 XIII. *De vulnere ignorantiae.*
 XIV. *De vulnere malitiae. Quo sensu hic malitia sumatur.*
 XV. *De vulnere infirmitatis. Quid hic infirmitatis nomine veniat, explicatur juxta S. Thomam, & S. Augustinum.*
 XVI. *De vulnere concupiscentiae. Quam grave illud sit, quamque perniciosum humano generi.*

§. I.

Peccati Originalis notio.

I. GERMANA peccati originalis, & effectuum, quos in Mundum inexit, cognitio Christianis omnibus nedum utilis, sed plane necessaria existimanda est; adeo ut scripserit S. Pater Augustinus *Epist. 89.* hujus peccati notitiam, & humanæ per Christum Jesum redemptionis fidem, ducere cardines præcipuos, circa quos Religio Christiana versatur. Profecto sine hac peccati originalis cognitione neque satis percipitur Redemptionis nostræ Mysterium, quod præsupponit captivitatem illam, sub qua derinebatur universum genus humanum, & a qua per Christum solutum est; neque satis intelliguntur tot, quas in hac misera vita patimur, calamitates tum corporis, tum maxime animæ, quibus propter hunc subiecta est humana natura; tot ignorantie, quibus involvitur; tot concupiscentiæ, & inordinatæ passionibus, quibus reprimendis nimium imbecilles sunt animi nostri vires: unde opus est, ut ad fontem misericordie recurramus, divinæque gratiæ auxilium imploremus. Ne autem prolixiores finis in hoc argumento, missis Theologicis disceptationibus, ea tantum asse-

remus, quæ certa nobis, ac scitu necessaria videbuntur, præmissa de more peccati originalis notione, sive definitione. Quare sit.

DEFINITIO PECCATI ORIGINALIS.

Peccatum Originale est privatio originalis justitiæ per communem originem, sive propagationem ab Adam totius humani generis capite, ac primo parente in omnes homines derivata.

Explicatur. Ex hoc, quod peccatum originale privatio dicitur, denotatur id, quo cum cæteris peccatis convenit, sive genus peccati. Nam peccatum omne, ut diximus, in privatione consistit. Reliqua, quæ in definitione sequuntur, insinuant differentiam hujus peccati a cæteris omnibus actualibus, quæ vel ab Adam commissa sunt, vel a cæteris hominibus committuntur. Ac primo quidem in hoc, quod est privatio *justitiæ originalis*, exprimitur præcipuus, & essentialis character, quo a cæteris peccatis differt. Quocirca a notate opus est, *justitiæ originalem* eximium quoddam donum fuisse, quod primo homini in ipsa sui conditione a Deo collatum est, & gratiam sanctificantem, virtutesque omnes ira complectebatur, ut mentem ejus Deo, corpus animæ, viresque inferiores rationi plane subiceret; adeo ut anima nullis inordinatis passionibus conturberetur, nullisque in membris adversus legem mentis concupiscentiæ motus insurgeret: ex quo subinde eximio dono, tanquam effectus causam, impassibilitas corporis, & immortalitas consequerentur. Donum illud supernaturale, quo primus homo juxta Scripturæ locutionem *rectus* in se ipso dicebatur, nedum sibi uni acceptus Adam, sed universo etiam humano generi ab ipso propagandum, ita Deo decedente, qui in Adam veluti hominum

ceterorum ab eo propagandorum Capite posterorum omnium voluntates constituit; adeo ut, si in ea, quam accepit, iustitia perseverasset, eandem, quemadmodum & appendices ejusdem, omnes homines eum anima ipsa in prima sua origine accepissent.

Verum non in eo felicissimo statu diu perstitit primus homo, sed in peccatum superbiæ, & inobedientiæ prolapsus præclaro illo dono justitiae originalis, ejusque insignibus prærogativis spoliatus est, plagisque gravissimis, ignorantia scilicet veri, difficultate boni operandi ob voluntatis infirmitatem, & rebellis adversus legem mentis concupiscentiæ moribus, & insulribus, ac insuper moriendi necessitate affectus, ac vulneratus in via semivivus relictus, prout Christus Dominus in parabola hominis, qui ab Jerusalem in Jericho secēdit, satis aperte significavit. Atque hinc *originalem*, qua donatus fuerat, *justitiam* non solum amisit ipse, sed amiserunt etiam posteri omnes ab illo descendentes: in eo siquidem, ut ait Apostolus, omnes peccaverunt: quia, subdit S. Augustinus, omnes *ille viciu sursunt*. In Adam namque omnium hominum primo parente, & capite natura illa insita erat, in qua eos gignere poterat, quamvis nondum agerent vitas proprias.

III. S. Thomas clarius fortasse peccati hujus originalis naturam exponit hic *quest. 82. art. 1.* ubi querit; *an originale peccatum sit habitus*. Et habitum qui tem professe dictum esse negat; at habitum alio modo dici posse consensit, quatenus, dicitur habitus dispositio alijus naturæ, ex multis compositæ, secundum quam bene se habet, vel male ad aliquid, & præcipue, cum talis dispositio fuerit quasi in naturam versa, ut pater de ægri tudine, & sanitate. Et hoc modo peccatum originale est habitus. Est enim Patuzzi *lib. 1. M. r. T. II.*

„ (en hujus peccati notio) *quedam inordinata dispositio proveniens ex dissolutione illius harmonie, in qua consistebat ratio originalis justitia*: sicut etiam ægri tudo corporalis est quedam inordinata dispositio corporis, secundum quam solvitur æqualitas, in qua consistit ratio sanitatis. Unde peccatum originale *linguar natura* dicitur “.

Porro idem S. Doctor *art. 3.* questionis ejusdem duc in originali peccato distinguenda esse docet, illud nimirum, quod est in eo *materiale*, & illud, quod est *formale*. Ejus doctrina oculis subjicienda est. „ Unumquodque, inquit, habet speciem a sua forma. Species autem peccati originalis sumitur ex sua causa... Est igitur attendenda causa originalis peccati ex causa originalis justitiæ, quæ ei opponitur. Tota autem ordinatio originalis justitiæ ex hoc est, quod voluntas hominis erat Deo subiecta. Quæ quidem subiectio primo, & principaliter erat per voluntatem, cujus est more omnes alias partes in finem. Unde ex aversione voluntatis a Deo confecta est inordinatio in omnibus aliis anime viribus. Sic ergo privatio originalis justitiæ, per quam voluntas subdebatur Deo, est *formale* in peccato originali. Omnis autem alia inordinatio virium animæ se habet in peccato originali, sicut quidam *materiale*. Inordinatio autem virium animæ præcipue in hoc attenditur, quod inordinate convertuntur ad bonum commutabile; quæ quidem inordinatio communi nomine potest dici *concupiscentia*. Et ita peccatum originale materialiter quidem est *concupiscentia*; formaliter vero est *defectus originalis justitiæ* “.

Hinc S. Doctor doctrinam egregie illustrat Dominicus Soto *lib. 1. de nat. & grat. c. 8. & 9.* hac animadversione; *Il*

Ind in pueris nascentibus est originale peccatum, quod in Adam habitualiter mansit post ejus actuale peccatum. Quod enim in ipso actualiter peccante fuit formalis ratio peccati, sicut in ipso, sic in tota natura relictum est ad modum habitus. (Peccatum namque originale non est in posteris Adam per modum actus, sed per modum habitus.) Jam vero quid aliud fuit in Adamo formalis ratio peccati, nisi obliquitas, ac deflexio voluntatis a lege, & ordine ad Deum? Quoniam Adam humanæ naturæ caput personam gerebat totius naturæ, quæ in ipso beneficium illud acceperat in ea permanens; quamdiu non peccasset; tota in ipso natura rea effecta est suæ prævaricationis, atque adeo Deo inuisa, & inimica. Quapropter deordinatio, & deformitas actus illius peccaminosi in natura permansit ad modum habitus, quam proinde cum natura contrahimus. Est itaque originale peccatum in pueris habitualiter manens privatio iustitiæ originalis, prout eam ex S. Thoma descripsimus.

In hac doctrina illa præsertim verba notanda sunt, quod *Adam personam gerebat totius humanæ naturæ*. Sunt enim ad legitimam originalis culpæ notionem hauriendum apprimè necessaria, iisque omnino consentanea, quæ idem S. idem Doctor q. 4. de malo art. 1. dicens: *Hoc donum (originalis iustitiæ), per quam ratio subdebatur Deo, & inferiores vires rationi, & corpus animæ, non fuerat datum primo homini, ut singulari personæ tantum, sed ut cuidam principio totius humanæ naturæ, ut scilicet ab eo per originem (seu carnalem generationem) derivaretur in posteror.* Hoc vero donum acceptum primus homo per liberum arbitrium peccati amisit eo tenore, quo sibi datum fuerat, scilicet pro se, & pro tota sua posteritate. Defectus ergo illius deni totam ejus posteritatem consequitur.

§. II.

De propagatione peccati originalis in omnes homines.

IV. Dogma Fidei esse, originale peccatum in omnes homines, qui ab Adam propatiente descendunt, propagatum, nemo Catholicorum dubitat. Non ego hic fundamenta omnia proferam, quibus fides catholica hujusce dogmatis nititur; sed aliquas definitiones Ecclesiæ duntaxat adducam, quibus illud veluti fide certissimum declaravit, & oppositum sustinentes anathemate perculit. Ex antiquis Ecclesiæ Conciliis habemus in primis ea decreta, quibus contrarius Pelagianorum error damnatus est; inter quæ illud clarissimum Concilii Milevitani can. 2. ubi eos, qui dixerint, parvulos recens natos nihil ex Adam trahere originalis peccati, quod lavacro regenerationis, baptismo scilicet, expiari oporteat, anathemate ferit; hoc maxime momento innixum, nempe: *Quoniam non aliter intelligendum est, quod ait Apostolus: Per unum hominem peccatum intravit in mundum, & per peccatum mors; & ita in omnes homines pertransiit, in quo omnes peccaverunt; nisi quemadmodum Ecclesia Catholica ulique diffusa semper intellexit. Propter hanc enim regulam fidei etiam parvuli, qui nihil peccatorum in semetipsis adhuc committere potuerunt, ideo in peccatorum remissionem veraciter baptizantur, ut in eis regeneratione mundetur, quod generatione traxerunt.* Atque eadem quoque est definitio Concilii Arauscani Can. 2.

Veteres hæc Ecclesiæ definitiones novissime in lucem protulit, suæque auctoritate confirmavit Concilium Tridentinum sess. 5. c. 2. ubi ita decernit: *Si quis Adam prævaricationem sibi soli, & non ejus propagini asserit necuisse, & receptam a Deo sanctitatem, & iustitiam, quam perdidit, sibi soli.*

soli, & non etiam nobis eam perdidisse; aut inquinatum illum per inobedientiam peccatum mortalem, & pœnas corporis tantum in omne genus humanum transfudisse, non autem & peccatum, quod mors est animæ; anathema sit: eum contradicant Apostolo dicenti: Per unum hominem &c. Idemque statuit can. 4. Concilii Milevitani verba repetens; & tandem can. 5. concludit: Siquis per Jesu Christi Domini Nostri gratiam, quæ in Baptismate confertur, reatum originalis peccati remitti negat; aut etiam asserit, non tolli totum id, quod veritas, & propriam peccati rationem habet; sed illud dicit tantum radi, aut non imputari: anathema sit.

V. Ex his sacri Concilii verbis plures errores confodiantur: ac prior quidem Manichæorum, qui asserabant, Adamum nullo prorsus modo nocuisse peccando. Alter Pelagianorum, qui contendunt, peccatum illud nocuisse quidem nobis, sed quoad mortem tantum corpora, & corporales ærumnas, quas innox in mundum. Tertius Socinianorum, qui admittunt equidem, ex Adam nos trahere peccatum, ac non peccat originem, sed per imitationem. Quartus denique tum quorundam Pelagianorum, tum Zuinglianorum, qui docent, peccatum, quod per Adam intravit in mundum, intelligendum esse peccati effectum; non autem veri, ac proprii nominis peccatum; quibus suffragari inhi videntur aliqui, qui æterroquin Catholici audiunt, aut audiri volunt; atque adeo satis aperte adversari Concilio Tridentino expresse asserenti, peccatum, quod in parvulis per baptismum deletur, verum, & propriam rationem peccati habere. Quod etiam ex pœna, quam si meremur in alia vita, qui cum eo peccato moriturus, in Concilio Florentino definita abunde colligitur; videlicet, animas illorum, qui in ætuali mortali peccato, vel (N. B.) solo originali decessant, mox in Infernum descendere, pœnis

tamen imparibus puniendas.

VI. Cum peccatum originale ab Adamo in omnes homines derivari, catholica fide doceamur, queri merito potest, num salutem aliqui ab hac generali lege ex speciali privilegio eximantur? Et quidem de Christo Domino nulli dubium esse debet in hac lege nequaquam comprehendendi, qui sine concupiscentia, & non ex virili semine, sed de Spiritu Sancto conceptus est. Unde S. Augustinus lib. 1. de nupt. & concup. cap. 24. scripsit: Ex hac concupiscentia carnis tamquam filia peccati . . . quocumque nascitur proles, originali est obligata peccato, nisi in illo renascatur, quem sine ista concupiscentia Virgo concepit. Propterea, quando nasci est in carne dignatus, sicut peccata solus est notus.

VII. An etiam ab ea lege excipienda sit Sanctissima Christi Mater ex specialissimo privilegio; id quidem ad fidem non spectat; varieque sunt de re hac Catholicorum Theologorum opiniones. Sed majorem Christianorum partem in hanc propensiorum esse sententiam, quæ Sanctam Virginem ab originali peccato immunem pie credit, dubitandum non est. Illud tantummodo hic asserere sufficit, quod de hac controversia statuerunt Summi Pontifices.

VIII. Urbanus IV. anno 1263. edita Constitutione, quæ incipit: Grave nimis, damnavit eos, qui tenerent, aut assererent, propugnantes gloriosam, & immaculatam Dei Genitricem absque originali peccati macula fuisse conceptam, mortaliter peccare, vel esse hæreticos. Simili etiam pœnæ, ac censuræ subiecit eos, qui ausi fuerint asserere, contrariam opinionem tenentes, gloriosam scilicet Virginem Matrem cum originali peccato fuisse conceptam, barectis crimen, vel peccatum incurrere mortale: cum nondum sit a Romana Ecclesia, & Apostolica Sede decisum.

Concilium quoque Tridentinum Constitutiones Sixti IV., & Urbani IV. confirmavit *sess. 7.*, easque pariter renovavit S. Pius V. anno 1570. ac insuper mandavit, quatenus *nemo, cuiusvisque ordinis, gradus, conditionis, vel dignitatis existat, in popularibus concionibus, vel ubicumque promissa virorum, & mulierum multitudo convenire solet, de alterutra hujus controversiae parte disputare, rationibus, vel Doctorem auctoritate asserendo propriam sententiam, & contrariam refellendo, aut impugnando; vel de hac ipsa questione, cuiusvis pietatis, aut necessitatis pretextu vulgari sermone scribere, vel disticha praesumat.* Et graviter illos perstringit, qui cum de gloriosa *V. M.* conceptione sermo incidit, tam pertinaciter pro alterutra parte contendunt, ac si de illis Dogmatibus esset, quae corde credere ad justitiam, & ore confiteri ad salutem necessarium est.

Ut omittam Constitutionem Pauli V., Gregorius XV. anno 1622. decrevit, ac praecepit, ut imposterum, donec articulus hujusmodi fuerit definitus, nullus audeat in publicis Concionibus, lectionibus, conclusionibus, vel quibuscumque publicis actibus asserere, quod B. Virgo fuerit concepta eum peccato originali. Alteram tamen opinionem se propterea non reprobare, nec ullum ei praedictum inferre vellet, declaravit: prohibetque etiam sub censuris, ne quis contrariam opinionem impugnet &c. Quod pariter prohibuit Alexander VII. aliquae subsequentes Pontifices, semper declarantes, nolle se questionem hanc definire, ac vetantes, ne quis alterutram sententiam *haereticam* vocet, aut *impietatis* condemnet.

§. III.

De effectibus peccati originalis in genere.

IX. Antequam effectus peccati originalis in particulari describam, illud praemitto,

quod habet generatim catholica doctrina, traditurque ab Ecclésiæ Conciliis; nimirum hominem per originale peccatum nudum spoliatum fuisse donis gratuitis, sed etiam vulneratum in naturalibus. Hoc definitum videtur a Concilio Arausicano II. adversus Pelagianos, ac Semipelagianos his verbis: *Si quis per offensam pravaricationis Adæ non totum, idest corpus, & animam, in deterius dicit hominem commutatum; sed animi libertate illaesa durante, corpus tantummodo concupiscentiæ dicit obnoxium, Pelagii errore deceptus, adversatur Scripturis &c.*

Luculentius expressit hanc veritatem Synodus Tridentina *sess. 6. c. 1.*, ubi ita loquitur. „Ad justificationis doctrinam probe, & sincere intelligendam oportet, „ut unusquisque agnoscat, & fateatur, „quod cum omnes homines in pravaricatione Adæ innocentem perdidissent „facti immundi, & „ut Apostolus inquit, „*natura filii iræ*, usque adeo servi erant „peccati, & sub potestate Diaboli, ac „mortis, ut non modo gentes per vim „naturæ, sed ne Judæi quidem per ipsam etiam litteram legis Moysi inde liberati, aut surgere possent, tamen „liberum arbitrium minime in eis extinguitum esset, viribus licet attenuatum.“ Id significatum a Christo fuit in parabola super indicata hominis descendens ab Jerusalem in Jericho, qui incidit in latrone, qui etiam despoliaverant eum, donis nempe gratuitis, quibus ornatus fuerat; & plagis impositis abierunt, semivivo relicto. Quibus verbis etiam in naturalibus vulneratum fuisse Adamum, sicut & omnes homines ex eo descendentes, satis aperte designatur.

X. Angelicus Doctor S. Thomas de hisce plagis, sive vulneribus, quibus primi hominis peccatum affecti sumus, verba faciens in 2. *sent. dist. 30. q. 1. art. 1. ad 3.* præclare observat, lesionem hanc

ex peccato nobis illatam in *naturalibus*, non ita intelligendam esse, ac si quispiam detrimenti passus sint naturales nostræ facultates, intellectus, voluntas, & appetitus sentiens *intrinsecus*, & in *seipso*, aut quidpiam physicum, & *extrinsecum*, ut vocant, iidem ademptum fuerit. Hoc enim falsum est. Nam hoc sensu *naturalia*, ut Patres docent, sicut in Dæmonibus, ita & in homine post peccatum *integra permanserunt*. Quemadmodum etiam non est penitus extincta inclinatio ad bonum honestum, nec virtutum semina, aut radices evulsæ. Sed hoc sensu intelligentum est, quod ex peccato ablata sit ea facilitas, qua fruebantur facultates animæ, ac frui deberent relate *ad finem ultimum* Deum, ad quem modo tendere, cumque consequi non sine magna difficultate possumus. Verba S. Thomæ hæc sunt: „Bona naturalia dicuntur dupliciter; vel prout sunt in se considerata, secundum quod naturæ debentur ex propriis principiis; & sic nec homo, nec Angelus aliquid naturalium amisit, nec in aliquo diminutus est. . . . Vel secundum quod ordinatur homo ad finem ultimum: & hoc modo in utroque bona naturalia diminuta sunt, non quidem penitus amissa, in quantum uterque factus est minus habilis, & magis distans a finis consecutione. Et propter hoc etiam homo *gravis* *multis* *spoliatus* dicitur, & in *naturalibus* *vulneratus*“.

XI. Hoc amplius explicari valet doctrinam, quam tradit idem S. Doctor *lib. 4. cont. Gen. Cap. 52.* ubi ait: „Cum Deus humanorum actuum sic curam gerat, ut bonis operibus præmium, & malis pœnam retribuatur, ex ipsa pœna possumus certificari de culpa. Patitur autem communiter humanum genus diversas pœnas & corporales, & spirituales, inter corporales potissima est mors,

ad quam omnes alii tendunt, & ordinantur, scilicet fames, sitis, & alia huiusmodi. Inter spirituales autem est potissima debilitas rationis, ex qua contingit, quod homo difficulter pervenit ad veri cognitionem, & de facili labitur in errorem, & appetitus bestialis omnino superare non potest, sed multoties obnubilatur ab eis“. Hoc, soluta quadam objectione, exponere pergit: „Divina providentia supposita, quæ singulis perfectionibus congrua perfectibilia coaptavit, (assimilare debemus) quod Deus superiorem naturam inferiori ad hoc conjunxit, ut ei damnetur, & siquod hujus domini impedimentum ex defectu naturæ contingeret, ejus speciali, & supernaturali beneficio tolleretur; ut scilicet, cum anima rationalis sit altioris naturæ, quam corpus, tali conditione credatur corpori esse conjuncta, quod in corpore aliquid esse non possit contrarium anime, per quam corpus vivit: & similiter si ratio in homine appetitui sensuali conjungitur, & aliis sensitiis potentiis, quod ratio a sensitiis potentiis non impediatur, sed magis eis dominetur“.

Sic igitur secundum doctrinam fidei ponimus hominem a principio taliter esse institutum, quod, quamdiu ratio hominis Deo esset subiecta, etiam inferiores vires ei sine impedimento deservirent, & corpus ab ejus subjectione impediri non posset per aliquod impedimentum corporale, Deo, & sua gratia supplente, quod ad hoc perfectendum natura minus habebat. Ratione autem averta a Deo, (consequitum est) ut & inferiores vires a ratione repugnarent, & corpus vitæ, quæ est per animam, contrarias passionis susciperet. Sic igitur huiusmodi defectus, quamvis naturales homini videantur, absolute
„con-

„ considerando humanam naturam ex par-
 „ te ejus, quod est in ea inferius; tamen
 „ considerando divinam providentiam, &
 „ dignitatem superioris partis humanæ na-
 „ turæ, satis probabiliter probari potest,
 „ hujusmodi defectus esse poenales; & sic
 „ colligi potest, humanum genus peccato
 „ aliquo originaliter esse indefectum “.
 Hec ille sapientissimè, cujus proinde do-
 ctina attendenda permaxime est, quia lu-
 cem fulgentissimam affert huic obscuriori
 argumento.

§. IV.

De effectibus peccati originalis in specie.

XII. His itaque suppositis, ad quatuor
 species peccati originalis vulnera, sive ef-
 fectus, quos in animam induxit, revocari
 facile possunt, quemadmodum revocat S.
 Doctor *quest. 85. art. 3. ex Venerabili*
Beda; nempe infirmitatem, ignorantiam,
malitiam, & concupiscentiam: quæ vulnera
ita paucis declarat, inquit: „ Quatuor
„ sunt potentie animæ, quæ possunt esse
„ subiecta virtutum, ut supra dictum est;
„ scilicet ratio, in qua est prudentia:
„ voluntas, in qua est iustitia: irascibilis,
„ in qua est fortitudo: concupiscibilis, in
„ qua est temperantia. In quantum ergo
„ ratio destituitur suo ordine ad verum,
„ est vulnus ignorantia: in quantum vero
„ voluntas destituitur ordine ad bonum,
„ est vulnus malitia: in quantum vero ira-
„ scibilis destituitur suo ordine ad arduum,
„ est vulnus infirmitatis: in quantum vero
„ concupiscentia destituitur suo ordine ad
„ delectabile modetatum ratione, est vul-
„ nus concupiscentia. Sic igitur ista quatuor
„ sunt vulnera inflicta toti humane nature
„ ex peccato primi parentis “. Hec vulne-
ra paulo amplius singillatim explicare pro-
cedit.

De vulnere ignorantia.

XIII. Quam ingens sit *ignorantiæ vulnus*,
 per originale peccatum homini inflictum,
 experientia nimium manifesta nos docet
 tum in parvulis, tum in adultis. Nam in
 parvulis ita sopita, ac ferme extincta ra-
 tio est, ut per plures annos quasi anima
 rationali careant, peculiaribus assumentur,
 ac nesciam præcepti minime capaces sint,
 sed tam profunda ignorantie caligine ob-
 ducentur, ut nesciant, ubi sint, quid
 sint, a quo creati, a quibus geniti &c.
 Quam ignorantiam, ac veluti soporem
 considerans S. Augustinus *lib. 2. de peccat.*
mer. c. 38. ita illam deplorat: „ Pulli,
„ quamvis sint parvuli, neque accedenti-
„ bus corporis incrementis etiam mente
„ proficiant, quoniam rationalem animam
„ non habent, ramen etiam minutissimi
„ & currunt, & matres agnoscunt, nec
„ sugendis uberibus cura, & ope adjuvan-
„ tur aliena, sed ea ipsi in maternis cor-
„ poribus loco ablatro posita mirabili faci-
„ litate noverunt. Contra homini nato
„ nec ad incessum pedes idonei, nec ma-
„ nus saltem ad scalpenlum habiles; &
„ nisi ope nutriendi admois labris papil-
„ læ uberis ingerantur, nec ubi sint, sen-
„ tiunt, & juxta se jacentibus manibus
„ magis possunt esuriennes flere, quam
„ sugere. Proinde infirmitati mentis con-
„ gruit hæc omnino infirmitas corporis,
„ nec fuisse caro Christi in similitudinem
„ carnis peccati, nisi caro esset ista pec-
„ cati, cujus pondere rationalis anima sic
„ gravatur &c. “

At relictis parvulis, quid de ignorantia
 adultorum dicam? Hanc fuse explicat Idem
 S. Pater, primumque considerat hebetudi-
 nem, ac veluti fatuitatem mentis, quæ
 nonnullis ita inhæret ab ipsa nativitate,
 ut neque discernere valeant, quæ sibi aut
 convenientia, aut noxia sunt; quam calami-

miratam nulli animantium communem asserit, explicatque *epist. 28. cap. 4.* inquit: *Tam tardi nonnulli sunt, & obliuiofi, ut ne prima quidem difcreta litterarum elementa potuerint: quidam vera tante sunt fatuitatis, ut non multam a pecoribus differant.* Gentiles quidam, qui peccati originalis arcanum ignorabant, hæc ob prioris vitæ flagitia, quæ animas, antequam huic corpori copularentur, infecerant, incurrere autumabant. Verum, hoc errore alibi ab augustinus refutato, ita postea infurgit ille adversus Julianum Pelagianum *lib. 4. Oper. Imperf. c. 75. &c.* *Dic potius, inquit, si potes, unde humana ingenia cum tanta plerumque vitiofitate nascantur, cum inter nos convenias, totius hominis esse opiforem Deum iustum, & vos negatis ullum originale peccatum.* Non autem diceret aliorum peccata nos aliis imputare, qui ibi, quando commissa sunt, non fuerunt, si recoleret in lumbis Abræe fuisse Levi. . . . Ibi enim videres, si te perviciacia non cecaret, in lumbis Adæ fuisse genus humanum, quando perpetravisti illud grande peccatum.

Deinde perspicuum omnibus est, adulatorum partem longe maiorem in densissimis tenebris jacere circa res scitu omnino necessarias, adeo ut vel ignorem Conditorum suum, vel nesciant, in quem finem ordinati sint, ac tendere necesse sit, aut certa media non novetint, quibus ad finem illum perveniant. Cum enim unica via sit adipiscendi salutem, vita scilicet Christiana, maxima etiam Christianorum pars ne agnoscat quidem, in quo vita ista consistat, nec quænam ipsius regulæ sint, nec Christiani hominis officia. Quod si hoc etiam aliquando in generali noverunt, pauci sunt, qui vel sciant, vel ad ea in particulari advertant, in plerisque saltem actionibus suis, ut luctuosa experientia patet in tot hominibus superbis, avaris, voluptuosis, & hujus sæculi amatoribus, qui

sæpe vel ipsa, quæ committunt, graviora flagitia minime cernunt, & quæ agere deberent, præ cordis cæcitate non vident.

Accedit ad hanc ignorantiam amplius patefaciendam tot opinionum diffidia inter ipsos homines, qui videntur ingenio profundiore, & cultiore præditi; atque sententiarum varietas, & quidem non de rebus nullius aut exigui momenti, sed sæpe de gravioribus, atque maximis, a quibus pender humana felicitas, de turpitudine, aut honestate actionum nostrarum, de rebus divinis, de regulis ædium moralium &c. Hi omnes, aliquæ complures fructus exitiosi sunt ignorantie per Adami peccatum in Mundum invehæ, quam non nisi speciali auxilio Dei depellere possumus.

De vulnere malitie per originale culpam homini inflicto.

XIV. Hoc malitie vulnus juxta S. Thomam in eo positum est, quod voluntas ex Adæ peccato destituatur ordine ad bonum: unde, ut declarat in resp. ad 2. malitia non sumitur hic pro peccato peculiari, de quo supra egimus, sed pro quadam pravitata voluntatis ad malum, secundum quod dicitur *Gen. 2.* Proni sunt sensus hominis ad malum ab adolescentia sua. Pronitas hæc ad malum ex pluribus causis originem proxime trahit, quibus aliquando fit, quod quibusdam veluti congenita sit major ad malum pronitas, sive propensio, qua ad certa malorum genera alii præ aliis magis incitantur, ac permoverentur, nempe vel ad libidines, vel ad furta, vel ad rixas, aut contentiones &c. Cæterum generatim loquendo vulnus istud a peccato Adami illatum consistit in amore voluntatis inordinato, quo erga proprium bonum impotenter feruit, ac quodammodo abripitur.

Quot mala ex hoc inordinato amore prosuunt, proluxa enumeratione describit S. Augustinus *lib. 22. de Civ. Dei c. 22.* postquam

quam de horrenda profunditate ignorantie, ex qua omnis error existit, & omnes filios Adam tenebroso quodam suu suscipit, loquutus fuerat. „ Quid, inquit, amor ipse „ tot rerum vanarum, atque noxiarum „ (dicam)? Ex hoc mordaces curæ, „ perturbationes, meiores, formidines, „ perfidia, superbia, ambitio, invidentia, „ homicidia, parricidia, crudelitas, sæ- „ vitia, nequitia, luxuria, petulantia, „ impudentia, impudicitia, fornicationes, „ adulteria, incesta, & contra naturam „ utriusque sexus tot stupra, atque im- „ munditiæ, quas turpe est etiam dicere, „ sacrilegia, hæreses, blasphemiz, per- „ juria, innocentium oppressiones, calum- „ niaz, circumventiones, prævaricationes, „ falsa testimonia, iniqua judicia, „ violentiæ, latrocinia, & quidquid tali- „ um malorum in mentem non venit, „ & tamen de vita hominum non recedit. „ Hæc hominum sunt mala, ab illa tamen „ errotis, & perversi amoris radice venien- „ tia, cum qua omnis filius Adam nascitur“.

Præterea ex hoc inordinati voluntatis perversi amoris corrupto fonte illud etiam profluit intestinum bellum, quo voluntas ipsa contra voluntatem pugnat, quasi duæ essent in nobis contrariæ voluntates. Hinc quoque pugnam ex originali peccato profectam exemplo suo describit item S. Pater lib. 8. *Corinth. Cap. 1.* dicens: Ego, cum deliberabam servire Domino Deo meo, sicut diu disposueram, ego eram, qui volebam; ego, qui volebam; ego, ego eram. Nec plene volebam, nec plene volebam: ille mecum contendebam, & dissipabar a me ipso. Et ipsa quidam dissipatio, me invito, fiebat; nec tamen ostendebat naturam mentis aliene, sed penam meam. Et ille jam non ego operabar illam, sed, quod habitabat in me, peccatum

de supplicio liberioris peccati: quia eram filius Adam. Hec iidem voluntatum contrarietas in nobis se prolic, dum præsertim a peccati jugo, quo oppressi sumus, nostram ad Dei legem voluntatem revocare nitimur.

De tertio vulnere peccati originalis, scilicet bumane infirmitatis.

XV. *Valens istud infirmitatis, quod illatum nobis est per originale peccatum, aliter hic cum Venerabili Beda sumitur a S. Thoma, aliter a S. Augustino. S. Thomas illud presse accipit, prout per peccatum potentia irascibilis destituitur suo ordine ad arduum. Unde in resp. ad 4. objectioni respondens ait: quod infirmitas communiter potest dici omnis passio, in quantum debilitat robur animæ, & impedit rationem. Sed Beda accepit infirmitatem stricte, secundum quod opponitur fortitudini, quæ pertinet ad irascibilem. Atque hoc sensu frequentius illam accipiunt Theologi de Schola: quia, sicut homo per concupiscentiam inordinate appetit ea, quæ sensibus detestabilia sunt; ita per infirmitatem refugit illa, quæ sunt inolesta sensibus, & arduæ: adeo ut, quem admodum homo indiget virtute temperantiz ad cohibendos inordinatos humores appetitus propensiores in sensuum oblectamenta; ita indiget virtute fortitudinis ad reprimendam inordinatam ejus appetitus propensionem in timores, pusillanimitates, torpores, desperationes.*

Hæc sensu vulnus istud infirmitatis consideratum nemo non sentit, quam grave sit, dum considerat imbecillitatem, quam contraximus ex Ale peccato, in subeundis molestiis, adversitatibus, contradictionibus, quibus impetimur in hac vita, nosque a virtutis tramite, a divina lege, ab officiorum nostrorum observatione abducunt quam facile virium nostrarum defectum experimur, quoties hæc occurrunt transi-

toria mala, ac praesertim mortis terrores, quibus animus ita saepe concutitur, atque prosteritur, ut nihil curet sempiterna bona, quae amittit, nec sempiterna mala, quae incurrit. Quam ignavi, quam inertes, ac torpidi sumus in superandis difficultatibus, quae in via Dei ambulantibus obviam sunt. Huiusmodi torpor, & ignavia, quam, cum de rebus animae agitur, persequimur; non autem cum de rebus corporis, de bonis huius mundi acquirendis: quid aliud est, nisi effectus illius vulneris quod per originale peccatum nobis inflatum fuit?

Quod si latius cum Augustino *vulnus istud infirmitatis* fumamus, prout ad utrumque appetitum se extendit, superiorem scilicet, & inferiorem; sua profecto etiam in appetitu superiore infirmitas est, ex defectu gratiae, & charitatis, quam per peccatum amisimus, & ex excessu cupiditatis, quam ex illo contraximus. Nam sicut eo quis fortior, ac promptior ad bonum est, quo maiorem charitatem habet, ac minorem cupiditatem; ita ad bonum eo est debilior, & infirmior, quo charitas ipsius minor est, & cupiditas major. Infirmitatem siquidem nostram ex cupiditate proficisci, experientia ipsa nos docet, qua percipimus, nos admodum infirmos esse, ac imbecilles ad ea peragenda, quae propria sunt hominis Christiani, quoribus periculum est vel non adipiscendi bona, quae concupiscimus, vel incurrendi damna temporalia, quae formidamus. Non enim, ut ait S. Augustinus, est in carentia difficultas, ubi non est in habendo cupiditas. Itaque fortitudo nostra a charitate est; infirmitas a cupiditate: adeoque, cum ex peccato sublata sit charitas, & cupiditas in nobis dominetur; mirum esse non debet, nos tam infirmos esse in exequendis divinis mandatis, nisi per donum Dei infusa in corde nostro charitate roboreremur.

Paruzzi Theol. Mor. T. II.

De quarto, & postremo vulnere per originale peccatum homini infuso.

XVI. Doctrina S. Thomae est, naturam humanam ex Adami peccato magis corruptam fuisse quoad *profectionem boni*, quam quoad *cognitionem veri*: quae quidem corruptio quoad boni perfectionem nedum attenditur ex parte boni pertinentis ad ipsam immediate voluntatem, sed maxime ex parte boni sensilis, ac delectabilis, quod pertinet ad appetitum concupiscentem, sive concupiscibilem; quatenus, ut hic habet, *destituitur ordine ad delectabile moderatum ratione*, in quo *vulnus concupiscentiae* situm est. Hoc vulnus inter omnia, quibus fauciat sumus a peccato, gravissimum esse, ex doctrina tradita ab eodem S. Doctore solide evincitur, & evidenter elucet. Querit ille in primis quæst. 82. art. 3. *utrum originale peccatum sit concupiscentiae?* ac postquam docuit in corpore, *privationem originalis iustitiae esse formale in peccato originali*; omnem autem aliam *inordinationem se habere sicut quiddam materiale*; subdit: *Inordinatio autem aliarum virium animae praecipue in hoc attenditur, quod inordinate convertuntur ad bonum commutabile; quae quidem inordinatio communi nomine potest dici concupiscentia: & ita peccatum originale materialiter est concupiscentia*; desumpto scilicet nomine ab ea *inordinatione*, quae in hoc peccato praecipua est.

Quod autem appetitus sensibilis, in quo concupiscentia pressè dicta reldet, praecipue infectus fuerit praeter aliis potentis animae, praecclare ostendit art. 4. q. 83. ubi prius relata sententia Augustini dicentis, *infectionem originalis culpe maxime apparere in motu genitalium membrorum*, ita persequitur: „Hic corruptio praecipue *infectio*“, nominari solet, quae nata est in aliud, transferri. Unde & morbi contagiosi, „sicut: lepra, & scabies, & huiusmodi“

„ *infectiones* dicuntur. Corruptio autem
 „ originalis peccati traducitur per actum
 „ generationis. Unde potentie, quæ ad
 „ huiusmodi actum concurrunt, *maxime*
 „ *dicuntur esse infectæ*. Huiusmodi autem
 „ actus deservit generativæ, in quantum
 „ ad generationem ordinatur. Habet au-
 „ tem in se delectationem tactus, quæ est
 „ maximum objectum concupiscibilis. Et
 „ ideo, cum omnes partes animæ dican-
 „ tur esse corruptæ per peccatum origina-
 „ le, *specialiter* tres prædictæ, scilicet
 „ potentia generativa, vis concupiscibilis,
 „ & sensus tactus, dicuntur esse corruptæ,
 „ *et infectæ* “.

Eandem causam assignat S. Doctor, ut
 probeat, concupiscibilem partem in Adamo
 corruptam, & infectionem in nos propa-
 gantem magis infectam nobis esse, maio-
 resque inferre clades in humana natura,
 q. 4. de malo art. 2. ad 12. ubi & alteram
 prius assert, inquit: „ Corruptio inducta
 „ per peccatum *denominatur magis a concu-*
 „ *piscibili propter duo*. Primo quidem,
 „ quia omnes passionis irascibilis ab amo-
 „ re oriuntur, qui est in concupiscibili,
 „ & ad gaudium, vel tristitiam terminan-
 „ tur, quæ sunt etiam in concupiscibili.
 „ Unde & communiter tam morus concu-
 „ piscibilis, quam irascibilis *concupiscentia*
 „ dici potest. Secundo quia peccatum
 „ originale traducitur per actum genera-
 „ tionis, in quo maxime est delectatio,
 „ circa quam apparet inordinatio concu-
 „ piscibilis. Unde concupiscibilis dicitur
 „ non solum corrupta, sed etiam infecta,
 „ in quantum per huiusmodi actum tradu-
 „ citur peccatum originale “.

Hæc doctrina confirmatur experientia nimirum manife-
 sta, qua cernimus, homines frequentius
 in hæc carnalia peccata proruere; a vi-
 & moribus concupiscentiis appetitus sedu-
 ctos, & abducos longe fortius, quam ab
 alia quacumque prava affectione.

CAPUT IV.

CONSECTARIA

- I. *A Fide Catholica aberrant Sociniani, qui peccatum originale non alio modo traduct in homines putant, nisi per imitationem peccati Adami.*
- II. *Nullus convenientior, quem a S. Thoma traditus, modus est explicandi traduc-tionem peccati Adami in posteros.*
- III. *Peccat lethaliter, qui non observat ea, quæ de Conceptione B. Mariæ decreverunt Summi Pontifices.*
- IV. *Parvulos ex hac vita decedentes cum peccato originali fidæ certum est celesti re-gno privari.*
- V. *Veluti Fidei adversa censenda est sententia Card. Sforzati, hos parvulos baud pariter, vel damnavi affirmantis.*
- VI. *Explodenda quoque est eorum opinio, qui iisdem locum post hanc vitam feliciterem tribuunt, quam in hac experimur.*
- VII. *Multo minus P. Molina sententia de hac re toleranda videtur.*
- VIII. *Ex defectibus, quibus in hac vita obnoxii sumus, valde probabile sumitur argumentum existentie originalis peccati, etiam fide sospita.*
- IX. *Naturalis dici non potest inordinatio concupiscentie, qua in nobis est.*
- X. *Licet peccatum originale æque infectet omnes, inordinatio tamen virium animæ magis in uno se prodere potest, quam in altero.*
- XI. *Nullatenus audiendi sunt, qui ita extenuant vulnera per peccatum originale infecta, ut sermo ad nihilum redigant.*
- XII. *Hinc inferre debemus, quidquid ex concupiscentia fit, semper malo fieri, malumque esse.*
- XIII. *Plurimum ad proximum deservit legitima cognitio vulnerum, qua per peccatum originale contraximus.*

XIV.

XIV. Eadem quatuor vulnera, quæ infliguntur nobis a peccato originali, infliguntur etiam quodatenus a peccatis actualibus, quæ committimus.

Reflexio.

CONSECTARIUM PRIMUM.

I. TAMQUAM aliena a fide catholica existimanda est sententia, quam ex Pelagianis hauserunt Sociniani, nimirum peccatum originale non alio modo in homines transfundi, nisi per imitationem, quatenus scilicet homines peccando imitantur primum parentem Adam, qui Dei mandatum transgressus est. Hæc constat ex definitionibus Ecclesiæ tum olim editis, tum postremo in Synodo Tridentina. Quem errorem expresse jam refutaverat S. Thomas lib. 4. cont. Gent. c. 50. inquit: „Non potest dici (ut ait Apostolus) quod per unum hominem in mundum peccatum intravit per modum imitationis: quia si peccatum non pervenisset, nisi ad eos, qui peccando primum hominem imitantur: & eum mors per peccatum in mundum intraverit, non perveniret mors, nisi ad eos, qui peccant in similitudinem primi hominis peccantis. Sed ad hoc excludendum Apostolus subdit, quod regnavit mors ab Adam usque ad Moysen etiam in eos, qui non peccaverunt in similitudinem prævaricationis Adæ. Non ergo intellexit Apostolus, quod per unum hominem peccatum in mundum intraret per modum imitationis; sed per modum originis.“

CONSECTARIUM SECUNDUM.

II. Nullus convenientior modus censendus est explicandi propagationem peccati originalis ab Adam in omnes posteros, quam traditus a S. Thoma hic q. 81. art. 1., nimirum omnes homines, qui nascuntur ex Adam, posse considerari ut unum

hominem, prout conveniunt in natura, quam a primo parente accipiunt; adeo ut multi homines sic accepti sint tamquam membra unius corporis. Alius autem unius membri corporalis, puta manus, non est voluntarius voluntate ipsius manus, sed voluntate anime, quæ primo movet membrum... Sic igitur inordinatio, quæ est in isto homine ex Adam generato, non est voluntaria voluntate ipsius (sicut nec homicidium est voluntarium voluntate manus), sed voluntate primi parentis, qui movet motione generationis omnes, qui ex ejus origine derivantur; sicut voluntas anime movet omnia membra ad actum. Unde sicut peccatum actuale, quod per membrum aliquod committitur, non est peccatum illius membri, nisi in quantum illud membrum est aliquid ipsius hominis, propter quod vocatur peccatum humanum: ita peccatum originale non est peccatum hujus persone, nisi in quantum hæc persona recipit naturam a primo parente: unde & vocatur peccatum nature secundum illud Ephes. 2. Etamus natura filii iræ. Nihil exprimit potest luculentius.

CONSECTARIUM TERTIUM.

III. Graviter delinqueret contra Constitutiones Apostolicas, qui vel assereret erroneam, ac impiam esse sententiam descendentem, B. Mariam Virginem fuisse sine labe peccati originalis conceptam; vel reprobatet festum, & cultum Conceptionis ejusdem; vel in Officio divino, aut Missæ Sacrificio loco Conceptionis vocabulo *Strophicationis* uteretur; vel etiam hoc privilegium eidem concessum disputando, aut coram aliis sermonem habendo, negaret. Hæc enim omnia vetita sunt in iisdem Pontificiis Constitutionibus: quemadmodum peccaret etiam lethaliter, qui contrariam sententiam aut hæresim, aut peccati mortalis, aut impietatis damnet. Hoc enim patitur in iisdem Constitutionibus

bus prohibitum est. Ex quo etiam consequens est, quod, cum Ecclesia non deniverit sententiam priorem, adeoque nec illa certa sit, non sit probandum votum illud, quod *sanguinarium* vocant, pro illa sententia tuenda.

CONSECTARIUM QUARTUM.

IV. Parvuli ex hac vita decedentes cum peccato originali, sive non abluti Sacramento Baptismatis, privantur omnino hæreditate cælesti, aperte testante Redemptore nostro, neminem non baptizatum posse introire in regnum Dei, non alia plane de causa, nisi propter originale, quo infecti sunt, peccatum; quodque eos indignos efficit regni cælestis.

CONSECTARIUM QUINTUM.

V. Tamquam adversa Scripturis, S. Augustino, ac Ecclesiæ Patribus explodenda est opinio Card. Sfondrati, aliorumque, qui in suo *Nodo Prædestinationis dissoluto* docet, beatos quidem non esse, sive ad regnum Cælorum non pervenire parvulos absque Baptismate decedentes; non tamen eos perire, sive damnari. Si quidem Apostolus expresse affirmat ad Rom. 5. *Judicium ex uno in condemnationem*; quod ideo dicit, ut animadvertit S. Augustinus, quia sufficeret ad condemnationem, etiam si non esset in hominibus, nisi peccatum originale. Deinde, ut cæteros Patres omittam, in Concilio Lugdunensi II. sub Gregorio X., & Florentino sub Eugenio IV. definitum est, *illorum animas, qui in ætuali, & mortali peccato, vel cum solo originali decedunt, mox in Infernum descendere, penam tamen disparatam puniendos*.

CONSECTARIUM SEXTUM.

VI. Non minus explodenda est sententia, quam docuerunt Marsilius, Lessius, Suarez, alique, nimirum pueri cum solo

originali morientibus locum aliquem futurum feliciorum, lætiorumque, quam sit alicujus mortalis in hac vita. Hanc sententiam convenire cum ea, quam tradidere Pelagiani, & Africana Concilia damnarunt, omnino mihi videtur. Unde S. Augustinus ad Vitalem Episc. 217. inter duodecim sententias, quas *ad fidem pertinere* docet, octavam his verbis enunciat: „Scimus etiam parvulos secundum ea, „quæ per corpus gesserunt, recepturos „vel bonum, vel malum. Gesserunt autem non per se ipsos, sed per eos, quibus pro illis respondentibus & renuntiatis Diabolo, & credente in Deum, unde & in numero fidelium computantur, „pertinentes ad sententiam Domini dicentis: *Qui crediderit, & baptizatus fuerit, salvus erit: qui autem non crediderit, condemnabitur*. In damnatione quidem omnium iustissima, & levissima erunt, „qui cum solo peccato originali decedunt“.

CONSECTARIUM SEPTIMUM.

VII. Multo minus toleranda videtur opinio P. Molina, qui in *Concordia* q. 13. art. 4. & 5. existimat, parvulos a regno Dei propter originariam culpam exclusos, amissionis tantummodo gratuiti donis, in reliquis perinde se habituros, ac si in solis naturalibus constituti forent: Imo post finalem extremi Judicii diem, cum ipsorum animæ suis fuerint restitutæ corporibus, ab omnibus miseriis, & ætumnis, quas nos in hac vita patimur, ex Dei munere liberandos, melioremque viam ab omni vitio mentis, & corporis immunem in omnem æternitatem esse consequuturos. Hæc plane sententia ab omnium Sanctorum Patrum, ac præsertim SS. Augustini, & Thomæ doctrina perquam aliena est; mihiq; censura digna videtur, quemadmodum illam etiam judicarent Romani Concilia.

fultores in celebri Congregatione *de Auxiliis*, qui eam in censu Canonum doctrinam damnandam collocarunt jussu Pauli V. Et certe ad errores Pelagianorum, & Semipelagianorum proximius saltem accedere, ipsumque originale peccatum ut veram culpam non admittere, ita a Thoma de Lemos demonstratum est in Congregatione VIII. coram Clemente VIII. habita, ut Pontifex pronunciaverit, id consequens esse ex illa sententia, prout idem Author testatur in *Panoplia Tom. 1. tract. 1. cap. 21.* Unde & eandem sententiam veluti hæreticam agnoscunt Card. Bellarminus, & Card. Norisus, alique.

CONSECTARIUM OCTAVUM.

VIII. Ex defectibus tum animæ, tum corporis, quibus in hac misera vita obnoxii sumus, proclive nobis est insinere existentiam peccati originalis, quo tota humana natura corrupta fuit, etiam si deesset revelatio divina, quæ hanc veritatem nobis manifestam fecit. Ut enim, quemadmodum Capite precedente retulimus, sapientissime ratiocinatur S. Thomas *lib. 4. contr. Gent. cap. 52.* : „Cum Deus „humanorum actuum sic curam gerat, ut „bonis operibus præmium, & malis præ- „nam retribuatur, ex ipsa pœna possumus „certificari de culpa. Patitur autem com- „muniter humanum genus diversas pœnas „& corporales, & spirituales. Inter cor- „porales potissima est mors, ad quam „omnes alie tendunt, & ordinantur, sci- „licet, fames, sitis, & alia hujusmodi. „Inter spirituales autem est potissima de- „bilitas rationis, ex qua contingit, quod „homo difficulter pervenit ad veri cogni- „tionem, & de facili labitur in errorem, „& appetitus bestiales omnino superare „non potest, sed multoties obnubilabitur „ab eis“. Quoniam vero posset quis- „piam reponere, defectus hujusmodi sive

spirituales, sive corporales consequi ex materia, qua compati sumus, conditio- „ne, prout reapse effutiant *Dei* : hoc, „aliosque confutare pergit S. Doctor proba- „tione supra relata, hic iterum planè le- „genda.

CONSECTARIUM NONUM.

IX. Hinc vero satis intelligi potest cor- „ruptio, sive inordinatio ad concupiscen- „tiam inducta per originale peccatum. Nam „tamen concupiscentia sit naturalis in no- „bis, ex se minime deberet adversari rati- „oni, sed ipsi prompte obedire. Ut enim „scribit idem S. Doctor hic q. 81. art. 3. „ad 1. : *Quia in homine concupisibilis natu- „raliter regitur ratione, in tantum concupis- „cere est homini naturale, in quantum est secun- „dum rationis ordinem. Concupiscentia autem, „qua transcendit limites rationis, inest homi- „ni contra naturam. Et talis est concupiscentia „originalis peccati. Et de hac concupiscentia „loquutum est Concilium Tridentinum, „dum ait, ex peccato esse, et ad peccatum „inclinare.*

CONSECTARIUM DECIMUM.

X. Ex his etiam sequitur, peccatum ori- „ginale æqualiter esse in omnibus; quod S. „Thomas hic art. 4. probat: quia peccatum „originale in sua formali ratione duo im- „portat, scilicet privationem justitiæ origi- „nalis, & respectum ad peccatum primi „parentis, a quo per insectam originem de- „rivatur; quæ sane eadem omnino sunt in „omnibus, qui illud contrahunt, ut satis „est manifestum. Cæterum prætereunda non „est pulcherrima doctrina, quam tradit in „resp. ad primum argumentum ex eo de- „promptum, quod experientia competuum „sit, non omnes æqualiter pronos esse ad „concupiscendum. Sic itaque hoc argumen- „tum diluit: „Dicendum, quod soluto „vinculo originalis justitiæ, sub quo quo- „dam

„dam ordine omnes vires animæ conti-
 „nebantur, utraqueque vis animæ tendit
 „in suum proprium motum, & tanto ve-
 „hementius, quanto fuerit fortior. Con-
 „tingit autem, vires aliquas animæ esse
 „fortiores in uno, quam in alio propter
 „diversas corporis complexiones. Quod
 „ergo unus homo sit prouior ad concupi-
 „scendum, quam alter, non est ratione
 „peccati originalis, cum in omnibus æqua-
 „liter solvatur vinculum originalis iusti-
 „tiæ, & æqualiter in omnibus partes in-
 „feriores animæ sibi relinquuntur: sed
 „accidit hoc ex diversa dispositione po-
 „tentiarum“. 14 explicari potest æquo-
 „rem exemplo. Sicut enim soluto freno,
 „quo hi desinebantur, unus alio citius, ac
 „fortius scissorem agitat, aur magis effræ-
 „ne in præcipitium fertur, non propter inæ-
 „qualitatem solutionis, sed propter maio-
 „rem ferociam unius præ altera: ita amisso
 „iustitiæ originalis dono, quod omnes tum
 „corporis, tum animæ vires in ordine de-
 „bito continebar, ipse in quibusdam magis
 „effræenate feruntur in objecta sua, non
 „propter amissi doni inæqualitatem, sed
 „propter differentiam complexionis corpo-
 „rum.

CONSECTARIUM UNDECIMUM.

XI. Audiendi non sunt, qui ita exte-
 „nuant peccati originalis effectus, sive vul-
 „nera per illud inflata, ut ferme ad nihilum
 „redigant. Huiusmodi sunt, qui a cul-
 „pabili transgressione ea delicta excusant,
 „quæ ob ignorantiam juris naturæ committi-
 „mus; qui gratiam omnibus conferri docent,
 „eamque nulli denegari in pœnam peccati
 „originalis; qui ipsam carnis concupiscen-
 „tiam, seu libi linem naturalem esse asse-
 „runt, non malam, sive vitiosam &c. Re-
 „pugnant siquidem huiusmodi doctrinæ his,
 „quæ de effectibus peccati originalis tradi-
 „dere Ecclesiæ Doctores, maximeque S.

Augustinus, qui inter alia de gratia loquens,
 „quam aliquibus in pœnam huiusmodi peccati
 „Deus non confert, hoc illos argumento
 „revincit epist. 217. ad Vitalem: *Quomodo
 „dicitur, ait, eam gratiam fuisse accepturos,
 „si non illi, quibus non datur, eam sua vo-
 „luntate respuerint? cum multis non datur par-
 „vulis, & sive illa plerique moriantur, qui
 „non habent contrariam voluntatem, & aliquan-
 „do cupientibus, festinantibusque parentibus,
 „ministris quoque volentibus, ac paratis, Deo
 „nolente, non datur: cum repente, antequam
 „datur, expirat, pro quo, ut acciperet, cur-
 „relatur? Unæ manifestum est, qui hanc res-
 „piciunt tam perspicue veritati, non intelligere
 „omnino, qua locutione dictum sit, quod om-
 „nes homines vult Deus salvos fieri &c.*

Alios quoque neotericos, qui concupi-
 „scentiam, prout in nobis est ab originali
 „peccato relictam, aut de se bonam, aut
 „saltem indifferentem arbitrantur, refellit S.
 „Doct. lib. 3. contr. Julian. c. 22. Asserebat
 „Julianus, prout ille refert: *Concupiscentia
 „naturalis qui modum tenet, bono bene utitur;
 „qui modum non tenet, bono male utitur: qui
 „autem etiam ipsam modum sanctæ virginita-
 „tis amore contempserit, bono utilis non uti-
 „tur. Nunc etiam gemina dicunt nonnulli
 „Theologi? Verum quid inquit Augusti-
 „nus? Ego vero sic ad tria ista respondit:
 „Concupiscentia carnalis qui modum tenet, malo
 „bene utitur: qui modum non tenet, malo
 „male utitur: qui autem etiam ipsam modum
 „sanctæ virginitatis amore contempserit, malo
 „utilis non utitur. In hac controversia de bene
 „utendo, utrum bono, an malo, tota inter nos
 „causa versatur. Quis non pariter in senten-
 „tiam concedit S. Ecclesiæ Doctores, quam
 „Juliani Semipelagiano sursum insecti?*

CONSECTARIUM DUODECIMUM.

XII. Hinc vero inferit S. Pater, & infer-
 „re nos ipsi debemus, quilibet ex concu-
 „piscencia sit, male fieri, malumque esse,

tametsi secundum se licitum, bonumque forer: ex mala siquidem, & vitiosa radice nascitur. Quare si Conjuges sancti sint, sanctæque conjugale opus exerceant, non ad hoc ex concupiscentia, sed ex alio honesto fine, scilicet procreandæ prolis &c. moventur; & tunc malo bene utuntur, ut ait S. Augustinus.

CONSECTARIUM DECIMUMTERTIUM.

XIII. Arque ex his colligamus oportet, ea, quæ de vulneribus a peccato originali iussis dicta sunt, ac præsertim de concupiscentia, plurimum ad praxim deservire; quoniam ex his perspicue intelligimus, inordinatum esse, adeoque malum obedire, sive improprie gerere concupiscentiis nostris, piisque animabus motus ejusdem displicere debere, iisque cohibendis attabolandum esse, licet nullum impendat periculum consensus in peccatum. Tenemur quippe illud omne devitare, quod inordinatum est, Deoque displicere cognoscimus.

CONSECTARIUM DECIMUMQUARTUM.

XIV. Sapiens est, atque admodum opportuna animadversio S. Thomæ hic q. 85. art. 3. ubi agit de quatuor vulneribus potissimum ab originali peccato iussis. Postquam enim de his disseruit, subjicit: *Sed quia inclinatio ad bonum virtutis in unoquoque diminuitur per peccatum actuale, ut ex dictis patet, etiam ista sunt quatuor vulnera ex aliis peccatis consequentia, in quantum scilicet per peccatum & ratio debetatur præcipue in agendis, & voluntas induratur ad bonum, & major difficultas bene agendi accrescit, & concupiscentia magis exardescit.* Profecto si attente perpendamus peccatarium miserum statum, statim perspectum fiet, quam ex actualibus culpis ea vulnera magis renovenrur, & augeantur. Et quidem experientia satis ostendit, crassiores

fieri ex commissis peccatis ignorantiam illorum; adeo ut de ipsis Scriptura testetur Proverb. 4. *Via impiorum tenebrosa; nesciunt, ubi corrumpantur.* Et ad Ephes. 4. *Ambulant in vanitate sensus sui, tenebris obscuratum habentes intellectum, alienati a via Dei per ignorantiam, que est in illis.*

Quod etiam peccatis actualibus infirmitas, malitia, concupiscentia excrecant, eadem fuisset experientia doceret, in iis præsertim, qui vel peccandi consuetudine, vel pravis habitibus involuti sunt, in quibus malitia, & concupiscentia ratio amplius roboratur, & crescunt, quanto magis, illis satisfieri, adeo ut, consuetudine in naturam quodammodo versa, jam quasi necessitate trahantur in malum.

REFLEXIO.

Quemadmodum ex venenatis plantis aridorum periti Medici parare solent, ita & nos ex lethifera originalis peccati radice remedium adversus spirituales ægitudines nostras conficere possumus, ac debemus. Multæ profecto sunt, magnæque utilitates, quas ex seria consideratione vulnerum, sive morborum, quibus ex eo peccato humana natura infecta, corruptaque fuit, assatim haurimus, ut iissem idonea medicamenta præstemus, ac ferales consecutiones avertamus. Ac primum dum corruptionem, quam patimur, virium animæ nostre, ac facultatum attento studio meditatur, excitatur in nobis humilitas virtus omnibus hanc vitam agentibus perquam necessaria. Quis namque est, qui sibi ipsi summo opere non vilescat, dum sedula mente perpendit se in omnibus animæ suæ potentiis adeo corruptum esse, depravatamque, ut quodammodo dicere vere quisque valeat de semetipso, quod de cæco nato, & a Christo jam luce donato cæciores Pharisei dicebant, *se in peccatis totum esse natum*, aut illud saltem, quod de

se fatebatur Propheta : *Ecco enim in iniquitatibus conceptus sum, & in peccatis concepit me mater mea ; in pravis scilicet concupiscentiis, ac mentis tenebrosa caligine, unde tot peccata producant, nisi Deus omnipotentis gratia sua hominem adjuvet, & ad illas vincendas confirmet, ac roboret juxta illud Innocentii I. Pontificis : Necessesse est, ut, quo adjuvante vincimus, eo non adjuvante, vincamur? Nonne ipsa experientia certos nos efficit de illa Augustini sententia, qua labem contrahere ex Adam culpa adversus Julianum defendens dicebat? Ecce circumspicit sensus tuos miseria generis humani Quantalibet felicitate prepossitas, nullum sine bello intestino diem ducis, si tamen, quod prosteris, implere conaris Intuere : etiam Deo servientes tentat error, ut decipiat ; tentat labor, aut dolor, ut frangat ; tentat libido, ut accendat ; tentat meror, ut sternat ; tentat typhus, ut extollat . Et quis explicet omnia festinanter, quibus gravatur jugum super filios Adæ a diu exitus de ventre matris eorum usque in diem sepulture in matrem omnium, nisi delicti originalis meritum praecessit? Quis hæc attendens se altius effozat? Quis non potius de miseria sua non confundatur, ac de se abjectissime sentiat?*

Ex hoc sincere humilioris sensu statim oriur, nec potest non oriri dissidentia illa salutatis de viribus nostris, ac fiducia collocanda in solo Deo, meritisque Jesu Redemptoris omnium . A quo siquidem alio tot inter hostes, inter tot infinitates, concupiscentie præligis, ignorantias, pericula, in quibus cominenter versamur, auxilium & salutem expectare possumus ; nisi ab eo, qui solus Medicus est, ac Salvator animarum nostrarum, solusque suo effuso pretioso Sanguine a primigeniæ culpe macula nos emundavit, veniamque, & gratiam, quam amiseramus, comparavit? Hanc autem plane consequi minime

valemus juxta providentiæ suæ ordinem, nisi humili, frequenti, ferventique oratione pro obtinenda a Deo misericordia, & adjutorio gratiæ suæ . 'Equis sane, dum se infirmum, & imbecillum considerat, tot hostibus oppugnatum, tot tenebris involutum, tot cupiditatibus abstractum, & illectum, de se dissidens non clamet cum Regio Propheta, aliisque sanctis Viris : *Dominus firmamentum meum, & refugium meum, & liberator meus ; Deus meus, adjutor meus, & sperabo in eum Invocabo Dominum ; & ab inimicis meis salvus ero Torrentes in quitatis conturbaverunt me Invocaui Dominum, & ad Deum meum clamavi Dominus illuminatio mea, & salus mea Illumina oculos meos, ne unquam obdormiam in morte Concupiscentiam oculorum amove a me Miserere mei, Domine, quoniam infirmus sum Sana me, Domine, & sanabor Cor mundum crea in me, Deus, & spiritum rectum innova in visceribus meis : & alia id genus ?*

Sed & alium in nobis excitat utilissimum effectum confessio vulnerum, quæ originale peccatum nobis incussit ; nempe ut secundum Petri Apostoli monitum in timore, & tremore salutem nostram operemur, & contra tot domesticos hostes, quibus incessanter impetitur, præter exiraneos, armis nos spiritualibus muniamur . Quis namque non timeat, dum ob innumeras insidias, & peccandi incentiva, & occasiones periclitantur æterna salus? Quis non contremiscat tot inter laqueos, & bella, dum Apostolum audit 1. ad Corinth. cap. 10. clamantem : *Qui se existimat stare, videat, ne cadat? Dum Concilii Tridentini sess. 6. cap. 13. admonitionem perpendit, ut ipsi pariter jussi cum timore, & tremore salutem suam operentur in laboribus, in vigiliis, in elemosynis, in orationibus, & oblationibus, in jeuniis, & castitate? For-*

mi-

vidare enim debent (*scientes, quod in spem gloriae, & nondum in gloriam venati sunt*) de pugna, qua superest cum carne, cum mundo, cum Diabolo, in qua viatores esse non possunt nisi cum Dei gratia Apostolo obtemperant dicenti : *Debitores sumus non carni, ut secundum carnem vivamus : si enim secundum carnem vixeritis, moriemini ; si autem spiritu facta carnis mortificaveritis vivetis*. Rom. 8. Et rursus Ephes. 6. idem Apostolus commendat omnibus : *Induite vos armaturam Dei, ut possitis stare adversus insidias Diaboli . . . State ergo sicut lumbos vestros, & induite loriceam iustitiae . . . In omnibus sumentes scutum fidei, in quo possitis omnia tela nequissimi ignea extinguere ; & galeam salutis assumite, & gladium spiritus, quod est verbum Dei, per omnem orationem, & obsecrationem, orantes omni tempore in spiritu, & in ipsa vigilantes in omni instantia, & obsecratione &c.*

Demum eadem consideratio vulnerum quae impressa manent in anima nostra, & ad aequum, ut idem Concilium Tridentinum ait, relicta sunt, nos inducunt ad serio discutierendos actus, affectusque nostros, ne forte, ut saepe contingit, ad agendum concupiscentia, sive cupiditate moveamur, dum nos charitate moveri credimus. Quandoquidem necesse omnino est, ut solliciti laboremus ad comprimendos motus concupiscentiae, quae charitatis venenum est, seminatricis zizaniorum, & corruptela omnium actuum nostrorum. Equidem concupiscentiae motum, quem triplicem cum Augustino distinximus, & hereditaria successione a primo nostro patente accepimus, interimere, aut procius cohibere nequaquam valeamus. At saltem mortificare possumus cum auxilio Divino, rationi subicere, ac veluti crucifigere juxta illud Apostoli : *Qui suus Christi, carnem suam crucifixerunt cum vitis, & concupiscentiis ; ut per eam inuam mortificationem stimulus carnis jugiter mi-*

Patuzzi Theol. Mor. T. II,

nuatur in nobis, qui totaliter exingui non potest : & concupiscentiae inimica charitas magis magisque in corde nostro augeatur ; atque ita, ut loquar cum eodem Apostolo, expollemus veterem hominem cum actibus suis, novumque induamus, qui renovatur in agnitionem, secundum imaginem ejus, qui creavit illum in iustitia, & sanctitatis veritatis, prout subdit ad Ephes. cap. 4.

Hae, aliaeque sunt uberes, quae ex attenta consideratione vulnerum ab originali peccato susceptorum, utilitates, consequi possumus, quibusque iisdem vulneribus sanandis medicinam idoneam comparamus, ne detrimentum illud nobis affirant, quod tot hominibus asserte solent ambulantibus in venitate sensus sui, alienatis a via Dei, per ignorantiam, quae est in illis, propter cecitatem cordis ipsorum.

C A P U T V.

De Peccato Philosophico.

D O C T R I N A.

- I. Cur disputationi de peccato originali adnectatur ea, quae est de peccato philosophico ?
- II. Peccatum duplicem mentis considerationem subire valet.
- III. Error ab Ecclesia de peccato philosophico damnatus in eo consistit, quod utraque ratio offensae Dei, & repugnantiae cum ratione seipsa sejungantur.
- IV. Ex damnata propositione infertur germana notio peccati philosophici.
- V. Qui admittunt ignorantiam Dei invincibilem, peccatum philosophicum etiam admittere necessum est. Sententia P. Molina de hac ignorantia.
- VI. Eandem sententiam expresse tradit P. Arriaga.
- VII. Post damnatam peccati philosophici doctrinam, illud admittere debent, qui ad peccatum formale necessariam doceant

LI

ad

advertentiam actualem ad malitiam .

VIII. Aliquibus exemplis hoc declaratur .
Doctrina P. Matthæi Stozii proponitur .

IX. Auctor iste sententiam damnatam peccati philosophici apertissime tradit .

X. De sententia inquiritur P. Claudii Lavroixii . Ponit iste imprimis diserte principia , unde fuit peccatum philosophicum .

XI. Illud quoque post damnatam propositionem admittere pluribus evincitur .

XII. Quædam ab ipso posite limitationes ad vitandam damnationem nullius momenti demonstratur .

XIII. Alia ad idem confirmandum animadvertiones .

§. I.

In quo consistat peccatum Philosophicum .

I. DISPUTATIONI de peccato originali , ejusque effectibus statim subnectere præstat aliam de peccato , ut vocant , philosophico ; quoniam , quæ de hoc tradita sunt a compluribus Theologis laxioris Ethicæ , ferme omnia evertunt , ac pessumdant , quæcumque docuit , ac docet Ecclesia de vulneribus ab illo peccato nobis inflis ; ac præsertim de ignorantia , atque concupiscentia , quas ex eodem contraximus . Equidem quæ alibi de hisce plagis fatalibus disserimus , satis esse possent ad detegendam turpitudinem , atque horrorem philosophici peccati doctrinæ nuperime in Theologiam Moralem introductæ . Verum iis in locis principia potius , unde hoc monstrum emerit , quam ipsum in horribili aspectu suo ostendimus . Quare occasione data , illud hic manifestum fieri oportet , ut execremur potius , ac detestemur , quam ut multis argumentis contestemur . Sola quippe ejusdem facies clara in luce proposita ad plenam confutationem abunde est .

II. Ut peccatum hoc nihilde pateat , omnique confusio , quæ suboriri posset , abigatur , recolenda est illa S. Thomæ sententia , quam habet p. 1. q. 71. art. 6. ad 5. ; nimirum , quod a Theologo consideratur peccatum præcipue secundum quod est offensum contra Deum ; a Philosopho autem Morali secundum quod contrariatur rationi . Qua in sententia nemo non videt , peccatum duplicem subire posse considerationem ; nempe & quod sit offensum Dei , & quod sit contra rationem ; non quod dux ejusmodi formalitates , aut acceptiones reipsa sejungi valeant a peccato : hoc enim aperte negat S. Doctor ibid. art. 2. ad 4. sed solummodo per intellectum , quatenus intellectus Theologi præcipue considerat peccatum , prout est offensum Dei ; Philosophi autem Moralis , prout est contra rationem . Unde in hoc nullus error est , nulla deceptio , absurdum nullum ; adeoque id probant S. Thomas , cæterique , qui recte cum ipso sentiunt , Theologi , qui sæpius illud accipiunt , & respiciunt , ut Deum offendit , & aliquando etiam , ut rationi humanæ repugnat . Sed dum hoc modo considerant , simul conveniunt , rationem utramque se separari non posse a peccato ; ita ut quatenus etiam rationi adversatur , offensum semper Dei sit , atque adeo dissolvat amicitiam Dei , dignaque sit æterna punitione .

III. Error peccati , quod philosophicum vocant , & quidem absurdissimus , in eo positus est , quod utraque ratio , offensæ scilicet Dei , & repugantiæ cum humana ratione ita invicem separari valeat , ac de facto separetur , ut altera sine altera consistere queat ; adeoque , quamvis sit contra humanam rationem , non sit tamen Dei offensum , ac proinde eos lethales effectus non inducat , qui ex ipso consequuntur . Quod clarissime expressum est in propositione ab Ecclesia damnata sub Alexandro VIII. & iisdem verbis producta , ac defensa anno 1686.

1686. præfide R. P. Francisco Musnietio, in Aula majore Collegii Divionensis Soc. Jesu, quæ ita sonat: *Peccatum Philosophicum, seu morale est actus humanus disconveniens naturæ rationali, et rellæ rationi Theologicum vero, et mortale est transgressio libera legis Divinæ. Philosophicum, quantumvis grave in eo, qui Deum vel ignorat, vel de Deo actu non cogitat, est grave peccatum; sed non est offensiva Dei, neque peccatum mortale dissolvens amicitiam Dei, neque æterna pœna dignum.*

IV. Ex hac profectipia, & anathemate perculsa propositione habes primo veram, ac legitimam notionem *peccati philosophici* in eo, quod separat utramque rationem ipsa re, non per solam intellectus considerationem; dum *theologicum*, & *philosophicum* definiens, priori tribuit, quod alteri negat. Affermat quippe de *philosophico*, quod fit *actus moralis*, adeoque delibetatus: quod fit *disconveniens natura rationali, ac rellæ rationi*, sive ex objecto suo verum, ac formale peccatum: ac demum, quod fit *peccatum grave*, & gravissimum, dum ait, *quantumvis grave*; & consequenter non veniale, non leve in hoc ordine, repugnantie videlicet cum ratione humana. Nihilominus asserit hoc peccatum non esse *offensivam Dei, neque peccatum mortale*, quod dissolvat amicitiam Dei, & mortem animæ afferat, *neque æterna pœna dignum*, quæ non infligitur, nisi illi, qui Deum graviter offendunt. Ejusmodi characteres solum tribuit peccato *theologico*; quod, ut tale sit, satis non est, quod peccatum disconveniat humane rationi, sed insuper requiritur, quod sit *libera transgressio legis divinæ*; adeo ut hæc a peccante cognoscatur: alioquin nec *mortale* peccatum est, nec gratiam divinam excludit, nec pœnam æternam meretur legis Dei transgressoribus denunciatam.

Habes secundo exempla in praxi hujus

peccati *philosophici*, prout a *theologo* accernitur; nimirum in iis omnibus, qui *Deum vel ignorant, vel de Deo actu non cogitant*. Quare siquæ sunt nationes, ut esse nonnulli arbitrantur, aut ecce sive qui Atheismus præbentur, sive quos Deum ignorare nonnulli Theologi sibi persuadent; nunquam peccant peccato *theologico*, tametsi multa etiam horribiliora facinora perpetrent, sed ut summum peccato *philosophico*, quatenus ea peragunt, quæ rationali naturæ contraria sunt; adeoque nec Deum offendant, nec pœnas Inferni merentur. At neque Deum offendunt, & Inferni pœnas merentur, qui licet Dei cognitione non careant; attamen dum peccant, *de Deo actu non cogitant*, juxta Authorem damnatæ propositionis: qui plane cum plurimi sint, immo innumerales inter ipsos Christianos, & Catholicos, sequitur evidenter, eos sola *philosophica peccata* committere, dum vel ipsa parant delicta gravissima; adeoque propter hæc damnationem non incurrere, & etiam æternam salutem obtinere posse.

Habes tercio fundamentum hujus monstrore doctrine in eo consistere, quod juxta Authores *peccati philosophici* ad peccatum *theologicum* necessaria sit *actualis cognitio Dei*, sive *actualis advertentia ad malitiam peccati*, quod Deum offendit, aut legem ab eo latam violat, aut eidem displicet. Idque Author ipse decrepitæ propositionis in suis dictatis exposuit, inquit: *Sicut actus humanus nunquam est malus, sublata actuali (de hac enim loquitur) cognitione malitiae; sic nunquam est offensiva Dei, si non agnoscatur esse offensiva Dei*. De hac necessitate cognitionis Dei, & advertentiae actualis ad peccatis malitiam, aut offensam Dei, at culpam theologicam contrahendam, fuse nos egimus tract. 2. hujus Operis, ubi de ignorantia sermo habitus est, ad quem Lectorem remittimus. Nunc solum

lum indigitabo quosdam Autores tum ex
 eis, qui in hanc absurdissimam opinionem
 prolapsi sunt, antequam ab Ecclesia dam-
 naretur; tum ex illis, qui eandem tradi-
 dere, postquam ab Ecclesia damnata fuit,
 ut a lectione horum librorum caveant om-
 nes, & venenum, quod vel aperte, vel
 occulte continent, ex inconsideratione non
 debant.

§. II.

*Autores, qui vel errorem peccati philoso-
 phici docuerunt, vel saltem principia
 posuerunt, unde necessario consequitur.*

V. Proximum principium philosophici pec-
 cati est invincibilis ignorantia Dei, unde
 illud necessario provenit juxta allatam do-
 ctrinam: Si enim Deus concedatur invin-
 cibiliter ignorari, jam etiam concedere
 necessum est, non esse nisi peccata contra
 solam humanam rationem, adeoque *mera
 philosophica*, quæcumque flagitiosa, ac ne-
 saria committuntur ab hisce Deum, le-
 gemque divinam ignorantibus. Primo ita-
 que hanc sententiam diserte docet P. Lu-
 dovicus Molina, qui in 2. p. D. Tō. q. 11.
 art. 1. scribit: „Et quidem Epicurus, ut
 „ est apud Ciceronem lib. 1. de nat.
 „ Deor., in ea fuit sententia, ut affirma-
 „ verit, *gentes omnes perceptionem quam-*
 „ *dam (quam ipse proleptim appellat)*
 „ *habere, quod Deus sit, naturaliter homi-*
 „ *num animis sine lege, sine instituto, aut*
 „ *sine doctrina insertam;* quam sententiam
 „ sequitur eo in loco Tullius “. Verum
 hæc sententia Molinæ non arridet: unde
 oppositam post aliqua tradit, inquit: „
 „ Ex dictis colligi potest, tam rudes, &
 „ incultos posse aliquot homines esse, ut
 „ maxima cum probabilitate affirmare possi-
 „ mus, in eis ignorantiam invincibilem Dei
 „ posse reperiri; quod primo, & secundo,
 „ cum de ignorantia ageremus, observa-

„ vimus. Porro ea ignorantia excusabun-
 „ tur a peccato inidelitatis; & quod Deum
 „ non colant, nec eidem honorem debi-
 „ tum exhibeant, *non erit eis culpe tri-*
 „ *bundum* “. Erunt ergo hujusmodi deli-
 „ cta, quemadmodum & alia omnia, quæ
 in ea ignorantia committunt, peccata
mera philosophica, quæ nullam in alia vita
 poenam mesentur. Quo ergo pergent post
 vitam hanc homines hujusmodi? Haud
 plane ad Inferna; sed vel ad locum illum
 admodum felicem, quem Molina tribuit
 parvulis absque Baptismo decedentibus;
 aut si fortasse baptizati fuerint, in Regnum
 Dei scituri beatissima ejus præsentia,
 quamvis hic nunquam ipsum agnoverint.

VI. Eandem sententiam Molinæ sequi-
 tur P. Rodericus Ariaga T. 1. disp. 11.
 sect. 3. n. 17. ubi ait: “ Probabiliorẽ
 „ censuo sententiam Molinæ, quam facile
 „ inde probò; Nam, ut supra ostensum
 „ est, non est veritas per se nota, Deum
 „ existere . . . Ego sane vix dubito
 „ quin multi possint inveniri, in quibus nec
 „ per umbram similis excitetur ratiocina-
 „ tio (quam ceteri Theologi asserunt).
 „ Poterunt ergo habere ignorantiam invin-
 „ cibilem Dei “. Quid igitur, si aliquis ex
 his hominibus ignorantia invincibilis Dei
 laborantibus occidat, mæchetur, furetur
 &c.? Quidpiam ne peraget, quo Dei legem
 transgrediatur, & peccet? Hoc sibi argu-
 mentum ita objicit Ariaga. „ Objicies .
 „ Ergo talis homo ignorans Deum non
 „ peccabit mortaliter, etiam si alium oc-
 „ cidat, & paret se malum facere. Nam
 „ peccatum mortale definitur communiter:
 „ *Est dictum, factum, vel concupitum con-*
 „ *tra legem æternam Dei.* Ille autem eam
 „ legem ignorat. Ergo non peccat, licet
 „ nesciat, se contra rationem agere “. En
 argumentum. Quid igitur respondet? Audi.
 „ Resp. De hoc egi in materia de acti-
 „ bus humanis, ubi proprius est illius lo-
 „ cus, „

cus; dixique, talem non promeriturum
 per illud factum pœnam æternam, sed
 temporalem gravem, qua a Republica
 sufficienter punitur furum, quatenus
 est contra illam, vel virginis, vel sus-
 pendio. Nam ratio promerendi pœnam
 æternam solum desumitur ex eo, quod
 aliquis homo saltem in confuso *offendit*, se
 offendere Deum summum; quod in igno-
 rante non reperitur. Nec inconveniens
 est in tali concedere, eam actionem non
 esse æternam pœnam dignam ex ignorantia illa
 invincibili. In hac doctrina peccatum
 philosophicum expresse contineri nemo ne-
 gaverit. Hanc autem alii plures Theologi,
 qui eam ante damnatam ab Alexandro
 VIII. propositionem adductam docere veri-
 ti sunt, saltem admiserunt in illa suppo-
 sitione, quæ longe frequentior est, quod
 nempe homines peccantes afflati quidem
 sint habituali noxia Dei: sed tamen dum
 peccant, de Deo ipso actu non cogitant,
 sive de malitia ejus, quod faciunt, de of-
 fensa Dei, quam incurrunt, aut æterna
 pœna, quam actio illa promeretur: quod
 pariter in propositione anathemate percul-
 sa exprimitur. Ad alios pergamus Autho-
 res, qui post damnationem illius propo-
 sitionis scripsere.

§. III.

*De Authoribus, qui post damnatam propo-
 sitionem admittunt, aut admittere tenen-
 tur peccatum philosophicum.*

VII. Hoc in censu reponi omnino de-
 bent Authores illi plurimi, qui etiam,
 damnata jam philosophismi sententia, do-
 ctre perrexerunt necessitatem advertentiae
 actualis ad malitiam prave actionis, aut
 omissionis, sive ad offensam Dei, aut trans-
 gressionem divinæ legis, ad contrahendam
 culpam, aut peccatum formale, ut ajunt,
 quod dissolvat amicitiam Dei, & dignum

sit æterna pœna, Hæ enim posita doctri-
 na, necessario sequitur peccatum philosophi-
 cum, sicuti in allaia propositione describi-
 tur. Nam quantumvis grave, & gravissi-
 mum peccatum sit illud, quod homo com-
 mittit, si non advertit actualiter, prout
 ferme omnes peccatores præsertim habitua-
 ti, excæcati, obdurati ræspice non adver-
 tunt ad malitiam actuum suorum, ad of-
 fensam, quam Deo irrogant, ad Dei le-
 gem, quam transgrediuntur; nullum mor-
 tale peccatum perpetrant, quod Deum
 offendar, quod mortem animæ inferat,
 quod sempiternam pœnam promereatur;
 adeoque nihil aliud superest, nisi ut pec-
 cata philosophica committant, digna qui-
 dem supplicio temporali, inferendo a Re-
 publica humana, non autem æterno a Deo
 infligendo. Quapropter sectatoribus hujus
 absurdæ opinionis illud jure, ac merito di-
 cere possumus, quod ajebat Augustinus in
 lib. de adult. Conjug. mutata antecedente,
si vultis cavere sequentia. Verum ad unius,
 aut alterius saltem sententias referendas
 devenimus, quæ proximis spectant phi-
 losophicum peccatum.

VIII. P. Matthæus Stozius S. J. in suo
Tribunali Penitentia edito anno 1766. lib.
 2. part. 3. pag. 347. ita scribit; Ad pec-
 catum mortale non sufficit scire, id
 graviter repugnare rectæ rationi, sed
 requiritur, ut, dum committitur, scia-
 tur, sive occurrat id esse gravem Dei
 offensam. Lessius, Lugo &c. Ratio est,
 quia si homo non cognoscit, Deum of-
 fendi, & quidem graviter, tunc offensa
 gravis non est illi voluntaria, neque
 malitia offensæ formalis in ipso reperie-
 tur. Ergo non poterit illa ad culpam
 imputari. Quod si vero ratio offensæ
 formalis Dei non reperitur in actu,
 non erit peccatum theologicum; ergo nec
 mortale, licet fiat cum advertentia,
 quod fit contra naturam rationalem.

n Theo-

„ Theologi enim peccatum longe aliter
 „ considerant , quam *Philosophi Morales* .
 „ Isti enim considerant peccatum , prout
 „ dicit oppositionem cum natura rationali,
 „ seu dictamine rationis ; seu , ut alii lo-
 „ quuntur , cum Republica rationali . Isti
 „ vero , prout dicit oppositionem cum di-
 „ ctamine Dei , vel cum Deo Republicæ
 „ rationalis capite . Et hinc factum est ,
 „ ut duplex in peccato distingueretur ma-
 „ litia : una *philosophia* ; illa nempe , quæ
 „ est contra naturam rationalem ; altera
 „ *theologica* ; illa scilicet , quæ desumitur
 „ ex oppositione cum divina majestate ,
 „ & alio nomine formalissime dicitur *offen-
 „ sa Dei* : quia injuria , & offensa Dei ni-
 „ hil aliud est , quam voluntaria oppositio
 „ cum ejus præceptis . Et in hac confide-
 „ ratione sermo est de peccato , cum quæ-
 „ ritur , an ad hoc , ut contrahatur , re-
 „ quiratur cognitio *representans* ; illo *offen-
 „ di Deum* , & quidem graviter . Et præ-
 „ requirit etiam Christus ipse *Luc. 12.* satis
 „ indicavit ; *Servus* , inquit , *qui cognos-
 „ vit voluntatem Domini sui , & non fecit
 „ secundum voluntatem ejus , vapulabit mul-
 „ tis ; qui autem non cognovit , & fecit di-
 „ gna plagis , vapulabit paucis* . Ex his
 „ enim satis aperte constat , per pecca-
 „ tum commissum hoc advertentia , Deum
 „ non graviter offendi , non mereri poenam
 „ æternam , atque adeo nec mortale esse
 „ in sensu theologico “ .

IX. Non dicam solum *satis aperte* , sed
 apertissime , & luculentissime constat , Au-
 thorem hunc docere sententiam damnatam
 peccati *philosophici* , tum quia expresse ait ,
 ad peccatum mortale non sufficere scire , id
 graviter repugnare rectæ rationi , sed requiri ,
 ut , dum committitur , sciat , sive occur-
 rat , id esse gravem Dei offensam . Si enim
 hæc requiritur ; solumque sciat , aut oc-
 currat repugnare graviter rectæ rationi , jam
 non erit *offensa Dei* , sive theologicum pecca-

tum ; sed mere *philosophicum* . Quod etiam
 ex subiecta ratione clarius elucescit , ut
 eam consideranti patet . Tum quia nedum
 duplicem illam rationem , sub qua pecca-
 tum considerari utique posse diximus cum
 D. Thoma , distinguit utrumque ; sed evi-
 dentissime unam ab altera ita separar , aut
 sejungit , ut una sine alia inveniatur , ut
 liquet ex roto contextu ; & ex eo , quod
 ex textu Evangelico , quo plane abutitur ,
 concludat , *per peccatum commissum sive ad-
 vertentia* , qua nempe *representetur* pecca-
 tum nedum ut rectæ rationi contrarium ,
 sed ut *offendens Deum* , & quidem graviter ;
 Deum non graviter offendi , nec mereri poenam
 æternam . Ad alium pergo Scriptorem , cujus
 opera omnium ferme manibus teruntur non
 sine ingenti morum pernicie .

§. IV.

*Peculiares animadversiones in doctrinam P.
 Lacroixii de hoc argumento .*

X. P. Claudius Lacroixius , qui Theo-
 logiam Moralem P. Busembaum plurimum
 auxit , & ampliavit , quæ sæpius excusa ,
 eorum hisce postremis annis iterum edita in
 lucem fuit tum *Venetiis* , tum *Colonia* ; de
 hoc argumento Author iste non uno in loco
 differt . Brevitati consulens quedam tan-
 tum excerptam ex Tractatu de *Pœnitentiis* .
 Docet ille in primis cum pluribus Societati-
 bus Scriptoribus generalem doctrinam de
 necessitate advertentia actualis ad malitiam
 peccati , ut culpa theologica contrahatur .
 Tum vero in hoc Tractatu num. 224. de
 peccatis inadvertentia ita statuit : „ Peccata
 „ inadvertentiæ dicuntur , quando negle-
 „ xa est advertentia debita , sive quando
 „ cognoscebatur periculum peccandi , & obli-
 „ gatio magis advertendi : & tamen hæc
 „ advertentia major est neglecta , quia
 „ cognitio , & negligentia sæpe adeft , li-
 „ cet homo postea non recordetur eam ad-
 „ fuisse .

„ fuisse “. Digna est speciali observatione hæc Lacroixii, & Probabilistarum doctrina. Si non addit, docent, advertentia ad malitiam peccati, sive ad offensam Dei, nulla culpa contrahitur, nec Deus offenditur. Hæc autem advertentia vix, ac ne vix quidem adest in hominibus terrenarum affectionum mole gravatis, atque perversa peccandi consuetudine irretitis. Unde hi vix, ac ne vix quidem peccant, dum suis affectionibus indulgent aut perversa impellente consuetudine in scelera ruunt. Reponere utique possent, teneri saltem advertere ad debitum, quod tales peccatores urget, adhibendi diligentiam, ne ex neglectu ejusdem peccata committant. Verum hujusmodi homines sæpissime nec advertunt malitiam actionum, quæ peragunt, nec obligationem, quæ tenentur, magis advertendi peccandi periculum, ut experientia constat. Igitur ex nulla parte culpabiles sunt, dum peccata peccatis cumulant.

N. 116. hanc aliam doctrinam repetit: „ Ad peccatum requiri advertentiam ad „ legem Dei, & ad malitiam objectivam, „ dictum est a n. 15. Hic addimus, ad „ peccatum mortale requiri plenam, & „ perfectam advertentiam ad malitiam „ gravem “. Quoties igitur hæc plena, ac perfecta advertentia ad legem Dei, & malitiam gravem non habetur, quodecumque, & qualescumque sit illud, quod committitur adversus legem Dei; nunquam erit peccatum mortale, quod amicitiam Dei dissolvat, dignumque reddet hominem æterna pœna. At quid requiritur ad gravem malitiam objectivam, quæ, Lacroixio iudice, adverti debet, ut contrahatur peccatum mortale? Hæc declarat n. 113. „ Hæc autem malitia objectiva tunc sufficienter cognoscitur esse gravis, quando „ advertitur esse inductiva odii, vel inimicitia Dei, aut pœna æterna. Item quan-

„ do operans quasi *barret*, & apprehendit „ ad eum modum, quo solet alias materias graves, quando se ad eas refert “. Sciscitemur, quæso, non dicam ab infidelibus, qui vel Deum nesciunt, vel de Deo non cogitant, sed a tot Chridianis præsertim consuetudine peccandi implicatis, & abstractis; num quoties vel tot blasphemias, perjurias, imprecationes &c. expromunt, vel affectionibus suis depravatis obsecundant; num, dum hæc faciunt, cogitent, aut advertant, peccata, quæ committunt, esse inductiva odii, vel inimicitie Dei, aut flagitia *horreant*, in quæ prorunt? Ego quidem arbitror, vix in centum millibus unum repertum id, qui ita esse respondeat. Igitur ab his *sufficienter non cognoscitur gravis malitia objectiva* suorum criminum, atque adeo nunquam mortaliter peccabunt. Hæc plane absurda non toleranda ex doctrinis hujus Authoris, quas ab alijs sume potissimum Scholæ Theologiæ didicit, consequuntur.

XI. Verum his quidem, aliisque sententiis, quas docet tum in eo, tum in alijs Tractatibus, Lacroixius, fundamenta jecit absurdissimæ, ac damnatæ doctrinæ *peccati philosophici*. Videamus, quid de illo specialiter, ac expresse sentiat. N. 49. hanc quæstionem movet: *Quid dicendum sit de peccato philosophico?* Antequam respondeat, primum præmittit: „ Licet seculus „ damus omnem cognitionem Dei, tamen „ adhuc posset homo moraliter bene, vel „ male agere, si nempe pro libertate sui „ arbitrii eligeret operari juxta, vel contra „ tra prima principia rectæ rationis nobis „ indita a natura “. Quoad hanc hypotheticam propositionem nonnihil observandum foret; sed eam præterire volo, ne sim prolixior. Quod sequitur n. 50. cursum licet, animadverto: *An aliquando detur, vel dari possit ignorantia, vel incogitantia invincibilis Dei, nihil attinet hic dicere. Sunt, qui*

qui absolute negant : sunt , qui affirmant , saltem ad breve tempus . Primum illud observa , quod , si sermo sit de ignorantia Dei , admittit Lacroixius esse , qui affirmant , dari , vel dari posse talem ignorantiam Dei invincibilem ; quorum sane sententiam juxta probabilistica sua principia concedere omnino debet esse probabilem propter auctoritatem eorum , qui affirmant , præsertim cum in eorum numero reperitur P. Molina , qui juxta ipsum Doctorem Classicus est , omneque exceptionis major ; cujus proinde vel sola auctoritas opinionem , quam docet , probabilem efficit . Si autem sermo sit de incogitantia invincibili Dei , nedum Molina , nedum plerique alii , sed ipsemet Lacroixius tum possibilem , tum reapse existentem admittit in pluribus illis , qui peccant absque advertentia ad legem Dei , ad ejus offensam , ad pœnas æternas , quas comminatur &c.

Pergit Lacroixius : „ Hoc tantum dicimus , si in aliquo daretur (hæc invincibilis ignorantia , vel incogitantia Dei) , & talis homo ageret contra dictamen rationis ; tunc ejus actum non habiturum malitiam formalem theologicam , ut facis constare ex dictis : at tamen habiturum malitiam aliquam moralem , in quantum esset disconveniens a natura rationali &c. , & hanc malitiam possumus appellare „ philosophicam “ . En Lacroixius dividit duplicem illam rationem , sub qua considerari peccatum potest , quatenus scilicet est offensæ Dei , & quatenus adversatur rebus rationis ; alteramque sine altera haberi posse consentit , eamque positis suis principis reapse haberi , atque habere tenetur . Docet enim conceptis verbis , nullum peccati actum habere malitiam formalem theologicam , nisi advertat homo ad legem Dei , quam violat ; quod perinde est , ac de Deo , aut Dei offensam non cogitare . Solum itaque ut summum habeat malitiam moralem ,

prout est disconveniens a natura rationali : & ecce purum putamque peccatum philosophicum .

Hinc , quod veluti hypothesis loco affirmat n. 39. , tamquam thesibus juxta principia Lacroixii existimanda est : „ Si supponamus , inquit , infidelem decedere in solis peccatis philosophicis , cum propter hæc non damnandum ; sed nec futurum beatum , quia propter originale careret gratia , ideoque post toleratam pœnam temporalem , peccato philosophico proportionatam , futurum in eo statu , in quo sunt infantes sine Baptismo in originali decedentes “ . Qua propositione ea magis confirmat , quæ antea docuerat ; nec aliud sane asserere potest , nisi suis principis reprobatis .

XII. At nonne Ecclesia Catholica damnavit doctrinam peccati philosophici tamquam scandalosam , temerariam , piarum aurium offensivam , & erroneam ; eamque docere prohibuit sub excommunicatione Summo Pontifici reservata ? Ita plane legitur in Decreto Alexandri VIII. Sed nihilominus hanc se putat damnationem effugere posse Lacroixius , qui post illam suam edidit Theologiam . Audi quomodo : „ Propositio , inquit , relictæ n. 49. (id est ab Ecclesia confixa) jure damnata est ; 1. quia non distinguit ignorantiam , & advertentiam invincibilem , aut invincibilem Dei : & de utraque æqualiter intelligi potest . Est autem certum , quod ignorantia , vel incogitantia vincibilis de Deo non excusat a peccato contra Deum , 2. quia absolute dicit , peccatum grave philosophicum non esse offensam Dei ; cum semper offensæ Dei (sit) saltem materialis , & moraliter loquendo , etiam semper sit formalis : unde , si propositio sic limharetur : philosophicum (N. B.) quantumvis grave in illo , qui Deum vel ignorat invincibiliter , vel de Deo „ est “

„ *actum non cogitat inculpabiliter*, ne quidem
 „ tenuiter, aut remisse, est grave pecca-
 „ tum philosophicum; sed non est formalis
 „ *offensa Dei*, neque peccatum mortale
 „ theologicum dissolvens amicitiam Dei,
 „ neque aeterna poena dignum; si, in-
 „ quam, sic limitaretur propositio, esset
 „ longe alia, nec mereretur censuram, uti
 „ constat ex dictis. Ita Lacroixius.

Si hæc limitatio ab hoc Authore ad vi-
 tandam damnatæ propositionis censuram
 producta, non est manifesta elusio Ponti-
 ficis, & Ecclesiæ mentis in illa damnan-
 da; quænam dicenda erit? Rogo ingenuos
 Lectores meos, ut hanc Lacroixianam
 assertionem serio expendant, conferantque
 cum propositione damnata, prout a P.
 Musnierio S. J. exposita fuerat iisdem
 prorsus verbis, quam iterum sub ocu-
 lis ponam: Peccatum philosophicum, seu
 morale est actus humanus dissonans naturæ
 rationali, & rectæ rationi; theologicum vero
 est transgressio libera divina legis. Philo-
 sophicum quantumvis grave in illo, qui vel
 Deum ignorat, vel de Deo actum non cogitat,
 est grave peccatum, sed non est *offensa Dei*,
 neque peccatum mortale dissolvens amicitiam
 Dei, neque poena aeterna dignum. Quid hic
 comminisceris, ut evadas censuram, di-
 stinctionem ignorantie, & incogitantie vin-
 cibilis, & invincibilis; *offensa Dei materia-
 lis, & formalis*; quam Pontifex non cu-
 ravit, nec curari meretur, cum ignorantia,
 & incogitantia Dei in eo, qui deli-
 berate peccat, non possit non esse vin-
 cibilis, qui eam semper vincere teneretur, &
offensa Dei semper in eodem formalis sit?
 Si Pontifex damnavit propositionem illius
 Authoris sibi delatam absolute, & nulli
 habita ratione distinctionum, quis abstru-
 dis; cur non & ipse damnas absolute, &
 potius ex illa damnata propositione non
 colligis, non esse admittendam distinc-
 tionem illam ignorantie, aut incogitantie vin-
 Patuazii Theol. Mor. T. II.

cibilis, & invincibilis; cum semper in eo,
 qui deliberate peccat, sit vincibilis, atque
 culpabilis, adeoque etiam *offensa Dei* ne-
 dum materialis, ut vocas, sed etiam for-
 malis.

XIII. Verum ut Lacroixii deceptio am-
 plius innotescat, quædam præterea adno-
 tare placet, quibus, quam perperam scrip-
 serit ille, limitatam suam propositionem esse
 longe aliam, nec mereri censuram, manife-
 stius fiat. Atque illud in primis in men-
 tem revocandum est, quod non semel di-
 ximus, venenum damnatæ thesæ non in
 eo situm esse, quod peccatum considerari
 valeat ut cum recta ratione pugnans, & ut
 contrarium legi æternæ Dei, ejusque of-
 fensa: duas quippe has peccati notiones
 distinguit in ipso S. Thomas, distinguunt-
 que ceteri Theologi; sicut etiam alia di-
 stingui posset, quod sit æterna poena di-
 gnus. Sed in eo consistit, quod hæc duæ
 rationes tum a thesæ Authore, tum ab aliis
 non intermisceantur: solum, sed & ita
 separantur, ut possit quis graviter in ratio-
 nem peccare, quin Deo injuriam irroget.
 Musnierius in thesæ confixa, alique tradunt
 aperte, ab homine Deum aut ignorante, aut
 de illo actu non cogitante committi quidpiam
 posse a recta ratione discordans, quin tam-
 men Deo injuriam irroget, aut ejus violet
 amicitiam, dignumque sit æterna poena: et
 quod item omnino est, ac peccatum philo-
 sophicum jam damnatum.

Hoc posito, cæne longe alia propositio,
 nec censuram meretur, prout a Lacroixio
 limitatur? Duas ille peccati notiones non
 intellectu secernit solum, sed re ipsa di-
 jungit; contenditque, peccatum quantum-
 vis grave, ab ignorante, aut actu Deum
 non cogitante paratum, mere philosophicum
 esse, non formalem offensam Dei &c. Hæc
 fais est, ut diri debeatur, hunc Authorem
 damnatam doctrinam tradere. Limitatio
 autem, quam adjicit quoad illum, qui
 Deum

Deum *culpabiliter* aut ignorat, aut adu-
no: eogit, pro nihilo reputanda est, nec
a sua doctrina venenum dimittat: propo-
sitionis abstergit, cum admittat realem se-
parationem duplicis rationis peccati, prout
est disconveniens naturæ rationali, & prout
est offensa Dei, sive contra Dei legem,
in qua separatione proscriptæ doctrinæ vi-
rus positum est. Quod magis confirmari
valet his, quæ habet n. 52. & jam descrip-
simus. Tamen enim definire nolit quæ-
sitionem, quam ibi excitat, *an aliquando*
detur, vel dari possit ignorantia, vel inco-
gnitancia invincibilis Dei; satis tamen per-
spicitur, in quam ipse partem propendeat.
Nam aut affirmantes sequitur, aut saltem
probabilem eorum sententiam suis ipse prin-
cipiis habere cogitur, ut dictum est.

Verum quid ista persequimur, cum ex
his, quæ ipse statuit, quid de hoc capite
senferit, perspicue colligatur? Nonne cum
aliis Probabilistis sancit, *certum esse, ad*
peccatum (formale utique) prerequisite ad-
vertentiam ad legem Dei, & ad malitiam
objecti. Si autem nullo modo cogitetur de
malitia hujus objecti, quamvis ignorantia,
vel incognitancia sit culpabilis, opus ex ea se-
quens non habere malitiam specialem, igno-
rantia enim, sive sit vincibilis, sive invinci-
bilis, facit æqualiter non cognosci malitiam:
ergo etiam non contrahi? Ita plane. Ponamus
ergo, peccantem nosse quidem, cum
naturæ rationali pugnare malum, quod
peragit; *culpabiliter* ramen ignorare, aut
non considerare, quod sit *offensa Dei*, aut
legis suæ violatio: nonne, Lacroixio au-
thore, Deum, malum illud agendo, non
offendit, adeoque nec æternæ pœnæ ob-
noxius erit? *Ignorantia enim vincibilis facit*
æqualiter non cognosci malitiam: ergo etiam
non contrahi. Tantum itaque in *realem ra-*
tionem peccabit ille: nam & ipse hoc co-
gnoscit, aut cognoscere supponitur, &
temporarias dumtaxat pœnas dabit, non

æternas; eritque propterea peccatum ejus
mere philosophicum.

Id confirmare, & explicare placet exem-
plo desumpto ex Ethnicis, quibus, præ-
sertim plebeis, non alius Deus erat, nisi
Juppiter, Mars, Apollo, Venus &c., a
quibus tantum aberat, ut putarent, veti-
ta fuisse adulterium, fornicationem, in-
cestum &c., ut in ea potius persuasione
essent, Diis suis, quos hujusmodi erimi-
num patratore, ac magistros habebant,
hæc fore pergrata, quamquam ea nossent
a recta ratione abhorreere. Mere ergo *phi-*
losophica fuisse eorum scelera concedat
oportet Lacroixius. Quod si respondeat,
verum Deum ab iis *culpabiliter* ignoratum
fuisse, aut quod necessariam ad inquiren-
dam veritatem attentionem conferre ne-
glexerint; nec ipse, nec alii Probabilistæ
absurdum devitant. Ut enim vitio dari
possit *negligentia*, sive *neglectus*, oportere
decernunt, ut cognoscatur obligatio magis
advertendi, & hæc major advertentia sit ne-
glecta; cujus profecto obligationis cogni-
tione caruerunt, carentque saltem Ethni-
corum plerique. Quid porro, si hæc ab
eis agnitam fuisse obligationem dederimus?
Opus ex ea sequens, ait Lacroixius, non
habet malitiam specialem, nisi præcise illius
negligentia, aut neglectus &c. Non alia ergo
esse poterat nefandorum, quæ Ethnicis
Deum *culpabiliter* aut nescientes, aut,
quod frequentissimum erat, non cogitantes
committebant, scelus malitia, quam
philosophica; nec alia eis debita pœna erat
quam temporaria.

Veniam a Lectoribus peto, si nimis
fortasse videor in hoc argumento, quoniam
necessarium id arbitror, ut videant, qui
hujus Authoris Theologiæ pro Morali ad-
discenda student, quanta circumspectione,
& cautione eam legere debeant, tum in
hac quæstione, tum in aliis pluribus æque
periculi plenis. In hoc eodem tractatu,
scilicet

sicut & in aliis locis, ubi præsentem materiam versat, docet præterea cum aliis Probabilistis, plurium actionum, quas recta ratio damnat, pravitatem *invincibiliter* posse ignorari, aut actum non considerari. Quapropter & ipse, & alii statuunt, quæ *excecata*, *obdurata*, vitiosis affectibus abrepti mala perpetrant, neque actu ad eorum malitiam animum advertunt, *proprie peccata non esse*, quæ Deum offendant, nec necessario in Confessione aperienda. An non autem multo facilius est ab homine cupiditatis suis impotenter indulgente, & vetusta consuetudine irreposito minus considerari Deum, & quæ peccando Deo irrogatur, injuriam, quam actus sui perveritatem, aut repugnantiam cum ratione, quæ animo prius occurrit? Si hanc ergo Lacroixius, alique Probabilistæ concedunt ignorari, aut actum saltem non considerari *invincibiliter* posse, concedant multo magis oportet *invincibiliter* ignorari, aut cogitati *offensam Dei*, aut contrarietatem ad legem suam. Imo, quum duas hæc notiones ipsi sejungant, decernantque; alteram haberi posse sine altera, naturalem peccati turpitudinem cognoscere poterit homo peccans, quin & offensam cognoscat, quam Deo peccando infert: critique propterea peccatum ipsius vere *philosophicum*.

Concludamus igitur, & pessimam Lacroixii, aliorumque Probabilistarum de hoc argumento doctrinam hoc syllogismo contrahamus. Quicumque, quod male agit, prævum esse, & Deo injuriosum aut ignorat, aut *actu non cogitat*, proprie non peccat, nec *formalem* Deo injuriam facit, aut ejus actio perversa sit. At plurimi, imo, experientia teste, innumerabiles sunt, qui dum peccant, prævum esse quod agunt Deoque injuriosum aut ignorant, aut saltem actu non cogitant. Igitur proprie non peccant, nec Deum offendant; adeoque nec æternam pœnam merentur;

utrumque ut summum peccata ipsorum *philosophica*, si nempe aliquam in his repugnantiam cum ratione saltem in genere concipiant. Ita itaque de Mundo sublata pleraque hominum peccata, quæ Dei odium inducant, amicitiam *convalvant*, ac digna sint sempiterno supplicio. Ita monstrum horrendum *philosophici peccati* iterum in Ecclesiam invehit, simulque cum ipsis gravissima, ac fœnellissima mala, quæ seculum desert.

Ceterum non immorabor ego in proferendis testimoniis Scripturarum, Sanctorum Patrum, ac præcipue S. Thomæ, aliisque probationibus, quibus doctrina *peccati philosophici* refellitur, labefascitur, convellitur. Satis ad illud penitus contendum, abundeque est tum damnatio ejusdem facta ab Ecclesia, ac prohibitio illam docendi sub censurarum comminatione; tum gravissima, & plane non ferenda absurda, quæ ex illa assatim prodeunt, & cuilibet Christianorum nonnisi maximum incutere horrorem possunt. Sed neque ex his, quæ dicta a nobis sunt, confectaria, prout de more, derivabimus: hæc siquidem aliquantisper consideranti statim obvia sunt. Legi tamen possunt, quæ de ignorantia *habituali*, & *actuali* animadvertimus. Ad alia progredior.

CAPUT VI.

De Peccatorum speciebus distinctione, & inæqualitate.

D O C T R I N A.

- I. *Quædam prælibantur ad discernendam peccatorum distinctionem. Varia de speciebus theologorum sententia.*
- II. *Sententia S. Thomæ hæc de re proponitur.*
- III. *Explicatur proposita S. Doctoris sententia.*
- IV. *Cur S. Thomas ex objectis potius, quam ex alio capite distinctionem peccatorum speciem repetendam doceat.*

M in 2

V.

- V. *Obiectum non inducit distinctionem speciem in peccatis, nisi formaliter consideratum.*
- VI. *Juxta traditam doctrinam a capiuntur ea, quae S. Thomas docet in aliis ejusdem questionis articulis.*
- VII. *Regulae quaedam ex allata doctrina derivantur. Regula prima. Sola praepceptorum diversitas non inducit speciem distinctionem.*
- VIII. *Regula secunda. Hanc tamen distinctionem inducunt praepcepta, si afferant specialem cum ratione repugnantiam.*
- IX. *Regula tertia. Ex praepceptis juris positivi aliquando sumitur specifica distinctio peccatorum.*
- X. *Regula quarta. Ad contrahendam malitiam specie distinctam, sufficit, quod voluntas in obiectum feratur tali malitia pollutum.*
- XI. *Regula quinta. Circumstantia, quae actum efficit repugnantem alicui virtuti, cui cateroquin non opponitur, speciem peccati mutat.*
- XII. *Regula sexta. Majus, & minus, intensum, & remissum circumstantiae non sunt, quae de se mutant speciem.*
- XIII. *Regula septima. Ita quoque nec diuturnitas, aut frequentia peccati non est ex se circumstantia, quae novam speciem addat peccato: ex accidenti tamen addere aliquando potest.*
- XIV. *Major, minorque gravitas essentialis peccatorum sumitur ex obiecto.*
- XV. *Accidentaliter autem ex circumstantiis. De circumstantia persona, in quam peccatur, & quae peccat.*

§. I.

Unde sumenda sit specifica peccatorum distinctio.

- I. **Q**UEMADMODUM res omnes considerari valent & in genere, quatenus in aliquo communi conveniunt; & in spe-

cie, prout per formam, qua conantur inter se differunt; ac demum in numero, in quantum eandem quidem formam participant, sed ob conditiones individuales distinguuntur, atque multiplicantur: eadem quoque consideratio de peccato fieri potest, ac debet. Peccatum, si spectetur generationem, est actus humanus inordinatus; sive, ut inquit S. Thomas p. 2. q. 21. art. 1. *proprie consistit in actu, qui agitur propter finem, cum non habet debitum ordinem ad illum finem.* Et hoc peccatis omnibus commune est: ac sub hac consideratione de peccato satis egimus supra, de humanis actibus differendo. Solum itaque superest, ut de ipso sub duplici alia consideratione inspecto differamus; & peccatorum species unde desumantur, sicut deinde eorumdem etiam numerica multiplicatio, statumus. Quorum quidem accurata cognitio cum omnibus necessaria sit, tum vel maxime animarum Rectioribus, & Confessoribus, qui ministerium suum, ut par est, exercere nequeunt, nisi criminum species, ac numerum apprime noverint, de quibus in Sacro Tribunali judicare debent.

Quoad igitur in primi specificam peccatorum distinctionem attinet, Theologi in varias sententias abeunt; eamque alii repetendam existimant ex solo prudentum sensu, & apprehensione: alii ex dissimilitudine notabiliter diversa cum lege aeterna Dei: alii sumendam putant ex praecisa praepceptorum diversitate: alii demum ex aliis capitibus, quae recensere non vacat. Nos, quae de hac re docuit Angelicus Praeceptor, asseremus, & explicabimus, si tamen ipsius doctrina, quae satis clara est, indiget explicatione.

II. S. Thomas de hoc argumento agit tota quest. 72., & in c. art. statuit, peccata specie invicem distingui, sive specificam distinctionem deponere ab obiectis

formaliter diversis; quod ita ostendit, ac probat: „Ad rationem peccati duo concurrunt; scilicet *actus voluntarius*, & *inordinatio ejus*: quæ est per recessum a lege Dei. Horum autem duorum unum (actus nempe voluntarius) per se comparatur ad peccantem, qui intendit talem actum voluntarium exercere in tali materia: aliud autem, scilicet inordinatio actus, per accidens se habet ad intentionem peccantis. Nullus enim intendens ad malum operatur. Manifestum est autem, quod unumquodque confertur speciem secundum illud, quod est *per se*; non autem secundum illud, quod est *per accidens*: quia ea, quæ sunt *per accidens*, sunt extra rationem speciei. Er ideo peccata specie distinguuntur ex parte actuum voluntariorum magis, quam ex parte inordinationis in peccato existentis. Actus autem voluntarii distinguuntur specie secundum objecta, ut in superioribus ostensum est. Unde sequitur, quod peccata proprie distinguantur specie secundum objecta“.

III. Duo ergo in peccato distinguere oportet; nempe *actum voluntarium*, sive humanum, & *inordinationem ejusdem*, quatenus est dissentaneus legi Dei. Utrumque in peccato invenitur, sed non æquo modo relate ad peccantem. Primum enim *per se* ab illo respicitur: qui enim ex. gr. furatur, *per se* tendit in acquisitionem rei alienæ: *inordinatio* autem, quæ est in furto, actui adnectitur ex hoc, quod legi adversetur, adeoque ea rectitudine privatur, quæ actibus humanis convenire debet: Ex quâ privatione peccati rationem desumit. Illud tamen in allata S. Thomæ doctrina observandum est, quod non omnino absolute dicat, peccata suam speciem ex objecto deprimere; sed alliciat, magis, quam ex parte inordinationis in peccato existentis: quod etiam habet in resp. ad 2.

Ex quo colligere fas est, etiam ex privatione detumi posse specificam peccatorum distinctionem; prout ille in ea responsione contentit. Argumentum, quod sibi secundum locum opposuerat, erat hujusmodi: *Malum, cum sit privatio, distinguitur specie secundum diversas species oppositorum. Sed peccatum est quid malum in genere inhumanum alium. Ergo peccata magis distinguuntur specie secundum opposita, quam secundum objecta*.

Quid huic argumento responderi S. Doctor? Ad secundum dicendum, quod peccatum (in concreto, ut inquirunt, sive prout est a parte rei) non est pura privatio, sed est alius debito ordine privatus. Et ideo peccata magis distinguuntur specie secundum objecta alium, quam secundum opposita. Quamvis (subdit) etiam si distinguantur secundum oppositas virtutes, in idem rediret. Virtutes enim distinguuntur specie secundum objecta, ut supra dictum est. Ex quibus liquet, duplici modo, qui eandem in unum recidit, peccata specie distingui posse; nimirum vel ex eo, quod respiciant objecta specificè diversa; vel ex eo, quod opponantur diversis specie virtutibus: qui modus distinguendi species peccatorum fortasse facilius, & planior est, magisque obvius vulgari hominum cognitioni. Cur autem S. Thomas specificam peccatorum differentiam ab objectis potius repetendam doceat, quam ex privationibus, sive ex oppositione ad virtutes, multiplex ratio affertur potest.

IV. Prima est; quia S. Doctor peccatum non considerat penes id, quod formale in ipso præcise est; sed penes utrumque simul, materiale scilicet, ac formale. Unde in textu laudato dixit, *peccatum non esse puram privationem, sed alium debito ordine privatum*: Actus autem humani speciem capiunt ab objectis. Altera: quia peccata, cum sint actus voluntarii, ab eo

potius

porius specificari debent, quod magis voluntarium est, ac intentum, quam ab eo, quod peccanti per accidens est, & præter expressam intentionem ejus. Conversio autem ad objectum creatum peccanti omnino est voluntaria, & ab ipso per se intentum. At privatio rectitudinis secundum se a peccante non intenditur, sed actui peccantis conjungitur præter ejus expressam intentionem. Tertia: quia, sicut solæ privationes, si in se duntaxat spectentur, non constituunt in certa aliqua specie peccatorum differentias, sed solum si considerentur cum ea conversione ab objectum, cui adjunctæ sunt, sive cum positivo ordine ad finem, vel objectum, quem includit ista conversio; ita differentie esse non possunt distinctionem specificam tribuentes absque ordine, sive respectu ad conversionem, adeoque ab ipsa objecta.

V. Quoniam vero sæpe contingit, objecta ejusdem in specie moralis actus esse plura, sive eundem specificæ actum versari circa materias diversas; uti constat in superbia, quæ versari potest circa spiritualia, & corporea, & hæc quoque diversa, puta divitias, honores, dignitatem, pulchritudinem, fortitudinem &c. idcirco addendum necessarium est, objectum non includere specificam distinctionem, nisi formaliter consideratum, sive prout sub una formali ratione inspicitur, sub qua comprehendenti possunt multa objecta materialiter diversa in eadem ratione convenire. Ita animadvertit S. Thomas in resp. ad 3. Cum enim sibi objeisset: Si peccata specie differrent secundum objecta, impossibile esset, idem peccatum specie circa diversa objecta inveniri: quod tamen falsum esse constat; respondet: Quod nihil prohibet, in diversis rebus specie, vel genere differentibus inveniri eam formalem rationem objecti, a qua peccatum speciem recipit. Et hoc modo superbia circa diversas res excellen-

tiam querit: avaritia vero abundantiam eorum, quæ usui humano accommodantur.

VI. Juxta traditam art. 14 doctrinam progreditur Angelicus Doctor ad expendenda sequentibus ejusdem quæst. 72. articulis alia capita, ex quibus peccata depromunt, aut non depromunt specificam diversitatem; primumque art. 2. de distinctione agit peccatorum spiritualium, quæ nempe perficiuntur in aliqua delectatione spirituali, sive in sola approbatione alicujus rei ad votum habitæ, sicut cum aliquis delectatur in laude humanæ, vel in aliquo hujusmodi: & carnalium, quæ perficiuntur in delectatione carnali, ut gula, luxuria &c. Atque hæc peccata specie invicem distincta non sunt, nisi quatenus objecta ipsa specie distinguuntur: unde circa idem objectum potest quispiam committere peccatum spirituale per delectationem v. g. fornicationis morosam: & carnale, si actu fornicetur. Attamen, si loquamur de peccatis opere consummatis, specificæ inter ea peccata differentia supponitur.

Similiter si peccata spectentur ex parte causarum eorundem, docet art. 3. ea non differre specie secundum diversas causas activas, vel motivas, sed solum secundum diversitatem causæ finalis; quia finis est objectum voluntatis. Ex quo etiam resolvitur art. 4. peccata in Deum, in seipsum, & proximum esse specie diversa; quia specie diversa sunt objecta, in quæ tendunt: idque constat ex eo, quod virtutes, quibus opponuntur, specie distinctæ sint. In 5. autem art. ideo negat, divisionem peccatorum, quæ est secundum reatum, inducere distinctionem specificam; quia ex se non importat diversitatem objectorum. Quod etiam tradit art. 6. de peccatis commissionis, & omissionis, quæ sumpta formaliter, non differunt specie, quia ad idem ordinantur, & ex eodem motivo procedunt. Idemque habet art. 7. Et art. 8. & 9. docet

docer equidem, tum superabundantiam, & defectum, tum circumstantias quandoque inducere specificam diversitatem in peccatis, sed non alia de causa, nisi quia respiciuntur motiva, sive objecta formaliter diversa: unde semper ab objecto sive directe, sive indirecte volito specifica peccatorum distinctio demum repetenda est. Ex hac autem fundamentali S. Thomæ doctrina quasdam regulas derivare præstat, quæ ad proximum valde deserviunt.

§. II.

Regula quædam ex alata doctrina derivantur.

VII. Non omnes hic regulas, quæ ex doctrina tradita sumi possunt, proponemus; cum plures facile quisque ex iis, quæ diximus, deducere queat, ad rectum iudicium de specifica peccatorum distinctione ferendum: sed aliquas duntaxat, quæ spectant vel præcepta, vel circumstantias peccatorum, quibus sæpe ab una ad aliam speciem trahuntur, & proinde necessario in Confessione aperendas esse definivit Concilium Tridentinum. Sic igitur

REGULA PRIMA.

Sola præceptorum diversitas satis non est ad distinctionem specificam peccatorum.

Hæc regula expresse statuitur a S. Thoma hic *art. 7.* dicente: *Secundum diversa præcepta legis non diversificantur peccata secundum speciem.* Ratio est: quia plura possunt esse præcepta, ubi nulla est objectorum formalium specifica diversitas; veluti cum vel plura præcepta, aut unum sæpius iteratum, unam eandemque rem jubent, aut prohibent. Sic ex. gr. furtum, quamvis vetitum sit tum lege naturali, tum lege positiva, & hac divina, & hu-

mana, unius speciei peccatorum est. Sic etiam, tametsi diversa sint duo hæc Decalogi præcepta: *Non invehis*, &: *Non concupisces rem proximi*; furtum tamen, & voluntas furandi specie non differunt; uti nec *mæchia*, nec voluntas *mæchandi* duplici distincto præcepto prohibita. Quod & pluribus aliis exemplis explicari posset.

REGULA SECUNDA.

Dum plura præcepta specialem, ac diversam repugnantiam offerunt cum recta ratione; adeo ut alius, qui vel præcipitur, vel prohibetur, ad virtutem speciei diversam transferatur; peccata iis præceptis opposita specie distinguuntur, aut certe duplici malitia specie diversa fordescent.

VIII. Ratio est: quia tunc habetur diversitas objecti formalis respectu actuum, qui omittuntur, aut præcipiuntur. Sic adulterium a viro religioso commissum triplicem speciem distinctam malitiam continet; *luxuria* scilicet contra castitatem, *iniustitia* ex eo, quod cognoscat mulierem alienam, & *sacrilegii* contra religionem ob voti violationem. Similiter qui occidit, aut percutit Clericum, peccatum contrahit duplici specie diversa malitia infectum, videlicet & adversus *justitiam*, & adversus *religionem*.

REGULA TERTIA.

Diversitas specifica peccatorum depromi nunquam potest ex præceptorum diversitate in iis, quæ mala sunt, quia jure positivo prohibita.

IX. Hæc doctrina, sive regula a S. Thoma desumitur, qui *quest. 2. de malo art. 6.* cum prius dixisset. *Per oppositionem ad virtutes peccata differre specie, secundum diversas materias (sive objecta), puta homicidium, adulterium, & furtum: Nec est dicendum*

dicendum, quod differant specie secundum differentiam præceptorum; sed magis e converso præcepta distinguuntur secundum differentiam virtutum, & vitiorum, quia præcepta ad hoc sunt, ut secundum virtutem operemur, & peccata vitemus. Cum hæc, inquam, dixisset; subdit: Si vero aliqua essent peccata solum, quia prohibita, in his rationabile esset, ut secundum differentiam præceptorum specie peccata differant. Quod non ita intelligendum est, quasi sola præceptorum diversitas distinctionem in peccatis efficiat: sed quia diversa præcepta ad diversam materiam, sive objectum, quod respiciunt, ordinata faciunt, ea ad virtutes diversas pertinere, ad quas cæterum quin poterant non pertinere; adeoque faciunt etiam eorum præceptorum transgressiones, ut ad peccata specie diversa pertineant. Sic fraudare decimas ex positivo iure præscriptas, ad peccatum iniustitiæ pertinet; vesci carnibus in die jejunii ad peccatum intemperantiæ; effusio sanguinis in Ecclesia ad speciem sacrilegii &c. Que peccatorum species a positivo iure repetitur, quatenus dum hoc, aut illud præcipit, aut vetat, actionem, aut omissionem ad hanc, vel illam peccati speciem reducit.

REGULA QUARTA.

Ad contrahendam malitiam specie distinctam ejusdemque objecti, sufficit, quod homo voluntarie feratur in illud.

V. Patet hæc regula. Neque enim ad contrahendam malitiam ex gr. adulterii, sive iniustitiæ, necesse est, ut homo feratur in uxorem alienam formaliter, ut aliena est; neque ad contrahendam malitiam furti sacrilegi necesse est, ut rem sacram auferat formaliter, ut sacram: sed satis est, quod illum sciens, ac volens auferat; tamen motivum, ob quod voluntas fertur in alienam uxorem, non aliud sit, nisi

foemine pulchritudo, aut delectatio ex ea præcepta; & similiter motivum furandi rem sacram præcise sit utilitas, aut commoditas, quæ ex illa speratur. Unde continet, eundem omnino actum in specie physica, diversum esse in specie morali: & e converso actus specie physica diversos, ejusdem esse speciei in genere moris, ut jam diximus, & constat in furto auri, aut argenti, & in exemplo, quod affert S. Thomas hic q. 72. ar. 6. inquit: *Ad eandem speciem homicidii pertinet jugulatio, lapidatio, & perforatio, quamvis actus sint specie differentes secundum speciem naturæ.* Quare actus physici speciem recipiunt ab objecto in ea ratione considerato, sub qua illud attingunt: Morales vero, sive peccata speciem capiunt ab objectis suis in ea ratione sumptis, sub qua prohibentur per legem; a qua nedum prohibetur, voluntarie ferri in uxorem alterius, prout sua non est, sed aliena, verum etiam absolute in uxorem proximi, ut patet ex præcepto: *Non concupisces uxorem proximi tui &c.*

REGULA QUINTA.

Circumstantia, quæ actum efficit repugnantem cum aliqua virtute, cui cæterum non repugnat, peccati speciem mutat.

XI. Concilium Tridentinum sess. 14. c. 3. & can. 7. definit, circumstantias, quæ speciem peccati mutant, necessario esse constitendas. Unde diligenter advertere oportet, quænam sint hujusmodi circumstantiæ, quæ nova malitia in Confessione aperienda peccaminosus actus inficiunt. Primum itaque positam regulam generalem observandam statuimus; quæ ex iis, quæ dicta sunt, satis manifesta est. Quoniam ubi actus peccaminosus repugnantiam involvit cum virtutibus specie diversis, ibi quoque diversitas specifica est objectorum juxta traditam S. Thomæ animadversionem, adeo-

adeoque etiam malitia specie distincta; sic circumstantia rei sacræ novam, ac specie diversam in furto malitiam inducit: illud enim efficit repugnans virtuti Religionis, quæ a Iulitia distinguitur.

REGULA SEXTA.

Majus, & minus, intensum, & remissum non sunt circumstantia, quæ ex se mutant speciem peccati.

XII. Ita S. Thomas p. 2. q. 18. art. 11.

„Circumstantia, inquit, dat speciem boni, vel mali actui morali, in quantum respicit specialem ordinem rationis. „Contingit autem quandoque, quod circumstantia non respicit ordinem rationis in bono, vel malo, nisi præsupposita alia circumstantia, a qua actus moralis habet speciem boni, vel mali: sicut tollere aliquid in magna quantitate, vel parva, non respicit ordinem rationis in bono, vel malo, nisi præsupposita alia conditione, per quam actus habeat malitiam, vel bonitatem; puta hoc, quod est esse alienum, quod repugnat rationi. „Unde tollere alienum in magna, vel parva quantitate, non diversificat speciem peccati: tamen potest aggravare, vel diminuire peccatum. „Quantitas ergo furti magna, vel parva, quemadmodum & intensio, & remissio ejusdem actus non constituunt peccatum specie diversum. Quod si aliquando hujusmodi circumstantia in Confessione aperienda est, hoc non ex diversa peccati specie, sed ex alio capite proficiscitur, de quo alibi.

REGULA SEPTIMA.

Nec diuturnitas, aut frequentia actus de se novam speciem peccati addit, sed ex accidenti addere aliquando potest.

XIII. Hec quoque regula ex doctrina S. Patruzi Theol. Mor. T. II.

Thomas colligitur, hic q. 88. art. 5. ad 2. dicentis: *Diuturnitas non est circumstantia trahens in aliam speciem: similiter nec frequentia, vel assiduitas, nisi forte per accidens ex aliquo supervenienti.* Non enim aliquid acquirit novam speciem ex hoc, quod multiplicatur vel proleatur; nisi forte in actu proleato, vel multiplicato superveniat aliquid, quod variet speciem, puta inobedientia, vel contemptus, vel aliquid hujusmodi. Nihilominus, quod Confessio interroganti de frequentia, aut consuetudine peccandi teneatur pœnites, respondere, alibi manifestum fiet.

§. III.

De Peccatorum inæqualitate.

XIV. Peccata omnia æqualia non esse, prout Stoici crediderunt, fidei dogma est. Unde hujusmodi inæqualitas defumenda fit, S. Thomas statuit tota quæst. 73. hujus p. 2. aliisque in locis, distinguens duplicem gravitatem, quam habere possunt: aliam scilicet *essentialem*, quam repetunt ex objecto; aliam *accidentalem*, quam desumunt ex circumstantiis. Utrumque singulari perspicuitate declarat tum loco laudato, tum q. 2. de malo art. 10., cujus verba luce ipsa clariora placet exscribere. „Gravitas peccati, inquit, potest pensari ex duobus. Uno modo ex parte ipsius actus: alio modo ex parte agentis. Ex parte autem actus est duo considerare, scilicet *speciem actus*, & *accidens ejus*, quod supra *circumstantiam* diximus. Actus autem speciem habet ex objecto. Gravitas ergo peccati, quam habet ex specie sua, attenditur ex parte objecti. Secundum hanc considerationem gravius peccatum dicitur ex genere suo, quod majori bono virtutis opponitur. Unde cum ordo virtutis consistat in ordine amoris, ut Augustinus dicit; Deum autem

„*super*

„super omnia diligere debeamus : peccata, quæ sunt in Deum, sicut blasphemia, & hujusmodi ; secundum suum genus sunt reputanda gravissima. Inter peccata vero in Proximum tanto aliqua sunt aliis graviora, quanto majori bono proximi opponuntur. Maximum autem (inter corporalia bona) proximi est ipsa vita hominis, cui opponitur peccatum homicidii, quod tollit actualem vitam ; & peccatum luxuria, quod opponitur vitæ hominis in potentia : quia est inordinatio quædam circa actum generationis humanæ. Unde inter omnia peccata, quæ sunt in proximum, gravius est homicidium secundum genus suum ; & secundum locum tenet adulterium, fornicatio, & hujusmodi peccata carnalia : Tertium autem locum tenet furtum, & rapina, & hujusmodi, per quæ in exterioribus bonis læditur proximus. In singulis autem horum generum sunt diversi gradus, in quibus mensuram peccati secundum genus suum oportet accipere, secundum quod bonum oppositum magis, vel minus per charitatem debet amari.“

XV. „Ex parte autem circumstantiæ est etiam gravitas in peccato non ex specie sua, sed accidentalis. Similiter autem ex parte agentis attenditur gravitas in peccato, secundum quod magis, vel minus voluntarius peccat. Voluntas enim est causa peccati &c. Sed hæc gravitas non competit peccato secundum suam speciem &c.“ De hæc peccatorum majore, minoreque accidentali gravitate fusius agit idem S. Doctor q. citata p. 3. Ex quibus cum pleraque alia facile constent ex iis, quæ jam a nobis in aliis locis dicta sunt, solum quædam decerpo ex articulis nono, & decimo, quæ spectant personam, in quam peccatur, & personam ipsius peccantis.

Primum itaque animadvertens, personam, in quam peccatur, esse posse vel Deum, vel ipsum, qui peccat, vel denique proximum ; resolvit, ex parte eorum trium considerari majorem, vel minorem gravitatem in peccato, secundum conditionem persone, in quam peccatur. „Et primo quidem ex parte Dei, cui tanto magis aliquis homo conjungitur, quanto est virtuosior, vel Deo sacratior. Et ideo injuria tali personæ illata magis redundat in Deum, secundum illud Zachar. 2. Qui vos tetigerit, tangit pupillam oculi mei. Unde peccatum fit gravius ex hoc, quod peccatur in personam magis Deo conjunctam vel ratione virtutis, vel ratione officii.“

„Ex parte etiam sui ipsius manifestum est, quod tanto aliquis gravius peccat, quanto aliquis magis in conjunctam personam seu naturali necessitudine, seu beneficiis, seu quacunque conjunctione peccaverit : quia videtur in se ipsum magis peccare, & pro tanto gravius peccat, secundum illud Ecclesiast. 14. Qui sibi nequam est, cui bonus erit ?“

„Ex parte vero proximi tanto gravius peccatur, quanto peccatum plures tangit : & ideo peccatum, quod fit in personam publicam, puta Regem, vel Principem, qui gerit personam totius multitudinis, est gravius, quam peccatum, quod committitur contra unam personam privatam. Unde specialiter dicitur Exod. 22. Principi populi non maledices. Et similiter injuria, quæ fit aliqui famosæ personæ, videtur esse gravius ex hoc, quod in scandalum, & perturbationem plurimorum redundat.“

Quod attinet ad circumstantiam personæ peccantis, tanto majus, ut ait Isidorus lib. 2. de Summo Bono c. 19. peccatum cognoscitur esse ; quanto major, qui peccat habetur. Hoc autem luculenter declarat Doctor

AA-

Angelicus *art. 10.* his verbis: „Dicendum,
 „quod duplex est peccatum. Quoddam
 „est ex subreptione proveniens propter
 „infirmitatem humanæ naturæ. Et tale
 „peccatum minus imputatur ei, qui est
 „major in virtute, eo quod minus negli-
 „git hujusmodi peccata reprimere, quæ
 „tamen omnino subterfugere infirmitas
 „humana non finit. . . . Alia vero peccata
 „sunt ex deliberatione procedentia. Et
 „ista peccata tanto magis alicui imputan-
 „tur, quanto major est. Et hoc potest
 „esse propter quatuor. Primo quidem,
 „quia facilius possunt resistere peccato
 „maiores; puta qui excedunt in scientia,
 „& virtute. . . . Secundo propter ingra-
 „titudinem; quia omne bonum, quo ali-
 „quis magnificatur, est Dei beneficium,
 „cui homo fit ingratus peccando. Et
 „quantum ad hoc quælibet majoritas etiam
 „in temporalibus bonis peccatum aggra-
 „vat secundum illud Sap. 6. *Potentes po-
 „terter tormenta patientur.* Tertio propter
 „specialem repugnantiam actus peccati ad
 „magnitudinem personæ: sicut, si Prin-
 „ceps justitiam violat, qui ponitur justitiæ
 „custos; & si Sacerdos fornicetur, qui
 „castitatem vovit. Quarto propter exem-
 „plum, sive scandalum: quia, ut Gre-
 „gorius dicit in Pastoralis: *In exemplum
 „culpa vehementer extenditur, quando pro
 „reverentia gradus peccator honoratur.* Ad
 „plurimum etiam notitiam perveniunt pec-
 „cata magnorum; & magis homines ea
 „indigne ferunt. Hæcenus S. Doctor.

Illud in exemplis allatis observandum,
 nedum peccata augeri in gravitate sive ex
 persona peccantis, sive ex persona illius,
 in quem peccatur; sed etiam ex circum-
 stantiis quandoque novam recipere peccati
 speciem, prout supra diximus.

CAPUT VII.

CONJECTARIA.

- I. *Probanda non est sententia, quæ distinctio-
nem peccatorum specificam ex solo repe-
tit prudentiam sensu.*
- II. *Sicut neque, quæ circumstantiam omnem
notabiliter aggravantem novam peccato
speciem tribuere statuit.*
- III. *Haud differe a sententia a nobis constituta,
quæ docet, species peccatorum sumi
a virtutibus, quibus opponuntur.*
- IV. *Etiā peccata omissionis specificam distinctio-
nem habuunt ex objectis.*
- V. *Finis operantis sæpe transit in objectum,
ex quo specificatur peccatum.*
- VI. *Peccata venialia speciem ab objectis re-
cipiunt, sicut & mortalia.*
- VII. *Exempla, quibus liquet, peccata specie
non distinguuntur ex præceptis diversis.*
- VIII. *Religiosus Franciscanus abstinentiam vio-
lans die Veneris, duplex specie distinctum
peccatum incurrit.*
- IX. *Non ita tamen alii Religiosi, qui solum
vovent obedientiam secundum regulam.*
- X. *Duplex species peccatum committit Reli-
giosus, qui speciale præceptum sui Su-
perioris non observat.*
- XI. *Ex excessu, & defectu sæpe sumitur pec-
catorum distinctio specifica.*
- XII. *Circumstantia Quis aliquando novam spe-
ciei malitiam inducit, aliquando solum
auget.*
- XIII. *Exempla distinctionis specifica peccati
ex persona, contra quam, vel cum qua
peccatur.*
- XIV. *Quenam specie multiplicentur peccata
ex circumstantia loci.*
- XV. *Quanam itidem ex circumstantia quibus
auxiliis.*
- XVI. *Ea, quæ de se mala sunt, ex pravo
fine operantis novam specie distinctam
malitiam contrahunt.*

N n 2

XVII,

XVII. *Non ita vero dicendum, si scis operantis pravus non est, sed vel bonus, vel indifferens.*

XVIII. *Peccata spiritualia, ceteris paribus, graviora sunt peccatis carnalibus.*

XIX. *Graviora sunt peccata Fidelium, quam Infidelium; et Ecclesiasticorum, ac Religiosorum, quam laicorum, et secularium. Confectarium Reflexionis loco propositum.*

CONJECTARIUM PRIMUM.

I. **T**AMQUAM falsa reputanda est sententia, quæ distinctionem peccatorum specificam ultimo repetit a solo communi prudentem sensu, & apprehensione. Nam communis sensus Sapientum, ut in re qua de agimus, prudens reapse sit, ac rationalis, inniti debet fundamento a se distincto. Neque enim communis ille sensus, quod ultimum sit, & originale fundamentum specificæ peccatorum distinctionis, primum alicuius principium est, quod probatione non indigeat. Prima siquidem principia per se nota sunt, omnibusque manifestæ. Quod autem communis prudentum sensus sit ultimum, & originale fundamentum specificæ distinctionis peccatorum, non est aliquid per se notum, & extra controversiam positum; cum potius communi Doctorum sententiæ adversetur.

CONJECTARIUM SECUNDUM.

II. A vero pariter abluit opinio, quæ statim, circumstantiam omnem, quæ notabiliter aggravat lethale peccatum, novam ipsi speciem tribuere ob difformitatem notabiliter diversam cum æterna lege Dei. Hæc siquidem opinio destruit penitus distinctionem circumstantiarum in mutantes speciem, & intra eandem speciem solum notabiliter aggravantes: quæ distinctio ex sensu Ecclesiæ, & doctrina SS. Patrum, ac D. Thomæ admittenda omnino est. Quod

aliquis, ait S. Doctor in 4. dist. 16. q. 3. art. 2., accipiat multum, vel parum, ex se difformitatem aliquam non importat, nisi ipsa suppositione primi: quia multum de alio recipere est ab æqualitate discedere. Unde talis circumstantia aggravat; sed peccatum non mutat. Quod autem rem alienam consecratam accipiat, aliam difformitatem importat: quia quacumque irreverentia circa res sacras addibita specialem rationem peccati habet. Et ideo talis circumstantia dicitur mutare speciem. Id quoque constat ex eo, quod nulla idonea ratio assignari queat, cur magnum, & parvum, intantum, & remissum in moralibus speciem mutare debeant, cum nec etiam mutant in naturalibus; ut patet in calore, qui in eadem procul dubio species est, siue graduum centum sit, siue decem tantum.

CONJECTARIUM TERTIUM.

III. Sententia, quæ docet, distinctionem peccatorum specificam desumi ex actu oppositione ad virtutes diversas, non differt quoad rem ipsam a sententia a nobis constituta. Nam & ipsæ virtutum species ab objectis desumuntur. Sic ex. g. Peccatum oppositum iustitiæ, specie distinguitur a peccato temperantiæ opposito: quia specie distincta objecta respiciunt; atque idem dicas de aliis.

CONJECTARIUM QUARTUM.

IV. Etiam peccata omissionis suam specificam distinctionem hauriunt ex objecto: indirecte tamen, & solum ratione actuum oppositorum. Quoniam, cum omisso sit carentia actus debiti, & actus omnis voluntarius, & moralis deprobat ab objecto speciem suam, adeoque suam specificam distinctionem ab alio quocumque actu; oportet, quod etiam peccata omissionis indirecte speciem suam, ac distinctionem ab objecto recipiant. Ut enim commune

Phil-

Philosophorum effatum est : *Privationes desumunt distinctionem suam specificam a formis oppositis* .

CONSECTARIUM QUINTUM.

V. Sæpe contingit , finem operantis in obiectum peccati transire , adeoque peccato speciem conferre : idque præsertim contingit in verbis , quæ proferuntur ; quod exemplo explicare placet . Si quis verba proferat de se gravia , & injuriosa animo conviciandi , peccatum istud est in specie *contumelie* : si autem , ut in , qui audit , erubescat , & confundatur , est in specie *irrisionis* : Si vero ea proferat moderato zelo disciplinæ , aut correctionis causa , ad virtutis speciem potius pertinent . In hisce itaque casibus finis , quem sibi præfigit operans , in obiectum transit , a quo verba illa speciem malitiæ , aut bonitatis depromunt . Nec hujusmodi verba sunt obiecta illorum actuum , nisi ut *formaliter* verba sunt , sive quatenus exprimunt loquentis conceptum , & animum . Unde hic , vel ille significandi modus non est circumstantia accidentalis , sed differentia essentialis obiecti . Quapropter , quia significatio diversa de se pendet ex animo , & intentione loquentis , juxta varietatem intentionis variatur finis operis , pertinetque ad intrinsecam rationem obiecti . Porro finis intrinsecus ab obiecto non distinguitur , ut alibi diximus , & explicat S. Thomas loco laudato in *resp. ad 1.* his verbis : *Dicendum , quod suis principaliter habet rationem boni : et ideo comparatur ad actum voluntatis , qui est primordialis in omni peccato , sicut obiectum : Unde in idem redit , quod peccata differant secundum obiecta , vel secundum fines* .

CONSECTARIUM SEXTUM.

VI. Etiam peccata venialia si spectentur ex parte *conversionis* , speciem recipiunt ab obiectis , ac ipsa mortalia ; quamvis ab

his in infinitum differant ex parte *aversionis* . Ita D. Thomas *art. 5. ad 1.* , ubi ait :
 „ Peccatum mortale , & veniale differunt
 „ in infinitum ex parte *aversionis* ; non autem
 „ ex parte *conversionis* , per quam respicit
 „ obiectum , unde peccatum speciem
 „ habet . Unde nihil prohibet , in eadem
 „ specie inveniri aliquod peccatum mortale ,
 „ le , & veniale : sicut primus morus in
 „ genere adulterii est peccatum veniale ;
 „ & verbum otiosum , quod plerumque est
 „ veniale , potest etiam esse mortale “ .

CONSECTARIUM SEPTIMUM.

VII. Qui jejunium violat sive Sabbato quatuor Temporum , sive aliquo die quadragesimali , duo peccata distincta non committit ; imo nec unum , quod plures malitias contineat . Quandoquidem , tametsi diversa sint præcepta , quæ jejunium his diebus jubent , ea tamen sub eadem ratione conveniunt , eandemque rem sub eadem ratione præcipiunt . Idemque iudicium ferendum est de illo , qui Missæ interesse prætermittit die Dominico , si festum aliud concurret , in quo Sacrum audiendi præceptum urget .

CONSECTARIUM OCTAVUM.

VIII. Quamvis dissidium sit penes Auctores , num duplex specie distinctum peccatum committat Religiosus Franciscanus , abstinentiam non servans feria sexta , ad quam teneretur cum Ecclesiæ præcepto , tum Regulæ ; verosimilior tamen videtur affirmativa sententia : quia violat præcepta diversæ rationis ; quorum alterum est contra virtutem temperantiæ , alterum contra Religionem ob violationem Regulæ , obligantis sub mortali ratione voti .

CONSECTARIUM NONUM.

IX. Hæc ratio locum non habet in aliis Religiosis , qui solum ab obedientia vocentur secun-

secundum Regulam: neque enim ad omnia, quæ in Regula præscribuntur, tamquam materiam voti obligantur; sed eo modo, quo Regula, & Religio ab ipsis exigit. Quare, cum Regula, & Religio ab ipsa abstinendam exigant ex motivo temperantiæ, prout exigit Ecclesia; dum abinentiam non observant, contra temperantiam solum peccant. Nec aliud motivum præscribendi abinentiam jure præsumitur, nisi vel ex verbis Regulæ, vel ex communi Religionis sensu aliter constet.

CONSECTARIUM DECIMUM.

X. Ex his consequitur, quod si legisimus Superior speciale præceptum imponat Religioso, vel subdito, qui ex voto ipsi parere teneatur, si illud transgrediatur, duplex peccatum incurrat, scilicet contra votum, & contra virtutem illam, ad quam pro materie diversitate præceptum Superioris pertinet. Præceptum namque Superioris hoc habet, ut id, quod præcipit, constituat in diversa specie virtutis diversitatem materiæ, & motivi. Et hæc de causa dupliciter etiam peccat, qui jejunium frangit in aliqua vigilia, in qua & ex Ecclesiæ præcepto jejunandum est, & ex præcepto Confessorii jejunium injungentis: quoniam duo implicantur in his præceptis diversa motiva, quorum alterum temperantiam spectat, alterum virtutem penitentiam.

CONSECTARIUM UNDECIMUM.

XI. Ex excessu, & defectu sæpius etiam repetitur specifica peccatorum diversitas; quatenus, cum virtutes in medio consistant, duplex vitium distinctum ipsis opponitur, alterum *per excessum*, alterum *per defectum*. „Ubi cumque occurrit (verba sunt S. Thomæ hic art. 8.) diversum „motivum inclinans intentionem ad peccandum, ubi est diversa species peccati. Manifestum est autem, quod non est

„item motivum ad peccandum in peccatis, quæ sunt secundum superabundantiam (sive excessum), & in peccatis, quæ sunt secundum defectum, quin imo sunt contraria motiva: sicut motivum in peccato *imtemperantiæ* est amor delectationum corporalium; motivum autem *insensibilitatis* est odium earum. Unde hujusmodi peccata non solum differunt specie, sed etiam sunt sibi invicem contraria “.

CONSECTARIUM DUODECIMUM.

XII. Cum septem communiter assignentur circumstantiarum genera, *quis, quid, ubi, quibus auxiliis, cur, quomodo, quando*; loquendo in primis de circumstantia *Quis*, hæc aliquando novam inducit malitiæ speciem: aliquando solum malitiam augeat. Exemplum prioris est circumstantia personæ sacræ, a qua, vel cum qua fornicatio committitur: tunc enim malitia fornicationis superadditur malitia sacrilegii, quæ alias ipsi non inesset. Posterioris autem exemplum in circumstantia personæ peccantis, a Dño specialibus beneficiis insignitæ; cujus peccatum tanto majus censetur ob ingratitudinem, quo plura, ac majora beneficia recepit.

CONSECTARIUM DECIMUMTERTIUM.

XIII. Detractio, calumnia, convicium, contumelia illata personæ, cui peculiaris reverentia debetur, e. g. Patri, Matri, vel Superiori suo, circumstantia est, quæ specialem affert deformitatem; adeoque in Confessione explicandam. Idem fornicatio cum muliere alteri per sponsalia de futuro obligata injustitiam malitiam contrahit. Quamquam enim adulterium proprie dictum minime sit, quidpiam tamen ipsi affine est ob gravem, quæ Sponso inferitur, injuriam. Nam ex Sponsalibus Sponsus, & Sponsa jus quoddam saltem inchoatum acqui-

acquirunt in mutuum corpus .

CONSECTARIUM DECIMUMQUARTUM .

XIV. Tum homicidium , aut percussio in loco sacro commissæ , tum etiam copula carnalis in eodem habita , tum alii actus turpes saltem externi ex loci sanctitate specialem malitiam contrahunt : sicut etiam furtum in Ecclesia perpetratum non solum rei sacræ , sed etiam rei non sacræ , ut crumenæ Divitiis ibi assistentis sacris functionibus . Equidem postremum hoc sunt , qui existimant non esse circumstantiam , quæ speciem mutat : sed alii plures oppositam sententiam tuerentur , quibus suffragatur auctoritas Joannis Papæ VIII. in Cap. *Quisquis inventus* 17. quæst. 4. generaliter , & absque ulla distinctione asserentis , *sacrilegium committit non solum auferendo sacrum de sacro , vel sacrum de non sacro .* Quod cum in favorem Ecclesiæ sit , ample intelligendum videtur , eo præsertim , quod circa finem ejusdem Capituli tamquam sacrilegos puniri velit , *qui Monasteria , . . . & Ecclesias infringunt , & deposita , vel alia qualibet exinde extrahunt .*

CONSECTARIUM DECIMUMQUINTUM .

XV. Quoties auxilia , sive media , quibus aliquis ad peccandum utitur , de se mala sunt , nova semper malitia peccato superadditur . Sic si quis ope Dæmonis utatur ad inferendum proximo damnum , quo casu est malitia specialis societas cum Dæmone ; vel homine tamquam instrumento quo casu est specialis malitia scandalii ex eo , quod ad peccandum inducat , qui ad hoc paratus non erat : quemadmodum etiam eadem malitia scandalii occurrit , dum quis precibus , & suasionibus a puella rem veneream extorquet .

CONSECTARIUM DECIMUMSEXTUM .

XVI. Idem dicendum est de circumstan-

tia Cur , seu fine extrinseco sibi ab operante præstituto ; ut dum aliquis furatur ad fornicationem , aut adulterium committendum , vel e contra fornicatur , aut mœchatur ad furandum , vel ad alium prævum finem . Hoc enim in casu duplex specie diversa in peccato malitia est , fornicationis scilicet , aut adulterii , & furti , sive alterius pravi finis . Tunc autem , ut animadvertit S. Thomas 2. 2. q. 181. art. 2. id , *quod ordinatur ad aliud , sicut ad finem , trahitur ad speciem ejus , ad quod ordinatur : sicut ille , qui mœchatur , ut furatur , magis dicitur fur , quam mœchus ; non quod mœchia in eo casu destinata esse in specie sua , sed quia operantis intentio magis fertur in peccatum furti , quam in peccatum mœchiæ .* Unde furium magis voluntarium tunc est , quam mœchia , quæ solum est voluntaria propter furum .

CONSECTARIUM DECIMUMSEPTIMUM .

XVII. E contra , si finis operantis , propter quem prævum medium assumitur , de se malus non sit , sed vel bonus , vel indifferens ; duplex tunc malitia distincta non habetur , quæ ideo in Confessione exprimenda sit . Unde haud probamus quorundam Doctorum Lovaniensium opinionem , qui putant , eum , qui ob finem de se non malum medium assumit lethaliter peccaminosum , ut qui v. gr. die festivo Sacrum omittit , ut studio vacet , duplex peccatum committere . Et ratio est , quia licet studium in hoc casu malitia lethifera polluat , utpote causa finalis mortiva omissionis Sacri ; malitia tamen hæc non est ab omissionis malitia distincta : ubi enim unum duntaxat malum est propter alterum , ibi est unicum malum . Sic qui furatur , ut erogat elemosynam , vel ut solvar debita sua , non duplex peccatum contrahit , sed unum tantum ; nec malitia , qua tunc inficitur elemosyna , vel debi-

debitorum solutio, alia est a malitia fur-
ti, cujus est causa.

CONJECTARUM DECIDUOCTAVUM.

XVIII. Peccata *spiritualia*, quantum est
ex se, ac ceteris paribus, graviora sunt
peccatis carnalibus. Hoc aperte docet S.
Gregorius Magnus *lib. 33. Moral. cap. 11*,
inquirens: *Peccata carnalia sunt minoris cul-
pe, & majoris infamie, quam spiritualia*;
probatque S. Thomas hic triplici ratione.
Primo nempe, quia peccata carnalia com-
plentur in delectatione sensientis appeti-
tus: spiritualia vero pertinent ad spiri-
tum, cujus est conventus ad Deum, vel
ab eo averit; atque ita magis, quam car-
nalia, important averfionem a Deo. Se-
cundo, quia carnalia directe solum offen-
dunt corpus proprium: spiritualia vero
directe offendunt Deum, & proximum.
Tertio, quia quanto majus est incentivum
ad peccandum, tanto minus peccat is,
qui ad peccatum impellitur. Ad peccata
autem carnalia propter instam nobis ear-
nis concupiscentiam longe vehementius im-
pellitur homo, quam ad spiritualia. Hec
doctrina maximopere perpendenda est a
viris spiritualibus, qui, dum vident alicui
in peccata carnalia incipere, illos sibi in
animo possunt, contemnunt, & in super-
biam longe deteriorem defabuntur; par-
vique pendunt invidiam, ambitionem,
gloriam vanam, & cetera hujusmodi, qui-
bus interior corruptus sunt. Sed nec inde
aniam accipere debent carnales homines
minus vituperandi peccata, quæ commie-
nt, & sibi blandiendi; quasi Deus ea
pa.u.n curet, & facite ignoscat. Nam,
preterquamquod non ideo desunt Deum
graviter offendere, atque iram Dei ad-
vertunt se concitare; illud peculiare ha-
bent carnalia peccata, ut observat S.
Thomas hic ad 2. quod sint maxima adba-
ptie; propter quod *Diabolus maxima*

gaudet de peccato luxuria: quia hoc capti-
vum ita detinet hominem, ut raro a ty-
rannide sua se propitiat.

CONJECTARIUM DECIMUMNONUM.

Reflexionis loco propositum.

IX. Peccata Fidelium graviora sunt pec-
catis Infidelium; & peccata Ecclesiastico-
rum, & Religiosorum peccatis seculari-
um, sive laicorum. Prima pars, quæ ex
tradita doctrina fuit, expresse docetur a
S. Thoma q. 89. art. 5. ubi comparantur
peccata Fidelium, & Infidelium, ita scri-
bit: *Nunquam dignitas persona dimittit pec-
catum, sed magis auget, ut ex supradictis
patet. Unde nec peccatum est minus in fide-
li, quam in infideli; sed multo majus. Nam
& infidelium peccata magis merentur veniam
propter ignorantiam secundum illud 1. ad Ti-
motb. 2. Misericordiam Dei consequutus
sum, quia ignorans feci in incredulitate
mea; & peccata filium aggravantur pro-
pter gratia Sacramenta, secundum illud He-
braeor. 10. Quia magis putatis deteriora
mereri supplicia, qui Sanguinem Testa-
menti, in quo sanctificatus est, pollutum
duxerit?*

Quoniam peccata deliberata Ecclesiastico-
rum, & Religiosorum spectant, ceteris pa-
ribus, graviora illa esse ex circumstantia
personæ peccantis, laicorum, & seculari-
um peccatis, non minus manifestum est
quoniam, ut Salvianus ait, *longe magis
damnabilis est malitia, quam titulus bonita-
tis accusat &c. Nomen itaque Ecclesiasticum,
Religiosum sine actu nihil est. Nam quis est di-
gnitas in indigno, nisi ornamentum in lato?*
Hinc S. Bernardus post Hieronymum dice-
re solebat, *nugas in ore Secularium nugas
esse, in ore Religiosorum blasphemias.*

Hec serio meditentur omnes tum Chri-
stiani, tum presertim Clerici, ac Religiosi,
atque inde colligant, quam graviore pec-

na punienda sint in futura vita eorum peccata : quod discretissimis verbis declarat inter alios Magnus Ecclesie Doctor S. Iohannes Chrysostomus *Hamil.* 76, alias 75, in *Matth.* dicens : „ Beatus ille David, „ quando cum Berisabee delictum illud „ commisit, & per Prophetam arguebatur; „ idcirco vehementius accusabatur : quoniam nimum honoratus a Deo, ita spurce labeatur. Exprobrationem illius audias a Deo : Nonne, inquit, in *Regem te vixi, & de manu Saulis erui te, & qua fuerunt Domini tui, tibi concessi, & universam Iuda & Israelis domum? Et si pauca tibi essent, alia quoque tibi adiecerim : cur flagitium hoc fecisti coram me? Non sunt quippe eadem in omnibus peccatis, sed multa, variaeque supplicia. Nam & aetate, & educatione, & dignitate, & ingenio, & usu rerum, atque prudentia, aliisque pluribus variantur. Verum ut clarius id fiat, in fornicationis delicto examinetur. Perpende igitur quantum diversitatem punitionis, non a me, sed a Divinis Scripturis comperio. Fornicatoris quispiam ante legem fuit : alio quodam modo illum puniri Paulus ostendit, dicens : *Quicumque sine lege peccaverunt, sine lege peribunt.* Item alius post legem deliquit, graviora sustinebit. *Quicumque enim in legem peccaverunt, inquit, per legem iudicabuntur.* Lapsus similiter Antistes est : non parva poena propter dignitatem afficitur. Propterea aliae quidem Fornicatrices necabantur : Sacerdotum vero aliae igne cremabantur. Quae ex re quam magis poenarum cumulus Pontificem expectet peccantem, legis Conditor voluit significare. Nam si filiam ejus atrocius puniri iussit, quid erit de ipso? Pissa mulier vim est, nullam punitionem meretur. Lapsa est similiter dives, & pauperrima, quantum inter-*

Patuzzi Theol. Mor. T. II.

„ sit, ab his patet, quae modo de David „ exposuimus. Post Adventum Christi quidam peccavit, si non initiatus, neque „ Cathecumenus, moriatur : graviores illis poenas daturus est. Post lavacrum „ delicta admisit, hic jam nullum erit peccatori solamen : quod Paulus significat, dicens : *Legem Moysi aliquis contempsit, absque misericordia duobus vel tribus testibus moritur ; quanto existimatis graviora dignum supplicio, qui filium Dei conculeavit, & Sarguinem testamenti communem putavit, in quo sanctificatus est, & gratiam spiritus contumelia affecteris? Fornicatus vero quidam vir sacer est, verticem quippe fornicationis haec improbitas tenet, viles quam multa variaeque discrimina in uno peccato considerantur. Aliud ante legem, aliud post legem ; aliud Sacerdotis, aliud dissimile, aliud pauperrimae, aliud cathecumena, aliud fideles, filiaeque Pontificis. Ceterum magna etiam a cognitione differentia nascitur. Qui novit voluntatem Domini sui, & non facit, vapulabit plagis multis &c.* Utinam haec & alia quae habet ibidem S. Iohannes Chrysostomus attento animo perpendere Christi fideles, maximeque qui divino servitio mancipati sunt, profecto se ab omni peccato diligentius continerent, ne poenas gravissimas, quae ipsos manent, dum post tot Dei beneficia peccant, miserrime incurrerent.

CAPUT VIII.

De numerica distinctione Peccatorum.

DOCTRINA.

- I. Unus idemque physicus actus plures habere potest in esse morali malitiae numero distinctiones.
- II. Peccata numero multiplicantur ex multiplicatione numerico obsequiorum totolium.
- III. Exemplis posita regula declaratur.
- IV.

- IV. *Falsa est quorundam Authorum opinio, putantium, non multiplicari numero obiecta ex multiplicatione personarum unius, ejusdemque familiae.*
- V. *Voluntate peccandi cum exteriori actu conjuncta unum numero peccatum esse et distinctum vero, si ab eo opere separata sit.*
- VI. *Externæ actiones, licet numero distinctæ, plura numero peccata non sunt, dum ad unum actum principalem ordinantur.*
- VII. *Peccata, quæ externa actione consummantur, numero multiplicantur ex multiplicatione actus completi, si ad illum ordinantur.*
- VIII. *Ex quacunque cessatione multiplicantur peccata, quæ consummantur in mente.*
- IX. *Moralis interruptio satis est ad multiplicanda numero etiam illa peccata, quæ consummantur opere externo.*
- X. *Quibus modis pravi actus moraliter interrumpantur, exponitur.*

I. **N**EDUM specifica, sed etiam numerica peccatorum distinctio ex acta cognitio plane necessaria dicenda est, ut rectum feratur de peccatoris statu judicium, prout ad Sacramentalem Confessionem exigitur, tum ex parte poenitentis, tum ex parte Confessarii juxta Concilii Tridentini Decretum. Quid autem sit numerica peccatorum distinctio, ex illis, quæ initio Capituli sexti dicta sunt, satis manifestum est. Cum vero hic sermonem habeamus de actibus inoralibus, non in esse physico, sed morali consideratis; illud præmittendum ducimus aduersus quosdam Neotericos, eundem prauum actum, siue peccatum physice unum plures numero malitias moraliter complecti posse, ac plerumque complecti: quod præter auctoritatem S. Thomæ id diserte asserentis, pluribus ostendere facile est.

Ac primo quidem certum est apud omnes, unum eundemque actum in esse phy-

sico, siue naturali plures habere posse in esse morali specie distinctas malitias. Cur igitur etiam habere non poterit multiplicem numero malitiam? Sicut enim unus physice, ac simplex voluntatis actus tendere potest in plura specie distincta obiecta in esse morali, ex quibus plures specie malitias contrahit; ita etiam in plura numero obiecta in esse morali distincta tendere valet, ex quibus numericam distinctionem recipiat. Nam unumquodque obiectum æque aptum est refundere, atque æque re ipsa refundit malitiam suam tam specificam, quam numericam in actum, a quo respicitur.

Hoc confirmatur, magisque explicatur. Nam sicut unus, idemque physice actus sæpe habet oppositionem cum pluribus specie distinctis virtutibus; ita sæpe habet oppositionem cum pluribus numero distinctis iuribus. Sic conjugatus cum adulterio cum conjugata committit, vel dum uno quis actu, unoque voluntatis actu plures occidit, plura numero jura lædit. Sed nulla asserri ratio potest, cur actus, qui opponitur pluribus numero distinctis iuribus, minus habeat plures numero malitias, quam plures specie, dum opponitur pluribus specie distinctis virtutibus. Igitur &c. Alia non animadverto: siquidem tempus terere non præstat in refellenda opinione plane singulari, quæ jam a melioribus quibuscumque Theologis rejecta, & explosa est.

Posito igitur, quod etiam in uno, eodemque physico actu plures numero malitiæ morales inveniri queant: unde hæc numerica peccatorum distinctio repetenda est, adeo ut multiplex peccatum censeretur merito debeat? Quæ in questione haud concors est Theologorum sententia; sed alii ex uno, alii ex alio capite deprendendam esse contendunt. Quæ nobis certiora, aut verisimiliora videbantur, quibusdam regulis exponemus

REGULA PRIMA.

Peccata numero multiplicantur ex multiplicatione numerica objectorum totalium.

II. Cum dico *objectorum totalium*, hoc sensu intelligo, quod objecta etiam numerice distincta non se habeant ad modum unius, ita scilicet quod unum non sit pars alterius, aut omnia unum aliquod totum tamquam partes ejusdem constituant. Si enim e contra res se habeant, ita nempe, ut plura quidem sint objecta, circa que versetur actus voluntatis, sed que reapse unum totum consent, adeo ut vel unum sit pars alterius, vel omnia tamquam plures partes constituant unum totum, unum tantum obiectum *totale* erit, adeoque & unum tantum numero peccatum; quod exemplis quibuscumque manifestius fiet.

III. Siquis itaque uno, eodemque actu tres homines odio habeat, vel interficere velit: si una voluntate nolit audire Sacrum tribus diebus dominicis, aut festivis, vel tribus diebus jejunare, urgente precepto; trium peccatorum reus est, aut certe unius triplici numerice distincta malitia deformis: quia quolibet ex his obiectis *totale* est. Non enim aut unus homo, aut unum Sacrum, aut unum jejunium est pars alterius; aut iria illa sive homicidia, sive Sacra, sive jejunia unum totum tamquam partes constituunt. Eadem de causa qui plures percutit, aut conviciis appetit, aut unica calumnia, vel maledictione plurimum honori, vel famae detrahit; tot reus necatorum est, quot sunt persone laesae. Neque enim ius unius in propriam famam, vel honorem, est unum numero cum iure alterius. Similiter qui mortem alicui, ac toti eius familiae inferre molitur, vel conceptum scelus opere perficit, tot reus homicidiorum est, quot sunt homines ad illam familiam pertinentes. Atque ita de ceteris.

E contra vero, quia multae partes domum unam constituunt, oves multae gregem unum, variae species, aut partes pecuniae summam unam, multi libri bibliothecam unam; combustio domus unum numero peccatum est, depredatio gregis unum similiter peccatum: idemque dicendum de furto unius summae pecuniae, aut unius bibliothecae. Neque numerum partium domus, ovium, singulas tritici mensuras, species singulas pecuniae, numerum librorum in Confessione exprimere necesse est; sed solum damni illius quantitatem, pecuniae summam, gregis, tritici, vel bibliothecae pretium. Quod tamen semper intelligendum est, si haec res pertineant ad eundem Dominum. Nam si ad plures Dominos pertinerent, aliter iudicandum esset: quoniam dominium, seu ius unius diversum numero est a dominio, seu iure alterius.

IV. Non me quidem latet, quosdam Autores esse, qui putant, etiam qui uno actu plures homines vel odio habet, vel occidit &c., non nisi unum numero peccatorum committere. Verum cum & ipsi fateantur, in Confessione declarandum esse, quot homines quispiam vel odio habuerit, vel occiderit, horum sententia parum a nostra quoad rem ipsam discrepat, potius discrepat sententia, quae Navarro tribuitur, & quam aliqui sequuntur; nimirum unum numero peccatum esse illius, qui toti familiae pluribus personis constanti vel malum operat, vel damnum infert: eo quod, ut inquirunt, in iure una familia reputatur tamquam una persona. Quae tamen sententia a vero abulit. Nam quavis ita *fiatque iuris* familia tamquam una persona reputatur; revera tamen personae eam componentes diversae inter se sunt: neque tamquam partes, quae unum totale obiectum consent, sunt habendae, cum quaelibet iure sibi proprio gaudeat. Proficere si in ea familia aliqui essent laici, & alii Clerici; non

nonne ex hoc specie multiplicentur peccata, si quis horum etiam necem intendet? Cur igitur numero quoque non multiplicentur, dum plures personæ, sive plura objecta totalia numerice diversa multiplicentur?

REGULA SECUNDA.

Si voluntas peccandi cum exteriori actu conjuncta sit, unum numero peccatum est: Si autem ab opere externo sejuncta, distinctum.

V. Ita S. Thomas in 2. dist. 42. q. 1. art. 10., ubi hanc regulam expresse docet, inquit: „Cum queritur, utrum voluntas, & actus exterior sint diversa peccata, aut intelligitur de voluntate conjuncta actui exteriori, aut de voluntate præcedente. Si de conjuncta, sic oportet, quod unum peccatum sit voluntas interior, & actus exterior. . . si autem de voluntate separata, sic est aliud peccatum; quia actus voluntatis multiplicentur: quod enim actum expet exteriorem, etiam actum voluntatis iterat. Er ideo oportet, quod sint duo peccata non propter diversitatem actus interioris, & exterioris, sed propter diversitatem duorum actuum interiorum“. Hinc si quis oblata occasione furari velit, & furerur, unum numero committit peccatum: contra vero si quis hodie adulterium exequi proponat, sed illud postredie exequatur, plures peccat.

REGULA TERTIA.

Externæ actiones, licet numero distinctæ: si ordinantur ad unum actum principalem, in quo consummantur, non sunt plura numerata peccata, dum moraliter non interrumpantur.

VI. Exemplum sit in eo, qui nefarium alium occidendi voluntatem concepit: ac

ad illam opere complendam plures actiones præmittit, ut parare arma, equum sternere, viam arripere, locum, ubi degit, perquirere &c., donec tandem inimicum interficiat. Sic qui centum aureos ex. gr. alicui furripere proposuit; & ad hoc plures elicit actiones, & unum etiam post alium furripit. Ita quoque tactus, oscula, amplexus impudici, quos aliquis præmittit ad copulam cum scemina habendam. In his, aliisque similibus casibus, quamvis multæ sint actiones physice diversæ, unum tamen numero peccatum constituunt, dummodo actiones illæ non sint moraliter interruptæ. Atque hæc est communis Theologorum sententia; idemque ex praxi, & sensu totius Ecclesiæ colligitur, quæ nunquam censuit, hujusmodi actus necessario esse in Confessione singillatim explicandos: unde sufficit exprimere actum principalem, in quo satis intelliguntur.

REGULA QUARTA.

Peccata, quæ actione externa consummantur, si post actus cessationem iterentur, nova numero peccata sunt.

VII. Exemplum communiter asserri solet de actibus subsequenter copulam jam completam, ut oscula, tactus, & similia, quæ post illam actionem iterum exerceantur. Qua in re satis quidem inter se conveniunt Doctores, similes actiones novum esse, distinctumque numero peccatum, si sanæ voluntate, aut intentione novæ copulæ, vel pollutionis excitandæ, sive hæc sequatur, sive non. Dissident vero, quoties hujusmodi actus ineunctanter sunt post copulam peractam, sed non ex intentione novæ copulæ perficiendæ. Et plures quidem novum esse numero peccatum negant: alii vero affirmant, quorum mihi probabilior sententia est; quoniam hæc actiones copulam, vel pollutionem subsequentes dici

dici non possunt partes ejusdem, utpote jam antea ultimo completæ: nec illam sequuntur ex natura rei (quia per copulam acquisito termino, commotio libidinosa potius quiescit), sed ex nova operantis malitia, suntque ex natura sua excitamentum, & inchoatio alterius copulæ, vel pollutionis potius, quam continuatio præcedentis. Sed & ipsi tactus, oscula, vel amplexus copulam præcedentes exerciti sine ulla ejusdem intentione, etsi deinde mutetur voluntas, & copula subsequatur, peccatum moraliter sunt ab illa distinctum, distincteque in Confessione explicandum; quia moraliter tunc interrumpuntur, & ipsi de se non sunt magis dispositiones ad copulam, quam ad simplicem pollutionem: aliunde vero supponuntur non ordinari tunc ex intentione operantis ad hunc, vel illum actum consummatum.

Major difficultas videtur esse, an oscula, amplexus, aut tactus hujusmodi non ulterius relata sive ad copulam, sive ad pollutionem, peccata sint in se inspecta invicem distincta; ut e. g. dum quis uno impetu venereo, & una intentione carnalis delectationis tactus ad horam continuata, decem vicibus se, vel aliam personam impudice tangit, decem peccata committat, vel unum tantum. Eademque difficultas est de illo, qui uno, eodemque ira impetu pluries aliquem percutit, aut plura in eum convicia evomit. Atque ita de aliis similibus. Qua in questione dicendum mihi videtur, hosce actus, licet quilibet ex se unum constituere peccatum possint, moraliter tamen non nisi unum numero peccatum esse, (nisi tamen specialis in aliquo ex iis actibus intersit deformitas); quia ex communi hominum sensu reputantur una moraliter actio, una percussio, una locutio: quemadmodum unica moraliter censetur comestio illius, qui in eodem prandio plura successive fercula comedit. Nec

eadem ratio est plurium vel fornicationum, vel pollutionum, vel occisionum &c., licet una post aliam immediate succedat: quia hæc sunt actiones totales, & in se ipsis completæ, & ex natura sua habentes definitum terminum, in quo consummantur; quod de memosatis actibus dici nequit.

REGULA QUINTA.

Peccata, quæ consummantur in mente, ex quacunque cessatione multiplicantur.

VIII. Exemplum est in actibus hæresis, desperationis, odii, delectationis morosa, & id genus aliis, qui quacunque cessatione eorumdem intercedente, si de novo eliciuntur, peccata numero diversa sunt. Quoniam singuli hujusmodi actus procul dubio sunt ex se peccata; nihilque est, in quo uniantur & continentur, ut unum numero peccatum dici queant. Neque enim uniantur, aut continentur in actu, objecto, vel effectu externo, ut supponimus; neque in actu interno, cum inter actus internos intercedat aliqua cessatio: adeoque ad singulos actus nova voluntatis determinatio requiritur, quæ non potest non multiplicare peccatum.

REGULA SEXTA.

Peccata, quæ consummantur opere externo, multiplicantur, quoties moraliter interrumpuntur.

IX. In hac regula ita generatim proposita consentiunt frequentius Doctores. Fatentur siquidem, satis non esse ad multiplicanda numero peccata solam physicam interruptionem; sed *moralement* necessariam definiunt. Verum in quo consistat hæc *moralis* interruptio ad multiplicationem numericam peccatorum necessaria, haud plane conveniunt. Quod mihi certius in hac re videtur, & in quo etiam plerique Theologi

gi concordēs sunt, aperio: nimirum, *moraliter* peccata interrumpi, adeoque numero multiplicari 1. per contrariam voluntatem, per quam prior voluntas revocatur; 2. per voluntariam cessationem ab actu, dum quis mentem alio voluntarie distrahit; 3. per aliquam notabilem moram temporis, quo cessatur ab actu. Singulos hosce morales interruptionis modos paululum explicare proderit.

X. Et quoad primum quiforū attinet, nulla videtur esse penes Theologos diffinitio, multiplicari scilicet peccata nedum in ordine ad demeritum, sed etiam in ordine ad Confessionem, quoties aliquis voluntarie pravam actum contraria voluntate revocat, sive retrahat; ac subinde, tametsi brevissimum etiam tempus interponatur, mutata iterum voluntate, eundem resumit. Si quidem revocatio illa efficit, ut posterior actus nullo pacto cum priorē coalescat in unum moraliter actum; adeoque unus ab alio moraliter sejungitur. Atque hoc in casu locum habet ea doctrina S. Thomæ, quam tradit 1. 2. q. 62. art. 7. ad 3.: ubi sic ait: *Peccatum cordis, & oris non distinguitur a peccato operis, quando simul cum eo conjunguntur, sed prout quilibet horum per se invenitur. Sicut etiam pars motus non distinguitur a toto motu, quando motus est continuus, sed solum quando motus sistit in medio.* Ex hoc enim, quod prior voluntas pravi operis revocetur, motus ille voluntatis non est amplius continuus, sed sistit in medio, a pravis actibus, qui postmodum forte subsequuntur, omnino separatus.

Atque eadem ratio, eandemque S. Thomæ doctrinam militat, quoad secundum modum spectat *moralis interruptionis*; dum nempe quis a priori mala voluntate voluntarie cessat, & at alia vel agenda, vel cogitanda se convertit: quæ vocari solet *retractatio virtualis* pravi actus, sicut prior vocatur *formalis*. Ut si quis ex, gr., visa

pulchra puella, in ejus concupiscentiam voluntario feratur, sed postea animo suo deliberet, se nolle amplius de illa cogitare, sequæ ad aliud cogitandum applicat. Tunc enim, si deinde in concupiscentiam puellæ ejusdem inardescat, novum peccatum committit numero distinctum: quia per voluntariam illam ad alia objecta mentis distractionem, aut conversionem deponit priorem voluntatem, atque dimittit. Unde, etiam si brevissimum tempus inter unam, & alteram trahatur, nova, quæ succedit, voluntas non est cum priorē moraliter conjuncta; atque adeo multiplicatur numerus peccatorum.

Quoad tertium denique modum: præter ea, quæ supra diximus de actibus completis, seu ex natura sua consummatis, qui toties multiplicantur, quoties exeuntur; hæc generalis regula tradi solet: nimirum, quando inter unum, & alterum actum tantum temporis, aut tale impedimentum interstit, ut prout sentum sensu dici nequeat, vel quod in aliquo uno vinculo conjungantur, vel quod unus ab altero dependentia intercedat; moraliter interrumpuntur, ita ut multiplicentur numero peccata. Sic, ut exemplo res clara fiat, si quis hodiernæ die propositum concepit occidendi proximum, eamque pravam voluntatem reasummat crastina die, vel post plures horas: & similiter si quispiam vespere morosam foreat delectationem, vel odium, atque ita somno corripitur; post somnum vero eundem actum prosequens sive delectationis, sive odii, sive alicuius criminis, duo peccata committit numero diversa, specialiter in Confessione manifestanda: quia ex hac mora temporis, quod intercedit, censetur in prudentum æstimatione, actus illos esse moraliter interruptos. Secus vero eadem moralis interruptio haberi minime censetur, si mora temporis exigua sit: ut si quis mane ad interficiendum inimicum suum profici-

catur, & in itinere sæpe quidem eam repetat voluntatem; sed aliquando etiam, ut fieri solet, vel de aliis rebus cogitet, vel cum aliquo colloquatur: siquidem prima ejus voluntas tunc moraliter interrupta non est, cum virtualiter saltem in actione suscepti itineris ad illud facinus exequendum perseveret. Idemque dicas de illo, qui ex intentione fornicandi ad mulieris domum se confert, cum eaque sermones miscet modo turpes, modo etiam de rebus aliis indifferenter, in quibus non parum temporis intercurrit. Atque idem de aliis similibus dicendum est.

CAPUT IX.

CONSECTARIA.

- I. *Audiendi non sunt, qui controversiam de multiplicatione numerica peccatorum in ordine ad Confessionem haud necessariam putant.*
- II. *Absona, & falsa est Caramuelis, aliorumque sententia, quæ ab unitate ætus voluntatis unitatem peccati repetendam docet.*
- III. *Plura sunt peccata, quoties plura sunt objecta totalia, circa quæ tendit unus etiam, & idem voluntatis ætus.*
- IV. *Unum numero peccatum committit, qui ad furandum ex. gr. plures actiones exercet moraliter non interruptas.*
- V. *Si quæ tamen in serie illarum actionum peculiarem deformitatem afferret, explicanda foret in Confessione.*
- VI. *Tot peccata committit, quot Confessiones audis Sacerdos, in peccato letali suum ministerium exerceans.*
- VII. *Laxa Salmanticensium aliorumque opinio quoad res alienas detinentem.*
- VIII. *Alia similiter laxa eorundem sententia, quoad interruptionem moralem attinet pravorum ætuum.*
- IX. *Multo magis laxa existimanda est opinio*

illorum, qui docent, nonnisi per actum contrarium interrupti moraliter ætum peccaminosum.

- X. *Quomodo se gerere debeat Confessarius cum iis, qui diu in aliquo peccato perseverantes, pravorum ætus ita multiplicantes, ut eorum numerus iuviri nequeat.*

Reflexio.

CONSECTARIUM PRIMUM.

I. **P**ROBANDA non est sententia Cardinalis de Lugo, Leandri, & Tamburini, qui putant, in ordine ad Confessionem præsentem controversiam de numerica peccatorum distinctione haud esse necessariam. Satis quippe existimant explicare distincte in Confessione peccatorum species, & solum confuse differentiam numericam. Equidem & ego sentio difficillimum esse, imo moraliter impossibile in iis, qui vitam suam diu in peccatis egerunt, iniri posse exactum numerum peccatorum, nedum quæ numerice, sed etiam quæ specificè distincta sunt. At vero si tum species, tum numerus dignosci queat, prout saltem in quibusdam haud est difficile; cur solum confuse, non autem distincte Sacramentali Confessione subiicienda erunt? Nonne Tridentina Synodus, quæ declarat, peccata omnia quoad speciem explicanda esse, declarat, etiam esse explicanda quoad numerum? Cur igitur, dum fieri potest, conscientiæ examine accurate præmissio, distincte explicari non debent?

CONSECTARIUM SECUNDUM.

II. Tamquam absona, & falsa rejicienda videtur sequens Caramuelis doctrina in Reg. S. Bened. disp. 62. 1. „Unitas moralis peccati desumitur ab actu voluntatis. Unde „patet esse unum peccatum, velle unico „actu occidere quatuor homines. Quia, „licet hi sint plures in genere physico, in „voluntate tamen sunt per modum unius. „Nam unus ætus non datur, nisi unum „ob-

„ obiectum . Quare in ea sententia , quæ
 „ tenet , circumstantias aggravantes non
 „ esse in Confessione apertendas , sufficet
 „ illi in Confessione dicere : *Volui semel oc-*
 „ *cidere* ; quia non voluit bis , ut supponitur .
 „ Quod autem voluerit unum , vel qua-
 „ tuor ; actum aggravat , sed non multipli-
 „ cat : & ita solum est extensio materialis .
 Eandem illationem colligit Gabriel a S.
 Vincentio *Disp. 8. de Pœnit. q. 6.* ex nume-
 rica , quam exigit , distinctione actuum
 voluntatis ad multiplicanda peccata ; ubi
 alit , unicum numero peccatum commit-
 tere , qui uno voluptatis actu proponit ,
 non observare jejunium per totam Quadra-
 gesimam , aut non recitare canonicas Horas
 per totum annum . Hujusmodi doctrina ,
 quæ de medio tollit radicem multiplicatio-
 nis numericæ peccatorum , ex numerica
 objectorum multiplicatione desumptam ,
 pugnat cum communi Theologorum senten-
 tia ; adeoque rejicienda , etiam alia funda-
 menta ad illam reprobendam deessent .

CONSECTARIUM TERTIUM.

III. Pro certo itaque tenendum est, plura
 esse numero peccata, quoties plura sunt
 objecta totalia, elica quæ fertur voluntas,
 licet unus, & idem sit ejusdem actus: adeo-
 que tot esse peccata, quot sunt personæ ad
 unam communitatem pertinentes, quam-
 quam aliquis uno actu extinguere vellet;
 quot homines, quibus contumelias, maledi-
 ctæ, vel calumnias impingit; quot hominum
 jura lædit furando, vel aliud quidpiam per-
 petrando. Quemadmodum etiam quot dies
 per annum haud recitare decevit Horas
 Canonicas, aut jejunium frangere in Qua-
 dragesima. Alia namque numero est obli-
 gatio, qua tenetur hostie sive ad Divinum
 officium, sive ad jejunium servandum, &
 qua tenetur die sequenti, cæterisque die-
 bus. Quare hujusmodi totalia objecta licet
 eodem actu volita, in Confessione exprimen-

da sunt: nec sufficit dicere: *Volui occidere,*
volui furari, non recitare Horas, non jejunare,
non audire Sacrum die festivo &c.: quia eadem
 illa voluntas plures complectitur numero
 distinctas malitias.

CONSECTARIUM QUARTUM.

IV. Qui furari decetnit, & ea voluntate
 concepta, statim ad furtum exequendum
 iter agit scalam admoveret, eam conscendit,
 domum ingreditur, scrutatur arcam, quod
 invenit furatur, unum numero peccatum
 commississe censetur, quamvis in tota illa
 actionum serie furandi voluntatem pluries
 iteraverit: quia singule illæ volitiones unus
 mortaliter actus reputantur, cum prima furti
 volitio in omnibus illis actionibus virtualiter
 perseveret.

CONSECTARIUM QUINTUM.

V. Si quæ tamen essent in serie actio-
 num, quæ ad unum finem, aut ad unum
 objectum completum ordinantur, quæ spe-
 cialem aliquam deformitatem, aut mali-
 tiam continerent ex alio capite, vel cir-
 cumstantiis; puta si quis sive ad futandum,
 sive ad occidendum aliorum opera utere-
 tur, aut res, quam furripit, aut perso-
 na, quam occidit, aut occidere molitur,
 sacra foret &c.: ea in casu hoc esset in
 Confessione explicandum; quia specialem
 tunc malitiam contrahunt. Et idem di-
 cendum, si ad explendam libidinem suam
 medium aliquod adhiberet admodum tur-
 pe, & rationi valde repugnans.

CONSECTARIUM SEXTUM.

VI. Confessarius in peccato lethali mi-
 nisterium suum exereens tot peccata com-
 mittit, quod audit confessiones. Il equi-
 dem plures negant apud Leandrum, ut
 Lugo, Escobarius, Tamburinus, Diana,
 alique huic motivo præsertim innixi; quia
 licet multiplicentur Confessiones, & abso-
 lutio-

lutiones, unum tamen moraliter judicium exercere censetur, adeoque etiam unum tantum peccatum committere. At perperam hoc sibi perfusent. Sunt enim Sacramenta, quæ administrat, Confessiones audiendo, & absolvendo, objecta totalia diversa: nihilque est, cur dici debeant in hoc casu unum numero Sacramentale iudicium, & peccatum potius, quam una numero fornicatio, unumque peccatum, dum quis integra nocte cum pluribus mulierculis commiscetur. Nam in utroque habetur multiplex actio in ordine suo completa, & consummata, quæ, ut diximus, numericam peccatorum multiplicationem inducit.

CONSECTARIUM SEPTIMUM.

VII. Laxa existimanda est sequens PP. Salmanticensium opinio, quam trahunt *tract. 20. c. 12. punct. 5.* „Qui statuit non restituere rem alienam, si non retractat, efficaciter voluntatem, unicum peccatum committit, etsi per unum annum in ea voluntate persistat, pluries idem propositum repetat, imo etsi interim offeratur occasione restituendi, vel alienetur, aut consumatur res, aut debitor impotens reddatur ad restituendum, aut somno se tradat, vel ad alia distrahitur.“ Hec, inquam, sententia, pro qua laudant Lugo, Dianam, Trullenchum, Vasquez, aliosque, *laxa* mihi est, omnibusque videri debet, qui contrariam jam doctrinam consilerant. Quis enim non videret multiplicari numero peccata ab eo, qui pravas multiplicat per annum non restituendi voluntates, dum pluries propositum illud repetit; dum oblata occasione cogitatio sine obligationis menis occurrat, eamque nihilominus abs se repellit, & in perverso rem alienam detinendi proposito se amplius confirmat?

Patuzzi Theol. Mor. T. II.

CONSECTARIUM OCTAVUM.

VIII. Non minus laxam puto aliam eorundem Salmanticensium doctrinam, quam habent *ibid. n. 46.*, alique sequuntur, nimirum: „Siquis intendens occidere inimicum arma præparat, viam carpit, Salmanticam ad hoc venit, & per multos dies inimicum querit, & tandem occidit, etsi pluries repetat prædictam intentionem, unum peccatum committit & satisfacit præcepto Confessionis, dicendo, se homicidium perpetrasse, quin sit necessarium exprimere, quo tempore duravit in illa prava voluntate, & quoties eam inculcavit“. Cum enim, ut ajunt, per multos dies inimicum ad occidendum querat, non potest non moraliter interrumpi nefaria voluntas, adeoque non multiplicari numero peccata.

CONSECTARIUM NONUM.

IX. Multo magis laxa credenda est sententia, quam aliqui apud Leandrum docent, scilicet nonnisi per actum contrarium, quo concepta voluntas peccati revocatur, aut retractatur, interrumpi moraliter actum, adeoque multiplicari peccata. Quam sententiam ultro amplectitur P. Tamburinus *lib. 2. Exped. Confessi. Cap. 1.*, probatque ex eo, quod cessante actuum interruptione per actum contrarium, omnes actus, sive multi, sive pauci moralem unitatem desumant a permanentia, sive continuatione habituali prioris male voluntatis. Verum præter absurda, quæ ex hac sententia sequuntur, cum permanentia habitualis satis non fit, ut quis continuo peccare censeatur, etiam dum dormit, vel in aliis negotiis sese voluntarie occupat, ac animum distrahit; satis quod non est, ut omnes pravi actus, quos interim elicit, non sint moraliter interrupti, sed unum numero peccatum constent, ciant,

ciant, quemadmodum diximus de illo, qui ex voluntate occidendi inimicum plura peragit, pluresque actus moraliter continuatos exercet, donec tandem illum interficiat.

CONSECTARIUM DECIMUM.

X. Quoniam vero sæpe contingit, ut numerus actuum, qui moraliter intertumpuntur, atque adeo peccatorum, quæ numero multiplicantur, initi nequeat, ab iis præsertim, qui diu perseverant in peccato; ideo hæc regula communiter traditur tum pro Confessariis, tum pro Pœnitentibus, ut scilicet in Confessione moram saltem temporis exponant, quo in eo peccato permanserunt; ut ex. gr. *Perseveravi per annum, per mensem, per hebdomadam in odio erga unum, vel plures; in voluntate occidendi hunc, aut aliquem; in desiderio fruendi hac, aut illa muliere &c. Et hocce alius interea sæpe, vel raro iteravi.* Tunc enim numerus peccatorum declaratur eo modo, quo moraliter fieri potest; & Confessarius pœnitentis peccata in tali mora comprehensa, ejusque statum saltem confuse cognoscit.

REFLEXIO.

Peccata quis intelligit? ajebar olim Regius Propheta, e vestigio subdens profusa lacrymis ad Deum conversus: *Ab occultis meis munda me, Domine, & ab alienis parte servo tuo.* Difficillima plane est, ac homini mortali ferme impossibilis accurata, atque distincta peccatorum quæ committit cognitio, siue species eorum consideres, siue gravitatem; siue etiam, multoque magis, numerum eorumdem: illudque fateri omnibus necessum est, longe plurima esse, quæ nos penitus latent, quæque nonnisi in extremo Judicii die manifesta fient. Unde & omnes exclament oportet cum eodem Propheta: *Ab occultis meis munda me,*

Domine, & ab alienis parte servo tuo. Verum unde tanta in iis, sin omnibus, saltem pluribus cognoscendis difficultas originem potissimum trahit? Non sum equidem nescius, nec profecto diffiteri velim, infinitas hominibus tenebras, quas primigeniæ culpe labes adauxit, causam hujusce ignorantiam, in qua versamur, esse præcipuam. Sed dicam præterea, & quantum equidem arbitror, verissimè dicam, ex culpa nostris plerumque oriri, quod peccata ipsa, quæ in dies committimus, eorumque numerum, & qualiter non agnoscamus. Hoc certe in dubium revocare minime licet, dum commune in hujus sæculi præsertim hominibus vivendi rationem paululum contemplantur. Si quidem, tanetsi se Christi Discipulos esse glorientur, nihil minus, quam ejus doctrinam præ oculis habent; mundi negotiis, & affectionibus solum implicati, atque distenti, custodiam profusè negligunt cordis sui, divinæ legis præcepta nunquam meditantur, Christianæ professionis spiritum assequi, & proprii status onera perpendere serio non curant; quid quotidie agant, quid loquantur, quid mente revolvant, minime recogitant, ac salutare conscientiam examen omnino prætermittunt; atque hæc, similesque exercitationes, cuicumque Christiano ad abigendas ignorantie propriæ tenebras plane necessarias penitus derelinquant, ac tamquam sibi minus congruas esse, & ad Religiosos, & Solicitos unice pertinere arbitrantur. Quid itaque mirum, si delicta, in quæ frequenter incurrunt, non agnoscant, non intelligant? Et cum aliquando ad Pœnitentiæ Sacramentum accedunt, ut peccata sua Sacerdoti detegant, præmissa etiam conscientie discussione, vix unius, aut alterius ex crassioribus flagitiis remiscantur? Si quantalibet, ut inquit S. Augustinus lib. de perfect. juv., *sic peditur homo justitia, cogitare debet, ne aliquid in illo,*

illo, quod ipse non videt, inveniat esse culpandum; cum Rex iustus sederit in throno, ejus cognitionem fugere delicta non possunt; quid cogitant, quid non metuendum est illis, qui Mundi curis intenti vix prima Christianæ justitiæ rudimenta noverunt? qui exordia cupiditatis suis continenter indulgent? qui superbia, ambitione, odio, concupiscentia intrinsecus ardent, extrinsecus autem Mundi præstigiis, carnis blandimentis, pravis hominum exemplis, Dæmonum fraudibus, & machinationibus usquequaque obducuntur? Nonne consequens est, ut dum nunquam, aut fere nunquam res animæ suæ discutunt, dum gressus suos vix, ac ne vix quidem accurate considerant, dum ad Deum fontem æternæ lucis, ut tenebras ignorantiam suæ dissipet, non confugiunt; in plura frequenter labantur peccata, quæ oculos ipsorum fugiant; quorumque conscientia gravatur, quin pondus, quo plane opprimuntur, præsentiant?

Quid igitur? Quicumque es, pie Lector, qui sincero æternæ salutis tuæ desiderio flagras; illud animadvertere serio debes, ut, in quibus delinquis adversus legem, agnoscas; ne in supremi Judicis tribunali quidpiam inveniat vere culpandum, quod interim ipse non perspicis. Scrutare identidem vias tuas; ad examen sæpe revoca, quid agas, quid cogites, quid omitas, dum ex præcepto implere teneris. Considera, quibus oneribus ex situ, & officio tuo obstrictus es: perpende, quid a te Deus requirat; quænam aliis præbes virtutum exempla; quid proximo tuo debeas, aut in quo ipsum offendas, aut causam peccandi tribuas: easque præsertim noxas animo collige, quæ cum minus sensus feriant, magis oculis mentis abdite sunt, ut omnia peccata tua poenitentia deleas. Si hæc etenim accurate persicias, & nihilominus quidpiam oculum superstit, quod

ipse non cernas, tota fiducia ad misericordiarum Patrem clamare cum Propheta poteris: *Delicta quis intelligit? ab occultis meis munda me, Domine, & ab alienis parce servo tuo.*

CAPUT X.

De peccato Mortali, & Veniali, & utriusque distinctione.

D O C T R I N A.

- I. *Admittenda omnino sunt peccata, quorum alia mortalia sunt, alia autem venialia.*
- II. *Questio de distinguendis peccatis mortalibus a venialibus ardua: admodum visa est S. Augustino, omnibusque videri debet.*
- III. *Regula quædam ad hæc discernenda præfinitur. Regula prima ex locutionibus Sacra Scriptura, quibus utraque designantur.*
- IV. *Regula secunda. Consensus Ecclesiæ Patrum, aut graviorum Theologorum.*
- V. *Regula tertia. Peccata, quæ repugnant charitati Dei, vel proximi, aut illam graviter lædunt, mortalia sunt: quæ leviter, venialia.*
- VI. *Regula quarta. In judicio de peccatorum gravitate, aut levitate non est attendenda hominum consuetudo, aut opinio.*
- VII. *Regula quinta. Ex parte agentis ad peccatum mortale requiritur perfecta deliberatio.*
- VIII. *Regula sexta. Materia pravitatis, ubi ea admitti potest, excusat a gravi culpa, etiam in peccatis ex genere suo mortalibus.*
- IX. *Ex regulis constitutis colligitur, quibus modis peccata ex genere suo mortalia fieri possunt quandoque venialia.*
- X. *Peccatum veniale dupliciter ad mortale disponit; directe scilicet, & indirecte.*
- XI. *Plura venialia peccata nunquam ex se efficiunt minus mortalia.*

XH. Pluribus tamen modis, quod est de se veniale, fieri potest peccatum mortale; 1. ex errore conscientiae; 2. ratione finis, in quem dirigitur.

XIII. 3. Ratione affectus graviter inordinati.

XIV. 4. Ob grave damnum, quod inde proximo sequatur pravilectur.

XV. 5. Propter Legis, aut Legislatoris contemptum.

XVI. 6. Ob probabile periculum incidendi in peccatum mortale.

§. 1.

Quaestio de distinctione peccati mortalis a veniali pluribus regulis definitur.

I. **A**DMITTENDA esse peccata, quorum alia mortalia sunt; quae nempe animae mortem afferant per divinae gratiae privationem, & poenae aeternae reatum inducunt; alia autem venialia, quae cum vita animae, gratia scilicet, sociari possunt, veniamque a Deo facile merentur; veritas catholica est apertissimis Scripturae autoritatibus innixa, perpetua Sanctorum Patrum doctrina tradita, & a Sacris Conciliis definita. Et de mortalibus quidem saepe mentio fit in Scripturis, dum memorantur peccata, quae excludunt a Regno Dei, vel quibus aeterni ignis gehennam Deus comminatur: venialia vero colligit S. Augustinus cum aliis Patribus tum ex illis verbis Orationis Dominicae: *Dimitte nobis debita nostra*; tum ex illo 1. Joan. 1. *Si dixerimus, quoniam peccatum non habemus, ipsi nos seducimus* &c. tum ex verbis Apostoli 1. Corinth. 1. *Si quis autem superadificat ligna, fenum, stipulam, salvus erit, sic tamen quasi per ignem*. Colligit etiam S. Hieronymus ex illo Proverb. 27. *Septies cadet iustus, & resurget: impii autem corrumpunt in malum*. Ubi disertè dicitur iustum cadere, neque tamen iustitiam amittere; nec corrumpere in malum, idest pec-

catum mortale, sicut impius: *Quomodo, inquit, iustus appellatur, qui cadere, idest peccare memoratur, nisi quia de levibus, quotidianisque loquitur peccatis*? Atque hæc semper docuit, & credidit, alia esse peccata mortalia, sive ita gravia, ut a Regno Dei excludant; alia venialia, seu levia, quae hunc effectum non inferunt, licet poenam aliquam mereantur.

II. At vero quænam dicenda sunt peccata mortalia, sive ita gravia, ut excludant hominem a Regno Dei; quænam levia, ut non excludant? Ardua sane quaestio, quam nec ipse Doctorum Aquila Augustinus se definire certo posse ingenue confessus est. *Quis sit iste modus*, scribit ille lib. 21. de Civ. cap. ult., *et quæ sint ista peccata, quæ ita impediunt perventionem ad regnum Dei, ut tamen sanctorum amicorum meritis impetrent indulgentiam, difficillimum est invenire, definire periculosissimum*. Ego certe usque ad hoc tempus, cum satagerem, ad eorum indaginem pervenire non potui. Et rursus in Ench. c. 78. & 79. *Quæ sint levia, et gravia peccata, non humano, sed divino sunt pensanda iudicio*. . . . *Sunt autem quædam, quæ levissima iudicantur, nisi in Scripturis demonstrarentur opinione graviora*. *Quis enim dicentem fratri suo, fatue, reum gehennæ putaret, nisi veritas diceret: reus erit gehennæ ignis? Aut quis existimaret, quam magnum sit peccatum dies observare, et annos, et menses, et tempora, sicut observant, qui certis diebus, sive mensibus volunt, vel nolunt aliquid inchoare, eo quod secundum vanam doctrinam hominum sancta, vel insensata existiment tempora; nisi barbari mali magnitudinem ex timore Apostoli pensavimus, qui talibus ait: Timeo vos, ne forte sine causa laboraverim in vobis?* S. Augustinus subscripsit Doctor Angelicus q. 9. art. 15. ex vulgata sententia; *Quoties nempe de peccato mortali agitur periculoso*

loso quaestione determinari, nisi veritas expressa habeatur, quum tamen, saltem in multis, expressa non habetur. Ut igitur in valde salebroso itinere pedem tuto, quoad fieri potest, figamus, prælucente SS. Patrum, maximeque S. Thomæ doctrina, quasdam regulas præfinire præstat.

REGULA PRIMA.

Peccata, quæ a sacra Scriptura dicuntur esse execranda, abominabilia, Deo exorsa, excludenda a Regno Dei, esse digna morte ære, mortalia sunt: quæ autem mitioribus vocabulis appellantur, venialis.

III. Hæc regula probanda non est, sed exemplis solum explicanda. Ex locutionibus namque divinarum Scripturarum certo colligere possumus, ac debemus divinum de qualitate peccatorum iudicium, quod infallibile est, nullique errori subiectum, itaque exempla prioris generis sunt Levit. 24. *Qui blasphemaverit nomen Domini, morte moriatur.* Prov. 6. *Sex sunt, quæ odit Dominus, & septimum detestatur anima ejus: oculus sublimis, lingua mendacem, manum effundentem innoxium sanguinem, cor machinans cogitationes pessimas, pedes veloces ad currendum in malum, proferentem mendacia testem falsum, & eum, qui seminat inter fratres discordias.* Isai. 5. *Ve, qui conjugitis domum ad domum, & agrum agro copulatis. . . . Ve, qui conjugitis mane ad ebrietatem stultitiam &c. . . . Ve, qui dicitis malum bonum, & bonum malum, ponentes tenebras lucem, & lucem tenebras &c. . . . Ve, qui sapientes estis in oculis vestris, & coram vobismetipsis prudentes. . . . Ve, qui potantes estis ad bibendum vinum &c. . . . qui iustificati inipsum pro mueribus, & iustitiam iusti auferitis ab eo.* Ezech. 18. de homine contrite egeum, & pauperem, uxorem proximi sui polluerit, aut bona rapiente, pignus non reddente, ad idola

oculos suos levante, abominationem faciente, ad usuram dante, & amplius accipiente &c. Deus ita decernit *Non vivet.* Cum *universa hæc detestanda fecerit, morte morietur.* Aliæ plures similes locutiones in Veteri Testamento habentur, quæ passim proficiunt.

Ex Novo autem Testamento aliqua tantum innuam, quæ leguntur in Epistolis D. Pauli. Ad Rom. 1. *Tradidit illos Deus in reprobum sensum, ut faciant ea, quæ non conveniunt, repletos omni iniquitate, malitia, fornicatione, avaritia, nequitia, plenos invidia, homicidio, contentione, dolo, malignitate, susurrones, detractatores, Deo odibiles, contumeliosos, superbos, elatos, inventores malorum, parentibus non obedienter &c.* Quoniam qui talia agunt, digni sunt morte; & non solum qui ea faciunt, sed etiam qui consentiunt facientibus.

I. ad Corinth. 6. „An nescitis, quia „iniqui Regnum Dei non possidebunt? „Nolite errare: neque fornicari, neque „idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rixantes Regnum Dei possidebunt.“ Er ad Galat. 5. „Manifesta sunt opera carnis, quæ sunt fornicatio, immunditia, impudicitia, luxuria, idolorum servus, veneficia, inimizie, contentiones, iræ, rixæ, dissensiones, sectæ, invidiæ, homicidia, ebrietates; comestationes, & his similia, quæ prædico vobis, sicut prædixi. Quoniam qui talia agunt, Regum Dei non consequentur.“ Posterioris generis exempla habemus Prov. c. 10. *La multiloquus non deest peccatum scilicet veniale.* Matth. 12. *Omne verbum otiosum, quod loquuti fuerint homines, reddet rationem de eo in die iudicii.* 1. ad Corinth. 7. de iis, qui accedunt ad propriam uxorem non causa procreandi libe-

ros, Apostolus ait: *Revertimini in idipsum &c. Hoc autem dico secundum indulgentiam*. Ex quibus locis constat, multiloquium, verbum otiosum, accessum ad propriam uxorem sola delectationis causa, non vero suscipiendae proles, peccata quidem esse, sed leviora, ac venialia; ut ex Scriptura unitus de ipsi loquente satis colligitur.

REGULA SECUNDA.

IV. Peccata, quae vel Ecclesia Patres, vel Theologi doctrina, ac pietate insignes unanimiter docent esse mortalia, ita reputanda sunt: venialia autem, quae ab iisdem venialium loco habentur.

Sicut Patres in aliquo dogmate Fidei consentientes testes sunt Divinae Traditionis, quae non minorem habet, quam Scriptura Sacra, auctoritatem; ita etiam, dum conveniunt in tradenda aliqua morum regula, vel desinenda gravitate, aut levitate alicujus peccati. Quare in questionibus moralibus non minus, quam in Fidei controversiis operam dare Theologus debet, ut collatis quemadmodum ait Vincen- tius Livinensis in Communi, inter se majorum consulat, interrogetque sententias eorum duntaxat, qui diversis licet temporibus, & locis, in quibus tamen Ecclesia Catholica communi- one, & fide permanenter, & fidei prae- stabiles (hoc est signi approbatione) exte- ruerunt; & quidquid non deus, aut duo tantum, sed omnes pariter uno, eodemque con- sensu aperte, frequenter, persueverunt tenuisse, scripsisse, & disquisisse cognoverit, id sibi quoque intelligit absque ulla dubitatione cre- dendum.

Horum Patrum doctrinam in hoc argu- mento traherunt, qui subinde sequuti sunt Theologi pii: pietate, ac doctrina praecellentes, quorum inter eminet S. Tho- mas; atque a loco eorum auctoritas, quo- tique conveniant in judicio de peccato mor-

tali, & veniali, veluti certa regula ita suscipienda est, ut qui ab iis discesserint, summam temeritatis notam non effugiant. Quapropter peccatum mortale, aut veniale duntaxat esse, dubitare nefas, quod Theologi omnes, aut certe graviore plu- rimum pietate, tum doctrina insignes, maximeque S. Thomas inter peccata mor- talia, aut venialia recensent.

REGULA TERTIA.

V. Peccata, quae repugnant charitati, sive quae graviter laedunt charitatem Dei, vel proximi, sunt ex se mortalia: quae autem leviter, venialia.

Lucem non modicam huic regulae affert doctrina S. Thomae, quam habet p. 2. q. 88. art. 2. ubi quaerit: *Unde peccatum mor- tale, & veniale differant genere*; atque ita inter alia respondet: „Cum voluntas fer- tur in aliquid, quod secundum se repu- gnat charitati, per quam homo ordina- tur in ultimum finem; illud peccatum ex suo objecto habet, quod sit mortale. Unde ex mortale ex genere, sive sit contra dilectionem Dei, sicut blasphemia, perjurium, & hujusmodi; sive contra dilectionem proximi, sicut homicidium, adulterium, & similia. Unde hujusmo- di sunt peccata mortalia ex suo genere. Quandoque vero voluntas peccantis fer- tur in id, quod in se continet quam- dam inordinationem; non tamen con- trariatur dilectioni Dei, & proximi, sicut verbum otiosum, risus superfluum, & alia hujusmodi. Er talia sunt pecca- ta venialia ex suo genere.“

Id confirmat de peccato mortali loquens in resp. ad 1. cum dicit: *Ex hoc ipso, quod aliquis elegit id, quod repugnat divinae charitati, convincitur praeferre illud charitati divinae, & per consequens plus amare ip- sum, quam Deum. Et ideo aliqua peccata ex-*

genere, quod de se repugnant charitati, habent, quod aliquid eligatur supra Deum; & sic sunt ex genere suo mortalia.

Quoad peccatum autem veniale attinet, q. 37. art. 3. hæc habet Manifestum est, quod in quibusdam peccatis est quidem aliqua inordinatio, non tamen per contrarietatem ad ultimum suum (sive charitatem, per quam homo unitur ultimo fini Deo): sed solum circa ea, quæ sunt ad suum, in quantum plus, vel minus debite eis intenditur, solvendo tamen ordine ad ultimum suum; puta, cum homo, etsi nimis ad aliquam rem temporalem efficitur, non tamen pro ea vellet Deum offendere, aliquid contra præceptum ejus faciendo. Unde hujusmodi peccatis non debetur pœna æterna, sed temporalis; sive venialia sunt. Ex quibus pronum est colligere positam regulam: quod nempe mortalia dicenda sint ea peccata, quæ repugnant charitati Dei, vel proximi, sive quæ Deum, vel proximum graviter lædunt; quæ vero non repugnant, venialia duntaxat.

REGULA QUARTA.

VI. In judicio de peccatis mortalibus, & venialibus non est habenda ratio consuetudinis hominum, sed legis sive naturalis, sive positivæ.

De hac regula mentionem fecimus in Tract. de legibus. Verum hic quoque asserenda, & confirmanda est. Nam, ut scribit S. Augustinus cap. 20. Enchir., peccata quædam, quamvis magna, & horrenda, cum in consuetudinem venerint, aut parva, aut nulla esse creduntur, ut non solum non occulanda, verum etiam prædicanda, ac diffamanda videantur, quando, sicut scriptum est: Laudatur peccator in desideriis animæ suæ; & qui iniqua gerit, benedicitur. . . . Ita multa mala in apertam consuetudinem

jam venerunt, ut pro his non solum excommunicare aliquem laicum non audeamus, sed nec Clericum degradare. . . . Vnde peccatis hominum, quæ sola iustitiam exhorrescunt, iustitia vero, pro quibus ablucendis Filius Dei Sanguis effusus est, quamvis tam magna sint, ut omnino claudi contra se faciant regnum Dei &c.

Idem habet lib. 3. contr. Epist. Parmen. cap. 11. inquit: An forte parva sunt ista crimina, & parvi æstimanda? Solent enim isti etiam hoc dicere, penitentes ea non in statuta æqua Divinarum Scripturarum, sed in statuta dolosa consuetudinum suarum. Quidquid enim secleris, & iniquitatis inebriat multitudinem, amittit examinis veritatem. Sed ideo sunt tamquam sincerissimum speculum propolura hominibus oracula celestium paginarum, ut ibi quisque videat, quodlibet peccatum quantum sit, quod forte magnum est, & male viventium cuncto more contemnitur.

Profecto quod æterna Dei lege vel præcipitur, vel prohibetur, stabile, constans, & immutabile est: quod in divino iudicio grave peccatum est, grave semper erit, quidquid aliter iudicent homines; nec mos, aut consuetudo adversus ipsum præscribere unquam poterit. Unde concludit S. Bonaventura Opusc. de Processu Relig. c. 28. Cum Deo disputare velle, stultum est, & quasi velle convincere eum, ut non debeat judicare, hoc esse peccatum mortale, quod nostra opinio non vult pro mortali habere. Sua æstimatio est regula iustitiæ infallibilis; non nostra angulosa opinio, quam nostram conscientiam appellamus. Solis radius nunquam facit angulum, semper directe in opposita sibi ferit, sive nobis appareat, sive aliter existimemus.

REGULA QUINTA.

*Si consideretur peccatum ex parte agentis ,
ad peccatum mortale requiritur
perfecta deliberatio .*

VII. Ita D. Thomas 9. 74. art. 6. ubi docet . „ Dupliciter contingere , peccatum esse in ratione . Uno modo , „ quando imperat illicitas passionēs , sicut „ quando homo ex deliberatione provocat „ sibi motum iræ , vel concupiscentiæ . „ Alio modo , quando non reprimat illicitum passionis motum ; sicut cum aliquis „ postquam deliberavit , quod motus passionis insurgens est inordinatus , nihilominus circa ipsum immoratur , & ipsum „ non expellit “ . Et ad 3. „ Delectatio dicitur mortala non ex mora temporis , „ sed ex eo , quod ratio deliberans circa „ eam immoratur , tenens , ac volvens „ libenter , quæ statim , ut attingunt animum , respici debuerunt “ . Ratio vero est , quia motus animi nostri in tantum sunt culpabiles , in quantum sunt voluntarii : in tantum autem sunt perfecte voluntarii , in quantum sunt deliberati . Porro ad peccatum mortale , quod est peccatum perfectum , requiritur perfectum voluntarium : adeoque ad peccatum mortale requiritur perfecta circa objectum deliberatio . Ubi vero perfecta deliberatio non est , sed imperfecta , ut contingit in somnolentibus , & in subitis motibus , peccatum veniale erit , licet materia gravis de se fuerit , ex imperfectione actus , ut sapie ait S. Thomas , & expresse trahit hoc eodem art. 2. quæst. 88. dicens : *Ex parte agentis contingit , quod aliquod peccatum , quod ex suo genere est mortale , sit veniale ; propter hoc scilicet , quod actus est imperfectus , id est non deliberatus ratione , quæ est principium proprium mali actus , sicut supra dictum est de subitis motibus infidelitatis .*

Cum autem deliberatio non possit esse sine advertentia , ideo hanc quoque requiri ad peccatum mortale dicendum est . Illud tamen ad memoriam revocandum , quod fufe alibi probavimus adversus pueriores laxiores Theologos ; non exigi ad peccatum mortale deliberationem , vel advertentiam formalem , aut actualem ad malitiam actus , sed sufficere virtutalem , vel interpretativam , sive , ut eam vocat S. Thomas , *indirectam* ; in eo positam , quod *quis possit , ac teneatur advertere , nec advertat* : tunc enim habetur voluntarium *indirectum* , quod satis est ad peccandum etiam lethalius . Hinc etiam , tamen ad peccatum mortale requiratur consensus voluntatis , necesse tamen non est , ut sit *formalis* , aut *directus* ; sed satis est *virtualis* , aut *indirectus* , quod nempe voluntas non repellat modum , cum illud possit , ac deberet repellere . Audiamus S. Thomam in *disp. quæst. 15. de veris. art. 4. ad 20.* ita de hac re differentem . „ Antequam ratio delectationem perpendat , „ vel nocuementum ipsius , non habet interpretativum consensum , etiam si non resistat . Sed quando jam perpendit ratio de delectatione insurgente , & de nocuemento consequente ; utpote cum percipit homo , se totaliter per hujusmodi delectationem in peccatum inclinari , & in præceptis ruere , nisi expresse resistat , videtur consentire . Et tunc peccatum ad rationem transfertur per ejus actum ; quia agere , & non agere , cum quis agere debet , ad idem genus actus reducuntur , secundum quod peccatum omissionis ad peccatum actus reducit “ .

RE-

REGULA SEPTIMA.

Materia parvitas in peccatis ex suo genere mortalibus excusat a peccato mortali; si tamen peccati obiectum materiæ parvitatem admittat.

Ratio est; quia, sicut peccatum mortale non est sine plena deliberatione voluntatis, ita nec constat sine gravitate materiæ. Sic quamvis furtum, detractio &c. ex genere suo mortalia peccata sint; non tamen peccat aliquis nisi venialiter, si furti, vel detractiois materia levis sit; ut si ponam surripiat, aut detractio non nisi leve damnum proximo inferat. Arque ita generatim in iis peccatis, in quibus datur materiæ parvitas, aut levitas: hæc a gravi culpa excusat.

Subiecti tamen: *Si obiectum peccati materiæ parvitatem admittat.* Quædam namque sunt, in quibus materiæ parvitas locum non habet. Unde Theologi concorditer docent, eam non haberi in peccatis, quæ Deum, vel Religionem immediate spectant, cuiusmodi sunt infidelitas, desperatio, idololatria, blasphemis, osium Dei, perjurium, invocatio Dæmonum, simonia &c. Hæc enim peccata, licet levis materiæ vileantur, integram in Divinam Majestatem irreverentiam in se continent; immo tantum abest, ut ex levitate materiæ eorum levis gravitas minuatur, ut potius afigunt ex illa peccati gravitas crescat, ut patet in eo, qui pro re levissima momenti, puta pro asse, pro pomo pejerat, blasphemat, se Dæmoni devotus; meritoque ab Innocentio XI. damnata fuit illa propositio: *Vocare Deum in t-ilem mendacii levis, non est tanta irreverentia, propter quam velit, aut possit damnare hominem.* Communis etiam celebriorum Theologorum sententia est, in peccatis luxuriæ, ut in specuative dici queat, in praxi nun-

Patuzzi Theol. Mor. T. II,

quam dari materiæ parvitatem, si plena sit voluntatis deliberatio. Luxuries enim, inquantum, quantumvis exigua, dum plena eligitur voluntate, ob effrænam concupiscentiæ impetum vehementer voluntatem pettrahit ad consensum actus completi; adeoque ubi accedat plena deliberatio, nunquam luxuriæ actibus, quantumvis levis homo consentit sine gravi peccato. Hinc damnata est ab Alexandro VII. sequens propositio: *Est probabilis opinio, quæ dicit, tantum esse veniale osculum habitum ob delectationem carnalem, & sensibilem, quæ ex osculo oritur, secluso periculo consensu ulterioris, & pollutionis.* Sed de re hac alibi fortasse.

§. II.

Quibus modis peccatum ex genere suo mortale, veniale fiat: & converso.

IX. Satis exploratum est ex his, quæ diximus, illud esse peccatum mortale ex genere suo, quod charitati repugnat, quæ est vite spiritualis principium; atque adeo in seipso consideratum, absque adventu malitiæ alterius speciei, mortale est, ut infidelitas, furtum &c. Illud autem peccatum esse ex genere suo veniale, quod cum charitate non pugnat; adeoque in se ipso duntaxat inspectum, absque adventu malitiæ alterius speciei, nunquam ad mortale pertingit, ut mendacium jocosum, risus superfluus &c.

Hæc posito, jam patet ex regulis constitutis, tribus modis illud, quod peccatum est ex genere suo mortale, fieri posse veniale, nimirum ratione parvitatæ materiæ in iis, quæ huiusmodi parvitatem admittunt, ut furtum unius assis homini diviti secundo ob imperfectionem actus, quia, ut ait S. Thomas art. 6., *non perfecte pertingit ad rationem actus moralis*, quod dupliciter potest contingere, scilicet propter defectum

ple-

plene advertentiæ, ut cum aliquis haud plene advertit objectum, circa quod actio versatur, & propter defectum perfectæ deliberationis: quæ duo in unum redeunt: unde idem Sanctus Thomas de sola imperfecta deliberatione mentionem facit.

X. At plures modi sunt, sive capita, ex quibus peccatum, quod est de se veniale, mortale evadit. Sed antequam hæc capita assignemus, præmittenda est doctrina, quam tradidit Doctor Angelicus tertio, & quarto articulo hujus q. 88. Primum itaque docet, quomodo peccatum veniale sit dispositio ad mortale. Duplicem porro dispositionem distinguit, aliam directam, sicut calor est dispositio ad ignem; aliam indirectam, sicut removens columnam, quæ lapidem sustentat, disponit ad casum lapidis. Itaque resolvit, equidem peccatum veniale ex genere suo primo, & per se non disponere directe ad mortale ex genere, quia differunt specie; posse tamen hoc modo disponere per quamdam consequentiam ad peccatum, quod est mortale ex parte agentis. *Augmentata enim, inquit, dispositione, vel habitu per actus peccatorum venialium, in tantum potest libido peccandi crescere, quod ille, qui peccat, finem suum constituat in peccato veniali. . . . Et sic multoties peccando venialiter, disponetur ad peccatum mortale.*

Quod si sermo sit de dispositione indirecta, tunc peccatum etiam ex genere suo veniale disponit ad peccatum pariter ex genere mortale; siquidem qui assuescit in minoribus non subicere voluntatem suam ordini divino, paulatim ad hoc disponitur, ut eam non subiciat ordini finis ultimi. Deinde peccata venialia minuunt fervorem charitatis, & obicem apponunt divinis illustrationibus, & auxiliis, quibus indigemus, ut resistamus eis, quæ nos in peccata lethalia inducunt. Unde Ecclesiast. 29. dicitur: *Qui spernit medicam, per-*

latim decedit, in peccatum scilicet mortale.

XI. Hoc præmissis, pergit Præceptor Angelicus art. 4. ad elucidandam questionem, *utrum peccatum veniale possit fieri mortale?* quæ, cum non uno in sensu intelligi queat, idcirco prius illud cum eodem constituo, peccata venialia, quantumvis multiplicentur, nunquam efficere posse unum mortale, ita scilicet, ut ex pluribus venialibus tamquam ex quibusdam partibus confletur mortale, sive ut ipsa venialia magno numero multiplicata æquipolleant vel quoad malitiam, vel quoad reatum uni mortali. *Non enim inquit S. Thomas, omnia peccata venialia de mundo possunt habere tantum de reatu, quantum unum peccatum mortale; quod patet ex parte durationis: quia peccatum mortale bobet reatum pænæ æternæ; peccatum autem veniale reatum pænæ temporaliæ. Patet etiam ex parte pænæ damni: quia peccatum mortale meretur carentiam visionis divinæ, cui nulla alia pænâ comparari potest, ut Chrysostomus dicit. Patet etiam ex parte pænæ sensus, quantum ad vermem conscientia, licet forte quantum ad pænâ ignis non sint improprietates pænæ.*

XII. Solum ergo peccatum veniale fieri potest mortale ex eo, quod ex aliquo adiuncto id, quod est de se veniale, transeat ad peccatum mortale. Plures hujusce mutationis modos indicat S. Thomas, qui ad sex capita frequentius revocantur: quorum primum est *error conscientia*; quo nempe quis mortale esse putat, quod facit, quamquam reapse non nisi veniale sit. Ita S. Thomas quodlib. 9. q. 7. art. 15. inquit: *Error, quo creditur esse mortale, quod non est mortale, ex conscientia ligat ad mortale peccatum; quia videlicet illud peragens cum lethalis peccati conscientia, consentit in ipsum apprehensum, ac si esset lethale.*

Secundum: dum peccatum de se veniale refertur ad finem mortaliter pravam; puta si verbum jocosum proferatur ex intentione

provocandi mulierem ad fornicationem : Actus quippe hujusmodi contrahit malitiam mortalem pravi finis, a.1 quem ordinatur. Unde sicut opera de se bona prava fiunt, si ex prava intentione proficiunt; sic peccata ex se venialia, mortalia fiunt ex intentione mortaliter prava.

XIII. Tertium est ex parte affectus graviter inordinati erga rem aliquam leviter malam, aut etiam indifferentem; dum scilicet ad ipsam adeo immoderate quispiam afficitur, ut sit ita dispositus, & animo comparatus, quod ab ea abstinere nolit, nulla etiam lege prohibente; aut si illam nonnisi per medium graviter illicitum assequi possit. Tunc enim in corde suo præfert eam rem amicitie divinæ, & violat maximum legis præceptum diligendi Deum super omnia. Utrumque ex his duobus, quibus peccatum veniale fit mortale, complexus est S. Thomas hic *art. 2. his verbis* : „ Quia actus morales recipiunt „ rationem boni, & mali non solum ex „ objecto, sed etiam ex aliqua dispositione „ ne agentis, ut supra habitum est; con- „ tingit quandoque, quod id, quod est „ peccatum veniale ex genere ratione sui „ objecti, sit mortale ex parte agentis : „ vel quia *in eo constituit finem ultimum*; „ vel quia *ordinat ipsum ad aliquid, quod „ est peccatum mortale ex genere*, puta cum „ aliquis ordinat verbum orisum ad adul- „ terium committendum “.

XIV. Quarto peccatum veniale fit mortale ob grave damnum proximi, vel scandalum, quod ex re de se levi sequitur præviderit, vel prævideri potest, ac debet. Tunc enim ratione talis effectus actio, licet de se levis, graviter charitati alverfatur, & causa effectus sui pravitatem participat. Hac de causa Apost. 1. ad Corinth. 8. graviter redarguit eos, qui coram infirmis hylorhyta (quamvis de se non illicita) comedebant; eo quod causa forent

perditionis fratrum ex scandalo, quod inde fumebant.

XV. Quinto propter formalem contemptum legis, vel mandati, vel regulæ, vel Superioris, qua Superior est; ut si quis præceptum violet in re levi; quia renuit subijci præcepto, vel Superiori. Nam tunc hujusmodi inobedientia, aut transgressio importat contemptum potestatis a Deo derivatæ, & Superioris, pro ut est minister Dei, ejusque vices gerit. Unde contemptus in ipsum Deum redundat, juxta illud : *Qui vos audit, me audit; & qui vos spernit, me spernit*. Contemptum autem formalem Dei quis dubitet esse gravem peccatum?

XVI. Sexto tandem ob periculum incidendi in peccatum mortale; quoties nempe aliquis experientia compertum habet, se ex actione de se leviter inordinata, aut etiam indifferenti incurere in aliquod grave peccatum. Ex. gr. si quis ex aspectu mulieris, vel colloquio inducatur ad turpem actum, vel morosam delectationem; aut si lusus de se etiam licitus sit ipsi occasio proxima proferendi blasphemias, vel perjurias &c. Niquidem mortale semper peccatum est exponere se periculo probabili peccandi mortaliter : quia tunc gravem Dei offensam parvipendit, animæque salutem pro nihilo habet, qui ejus amittendæ probabile periculum non evitat, eodemque præcepto, quo tenemur vitare peccatum, tenemur etiam vitare probabile illius incurrendi periculum.

CAPUT XI.

CONSECTARIA.

- I. Novatorum error negantium distinctionem peccati venialis, & mortalis repudiandas.
- II. Repudianda pariter est de hac distinctione opinio, qua Gersoni tribuitur.

Q. 92

III.

III. Inordinatio venialis peccati finem legis non evertit.

IV. Triplex peccati venialis differentia.

V. Quorundam in determinandis levibus, gravibusque peccatis nimia præsidentia merito damnanda.

VI. Doctrina S. Augustini quoad differentiam peccati mortalis, & venialis attendenda.

VII. Congruè admodum venialia peccata designantur ab Apostolo per lignum, fœnnum, & stipulam.

VIII. Quorundam Casistarum opinio pro discernendis peccatis mortalibus, ac venialibus prorsus rejicienda est.

IX. Multa peccata venialia eni se nunquam efficiunt unum mortale.

X. Ad peccatum tamen mortale disponunt.

XI. A peccato mortali excusandum non esset, qui vellet peccata omnia venialia committere.

XII. In magno versantur æterna damnationis periculo, qui nihil venialia curant, eaque emendare non satagunt.

XIII. Quinam propterea de sua æterna salute metuere præsertim debeant.

XIV. Quibus fœvis aliquam tentationi peccandi consensum præbuisse, vel non præbuisse conjicere possumus.

Reflexio.

CONJECTARIUM PRIMUM.

L. ERROR est Calvini negantis distinctionem peccati mortalis, ac venialis; sed omnia peccata sic esse mortalia asserentis, ut perfectam includant aversionem a Deo, omniaque digna sint æterno supplicio. Quænammodum & inter errores Catholicæ Fidei contrarios accensenda est sententia Zuinglii, Lutheri, aliorumque Novatorum existimantium, peccatum mortale a veniale non distingui, nisi penes personæ peccantis conditionem, ita ut in prædestinato, vel fidei omnia sint venialia; de reprobo, & infidei omnia mortalia.

Hi errores pugnant aperte cum Sacra Scriptura, & cum Ecclesiæ traditione, quæ semper docuit, atque agnovit hujusmodi distinctionem.

CONJECTARIUM SECUNDUM.

II. Parum ab Hæreticorum errore distat, adeoque reprobanda opinio est, quæ tribuitur Gersoni; nimirum peccatum veniale non ex natura rei a mortali secerni, sed ex sola Dei misericordia unum, & non aliud peccatum ad æternam mortem imputantis. Evidens quippe est, multa esse peccata, quæ Dei amicitiam non solvunt, neque ordinem ad ultimum finem, & mediâ cum illo necessario connexa pervertunt: unde natura sua mortalia esse non possunt; puta verbum otiosum &c.

CONJECTARIUM TERTIUM.

III. Quamquam in peccato veniali semper sit aliqua inordinatio, hujusmodi tamen non est, quod sit contra legem juxta S. Thomam; sive, ut se explicat q. 7. de malo art. 1. ad 1., finem legis avertat: Quia non corrumpit charitatem, quæ est plenitudo legis. Qui enim tantum venialiter peccat, etiam non diligit Deum in illo actu, quo peccat; si tamen justus est, eum diligit habitualiter, & ita quidem, ut amor ipsius nihil præponat, nihil adqueat, cum retineat Deum pro ultimo fine, neque aliquid agere velit, quo ejus amicitia violetur, & habitualis charitas excludatur.

CONJECTARIUM QUARTUM.

IV. Triplex itaque differentia peccati venialis considerari potest. Aliud est veniale ex genere suo, quod semper veniale manet, dum intra propriæ materiæ limites constitit, ut verbum otiosum. Aliud est veniale ex levitate materiæ, ut furtum assis. Aliud ex imperfecta deliberatione, ut motus infidelitatis, turpia cogitatio &c.

rationem præveniens. Nullum autem ex his venialibus est simpliciter contra legem eo sensu, quo diximus. Non quidem primum: quia actio, aut verbum otiosum de se indifferens est, ut sit contra, vel præter legem, solumque cater ordine ad finem honestum. Non etiam secundum peccatorum venialium genus; neque tertium: quoniam per huiusmodi actus sex simpliciter non violatur. Cum enim lex agentibus liberis imponatur, ab his duntaxat violatur, qui libere, & deliberate operantur; & cum bonum commune intendat, non violatur etiam simpliciter illis actibus, qui ob materiam levitatem nullum notabile nocendum inferunt.

CONJECTARIUM QUINTUM.

V. Cum tam arduum visum sit, ac difficillimum S. Augustino discernere, quænam sint levia, quænam gravia peccata, *at non humano, sed divino pensanda esse iudicio* asseruerit; cum S. Thomas diserte fateatur, *questionem omnem, in qua de peccato mortali queritur, nisi expresse veritas habeatur, periculose determinari*: plane damnanda est nimia quorundam præsententia, qui certe nec tam excellenti ingenio, & mentis acumine, nec tanta divini luminis illustratione præditi sunt, & tamen casus sæpe atmodum difficiles, & implicatos uno veluti stantes in pede prompte facillique resolvunt; & quasi divinæ legis flaram in manu tenerent, audacter definiunt, *hoc esse peccatum mortale; hoc tantummodo veniale: istud sine ulla culpa peragi posse; vel si qua est, non nisi levi, aut saltem atque mortali peccato*. Hi sane magno se exponunt errandi periculo, quod tum in animæ propriæ, tum in aliorum, quos dirigunt, præjudicium vergit. Quare prudens Confessarius, ubi veritas ambigua est, & obscura, in his iudiciis ferendis caute procedat. *Negus enim*, ut monet Vaurense

Concilium anno 1368. celebratum, *Confessor debet esse promptus ad facile iudicandum de aliquo, quod sit mortale peccatum, nisi sit in dictis Scriptura, vel Sanctorum Patrum expressum, vel graviorum Theologorum consensione determinatum*.

CONJECTARIUM SEXTUM.

VI. In his iudiciis efformandis de gravitate, vel levitate peccati, quod aliquis committit, nedum attendendum est pravi nomen ex parte sui, sed etiam ex parte operantis; eaque præ oculis habenda aurea S. Augustini doctrina, quam tradidit *lib. 12. de Civit. Dei cap. 26.* his verbis: „Quis-
„ quis sic habet in corde Christum, ut i
„ terrena, & temporalia postponat, nec
„ ei, quæ licita sunt, atque concessa,
„ præponat, fundamentum habet Chri-
„ stum. Si autem præponit, etsi videat
„ tur habere fidem Christi, non est tamen
„ in eo fundamentum Christus, cui talia
„ præponuntur. Quanto magis si salutaria
„ præcepta contemnens, committat illicita
„ non præposuisse Christum, sed post-
„ posuisse convincitur, quem posthabuit
„ imperantem, sive concedentem, dum
„ contra ejus imperata, sive concessa sum-
„ per flagitia delegit explere libidinem“. His verbis suis veluti coloribus expressit S. Augustinus peccati lethalis imaginem tum ex conditione operis, tum ex conditione operantis, cujus præsertim malitia in eo posita est, quod homo creaturam præferat Deo, ut suam libidinem, aut voluntatem expleat: quod tunc præstat, quoties vel committit illicita, transgrediens divina præcepta, atque adeo contemnens Deum imperantem; vel rebus licitis, atque concessis tam immodico affectu adhæret, ut eas plus diligit, quam Deum, adeoque præferat Deo. Et utrumque peccatum mortale est.

Subdit autem ibidem S. Doctor, *esse quosdam*,

dom, qui super hoc fundamentum, scilicet Christum, superedificavit ligna, fenum, & stipulam; id est amores babylonicos, ut alibi vocant, qui tamen ex rebus creatis nihil præponunt Christo. Et ideo fundamentum habet Christum, & salvos fore per ignem. Quibus verbis designat peccatum veniale in eo a levis discipuli, quod per illud leviter creaturis inhæreatur, nihil tamen Christo præponatur: sive, ut ait S. Thomas, quod habet inordinationem circa ea, quæ sunt ad finem; sed conservat ordinem ad ultimum finem.

CONSECTARIUM SEPTIMUM.

VII. Congrue admodum, ut modo vidimus ex S. Augustino, designat Apostolus peccata venialia per lignum, fenum, & stipulam. „Sicut enim, ut præclare S. Thomas hic *quest. 89. art. 2.*, hujusmodi congregantur in domo, & non pertinent ad substantiam ædificii, & possunt comburi, ædificio remanente: ita etiam peccata venialia multiplicantur in homine, manente spiritali ædificio. Et pro illis patitur homo ignem, vel temporalis tribulationis in hac vita, vel purgatorii post hanc vitam: & tamen salutem consequetur æternam“. Porro, ut etiam sapienter observat ibidem S. Doctor *ad 4.*, „juxta illa tria, omnes gradus venialium peccatorum ad tria reducuntur, scilicet ad lignum, quod diutius manet in igne: ad stipulam, quæ citissime expeditur: ad fenum, quod medio modo se habet. Secundum enim, quod peccata venialia sunt majoris, vel minoris adherentia, vel gravitatis, citius, vel tardius per ignem purgantur“.

CONSECTARIUM OCTAVUM.

VIII. A veritate prorsus aliena censenda est quorundam Casuistarum opinio, qui pro discernendis peccatis mortalibus, &

venialibus, hanc tanquam regulam constituant: ea nempe in praxi mortalia esse, quæ quisque moralia iulicat: ea venialia, quæ pro venialibus habet; aut ex consuetudine in hominibus prævalente utraque dimittitur. Neque enim aut humana ratio, aut consuetudo regula, & mensura est gravitatis, aut levitatis peccati; sed lex divina, cui humana ratio conformis sit, oportet. Sunt enim quedam, ut ait loco jam laudato Enchirid. S. Augustinus, quæ levissima putarentur, nisi in Scripturis demonstrarentur opinione graviora, ut exemplis ostendere pergit.

CONSECTARIUM NONUM.

IX. Si peccata venialia invicem non uniantur sive in materia, sive in effectu, nunquam efficiunt unum mortale peccatum: quia tunc materiæ, aut effectus, licet plures, nunquam constant unum grave objectum. Sic qui diebus omnibus Quadragesimæ quotidie exiguum frustum panis manducat, non peccat mortaliter: quia comestio, quæ fit una die, non conjungitur cum alia alterius diei. Sic etiam qui obligatus ad recitandas Horas Canonicas, omittit quodlibet die unum, aut alterum versiculum, non ex hoc grave peccatum in mensis, vel anni fine committit: quia omisso hujus diei non unitur cum aliis omissionibus. Quod si plurium venialium materia, aut effectus moraliter uniantur, & unum grave objectum constituent adversus aliquod præceptum, peccata venialia ad mortale tandem perveniunt ratione materiæ, sive damni notabilis quod inferitur. Exemplum est in pluribus furtis levibus, quæ dum ad notabile damnum pertingunt, complent grave peccatum.

CONSECTARIUM DECIMUM.

X. Peccata venialia ad mortale disponent; eaque præsertim, quæ ex animi de-

liberatione, aut ex negligentia culpabili committuntur: tum quia hæc potissimum augent in nobis concupiscentiæ ardorem; & charitatis fervorem minuunt, ex quo facile consequitur, quod ipsa charitas extingatur in corde: *Augmentum* siquidem *rapiditatis diminutio est charitatis*, ut ait S. Augustinus; & quo magis crescit illa, eo magis ista decrescit, adeo ut a prædominante cupiditate tandem obruatur, ac superetur. Unde S. Gregorius *lib. 10. Moral. Cap. 14.* scribit: *Si parva negligimus, insensibiliter seducti, audenter etiam majora perpetravimus.* Tum quia, dum levia peccata negligimus, indignos nos reddimus specialibus auxiliis divinæ gratiæ, quæ necessaria nobis sunt ad præcavenda graviora peccata.

CONSECTARIUM UNDECIMUM.

XI. Si quis proponeret venialia omnia committere peccata, vel ita animo comparatus esset, ut nullum ex his vitare vellet, sed sola mortalia; a peccato mortali excusandus non foret: nedum quia in multitudine peccatorum venialium haud pauca sunt, quæ proxime ad mortale disponent; sed etiam quia tale propositum quandam præfert gravem deformitatem, talemque animi pravam dispositionem, quæ cum Dei charitate nequaquam conciliari posse mihi videtur. Atque ita sentiunt etiam ex his Theologis, qui benigniores existimantur.

CONSECTARIUM DUODECIMUM.

XII. Magno in periculo damnationis æternæ versantur ii, qui salva sibi omnia putant, eo quod mortalia quidem sensibilia peccata vitare non omittunt; sed interim nihil venialia curant, quæ quotidie perpetrant, & emendare negligunt. Valde namque timendum est, ne extra statum gratiæ, & salutis existant, vel saltem in

periculo proximo ab eo statu excidendi. Quoniam si Scripturam, & Patres consulamus, haud aliter de his loqui possumus. Formidanda plene est illa sententia, quæ *Apocalyps. 3.* comminatur Deus, *se invicere ex ora suo vomere* istiusmodi tepidos, ac dissolutos, acediosos homines; quod perinde est, ac ipsos deserere, ut abeant post desideria cordis sui, simileque fiant Episcopo illi memorato in eodem libro, qui cum tepidus esset, & valde negligens in Dei servitio, divitem se putabat, & nullius egentem, nesciens, quod esset *miser, & miserabilis, & pauper, & cæcus, & nudus*; desitutus scilicet bonis operibus ad salutem necessariis.

Patres quoque Ecclesiæ idem salutis periculum in hisce hominibus agnoscent, & exerte confirmant. S. Joan. Chrysost. *in Cap. 1. ad Gal.* scribit: *Hoc ipsum est malorum omnium causa, quod ob pusilla non indignamur. Quomodo in corporibus, qui vulnera neglexerunt, febres gignunt, & putrefactiones, ac mortem denique; itidem & in anima, qui pusilla dissimulant, majora invitant.* Idem ostendit *homil. 8. in 1. ad Corinth.*, similitudine ducta ex vestimento, & domus tecto neglecto. Vestimentum enim ab initio disruptum, ac neglectum per contumacem producit scissuram: & tectum, si cum parvæ regulæ decidunt, neglectum fuerit, totius domus tandem ruina consequitur.

Hoc sensu intelligi debet, quemadmodum eam exponit S. Thomas, sententia illa Augustini Episc. 108. *Quid interest ad naufragium, utrum uno grandi illi navis operiatur, & obruatur; aut paulatim subrepens aqua in sentinam, & per negligentiam derelicta, etque contempta, impleat navem, atque submergat?*

Eadem perspicue tradit non uno in loco S. Gregorius Magnus *lib. 10. Moral. cap. 14.* ait: *Cum per levia delicta desectimus, usu cuncta levigante, non tiuemus postea gravi-*

vis-

viora. Et in Pastoral. p. 3. *Fit plerumque, ut mens affueta malis levibus, nec graviora perhorrescat; atque ad quamdam auctoritatem nequitie per culpas nutrita perveniat; & tanto in majoribus contemnat pertimescere, quanto in minimis didicit non timendo peccare. Atque ibidem etiam advertit: Qui peccata minima flere, ac devitare negligit, a statu justitie non quidem repente, sed partibus totus cadit.*

Denum ut alios Partes præteream, vehementius incuriam hanc evitandi peccata venialia damnat S. Bernardus pluribus in locis, sed maxime *serm. 1. in Convers. S. Pauli* inquit: *Non dicant in corde suo, qui venialia negligunt; levia sunt ista: non erit corrigere. Non est magnum, si in his maneam venialibus, minutissimis peccatis. Hæc est enim, dilectissimi impenitentia: hæc blasphemia in Spiritum Sanctum.*

CONJECTARIUM DECIMUMTERTIUM.

XIII. Timeant igitur, & contremiscant venialium peccatorum contemptores, præsertim si Ecclesiastici sint, aut Religiosi, qui satis habent abstinere se a peccatis mortalibus, nec de venialibus cavendis ullam sollicitudinem gerunt; imo ea libere, summaque facilitate perpetrant; qui vultus quovis licentius intuentur, cum quovis sexu otiose conversantur, alter alterius manus juvenili levitate attingunt, minutas omnes, quas possunt, carpere, aut prælibare voluprates non prætermittunt, nihil nisi vana cogitant, aut loquuntur, tempus inutiliter terunt in faciliis, in ludis, in recreationibus superfusus, Canonice Horas præcipitanter, & irreverenter recitant, Missam nulla animi præparatione celebrant, & sacrosancta illa mysteria indecemer tractant, & alia hujusmodi continuo peragunt, nec unquam emendare satagunt absque ullo timore, ac tremore propriæ salutis, ea duci, & seducti sibi

cla, quod a gravioribus peccatis se contineant: timeant, inquam, ac vehementer contremiscant, ne in illa peccata, quæ a divina gratia sepatant, tandem prolabantur, ne in pœnam negligentie suæ, luxque vitæ molliis, ac dissolutæ a Deo deferantur, ac æternum pereant.

CONJECTARIUM DECIMUMQUARTUM.

XIV. Difficile admodum est in praxi definire, quando voluntatis consensus in malum plenus sit, seu ad peccatum mortale sufficiens, & quandonam plenus non sit, & a mortali peccato excuset: quia motus voluntatis nostræ sæpe nobismetipsis occulti sunt. Nihilominus hæc signa proponi solent, quæ lucem aliquam rei valde obscuræ afferre valent. Er primo quidem, si homo ita sit interius habitualiter affectus, ut salutis suæ curam gerat, ac nollet peccatum committere, etiamsi commode posset: signum est consensum plenum, & ad peccatum mortale sufficientem non adfuisse. Si vero e contra ita se interius affectum noverit, ut oblata occasione, peccatum non refugeret; signum est consensum, & ad peccatum mortale sufficientem præstitutum esse. 2. Si poenitens sit timorata conscientie, & ad peccati conspectum soleat exhorrescere; conjici potest consensum tentationi non præbuisse, quamvis fortasse in ea repellenda negligens aliquantum fuerit: Si vero laxæ conscientie sit, nec peccata tum venialia, tum mortalia horrere soleat; eum deliberate consensisse, quasi pro certo habendum est. 3. Si tentatio poenitentis versetur circa peccata carnalia, quæ membris exterioribus complentur, nec ille tamen, dum facile posset, ad externum opus progressus est; signum est, plenum non fuisse consensum: si vero solius poenæ metu oblata peccandi occasione usus non fuerit, periculum est, ne plene consensens sit.

RE-

R E F L E X I O .

Primus, & capitalis effectus, five potius character peccati mortalis, unde etiam denominationem sumit, in eo consistit, quod mortem animæ inferat; quatenus charitatem extinguit, qua Deo coniungimur, & in qua conjunctione tota vitæ supernaturalis posita est. Sicut enim, ut pulchre ait S. Augustinus serm. 5. de Verb. Dom., anima est vita corporis: sicut anima vita est Deus. Sicut expirat corpus, dum animam emittit; ita expirat anima, cum Deum amittit. Deus amissus mors animæ: anima emissæ mors corporis. Hinc apud Esaiæ, cap. 18. dicitur: Anima, que peccaverit, ipsa morietur; five a Deo totius vitæ spiritualis fonte separabitur. Atque ex hac spirituali morte tamquam a primaria secunda radice prodeunt ceteri quique funestissimi effectus, qui maximum terribili huius mortis horrore incurrere deberent. Ex hoc enim, quod peccatum mortale destruit charitatem, gratiam, & amicitiam Dei; primum sequitur ipsum evertere ordinem ad ultimum finem, in quem charitas hominem convertit; Deinde, quod proximum est, per mortale peccatum hominem ipsum constituere finem ultimum in creatura; adeoque peccantem mortaliter plus appetitive diligere creaturam, quam Deum, & in actu exercitio habere proprium bonum pro Deo suo: quam ob causam de gelosis Paulus asseruit, quod corum Deus venter est, & avaritiam esse servitutem idolorum; quia, ut ait Chrysologus, avari fraterna iniquissima est: plus animæ in ea ponderat obulus, quam Deus.

Uterius ex hoc, quod mortale peccatum mors animæ fit, sequitur, inordinationem, quam inducit, esse per se irreparabilem. Cum enim Charitatem, que est vitæ animæ, auferat, atque ordinem ad ultimum finem, auferat etiam omne principium intrinsecum

Parisiæ Theol. Mor. T. II.

vitæ spiritualis. Ut enim sapienter advertit S. Thomas 1. 2. q. 72. art. 5., Sicut in corporibus deordinatio mortis, qua est per remotionem principii vitæ, est irreparabilis secundum naturam: inordinatio autem agitudinis reparari potest propter id, quod salvatus principium vitæ; similiter est in his, qua pertinent ad animam. Nam in speculativis, qui errat circa principia, imperiusibilis est. . . . & similiter in operativis, qui peccando avertitur ab ultimo fine, quantum est ex natura peccati, habet lapsum irreparabilem: & ideo dicitur peccare mortaliter, æternaliter puniendus &c. Quam doctrinam repetit q. 88. art. 2., addens, hanc separationem solum fieri posse virtute divina.

Sequitur eadem, peccatum mortale destruere virtutes omnes infusas. Cum enim funditus evertat charitatem, ad ejus interitum interire quoque virtutes infusas, quæ charitatem ipsam comitantur, necesse est. Unde etiam destruit meritum bonorum omnium operum, adeo ut nihil proficiat omnia, quæ præclare vel gelosius, vel agimus, ad vitam æternam; solumque peccatori superfit æterna pœna in futura vita perferenda. Uno verbo, ut ex analogia mortis corporalis ea complectar, quæ ob peccatum mortale contingunt in anima, dicam cum eodem S. Petro Chrysologo serm. 19.: Quod est anima corpori, hoc est anima Deus. Sine anima corpus non vivit: non vivit anima sine Deo. Recedente anima, mox corpori fætor, corruptio, putredo, vermis, cinis, horror, & omnia visu detestanda succedunt. Discedente Deo, consistim veniunt in animam peccatorum fætor, corruptio criminum, vitiorum putredo, vanitatum cinis, infidelitatis horror; & fit in corporis sepulchro vivo funus anima jam sepulta.

Si hæc omnia ex peccato mortali certo profluunt, quis non vehementer horreat ad ejus conspectum? quis ipsum tota animi contentione devitare non satagat; ab
R r iif-

inque etiam diligenter se abtineat peccatis, quæ licet venialia, quamdam tamen cum illo affinitatem habent, eique viam parant? Sed heu! exclamat S. Augustinus *tract. 49. in Joas.* Mortem carnis omnis homo timet; mortem animæ pauci. Pro morte carnis, quæ sine dubio quandoque ventura est, curant omnes, ne veniat: inde est, quod laborant. Laborant, ne moriatur, homo moriturus: & non laborat, ne peccet homo in æternum victurus. Et cum laborat, ne moriatur, sine causa laborat: id enim agit, ut multum mors differatur, non ut evadatur. Si autem peccare nolit, non laborabit, & vivet in æternum. O si possemus excitare homines, & cum ipsis pariter excitari, ut tales essemus amatores vitæ permanentis, quales sunt homines amatores vitæ fugientis? Quid non facit homo sub mortis periculo constitutus? Gladio impendente cervicibus, pro lident homines quidquid, unde viverent reservabant. Quis non continuo proditit, ne periretetur? & post prodicionem fortasse

percutsus est. Quis non, ut viveret, continuo perdere voluit, unde viveret; eligens vitam mendicantem, quam ce-lerem mortem? Cui dictum est: naviga, ne moriaris, & distulit? Cui dictum est labora, ne moriaris; & piger fuit? Leviam Deus jubet, ut in æternum vivamus: & obedire negligimus. Non tibi Deus dicit: perdo, quidquid habes, ut vivas exiguo tempore in labore sollicitus; sed: da pauperi, unde habes; ut vivas semper sine labore securus. Accusant nos amatores vitæ temporalis; quam, nec cum volunt, nec quamdiu voluit, habent: & nos invicem non accusamus tam pigri, tam repidi ad capeffendam vitam æternam, quam si voluerimus, habebimus; cum habuerimus, non amittimus. Hanc autem mortem, quam timeamus, etiamsi noluerimus, habebimus. Igitur, multo magis, quam mortem corporis, timeamus mortem animæ, quam peccatum mortale infert; & hoc metu saluari territi, illudque, ejusque occasiones, atque pericula tota animi sollicitudine fugiamus.



DISSERTATIO IV.

DE PECCATIS CAPITALIBUS.



PECCATUM, sive vitium capitale, juxta S. Thomam 1. 2. q. 84. art. 3 dicitur illud, ex quo tamquam ex capite, seu fonte, alia vitia, seu peccata profluunt, praesertim secundum originem causae finalis, quatenus ejus finis non appetibilis est, ut vi, ac ratione ipsius plura, ac diversa peccata committantur. Septem ipse enumerat ejusmodi peccata, nimirum inane gloriā, invidiam, iram, avaritiam, ebrietatem, luxuriam, gloriā. Verum alii frequentius, eorum septem numerum retinentes, divisionem aliam adoptant, quam nos etiam amplectimur, a D. Thomae doctrina minime recedentes, prout ex 2. Dist. 41. q. 2. a. 1. & q. 8 de malo art. 1. satis colligitur, & hoc ordine peccata hujusmodi recensentur, scilicet superbia (sub qua inanis gloria comprehenditur), avaritia, luxuria, gula, ira, invidia, & accidia. De quibus nonnulla differemus.

CAPUT I.

De Superbiis, ejusque vitiis.

DOCTRINA.

- I. Superbia notio, & malitiae gravitas.
- II. Superbiae quatuor species, sive modi exponuntur.
- III. Graphica superbiae descriptio ex S. Gregorio Magno.
- IV. Quid sit ambitio prima superbiae proles. Ejus inordinatio propoſita.
- V. Regula prima pro dignoscenda gravitate peccati ambitionis.
- VI. Regula secunda, & tertia.
- VII. Aliae regulae ad idem afferuntur.
- VIII. De presumptione prout est appetitus inordinatus ad aliquid supra vires agnoscendum.
- IX. De vana gloria. Quid ea sit, & in qua ejus inordinatio consistat.
- X. Praeclara S. Thomae doctrina de vitio vanae gloriae.

XI. Ex hac eruitur quibusnam in casibus sit mortale peccatum.

XII. De siliabus vanae gloriae, ac primum de inobedientia.

XIII. De jactantia. Ejus definitio, & quoties peccatum letale sit.

XIV. De hypocrisis. Hujus vitii deformitas ex doctrina S. Thomae exposita.

XV. Quanam ex allata doctrina consequuntur circa qualitatem hujus peccati.

XVI. De quarta inanis gloriae filia, scilicet de contentione. Notio ejusdem propoſita.

XVII. Regulae circa gravitatem, & levitatem peccati contentionis ex doctrina S. Thomae deductae.

XVIII. De pertinacia. Quid ea sit, & quoties peccatum mortale.

XIX. De discordia. Ejus definitio. Quando nam peccatum mortale sit, quando veniale, ex doctrina S. Thomae explicatur.

XX. Plura ex illa inferuntur ad praxim necessaria.

R 2

XXI.

XXI. De *puprema filia vane gloria*, nempe præsumptione novitatum.

XXII. De *virtute superbia opposita*, scilicet humilitate. *Quam necessaria hæc sit ad salutem.*

XXIII. *Primum humilitatis officium erga Deum exponitur.*

XXIV. *Alterum officium humilitatis erga proximum a S. Thoma mirifice declaratum.*

§. I.

De Superbia. Ejus notio, gravitas, & species.

I. DE Superbia primo loco differentes, hæc ex S. Thoma tradimus definitionem, nempe *est inordinatus appetitus propria excellentie*. Ex hac definitione, quæ clara est, nec indiget explanatione, ostendit ille 2. 2. q. 162. nolum superbiæ esse peccatum, verum etiam peccatum speciale ab aliis distinctum, quamvis quodam sensu generale peccatum dici queat: quod ita demonstrat art. 2. inquit: „Peccatum superbiæ dupliciter potest considerari. Uno modo secundum propriam speciem, quam habet ex ratione proprii objecti. Et hoc modo superbia est speciale peccatum: quia habet speciale objectum. Est enim inordinatus appetitus propriæ excellentiæ, ut dictum est“.

„Alio modo potest considerari secundum redundantiam quamdam in alia peccata. Et secundum hoc habet quamdam generalitatem, in quantum scilicet ex superbia oriiri possunt omnia peccata, duplici ratione: uno modo *per se*, in quantum scilicet alia peccata ordinantur ad finem superbiæ, qui est propria excellentia, ad quod potest ordinari id, quod quis inordinate appetit. Alio modo *indirecte*, & quasi *per accidentem*, scilicet removendo prohibens: in quantum scilicet homo per superbiæ contemnit

„divinam Legem, per quam prohibetur a peccando, secundum illud Hierem. 2. *Confregisti jugum, rupisti vinculum, dististi: non serviam*“.

Superbiæ ex genere suo peccatum esse mortale dubitandum non est, cum humilitati opponatur, quæ hominem Deo subijcit, atque in hujus subjectionis defectu maxime consistat, quatenus homo se extollit supra regulam, seu mensuram a Deo constitutam. Sed & illud gravissimum peccatorum esse *ex parte averſionis* manifestat Angelicus Doctor art. 6. his verbis: „In peccato duo attenduntur, scilicet *converso* ad commutabile bonum, quæ materialiter se habet in peccato, & *aversio* a bono incommutabili, quæ est formalis, & completiva ratio peccati. Ex parte autem *conversionis* non habet superbia, quod sit maximum peccatorum: quia celsitudo, quam superbus inordinate appetit, secundum suam rationem non habet maximam repugnantiam ad bonum virtutis“.

„Sed ex parte *averſionis* superbia habet maximam gravitatem. Quia in aliis peccatis homo a Deo avertitur, vel propter ignorantiam, vel propter infirmitatem, sive propter desiderium cuiuscumque alterius boni: sed superbia habet averſionem a Deo ex hoc ipso, quod non vult Deo, & ejus regulæ subijci: Unde Boethius dicit: *quod enim omnia vitia fugiunt a Deo, sola superbia se Deo opponit*. Propter quod etiam specialiter dicitur Jacobi 4., quod *Deus superbis resistit*. Et ideo averti a Deo, & ejus præceptis, quod est quasi consequens in aliis peccatis, per se ad superbiæ pertinet, cujus actus est Dei contumptus. Et quia id, quod est per se, potius est eo, quod est per aliud, consequens est, quod superbia sit gravissimum peccatorum secundum genus suum:

„ suum : quia excedit in avertione , quæ
 „ formaliter complet peccatum “ .

II. Superbiæ species , sive modos quatuor ex D. Gregorio recenset S. Thomas art. 4. quarum prima est , cum aliquis a seipso habere putat bona , sive corporis , sive animæ , sive naturalia , sive supernaturalia , aut ita se gerit , ac si eadem a seipso haberet juxta illud Prophetæ : *Diruerunt : linguam nostram magnificabimus , labia nostra a nobis sunt . Quis noster Dominus est ?* Altera est , cum quis equidem agnoscat bona , quæ possidet se habere a Deo , sed propriis meritis ea attribuit , vel ita apud se judicando , aut volendo , ut alii ita sentiant , aut opere externo ita se gerendo , quasi propriis meritis illa debita forent , in quibus duobus superbiæ modis illud animadvertit Doctor Angelicus in resp. ad r. , quod „ vera æstimatio potest cor-
 „ rumpi dupliciter . Uno modo in univer-
 „ sali , & sic in his , quæ ad fidem perti-
 „ nent , corrumpitur vera æstimatio *per infidelitatem* . Alio modo in aliquo particulari eligibili : & hoc non facit infidelitatem : sicut ille , qui fornicatur , æstimat pro tempore illo bonum esse sibi
 „ fornicari : nec tamen est infidelis : sicut
 „ esset , si in universali diceret , *fornicatio-
 „ nem esse bonum* . Et ita etiam est in pro-
 „ posito . Nam dicere in universali aliquid
 „ bonum esse quod non est a Deo , vel
 „ gratiam hominibus pro meritis dari ,
 „ pertinet ad infidelitatem . Sed quod ali-
 „ quis ex inordinato appetitu propriæ ex-
 „ cellentiæ ita de bonis suis gloriatur , ac
 „ si ea se haberet , vel ex meritis pro-
 „ priis , pertinet ad superbiam , & non
 „ ad infidelitatem proprie loquendo “ .

Tertia superbiæ species est , dum aliquis ea sibi bona arrogat , quæ revera non habet , sive opere , sive desiderio : aut vult , vel querit , ut alii existiment se his bonis præditum esse . Quarta tandem in eo consistit , quod aliquis , cæteris despectis , videri sa-

ragit , aut optat singulariter habere , quod habet , ut aliis scientia , virtute , sanctimonia , aliisve sive corporis , sive animi dotibus , sive naturæ , sive gratiæ , sive fortunæ muneribus præcellere , cujusmodi erat Pharisæus ille memoratus in Evangelio , qui dicebat , *Non sum sicut ceteri homines* &c.

Dux priores superbiæ species ex se sunt *peccata mortalia* , cum ex deliberata voluntate procedunt : Tertia , & quarta , si materia levis sit , a mortali excusari possunt . Numquam ramen a gravi culpa excusantur , si cum gravi irreverentia Dei , vel gravi damno , aut contemptu proximi conjunctæ sint . Et gr. si quis de dotibus ad Ecclesiæ regendam , vel Magistratus gerendos necessariis , quibus tamen destitutus est , ad Ecclesiæ dignitates , aut publica munia capessenda gloriatur : si quis se divitem simulat , & haberi studet , ut sua negotia proveat , & contractus ineat , & in nobilissima familia nubat , cum tamen sit inops . Si quis ne a familiæ suæ nobilitate degenerare videatur , ingentia debita contrahat , quibus solvendis impar sit . Si quis vel fortunæ bonis , vel potentia , vel scientia , vel gratiæ donis ita insolefcat , ut alios despiciat , atque contemnat &c.

III. Tum Superiorum , tum subditorum superbiam graphice describit S. Gregorius Magnus lib. 34. *Moralium Cap. 18.* inquit : „ Elatio alios ex rebus secularibus , „ alios vero ex spiritualibus possidet . Alter „ namque intumescit auro , alter eloquio , „ alter infimis , & terrenis rebus , alter „ summis , celestibusque virtutibus . Una „ tamen , eademque res ante oculos Dei „ agitur , quamvis ad humana corda veniens , in eorum obtutibus diverso amittitur pallietur . Nam cum is , qui de terrena „ prius gloria superbiat , posidum de san- „ ctitate extollitur , nequaquam cor ejus „ elatio deseruit , sed ad eum consueva veniens , ut cognosci nequeat , vestem mu-

„ ta-

„ ravit. Scientum quoque est, quod aliter
 „ hæc Præpositos, atque aliter subditos
 „ tentat. Prælato namque in cogitationibus
 „ suggerit, quia solo vitæ merito su-
 „ per cæteros excellit, ejusque mox men-
 „ tem erigit, viles, & inuiles eos, qui
 „ subjecti sunt, ostendit, ita ut nullum
 „ jam quasi dignum respiciat, cui æquani-
 „ miter loquatur. Unde & mox mentis
 „ tranquillitas in iram vertitur: quia dum
 „ cunctis despicit, dum sensum, viram-
 „ que omnium sine moderamine reprehendit,
 „ tanto effrenatius se in iracundiam
 „ dilatat, quanto eos, qui sibi commissi
 „ sunt, esse sibi indignos putat. At
 „ contra cum subiectum cor superbia in-
 „ fluat, hoc summo opere nititur agere, ut
 „ sua acta consistere funditus negligat,
 „ & semper tacitis cogitationibus Reſtoris
 „ sui iudices fiant: qui sunt in eo, quod
 „ reprehendere debeant, importune respi-
 „ ciant, in semetipsis quod corrigant,
 „ nunquam vident. Unde & tanto atro-
 „ cius pereunt, quanto a se oculos avertunt:
 „ quia in hujus vite itinere offendentes
 „ corruunt, dum sibi intendant. Et qui-
 „ dem peccatores se afferunt, nec tamen
 „ tantum, ut tam noxie in regimine per-
 „ sonæ traſerentur. Et dum ejus facta
 „ despiciunt, tum præcepta contemnunt,
 „ al. rursus usque insaniam devolvuntur,
 „ ut Deum res humanas curare non veli-
 „ ment: qui ei, qui quasi jure repre-
 „ henditur, esse se commissos dolent. Se-
 „ pe autem Reſtoris sui dictis proteſte ob-
 „ viant, & eandem vocis superbiam li-
 „ bertatem vocant. Sic quippe elatio se
 „ quasi pro libertatis rectitudine obicit,
 „ sicut sæpe se & timor pro humilitate
 „ lupponit. Nam sicut plerique reticent
 „ ex timore, & tamen tacere se existi-
 „ mant ex humilitate, ita nonnulli lo-
 „ quuntur per impatientiam elationis, &
 „ tamen loqui se credunt per libertatem
 „ rectitudinis “.

§. II.

De tribus Superbia filiabus, ambitione, præ-
 sumptione, & inani gloria.

IV. Prima inter superbiam filias ambitio
 est, quæ definitur solet: *appetitus inordinatus honoris, & dignitatis*: veluti cum quis
 ambit officium, vel dignitatem, ad quam
 assequendam, vel exercendam non habet
 idoneitatem, vel meritum. Triſtiter, ut
 docet S. Thomas 2. 2. q. 131. art. 1.,
appetitus honoris contingit esse inordinatum.
Uro molo per hoc, quod aliquis appetit ta-
stemoratione de excellentia, quam non habet,
quod est appetere honorem supra suam propor-
tionem. Alio molo per hoc, quod honorem
sibi cupit, non referendo is Deum. Terrio
per hoc quod appetitus ejus in ipso honore
quiescit, non referens honorem ad utilitatem
altiorum. Ex quo concludit appetitum hunc
semper esse inordinatum, adeoque semper
esse peccatum.

Porro in resp. ad 3. observat, quod
 sicut per appetitum honoris, quando
 debito modo appetitur, aliqui provo-
 cantur ad bonum, & revocantur a ma-
 lo, ita etiam si inordinatus appetatur,
 potest esse homini occasio multa mala
 facienti, dum scilicet aliquis non curat
 qualitercumque honorem consequi possit.
 Unde Sallustius in Civil. dicit, quod
 „ gloriam, & honorem, & imperium bonus,
 „ & ignavus æquis sibi exceptat. Sed ille,
 „ scilicet bonus, vera via nititur: huic,
 „ scilicet ignavo quis bone artes desunt, do-
 „ lit, atque fallacis contendit: & tamen
 „ illi, subicit, qui solum propter hono-
 „ rem, vel bono factum, vel mala vitant,
 „ non sunt vitiosus “.

Ambitionem grave esse peccatum Eccle-
 siæ Patres communiter attestantur, S. Gre-
 gorius Nazianzenus orat. 1. S. Joannes
 Chrysostomus Hom. 3. in acta Apost. &
 lib.

lib. 3. de Sacerd., S. Hieronymus *epist.* 43. ad Oceanum, S. Ambrosius *lib.* 4. in *Lucam*, S. Augustinus *Enarr. in psal.* 36., & *lib.* 19. de *Civit.*, cap. 19. S. Gregorius Magnus in *Pastor.* p. 1. *lib.* 1. & *lib.* 8., S. Bernardus *serm.* 6. in *psal.* *Qui habitat*, ac demum S. Thomas *art. cit.* sed quandonom peccatum esse mortale. dicendum erit? Regulae, quae hic sequuntur, lucem aliquam huic materiae possunt asserre.

V. *Prima itaque regula sit.* Ambitio peccatum mortale est, cum quis ita animo affectus est erga honorem, aut dignitatem, sive ecclesiasticam, sive civilem, ut modis omnibus etiam graviter illicitis assequi conetur, aut paratus sit, veluti si ad eam comparandam peccatum mortale committere non veretur, sive etiam si ad eam acquirendam medio lethaliiter peccaminoso utatur. Hoc patet ex his, quae dicta sunt pro dignoscendis lethalius peccatis.

VI. *Secunda.* Lethale quoque peccatum ambitio est, cum appetitur, vel queritur aliqua dignitas ecclesiastica, vel etiam civilis ob nefarium aliquem finem, sive cum peccato mortali conjunctum, velut si quis beneficium, aut dignitatem ecclesiasticam querat eo fine, ut divitiis abundet, ut ab hominibus honoretur, ut genio indulgeat, aut, ut loquitur S. Augustinus loco laudato de *Civit.*, *dominandi cupiditate, non officio, principandi superbia, non aliis providendi misericordia.* Qua in re ehu! quot lethalis peccati rei sunt coram Deo, quin tamen ipsi advertant!

Tertia regula praecedenti affinis, majorque ejusdem explicatio est. Ambitio lethale peccatum est, dum quis absque vocatione Dei, sed aut solius honoris, aut temporalium commodorum intuitu ecclesiastica beneficia concupiscit, & querit. Expresse siqui tem Apost. ad Hebr. cap. 5. prohibet, *ne quisquam sumat sibi honorem, sed qui vocatur a Deo tanquam Aaron.* S. etiam Gre-

gorius *Epist.* 20. *lib.* 4. scribit *Licet eas res cuiuspiam talia vite sint merita, ut xibi sit, quod ex his sacerdotalibus valet ordinationibus obviare; tamen solius nefas ambitus (querere) severissima canonum disciplina damnavatur; & S. Bernardus tract. de Con. ad Cler. cap. 19. Multi quidem veniunt (ad dignitates Ecclesiae): sed considera, quis vocatur: ordinem ipsum Dominici sermonis attende. Beati, inquit, mundo corde, quoniam ipsi Deum videbunt. Misericordiae utique vocas Pater caelestis, qui non querunt, quae sua sunt, sed quae Jesu Christi: ecce quod sibi utile, sed quod multis.*

Sed hac de re praestat audire S. Thomam egregie de more differentem, & argumentum hocce dispicientem, 2. 2. q. 125. art. 1. De Episcopatu loquens (quod proportionem servata etiam cuicumque Praelaturae applicandum est) sic habet: „ In Episcopatu tria possunt considerari, quorum unum est principale, & finale, scilicet Episcopalis operatio, per quam utilitati proximorum intenditur, secundum illud Joanne ultimo, *Pasce oves meas.* Aliud est altitudo gradus: quia Episcopus super alios constituitur secundum illud Matthaei 24. *Fidelis servus, & prudens, quem constituit Dominus super familiam suam.* Tertium est, quod consequenter se habet ad ista, scilicet reverentia, & honor, & sufficientia temporalium, secundum illud ad Tim. cap. 5. *Qui bene praesunt presbiteri, duplici honore digni habeantur.* Appetere ergo Episcopatum ratione hujusmodi circumstantiarum bonorum, manifestum est, quod est illicitum, & pertinet ad culpabilitatem, vel ambitionem. Unde contra Phariseos Dominus dicit: *Amant primos recubitus in carnibus, & primas cathedras in Synagogis, & salutationes in foro, & vocari ab hominibus Rabbi.* Quantum autem ad secundum, scilicet ad celebritudinem

„ gradus, appetere Episcopatum est præ-
 „ sumptuosum. Unde Dominus arguit di-
 „ scipulos primatum quærentes, dicens :
 „ Scitis, quia Princeps gentium dominatur
 „ eorum &c. Sed appetere proximis pro-
 „ desse est secundum se laudabile, & vir-
 „ tuosum. Verum, quia prout est Episco-
 „ palis actus, habet annexum gradus cel-
 „ situdinem, presumptuosum videtur,
 „ quod aliquis præesse appetat ad hoc,
 „ quod subditis profit, nisi manifesta ne-
 „ cessitate imminente “.

VII. *Regula quarta.* Lethalis ambitionis reus est, qui ut honorem, aut dignitatem sive ecclesiasticam, sive civilem assequatur, alios arcer, aut impedit ab ejus consecutione, qui digniores sunt, vel magis in eo honore, vel dignitate promoverent Dei gloriam, & proximi utilitatem, aut commune bonum reipublicæ. Adversus hos vehementer invehitur S. Bernardus loco supra laudato dicens : *Ve vobis, qui clavem tollitis non solum scientia, sed & auctoritate &c. & multipliciter impeditis, quos introducere debuistis. Tollitis enim, & non accipitis claves, de quibus Dominus queritur per Prophetam : Ipsi regnaverunt, & non ex me : Principes extiterunt, & ego non vocavi eos. Unde tantus praelationis ardor ? Unde ambitionis impudentia tanta ? &c.*

Regula quinta. Lethalis idem ambitionis reus est, qui quovis beneficium curam habens animarum, aut monasticam Præfaturam pro se postulat, aut sibi suffragia perquirat. Ex hoc enim ea dignitate indignus efficitur, ut docet S. Thomas 2. 2. q. 100. art. 3. ad 3. *Si aliquis pro se rogit, ut obtineat curam animarum, ex ipsa presumptione redditur indignus : & sic preces sunt pro indigno : qui autem petit pro indigno dignitatem, peccat mortaliter. Unde in Concilio primo Mediolanensi sub S. Carolo celebratum decretum est, ut qui beneficium Ecclesiasticum vacans multis, etiam*

ambitionis, precibus per se, vel per alios petierit, eo facto ita reddatur indignus, ut per biennium in eum neque illud, neque aliud beneficium conferri possit.

Quemadmodum vero honores, & Præfaturas, extra manifestam necessitatem, appetere, aut querere ambitio est, sic eas detractare, dum vel manifesta necessitas, vel legitimi Superioris præceptum urget, pusillanimitatis vitium est. Unde S. Thomas loco cit. q. 185. art. 2. docet : „ Si „ cur ad inordinationem voluntatis perti-
 „ ner, quod aliquis proprio motu feratur „ in hoc, quod aliorum gubernationi præ-
 „ ficiatur ; ita etiam ad inordinationem „ voluntatis pertinet, quod aliquis omnino „ contra Superioris injunctionem prædictum „ gubernationis officium finaliter recuset, „ propter duo. Primo quidem, quia hoc „ repugnat charitati proximorum, quorum „ utilitati se aliquis debet exponere pro „ loco, & tempore. Unde Augustinus 19. „ de Civit. Dei dicit, quod negotium ju-
 „ stum suscipit mercedis charitatis. Secun- „ do : quia hoc repugnat humilitati, per „ quam aliquis Superiorum mandatis se „ subijcit. Unde Gregorius dicit in Pastor. „ Tunc ante Dei oculos vera est humilitas, „ cum ad respectum hoc, quod utiliter sub- „ ire præcipitur, pertinax non est “.

De presumptione.

VIII. Ambitioni proxima est *presumptio*, quæ prout hic sumitur, definitur solet *inordinatus appetitus aggrediendi aliquid supra vires*. Hujus notionem exhibet, probatque peccatum esse S. Thomas 2. 2. q. 130. art. 1. inquit : *Hoc communiter in rebus omnibus naturalibus invenitur, quod qualibet actio commensuratur virtuti agentis nec aliquid agens naturale nititur ad agendum id, quod excedit suam facultatem. Et ideo vitiosum est, & peccatum quasi contra ordinem naturalem existens, quod aliquis assumat ad agendum*

agendum ea, qua praeferuntur suae virtuti: quod pertinet ad rationem praesumptionis, sicut ex ipso nomine manifestat. Unde manifestum quod praesumptio est peccatum.

Si quis igitur appetat, aut aggrediatur aliquid, quod vires suas, sive idoneitatem excedat, peccat peccato praesumptionis, quod saepe mortale est, ut ex. gr. cum quis assumit, aut exerceat officium iudicis, Advocati, Medici, Pastoris animarum, Confessorii, Concionatoris, ad quod congrue obediendum, aut scientia sufficienti, aut aliis necessariis dotibus caret, lethali ter peccat, et eoque gravius, quo periculum damni inferendi proximo majus est. Sic etiam mortale peccatum incurrit, dum quis propriam cognoscens fragilitatem, aut ad venerea proclivitatem, se fornicationis conversationibus iocunde sine necessitate, in quibus se aliquando lapsus esse experientia compertum habet.

De vana gloria.

IX. Vana, sive inanis gloria, quam a S. Gregorio Magno primum inter vitia capitalia numeratur, & ab aliis saltem ut principia filia superbia habetur, definiti solet, inordinatus appetitus manifestationis propriae excellentiae, sive ejus quam transse habet, sive quam habere putat. Hinc definitionem declarat Præceptor Angellus 2. 2. q. 132. art. 1. his verbis: „Gloria claritatem quandam significat &c. Claritas autem, & decor quandam habent manifestationem. Et ideo nomen gloriae proprie importat manifestationem in aliquo de hoc, quod apud homines decorum videtur, sive illud sit bonum corporale aliquod, sive spirituale. Quia vero quod simpliciter clarum est, a multis conspici potest, & a cunctis, ideo proprie per nomen gloriae designatur, quod hominum alicuius veniat in multorum notitiam, & approbationem &c. Longius Patruzi Theol. Mor. T. II.

tamen accepto gloria nomine, non solum consistit in multitudinis cognitione, sed etiam paucorum, vel unius, aut sui ipsius: dum scilicet aliquis proprium bonum suum considerat, ut dignum laude. Quod autem aliquis bonum suum cognoscit, & approbet, non est peccatum &c. Similiter etiam non est peccatum, quod aliquis velit bona opera sua ab aliis approbari. Dicitur enim Matthaei 5. Luc. cent lux vestra coram hominibus. Et ideo appetitus gloriae de se non nominat aliquid vitiosum. Sed appetitus inanis, vel vana gloria vitium importat. Nam quodlibet vanum appetere vitiosum est, secundum illud Psal. 4. Ut quid diligitis vanitatem, & queritis mendacium?

At vero quoties gloria vana, adeoque peccatum dicenda erit? Respondet tripliciter. Uno modo ex parte rei, de qua quis gloriam querit, puta cum quis gloriam querit de eo, quod non est, vel de eo, quod non est gloria dignum, sicut de aliqua re fragili, & caduca. Alio modo ex parte ejus, a quo quis gloriam querit, puta hominibus, quorum iudicium non est certum. Tertio ex parte ipsius qui gloriam appetit, qui videlicet appetitum gloriae suae non refert in debitum finem, puta ad honorem Dei, vel proximi salutem.

X. De pravitate huius vitii subinde diffusit art. 3. nec sine piculo praelara ejus doctrina praeterunda est. Ibi querit, an inanis gloria sit peccatum mortale, ac ita respondet: „Ex hoc aliquod peccatum est mortale, quod ebriitati contrariatur. Peccatum autem inanis gloriae secundum se consideratum, non videtur contrariari charitati quantum ad distinctionem proximi. Quantum autem ad dilectionem Dei potest contrariari charitati dupliciter. Uno modo ratione materiae, de qua quis gloriatur, puta cum quis gloriatur de

aliquo falso, quod contrariatur divinæ
 reverentiæ secundum illud Ezech. 28.
*Elevatum est cor tuum, & dixisti: Deus
 ego sum; & 1. ad Corinth. 4. Quid ha-*
beret, quod non accepisti? Si autem accep-
isti, quid gloriaris, quasi non accepisti?
 Vel etiam cum quis bonum temporale,
 de quo gloriatur, præfert Deo, quod
 prohibetur Jerem. 9. *Non gloriatur sa-*
piens in sapientia sua, nec fortis in forti-
tudine sua, nec dives in divitiis suis: sed
in hoc gloriatur, qui gloriatur, scire,
& nosse me. Aut etiam quis præfert tes-
 timonium hominum testimonio Dei:
 sicut contra quosdam dicitur Joan. 12.
Qui dilexerunt magis gloriam hominum,
quam Dei.

Alio modo (peccatum inanis gloriæ po-
 tesse esse contrarium dilectioni Dei) ex
 parte ipsius gloriantis, qui intentionem
 suam refert ad gloriam tanquam ad ul-
 timum finem, ad quem scilicet ordinat
 etiam virtutis opera, & pro consequendo
 non prætermittit facere etiam ea, que
 sunt contra Deum. Et sic est peccatum
 mortale. Unde Augustinus dicit in
 quinto de Civit. Dei, quod *hoc vitium*
scilicet amor humanæ laudis, tam inimi-
cum est piæ fidei, si major in corde sit cupi-
ditas gloriæ, quam Dei timor, vel amor,
ut diceret Dominus: Quomodo potestis credere,
qui gloriam ab invicem expellatis, & glo-
riam, que a solo Deo est, non querentes?

XI. Ex quibus liquido constat casus,
 in quibus appetitus inanis gloriæ peccatum
 est mortale. Primus nempe tunc est, quo-
 ties quispiam gloriatur de aliquo falso, quod
 contrariatur divinæ reverentiæ. Peccant enim
 mortaliter, qui ex falsis, novisque opinio-
 nibus contra fidem, vel bonos mores a se
 adinventis gloriam aucupantur, vel glori-
 æ suæ, sui que instituti, aut communita-
 tis desiderio docent, aut evulgant aliquid
 ad fidem catholicam pertinere, quod Ec-

clesiæ autoritate nondum definitum est.

Alter cum quis præfert testimonium bo-
 minum testimonio Dei. Exemplum est in
 hæreticis, & in quibusvis pravæ opinio-
 nis autoribus, Doctoribus, tum etiam
 Concionatoribus, qui ne famæ, aut glori-
 æ jacturam, ac decrementum patiantur,
 ejurare noluunt propositiones, quas impru-
 denter disseminarunt, sive erroneas, sive
 scandalosas, perniciosas, aut piarum au-
 rium offensivas, etiam sapientioribus sua-
 dentibus, aut Ecclesiæ Rectores jubentibus.
 Item in illis, qui ne vituperentur
 ab hominibus, necessarium virtutis offi-
 cium prætermittunt, vel Deo ad perfe-
 ctionis viæ genus interius vocanti, obedi-
 re rehunt. Hi namque omnes magis dil-
 ligunt gloriam hominum, quam, gloriam
 Dei.

Tertius casus est, in quo juxta S. Tho-
 mam inanis gloria peccatum est mortale,
 dum quis intentionem suam refert ad gloriam
 tanquam ad ultimum finem, pro quo conse-
 quendo non prætermittit facere etiam que
 sunt contra Deum. In hac petrosa animi
 dispositione sunt ii omnes, qui ne gloriam
 hominum amittant, quam immoderatus
 affectant, aut appetunt, plura agunt,
 quæ Legi Dei adversantur, ut si quis con-
 sentiat in aliquod peccatum, timens dif-
 famationem, quam, si renuat, alter de-
 nunciat: vel si Theologus, ne imperitus,
 minusve doctus videatur, difficiles con-
 scientiæ casus intrepide resolvit, quam-
 quam de veritate judicii sui certus minime
 sit, aut doctiores non consuluerit. De
 his, aliisque similibus S. Augustinus lib. 20.
 Confess. cap. 36. Deum alloquens dixit:
Qui laudari vult ab hominibus vituperante
te, non defendetur ab hominibus, judicante
te, non eripietur, damante te.

S. Thomas post allata documenta sub-
 dit: *Si autem amor bumana gloria, quam-*
vis sit inanis, non tamen repugnet caritati
 (co

(eo seu u quem exposuerat) neque quantum ad id, de quo est gloria, neque quantum ad intentionem gloriam querentis, non est peccatum mortale, sed veniale. Valde tamen periculosum esse censuit ad 3. cum Augustino, Chrysostomo, ceterisque Patribus, non tantum propter gravitatem sui, sed etiam propter hoc, quod est dispositio ad gravia peccata: in quantum scilicet per inanem gloriam redditur homo presumptuosus, & nimis de seipso confidens: & sic etiam paulatim disponit ad hoc quod homo privetur interioribus bonis, & in alia plura vitia labatur, de quibus statim.

§. III.

De Filiabus vanae glorie.

XII. Sapiens est animadversio S. Thomae art. 4. huius q. 132. quod cum superbia importet inordinatum appetitum excellentiae, inter bona, quae huic praesertim subseruiunt, sit manifestatio ejusdem: a quoque sicut per gloriam, quae est apud Deum, consequitur homo excellentiam in rebus divinis; ita etiam per gloriam hominum consequitur excellentiam in rebus humanis. Et ideo propter propinquitatem, quam haec manifestatio habet ad excellentiam, quam homines maxime desiderant, consequens est, quod sit admodum appetibilis. Ex quo subinfert multa esse vitia, quae ex inordinato appetitu ejusdem proficiscuntur: quae subinde enumerat art. 5. nimirum, inobedientiam, insubstantiam, hypocrisis, contentionem, pertinaciam, discordiam, & novitarum praesumptionem, de quibus pauca dicemus.

De Inobedientia.

Quae a nobis in Tractatu de Legibus tractata sunt, satis ostendunt, quibus, & in quibus subditio Praelatis tenetur ratione. Quare hic omitta, ac de sola inobedientia

agentes, definitio ipsius haec est ex D. Thoma 2. 2. q. 105. art. 1. tradita, nempe violatio praeccepti Superioris ex contemptus in qua illud observandum, omne quidem peccatum secum asserre quamdam inobedientiam generalem: sed non omne peccatum esse speciale inobedientiae peccatum, de quo modo sermo est. Ad hoc enim requiritur, quod ipsa praeccepti Superioris violatio sit objectum ipsius peccantis. Non omne peccatum, inquit S. Doctor ad 2. mortale est inobedientia, proprie, & per se loquendo: sed solum tunc, quando aliquis praecceptum contemnit; quia ex fine (sive objecto) morales actus speciem habent. Cum autem facit aliquid contra praecceptum, non propter praeccepti contemptum, sed propter aliquid aliud, est inobedientia materialiter tantum, sed pertinet formaliter ad aliam speciem peccati.

Hoc peccatum inobedientiae ex se mortale esse eleganti ratione probat, assumptum ex generali principio, quod nempe illud sit peccatum ex genere suo mortale, quod contrarietur charitati, per quam est spiritualis vita. Charitate autem diligitur Deus, & proximus. Exigit autem charitas Dei, ut ejus mandatis obediat, . . . in praecceptis autem divinis continetur, quod etiam Superioribus obediat. Et ideo etiam inobedientia, quia quis est inobediens praecceptis Superiorum, est peccatum mortale, quasi de vana dilectioni contrarium, secundum illud ad Rom. 13. Qui potestati resistit, Dei ordinationi resistit. Contrariatur insuper dilectioni proximi, in quantum Superiori proximo subtrahit obedientiam, quam ei debet.

Gradus veluti huiusce inobedientiae peccati subinde designat art. 2. eosque considerat tum ex parte praecipientis, tum ex parte praecipientum, seminumque ita concludit: Sic ergo oportet diversos inobedientiae gradus diversis praecceptorum gradibus comparare. Nam inobedientia, quae

„contemnitur Dei præceptum, ex ipsa
 „ratione obedientie *gravius* est peccatum,
 „quam peccatum, quo peccatur in homi-
 „nem, si feceretur inobedientia Dei.
 „Et hoc ideo dico: quia qui contra pro-
 „ximum peccat, etiam contra Dei præ-
 „ceptum agit. Si tamen in aliquo potio-
 „ri præceptum Dei contemneret, adhuc
 „peccatum gravius esset. Inobedientia
 „autem, qua contemnitur præceptum homi-
 „nis, levior est peccato, quo contem-
 „nitur ipse precipiens: quia ex reveren-
 „tia præcipientis procedere debet reve-
 „rentia præcepti. Et similiter peccatum,
 „quod directe pertinet ad contemptum,
 „sicut blasphemia, vel aliquod hujusmo-
 „di, gravius est, etiam semota per in-
 „tellectum inobedientia a peccato, quam
 „esset illud peccatum, in quo contemni-
 „tur solum Dei præceptum“.

„Addit tamen S. Doctor ad 2. „Non
 „posse omnem inobedientiam esse pecca-
 „tum in Spiritum Sanctum, sed solum il-
 „lam, cui obstinatio adhibetur. Non
 „enim contemptus cujuscunque, quod
 „peccatum impellit, constituit peccatum
 „in Spiritum S. (alioquin cujuslibet boni
 „contemptus esset peccatum in Spiritum
 „S.: quia per quodlibet bonum potest
 „homo impediri a peccato) sed bonorum
 „illorum contemptus facit peccatum in
 „Spiritum S., quæ directe ducunt ad præ-
 „nitentiam, & remissionem peccatorum“.

De Jactantia.

XIII. Jactantiæ definitio hæc est: *Inordina-
 ta propria excellentia deprædicatio per verba.*
 Tunc, inquit S. Thomas q. 121. art. 1.
*Proprie aliquis se extollit, quando de se supra
 se aliquid dicit, sive prædicat.* Hoc autem
 dupliciter contingit. „Quandoque enim
 „aliquis loquitur de se, non quidem su-
 „pra id, quod in se est, sed supra id,
 „quod de eo homines opinantur, quod
 „Apostolus refugium dicit 2. ad Co-

„rinth. 12. *Parco, ne quis existimet de me
 „supra id, quod videt in me, aut audiat
 „aliquid ex me.* Alio modo aliquis per
 „verba se extollit loquens de se supra id,
 „quod in se est secundum rei veritatem.
 „Et quia magis est aliquid judicandum
 „secundum quod in se est, quam secun-
 „dum quod est in opinione aliorum; inde
 „est, quod magis proprie dicitur *jactantia*,
 „quando aliquis affect se supra id, quod in
 „ipso est, quam quando effect se supra
 „id quod est in opinione aliorum, quam-
 „vis utroque modo jactantia dici possit“.

Ex doctrina, quam ibidem art. 2. tradit
 S. Doctor, haud difficile est colligere
 quandonam jactantia sit peccatum mortale,
 & quando solum veniale. Primum igitur
 mortale peccatum est, cum aliquis jactanter
 de se profert aliquid contra gloriam Dei,
 sicut ex persona Regis Tyri dicitur Eszech.
 15. Elevatum est cor tuum, & dixisti:
 Deus ego sum. Et jactantia Maobitarum
 apud Jerem. cap. 48. *Audivimus superbiam
 Moab: superbus est valde: sublimitatem
 ejus, & arrogantiam, & superbiam, & al-
 titudinem cordis ejus: ego scio, ait Domi-
 nus, jactantiam ejus, & quod non sit juxta
 eam virtus ejus.*

2. Jactantia lethale peccatum est, cum
 quis jactanter aliquid profert contra cha-
 ritatem proximi, sive cum quis jactando se
 ipsum, prorumpit in contumelias aliorum,
 prout habetur Luca 18. de Pharisæo, qui
 dicebat: Non sum sicut cæteri hominum,
 raptores, injusti, adulteri, velut etiam
 hic Publicanus.

3. Dum jactantia procedit ex superbia,
 vel inani gloria, quæ sit peccatum mortale:
 V. g. dum quis se jactando extollit, ut
 alterius merito aut existimationi detrahat.

4. Quando quis se jactat de peccato
 mortali, quo in casu non solum jactantia
 peccatum mortale est, sed contrahit etiam
 malitiam ejusdem speciei cum peccato,
 de

de quo quis se jactat, sum propter approbationem illius, quam tacite saltem involvit: tum quia jactantia e. g. de fornicatione, aut adulterio non solum opponitur humilitati, sed etiam castitati, aut justitiæ. Et ideo exprimenda in confessione est species peccati, de quo aliquis se jactavit.

5. Venialis duntaxat peccari reus est, qui delectationis, aut levitatis causa se jactat: idque ad mendacium jocosum pertinet, nisi forte hoc divina dilectioni præservet, ut propter hoc Dei mandata contemneret: tunc enim esset peccatum mortale.

6. Qui se jactat causa lucris, non semper reus est peccati mortalis. Quia potest esse tale lucrum, quod nullum, vel leve proximo damnum inferat. Hinc S. Thomas ait: *Videtur ad mendacium officiosum pertinere, cum aliquis ad hoc se jactat, ut gloriam, vel lucrum acquirat: dammodo hoc sit sine damno aliorum: cum quo si conjuncta esset jactantia, jam pertineret ad mendacium perniciosum.*

Jactantia subicit S. Doctor q. 113. *ironiam, per quam aliquis figit minora a veritate declinans, puta cum asserit aliquod de se vile, quod in se non recognoscit, aut cum negat de se aliquid magnum, quod tamen percipit in se ipso esse: et sic semper est peccatum.* Non enim mentiendum est, ut superbia vitetur. Unde S. Augustinus *trakt. 43. in Joan. scribit: Non ita caveatur arrogantia, ut veritas relinquatur: & S. Gregorius lib. 16. moral. cap. 3. Incante sunt humiles, qui se mentiendo illaqueant. Ut plurimum jactantia gravior peccatum est ironia, sive dissimulatione: quia illa ex turpiori motivo procedit, scilicet ex appetitu lucri, vel honoris. Ironia vero ex hoc quod aliquis fugit, licet inordinate, per elationem aliis gravior esse. Contingit tamen quandoque, quod aliquis minora de se fingit ex aliquo alio motivo, puta ad decipiendum: et tunc ironia est gravior: ex quo sæpe peccatum mortale est.*

De Hypocritis.

XIV. Hypocrite est simulatio sanctitatis, aut pietatis, sive peccatum est, quo quis personam pii, vel justii hominis simulat, cum reapse talis non sit, qualem se videri appetit. Deformatatem hujus vitii exhibet S. Thomas q. 114. *art. 4. his verbis: In hypocritis duo sunt, scilicet defectus sanctitatis, & simulatio ipsius. Si ergo hypocrita dicatur ille, cujus intentio fertur ad utrumque, ut scilicet, aliquis non curet sanctitatem habere, sed solum sanctus apparere, sicut concludit accipi in Sacra Scriptura; sic manifestum est, quod est peccatum mortale nullus enim totaliter privatur sanctitate, nisi per peccatum mortale* *juxta illud Sap. 1. Spiritus S. discipline effugiet fictum. Eccl. 13. Ipse erit Salvator meus. Non enim venit in conspectu ejus omnis hypocrita.* Et hinc etiam, quod Christus Dominus *Matth. 23. plures maledictiones intorquet in Scribas, & Phariseos ob hoc peccatum.*

Si autem, sequitur S. Doctor, dicatur hypocrita ille, qui intendit simulare sanctitatem, a qua deficit per peccatum mortale, tunc quamvis sit in peccato mortali, ex quo privatur sanctitate, non tamen ipsa simulatio est ei peccatum mortale, sed quandoque veniale. Quod discernendum est ex fine: qui si repugnat charitati Dei, vel proximi, erit peccatum mortale, puta cum simulat sanctitatem, ut falsam doctrinam diffuset, vel ut adipiscatur Ecclesiasticam dignitatem indignus, vel quocumque alia temporalia bona, in quibus finem constituit. Si vero finis inintus non repugnet charitati, erit peccatum veniale, puta cum aliquis in ipsa fitione delectatur, de quo dicitur *4. Erbic. quod magis videtur vanus, quam malus.* Eadem enim ratio est de mendacio, & simulatione.

„Contingir autem quanloque quod aliquis simulat perfectionem sanctitatis, quæ non est de salutis necessitate: & talis simulatio nec semper est peccatum mortale, nec semper est cum peccato mortali“.

XV. Ex his plura colligere fas est, quæ hujusce peccati qualiter manifestantur: & primo quidem hypocrisis mortale peccatum esse, cum aliquis non curat, ut ait S. Thomas, *sanctitatem habere, sed solum sanctum apparere*. Christianæ namque Religionis spiritum, verumque Dei cultum, quantum in ipso est, moribus suis evertit. Cum enim Christus Dominus Joan. 4. dixerit: *Spiritus est Deus, & eos, qui adorant, in spiritu, & veritate oportet adorare*; hypocritæ non spiritu, sed solo corporis habitu, & specie externa Deum colunt & adorant, ut videantur, & laudentur ab hominibus.

2. Mortale peccatum est hypocrisis, cum quis sanctitatem simulat ob finem charitatis Dei, vel proximi repugnantem, e. g. ut *falsam doctrinam*, inquit S. Doctor, *dissiminet, vel ut adipiscatur Ecclesiasticam dignitatem*. De his locutus est Cæcilius Dominus, cum monuit: *Attendite a falsis Prophetis, qui veniunt ad vos in vestimentis ovium, præferentes scilicet exteriorem speciem sanctitatis; intrinsecus autem sunt lupi rapaces*. Et Apostolus 1. ad Timoth. 4. *Spiritus manifeste dicit, quia in novissimis temporibus discedent quidam a fide attendentes spiritibus erroris, & doctrinis demoniorum, in hypocrisi loquentium mentium etc.*

3. Qui non ob finem sanctitati repugnantem, aut charitatem Dei, vel proximi non leventem, sed delectationis gratia, aut si nili aliis de causa simulat sanctitatem, veniale tantum peccatum hypocrisis committit. *Contingit etiam*, ait S. Thomas, *quod aliquis, ut aliquis sibi valeat perficere, talis simulatio non semper est pec-*

catum mortale, nec semper est cum peccato mortali. Quilibet tamen gravis hypocrisis tota animi cura semper cavenda est, atque anre oculis semper habenda illa Christi admonitio apud Matth. 6. *Attendite, ne iustitiam vestram faciatis coram hominibus, ut videamini ab eis; alioquin mercedem non habebitis apud Patrem vestrum, qui in celis est*. Cam ergo facis elemosinam (item dicas de alio quolibet bono opere) noli tuba canere ante te, sicut hypocritæ faciunt in Synagogis, & in vicis, ut honorificentur ab hominibus. . . . Amen dico vobis, receperunt mercedem suam. . . . Et cum gratias non eritis sicut hypocritæ, qui amant in Synagogis, & in angulis platearum stantes orare, ut videantur ab hominibus. Amen dico vobis, receperunt mercedem suam. . . . Cum autem jejunatis, nolite fieri sicut hypocritæ tristes, exterminant enim facies suas, ut appareant hominibus jejunantes. Amen dico vobis receperunt mercedem suam. Legenda sunt de hoc divino textu commentaria Patrum, maximeque S. Joan. Chrysostom. hom. 19. in Matth. & S. Augustini lib. 2. de serm. Dom. in monte cap. 2.

De Contentione.

XVI. Quarta inanis gloriæ filia contentio est, quia, ut ait S. Thomas 2. 2. q. 38. art. 2. *Proprium superbiæ est, & inanis gloriæ proprium excellentiam querere*. Sicut autem discordantes aliqui sunt ex hoc, quod stant corde in propriis: ita contententes sunt aliqui ex hoc, quod unusquisque, verbo id, quod sibi videtur, defendit. Ex quo hæc ejus definitio esse potest, nimirum est altercatio verborum, quibus inordinate quis alteri contrariatur, cujus explicationem exhibet S. Thomas loco laud. art. 1. inquit: „Contentio est contra aliquem tendere. Unde sicut discordia contrarietas, tem quamdam importat in voluntate: ita contentio contrarietas est in quamdam im-

„importat in locutione . . . Contrarie-
 „tas autem locutionis potest attendi du-
 „pliciter. Uno modo quantum ad inten-
 „tionem contententis: alio modo, quan-
 „tum ad modum. In intentione quidem
 „considerandum est, utrum aliquis con-
 „trarietur veritati, quod est vituperabile,
 „vel falsitati, quod est laudabile. In mo-
 „do autem considerandum est, utrum talis
 „modus contrariandi conveniat &
 „personis, & negotiis: quia hoc est lau-
 „dabile . . . vel excedat convenientiam
 „personarum, & negotiorum: & sic con-
 „tentio est vituperabilis “.

„Si ergo accipiatur contentio secundum
 „quod importat impugnationem veritatis,
 „& inordinatum modum; sic est peccatum
 „mortale. Et hoc modo definit Ambro-
 „sius contentionem dicens: *Contentio est*
 „*impugnatio veritatis cum confidentia clamo-*
 „*ris*. Si autem contentio dicatur impu-
 „gnatio falsitatis cum debito modo acri-
 „monie, sic contentio est laudabilis. Si
 „autem accipiatur contentio secundum
 „quod importat impugnationem falsitatis
 „cum inordinato modo, sic potest esse
 „peccatum veniale, nisi forte tanta inor-
 „dinatio fiat in contendendo, quod ex
 „hoc generetur scandalum aliorum. Unde
 „& Apostolus cum dixisset 1. ad Thimoth.
 „2. *Noli verbis contendere*, subdit: *Ad*
 „*nihil enim utile erit, nisi ad subversionem*
 „*audientium* “.

XVII. Ex hac Angelica doctrina nonnul-
 „læ erunt regulæ ad praxim necessarie.
 „Quarum prima est: si contentio assumatur,
 „prout importat impugnationem veritatis, &
 „inordinatum modum, qui scilicet nec personis,
 „nec negotiis conveniat, peccatum mortale est.
 „Unde graviter peccant, qui veritatem
 „fidei, vel moralis Christianæ contentiose
 „impugnant, sive sit illis explorata, sive
 „falsitatem esse putent levibus, ac fallaci-
 „bus argumentis seducti. Huiusmodi sunt

præter hæreticos, qui fidei dogmata,
 „quorum veritatem agnoscere possunt, ver-
 „bis, aut scriptis impugnant, & Catholici
 „quidem, qui impugnant ex falsis, quæ
 „deponere deberent, præiudiciis nonnulla
 „sanioris doctrinæ capita nimium obvia, at-
 „que perspicua omnibus, qui hisce præju-
 „diciis præventi non sunt.

Altera regulæ est: Lethaliter peccant,
 „qui cum gravi audientium scandalo verbis
 „contentunt de quibusdam veritatibus, aut
 „sententiis, quæ licet fide certæ non sint,
 „tamquam certæ nihilominus existimantur,
 „nec pietatem lædunt, sed potius foveant,
 „ut e. gr. de situ Inferni, de statu puero-
 „rum decedentium sine baptismo, aut de
 „sensu quorundam verborum Scripturæ ab
 „Ecclesia nondum definitio &c. Huc enim
 „respexisse videtur Apostolus, cum dixit:
 „*Noli contendere verbis: ad nihil enim utile*
 „*est, nisi ad subversionem audientium* “.

Tertia regulæ: Peccant quoque lethaliter
 „improbi Litigatores, Causidici, Procura-
 „tores, qui cum rationibus optimis veri-
 „tatem, aut merita causæ in lucem pro-
 „ferre, ac tueri deberent, verbis extor-
 „quere sententiam a iudice conantur, aut
 „etiam impropetiis disceptant, quibus cha-
 „ritas proximo debita læditur, aut sancta
 „prosecinditur.

Regulæ quarta: Contentio de re, de qua
 „contentendum non est, veniali saltem cul-
 „pa non caret. Talis erat Discipulorum
 „Christi contentio, quam refert S. Lucas
 „cap. 12. *quis eorum videretur esse major*.
 „De hac S. Thomas in resp. ad 1. in ob-
 „servat: *In Discipulis Christi non erat conten-*
 „*tio cum intentione impugnandi veritatem,*
 „*quia unusquisque defendebat, quod sibi verum*
 „*videbatur*. Erat tamen in eorum contentione
 „inordinatio: quia contendebant de quo non
 „erat contendendum, scilicet de primatu bono-
 „ris. Nondum enim erant spirituales. Unde
 „Dominus cum sequenter eos compescuit.

Re-

Regula quinta: Sicut contentio, quæ est impugnatio falsitatis eum debito modo acrimonie est laudabilis; ita & accipiat contentio, secundum quod importat impugnacionem falsitatis eum inordinato modo, sic potest esse peccatum veniale: nisi forte tanta inordinatio fiat in contendendo, quod ex hoc generetur aliorum scandalum. Hæc regula eisdem ferme verbis S. Thomæ expressa est, eamque confirmat art. 1. in resp. ad 3: dicens: *Si accipiat contentio in iudicio, vel disputatione secundum imperfectam rationem, scilicet secundum quod importat quandam acrimoniam (aut incompositum elanorem) locutionis, sic non semper est peccatum mortale, sed saepius veniale, imo nullum, si omne scandalum absit, & acrimonia, vel clamor inordinatus non sit, sed ratione directus.*

Ceterum quamquam moderata contentio causa illustrandæ, aut defendendæ veritatis suscepta laudabilis sit, nihilominus generatim loquendo contentiones ab homine Christiano fugiendæ sunt, quia plerumque sunt solo studio vincendi adversarium, aut gloriam captandæ. Unde Apostolus 2. ad Timoth. 2. scribit: *Stratus, & sine disciplina questionibus devota: scient, quia generant lites.* *Invicem autem Domini non oportet litigare, sed manifestum esse ad omnes, docilitatem, & patientem, & cum modestia corripientem.* Et S. Augustinus lib. de Doctrina Christi, capi 28. ait: *Verbis contendere, non est curare, quomodo error veritate vincatur, sed quomodo tua dissio dissioni præferatur alterius.* Porro qui non verbis contendit, id agit verbis, ut veritas pateat, veritas placeat, veritas moveat: quoniam neque ipsa que præcepti, & finis legis est, & charitas, alio modo recte esse potest, si ea que diliguntur, non vera, sed falsa sunt.

De Pertinacia.

XVIII. Pertinacia defini: Pitium

ex inani gloria proveniens, quo quis repudiata meliore, & et æquiore sententia, de sua, quamvis falsa, & iniqua nulla ratione dimoveri potest. Nam ut ex Isidori lib. 10. Etymol. scabit S. Thomas 2. 2. q. 138. art. 2. *Pertinax dicitur aliquis, qui est impudenter tenens, & quos ad omnia tenax, & hic idem dicitur servican, eo quod in proposito suo ad victoriam perseverat. . . . Ideo autem aliquis nimis persistit in propria sententia, quia per hoc vult suam excellentiam manifestare.* Hinc ideo oritur ex inani gloria, sicut ex causa.

Hæc peccatum mortale est, 1. dum aliquis manifestata sibi doctrina Catholica fidei, ei repugnat, & in proprio errore persistit, quod est hæresis peccatum, quæ sine pertinacia non habetur. 2. Dum aliquis publice, vel privatim defendit propositiones a Summo Pontifice, vel a proprio Episcopo in sua Diocesi prescriptas, tamquam: fidei, vel bonis moribus, vel plebati, vel Ecclesiasticæ paci repugnantes. Caviter namque offendit charitatem Dei, & proximi, dum iudicium suum submittere renuit iis, ad quos divino jure spectat iudicium ferre de doctrina, aliisque, quæ ab bonum animarum pectinent. 3. Lethalis peccati reus est, qui Scripturarum Divinarum auctoritati, quasque, quæ menti suæ occurrunt, rationes non submittit, ac evidenti rationi Scripturæ præter Ecclesiæ sensum intellectæ auctoritatem studiose opponit. Ut enim inquit S. Augustinus Epist. 147. *Si ratio contra Divinarum Scripturarum auctoritatem redditur, quamlibet acuta sit, fallit veritatis similitudine: nam vera esse non potest.* Rursus si manifestissima, rectæque rationi velut Scripturarum sanctorum obicit auctoritas; non intelligit, qui hoc facit, & non Scripturarum illarum sensum, ad quem penetrare non potuit, sed suum potius obicit veritati: nec, quod in eis est, sed quod in seipso, veluti præcis invenit, opponit. De

De Discordia.

XIX. Discordia ex D. Thoma 2. 2. q. 37. art. 2. importat quandam disgregationem voluntatum, in quantum scilicet voluntas unius fiat in uno, & voluntas alterius fiat in altero. Quod autem voluntas alicujus in proprio sitat, provenit ex hoc, quod aliquis ea, quae sua sunt praefert illi, quae sunt aliorum. Quod cum inordinate fit, pertinet ad superbiam, & inanem gloriam.

Ex quibus definitio discordiae colligi potest, quod nimirum sit contrarietas voluntatum in bono, in quo oportet esse concordiam. Hanc S. Doctor explicat art. 2. simulque probat esse peccatum dicens: „Discordia concordiae opponitur. Concordia autem ex charitate censatur, in quantum scilicet charitas multorum corda conjungit in aliquid unum, quod est principaliter quidem bonum divinum, secundario autem bonum proximi. Discordia igitur ea ratione est peccatum, in quantum hujusmodi concordiae contrariatur.“

Sed sciendum, quod haec concordia per discordiam tollitur dupliciter. Uno quidem modo per se, alio vero modo per accidens. Per se quidem in humanis actibus, & motibus dicitur esse illa, quod est secundum intentionem. Unde per se discordat aliquis a proximo, quando scienter, & ex intentione dissentit a bono divino, & proximi bono, in quo debet consentire: & hoc est peccatum mortale ex suo genere, propter contrarietatem ad charitatem: licet primi motus hujus discordiae propter imperfectionem actus sui peccata venialia. Per accidens autem in humanis actibus consideratur ex hoc, quod aliquid est praeter intentionem. Unde cum intentio aliquorum est ad aliud bonum, quod pertinet ad honorem Dei, vel uti-

Patuzzi Theol. Mor. T. II.

litatem proximi, sed unus aestimat hoc esse bonum, alius autem habet contrariam opinionem, discordia tunc est per accidens contra bonum divinum, vel proximi: & talis discordia non est peccatum, nec repugnat charitati, nisi hujusmodi discordia sit vel cum errore circa ea, quae sunt de necessitate salutis, vel pertinacia indebite adhibeatur: cum etiam supra dictum sit, quod concordia, quae est charitativus effectus, est unio voluntatum, non unio opinionum. Ex quo patet, quod discordia quandoque est in peccato unius tantum, puta cum unus vult bonum, cui alius scienter resistit: quandoque autem est cum peccato utriusque, puta cum uterque dissentit a bono alterius, & uterque diligit bonum proprium.

XX. Ex hac doctrina, quae complectitur omne id, quod de discordia dici potest, ejusque pravitate, plura habes ad ejus exactam notitiam necessaria. Habes primo proprie discordiam consistere non in contrarietate opinionum, ut vulgo existimatur, sed in contrarietate voluntatum, quemadmodum & concordia, quae est effectus charitatis, non in unione opinionum, sed voluntatum posita est. Utile potest esse inter aliquos discrepantia opinionum, salva permanente unione voluntatum.

Habes 2. discordiam eam proprie dicendam esse, quae opponitur concordiae, quae est effectus charitatis, a quoque si nulla ex ea oriatur latio charitatis, vel Dei, vel proximi, nullum quoque peccatum sit.

Habes 3. discordiam esse peccatum, & quidem ex genere suo mortale, quoniam aliquis sciens, & ex intentione dissentit a bono divino, aut bono proximi, in quo consentire tenetur. Si enim consentire minime teneatur, talis dissensus peccatum non est, ut cum aliquis dissentit ab alio circa ingressum Religionis, vel alia

Tt

ope

opera confilii, aut supererogationis.

Habes 4. Cum intentio aliquorum fertur in aliquod bonum, quod pertinet ad honorem Dei, vel proximi utilitatem: sed alter aestimat hoc esse bonum, alter autem contrarie opinionis est; ea discordia tunc est *per accidens*, & *præter intentionem* contra bonum divinum, vel proximi. Et tunc hujusmodi discordia peccatum non est, nec repugnat charitati, nisi conjuncta sit cum errore circa ea, quæ sunt de necessitate salutis, vel cum perniciæ iodebita. Talis discordia voluntatum innoxia fuit illa inter Sanctos Paulum, & Barnabam, quæ refertur in Actibus Apostolorum cap. 15. *Uterque enim*, ut ait S. Thomas hic ad 3. *intendebat bonum: sed uni videbatur hoc esse bonum, alii aliud, quod ad desectum humanum pertinebat. Non enim erat talis controversia in his, quæ sunt de necessitate salutis: quamvis hoc ipsum fuerit ex divina Providentia ordinatum propter utilitatem inde consequentem.*

Habes quinto, discordiam aliquando esse cum peccato onius tantum, puta cum aliquis vult bonum, et alius scienter resistit. Sic discordia Catholicorum cum hæreticis, & schismaticis est ex parte horum duntaxat, & hi solummodo peccant. Unde S. Augustinus *serm.* 354. de discordia, quæ erat inter Catholicos, & Donatistas sic ait: „Nos litigare videmur cum Donatistis, sed non litigamus: ille enim litigat, qui adversario suo male vult. Litigat ille qui adversarium suum vult detrimentum pati, se augmentum.... Volebamus enim eos, cum quibus litigare videbamur, vel adhuc videmur, acquirere nobiscum, non perdere, ut nos acquiramus. Denique alia vox nostra est, quam fuit fratris illius, qui interpellavit Christum in terrâ ambulantem. Nam & nos interpellamos eum in hac causâ in cælo sedentem, & non di-

cimus, Domine dic fratri meo, ut dividat mecum hereditatem: sed dic fratri meo, ut teneat mecum hæreditatem... Hoc non est litigare, sed amare“.

Habes denique, dissentire a proximo in malo, nedum peccatum nullum esse, sed potius laudabile, & omnino faciendum, quia nunquam fas est consentire peccato alicuius. Ut enim respondet ad 2. Angelicus Doctor: „Sicut voluntas hominibus adhærens Deo est quædam regula recta, a qua peccatum est discordare; ita etiam voluntas hominis Deo contraria est quædam perversa regula, a qua bonum est discordare. Facere ergo discordiam, per quam tollitur bona concordia, quam charitas facit, est grave peccatum. Unde dicitur Prov. 6.1 *Sex sunt, quæ odit Dominus, & septimum detestatur anima ejus: & hoc septimum ponit eum, qui seminat inter fratres discordias.* Sed causare discordiam, per quam tollitur mala concordia, scilicet in mala voluntate, est laudabile. Et hoc modo laudabile fuit, quod Paulus posuit dissensiones inter eos, qui erant concordantes in malo“.

De Præsumptione novitatum.

Postrema vanæ gloriæ soboles est præsumptio novitatum, quæ vitium est, quod quis studio inanis gloriæ nova excogitare præsumit. Quam sit periculosum hoc vitium ex eo patet, quod omnes ferme hæreses, erroreque contra fidem, & bonos mores ex ipso germinarunt. Peccatum mortale est primo, cum nova doctrina contra fidei veritatem, aut morum sanctitatem excogitatur. Nam juxta Apostoli Pauli monitum tenemus depositum custodire, ac devitare prophanas vocum novitates, quæ fidei adversæ sunt.

2. Com abque causâ, & Episcoporum auctoritate, ac præsertim Romani Pontificis

ficiis in rebus magni momenti innovantur sacri ritus, & Ecclesiæ disciplina. Unde in Concilio Colonienſi anno 1536. celebrato p. 2. cap. 7., tedarguuntur ii, qui novitates in Ecclesiæ officiis introducunt: „Sunt, inquit, in clero zelum quidem Dei
„habentes, sed non secundum scientiam,
„qui privatis quibusdam affectibus ducti,
„vel testamento, vel ut vocant, funda-
„tionibus, efficiunt, ut nova festa, præ-
„ter Ecclesiæ auctoritatem subinde cele-
„brentur. Quo interim fit, ut preces
„horarum, ac reliqua publice recepta pro
„affectu cujuslibet facile noventur, id
„quod nobis non satis probatur. Neque
„enim errarunt Patres, a quorum insti-
„tutis in dicendis precibus utinam dis-
„cessum non fuisset. Quod si hic singu-
„lorum affectibus indulgebatur, tandem
„antiquis ritus penitus evanescet“.

3. Lethaliter plerumque peccant vanæ mulieres, quæ novas vestiendi formas, præter consuetum patriæ morem, introducunt, sicut etiam, qui consuetudines novas invehunt, quæ in scandalum, aut aliorum præjudicium vergunt, aut morum corruptelam tandem pariunt, prout experientia nimium compertum est. Quare damnandæ sunt novæ vestium formæ, novæ choreæ, ac saltationes, novi ludii, novi ciborum apparatus, nova spectacula, & id genus alia, quæ in corporis, & animæ detrimentum demum eedunt, necdum eorum, qui hujusmodi novitates inveniunt, sed aliorum etiam, qui his exemplis facile in malum trahuntur.

§. V.

*De virtute opposita Superbiæ scilicet
Humilitate.*

XXII. Superbiæ opponitur humilitas, virtus plane excellentissima, omnibusque perquam necessaria. De hac virtute agit

S. Thomas 2. 2. tota q. 161., eamque definit, quod sit virtus temperant, & refræmans animum, ne immoderate tendat in excelsa. Per multis sunt inter Christianos, qui humilitatem quidem laudent, & ad vitæ perfectionem plurimum conferte non diffiteantur, sed ad salutem necessariam esse non arbitrantur. Unde ea, quæ humilitatis adversantur, vix attendunt, ac de his ne se quidem in Sacramentali confessione aceusant. Verum quam falsa, nimirumque pernicioſa opinione seducantur, facile constat ex oraculis Sacræ Scripturæ, & præcipue Christi Domini in Evangelio, ubi terribilem in primis illam sententiam legimus apud Matth. cap. 18.: Amen dico vobis, nisi conversi fueritis, & efficiamini sicut parvuli, non intrabitis in regnum cælorum. Quicumque ergo humiliaverit se, sicut parvulus iste, hic est major in regno cælorum. Lucæ quoque cap. 18. Omnis, qui se exaltat, humiliabitur, & qui se humiliat, exaltabitur. Unde & hanc virtutem suis omnibus discipulis maxime commendavit, cum dixit apud Matth. Discite a me, quia mitis sum, & humilis corde: non ait, inquit S. Ambrosius, discite a me mundum fabricare, aut mortuos suscitare, sed quia mitis sum, & humilis corde. Sexcenta alia tum Scripturarum, tum Sanctorum Patrum testimonia de hac humilitatis Christianæ necessitate prætereo: illudque solum assero, quod docet S. Thomas hic art. 1. ad 3. nimitum: Ideo Christus præcipue nobis humilitatem commendavit, quia per hoc maxime reinvetur impedimentum humanæ salutis, quæ consistit in hoc, quod homo ad cælestia, & spiritualia tendat, a quibus homo impeditur, dum in terrenis magnificari auster. Et id e Dominus, ut impedimentum salutis auferret, exteriorem celsitudinem contempnendam monstravit per humilitatis exemplum. Et hic humilitas est quasi quædam

dam dispositio ad liberum accessum hominibus in spiritualia, & divina bona: adeoque hoc modo ad salutem admodum necessaria.

XXIII. Officia humilitatis, quæ cadunt sub præcepto, duo sunt præcipua, ad quæ cætera revocari facile possunt. Primum est hominem Deo subjicere. De quo S. Thomas ait art. 2. ad 3. Humilitas precipue videtur importare subjectionem ad Deum. Neque certe quidpiam magis necessarium nobis est, quam subditum Deo esse, ac ejus magnitudinem humillimo obsequio revereri, cujus respectu nihil plane sumus, & si quid sumus, ab ipso, in ipso, & per ipsum sumus. Ut enim Isaïa cap. 4. dicitur: *Omnēs gentes quæ non sūt, sic sūt coram eo, & quasi nihilum, & inane reputatæ sūt.* Et Apostolus: *In ipso vivimus, movemur, & sumus. Nec sumus sufficientes cogitare aliquid ex nobis, quasi ex nobis, sed omnis sufficientia nostra ex Deo est.* Et Christus Dominus apud Joannem. *Sicut palmes non potest ferre fructum a se metipso, nisi manserit in vite; sic nec vos, nisi in me manseritis. Qui manent in me, & ego in eo, hic feret fructum multum, quia sine me nihil potestis facere.*

Egregie de hac subjectione loquitur S. Augustinus Hom. 351. *In rebus visibilibus, ut excelsa quisque contingat, in excelsum erigitur. Deus autem cum sit omnium excellentissimus, non elatione, sed humilitate contingitur. Unde Propheta dicit: Prope est Dominus omnibus, qui obtulerunt cor. Et iterum: Excelsus Dominus, & humilia respicit: & excelsa a longe cognoscit. Excelsa posuit pro superbis: illa ergo (humilia scilicet) respicit, ut attollat: illa cognoscit, ut dejiciat. . . . Qui ante illum se projicit, ab illo erigitur: qui adversus illum se erigit, ab illo projicitur. Alia est enim soliditas magnitudinis: alia est inanitas inflationis. Qui foris tumescit, intus tabescit, Qui*

eligit abijci in domo Dei, magnus quam habitare in tabernaculis peccatorum, eligit solum Deus, ut inhabitet in atriiis suis. & nihil sibi assumptum ille in sedem beatitudinis assumit.

XXIV. Aliud humilitatis officium est, se etiam cæteris hominibus subijcere, juxta illud Apostoli ad Philip. 2. *Nihil per contentionem, neque per inonem gloriam, sed in humilitate superiores sibi invicem arbitantes.* Verum ut innotescat quid a nobis hac ad alios subiectione sub præcepto requiratur humilitas, exscribenda est solida, & perpulchra doctrina, quam habet S. Thomas art. 3. ubi querit, *utrum homo debeat se omnibus per humilitatem subijcere.* Sic itaque docet: *In homine duo possunt considerari: scilicet id quod est Dei: & id quod est hominis. Hominis autem est quidquid pertinet ad defectum. Sed Dei est quidquid pertinet ad salutem, & perfectionem, secundum illud Osæ: Perditio tua, Israel, ex te est. Ex me autem auxilium tuum. Humilitas autem, sicut dictum est, proprie respicit reverentiam, qua homo Deo subijcitur. Et ideo quilibet homo secundum id quod suum est, debet se cuilibet proximo subijcere, quantum ad id, quod est Dei in ipso: non autem hoc requirit humilitas, ut aliquis id, quod est Dei in ipso, subijciat ei, quod apparet esse Dei in altero.*

Nam illi qui dona Dei participant, cognoscunt ea se habere, secundum illud 1. ad Cor. 2. Ut sciamus, quæ a Deo donata sunt nobis: & ideo absque præjudicio humilitatis possunt dona, quæ ipsi acceperunt, præferre donis Dei, quæ aliis apparent collata: sicut Apostolus, ad Ephes. 3. dixit: Aliis generationibus non est agnitus filius hominum, sicut nunc revelatum est sanctis Apostolis ejus.

Similiter etiam non hoc requirit humi-

„ militas , ut aliquis id , quod est suum
 „ in seipso , subiciat ei , quod est homi-
 „ nis in proximo : alioquin oporteret , ut
 „ quilibet reputaret se magis peccatorem
 „ quolibet alio : cum tamen Apostolus ab-
 „ sque præjudicio humilitatis dicat Gal. 2.
 „ Nos natura Judei , & non ex gentibus ,
 „ peccatores . Potest tamen aliquis repua-
 „ re aliquid boni esse in proximo , quod
 „ ipse non habet , vel aliquid mali in
 „ se esse , quod in alio non est , ex quo
 „ se potest ei subicere per humilitatem ⁴¹ .
 Vere Angelica doctrina , quæ paucis com-
 plectitur germanam notionem humilitatis ,
 quam habere nos oportet erga proximos
 nostros . Ad cujus complementum illud
 addere præstat , quod habetur in resp. ad
 3. , ubi distinguit humilitatem quoad actum
 interiorem , & exteriorem , atque , illum
 etiam , qui aliis superior est , posse , ac
 debere in corde suo , secundum interiorem
 actum animæ alteri se subicere . Sed in ex-
 terioribus actibus humilitatis magna dis-
 cretione uti debet erga subditos , prout
 viderit cujusque moribus , aut indoli magis
 expedire . Superior igitur animo fove-
 re humilitatem debet , seque subditis suis
 apud Deum , & in corde subicere , ac ubi
 expedire cognoverit , etiam suam humili-
 tatem exterius prodat ; sed diligenter ca-
 veat , ne per indiscretos externæ humili-
 tatis actus , subditi quidpiam spiritualis
 damni patiantur , sive occasionem super-
 biendi sumant . Hinc de justis hominibus
 scribit S. Gregorius Magnus Hom. 34. in
 Evangel. Præponunt sibi in animo ipsos ple-
 rumque , quos corrigunt , meliores existimant
 eos , quos judicant . Quod videlicet agentes ,
 & per disciplinam subditos , & per humili-
 tatem custodiunt semetipsos .

CAPUT II.

CONSECTARIA.

- I. *Superbia præ cæteris vitiis maximopere cavenda .*
- II. *In superbia punitionem Deus sæpe permit- tit homines ruere in peccata turpissima .*
- III. *Quanta ignorantia teneantur Christianorum plurimi , qui superbia peccatum , vel nibili vel parvi pendunt .*
- IV. *Magna diligentia viri justi cavere de- bent , ne in sensu suo , vel apertibus su- perbia tumor irreat .*
- V. *In externis quidem humilitatis actibus servanda moderatio est , sed in interno sensu , & affectu , quisque se omnibus possponere debet .*
- VI. *Sub specioso virtutis pallio ambitio sæpe delitescit .*
- VII. *Audiendi non sunt aliqui Casuisti , qui a peccato absolunt eos , qui appetunt primarias dignitates , atque etiam ip- sum Episcopatum .*
- VIII. *Sed neque fas est appetere , aut qua- rere alia beneficia curam animarum ba- bentia .*
- IX. *Licet tamen aliquando querere beneficium simplex .*
- X. *Ambitionis , & vana gloria culpa non vacant Concionatores , qui nobiliores Ec- clesiarum suggestus studiosè exquirunt .*
- XI. *Superiori officium aliquod imponenti , obedi- re minime debet subditus , aliquid in se impedimentum agnoscens .*
- XII. *Letalis ambitionis reus est , qui bene- ficiis ecclesiasticis retinet absque titula legitimo , aut dotibus necessariis .*
- XIII. *Sicut etiam Episcopus , qui a minore Episcopatu ad majorem , celebrioremque transferri satagit .*
- XIV. *Peccant letaliter , qui de peccatis glo- riam aucupari student .*
- XV. *Haud raro contingit gloria vane appe- titum*

titum esse letaliter peccaminosum.

XVI. *Fraudes, & insidiae vana gloria magno studio cavenda.*

XVII. *Letalis hypocrisis rei sunt, qui dum pietatem nihil curant, pios, ac virtuosos videri appetunt.*

XVIII. *Quamplures ex Christianis hypocrisis merito accensendi sunt.*

XIX. *Qui falsam, ac temerariam sententiam in re alicujus momenti pertinaciter defendit, peccat mortaliter.*

XX. *Potest interdum aliquis citra peccatum ab alterius opinione dissentire.*

Reflexio.

CONSECTARIUM PRIMUM.

I. **SUPERBIA** maxime praeter ceteris vitis cavenda est, ac summo e curandum, ne in nostris actionibus, & in corde nostro dominetur; tum quia, Scriptura teste, *est initium omnis peccati, quoad ordinem, scilicet intentionis, sive finis, prout explicat S. Thomas p. 2. q. 84. art. 2.* tum quia facile se insinuat, ac subrept, & ex ipsis bonis operibus occasionem sumit. Unde signanter Augustinus dicit, quod etiam bonis operibus insidiatur, ut ea corrumpat: tum demum quia gravissimum peccatum est, Deoque magis exosum, quatenus reliqua peccata excedit ex parte aversionis, quae formaliter complet peccatum: unde specialiter dictum est, quod Deus superbis resistit.

CONSECTARIUM SECUNDUM.

II. Hinc etiam, ut sapienter animadvertit S. Thomas 2. 2. q. 162. art. 6. ad 3. „Al convincendum superbiam hominum, cum Deus aliquos punit, permittens eos ruere in peccata carnalia: quae etsi sunt minora, tamen manifestiorem turpitudinem continent. Unde Isidorus lib. 2. de summo bono dicit, *Omni vicio deo terriorem esse superbiam, seu propter hoc,*

quod a summis personis, & primis assumitur, seu quod de opere iustitia, & virtutis exoritur, minusque culpa ejus sentitur. Luxuria vero carnis, ideo notabilis omnibus est: quoniam statim per se turpis est. Sed qui detinetur superbia, & non sentit, labitur in carnis luxuriam, ut per hanc humiliatus a confusione exurgat. Ex quo etiam patet gravitas ipsius superbiae. Sicut enim medicus sapiens in remedium majoris morbi patitur insimul in leviores incidere, ita etiam peccatum superbiae gravius esse ostenditur ex hoc ipso, quod pro ejus remedio Deus permittit ruere homines in alia peccata: leviora, sed turpiora.

CONSECTARIUM TERTIUM.

III. Ex his apparet, quam lugenda ignorantia teneantur Christianorum plures, quos cum pulcar aliorum, quae committunt, scelorum, parvi, aut nihili pensant superbiam, et quae ex ipsa prodeunt, peccata. Si paucos dissolutos excipias, erubescere solent honesti homines de luxuria, de ebrietate, de furto, de violentiis, de fraudibus &c. At quis est, qui de superbia, de ambitione, de vana gloria &c. verecundetur? Immo quis non gloriatur de excellentia, de celsitudine, de honore, fama &c.? Quis Christianorum se de peccato superbiae in confessione accusat? Ex ipsis quoque Confessis quam pauci sunt, qui de hoc crimine poenitentes interrogent, eorumque conscientia saepe superbia, situ, & ambitione rumen latebras perferunt, perinde ac superbia vel nullum esset peccatum, vel leve solum, vel in nemine locum haberet, cum tamen sit primum peccatum, & principium omnium peccatorum, omniumque gravissimum: ut ait S. Thomas, & funesta hereditate in omnes filios. Adhuc devenit, & in omnibus, nisi summa vigilan-

gilantia, animique conatu hoc vitium a se amoliri studeant, dominetur?

CONSECTARIUM QUARTUM.

VI. Etiam viri iusti, qui christianæ perfectioni, vitæque spirituali addicti sunt, summopere præcavere debent, ne in sensu suo, vel operibus tacite irrepat superbiæ tumor, aut motus, quo se aliis præferant, vel illos despiciant, atque contemnunt. Unde meminisse debent illius Pharisæi, qui ob superbiam a Deo reprobatus est. In quo peccavit ille, propter quod reprobari meruit? Dicebat: *Gratias ago &c. quia non sum sicut ceteri hominum &c. veluti etiam hic Publicanus*: ita loquens multipliciter peccavit. Primo quia ore quidem, sed non corde de bonis suis operibus gratias agebat, dum revera sibi metipsum placebat. Secundo, non solum sibi metipsum placebat, veram etiam aliis se præferebat, & Publicano veluti peccatori nequissimo insultabat, opera sua iactando. 3. Peccatorem se esse non agnoscebat: *Non sum sicuti ceteri hominum, raptores, iniusti &c.* Quamobrem de duobus hisce hominibus Pharisæo, & Publicano, qui a longe stans, ne oculos quidem in calum levare præ humili cognitione sui audebat, ita loquitur S. Augustinus: „Ile superbus erat in bonis factis, ille humilis in malis actis. Magis placuit Deo humilitas in malis actis, quam superbia in bonis factis. Sic Deus odit superbos. Ideo sic conclusit: *Amen dico vobis, descendit hic justificatus in domum suam.* Hæc est ergo disciplina christiana. Nemo facit aliquid bene, nisi gratia ipsius: quod facit homo male, ipse est hominis. Cum cœperit facere bene, non sibi tribuat: gratias agat ei, a quo acceperit. Cum autem bona facit, non insultet ei, qui illa non facit, ut extollat se super illum. Non enim in illo finita est gratia Dei, ut ad alium non perveniat,

CONSECTARIUM QUINTUM.

V. In externis quidem humilitatis actibus, quemadmodum & ceterarum virtutum, servanda semper moderatio est, & idcirco cavere debent, qui alios regunt, ne se nimium exterius deiciant, ne apud eos ut inquit S. Augustinus in Reg. quos oportet esse subiectos, dum nimium servatur humilitas, regendi fragantur auctoritas: atiamen & ii, qui cæteris auctoritate præfunt, in affectu animi, & propria opinione, omnibus se postponere debent, & subditorum pedibus coram Deo se subternere. Nec periculum ullum est, si interiori animi sensu nimium se deprimant, sicut periculum est, & illud quidem magnum, si plus vero se extollant, aut vel uni se in sua cogitatione præponant. Quare S. Bernardus ferm. 37. in Cant. sic omnes admonet: „Noli te, homo, comparare majoribus, noli minoribus, noli aliquibus, noli uni. Quid scis enim, si unus ille, quem forte omnium vilissimum, atque miserrimum reputas, cujus vitam sceleratissimam, & singulariter foedissimam horres, & propterea illum putas spectandum, non modo præ te, qui forte jam sobrie, & iuste, & pie vivere te consilis, sed etiam præ cæteris omnibus sceleratis tamquam sceleratissimum, quid scis, inquam, & melior & te, & illis, mutatione dextere Excellis, in se quidem futurus sis, in Deo vero jam sis?”

CONSECTARIUM SEXTUM.

VI. Quamquam appetere aliis prodesse, & ad hunc finem honores, ac dignitates querere secundum se laudabile, sit, ac virtuosum; quia tamen sub hoc specioso pallio ambitio plerumque delirescit, & occulto quodam superbæ lenocinio a splendore honorum, ac dignitatum trahimur potius, quam a sincero desiderio aliis ju-

van-

vandi, idcirco, nisi necessitas, aut Superioris præceptum urgeat, hoc desiderium fovere, aut Prælaturas præsertim Ecclesiasticas ambire illicitum est juxta Evangelium, ac Ecclesie Patres, quos secutus S. Thomas 2. 2. q. 187. art. 1. docuit, *præsumptuosum videri, quod aliqui præse appetat, ad hoc quod subditis prosit, nisi manifeste necessitate imminente.*

CONJECTARIUM SEPTIMUM.

VII. Quapropter audiendi non sunt Causiæ plures, qui a culpa saltem legitimi absolunt eos, qui Episcopatus appetunt, & ad eos assequendos curas omnes, atque officia adhibent: ac frustra obtinere solent illud Apostoli: *Si quis Episcopatum desiderat, bonum opus desiderat.* Sensus enim, quem huic textui assignant, expresse repugnat sensui, quem tenet ne ab initio semper tenuit S. Mater Ecclesia, cujus est de vero Scripturarum sensu judicare, & consensui Sanctorum Patrum, qui non dignitatem, non honorem, non divitias, sed laborem pro Dei gloria, & Ecclesie utilitate sancti desiderii objectum esse posse interpretantur, ut constat ex Joann. Chrysostomo lib. 3. de Sacerdotio, ex Hieronymo Epist. 83., & Comment. in cap. 3. Sordonia, ex S. Augustino lib. 19. de Civit. Dei cap. 20. Gregorio Magno p. prima Past., Isidoro Epist. 229. & S. Thoma tum hic, tum in Comment. Epist. 1. ad Timoth. Ut igitur abique peccato ad Episcopale officium quisquam ascendar, divina vocatio expectanda est, quæ innoscere non potest, nisi electione, nominatione, institutione legitima, & canonica, & nullatenus quaesita. Ut enim ait S. Bernardus: *Qui rogat pro se, sem judicatur esse, ut: inter se per se, an per alium quis rogat.*

CONJECTARIUM OCTAVUM.

VIII. Item, quod de Episcopatu, dicen-

dum est cum S. Thoma, ejusque discipulo S. Antonino de albis beneficiis curam animarum annexam habentibus *illicitum* scilicet esse ea querere, ac pro se postulare. Nam S. Thomas generatim pronunciat, *Si aliquis pro se rogat, ut obtineat curam animarum, ex ipsa presumptione redditur indignus, atque incapax illius beneficii.* Et S. Antonius p. 3. tit. cap. 8. hoc probat: „ Quia ubi est eadem ratio, ibi & idem „ jus. Nam de similibus idem est judi- „ cium. Sed ratio, quare est illicitum, & „ mortali appetitus Episcopatus, est prop- „ ter curam animarum, quam habet an- „ nexam, quia presumptuosum nimis est, „ ut quis se reputet idoneum ad regendum „ animas aliorum: sed eadem ratio est in „ quolibet prædictorum, quia omnibus cura „ est annexa, nec differunt ab Episcopatu, „ nisi secundum majus, & minus: Quia „ Episcopus habet curam universalem suæ „ diocesis, sed in prædictis officiis consti- „ tuti habent curam partialem. Talia „ autem non diversificant speciem, sed „ quantitatem peccati. Sicut appetere fur- „ rari unum florenum, est ejusdem speciei „ cum appetitu furandi mille, licet secun- „ dum sit gravius peccatum propter majus „ nocumentum intentum. Sic in proposito „ major utriusque presumptio, & ambitio „ ratio est, quanto major cura, & major „ gratius annexus est dignitati, vel benefi- „ cio, quod appetitur: tamen utrobique „ appetitus est (N. B.) mortalis. Præterea „ si aliquis prædictorum petere est mortali „ se, & illud appetere erit mortale. Nam „ secundum Thomam, Raymundum, Hosti- „ ensium petere pro se aliquem eorum, eri- „ am si alias sit dignus, in lucem simoniam, „ quia sunt preces pro indigno ratione „ presumptionis. Ergo & appetere erit „ mortale, cum simonia sit mortale. “

Causiæ, qui huic tot Sanctorum testi-
monio munice doctrinæ refragantur, nihil
re-

seve, a aliud habent, quod opponant, nisi contrariam consuetudinem, quasi vero ex pravis hominum moribus de christiane vite officiis ferendum sit iudicium, & non potius ex Dei verbo, ex Patrum Ecclesie doctrina, & sacris canonibus spiritu Dei conditis: quasi Canticus dixerit: *Ego sum consuetudo*, & non potius, *Ego sum via*, *veritas*, & *vita*: quasi secundum consuetudinem, & non potius secundum verbum suum Christus nos iudicaturus sit, & quasi demum non aliter se gesserint, ac se gerant ii, qui sanctitate presurgent Episcopi, ut de S. Carolo vidimus, aliisque, qui non doctrinam Casuistarum, sed Patrum, meliorumque Theologorum sectantur. Nihilominus etiam suam opinionem tueri conantur verbis Decreti Concilii Tridentini sessione 24. de Reform. cap. 18. quo de promovendis ad Parochialium Ecclesiarum regimen per concursum, sive publicum examen lata lex fuit. *Quid enim aliud est*, inquit, *examine se sistere, quam animarum curam pro se postulare?* Sed irritato labore insulant, ut corrumpeant hoc Decreto defendant. Sanctissima est illa de concursu ad Parochialia beneficia disciplina. Sed ab illa, quod ideo Ecclesia favorit ambitioni, aut presumptioni, quis Christus, & Patres damnant. Qui examini, ab Episcopo vocatus, se sistit, beneficium pro se non postulat, sed Presulis sui iudicio se subicit, ut si dignus, vel dignior ab illo censeatur, Parochialem curam ejus provisione, & mandato suscipiat. Examine se sistere potest pius Sacerdos, sive nominatum cum aliis vocatus, sive per edictum publicum, obedientie, relique impulsu, æquo animo susceprurus sive collationem beneficii, sive repulsam, prout iudicaverit Episcopus vice Christi, qui ministros idoneos Ecclesie sue eligit, ac præficit. Legenda de hoc est vita S. Caroli Episcopi, qui rectam sibi notam in cu-

Patuzzi Theol. Mor. T. II.

ratorum beneficiorum electione ex Concilio Tridentino præfixit, & illum, ut in ea referetur, *indignum beneficio habebat, qui illud quaesivisset, aut sibi procurasset.*

CONJECTARIUM NONUM.

IX. Reus ambitionis haud reputandus est, qui beneficium Ecclesiasticum petit sine cura animarum ad suam inopiam sublevandam. Hec regula S. Thomæ auctoritate nixa est, qui 2. 2. q. 100. art. 5. ad 3. ait: *Si aliquis pro se rogat, ut obtineat curam animarum, ex ipsa presumptione redditur indignus &c.* Licite tamen potest aliquis, si sit indigenus, pro se beneficium Ecclesiasticum petere sine cura animarum. Item docet S. Raymundus in Sum. lib. 1. tit. 1. §. 7. & ex cap. *Ad aures extra de R. scriptis* confirmat.

CONJECTARIUM DECIMUM.

X. Ambitionis, & vanæ gloriæ culpa non vacant Concionatores verbi Dei, qui nobiliorum Ecclesiarum pulpita ad maiorem nominis claritatem sibi comparandam studiose querunt, & suis, & amicorum precibus, & officiis obtinere nituntur. Hi namque ministerio verbi Dei prædicandi abutuntur, nec fructum animarum spiritualem pro fine habent, ut habere deberent. Hinc laudatus S. Carolus in instruct. Prædicatorum vir, de præparatione ad salutariter prædicationis munus exequendum, gravibus hisce verbis Concionatorem admonet: „Fugiet autem tamquam pestem „ omnem ambitionem, omnemque illius „ suspensionem. Ne loca insigniora, ubi „ prædicationis suæ semen spargat, am- „ biat, affectetque, memor Christi Domini „ ni, quem a Patre e cælo demissum ad „ erudiendum genus humanum, pagos, „ & vicos, & castella obisse legimus. „ Numquam in opinionem inducet, ma- „ jori, atque nobiliori suggestu se dignum „ esse.

esse. Fuit hæc quondam incredibilis am-
 „byio Ethnicorum Oratorum. Christianus
 „autem Concionator ab istius suspicione
 „alienus esse debet, qui ad prædicandum
 „Christum Crucifixum, non ad sui inge-
 „nii ostentationem vocatus est“.

CONSECTARIUM UNDECIMUM.

XI. Quamquam Prælati obedientiam sub-
 dii præstare teneantur, obedire tamen
 minime possunt Superiori aliquod officium
 imponenti, quoties in se aliquod impedi-
 mentum agnoscunt, quod nec suo studio,
 nec Superioris autoritate remove-
 re possunt. Hæc doctrina traditur a S. Thoma
 2. 2. q. 185. art. 2. ad 2. his verbis: „
 „Nullus tenetur obedire Prælati ad ali-
 „quod illicitum &c. Potest ergo contingere,
 „re, quod ille, cui injungitur Prælatio-
 „nis officium, in se aliquid sentiat, prop-
 „ter quod non liceat ei Prælationem ac-
 „cipere. Hoc autem impedimentum
 „quandoque quidem removeri potest per
 „ipsum nec, cui Pastoralis cura injungi-
 „tur: puta si habeat peccanti propositum,
 „quod potest deferere. Et propter
 „hoc non excusatur, quin finitèr obe-
 „dire teneatur Prælati injungenti. Quan-
 „doque vero impedimentum, ex quo fit
 „ei illicitum Pastorale officium, non po-
 „test ipse remove, sed Prælati, qui
 „injungit: puta si fit irregularis, vel ex-
 „communicatus. Et tunc debet defectum
 „suum Prælati injungenti ostendere: qui
 „si impedimentum remove voluerit,
 „teneatur humiliter obedire &c. Quandoque
 „vero non potest removeri impedi-
 „mentum, nec per injungentem, nec
 „per eum, cui injungitur: sicut si Ar-
 „chiepiscopus non possit super irregulari-
 „tate dispensare. Unde subditus non re-
 „netur ei obedire ad suscipiendum Epi-
 „scopatum, vel etiam sacros ordines, si
 „fit irregularis“.

CONSECTARIUM DUODECIMUM.

XII. Lethalis ambitionis reus est, qui
 beneficium, aut Præfecturam Ecclesiasti-
 cam retinet absque titulo legitimo, aut
 sine dotibus omnino necessariis ad ejus fun-
 ctiones obeundas, quas aut comparare ne-
 gligit, aut non potest. Siquidem qui sine
 titulo legitimo beneficium retinet, aut Ec-
 clesiasticam Præfecturam, *non intravit per
 ostium in ovile ovium, sed ascendit aliunde*,
 adeoque *fur est*; & *latro*. Unde abdicare
 illud tenetur in manus Collatoris. Sic qui
 per simoniam sive simplicem, sive si lucra-
 riam Ecclesiasticum beneficium obtinuit,
 aut aliqua fraude sarruperit, tenetur il-
 lud restituere. Similiter si beneficiarius
 scientia necessaria ad officium suum rite
 obeundum sit destitutus, nec eam compa-
 rare queat ob ingenii habitudinem, bene-
 ficiū renuciare debet, atque hæc om-
 nia ex sacris canonibus colliguntur, ac
 præsertim ex Referipto Innocentii III. ad
 Archiepiscopum Calaritanum, Cap. *Nisi
 cum pridem*, extra de Renunciatione.

CONSECTARIUM DECIMINTERTIUM.

XIII. Lethale ambitionis peccatum in-
 currit Episcopus, qui absque necessitate,
 aut utilitate Ecclesie a minore Episcopatu
 ad majorem, celebrioremque transferri
 satagit. Nam in re gravis momenti violat
 factos canones Spiritu Dei conditos, ac
 totius mundi reverentia consecratos, qui-
 bus hujusmodi translationes, seu migrationes
 prohibentur sub pœna excommunicationis.
 Eis prohibet Nicæna Synodus Can. xv. S. Damasus Pontifex Maximus in Ep.
ad Paulinum apud Theodoretum lib. 5. cap. xi.
 Concilium Carthaginense IV. can. 27. S. Leo Magnus Papa epist. 12. ad Anastasium cap. 12. Concilium Chalcedonense can. 5. & alia plura Concilia: cum hujusmodi
 migrationes non nisi ex cupiditate, & ambi-
 tione

bitione proveniant. Ut enim notat Concilium Sardicense can. 1. & 2. *Cum nemo ad minorem (Episcopatum) transeat ex majore, ex cupiditate, & ambitione dominandi moveatur*, qui hujusmodi transitus ad celebriores Episcopatus affectant, sibi que procurant. Atque item quoque dicendum est de Parochis, qui absque necessitate, aut utilitate Ecclesiæ a minori Parochia ad majorem, & insigniorem transferri student.

CONSECTARIUM DECIMUMQUARTUM.

XIV. Lethaliter peccant, qui ex vitiis, & peccatis gloriam sibi conquirere curant, sive ea commiserint, sive non: gravem quippe injuriam Deo inferunt, eosque Sacræ Litteræ damnant, ac reprobant veluti summæ malitiæ teos. Hoc peccatum in se ipso agnovit, & profusus lacrymis falsus est S. Augustinus, dum in lib. 2. Confessionum suarum scripsit: „Præceps ibam, tanta cunctate, ut intet comitaneos meos, puderet me minoris dedecoris: quoniam, audiebam eos jactantes flagitia sua, & tanto gloriantes magis, quanto magis turpia essent, & libebat facere non solum libidine facti, verum etiam laudis. Quid dignum est viruperatione, nisi vitium? Ego, ne vituperarer, vitiosior fiebar, & ubi non suberat, quo admissem, se æquarem perditos, fingebam me fecisse, quod non feceram, ne viderer abjectior, quo etiam innocentior, & ne vilior haberet, quo etiam castior“.

CONSECTARIUM DECIMUMQUINTUM.

XV. Cum quolibet res creata peccati lethalis materia sit, dum finis ultimus est, nedum peculiaris actionis, sed etiam vitæ nostræ; hinc non raro contingit, quod vana gloria sit peccatum mortale, tamen in se non nisi veniale peccatum sit, cum videlicet nimium dominatur in corde hominis, adeo ut ad ipsam, vel omnes, vel

fere omnes, aut præcipuas actiones suas referat tamquam ad finem. Sic, ut rem exemplis illustremus, mulier, quæ perditæ suam pulchritudinem amans, eam tamquam gloriæ, ac vanitatis sibi objectum statuit, in eaque indefinenter occupatur, ac tempus ad illam ornamentis augendam, nimium impendit, nihilque magis timet, quam ne de pulchritudine, ac venustate laudetur, absque dubio in statu peccati mortalis versatur. Sic vir militaris, qui nihil non agit, nisi ut vanam gloriam aucupetur, eamque ne amittat, aut vilis, & ignavus reputetur, ad duellum acceptandum, occasione oblata, animo paratus est, aut nihil magis cogitat, aut mente revolvit, quam ut ad sublimiorem gradum provehatur, cujus desiderio totus repletur, citra dubium peccati mortalis teus est. Siquidem vana gloria, & mundana honor vitæ suæ finis ultimus est, & ad illum cætera refert. Sic etiam peccant Medici, ac Theologi, qui ne minus docti, aut periti in ministerio suo videantur, alios petitiones in consilio non adhibent, dum opus est, aut dum morbi, sive casus conscientie difficultates occurrunt, & periculum est, ne fallantur in medendis morbis, sive corporis, sive animi, aut in casibus decidendis.

CONSECTARIUM DECIMUMSEXTUM.

XVI. Magno studio, ac diligentia cave-re nos oportet a fraudibus, & insidiis vane gloriæ, nedum quia sæpe inscit, acque corrumpit sanctiora opera nostra, verum etiam quia clanculum irreptit, se faque ita insinuat in extremas actiones, ut dum putamus nos eas efficere propter Dei gloriam, aut proximi utilitatem, gloriam nostram sæpe querimus, aut hominum laudem, & approbationem. *Sæpe mihi video*, inquiebat S. Augustinus lib. 10. Confess. cap. 37. *de profectu, aut spe proximi delatari*,

V v 2

Meri, cum bene intelligentis laude dolescor. Etiam summopere cavenda vana gloria est, quia licet ex se venialis sit, ad plura tamen peccata mortalia disponit. Unde S. Thomas 1. 2. q. 132. art. 3. scribit: „Inanis gloria dicitur esse peccatum pecciculosum, non tantum propter gravitatem sui, sed etiam propter hoc, quod est dispositio ad gravia peccata, in quantum scilicet per inanem gloriam redditur homo presumptuosus, & nimium de se confidens: & sic etiam disponit ad hoc, quod privetur interioribus bonis“.

CONSECTARIUM DECIMOSEPTIMUM.

XVII. Lethaliter peccant ii, posthabita cura acquirendæ virtutis, ac pietatis, solummodo penes homines virtuosos ac pios videri student. Et hæc est præcipua species hypocrisis, quam Scriptura damnat, & adversus quam invchitur Christus Dominus cap. 23. Matthæi, pluresque maledictiones intorquet. *In hypocrisi duo sunt, ut ex S. Thoma notavimus, scilicet defectus sanctitatis, & simulatio ipsius. Si ergo hypocrita dicitur ille, cuius intentio fertur ad utrumque, ut scilicet aliquis non curet sanctitatem habere, sed solum sanctus apparere, sicut consuevit accipi in Sacra Scriptura, sic manifestum est, quod est peccatum mortale.*

CONSECTARIUM DECIMOOCTAVUM.

XVIII. Hypocritis accensendi sunt, qui leves quasdam, ac minutas exteriores legis observantias ad scrupulum usque custodiunt: atque interim graviora, ac præcipua legis mandata transgrediuntur: iique similes sunt Phariseis, de quibus loquitur Christus Dominus apud S. Matthæum, quosque anathemate ferit, dicens: „Væ vobis Scribæ, & Pharisei hypocritæ, qui decimatis mentam, & anethum, & cyminum, qui reliquiis, quæ graviora sunt legis, ju-

dicium, & misericordiam, & fidem. Hæc oportuit facere, & illa non omittere. Duces cæci, excolantes culicem, camelum autem glutientes“. Huiusmodi hypocritæ rei exilimandi sunt, 1. Christiani quidam, qui sibi religioni ducunt, purantque se grave crimen committere, si quædam devotionis in Deum, aut B. Virginem exteriora exercitia aliquando prætermittant, e. g. sacrum scapulare non deferant, Rosarium non recitent. Missam non audiant diebus etiam ferialibus, atque interim vitam transigant citra ullam animi perturbationem in blasphemis, perjuryis, impudiciis, usuris &c. 2. Quidam Ecclesiastici, qui summa attentione observare curant, quæ sacri Canonis præscribunt circa comam, circa habitum, ac modestiam exteriorem, & nihilominus tranquillo animo plura beneficia possident, quamquam unicuique ad honestam ipsorum sustentationem sufficiat, residentium legem jure naturali, ac divino præceptam minime servant, bonis Ecclesiæ consanguineos, aut sæculares ditant &c. 3. Religiosi quidam, ut animadvertit S. Bernardus in Apologia ad Quilicium Ab. cap. 5. qui exactissime observant regulas quasdam minoris momenti, quas proferunt: at religiosam paupertatem negligunt, Superioribus reluctantur in iis etiam, quæ juxta regulam præcipiunt, facta aliena liberrime carpunt, pacem & concordiam turbant &c. His omnibus, a Christi similibus merito dici debet, quod Christus Scribis, & Phariseis: *Hypocritæ: hæc oportuit facere, & illa non omittere.*

CONSECTARIUM DECIMUMNONUM.

XIX. Peccant lethaliter, qui in aliquo confesso, sive Ecclesiastico, sive sæculari falso, ac temerariam sententiam pervicaciter defendunt adversus majorem, & meliorem suffragiorum partem, dum de re aliqua agitur alicujus momenti, aut ex qua per-

pendeat magnum Communitalis bonum, veluti dum questio est de eligendo Magistratu, aut animarum Pastore, vel de statuenda aliqua regula utili, & necessaria pro conservanda morum disciplina, aut communi tranquillitate. Tunc enim aliorum sensum sequi tenetur, eique cum humilitate, animique docilitate se subicere.

CONJECTARIUM VIGESIMUM.

XX. Peccati discordiæ nullatenus reus est, qui dissentit ab opinione proximi ex causa rationabili: tunc enim non tenetur voluntatem suam alterius voluntati conformare. Hinc S. Thomas 2. 2. q. 37. att. 1. generale in hac regulam tradit, quæ pluribus questionibus resolvendis infervit: „Cum intento aliquorum est ad aliquod bonum, quod pertinet ad honorem Dei, vel utilitatem proximi, sed unus hoc æstimat esse bonum, alius autem habet contrariam opinionem, discordia tunc est, per accidens contra bonum divinum, vel proximi. Et talis discordia non est peccatum, nec repugnat charitati, nisi huiusmodi discordia sit vel cum errore circa ea, quæ sunt de necessitate salutis, vel pertinacia indebite adhibeatur, cum etiam supra dictum sit, quod concordia, quæ est charitatis effectus, sit unio voluntatum, non opinionum“.

REFLEXIO.

Superbiam, monebat piissimus Tobias filium suum cap. 17. *nunquam in tuo sensu, aut in tuo verbo dominari permittas. In ipsa enim initium sumpsit omnis perditio. Pulchrum, ac plane necessarium monitum omnium animis altius insigendum, Superbiam nunquam, nec in sensu nostro, nec in affectu, nec in verbis aliisque nostris actionibus dominari sinamus, sed eam abominemur, longeque abigamus. Etenim quemadmodum superbiam initium fuit peccati, ac ruinæ tum An-*

*gelorum, tum Protopotentium nostrorum, ita quoque initium est peccatorum, quæ committimus, ac sempternæ nostræ perditionis. Angeli propter superbiam Demones facti sunt, ac de cælo in abyssum prolapsi. Unde illos sic alloquitur Isaias cap. 14. Quidmodo cecidisti de calo Lucifer, qui mane oriebaris? Corruisti in terram, qui vulcrabas gentes? Qui dicebas in corde tuo: in calum conscendam, super astra Dei exaltabo solium meum, sedebam in monte testamenti in lateribus aquilonis, ascendam super altitudinem nubium, similis ero Altissimo. En infanzæ superbiz tumorem. At vero quid ex ipsa consecutum est? Peruntamen ad inferna detraberis, in profundum loci. Quod perpendes S. Augustinus, bonorumque, ac malorum Angelorum sortem longe diversam considerans lib. 12. de Civit. Dei cap. 1., ita scribit: „Angelorum bonorum, & malorum inter se contrarios appetitus, non naturis, principisque diversis, sed voluntatibus, & cupiditatibus existisse, dubitare fas non est, dum alii constanter in communi omnibus bono, quod ipse illis Deus, est, atque in ejus eternitate, veritate, charitate persisterunt: alii sua potestate potius delectati, velut bonum suum sibi ipsi essent, a superiori communi omnium beatifico bono ad propria defluerunt: & habentes elationis fastum pro excelsissima eternitate, vanitatis astutiam pro certissima veritate, studia partium pro individua charitate, superbi fallaces, invidi effecti sunt“. Et c. 4. Cum causa miseriæ malorum Angelorum queritur, ea merito occurrat, quod ab illo, qui summe est, aversus ad seipsos conversi sunt, qui non summe sunt: & hoc vitium quid aliud, quam *superbia* nuncupatur? *Initium*, quippe *omnis peccati superbia*“.*

Sicut Angelorum perditio ex *superbia* initium sumpsit, ita etiam perditio primi hominis, primæque maliæ, ac filiorum

eorumdem ex superbia profecta est. Hinc idem S. Patet lib. eodem cap. 13. de primis parentibus loquens ait: „ In occulto „ mali esse cœperunt, ut in apertam in- „ obedientiam laberentur. Non enim ad „ malum opus perveniretur, nisi præcessis- „ set mala voluntas. Porro malæ voluntatis „ initium, quod potuit esse, nisi super- „ bia? *initium enim omnis peccati superbia „ est* . . . Non sic defecit homo, ut omnino „ nihil esset, sed ut inclinatus ad seipsum „ minus esset quam erat, cum ei, qui sum- „ me est inhærebat, relicto itaque Deo, „ esse in semetipso, hoc est *sibi placere*, „ non jam nihil esse est, sed nihilo propinquare. Unde *superbi* secundum Scri- „ pturas Sanctas alio nomine appellantur „ *sibi placentes*. Manifesto ergo, apertoque „ peccato, ubi factum est, quod Deus fieri „ prohibuerat, Diabolus hominem non „ cepisset, nisi jam ille sibi ipsi placere „ cœpisset. Hinc enim & delectavit, quod „ dictum est, *eritis sicut Dii*. Quod melius „ esse possent, summo, veroque principio „ coherendo per obedientiam, non suum „ sibi existendo principium per superbiam. „ Dii enim creati, non sua veritate, sed „ Dei veri participatione sunt Dii. Plus „ autem appetendo, minus est: qui dum „ sibi sufficere diligit, ab illo, qui ei vere „ sufficit, deficit. Illud itaque malum, „ quo cum sibi homo placet, tamquam sit „ & ipse lumen, avertitur ab eo lumine, „ quo ei si placeat, & ipse sit lumen: il- „ lud, inquam malum, præcessit in abdito, „ ut sequeretur hoc malum, quod per- „ petratum est in aperto. Verum est enim „ quod scriptum est: *Ante ruinam exaltatur „ cor, & ante gloriam humiliatur*. „ Illa „ prorsus ruina, quæ fit in occulto, præcedit „ ruinam, quæ fit in manifesto, dum illa „ ruina esse non putatur.

Verissime itaque dicebat S. Tobias, ut „ Alium ab omni superbia sensu vocaret:

In ipsa summissa initium omnem perditionem : nam ex ipsa prognata est tum perditio Angeli, tum perditio primi hominis. Atque utinam etiam perditio cæterorum omnium, qui ex ipso propagantur, ex eadem superbia non proficisceretur. Verum si Sacras Scripturas, si Sanctos Ecclesiæ Patres audiamus, ex superbia profluere peccata omnia, quibus in perditionem æternam prolabuntur homines, fateri omnino necesse est. Nam Ecclesiast. cap. 10. diserte asseritur, *Initium peccati superbia*: quæ verba exponit S. Thomas 1. 2. q. 84. art. 2. de hoc vitio etiam proat speciale peccatum est, nempe *inordinatus appetitus propria excellentia*: quia in actibus voluntariis, cuiusmodi sunt peccata, duplex ordo invenitur, scilicet intentionis, & executionis. In primo quidem ordine habet rationem principii finis. *Finit autem in omnibus temporalibus bonis acquirendis est*, ut homo per illa quamdam perfectionem singularem, & excellentiam habeat. Et ideo ex hac parte superbia, quæ est appetitus excellentia, ponitur initium omnis peccati &c. Hinc S. Gregorius lib. 31. Moral. & 34. superbiam vocat vitiorum reginam, ipsamque vitiorum radicem etiam appellat: *Quia sicut inferius radix tegitur, sed ab illa extrinsecus rami expanduntur; ita se superbia intrinsecus celat, sed ab illa protinus aperta vitia pullulant*. Nulla quippe mala ad publicum prodirent, nisi hæc mentem in occulto perfringeret. Et laudatus S. Augustinus de eadem loquens Enarr. in Ps. 18. ad illum versiculum, *Si mei non fuissent dominati, tunc immaculatus ero, & emundabor a delicto maximo* sic ait: „ Delictum „ magnum arbitror esse superbiam. . . . „ Magnum hoc delictum est, & caput, & „ causa omnium delictorum. Scripum est enim: *Initium omnis peccati superbia*. Et „ ne quasi leve aliquid contemnas, in- „ tium, inquit, *superbia homines apostatara „ a Deo*. Non leve malum est hoc vitium, „ „ fia-

fratres mei . Huic vitio in his personis ,
 quas videtis amplas , displicet humilitas
 christiana . Propter hoc vitium dedi-
 gnantur colla subdere jugo Christi , obli-
 gati arctius jugo peccati . Nolunt ser-
 vire , sed eis expedit servire . Nolen-
 do servire nihil aliud agunt , quam ut
 bono Domino non serviant , non ut om-
 nino non serviant : quia , qui noluerit
 servire charitati , necesse est , ut serviat
 iniquitati . Ab hoc vitio , quod est ca-
 put omnium vitiorum , quia inde cetera
 vitia nata sunt , facta est apostasia a
 Deo , eunte anima in tenebras , & ma-
 le utente libero arbitrio , peccatis etiam
 ceteris consecutis : ut & substantiam
 suam dissiparet , cum meretricibus vi-
 vens prodigo , & per egestatem fieret
 pastor porcorum , qui erat facius Ange-
 lorum . Propter hoc vitium , propter
 hoc magnum superbie peccatum Deus
 humilis venit . Hec causa , hoc pecca-
 tum magnum , iste ingens morbus ani-
 morum , omnipotentem medicum de cœ-
 lo deduxit , atque ad formam servi hu-
 miliavit , contumeliosis egit , ligno suspen-
 dit , ut per salarem tantæ medicinæ cu-
 reretur hic timor .

Quid igitur ? Ut ex hac ingenti ruina ,
 in quam non superbia præcipitat , erua-
 mur , ut æternam perditionem vitemus ,
 cujus illa initium est , sequamur non jam
 consilium , sed præceptum , & quidem
 gravissimum sancti viri , ne umquam tam
 horrendum vitium aut in sensu nostro ,
 aut in verbis , aut operibus nostris do-
 minari permittamus : toto studio : tota
 mentis sollicitudine intimiores cordis no-
 stri latebras inspiciamus , atque scrutemur
 , ne umquam tacite , ac silenter obre-
 patur , nosque , nostrasque actiones cor-
 rumpat & studeamusque , quanta possumus ,
 attentione humilitati , quam ipsi directe

opponitur , & que sola salvare potest an-
 mas nostras . Humilitas , inquit S. Augustinus
 serm. 351. *pene una disciplina christiana est* .
Doctrina , subdit serm. 160. de verbis Apostoli .
christiane humilitatis præceptum est , humili-
 tatis commendatio . Qua in sententia ita fir-
 mus hærebat , ut Epist. 118. asserere non
 dubitavit , se nedum habere humilitatem ,
 ut præstantissimam magisque necessariam
 virtutem , sed quodammodo ut solam inter
 virtutes christianas . Unde dicebat Dioσκο-
 ro : *Ut te Christo tota pietate subdas velim* ,
nec aliam tibi adquirendam , & obtinendam
veritatem viam munias , quam qua munita
est ab illo , qui gressuum nostrorum tamquam
Dens videt infirmitatem . Ea est autem pri-
ma humilitas , secunda humilitas , tertia hu-
milis , & quoties interrogares , hoc dicerem :
non quia alia non sint præcepta , que dicun-
tur ; sed nisi humilitas omnia quæcumque bona
facimus , & præcesserit , & comitetur , & se-
cunda fuerit , & propoſita , quam intueamur ,
& appoſita , cui adhareamus , & imposita ,
qua reprimamur , jam nobis de aliquo bono
falso gaudentibus totum extorquet de manu
superbia . Itaque sicut Retor ille nobilissimus
(Demosthenes) , cum interrogatus esset ,
quid ei primum videretur in eloquentie præ-
ceptis observari oportere , pronunciationem
dicatur respondisse : cum quæreretur quid se-
cundo , eandem pronunciationem : quid ter-
tio , nihil aliud quam pronunciationem di-
xisse ; ita si interrogares , & quoties interro-
gares de præceptis christiana religionis , nihil
me aliud respondere , nisi humilitatem , libe-
ret , etsi forte alia dicere necessitas cogeret .
 Hæc ille sapientissime .

Divo Augustino succinant ceteri Ecclesiæ
 Patres . S. Leo Magnus serm. 7. de Epi-
 phania ita scribit , *Humilitas est tota chri-*
stiana sapientia disciplina , tota victoria Sal-
vatoris , qua & Diabolum superavit , &
 mun-

mundum, humilitate est concepta, humilitate est confecta. S. Joan. Chrysostomus hom. 4. in Matth. *Humilitas sapientiae mater est, quam qui possiderit, cetera reliquarum virtutum membra procul dubio possidebit.* Cassianus Collat. 15. cap. 17. *Humilitas est omnium magistra virtutum, caelestis aedificii firmissimum fundamentum, donum proprium, atque magnificum Salvatoris.* Atque ut ceteris mittam, S. Bernardus lib. 5. de Consid. cap. 14. *Virtutum bonum quoddam, et stabile fundamentum est humilitas. Nampe si nutes illa, virtutum aggregatio non nisi ruina est.*

At enimvero quis est inter Christianos Scripturarum, maximeque Christi Domini seraculis eruditus, qui humilitatis excellentiam, ac necessitatem non agnoscat, non praedicet, non commendet? Sed quam multi sunt, qui genuinam humilitatis notionem prorsus ignorant. Nam ferme omnes sterili quadam humilitatis cognitione contenti, quae potior est, & in affectu maxime posita, humilitatem nullatenus curant. Hos ita redarguit, atque intruit S. Bernardus Abbas *serm. 42. in Cant. de clarens, quoniam si vera humilitas, quae nobis praecipitur, & ad salutem nobis necessaria est.* „ Est humilitas, inquit, „ quam nobis veritas parit, & non habet „ calorem: & est humilitas, quam charitas format, & inflammatur: atque haec „ quidem in affectu: illa in cognitione „ consistit. Etenim tu, si temetipsum in „ tus ad lumen veritatis, & sine distinctione „ latine inspicias, & sine palpatione di „ ju licet, non dubito quin humilioris „ tu in oculis tuis factus vilior tibi ex hac „ vera cognitione tui, quamvis nedom „ fortasse patiaris in oculis aliorum. Eni „ igitur humilis, sed opere inferiori veritatis, & mihi ne adhuc de amoris infusione. Nam si veritatis ipsius, quae te „ tibi veraciter, atque salubriter demon-

„ stravit, sicut splendore illuminatus, ita „ affectus amore fuisses; voluisses procul „ dubio, quod in te est eamdem de te „ omnes tenere sententiam, quam ipsam „ apud te veritatem habere cognoscis: „ sane, quod in te est, dixerim, quoniam „ plerumque non expedit innotescere omnibus omnia, quae noscimus de nobis, „ atque ipsa veritatis charitate, & charitatis veritate veritatem palam fieri velle, „ quod noceat agnoscanti. Alioquin si privato amore tui tentus, detines paciter „ intra te iudicium veritatis inclusum, „ cui dubium est, minus te veritatem diligere, cui proprium praefers vel commodum, vel honorem? Vides igitur non „ esse idipsum, hominem de seipso non „ altum jam sapere veritatis lumine redargutum, & humilibus sponte consentiente, munere charitatis adjutum: illud enim necessitatis est, hoc voluntatis. „ Christus semetipsum exinanivit, formam „ servi accipiens, & formam humilitatis traxit. Ipse se exinanivit, ipse se humiliavit, non necessitate iudicii, sed „ nostri charitatis. Time Deum, & noli „ hanc rem pessimam facere, ut quem „ humiliat veritas, extollat voluntas. „ Hoc enim resistere est veritati. hoc pugitare contra Deum. Magis autem acquiesce Deo, & sit voluntas subdita veritati, nec tantum subdita, sed & „ devota. Nunc Deo, inquit, subdita „ erit anima mea? At parum est esse „ subditum Deo, nisi sis & omni humilioris creaturae propter Deum. „ Haec paucis complexus est Doctor Anglicus S. Thomas 2. 2. q. 161. art. 2 inquit: „ Cognitionis proprii defectus pertinet ad humilitatem, sicut regula quadam directiva appetitus: sed in ipso appetitu consistit humilitas essentialiter. Si utcumque itaque cognitioni propriorum defectuum, sed magis ut leamus amoris humilitatis, ut similes efficiamus

mus

mur Magistro, & Salvatori nostro dicenti:
*Discede a me, quia mitis sum, & humilis
corde: illudque primum amplissimum af-
sequamur, quod vere humilibus reprobis.*

CAPUT III.

*De Avaritia, ac vitio, quae ex ea
prodeunt.*

DOCTRINA.

- I. Quid sit, & in qua consistat avaritia se-
cundum capitale peccatum.
- II. Avaritia duplici virtuti opponitur, iusti-
tiae nempe, & liberalitati.
- III. Prout opponitur iustitiae, ex genere suo
peccatum lethale est. Non autem prout
opponitur liberalitati, licet lethale sa-
pe fiat ex nimia divitiarum affectu.
- IV. S. Thomae doctrina de hoc immoderata di-
vitiarum affectu pluribus confirmatur.
- V. Quid ex hac doctrina consequatur.
- VI. Vitia, quae ex avaritia praeveniunt, recen-
sentur, & explicantur; ac primum de
proditiōe.
- VII. Regula plures pro dignoscenda gravitate
proditiōis.
- VIII. Nudum amica, sed etiam hosti data
fides servanda est.
- IX. Quando nefas est arcana commissi reve-
lare.
- X. Proditionis crimen incurrit, qui alienas
litteras aperit, aut resignat.
- XI. Exemptiones regule generalis.
- XII. De tribus aliis avaritiae filiis, frau-
de fallacia, & perjurio definitiones.
- XIII. De curia avaritiae fabula, nempe in-
quietudine, seu nimia sollicitudine re-
rum temporalium.
- XIV. Secta avaritiae proles, scilicet violentia
exponitur, & quando lethale pecca-
tum sit, determinatur.
- XV. Plures alii casus, in quibus non nisi cum
gravi peccato fieri contingit.
- XVI. Alii casus violentiae lethaliter culpabi-
litatuzai Theol. Mor. T. II.

lis afferuntur.

- XVII. Violentia lethalis rei sunt parentes,
qui filius, aut filia vel ab iniuncta reli-
giosa suscipienda retrahunt, vel ad il-
lud suscipiendam cogunt.
- XVIII. De postrema avaritia prole, scilicet
de oblatione contra misericordiam.
- XIX. Quoties hac lethale peccatum sit.
- XX. De vitio avaritiae simul, & liberalita-
ti appposito, nimirum prodigalitate.
Natio ejusdem, & quatuor ad lethalis
peccati gravitatem pertingit.

§. I.

Avaritia notio, & peccati gravitas.

- I. **A**LTERUM capitale peccatum avari-
tia est, quam etiam radicem pec-
catotum omnium statuit S. Thomas ex par-
te executionis, quemadmodum ex parte in-
tentantis, seu finis est superbia. Avaritia
namque, ut ait 1. 2. q. 81. art. 2. Est
primum id, quod praebet opportunitatem adim-
plendi omnia desideria peccati, quod habet
rationem radicis: Ea quod, ut ait art. 1.
at habenda quaecunque temporalis bona po-
test homo per pecuniam juvari, secundum illud,
Pecuniae obediunt omnia.

Duas avaritiae definitiones affert S. Do-
ctor 2. 2. q. 118. quae in idem tamen re-
cidunt: nempe art. 1. avaritia est immo-
deratus amor habendi; & art. 4. inordinatus
amor divitiarum. Itaque manifesta est, &
ex ea satis constat, ideo avaritiam pecca-
tum esse, non quia habendi, aut divitiarum
amor seipso malus sit, sed quatenus
inordinatus est: Bonum quippe consistit in de-
bita mensura, a quoque necesse est, quod per
excessum, vel diminutionem illius mensura
malum proveniat. Quod contingit, dum
homo supra debitum modum vult acquirere
divitias, vel retinere, in quo avaritia sita
est.

Haec immoderatio habendi, sive divitiarum
X x

ram dupliciter considerari potest ex eodem S. Thoma ad 2. „ Uno modo immediate, „ quantum ad acceptionem, vel conser- „ vationem ipsarum, ut scilicet homo plus „ debito eas acquirat, vel conservet : & „ secundum hoc est *directus peccatum in pro-* „ *ximum* : quia in exterioribus divitiis non „ potest unus homo superabundare, nisi „ alteri deficiat : quia bona temporalia „ non possunt simul possideri a multis „ Alio modo potest importare immoderan- „ tiam circa interiores affectiones, quas „ quis ad divitias habet, puta quod im- „ moderate aliquis divitias amet, aut de- „ sideret, aut delectetur in eis. Et sic „ avaritia est peccatum hominis, quia per „ hoc deordinatur ejus affectus, licet non „ deordinetur corpus, sicut per vitia car- „ nalia. Ex consequenti autem est pecca- „ tum in Deum, sicut & omnia peccata „ mortalia : in quantum homo propter bo- „ num temporale contemnit aeternum “.

II. Duplici virtuti opponitur, aut op- „ poni potest peccatum avaritiae : nempe *ju-* „ *stitia*, cum scilicet aliquis ex nimio, & „ immoderato amore habendi, sive divitia- „ rum bona acquirat, sive furto, sive rapina, „ sive usura, aut concussionibus, aliis- „ que modis hujusce generis, quibus jus „ proximi laeditur. Praecipue vero opponitur „ virtuti *liberalitatis*, prout scilicet immoderantiam importat circa interiorem affec- „ tum divitiarum, puta, inquit S. Thomas „ art. 3. *cum quis nimis amat, vel desiderat* „ *divitias, aut nimis delectatur in eis, etiamsi* „ *nolit rapere aliena*. Liberalitas namque „ moderatur hujusmodi affectionem, illud- „ que efficit, ut homo propter inordinatum „ affectum ad pecuniam, non impediatur a „ *quoque debito usu ejusdem*, usu videli- „ cet, qui pertinet vel ad seipsum in sum- „ ptibus, & expensis, vel ad alios in con- „ gruis donationibus.

III. At num semper avaritia peccatum

letale est ? Quaestionem resolvit S. Thoma art. 4. ex his, quae praedocuerat : si enim avaritia sumatur, prout *justitiae* op- „ ponitur, *ex genere suo* peccatum esse le- „ thale extra dubium est : Sic enim ad avari- „ tiam pertinet, quod aliquis injuste accipiat, „ vel retineat res alienas, quod pertinet ad rapinam, vel furtum, quae sunt peccata mor- „ talia, quamquam propter alius imperfectionem contingat in hoc genere avaritiam ali- „ quid esse peccatum veniale.

Quod si avaritia accipitur prout op- „ ponitur *liberalitati*, ut solum importat inor- „ dinatum affectum erga divitias : si tantum „ crescat divitiarum amor, quod praestat *u-* „ *beritati*, ut scilicet propter amorem divitia- „ rum aliquis non vereatur *facere contra amorem* „ *Dei, & proximi*, sic avaritia erit peccatum „ mortale. Si autem inordinatio amoris intra „ hoc sistat, ut scilicet homo, quatenus super- „ flue divitias amet, non tamen praefert ea- „ rum amorem amori divitiae, ut si propter „ divitias non velit aliquid facere contra Deum, „ & proximum ; sic avaritia est peccatum veniale. Quibus consentanea sunt quae habet „ q. 13. de Malo art. 2. *Si tantus sit amor,* „ *& desiderium bonorum temporalium, quod in* „ *eis finis constituitur, avaritia semper erit* „ *mortale peccatum*. Converti enim ad bonum „ creatum, sicut ad finem, facit aversionem „ ab incommutabili bono, quod debet esse ulti- „ mus finis.

IV. Solida haec S. Thomae doctrina tota „ attentione perpendenda est, ac juxta eam „ intelligenda, quae habentur in Sacris lit- „ teris, & Ecclesiae Patribus. Sic e. gr. di- „ ctum illud Eccles. *Avaro nihil sceleris*. Sic Isaiae cap. 5. *Ve qui conjungitis domum* „ *ad domum, & agrum agro copulatis, usque* „ *ad terminum loci. Numquid habitabitis vos* „ *soli in medio terra?* Sic illud apud Ezech. „ cap. 22. *Principes ejus in medio ejus, quasi* „ *lupi rapientes praedam ad effundendum sangui-* „ *nem, & avertens luto sessanda*. Sic etiam

Ap-

Apostolus 1. ad Corinth. cap. 6. avaritiam inter peccata enumerat, quæ excludunt homines a regno Dei, dicens: *Nolite errare, neque fornicarii, neque idolis servientes, neque adulteri. . . neque fures, neque avari esse. regnum Dei possidebunt*: ubi expresse discernit avaritiam a furto, aliisque vitiis a regno Dei excludentibus, eamque iis acenſet.

Sed nihil expressius, meo facile iudicio, designat etiam solum immoderatum divitiarum affectum satis esse ad mortale peccatum, quo meretur homo pœnam æternam, quam illa Christi parabola apud Lucam cap. 12. hominibus eujdam divitiis, qui cum uberes fructus ex agro perciperet, cogitabat intra se dicens: *quid faciam, quia non habeo quo congregem fructus meos?* Et dixit: *hor faciam: destruam horrea mea, & majora faciam, & illic congregabo omnia, quæ nata sunt mihi: & dicam anime mee: anima, habes multa bona posita in annos plurimos. Requiesce, comede, bibe, apulare.* Dixit autem illi Deus: *stulte, hæc velle animam tuam repetunt a te: & quæ parasti, ejus erunt?* Sic est, qui sibi *thésaurizat, & non est in Deum dives*. „ Dives, „ ille aliena non querebat (inquit S. Augustinus serm. 178.) non de cuiusquam vicini agris, non limite perturbato, non spoliato paupere, non circumventio simplice, sed tantummodo de suis colligendis cogitavit. Nihilominus *stultum* cum Dominus vocavit, & ut *stultum* increpavit: ait enim illi Dominus: *stulte, ubi tibi sapiens videris, ibi stulte.* Stulte, inquit, hæc nocte repetam a te animam: hæc quæ præparasti, cuius erunt? Si servaveris, tua non erunt: si erogaveris, ius erunt. . . . Etsi increpatus, ut *stultus* male recondens. Si *stultus* est, qui recondit sua, vos invenite nomen ei, qui tollit aliena. . . . Fortassis alii, quis respondeat, & dicat: non valte magna pœna erat illi homini, cui dicit

„ Deus, *stulte*. Non sic dicit Deus, *stulte*, quomodo homo dicit. Tale in quemquam Dei verbum, iudicium est. Nunc quid enim Deus *stultis* daturus est regnum cœlorum? Quibus autem non est daturus regnum cœlorum, quid eis restat, nisi pœna gehennarum?

V. Ex his inferre necessum est lethale peccatum esse novas, & novas opes indefinenter congregare, & insatiabili cupiditate magis incubare divitiis temporalibus amplificandis, quam spiritualibus, & æternis per elemosynas, aliaque pia opera comparandis. Hinc Apostolus 1. Tim. cap. 6. fideles monet, *Habent alimenta, & quibus tegamur, his contenti sumus. Nunc qui volunt divites fieri, incidunt in tentationem, & laqueum diaboli, & desideria multa inutilia, & nociva, quæ mergunt homines in interitum, & perditionem.* Rex enim omnium malorum est cupiditas, quam quidam appetentes erraverunt a fide. Quod exemplo plurimorum, qui tempore persecutionis in Christianos ferventis lapsi sunt, probat, ac luet S. Cyprianus Martyr in lib. de lapsis. Ipsi namque, ait, decipit patrimonii sui amor cœcus, nec ad recedendum parati, aut expediti esse poterant, quos scelerates sue velut compedes ligaverant. . . . Quomodo calum petuit, & ad sublimia, & alta contendit, qui terrenis cupiditatibus gravantur? Possidere se credunt, qui potius possidentur, census servi, nec ad pecuniam suam domini, sed magis pecunia manipati. At pericula itaque hæc devitanda oportet, ut afflictionem habendi moderemur, nec terrenis divitiis inbareamus.

§. II.

De vitiis, siue peccatis, quæ ex avaritia consequuntur.

Ex avaritia plura oriri vitia, & peccata dubitandum non est, & aliqua horum jam
X x 2

geti-

tetligimus. Præcipua recenset S. Thomas art. 8. eaque sunt *proditio, fraud, fallacia, perjurium, inquietudo, violentia, & contra misericordiam obduratio*: de his, aut potius de horum quibudam pauca adnotare hic sufficiat.

De Proditione.

Proditio est manifestatio illicita rei alienæ, vel persone in detrimentum proximi contra fidem ipsi debitam. Peccatum mortale est ex genere suo, & quadrupliciter contingit: primo prodendo personam, quomodo Judas Christum ex avaritia prodidit; 2. prodendo loca, e. g. urbem, castrum &c. 3. prodendo res mobiles, puta pecuniam, aurum &c. 4. prodendo secreta sibi commissa, aut ex jure naturæ celanda, v. g. litteras alterius alienis deferendo aut manifestando. De hac quasdam regulas subijcio, ut innotescat quandonam peccatum lethale sit, & quando nullum, aut leve tantum peccatum est.

VII. *Prima* itaque regula sit: Proditio lethale peccatum est, quoties aliquis vel simulata specie amicitie aliquem in manus hostium tradit, aut factum aliquod manifestat, ex quo grave proximo damnum indebite causatur. Sic grave peccatum fuit Dalila meretricis proditio, dum Samsone in sinu suo recumbentem, abrahis crinibus, viribus destitutum in manus Philistæorum tradidit, a quibus pecuniam acceperat. Sic Doegus proditionis delictum commisit Sauli manifestans Davidem ab Achimeleco domi receptum. Sic Joabus occurrens Amasæ regii exercitus duci specie amicitie interfecit ipsum. Sic jam memoratus Judas osculando Christum Dominum inimicis tradidit.

Regula *secunda*: Lethalis criminis reus est quisquis arcem, aut urbem, aliumve locum, seu fidei suæ, seu alienæ commissum, & a legitimo Domino possessum,

hostibus tradit. Nam fides, & justitia hujusmodi proditione violantur, & grave nocumentum inferitur locorum Domino. Unde Concilium Andegavense can. 6. dedit: *Qui in tradendis, vel capiendis civitatibus interfuisse fuerint detestati, non solum a Communione habeantur alieni, sed ne conviviorum quidem admittantur esse participes.*

Regula *tertia*: Nedom minime peccat, sed etiam recte se gerit, qui, cum possit, perduelles tradit legitimo Principi, adversus quem conjurent, aut seditiosos, aut alios boni communis hostes manifestat. Hujus exemplum præter alia habetur in 2. Reg. cap. 20. in sapiente muliere de Abela, quæ Sebam filium Bochri rebellem adversus David, tradendum suasis Joab civitatem nomine Regis obfidenti.

VIII. Regula *quarta*: Lethalis proditio est, si quis in re gravi fidem, nedum amico, sed & hosti datam violat. Hanc regulam tradit S. Augustinus epist. 189. his verbis: *Fides quando promittitur, etiam hosti servanda est, contra quem bellum geritur, quanto magis amico pro quo pugnatur?* Et S. Thomas eandem regulam egregie probat, simulque docet, quid fas, aut nefas sit in hac materia sæpe occurrente 2. 2. q. 40. art. 3. ubi quaerit, *utrum sit licitum in bellis uti insidiis?* Sic ergo docet: „Insidiæ ordinantur ad fallendum hostes. „Dupliciter autem aliquis potest falli ex „facto, vel dicto alterius. Uno modo „ex eo, quod ei dicitur falsum, vel non „servatur promissum: & *istud semper est illicitum*. Et hoc modo nullus debet „hostes fallere. *Sunt enim quædam jura bellorum, & facta etiam inter ipsos hostes servanda*, ut Ambrosius dicit in lib. 1. de Offic. . . . Alio modo aliquis potest falli ex dicto, vel facto nostro, quia „ei propositum, aut intellectum non aperimus. Hæc autem semper facere non „tene-

„tenemur: quia etiam in doctrina sa-
 „cra multa sunt occultanda, maxime in-
 „fidelibus, ne ne irrideant &c. Unde
 „multo magis ea, quæ ad impugnandum
 „inimicis paramus, sunt eis occultanda.
 „Unde inter cætera documenta vel mili-
 „taris, hoc præcipue ponitur de occult-
 „tandis consiliis, ne ad hostes perveniant
 „&c. Et talis occultatio pertinet ad ratio-
 „nem insidiarum, quibus licitum est uti
 „in bellis iustis. Nec proprie huiusmodi
 „insidiæ vocantur fraudes, nec iustitiæ
 „repugnant, nec ordinatæ voluntati. Ef-
 „fet enim inordinata voluntas, si aliquis
 „veller nihil sibi ab aliis occultari“.

IX. Regula quinta: Quisquis arcanum,
 quod in alterius detrimentum vergit, ape-
 rit, aut vulgat, reus est peccati mortalis
proditionis. Id namque legi naturæ, fidei,
 amicitie, & iustitiæ repugnat. Unde Pro-
 verb. 12. dicitur: *Qui ambulat fraudulent-*
ter, revelat arcana: qui autem fidelis est,
celat amici commissum. Hinc Divus Tho-
 mas 2. 2. q. 68. art. 1. ad 3. ait genera-
 tim: *Revelare secreta in malum persona est*
contra fidelitatem.

Regula sexta: Proditio damnabilis non
 est, sed debita, prode arcana, quæ in
 damnum communicatis vergunt. Hec aperte
 traditur ab Angelico Præceptore loco
 laudato, ubi cum dixisset: *Revelare secre-*
ta in malum persona est contra fidelitatem,
 statim subdit: *Non autem si revelentur pro-*
pter bonum commune, quod semper præfere-
ndum est bono privato. Et ideo contra bonum
 commune nullum secretum licet suscipere. Id
 confirmat q. 70. art. 1. ad 2. postquam
 enim docuit nunquam esse revelanda, quæ
 in Sacramentali Confessione novimus, sub-
 jicit: „Circa vero ea, quæ aliter homini
 „sub secreto committuntur, distinguen-
 „dum est. Quandoque enim sunt talia,
 „quæ statim, cum ad notitiam hominis
 „venerint, homo ea manifestare tenetur,

„pura, si pertinet ad corruptionem mul-
 „titudinis spiritualem, vel corporalem,
 „vel in grave damnum alicujus personæ,
 „vel si quid aliud est huiusmodi, quod
 „aliquis propalare teneretur, vel testifican-
 „do, vel denunciando. Et contra hoc
 „debitum obligari non potest per secreti
 „commissum: quia in hoc frangeret fidem,
 „quam alteri debet. Quandoque vero
 „sunt talia, quæ quis prode non tenc-
 „tur. Unde potest obligari ad hoc, quod
 „sibi sub secreto committuntur: & tunc
 „nullo modo tenetur ea prode &c.“

X. Regula septima: Proditionis crimen
 incurrit, qui alienas litteras referat, aut
 resignat. Ita generatim hæc regula posita
 tamquam certa tenenda est: siquidem hæc
 litterarum referatio juri gentium contraria
 est, ac publicæ fidei adversatur. Cum
 enim quilibet jus habeat celandi cogita-
 tiones suas, & cui voluerit, patefacien-
 di; nullum jus habet alter cogitationes,
 & arcana consilia, vel negotia litteris
 commissa, & sigillo munita cognoscendi.
 Unde nedum injustæ curiositatis, sed etiam
 proditionis delictum incurrit, qui aperit
 aliorum litteras obfignatas, invidis Domi-
 nis.

Exceptio tamen duplex huic regulæ
 communi adhibenda est: ac prima quidem,
 dum certus quispiam moraliter est, res
 admodum leves in alienis litteris contine-
 ri: tunc enim non nisi leve peccatum com-
 mittit: nullum vero, si ejusmodi litteras
 vel in proprium, vel in tertii, ac præ-
 fertim communis damnum conscriptas
 esse, non temere, sed magna probabili-
 tate judicet. Publica etiam autoritate
 alienæ litteræ licite referantur, scilicet
 Regis, Præregis, Præfecti urbis, & pro-
 vinciæ, aut Ducis exercitus mandato tem-
 pore belli, jussu itidem Magistratum, cum
 ad eos scriptæ sunt, qui in alicujus cri-
 minis suspicionem veniant.

Alia

Alia exceptio est relate ad personas quidem privata, sed quæ aliquod jus, aut auctoritatem servant in inferiores. Quare licitum est Patri, ac Matri litteras aperire filiorum, ac filiarum, idemque iudicandum de iis, qui Patris, & Matris loco succedunt post ipsorum mortem. Item eadem potestate gaudet vir respectu uxoris suæ, cujus est caput. Unde in Concilio Illiberitano can. ultimo sancitum est, ne *famina sua potius quam maritorum nominibus, laici scribere audeant, qui fideles sunt, vel litteras alicujus pacificæ ad suum nomen scriptas accipiant*. Demum licet Superioribus religiosorum hominum, & Abbatibus, aut Prioribus Monialium, quibus litterarum scriptio, aut receptio juxta regulam, aut Constitutiones absque Superioris licentia interdita est, subditorum, aut subditæum litteras aperire, ac legere.

De Fraude, Fallacia, & Perjurio.

De tribus hisce avaritiæ siliabus pauca dicam, quoniam alibi superior sermo habendus est. *Fraus* definitur: *Astuta deceptio alterius in factis*. Ex genere suo peccatum morale est, & locum habet multiplicem in contractibus tam ratione materiæ, quam ratione prelii &c. de quibus in septimo decalogi præcepto.

Fallacia est *astuta deceptio alterius in verbo*, seu verborum mendacium, aut equivocorum dolosa usurpatio ad decipiendum proximum. De hac plura in octavo præcepto.

Perjurium est *ejusmodi verborum fallax usurpatio juramento firmata*. De hac præsertim in secundo. Hec vitia oriri maxime ex avaritia declarat S. Thomas q. 55. art. 8. inquit: „*Prudentia carnis, & astutia cum dolo, & fraude quantum similitudinem habet eum prudentia in aliquali usu rationis. Præcipue autem Inter alias virtutes morales usus rationis*

„*recte apparet in iustitia, quæ est in appetitu rationis. Et ideo usus rationis indebitus etiam in actione apparet in vitiis oppositis iustitiæ. Opponitur autem ipsi maxime avaritia. Et ideo prædicta vitia maxime ex avaritia oriuntur.*

De Inquietudine.

XIII. Inter vitia ex avaritia derivata ponitur quinto loco *inquietudo*, quæ definitur solet: *immoderata, & anxiosa mentis applicatio ad acquirendas, aut conservandas divitias*. Hanc inquietudinem, sive nimiam temporalium rerum sollicitudinem designavit, reprobavitque Christus Dominus, cum apud *Mattb. cap. 6.* dixit: „*Non potestis Deo servire, & mammonæ. Ideo dico vobis, ne solliciti sitis animæ vestræ, quid manducetis, neque corpori vestro quid induamini. Nonne anima plus est, quam esca, & corpus, plusquam vestimentum? Respiciat latitudo cæli &c. Nonne vos magis plaris estis illis? Et de vestimento quid solliciti estis? Considerate lilia agri &c. Nolite ergo solliciti esse licentes, quid manducabimus, aut qui bibemus, aut quo operiemur. Hec enim omnia gentes inquirunt &c. Querite ergo primum regnum Dei, & iustitiam eius, & hæc omnia a seicientur vobis*“. Super quem textum hæc habet S. Augustinus *lib. 2. de serm. Domini in monte cap. 16. 17.* Quid inquit inter horum quod appetendum est, & necessarium, quod fumentum est, hæc sententia declaravit. Regnum ergo, & iustitia Dei bonum nostrum est: & hoc appetendum, & ibi visus constitutus, propter quod omnia faciamus, quæcumque facimus. Sed qui in hac vita militamus, ut ad illud regnum pervenire possimus, quæ via sine his necessariis agi non potest, appetuntur vobis hæc, inquit: *sed vos regnum Dei, & ju-*

„ & *justitiam ejus primum querite*. Cum enim dixit illud *primum*, significavit, quia hoc posterius querendum est, non tempore, sed dignitate: illud tamquam bonum nostrum: istud tamquam necessarium nostrum, necessarium autem “ &c. Qui ergo, sicut avari solent, hoc secundum, bona scilicet temporalia, primum querunt, qui nempe finem ultimum in his rebus, quæ non primum querendæ sunt, constituunt, qui se ita curls terrenis immergunt, ut negligant *regnum Dei*, & *justitiam ejus*, hi proculdubio rei evadunt lethalis peccati, divinique præcepti transgressores.

De Violentiâ.

XI. Sexta avaritiæ deterrima proles violentiæ est, quæ definiti potest rei *diane per vim usurpatio*. Hujus delicti ex suo genere profecto lethalis rei in primis sunt divites, qui pauperes opprimunt rapinis, oneribus, injustis vestigalibus, injuriis &c. Hi siquidem leges palam infringunt justitiæ, charitatis, immo humanitatis, quam natura ipsa nos docet, ac ad alios juvandos, veluti corporis ejusdem membra, impellit. De hoc flagitio sermo sæpe est in Scriptura, maxime in Prophetis, qui illud summopere execrantur, dignumque peculiari pœna pronunciant. Unum illud satis sit, quod legitur Amos cap. 8. : „ Audite hoc „ qui conteritis pauperem, & deficere facitis egenos terræ dicentes: quando transibit messis, & venundabimus merces: „ & sabbatum, & aperiemus frumentum, „ ut imminuamus mensuram, & augeamus solum, & supponamus sateras dolosas, „ ut pessideamus in argento egenes, & „ pauperes pro calcamentis, & quisquiliis frumenti vendamus? Juravit Dominus in superbiâ Jacob: si oblitus fuero usque ad finem omnia opera eorum “ .

a. Lethalis violentiæ culpa gravantur

quicumque indictionis publicæ, tributa, seu, ut vocant, *tallias* imponunt facultatum proportionem minime servata, & pauperum onera aggravant, ut ditiores sublevent, aut ipsi præstationes suas minuant. Quemadmodum etiam nobiles, qui ex agris indictiones, seu *tallias* non solvunt, quoties communes sunt, ac solvere tenentur. Ex hoc enim consequitur, ut hujusmodi onera Consules, aut Communitates oppidorum in cæteros incolas refundere coguntur. Adversus hujusmodi crimen zelum suum acuit Salvanus lib. 5. de *Gubernat. Dei*, inquit: „ Illud indignius, ac pœnalis, quod omnium onus non omnes sustineant: immo quod pauperulos homines tributa divitum premunt, & firmiores ferunt sarcinas fortiorum. Nec alia causa est, quod sustinere non possunt, nisi quia major est miserorum sarcina, quam facultas. Res diversissimæ, dissimilissimæque patiuntur, invidiam, & egestatem. Invidia est enim in solutione, egestas in facultate. Quis existimare reor, hujus iniquitatis potest? solutionem sustinent divitum, & indigentiam mendicorum. Plus multo est, quod dicitur sum. Adjunctiones tributarias ipsi interdum divites faciunt, pro quibus pauperes solvunt. . . . Veniunt plerumque novi Nuncii, novi Epistolarii a summis Potestatibus missi, qui commendantur illustribus paucis ad exitia plurimorum, decernuntque his nova munera, decernuntur novæ indictiones. Decernunt potentes, quod solvant pauperes: decernit gratia divitum, quod perditur turba miserorum. Ipsi enim in nullo sentiant, quod decernunt “ .

XV. Peccatum lethale est violentia, quæ adhibetur in tributorum impositione, & remissione, dum æque non sit omnibus spectatis locorum, & hominum facultatibus, & oneribus, De hoc immanis flagitii

tio ita Salvianus idem loco citatos: „Sicut
 „ sunt in aggravatione pauperes primi;
 „ ita in relevatione postemi. Si quando
 „ enim defectus urbibus minuendas in ali-
 „ quo tributarias functiones Potestates sum-
 „ mæ existimaverint, illico remedium cun-
 „ ctis datum soli inter se divites partiun-
 „ tur. Quis tunc pauperum meminit?
 „ Quis ad communionem beneficii humiles,
 „ & egenos vocat? Quis eum, qui pri-
 „ mus est semper in sarcina: vel ultimo
 „ loco esse patitur in medela? Et quid
 „ plura? Tributarii omnino pauperes non
 „ putantur, nisi cum his tributui cumulus
 „ imponitur. Extra numerum autem tri-
 „ butariorum sunt, cum remedia divi-
 „ dentur. Et putamus, quod poena divine
 „ severitatis indigni sumus; aut credimus,
 „ cum iniqui nos jugiter simus, quod Deus
 „ iustus in nos omnino esse non debeat.“

Allud lethalis violentie scelus idem Au-
 thor deferibit, ac damnat eodem loco,
 Magnatum nempe divitum, ac potentum
 quorumcumque hominum, qui pauperibus
 patrociniis suum vendunt, & ab eis mu-
 nera, obsequia, & servitutes indebitas,
 & operas exigunt, prætextu clientelæ, &
 vexationes majores redimere cogunt mino-
 rum vexationum tolerantia. Tradunt se,
 „ ait ille, pauperes ad tuendum, prote-
 „ gentumque Majoribus, dedititios se di-
 „ vitum faciunt, & quasi in jus eorum,
 „ ditionemque transseant. Nec tamen
 „ grave hoc, aut indignum arbitraretur:
 „ immo potius gratularer hanc Potentium
 „ magnitudinem, si patrociniis ista non
 „ venderent, si quod se dicunt humiles
 „ defendere, humanitati tribuerent, non
 „ cupiditati. Illud grave, ac peracerbum
 „ est, quod hæc lege rueri pauperes vi-
 „ dentur, ut spoliaretur: hæc lege defen-
 „ dunt miseros, ut miserrimos faciant de-
 „ fendendo. Omnes enim hi, qui defen-
 „ di videntur, defensoribus suis omnem

„ fere substantiam suam, prius quam de-
 „ fenduntur, addunt, ac sic, ut patres
 „ habeant defensionem, perdunt filii hæ-
 „ reditatem. Ecce quæ sunt auxilia, ac
 „ patrociniis Majorum. Nihil susceptis tri-
 „ buunt, sed sibi. Hoc enim pauper ali-
 „ quid parentibus temporarie attribuitur,
 „ ut in futuro totum filiis auferatur. Ven-
 „ dunt itaque, & quidem gravissimo pre-
 „ tio. Et urinam venderent usitato more,
 „ atque communi! Aliquid forsitan rema-
 „ neret emptoribus. Novum quippe hoc
 „ genus ventilationis, & emptionis est.
 „ Venditor nihil tradit, & totum accipit.
 „ Emptor nihil accipit, & totum penitus
 „ amittit. . . . Quis æstimare hoc malum
 „ possit? Rebus eorum incubant pervaso-
 „ res, & tributa miseri pervasoribus sol-
 „ vunt. Post mortem patris nati obsequiis
 „ juris sui agellos non habent, & agrorum
 „ munere enecantur: ac per hoc nihil
 „ sceleribus rantis agitur, nisi ut qui pri-
 „ vata persuasionem nudati sunt, publica
 „ afflictione moriantur &c.“

XVI. Ad culpam violentie lethalem re-
 fertur ea, qua nobiles, aut Magnates pau-
 peribus suas domos, aut agros adimunt,
 aut vendere cogunt, etiam iusto pretio.
 Quod primum attinet, res nimium mani-
 festa est, illiusque maledictione ferit Pro-
 pheta Micheas dicent cap. 2. : *Pa qui co-
 gitatis inutile, & operamini malum in cubi-
 libus vestris. . . . Et concupierunt agros, &
 violenter tulerunt, & rapuerunt domos &c.*
 Et Proverb. 23. legimus: *Nō attingas par-
 ventorum terminos, & agrum pusillum nō
 introas. Propterea enim illorum fortis est,
 & ipse iudicabit contra te causam suam.*

Quoad alteram partem spectat, ex hi-
 storia Aehabi apertissime colligitur, qui
 Nabathis vineam concupiscens hortis suis
 amplificandis opportunam, ipsum ergere
 voluit, ut eam venderet iusto pretio,
 cumque ille negasset, quia vendere noler-
 bar

bat hereditatem Patrum suorum, illum impia Jezabel calumniis oppressit. Ex quo facto sic differit S. Ambrosius lib. de Nabat cap. 9. *Utinam non appropere rapinam: utinam, quod concupieris, non extorques; utinam alienum non petas, negatum pratermittas, excusatum patienter seras, non audias illam Jezabel, quæ est avaritia, quodam profusio vanitatis dicentem: ego tibi dabo possessionem, quam desideras &c. Quid enim in illa his ria, nisi divitum avaritia deferbitur? hæc est Jezabel non una, sed multiplex, non unius temporis, sed temporum plurimorum &c.*

Item confirmat S. Joann. Chrysost. hom. 87. in Matth., inquires: „Noli dicere quid est, si rem proximi desiderabo? Hoc enim Achab Regem perdidit. Nam quamvis pretium dederit, veruntamen quia a nolente accepit, pœnas luit. Emptor enim non cogere, sed persuadere debet. Quod si vero æquum pretium persolvens tanto supplicio affectus est; qui nullo pretio dato aliena rapit, præsertim cum gratiæ documentis sit roboratus, quam punitionem non meretur“.

Lethalis item violentiæ rei sunt juxta S. Augustinum serm. 1., alias 15. de diversis, qui proximo de usu luminis in domibus suis lites injustas intentant, easque demoliri cogunt. „Plerumque, ait, homines de usu solis, & luminis in ædificiis suis lites injustissimas concitant, & ut fenestris suis radii liberiores aliquanto largius infundantur, domos alienas dejicere sæpe moliantur, & eæ, qui contradixerint, etiamsi jure certissimo contradicant, inimicitiis acerbissimis insectantur. Si quem igitur infirmorum potentior aliquis injuste, ac nefarie propter utrum solis oppresserit, diripuerit, in exilium etiam, mortemque compulerit, solis est crimen, quo ille abundantius uti desiderat, an potius male utentis iniquitas, qui dum

Patuazi Theol. Mor. T. II.

„cupit corporis oculis temporale lumen largius acquirere, cubiculum cordis luci non aperit æquitas“?

Eodem lethalis violentiæ peccato implicantur divites, qui suis opibus, aut auctoritate freti, pauperes ad judicium tribunalia petraliunt, corruptique vel pecunia, vel favore judicibus opprimunt, aut lites pauperibus intentatas malis artibus ita pertrahunt, ut ab iis continuandis omnino desistere compellantur. Hæc iniquitas satis aperta est, ad eamque amplius declarandam sanctissimi Jobi textum asseram cum S. Gregorii Magni commentario.

Sic itaque testatur ille cap. 31. *Si contempsisti subire judicium cum servo meo, & ancilla mea, cum disceptarent adversum me. Quid enim faciam, cum surrexerit ad judicandum Deus &c. ? Quem locum Magnus Pontifex exponens, ait: „Quis digne considerare valeat hujus viri tam sublimia virtutum moderamina? In quo tanta est auctoritas regiminis, ut ad silentium restringantur Duces; tanta humilitas cordis, ut ex æquo ad judicium venire permittantur ancille. Ex quo apparet miro modo in potestate Principibus potentior, in certamine servis æqualis: in cœtu Principum memor regiminis, in certamine famulorum memor conditionis. Si se quippe sub vero Domino famulam conspicit, ideoque cordis astitudine se super famulos non extollit. Qui vengurum justicem cogitat, indefinenter quotidianie rationum suarum in melius causas parat: quia dum æternum Dominum tremore cordis intuetur, jura temporalis domini super subiectos moderari compellitur. . . . Unde Beatus Job, quia ejus judicium, qui super omnia est, metuit, hic ad temporale judicium famulis æqualis venit. Qui ut semper eorum in humilitate deprimat, nequaquam iis iisdem famulis conspicit, quod sibi stat*
Y y „tus“

„tus est dispar, sed quod natura commu-
 „nis &c. “ Hæc perpendere serio debe-
 „rent Magnates, ac Principes, dum de con-
 „troverſiſ cum inferioribus diſceptant, &
 „imitari ſanctiſſimum virum, qui in hiſce
 „rebus nullam ſuæ poteſtatis rationem ha-
 „bebat, ſed quod ſibi, & famulis ſuis con-
 „gruum, & juſtum erat, æqualiter tribuebat.

Ne longior ſim, & quæ ad alios Tra-
 „ſatus ſeyocantur, huc aſſeram, tria alia
 „tantum violentiæ lethalis peccata, quæ ſæ-
 „pius occurrunt, designare non omittam.
 „Prius eſt violentia Magnatum, ac Nobilium
 „relate ad matrimonium: ad quod ſcilicet
 „ſubditos ſuos, vel alios, prout ipſi lubet,
 „cogere volunt, aut ab ipſo libere contra-
 „hendo directe, vel indirecte deterrent.
 „Nam huiusmodi violentia juri naturali ad-
 „verſatur, quod Matrimonii libertatem vin-
 „dicat: eamque ſacri canones ſub pœna
 „excommunicationis interdiciunt, ut patet
 „ex Can. Nullus cœuſa 2. 36. q. 2., & ex
 „Concilio Aurelianenſi IV. Can. 22. Hoc
 „violentia genus peculiari decreto vetuit
 „Synodus Tridentina ſeſſ. 22. de Reform.
 „cap. 9. hiſ verbis. „Ita plerumque tem-
 „poralium Dominorum, & Miſtratum
 „mentis oculos terreni affectus, atque
 „cupiditates excæcant, ut viros, & mu-
 „lieres ſub eorum juriſdictione degentes,
 „maxime divites, vel ſpem magnæ hæ-
 „reditatis habentes, minis, & pœnis ad-
 „gant, cum iis matrimonia invito con-
 „trahere, quos ipſi Domini, vel Magi-
 „ſtratus illi præſcripſerint. Quare cum
 „maxime nefarium ſit matrimonii liber-
 „tatem violare, & ab eis injurias naſci,
 „a quibus jura expectantur; præcipit S.
 „Synodus omnibus cuiuſcumque gradus,
 „dignitatis, & conditionis exiſtant, ſub
 „anathematis pœna, quam ipſo facto in-
 „currant, ne quovis modo, directe, vel
 „indirecte ſubditos ſuos, vel quocumque
 „alios cogant, quo minus libere matrimo-
 „nia contrahant “.

Violentia alia non minus lethalis ſpectat
 „parentes, qui liberos ſuos ad vitam Mona-
 „ſticam, aut Religioſam ſuſcipiendam ad-
 „hibita vi, vel incuſſo metu compellunt:
 „libertatem quippe ipſi adimunt, in quam
 „jux nullum habent, præſertim cum agitur
 „de vitæ ſtatu deligendo. In quo ad mortem
 „uſque perſeverandum eſt. Huiusmodi vio-
 „lentiam damnarunt Sancti Patres ac nuper-
 „rime damnavit Concilium Tridentinum, dum
 „ſeſſ. 25. de Regularibus, & Monialibus cap.
 „12. 1., anathemati ſubjicit omnes, & ſingu-
 „las perſonas, cuiuſcumque qualitatis, vel
 „conditionis fuerint, tam clericos, quam
 „laicos, ſæculares, vel regulares, atque
 „etiam qualibet dignitate fulgentes, ſi quo-
 „modocumque coegerint aliquam virginem,
 „vel viduam, aut aliam mulierem invitam,
 „præterquam in caſibus a jure expreſſis, ad
 „ingrediendum Monasterium, vel ad ſuſci-
 „piendum habitum cuiuſcumque religionis,
 „vel ad emittendam profeſſionem: qui-
 „que conſilium, auxilium, vel favorem
 „dederint, quique ſcientes eam non ſpon-
 „te ingredi Monasterium, aut habitum
 „ſuſcipere, aut profeſſionem emittere,
 „quoquo modo eidem aſtui vel præſen-
 „tiam, vel conſenſum, vel authoritatem
 „interpoſuerint “.

XVII. At non minus e contra peccato
 „lethalis violentiæ obſtringuntur, qui ab
 „habitu religionis ſuſcipiendo, vel ſolem-
 „nibus votis nuncupandis, citra juſtam cau-
 „ſam aliquem impediunt. Hæc etiam regula
 „Sacrorum Canonum, & Concilli Tridentini
 „authoritate ſtatuitur; qui huiusmodi vio-
 „lentia reos excommunicatione percellunt.
 „Ita imprimis ſtatuit Toletanum Concilium
 „3. Can. 10. hiſ verbis: „Pro conſultu Ca-
 „ſitatis hoc ſanctum affirmat Concilium,
 „ut vidæ, quibus placenti tenere ca-
 „ſitatem, nulla vi ad nuptias iterandas
 „venire cogantur. Quod ſi priuſquam pro-
 „ſiteantur continentiam, nubere elege-
 „rint,

„ rine, illis nubant, quæ propria volun-
 „ tate elegerint habere maritos. Similia
 „ conditio & de virginibus habeatur, ne
 „ citra voluntatem parentum, vel suam
 „ cogantur matres accipere. Si quis vero
 „ propositum castitatis viduæ, vel virginis
 „ impedierit, a sancta Communione, & a
 „ liminibus Ecclesiæ habeatur extraneus“.

Et Can. Puella causa 20. q. 1. statutum
 est, ut puellam, vel adolescentem, ætate
 religiose professionis legitima, quæ olim
 duodecim annorum erat, ex hodierna vero
 disciplina sedecim, parentes, vel tutores
 a religiosa professione impedire iure non
 possunt. „ Puella, inquit, si ante duo-
 „ decim annos ætatis sponte sua sacrum
 „ sibi velamen assumpserit, possunt statim
 „ parentes, vel tutores id factum irritum
 „ facere, si voluerint. At si annum, & diem
 „ id dissimulando consenserint, ulterius
 „ nec ipsi, ne ipsa mutare hoc poterunt.
 „ Si vero in fortiori ætate adolescentula,
 „ vel adolescens servitæ Deo elegerit, non
 „ est potestas parentum prohibendi“.

Denique Concilium Tridentinum loco
 laudato, anathemate fecit eos, qui san-
 cturum virginum, vel aliarum mulierum
 voluntatem veli accipiendi, vel voti emi-
 tendi quoquo modo, sine iusta causa im-
 pedierint.

De Obduratione contra misericordiam.

XVIII. Hæc est postrema inter septem,
 quæ a S. Thoma assignantur, avaritiæ
 proles: & definiri potest: *Vitium, quo cor*
avari adeo tenaciter rebus suis temporalibus
affixum est, ut miseris pauperum non emollian-
tur ad eorum inopiam sublevandam. Quoniam
 de præcepto charitatis proximi alibi op-
 portunitus agendum est, ideo quædam so-
 lum, quæ immanitatem ostendunt huius vitii
 ex avaritiæ prodeuntis, hic afferam. Ita-
 que.

XIX. In primis lethalis obdurationis con-

tra misericordiam rei sunt, qui rem pau-
 perum usibus necessariam ab illis in pignus
 accipiunt, ac diu retinent. Hæc obduratio
 præcepto edito Deuteronomio. cap. 24. gravibus
 hisce verbis prohibetur. „ Non accipies loco
 „ pignoris infertorem, & superiorem me-
 „ lam: quia animam suam opposuit tibi
 „ &c. Cum repes a proximo tuo rem ali-
 „ quam, quam debet tibi, non ingredieris
 „ domum ejus, ut pignus auferas: sed
 „ stabis foris, & ille tibi proferet, quod
 „ habuerit. Sin suum pauper est, non
 „ pernoctabit apud te pignus, sed statim
 „ reddes ei ante solis occasum &c. Nec
 „ auferes pignoris loco viduæ vestimen-
 „ tum“. Et Exodi cap. 22. Si pignus a
 „ proximo tuo acceperis vestimentum ante
 „ solis occasum reddes ei. Ipsum enim est
 „ solum, quo operitur, indumentum car-
 „ nis ejus, nec habet aliud, in quo dor-
 „ miar. Si clamaverit a me, exaudivi eum:
 „ quia misericors sum“. Hinc etiam Con-
 stantinus Imperator suo gravi poena vetuit,
 ne boves aratoris aut aratorum instrumentum
 pignoris causa a creditoribus abstraheretur.

2. Lethalis obdurationis contra miseri-
 cordiam rei sunt, qui sumentes, urgente
 fame, abscondunt, & culpa sui efficiunt,
 ut ceteris annona sit. Hoc peccatum, quod
 frequens valde est, Spiritus Sanctus gra-
 vissime damnat tum Prov. cap. 11. ubi
 ait: *Qui abscondit frumenta, maledictus in*
populo: tum Eccl. 4. Ab inope ne avertas
oculos tuos propter iram: & non relin-
quas querentibus tibi retro maledicere. Maledi-
centis enim tibi in amaritudine animæ exaudi-
tur deprecatio illius. Temporalis simul, &
 æterna maledictione puniri cruciatus illos,
 & immisericordes, qui annonas abscon-
 dunt, ut ex publica calamitate majus lu-
 crum acquirant, testatur S. Joann. Cry-
 sostomus hom. 39. in Epist. 1. ad Corinthios,
 cujus verba abstrerrere deberent omnes ab
 hoc delicto: „ Sicut isti, inquit, a curcu-
 Y y 2

„lione exesum frumentum, & inutile
 „redditum projiciunt in amnes; ita eos,
 „a quibus id factiatum est, propter hoc
 „ipsum inutiles factos Deus in stagnum
 „ignis projiciet. Sicut enim frumentum
 „arrodit curculio, & vermis; ita impiorum
 „animas exedit crudelitas“.

Hujusce criminis gravitatem addidit S. Ambrosius *lib. 3. de officiis cap. 6.*, inquit: „Non vincat honestatem utilitas, sed honestas utilitatem. Hinc dico utilitatem, quæ æstimatur secundum vulgi opinionem. Mortificetur avaritia, moriatur concupiscentia. Sanctus in negotiationem se introisse negat, quia pretiorum captare incrementa, non simplicitatis, sed versutiae est; & alius alicui captans pretis frumenti maledictus in plebe est. Definita est sententia, nihil disputationi relinquenda“.

Quoniam vero, qui hoc crimen committunt, excusationes in peccatis prætexere solent, ideo harum suavitatem ostendit idem S. Pater, atque eorum nomine: „Aravi studiosus, ita scilicet se excusant, uberius seminavi, diligentius excolui, bonos collegi provenus, sollicitus recondi, servavi fideliter, provide custodici. Nunc in tempore famis subvenio esurientibus, vendo frumentum non alienum, sed meum, non plus quam carei, immo etiam minori pretio. Quid hic fraudis est, cum multi possent periclitari, si non haberent, quod emercent? Num industria in crimen vocatur? Num diligentia reprehenditur? Num providentia vituperatur? Fortasse dicat: & Joseph frumenta in abundantia collegit, in caritate vendidit. Num carius aliquis vendere compellitur? Num vis adhibetur emptori? Omnibus defertur, emendi copia: nulli irrogatur injuria“.

Hæ excusationes ita inutiles manifestas S. Pater: „Cur ad fraudem convertita na-

turæ indulgentiam: cur invidet usibus hominum publicos parvus: cur populus minus abundantiam? Cur affectus inopiam? Cur opari facis a pauperibus sterilitatem? Cum enim non sentiant beneficia societatis, te auctionante pretium, recondente frumentum, opiant potius nihil nasci, quam te de fame publica negotiari. Ambis frumentorum indulgentiam, alimentorum penuriam, uberis oli partus ingemiscis, fies publicam fertilitatem, horrea plena frugum deploras, exploras, quando sterilior provenus sit, quando exilior parvus. Votis tuis gaudes arrisisse maledictum, ut nihil utquam nasceretur. Tunc messes tuam venisse lætaris, tunc tibi de omnium miseria congeris opes: & hanc tu industriam vocas, quæ caliditatis versutia, quæ astutia fraudis est? Et hoc tu remedium vocas, quod est commentum nequitiæ? Latrocinium hoc, an scæus appellem? Captantur tamquam latrocinii tempora, quibus in viscera hominum durus insidiator obrepit; augerit pretium, tamquam sorte cumulatam sæneris, quo periculum capitis acervatur. Tibi conditæ frugis multiplicatur usura, tu frumentum quasi sænerator occultas, quasi venditor auctionaris &c. Lucrum tuum diuinum publicum est, Joseph sanctus omnibus aperuit horrea, non clausit: nec pretia captavis annonæ, sed perenne subsidium collocavit. Nil sibi acquisivit, sed quem admodum famem etiam imposterum vinceretur, provida ordinatione disposuit.“ Hæc Ambrosius.

Cæterum & ipsæ leges civiles in crudeliter hos avaros pœnas decreverunt, & alios quidem a negotiatione interdiciunt; alios relegandos, alios etiam præsertim ignobiliores ad opus publicum damnandos pronunciant. Ex quibus legibus, quam sic

exc-

execrabile etimen ipforum colligi debet .

Tertio obdurationis contra misericordiam peccatum committit creditor , qui debitorem , quem solvendo non esse satis constat , vexat , & opprimit , ut solvat , neque inducias ipsi concedit . Regulam hanc Deus ipse testificat declarans Judæis ipforum jejunium sibi non esse acceptabile ob vitia , quibus illud polluebat : illudque inter alia , quod credita a debitoribus suis , qui solvendo non erant , acerbius exigent . *Ecce* , inquit per Isaiam cap. 58. *in die jejunii vestri invenitur voluntas vestra , & omnes debitores vestros repetitis &c.* Eandem tradidit Christus Dominus apud *Matth. cap. 18.* celebri illa parabola de Rege rationem exigente a servis suis , quorum unus decem millium talentorum debitor erat , & cum non haberet , unde redderet , liberaliter Dominus debitum omne dimisit . Ille vero inveniens unum de servis , qui debebat ei centum denarios , rogantem inducias , ut solveret , tenens vexavit acerbè , & in carcerem detruxit . Quod factum cum rescivisset Dominus , his verbis illum increpuit : *Serve nequam omne debitum dimisi tibi , quoniam rogasti me . Nonne ergo oportuit &c. te misereri conservi tui , sicut & ego tui misertus sum ?*

Hanc christianæ misericordiæ regulam confirmat 6. Augustinus serm. 239. , inquit : „ Si hoc quod datum est , vel „ quod accepit (alter) exigitur , forte „ ad manum nondum habet „ expecta non habentem : cum habuerit , „ cedit tibi . Noli clamare , & dicere „ numquid sœnus quero ? Tantum peto „ quantum dedi . Quod dedi , hoc accipiam . Benefaci : sed nondum habet . „ Non es sœnator , & vis , cui præstiti „ si , ut quærat sœnatorem , ut tibi „ reddat . Si propterea sœnus non exigit , „ ne te sœnatorem patiarur , quare vis „ ut propter te alium sœnatorem patia-

„ tur ? Premis , suffocas . Et si tantum „ exigit , quantum dedisti , succedendo „ tamen , & angustias faciendo , non bene scium dedisti , sed potius majores angustias intulisti . Sed forte dicis : habet , unde reddat : habet domum , vendat : „ habet possessionem , vendat . Quando a „ te petivit , ideo petivit , ne venderet : „ propter hoc non faciat , qui subvenisti , „ ne fieret . Hoc fiat ita circa homines , „ hoc jubet Deus , hoc vult Deus . Qui aliter se gerunt , & cor suum obdurant , ne audiant justas debitorum solvere non valentium preces , & eorum gemitus , & lacrymas non respiciunt , hi sane nedum peccant contra charitatem , sed etiam contra ipsam naturalem æquitatem , adeoque a Confessariis redarguendi , increpandi , monendique , periculum maxime fore , quod ipsi viscera misericordiæ suæ Deus claudat , & debita non remittat ; quæ coram Divina Justitia contraxerunt , prout Christus in laudata parabola satis aperte significavit .

His demum quarto tamquam lethalis obdurationis rei contra misericordiam annumerandi sunt , qui suorum agrorum , aut vinearum colonis , sive conductoribus pensionem non remittunt pro rata gravis incommodi , aut jacturæ , quæ vel ex sterilitate , aut grandinis tempestate , aliove casu fortuito perpeffi sunt , absque ipsorum culpa , aut vitio rei contingente . Hi profecto nedum peccant adversus misericordiam , sed etiam adversus justitiam . Nam utroque jure sancitum est , ut in hujusmodi fortitudinis casibus annonæ pensionis remissio fiat pro rata damni , & incommodi , nisi forte sterilitas oriatur ex defectu culturæ , quam colonus adhibere debuerat , aut sterilitas animi præcedentis , vel subsequæ valeat ubertate compensari . Ita respondit Gregorius IX. cap. *Propter* , extra de *locato , & conducto* his verbis : *Propter*

ter

ter sterilitatem afflicentem magno incommodo conductores, vitio rei sine culpa coloni, seu casu fortuito contingentem, coloris Ecclesie tue pro rata est pensiois remissio facienda, nisi cum ubertate precedentis, vel subsequentis anni valeat sterilitas compensari. Et hanc praxim servare solent quippe agtorum Domini pii, & equi, dum ordinariæ sterilitates ex grandine, aliisque similibus fortuitis casibus absque culpa colonorum, aut conductorum contingunt.

§ III.

De vitio opposito Avaritiæ, scilicet Prodigalitate.

XX. Prodigalitas vitium est, quod simul avaritiæ, & liberalitati opponitur: Ut enim docet S. Thomas 2. 2. q. 19. 1. „ In moralibus attenditur oppositio vitiorum „ ad invicem, & ad virtutem secundum „ superabundantiam, & defectum diversimode. Nam in affectione divitiarum „ avarus superabundat, plus debito eas „ diligens. Prodigus autem deficit, minus debito eorum sollicitudinem gerens. „ Circa exteriore vero ad prodigalitatem „ pertinet excedere quidem in dando, desicere autem in retinendo, & acquirendo. Ad avaritiam autem pertinet e contrario deficere quidem in dando; superabundare autem in accipiendo, & retinendo. Unde pater, quod prodigalitar avaritiæ opponitur. Ex hac doctrina nedum oppositio prodigalitaris cum avaritiâ, sed ejusdem etiam germana notio satis liquet.

Peccatum esse prodigalitatem quis ambigat? Corruptit quippe medium virtutis, & regulam rationis, quæ prescribit quidem, ut bona nostra, & divitias aliis largiamur, sed dum oportet, & quomodo oportet, quam regulam prodigus nequam servat. Hinc Divus Thomas art. 2.

ad 2. expendens illud Apostoli 1. ad Timoth. ultimo: *Divitisibus hujus sæculi præcipe, facile tribuere, communicare*, ait 1. „ Apostolum monere divites, ut facile tribuant, & communicent sua, secundum quod oportet: quod non faciunt „ prodigi. Quia, ut Philosophi. dicit in 4. „ ethic. : *Dationes rerum non sunt bonæ, neque boni gratia, neque secundum quod oportet, sed quandoque dant multa illis, quos oporteret pauperes esse, scilicet bi-* „ *stionibus, & adulatoribus, bonis autem „ nihil dant*. Quod sæpe contingere non sine ingenti dolore cernimus in quibusdam, qui cum nihil ex suis divitiis calamitosæ, & egenis tribuant, eas deinde profundunt in ludis, in saltationibus, aliisque mulierculis impudicis.

Equitem ex genere suo prodigalitas veniale tantum peccatum est. Lethalis tamen sæpe fit ex circumstantiis adjunctis. Sic lethalius peccant ii, qui bona sua profundunt in comestationibus, in ebrietas, in alea, in ludo, in scortationibus, & aliis similibus illicitis voluptatibus, & filium prodigum imitantur, qui ut habetur Lucæ cap. 15. *Dissepavit omnem substantiam vivendo luxuriose*.

Lethale quoque prodigalitaris peccatum incurrunt, qui bona sua prodigunt cum gravi aliorum damno, vel scantalo. Similiter Tutores, & Procuratores, qui bona pupilulorum: Dispensatores, Economî, administri, qui bona sue fidei commissæ Mercatores, Nobiles, & quicumque bona creditorum decoquunt: Patresfamilias, qui suarum pecuniarum profusione uxori, & liberis grave damnum inferunt, eisque necessaria non provident: mulieres demum, quæ in mundo muliebri, & superfluo vestium ornatu immodicos sumptus faciunt. In his, aliisque id genus pecuniarum, vel bonorum suorum profusionibus, en regula allata a S. Thoma quodlib. 6. q. 8.

art.

art. 1. ad 4. pro discernenda gravitate, aut levitate peccati, admodum opportuna. „ Dicens, inquit, quod neque mo-
 „ deraus usus divitiarum, neque bona
 „ fides dispensatoris salvari videtur in eo,
 „ qui scienter superfluas expensas facit in
 „ voluptuosis conviviis, & aliis hujusmodi
 „ superfluitatibus, & ideo non est dubium,
 „ quod in talibus peccat mortaliter. Si
 „ autem aliquis non multum in talibus ex-
 „ cedat, potest bona fide fieri ab aliquo,
 „ qui vult secundum decentiam sui status
 „ morem gerere his, quibus convivit “.

Arque hæc S. Doctoris regula in omnibus quidem etiam secularibus, sed præsertim locum habere debet in Ecclesiasticis, qui ex redditibus Ecclesiæ vivunt. Unde in hoc art. 2. respondet S. Thomas ad quamdam objectionem, ait: „ Prodigus peccat
 „ in seipsum, dum bona sua consumit,
 „ unde vivere deberet: peccat etiam in
 „ alterum consumendo bona, ex quibus
 „ deberet aliis providere. Et præcipue hoc
 „ apparet in Clericis, qui sunt dispensato-
 „ res bonorum Ecclesiæ, quæ sunt pau-
 „ perum, quos defraudandi prodige expen-
 „ dendo “. De hoc Clericorum delicto legendus est inter alios S. Bernardus in Epistola, ad Henricum Senonensem cap. 11.

CAPUT IV.

CONJECTARIA.

- I. Virtutis liberalitatis, quæ avaritia opponitur, legitima notio.
- II. Quam periculosum sit vitium avaritiæ.
- III. Merito ab Apostolo avaritiæ idololatriæ comparata est.
- IV. Peccatum mortale est ex genere suo, si sumatur ut opposita justitiæ, non autem ut opposita liberalitati; sæpe tamen etiam ita accepta grave peccatum est.
- V. Sufficit sola inordinata divitiarum affectio, ut peccatum lethale sapissime sit.

VI. Plures casus, in quibus avaritia lethale peccatum est, ob prædominantem in avaro cupiditatem.

VII. Nedum qui rapit aliena, sed etiam qui nimium cupide servat sue, nonnumquam reus est peccati mortalis. Pulchra S. Augustini sententia.

VIII. Rei sunt gravis culpa, qui liberorum gratia nullum divitiis congregandum statuum, Alia de hac re S. Augustini præclara sententia.

IX. Avaritie culpa non vacat, qui ex cupiditate bonorum temporalium forenses lites suscipiunt.

X. Maxime a litibus forensibus suscipiendis alieni debent esse viri Ecclesiastici, & Religiosi.

XI. Exempla plurium, qui crimine proditoris peccant, aliena sibi commissa revelando.

XII. Interdum tamen arcana etiam jurata, non solum licite revelare possumus, sed etiam tenemur.

XIII. Quomodo se gerere oporteat subditus, Præsto secreti revelationem præcipiente.

XIV. Dum sigilli observantia illicita redditur, revelare secretum debemus, quamvis sub sigillo confessionis (extra tamen confessionem) creditum fuerit.

XV. Excrabile est tempore egestatis fragmenta abscondere, ut charius vendantur.

XVI. Obdurationis contra misericordiam rei sunt, qui egenis tempore famis non subveniunt.

XVII. Avaritiæ spiritualis peccati rei sunt, qui in proximorum indigentiam sublevandam talenta sibi a Deo credita non impendunt. Reflexio.

CONJECTARIUM PRIMUM.

I. PRÆCIPUA virtus, quæ avaritiæ opponitur, est liberalitas, ejus legitima notio in eo est posita juxta S. Thomam q. 117., quod sit virtus disponens animum ad recte dispensandum divitiis in usus bonos sibi suis-

fuisque, & aliis. Quare, ut docet art. 1. ad 2., Ad liberalem non pertinet sic divitias emittere, ut non sibi remaneat, unde sustentetur, & unde virtutis opera exquiratur, quibus ad felicitatem pervenitur. Debet autem homo (ut ad 1. habet) semper magis sibi providere in spiritualibus bonis, in quibus unusquisque sibi precipue subvenire potest. Et tamen etiam in rebus temporalibus non pertinere ad liberalem, ut sic aliis intendat, quod omnino se, & suos despicit. Unde Ambrosius dicit in 1. de Offic.: Est illa probanda liberalitas, ut proximos seminis tui non despicias, si egeres consensit.

CONSECTARIUM SECUNDUM.

II. Avaritia peccatum est admodum periculosum: tum quia latenter irrepit, seque occultat sub prætextu necessitatis aut præsentis, aut futuræ; propterea Luca 12. Christus specialiter monuit: *Videte, & cavete ab omni avaritia.* Tum quia ingentem animo perniciem affert, nedum quod illum divina gratia privet, sed etiam quia impedit, & extinguit amorem, gustum, & intelligentiam rerum spiritualium: unde dicitur Matth. 13. *Fallacia divitiarum suffocat verbum.* Tum demum quia peccatum hocce difficillime curatur: nam & virtutis specie seducit animum, quasi quædam sit providentia futuri, & naturæ magis consentaneum videatur, quasi duntaxat sufficientia ad vitam, & statum decentem querat, ac tandem experientia ipsa confirmat, quod huiusmodi morbum pauci agnosceant, ut ipsi remedium congruum adhibeant.

CONSECTARIUM TERTIUM.

III. Merito ab Apostolo Paulo Eph. 5. *Avaritia idolorum servitus appellatur*, sive idololatriæ comparatur: quia, inquit S.

Thomas q. 118. art. 5. ad 4., *Sicut idololatria subicit se creatura exteriori; ita etiam avarus: ille quidem ad cultum idolo exhibendum: iste vero ad bona temporalia immoderate propter usum diligenda. Cui etiam addi potest, quod sicut idololatra in idolo, ita avarus in divitiis, sive auro, & argento suam fiduciam collocat, ac propter eas velut finem operatur.*

CONSECTARIUM QUARTUM.

IV. Quamquam avaritia peccatum mortale non sit, dum non læditur, aut violatur iustitiæ preceptum, solumque consistit in nimia quidem, sed non graviter inordinata affectione erga divitias, mortale tamen peccatum est, quoties huiusmodi affectio, ut sæpe contingit, adeo excrevit, ut dominetur in corde, illudque ita possideat, ut divitiæ sint ultimus finis avari, non Deus super omnia dilectus. Hinc S. Thomas in disp. q. 13. de malo docet: *Si avaritia dicatur amor, & desiderium temporalium bonorum, ita quod in eis finis constituitur, avaritia semper erit peccatum mortale. Converti enim ad bonum creatum, sicut ad finem, facit aversionem ab incommutabili bono, quod debet esse ultimus finis: eo quod non possunt esse plures ultimi fines.*

CONSECTARIUM QUINTUM.

V. Quare necessum non est, ut avarus sit in statu peccati mortalis, quod inordinatus divitiarum amor semper etumpat in aliquam gravem transgressionem præceptorum Dei, sed satis est prava animi sui dispositio ex amore illo prædominante profecta, quæ pugnat cum divina charitate. Qua de causa Apostolus Paulus cum plures commemorasset, qui regnum Dei possidendi non erant, *Formicarii, adulteri, idolis servientes, molles, fures &c.* his etiam specialiter accessisset *avaros*. satis aperte significans divitiarum inordinatum amorem, qui

qui in plurimorum corde dominatur, satis esse ad eos excludendos a regno Dei.

CONSECTARIUM SEXTUM.

VI. Quoties tamen divitiæ sunt ultimus finis avari, ut frequenter contingit, erumpere solet ille in plures actus legi Dei contrarios, graviterque peccaminosos, quæ signa vocati queunt prædominantis affectus. Sic primo illi omnes, qui propter divitiæ comparandas, vel augendas, vel conferendas quidpiam agunt, vel prætermittunt, quod repugnat vel honori Dei, vel iustitiæ, vel præcepto charitatis proximi, satis ostendunt hunc prædominantem amorem.

2. Qui fiduciam suam præcipuam constituent non in Deo, sed in divitiis, ut ad exitum optatum perducant quicquid magni animo revolvunt, aut meditantur. Quæ de causa Apostolus specialiter monuit Timotheum, ut divitiis hujus sæculi præcipere non sublime sapere, neque sperare in incerto divitiarum, sed in Deo vivo, qui præstat nobis omnia abunde ad fruendum.

Tertio: qui sufficientia habentes ad naturæ necessitatem, statumque decentem, tamen aliqua non rapiant, nec concupiscant, semper tamen in novis, novisque opibus congregandis occupantur, non ut eas in opera pietatis, & charitatis impendant, sed ut cupiditati suæ satisfaciant. Hoc enim Scripturæ, & Patres nulla facta injunctis mentione graviter reprehendunt. Id colligitur ex Isaïæ loco cap. 5. *Va qui conjungitis domum ad domum, & agrum agro copulatis &c. Nunquid habitabitis vos soli in medio terre? Quem locum ita commentatur Hieronymus: Generaliter adversum omnes, quibus nihil satis est, dictum puta Quæ enim rabies, cum tellus, & agri ad depellendos imbres, & ad ferendas fruges haberi debeant, ea bibere cupere, in quibus cunctis habitare non possit, & quæ* Patuzzi Theol. Mor. T. II.

colere non sufficiat, ulteriusque, necessitatem tuam facere voluptatem?

Quarto: qui ingruentibus aliquando calamitatibus, terræ sterilitate, camporum depopulatione, tanto mærore afficiuntur, ut animo contabescant, ægroent & pene in amentism decidant, in graves prorumpant impatientiæ motus, in blasphemias, obtreptiones, & alia maledica verba, etiam quandoque adversus Deum, ejusque providentiam. Ita se gerere, præterquam quod dominantis divitiarum affectus indicium est, est imitari Paganos, inquit Tertullianus cap. 7. lib. de patient.: *Gentilium siquidem est omnibus detrimentis impatientiam addibere, qui rem pecuniariam fortasse animæ anteponunt.* Illud tamen advertere opus est haud raro contingere, ut aliquis impatienter quidem ferat jacturam divitiarum, sed nihilominus Deum supra illas diligat, tamquam bonum suum ultimum, quod cæteris creatis bonis præfert, adeoque non nisi venialiter peccabit.

CONSECTARIUM SEPTIMUM.

VII. Ex his etiam inferre oportet lethalis avaritiæ reum esse, nedum qui rapit aliena, sed & illum, qui cupiditate servat sua, si tanta sit cupiditas, ut ea non sit paratus amittere, ne Deum graviter offendant. Id colligit S. Augustinus serm. 107. ex verbis Christi Domini: *Videte, & cavete ab omni avaritia*: sic enim subjicit: „Fortasse tu avarum, & cupidum diceres, si quereretur aliena: ego autem dico, „cupide, & avarum non appetas nec tua. „Hoc est cavere ab omni avaritia &c. Non solum avarus est, qui rapit aliena, sed & ille avarus est, qui cupiditate servat sua. „. . . . Ecce Christus, ecce veritas, „ecce severitas. Cavete, dicit veritas. „Cavete dicit severitas. Si non amas veritatem, time severitatem. Non in „abundantiæ hominis vita ejus est ex his, „Z 2 „qua

que habet. Crede illi, non te fallit.
 Contra tu dicis: immo in abundantia
 hominis est vita ejus ex his, quæ ha-
 bet. Ille te non fallit: tu te fallis.
 Ecce amas tua, non tollis aliena: de
 labore habes: de justitia habes: hæres
 relictus est, donavit tibi, quem pro-
 meruisti, navigasti, periclitatus es, frau-
 dem non fecisti, mendacium non jura-
 sti, quod Deus voluit, acquisivisti, &
 servas cupide tamquam in bona con-
 scientia, quia non habes de malo, &
 non quæris aliena. Si non auderis il-
 lum, qui dixit, *Cavete ab omni avaritia*,
 audi quanta mala facturus es propter
 tua. Ecce contingit v. g. ut fieres ju-
 dex. Non contumperis; quia non quæ-
 ris aliena. . . . Homo, qui non quæris
 aliena; vide quid mali facturus es pro-
 pter tua. Ille qui vult, ut male judices,
 & pro ipso feras sententiam contra ad-
 versarium ipsum, forte potens homo est,
 & potest tibi calumniam facere, ut per-
 das tua. Attendis potentiam ipsius, co-
 gitas illam, cogitas tua: & dicis apud
 te ipsum, offendo hominem istum, mul-
 tum potest ad tempus: suggeret de me ma-
 la, & proferibor, & perdo quod habeo.
 Judicaturus es male, non cum quæris
 aliena, sed cum servas tua. Da mihi
 hominem, qui audivit Christum: da mi-
 hi hominem, qui cum timore audivit:
Cavete ab omni cupiditate, & non mihi
 dicat aliquis, ego homo pauper sum, ple-
 bejus, mediocris, gregalis, quando spero
 me iudicem futurum? Non timeo istam
 tentationem, cujus periculum ante oculos
 posuisti. Ecco dico & pauperi quid ti-
 mere debeat. Vocat te dives, & po-
 tens, ut pro illo dicas falsum testimo-
 nium. Quid facturus es modo? Dic mi-
 hi. Hæres bonum peculium, laborasti,
 acquisivisti, servasti. Exigit ille: dic
 pro me falsum testimonium, & tan-

tum dono tibi. Tu qui non quæris alie-
 nam, abste a me, inquit: Non quero,
 quod noluit mihi Deus dare: non accipio,
 recede a me. Non vis accipere quod do?
 Quod habes, tollo. Ecce modo te pro-
 bes: modo te examina. Quid me atten-
 dis? Intrus te attende, invuere, vide
 &c. noli te palpare: responde tibi.
 Ecce, si hoc quisquam minetur, quid
 facies? Tollo tibi quod cum tanto labore
 acquisivisti, nisi pro me falsum testimonium
 dixeris. Da illum: Cavete ab omni avaritia.
 O serve meus, dicit tibi, quem
 redemi, & liberum feci, quem de ser-
 vo fratrem adoptavi &c. audi me: Tol-
 lat quod acquisivisti: me tibi non tollas. Ne
 peres, servas tua? Nonne tibi dixi:
Cavete ab omni cupiditate? Ecce turba-
 ris, ecce fluctuas: cor tuum quasi navis
 tempestatibus quatitur. Dormis Chri-
 stus, excita dormientem, & non time-
 bis tempestatem fervientem &c. iterum
 dicam, *cave ab omni avaritia* &c. Hec
 S. Augustinus, cujus pulcherrimam sen-
 tentiam, essi prolixiorum, prætermittete
 placulum judicavi.

CONSECTARIUM OCTAVUM.

VIII. Licet rectæ rationi, & charitati
 Christianæ consentaneum sit, ut Patres
 familias facultates tum pro se, tum pro
 liberis suis comparent viarum, ac statim con-
 gruenter; rei tamen peccati mortalis di-
 cendi sunt, si nullum congerendis, filio-
 rum gratia, divitiis, modum statuant,
 eaque de causa ab erogandis elemosynis,
 maxime urgente præcepto, desistant. Id
 fluere videtur ex his, quæ præmissa jam
 sunt, clariusque patebit cum de elemosyna
 sermo erit. Interim lubet hoc confirmare
 alia perpulchra ejusdem S. Augustini sen-
 tentia ex serm. 87. ubi sic ait: „Dicit
 avaritia: consule posterum homini.
 fortassis victuro nec in gradinum. Sed

ecce vivat, quantum putat avaritia,
 non quantum ostendit, non quantum
 docet, non quantum fidei, sed quan-
 tum putat, vixerit, fenuerit, finierit:
 adhuc senex incurvus, baculo innixus
 luctum querit, & audit avaritiam di-
 centem: *Consule imperitum*. In quod
 posterum? Jam expiras loquitur. Prop-
 ter filios, inquit. Urinam vel illos: se-
 nes non avatos haberemus, qui filios
 non habent! Eriam ipsis, etiam tali-
 bus, etiam iniquitatem suam, nulla
 pietatis imagine excusantibus, non ces-
 sat dicere: *consule imperitum*. Sed forte
 ipsi cito erubescunt: illos videamus,
 qui filios habent, utrum certi sint filios
 suos possessuros esse, quæ reliquerint...
 . . . Fac certum: quid vis eis relinque-
 re? Quod acquisivisti tibi. Certe quod
 acquisti: reliquum non erat, & habes...
 Si tu habere potuisti, quod tibi reliquum
 non est, poterunt ergo habere illi quod
 tu non reliqueris... . . . serva & filiis
 tuis: sed audi me: si de filiis quisque
 suis aliquem amiserit, intendite, fra-
 tres mei: quia avaritia excusationem
 non habet, neque hic, neque in futuro
 sæculo. Christianum filium amisisti:
 non ergo amisisti, sed præmissisti. In-
 terroga fidem tuam: certe & tu illo
 iturus es, quo ille ante cecit. Vivit
 filius tuus. Si ergo vivit, quare inva-
 ditus patris ejus a fratribus ejus? Sed
 dicis: nunquid redituros est, & possi-
 furus? Miratur ergo illic, qui præmisit
 ille. Altecum suum venite non poterat res
 ejus ad eum ire potest... . . . Non dico:
 necessarium habet ipse. Dominus ejus,
 aut quænam et filius tuus, eger in terra...
 Hi vult accipere, quod dat in cælo...
 Da in peregrinos, quod recipias in pa-
 tria tua. Peritrem jam de te nihil: de
 filio tuo loquor. Dubitas dare tuum,
 dubitas & reddere alienum. Certe con-

vinceris, quia non filiis tuis servabas...
 Sed habebunt illud, ais, fratres illius...
 O mala doctrina docetis filios tuos mor-
 tem optare fratribus tuis &c. Sed nolo
 dicere de non amisso &c. Non dico,
 unum minus habebis, computa, quia
 unum plus habes. Fac locum Christo
 cum fratribus tuis: accedat familia tua
 Dominus tuus &c. Dues filios habes:
 tertium illum computa. Tres habes:
 quartus non erit &c. Decem habes:
 undecimus sit &c. Dabis portionem unam,
 quam unius filii depuasti. Deputa unum
 amplius genuisse... . . . Quid dicat avaritia,
 non habet. Non vis vincat: non plus
 valet in cordibus vestris, quam Be-
 dempiat vestri. Non plus valet in cor-
 de vestro, quam ille, qui monet sursum
 corda habere... . . . Hæcenus Augustinus.

CONJECTARIUM. NONUM.

IX. Avaritiæ culpa non vacant, qui cupi-
 ditare bonorum temporalium: lites, foren-
 ses suscipiunt. Equidem forene necessarium
 interitum esse, in nō etiam laudabile res
 suas in iudicio repetere, vel tueri. Sed si
 rationabilis causa non suppetat, solaque
 in causa sit acquirendi cupiditas, non est
 a culpa innoxia, qui lites intenuit, aut
 persequitur. Ita S. Thomas comment. in
 can. 6. Epist. 1. ad Corinth. ubi ait: *Ju-
 dicium adversus aliquem est illicitum omnibus
 quantum ad tria. Primo quidem quantum ad
 causam ex qua aliquis iudicium habet, puta
 ex cupiditate, & avaritia. Unde Luca 12.
 cum quidam de turba Domino dixisset: Dic
 fratri meo, ut dividat mecum hæreditatem,
 Dominus dixit: Quis me constituit
 iudicem a te visendum inter vos? Postea
 subdit: Vilete, & ea etc ab omni avari-
 tia. Secundo quantum ad modum iudicii,
 quæ solent cum contentione, & detrimentis
 pæni iudicium prosequantur: ut enim dicitur
 Thib 3. Ubi zelus, & contentio, ibi in-*
 Z z z con-

constantia, & omne opus pravum. Et hoc videtur Apostolus in eis reprehendere, ut patet ex hoc quod supra dixit: Frater eum fratre in iudicio contendit. Tercio ex pervertitate iudicii, puta cum aliquis iniuste, & fraudulenter in iudicio procedit &c. Et hoc enim Apostolus in eis reprehendit, ut patet per id, quod subdit: Sed vos injuriam facitis &c. Unde & Dominus mandat Matth. 5.: Qui vult tecum in iudicio contendere, a tunica tua tollere, dimitte ei & pallium: ait ergo Apostolus: Omnino delictum est in vobis, id est ad delictum vobis reputatur, quod iudicia habetis, inter quos scilicet debet esse pax: quia ut dicitur 2. ad Tim. cap. 11.: Servum Dei non oportet litigare, sed mansuetum esse ad omnes.

CONSECTARIUM DECIMUM.

X. At quamquam Christianis omnibus valde periculosa sunt lites rerum temporalium causa susceptæ, utpote que ex sola avarumque cupiditate habendi proficiscuntur, & ex earum prosecutione charitas sepe læditur; magis tamen a litibus alieni esse debent Ecclesiastici, Religiosique viri, quos vel perfectæ esse oportet, vel ad perfectionem tendere, & charitatis exemplo cæteris omnibus præluere. Hinc in Concilio Chartaginensi IV. can. 19. decretum est, ut *Episcopus pro rebus transitoriis non litiget provocatus*. Sanctus etiam Ambrosius lib. 2. de officiis cap. 21. ait: *Episcopum decet esse benignum, non alieni cupidum, immo de jure suo cedentem potius aliquis, si fuerit laqueus, quam aliena jura pulsantem, fugitantem litium, abhorrentem a jurgis, valimentum concordiam, & tranquillitatis gratiam. Siquidem de suo jure virum bonum aliquid relaxare, non solum liberalitatis, sed plerumque etiam commoditatis est &c.* Sacri quoque Canonis Clericos, & Monachos a litibus ex cupiditate suscipiendis, ac persequendis abstinere jubent, ut

constat ex cap. Multa sunt extra, ne Clerici, vel Monachi secularis negotiis se immisceant: qui Canon 14. est Concilii Moguntini sub Carolo Magno. Multa, inquit, negotia secularia, ad quæ pertinet omnis concupiscentia; contentiones, vel lites, vel rixas amare: in placitis secularibus disputare, excepta defensione orphanorum, aut viduarum &c. & omnibus quibuscumque causis superfluis interesse. Ecce talia, & his similia Ministris Altaris Dominis, nec non & Monachis omnino contradicimus: de quibus ait Apostolus: nemo militum Deo implicat se negotiis secularibus.

CONSECTARIUM UNDECIMUM.

XI. Lethaliter peccat proditoris crimine, qui latroni manifestat absconditas aliquis pecunias, vestes, aut quamlibet suppellectilem, sicut etiam chartas, titulos, contractus, apochas, codices magni momenti, & id genus alia. Eodem quoque obtinguntur delicto Consiliarii, Ministri Principum, vel Rerumpublicarum, qui ipsorum arcana dezequant, prout ex dictis liquido fuit. Similiter proditoris rei dicendi sunt Procuratores, & Advocati, qui Clientum arcana adversæ parti absque iusta causa revelant: Medici quoque, & Chirurghi, qui pudendos aliorum morbos, sed occultos, & ipsorum fidei, & curæ commissos manifestant. Denique il omnes, qui arcana sibi ab amico creditum, quod gravis momenti sit, & ex cuius revelatione malum quodpiam ipsi probabiliter imminet, alteri præter ejus voluntatem patefaciunt. Qui enim amici arcana revelat, violat amicitiae jura, & fraudulenter nocet amico suo. Unde, si res sit magni ponderis, ipsum non excusat nec imprudentia, nec inconsideratio: tenetur siquidem quisque in his diligenter advertere.

Con-

CONSECTARIUM DUODECIMUM.

XII. Arcana tamen etiam amicorum revelare opus est iis, quorum interest, quoties aliquis etiam secreto noverit aut hæresim, aut pravam dogma, quod quis disseminat contra fidem, aut morum disciplinam; quemadmodum etiam si quis meditetur, aut aliquid occulte moliatur contra fidem, ac reverentiam Principi debitam, contra Sacram Regis Majestatem, vel Reipublicæ jura, contra Regni tranquillitatem, atque etiam contra vitam, famam, aut bona alicujus privati, cui secreto insidie struantur. Idque revelare quoque debemus, licet amicus sit, qui hæc meditatur, remque fidei nostræ summo perire commendaverit. Quoniam ipsum juramentum prælium contra bonum publicum, vel contra bonos mores non obligat. Quandoque, ut diximus ex S. Thoma, arcana sunt talia, quæ pertinent ad corruptionem multitudinis &c. vel in grave damnum alterius personæ, vel si quid aliud est hujusmodi, quod aliquis propagare tenetur, vel testificando, vel denunciando. Et contra hoc debemus obligari non potest per secreti commissum: quia in hoc frangeret fidem, quam alteri debet.

CONSECTARIUM DECIMUMTERTIUM.

XIII. Ex hac doctrina haud difficile est quæstionem dirimere de obligatione subditorum relate ad Superiores sub præcepto jubentes arcana cuicumque commissi sibi manifestare. Quo in casu nonnulli sæpe serupulis anguntur, num ea revelare teneantur, an secretum servare sue fidei creditum. Si enim secreta commissi ejusmodi sint, ut in damnum publicum, vel Religionis, vel monasticæ discipline, vel detrimentum alienius personæ cedant, ea omnino revelare debet: Et contra hoc debet obligari non potest per secreti commissum.

Si autem talia non sint, obligari potest ex hoc, quod sibi sub secreto committuntur: & tunc nullo modo tenetur ea prodere etiam ex præcepto Superioris: quia servare fidem est de jure naturali. Nihil autem potest præcipi homini contra id, quod est de jure naturali.

Sed audiendus etiam est hac in re idem S. Doctor quodlib. 1. q. 8. art. 1. ubi quærit: Utrum Religiosus teneatur revelare Prælati præcipienti secretum suæ fidei commissum: cui quæstioni respondens, istud principium statuit ex S. Bernardo lib. de dispens. & præcep. cap. 4. Sufficiens obedientia est, ut Religiosus obediat suo Prælati in his, quæ ad Regulam pertinent, vel directe, sicut ea, quæ scripta sunt in Regula, vel indirecte, sicut ea quæ ad hæc reduci possunt, sicut ministeria exhibenda fratribus, & pœna pro culpis infligenda, & hujusmodi. Perfecta autem obedientia est, ut simpliciter in omnibus obediat, quæ non sint contra Regulam, vel contra Deum. Sed quod aliquis obediat Prælati in his, quæ sunt contra Deum, vel contra Regulam, est obedientia incauta, & illicita. Tum vero subdit Angelicus quæstioni respondens: „Est enim aliquod secretum, quod illicitum est celare, sicut „ quod in periculum vergit aliorum, quibus aliquis cavere tenetur: unde & in „ juramento fidelitatis continetur, quod „ hujusmodi servi secreta debeant dominis „ revelare. Ad præceptum ergo Prælati „ tenetur Religiosus tale secretum pandere, etiamsi promissit se non revelare, „ dicente S. Isidoro: *In male promissis rescindit fidem*, nisi forte in confessione aliter dierit: quia tunc nullo modo esset revelandum. Est autem secretum, quod se celari potest sine peccato: & tale secretum Religiosus nullo modo Prælati „ præcipienti pandere debet, si sit fidei „ suæ commissum: peccaret enim fraudando fidem commissi “.

Con-

CONSECTARIUM DECIMUMQUARTUM.

XIV. Si quis alteri promiserit se numquam secretum aliquid revelaturum, quod in nullius damnum tunc vergebat, postea tamen aliquid occurrat, ex quo illicita fiat secreti observantia, puta quod innocens aliquis damnetur, nisi revelet, vel necesse sit mentiri, vel grave scandalum sequatur &c. hoc casu minime debet celare secretum. Idque locum habet etiam si secretum commissum fuerit sub sigillo confessionis (absque tamen sacramentali Confessione), velut si quis, ut consilium, vel auxilium ab aliquo recipiat, ipsi peccatum suum manifestat, addatque se illud dicere in confessione, aut sub sigillo confessionis. Sunt enim, qui, ut artius obligent ad secretum, signant se signo crucis, dicuntque se secretum committere in Confessione, dum tamen reapse peccata sua sacramentaliter non confitentur. Secretum hoc, quod ita fidei alterius commendatur, haud amplius obligat, quam naturale sigillum. Quare occurrente casu, quod sigilli observantia cedatur illicita, ad illam minime tenemur, ut docet Cajetanus, Dominicus Soto, alique Doctores.

CONSECTARIUM DECIMUMQUINTUM.

XV. Cum in omnibus gravissimum sit avaritiæ, & obdurationis contra misericordiam crimen, tempore publicæ egestatis, aut inopie abscondere frumenta, vel fruges, ut charitas vendatur, tum maxime execrabile est in Clericis, virisque Religiosis. Quare consultissime statutum est a Concilio Cabil. mens. II. cap. 8. *Ut si quando Sacerdotes fruges, vel molam redditus terra congregant, & protelant, non idcirco faciant, ut charius ventant, & thesauros congregent, sed ut pauperibus tempore necessitatis subveniant.*

CONSECTARIUM DECIMUMSEXTUM.

XVI. Obdurationis peccati contra misericordiam rei dicendi sunt, qui peregrinos, aut hospites tempore famis urbe expellunt, dum satis ammonere suppetit, vel comparari potest, ut iis simul, & indigenis subveniatur. Hæc regula a S. Ambrosio traditur lib. 3. de offic. cap. 7. inquirentem: *Sed et illi, qui peregrinos urbe prohibent, nequaquam probandi, expellere eo tempore, quo deberent juvare, separare commercii communis parentis, suos cunibus partus negare, inita jam consortia vivendi averruncare; cum quibus fuerint communia iura, cum his nullo in tempore necessitatis subsidii partiri. Fera non excludunt feras, & bonus excludit hominem! Fera, ac bestia communem putant omnibus visum, quem terra ministrat &c.*

CONSECTARIUM DECIMUMSEPTIMUM.

XVII. Non mirus se avaritiæ cuiusdam spiritualis peccato obstringere coram Deo videntur illi, qui cum salutari scientiâ, ac doctrina præditi sint, aut predicationis talento donati, hæc in proximorum salutem, & ædificationem Ecclesiæ præsertim cum opus est, & fideles indigent, impendere renuunt. Teneant enim ex officio charitatis spirituales opes suas in proximorum militatam conferre, & fratrum suorum inopiam, sicut huius sæculi divites temporales opes quibus abundant, in pauperes erogare. Nil perspicue colligitur ex Evangelica talentum parabola Matth. 25. Terribilis enim illa increpatione servi, qui talentum defoderat in terra, *serve male. & piger*: & verba illa: *Operari ergo, & committere pecuniam meam nummulariis, præceptum indicant, quantum odum & pœna inflictæ verbis illis expostita: Inutilem servum efficit in tenebras exteriores &c.*

R E F L E X I O.

Qui volunt divites fieri, incidunt in tentationem, & laqueum diaboli; & desideria multa inutilia, & nociva quae mergunt homines in interitum, & perditionem. Radix enim omnium malorum est cupiditas, quam quidam appetentes, erraverunt a fide, & inseruerunt se doloribus multis. Tu autem, o homo Dei, haec fuge. Settare vero iustitiam, fidem, pietatem, clementiam. Hoc est salutare documentum, quod Timotheo discipulo suo tradidit S. Apostolus Paulus, commendavitque summo opere, non modo, ut averteret animum ejus ab omni divitiarum affectu, verum etiam, ut ipse alios instrueret suae cure subiectos, & ab inordinato amore rerum temporalium avocaret. Omnes, inquit, qui congregantis auro, & argento inhiant, qui nimio studio terrenas facultates prosequuntur, qui avaritiae serviunt, in tentationem incidunt, & in laqueum diaboli, atque in ea prava desideria, ac peccata, quae ipsos in interitum ducunt, & perditionem aeternam. Et quare qui hunc immoderatum divitiarum amorem sistent in tam grande, tamque tremendum exitium tandem miserrime prolabantur? Quia inquit, radix omnium malorum est cupiditas. Si aut enim ex radice arboris prodeunt, vitaeque, & alimentum accipient rami omnes, ac fructus ipsius; ita ex venenata radice cupiditatis, & avaritiae vitium hauriunt, incrementum sumunt, ac firme consistunt omnia illa mala, ex quibus damnatio sempiterna certo consequitur. Hinc enim oriuntur furta, rapinae, concussiones, pauperum oppressiones, usurae, contractus iniusti, lites improbae, monopolia, iniquae exactiones; hinc homicidia, calumniae; hinc proditioes; fraudes, fallaciae, perjurium, violentiae, sevitiae obdurationes animi, aliaeque id genus facinorae, quae ex hac vesana habendi cupiditate procreantur.

Verum malorum omnium maximum ex avaritia prodiens, quod ceterorum malorum origo, & fundamentum est, est omnimoda corruptio cordis, quae avarum ita penetrat, ac pervadit, ut vel ipsam Dei fidem abneget, & Deum pro Deo amplius non habeat: sed aurum potius, ac pecuniam, quam unice diligit, & cui duntaxat servitutem, & cultum praestat. Unde specialiter de avaritia vitio dictum est ab eodem Apostolo ad Eph. 5. quod sit idolorum servitus. Hujus nodi namque tam doctus, & execrandus character avaritiae praeter ceteris aliis vitiis convenit, prout sapienter adnotat S. Thomas in hunc locum. Siquidem idololatria tunc est, quoties honor soli Deo debitus impenditur creaturae. Hoc autem horrendum flagitium maxime praestat avarus. Quandoquidem Deo dupliciter honor debetur, scilicet ut in eo finem nostrum constituantur, & ut in eo fiduciam nostram finaliter ponamus: atque adeo qui haec in creaturis ponit, reus est idololatria.

Porto avarus in primis spem, ac fiduciam suam non in Deo collocat, sed in opibus suis, a quibus vitam, & vitae necessaria expectat. Deinde in iisdem finem ultimum suum ponit, dum eas supra Deum amat, ac ita deperit, ut totum cor suum in ipsis defixum, & occupatum habeat. Equidem & in aliis vitiis eadem ordinis perversio est, ut creatura tanquam finis ultimus habeatur. At nihilominus in avaritia peculiariter invenitur: quoniam vitium hoc praeter reliquis inexplabile est, atque insuper, ac tenacius avarum creaturam devincit. Nam ceterae cupiditate usu ipso sedantur, &, saltem ad aliquod tempus, saturantur. Sic cupiditas gulae cibo, & potu demum expletur, adeo ut abeat etiam in fastidium. Sic cupiditas venerea voluptatis satiatur fornicatione, aliave immunditia ad nauseam aliquando, & execrationem. Non ita de avaritia est, quae

quæ sola nullis opibus sedatur, nulla pecunie affluentia expletur, quin immo quanto crescunt divitiæ, tanto magis accenditur, & inardescit: adeoque potiori jure hæc prævitiis cæteris, *idolorum servitus* appellata est, quatenus cor, & mentem hominis sic totaliter absorbet, ubique vendicat, ut suis desideriiis continenter inserviat, & omnia studia sua, cogitationes, labores, vitamque ipsam novis opibus, & facultatibus comparandis impendat, quin ullo umquam tempore ab hac insana sollicitudine novas opes acquirendi desistat. Hac de causa etiam Christus Dominus, cum dixisset, *neminem posse duobus dominis servire*, singulariter de avaritia mentionem facit, subjiciens: *Non potestis Deo servire, & mammonæ*: quod scilicet divitiarum cupiditas maxime repugnat servituti Dei, nec ulatenus amor Dei cum amore pecuniæ coherere queat. *Audiat hoc avarus*, clamat S. Hieronymus, *audiat qui censetur vocabulo Christianus, non posse se simul divitiis, Christoque servire*, *audiat*, inquam, *qui nomine Christianus censetur*. Qui enim avaritiæ servit, non re, ac veritate Christianus est; sed umbra solum, ac nomine. Quomodo enim Christianus revera dici potest, qui Christo non servit, qui cum aurum acquirere studet, Christi fidem amittit, ut ait Augustinus ex Apostolo, qui *ex auro, & argento sue*, ut apud Oseam, *fecit sibi idolum*, ut illud pro Deo suo colat, ipsique vota sua nuncupet?

Quod si tor, tamque formidanda mala, quæ recta ducunt homines in *interitum & perditionem*, ex avaritia profiunt, quanto studio, ac sollicitudine carere nos oportet ab hoc monstro truculentum humanique generis hoste omnium terribilissimo, ac fideliter sequi illud, non jam consilium, sed præceptum Apostoli: *Tu autem, o homo Dei, bne: fuge: sectare vero justitiam*! Fuge, quicumque es, avaritiam, fuge immoderatum

divitiarum amorem, ama paupertatem, quæ ad hanc vitam agendam necessaria sunt, quæ tantum: quæ superflua, desere: excute, si eo premeris, sceleratissimæ servitutis jugum, ne mergaris in interitum: cogita Salvatoris tui exemplum, *qui propter nos egenus factus est, cum dives esset, ut: illius inopia divites effemus*, qui ex paupere matre, in stabulo natus, & in præsepi exceptus, pauperes discipulos elegit, pauperem cum pauperibus vitam duxit, nudus in cruce mori voluit. Quæ perpendens, & divinum exemplum simul alta mente considerans S. Augustinus *serm. 177.* eloquenti sermone ita omnes ad avaritiæ fugam hortatur, & urget: „ Turpe est, & nimis „ pudendum, & dolendum, si cultores „ idolorum inventi sunt avaritiæ domitores, „ & cultor Dei unius ab avaritiâ subju- „ getur, & fiat avaritiæ mancipium, cujus „ sanguis sit pretium. . . . Hujus familiæ „ facti sumus: in hujus familiam adoptati „ sumus: hujus filii non nostris meritis, „ sed ipsius gratia sumus. Nimis grave est, „ & nimis horribile, ut avaritiâ nos teneat „ in terris, cum illi dicamus, *Pater noster „ qui es in caelis*, cujus desiderio vile scunt „ omnia, nec nata nobis sunt, inter quos „ nati sumus: quia propter illum renati „ sumus. Sint hæc ad necessitatis usum, „ non ad charitatis affectum: sint tam- „ quam stabulum viatoris, non tamquam „ prædium possessoris: Resice, & transi. „ Iter agis, attende ad quem venisti: quia „ magnus est, qui ad te venit. Discedendo „ de hac vita, locum facis venienti. *Sra- „ buli* est ista conditio: cedes, ut alius ac- „ cedat. Sed si vis ad locum tutissimum „ pervenire, Deus a te non recedat, cui „ dicimus: *Deduxisti me per semitas justitiæ „ propter nomen tuum*; non propter meri- „ tum meum. Aliud est ergo iter mor- „ talitatis, aliud iter pietatis. Iter mor- „ talitatis commune est. Illuc enimambu- „ „ lat

1. Iam omnes nati, illuc non nisi renari.
 2. Ad illud pertinet nasci, crescere senescere, mori. Propter hoc necessarius est victus, & tegumentum: sufficientes sint huiusce inieris sumptus. Quare te gravas? Quare tanquam portas in via brevi, non unde ad hanc viam finiendam juvenia, sed unde potius gravius oneretur? Nimium quippe mirabile est, quod tibi vis, ut contingat. Oneras te, multum portas, premit te in hac via pecunia, & per hanc viam premit te avaritia. Avaritia enim cordis est immunditia. Nihil tollis de hoc mundo, quem amasti: sed tollis vitium, quod amavisti. Si per severanter amas mundum, qui fecit mundum, non te invenit mundum. Si ergo in usum temporalem moderata pecunia sit viatici, in eo sine constituto, qui scriptus est: *Sine amore*, inquit, *pecunia modus sufficiens est presentibus*. Vide ante omnia, quod perduxit: *Sine amore*, inquit, *ita manum mitte, ut cor inde solvas*. Nam si pecunia per amorem cor alligare volueris, inferis te doloribus multis. Et ubi eris?

3. Quid igitur? Pergit Augustinus cum Apostolo: *Tu autem homo Dei, hec fuge*. Non ait, relinque, & defere; sed fuge quasi hostem. Querebas fugere cum auro, fuge aurum. Cor tuum fugiat, & servus est tuus. Cupiditas non sit pietas: tamen non desit: est, quod facias de auro, si dominus es auri, non servus. Si dominus es auri, facis de illo, quod bonum est: si servus, facis de re, quod malum est. Si dominus auri es, vestitus de te Dominum laudas. Si servus auri es, spoliatus de te blasphematur. Servum autem te facit cupiditas, liberum charitas, inde servus, si non fugeris. Tu autem, o homo Dei, hec fuge. In hac causa, si non vis esse servus, esto fugitivus. Audisti quid fugias, habes & *Petrus Thel, Mor. T. II,*

4. quod festeris. Non enim inaniter fugis, aut sic relinquis, ut non apprehendas: *Sequare ergo iustitiam, fidem, pietatem, ebaritatem*. Hec te divitem faciant. Hæ divitiæ intrus sint: fur ad eas non accedit, nisi mala voluntas ei dederit locum &c. Has divitiæ non tibi latro, non quilibet potentissimus inimicus, non irruens hostis, aut barbarus, non denique usufrugium poterit auferre, unde si nudus exas, plenus exis; neque enim vere inanis erat, quamvis foris secus nihil habere videretur, qui dicebat: *Domini absentie: sicut Domino placuit, ita saluum est: sit nomen Domini benedictum*. Laudabilis ista plenitudo, ingentes divitiæ: inanis auro, plenus Deo: inania omni transitoria facultate, plenus sui Domini voluntate. Quid queritis aurum tantis laboribus, & peregrinationibus? Amate hac divitiæ, & modo implemini: fons earum non latet, si cor patet: aperit cor clavis fidei, & aperit, & mundat, ubi ponat. Noli tibi angustus videri: divitiæ tuæ Deus tuus: quando intravit, ipse dilatavit. Ergo sine amore pecunie modus sufficiens est presentibus. Quare presentibus? Quia, *nihil intulimus in hunc mundum, nec auferre aliud quid possumus*. Hec & alia Augustinus dissentissime, quæ nos, si recte, & serio consideremus, ab omni avaritia, ab omni rerum temporalium insana cupiditate efficaciter abducere possunt.

CAPUT V.

De Luxuria, ac vitiis ex ea progenitis.

DOCTRINA.

- I. Quid sit luxuria.
- II. Venereæ voluptatis in solo legitimo matrimonio licita esse.
- III. Luxuria est peccatum de se mortale.
- IV. Contingere tamen potest, ut veniale sit.

A a z

Quon-

Quoniam id continget .

- V. *Indicantur luxurie species .*
 VI. *Vitium capitale luxuria est , ex quo alia vitia gignuntur .*
 VII. *Luxuria filia exponitur .*
 VIII. *De exterioribus luxurie actibus , ac primum de locutione , prout ad luxuriam refertur .*
 IX. *De aspectibus lascivis . Expositio sententia Christi Domini : Qui viderit mulierem &c .*
 X. *Aspectus mulieris solius curiositatis gratia non nisi veniale peccatum est .*
 XI. *Oscula , amplexus &c . si considerentur secundum genus , aut speciem suam , peccata non sunt .*
 XII. *Sunt vero peccata mortalia , si libidinosi sint .*
 XIII. *Quanam oscula , sive amplexus , aut sactus , libidinosi dicenda sunt .*
 XIV. *Ad eam peccati speciem reducantur , ad quam pertinet actus consummatus .*
 XV. *Ejusmodi oscula , & amplexus aliquando etiam in uxoris peccata mortalia sunt .*

§. I.

De Luxuria in genere , & speciebus ipsius .

I. **D**E luxuria generatim inspecta , ac prout vitium capitale est , hic duntaxat sermonem habemus . Nam de septem luxurie speciebus ad sextum Dealogi præceptum tractationem remisimus . Luxuria igitur in genere considerata definitur , *inordinatus appetitus voluptatis venerea* . Ex hoc , quod dicitur *appetitus* , luxuria id exprimit , quod commune habet cum cæteris quibuscunque actibus nostræ voluntatis , aut facultatis appetitivæ . Cum subditur *inordinatus* , significatur id , quo in genere vitiorum constituitur ; neque enim ad luxuriam vitium pertinet usus omnis venereorum , ut patet

in Conjugatis , qui eorundem usum , ac modum servant , rectumque finem , proles nempe generationem in eo sibi præstituant . Cum demum dicitur *appetitus voluptatis venerea* , designatur il , quo luxuria a vitis cæteris distinguitur , ac speciale vitium est . Siquidem *venerea voluptas* propria huiusce vitii materia est , & in hoc differt a reliquis vitiis , aliisque inordinatis delectationibus , etiam quæ versantur circa cibum , & potum , quæ sunt materia gulæ . *Luxuriosus* , inquit S. Thomas 2. 2. q. 153. art. 2. dicitur *quæsi solutus in voluptate* . Maxime autem voluptates *venereæ animus* hominis solvunt : & ideo circa voluptates *venereæ maxime luxuria consideratur* .

Recte tamen animadvertit in *resp. ad 2.* Quod sicut temperantia principaliter quidem , & proprie est circa delectationes tactus : dicitur autem ex consequenti , & per similitudinem quamdam in quibusdam aliis materiis ; ita etiam luxuria principaliter quidem est in voluptate *venereæ* , quæ maxime , & præcipue animum hominis resolvit ; secundario autem dicitur in quibuscunque aliis ad excessum pertinentibus . Unde ad Gal. 5. dicit Gloss. „ quod luxuria est qualibet superfluitas “ .

II. *Veneream* aliquam voluptatem , quæ nempe ex usu matrimonii legitime hauritur , sine omni peccato consistere dubitandum non est ; idque fides ipsa Christiana docet , probatque S. Doctor art. 2. *Solido eo fundamento* , quod , Peccatum in humanis actibus est , quod est contra ordinem rationis . Habet autem hoc rationis ordo , ut quilibet convenienter ordinet in suum finem . Et ideo non est peccatum , si per rationem homo uratur rebus aliquibus ad finem , ad quem sunt , modo , & ordine convenienti ; dummodo ille finis sit alius , quid vere bonum . Sicut autem est vere bonum , quod conservetur corporalis natura unius individui ; ita etiam est quoddam „ be-

bonum excedens, quod conferretur natura speciei humane. Sicut autem ad conservationem vite unus hominis ordinatur usus ciborum; ita etiam ad conversationem totius humani generis usus venercorum. Et ideo sicut usus ciborum potest esse absque peccato, si fiat debito modo, & ordine, secundum quod competit salutis corporis; ita etiam usus venercorum potest esse absque omni peccato; si fiat debito modo, & ordine, secundum quod est conveniens ad finem generationis humane.

Ex hac doctrina sequitur etiam, luxuriam, quae est appetitus inordinatus voluptatis venerae semper esse peccatum. Lique evidenter constat: quoniam, inquit art. 3. *quanto aliquid est magis necessarium, tanto magis oportet, ut circa illud rationis ordo servetur. Unde per consequens magis est vitiosum, si ordo rationis pratermittatur. Usus autem venercorum, sicut dictum est, est valde necessarius ad bonum commune, quod est conservatio humani generis. Et ideo circa hoc maxime attendi debet rationis ordo; et per consequens, si quid circa hoc fit, prater id, quod ordo rationis habet, vitiosum erit. Hoc autem pertinet ad rationem luxurie, ut ordinem, et modum rationis excedat circa venerem. Et ideo, absque dubio luxuria est peccatum.*

Huic affectioni ceteroquin certissime opponi potest illud argumentum, quod habet S. Doctor primo loco: nimirum quod luxuria praesentis consistat in emissione seminis, quod est superfluum alimenti; adeoque sicut in emissione aliarum superfluitatum corporis nullum peccatum est, ita &c. Sed idoneum est responso, quam a thibetum hic, tum q. 15. de malo art. 2. ad 4. in eo posita: quod semen est solummodo superfluum, quantum ad usum facultatis nutritivae, non autem quantum ad usum generativae. Cum enim suscite natura ordi-

netur ad generationem, eo homo eget iuxta conditionem humanae speciei propter actum generativae facultatis. Et ideo omnis voluntaria seminis emissio alio modo facta, quam conveniendi ad generationem peccatum est. Non vero emissio aliarum superfluitatum, quae sunt omnino superfluae secundum conditionem tum naturae, tum speciei, adeoque nullatenus iis indigemus, nihilque propterea refert, qualiter emittuntur, modo convictus humani decorum servetur.

III. Nedom luxuria utrumque peccatum est, sed etiam de se mortale: de quo ambigere non licet, Apostolo ad Galat. cap. 5. veritate hanc attestante, dum ait: *Manifesta sunt opera carnis, quae sunt fornicatio, immunditia, impudicitia, luxuria &c. quae prae dico vobis, sicut prae dixi: quoniam qui talia agunt, regnum Dei non consequentur.*

Remaneat, ut ait S. Thomas ad 2. : *Ex eo, quod aliquis inordinate corpore suo utitur, injuriam facit Deo, qui est principalis Dominus corporis nostri.* Hinc Apostolus idem 1. ad Corinth. cap. 3. : *Nescitis, inquit, quia templum Dei estis, et Spiritus Dei habitat in vobis? Si quis autem templum Dei violaverit, disperdet illum Deus.* Et cap. 6. : *An nescitis, quia membra vestra templum sunt Spiritus Sancti, qui in vobis est &c. ? Quis loca praeculibus habens.* S. Augustinus scem. 9. de decem chordis scribit: *Deus qui scit, quid tibi utile sit &c. qui sic gubernat servos suos ad utilitatem illorum, non ad suam, hoc iussit, hoc praecepit, ne per illecebras, & illicitas voluptates corrumpat templum ejus, quod esse coepisti. Nunquid hoc ego dico? Apostolum auditis: Nescitis, quia templum Dei estis &c. ? Si quis templum Dei corruperit, corrumpet illum Deus. Videtis, quomodo minatur &c.*

IV. Contingere tamen potest, quod luxuria sit aliquando peccatum veniale. Porro

ro quandonam peccatum mortale sit, quando veniale, potest ex Divo Thoma q. 15. de malo ita explicari. Quoties actus luxuriae solum inordinatus est ob nimiam concupiscentiam, sicut cum aliquis ad suam quidem uxorem accedit, libidine valde effluante, quae tamen intra limites ficit legitimi matrimonii, adeo ut neque ipsam, neque aliam cognoscere vellet, quae sua uxor haud forer; veniale tunc tantum peccatum est. Quoties autem luxuria opus inordinatum est ex parte actus, quia scilicet actus non est conveniens, aut proportionatus generationi, & educationi proli, semper est peccatum mortale. Idemque ferendum iudicium est, si talis inordinatio concupiscentiae sit inter conjuges, ut intra matrimonii limites haudquaquam stant. Tunc enim vel mente, vel opere inordinatio se teset ex parte ipsius actus.

Id confirmari potest, & amplius explicari. Nedom homicidium, quo vitia hominis auferuntur, verum etiam furtum, quo exteriora bona auferuntur, quae ad vitam sustentandam ordinantur, lethale peccatum est. Proximus autem ordinatur ad vitam hominis semen humanum, in quo est homo in potentia, ex illo nempe oritur, & in ipso continetur. Igitur etiam inordinatio circa seminis emissionem ex se peccatum est lethale, cum sit inordinatio magis pertinet ad vitam hominis, quam ipsum furtum.

Neque vero luxuria solum est peccatum mortale, dum consideratur ipsa principale luxuriosum opus, quod est inordinatus concubitus, aut inordinata seminis emissio, sed etiam ea, quae ad ipsum ordinantur, scilicet libidinosus aspectus, tactus, colloquia, hisque similia, quatenus ad expressionem libidinis referuntur; si vero interim is, qui huiusmodi obsecrationibus oblectatur, in opus turpe consentiat, sive etiam non consentiat, ut subinde dicemus.

Quandoquidem idem iudicium esse debet de actu ipso lethaliter peccaminoso, ac de actibus, qui ad illum ex se disponunt.

V. Luxuriae species sex a S. Thoma q. 157. art. 6. assignantur, nimirum *Fornicatio simplex, adulterium, incestus, stuprum, raptus, & vitium contra naturam*: quibus Theologi frequentius *peccatum* aliam adiiciunt, nempe *sacrilegium*, quod S. Doctor ad adulterium revocat, & in eo comprehenditur ad 3., illa de causa, quod *mulier, vivens continentiam, quoddam spirituale matrimonium facit cum Deo, & ideo sacrilegium, quod committitur in violatione talis mulieris, est quoddam adulterium spirituale*. Divisionis traditum asserit rationem S. Doctor, quae ita paucis proponi valet. Species peccati sumuntur ex diversitate formalis objecti. Ubi autem est materia cum diversa ad rectam rationem repugnantia, ibi diversitas est objecti formalis. Porro inveniri potest luxuriae materia cum diversa repugnantia ad rectam rationem, vel quatenus impeditur generatio prolis: & tunc est *peccatum contra naturam*, vel quatenus impeditur educatio, & promotio prolis natae: & sic est *simplex fornicatio*: vel quatenus actus exercetur inconvenienter relate ad alios homines: & hoc quia vel non servatur honor naturaliter debitus foeminae, ut in *incestu*: vel quia non servatur rectitudo ex parte illius, in cuius potestate foemina est: & si quidem sit in potestate viri, est *adulterium*: si in potestate patris, *stuprum* est, si absc violentia *raptus*: autem si violentia fiat. Quod si non servetur honor debitus propter votum, quo se foemina Deo obligavit, aut propter legem Ecclesiasticam, tunc *sacrilegium* erit.

§. II.

De Luxuria, prout vitium capitale est.

VI. Luxuriam vitium esse capitale, ex quo

quo plura alia gignuntur vitia, aut peccata, consentiunt omnes, docetque S. Thomas hic *q. 153. art. 4.* Cum enim homo ex peccato primi Parentis summam contraxerit ad venereas voluptates propensionem, hæc delectationes eundem movent, atque impellunt ad pleraque peccata, ut eisdem tandem frui possit. Sed audire præstat S. Thomam ita loquentem: „ Vitium capitale, quod habet finem multum appetibilem, ita quod ejus appetitu homo progredat ad multa peccata perpetranda, quæ omnia ex illo vitio tamquam ex principali oriri dicuntur. Finis autem luxurie est delectatio venereorum, quæ est maxima. Unde hujusmodi delectatio est maxime appetibilis secundum appetitum sensitivum, tum propter vehementiam delectationis: tum etiam propter consuetudinem hujusmodi concupiscentiæ. Unde manifestum est, quod luxuria est vitium capitale “.

Porro illud observo necesse non esse, ut vitium aliquod capitale censeatur, & vitia, quæ inde consequuntur, ejus filia dicantur, quod ea vitia oriuntur ex affectu finis istius peccati tamquam media in illud ordinata. quedam enim vitia sunt, quæ non habent rationem medii ordinati ad delectationem, sicuti gula, ira nec etiam luxurie: quæ tamen earum filia appellantur. Quare satis est, ut ex affectu vitii, quod capitale dicitur, homo disponatur ad alia incurrenda: quin immo sufficit etiam, quod ex ipso secundum rationem causæ efficientis, aut dispositivæ proveniant. Unde Divus Thomas 1. 2. *q. 64. art. 4.* disertis verbis scribit: vitia capitalia dicuntur, ex quibus alia oriuntur præcipue secundum rationem causæ finalis. Ubi, dum ait *præcipue*, satis significat etiam oriri nonnumquam posse in alio causarum genere.

VII. Otto luxuriæ filias, seu peccata S. Gregorius Magnus secutus recenset Ange-

licus *art. 5.*, quatuor ex parte intellectus, & quatuor ex parte voluntatis. Priores sunt *cacitas mentis, inconsideratio, præcipitatio, inconstantia*. Posteriores: *Amor sui, odium Dei, affectus presentis sæculi, & horror futuri*. Quæ sic ex ipso explicantur.

Per *cacitatem mentis* intelligitur & pœna peccati, & peccatum proprie dictum, quæ scilicet luxuriosus nec advertit sui operis fœditatem, nec finem honestum sibi proponit, ut ab eo desistat.

Per *præcipitationem* accipitur defectus consilii, ita ut luxuriosus absque mentis consilio, sed passionis æstu, & impetu abruptus præceps ruat in flagitia, & facinora, ut sum libidini satisficiat.

Per *inconsiderationem* hic venit defectus attentionis ad Dei judicia, nimirum qui Veneris æstu inardescit, pœnarum obliviscitur, quæ Deus in Sacra Scriptura luxuriosis comminatur, nec aliud cogitat, quam de explenda sua libidine omni quocumque modo, iam & nec cogitat de statu, & officio, quod, plane si adverteret, facile posset a flagitio revocari.

Inconstantia vocabulo denotatur levis, & versatilis animus in rebus agendis, adeo ut luxurie deditus, ut voluptate, quam deperit, frui valeat, facillime a bono proposito dimoveatur.

Quoad luxuriæ filias ad voluntatem spectantes, *amor sui* significat inordinatum illum affectum, quo libidinosi carnis suæ volupstatibus ita afficiuntur, ut Deo, ejusque mandatis præponant.

Ex hoc amore sui, dum vehemens est, consequitur *odium Dei*. Luxuria scilicet admodum flagrantes abhorrent a lege, quæ Deus nefarias libidines prohibet, adeo ut cum impiis a Job memoratis proterve dicant Deo: *Recede a nobis: scientiam viarum tuarum nolumus*.

Sequitur etiam ex eodem amore sui inordinatus *affectus presentis sæculi*: vellent nimirum libidinosi, ut præsens vita perpetue

duraret, quæ voluptatibus suis semper fruerentur.

Ex quo demum quoque sequitur *horror sæculi futuri*, eo quod, cum non credant voluptuosi, se posse ex turpi corno delectationum carnalium emergere, de æterna vita cōspicienda omnino desperant.

Aulianus S. Præceptorem præclare admodum de hoc argumento loco laudato dissetentem 2, Dicendum, inquit, quod, quando inferiores potentia vehementer afficiuntur ad sua objecta, consequens est, quod superiores vires impediuntur, & deordinantur in suis actibus. Per vitium autem luxuriæ maxime appetitus inferior, scilicet concupiscibilis, vehementer intendit suo objecto, scilicet delectabili, propter vehementiam passionis, & delectationis. Et ideo consequens est, quod per luxuriam maxime superiores vires deordinantur, scilicet ratio, & voluntas.

Sunt autem rationis quatuor actus in agendis. Primo quidem *simplex intelligentia*, quæ apprehendit aliquem finem ut bonum. Et hic actus impeditur per luxuriam secundum illud Dan. 23. *Species decepit te, & concupiscentia subvertit cor tuum*. Et quantum ad hoc ponitur *cæcitas mentis*. Secundum actus est *consilium*, de his, quæ sunt agenda propter finem. Et hic etiam impeditur per concupiscentiam luxuriæ. Unde Terentius dicit in *Eunuch* loquens de amore libidinoso: *quæres in se neque consilium, neque modum nitum habet, eam consilio regere non potest*. Et quantum ad hoc ponitur *præcipitatio*, quæ importat subtractionem consilii. Tertius actus est *iudicium de agendis*. Et hic etiam impeditur per luxuriam. Dicitur enim Dan. 23. de senibus luxuriosis: *Averterunt sensum suum, ut non recordarentur iudiciorum iustorum*. Et quantum ad hoc ponitur *inconsideratio*. Quartus

autem actus est *præceptum rationis de agendis*, qui etiam impeditur per luxuriam: in quantum scilicet homo impeditur ex impetu concupiscentiæ, ne exequatur id, quod decevit esse faciendum. Et quantum ad hoc ponitur *inconstantia*. Unde Terentius dicit in *Eun.* de quodam, qui dicebat se recessurum ab amica: *Hæc verba una falsa lacrymula restinguit*.

Ex parte autem voluntatis consequitur duplex actus inordinatus: quorum unus est appetitus finis. Et quantum ad hoc ponitur *amor sui*, quantum scilicet ad delectationem, quam inordinate appetit: & per oppositum ponitur *odium Dei*, in quantum scilicet prohibet delectationem concupitam. Alius autem est appetitus eorum, quæ sunt ad finem. Et quantum ad hoc ponitur *affectus præsentis sæculi*, in quo scilicet aliquis vult frui voluptate: & per oppositum ponitur *desperatio futuri sæculi*: quia dum nimis detinetur carnalibus delectationibus non curat pervenire ad spirituales, sed fastidit eas.

§. III.

De actibus exterioribus, qui vel ex luxuria procedunt, vel ad ipsam disponunt.

VIII. Angelicus Doctor considerans *art.* laudato luxuriæ alias, & ad sibi proposita argumenta respondens, mentionem facit in *resp.* ad 4. de quibusdam actibus exterioribus, qui vel a luxuria procedunt, vel ad ipsam disponunt, in quorum numero sunt etiam ii, de quibus sermonem habet *art.* 4. questionis sequentiæ, de quibus propterea hic agendum puto, ut plena cognitio sit de luxuriæ vitio, prout nunc a nobis consideratur. Primum itaque dicam aliqua de his, quæ locutionem spectant, circa quam quatuor veluti species, quæ ad lux-

X. Quod tamen folius curiositatis gratia aliquis mulierem aspicat, non ex hoc lethale peccatum est, licet facillime veniale sit. Unde Augustinus eodem loco observat, nobis prohibitum absolute non esse videre mulieres, sed eas appetere, vel ab ipsis appeti velle, criminisum esse. Addendum nihilominus est, periculum esse peccati lethalis, dum is, qui in feminam desigit oculum, immoratur in ejus aspectu, maxime si pulchra sit, & ad affectum attrahendum composita. Quia de causa Sapiens Eccles. cap. 9. hoc servandæ castitatis veluti remedium necessarium commendat: *Virginem ne conspicias, ne forte scandalizetis in dolore illius. Noli circumspicere in vicis civitatis, ne obtraveris in plateis illius. Averte faciem tuam a muliere compta, & ne circumspicias speciem alienam. Propter speciem mulieris multi perierunt: & ex hac concupiscentia quasi ignis exardescit. Ascendit enim mors per fenestras nostras.* Quod & aliis verbis, atque sententiis sæpius Sapiens idem inculcat.

XI. Demum ad actus luxuriæ exteriores (nam de interioribus, nempe delectationibus morosis, desiderijs &c. satis alibi diximus) maxime spectant oscula, amplexus, & ceteri tactus. Hujusmodi actus possunt considerari duntaxat secundum se. Atque ita inspecti procul dubio non sunt ex genere suo, aut secundum speciem suam peccata. Si enim ita forent, nunquam fieri posset, quin peccaret is, qui actus illos exerceat, ut patet in mendacio, quod malicia exui namquam potest. Porro certum est, haud semper peccare virum, qui mulierem ex. gr. osculatur. Id enim nonnunquam fit solius urbanitatis gratia, vel propter consuetudinem, quæ obrinet quibusdam in locis, ut nempe si se osculentur, qui se invicem invisiunt, aut cum de novo ex aliquo loco, in quem antea abierant, revertuntur. De hoc ita docet S.

Thomas 2. 2. q. 254. art. 4. *Dicendum, quod aliquid dicitur esse peccatum mortale dupliciter. Uno modo secundum speciem suam: & hoc modo osculum, amplexus, vel tactus secundum suam rationem non nominant peccatum mortale. Possunt enim hoc absque libidine fieri, vel propter consuetudinem patriæ, vel propter necessitatem, aut rationabilem causam. Quia doctrina verissima, ac indubitata mirum quantum abusi sint suspecti quidam tactuum mammillarum defensores.*

XII. Quod si eadem oscula, amplexus, ac tactus libidinis causa fiant, ut fieri solet presertim inter viros, ac mulieres, tunc esse peccata mortalia omnino dicendum est. Quod in primis S. Thomas laudato loco adducit in argumento, sed contra, hoc momento ex S. Evangelio desumpto: *Minus est aspectus libidinosus, quam tactus, amplexus, vel osculum. Sed aspectus libidinosus est peccatum mortale, secundum illud Matth. 5. Qui viderit mulierem ad concupiscendum eam &c. Ergo multo magis osculum libidinosum, & alia hujusmodi sunt peccata mortalia.* Id confirmat auctoritate S. Cypriani ad Pomponium de Virginitate dicentis: *Certe ipse concubitus, ipse complexus, ipse confabulatio, & osculatio, & conjacentium diuorum turpis, & fæda dormitio, quantum dedecoris, & criminis consistit!*

Quod autem osculum, & cetera hujusmodi sint peccata lethalia, id habent, inquit idem S. Doctor, *in sua causa, videlicet ex libidine, qua in praxi plerumque sunt.* Alio modo dicitur aliquid esse peccatum mortale ex sua causa, sicut ille, qui dat elemosynam, ut aliquem inducat ad hæresim, mortaliter peccat propter intentionem corruptam. Dictum est autem supra, quod consensus in delectationem peccati mortalis est peccatum mortale, & non solum consensus in actum. Et ideo sum fornicatio

et catio sit peccatum mortale, & multo magis aliæ luxuriæ species, consequens in delectationem talis peccati sit peccatum mortale, & non solum consensus in actum. Er ideo cum oscula, & amplexus hujusmodi, propter delectationem hujusmodi sunt, consequens est, quod sint peccata mortalia, & sic solum dicuntur *libidinosæ*. Unde hujusmodi secundum, quod sunt libidinosæ, sunt peccata mortalia.

XIII. Dicuntur porro *libidinosæ* oscula, & alia hujusmodi, quæ ad venerem aliquem actum se disponunt, aut quæ sunt ex intentione ejusdem, aut quæ delectationem excitant de fornicatione, aut alia luxuriæ specie, aut quæ sunt cum aliqua libidinis commotione vel prævisa, vel quæ prævideri potuit, ac debuit, aut denum, quæ sunt ob delectationem carnalem, & sensibilem ex ipsius oculis, aut amplexibus ortam. Ea enim, quæcumque ratione contingant, includunt consensum saltem interpretativum in delectationem alicujus speciei luxuriæ: ad quam hujusmodi actu, qui sunt tum in homine, tum in omnibus animantibus ad *veneris initia* revocantur.

XIV. Atque hoc, quod modo innui, diligenter est advertendum, ad eam scilicet libidinis speciem pertinere oscula, aspectus, tactus, colloquia venerea, ad quam spectat consummatio concubitus. Unde aspectus, vel oscula conjugum spectant ad actum, aut speciem matrimonii, adeoque sicut actus matrimonialis licitus est, ita oscula & cetera hujusmodi matrimonii honestate excusantur. Aspectus vero, oscula &c. soluti erga solutam ad fornicationem reducuntur: soluti ad eam, quæ alterius conjux est, ad *adulterium*: si fiant inter consanguineos, ad *incestum* spectant; cum persona Deo dicata, sacrilegii culpa polluantur &c. Fricare vero, vel palpare

Patuzzi Theol. Mor. T. II.

libidinose seipsum, *mollitici* est: brutorum genitalia turpiter tangere ad *bestialitatem* pertinet. Ad *sodomiam* vero, si vitum, aut femina feminam libidinose aut osculetur, aut contrectet &c. De quo ita loquitur S. August. Epist. 103. *Non carnalis, sed spiritualis inter vos debet dilectio: nam quæ faciunt pudoris immemorare etiam feminis femina, secundo turpiter, & ludendo, non solum a viduis ancillis Christi in sancto proposito constitutis, sed omnino nec a mulieribus nuptis, nec a virginibus sunt facienda nupturis.*

XV. Quamquam vero oscula, & amplexus, ut dictum est, inter conjuges matrimonii sanctitate honestentur, aut honestari valeant, si tamen ex iis actibus pollutio sequatur, aut periculum ejus, quod conjugari prævidere debuerint, ac potuerint, actus illi peccata lethalia sunt. Nam qui vult causam, vult etiam effectum, quem ex ea secuturum esse, aut prævit, aut prævidere potuit. Quod si pollutio nec sequatur, nec sit ejus periculum, si hæc ad usum matrimonii non ordinentur, aut ad honestum amorem fovendum, peccata saltem venialia sunt. Quæ enim in non conjugatis peccata essent mortalia, honestas matrimonii efficit, ut tantummodo venialia sint. Quod si eadem oscula, & actus veneri fiant inter conjugatos, ut se ad actum conjugalem disponant, in quo sibi prolis generationem finem præstirunt, tunc etiam omni culpa veniali carent.

C A P U T VI.

Regula quædam traduntur ad peccati luxuriæ qualitatem dignoscendam idoneæ.

D O C T R I N A.

- I. *Voluptas venerea extra matrimonium quaesita, aut captata lethale peccatum est.*
- II. *Leibalo quoque peccatum est etiam solus ejus.*

B b b

eiusdem voluptatis deliberatus appetitus.

- III. *Materia parvitas admittenda non est in luxuria deliberate quaesita, aut voluta.*
- IV. *Principia S. Thomae, quibus nititur proposita regula.*
- V. *Letale de se est peccatum tactus mammillarum mulieris absque iusta causa peractus.*
- VI. *Amplexus, et oscula honesta juxta patriam moram, aut amicitia causa mala ex se dicenda non sunt.*
- VII. *Idem tactus honesti facti ex mera vanitate, vel joco non sunt de se nisi culpe veniales.*
- VIII. *Inonesti vero, aut impudici etiam ex joco, aut vanitate peracti letalis culpe laesae inquinantur.*
- IX. *Liciti sunt praecliti tactus ex rationabili causa, quin et illos pati nonnumquam mulieres ipsae tenentur.*
- X. *Distinguenda sunt delectationes, quae oculis, et tactibus percipiuntur, aut percipi queunt.*
- XI. *Peccati letalis rea efficitur mulier, quae dum potest, non impedit tactus libidinosos in se ab aliis exercitos.*
- XII. *Aspectus impudicus ex se peccatum letale est.*
- XIII. *Turpiloquium saepe mortale est peccatum.*
- XIV. *Periculosa admodum sunt superfluae, ac frequentes confabulationes virorum, et mulierum.*
- XV. *Peccant mortaliter loquentes, et scribentes de rebus turpibus, et obscenis.*
- XVI. *Conversationes promissae, prout in consuetudine sunt, damnae, ac fugiendae.*
- XVII. *Chorea inter viros, et feminas, spectatis circumstantiis, prava sunt, et periculorum plena.*
- XVIII. *Quid de his sentiant tum veteres, tum recentes Ecclesiae Patres, plique scriptores.*
- XIX. *Conclusio ex iis omnibus deducta.*

PLURA equidem dicta sunt capite praecedente, ex quibus haud difficile est cognoscere peccati luxuriae qualitatem; quia ramen materia haec frequens admodum in praxi est, multique sunt, qui hoc vitio inquinantur, & ad sempiternam damnationem pertrahuntur; idcirco ad maiorem hujusce rei claritatem praestat nonnullas peculiari Capite regulas proponere, quibus nedum Confessarii, verum etiam ceteri quicumque alii facile perspiciant, quandonom levisiter peccetur, aut solum venialiter. Sit itaque

REGULA PRIMA.

Veneres voluptas extra matrimonium voluntarie quaesita, aut captata peccatum letale est.

I. Hoc certissimum est tum autoritate jam laudata ex Apostoli sententia, in qua manifestissime excludit a regno Dei, qui carnis opera consentantur, tum ex evidente ratione: veneres namque voluptates ad humani generis propagationem ordinatae sunt: adeoque has ad alium finem detorquere est enormis perversio ordinis a natura, ac Deo praestituti: quod absque gravi culpa numquam contingit. Sicut enim, inquit S. Thomas, *letale peccatum est, non solum homicidium, per quod vita hominis tollitur, sed etiam furtum, per quod subtrahuntur exteriora bona; ita, multoque magis debet esse lethale peccatum venerea voluptas extra matrimonium quaesita, in qua habetur inordinatio in eo, quod spectat ad vitam hominis in potentia propinquam.*

RE-

REGULA SECUNDA.

*Lethalis culpa est solus appetitus plane
deliberatus alius venerei extra fines
legitimi matrimonii; venialis
vero si plane deliberatus
non sit.*

II. Id satis indicavit Christus Dominus, dum Matth. 15. dixit: *De corde exeunt cogitationes male, homicidia adulteria, fornicationes &c. hæc sunt, quæ coinquinant hominem.* Quæ verba expendens S. Augustinus lib. de Contin. cap. 11. ait: „Nihil est „istorum malorum quæ perpetrari etiam „membris corporis possunt, quod cogitatio „non antecedit mala, & coinquinet hominem, etiam si aliquid impediatur, ne subsequantur opera flagitiosa, & facinorosa membrorum. Si enim quia potestas non datur, vacat manus ab homine interfectione, namquid ideo mundum est a scelere eor homicidii? Aut si rem furripere alienam non, ut quis vult, potest, nunquid in ipsa voluntate fur non est? Aut si casta est, quam vult adulterare non castus, ideo eam non est in corde mœchatus? Aut si meretrix non invenitur in fornice, ideo qui eam quaerit, non fornicatur in mente? ... Ita cetera facta hominum, quæ nullus agit corporis motus, quæ nescit ullus corporis sensus, reos suos oculos habent, quos etiam solus inquinat in cogitatione consensus. ... A præcepto implendo utique alieni sunt, qui ob hoc ad peccatum membra non movent, quia potestas nulla permittitur: quæ si adsit, protinus ex membrorum velut armorum motibus, quid in eis intus regner ostendunt (peccatum scilicet). Proinde quantum in ipsi est, membra sua exhibent arma iniquitatis peccato“.

Utramque partem regulæ tradit S. Tho-

mas q. 15. de malo art. 2. inquit: *Quia appetitus interior accipit bonitatem, vel malitiam ex eo, quod appetitur; inde est, quod etiam appetitus huiusmodi actus inordinati est peccatum mortale, si sit completus, scilicet cum ratione deliberatus; alioquin est peccatum veniale; quod alibi sæpe exprimit S. Doctor, dum generatim tradit ea, quæ ex genere suo lethalia peccata sunt, solum esse venialia propter imperfectionem actus, sive propter carentiam plenæ deliberationis aut advertentiæ, quæ ad rationem lethalis peccati requiritur.*

REGULA TERTIA.

*In voluptate venerea deliberato quaesita,
aut captato materia pravitas
admittenda non est.*

II. De hac regula non est concors Theologorum sententia, tametsi in aliquibus omnes conveniant. Quapropter, ut quo sensu ea a nobis intelligatur, manifestum fiat, quædam in primis animadvertere consultum duco. Alia in genere luxuriæ objecta inveniuntur, quæ de se graviora sunt, ut copula carnalis extra matrimonium, pollutio vehemens pudendorum commotio; eorumdem impudica contrectatio &c. Alia vero saltem physice considerata levior reputantur, ut modica partium commotio, aspectus minus pudicus pulchre mulieris, ejusdem manuum contactus, digitorum intorsio &c. Delectatio quoque, quæ huiusmodi objecta respicit, alia gravis esse potest, quæ scilicet carnem vehementer commover, ac rationem abripi: alia levis, quæ non nisi levem carnis commotionem infert, nec rationem abstrahit.

Igitur in hoc consentiunt, ac consentire plane debent omnes, delectationem deliberatam, quæcumque ea fuerit, sive gravis, sive levis de objecto graviter impudico, ut de copula carnali, de pollutione, semper

esse peccatum lethale : idque nos supra de humanis actibus agentes manifestum fecimus : quoniam delectatio, quæcumque sit, speciem, & malitiam ex objecto depromit, quod cum graviter malum sit, gravem quoque malitiam in delectationem, quæ alias voluntaria supponitur, refundit.

Consentiunt item, ac consentire omnes debent, etiam delectationem veneream, dum vehementem, & gravis est ex parte sui, tamen si capiatur ex objecto *levi* in genere luxurie, ut ex contactu manus mulieris, esse iethale peccatum. Quandoquidem ea delectatio cum vehementer carmen commoveat, proxime disponit ad pollutionem, eamque suapte natura inducit, licet aliquando ex parte subjecti huiusmodi delectationem deliberate captantis non sequatur.

Quoties ergo in proposita *Regula* statuo, non esse admittendam materiem parvitatem in delectatione, aut volupate venerea questita, aut captata, de illa inrelligo, quæ *levis* est physice considerata tum ex parte objecti, tum ex parte actus, sive ipsius delectationis, adeo ut moraliter inspecta *gravis* semper sit in genere mortis : si tamen non desit, quod ad peccatum mortale ex generali moralis actus conditione requiritur, nimirum plena voluntatis deliberatio : ex huius quippe conditionis defectu sæpius contingit, in viris præsertim timoratis, ut peccatum veniale sit, præsertim cum objectum leve de se est.

Sententia, quam amplector, communior certe est penca Theologes, a quibus discedere minime debemus, nisi gravia admodum momenta cogant, quæ profecto pro opinione contraria non afferuntur. Ea autem probari in primis potest damnata ab Alexandro VII. propositione n. 40. quæ ita efferebat : *Est probabilis opinio, quæ dicit esse tantum veniale osculum habitu ob delectationem carnalem, & sensibilem, quæ ex*

offenso oritur, secluso periculo consensus ulterioris, & pollutionis. Quæ propositio non admittitur etiam tamquam *probabilis*, immo damnatur ex eo capite, quod *probabilis* ab aliquibus diceretur, adeoque tamquam certo falsa, laxa, & scandalosa rejicienda est. Porro ex damnatione huius propositionis consequi videtur, generatim non esse admittendam materiem parvitatem in volupate venerea deliberate questita, aut captata. Osculum enim objectum luxurie grave non videtur, immo si spectetur secundum speciem suam, indifferens est. Sed neque gravis apparet delectatio ex offenso questita, aut perccepta : tum quia sermo non est in propositione de quodam osculorum genere, quæ *pressa* vocantur ; tum quia delectatio carnalis ex osculo capta juxta Audientes propositionia talis erat, quæ secum non afferret *periculum consensus ulterioris, & pollutionis* : quæ idcirco non nisi *levis* reputari valet. Quamobrem, tamen damnata propositio de sola loquatur delectatione captata ex osculo ; complectitur etiam cæteras delectationes libidinosas, quæ percipiuntur ex manus, vel pedis contactu, aliisque id genus, quæ physice leves sunt, ac proinde in damnatione ipsius, etiam quæcumque aliæ *levis* delectationes comprehenduntur, quæ peccata levia judicantur ex parvitate materiem. Unde inveniri nequit delectatio venerea *levis*, quæ gravi culpa cateat, quoties deliberare queritur.

IV. Rationes hujus regulæ præcipue hinc nituntur doctrinæ S. Thomæ principiis, quorum primum istud est : *Dispositio ad aliquam formam, & circumstantia ejusdem finis in eadem specie cum ipsa forma.* Alterum : *Imperfectum reducit ad eundem ordinem, ad quem pertinet perfectum.* Tertium tandem : *Partes, & initium alicujus rei spectat ad eandem lineam cum termino, & complemento ejusdem.* Ex quibus argumenta in

tem

reim nostram, & illa quidem efficacia colligi queunt. Nam quilibet delectatio venerea preste dicta, etiam physice tenuis, oritur ex motu cuiusdam humoris: serosi, qui spermatis materia est, ut fidem faciunt Philosophi, & medicæ artis Professores, adeoque quilibet delectatio venerea est quædam inchoatio pollutionis, & dispositio ad ipsam. Porro juxta primum laudatum principium *dispositio ad formam est in eadem specie cum ipsa forma*. Igitur si forma, ad quam delectatio disponit, est ipsa pollutio, quæ procul dubio grave peccatum est, etiam ipsa delectatio disponens ad ipsam, grave peccatum erit.

Rursus *Imperfectum ad eundem ordinem reducitur, ad quæ pertinet perfectum*. Igitur si perfectum in hoc ordine est eadem pollutio, aut copula carnalis, quæ certe sunt peccata mortalia ipsa quoque delectatio venerea imperfecta ad eundem ordinem, sive genus peccati reducenda erit.

Demum: Si pars, & initium alicujus rei spectat ad eandem lineam cum termino, & complemento ejusdem, si terminus, & complementum venereæ voluptatis grave peccatum est; grave quoque peccatum erit ipsa, quamvis modica; delectatio venerea, quæ pars est, & initium completæ delectationis venerem, & ex hac suam malitiæ gravitatem hautiet.

Neque reponere adversarii valent, se loqui de modica venerea voluptate deliberato quidem quæstia, aut captata, sed secluso periculo consensu in delectationem ulteriores, & pollutionem. Nam si ista est, ac delusoria hujusmodi præcisio. Siquidem periculum istud intimum est culcumque venereæ delectationi, ipsique natura sua adnexum: ea quippe ex se semper tendit in opus perfectum, & pars est, ac initium ejusdem. Unde quidquid mens præcindere conetur, nunquam reapse sejungere potest malitiam, quam ex intussecro ordine

desumit: solumque ut summum minuetur peccati gravitas, sed intra limites lethalis semper consistet.

Quidquid tamen sit, aut quodnam judicium feratur de horum argumentiorum efficacia, cum Theologorum communior opinio materię parvitatem in delectationis qualibet venerea deliberate volita non agnoscat, omnesque conveniant de re agere periculi plena, prudens quisque, ac salutis sue cupidus, quanta potest diligentia cavebit ab omni captanda delectatione, ac voluptate, studiumque omne adhibebit, ut se ab omni carnali inquinamento immuniem servet, & periculum, quod in hac viscosa, lubricaque materia semper invenitur, omnino devitet.

REGULA QUARTA.

Non solum tactus partium pudendarum, sed etiam mamillarum mulieris absque necessitate, aut justa causa, peccatum lethale est.

V, De tactu partium pudendarum mulieris nemo ambigit: de tactu autem mamillarum nedum quidem antiquiores, sed etiam nonnulli Neoretici peccatum esse duntaxat veniale perficere asseruerunt. Sed posita regula omnino veluti certa tenenda est: quoniam inter tactus valde impudicus accenseri debet, idque ex communi hominum sensu, qui naturali quodam pulore ducti, illum ut admodum turpem averfunt, & horrent. Quare in Pœnitentiali Romano edito ab Augustino Tit. 4. can. 2. legitur: *Si quis obsecraverit puella, aut mulieris pectus, vel sursum dinem ejus, si Clericus est, quinque dies pœniteat: Monachus, vel Sacerdos a ministerio divino susperfi, si aliquid tale fecerit, viginti dies pœniteat: scriptum est enim, neque tetigeritis, neque obsecraveritis turpitudinem seminarum, Quibus in verba tria*
ggnæ

consideranda veniunt, primum in hoc textu non nisi actus externos spectati, qui solum ad Ecclesiae solum, ac iudicium pertinent. Alterum in eadem classe reponi, & eadem poena puniri obtrudere peccata *puella, aut mulieris, & turpitudinem carum*. Tertium ex poenitentiae, cui aequae subiiciuntur, magnitudine, gravem esse, ac lethalem malitiam eorum aperitissime colligi. Plura alia argumenta ad eandem regulam comprobendam protuli in libro, quem edidi adversus modernos quosdam tantum mammillarum defensores, qui illos a gravi saltem culpa excusabant; quem vide, si lubet.

REGULA QUINTA.

Amplexus, & oscula honesta juxta patriam consuetudinem, aut causa amicitiae, vel urbanitatis habita, peccata ex se nullatenus dicenda sunt.

VI. Hanc regulam, quemadmodum sequentes, constituo ad magis illustrandam S. Thomae doctrinam, quam tradidi capite praecedenti. Itaque regulae veritas ex eo liquidissime constat: quoniam nulla in iis actibus se prodit turpitudine, cum huiusmodi duntaxat sint signa, ac testificationes unionis amicorum, ac civium, vel amicitiae, benevolentiae, & honestatis. Atque ita concorditer post D. Thomam sentiunt alii Doctores, quorum plerique addunt licitam etiam esse delectationem non extraneam, aut voluptariam, sed honestam, & amicabilem ex illis actibus profluentem: quoniam sicut licet delectari de amicitia, & benevolentia aliorum, ita de ejusdem signis, ac testificationibus: modo tamen in iis decorum personae servetur, & scandalum caveatur. Neque enim decens est, quod Religiosi, aut Ecclesiasticae personae osculis sur complexibus etiam honestis benevolentiam, aut amicitiam testentur

erga puellas; aut mulieres praefectum juvenes, licet consanguineas, aut Religiosam deosculentur viros, etsi cognatione junctos. Ceterum illud observo huiusmodi oscula honesta, & licita etiam inter personas sexus diversi nunquam esse ori imprimenda, sed vel genis, vel honestis fronti, ut omne periculum venerae delectationis avertatur. Atque de his arbitror locutos esse SS. Apostolos Paulum, & Petrum, dum in suis epistolis non semel dicunt: *Salutate invicem in osculo sancto*.

REGULA SEXTA.

Amplexus, & oscula, aliter tactus honesti non nisi peccata venialia asserenda videntur, si fiant ex sola vanitate, curiositate, joco, aut alia simili de causa, sublato scandalo, aut periculo consensus in veneram delectationem.

VII. Dixi, *sublato scandalo, aut periculo consensus in delectationem veneram*. Hoc enim in hac aliisque materiis semper subintelligendum est, tamen haud semper exprimitur. Itaque exposita regula probari facile potest. Nam si tactus honesti sint, & communi hominum sensu tales reputentur, quales certe non sunt, nec repugnant tactus aut mammillarum, aut partium secretiorum mulieris, aut etiam pudendorum viri, prout mox dicemus, si ex mera vanitate, curiositate, aut joco fiant, aliam malitiam contrahere nequeunt, quam quae ex ipsorum causa derivatur. Causa autem meræ curiositatis, aut joci, similisve, haud tantam turpitudinem exprimit, ut eos efficere valeat graviter peccaminosos. Unde si intra eos limites tactus consistat, puta si quis per manum, aut brachium foemina ducat, aut manum premat, aut digitos torquat, peccati mortalis damnandus non est. Ceterum etsi haec, & similia ex mera vanitate,

te, aut joco peracta inter personas honestas, pudicas, & animum ab omni libidine alienum habentes sine peccato lethali contingere queant, illud nihilominus certum est, si morose, aut frequenter fiant absque causa legitima, plena esse periculi, a seculo ut perquam difficile sit, tactus hosce jocosos plene voluntarios a gravi culpa excusare, eo solo titulo, quod ex joco fiant inter personas maxime diversæ sexus, & ætatis non admodum proveat.

REGULA SEPTIMA.

Tactus de se inhoneſti, aut impudici ſive ex vanitate, ſive ex joco deliberato, & abſque neceſſitate peracti, peccati lethalis damnandi ſunt, ſive fiant inter perſonas diverſi ſexus, ſive ejuſdem.

VIII. Hæc regula ex præmiſſis ſatis colligitur. Tactus autem inhonesti certissime sunt, præter alios quos memoravimus, tactus partium generationi deservientium, aut eis vicinarum. Unde procul dubio graviter peccant, qui eas partes etiam ex vanitate, vel joco advertenter, ac deliberate tangunt. Tum quia tactus hujusmodi nimiam prodeunt turpitudini, ac deformitati: tum quia ex objecto suo libidinosi sunt, partuntque natura sua veneream delectationem. Tum demum quia ex se proxime disponunt ad pollutionem. Pollutionem autem, dum voluntaria est, semper est peccatum mortale, adeoque etiam proxima pollutionis causa voluntarie posita in illo turpi contactu, dum nulla iusta necessitas subest illum ponendi.

Atque hæc regula locum habet in tactibus personarum necdum alterius, sed etiam ejusdem sexus. Nimum quippe turpe est, & periculosum, quod vel femina feminæ, vel viri viri pudenda deliberate tangat, nimumque provocat ad luxuriam: nisi forte hi tactus admodum tranſeunt, & casu

potius, & absque ulla prava intentione contingerent, ut inter pueros natantes evenire nonnunquam potest. Qui etiam eadem regula vera est in tactibus verendorum suorum, quoties nempe aliquis verenda sua attingat vel cum delectatione venerea, vel cum ejusdem periculo. Quod si tamen quis se tangeret ex mera vel levitate, vel curiositate, non peccaret nisi ut summum venialiter: siquidem in ejusmodi contactu neque tanta turpitudine est, quanta in contactu partium alienarum, neque par venereæ voluptatis periculum.

REGULA OCTAVA.

Liciti ſunt prædicti tactus de ſe inhoneſti ex causa rationabili; aut ex neceſſitate: & illos etiam pati ſine culpa poſſunt mulieres, quin & aliquando tenentur.

IX. Proxima pars liquet in medicis, & chirurgis, qui iusta urgente causa curationis, aut sexus diversitatem internoscendi, partes etiam secretiores mulierum tangunt sine ullo peccato ex Theologorum omnium consensione. Quandoquidem partes omnes humani corporis propter bonum, & integritatem, aut incolumitatem totius insitutæ sunt: & si qua corpori pars male affecta ad exitium totius corporis tendat, merito curatur, ut corpus incolume perseveret: adeoque liciti sunt etiam turpiorum partium tactus ad eum finem exerciti. Nec propterea illiciti evadunt, quod ex iis, voluntate repugnante, delectatio venerea insurgat: nam ex honestate causæ, qua sunt, omni culpa vacat. Si tamen medicus, aut chirurgus pravis tentationibus succumberet, & illicitam voluptatem admitteret, ab ejusmodi curationibus abstinere deberet: quemadmodum Confessorius officium audiendi mulierum confessiones dimittere tenetur, dum illud suæ spiritualis ruinæ causa est.

Quoad

Quoad alteram partem attinet, si mulieres medicorum, aut chirurgorum curationem patientes, obnoxie sint proximo periculo consentiendi in venereæ voluptatis illicitis, aut motus, quod ex experientia, propriave fragilitate compertum habere possunt, quodcumque malum potius persequi debeat, quam talem curationem permittere, ex qua salus animæ periclitetur. Cæterum, si hoc periculum abût, se pendendam etiam pacem cune submittere debent, & naturalem verecundiam subire, potius quam mortem incursere; neque enim ob solum naturalem pudorem refugere illece remedium ad vitam suam conservandam penitus necessarium.

R E S O L U T I O N A.

Considenda non sunt delectationes, quæ ex amplexibus, osculis, & tactibus percipiuntur, aut percipi possunt.

X. Tria genera delectationem, quæ ad materiam hanc revocari possunt, distinguere solent Theologi. Alia *spiritualis* est, & sola mente concepta, quæ nempe corporeo organo non est illigata, nec sensuum commotionem, saltem necessario, affert, ac deficiunt porciß *complacentia voluntatis de re surpi, seu aliu venereæ cogitato*. Atque hæc illicita est, si objectum sit illicitum; etiamsi nulla sit in corpore venereæ commotio. Unde Religiosus v. g. sibi complacere non potest de copula etiam matrimoniali, sicut neque de tactibus, osculis, aut amplexibus cum sæmina habendis; quia hoc objectum ipsi illicitum est: & similiter vir matrimonio cum aliqua junctus complacentiam voluntariam habere nequit de actu conjugali cum alia muliere vel exercito, vel exercendo, prout alibi dictum est.

Alia est delectatio *carnalis, & venerea*, de qua jam locuti sumus, & ex Galeno solet definiri: *Delectatio in carne confurgens*

ex motu humoris serpsi, qualis est substantia seminis, & incalcescens ob commotionem spirituum generationi deservientium. Hæc autem ex osculis, aliisque tactibus deliberate percepta, culpa lethalis est in omnibus matrimoniis jungantur, licita est in ordine ad actum matrimonii; aut dum actum illum exercere volunt. Unde si absentes sint, nec conjungi valeant, illicita erit, quemadmodum e contra licita est, dum ea delectatio, quam *spiritualem* diximus, in mera voluntatis complacentia consistit.

Quod autem delectatio carnalis ac venerea ex osculo, vel tactu deliberate capta peccatum mortale sit, ex propositione supra relata ab Alexandro VII. proscripta manifestum est, nempe *est probabilis opinio, quæ dicit esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensu ulteriori, & pollutionis*. In qua propositione illud observandum, conjungi delectationem carnalem cum sensibili, ut intelligamus nomine delectationis sensibiles eam accipi, quæ simul *carnalis* est. Sola enim delectatio sensibilibus ad lethalem culpam contrahendam satis non est.

Quid est igitur delectatio *sensibilis*, quam tertio loco distinguant, ac distinguere oportet a *carnali simul, & spirituali*? Eam ita definiunt, quod sit illa *quæ oritur ex solo contactu, seu proportionem, & conformitate rei sensibilis cum organo tactus, qualis est delectatio, quæ percipitur ex contactu rei molli, aut blandæ: sicut enim in musica, in gustu &c. sua delectatio hauritur ex proportionem sensus cum proprio objecto; sic item contingit in tactu. Hæc autem delectatio in seipsa considerata; innocens est, & ejusque culpe expers, nullamque prohi inordinationem, nisi careat honesto fine, ad quem actiones nostras referre tenemur. Verum in praxi hujusmodi delectationes *sensibiles*, dum suscipiuntur*

querantur a personis solutis, & adultis in
ofcials, aut tactibus etiam de se honestis,
vix, ac ne vix quidem a culpa lethali vac-
cant, quia in hoc statu corruptæ naturæ
cum delectatione *sensibili* immiscetur de-
lectatio carnalis, quæ ab ea reapse non se-
jungitur in hujusmodi personis, tamen
absolute seungi posse minime diffitear.

REGULA DECIMA.

*Peccati lethalis rea est mulier, quæ se non
retrahit, nedum quando advertit se tan-
gi ofensis, aut aliis tactibus inhonestis,
ac libidinosis; verum etiam honestis qui-
dem, sed affectu libidinoso peractis.*

XI. Dubium nullum est lethalter pec-
care fœminam advertentem se tangi tacti-
bus inhonestis, ut mamillarum &c. dum
non reluctatur, & spectatis circumstantiis
voluptuosum hominem ita attentantem abs
se non repellit. Cœterum si sermo sit de
actibus honestis, ut osculis, & manuum
tactibus &c. si judicandi locus est ea ne-
quaquam fieri affectu libidinoso, sed ho-
nesto, illa permittere in se potest citra
culpam. Si autem aliud judicium ex cir-
cumstantiis ferre valeat, ea videlicet fœti
animo, & affectu libidinoso, graviter pec-
cat ea permittens, aut non impediens;
siquidem alterius peccato cooperatur. Qua
de re audire præstat fidelem Angelici Do-
ctoris discipulum S. Antoninum ita disse-
rentem p. 3. tit. 5. cap. 1. Mulier, quæ
permittit hæc sibi fieri ab eo, quem
admonet ad hoc moveri amore libidinoso,
mortaliter peccat, quia facientem, & con-
sentientem per pœnam contingit, ut dicitur
causa 11. q. 1. Can. notum. Sed quæ per-
mittit hoc sibi fieri crederetur talem moveri
ex dilectione fraternâ, aut quadam ami-
citiâ, seu quadam humanitate, seu more
patræ, non peccat, quævis hoc fa-
ciens ex libidine moveretur, & per con-

Patuzzi Tbsl. Mor. T. II.

sequens mortaliter peccaret. Ex hoc
quoad oscula, amplexus, & dando alter
alteri inanim, ut moris est: quod tamen
periculosum est: & ideo cavendum est
ab eis inter virum, & mulierem, etiam
Religiosos. Bonum est, inquit Apostolus,
mulieram non tangere. Nam, ut dicitur
Ecclesiast. 13. Qui tetigerit piecem, cui
similis est mulier, inquinabitur ab ea.
Permittere autem se tangi in membris
genitalibus; idem fere dicendum est de
pectore, seu sinu, seu in mammis, nisi
sint conjuges, vel nisi sit necessitatis
causa, ut infirmitas, & hujusmodi,
credo non posse excusari a mortali: cum
illud non fiat communiter nisi amore li-
bidinoso. Et credere quod hoc fiat pu-
ra intentione, est fatuitas, non sim-
plicitas. Et quamvis prædicta, scilicet
oscula, amplexus, & tactus non im-
pediant bonum prolis generandæ, &
educandæ, quia ex his præcise non
potest sequi generatio, tamen ipsa pro-
cedunt ex libidine, quæ est radix hujus-
modi impedimenti: & secundum hoc,
idem in quantum libidinosus, sunt mor-
talia, & non aliter. Haftenus S. An-
toninus. Sed de iis, quæ sensum tactus
spectant, satis: nunc de aliis actibus ad
luxuriam pertinentibus: ac primum de
aspectibus.

REGULA UNDECIMA.

*Aspectus impudicus lethale ex se pec-
catum est.*

XII. Hæc regula ita proposita tamquam
certa tenenda est. Siquidem impudicitia
quælibet sive in tactibus, sive in sermo-
nibus, sive in aspectibus natura sua grave
peccatum est. Sed difficultas in hoc est
posita, quandonam aspectus impudicus,
aut libidinosus reapse existimandus sit.
Circa quod illud assero, impudicum esse
Ccc aspectum

aspectum illum, qui pro objecto habet quidpiam de se natum excitare carnalem commotionem, aut accendere concupiscentiam, siue id contingat ratione rei, quæ aspicitur, siue ratione subjecti, quod aspicit: & quidem ratione rei, inquam aliquis desigat oculos, *impudicus* dicendus est in primis, si vir deliberate, & absque urgenti necessitate fœminæ aut fœmina viri puenda, aut vicinas partes aspiciat, quamquam non causa excitandæ libidinis, sed ex curiositate, vel *stulta mortificatione* aspectus fieret. Hic enim tum honestati naturali valde repugnat, tum ad libidinem potenter allicit, & luxuriæ proximum periculum avertit, ut constat in Davide, qui licet vir sanctissimus foret, conspiciens a longe Bersabeam se lavantem, in peccatum lapsus est. Signanter adjecti, vel *stulta mortificatione* &c. Nam teste S. Antonino, aliqui Scripturibus extiterunt, ac fortasse existunt Directores, nonnulli, qui a Diabolo plane obœcari, nullares, ut viderent, *pauitentes*, denudari iubent, ut sub mortificationis obtentu flagella, aut, ut loquantur, *disciplinam* recipiant. Hi profecto non pietate, sed voluptate lethali ducuntur, ut nempe mortificationis ab illis mulieribus obtinendæ prætextu, impudicos oculos suos libidine paseant: *Non est, inquit laudatus S. Antoninus, vera iniustitiam mortificatio, sed deceptio diaboli, & laqueus animarum insipientium &c.*

Etiā impudicus, ac ferhali culpa corruptus, dicendus est aspectus, quo quis concubitum viri cum fœmina, tametsi ex curiositate intueretur, utpote qui valde ad libidinem provocaret. Similiter aspicere studiose, morose, ac de industria nudas ejusdem sexus personas, aut carnalem brutorum congressum, similemque aliis turpitudines, gravi peccato plerumque non caret: quia hujusmodi aspectus natus est ad excitandas obscenas in animo cogita-

tiones, & pravorum in corpore motus, vixque fieri potest, habita ratione corruptæ naturæ humanæ, ut excitatis illis obscœnis cogitationibus animus non delectetur.

Ceterum plures casus ab hac generali regula excipendi videntur, primo nempe cum isti aspectus fortuiti potius sunt, quam deliberati, ac stulose questiti. 2. Quando subest aliqua rationabilis causa, ut contingit in rusticis jumenta *ad saltum* ducentibus. 3. Quando spectata conditione aut personæ insipientis, aut personæ inspectæ, nullum est delectationis carnalis periculum, velut cum fœminæ lactantes inspiciunt eosdem infantes, quos continenter habent in manibus, aut vir propria membra inhonestæ sine carnali ulla delectatione intuetur. Neque enim tanta videtur esse in hoc intuitu inhonestas, & inlecentia, ut culpe mortali tribuenda sit.

Verum in aspectibus, qui de se, & natura sua impudici non sunt, aut possunt non esse ob occurrentes aliquando circumstantias, antequam culpæ gravitas definiatur, attendenda est intentio, inclinatio, & confictio personæ aspicientis. Nam sæpe respectu unius culpæ gravis erunt, qui non erunt respectu alterius, qui nullam experitur carnis commotionem, nullamque vel modicam tentationem. Quia tamen vix umquam a peccato saltem veniali immunes sunt; ideo vir pius, ac castimonie amator ab omni aspectu, qui necessarius non sit, aut convenient, prudenter cavabit.

REGULA DUODECIMA.

Turpiloquium, siue sermo, aut locutio de rebus turpibus, quamvis quandoque non sit, nisi peccatum veniale; sæpe tamen mortale peccatum est.

XIII. Non est *turpiloquium* peccatum lethale, quoties ex inadyerentia, & quasi

ex improvise ab homine profertur, vel ira, vel passione commoto. Tunc enim non est plene deliberatum. Ubi inquit S. Antoninus p. 2. tit. 5. cap. 5. talia verba dicuntur ex quadam levitate ad solatium, quamvis in se non videantur mortalia: quia peccata oris secundum S. Thomam, permixta iudicantur quoad gravitatem peccati, ex intentione proferentis: propter quod dicit Augustinus, quod reos lingua non facit, nisi res: mens. Tamen per accidens potest esse mortale ratione scandali, seu ruina inde sequentis in mente alicujus, ut cum audientes sint debiles spiritu. Idem videtur dicendum de facientibus, vel cantantibus cantilenas plenas lascivitiis. Nec solum loquentes, aut canantes hujusmodi turpes sermones, sed etiam, subdit S. Episcopus, audientes libenter talia, non tantum ex quadam levitate, & solatio vano, sed etiam delectationem deliberatam in tali materia audita querentes, non videntur posse excusari a mortali; sicut nec a delectatione morosa turpis cogitationis, præcipue in mentibus infirmorum, nisi forte hoc foret inter conjuges. A

Illud hic observandum puto quædam esse verba, quæ proferri frequenter solent a personis quibusdam vilioribus, quæ licet ex origine sua, ac prima institutione valde turpia sint, & scandalosa; nihilominus ex usu, aut frequentia, primævum sensum suum veluti amiserunt, adeo ut nulum jam amplius scandalum pariant, nec quid revera in seipsis exprimant, intelligant aut illi qui ea proferunt, aut alii qui audiunt; unde nihil aliud concipiunt, nisi in genere verba sæda, & absorta: adeoque nec lethalis peccati absolute damnari queunt, nisi forte in gravem alicujus contumeliam proferantur, aut in personam speciali reverentia dignam.

REGULA DECIMATEXIIA.

Periculosa valde sunt confabulationes virorum, & mulierum, si frequentes sint, nec ad eas aut necessitas, aut caritas compellat.

XIV. Hæc regula ab ipso Spiritu Sancto tradita est, dum Ecclesiast. cap. 9. admonuit: Colloquium mulieris aliena quæst ignis exardescit: quibus verbis denotat, quantum periculum sit in his confabulationibus, præsertim dum frequenter fiant, nec ad illas aut necessitas, aut caritas non succata movet. Immo non sine peccato sæpe contingunt, quando sunt causa delectationis, quæ ex voce mulieris percipitur, vel, ut Hesselius ait, ex eo quod habeatur cum muliere, præsertim adolescente, aut speciosa. Quare serio advertere debent Animarum Directores, qui toties, tamque frequenter confabulantur cum mulieribus, ut aiunt, penitentibus de rebus vel ad Confessionem spectantibus, vel in ipsis nimium temporis impendunt, dum expedire se facile possent. Timere scilicet debent, ne sub pallio charitatis concupiscentia delitescat, aut dum necessitate moveri se putant, moveantur delectatione, ac voluptate, ac ne tandem eodem morbo laborent, de quo tam sæpe fermocinantur.

Quoniam vero de periculis, quæ imminant incautis Confessariis, sive Directoribus mulierum aliqui hic tetigimus, tubet quædam attingere ex *Opus.* 64. inter eos, qui sub Divi Thomæ nomine circumferuntur. In hoc itaque capite de *periculo familiaritatis Dominarum, vel mulierum* hæc leguntur. „ Et quoniam spiritualibus lo-
„ quor, noverint ipsi, quod licet carna-
„ lis affectio sit omnibus periculosa, &
„ damnosa, eis tamen perniciofa est ma-
„ gis, maxime, quando conversantur cum
„ persona, quæ spiritualis videtur. Nam
Ccc 2 „ quam-

„ quamvis eorum principium videatur esse
 „ purum, frequens tamen familiaritas
 „ domesticum est periculum, delectabile
 „ detrimentum, & malum occultum bono
 „ colore depictum. Quæ quidem familia-
 „ ritas quanto plus crescit, tanto plus
 „ infirmatur principale motivum, & utri-
 „ usque puritas maculatur. Non tamen
 „ de hoc statim perpendunt: quia sagit-
 „ rarius a principio non mittit sagittas
 „ venenatas, sed solum aliquantulum vulne-
 „ rantes, & amorem augmentantes. Ad
 „ tantum vero in brevi deveniunt, ut jam
 „ non velut Angelos, sicut comperant, se
 „ invicem alloquantur, & videant, sed
 „ tamquam carne vestitos se mutuo intue-
 „ antur, & sentiant moveri quibusdam
 „ commendationibus, ac verbis blandis,
 „ quæ videntur primo ex devotione proce-
 „ dere. Exinde unus incipit appetere al-
 „ terius præsentiam corporalem: quia forma,
 „ vel species corporis in utriusque
 „ mente concepta incitat cor ad volendum
 „ præsentiam corporalem, qua corrumpi-
 „ tur præsentia mentalis. Sicque spiri-
 „ tualis devotio paulatim convertitur in
 „ corporalem, & carnalem: & sic ipso-
 „ rum mentes, quæ solebant in oratione
 „ cum Deo absque intermedio loqui, nunc
 „ inter Deum, & se alter ponit alterius
 „ corporalem effigiem, quam velant, &
 „ obtenebrant ponentes sibi ipsa faciem
 „ Dei cum facie creaturæ. Atque alta
 „ plura subinde refert, quæ insidias Diaboli,
 „ & peccata ex eo amore promiscuo
 „ suborta liquido patefaciunt.

REGULA DECIMAQUARTA.

*Peccare mortaliter dicendi sunt, tum qui
 sermones de rebus turpibus habent, tum
 qui scribant de rebus obscenis.*

XV. Constat hæc regula quoad primam
 partem ex Divo Paulo dicente 1. ad Co-

rinth. cap. 15. *Corrumpunt bonos mores colloquia mala: quia sermones de rebus turpibus, & luxuriosis vehementer libidinem excitant; nam ut ait S. Basiliius hom. 24. de legendis Gent. libris, pravus assuescit sermonibus via quedam est ad rem ipsam.* Docentque malitiam dum narrant. Certe si quis diligenter introspectiat conscientias plurimorum, qui jam in cœno libidinum jacent, comperiet primam plerumque originem inorum eorumdem corruptionis extitisse sermones, quos de rebus turpibus ab aliis, maximeque a sodalibus audierunt, a quibus malitiam, quam antea ignorabant, didicerunt, & opere deinde compleverunt.

Quoad vero alteram partem non minus est illa manifesta; nam qui scribunt, aut typis edunt obscena, quantum de se est, perpetuo duraturum scandalum præbent: ac insuper impossibile moraliter est, ut ii, qui vel sermocinantur, vel scribunt de rebus obscenis, de iisdem turpes delectationes non foreant, dum eas animo, ac mente continuo versant.

REGULA DECIMAQUINTA.

Conversationes promiscue, prout modo in consuetudine sunt, damnae, ac fugiendæ tamquam periculorum libidinis plenissima.

XVI. Non loquor modo de illo civili, ac honesto, & necessatio commercio, a quo, posita humana societate, nec viri, nec mulieres abstinere congrue possunt. Hoc enim licitum esse, nullumque de se inferre honestatis periculum, nemo dubitat. Sed de hodierna, quæ inolevit, in quibusdam regionibus, consuetudine, quæ viri, & mulieres promiscue conversantur, & plures horas impendunt in sermonibus ut minus de rebus vanis, ac mundanis, in ludis, facetiis, ac jocis, & illecebris. De illis loquor etiam, in quibus mulieres, licet

Neet matrimonio saepe junctæ, amant sibi servitutem præstari ab aliis viris, quos *Clientulos* vocant & qui sibi continenter assideant, manus ad ambulandum porrigant, aliaque officia præbeant tum diurno tempore, tum etiam aliquando nocturno. Et quamvis ex argumentis, & indicis facile coniectari queant haud pulcro amore erga se feceri, eos tamen admittunt, permittuntque saltem aliqui, qui absque peccato permittere nequeunt. Ad hujusmodi virorum, ac mulierum conversationes damnandas, ac reprobandas satis sunt documenta, quæ prostant tum in Sactis Scripturis, tum in Sanctis Patribus, ipsaque experientia, quam fuit ejusmodi conversationes periculorum, immo peccatorum plenissima, evidenter confirmat.

REGULA DECIMASEXTA.

Choræ inter mares, & feminas, prout, spectatis omnibus circumstantiis, excerceri solent, ita peccandi occasiones perim-quæ sunt, ut Christiani communiter loquendo, ab eis abstinere debent.

XVII. Choræ inter personas ejusdem sexus, omni actu impudico, gestuque semoto fieri possunt, ejusmodi fuerunt, quas egit Maria soror Moyse cum aliis mulieribus ad testificandam lætitiā de Pharaone submerso in mari rubro, & Hebræorum liberatione ab ejus exercitu; sicut etiam Davidis coram Arca Domini exultantis præ gaudio. Atque hæc nulla inficiantur malitia, & honestæ reputandæ sunt. Aliæ sunt vel in theatris ab impudicis mulicibus, vel a mixtis viris, ac feminis prava intentione, verbis, aut gestibus obscenæ, aut etiam inhonestitatis, & hæc nullas a gravi culpa immunes defendit, aut defendere valet, quoniam libidinem, ac luxuriam producant

apertam, omnibusque conspicuam. Sed aliud genus chorearum est, quod sub controversiam cadit, & peragi solet inter mares, & feminas ad animi, ut inquam, honestam relaxationem, ac lætitiā: de quo regulam posui, quam subinde magis exponam. Sed placet prius quædam affectu de choreis testimonia, quæ habentur in Scripturis, ac Patribus, ut ex iis, quæ dicunt, ac sentiunt, salutarem omnes timorem concepiant. Ecclesiast. cap. 11. Sapiens monet: *Cum saltatrice ne affluas sis, nec audias illam, ne forte per in afflictione illius.* S. Job. cap. 11. *Eges dicuntur quasi greges, parvuli eorum, & re infantum eorum exultant in luctibus. Tenent tympanum, & citaram, & gaudent ad sonitus organi. Ducunt in bonis dies suos, & in puncto ad inferna descendunt.*

XVIII. S. Joannes Chrysost. hom. 47. in Matth.: *Non ad tripudia pedes nobis præbuit Deus, sed ut modeste incedamus: nos ut impudentes Camelorum modo saltemus, sed ut in Angelorum eboris consistamus. Quod si corpus deformis sit impudenter saliendo, quanto magis animam sedari credendum est? His tripudiis Diabolus saltat: hic a Demonum ministris homines decipiuntur &c.*

S. Ephrem Syrus in quadam homilia, „ Nolle inquit, errare; nullus servus „ potest duobus Dominis servire. Nemo „ potest Deo servire, & cum Diabolo „ choras ducere. . . . Noli hodie psallere cum Angelis, & crastina die in tripudiis esse cum Dæmonibus. Noli hodie sacras lectiones audire, & cras citharis intentus esse, ut pravicator, „ & Christi inimicus. Noli hodie penitere de peccatis, & cras in perditionem tuam saltare in choreis “.

S. Ambrosius lib. 3. de Virginibus cap. 6. de Herodianis filia mentionem faciens, ira cæteras matres alloquitur: *Quid dicitis vos, sancta femina? Videtis, quid doceat, quid*

quid etiam dedocere debeat. Saltat, sed adultera filia. Quis vana pudica, que talis est, filias suas religionem docet, non saltationem.

Ex his elicere oportet, choreas generaliter consideratas juxta Scripturas, & Patres non esse sine peccato, aut sine periculo peccati: quod satis esse deberet, ut tam viri, quam mulieres vere christianæ, sueque salutis, ac conscientie puritatis studiosæ a vanis hujusmodi oblationibus abhorrentur. At quoniam multi hæc generalibus Patrum doctrinis minime contenti, querunt quænam pravitas determinate sit in modernis choreis juxta Theologos recentiores, audiamus quid hi quoque sentiant, ac doceant.

S. Antoninus prolixum sermonem habet de hoc argumento p. 2. tit. 6. cap. 6. Præmittit id, in quo ceteris quique Theologi unanimiter conveniunt, si nempe choreæ secundum se duntaxat spectentur, non esse peccatum; sed in praxi pluribus esse culpis inquinatas: deinde subjicit;

De chorizantibus potest moraliter exponi illud Psal. 96. *Insurrexerunt in circuitu inimicos ejus ignis.* Illud autem est iter Diaboli: ipse enim circuit, 1. Pet. 5. *adversarius vester Diabolus circuit querens, quem devoret.* Non solum autem sequuntur tripudiantes iter Diaboli, quin imo Diabolus ipso insidians eis, ut affessor equo ducit eos: quod pulchre ostendit Joannes Apocal. 11., ubi dicit, quod de putei abyssi, quem visit, ascendit fumus fornacis magna, & obscuratus est sol, & aer, & de putei fumo ascenderunt locustæ super terram. Et hunc similitudinem ponens dicit, quod locustæ istæ erant similes equis paratis ad prælium, & super capita eorum tanquam corona similes auro, & facies earum tanquam facies hominum, & habebant capillos sicut capillos mulierum &c. Notate

verba singula, signate mysteria. Locustæ istæ sunt mulieres chorizantes & putei abyssi, unde istæ ascendunt, est profunditas inferni, hinc suggeritur tale exercitium chorizandi a Dæmonibus: *Fumus fornacis magna*, cum quo exeunt locustæ de puteo, est incitamentum, & signum magis concupiscentiæ, & lasciviæ, unde locustæ habent choreas, & cum qua sunt: *Et hic fumus obscurat solem, & aerem* id est concupiscentia obtenebrat viros, & etiam sapientes, & doctores, & aerem, id est contemplativos, & spirituales homines, ut pater in Davide, Salomone, & viris Patrum per plura exempla. *Et ascenderunt super terram*, scilicet chorizantes discurrendo sicut locustæ saltantes; & sicut locustæ regem non habent, ut dicitur Prov. penult.; ita tales rationem non habent regentem eas, sed ut bruta animalia hinc inde levitate discurrent. . . sicut homines utuntur equis phaleratis ad impugnandum inimicos; ita Dæmones utuntur mulieribus ornatis ad expugnandum servos Dei, qui sunt inimici Dæmonum: & sicut equus ostendit procal bellum Job. 39., & appetit currere ad campum; ita vanæ mulieres inquirunt de locis, ubi possunt ostentari & currere ad talia loca, in quibus Diabolus trahit & præsternit multos gladio concupiscentiæ &c. *Ommitto cætera.*

Joannes Gersonius IV. P. Dm. 3. Adventus tela ut, choreas ob fragilitatem dissilisse suas diversis peccatis agitari, & omnia peccata cadere, & concurrere in choreas.

Pius, ac celeberrimo ævo suo Theologus Joann. Nilee in 6. Decal. præcepto cap. 3. hæc habet: *Est præterea aliud medium peccatum peccato luxurii deserviens, videlicet chorea: Choreæ diabolicum habet exordium, ut refert Magister historiæ. Nam a quo-*

a quodam Demone exortum habuit.

De hoc quoque argumento h. b. scripsit S. Carolus Borromæus in lib. Memor. p. 2. c. 6., his verbis: *Valent execranda ille publicæ saltationes, Christianorum castitati adeo exitiose, vixarum, jurgiorum, inimicitiarum, impudentiarum, pugnarum, cadumque radices, & occasiones, imo cusuſcumque lascivie ſeminaria. Quid plura? Ex hujusmodi saltationum confortiis oriuntur corporum, ſanguis, verum, & christiana denique poſt hoc diſciplina detrimenta. Eliminantur ergo choreæ, & una cum his tot aliæ morum corruptelæ, quibus hoc maxime tempore ſolet Satanas hominum mentes ſuo imperio vendicare, proſuſ abrogentur.*

Sed quoniam porriſſima illuſio quorundam Caſuiſtarum, qua ſe alioſque decipiunt; ex eo oritur, quod choreas ſecundum ſe, aut naturam ſuam conſiderant, non prout ex ſunt in praxi, ac frequentius exercentur, ideirco ut hæc arce, aerea licet, exturbentur, placet duas aliæ adicere auctoritates. In hanc rem admodum opportunæ. Prima eſt P. Pauli Segneri, non ex ſua quidem Confeſſarii, aut Penitentis inſtructione, in qua laxæ plures opinioniones continentur, ſed ex ſuo Chriſtiano inſtructo in lege ſua, ubi purior doctrina eſt, diſtiſque SS. Patrum, maximeque S. Thomæ conformior. Auctor iſte p. 3. ſerm. 29. choreas omni argumentorum genere vernaculo idiomate infectatur. Ac imprimis animadvertit, alio modo de his loqui Caſuiſtas, alio SS. Patres, pioſque Doctores. Iſi ſiquidem choreas, & ſaltationes damnant. Caſuiſtæ vero nonnulli tamquam licitas defendunt, aut permittunt. Unde vero tanta de re eam opinionum diverſitas? Non alio ex capite, inquit ille, niſi quod Caſuiſtæ choreas in quaſdam abſtractione metaphyſica contemplantur, ſive ſecundum ſe, ſub

quâ conſideratione nullam plane malitiam exprimunt. Sancti vero Patres, virique pietate inſignes eaſdem ſpectant prout ſunt in praxi, in qua tot pravis, circumſtanſiis veſtiuntur, ut illæ a peccato puræ, nullatenus valeant.

Item advertit Sapientiſſimus Cardinalis Lambertini poſtea Summus Pontifex Benedictus XIV. in Colleſt. Noſific. Tom. 4. Noſific. 9. his verbis latine reddiſi: „*Etiamſi ſaltatio, ut ſaltatio, ſeu ut ar, movendi pedes ad ſonitus leges, peccatum non ſit: admittatur quoque in aliqua circumſtancia choream bonam eſſe, meritoque dignam, ut quando Maria Prophetiſſa Aaronis ſoror, alizque mulieres ſonabant, & ſaltabant &c. Verum nimis luculentum eſt, hodiernas choreas diverſi omnino generis eſſe, alioſque tendere, cum in his communiter peccata committantur, totque occurrant honeſtatis offendiſcula, quæ a nobis deſcribentur verbis, non alicujus Anachoreti, non alicujus rigidi Theologi, non Concionatoris, qui exageret, ſed Franciſci Petrarce, qui in ſuo Diaſlogo 24. de choreis hæc ſcribit: „*In choreis non tam delectatio præſent eſt, quam ſprata delectationis aſpiciunt. Veneris præludium illud quidem ſolet ſtupidas, & miſcellas circumducere, atque urgere, ac ſtringere, ac ſpecie urbanitatis atterere. Libera ihi manus, liberi oculi, libera voces, pedum ſtrepitus, & multarum cantus diſſoni, & tubarum clangor, concuſſatio, & pulvis: & quæ ſepe ludis additur, boſſis pudicitie & amica ſcelorum nox ipſa. Hæc ſunt, quæ timorem, ac pudorem pellunt. Hi ſunt libidinum ſtimuli, hæc laxamenta licentie, & hæc eſt, ne me ſalti facilem putes, illa delectatio, quam ſimpliciter, & veluti innotua chorearum appellatione proſtemini, & ludis regimine crimen obſcurabilis.* „*Hos mulierum; ſequitur deinde doctiſſimus Pon-**

„*ti-*

„ tífex, vitorumque laqueos, & scopulos
 „ serio considerans Contadus Elingius
 „ Theologus Ortlinis S. Francisci in suo
 „ Catechismo Catholico lib. 4. cap. 14.
 „ hæc docet : *Chorea mundana est circulus,*
 „ *cujus centrum est Diabolus, & circumfer-*
 „ *rentia Angeli ejus circumstantes, & ideo*
 „ *raro, aut nunquam sine peccato fit.* Cum
 „ hæc ita se habeant, quis negare ausus
 „ fuerit choreas (etiamfi speculative lo-
 „ quendo culpa carerent) vitiofas esse,
 „ & communiter in praxi peccatorum ple-
 „ nas ?

Hæc, quæ prolixius scripsit Author Sa-
 pientissimus, paucis complexus est *Instit.*
Eccles. 76. §. v. inquit, *Chorea quamvis*
ex sui natura sit licita, vix tamen in actu,
quomodo nunc sunt, permitti possunt : cum
plerumque sit peccandi occasio.

XIX. Quid igitur ex his omnibus con-
 cludendum? Omnes choreas, si fieri qui-
 dem posset, prout nunc peraguntur inter
 mares, & feminas, eliminandas esse e
 Christianorum finis dicerem. Verum, quia
 præsertim abrogandæ sunt ob pericula lu-
 xuriæ, quibus scatent, ideo quo majora
 solent esse pericula hujusmodi, major
 quoque diligentia, majusque studium ad-
 hibendum est tum a Prælatiis, & Parochiis,
 tum ab aliis, quorum interitum interest,
 quo abrogentur, aut impediuntur eæ, in
 quibus frequentius, & gravius consuevit
 esse periculum, & occasio peccandi. Por-
 ro experientia manifesta nos docet, cho-
 reas, quæ in civitatibus fieri solent inter
 vulgares viros, ac mulierculas, præser-
 tim bacchanaliorum, ac nuptiarum tem-
 pore, lasciviis, libidinibus, ac impudi-
 ciis plenas esse præ cæteris aliis. Nam
 in his, quæ exercentur inter nobiles per-
 sonas, aut inter rusticos, quamvis ubique
 suum non desit periculum, minus tamen
 esse deprehenditur. Nobiles quippe po-
 tius ad fidium numerum, inotiusque cor-

poris compositos, quam ad aliud quid-
 piam, animum, & cogitationes inten-
 dunt. Rustici autem, nisi sint malitia cor-
 rupti, saltibus, & agitationibus membro-
 rum vires suas potius ostentare consue-
 runt. Nihilominus quia & in hisce facile
 se immiscet hostis humani generis, & con-
 cupiscentia nimium in malum prona sem-
 per sollicitat animum, præsertim dum oc-
 casiones peccandi suppetunt, ideo cura
 omni hoc luxuriæ incitamentum vitare
 debemus, memores illius documenti San-
 cti Spiritus, *Qui amat periculum, in illo*
peribit.

Ad luxuriæ materiem spectant etiam
 spectacula Theatralia. Verum de his alibi
 opportuni.

CAPUT VII.

CONSECTARUM PRÆCEDENTIS DOCTRINÆ.

- I. *Damnata ab Alexandro VII. propositio de*
osculis &c. comprehendit alios talis ob-
eundem suæ carnalis delectationis habi-
tos.
- II. *Si de sit causa honesta, nunquam licet pone-*
re actionem ad venere provocantes.
- III. *Lux Thoma Hurtadi propositio repro-*
banda.
- IV. *Lebale peccatum ex se non est actionem*
ponere, tametsi venerem delectatio sequ-
ntura prævideatur, sublato consensus
periculo.
- V. *Nunquam sine culpa gravi alio poni potest*
ob suæ captandæ venerem delectationis.
- VI. *Periculo impendente consensus in rem tur-*
pem, etiam alio honesta deferenda. P.
Gobati propositio rejecta.
- VII. *Alia ejusdem doctrinæ detestanda.*
- VIII. *Culpa lebbali non caret oscula libidi-*
nosa habita inter Sponsos, & Sponsas.
- IX. *Conjux in absentia alterius venerem de-*
lectationem de talibus aliis honestis
captare nequit.

- X. *Delectatio sensibilibus viam a sensuali sejun-
gi valet in talibus habitis inter perso-
nas sexus diversi.*
- XI. *Tactus impudici etiam facti supra vestes
in partibus verendis gravi culpa non
vacat.*
- XII. *Nimia Defensorum tactuum mamilla-
rium temeritas domanda.*
- XIII. *Peccatum mortale est penere altiores
proxime, & per se influentem in vene-
ream delectationem.*
- XIV. *Peccant letaliter, qui turpia loquun-
tur apta ad libidinem provocandam.*
- XV. *Excusari tamen quidam possunt a gravi
culpa.*
- XVI. *Scrivere de rebus obscenis saepe mor-
tale peccatum est.*
- XVII. *Loquentio, auditus &c. verum turpium
ad eas peccati species referuntur, circa
quas versantur; adeoque id in Confessio-
ne exprimendam est.*
- XVIII. *Sermones habiti de pulchritudine bu-
jus, aut illius mulieris plerumque ad
luxuriam pertinent, & ex ea malitiam
sumunt.*
- XIX. *Quisam mulierum aspectus peccato va-
care dicendi sunt.*
- XX. *Ut plurimum letaliter peccant, qui
imagines obscenas retinent apud se, aut
in eis studiose oculos defigunt.*
- XXI. *Officio suo recte non funguntur Confes-
sarii, admittentes ad Sacramenta mu-
lieres holernas conversationes sectantes.*
- XXII. *Casus aliquando contingere potest, in
quo choreis interesse liceat.*
- XXIII. *Numquam tamen excusatur a gravi
culpa Ecclesiasticus, aut Religiosus, si
interfuit eisdem.*
- Reflexio.*

CONSECTARIUM PRIMUM.

- I. QUAMQUAM in damnata ab Alexan-
dro VI. propositione: *Est proba-
bilis opinio, quæ dicit esse tantum veniale &c.*
Paturzi Theol. Mor. T. II.

mentio solummodo fiat de osculis ob car-
nalem delectationem habitis; in iis tamen
intelligi debent comprehensi etiam ample-
xus, tactus, amatoria verba, & cetera
huiusmodi ob eundem finem veneræ de-
lectationis peracta. Par siquidem est de
omnibus ratio: idque verum est, tametsi
ob finem eundem tangatur vir, puer,
aut aliquod animal, aut figantur oculi in
aliquod objectum ob veneræ voluptatem
hauriendam.

CONSECTARIUM SECUNDUM.

II. Posita causa honesta, & secluso con-
sensus periculo, licite sunt eæ actiones,
quæ de se delectationem venerem etiam
proxime inducunt; ut ex. gr. si ob me-
rendum verendis partibus, eas vel tange-
re oporteat, vel aliquid iis afferre reme-
dii. Seclusa vero causa honesta, aut ne-
cessaria, huiusmodi actiones ad venerem
provocantes ponere minime licet, etiamsi
homo iis consensum nequaquam præbere
statuat, ac firmiter proponat.

CONSECTARIUM TERTIUM.

III. Quare improbanda, ac tamquam
falsa, laxa, ac in prædicta damnatione
contenta, rejicienda est opinio Thomæ
Hurtati, Tom. I. q. 73. art. 4. docen-
tis: *Valde probabile esse, oscula, & tactus,
dummodo non sint in partibus ad generationem
distinctis immediatè, & proxime, si fiant
absque intentione carnali (actus scilicet com-
pleti), non esse peccata mortalia, sed ad
summum venialia.* Ex qua non minus laxo
collegit, Confessorum sollicitantem in Confes-
sione ad huiusmodi oscula, & tactus, abs-
que intentione prava, non esse denuntiandum,
vi motus proprii Gregorii XV., & aliorum
Summorum Pontificum.

CONSECTARIUM QUARTUM.

- IV. Mortale peccatum contra castitatem
Dad non

non est, actionem haud libidinofam ponere, ex qua tamen tamquam ex causa, siue potius dispositione remota, & per accidens delectatio venerea, siue etiam pollutio sequiura praevidetur; modo ea non insendatur, nec subiti consensus periculum. Neque enim motus illi carnales, qui facillime naturaliter subarriuntur, in examinatione prudenti satis voluntarii censentur in causa remota, adeo ut illi impurentur, qui alio ex fine eam ponit. Ab his tamen causis quamvis remotis ponendis verus Castitatis amator sine iusto motivo abstinere oportet saltem sub veniali culpa. Siquidem nonnihil castitati adversari videretur, quod quis absque honesto motivo, aut utilitate causam remotam ponat delectationis, aut motuum castitati aliquatenus, licet absque consensus periculo, repugnantium.

CONSECTARIUM QUINTUM.

V. Nunquam tamen sine gravi culpa exercere possumus praedictas actiones remote influentes in venereas commotiones ob finem caprandae voluptatis, aut promovendi pollutionem, ex gr. equitare ad hunc finem, hoc aut illo modo cubare, calida manducare, studere medicinae, vel conscientiae casibus &c. Quoniam tunc delectatio venerea actionum illarum obiectum est, & ex illa malitiam gravem desumitur. Unde explodenda est opinio Joannis Sanci assentis in *selest. Disp. 21. n. 13.*: *Qui ederet calida, ut somnia immunda haberet, non peccaret: quia somnium impudicum voluntarium in causa nullo jure prohibitum est.*

CONSECTARIUM SEXTUM.

VI. Quoties probabile periculum est, aliquem consensurum in delectationem veneream, quam percipit in tactibus, conversatione, aliisque actibus de se honestis,

aut indifferenteribus, illos deferere omnino tenetur. Quare excidendum penitus est e Morali Christiana hoc corruptae probabilis germen, quod iam lucem eduxit P. Georgius Gobat in *Exper. Theolog. Vol. 1. tract. 7. cas. 16.* „Quando est duntaxat „solum *probabile*, te succubiturum „tationi, certe etiam *probabile* est, te „non succubiturum. Atqui, sicut in plurimis aliis materiis fas tibi est, ex utraque libet sententiarum speculative probabilium deducere conclusionem tibi gratam; ita licet tibi argumentari *Ocurrunt mihi graves tentationes, ob quas vir prudens sapienter judicare potest, me lapsurum in novum crimen mortale, si accessero haec donum. Viceversa sunt etiam rationes etiam graves, ob quas aliud aequo prudens pronunciaret me non lapsurum.* „Ergo possum sine nota temeritatis, & imprudentiae me committere isti occa- sioni, certo non commissurum, si liqui- do scirem, me in illa admissurum illud „grave peccatum. *Atque adeo fas est per se loquendo committere se periculo probabili peccandi mortaliter.* „Hae Gobatus, qui eodem argumento probare poterat, etiam fas tibi esse, te exponere gravi tentationi, cum *probabilis est te succubiturum*; neque enim ex hoc definit esse *probabile*, te etiam non succubiturum in Probabilistarum doctrina. Colligat ex hoc prudens & pius Lector, num hae sententiae cum suis libris merito diris devovenda non sint. Sed ar- rigat aures, & pulchriorem sententiam audiat in Confecturio sequenti.

CONSECTARIUM SEPTIMUM.

VII. Detestatione plane digna est se- quens ejusdem Gobati propositio, quam tradit *Tract. 7. Cap. 16.* „Liquido scio, „crebro fieri, praesertim inter plebejos, „& rusticos, ut *sedem in lecto puella cum proco cubent aliquot horas induti, et*

„ exuti, & tamen nihil omnino inpulsi-
 „ cum agant, vel nonnisi oscula, & turpes
 „ atterellationes exerceant. Unde iudico non
 „ posse a Confessario negari absolutionem
 „ omnibus illis puellis plebejæ . . . quæ
 „ non videntur habere propositum nun-
 „ quam amplius admittendi proci in
 „ lecto suo “.

CONSECTARIUM OCTAVUM.

VIII. Non est toleranda, quamquam a
 pluribus doceatur, quos inter a P. Sanchez
 lib. 6. Diss. 46, sententia, ex qua mox
 dicta opinio profecta videtur; nimirum
 lethali culpa vacare oscula ob delectatio-
 nem carnalem habita inter Sponsos, &
 Sponsas de futuro. Siquidem ideo solutis
 interdicta sunt oscula libidinosa, quia iis
 interdicta carnalis copula est. Porro non
 minus Sponsis de futuro est interdicta copu-
 la, quam aliis: ergo iis quoque sub mor-
 tali prohibentur oscula, aliique tactus, qui
 sunt quædam ejus inchoatio, aut ad illam
 dispositio.

CONSECTARIUM NONUM.

IX. Quamquam conjux in absentia alte-
 rius delectari queat delectatione mere spi-
 rituali de copula cum eodem habita, vel
 habenda; delectari tamen nequit delecta-
 tione carnali, ac venerea, orta videlicet
 in corpore ex apprehensione actus con-
 jugalis. Tunc enim ea commotio, aut de-
 lectatio, quæ præsens est, ordinari non
 potest propter absentiam ad conjugalem
 actum, qui illam duntaxat licitam efficit,
 sed potius ordinatur ad pollutionem. Quare
 improbanda est sententia Pauli Laymani,
 qui cum aliis pluribus venereas hujusmodi
 delectationes uxoris permittit T. 1. lib.
 1. Tract. 3. cap. 6.

CONSECTARIUM DECIMUM.

X. Tamen delectatio mere sensibilis,

quæ capitur vel ex osculis, vel ex tacti-
 bus, aspectibus &c. inter personas sexus
 diversi, absolute, ac metaphysice sejun-
 gi qucat a delectatione carnali, & vene-
 rea; atque adeo gravi culpa vacare: ni-
 hilominus præctice loquendo gravi culpa
 non vacat: siquidem in hoc statu corruptæ
 naturæ, & in concupiscentiam prone sen-
 sibilis delectatio inter ejusmodi personas a
 carnali minime separatur. Unde admitten-
 da non est doctrina PP. Salmaticensium,
 quam sic exponunt Tract. 26. c. 3. punct.
 3. §. 3. „ Tactus, amplexus, oscula in-
 „ ter personas solutas, & adultas, ac di-
 „ versi sexus, etiam idoneas ad coitum,
 „ si fiant præctice ob solam delectationem
 „ sensitivam, & naturalem, secluso peri-
 „ culo ulterioris delectationis venereæ, &
 „ pollutionis, vacant culpa mortali. Quo-
 „ niam (inquit) hæc delectatio meta-
 „ physice, & secundum sua prædicata es-
 „ sentialia spectata nullam prodit mali-
 „ tiam, nec alterius speciei est ab ipso
 „ tactu, quem consequitur &c. “ Admit-
 tenda, inquam, hæc doctrina non est in
 præxi: neque enim, dum homines am-
 plectantur, aut osculantur mulieres, hæc
 peragunt metaphysice, & secundum prædicata
 essentialia, sed prout carne in luti sunt,
 & quidem corrupta, ac libidine ardenti.
 Separari itaque absolute potest delectatio
 mere sensibilis a venerea, & carnali; sed
 non ræspice separatur in exemplo a Salma-
 ticensibus allato: solumque sejungit ut sum-
 mum potest in aliquo alio casu; v. gr. si
 mulier in brachiis tenens infantulum, os-
 culetur ipsum. Sed exemplum ab illa
 productum intempestivum est, ac præctice
 falsum; præterque incautis Lectantibus er-
 randi occasionem, & ex osculis &c. per-
 cipiendi utramque delectationem, sensibi-
 lem nempe, atque veneream. Hinc ipse
 Diana, cum retulisset similem Sylviæ, ac
 Comituli opinionem, post illorum addu-
 D d d 2

Has rationes ita concludit T. 8. tract. 6. Resol. 9. *Sed ego puto, contrariam sententiam tenendam esse; & in his materiis non esse laxandos haberi.* Utinam tali cautione semper Author iste scripsisset!

CONSECTARIUM UNDECIMUM.

XI. Nelum tactus impudici, immediate facti in partibus venendis sive mulierum, sive virorum, aut illis affinis, lethali culpa polluantur ob grave iacitamentum libidinis, quod causant, nimiamque cum pudore, & honestate naturali repugnantiam; sed etiam si mediate supra vestes exerceantur ob eandem rationem. Quare audiendus non est Navarrus, qui in Manual. Cap. 14. ejusmodi tactus a culpa gravi excusat: quemadmodum nec P. Lacroixius, qui lib. 3. p. 1. n. 904. cum aliis veniale tantum peccatum esse docet, si fiant ejusmodi tactus ex levi delectatione tactus vestium. Hæc siquidem delectatio non queritur in contractu vestis; vestis namque tangi possent vel in brachiis, vel in aliis partibus honestis; sed in tactu pudendum, media veste. Hanc autem delectationem deliberate questam esse mortalem, non venialem dubitandum non est.

CONSECTARIUM DUODECIMUM.

XII. In nimiam, planeque non ferendam laxitatem prolapsi sunt, qui postremis hisce temporibus *vellicationis* generum, ac *tactus mamillarum* etiam *Monialium*, sive mulierum Deo sacrarum primum a culpa mortali, deinde ab ipsa culpa veniali purgare conati sunt. Author laxissimus huius opinionis fuit P. Bernardinus Benzius Soc. Jesu, qui in *Dissertatione* in Casus Venetæ Diæceseos anno 1743. edita hæc scripsit: „Queritur tertio, an Reservatione officiat, qui cum Moniali peragat, vel atque, tentet actus *subimpudicos* de se *veniales*; „V. g. *genus vellicare, mamillas tangere,*

„& solum ex pravo affectu, vel prava intentione mortales. Resp. *negative.* „Nam juxta nostram regulam octavam „nonnisi peccata per externam malitiam „reservantur.“

Hæc propositio ita exposita, vix in lucem educta fuit, magnum quemdam in animis tum proborum omnium, tum etiam improborum hortorem incussit, & ad Sacram Congregationem delata jussu Summi Pontificis Benedicti XIV. anno 1744. proscripta est; liberque, qui eam continebat, prohibitus sequenti Decreto: *Sacrisissimus Dominus noster &c. auditis &c. Eminentissimorum Cardinalium suffragiis prohibendum, ac damnandum censuit, prout præfati Decreto damnat, & prohibet librum Venetiis impressum anno 1743. cui titulus: Dissertatio in Casus Reservatos Venetæ Diæceseos &c. tamquam continentem propositiones respectivo falsas, molestas, scandolosas &c.* Deinde compulsi Authorem retractare specialiter *super dictam propositionem*; quod statim præstitit, & hujus retractationis exemplar apud me est.

At nihilominus etiam post prohibitionem, & damnationem prædictæ propositionis, plures ex eadem Societate Scriptores ingenti omnium scandalo in defensionem ejusdem arma sumserunt; eoque audaciam, & impudentiam devenerunt, ut etiam assererent, prædictos tactus *genarum*, ac *mamillarum* omni penitus secunlum se, culpa esse immunes; nimiumque rigidum fuisse Bentium, docentem esse *veniales*. Sed omnes huiusmodi infames libelli ab Apostolica Sede damnati sunt, & a me, ut innui, penitus confutati. Quare firmissimum apud omnes esse debet, tactus illos netum cum *Monialibus*, verum etiam cum cæteris mulieribus periculosos, peccata esse mortalia; nec oppositam posse ulla ratione defendi.

Con-

CONSECTARIUM DECIMUMTERTIUM.

XIII. Peccatum mortale est absque necessitate ponere actionem, ex qua tanquam proxima causa ex se influente in libidinem prævideretur sequutura delectatio venerea, quamvis aliunde non intendatur, imo propositum adsit comprimendi motus libidinosos insurgentes. Quoniam eadem lex naturalis, quæ prohibet querere, aut capere voluntario veneream delectationem; obligat etiam, ut eas causas non ponamus, quæ proxime concurrunt, & per se influunt in ejusmodi delectationem, quæ tunc in illa causa indirecte volita est. Vide, quæ de voluntario indirecto dicta sunt.

CONSECTARIUM DECIMUMQUARTUM.

XIV. Gravior peccare dicendi sunt, qui turpia loquuntur, quoties sermones vel ex rebus ipsis, vel ex conditione personarum, eorum quibus habemur, apti sunt ad venereos commotiones excitandas, aut ad scandalum pariendum. Sic vix a gravi culpa excusari potest pudendorum absque causa graphica descriptio, concubitus narratio, aut eorum, quæ concubium ipsum circumstant. Sic gravia crimina sunt colloquia de rebus obscenis habitis eorum mulieribus, puellis, honestis virginibus, aut adolescentibus. Siquidem & de se ad venerem provocant, & malitiam docent, dum narrant, ut experientia nimium frequenti compertum est. In his tamen locutionibus circumstantiæ loci, temporis, maximeque personarum attendendæ sunt, quemadmodum & in verbis amatoris, quæ proferuntur, aut canuntur a juvenibus; quæ licet haud semper gravem malitiam contineant, semper tamen periculi plena sunt, adeoque omni, quæ fieri cura potest, eliminanda.

CONSECTARIUM DECIMUMQUINTUM.

XV. Existimandum non est statim peccare mortaliter, qui obscena ab aliis dicta, aut cantata non sine gravi peccato, audium, & audiendo ridet, aut de ipsis gaudere videntur. Si enim solum hoc præstent ex quadam levitate, ridenque revera de solo artifice, seu lepidi dicendi modo, non autem de rebus ipsis, de quibus etiam nullam capiant animo delectationem, imo potius ab iis abhorrent, non peccant nisi venialiter: modo per suum risum nulli scandalum ingenerent, neque auctoritatem præstent turpia loquentibus, vel canentibus.

CONSECTARIUM DECIMUMSEXTUM.

XVI. Etsi nullum peccatum sit scribere de rebus turpibus ob aliorum instructionem, five doctrinam, ob superiores informandos, ob historiæ veritatem enarrandam, aut etiam ob arguenda aliorum peccata; sicut neque peccatum est ob similem finem ea loqui, vel audire: attamen de iis scribere ad voluptatem veneream de rebus ipsis imaginationi objectis vel percipiendam, vel in aliis excitandam, mortale procul dubio peccatum est, quemadmodum & eandem scribere absque prava quidem hujusmodi intentione, sed tamen cum judicare Scriptor probabiliter potest, ut teneatur, Lectores ex impudicis rebus, de quibus tractat, facile ad libidines esse provocandos: quod frequenter contingit præsertim in juvenibus, aliisque ad venerem propensis. Illud hic adnotare lubet, quod, tamen si liceat ad doctrinam de rebus obscenis scribere, abstinendum tamen sit etiam in talibus libris ad instructionem conscriptis a referendis turpissimis quibusdam portentosis lascivæ modis, aut circumstantiis, quibus ea doceantur putidissima scelera, quæ nec nominari, multoque mi-

minus explicari deberent. Unde improbari merito debet Thomas Sanchez, qui in hac declaranda materia nimium excessit, pluresque modos peccandi docuit quos forte hominum multitudo ignorasset. Hinc quoque cautionem a Parochis adhibendam esse monuit Catechismus Concilii Tridentini 3. p. de sexto præcepto: *Ut nempe in hac re explicanda cautus admodum sit Parochus, & prudens, & certis verbis rem commemoret, quæ moderationem potius desiderat, quam orationis copiam. Verendum est enim, ne, dum is late atque copiose nimis explicare studet, quibus modis homines ab hujus legis præscripto discedant, in illarum eorum sermonem forte incidat, unde excitanda potius libidinis materia, quam extinguenda illius ratio emanare solet.*

CONSECTARIUM DECIMUMSEPTIMUM.

XVII. Quoties mortale peccatum est turpia loqui, audire, scribere, legere, sicut etiam intueri &c. opus est in Confessione exprimeret circumstantias personarum, de quibus percepta sunt obscena delectatio: quia sermo de fornicatione pertinet ad fornicationem, de adulterio ad adulterium, atque ita de cæteris. Eadem ratione exprimenda est qualitas personæ consentis; nam scilicet soluta sit, an conjugata, num Deo sacra &c. nisi Confessario perfecta jam sit qualitas consentis personæ.

CONSECTARIUM DECIMUOCTAVUM.

XVIII. Sermones, qui dedita opera habentur de forma, pulchritudine, aut venustate hujus, aut illius mulieris, plerumque ad luxuriam pertinent, & ex ea malitiam contrahunt. Quandoquidem aut oriuntur ex pravis cogitationibus, quibus loquens animus demulceatur, aut pravas cogitationes excitant in mente præcipue juvenum, aut luxuriæ vitio deditorum:

arque adeo sive loquentem, sive audientem exponunt aut morosæ delectationi, aut saltem ejus periculo.

CONSECTARIUM DECIMUMNONUM.

XIX. Plures equidem aspectus mulierum peccaminosi sunt, prout ex dictis facile constat: at plures etiam possunt carere peccato. Sic aspectus improvisus mulieris peccatum non est. Sic etiam datur aspectus castus, qui sit urbanitatis causa, qui nullatenus peccatum est: neque enim est inordinatus, cum finem habeat honestum. Unde nimium rigida, neque approbanda videtur locutio illa Tertulliani in *Apologétique* cap. 46. generatim prolata: *Christianus salvis oculis fœminæ non videt.* Nam, ut S. Joan. Grifost. bom. 17. in *Matth.* apposite observat: *Est possibile & aliter, quam libidinoso aspicere (mulieres), ut certe aspicunt & pudici. Et ideo non simpliciter aspernum, sed concupiscentia junctum Christus interimit aspernum.*

CONSECTARIUM VICESIMUM.

XX. Ut plurimum lethalius peccant, qui imagines valde obscenæ representantes, puta fœminas nudas, aut matris, & fœminæ concubitus &c. aut retinent apud se, aut in eis oculis studiosè desigunt; eoque gravius peccant, quo studiosius, aut data opera illas intuentur, aut contemplantur. Priores namque sibi, proximique suis peccandi occasionem præbent: alii vero sub vanæ curiositatis prætextu suos oculos libidinis pascunt. *Horum, scribit Clemens Alexandrinus in Almonit. ad Gentes, non solum usus, sed etiam aspectus, & auditus deponendam esse memoriam vobis annunciamus. Scortata sunt oves vestra, fornicati sunt oculi, & quod est magis, novum ante conspectum vestri adulterium admissum aspectus.*

CON-

CONSECTARIUM VIGESIMUMPRIMUM.

XXI. Officio suo recte non fungitur Confectarius, qui mulieres vanas, hodiernas conversationes, prout jam usus nimium deplorandus obtinuit, sectantes, ac sectari volentes admittit ad Sacramentorum Confessionis, tum Sacræ Communionis participationem; sicutque se illud fucatis earum excusationibus, nihil scilicet in his commerciis asserentium se advertere impudicitiam, nihil libidinis. Neque enim viri hisce mulietulis tanto studio se se subicerent, ac veluti mancipia vilissima ad nutum continenter inservirent, atque etiam pro ipsarum oblectamentis pecunias libenter prodigerent, rem domesticam negligerent, proprias uxores fastiderent, aut alias dimitterent, pluraque alia id genus incommoda sustinerent, si nulla explendæ libidinis fiducia suppetere, aut in earum conversatione nullam sibi vitæ delectationem captarent. Quamobrem, cum ipsorum peccatis saltem hæ mulieres cooperentur, & æque & ipsæ precent, arcendæ sunt a Sacramentorum participatione, nisi tales conversationes setio dimittant.

CONSECTARIUM VIGESIMUSECUNDUM.

XXII. Generarim, & absolute choreas inter viros, ac mulieres præsertim juvenes damnandas esse docuimus ob fundamenta rationis, & autoritatis, quæ produximus. Sed nihilominus casus aliquis admittendus videtur, in quo quis choreis possit ininteresse sine culpa. Qua in re placet responsum, quod ex Vilelmo S. Raymundi interprete refert, & approbat Joannes Nyder Cap. 13. in 6. Decal. Præcept. his verbis: *Si aliquis, vel aliqua mulier raro, & sine aliqua intentione immisceat se hujusmodi choreis, non audeo dicere, quod sit mortale peccatum: sed nec audeo eum, vel*

eum excusare, & asscurare a peccato mortali, cum se ingerat periculo provocandi alios ad libidinem, & ipso facto videatur approbare choreas, & exemplo suo auctoritatem aliis similia faciendi præstare. Hec ille, quibus addendum arbitror, contingere posse, ut a culpa excusetur vir, aut mulier, si ex. gr. nuptiarum tempore, aut alia rara occasione ob rationabilem aliquam causam choreas agat caute, & omni modestia servata; nullumque ex circumstantiis advertat nec in se, nec in aliis peccandi periculum.

CONSECTARIUM VIGESIMUTERTIUM.

XXIII. Numquam tamen a gravi culpa excusandum censo Ecclesiasticum, aut Religiosum, si se immisceat choreis virorum, & mulierum, etiam quæ peraguntur nuptiarum tempore, & in propria domo, & cum agnatis, & consanguineis. Hoc enim valde dedecet statum suum, suoque exemplo alios ad actionem, quæ viz sine peccato exercetur, pellicit, & invitat. Hinc summus Vir Cardinalis Lambertinus, postea Benedictus XIV. in *Instit. Ecclesiæ* 76. §. 7. asserit, & confirmat auctoritate pletorumque Theologorum, *Choreas a Clericis non sine peccato gravi agi posse. Quin & subjicit posse Episcopos prohibere Clericis omnibus, ne choreas ducant, ne in illis instrumentis ludant; immo ne permittant eas fieri in suis aedibus Ecclesiasticis, Canonicis, Parochialibus, seu etiam Beneficialibus, deputatis pro domicilio Beneficiorum; etiamsi illa fierent exime consanguineorum ibidem cohabitantium. Quæ verba sunt Decreti S. Congregationis relati loco citato §. 8.*

REFLEXIO.

Ubi etiam remedia adversus Luxuriam vitium exhibentur.

Quamquam luxuria inter capitalia vitia omnium gravissimum nequamque sit: quodmodum nec temperantia, cui opponitur, nobilissima est inter morales virtutes; nullum tamen feralius vitium est, & humani generi infestius: nullum quod majores in Mundo elades edat, magisque salutem animarum impediatur: nullum denique, quod Infertum Christianorum multitudine copiosius impleat; adeo ut pronunciare veritus non sit Sanctus Remigius, *deus propter vitium hoc salvari*. Unde recte animadvertit S. Thomas, Dæmonem capitaliorem inimicum nostrum de hoc presertim vitio *gaudere*; quia, cum sit maxime adhaerente, & contagione sua generatim inficiat homines, innumeras propterea infelicitasinas prædas ad perditionem trahit, & in æternæ damnationis abyssum præcipites agit. Erimvero quis, ipsa teste experientia nimium luctuosa, non perspicit, quam facile homines, carnis concupiscentia impellente, a Deo, & a via salutis abducantur; quam vero difficile ad Deum, & ad salutis semitam revertantur? *Per peccatum luxuria* (inquit idem S. Doctor lect. 1. in cap. 31. Job) *homo videtur maxime a Deo discedere*. Accedit enim homo ad Deum per spirituales actus, qui maxime impediuntur per delectationem veterum; quæ præ cæteris vitiis defigit animum in rebus sensibilibus, ac voluptatibus carnis, iisque omnium vehementissimis.

Profecto si paulisper perpendamus exitiosos effectus, quos luxuria causat in omnibus sua lue pestilenti affatis, atque pollutis, de hac tam lugenda generali perniciæ ne dubitate quidem possumus. Neque

enim ullum aliud vitium est, quod æque, ac luxuria magis ex arce deiciat animum virilem ut ait S. Augustinus lib. 1. Soli. cap. 10. sive, ut S. Thomas, superiores vires, rationem scilicet, & voluntatem magis deordinet, ac densioribus tenebris offundat intellectum: quod apprehensionem decipiat, quod consilium impediatur, quod judicium de rebus agendis pervertat, quodque a bono exequendo potentius abripiat, ac pertrahat. Luxurie ea vis est, ut dum carnali delectatione mentem obtruit, corpori spiritus veluti misceatur, illique ita adhaereat, ut quasi carnalis, & coporeus efficiatur, & ad sua obeunda munera profus ineptus. Ejus quippe lumen pene extinctum est; nihilque jam præter carnem, & sanguinem, quodque delectat, atque demuleat affectiones ipsi consentaneas, cogitat, animoque revolvit: quod in nullo plane alio vitio contingere solet. Cætera siquidem vitia etiam in ipso peccandi actu perimunt, ut mens ad alia simul se avocet. Sed luxuria ita mentem absorbet, ut ad se omnem ejus cogitationem pertrahat.

Cum igitur tot mala, tamque horribilia ex luxuria proveniant, nemo sane erit prudens, ac sapiens, suæque salutis æternæ sollicitus, qui non omnem curam, ac diligentiam adhibeat, ut vitium adeo perniciosum longissime avertat, nec unquam in semetipso nedium dominari, sed neque locum invenire patiat. At quoniam erunt tam contagiosæ pestis, tamque lethalis remedia? Primum in eo maxime versatur, ut alie cognitionum habeamus, atque comprehensum, quanta sit hujus flagitii turpitudine, & perniciēs; quæ pene ipsum consequantur, quantoque odio Deus Spiritus purissimus illud prosequantur. Errant enim, ac vehementer errant, qui peccatum illud veluti fragilitatis parvi pendunt, sive quo persuasent, facile a Deo condonari. Proponant sibi isti ante oculos universale

totius orbis Diluvium, quod et hæc puniendæ peccata a Deo iustis non iustice immensum est: *Omnis quippe caro, inquit facer textus, corrumperat viam suam super terram.* Vnde Deus dixit: *Non permanebis spiritus meus in homine in æternum; quia caro est.* Et dixit ad Noe: *Finis universo carnis venit coram me. Repleta est terra iniquitate a facie eorum; & ego dissipavi eos cum terra.* Recogitent ignem illum contra naturam et cælo delapsum, quo conflagravit impiæ quinquæ, infamæque Civitates: supplicium Israelitarum, qui fornicati sunt cum filiabus Moab, de quibus Apostolus x. ad Cor. 10. ait: *Et ceciderunt una die viginti tria milia: Benjamiticæ quoque tribus, quæ propter hoc peccatum sermo deleta est.* Quibus, aliisque exemplis edocemus, quantum Deus hoc scelus aversetur, & odio habeat; quantæque Deum injuria afficiant, qui summum bonum vilitate, sordidissimeque voluptati peccando postponunt.

Sed & illi ad scelus hujusce magnitudinem cognoscendam perpendere Christiani præfectum debent; quod per Baptismum regenerati Spiritus sancti templum, quin & corpus, & membra Christi, teste Apostolo, effecti sunt. Hinc fornicationis enormitatem declarant: *Nescitis, ojeebat ille, quoniam corpora vestra membra sunt Christi? Tollent ergo membra Christi faciem membra meretricis?* Principis profecto Christiani hominis honor, ac dignitas est corporis Filii Dei membrum esse. Numquidnam igitur tam sancto corpori, tam sanctis membris atrociorum inferre potest injuriam, quam si meretricis membra faciat, aut impuris delectationibus possuat? *Si unusquisque, inquit S. Augustinus, cupiens fornicari, aut aliquid turpe, & flagitiose committere, vilescat sibi, & in se contemnat seipsum; saltem non in se contemnat Christum.* Non dicat: Peccabo; infirmus sum, & omnis caro est fornicum. Sed dicat sibi:

Patuisti Theol. Mor. T. II.

Corpus tuum est membrum Christi. Quis? quis te precipitem, agis? parces in te Christo? agnosce in te Christum. Parum illi sunt fratres suos nos facere: facis & sua membra. Itane tanta dignitas viluit, quia tam benigne prestita est? Corpora nostra membra sunt Christi; corpora nostra propter inhabitantem Spiritum Sanctum templum sunt Spiritus Sancti. Quid horum in te contemnis? Christum, cujus membrum es: an Spiritum Sanctum, cujus templum es? Quia Christianorum horrore quodam non concutitur, si videat Ecclesiam pollui, quæ ædificium est lapidibus constructum, & Episcopi benedictione Deo consecratum? Et non verebimur polluere in se ipso templum Dei, quod & Baptismi Sacramento, & unctione Spiritus Sancti consecratum fuit?

Sed præter hoc remedium in cogitatione positum, alterum est in actione constitutum: nimirum fugam, crapulæ, & ebrietatis, quæ ad luxuriam magnopere provocant. Hinc *Ezech. 16.* de Sodoma dictum legitur: *Hæc fuit iniquitas Sodoma: foras tua; superbia; saturitas panis, & otium ipsius, & filiarum ejus.* Ac de Davila illud observatum est in adulterium lapsam esse, cum de strato suo surrexisset post meriliem, & in solarium domus regis decambularet, otio vacans ea tempore, quo solent Reges ad bella procedere. Quare S. Hieronymus Epist. 4. monebat: *Amas scieris? Scripturarumque & carnis vitia non amabis. Facies aliquid operis, ut te semper Diabolus inveniat occupatum.* Quanto vero studio fugienda sint ad castitatis custodiam crapulæ, & ebrietates, non uno in loco Scriptura nos docet. *Ezai. 32.* dicitur: *Sedit populus manducare, & bibere; & surrexerunt ludere, idest impudicitia se credere.* Ad Ephesi 5. *Nullo inebriari vino, in quo est luxuria.* Unde S. Hieronymus lib. 2. cont. Jovinian. scribit: *Non ei debemus, cui nascimur, sed cui renascimur,* qui

qui repugnantem carnem, & ad libidinum incensus rapien-
tem inedia subjugamus. Esus
carnium, & potus vini, ventrisque satietas
seminarium libidinis est. Unde & Comicus:
sine cere, inquit, & libero friget venus.
Et S. Gregorius Cura Pastor. p. 3. admon.
20. *Plerumque, ait, edacitas usque ad lu-*
xuriam pertrahit; quia, dum satietate ven-
ter extenditur, aculei libidinis excitantur.
.. Gula deditas luxuria sequitur, Prophe-
ta stante, qui, dum aperta narrat, occulte
denunciat dicens: Princeps coquorum de-
fixit muros Ierosalem. . . . Coquorum
Princeps muros Ierosalem dejecit: quia dum
venter ingluvis descendit, virtutes animae
per luxuriam destruantur.

Tertium adversus luxuriam remedium
est vitare nimiam frequentiam, ac famili-
ritatem mulierum praesertim adolescentu-
lanum; ac etiam spiritualium. Hoc reme-
dium a Sapiente traditur cap. 42. *Ecce-*
fisti, & inculcatur magnopere, dum ad-
monet: In medio mulierum noli commorari.
De vestimentis enim pro: adit vinea; & a mu-
liere inquinatus viri. Melior est enim iniqui-
tas viri, quam mulier beneficiens, & mulier
confundens in opprobrium; id est mulieris est
pia societas periculosior est, quam viri
improbi. Et cap. 9. Speciem mulieris aliene
multis, a liminati reprobi facti sunt. Colloquium
eius illius quasi ignis exardescit. Alique alia
id genus.

Remedium quantum, & illud quidem
valde necessarium, est vigil sensuum no-
strorum custodia. Siquidem, ut dicitur
Ierem. cap. 9. *Ascendit mors per fenestras*
nostras, ingressa est domus nostras; & ut ex-
ponit S. Hieronymus lib. 2. cont. Iovinian.
Per quinque sensus quasi per quasdam
fenestras vitiorum ad animam introitus
est. Non potest ante metropolis, &
arx mentis capi, nisi per portas ejus
intruerit hostilis exercitus. Harum per-
turbationibus anima praegravatur; &

capitur aspectu; auditu; odoratu; sa-
pore; tactu. Si Circensibus quispiam
delectetur, si Athletarum certamine,
si mobilitate hiatorum, si formis mu-
lierum, splendore gemmarum, vestium,
& ceteris hujuscemodi; per oculorum
fenestras animae capta libertas est. . . .
Rursus auditus vario organorum cantu,
& votum inflexionibus delinitus, & car-
mine Poetarum, & Comælorum, Mi-
morumque urbanitatibus, & strophis;
& quidquid per aures introitus virilita-
tem mentis effaminat. Odoris autem
suavitas, & diversa thymianara, &c.
nemo nisi dissolutus negat. . . . Tactus
autem alienorum corporum, & famina-
rum ardentior appetitus vicinior insanie
est. Ob hunc sensum cupimus, inascimur,
gestimur; solliciti sumus; & expleta
voluptate, per quamdam plenitudinem
rursus accendimur, quærimusque fac-
ere, quod cum fecerimus, rursus poe-
nitescamus. . . . His igitur rationibus in-
vitati mali Philosophorum reliquerunt
frequentias Urbium, & hortulos sub-
urbanos, ubi ager irriguus, & arborum
comæ &c. ne per luxum, & abundan-
tiam copiarum animæ fortitudo mol-
lescet, & ejus pudicitia consupraretur
. . . . Vetus sententia est: Diffusi-
us est, imo impossibile delictis, & volupta-
tibus effluenter nos sa cogitare, quæ ge-
rimus; frustra quidam simulat, sal-
va fide; & pudicitia, & integritate
mentis se abusi voluptatibus; cum con-
tra naturam sit, copius voluptatum sine
voluptate perfrui; & Apostolus hoc ip-
sium eavens dixerit: Quæ autem in deli-
ctis est vidua, vivens mortua est. Sensus
corporum quasi equi sunt sine ratione
currentes. Anima vero in aurigæ mo-
do ratiinet frenâ currentium; & quo-
modo equi absque rectore præcipientes
ruunt; ita corpus sine ratione, & im-
pe-

„perlo animæ in suum fertur interitum“.

Denique remedium nedum admodum utile, sed etiam necessarium est *humilitas*, sive practica cognitio propriæ fragilitatis, conjuncta cum fiducia in Dei auxilio, quod jugiter per humilem, ac serventem orationem implorare debemus. Humilitas namque id præstat, ut de hostis viribus nihil fidentes, occasiones, & pericula luxurie toto studio, ac diligentiâ fugiamus; simulque, cum fugere occasiones omnes, & pericula nequeamus, nostroque in corpore hostis sit ad rupes delectationes indefinenter sollicitus, & impellens, ad Deum humillime confugiamus, ut gratia sua ita nos roborer, atque confirmet, ne in pugna deficiamus. Hujusce salutaris remedii necessitatem exempto suo declarat laudatus S. Hieronymus *Epist. 22. ad Eustorb.* de custodia castitatis, inquit, „O quoties ego ipse in Eremito constitutus, & in illa vasta solitudine, quæ exusta Solis ardoribus horridum Monachis præstat habitaculum, putabam me Romanis interesse deliciis! Sedebam solus, qui amaritudine repletus eram. Horrebant faciem membra deformia; & squalida cutis sicut Æthiopie carnis obdixerat. Quotidie lacrymæ, quotidie gemitus; & si quando repugnantiem formis hominis oppressisset, nuda humo vix ossa hientia collidebam. De cibis verò, & potu iaceo, cum etiam languentes Monachi aqua frigida urantur, & cœtu aliquid accepisse luxuria est. Ille igitur ego, qui ob gehennæ metum tali me carcere ipse damnaveram, scorpionum tantum socius, & serarum, sæpe choreis intereram puellarum. Pallebant ora jejuniis, & mens desiderii vestuabat in frigido corpore, & ante hominem sua jam carne premortuum sola libidinum incendia bulliebant. Itaque omni auxilio destitutus ad Jesu jacebam pedes, riga-

„bam lacrymis, crine tergebam, & repugnantem canem, hebdomadarum indidit subjugabam. Memini me clamantem diem sæpe junxisse cum nocte, nec prius a prætoris cessasse verberibus, quam rediret, Domino increpante, tranquillitas. Iplam quoque cellulam meam, quasi cogitationum mearum consciam peritroscebam; & mihi met iratus, & rigidus solus deserta peneirabam. Sic ubi concaeva vallium, aspera montium, rupium prærupta cernebam, ibi me orationis locus, ibi illud miserrime carnis ergastulum; & ut ipse mihi resis est Dominus, post multas lacrymas, post cælo inhærentes oculos, nonnumquam videbar mihi interesse agminibus Angelorum, & lætus, gaudensque cantabam: *Post te in odorem unguentorum tuorum curramus.*“ *Hæc Divus Hieronymus.*

His itaque mediis adjuvi, ac divino præsertim auxilio roborati strenue, ac viriliter adversus hunc hostem castitatis fortissimum simul, ac insidiosissimum, carnis scilicet concupiscentiam in hoc mortalis vitæ Radio dimicemus. Neque enim unquam decessit pugnandi finis, donec vita hæc ipsa finiator, ac pax illa sempiterna succedat ab omni præiandi labore immunis. Sequamur scilicet montem illud Apostoli Pauli ad Galatas: *Spiritu ambulato, & desideria carnis non persequemur.* Non ait, inquit Augustinus: *Concupiscentias carnis adversarias ne habueritis*; quoniam videbat perfectam pacem carnis, & spiritus non posse in corpore mortis huius impleri. Sed ait: *Concupiscentias carnis ne persequeritis*; ubi exaamen nobis portus, quod contra carnem adversantem debeamus exerceere, proposuit, ut concupiscentias ejus non persequiamus, sentiendo, sed resistendo vincamus. *Care enim, subdit Apostolus, concupiscitis.* *Ecc 2*

adversus spiritum, & spiritus adversus carnem. Hoc bellum, ut idem Augustinus, nunquam ullum esset, si natura humana per liberum arbitrium in rectitudine, in qua facta est, persistisset. Nunc vero, quae pacem felix cum Deo habere voluit, secum pugnat infelix. . . . In tali autem pugna sanitas erit tota victoria; nec temporaria sanitas, sed aeterna, ubi non solum finitur hic languor, verum etiam deinceps nullus oritur.

CAPUT VIII.

De Gula.

DOCTRINA.

- I. Gula definitio explicatur.
- II. Peccatum est: quandoque solum veniale; quandoque mortale: etiam prout ab ebrietate sejuncta consideratur.
- III. Sensus quorundam Scripturae textuum de gula exponitur.
- IV. Quingula species, aut modi explicati.
- V. Quaedam in hac gula species animadvertuntur.
- VI. Ex S. Antonino latius ejusmodi gula species declarantur.
- VII. Vitium capitale gula est, ex qua alia vitia oriuntur.
- VIII. De prima filia gula; scilicet inepta laetitia.
- IX. De scurrilitate; altera gula filia.
- X. De tertia filia gula: nempe immunditia: Quid hic veniat hoc nomine.
- XI. De multiloquio; quarta filia gula.
- XII. De postrema filia gula; nimirum ebrietate mentis.
- XIII. De ebrietate specialiter agitur. Quid ea proprie sit, & quando peccatum ex S. Thoma.
- XIV. Nudum utcumque peccatum ebrietas est, sed etiam ex se letale.
- XV. Scripturarum, ac Patrum testimonia in confirmationem adducta.

XVI. Quandoque excusetur, aut minuat peccatum ebrietatis.

XVII. Quid de illa questione, num aliquando licita sit ebrietas ad valetudinem obtinendam. S. Thoma doctrina proposita.

§. I.

Definitio Gulae, & pravitas ipsius.

LUXURIAE proxima gula est, eamque nutrit, fovet, atque inflammat. Definitio ejus ex D. Thoma 2. 2. q. 148. art. 7. haec est; nempe inordinatus appetitus edendi, & bibendi. Neque enim, ut notat, quemcumque appetitum nominat edendi, vel bibendi: sed duntaxat inordinatum. Inordinatus autem est ex eo, quod recedit ab ordine rationis, in quo bonum virtutis moralis consistit. Recta siquidem ratio praescribit, cibum & potum sumendum esse in ea quantitate, qualitate, aut mensura, quae necessaria, aut utilis est ad conversationem vitae, ac sanitatis ejusque individui. Hae enim finalis causa est edendi, ac bibendi juxta illud S. Augustini lib. 10. Confess. cap. 31. Hoc me docuisti (Domine) ut quemadmodum medicamenta, sic alimenta sumpturus accederem. Ab hac itaque rectae rationis regula recedere ob amorem delectationis, quam in edendo, ac bibendo percipitur, vitium gula est.

Equidem S. Doctor in ea gula definitione, quam in corpore articuli tradidit, mentionem non facit de delectatione, quae in edendo, & bibendo per gulam quaeritur; sed illam discrete exprimit in resp. ad. 2. suamque definitionem magis declarat inquit: Vitium gula non consistit in substantia cibi, sed in concupiscentia non regulata ratione. Et ideo si aliquis excedat in quantitate cibi non propter concupiscentiam cibi, sed aestimans id sibi necessarium esse, non pertinet hoc ad gulam, sed ad aliquam imperitiam. Sed hoc pertinet ad gulam, quod aliquis prop-

ter

ter concupiscentiam cibi (aut potus) delectabilis scienter excedat mensuram in agendo.

Ex his colligere oportet, non esse gulam, sive gulæ peccatum, delectationem percipere ex cibo, & potu proveniente, quando moderata juxta rationis regulam corporis refectio sumitur: tunc enim & ipsa, quæ percipitur, delectatio intra rectæ rationis limites continetur. Humana namque infirmitas nedum cibo, & potu indiget, sed etiam cibi sapore, ac delectatione, ut finem, ob quem alimenta sumenda sunt, melius, ac plenius assequatur, scilicet nutrimentum corporis, vitæque conservationem. Unde Augustinus ait lib. 4. cont. Julian. cap. 14. Non solum cibo, sed etiam cibi sapore indiget infirmitas corporis nostri, non propter tuendam salutem. Tunc autem ea delectatio limites rectæ rationis prætergreditur, dum ipsa potius in sumendis alimentis quaeritur, quam corporis valetudo, & conservatio: quædammodum & qui se alimentorum voluptate abripi sinit, ut ampliusumat, vel avidius, quam naturæ congruit; cum ea voluptas necessitatem præire non debeat, sed potius comitari, nec longius progredi, quam illa permiserit, ut ex Augustino explicavimus de temperantia loquentes.

II. Ex quibus liquet, gulam esse peccatum. Quod enim a rectæ rationis regula recedit, semper peccatum est: gula autem recedit ab hac regula in edendo, & bibendo, ut offendimus. Igitur &c. Hinc ab Apostolo prohibetur cap. 13. ad Rom. dicente: Carnis curam ne secuti sitis in desideris; ubi non absolute curam carnis, sive corporis prohibet, eum ad Eph. 5. dicat: Nemo unquam carnem suam odio habuit, sed nutrit, & fovet eam; sed veter, ne carnis curam agamus in desideris, sive ad satisfaciendum desideriis, & voluptatibus carnis, prout agunt ii, qui prætexu alendi

corpora in qualitate, quantitate, vel modo excedunt.

At vero cujus generis gula peccatum est; mortale scilicet, an veniale? Questionem dirimit Doctor Angelicus art. 2. hac solida doctrina: Vitium gulæ proprie consistit in concupiscentia inordinata. Ordo autem rationis concupiscentiam ordinat, dupliciter tolli potest. Uno modo quantum ad ea, quæ sunt ad finem, prout scilicet non sunt, ita commensurata, ut sint proportionata fini. Alio modo quantum ad ipsum finem, prout scilicet concupiscentia hominem averit a fine debito. Si ergo inordinatio concupiscentie accipiat in gula secundum aversionem a fine ultimo, sic gula erit peccatum mortale. Quod quidem contingit, quando delectationi gulæ adhæret homo tanquam fini, propter quem Deum contemnit, paratus scilicet contra præcepta Dei agere, ut delectationibus hujusmodi fruatur.

Si vero in vitio gulæ intelligatur inordinatio concupiscentie tantum secunde dum ea, quæ sunt ad finem, utpote quia nimis concupiscit delectationes ciborum, non tamen ira, quod propter hoc faceret aliquid contra legem Dei; est peccatum veniale.

Ex hac doctrina manifestum est, gulam etiam ab ebrietate (de qua quæst. sequenti agit S. Thomas) sejunctam, prout videlicet consistit in sola concupiscentia cibi, vel potus inordinata, quandoque esse peccatum mortale; eum scilicet tollit ordinem rationis ad ipsum finem, seu avocit a Deo; quandoque autem veniale; eum scilicet inordinatio respicit ea, quæ sunt ad finem, seu fini non proportionata; veluti cum aliquis delectationes ciborum nimis equidem concupiscit, ita tamen, quod propter eas nullum crimen committere vellet.

III.

III. Porro idcirco in priore casu gula peccatum lethale est; quoniam tunc aut formaliter; & directe, aut interpretative, & indirecte constituitur finis ultimus in delectatione cibi; & potest formaliter quidem & directe, velut ponitur ab his, de quibus ad Philip. 3. dicitur: *Quibum Deus ventris est*; quia immittam propter delectationem ventris omnia faciunt, quærentes delicia ciborum, & potuum supra cetera alia; ac de his dicitur etiam ad Rom. 16. *Christo Domino non serviunt, sed suo ventri*. Interpretative vero, aut indirecte collocatur ab illis, qui maxime committere crimen aliquod, aut omittere, quod gravi præcepto præstare teneantur, potius, quam sue gule non satisfacere; ut si quis sibi inflicat, vel aliis grave detrimentum in corpore, vel in rebus exterioribus ob aliquis alimenti sumptionem, aut si ob idem votivum graviter desit in obeundo officio suo, dum ex iustitie lege obstringitur; aut etiam violet Ecclesiæ præceptum. Atque de his intelliguntur verba illa Christi Domini apud Luc. cap. 21. *Attendite vobis, ne forte graventur corda vestra crapula, & ebrietate*; sicut & illud ad Rom. 13. ubi inter opera tenebrarum recensentur *comestiones, & ebrietates*; quæ etiam recensentur inter opera carnis ad Galat. 5. *quæ qui cogitat, regnum Dei non consequuntur*.

§. II.

De quinque speciebus Gule hoc versiculo contentis; Propterea, laute, nimis, ardenter, stultice.

IV. Hæ species, sive modor gule primum distinxit S. Gregorius Magnus lib. 30. *Moral. cap. 13. his verbis: Quotique modis nos gula vitium tentat. Aliquando namque ingentia tempora prevenit aliquando lautiores cibos querit & aliquando, quæ sumenda sunt, preparari accuratius appetit*:

aliquando in ipsa quantitate sumendi mensuram reflectionis excedit aliquando ipso reatu immensi desiderii aliquis peccat. Hæc autem distinctionem adoptans S. Thomas *hæc art. 4. sic illam illustrat*.

„ Gula importat inordinatam concupiscentiam edendi (sicut & bibendi).
„ In esu autem duo considerantur, scilicet, et ipso cibum, qui comeditur; & esus, sive comestio. Potest ergo inordinatio concupiscentiæ attendi dupliciter. Uno quidem modo, quantum ad ipsum cibum, qui sumitur; & sic quantum ad substantiam, vel speciem cibi, querit aliquis cibos tantos, idem pretiosos; quantum ad qualitatem; querit cibos nimis accurate præparatos, idem studiosos; querit autem ad quantitatem; excedit, nimirum in edendo.
„ Alio vero modo attenditur inordinatio concupiscentiæ quantum ad ipsum sumptionem, vel quia propriam; vel quia non servat modum debitum. In edendo, quod est ordo, in hoc loco vero comprehendit primam, & secundam sub una dicens: quod gulosis excedit in esu secundum quid, quantum; quomodo; & quando.

V. Circa autem hæc species, aut modos gule tria animadvertas; primo nempe omnes, & singulas propositas gule species absque ebrietate inveniri posse: quod gula peccatum laus patet, quam ebrietates.

Alterum, hæc species multas posse conjugi, adeo ut in unum eundemque gulæ actum plures earum, quæ & omnes concurrant. Quoties vero servatis ex his, aut quinque conditio concurrat cum tertia, sive in cibo, & potu simul, sive in alterutro tantum, videtur esse comestio, quam Sacræ Litteræ specialiter damnant.

Tertium, sumere cibum, aut potum delicatam, aut accuratius paratum, non esse ex se peccatum. Comingere quippe

potest, quod vel sanctorum gratia id fieri oporteat, vel quod non alia, quam ejusmodi alimenta praebeantur. Quare solum tunc peccatum est, quando huc in cibo, & potu ultra rectam rationis regulam appetuntur. *Neque enim*, ut ait S. Gregorius loco laudato cap. 27. *cibus, sed appetitus in vitio est*; dum scilicet est inordinatus. Unde et lautiores cibos plerumque sine culpa sumimus, & abjectiones non sine reatu conscientiae degustamus.

VI. At non ab re, quin prius utilem erit hic adferre expositionem, quam habet Magnus S. Archiepiscopus Antoninus de quinque modis memoratis p. 2. tit. 6. c. 1. licet eos ordine aliquantulum inverso expendat. Primo liquidem ponit *excessum in quantitate*; atque ita differt: „Prima species gulae, seu modus, est nimis comedere, vel etiam bibere. . . . Cum autem ita exceditur in quantitate, ut incurratur ebrietas, illud est unum vitium speciale, de quo dicitur infra. „Cum vero bibitur ultra debitum, sed citra ebrietatem, pertinet ad hanc speciem gulae. Et perpetrari potest istud vitium ita circa vilissimos cibos, & potus, sicut circa delicatos, & preciosos. Unde dicitur Eccli. 26. *Hae sunt iniquitates Sodoma sororis tuae, saturitas panis, et aqua*. De quantitate autem cibi, & potus non potest dari una certa regula omnibus secundum eandem mensuram, sed plus, & minus exigitur secundum varietatem complexionum, & fatigationum. Unus etiam, & idem plus indiget uno tempore, quam alio secundum dispositionem sui corporis. . . . Tanquam ergo potest quis comedere, & bibere, quantum credit se indigere ad sustentationem, & executionem eorum, quae sibi incumbunt agenda, ita ut non usque ad nauseam sumat, sed cum aliquali adhuc appetitu

finem faciat. Cum autem ex delectatione cibi, vel potus plus sumit, quam sibi dicat conscientia opportunum, tunc peccat, & de crapula carnis privi, ex his, quae habentur *diffin. 4.* cum Glossa, videtur sibi esse mortale⁴²; intellige, si nimium excollerit, ut postea constabit.

Pergit subinde Sanctus Archiepiscopus ad alias explicandas gulae species; & ait: „Secunda species est comedere cibos nimis delicatos propter delectationem, ut capones, phasianes, perdicis &c., vina solemnia &c. Si tamen utatur cibariis delicatis propter infirmitatem, vel debilitatem hoc exigentem, aut generis nobilitatem, ut Princeps, aut temporis congruitatem, ut in nuptiis, & convivii discretis, potest esse hoc absque peccato⁴³.

Exemplum habetur in S. Thoma Cantuariensi, de quo refertur in ejus Vita, quod „ei in mensa multa quidem assecebantur, & varia, sed inter plurima ad esum proprium pauca retinebat: & ea, quibus ipse utebatur, & delicatiora quidem, & preciosiora erant. . . . Unde cum unus iustorum talium super hoc inter discumbendum semel quasi subreptus dens notaret Pontificem, aliquantisper zelo motus Pontifex sic ei respondit: Certe, frater, nisi fallor, cum aviditate majorem tuam sumis solum, quam ego appositum mihi praesidem. Nec enim cesserit, ut tradunt animarum Medici Patres Orthodoxi, quid, quantumve quisumat, si solum necessitatis, & valetudinis suae, non voluptatis indulgeat. Pontifex igitur, qui gressus non conterat, utpote minime enutritus in his, delicatiora quidem, sed parce admodum sumebat, & sobrie &c. Unde S. Agostinus lib. 3. de Doctr. Christ. cap. 10. *Fieri potest, ut sine aliquo vitio cupiditas,*
33 vel

vel voracitatis pretiosissima cibo sapiens
utatur; insipiens autem foetissima gula
flamma in vilissimum olus ardescat.

Tertia species gulæ (sequitur S. Antoninus) est ponere nimis de tempore, & cura (idest nimium temporis, & cura impendere) ad præparandos cibos, ut magis delectent. . . . Et præcipue in hoc solent delinquere divites, & etiam Prælati Ecclesiæ. Unde Alanus de plantis nature ait: Hodie gula vitium profundius se porrigit in Dominos, & Prælates, qui salmones, lucios, catrosque pisces equipollenti generositati insignes, variis decollium cruciant martyrii; balneantes officio sacri piperis fonte baptizant, ut multiformis saporis gratiam consequantur; alius Ministrorum contundit, velat alius, & conficit, substantiam vertit in accidentia, naturam mutat in artem; Hæc ille. Sed magnam conscientiam sibi debent facere tales de tanto tempore, quod amittunt, & faciunt amittere ministros pro hujusmodi præparatione, & expensis superfluis, quibus deberent pauperibus subvenire. Gravo namque peccatum facile esse potest, expensas notabiliter superfluas in istis facere, ubi tot Christi membra pane indigent.

Quarta gulæ species est nimis ardens, seu nimia aviditate cibum, vel potum sumere. Ad quod pertinere videtur comedere nimis rapaciter, & festinanter. Er licet quidam habeant a naturali conditione, vel assuetudine, tamen corpori nocet. . . . Et eum procedit ex inordinato appetitu delectationis, gulæ peccatum est; quod tamen ex se non nisi veniale est.

Postrema tandem gulæ species tunc habetur, cum non servatur comedendi, bibendique tempus, quasi qualibet hora absque regula comedere, quis, aut bibere

vellet; quod argumento est quæsiue potius in cibo, & potu voluptatis, quam necessitatis. Id enim non prodest valetudini, ob quam comedere oportet, sed potius officit. Nec hoc facientes, inquit S. Antoninus, sani vivere possunt (cum possent indigestum super indigestum; unde mali humores generantur, & corpus etiam sumofectibus est gravatum, & mala aptum ad spiritualia). Et hoc nisi magnus labor excuset, ut laborantes in agris, viatores, pueri, dum sunt in augmento.

§. III.

De Gula, prout vitio capitali, ac de filiis ejus.

VII. Gula vitium esse capitale, principio sæpe alias proposito, ac proponendo probat Preceptor Anglicus art. 5. hujus quæst. 148. quod scilicet, vitium capitale dicitur, ex quo alia vitia oriuntur secundum rationem causæ finalis, in quantum videlicet habet finem multum appetibilem: unde ex ejus appetitu homines provocantur multipliciter ad peccandum. Ex hoc autem aliquis finis redditur multum appetibilis, quod habet aliquam de conditionibus felicitatis, quæ est naturaliter appetibilia.

Pertinet autem ad rationem felicitatis delectatio. Er ideo vitium gulæ, quod est circa delectationes tactus (in ordine aliquo determinato), quæ sunt præcipue inter alias, convenienter ponitur inter vitia capitalia.

Porro vitia, quæ oriuntur ex gula, & ea, quæ filii ipsius reputantur, quinque enumerat art. 6. nimium inaptam letitiam, scurrilitatem, immodestiam, multiloquium, & ebrietatem mentis circa intelligentiam. De quibus pauca cutsum ex eodem S. Thoma.

De inepta lœtitia.

VIII. Prima itaque Gulæ filia est *inepta lœtitia*: ea nempe, quæ pereipitur ex rebus, quæ nullam, si recta ratio consulatur, parere delectationem possunt; vel, si aliquam afferre valent, in eam dissolutio potius animo, hoc est rationis gubernaculo per cibi, ac potus immoderationem veluti sopito, aliquis effunditur. Ad hanc lœtitiâ jocandi genus pertinet illiberale, perulans, flagitiosum, obscœnum; cum scilicet aliquis ludendi causa verbis, vel factis turpibus utitur, vel etiam quæ in proximi nocumentum vergunt. Pertinent quoque choreæ dissolutæ, tripudiâ, motus incompositi, & lascivi, qui signa sunt intemperantis hilaritatis. Pertinet pariter vanitas histrionum, larvatorum, hominumque ad parum ingenuam voluptatem vel cantu, vel manu, vel aliis gesticulationibus provocantium.

Hujusmodi praves effectus ex immoderato præsertim vini potu profluentes describit S. Basilii Magni hom. in *abriet. & luxur.*: „Rationem, inquit, & mentem vinum demergit: voluptates, & animi ceteros affectus malos velut apum examen excitat. Quis curtus eorum indomitum ita præcepta fertur, autigam suum excutens? Quod navigium ita gubernatore destitutum, ita fluctibus exagitatum, & concussum? Ex talibus itaque malis viri, & femine communes constituunt choros, maloque Dæmoni misere tradentes animas, sese invicem libidinum telis confodiunt, atque lacerant. Rursus inter se histrionibus, cantus proboscis, meretricios gestus ad libidinem invitantes exercent. . . . Quis ego fleam, puellæ conjugii expertes, an maritis junctas? Hæ quidem amissa virginitas reversæ sunt: illæ vero pudicitiam maritis minime re-

Paræzi Tbeol. Mor. T. II,

„duxerunt. Nam quæ forsitan peccatum corpore vitare, animo tamen admiserit: quæ quidem & de viris dicta mihi, monitaque . . . Si foruiti occursum iis, qui obiter mulierculam inspexerunt, tantum pavent periculi; quanto majus fuerit, cum de industria congregiuntur, cum dedita opera mulieres in ebrietate, & convivio, & omni lascivio gestu, saltatione, cantu impudico ad libidinem effrenes juvenes invitantes spectantur? Quorum plerique sunt peccata mortalia.

De Scurrilitate.

IX. Nomine *scurrilitatis*, de qua aliqua supra dicta sunt, intelligitur hic a S. Thoma *jocularitas* quædam proveniens ex defectu rationis, quæ sicut non potest cobibere verba, ita non potest cobibere extteriores gestus. Unde ad *Ephes. 5. super illud, aut stultiloquium, aut scurrilitas, dicit Glossa*, quod a stultis *Cucialitas* dicitur, id est *jocularitas*, quæ risum movere solet; quamvis possit utrumque bonum referri ad verba, in quibus contingit peccare vel ratione superfluitatis, quod pertinet ad multiloquium, vel ratione inbenevolentis, quod pertinet ad scurrilitatem.

Hinc definiti scurrilitas potest immoderatio in jocis, & facetiis, aut in studio commovendi alios ad risum. Veniale plerumque peccatum est, cum personarum quidem decorum non servatur, sed scandalum abest, & prava intentio. Interdum tamen lethale potest esse peccatum ratione materiæ, sive objecti, si focus redundet in gravem Dei, aut Religionis, aut proximorum injuriam, aut obscœnus sit, & ad libidinem provocet. Unde ad *Ephes. 5. inter peccata a Christianis fugienda specialis mentio fit de scurrilitate.*

De hoc præsertim vitio verba faciens S. Joann. Chryso. hom. 17. in *Epist. ad Ephes.* hæc habet inter alia: & eos, qui nimium in *scurrilitatibus*, ut multi sunt, tempus

F f f

con

consumunt, ita monet, ac terret. „ Tu
 „ in dictis urbanis, & facetis tempus teris.
 „ Quis athleta stadium ingressus, missa so-
 „ licitudine decertandi cum adversario,
 „ urbana verba loquitur, & faceta? Instat
 „ Diabolus, circūit quærens, ut rapiat,
 „ omnia mover, & in caput suum vertit,
 „ omnia molitur, ut te e nido deiciat,
 „ deptibus aridet, rugit, ignem spirat
 „ adversus tuam salutem; & tu sedes ur-
 „ bana, & faceta verba dicens, & stulta
 „ loquens, & quæ ad rem non pertinent,
 „ proferens? Recte ergo poteris eum su-
 „ perare? Ludis, deliciis, facetaque,
 „ & urbana dicis, & risum moves, tæneque
 „ nihil exitimas; A lepidis, & urbanis
 „ dictis quot perjuria, quot damna, quam
 „ multa verba turpia, & obscœna? &c....
 „ Sed quoniam videtur quibusdam res esse
 „ indifferens (ejusmodi scurrilitas)... vi-
 „ deamus unde nascatur; vel potius vi-
 „ deamus, cujusmodi oportet esse sanctum,
 „ mitem, mansuetum, lugentem. Qui ergo
 „ dicit urbana, & faceta, non est sanctus,
 „ his solis, qui sunt in scena, hæc permit-
 „ tuntur. Ubi est turpitudine, illic est etiam
 „ urbanitas, & dicacitas. Audi Prophe-
 „ tam dicentem: *Servite Domino in timore,*
 „ *& exultate ei in tremore.* Nam urbanitas,
 „ & dicacitas mollem efficit animam, pi-
 „ gramque attollit, & excitat, multaque
 „ probra parturit, & contumelias, & bella
 „ facit.... Procul est a Christiano comicis
 „ dictis incesse: & necesse est ei, qui ur-
 „ banis, & facetis dictis usitur, superva-
 „ canes suscipere inimicitias eorum, qui
 „ temere urbanis dictis irridentur, sive
 „ adsint, sive absentes audierint. Si res
 „ est pulchra, & hone la, cur relinquitur
 „ mimis? Mimis evadis, & te non pudet?
 „ Magna mala habitant in anima, quæ
 „ verba usurpat urbana, & faceta; magna
 „ effusa lætitiæ dissolutio & ironia “ &c.

De Immunditia.

X. Non hic nomine *immunditie*, quæ tertia
 gulæ filia est, venit determinate *mollities*,
 aut *pollutio*; sed impuritas omnis verborum,
 & factorum, omnis obscœnitas, qua vel per
 vomitum, vel pollutionem etiam in somno
 ex intemperantia consecutam corpus, &
 anima belluorum, ac potantium contami-
 nantur. Quo spectat illud *Isajæ* cap. 28.
Hi quoque præ vino nescierunt, & præ ebrie-
tate erraverunt. Sacerdos, & Propheeta ne-
scierunt præ ebrietate, absorpti sunt à vino.
Omnes mensæ eorum repletae sunt vomitu,
sordiumque, ita ut non esset ultra locus. Has
 immunditias cernere sæpe est in convivii,
 & in comotationibus vulgarium hominum,
 eorumque maxime, qui seriales dies in la-
 borando consumperunt, festos postea in
 pendo, & bibendo terere solent.

De Multiloquio.

XI. Multiloquium, quod est quarta gulæ
 filia, idem est, ac garrulitas effrenis. Ex
 ea progigni testis est experientia nobis offen-
 dens, cibo, & vino deditos maxime esse
 loquaces, & garrulos. Quoniam vero, ut
 Sapiens ait *In multiloquio non deerit pec-*
catum, ideo sæpe peccant hi, dum multa
 loquuntur, & quandoque etiam lethali-
 ter, si nimis in Dei, aut proximorum in-
 juriam effundantur, quod illis cibo, &
 potu exhilaratis contingere solet: arcana
 etiam sibi commissa revelant, præsentem
 contumeliis afficiunt, absentibus frequenter
 detrahunt, ac de rebus quoque divinis te-
 mere, & impie loquuntur. Unde iis jure
 aptantur verba *Psal.* 72. *Prodiit quasi ex*
adipè iniquitas eorum, transierunt in affectum
cordis: cogitaverunt, & loquuntur sunt nequi-
tiam, iniquitatem in excelsis loquuntur sunt:
posuerunt in celum os suum, & lingua eorum
transiit in terram. Hinc *Proverb.* 31. di-
 citur: *Noti Regibus* (atque ita Consiliariis,
 ali-

aliisque) dare vinum; quia nullum secretum est, ubi regnat ebrietas: & ne forte bibant, & obliviscantur iudiciorum, & mutant causas filiorum pauperis.

De Hebetudine mentis.

XII. Hæc postrema filia gulæ est, quamvis de hac primo loco mentionem faciat S. Thomas. *Habetudo mentis* circa intelligentiam, inquit, ponitur filia gula propter sumptuositates ciborum perturbantes caput: sicut a contrario abstinentia confert ad sapientie perceptionem, secundum illud Ecclesiæ 3. Cogitavi in corde meo abstrahere a vino carnem meam, ut animum meum transferrem ad sapientiam. Profecto crapula, & ebrietas ita mentis aciem obdunt, ut hominem ineptum efficiant ad contemplationem veritatis, & ad eas omnes actiones, quæ ingenii, rationis, ac prudentiæ lucem, ac moderamen magis exigunt: Deique etiam oblivionem inducant.

De hac re præstat audire Tertulianum lib. de jejun. cap. 4. ita scribentem: „Conscientiam communem consulamus, ipsa natura enuntiabit, quales nos ante patulum, & potum in virgine adhuc salva exhibere consuevit rebus duntaxat sensus agendis, quo divisa tractantur si multo pollentioris mentis; si multo viracioris cordis, quam cum totum illud domicilium interioris hominis escis stipatum, vinis inundatum, decoquendis jam stercoribus æstuans, præmeditationum efficitur latrinarum, in quo tamen nihil tam in proximo superstit, quam ad lasciviam sapere.... Ceterum quoties quisque meminerit Religionis, occupatis memoriæ locis, impeditis sapientiæ membris? Nemo ita, ut decet, ita ut par est, ita ut utile est, recordabitur Dei in eo tempore, in quo ipsum sibi hominem excidere solemne est. Omnem disciplinam victus aut occidit, aut vulnerat. Mentior, si non Dominus ipse oblivionem

„sui exprobrans Israel, causam plenius dñi deputat: Ingressus est dilectus, & pinguescens, & dilatatus est: & derelinquit Deum, qui fecit eum, & recessit a Domino salutari suo“.

Illud est hic observandum, *hebetudinem mentis* nedum poenam esse peccati, sed & ipsam peccatum esse, prout est voluntaria, ut in iis, qui scientes, & advertentes, aut ad advertendum obligati, in eam hebetudinem incurrunt: quod certe in multis locum habet, & in omnibus, qui cernentes, aut cernere debentes se ex nimio cibo, vel potu hebetari, nihilominus ab eorum delectatione abstrahi, & illecti in illis perseverant. Hoc autem peccatum est lethale, cum aliquis ex inordinato affectu ad crapulam fastidit, ac negligit considerationem spiritualium eo tempore, quo sub salutis periculo abstinetur; vel cum ineptus redditur ad ea officia obeunda sive Civitatis, sive Ecclesiasticæ, quæ adimplere tenetur, ex gr. Juicis, Advocatis, Medicis, Curatis, Confessariis, aliorumve.

§. IV.

De Ebrietate.

XIII. Quamquam nedum nimia vini potatio, sed etiam *ebrietas* ad gulæ vitium pertineat, peculiarem tamen de ebrietate questionem instituit S. Thomas, cui aliam præmittit de virtute ipsi opposita, nimirum de *sobrietate*, quæ, prout preesse sumitur, in moderando usu potus, & quidem quatenus vim habet inebriandi, versatur. Vinum quippe minime prohiberi neque a lege naturæ, neque ab aliqua lege positiva certissimum est; tum quia nihil habet in se, quod recte rationi adversetur; tum quia Apostolus Timotheo suadet, *at modico vino utatur propter stomachum, & frequentes infirmitates*: & ipse Christus Dominus non modo generatim dixit; *Non quod intrat in os,* F f f 2

coim-

coinguat hominem; verum etiam exemplo suo usum vini licitum esse docuit: eo namque usum fuisse ex Evangeliiis compertum est.

Sola igitur *ebrietas*, sive usus vini usque ad ebrietatem, vitium est, & quidem admodum vituperabile. Unde hæc esse potest, si de perfecta loquamur, ipsius definitio; nimirum, *Ebrietas est voluntarius excessus in potu, sive voluntaria potatio usque ad privationem usus rationis; sive sit vini, prout frequentius est, sive alterius liquoris, puta cerevisiæ, succus pomorum, aut aliarum arborum, seu fructuum.*

Ebrietatem esse peccatum offendit Doctor Angelicus hic *quæst. 150. art. 1.*, simulque declarat, quo lentu, & quoties peccatum sit, inquit: „Ebrietas dupliciter potest accipi. Uno modo prout significat ipsum defectum hominis, qui accidit ex multo vino potato: ex quo fit, ut non sit compes rationis. Et secundum hoc ebrietas non nominat culpam, sed defectum pœnalem consequentem ex culpa“.

„Alio modo ebrietas potest nominare actum, quo quis in hunc defectum incidit. Qui potest causare ebrietatem dupliciter: uno modo ex nimia vini fortitudine præter opinionem bibentis; & sic etiam ebrietas potest accidere sine peccato, præcipue si non ex negligentia hominis contingat: & sic creditur Noe inebriatus fuisse, ut legitur Genes. 9.“

„Alio modo ex inordinata concupiscentia, & usu vini. Et sic ebrietas ponitur esse peccatum, & continetur sub gula, sicut species sub genere. Dividitur enim gula in *confectionem, & ebrietatem*, quæ prohibet Apost. ad Rom. 13.“

XIV. Nec solum quodcumque peccatum ebrietas est, sed etiam lethale, quotiescumque aliquis bibi advertens, potum

esse immoderatum, & inebriantem, & tamen potius quam a vino abstinere, bibere pergit usque ad ebrietatem. Ratio est, inquit S. Thomas hic *art. 2.* quia secundum hoc homo volens, & sciens privat se usu rationis, quo secundum virtutem operatur, & potestate desinat; & sic peccat mortaliter, periculo peccandi se committens. Dicit enim Ambrosius in *lib. de Patriarchis*: „Vitandum discimus ebrietatem, penam quam vitia cavere non possumus. Nam quæ sobrie cavemus, per ebrietatem ignorantes committimus“. Unde ebrietas per se loquendo est peccatum mortale.

Fundamentum istique præcipuum, cui ebrietas sit ex se peccatum lethale, in eo positum est, quod usum rationis violentè auferat, quia nihil est in homine præstantius; & consequenter ita perturbat vitam hominis, ut ea gravibus animæ, corporisque periculis exponatur. Quemadmodum enim qui alterum privat libero usu domus sue, etiam ad aliquod tempus, injustam ipsi facit, ac mortaliter peccat; ita multo magis peccare dicendus est, qui seipsum per violentiam privat, etiam ad tempus, libero rationis usu, sibi insert injuriam contra charitatem, quam sibi ipsi debet.

XV. Præterea ab Apostolo ad Galat. 5. ebrietas inter ea opera recensetur, quæ a Regno Dei excludunt, dum ait: *Manifesta sunt opera carnis etc. homicidia, ebrietas, comestiones, & his similia, quæ prædicæ vobis, sicut prædixi: quoniam qui talia agunt, regnum Dei non consequentur.* Et Salomon Proverb. 23. *Cui vae? . . . Nomen bis, qui . . . student calicibus epotandis? . . . Vinum ingreditur blando, sed in novissimo mordet ut coluber.* Et id genus alia.

Patres etiam Ecclesiæ in ebrietatis vitium acriter invehuntur, ejusque sordiditatem dignitati hominis admodum repugnantem exaggerant. Inter alios Basilius Magnus beatus.

hom. 14. ita scribit : „ Qua in re , dic ,
 „ homo miser , a brutis differs ? Nonne
 „ rationis munere , quam a Deo omnium
 „ Conditor accepisti ; reliquæ Creaturæ
 „ omnis factus dominus , & imperator ?
 „ Hoc igitur re mentis lumine per ebrie-
 „ tatem privans , inter bestias ratione car-
 „ entes annumerari poteris , similisque
 „ videti ? Immo & bestiis longe pejores
 „ eos existimaverim , qui ab ebrietate su-
 „ perantur : quum ille coeundi statas ha-
 „ beat leges , & horas ; ar ii , quod
 „ plus æquò se vino ingargitaverint , cor-
 „ pusque supervacuo calore concitaverint ,
 „ in commiscendo nullius temporis , &
 „ horæ rationem habentes , nequissimis
 „ complexibus , & amoribus inter se utun-
 „ tur . Nec solum peiores brutis , quod
 „ mente insani , aut ebrii ; sed etiam
 „ quod sensibus longe infra illa desicere
 „ videantur “ . Gemina habent S. Am-
 „ brosius *lib. de Helio* , & *jesuino* c. 16. ,
 „ Chrysost. *hom. 58. in Matth.* , August. *serm.*
 „ 331. *de tempore* , aliique .

XVI. At vero , inquires , excusatur ne ,
 & excusat ebrietas aliquando a peccato ?
 Quæstionem hanc movet S. Thomas *art.*
 „ 3. , eamque ita resolvit : „ In ebrietate
 „ duo attenduntur ; scilicet *defectus conse-*
 „ „ *quenti* , & *alium præcedens* . Ex parte au-
 „ tem defectus consequentis , in quo li-
 „ gatur usus rationis , ebrietas habet ex-
 „ cusare a peccato , in quantum causat
 „ involuntarium per ignorantiam “ .

„ Sed ex parte actus præcedentis , vi-
 „ detur esse distinguendum . Quia si ex
 „ actu illo præcedente subsequens est ebrie-
 „ tas sine peccato , tunc peccatum sequens
 „ totaliter excusatur a culpa , sicut forte
 „ accidit de Loth “ .

„ Si autem actus præcedens fuit culpa-
 „ bilis , sic non totaliter aliquis excusatur
 „ a peccato sequenti : quod scilicet red-
 „ ditur voluntarium ex voluntate præce-

„ dentis actus ; in quantum scilicet ali-
 „ quis dans operam rei illicitæ incidit in
 „ sequens peccatum “ .

„ Diminuitur tamen peccatum sequens ,
 „ sicut & diminuitur ratio voluntarii . Un-
 „ de Augustinus dicit contra Faustum ,
 „ quod *Loth culpandus est , non quantum*
 „ *ille incessus* , sed quantum ebrietas me-
 „ tuir “ .

Igitur si ebrietas sit voluntaria , & cul-
 „ pabilis , peccatum , quod ex ea comini-
 „ titur , aliquatenus diminui potest quatenus
 „ nimirum non ita plene voluntarium est ,
 „ sicut dum a rationis usû prædito perpetra-
 „ tur , si neque ex genere suo , neque ex
 „ peccantis consuetudine natum erat ex ebrie-
 „ tate consequi . Verumtamen ordinarie non
 „ penitus excusatur , Sed si ebrietas directe
 „ voluntaria sit , & peccatum ex ea conse-
 „ quens fuerit perfecte prævisum , illud au-
 „ getur potius , quam ullatenus excusetur ;
 „ ut in eo contingit , qui bene novit se in
 „ ebrietate solere fornicari , convitia , aut
 „ blasphemias proferre : & nihilominus de
 „ industria se inebriat . Si autem peccatum
 „ imperfecte duntaxat prævisum fuerit , vel
 „ ebrietas indirecte tantum voluntaria sit ;
 „ diminuitur quidem peccatum ex ea com-
 „ missum , sed non ita , ut veniale semper
 „ fiat , quod est mortale , dum sufficienter
 „ in causa volitum est . Dixi tamen , *ordina-*
 „ *rie* non excusari actionem malam consecut-
 „ tam ex ebrietate , Siquidem & contingeret
 „ nullo prorsus modo prævisam fuisse , ne-
 „ que prævideri potuisse , utpote omnino in-
 „ usitatam , & ejus nulla suberat causa il-
 „ lam prævidendi , ad peccatum nequaquam
 „ imputaretur : neque enim vel imperfecte
 „ voluntaria foret . Atque hac ratione Loth
 „ a peccato saltem incessus excusatur : qui
 „ enim prævidere poterat id , quod cum ipso
 „ filijs ejus patraturus fuerat in ebrietate ?

XVII. Controversia fœvet inter Theo-
 „ logos , & magna quidem animorum con-
 „ ten-

sentione, scilicet *licita ne sit ebrietas ad finem recuperanda salutis*, aliis affirmantibus, negantibus aliis. Sed cum casus metaphysicus sit, nullumque hactenus Medicorum inventum, qui ebrietatem ad salutem aliquando necessariam iudicaverit, ideo nolo tempus, & operam perdere in discutienda superflua, & inutili questione; solumque assero, licere secundum Medicinæ consilium sumere interdum vinum in ea quantitate, quæ ad vomitum provocandum sufficit, licet ex accidente ebrietas sequeretur: idque discrete tradit S. Thomas *quest. 150. art. 2. ad 3.* Cum enim sibi objecisset, nullum peccatum faciendum esse propter medicinam: sed aliqui superflue bibunt secundum consilium medicinæ, ut postea per vomitum purgentur: & ex hoc superfluo potu sequitur ebrietas.

Respondet: „Sicut dictum est, cibus & potus est moderandus, secundum quod competit corporis valetudini: & ideo, sicut quandoque contingit, ut cibus & potus, qui est moderatus sano, sit superfluus infirmo; ita etiam potest e converso contingere, ut ille, qui est superfluus sano, sit moderatus infirmo. Et hoc modo, cum aliquis multum comedit, vel bibit secundum consilium medicinæ ad vomitum provocandum, non est reputandus superfluus cibus, vel potus.“

Sapienter nihilo secius addit S. Doctor: *Nec tamen ad vomitum provocandum requiritur, quod sit potus inebrians: quia etiam potus aque tepide vomitum causat: & ideo propter hanc causam non exiustatur aliquis ab ebrietate.* Ex quo confirmatur id, quod notavimus, supervacaneum esse questionem, nam ad salutem obtinentiam ebrietas posset esse quandoque licita, cum nunquam ita necessaria sit, aut cenferi possit, ut aliis pluribus remediis suppleri nequeat.

CAPUT IX.

Doctrina precedentis

CONSECTARIA.

- I. *Mensura cibi, & potus regulanda juxta cujusque necessitatem, & conditionem.*
- II. *Magna cautio adbibendi in usu ciborum, & potuum, ut peccata vitemus.*
- III. *Non solum in delectative homo constituit, appetitus edendi, ac bibendi semper pravius est.*
- IV. *Letale peccatum est se cibo, & potu ingurgitare usque ad vomitum.*
- V. *Vinum tamen, vel leve peccatum est, si vomitus alio ex capite continget.*
- VI. *Convivia quandoque facere licet ex honesta causa.*
- VII. *Sed neque vetitum est sumere aliquando cibos delicatiores.*
- VIII. *Studio singulari vitanda crapula est ab illis, quibus cura incumbit alios vel regendi, vel docendi.*
- IX. *Scurrilitas verbis, aut sententiis Scripturae habita grave plerumque peccatum est.*
- X. *Vini usus de se quidem licitus est, sed per accidens fieri potest illicitus.*
- XI. *Sobrietas in usu vini quibusdam praesertim valde necessaria.*
- XII. *Violentia, & ebrietas Clericorum gravius peccatum est, graviusque poena plectendum.*
- XIII. *Grave peccatum est certare de majori vini copia bibenda.*
- XIV. *A peccato excusandus, qui alium non cogit, sed amice tantum ad bibendum invitat.*
- XV. *Peccant Tabernarii vinum ministrantes illis, quos praevident inebriandos.*
- XVI. *Definitio ebrietatis a Busembaum tradita nullatenus approbanda.*
- XVII. *Rejicienda alia ejusdem opinio; band peccare, qui ad ebrietatem cogitur invitari.*

tento esse.

XVIII. *Rejicienda etiam alia ejusdem, & aliorum sententia, posse aliquem inebriare alium ob grave motivum.*

XIX. *Haud licet sumere potus quantitatem inebriantem, etiamsi pharmaco impediri ebrietas possit.*

XX. *Sig: a perfecta, & letalis ebrietas a quibusdam Casuistis tradita probanda non sunt.*

XXI. *Alia de hac re laxior P. Lacroixii explicatione sententia.*

XXII. *Regula certa excessus in bibendo maritali praeferri nequit.*

XXIII. *Quadam doctrina cavenda circa peccata, quae ex ebrietate sequuntur.*

XXIV. *Admodum cauti Confessarii sint exortes in absolvendis vino deditis.*

R. flexio.

CONJECTAREM PRIMUM.

I QUUM finis edendi, & bibendi sit vita, & valetudo hominis: ideo mensura, aut quantitas cibi, & potus non est eadem pro omnibus determinanda, ut gulum vinum deviteatur, sed prout necessitas, aut conditio cujusque requirit. Hinc S. Thomas 2. 2. q. 150 art. 2. ad 3. docet, ne quis edendo, aut bibendo a recta ratione deficiat, & peccet, cibum & potum esse moderandum, secundum quod competit corporis valetudini. Et ideo, sicut quandoque contingit, ut cibum, vel, potus, qui est moderatus sano, sit superfluum infirmo; ita etiam potest a converso contingere, ut ille, qui est superfluum sano, sit moderatus infirmo. Atque ita pariter saepe contingit, quod uni alia cibi, vel potus quantitas congrua sit, quae alteri congrua non est ob diversam corporis dispositionem.

CONJECTAREM SECUNDUM.

II. Magna cautela, atque circumspectio adhibenda est in usu ciborum, & potuum,

ut ab omni peccato caveamus, semperque ante oculos habendum est finis, propter quem ea sumenda a nobis sunt juxta rectam rationis regulam, conservatio scilicet vitae nostrae, & corporis valetudo. Nam saepe fit, ut voluptate potius, ac delectatione trahamur, dum moveri necessitate putamus. Natura namque, ut est in proloquio, paucis contenta est; & frequenter non necessitati, sed voluptati servimus, & nimium, quam par est, edendo, vel bibendo, non valetudini studemus, sed ipsi potius detrimentum inferimus. Gula squidem valde insidiosum vitium est, tegiturque delectationem, quam ex cibo, potuque haurimus, necessitatis, aut convenientiae tegmine, sive praetextu: ad illam quippe maxime propensa est corrupta hominis natura. Ad peccatum, inquit S. Thomas q. 150. art. 3. ad 5. cuidam objectioni respondens, *intemperantia maxime homo habet pronitatem propter hoc, quod hujusmodi comestitione, & delectationes conaturalis nobis sunt. Et secundum hoc dicuntur hujusmodi peccata esse maxime amica Diabolo, non quia sint alius graviora, sed quia sunt apud homines frequentiora.*

CONJECTAREM TERTIUM.

III. Quare appetitus edendi, & bibendi semper pravus, & inordinatus est, dum finem in delectatione, & voluptate homo constituit. Hinc tamquam laxa, quin & damnata censenda est sententia, quam docuerunt Joannes Saneius, Escobarius, Moya, alique, nimirum licitum esse intendere delectationem, quae capitur ex cibo, vel potu moderato. Dixi, eam quoque damnatam esse ab Ecclesia, in Decreto scilicet Innocentii XI. n. 8., ubi haec propositio legitur: *Comedere, & bibere usque ad satietatem ob solam voluptatem non est peccatum: quia licite potest appetitus naturalis suis actibus frui.* Hanc propositionem alibi

alibi late expendimus, & quid ex ejusdem damnatione necessario consequatur, demonstravimus adversus P. Vivam, aliosque, qui nihiloominus alios similes actus ob solam delectationem peccatos veluti culpa omnino immunes defendunt.

CONSECTARIUM QUARTUM.

IV. Peccatum mortale est, se cibo & potu deliberate ingurgitare usque ad vomitum. Hoc consecrarium ex oraculis jam pro luctis Scripturarum, & Patrum sententiis clarissimum fuit. Merito proinde ab Academia Lovaniensi confixa est propudiosa illa nonnullorum Casuistarum doctrina; *comessationem* scilicet, qua quis, *secluso scandalo*, & *gravi sanctorum damno se cibo, & potu ingurgitat usque ad vomitum, ac reipsa usque ad vomitum se provocat, ut iterato epulari pastis, nonnisi veniale peccatum esse*. Hanc opinionem Busembaum probabilem falso judicat apud Lacroixium dicens: *Hinc probabilis est opinio, quam docet Navarrus, Tol. &c. & non repugnat Lysmannus, secluso scandalo &c., veniale tantum esse usque ad vomitum se cibo, & potu implere: idque etiam, si quis vomat, ut iterato possit bibere.*

CONSECTARIUM QUINTUM.

V. Si tamen vomitus non ex intemperantia edendi, aut bibendi contingat, sed alio ex capite, imputa Romachi debilitate; nullum, vel leve tantum iuxta causam qualem peccatum est. Unde non ex hoc solo colligi potest esse mortale, quod loquatur vomitus, ut falso putant quidam rustici, & impetiti, sed ex causa ipsius, sive intemperantia, prout parva, vel magna fuerit; quemadmodum animadvertunt Cajetanus Verbo *Gula*, Navarrus Cap. 27. n. 119. & Tolerus de septem peccatis mortalibus cap. 62.

CONSECTARIUM SEXTUM.

VI. Convivia quandoque facere, ubi cibi lautiores preparantur, cum vel ex amicitia, vel nuptiarum motivo, vel alia honesta causa sunt, absolute reprehendi, ac damnari minime possunt. Nam & Job permittebatur filiis munda inter se agitare convivia: & Joseph convivium paravit fratribus suis, & Abraham Angelis hospitibus &c. Si tamen valde frequentia sint, culpa plerumque non vacant, quae interdum potest esse lethalis; si nempe ob convivia quae inter alienos gravetur, cui solvendo pares haud sunt facultates domus, si miseris pauperum, dum teneatur, opem non ferat, aliaque hujusmodi. Meminisse divites debent Divitis illius apud S. Lucam memorati, qui epulabatur quotidie splendide: & mortuus est, ac sepultus in inferno.

CONSECTARIUM SEPTIMUM.

VII. Equidem culpa non caret cibos ob delectationem querere lautius preparamos, ac juxta morem nonnullorum haec consecratos, atque alteratos, ut obstant potius valetudini, quam profint; nihiloominus sumere cibum delicatorem, aut accuratius paratum sive sanitatis gratia, sive alia honesta de causa, nullum per se loquendo peccatum est. Neque enim cibum, inquit S. Gregorius Magnus lib. 37. Moral. cap. 27., sed appetitus in vitio est; dum nempe fertur in cibum supra recte rationis lictamen. Unde & lautiores cibos plerumque sine culpa sumimus, & abjectiores non sine reatu consentiens degustamus. Et exemplum subiicit de Esau, qui primatum per lentilulam perdidit; & de Elia, qui in eremo virtutem spiritus carnes edendo servavit. Unde & antiquus hostis, quia non cibum, sed cibi concupiscentiam esse causam damnationis intelligit, & primum sibi dominum non carne, sed pomo subdit; & secundum (Christum scilicet in

defesto) non carne, sed pane tentavit. Hinc est, quod plerumque culpa committitur, etiam cum objecta, & vilia sumuntur.

CONSECTARIUM OCTAVUM.

VIII. Singulari studio vitanda gula est his omnibus, quibus incumbit cura alios regendi, iudicandi, vel docendi. Etenim hi omnes in suis officiis, & functionibus sapientia profertim indigent, cuius exercitium gula vehementer impedit. Propterea tum ad Episcopatum, tum ad Diaconatum Apostolus non vult assumi multo vine deditos, ut habetur ad Timoth. 3. Et Sapiens Eccles. 10. clamat: *Va terra, cuius Rex puer est, & cuius Principes mano comedunt. Beata terra, cuius Rex nobilis est, & cuius Principes vescuntur in tempore suo ad reficiendum, & non ad luxuriam.* Neque vero putandum est, mentis illam hebetudinem, quam gula filiam diximus, eo duntaxat tempore gulosos afficere, quo in peccato gulæ versantur. Nam si frequentes sint comestiones, ac potationes, ita hebetudo sæpe menti adherescit, ut in omnem subsequenter ætatem protendatur, ac lumen intellectus obnubilatur, ut experientia constat.

CONSECTARIUM NONUM.

IX. *Scurrilitas*, quæ inter gulæ filias adnumeratur, quamvis plerumque peccatum veniale sit; mortale tamen est abusi Scripturæ Sacræ, aut officiorum Ecclesiasticorum verbis, ac sententiis ad *scurrilia*, *fabulosa*, *vana* &c. Unde Concilium Tridentinum eos omnes, qui hanc irreverentiam, & contemptum committunt, tamquam temeratores, & violatores Verbi Dei jubet coerceri pœnis Episcoporum arbitrio infligendis *sess. 4.* inquit: *Post hoc temeritatem illam reprimere volens (Sancta Synodus) quæ ad prophanam quoque convertitur, & torquentur verba, & sententia*

S. Scriptura: ad scurrilia scilicet, fabulosa, vana, adulationes, detractiones, superstitiones impias &c., & libellos etiam famulos: mandat, & præcipit ad tollendam huiusmodi irreverentiam, & contemptum, ne de cetero quisquam quomodolibet verba Scripturæ sacra ad hæc, & similia audeat usurpare; ut omnes huius generis homines temeratores, & violatores verbi Dei, juris, & arbitrii pœnis per Episcopos coerceantur. Quod & postea statutum est in Concilio Provinciali Mediolanensi I. sub S. Carolo, & in aliis.

CONSECTARIUM DECIMUM.

X. Quamquam usus vini de se illicitus nequaquam sit; & tamquam hæresis expulsa merito fuerit opinio Manichæorum, putantium vinum esse malum, & a Diabolo factum; nihilominus illicitus per accidens effici potest: *Quandoque quidem*, inquit S. Thomas *quæst. 149. art. 3., ex conditione bibentis; quia vino de facili laditur: vel quia ex speciali voto obligatur ad vinum non bibendum. Quandoque autem ex modo bibendi: quia scilicet mensuram in bibendo excedit. Quandoque autem ex parte aliorum, qui ex hoc scandalizantur. Quoad vorum non bibendi vinum, illud observo, non esse facile emittendum saltem pro tota vita, sed cum consilio duntaxat Medici spiritualis, vel etiam aliquando temporalis.*

CONSECTARIUM UNDECIMUM.

XI. Sobrietas in potu vini in quibusdam præsertim valde necessaria est; scilicet ratione concupiscentiæ magis vividæ, & ratione officii, ad quod aliquis deputatus est. Hoc egregie declarat S. Thomas *q. 149. art. 4.* de sobrietate loquens his verbis: „Virtus habet habitudinem ad duo. Uno, quidem modo ad contraria vitia, quæ excludit, & concupiscentias, quas re-
frænat: alio modo ad finem, in quem
G g g „ per

perducit. Sic ergo aliqua virtus magis requiritur in aliquibus duplici ratione. Uno modo quia in eis est major prontas ad concupiscentias, quas oportet per virtutem refragari, & ad vitia, quae per virtutes tolluntur. Et secundo, dum hoc sobrietas maxime requiritur in juvenibus, & mulieribus; quia in juvenibus viget concupiscentia delectabilis, propter fervorem aetatis; in mulieribus autem non est sufficiens robur mentis ad hoc, quod concupiscentiae resistant. Unde secundum Valerium Maximum mulieres, apud Romanos antiquitus non bibebant vinum.

Alio vero modo sobrietas magis requiritur in aliquibus, utpote magis necessaria ad propriam operationem ipsorum. Vinum autem immoderate sumptum praecipue impedit usum rationis. Et ideo senibus, in quibus ratio debet vigere ad aliorum eruditionem; & Episcopis, seu quibuslibet Ecclesiae Ministris, qui mente devota debent spiritualibus officiis insistere; & Regibus, qui per sapientiam debent populum subditum gubernare, specialiter sobrietas indicetur: quod etiam supra diximus, de virtute generatim galae opposita loquentes.

CONSECTARIUM DUODECIMUM.

XII. Ex hoc colligere necesse est, vinolentiam, sive ebrietatem Clericorum gravius peccatum esse, graviorique poena plendum. Unde Apostolus non uno in loco mentionem faciens de vitio, quibus ceteri debent Sacri Ministri, specialiter commemorat vinolentiam, sive nimium vini appetitum, & usum, propter quem ab altari arceudi sunt. Quod considerans S. Hieronymus Comment. in epistolam ad Tit. ait: Miramur, Apostolum in Episcopis, sive Presbyteris damnavisse vinolentiam, cum in veteri quoque lege praeceptum sit,

Sacerdotes, cum ingrediatur Templum ministrare Deo, vinum omnino non bibere: & Nazaraeum, quamdiu sanctam comam nectat, & nihil contaminatum, nihil mortale conspiciat, & a vino abstinere, & ab uva passa, & a delicatiori, qua fieri solet ex vinaceis, potione, omniique scera, qua mentem ab integra sanitate pervertit.

S. quoque Petrus Chrysologus serm. 36. loquens de Nadab, & Abiud Altaris igne consumptis, scribit: Vini odor odorem flagrat incensi: & ebrietatis ignis flammam provocat altaris. Unde quia alienati vino alienum portaverant ignem, mox divino ipsi reseruntur extingui. Ebrietas in alio crimine est, in Sacerdote sacrilegium: quia alter animam suam necat vino, Sacerdos spiritum sanctitatis extinguit.

Quare Ecclesiae Concilia ebrietatis vitium in Clericis maximopere puniendum edicunt. Concilium Agathense Can. 41. ait: Ante omnia Clericis vitetur ebrietas, qua omnium vitiorum fomes, & nutritrix est. Quem ebrium fuisse constiterit, et ordo patitur, aut triginta dierum spatio communione statuimus submovendum, aut corporali subdendum supplicio. Quae etiam poena in Clericos ebriosos inflicta memoratur a Gratiano Can. Ante omnia Distinct. 35.

Concilium Treverense anno 1548. celebratum Can. 1. sic statuit: Ebrietas insignium flagitiorum incitatrix, & scaturigo, qua in comestationibus, & conventiculis dominatur, ecclesiasticum gradum summa cum turpitudine passim infamavit. Qui turpiter illi vitio indulgent immorigeri, ab officiis, & beneficiis Synodus primum suspendit: deinde si etiam impudenter detestanda consuetudini & distu pariter, & visu scdissima ulterius inbaserint, omnibus bonorum gradibus exutos ad quadrupedum sortem, quae natura prona, ac ventri obedienda finxit, majoribus suppliciiis affectos statuit abjiciendos.

CONSECTARIUM DECIMUM TERTIUM.

XIII. Gravis peccati rei sunt, qui certa bibendi lege contendunt, quis ad bibendum valentior sit; aut ad æquales potus bibere cogunt, sive in ebrietatem incident, sive illius duntaxat periculo se exponant. Hoc plane afferere oportet, si Patres Ecclesiæ, non laxos aliquos Causistas, audimus de hac re sermonem habentes. S. Basil. hom. 14. in ebriet. hæc scribit: „Deinde potatione præcedente eo veniunt, ut de augenda hac infamia certent, & de ebrietate per ambitionem contendunt. Cujus authorem legis, præsidemque certaminis Diabolus habent, vilis storiæ vero præmium peccatum. Nam qui plus hauserit meri, is præ cæteris laudatur, is victoriam refert. Atque ita vere gloria in ignominia illorum est. Et ibidem. „Novum genus hoc mensuræ, ubi nullus est mensuræ modus, ut per poculorum æqualitatem inter eos nulla sit invidia, nec alius alium bibendo cedat, aut superet. . . . Quamobrem jure clamat Propheta: *Ve surgentibus mane, & stieram persequentibus, & in vino perdurantibus usque ad vespem, & diem in ebrietate consumentibus &c.*“

Paria habent S. Ambrosius lib. de j-jn. c. 13., S. Hieronymus in cap. 1. epistol. ad Timoth. & S. Augustinus, sive Author serm. 90. inter Augustinianos, ubi hæc dicuntur: „Frequenter etiam usque ad vomitum ingurgitare se non erubescunt, & ad mensuram sine mensura bibere. „Majora enim pocula providentur; certa bibendi lege contenditur: qui potuerit vincere, laudem meretur ex crimine &c. „Considerent ebriosi, se num pejores animalibus judicandi sint? &c. Miserrime biliter se excusare conantur dicentes: „Ingratum habeo amicis meum, si quoties illum ad convivium vocavero, potum ei,

quantum voluerit, ipse non dederit. Non sit tibi amicus, qui te Deo vult facere inimicum, qui & tuus, & suus est inimicus. Si te, & alium inebriaveris, hominem amicum habebis, & Deum inimicum. Et ideo sapienter considera, an justum sit, ut te a Deo separes, dum te ebrioso conjungis. Ad extremum, tu eum noli adjurare, noli cogere, sed in potestate illius dimitte, ut quantum ipsi placuerit, bibat; ut, si se inebriare voluerit, vel solus pereat, & non ambo pereatis.“

Denique, ut alios prætermittam, Innocentius III. Cap. A crapula. Extra de vita, & honestate Clericorum ita statuit: *Illud abusus penitus decernimus abolendum, quo in quibusdam partibus ad potus æquales suo modo se se obligant potatores; & ille iudicio talium plus laudatur, qui plures inebriat, & calices secundiores exaurit. Si quis autem super his se culpabilem exhibuerit, nisi a Superiore communitus satisfecerit, ab officio, vel beneficium suspendatur.*

CONSECTARIUM DECIMUM QUARTUM.

XIV. A peccato tamen excusandus est, qui alterum quidem ad bibendum non cogit, sed amice tantummodo invitat, putans non esse inebriandum, nec ultra necessitatis, aut convenientiæ metas bibiturum. Hoc tradit S. Thomas 2. 2. q. 150. art. 1. ad 3. inquit: *Sicut ille, qui inebriatur, ex nsatur a peccato, si ignoret fortitudinem vini: ita etiam ille, qui invitat aliquem ad bibendum, excusatur a peccato, si ignoret talem esse conditionem bibentis, ut ex hoc potu inebriatur. Sed si ignorantia desit, neuter a peccato excusatur.* Quapropter, cum plerumque compertum sit, aliquos inebriari ex vini potu largius sumpto, hi ad sæpe bibendum invitandi minime sunt.

CONSECTARIUM DECIMUMQUINTUM.

XV. Peccant Tabernarii, qui scientes, aut prævidentes inebriari eos, qui populas suas frequentant, nihilominus propter lucri cupiditatem eis vinum, quoies petunt, ministrare non renuunt. Hoc traditur a S. Antonino *part. 2. tit. 6. cap. 3. §. 2.* Nam ex præcepto charitatis, quo *Deus unicuique mandavit de proximo suo*, tenentur, quoties sine magno periculo possunt, impedire peccatum ebrietatis. Nec est, quod se excuset eo prætextu, quod illi parati jam sint ad ebrietatem; sicut nec excusaretur a peccato, qui videns aliquem ad se interficiendum paratum, suidium non impediret, dum sine gravi suo detrimento, aut periculo illud impedire posset.

CONSECTARIUM DECIMUMSEXTUM.

XVI. Probanda nullo modo est definitio tradita a P. Busenbaum *lib. 5. c. 3.*, & a P. Lacroix probata de ebrietate, his verbis concepta: *Malitia ebrietatis plena, & perfecta in eo consistit, quod quis sine iusta, & gravi causa, tantum ob voluptatem, & ingluviem, sciens & volens privet se usu rationis.* Probanda, inquam, non est, propter eam præsertim particulam: *tantum ob voluptatem, vel ingluviem.* Siquidem nonnulli sunt, qui inebriantur non propter *ingluviem*, aut *voluptatem*; sed vel ne invitantes ad bibendum contristent, vel ut sodalibus, aut potentibus rem gratam faciant, vel ne a corruptis aliorum moribus alieni videantur: qui omnes, posita Busenbaum definitione, rei minime forent *plena, & perfecta* ebrietatis; quod oppido falsum est.

CONSECTARIUM DECIMUMSEPTIMUM.

XVII. Rejicienda quoque est alia ejusdem Busenbaum opinio, quam tradit ex Læssio,

Azorio, Reginaldo, Baldello; eamque refert P. Lacroixius, ac vi sui systematis tamquam probabilem approbat: videlicet *non esse peccatum, siquis cogatur intento ense ad se inebriandum.* Falsitas hujus opinionis patet ex doctrina tradita a S. Thoma *de gula*; quod nempe consistat in cibo, & potu inordinato. Siquidem, ut potus inebrians inordinatus haudquaquam sit, necesse est, ut ex ordine naturæ sit necessarius ad vitæ conservationem; non ex vi, aut voluntate pravorum hominum. Unde si desit finis conservationis corporis, aut valetudinis, qui profecto deest, cum natura usum vini non exigit, sumptio ejusdem inordinata semper est; adeoque suaspe natura mala, non secus ac fornicatio, aut pollutio &c. nec vel ex metu, vel spe quacunq; potest fieri licita. Unde author sermonis laudati inter Augustinianos ait: *Solent ebriosi ita se excusare, ut dicant: persona potens me coegit, ut amplius bibam; & in convivio Regis non potui aliud facere. Ad excusandas excusationes in peccatis ista pretendimus; & quod implere nolimus, non potuisse nos dicimus. . . . Etiam si ad hoc veniretur, ut tibi diceretur: aut bibe, aut morieris; melius erat, ut caro tua sobria moreretur, quam per ebrietatem anima moreretur.* Hæc ille apertissime: vanaque proinde, arbitraria, ac prorsus falsa est interpretatio hujus textus adducta a P. Læssio, loqui nimirum de casu, in quo ebrietas in contemptum Religionis urgeretur. Neque enim vola, aut vestigium est in toto sermone, quod huic interpretationi favcat.

CONSECTARIUM DECIMUMOCTAVUM.

XVIII. Non minus rejicienda est opinio ejusdem Busenbaum eodem loco *dub. 5. art. 2. ex Læssio, & Sanchez* ita docentis: *Si iusta causa est, ut ex. gr. si grande malum non possit aliter impediri, nisi auctor inebrietur, licet eum inducere ad ebrietatem, qua*

qua saltem ipsi non sit voluntaria; ut scilicet prater intentionem, adeoque inculpabiliter nebrietur, v. g. vinum fortissimum, aut medicatum propinande, cujus vi ignorata decipiat *Et c.* Falsa; inquam, hæc opinio est; neque enim licet unquam inducere aliquem ad peccatum etiam ipsi involuntarium. Peccatum quippe scandalii est, alium ad involuntarie peccandum inducere: quodiam & hic agit contra legem; tametsi per accidens, hoc est ratione involuntarii, excusatur a culpa. At si hic, quis involuntarius est, a culpa excusatur; excusari tamen minime potest a culpa inducens, quia voluntarie inducit. Quare sicut nunquam inducere licet aliquem ad involuntarium perjurium, adulterium, homicidium; sic nulla unquam de causa licitum est inducere ad ebrietatem ex nimio potu profectam, quæ non minus, quam illa, natura sua prava est, ac peccatum.

An vero hoc casu, sequitur Bussembaum, licet inducere ad ebrietatem ipsi voluntariam, dubium est. Lessius &c. affirmat; quia inquit, licet suadere, & inducere ad minus malum, ut impediatur majus, Layman &c. rectius negat: quia nullo casu licet inducere ad peccatum. Lacroixius hic n. 333. posteriorem sententiam probabiliorē putat: priorem probabilem. Igitur juxta probabilisticum systema illam quoque licitam admittit: adeoque sine peccato, juxta ipsum, licebit inducere in eo casu aliquem ad ebrietatem etiam ipsi voluntariam, ac proinde formaliter, ac lethaliter peccaminosam. Quis id ferat?

CONSECTARIUM DECIMUMNONUM.

XIX. Admittenda non est opinio Gobatii, a culpa mortali excusantis eos, qui nimio quidem potu vini se replent, & ingurgitant, at simul pharmacum habent, vel pulverem, quo aut impediri privationem rationis, aut amissam brevi recu-

perant. Hæc enim sententia rectè pugnare videtur cum textibus Sacræ Scripturæ mortem, & alia mala comminantis iis, qui nimio vino repleri solent, quidquid sit de supposito ebrietatis remedio, ut cum Salomone, ait Prov. 23. Cui vae, cui rixæ, cui foveæ &c. cui suffuso oculorum? Nemo his, qui commorantur in vino, & student calicibus epotandis? Et Isaias Propheta: Vae, qui potentes estis ad bibendum vinum, & viri fortes ad miscendam ebrietatem. Porro, ut alibi notavimus, dum Scripturæ denunciant vae alicui actioni, indicium est peccati gravitatis.

CONSECTARIUM VICESIMUM.

XX. Audiendi non sunt plures Casuistæ, laxa multa tradentes in describendis signis, unde colligi possit ebrietatem ad peccatum usque mortale pertingere. Aliqui namque assiduitatem, & frequentiam se inebriandi pro signo tantum habent mortalis ebrietatis. Sed licet assiduitas ostendat, ebrietatem esse voluntariam, adeoque lethale peccatum; absque ea tamen completa & mortalis ebrietas haberi potest. Assiduitas, inquit S. Thomas hic art. 2. ad 3. facit ebrietatem esse peccatum mortale, non propter solam iterationem actus; sed quia non potest esse, quod quis assidue inebrietur, quin sciens & volens ebrietatem incurrat, dum multoties experitur fortitudinem vini, & suam habilitatem ad inebriandum.

Alii ebrietatem perfectam non esse ajunt, adeoque a gravi culpa excusant, si eo non perveniat, ut homo magis irrationalis, aut brutum appareat, quam rationalis: nimirum si homines, ebrietatis tempore, in pecora, & in bruta quoad actiōnes non convertantur, juxta hos Authores haud peccant lethaliter; puta si a via secedere nequeant, ne curru, vel equo opprimantur, a quo vel ipsa bruta cavere solent. Quis est, qui non videat, nimium hofce

Theo-

jogos ad lethalem ebrietatem requirere?

Alii, ut Busembaum loco laudato, hujusmodi ebrietatem his signis declarant: *Siquis post potum discernere adhuc possit inter bonum, & malum, licet nonnihil phantasia turbata sit, aut sequatur vomitus, lingua titubet, pedes vacillent, oculi cernant duplicia, vel domus gyvari videatur; nondum plena est ebrietas, adeoque tantum peccatum veniale, quoniam ex gravioribus, si deliberate sit commissum. P. Layman loco citato: plena ebrietas notatur ex his signis, quae dat Lestius n. 30. &c. Si quis non meminerit dictionum, salutorum, quomodo, vel quando domum deducit. 2. Si comisit ea, quae nunquam sana mente solet; v. g. si praeter morem turpia sit loquutus, turbavit domum, uxorem verberavit &c. Haec enim ex Busembaum.*

Quidquid sit, num ex quibusdam commemoratis signis colligatur ebrietas plena, atque perfecta; mihi tamen videtur colligi posse, ac debere, talem esse excessum in potando, dum deliberatus est, ut a gravi culpa excusandus non sit; siquidem excessus potationis a Busembaum descriptus valde notabilis, & aliosum turpis est, & valde dedecet hominem ratione praeditum, a quoque sufficientem arbitror ad lethale peccatum. Certe Patres Ecclesiae, dum in ebrietatem tam acriter invehiuntur, excessum nimium in potu damnant, qui proxima occasio est, seu probabilis periculum affert mortalium peccatorum, prout merito existimari debet excessus a Busembaum descriptus: inle enim ordinarie loquens facit turpiloquia, libitines, contumelias, rixas &c. suboriuntur. His ergo prius audiat prolens Confessorius, quam Busembaum; & hujusmodi ebrietates, ut ut perfectae fortasse non sint, non permittat, quasi peccata venialia; sed arguat, increpet, nequeque absolutionem elusivum ebriosi, quousque ab hoc vitio desistant; prout mox dicemus.

CONJECTARIUM VIGESIMOPRIMUM.

XXI. Multo magis veluti laxior exploranda est P. Lacroixii doctrina, quam tradit n. 317. ubi sic ait: *Ang. Taan. Fagund. Gab. c. 6. n. 37. universaliter docet, ebrietatem nullam esse mortalem, nisi diu privet usu, & potentia rationis. Hec siquidem doctrina praecedenti deterior est. Unde hac rejecta, ea sub oculos tenenda doctrina est, quam ex D. Thoma produximus q. 150. art. 2. nimirum: „Tertio „modo potest esse, quod aliquis bene „alveterat, potum esse immoderatum, & „inebriantem; & tamen magis vult ebrietatem incurere, quam a potu abstinere; & talis proprie dicitur ebrius; quia „moralia recipiunt speciem non ab his, „quae per accitens eveniunt praeter intentionem, sed ab eo, quod est per se „intentum. Et sic ebrietas est peccatum „mortale: quia secundum hoc homo volens & sciens privat se usu rationis, „qui secundum virtutem operatur, & „peccata declinat: & sic peccat mortaliter, periculo peccandi se committens. Dicit enim Ambrosius in lib. de Patriarchis: *Vitandum discimus ebrietatem, per quam vitia cavere non possumus. Nam quae sobrii cavemus, per ebrietatem ignorantes committimus.* Unde ebrietas per se loquuta est peccatum „mortale“. Si igitur ebrietas diu privet usu rationis, gravius peccatum erit; si per breve tempus, minus grave: sed semper culpa mortalis; quia ebrietas per se loquendo est peccatum mortale. Neque quod tale per se est, ex circumstantia durationis majoris, minorive alius defunct, nisi majorem, minoremve gravitatem, in eodem tamen genere peccati mortalis.*

CONJECTARIUM VIGESIMUSECUNDUM.

XXII. Praefixi quidem generalis regulae.

la nequit, qua certo cognosci valeat, quisnam excessus in bibendo peccatum mortale sit. Sed ex hoc nullus animum sumere debet ad excedendum; quinimmo ab excessu sibi quisque magnopere caveat, oportet, ne se periculo graviter excedendi committat. Quemadmodum enim, *quæ peccata gravia sint, quæ levia*, ut ait Augustinus, *non humano, sed divino sunt ponderanda iudicio*; ita & quisnam in cibo, vel potu gravis excessus sit, vel levis. Scripturæ, & Patres gravissime damnant nimium vino deditos. Hoc nobis satis esse debet, ut omni studio, & cura ab immoderatis potationibus caveamus.

CONSECTARIUM VICESIMUMTERTIUM.

XXIII. Alia etiam doctrina cavenda est circa peccata, quæ in ebrietate committuntur, prout saltem proponitur a Busembaum loco citato, & ab aliis pluribus sustinetur, scilicet: *Mala in ebrietate commissa, si prævisa non sunt, aut si adhibita cautio, culpa vacant*. Neque enim sufficit absolute solum dicere: *si prævisa non sunt*; sed addere oportet: *aut si prævideri non potuerunt*, uti fuit incestus Loth cum filiabus. Nam si prævideri potuerunt, ut frequentius contingit, sunt voluntaria in-direkte, & in causa: quia ex negligentia culpabili non sunt prævisa. Deinde, quod ait, *aut si adhibita cautio*; nec hæc sufficiens fuit, si nihilominus malum accidit; ideoque hoc culpe merito adscribitur, quia ex culpa, & negligentia sufficientis cautionis profectum.

CONSECTARIUM VICESIMUMQUARTUM.

XXIV. Cauti admodum, atque difficiles Confessarij sint oportet in absolventis ebriosi, & popini frequentandis assuevit: imo ordinarie loquendo absolutio iis impendenda non est, sed differenda, quousque adversus consuetudinem strenue,

viriliterque pugnando, eam veraciter emendare studuerint, ac emendationis suæ signa exhibuerint: neque enim aliter constare potest de vera, ac plena conversione ipsorum. Ebrietas vitium inter ea computatur, e quibus difficillime emergunt homines, nisi totis viribus, ac divino ex toto corde implorato gratiæ auxilio, in eo eradicando elaborent. Unde Sanctus Augustinus pugnam hanc contra inolitam consuetudinem virilem, & non intermissam necessariam iudicat, atque inculcat *serm. 151. Libro etiam V. Capitularium cap. 162.* statuitur, ebriosum excommunicandum esse *usque ad emendationem congruam*. Idemque statutum est in Concilio Moguntino anni 813. *can. 46.* Et certe frequenti experientia compertum est, plures ex luxuriæ vitio, paucos ex ebrietate emeruisse, & ad bonam frugem conversos esse.

R E F L E X I O.

Mirari plane subit, permultos esse inter ipsos Christianos tam alta ignorantium caligine obductos, ut execrabilæ gula vitium parvi admodum pendant, ac nec peccatum ferme esse arbitrentur. Lubens equidem fateor, gravioribus, quæ perpetrari solent, peccatis non esse accensendum; cum certum omnino sit, ea quæ Deum directe respiciunt, cæteris malis gravitate præstare. Verum si, quæ peccatum istud veluti circumstant, quæque ex ipso consequuntur, mala animo complectamur, magnum procul dubio peccatum esse, magnique æstimandum nemo negaverit. Hinc cum Doctor Angelicus *g. 148. art. 3.* quævisset, *utrum gula sit maximum peccatorum* (quæ sane quæstio instituta sola satis esse deberet ad pravitatis suæ magnitudinem comprobandam); quæstionem solvens, assentitur quidem, ac docet, *peccata, quæ sunt circa res divi*

nas, esse maxima. Sed gulæ peccatum postmodum considerans ex parte effectus consequentis; subiicit, secundum hoc vitium gulæ habere quamdam magnitudinem, in quantum ex ea occasionantur diversa peccata.

Enimvero si quis Scripturæ textus, qui de gula, sive crapula loquuntur, & quos vel jam attulimus, vel asserre facile possumus, attenta mente perpenderit; grave plurimum esse huiusmodi peccatum minima diffitebitur. Gulam Sacræ Litteræ nobis exhibent veluti speciem quamdam idololatricæ, dum homines gulæ deditos, ventri suo tanquam Deo servientes pronunciant, ut habetur in *Epist. ad Rom. cap. 16.* ubi Apostolus ait: *Huiusmodi homines Christo Domino nostro non servant, sed suo ventri.* Et ad Philip. 2. *Multi enim ambulant, quos sæpe dicebam vobis; nunc autem & fletus dico, inimicos Crucis Christi, quorum finis interitus, quorum Deus venter est, & gloria in confusione ipsorum.* Hoc etiam insinuat Sapiens *Ecclesiæ. c. 19.* dicens: *Vinum, & mulieres apostatare faciunt sapientes.* Que confidezans Tertullianus *lib. de Jejunio c. 16. & 18.* scribit: *Ebrius idolo gulam suam marcat, tu Deo non vis. Deus enim tibi venter est, & pulmo Templum, & aqualiculus altare, & Sacerdos cocus, & Sanctus Spiritus midor, & condimenta charifinata, & ructus Prophetia. . . . Apud te agape in cavabis servet, fides in culinæ calet, spes in ferculis jacet.* Illud quoque Tertullianus idem expendit, quod primus homo Adam gulam Deo, sive Dei mandato prætulit: *Acciperat, inquit Adam a Deo legem non gustandi de arbore agnitionis boni, & mali; moriturus, si gustasset. Verum fasciis ventri, quam Deo esset: pabulo potius, quam præcepto annuit: salutem gula vendidit: madducevit denique, & perit; saluus aliquin, si vel uni arbusculo jejunare maluisset. . . . Teneo igitur a primordio homicidam gulam.* S. etiam Gregorius Magnus in *Pastor. q. 7.*

admon. 20. ait: *Hosii callido, qui primi hominis sensum in concupiscentia pomu aperuit, sed in peccati laqueo strinxit, divina voce dicitur: pectore, & venter repes; ac si ei aperte diceret: cogitatione, & ingluvie super humana corda dominaberis.* Gregorio præfulebat S. Ambrosius *lib. de Paradiso c. 15.* scribens: *Qui sunt, qui in utero suo ambulant, nisi qui ventri, & gulæ servant, quorum Deus venter est, & gloria in pendendis eorum, qui terrena sapiunt, & cibo occupati ad terrena curvantur?*

Atque hæc quidem peccati magnitudinem, quam ex se ipsa gula habet, satis ostendunt: nunc quam deprimat ex parte effectus, in quantum scilicet ex ea occasionantur diversa peccata, paulo attentius advertamus. Quadam innuit, ac probat S. Thomas art. laud. in sibi objectis argumentis; nimirum quæ refert ex Chrysostomo, & Cassiodoro. Prior namque *hom. 13. in Matb.* ita loquitur: *Adam intemperantia ventris expulsi a paradiso: Diluvium, quod fuit tempore Noe, ipsa fecit, & penam Sodomitæ, secundum illud Esæc. c. 16. Hæc fuit iniquitas sororis tuæ Sodoma superbia, & saturitas panis, & abundantia, & otium ipsius & filiarum ejus: & manum egeno, & pauperi non porrigebant: & elevata sunt, & fecerunt abominationes coram me; & abhuli eas, sicut vidisti.* Alter vero super illud *Psal. 135.* *Qui percussit Egyptum cum primogenitis eorum,* ait: *Luxuria, concupiscentia, superbia sunt ea, quæ primo venter generat.*

Uterius de hoc argumento disserit S. Gregorius Magnus in *cap. 39. Job. cap. 23.* ubi nomine Esauoris, quem Jobus memorat, ventris, sive gulæ, & crapulæ intemperantiam intelligem, ostendit, hanc spirituale ædificium virtutum a fundamentis subvertere, inquit: „Cum continentis, ti viro contra innumera vitia multa virtutum certamina suppetant, cur sub
„ Exa-

10 *Exaltor* clamore contempto, de solo
 11 hic *venter* dicitur, quod ejus impetum,
 12 impulsuque restringat, nisi quod nul-
 13 lus palmarum spiritualis certaminis appre-
 14 hendit, qui non iam semetipso prius per
 15 afflictam ventris concupiscentiam carnis
 16 incentiva devicerit? Neque enim ad
 17 conflictum spiritualis agonis assurgitur, si
 18 non prius intra nosmetipsos hostia posi-
 19 tus, gula videlicet appetitus edomatur;
 20 quia, si non ea, quae nobis sunt vici-
 21 niora, prosterimus, nequaquam ad ea,
 22 quae longius sunt, impugnanda transi-
 23 mus. Incassum namque contra extero-
 24 res inimicos in campo bellum geritur,
 25 si intra ipsa Urbis moenia civis insidians
 26 habetur. Mens quoque ipsa cessantis sub
 27 gravi confusione dedecore a spiritualis
 28 certaminis congressione repellitur; quan-
 29 do infirma in carnis praelio, gula gladio
 30 confossa superatur. Nam, cum sc. par-
 31 vis proferri conficit, coangustatur cum
 32 majoribus erubescit; Nonnulli vero vi-
 33 cinam certaminis ignorantia, edomare
 34 gulam negligunt, & jam ad spirituales
 35 bella confurgunt. Qui aliquando etiam,
 36 quae magnae sunt sortita iniuria, faciunt
 37 sed dominante gula vitio, per carnis il-
 38 lecebram omnia, quod fortiter egerint;
 39 perdunt, & dum ventem non restringi-
 40 tur, per carnis concupiscentiam simul
 41 cunctas virtutes obruantur. Unde & de
 42 Nabuchodonosor vincens ascribitur:
 43 *Princeps cocorum destruxit muros Jerusalem.*
 44 Quid enim per muros Jerusalem signifi-
 45 cant Scriptura exprimit; nisi virtutes
 46 animae, quae ad pacis visionem tendit?
 47 Aut quis cocorum Princeps, nisi ventem
 48 accipitur, cui diligentissima a coquenti-
 49 bus cura servitur? Muros igitur Jerusa-
 50 lem Princeps cocorum destruit: qui
 51 virtutes animae, dum non restringitur
 52 ventem, perdit.

Quod si erapula, D. Gregorio teste,

Patruazii Theol. Mor. T. II.

virtutes animae perdit; nonne necesse est,
 ut eadem latissimam vitis adversis, ac ma-
 lis omnibus viam adaperiat? Hinc rixae,
 imprecationes; blasphemiae, detractiones,
 pugnae, & quandoque etiam homicidia.
 Hinc non unius generis impudicitiae, &
 monstrosae saepe libidines, turpissima verba,
 aliaeque obscenitates foedissimae. Hinc ja-
 cura bonorum, quibus vel familia alenda
 foret, vel filius providendum, vel Christo
 in pauperibus suis egenti, & argenti suc-
 currendum. Hinc scandala, quae tum pro-
 li, ac domesticis, tum aliis assatim prae-
 bentur, festorum profanatio, neglectus cu-
 jusque officii hominis Christiani, ac eter-
 nae salutis, & ipsius temporalis valeudi-
 nis, ac vitae detrimenta; adeo ut mortem,
 ipsa Scriptura attestante, qui comestatio-
 nibus, & ebrietatibus addicti sunt, sibi
 accelerent, & sui ipsius interfectores me-
 rito vocari valeant.

Quae cum ita sint, quis est, qui non
 videat, plurimi faciendam esse peccati gu-
 lae gravitatem, atque magnitudinem; adeo-
 que quantum studii, curaque impendere
 debeamus, ut in nobis dominum non
 usurpet; aut, si forte magno infortuito
 nostro illud sibi jam praepuerit, ut infen-
 sissimum hostem de corde exturbemus, ea-
 que propterea arma tota vi, animique
 contentione adhibeamus, quibus illum,
 divinae gratiae opulante, vincamus, ratio-
 nisque imperio subigamus. Ad coecendam
 gulam divitis illius epulonis in inferis cru-
 ciatus exetibissimos meditari valde oportu-
 num est. Ut enim sic Terrullianus laud.
 lib. de Jesuitis, apud inferos in divite con-
 vivia cruciantur in paupere vero jejunia re-
 creantur. Perpendendum, quod Apostolus
 1. ad Corinth. 6. scribit: *Esca ventri, &*
venter esca. Deus autem & vult, & haec de-
servet. Et ad Hebr. 13. *Optimum est gratia*
habere car, non escis, quae non profuerunt
ambulationibus vestris. Et rursus ad Chot. 10.

H h h

fi-

Sive manducatis, sive bibitis, sive aliud quid facitis, omnis in gloriam Dei facite. Quod praeceptum implere nenuquam possumus crapula, & ebrietate, quæ certe in Dei gloriam nec referuntur, nec referri queunt sed sola modestia, frugalitate, & temperantia in edendo, & bibendo implere fas est, prout explicat S. Augustinus in *psal.* 140., ubi modum assignat, quo Deum in omni vita nostra laudemus, inquit: *Si bene agis, quod & manducas, & bibis, ad resurrectionem corporis sumis, reparationemque membrorum, gratias agens ei, qui tibi prae-
buit mortali, & fragili ista supplementorum solatia; & cibis tuis, & potui tuis laudas Deum: si vero modum natura debitum in moderatione voracitatis excedas, & vinolentia te ingurgites, quantolibet laudes Dei lingua tua sonet, vita blasphematur.*

Præclarum, ac Christianis omnibus imitandum temperantiae huius exemplum requirere nobis primæ Ecclesiæ Fideles, de quorum convivio Tertullianus in *Apologetico cap. 39.* ita scribit: „Cæsa nostra, de nomine rationem sui ostendit. Id vocatur, quod dilectio penes Græcos. Quanticumque sumptibus consistet, lucrum est pietatis nomine facere sumptum. Siquidem inopes quosquo respicientis ideo juvamus, non quia penes vos parati affectant ad gloriam, famulandum, libatibus sub auctoramento veneris inter contumelias saginandi; sed quia penes Deum major est contemplatio modicorum. Si honesta causa est convivii, reliquum ordinem disciplina estimato, quæ sit, de Religionis quæstio. Nihil vilissimæ, nihil inmodestæ admittit. Non prius discumbitur, quam oratio ad Deum prægustetur. Editur, quantum esurientes, cupiunt: bibitur, quantum pudicitia est utilis. Ita saturantur, ut qui meminerint etiam per noctem adorandum Deum, qui esse. Ita fabulantur, ut qui seiant

„Dominum audire. Post aquam manantem, & lumina, ut quisque de Scripturis Sanctis, vel de proprio ingenio poterit, provocatur in medium Deo canente. Hinc probatur, quomodo biberit. Æque oratio convivium dirimit. Inde disceditur non in catervas cæsonum, neque in classes discursationum, nec in eruptiones lasciviarum, sed ad eandem curam modestiæ, & pudicitiae, ut quæ non tam cœnam cœnaverint, quam disciplinam. Hæc omnia paucis complexus est Minutius Felix in Octavio: Convivis, ait, non tantum pudica colimus, sed & sobria. Næc enim indulgentius epulis, aut convivium mero ducimus, sed gravitate hilaritatem temperamus, casto sermone, corpora castrore.

Hanc denique Reflexionem nostram concludat salutaris ad appetitum gulae frenandum, modumque temperantiam servandum consideratio, quam suggerit S. Joannes Climacus in sua Scala mysticæ gradu 12., Novissimorum scilicet hominis, & passionum Christi, his verbis: *Si Christo te per angustiam, & asperam salutis viam ambulaturum esse pollicetur, appetitum tuum temperantia compeste. Si enim corpus tuum mollius, & indulgentius tuleris, postea cum Christo in via restidisti. Attende diligentius ad verba, ex ipsius ore profecta: Lata & spatiosa via est, genitalium scilicet apularum, quæ ad interitum luturæ deducit. Et adverso: Quam angusta, & arcta via est, abstinentiæ, quæ ducit ad vitam castitatis? & pudici sunt, qui intrant per eam. Quæ admodum Lucifer de vicio derubatus Demonym: principatum: ita & intemperantia vitiorum, seu libidinum principatum obducit. Ubi ad cibum, capiendum accubaveris, & libidinibus moris, & iudicii recordatio veniat: hoc pacto intemperantiam coercere poteris. Ubi poculum bibiturus acceperis: memineris acetum, & sol. Jesu Christo oblatum: atque ita sobrietas*

sis limitum non transgredere, vel certe majori humilitati, & modestie sensu concepto, in altiora suspiria praeumpere. Cave, ne tibi metipsum suum facias. Nusquam a Pharaonis servitute vindicare, nec iniquam castelle Passabim celebrabit, quin lassitas agrestis, & acerbiores cum axymis toto vitæ curriculo commoderis. Lactuca autem illa gustatu acerbissima, violentia, & morosificationis labor inest jejunia tolerari solent. &c.

CAPUT X.

De quinto vitio capitali, scilicet Ira.

DOCTRINA.

- I. Quis ira sit, & in quo ejus inordinatio consistat.
- II. Egr. g. S. Gregorii Magni item expositio, prout appetitus vindictæ est, sive ex parte objecti considerato.
- III. Licet ira ordinata sit ex parte objecti, potest esse inordinata ex parte modi irascendi.
- IV. Ira peccatum est ex parte quidem objecti de se lethale; ex parte autem irascendi modi veniale.
- V. Explicatur tres ira gradus a Christo in Evangelio commemorati.
- VI. Expositio bonum graduum facta a S. Thoma proponitur.
- VII. De ira, prout capitale vitium; quoniam ira filia sit.
- VIII. De timore mentis ex ira prognato; quid ille sit.
- IX. De indignatione altera filia ira; quoniam peccatum sit. S. Gregorii Magni sententia.
- X. De clamore, prout ab ira proficitur.
- XI. De quarta filia ira, scilicet contumelia.
- XII. De postrema filia ira, nempe rixæ.

§. I.

Ira ratio, & peccati gravitas.

I. **I**RA communis definitio est appetitus vindictæ; sive prout modo sumitur tamquam vitium, inordinatus animi motus, quo quis injussum, & indebitam vindictam sumit, vel expetit ab eo, a quo vel re ipsa laesus est, vel se laesum arbitratur.

Quæ habet S. Thomas 2. 2. q. 158. art.

1. & 2. lucem positæ definitioni afferunt splendidissimam. Avertit ille in primis, quod ira proprie loquendo est passio quedam appetitus sensitivi, a quo vis irascibilis denominatur: ac de hac passione fuisse egre 1. 2. q. 46. &c. Quia vero illam modo considerat, quatenus mala, aut vitiosa est, observat circa passiones animæ, dupliciter posse in eis malum inveniri. Uno modo ex ipsa specie passionis, qua quidem consideratur secundum objectum passionis: quod ex se malum non est, sicut est objectum invidiæ, quæ est tristitia de bono aliorum, sed indifferens: potest enim vindicta, quæ ejus objectum est, & bene, & male appeti.

Alio modo, sequitur S. Preceptor, invenitur malum in aliqua passione secundum quantitatem ipsius, id est superabundantiam, vel defectum ipsius. Et sic potest malum in ira inveniri; quando scilicet aliquis irascitur plus, vel minus præter rationem rectam. Si autem aliquis irascitur secundum rationem rectam, tunc irasci est laudabile.

Igitur cum ordo rationis quantum ad duo in ira attendi queat, quantum scilicet ad objectum ipsius, & quantum ad modum irascendi, si objectum, in quod tendit ira, quod est vindicta, sit juxta ordinem rationis, laudabilis est ira appetitiva, & vocatur ira per seculum. Si vero aliquis vindictam appetat contra ordinem rationis,

v. g. si putari velit eum, qui non meruit, vel ultra quod meruit, vel etiam non se-

B h h z

cuat

cundum legitimum ordinem, idest non fervato ordine juris, vel non propter debitum finem, qui est *conservatio iustitiae, et correctio culpe*; motus irae vitiosus est, peccatumque, & vocatur *ira per vitium*.

II. Id egregie explicavit S. Gregorius Magnus lib. 5. *Moral. c. 39.* inquit: „Sciendum est, quod alia est ira, quam impatientsia excitat; alia, quam zelus iustitiae format; illa ex vitio; hæc ex virtute generatur. Si enim nulla ira ex virtute surgeret, divinæ animadversionis impetum Phinees per gladium non placasset. Hanc iram quia Heli non habuit, motum contra se implacabiliter supernæ ultionis excitavit. Nam quo contra subdilioem vitii tepuit, eo contra illum districtio æterni Rectoris exarsit. De hac ira per Psalmistam dicitur: *Ira scimini, & nolite peccare*. Quod nimirum non recte intelligunt, qui irasci nos nobis tantummodo, non etiam proximis delinquentibus volunt. Si enim sic proximos, ut nos, amare præcipimur, restat ut sic eorum erratibus, sicut nostris vitiis irascamur. De hac per Salomonem dicitur: *Melior est ira, visu: quia per tristitiam vultus corrigitur aniquus delinquentis*. De hac iterum Psalmista ait: *Turbatus est pro ira oculus meus*; ira quippe per vitium oculum mentis, excæcat; ira autem per zelum turbat; quia, cum saltem recti æmulatione concutitur, ea, quæ nisi tranquillo corde percipi non potest, contemplatio dissipatur

III. Atque hæc quidem de ira considerata ex parte *objecti*, quod appetit. Ex parte autem *irascendi modi*, attenditur (inquit S. Thomas) ordo rationis circa iram, ut motus iræ non immoderate fervescat nec interius; nec exterius; quod quidem si prætermittatur, non erit ira absque peccato, etiam si aliquis appetat iustam vindictam

IV. Cujusmodi autem ira peccatum sit, ostendit S. Doctor *art. 3.* nimirum si spectetur ira ex parte *objecti*, videlicet *vindicte*, quam appetit, ex genere suo peccatum lethale est: siquidem opponitur ehardtati, ac iustitiae; veniale tamen sit, sicut & cætera peccata, propter imperfectionem actus: „Quæ quidem imperfectio attenditur vel ex parte *appetentis*, puta, cum motus iræ prævenit iudicium rationis; vel ex parte *appetibilis*, puta cum aliquis appetit in aliquo modo se vindicare, quod quasi nihil est reputandum; ita ut, etiam si actu inferatur, non esset peccatum mortale, puta si aliquis patum trahit puerum per capillos, vel aliquid huiusmodi

Si autem spectetur ira ex parte *modi irascendi*; ut si nimium quispiam ardentem irascatur interius, vel signa, & motum iræ exterius nimium manifestet; tunc ira non habet ex genere suo peccati mortalis rationem. Potest tamen contingere, inquit S. Thomas quod sit mortale peccatum, puta si ex *vehementia ira* aliquis excidat a dilectione Dei, & proximi.

Quamquam vero ira ex parte appetentis maximum peccatorum non sit, etiam si ea peccata considerentur, quæ proximi dilectioni contraria sunt: edium quippe, & invidia graviora peccata sunt; quamdam tamen, ut docet Angelicus *art. 4.* habet excellentiam quantum ad inordinationem, quæ est secundum modum irascendi, propter vehementiam, & velocitatem sui motus, secundum illud *Proverb. 27.* Ira non habet misericordiam, nec erumpens furor: & impetum concitatis spiritus ferre quis poterit? Unde Gregorius dicit in 5. *Moral.*: „Ira sua stimulis accensum cor palpiat, corpus tremat, lingua se præpedit, facies ignescit, exasperantur oculi, & nequam recognoscuntur noti: lingua quidem clamorem format, sed sensus, quid loquatur, ignorat

§. II.

§. II.

*Tres ira gradus a Christo commemorati
explicantur.*

V. Christus Dominus apud S. Matth. c. 5. falsas traditiones, ac persuasiones Scribarum, ac Phariseorum corrigens in celebri sermone suo in monte, hæc habet quoad præsens argumentum: *Audistis, quia dictum est antiquis: non occides; qui autem occiderit, reus erit iudicio. Ego autem dico vobis; quia omnis, qui irascitur fratri suo, reus erit iudicio. Qui autem dixerit, fratri suo, raca reus erit concilio. Qui autem dixerit, fatue, reus erit gehennæ ignis.* Quo in textu tres iræ gradus a Divino Magistro distingui manifestum est. Quomodo ergo accipiendi, & intelligendi sunt? Sunt enim aliqui, qui arbitrantur, tercio quidem peccatum lethale designari; non autem primo, & secundo: qui plane falluntur, nec vim Dominici sermonis percipiunt. Siquidem his tria peccata lethalia significantur, quæ tamen in gravitate equalia minime sunt, omnino dicendum est.

Itaque dum primo dicitur: *Omnis, qui irascitur fratri suo, reus erit iudicio*, denotatur peccatum lethale, quo quis sive offensus, sive non, ira inflammatus deliberato animo gravem ultionem iniuste appetit, puta mortem proximi, aut grave ipsius nocumentum: adeoque non solum homicidium externo opere consummatum, ut falso existimabant Pharisei, sed etiam ipse appetitus, aut voluntas occidendi, aut grave aliquod nocumentum inferendi, lethale peccatum est; quemadmodum & sola voluntas mœchandi, furandi &c.

Deinde cum secundo loco dicitur: *Qui autem dixerit fratri suo, raca, reus erit concilio*, significatur iniuste vindictæ animus, aut concepta voluntas, aliquo signo exteriori prodita. Vox namque *raca* inter-

jectio quædam est, quæ motum internum iræ manifestat; aut, ut vult S. Hieronymus, convicium aliquod, seu motum convicii præfert. Quare qui gravis vindictæ appetitu accensus convicia simul prorumpit, aut motum conviciandi exterius manifestat, gravius peccatum committit, ac reus est Concilio; Concilio nempe *Sensdrin*, ut interpretatur S. Augustinus, quod ex septuaginta Senioribus constabat. Quoniam ad hoc Concilium graviora facinora deferrebantur.

Tertius gradus iræ exprimitur his verbis: *Qui autem dixerit, fatue*; id est si stultitiam exprobet, quod est convicium gravius priore *raca*; *reus erit gehennæ ignis*, id est Inferni. Qui ergo ex ira grave damnum proximo desiderat, aut ejus honori graviter detrahatur; quod plane sit, dum *fatuum* exprobrando appellat; peccatum lethale perpetratur, quod dignum illum efficit æterna pœna.

VI. Hæc omnia complexus est S. Thomas hic *art. 5. ad 3.* dicens: „ Gradus iræ, quos Dominus ponit, non petri-
„ nent ad diversas iræ species; sed acci-
„ piuntur secundum processum humani
„ actus. in quibus primo aliquid in corde
„ concipitur. Et quantum ad hoc dicit:
„ *Qui irascitur fratri suo. Secundum autem*
„ est, cum per aliqua signa exteriora ma-
„ nifestatur exterius, etiam antequam pro-
„ rumpat in effectum. Et quantum ad hoc
„ dicit: *Qui dixerit fratri suo raca*, quod
„ est injectio irascens. Tertius gradus
„ est, quando peccatum interius concep-
„ tum ad effectum perducitur. Est au-
„ tem effectus iræ nocumentum alterius
„ sub ratione vindictæ: minimum autem
„ nocumentum est, quod fit solo verbo.
„ Et ideo, quantum ad hæc dicit: *Qui*
„ *dixerit fratri suo, fatue*. Et sic patet,
„ quod secundum addit supra primum, & ter-
„ tium supra utrumque, Unde si primum
„ est

est peccatum mortale in casu, in quo Dominus loquitur, sicut dictum est (art. 3. hujus *quest. ad 2.*); multo magis alia. Et ideo singulis eorum ponuntur correspondentia aliqua, pertinentia ad condemnationem. Sed primo ponitur *judicium*, quod minus est: quia, ut Augustinus dicit, in *judicio adhuc deservimus locum datur*. In secundo vero ponit *Concilium*, in quo Judices inter se conferunt, quo supplicio damnari oporteat. In tertio ponit gehennam ignis, quæ est certa damnatio.

§. III.

De Ira, prout capitale vitium est, & filius ejus.

VII. Capitale vitium iram esse, ex ratione super allata pro aliis vitiis capitalibus, evidens est ex eo, quod multa ex ipsa vitia gignantur, vel gigni facile queant. Sex autem potissima vitia ex ira prodeuntia enumerat S. Thomas hic art. 7. eaque sunt *vixæ, tumor mentis, contumelia, clamor, indignatio, & blasphemia*: quam divisionem eleganti admodum ratione illustrat ex triplici iræ consideratione deducta, inquit. „Uno modo ira confiderari potest, secundum quod est in corde. Et sic ex ira nascuntur duo vitia: unum quidem ex parte ejus, contra quem homo irascitur, quem reputat indignum, ut sibi tale quid fecerit; & sic ponitur *indignatio*. Aliud autem vitium est ex parte sui ipsius; in quantum scilicet excogitat diversas vias vindictæ, & talibus cogitationibus animum suum replet &c. Et sic ponitur *tumor mentis*. „Alio modo consideratur ira, secundum quod est in ore. Et sic ex ira duplex inordinatio procedit. Una quidem secundum hoc, quod homo in modo loquendi iram suam demonstrat; sicut di-

ctum est de eo, qui dicit *sciri suo re- co*. Et sic ponitur *clamor*, per quem intelligitur inordinata, & confusa locutio. Alia autem est inordinatio, secundum quod aliquis prorumpit in verba injuriosa: quæ quidem si sint contra Deum, erit *blasphemia*; si autem contra proximum *contumelia*“.

„Tertio modo consideratur ira, secundum quod procedit usque ad factum. Et sic ex ira oriuntur *vixæ*, per quas intelligimus omnia noverunt, quæ facta proximis inferuntur ex ira“. De his iræ filiabus pauca quædam adnotare proderit.

De Tumore mentis.

VIII. Non hic *tumor mentis* accipitur pro superbia, ut ex verbis S. Thomæ liquet; sed, ut habet *ad 3. pro quadam sonatu, sive audacia hominis intentantis vindictam*. Hujusce mentis tumoris malitia, & gravitas repetitur ex qualitate ultionis, cujus desiderio mens accenditur: adeoque lethale peccatum est, cum homo iratus gravem, & injustam vindictam meditatur proximo, a quo læsus est.

De Indignatione.

IX. Indignatio definiri potest *animi commotio adversus eum, cui quis irascitur, ob malum ab ipso acceptum*. Lethale peccatum est, si gravem proximi contemptum continet, vel grave pusillus scandalum affectat; vel si quis alium a familiaritate, & colloquutione sua tamquam indignum arceat, in iis casibus, in quibus sub peccato mortali tenetur cum eo familiariter versari, & colloqui; vel demum si ita sit affectus, ut ei in gravi aut corporis, aut animi necessitate constituto opem ferre recuset. Siqui tamen omnes hi motus, aut affectus animi charitatis, & mansuetudinis Christianæ adversantur. Quin imo silen-

dium

tium ipsum, dum ab ira imperatur, grave in quibusdam casibus peccatum esse docet S. Gregorius Magnus lib. 5. Moral. cap. 30. his verbis: Aliquando ira perturbato animo quasi ex iudicio silentium inducit, & quo se foras per linguam non exprimit, intus deterius ignescit, ut iratus quisque colloquutionem suam proximo subtrahat, & nil dicendo, quam sit aversus, dicat. Et nonnunquam hæc silentii severitas per disciplinæ dispensationem geritur: si tamen sollicitè in intimis discretionis formis teneatur. Nonnunquam vero, dum accensus animus a consuetâ locutione restingitur, per accessum temporis penitus a proximi dilectione separatur, & acciores stimuli ad mentem veniant, causa quoque, quam gravior exasperat, oriuntur: Atque in irati oculi festuca in irabem vertitur, dum ira in odium permutatur. Plerumque ira per silentium clausa intra mentem vehementius ardeat, & elamphorata vocis format: verba sibi, quibus exasperatur, obijcit; & quasi in causâ exornata: postea durius exasperata respondent: quod Salomon brevisser insinuat dicens: *Præsolatio impiorum furor*. Sicque fit, ut perturbatus animus majorem crepitum sui silentii sentiat, eumque gravius clausa ira flamma consumat. Hæc ille discretissime, quibus ira, aut potius proprii amoris fraudes detegit, ut ab his, dum ab aliquo læduntur, attente evocamus.

De Clamore.

X. *Clamor*, prout hic sumitur, est inordinata, & confusa in proximum vocis elatio. Hic ex se nonnisi peccatum veniale est; sed fieri potest aliquando mortale, si nempe ex ira, sive ex appetitu vindictæ procedat; sive si mortis, aut gravis alienius damni proximo inferendi deliberatam vo-

luntatem exprimat. *Plerumque fit*, inquit eodem loco S. Gregorius, ut usque ad manus ira profluat; & quo ratio longius recedit, audacior exurgat, sequæ ipsius animus retinere non valeat. Aliquando autem manus non exerit, sed in maledictionis jaculum linguam vertit. Et sicque, ut vult, & voca bonelidium peragat, etiam cum voce proximi matibus cessat.

De Contumelia.

XI. *Contumelia*, sive convicium est injuriosa locutio contra proximum præsertim, & audientem. De hac fusc alibi dictum sumus, cum de injuriis verborum sermō erit. Interim illud certum sit, contumeliam, vel convicium peccatum mortale esse, dum profertur animo dedecorandi proximum, & honorem illius violandi, aut tam grave de se fuit, ut, spectatis personarum conditione, ac circumstantiis, ejus honorem respice plurimum lædat, tamen eo sine verbum injuriosum non profertur. Id exploratissimum est ex oraculo Christi, qui tertium iræ gradum exponens ait: *Qui dixerit fratri suo, fatue, reus erit gehennæ ignis*. Nihil enim damnationem æternam meretur, sive, quod perinde est, *gehenam ignis*, nisi peccatum mortale.

De Rixa.

XII. *Rixa* juxta S. Thomam 2. 2. q. 47. art. 2. & 2. Est contradictio usque ad facta perveniens, dum unus alterum ledere molitur. Filiam iræ esse, ex Proverb. patet cap. 25. ubi dicitur: *Vir iracundus provocat rixas: qui patient est, mitigat suscitatas*. Et rursus cap. 29. *Vir iracundus provocat rixas; & qui ad indignandum facilis est, erit ad provocandum proclivior*. Rixam in eo, qui alterum invadit, peccatum lethale esse, constat ex Apostolo ad Galas. 5. recensente rixas inter opera carnis, quæ qui agunt, regnum Dei non consequuntur. De hac, sicut

de blasphemia postrema filia ira, alibi sermo erit.

CAPUT XI.

CONSECTARIA.

- I. Ira, prout passio, quæ ad rationem antecedenter se habet, semper mala est.
- II. Ira, quæ consequenter se habet ad rationem, & dicitur ira per zelum laudabilis esse potest.
- III. Illicitum semper est appetere vindictam propter malum ejus, qui puniendus est.
- IV. Motus inordinatus ira, cum aliquantisper semper sit in potestate nostra, aliquem peccati labem semper offert.
- V. Motus ira repentinus, vel deliberatus quidem, sed cum appetitu vindictæ levis, non nisi veniale peccatum est. S. Thomæ doctrina notanda.
- VI. Ira laveterata odium est, atque adeo gravissimum peccatum.
- VII. Quo pacto intelligendum, quod ira verbum ex parte solum modi irascendi quandoque letale peccatum sit.
- VIII. Gravius peccant, qui tardiores sunt ad deponendam iram.
- IX. Vindicta, aut vindicta voluntas pro privatis injuriis vitiosa semper est, ac peccatum.
- X. Licita nihilominus est, ac etiam laudabilis ob correptionem peccantis, aut ob aliorum utilitatem. Pulebra S. Augustini sententia.
- XI. Etiam ira per zelum aliquando peccatum est, si semper sit immoderata.
- XII. Ira gravior peccatum est in Episcopis, & Ecclesiasticis.
- XIII. Contumeliam interduum vel nullum, vel leve tantum peccatum est.
- XIV. Contumelias, contumeliis repellere, nunquam licet.
- XV. Laxa, & quæ minime rejicienda sententia est

P. Bussembaum, a gravi culpa excusatis mulieribus, pueros, & infima fortis viros conviciis sese onerantes.

XVI. Alia quoque ejusdem, aliorumque Theologorum circa contumelias improbanda doctrina.

Reflexio.

CONSECTARIUM PRIMUM.

I. Ira, prout passio quædam est, dupliciter ad rationem se habere potest; antecedenter, & consequenter. Si antecedenter se habeat, semper mala est: si consequenter, potest esse bona, & laudabilis. Declarat hoc S. Thomas hic art. 1. ad 2. docens: „Ira, prout antecedenter se habet, ad rationem, trahit rationem a sua rectitudine: unde habet rationem mali. Prout vero se habet consequenter, quatenus appetitus sensitivus movetur contra vitia secundum ordinem rationis; hæc ira est bona: quæ dicitur ira per zelum. Unde Gregorius ait in 5. Moral. Curandum summo opere est, ne ira, quæ ut instrumentum virtutis assumitur, menti damnetur; ne quasi domino precat, sed veritate ancilla ad obsequium parata a rationis tergo nunquam recedat.“

CONSECTARIUM SECUNDUM.

II. Ira, quæ consequenter se habet, & dicitur ira per zelum, est in executione actus judicii rationis aliquantisper immoderata, non tamen rectitudinem rationis tollit. Unde Gregorius ibidem ait: Ira per zelum turbat rationis oculum; sed ira per vitium excacat. Non est autem contra rationem/vitritus, ut intermitatur deliberatio rationis in executione ejus, quod est a ratione deliberatum: quia etiam ars imperdatur in suo actu, si, dum debet agere, deliberaret de agendis. Ita D. Thomas in eadem responsione.

CON-

CONSECTARIUM TERTIUM.

III. Semper illicitum est appetere vindictam propter malum ejus, qui puniendus est. Sed appetere vindictam propter vitiorum correptionem, & bonum justitiae conservandum, nedum malum non est, sed potius bonum, atque laudabile. Et in hoc potest tendere appetitus sentiens, quatenus a ratione movetur. Et dum vindicta secundum ordinem iudicis fit, a Deo fit, cujus minister est potestas puniens. Ita pariter S. Thom. *ibid.* ad 3.

CONSECTARIUM QUARTUM.

IV. Motus inordinatus irae aliquatenus in potestate nostra est; & ideo semper aliquam peccati rationem affert. Hoc egregie declarat Doctor Angelicus hic *art.* 2. ad 3. inquit: „Homo est dominus suorum actuum per arbitrium rationis. Et ideo motus, qui praevenerit iudicium rationis, non sunt in potestate hominis, in generali; ut scilicet nullus eorum insurgat, quamvis ratio possit quemlibet singulariter impedire, si insurgat. Et secundum hoc dicitur, quod motus irae non est in potestate hominis; ira scilicet, quod nullus insurgat. Quia tamen aliquando est in hominis potestate, non totaliter perdit rationem peccati, si fit inordinatus. Inordinatus, inquam, sive ex parte obiecti, sive ex parte modi irascendi.

CONSECTARIUM QUINTUM.

V. Repentinus irae motus, vel deliberatus quidem, sed conjunctus cum appetitu vindictae levis, veniale dimittat peccatum est. Id sequitur aperte ex doctrina jam supra tradita S. Thomae, ubi dicitur docet, veniale peccatum esse iram, sive irascibilem appetitum propter imperfectiorem actus. Tum vero explicans hanc actus

imperfectiorem, docet eam tenere se posse vel ex parte appetentis; cum nemo motus ira praevenerit iudicium rationis, sive cum plene deliberatus non est: vel ex parte appetibilis; cum scilicet vindicta, quae ex motu irae appetitur, levioris momenti est: quod frequentius dici solet propter parvitatem materiae. Atque hoc distinctio, quae hic expresse fit a Sancto Doctore, attentius notanda est pro similibus aliis peccatis, quae parvitatem materiae admittunt; in quibus, quoties statuit quidpiam esse ex genere suo lethale, & solum veniale propter imperfectiorem actus, haec actus imperfectio utroque modo est accipienda: ex parte scilicet appetentis, & ex parte appetibilis.

CONSECTARIUM SEXTUM.

VI. Ira inveterata odium est, adeoque gravissimum peccatum. Hoc declarat ex Sacris Litteris S. Augustinus *serm.* 38. his verbis: „*Turbatus est* (inquit Propheta) *pro ira oculus meus*. Utique, cui turbatur (oculus), Solem videre non potest; & si conatus fuerit, poena illi est, non voluptas. Quid est ira? *libido vitiosa*. . . . Quid est odium? *Ira inveterata*. Ira inveterata si facta est, jam odium dicitur. Quod videtur constiteri ille, qui cum dixisset: *Turbatus est pro ira oculus meus*; addidit: *Inveteravi in omnibus inimicis meis*. Quod erat ira, cum esset nova, odium factum est; quia in veritatem conversum est. Ira festuca est, odium trabs est. Aliquando reprehendimus irascentem, & odium tenemus in corde; & dicit nobis Christus: *Festuca in oculo tuo non vides*. Unde crevit festuca, ut trabem faceret? quia non statim evulsit, quia passus es exire, & intrare Solem toties super iracundiam tuam; fecisti illam veterem, attraxisti

I i i

ma-

Fatuzzi Theol. Mor. I. II.

„malis suspitiones, & rigasti festucam,
 „rigando nutriti, nutriendo irabem feci-
 „sti. Expavescere vel quando dicitur: *Qui*
 „*odit fratrem suum, homicida est.* Gladi-
 „dium non eduxisti, non vulnus in carne
 „fecisti &c. cogitatio sola odii in corde
 „tuo est, & teneris homicida; reus es
 „ante oculos Dei“.

CONSECTARIUM SEPTIMUM.

VII. Cum ex parte *modi irascendi* ira de
 se venialis, quandoque juxta S. Thomam
 fuit peccatum mortale; si nemp *ex verbu-*
 „*mentia ira aliquis occidat a dilectione Dei,*
 „*et proximi;* hoc ita intelligendum est, quod
 ira vehemens, tamen nullum vindictæ
 appetitum contineat, lethale peccatum est;
 si nimirum dentibus frendeat, mortu se
 laniet, mensas evertat, & similia, quæ
 pene insanientem ita produunt, & multo
 magis si in injuriam Dei, aut blasphemiam
 prorumpat, si charitatem erga proximum
 in animo extinguat, si gravem contumeliam
 quis in alium proferat, vel grave scandalum
 proximo afferat. Unde, cum sibi S. Doctor
 art. 3. objecisset illud Job cap. 5. *Vtrum*
 „*stultum interfecit iracundia,* responderet;
 „Ad primum dicendum, quod ex illa
 „authoritate non habetur, quod omnis ira
 „sit peccatum mortale; sed quod stulti per
 „iracundiam spiritualiter occiduntur; in
 „quantum scilicet non tenendo per rationem
 „motum iræ, delinunt in aliqua peccata
 „mortalia, puta in blasphemias Dei, vel
 „injuriam proximi“.

CONSECTARIUM OCTAVUM.

VIII. Gravioris culpæ rei sunt, qui
 tardius iram deponunt, quam qui licet citius
 irascantur, ab ira tamen cito conquiescant;
 & si quem ex ira offenderint, ad veniam
 obtinendam festinant. Hoc tradit S. Augustinus in Reg. sive Epist. 211. di-

cent; *Melior est autem, qui quamvis ira*
 „*sepe tentetur, tamen impetrare suffinat, ut*
 „*sibi dimittat, cui se scisse agnoscat injuriam;*
 „*quam qui tardius irascitur, et ad veniam*
 „*potendam tardius inclinatur.* Quod etiam
 „confirmat S. Gregorius Magnus lib. 5. *Moral.*
 „cap. 30. ubi ait; „Sciendum est, quod
 „nonnullos ira citius accendit, facillius
 „deserit; nonnullos vero tarde quidem
 „commoveret, sed diutius tenet. Alii nam-
 „que accensus calami similes, dum voci-
 „bus pectant, quasi quosdam accen-
 „sionis suæ sonitus reddunt: citius qui-
 „dem flammam faciunt, sed protinus in
 „favilla frigescent. Alii autem lignis gra-
 „vioribus, durioribusque non dispares;
 „accensionem tarde suscipiunt, sed tamen
 „accensi semel difficillius extinguuntur; &
 „quia se tardius in asperitatem concitant,
 „furoris sui diutius ignem servant. Alii
 „autem, quod est nequius, & citius ira-
 „cundiam flammam accipiunt, & tardius
 „deponunt. Nonnulli vero has & tarde
 „suscipiunt, & citius amittunt. In quibus
 „nimirum quatuor modis liquido le-
 „ter agnoscat, quia & ad tranquillitatis
 „bonum ultimus plusquam primus appro-
 „pinquat, & in malo secundus tertium
 „superat“. Adeoque horum iracundia
 „cunctis omnibus deterior est“.

CONSECTARIUM NONUM.

IX. Vindicta, aut vindictæ libido pro
 privatis injuriis nobis illatis semper vitiosa
 est, & peccatum, adeoque illatas injurias
 semper, & ubique, quantum est ex animi
 affectu, condonare tenemur. Documentum
 hoc omnibus suis Discipulis reliquit Divi-
 „nus Magister Christus Dominus serm. in
 „Monte apud Matth. cap. 5. ubi corrigens
 „falsam traditionem Phariseorum, ait; *Au-*
 „*distis, quia dictum est: oculus pro oculo,*
 „*dentem pro dente. Ego autem dico vobis, non*
 „*resistere malo: sed si quis te percusserit in*
 „*dex-*

CONSECTARIUM DECIMUM.

dexteram maxillam tuam, praebe illi & alteram thy. Quo in textu illud observare par est, quod, cum Christus inimicorum dilectionem praecepisset, subiecit etiam condonationem injuriarum, quae nobis praescribitur, ut remissionem peccatorum a Patre caelesti obtineamus. Vult ergo, ut quemadmodum integram, plenam, & perfectam misericordiam ab ipso deprecamur, atque speramus; ita & plenam, perfectamque misericordiam exerceamus in inimicos nostros, nullamque de ipsis sumamus unquam, aut expetamus vindictam. Si enim, inquit cap. 6. *dimiseritis hominibus peccata eorum, dimittet & vobis Pater vester caelestis delicta vestra.* Si autem non dimiseritis hominibus, nec Pater vester dimittet vobis peccata vestra. Sic ad divinae bonitatis, & perfectionis imitationem a Christo imperatum contendimus. Ego autem dico vobis: diligite inimicos vestros: benefacite his, qui vos oderunt; & orate pro his, qui vos persequuntur, ut sitis filii Patris vestri, qui in Caelis est. Estote ergo vos perfecti, sicut & Pater vester, qui in Caelis est, perfectus est. Ut enim ait S. Augustinus in hunc Christi sermonem cap. 21. *Perfectio misericordiae, qua plurimum anima laborantis consulitur, ultra dilectionem inimici porrigi non potest; & ideo sic elaudatur. Estote ergo vos perfecti, sicut & Pater vester, qui in Caelis est, perfectus est.*

Praeceptum hoc confirmat Apostolus ad Rom. 12. monens fideles: *Nulli malum pro malo reddentes: providentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes: non vosmetipsos defendentes, carissimi: sed data locum ira. Scriptum est enim: mihi vindicta, & ego retribuam, dicit Dominus. Sed si esurierit inimicus tuus, dabo illum: si sitit, potum da illi: hoc enim faciens carbonem ignis cangeris super caput ejus. Noli vinci a malo; sed vinces in bono malum.*

X. Licita tamen vindicta est, si fiat ad correctionem peccantis, vel ad aliorum utilitatem legitimam autoritate: nec eam urgere prohibetur Christianus offensus apud Superiores, modo id faciat ob hocce fines, non animo vindictae. Hanc doctrinam tradit S. Thomas 2. 2. q. 72. art. 3. his verbis: *Tenetur habere animum paratum ad contumelias (aliasque offensas) tolerandas, si expediens fuerit. Quandoque tamen oportet, ut contumeliam illatam repellamus, maxime propter duo. Primo quidem propter bonum ejus, qui contumeliam infert, ut videatur ejus audacia reprimatur, & de cetero talia non attentet, secundum illud Proverb. 26. Responde stulto juxta stultitiam suam, ne sibi sapiens videatur. Alio modo propter bonum multorum, quorum profectus impeditur propter contumelias nobis illatas. Hoc autem fieri potest, ac debet animo tranquillo, & ab omni iracundiae motu penitus alieno.*

Huic hanc doctrinam S. Thomas ex Patribus, ac praesertim ex S. Augustino, qui loco laudato cap. 19. haec habet: „ Neque hic ea vindicta prohibetur, quae ad correctionem valet. Etiam ipsa enim pertinet ad misericordiam: nec impendit illud propositum, quo quisque paratus est ab eo, quem correptum esse vult, plura perferre. Sed huic vindictae referendae non est idoneus, nisi qui odium, quo solent flagrare, qui se vindicare desiderant, dilectionis magnitudine superavit. Non enim metuendum est, ne odise parvulum filium parentes videantur, cum ab eis vapulat peccans, ne peccet ulterius. Et certe perfectam dilectionis ipsius Dei Patris imitatione nobis proponitur, cum in sequentibus dicitur: *Diligite inimicos vestros; benefacite his, qui oderunt vos; & orate pro*

„ eis, qui vos persequuntur. Et tamen de
 „ ipso dicitur per Prophetam: *Quem enim*
 „ *diligit Dominus, corripit: flagellat autem*
 „ *omnem filium, quem recipit.* Dicit &
 „ Dominus: *Servus, qui nescit voluntatem*
 „ *Domini sui, & facit digna plagis, va-*
 „ *pulabit pauci: servus autem, qui scit*
 „ *voluntatem Domini sui, & facit digna*
 „ *plagis, vapulabit multa.* Non ergo
 „ queritur, nisi ut & ille vindicet, cui
 „ rerum ordine potestas data est, & ea
 „ voluntate vindicet, qua pater in par-
 „ vulum filium, quem per iratem odisse
 „ nundum potest. Hinc enim aptissimum
 „ exemplum ducitur, quo satis appareat,
 „ posse peccatum amore potius vindicari,
 „ quam inipunitum relinqui; ut illum,
 „ in quem vindicat, non poena miserum,
 „ sed correptione beatum velit: paratus
 „ tamen, si opus sit, æquo animo plura
 „ tolerare ab eo illata, quem vult esse
 „ correptum, sive in eum habeat potesta-
 „ tem coercendi, sive non habeat. Ma-
 „ gis autem, & sancti viri, qui jam op-
 „ time scirent, mortem istam, quæ ani-
 „ mam dissolvit a corpore, non esse for-
 „ midandam, secundum tamen eorum
 „ animum, qui illam timerent, nonnul-
 „ la peccata morte puniuntur; quod &
 „ viventibus utilis metus incuteretur, &
 „ illis, qui morte puniebantur, non ipsa
 „ mors voceret, sed peccatum quod au-
 „ geri posset, si viverent. Non temere
 „ illi judicabant, quibus tale iudicium
 „ donaverat Deus. Inde est, quod Elias
 „ multos morte affecit & propria manu,
 „ & igne divinitus impetrato: quod &
 „ alii multi magni, & divini viri eodem
 „ spiritu consulendi rebus humanis non
 „ temere fecerunt.

CONJECTARIUM UNDECIMUM.

XI. Quamvis ira per ælum laudabilis
 sit, peccatum tamen est, si sit immoderata.

Hæc ostendit S. Gregorius Magnus
 lib. 5. Moral. cap. 30. „ Cum per ælum,
 „ ait, animus moveretur, curandum sum-
 „ mope est, ne hæc eadem, quæ in-
 „ strumento virtutis assumitur, menti ira
 „ dominetur &c. Tunc enim robustius
 „ contra vitia erigitur, cum subdita ra-
 „ tioni famularur. Nam quantumlibet ira
 „ ex zelo rectitudinis surgat, si immoderata
 „ mentem vincit, rationi protinus
 „ servire contemnit; & tanto se impru-
 „ dentius dilatat, quanto impatientiæ
 „ vitium virtutem putat. Unde necesse
 „ est, ut hoc ante omnia, qui zelo re-
 „ ctitudinis movetur, attendat, ne ira
 „ extra mentis dominium transeat, sed
 „ in ultiore peccati tempus, modumque
 „ considerans, surgentem animi pertur-
 „ bationem subtilius tractando restrin-
 „ gat, animositatem reprimat, & motus
 „ fervidos sub æquitate disponat; ut eo
 „ fiat iustior altor alienus, quo prius
 „ titit victor suus: quatenus sic culpas
 „ delinquentium corrigat, ut ante ipsos
 „ qui corrigat, per patientiam crescat,
 „ & fervorem suum transcendendo iudicet,
 „ ne intemperanter excitatus zelo recti-
 „ tudinis, longe a rectitudine aberret. „
 Gemina habet S. Bernardus Epist. 69.

CONJECTARIUM DUODECIMUM.

XII. Ira gravius peccatum est in Episcopis,
 „ & Ecclesiasticis. Id constat ex eo,
 „ quod hi specialiter reneantur imitari Chri-
 „ stum; qui quamvis omnibus dixerit: *Dis-*
 „ *cite a me, quia mitis sum, & humilis cor-*
 „ *de;* hoc tamen maxime convenit Ministris
 „ ejus, ac Sacerdotibus, quorum proprius
 „ character in docendo, & prædicando de-
 „ bet esse mansuetudo; & humilitas, & sicut
 „ Apostolis dictum fuit, *sicut agni sint opor-*
 „ *tet inter lupos;* id est in medio hominum
 „ secularium. Hinc inter Canones, qui Apo-
 „ stolici dicuntur, habetur ille, qui refertur
 „ Can.

Can. Episcopum dist. 45. Episcopum, aut Presbyterum, aut Diaconum percutientem fideles delinquentes, aut infideles inique agentes, & per huiusmodi volentem timeri, deijci ab officio suo precipimus: quia nusquam nos hoc Dominus docuit. E contrario vero ipse cum percuteret, non percutiebat; cum malediceretur, non maledicebat, cum pateretur, non comminabatur.

Idem confirmat saepe laudatus S. Gregorius Magnus Epist. 52. lib. 2. Ind. XI. inquit: *Quid autem de Episcopis, qui verberibus timeri volunt, Canonem dicunt, bene Fraternitas vestra novit. Pastores etenim facti sumus, non percussores. Et egregius Praedicator dicit: argue, obsecra, increpa in omni patientia, & doctrina. Nova vero, etque inaudita est ista praedicatio, quae verberibus exigit fidem.*

Hoc ipsum praesertim ab Ecclesiasticis exigit Concilium Tolosanum XI. Can. 7. his verbis: „Cum juxta antiquae Institutionis edictum plus erga corrigendos „agere debeat benevolentia, quam severitas; plus cohortatio, quam commotio; plus charitas, quam potestas: relatum est nobis, quod quidam ex fratribus plus livore odii, quam correptionis studio subditos insequentes, dum se simulant spirituales eis adhibere correctionem, indifferetam subito afferunt mortem, cum inaudites a se projiciunt, & oculis eos iudicii sub poenitentia puniunt“. Hos igitur tamquam antiquae, & firmatae in Ecclesia disciplinae transgressores Concilium redarguit, ac damnat.

CONJECTARIUM DECIMUMTERTIUM.

XIII. Convicium aliquando vel nullum, vel leve peccatum est; si nempe vel ex levitate proferatur, aut joci gratia, vel causa correptionis; & verba prolata secundum se, aut spectata qualitate persona-

rum, aut circumstantiis, levia sint, aut communiter admittuntur. Si vero animo laedendi, aut dedecorandi personam dicatur, & grave convicium sit, mortale peccatum est. Partes omnes hujus confessionarii docentur a S. Thoma 2. 2. q. 77. art. 1. r. ubi ait: „Si aliquis verbum convicii, vel contumeliae alteri dixerit, non tamen animo dehonoriandi, sed forte propter correctionem, vel propter aliquod huiusmodi &c.; hoc potest esse quandoque peccatum veniale, quandoque autem abique omni peccato. In quo ramen necessaria est discretio, ut moderate homo talibus verbis utatur &c.“ Ibi, vero ait: „Cum convicium, vel contumelia de sui ratione importet quamdam dehonorationem, & intentio proferentis ad hoc feratur, ut per verba, quae profert, honorem alterius auferat &c.; hoc est peccatum mortale non minus, quam furtum &c.“ Id alibi fufus adducitur.

CONJECTARIUM DECIMUMQUARTUM.

XIV. Contumelias contumeliis repellere nunquam licet. Unde non excusatur a peccato mortali, qui verbis contumeliosis laecit alterum, quamvis ab ipso provocatus sit. Etenim Proverb. 6. dicitur: *Ne respondeas stulto juxta stultitiam suam, ne ei similis efficiaris.* Et Christus discipulis suis patientiam commendans apud Matth. 5. Beati estis, inquit, cum maledixerint vobis, & persequuti vos fuerint, & dixerint omne malum adversum vos mentientis &c. Et Luc. 6. Benedicite maledicentibus vobis. Quod & alibi in sacris Scripturis saepe nobis commendatur.

CONJECTARIUM DECIMUMQUINTUM.

XV. Laxa est, & omnino rejicienda doctrina P. Busenbaum lib. 5. cap. 33 dub. 6. dum ait: *Sic excusatur saltem a mortali*

h....

li . . . mulieres, pueri, & infima sortis homines, convicti se bonerantes &c. Cur dicitur in primis, *saltem a mortali*? Numquid forte etiam a veniali excusandos putat? Sed non solum a veniali, sed neque a mortali peccato excusari debent mulieres, pueri vi rationis praediti, & infima sortis homines, convicti se bonerantes. Quid enim in hoc genere facere amplius possunt, quam convicti se onerare? An dictum illud Christi Domini: *Qui dixerit fratri suo, Satue, reus erit gehennae ignis*, locum non habet, & habere non debet etiam in mulieribus, pueris, & infima sortis hominibus, se mutuo conviciantibus, imo se convictis onerantibus? Num hi a Christi lege immunes sunt; aut lex Christi pro omnibus lata non est? An injuriosa verba, dum se mutuo appellant *satui, fures, adulteros, sodomitas, maleficos, Demones &c.*, in horum ore injuriae non sunt, suamque significationem amittunt? Sed audi pulcherrimam Busembaum rationem, cur *satui* a mortali excusentur: quia, inquit, cum fides iis non habeatur, non *leditur graviter honor*. Optime profecto. At si ejusmodi convicti oneratur persona gravissima, Sacerdos, Episcopus, Princeps &c.; multo minus fides iis non habeatur. Igitur neque in hos prolata peccatum mortale erunt; sed ut summum veniale. Vah doctrinam dicit omnibus devovendam!

CONSECTARIUM DECIMUMSEXTUM.

XVI. Alia quoque ejusdem Busembaum, & Authorum, quos laus, improbanda in eodem loco doctrina est; nimirum: *Adde; quod consumelia mortalis qualitatem in Confessione explicare non sit necessarium, ut contra Filliuc, &c. dicat Azor., Sà, Mol., C. de Lugo D. 56. de Pœnit. n. 169.* Hae, inquam, doctrinae improbari merentur. In Confessione namque necessario explicandae sunt circumstantiae, necnon quae

speciem mutant, sed etiam quae intra eandem speciem peccatum notabiliter aggravant, ut in loco dicitur. Quare si contumelia qualitas notabiliter peccatum aggravet, ut non raro contingit, ea in Confessione necessario exprimenda erit.

REFLEXIO.

Ossecro vos ego vinctus in Domino, ut dignae ambuletis vocatione, qua vocati estis, cum omni humilitate, & mansuetudine, cum patientia supportante. Inviem in charitate, solliciti servare unitatem spiritus in vinculo pacis. . . . Irascimini, & nolite peccare. Sol non occidat super iracundiam vestram. . . . Omnis amaritudo, & ira, & indignatio, & clamor, & blasphemia tollatur a vobis cum omni malitia. Efficit autem invicem benigni, & misericordes, donantes invicem, sicut & Deus in Christo donavit vobis. Haec sunt aeterna documenta, atque praecepta, quae S. Apostolus Paulus commendavit Ephesius, commendatque omnibus Christi fidelibus; quae in omnium Christianorum cordibus alte impressa esse deberent, ut ad amantissimam Evangelicæ Legis se conformet, dignaeque ambulet vocatione divina, qua per Christi gratiam vocati sunt. Nemo est, qui non videat, nihil magis in hisce verbis a nobis expecti, unam humilitatem, mansuetudinem, atque patientiam, eaque omnia, quae ad iram compescendam, pacemque, & charitatem cum omnibus servandam necessaria sunt, ut veri simus discipuli illius, qui de se dicebat: *Discite a me, quia mitis sum, & humilis corde*; ut perfectum, absolutumque patientiae, ac mansuetudinis, quam sequeremur, in semetipso exemplar relinqueret. Nullum profecto malum est, quod aequo animo non feramus, si hoc divinum exemplar ab oculis nostris continenter versetur. Quid enim perpeti possumus, quod ille summa cum mansuetudine, ac patientiâ perpeffus non fuerit?

fuerit? „ Si paupertate affligoris, inquit
 „ Magnus Bafiliius hom. *de ira*; memor sis
 „ Domini nostri Jesu Christi, qui cum di-
 „ ves esset, nostri gratia egere voluit. Si
 „ vero & stultus, & indotus appellaberis,
 „ remissere eorum, quæ a Judæis jacta-
 „ ta sunt in veram sapientiam: *Samaritanus*
 „ „ *as, & Demonium habes*. Alapa; seu
 „ pugillo cæsus es? At enim etiam Domi-
 „ „ nus. Expuit aliquis in faciem? Eadem
 „ „ & Dominus est passus: Nec enim ab ex-
 „ „ puentibus, aut cadentibus faciem aver-
 „ „ tit. Calumniam pareris? Et Dominus
 „ „ (passus est). Tui laceratur vestis? Et
 „ „ a Domino quoque vestis per vim extra-
 „ „ ha, & super eam missæ fortes. Non-
 „ „ dum condemnatus es, nondum Cruci
 „ „ affixus. Multa tibi toleranda, ut ad
 „ „ ejus imitationem pervenias. Talla igitur
 „ „ & horum similia tibi concurrant;
 „ „ mentisque tuæ impetum, & iram com-
 „ „ pescent. Similes namque præparationes,
 „ „ & animi dispositiones morsus cordis, &
 „ „ impulsus facile declebant, & animæ co-
 „ „ gitationes in tranquillum statum dedu-
 „ „ cent. Hoc enim est, quod David ait:
 „ „ *Paratus sum, & non sum turbatus*. Opor-
 „ „ tet iraque, motus animi insanos, ac
 „ „ præcipites, exemplo sanctorum, ac bea-
 „ „ torum præceptorum (Christi, ejusque
 „ „ Apostoli Pauli) proposito, memoria co-
 „ „ hibere; ut *digne ambules vocatione tua*
 „ „ cum omni humilitate, & mansuetudine, sup-
 „ „ portans adversarios te lædentes, in charita-
 „ „ te, sollicitus servare unitatem spiritus in
 „ „ vinculo pacis. Irascere, si ita quandoque
 „ „ oporteat; sed noli peccare: Neque Sol ra-
 „ „ tionis occidas super iracundiam tuam. Omnis
 „ „ amaritudo, & ira, & indignatio, & clamor,
 „ „ & blasphemia tollatur a te cum omni malitia.
 „ „ Esto ergo benignus, & misericors proximo
 „ „ tuo, tamen verbo, aut opere te inserit,
 „ „ donans ei offensam omnem tibi illatam,
 „ „ sicut & Deus in Christo donavit tibi.

Hic concinit Ecclesiæ Doctor S. Ambro-
 sius; simulque docet, quomodo cohibere
 iram, nosque, si accenditur, gerere de-
 beamus *lib. 1. de Offic. Ministr. cap. 21.* ubi
 exempla Christi, ac Sanctorum præ oculis
 habens, mansuetudinem adversus iræ mo-
 tus commendans, hæc ait: „ Caveatur ira-
 „ cundia; aut, si præcaveri non potest
 „ (neque enim in potestate nostra est,
 „ insurgentes omnes iræ motus impedire)
 „ cohibeatur. Magna enim illex peccati
 „ indignatio est, quæ ita animum pertur-
 „ bat, ut rationi non relinquat locum.
 „ Primum est igitur, si fieri potest, ut
 „ morum tranquillitas usu quodam asse-
 „ ratione, proposito innotatam veretur.
 „ Deinde quoniam ita plerumque motus
 „ infixus est naturæ, ac moribus, ut evel-
 „ li, atque evitari non queat, si prævi-
 „ deri potuerit, ratione reprimatur. Aut
 „ si prius occupatus fuerit animus ab in-
 „ dignatione, quam consilio prospiciat, ac
 „ provideri potuerit, ne occuparetur;
 „ meditare, quomodo motum animi tui
 „ vineas, iracundiam temperes. Resistere
 „ iræ, si potes: cede, si non potes; quia
 „ scriptum est: *dato locum iræ*. Ergo
 „ si prævenierit, & occupaverit mentem
 „ tuam iracundia; & accenderit in te,
 „ non relinquis locum tuum. Locus tuus
 „ patientia est; locus tuus sapientia est;
 „ locus tuus ratio est; locus tuus sedatio
 „ indignationis est. Aut si te contumacia
 „ respondens moverit, & perversitas im-
 „ pulerit ad indignationem, si non potue-
 „ ris mitigare mentem, reprime linguam
 „ tuam. Sic enim scriptum est: *Cobibe*
 „ „ *linguam tuam a malo; & labia tua ne lo-*
 „ „ *quantur dolam*. Deinde: *Inquire pacem,*
 „ „ *& persequere eam*. Pacem illam S. Jacobi
 „ „ vide, qua tu primum sedes animum;
 „ „ si non prævalueris, frans lingue im-
 „ „ pone tue: deinde reconciliationis flu-
 „ „ dium non prætermittas.

Eadem valde utilia documenta tradit idem S. Pater in *Psal.* 36. exponens illum versiculum : *Desine ab ira , & relinque indignationem ; sive , ut modo legimus , & derelinquere furorē , ubi ira loquitur :* Sunt multa vitia , quæ obrepunt insipientibus , ira gravis est passio : plerumque accendit iracundiam , & volentem mitius vindicare , in furorem rapit , ut perimat , quem putaverit coercendum David sapienter monet dicens : *Desine ab ira ; ne cum accenderis eam , illa non desinat , priusquam te ejus flamma consumat . Relinque , inquit , indignationem ; hoc est : natura te rapit , movet , affectus ; culpa te alicujus excitat , vel offensat , ut indigneris , sed non assequere , ut modum nescias : relinquo eam ; finem impone , ne te in peccatum trahat .* Hoc est , quod supra dixit : *Ira scimini , & nolite peccare .* Non enim hoc datur , ut irascaris , sed ad tempus cedat affectui : dat tamen medicamentum , ne diutius vis ulceris serpat . *Ira scimini ;* quod , ait , tum est passio . Medicus enim non statim adhibet medicamenta languori : si dolor fervet , fomentum adhibet , ut mitiget dolor : si febris exæstuat , remittit tempus expectat ; ipsum potum sitientibus negare consuevit . Non dicit : *noli febrere , cum vapor fervet ægroti ;* sed dicit : *expecta , desinat febris , digeratur commotio .* Sic & Propheta non potuit dicere homini , *cujus caro ut variis morborum , ita commotionibus excitatur : non irascere ;* sed dicit : *desine ab ira , & indignationem relinque , ne pecces . Ira enim gravis est magistra peccati (ad Ephes. 4) .* Alius quoque Medicus dicit : *Sol non occidat super iracundiam vestram ;* ne , dum diu disersit , veniat ille , qui calefactum corporis somno excitare consuevit , & stimules te , inserat tibi cogitationes , &

in secreta se tui pectoris immergat dicens : *vindica injuriam tuam : virum te esse conofce : facinora infirmitatis est , non carere vindictam . Ergo contemnera te dubitaveris , frater decipere , amicus illudere : & tu adhuc tuum non ulciferis contumeliam ! . . .* His stimulis plus accenditur , plus movetur , ut compleatur , quod scriptum est : *ira perdit etiam simplicitatem* . Audiamus igitur cum omni animi Joelitate laudatum . Apostoli monitum : sequebamur cum proximo humilitatem , mansuetudinem , patientiam , supportantes invicem in caritate , solliciti servare unitatem spiritus in vinculo pacis . *Sinus invicem benigni , & misericordes , facile condonantes offensas adversum nos commissas : atque ita motus iræ inordinatos cohibentes , digne ambulabimus vocatione , qua vocati sumus in Christo . Jesu ; terramque illam beatorum hereditate assequemur , quæ mitibus repromissa est .*

CAPUT XII.

De Invidia sextæ vitio Capitali .

ДОСТАНА.

- I. Invidia definitio , & natura ex D. Thoma explicata .
- II. Ad quos proprie invidia habeatur .
- III. Invidia ex natura sua peccatum est . Quibus modis tristitia de bono alterius nullum peccatum sit , imo etiam laudabilis .
- IV. Invidia proprie dicta peccatum est ex genere suo mortale .
- V. Imo unum ex gravioribus , quæ proximi caritati adversantur . Illustrat de hoc S. Joannis Chrysostomi sententia .
- VI. Aliud de invidia malignitate S. Gregorii Magni testimonium .
- VII. Invidia unum ex vitiiis capitalibus merito asseritur . Ejus filia plures . De quibusdam renitisse .
- VIII. De suffocatione prima inter Invidias filias .

filias. Quid illa sit, etiamque gravis multas iuxta S. Thomam.

IX. Quid ex ratione a S. Thoma adducta consequatur.

X. Gravius peccatum est ipsa detractio.

XI. De altera invidia filia, scilicet exultatione in proximi adversis, & afflictione in prosperis. Pulchra S. Gregorii Magni de hac re auctoritas.

XII. Quid in dolis Christianæ Charitatis a nobis exposcit in rebus proximi siue prosperis, siue adversis. Alia ajsdem S. Doctoris non minus pulchra sententia.

§. I.

Quid sit invidia: et in quo propria consistat, et qualem peccatum sit.

I. **INVIDIA**, quam inter peccata capitalia sexto loco ponimus, ex definitione a S. Thomæ doctrina desumpta, est tristitia de bono alterius apprehensa ut malo proprio. Tristitia in primis est, cuius obiectum est proprium malum. „Contingit autem, inquit S. Doctor 2. 2. q. 36. art. 1. id, quod est alienum bonum, apprehendi ut malum proprium: & secundum hoc de bono alieno potest esse tristitia. Sed hoc (subiicit) contingit dupliciter. Uno modo, quando quis tristatur de bono alicuius, in quantum imminet sibi ex hoc periculum alicuius nocuenti: sicut cum homo tristatur de exultatione inimici sui, timens, ne eum laedat. Et talis tristitia non est invidia, sed magis timoris effectus.“

„Alio modo bonum alterius aestimatur ut malum proprium, in quantum est diminutivum propriæ gloriæ, vel excellentiæ. Et hoc modo de bono alterius tristatur invidia. Et ideo præcipue de illis bonis homines invident, in quibus est gloria, & in quibus homines amant honorari, & in opinione esse.“

Patuzzi Theol. Mor. T. II.

II. Hinc in resp. ad 2. illud observatur, quod, quia invidia est de gloria alterius, in quantum diminuit gloriam, quam quis appetit; consequens est, ut ad illos tantum invidia habeatur, quibus homo vult se æquare, vel præferre in gloria: hoc autem non est respectu tantum a se distantium. Nullus enim, nisi insanus, studeat se æquare, vel præferre, in gloria his, qui sunt multo eorum majores; puta plebejus homo Regi, vel etiam Rex plebejo, quem multum excedit. Et ideo his, qui multum distant vel loco, vel tempore, vel statu; homo non invidet; sed his, qui sunt propinqui, quibus se nititur æquare, vel præferre. Nam cum illi excedant in gloria, accedit hoc contra nostram voluntatem: & inde causatur tristitia.“

III. Ex hoc autem, quod invidia sit tristitia de alieno bono, colligitur ille art. 2. esse peccatum. Ut autem hoc asseruat, animadvertit, tristitiam de alieno bono posse contingere. „Uno quidem modo, cum aliquis dolet de bono alicuius, in quantum ex eo timeatur nocivum vel sibi ipsi, vel etiam aliis bonis. Et talis tristitia non est invidia, ut dictum est, & potest esse sine peccato. Unde Gregorius 22. Moral. ait: Evenire plerumque solet, ut non amissa civitate, et inimici non rursus letificet; et rursus ejus gloria sine invidia culpa contristet; cum et ruente eo, quoddam bene erigi creditur; et proficiente illo, plerumque iniuste opprimi formidamus.“

„Alio modo potest aliquis tristari de bono alterius, non ex eo, quod ipse habet bonum; sed ex eo, quod nobis deest bonum illud, quod ipse habet. Et hoc proprie est zelus. Et si iste zelus sit circa bona honesta, laudabilis est secundum illud Corinth. 14. Enamini spiritualia. Si autem sit de bonis temporalibus

K k k

rall-

„ralibus potest esse cum peccato, & sine
„peccato“; juxta qualitatem scilicet af-
„fectionis erga hujusmodi objecta, & cir-
„cumstantias.

„Tertio modo aliquis tristatur de bono
„alterius, in quantum ille, cui accidit
„bonum, est eo indignus. Quæ quidem
„tristitia non potest oriri ex bonis honestis,
„ex quibus aliquis iustus efficitur: sed sicut
„Philosophus dicit, est de divitiis, & de salubus, quæ possunt prove-
„nire dignis, & indignis. Et hæc tristitia
„secundum ipsum vocatur *nemesis*, & pertinet
„ad bonos mores. Sed hoc ideo dicit,
„quia considerabat ipsa bona temporalia
„secundum se, prout possunt magna videri
„non respicientibus alia eterna. Sed
„secundum doctrinam fidei temporalia bona,
„quæ indignis proveniunt, ex iusta Dei
„ordinatione disponuntur vel ad eorum
„correctionem, vel ad eorum damnationem.
„Et huiusmodi bona quæ nihil sunt in
„comparatione ad bona futura, quæ servantur
„bonis. Et ideo huiusmodi tristitia prohibetur
„in Scriptura Sacra secundum illud Psal. 36.
„*Noli emulari in malignitatibus, neque zelaveris
„facientes iniquitatem.* Et alibi Psal. 72.:
„*Pens effusi sunt gressus mei; quia zelavi
„super iniquos, pacem peccatorum videns.*“
„Quarto modo aliquis tristatur de bonis
„alicujus, in quantum alter excedit ipsum
„in bonis. Et hoc proprie est invidia. Et
„istud semper est peccatum, ut etiam Philo-
„sophus dicit: quia est dolor de eo, de quo
„est gaudendum, scilicet de bono proximi“;
„ac proinde affectus inordinatus, qui nunquam
„pravitate caret.

IV. Hoc peccatum ex genere suo esse
„mortale constat ex eo, quod ab Apostolo
„ad Galat. 5. inter opera illa numeretur,
„de quibus dicitur: *quoniam, qui talia agunt,
„regnum Dei non consequentur*; & ex ratione
„allata a S. Thoma art. 3. quia invidia se-

cundum objectum sui rationem adversatur
„charitati, ex qua vita animæ pendet, aut
„potius ipsa vita animæ est. *Utriusque autem
„objectum, ait, & charitatis, & invidia est
„bonum proximi: sed secundum contrarium mo-
„tum. Nam charitas gaudet de bono proximi:
„invidia autem de eodem tristatur. Unde ma-
„nifestum est, quod invidia ex suo genere est
„peccatum mortale.*

Verum & in invidia locum habet, quod
„de aliis peccatis ex genere suo mortalibus
„observatum est ex eodem S. Præceptore;
„quod possit esse, & veniale sæpe fit propter
„imperfectionem actus: inveniuntur enim
„aliqui imperfecti motus in sensualitate exis-
„tentes, qui sunt *peccata venialia*. Unde
„huiusmodi etiam primi motus invidia,
„quibus quandoque non carent ipsi sancti
„viri, sensibili culpæ nunquam adscribuntur.
„Potest etiam invidia esse venialis ex parvi-
„tate boni, quod alteri invidet, sive ex
„imperfectione actus ex parte objecti; ut si bo-
„num illud, quod est invidiæ objectum, sit
„nullius, vel levioris momenti.

V. At nedom invidia ex genere suo pec-
„catum lethale est; sed etiam unum esse ex
„gravioribus, quæ proximi charitati adversa
„sunt, eidemque magis infesta ostendi S.
„Joan. Chrysost. hom. 41. in Matth., ubi
„fontes suæ malignitatis aperit, fuscisque de-
„scribit; ex quo pauca tantum causa brevita-
„tis excerpam. „Tale certe, inquit,
„malum est invidia, quæ ita grassatur in
„animas, ut omnem malignitatem, &
„nequitiam prætergrediatur. Nam adul-
„terio dediti terribimam voluptatem que-
„runt in suo crimine, quod brevi tem-
„pore perpetratur. Invidi autem multo
„ante seipsos discruciant, quam eos,
„quibus invident, perturbant, ac tor-
„queant. Sua invidia ita laniantur, &
„tam assidue, ut nullam peccandi finem
„faciant. Sed quemadmodum lutulentæ
„suos cæno; & Dæmones nostro gessant
„exi-

exitio ; sic invidi in proximorum calamitatibus tripudiant . Siquid mali proximo accidisse rescierit , tunc nonnihil acquiescit invidus , & respirat : alienas enim jacturas suos questus existimat ; & aliorum felicitatem suam reputat miseriam , & calamitatem : nec magis considerat , quid sibi latum , & prosperum obtingat , quam quid proximo adversum , & calamitosum inferatur . Nonne igitur ejusmodi homines lapidibus essent appetendi ? nonne omni supplicio mactandi ? Siquidem non secus ac canes rabie percelli allatrant omnes ; & sunt veluti Demones conspiciendi , & peiores sunt furis fabuloso Poetarum carmine decantatis . Nam quemadmodum scarabaei alieno fletore pascuntur ; ita invidi adversa ceterorum hominum fortuna nutriuntur : & sic toti hominum cœui inimicitias , & bella denunciant .

Nonne igitur jure , ac merito fornicatoribus , & Publicanis paruit aditus in cœlum , e quo invidi æternum sunt expulsi , licet ejus hæredes legitimi forent ? *Filii autem Regni ejicientur foras* , ut Evangelium attestatur . Illi , Fornicatores nimirum , & Publicani , abdicata omni pravitare , & nequitia , bonis insperatis ab ipso Deo sunt cumulati . Pharisei autem iis bonis , quibus jam donati fuerant , sua sunt invidia destituti . Quod sane justissimum est . Nam invidia pestiferum , & perneciale malum hominem de omni humanitatis gradu dejectum in terribissimum Dæmonem transformat . Invidia primum in terras hominem invexit . Invidia fratrem inflammavit in fratrem , & ad fraternæ charitatis contemptum impulit . Invidia insontis Abel terram innocuo sanguine respersit , & sceleravit . Invidia fecit , ut Dathan , Core , & Abiron Moyfi , & Antoni obstrictantes una cum familiis va-

sto terræ hiatu vivi absorberentur . Hæc , & alia persequitur eloquentissimus Pater .

VI. Paria de invidiæ malignitate scribit S. Gregorius Magnus *lib. 5. Moral. c. 30.* ad illud Job. 5. : *Parvulus occidit invidia* . Parvulus est , ait illæ , qui invidia occiditur : quia nisi ipse inferior existeret , de bono alterius non doleret . Sed inter hæc sciendum est , quia quamvis per omne vitium , quod perpetratur , humano cordi antiqui hostis virus infunditur ; in hæc tamen nequitia tota sua vitiosa scera serpens conetur , & imprimendam malitiæ pestem vomit ; de quo nimirum scriptum est : *Invidia Fidei mors introitus in orbem terrarum* . Nam eum devotum cor livoris pueredo corruperit , ipsa quoque exteriora indicant , quam graviter animum vesania instigat . Color quippe pallore afficitur , oculi deprimuntur , mens accenditur , & membra frigesunt ; sit in cogitatione rabies , in dentibus stridor ; cumque in latebris cordis creasens absconditur odium , dolore exco tenebrat conscientiam vulnus inclusum . Nihil lætum de propriis libet : quia tamen beseentem mentem sua poena sauciat , quam felicitas torquet aliena : quantoque extranei operis in altum fabrica ducitur , tanto fundamentum mentis livida profundius suffoditur : ut quo alii ad meliora properant , eo ipsi deterius ruant ; qua ruina videlicet etiam illud destruit , quod in aliis actibus perfecti opere surrexisse putabatur . Nam invidia , eum mentem tabefecerit , cuncta , quæ invenietur , bene gesta consumit .

§. II.

De invidia , prout vitium capitale est .

VII. Invidiam unum esse , & ex præcipuis quidem vitiiis capitalibus , nemo est , qui

qui in dubium revocet: idque evincit S. Thomas hic *art. 4.* tum auctoritate S. Gregorii *lib. 31. Moral.* dicentis, quod ex invidia oritur odium, susurratio, detractio, exultatio in adversis proximi, & afflictio in prosperis, tum ratione a paritate accidia deprompta, de qua egerat quæstione præcedente, nosque agemus in sequenti Capite XIV. Sicut enim, inquit, accidia est tristitia de bono spirituali divino; ita invidia est tristitia de bono proximi. Distum est autem, accidiam esse vitium capitale ut ratione, quia ex accidia homo impellitur ad aliquam faciendam vel ut fugiat tristitiam, vel ut tristitia satisfaciat. Uade eadem ratione invidia ponitur vitium capitale. Congue autem recenserit a S. Gregorio invidiæ filias, declarat in *resp. ad 3.*, quam videtis, si lubet. Invenit de quibusdam ex iis aliqua dicamus, odium & detractionem ad alios Tractatus remittentes,

De Susurratione.

VIII. Prima inter invidiæ filias ponitur susurratio, cuius hæc potest esse definitio; nimirum est secreta oblocutio, qua quis malum culpe aliena, aut pœne, vel aliquem etiam naturæ defectum contra charitatis ordinem culpam renunciat, ut *iosam*, qua inter eos versatur, amicitiam lædat, aut minuat, aut dissolvere valeat. S. Thomas, ex quo tradita definitio deducitur, 2. 2. q. 74. *art. 1.* sapienter observat, & in quo susurratio cum detractione convenit, & in quo differt, inquit: „Susurro, & detractor in materia conveniunt, & etiam in forma, sive in modo loquendi: quia uterque malum occulte de proximo dicit; propter quam similitudinem interdum unum pro alio ponitur &c. Differunt autem in fine: quia detractor intendit denigrare famam proximi; unde illa mala de proximo præcipue profert, ex quibus proximus infamari possit, vel saltem

diminui ejus fama. Susurro autem intendit amicitiam separare, ut patet. . . per illud, quod dicitur Proverb. 26. „Susurro sublate, jurgia conquiescent. Et ideo susurro talia mala profert de proximo, quæ possunt contra ipsum commovere animum audientis, secundum illud Ecclesiast. 28. : *Vir peccator contumeliosus, & in medio pacem habentium immittet inimicitiam* “.

IX. Ex hoc consequitur, quod *bilinguis*, quem Scriptura reprobatur, proprie dicatur susurro. „Cum enim amicitia, ut habet ad 3., sit inter duos, ulitur susurro ex utraque parte amicitiam rumpere: & ideo duabus linguis utitur ad duos, unde dicens malum de alio. Propter quod dicitur Eccles. 28. : *Susurro, & bilinguis maledictus*. Et subditur: *Multos enim turbavit pacem habentes* “.

Consequitur etiam ex eodem S. Thoma, quod *criminator* differat a susurrone, & detractore: quia *criminator* est, qui publice crimina aliis imponit vel accusando, vel conviciando; quod ad susurracionem, & detractionem minime pertinet.

Susurracionem peccatum esse, & quidem ex genere suo mortale, certum est, cum charitati opponatur; idque Concilii Tridentini Catechismus veluti exploratum habet in explicatione præcepti octavi Decalogi §. 10. Postquam enim de obtestationibus, & maledictis loquutus est, subdit: „In eodem genere sunt, qui suis artibus distrant homines, & inter se committunt, magno opereque serentis discordiis delectantur, & summas conjunctiones, ac societates fidei sermonibus diiminentes amicissimos viros ad immortales inimicitias, & ad arma compellunt. . . . Tales erant multi ex confiliis Saulis, qui ejus voluntatem ad, vide alienare, & in illum Regem concitare conabantur “.

X.

X. Quia imo S. Thomas *art. 2.* probat, susurationem suapte natura gravius esse peccatum ipsa detractioe hoc solido principio; quod *peccatum in proximum tanto sit gravius, quanto per ipsum majus nocumentum proximo inferitur.* Nocumentum autem tanto majus est, quanto majus est bonum, quod tollitur. Porro inter cetera exteriora bona preeminet amicis: quia sine amicis in societate positus nullus vivere potest. Unde in Ecclesiast. dicitur: *Amico fideli nulla est comparatio.* Fama autem ipsa, quæ per detractioem auferatur, ad hoc maxime necessaria est, ut homo idoneus ad amicitiam habeatur. Et ideo, concludit, *susurratio est majus peccatum, quam detractio, & etiam quam contumelia; quia amicus est melior, quam bovor; & amari, quam honorari.*

Hec quamquam vera sint, nihilominus pluitibus in casibus susurationis peccatum non incutitur; puta, dum quis malum proximi renunciat alteri, vel ad procurandam ipsius salutem, vel ob Ecclesiæ, aut Reipublicæ utilitatem, vel ut amicorum suorum bono consulat, vel ut pravos, & in alterius damnum conspirantes amicitias dissolvat. Bonum animi proximi, multoque magis bonum commune prevalere debet; & renunciatio illa eo in casu potius provenit ex charitate, cui inservire debemus eo meliori modo, quo possumus.

De exultatione in proximi adversis, & afflictione in prosperis.

XI. Hæ sunt perverse dæm invidiæ filię; & utraque peccatum mortale, posita materie gravitate. Hæ enim peccata sunt opposita charitati proximi, cujus est gaudere cum gaudentibus, & flere cum flentibus, juxta Apostolum ad Rom. 12. *Pro invicem namque solliciti debent esse membra, ut schisma non sit, aut diviso in corpore: Et siquid patitur unum membrum, compatitur alia membra; sive si gloriatur unum*

membrum, congaudeant alia membra.

Hinc Apostolus idem ad Corinthios de se ipso dicebat: *Quis infirmatur, & ego non infirmor? quis scandalizatur, & ego non aror?* Idemque pariter de semetipso dixerat antea S. Jobus cap. 31. *Si gavisus sum ad ruinam ejus, qui me oderat; & exultavi, quod invenisset eum malum.*

Hæc de re præstat audire S. Gregorium Magnum, qui lib. 22. *Mor. cap. 6.* ita scribit: „ Omnipotentis Dei hos esse discipulos, sola custodia charitatis probat. „ Hinc est enim, quod per semetipsum, veritas dicit: *In hoc cognoscant omnes, quod mei estis discipuli, si dilectionem habueritis ad invicem.* Quæ nimirum dilectio, si cor nostrum veraciter replet, „ duobus modis ostendi solet: scilicet si „ & amicos in Deo, & inimicos diligimus propter Deum. Sed sciendum est, quod „ inimici dilectio tunc veraciter custoditur, cum nec de profectu affligimur, nec de ruina illius lætamur. Nam sæpe „ in dilectionis imagine erga inimicum animus fallitur, seque hunc diligere „ æstimat, si ejus vitæ contrarius non existat. Sed dilectionis vim occulte, & „ veraciter aut profectus inimici, aut casus Interrogat. Hæc etenim de re ad „ plenum semetipsam mens hominum ne scit, nisi eum, quem sibi adversarium „ credit, in defectu, vel profectu mutasse modum sui status invenerit. Si „ enim de prosperitate affligitur, & de „ calamitate se odientis lætat, constat, „ quod non amat, quem non vult esse „ meliorem; eumque etiam stantem voto „ persequitur, quem cecidisse gratulatur.

XII. Equidem legitimum, Christianumque gaudium est lætari sive de nostra, sive de proximorum liberatione ab his, qui nobis, aliisve vel nocent, vel nocere moluntur, sicut & de justitia Dei malos punientis; nunquam tamen gaudere licet de

nostrorum inimicorum calamitate, vel interitu. Hanc quoque Christianæ Moralitatis regulam tradit eodem loco S. Gregorius Magnus his verbis. „Necessarium est subtilissimæ discretionis examen, ne eum nostra odia exequimur, fallamur sub specie humilitatis alienæ. Si enim de inimici morte gaudendum omnino non esset, Psalmista non diceret; *Letabitur iustus, cum viderit vindictam impiorum*. Sed aliud est impium, aliud vero inimicum perpeti. Nam sunt plerique inimici, qui non sunt impii: & sunt nonnulli impii, qui nobis specialiter non videntur inimici. Humana autem mens omnem, quem inimicum tolerat, etiam impium, & iniquum putat: quia ejus culpas apud cogitationem suam livor accusator exaggerat. Quibuslibet vero flagitiis prematur, minus iniquus creditur, si adversarius minime sentitur. Qua in re discernendum est, aliud esse, quod nobis; aliud vero, quod sibi, & cæteris noster inimicus nocet. Nam si aliis bonus est, sine nostra forsitan culpa esse non potest nobis malus: nec omnino jam de ejus ruina gaudendum est, cujus nos solos certum est adversa tolerasse. Cum vero noster, ac multorum hostis perimitur, de ereptione proximorum potius, quam de inimici interitu necesse est, ut animos lætetur. Oportet namque, ut pereunte adversario, subtiliter pensare debeamus, & quid debemus ruinæ peccatoris, & quid justitiæ ferentis. Nam cum perversum quemque Omnipotens percussit, & consolandum est miseris, perentis, & congaudendum justitiæ judicis: ut nobis & in loco sit pœna inorientis proximi, & rursum in gaudium veniat exhibita æquique judicantis Dei; quatenus nec percussit hominem existamus, adversarii, nec judicanti Deo inveniamur ingrati. Beatus igitur Job

„qui & inimicum diligens, dum adversario ruenti condoluit, in malis illius ipse ad bonum crevit, ut inde iste ad benignitatem crederet, unde ille mala, quæ mœbaret, invenisset“.

CAPUT VII.

CONSISTENTIA.

- I. Bonum alterius non est invidia objectum, nisi quatenus apprehenditur diminuire propriam gloriam.
- II. Invidia magis, & directius opponitur misericordie, & caritati, quam nemeli, sive tristitia de bono indigne agentium.
- III. Confundi non debet invidia cum aliis voluntatis motibus, qui illi similes videntur.
- IV. Plures indicantur, qui rei peccati invidie dicendi sunt.
- V. Reprobanda omnino est doctrina P. Thomæ Tamburini, qua licitum facit tristari de proximi bono, prout sibi malum est.
- VI. Ex ea doctrina liquido sequitur, Tamburinum omne reapse de medio tollere invidiam peccatum.
- VII. Susurratio computari debet inter graviora peccata, & qua maxime sunt contra Deum.
- VIII. Susurrationis peccati reus non est, qui aliquando malum proximi renunciat alteri ob bonum suum.
- IX. Veniale susurratio peccatum est, si leve sit, quod amico de altero renunciatur, aut quo graviter amicitia non leditur.
- X. Susurrationis peccatum ob circumstantias alterum altero sæpe gravius est.
- XI. Qui occultis oblationibus amicos inter se disjunxit, absolvendus non est, nisi invicem illos reconciliare conetur.
- XII. Hinc cavere maxime oportet a renunciandis itis, que inimicitias ferere, aut dissidia fovere possunt.

Reflexio.

CON-

CONSECTARIUM PRIMUM.

I. **B**ONUM alterius non est objectum invidiæ, nisi quatenus aut diminuit, aut diminui-re putatur gloriam, aut excellentiam sive veram, sive imaginariam illius, qui invidet. Unde non habetur nisi relate ad illos, qui invidentem in aliquo bono excedunt, quibus se æquare appetit, vel præferri. Hoc notandum maxime est, ut distinguatur invidia ab aliis pravis affectionibus, quæ pariter bonum alienum respiciunt, sed sub diversa ratione. *Quis invidia*, inquit S. Thomas art. 2. ad 2. *est de gloria alterius, in quantum diminuit gloriam, quam quis appetit; consequens est*, quod ad illos tantum invidia habetur, quibus homo vult se æquare, vel præferri in gloria.

CONSECTARIUM SECUNDUM.

II. Cum dum sint virtutes, quibus invidia adversa est, misericordiam scilicet, & nemesis, quæ est tristitia de bono indigne agentium; principaliter, & directe misericordiam opponitur, prout est proprius effectus charitatis: ex qua oppositione habet, quod ex genere suo sit peccatum mortale. Id docet, ac declarat Doctor Angelicus art. 3. ad 3. inquit: *Invidia opponitur & nemesi, & misericordiam; sed secundum diversam. Nam misericordia opponitur directe, & secundum contrarietatem principalis objecti; Invidus enim tristatur de bono proximi: Misericors autem tristatur de malo proximi. Unde invidi non sunt misericordes, nec converso. Ex parte vero ejus, de cujus bono tristatur invidus, opponitur invidia nemesi. Nemescus enim tristatur de bono indigne agentium secundum illud Psal. 72. Zelavi super iniquos, pacem peccatorum videns. Invidus autem tristatur de bono eorum, qui sunt digni. Unde patet, quod prima contrarietas est magis directa, quam secunda. Mi-*

sericordia autem quædam virtus est, & charitatis proprius effectus. Unde invidia misericordiam opponitur, & charitati. Quod autem charitati opponitur, semper ex genere suo peccatum mortale est, ut in Corp. ostendit.

CONSECTARIUM TERTIUM.

III. Ne, ut fieri non raro solet, confundamus invidiam, quæ peccatum est, cum aliis motibus voluntatis, qui similes eiusdem videntur, neque tamen peccata sunt; egregia illa regula a S. Gregorio tradita lib. 21. *Moral. cap. 6. attendenda est; scilicet: Evenire plerumque solet, ut, non amissa charitate, & inimici nos ruinam latificet, & rursus nos ejus gloria sine invidia culpa nos contristet: cum &, ruente eo, quosdam bene erigi credimus, &, proficiente illo, plerisque iniuste opprimi formidamus. Quæ in re mentem nostram nec ejus jam desectus erigit, nec ejus profectus addicit, si vestra nostra rogatio, non quid in ipso, sed quid ab ipso circa alios agatur, attendis. Sic Ezech. totiusque Judæorum populus gavisus est de ruina impii Amani, qui in illum excidium universale moliebatur, & de exaltatione in ejus dignitatem piissimi Mardochei.*

CONSECTARIUM QUARTUM.

IV. Reus invidiæ dicendus est Coneionator, qui affligitur, dum cernit alios majorem in æstimatione esse, populumque ad eos audiendos magna cum frequentia concurrere; seque interim ab omnibus ferme deferri. Idem dicat de artificibus, qui tristantur, quod plurimi ad aliorum officinas ob merces emendas confluant, aut aliorum opera, atque labore frequentius utantur. Hi tamen ab invidiæ culpa sunt immunes, si non quidem de bono aliorum tristentur, sed unice de proprio infortunio, aut carentia boni, quod ipsi non ha-

habent. *Alio modo*, inquit S. Thomas loco laudato, *potest aliquis trisari de bono alterius; non ex eo, quod ipse habet bonum, sed ex eo, quod nobis desit bonum illud, quod ipse habet. Et hoc proprie est zelus. Et si iste zelus sit circa bona honesta, laudabilis est etc. Si autem sit de bonis temporalibus, potest esse cum peccato; si nempe ex nimia ad hæc bona affectione proveniat, et sine peccato; cum scilicet ex honesto sine profuit, puta sublevandæ suæ indigentia.*

CONSECTARIUM QUINTUM.

V. Reprobatione digna est doctrina, quam tradit P. Thomas Tamburinus lib. 5. in decad. cap. 1. §. 3. n. 35. &c. ubi hæc scribit: „Inquires tertio, an, sicut potest quis modo hæctenus explicato gaudere de malo alterius, quia sibi bonum fit; ita e contra licite queat trisari de alterius bono, ut sibi malum est? Respondeo. Hic videtur esse actus invidiæ, quam sic communiter describunt Doctores ex S. Thoma 2. 2. q. 36. art. 2. et 3. Valent. Con. Suarez, Bonac. alique apud Cap. Strop. &c. *Est inordinata tristitia de bono alterius, non quatenus est illius bonum, sed quatenus videtur diminueri propriam excellentiam, seu proprium bonum* &c. n. 56. Hæc communiter. Fateatur itaque Tamburinus, laudatam invidiæ definitionem depromi ex S. Thoma, communiterque probari a Doctores etiam suæ Societatis. Num ergo, ut deberet, ejusmodi definitioni ipse quoque subscribit? Audi, quæ sequuntur: *Quæ tamen mihi semper difficilia visa sunt. Cum enim ad eundem habitum* &c. Atque ita probare nititur, falsam esse notionem invidiæ traditam a tot Authoribus, ac præsertim a S. Thoma; quod solum sufficere deberet, ut nullam rationem haberemus sophismatum omnium, quæ contra assert.

ferre placet. „Jam sic arguo; inquit n. 37. Quando doleat de bono alterius, ut est diminutivum meæ excellentiæ, non doleo de bono alterius absolute, sed formaliter de malo meo, seu de diminutione meæ excellentiæ, quæ mihi mala est. . . . Sicut enim si gauderem de malo, v. g. de morte Patris ut causante, immediate bonum meum, puta hæreditatis successionem, non esse peccatum super omnes vidimus; Sic contra, si doleam de bono alterius ut causante immediate malum meum, culpa non erit.

Ecquis justo horrore, & indignatione non vehementer commoveatur, dum audit Tamburinum promovenient falsitatem laxæ doctrinæ adversus S. Thomam, & præcipuos Doctores, ut invidiæ capitale vitium de medio tollat, alia laxiore, planque horribili doctrina, quæ jam ab Ecclesia damnata est; quamque perperam omnibus tribuit, nosque jam alibi refutavimus? En triplex propositio ab Innocentio XI. anathemate percussa, quæ fundamentum præbet Tamburino novam invehendi de invidia laxitatem. N. 13. *Si cum debita moderatione facias, poteris absque peccato mortali de vita alterius trisari, et de illius morte naturali gaudere, illam inefficaci esse. Tu petere, et desiderare, non quidem ex duplicentia personæ, sed ob aliquod temporale incrementum.* N. 14. *Licetum est absolutio desiderio cupere mortem Patris, non quidem ut malum Patris, sed ut bonum cupientis; quia nimirum et adventura est progreus hæreditas.* N. 15. *Licetum est filio gaudere de periculis parentis a se in ebrietate perpetrato propter ingentes divitias inde ex hæreditate consecutæ.* Nonne doctrina harum propositionum illud idem fundamentum est, quod statuit Tamburinus, ut super illam novam erigat falsam, laxissimamque opinionem?

Præcipuum typum ejus fundamentumque

CON-

CONSECTARIUM SEXTUM.

VII. Ex his colligitur, *invidiam* juxta Tamburinum nullum esse peccatum, contra ac statim ex D. Thoma, & Ecclesie Patribus, qui invidiam peccatum esse, & quidem ex genere suo mortale, tamquam certum habuerunt. Hæc persecutio nedum minime a sententia sua deterret Tamburinum, quin potius illam satis evideret admittere. *Urges*, ait n. 38. *ut sic tolleretur de medio peccatum invidie, unum ex septem capitalibus*. Quid vero? num id negat? minime. Sed rem quidem verbis pluribus implicare conatur. Ac tandem satis aperte concludit, peccatum non esse, nisi ratione malorum effectuum, qui ex invidia gignuntur, & sunt *insidie contra proximum, odia, detractiones, infamia* &c. Subditque n. 40. *Et Sanctus quidem Thomas, ceterique Doctores, quando tamquam certum supponunt, invidiam esse tristitiam, qua quis dolet da bono alterius, ut est diminutivum propriæ excellentiæ; sunt (N. B.) intelligendi destrictissime invidiam ab effectu*. Ex voluntaria enim &c. nascitur tamquam effectus tristitia illa, peccaminosa quidem, si sit alicujus mali causa &c. non tamen peccaminosa, si in ea duntaxat siferentur. Inaudita hæc paradoxa retulisse, confutasse abunde est.

CONSECTARIUM SEPTIMUM.

VII. *Sufurbationis* peccatum inter graviora peccata computari debet, quæque maxime sunt contra Deum. Ita S. Thomas q. 74. art. 2. ad 3. cui tam objectioni respondens: „Ille, Aquit, qui detrahit fratrem, in tantum videtur detrahere legi, in quantum contemnit præceptum de dilectione proximi; contra quod directius agit, qui amicitiam dissipare nititur. Unde hoc peccatum maxime contra Deum est: quia Deus dilectio est, ut dicitur 1. Joa. 4. Et propter hoc dicitur Proverb, *Pater Theol. Mor. T. II.*

„6 Sex sunt, quæ odit Dominus, & septimum detestatur anima ejus. Et hoc septimum ponit eum, qui seminat inter fratres discordiam,“ sive sufurbationem.

CONSECTARIUM OCTAVUM.

VIII. *Sufurbationis* peccatum non incurrit, qui malum proximi alteri renunciat ob hominum finem; puta ob ejus salutem procurandam, vel ob Ecclesie, aut Reipublice utilitatem, vel ut bono consulari amicorum suorum, vel ut dissolvat pravas, & in damnum alterius conspirantes amicitias. Quare sufurbationis peccati rei non sumi, qui Superiori subdito:um mala patefaciunt, ut ea facilius, ac validius emendet; vel boni publici gratia, puta ne ad Sacre Ordines promoveatur indignus; ne ad Professionem Monasticam admittatur, qui vel juxta Canones, aut constitutiones Ordinis Religiosi ineptus est, vel admitti non potest; sicut etiam ne Marritonium contrahere sinatur, qui canonicis impedimentis irretitus est, & propter alias hujusmodi causas. Hoc enim expedit vel proximorum, vel communitatis bono.

CONSECTARIUM NONUM.

IX. Reus culpe lethalis non est, cum quis amico aliquid de altero amico renunciat, quod ingratum quidem ipsi futurum agnoscat, & ex eo nonnihil commovendum fore adversus alium existimat; non ita tamen, ut amicitia vel dissolvatur, vel mutus amor almodum resecet. Mensura siquidem peccati in hoc genere repetenda est ex graviore, vel leviori damno, quod aliquis infert. Unde si grave damnum respectu amicitie ex illis, quæ renunciuntur, oriatur, mortale sufurbationis peccatum est; si leve, duntaxat veniale. Circumstantiæ tamen potissimum personarum in hoc attendendæ sunt. Sæpe namque contingit, quod eadem verba, quæ relate ad aliquem possunt

sunt

non infringere amicitiam, relate ad alium vel nullatenus, vel solummodo leviter lædunt.

CONSECTARIUM DECIMUM.

X. Ratione circumstantiarum susurrationis peccatum aliud altero gravius est. Sic ex. gr. susurratio, qua quis alteri conjugum aliquid de altero renunciat, quod ipsorum animos se disjungit, gravius peccatum est, quam si necessitudines alias, quarum non ita sacrum vinculum est, disrumpere nitatur. Sic gravius peccat susurro, qui verbis suis ita Patrem commover adversus filium, ut ipsum hæreditate privet, aut asperius tractet: aut qui Domino aliquam renunciat de servo, propter quæ ipsum vel domo expellit, vel de fidelitate ipsius graves suspiciones concipiat, aut ipsum durius habeat. Sic Aulicus, qui aliquid de altero Principi refert, quod ejus animum ita alienum ab illo efficiat, ut a gratia sua, beneficiis, ac officiis illum abdicet; vel susurrationibus suis bella sive intestina, sive externa accendit. Sic susurrones, qui Religiosorum hominum amicitiam dirimunt, aut subditos adversus Prælatos, aut Superiores inflammant &c. Hi omnes gravius peccant, adeo ut peccatum ita valde excrescens in gravitate, sit in Confessione aperiendum.

CONSECTARIUM UNDECIMUM.

XI. Qui occultis obloquutionibus amicos se disjungit, aut legitimam eorum amicitiam graviter læsit, aut labefactavit, absolvendus non est, donec illos, quoad fieri potest, invicem reconciliet; aut, si id præstare nequit, pro damnis inde consecutis satisfaciatur. Hæc siquidem Christianæ Moralæ generalis regula est, peccata, quæ proximo damnum inferunt, a Deo non remitti, nisi damna illata resarciantur juxta vulgatum illud S. Augustini, quod in-

ter regulas juris cap. *Peccatum refertur: Peccatum non remittitur, nisi restituatur ablatum.*

CONSECTARIUM DUODECIMUM.

XII. Quapropter caveat diligenter oportet Christianus a renunciandis illis, quæ inimicitias ferere, aut dissidia excitare, vel fovere possunt. Qua de re S. Augustinus *Monica Matris suæ præclarum documentum*, tradit lib. 9. *Confession. cap. 9.* inquiens: *Hoc quoque illi bono mancipio tuo, in cujus utero me creasti, Deus meus, misericordia mea, munus grande donaverat, quod inter dissidentes, atque discordes quasque animas, ubi poterat, tam se præbebat pacificam, ut cum ab utraque multa de invicem audiret amarissima, qualia solet eructare turgens, atque indigesta discordia, quando præsertim amica de absente inimica peracida colloquia cruditas exhalatur odiorum; nunquam tamen alteri de altera prederet, nisi quod ad eas reconciliandas valeret.*

REFLEXIO.

Invidiæ erimen unum ex illis peccatis esse, quæ parvi a plurimis æstimantur, quodque, cum si spectetur in se ipso vitium spirituale sit, tamen inter opera carnis ab Apostolo commemoretur, plerumque latet homines actus suos incuriosius recogitantes, experientia nimium frequens, ac luctuosa confirmat. Et tamen inter graviora delicta, quæ charitati adversantur, jure ac merito compendandum nemo non fatebitur, qui ipsius malitiam serio, atque attentius perpenderit. Quam grave sane, quam enorme, quam perniciosum sit peccatum illud, dilucide perspexerunt, nonisq; declararunt Sancti Ecclesiæ Patres Chrysostomus, Ambrosius, Gregorius, Augustinus, alique. Sed, nisi me opinio fallit, invidiæ deformitatem, atque malitiam præ cæteris evidenter patefecit

refecit egregius S. Martyr Ciprianus in insigni suo Tractatu *de zelo & livore*, ex quo nonnulla huc corrivare lubet ad Lectorum profectum.

Sic itaque scribit : „ Zelum, quod bonum videas, & invidere melioribus, id est, ve apud quosdam, & modicum crimen videtur; dumque exultatur leve esse, & modicum, non timetur: dum non timetur, contemnitur: dum contemnitur, non facile vitatur, & fit cæca, & occulta perniciosus. Videamus, unde zelus (sive invidia), & quomodo cœditur: facilius enim a nobis malum ram perniciosum vitabitur, si ejusdem mali, & origo, & magnitudo noscatur. Hinc Diaboli inter initia statim Mundi & perit primus, & perdidit. Ille dudum Angelica majestate subnixus, ille Deo acceptus, & charus, postquam hominem ad imaginem Dei factum conspexit, in zelum malevolo livore prorupit, non prius alterum deiciens instinctu zelli, quam ipse ante dejectus, captivus, antequam caprus, perditus, antequam perdens; dum simulante livore, homini gratiam datæ immortalitatis eripit, qui ipse quoque id, quod prius fuerat, amisit. Quale malum est, fratres dilectissimi, quo Angelus cecidit, quo circumveniri, & subverti alta illa, & præclara sublimitas potuit, quo deceptus est ipse, qui decepit? Exinde invidia grassatur in terris, dum livore periturus, magistro perditionis obsequitur: dum Diabolum, qui zelat, imitatur, sicut scriptum est: *Invidia autem Diaboli mors intraivit in orbem terrarum: Imitantur ergo illum, qui sunt ex parte ejus*. Hinc denique novæ fraternitatis prima odia, hinc parricidia nefanda cœperunt, dum Abel justum Cain zelat injustus, dum bonum malus invidia, & livore persequitur. Tantum valuit ad

„ consummationem facinoris emulationis
„ furor, ut nec charitas fratris, nec sceleris immanitas, nec timor Dei, nec
„ poena delicti cogitaretur. Injuste oppressus est, qui justitiam primus ostenderat: odia perpeffus est, qui odisse non noverat: occisus est imple, qui moriens non repugnabat. Et quod Esau fratri suo Jacob inimicus exitit, zelus fuit.
„ Nam quia ille benedictionem Patris acceperat, hic in odium persecutionis facibus livoris exarsit. Et quod Joseph fratres sui vendiderunt, causa vendendi de emulatione descendit: postquam id, quod sibi in visionibus prosperum fuerat ostensum, simpliciter ut fratribus frater expofuit, in invidiam malevolus animus erupit. Saul quoque Rex, ut David odisset, ut persecutionibus sæpe repetitis innocentem, misericordem, multi lenitate patientem negare cuperet, quid aliud, quam zelli stimulus, provocavit? Quid Goliath interfecit, & ope, ac dignatione divina tanto hoste deleta, populus admirans laudes David prædicationis suffragio profluit, Saul simultatis, atque infestationis furias de livore conceptit...
„ Judæi nonne inde perierunt, dum Christo maluit invidere, quam credere? Obtrestantes magnalibus, quæ ille faciebat, zelo exacerante decepti sunt, nec ad divinam noscenda cordis oculos aperire potuerunt.“

„ Non est autem, quod aliquis existimet, malum illud una specie contineri, aut brevibus terminis, & angusto sine concludi. Late patet zelli multiplex, & secunda pernicies. Radix est malorum omnium, fons cladum, seminarium delictorum, materia culpæ. Inde odium surgit, animositas inde procedit. Avaritiam zelus inflammavit, dum quis suo non potest esse con-

„rentus, videns alterum ditio-
 „tionem zelus excitat, dum cernit quis
 „alium in honoribus auctiorem. Zelo ex-
 „cæcante sensus nostros, atque in ditio-
 „nem suam mentis arcana redigente, Dei
 „timor speroitur, Magisterium Christi ne-
 „gligitur, iudicii dies non prævidetur.
 „Indat superbia, exacerbat sævitia, per-
 „fidia prævaricatur, impatientia concu-
 „sir, furit discordia, ira fervescit: nec
 „se jam potest cohibere, vel reggere,
 „qui factus est potestatis aliena. Hinc do-
 „minicæ pacis vinculum rumpitur, hinc
 „charitas fraterna violatur, hinc adalte-
 „ratur veritas, unitas scinditur, ad hæ-
 „reses, atque a schismata profilitur, dum
 „obtrechatur sacerdotibus, Episcopus in-
 „videtur, cum quis aut queritur non se
 „potius ordinatum, aut designatum alter-
 „um ferre præpositum. Hinc recalcitrat,
 „hinc rebellat de zelo superbus, de inmu-
 „lacione perversus, animositate, & livo-
 „re non hominis, sed honoris inimicus.
 „Qualis vero animæ tinea, quæ cogita-
 „tionum tabes, pectoris quanta rubigo.
 „Zelare in altero vel virtutem ejus, vel
 „felicitatem, id est odisse in eo vel meri-
 „ta propria, vel beneficia divina, in ma-
 „lum proprium bona aliena convertere,
 „illustrium prosperitate torqueri, aliorum
 „gloriam facere suam poenam, veluti quos-
 „dam, pectori suo admoveere carnifices,
 „cogitationibus, & sensibus suis adhibere
 „tortores, qui se intestinis cruciatibus la-
 „corent, qui cordis secreta malevolentia
 „ungulis pulsent. Non cibus talibus lætus,
 „non potus potest esse jucundus. Suspira-
 „tur semper, & ingemiscitur, & doletur:
 „dumque ab invitis nunquam liver expo-
 „nitur, diebus, ac noctibus pectus ob-
 „fessum sine intermissione laniatur. Mala
 „gætera habent terminum; & quodcum-
 „que delinquitur, delicti consummatione
 „finitur. In adultero cessat facinus, per-

„petrato stupro; in latrone conquiescit,
 „scelus, homicidio admissio: & prædonis
 „rapacitatem statuit præda possessa; &
 „salsario modum ponit impleta fallacia.
 „Zelus terminum non habet, permanens
 „jugiter malum, & sine fine peccatum;
 „quantoque ille, cui invidetur, successum
 „meliore profecerit, tanto invidus in ma-
 „jus incendium livoris ignibus inardescit.
 „Hinc vultus minax, torvus aspectus, pal-
 „lor in facie, in labiis tremor, stridor in
 „dentibus; verba rabida, effrenata con-
 „vicia, manus ad cædis violentiam promp-
 „ta, etiam si gladio interim vacua, odio
 „tamen furiatæ mentis armata. Et dic-
 „co Spiritus Sanctus dicit in Psalmis: No-
 „lita zelare bene ambulantes in via sua. Et
 „iterum: Observabit peccator justum, &
 „fridebit ad eum dentibus suis. Deus autem
 „iridebit eos: quoniam providet, quia vo-
 „luit diis ejus. Hæc Beatus Apostolus Pau-
 „lus designat, & denotat dicens: Veni-
 „um aspidum sub labiis eorum, & vox eo-
 „rum maledictione, & amaritudine plenum
 „est: veloces ad effundendum sanguinem pe-
 „des eorum: contritio, & calamitas in viis
 „eorum, qui viam pacis non agnouerunt,
 „nec est timor Dei ante oculos eorum. Mul-
 „to malum levius, & periculum minus
 „est, cum membra gladio vulnerantur,
 „Facilis cura est, ubi plaga perspicua est,
 „& cito ad sanitatem medela subveniente
 „perducitur vulnus, quod videtur. Zeli
 „vulnera obstrusa sunt, & occulta; nec
 „remedium curæ medentis admittunt, quæ
 „se intra conscientia lætebras cæco dolore
 „clausurant. Hæc eloquentissimus
 „Pater, ex cujus graphica invidiæ descriptio-
 „ne perspicere quisque potest, quam gra-
 „ve, & quam immane malum invilia sit,
 „quantamque aliorum malorum consuetum le-
 „cum afferat.

Verum enimvero quoddam tam grandi,
 tantæque malignitatis viro remedium? Quo

passo, subiicit alter Ecclesie Pater non minus eloquens S. Joannes Chrysostomus homil. 4^a. In Matth. tantam lucem, & nequitiam a nobis propulsare poterimus? Debeamus primum, inquit, insuere, ut quemadmodum fornicatoribus Ecclesie aditus intercluditur, ita & invidia intercludendus est. Immo addit: Invidos multo magis, quam fornicatores ab omni fidelium obsequio esse. Si enim hoc tale, tantumque malum seu indifferens, & leuioris momenti esse videtur ab omnibus, ceu nihil facendum spernitur, & admittitur: profecto si ejus malignitatis atrocitatem perspexerim, & cognitam habeamus, illud nullo negotio declinabimus. Quisnam admissa invidia confusus id criminis lacrymis explevit? Aut Deum iratum sibi propitiare, & amissam ejus gratiam sibi reconciliare gauduit? Nemo tam atrocitatem invidiæ sic informavit animo, ut ad eam expiendam tot lacrymas effunderet, & tot labores adeundos esse crederet. Dicam amplius: vir omnium mortalium invidiosissimus, tunc, & secure secum agi putat, si vel leve sejurium abierit, vel tenuem erogaverit elemosynam; ita ut nihil mali commisisse videatur, cum tamen furiosissima, & omnium vehementissima passione detineatur, & ardeat. Quid Damonem ad Damonis fratrem adigit; & illi Diabolo, hoc est calumniam nomen dedit? Perpende, te tibi majorem inferre injuriam, quam illi, cui invidet; utpote qui gladium, quem distrinxerat in ipsum, in tua ipsius precordia reterqueas. . . . Quid enim Joseph malum importatum est per invidiam fratrum, qui eum tantum non interfecere? Nonne ad eas angustias non sunt adducti, ut inedia propemodum interirent, dum ipse totam Egyptum regia auctoritate moderaretur, & regeret? Nam quanto majore invidia proximum prosequeris, tanto majora illi procuras bona. Deus enim, qui omnia circumspicit, suscipit, & tueri innocenter; & permotus injustitia, qua obteritur, omni multo altius attollit, & illustrem facit,

& invidentem sua ipsius malitia in ipsismet retorta plectit, & deprimit. Si enim viros de inimicorum miseriis latentes criminosam hanc latitiam impune ferre non petitur. quanto majoribus suppliciis afficit eos, qui insurgente invidia male volunt viris, a quibus nullam unquam passi injuriam?

Aliud invidiæ salutare admodum remedium est consideratio societatis spiritualis, qua fideles inter se junguntur, ut unus Dei Patris, & unus Matris Ecclesie filii sunt, & in eandem hereditatem eternam vocati, ut unus corporis membra sint, cujus caput Christus est: qua de causa alter alterius bona veluti sua existimare debet. Hanc urget considerationem S. Gregorius Magnus in Pastor p. 3. Admon. XI. his verbis: „ Admonendi sunt invidi, ut „ perpendant, quantæ cecitatis sunt, qui „ alieno profecta deficiunt, aliena exaltatione contabescunt. Quorum infelicitas „ is sunt, qui melioratione proximi deterioriores fiunt &c. Quid istis infeliciis, quod „ dum conspecta felicitas afficit poena, nequiores reddit: aliorum vero bona, quæ „ habere non possunt, si diligenter, sua „ fecissent. Sic quippe sunt universi confidentes in fide, sicut multa membra, „ quæ uno continentur in corpore, quæ „ per officium quidem diversa sunt, sed eo, „ quo sibi vicissim congruunt, unum sunt. „ Unde fit, ut per oculum pes videat, & „ per pedes oculi gradiantur, ori audius aurium serviat, & ad usum suum auribus oris lingua conceat: suffragetur venter manibus; ventri operentur manus. In ipsa igitur corporis positione accipimus, quod in actione servemus. Nimis itaque turpe est non imitari, quo l sumus. „ Nostri sumi simitum, quæ est imitatio non possumus in aliis, amantem sunt, quæque amantur in nobis. Hinc „ ergo pensent invidi, charitas quantum vincit ast, quæ alieni laboris opera non „ fra sine labore facit. „ Ve-

Verum parum cætera quæcumque remedia ad invitiā a nobis abigendam proderunt, nisi & illud remedium addiderimus, quod omnino necessarium cenſeo, illudque conſiſtit in deſpectione rerum humanarum. Cum enim invidia non aliud plerumque obſectum habeat, niſi opes, potentiam, gloriam, honores, dignitates, robur corporis, mentis peculiarem vim, eloquentiam, pulchritudinem, aliaque id genus bona; ſi ad hæc res humanas, atque caducas inordinato amore affecti ſimus, fieri vix, ac ne vix quidem poſſe, ut invidie ſtanima non accendamus, dum hiſce bonis caremus, alios vero iſdem pollere conſpicimus. Hunc ergo inordinatum amorem erga res huiusmodi deponamus oportet. Hæc equidem virtutis inſtrumenta ſunt iſta, qui talibus bene utuntur, ſed felicem per ſe non efficiunt hominem. Ideo qui iſta abutitur, miſerrimus eſt, adeoque commiſeratione dignus, non invidia. Quod ſi hiſa bene utatur, ea de re gaudendum, non invidendum eſt. Conſideremus attente, animoque temporalium rerum nimia affectione ſoluto, non in rebus fluxis, atque caducis verum bonum noſtrum, ac felicitatem conſtitui, ſed in bonis æternis, & nunquam perituris; adeoque illa parvi pendentes, ac iſta ſola amore noſtro digna æſtimantes, nunquam invidemus hiſ, qui terrenis rebus potiuntur, ſed tantum juxta Apoſtoli monitum emulamur chariſmata meliora, ſpiritualia ſcilicet, & cæleſtia.

CAPUT XIV.

*De poſtremo peccato capitali, nempe
Acedia.*

DOCTRINA.

- I. *Deſinitio acedie propoſita, & explicata ex S. Thoma.*
- II. *Peccatum eſſe, & quomodo ſit, oſtenditur.*
- III. *Non eſt generale, ſed ſpectat quoddam peccatum.*

- IV. *Peccatum eſt ex genere ſuo mortale.*
- V. *Acedia præcepto illi charitatis adverſatur, quo in Deo delectari debemus.*
- VI. *Appoſita D. Thoma obſervatio, qua pateſcit, quandonam acedia peccatum lethale ſit, & quanto veniale.*
- VII. *De acedia, prout vitium capitale eſt. Acedia filia.*
- VIII. *Quid nomine malitie, qua prima acedix filia eſt, intelligatur.*
- IX. *De tancore altera acedix prole. Quid hoc nomine veniat.*
- X. *De puſillanimitate. Quid ſit, & quoniam ejus pravitas.*
- XI. *De deſperatione quarta acedix filie remiſſive.*
- XII. *Quid ſit torpor, & quam periculofus.*
- XIII. *De mentis evagatione poſtrema acedix filia. Quid ea ſit, & quid ex ea conſequatur.*

§. I.

Acedia notio, & pravitas.

I. SICUT invidia eſt triſtitia de bono proximi, ita acedia, ſive acedia eſt triſtitia de bono divino; & poſtremo loco numerari ſolet inter capitalia peccata. Huius vitii legitima deſinitio ſumitur a S. Thoma 2. 2. q. 35. nempe *triſtitia de bono ſpirituali, in quantum eſt bonum divinum*. Triſtitia eſt de bono divino, non in ſe ſpectato; ſed quatenus in nobis eſt, vel eſſe poſteſt. Unde diſtinguitur ab odio Dei, quod averſatur bonum divinum, prout eſt in ipſo Deo; & ab invidia, quæ triſtarur de bono Dei, prout in proximo eſt. Acedia autem triſtarur de bono divino, prout in nobis; ſive de bono divino, ut imperato, & ad ſalutem neceſſario. Acedia, inquit, non eſt neceſſus mentalis a quocumque ſpirituali bono, ſed a bono divino, cui oportet mentem inbarere ex neceſſitate. Unde ſiquis contriſtetur de hoc, quod aliquis cogit eum imple-

plere opera virtutis, quae facere non tenetur, non est peccatum acedia; sed quando contristatur in his, quae ei imminet facienda propter Deum.

II. Acediam esse peccatum, sapienter ostendit *art. 1.* his verbis. „ Tristitia semper mala est; quandoque quidem etiam secundum seipsam, quandoque vero secundum effectum. Tristitia enim secundum se mala est, quae est de eo, quod est appetens malum, & vera bonum; sicut e contratio mala delectatio est, quae est de eo, quod est appetens bonum, & vere malum. Cum ergo spirituale bonum sit verè bonum, tristitia, quae est de spirituali bono, est secundum se mala. Sed etiam tristitia, quae est de vero malo, mala est secundum effectum, si sic aggraver hominem, ut eum totaliter a bono opere retrahat &c. Quia ergo acedia, secundum quod hic sumitur, nominat tristitiam spiritualis boni, est dupliciter mala & secundum se, & secundum effectum. Et ideo acedia est peccatum. Malum enim in motibus appetitivis dicimus esse peccatum, ut ex supradictis patet “.

III. Quoniam vero videri cuiquam posset, malum quidem acediam esse, peccatumque: sed generale quoddam peccatum, non autem speciale, & ab aliis distinctum; idcirco S. Thomas *art. 2.* hanc controversiam dirimit, ac speciale peccatum esse constituit, non prout acedia tristitia est de spirituali bono communiter accepto: sic enim potius est circumstantia cujuslibet vitii; sed neque prout refugit spirituale bonum, quatenus laboriosum est, vel corpori molestum, aut delectationem ejusdem impediens: sic enim a vitiiis carnalibus minime distingueretur, sed quatenus homo tristatur de bono divino, qua parte ad ipsum pertinet. Acedia namque importat tristitiam, aut recessum a bono divino, cui mens ex necessitate inhærere tenetur. Profundam S. Præ-

ceptoris doctrinam præstat asserere, quæ omnes, quæ contra fieri possant, difficultates eliquantur, ac acedia vitium plenior in luce collocatur.

„ In spiritualibus bonis (docet ille) est quidam ordo. Nam omnia spiritualia bona, quæ sunt in actibus singularum virtutum, ordinantur ad unum spirituale bonum, quod est bonum divinum, circa quod est specialis virtus, quæ est charitas. Unde ad quamlibet virtutem pertinet gaudere de proprio spirituali bono, quod consistit in proprio actu. Sed ad charitatem pertinet specialiter illud gaudium spirituale, quo quis gaudet de bono divino. Et similiter illa tristitia, quæ quis tristatur de bono spirituali, quod est in actibus singularum virtutum, non pertinet ad aliquod vitium speciale, sed ad omnia vitia. Sed tristari de bono divino, de quo charitas gaudet, pertinet ad speciale vitium, quæ acedia vocatur“.

IV. Ex hoc colligere proclive est, acediam ex genere suo peccatum esse mortale, quemadmodum probat S. Doctor *art. 3.* Adversatur siquidem primo, & maximo divine dilectionis mandato, quo Deum diligere præcipimur *ex toto corde, ex tota anima, & ex tota virtute*. Non enim ita diligit Deum, qui in omnibus ad obtinendam salutem necessariis vel penitus frigit, vel admodum tepescit. Quem teporem ita Deus abominatur, ut acediosos, tamquam se ad vomitum provocantes, deserturum, & auxiliis gratiæ suæ privaturum commineatur juxta illud, quod habetur in Apoc. cap. 3. *Scio opera tua: quia neque frigidus es, neque calidus. Utinam frigidus esses, aut calidus! Sed quia tepidus es, & nec frigidus, nec calidus, incipiam te vomere ex ore meo* . . .

V. Sed præsertim acedia adversatur præcepto illi charitatis, quo in Deo delectari debemus, quemadmodum observat S. Thomas

mas dicens. *Illud peccatum ex suo genere est peccatum mortale, quod de se secundum propriam rationem contrariatur caritati. Huiusmodi autem est acedia. Nam proprius effectus caritatis est gaudium de Deo. Acedia autem est tristitia de bono spirituali, in quantum est bonum divinum. Unde secundum suum genus acedia est peccatum mortale. Item jam prædocuerat in Disp. q. XI. de peccatis art. 3. ad 6. nimirum; Quod homo delectatur, non cadit sub præcepto: sed quod delectetur de Deo, hoc cadit sub præcepto; sicut & quod homo Deum diligit; quia delectatio amorem consequitur. Et ad 7. Delectatio, qua provenit ex caritate, cui contrariatur acedia, est de necessitate spiritualis vite, sicut & ipsa caritas: & ideo acedia est peccatum mortale.*

VI. Valde apposite tamen observandum putat hic art. 3. in omnibus peccatis, quæ sunt secundum suum genus mortalia, quod non sunt mortalia, nisi quando suam perfectionem consequuntur. Est enim consummatio peccati in consensu rationis. Loquimur enim nunc de peccato humano, quod in actu humano consistit, ejus principium est ratio. Unde si sit inchoatio peccati in sola sensualitate, & non pertingat usque ad consensum rationis; propter imperfectionem actus est peccatum veniale &c. si tamen pervenitur usque ad consensum rationis, est peccatum mortale. Quare motus accedimus in sola sensualitate quandoque est propter repugnantiam carnis ad spiritum: & tunc est peccatum veniale; quandoque vero pertingit usque ad rationem, que consentit in fugam, & horrorem, & dejectionem boni divini, carne contra spiritum omnino prævalente: & tunc manifestum est, quod acedia est peccatum mortale.

§. II.

De Acedia, prout vitium capitale est.

VII. Acediam vitium esse capitale, communi ratione satis evincitur, quod nempe ex ipsa tamquam ex capite quodam multa peccata oriuntur; sexque præcipua enumerat S. Gregorius Magnus lib. 30. Moral. cap. 17. videlicet malitiam, rancorem, pusillanimitatem, desperationem, torporem circa præcepta, & mentis evagationem circa illicita: quæ paucis explicabimus.

De Malitia prima Acedia filia.

VIII. Malitia nomine venit hic horror, impugnatio, & contemptus bonorum spiritualium, eorumque, qui piis exemplis, adhortationibus, ac doctrinis suis alios convertere, & ad pietatem, vitamque Christianam provocare student. Quod sane peccatum gravissimum est, & character reproborum hominum, qui propterea in Inferno turbantur, ut in libro Sapientiæ legimus, *timore horribili, & reverentiam instructuosam agentes, & præ angustia spiritus gementes. Hi sunt, quos habuimus aliquando in derisum, & in similitudinem improprietatis. Nos insensati vitam illorum aestimabamus insaniam &c.* dumque vitia nostra corrigere, & ad bonam frugem nos revocare satagebant, dictis, & scommatibus subfannabamus cum eis, de quibus Psal. 68. dicitur: *Adversum me loquebantur; qui sedebant in porta; & in me psallebant, qui bibeant vinum.* Sic enim Judæi insultaverunt Christo Domino; & adhuc hodie pravi homines frequenter insultant membris ejus, ut observat S. Augustinus in eum psalmum: dumque pios, & christianam vitam agentes sic insultant, seipsos in malitia sua confirmant, sive in horrore, & contemptu talium hominum, & Christi doctrine.

De Rancore.

IX. Rancor hic non sumitur pro odio, sive odii effectu, sed pro quadam indignatione adversus præsertim Superiores, Pastores, Confessarios, qui acediosos ad spiritualia bona sectanda, viamque meliorem expellendam monitis, increpationibus, & salutari correptione impellere satagunt; sive, ut brevius S. Thomas hic ad 2. rancor est impugnatio, sive indignatio circa homines, qui ad bona spiritualia insulant. Hic quoque lethale peccatum est juxta illud Prov. 29. *Viro, qui corripientem dura cervico contemnit, repentinus ei superveniet interitus*. Et ratio est quia hujusmodi homines facto comprobant, se nolle converti, nec ad profectum vitam spiritualis tendere, sed in vitiis suis, & peccaminoso statu se velle perseverare.

De pusillanimitate.

X. Pusillanimitas vitiosa est virium suarum dissidentia, qua quis officia, & opera difficilia, & ardua ad consilium spectantia, & facultatem suam Dei gratia adjutam non excedentia ex animi parvitate refugit. Peccatum esse probat S. Thomas 2. 2. q. 133. art. 1. tam Evangelii textu Matth. 23. & Luc. 19. ubi *Servus, qui acceptam pecuniam Domini sui sedit in terram, nec operatus est ex ea, propter quendam pusillanimitatis timorem punitur a Domino*; tunc hoc rationis memento: „Omne illud, quod contrariatur naturali inclinationi, est peccatum; quia contrariatur lege nature. Inest autem unicuique rei naturalis inclinatio ad exequendum actionem commensuratum suæ potentie, ut patet in omnibus rebus naturalibus tam animatis, quam inanimatis. Sicut autem per præsumptionem aliquis excedit proportionem suæ potentie, dum nititur ad majora, quam potest, ita pusillanimitas etiam deficit a

Barthol. Theol. Mor. T. II.

proportionem suæ potentie, dum recusat in illa sentire, quod est suæ potentie commensuratum. Et ideo sicut præsumptio est peccatum, ita & pusillanimitas. Et hoc peccatum quidque mortale est, ut habet item S. D. Aur. ad 2. iniquiens: *Potest contingere, quod aliquis ex virtute, quam habet, sit dignus ad aliqua magna facienda, quæ sunt digna magno honore. Et tamen per hoc, quod ipse non attendit suam virtutem, præstat; quandoque quidem venialiter, quandoque autem mortaliter*.

De Desperatione.

XI. Desperatio est vitium, quo quispiam de ultimi finis, sive æternæ salutis suæ consecutione dissidens, omnem salutis curam abjicit. De hac, num de vitiis Spei oppositis, susus agendum erit.

De Torpore.

XII. Torpor est languor animi, quo quis præceptorum, ac obligationum suarum observantiam vel penitus prætermittit, vel eas negligenter, aut oscitanter adimplet. Vitium hoc Sanctus David exprimit, dum Psal. 118. ait: *Dormitavit anima mea pro sadio. Vere enim, ut Cassianus ait lib. 10. de Conv. Instit. cap. 4. ubi omni contemplationis virtutum, & intuitu spiritualium sensuum dormitat anima, quæ perturbatione hujus tela fuerit sauciata*. Mortale peccatum est, si præcepta, quæ graviter obligant, omittat; imo etiam si quis in tanta salutis suæ negligentia vitam agat, ut ea media non adhibeat, quæ secundum statum, ad quem a Deo vocatus est, necessaria sunt. Modus quippe iste vivendi adversatur illi sollicitudini nobis a Deo præceptum, quæ præ ceteris omnibus Regnum Dei studiose quaerere tenemur.

Sed & periculosus saltem est, & dispositio ad sempiternam animæ ruinam torpor ille, quo præcepta quidem implentur, sed

val-

valde perfunctorie, ut in iis adimplendis fin gravior, saltem continuo leviter deficiamus. Hinc Apostolus ad Rom. 12. magnopere commendat, ut simus sollicitudine non pigri, spiritu ferventes, Domino servientes. Nam, ut scribit S. Paulinus Episc. 36. *Picina morti latus est torpor animorum; et tunc dicit inimicus: Prævalui alvettus eum, si et mentis oculos somnus oppresserit.* Et S. Isidorus lib. 2. de summo bono cap. 10. Multos remissa converso in pristinos errores reducit, ac vivendi tepore resolvit. Horum exempla, quisque conversus es, evita: ne, dum timorem Dei a tepore incipis, rursus mundanis erroribus immergaris.

De Mentis evagatione.

XIII. Possrema hæc acedia filia definiti solet inquieti animi motus, quo propter tristitiam, et cadum a spiritualibus, divinisque bonis ad exteriora se transfert, ut illicitas ex eis delectationes percipiat. Acediosos hujusmodi reprehendit Apostolus 2. ad Thessalon. cap. 3. *Si quis non vult operari, non manducet.* Audivimus enim inter vos quosdam ambulare inquiete, nihil operantes, sed curiosa agentes. Iis autem, qui sunt ejusmodi, denunciamus . . . ut cum silentio operantes suum pacem manducent. Ex hac mentis evagatione consequitur instabilitas corporis, qua acediosi uno in loco consistere nequeunt, et varias rationes peragere amant. Consequitur etiam multiloquium, quod in gravia peccata præcipitare solet, detractiones, rixas, discordias &c. Quia enim, inquit S. Gregorius lib. 7. Moral. cap. 17. *humana mens murum silentii non habet, patet inimici jaculis civitas mentis, et cum se per verba extra semetipsam ejicit, apertam se adversario ostendit, quam tanto illo sine labore superat, quanto et hæc eadem, que vincitur, contra semetipsam per multiloquium pugnat.*

CAPUT XV.

CONSECTARIA.

- I. *Acedia nunquam ex vera humilitate provenire potest.*
- II. *Acedia unum ex illis vitiis est, quæ non declinando, sed strenne resistendo superatur.* Egregia animadversio S. Thomas.
- III. *Quo sensu congrue dicitur, acediam opponi præcepto sanctificationis Sabbati, prout moralis est.*
- IV. *Acedia diversimode est in Religionis perfectis, et imperfectis.*
- V. *Peccati mortalis reus est, qui deliberatè fastidit spiritualia, et divina bona, quibus inherere tenetur.*
- VI. *Fastidium de bono spirituali propter laborem, aut molestiam, propriè accepta acedia non est.*
- VII. *Lethale peccatum est negligere propriam salutem, mediæque ad illam consequendam necessaria.*
- VIII. *Peccati ejusdem rei sunt, quicumque proficere negligunt in Christiana, sui quoque status propria perfectione.*
- IX. *Quinam acedia presse dicta rei sunt, qui tristantur de bonis vel celestibus, vel spiritualibus.*
- X. *Peccat mortaliter Religiosus, quem tædet vel de statu, quem amplexus est, vel de votis emissis.*
- XI. *Acedia saltem late sumpta rei sunt, qui diutius conversionem a via mala differunt.*
- XII. *Acedia culpam facile incurrit Ecclesiastici, Religiosi, et Sanctimoniales, divinas laudes languide admodum persolvantes.*
- XIII. *Quinam rancoris crimine se obstringant.*
- XIV. *Quinam in pusillanimitatis peccatum etiam lethale incident.*
- XV. *Immoderatus somnus lethale quandoque peccatum est.*

XVI.

XVI. *Omnia iura, ac defidiofum vitiofum est, ac sepe peccati mortalis occasio.*

XVII. *Quinque rei peccati evagationis mentis merito dicendi sunt.*

Reflexio. 1.

CONJECTARIUM PRIMUM.

I. **A**CCEDIA, prout est quoddam vitium, nunquam provenire potest ex humilitate, qua quis ingemiscit, se solum spiritualium non habere, ut inquit Cassianus lib. 10. cap. 1. Nam, quemadmodum sapienter animadvertit S. Thomas hic q. 35. art. 1. ad 3. ad humilitatem pertinet, ut homo defectus proprios considerans, seipsum non extollet. Sed hoc non pertinet ad humilitatem, sed potius ad ingratitudinem, quod tunc, quæ quis a Deo possidet, contemnit. Et de talis contemptu sequitur accedia. De his enim tribulantur, quæ quasi mala, vel vilia reputamus. Sic ergo necesse est, ut aliquis aliorum bona extollat, quod tamen bona sibi divinitus promissa non contemnat: quia sic ei tristitia redderentur. Ponderanda hæc doctrina est, ne falsam humilitatem, ut fieri a quibusdam solet, quandoque sumamus pro accedie motivo.

CONJECTARIUM SECUNDUM.

II. Juxta laudati Cassiani monitum eodem lib. 10. cap. ult. *experientia probaturum est, accedia impugnatiorem non declinanda fugiendam, sed resistendo superandam*: cui verissimo monito egregiam hanc animadversionem appingit S. Thomas eodem art. ad 3. *Impugnatio, inquit, peccati quantum loquor est vincenda fugiendo, quantum loquor resistenda. Fugiendo, qui loquitur, quando contentus cogitatio aucter peccati incentivum, sicut est in luxuria. Unde dicitur 1. ad Corinth. 6. Fugite fornicationem. Resistendo autem, quando cogitatio perseverans tollit incentivum peccati, quod provenit ex aliqua levi appre-*

hensione. Et hoc contingit in accedia: quia quanto magis cogitamus de bonis spiritualibus, tanto magis nobis placentia redduntur: ex quo cessat accedia.

CONJECTARIUM TERTIUM.

III. Non immerito asseritur, accediam præter oppositionem, quam habet cum præcepto divini & charitatis, opponi etiam sanctificatione sabbati, quatenus præceptum morale est. Ilique docet etiam Angelicus Doctor art. 3. ad 1. dicens: *Accedia contrariatur præcepto de sanctificatione sabbati, in quo, secundum quod est præceptum morale, præcipitur quies moris ipsi. Deo: qui etiam contrariatur tristitia de loco dilecto.*

CONJECTARIUM QUARTUM.

IV. Rite observat eodem loco Cassianus, *Accediam esse solitariis magis expertam, et in eremo commorantibus infestorem hostem, ac frequentioram, sicut etiam aliis Religiosis, immo, et viris perfectis.* Sed tamen ait S. Thomas ad 3. *In viris sanctis inveniuntur quidem aliqui imperfecti motus accedie, qui tamen non pertingunt usque ad consensum rationis, quia his viriliter obstant: quod non contingit in Religiosis tepidis, & imperfectis, qui sepe se accedia, sive tristitia de bonis spiritualibus obui sinunt: & quæ spiritu caperint, non Apostoli verbis utas, carne consummantur.*

CONJECTARIUM QUINTUM.

V. Qui bona deliberatione falsidit, & aversatur spiritualia, ac divina bona, quibus inhærere tenetur, vel ex præcepto naturali, vel ex officio, aut proprii status conditione: lethalis peccati reus est, posita matetie gravitate: secus veniale. Ita ex doctrina jam producta S. Thomæ: quia motus accedie, qui pertingit usque ad rationis consensum in fugam, & horrorem divini boni, est ex genere suo lethale peccatum.

catum; quod solum propter imperfectionem actus, si nempe in sola sensualitate consistat, veniale est.

CONJECTARIUM SEXTUM.

VI. Acedia proprie accepta dicenda non est, si quis fastidiat spirituale bonum, quantum laboriosum est, aut corpori molestum; sed potius carnalium vitiorum comes: adeoque, si propter molestiam, aut laborem vitandum quis omittat præceptum, ad quod implendum obstringitur, peccat quidem, sed non speciali acedia peccato, specialiterque in Confessione explicando. Unde sufficit, quod accuset se de præcepto, vel quod omisit, vel quod violavit ob laborem, aut molestiam corporis, quam in eo servando patiebatur. Ita pariter ex illa S. Thomæ doctrina: *Similiter non potest dici, quod sit speciale vitium acedia, in quantum refugit spirituale bonum, prout est laboriosum, aut molestum corpori, aut delationis ejus impeditivum &c.*

CONJECTARIUM SEPTIMUM.

VII. Lethale peccatum est, tamen si non semper speciale acedia peccatum, negligere propriam salutem, mediaque a Christo instituta tamquam ad illum assequendam necessaria, sicut etiam divina mandata, aut officia cujusque proptia. Ejusmodi quippe negligentia legi naturalis, ac divini in materia gravi adversatur. Quam legem satis luculenter expressit S. Petrus Epist. 2. cap. 1. *Sotagite, ut per bona opera certam vestram vocationem, et electionem faciatis. Hac enim facientes non peccabitis aliquando. Sic enim abundanter ministrabitur vobis introitus in æternum regnum Domini nostri, et Salvatoris Jesu Christi.*

CONJECTARIUM OCTAVUM.

VIII. Ejusdem peccati rei sunt, quicumque proficere contemnuunt in Christiana,

suique status perfectione, sive secularis sit, sive Ecclesiasticus, sive Religiosus. Stipulam ex admonitione Christi satis expressa in Parabola talentorum, tenetis unumquodque talentum sibi a Deo creditum augere, ac venienti Domino cum sanctorum representare; & juxta illud Joannis in Apocalypsi cap. 11. dare operam quicque debet, ut qui iustus est, iustificetur adhuc, et sanctus sanctificetur adhuc. Quod & de semetipso testabatur Apostolus Paulus ad Philip. 3. dicens: *Ego me non arbitror comprehensisse. Unum autem, quæ quidam retro sunt, obliviscens; ad ea vero, quæ sunt priora, intendens meipsum, ad destinatum persequor. ad bravium supernæ vocationis Dei in Christo Jesu.* In quem locum S. Augustinus serm. 169. de Verb. Apost. sic ait. *Videtis, fratres, quia viatores sumus. Dicitis: quid est ambulare? (prout præceperat Apostolus) Breviter dico: proficere; ne forte non intelligatis, et pigrius ambuletis. Proba te ipsum tu ipse. Semper tibi displiceat, quod es, si vis pervenire ad id, quod bonum est. Nam ubi tibi placuisti, ibi remanisti: Si ceterum dixeris: sufficit, et peristi. Semper adde, semper ambula, semper profice. Noli in via remanere: noli retro regredi: noli deviare.* Sed neque prætereunda est palestra ejusdem loci commentatio S. Bernardi epist. 264. ad Quar. „Nunquam (inquit) iustitiam arbitratur se comprehensisse. Nunquam, dicit: satis est; sed semper esurit, sitit, que iustitiam, ut si semper viveret, semper, quantum in se est, iustior: esse con- tenderet, semper de bono in melius, proficere totis viribus conaretur. Non enim ad annum, sive ad tempus, sicut mercenarii, sed in æternum divino se mancipat famulari. Itaque indefessum proficiendi studium, & jugis conatus ad perfectionem, perfectio reputatur. Quod si audere perfectioni, esse perfectum est; profectio nolle proficere,

q de-

desicere est. Ubi ergo sunt, qui dicere
solum: *sufficit nobis; nolamus esse melio-*
res, quam patres nostri? Non vis pro-
tere? non. Vis ergo desicere? nequa-
quam? Quid ergo? Sic, inquit, vivere
volo, & manere, in quo perveni: nec
melior fieri patior, nec pejor cupio.
Hoc ergo vis, quod esse non potest. Quid
enim fiat in hoc seculo? Et certe de
homine specialiter dictum est: *Fugis vel*
ut umbra, & nunquam in eodem statu
permanet. *Quid? Et quid prodest Chri-*
stus sequi, si non contingat consequi?
Ideo Paulus agebat: *Sic currite, ut com-*
prehendatis. Ibi tu, Christiane, fuge sui
cursus, profectusque meam, ubi Chri-
stus posuit suam. *Passus est, inquit,*
obediens usque ad mortem. Quantumlibet
ergo cucurreris, si usque ad mortem non
perveneris, brevium non apprehenderit
fec.

CONSECRATIONUM NOMINA.

IX. Acedia proprie dicta, atque adeo
peccati mortalis reus est, qui ita alienus
est ab amore celestis Patris, & Patrie, ut
cum audit, vel cogitat, filii & Dei esse
propositum, ut sit civis *Sanctorum;* & do-
mesticus Dei, de hoc tristatur, quemad-
modum Cajetanus testatur in Summa, verbo
Acedia. Idemque iudicium ferendum est de
eo, quam tædet de quovis spiritali bono
ad divinam amicitiam, & beatitudinem ipsi
necessario. Si quis autem in particulati
tristetur de jejuniis, de oratione, de se-
storum observantia &c., peccat quidem,
qua tristatur de bono virtutis; sed illud non
est peccatum *acedia* speciale: quia huius-
modi tristitia pertinet ad vitium illi virtu-
ti oppositum, de cuius bono tristitia est.

CONSECRATIONUM DECIMUM.

X. Peccat mortaliter Religiosus, qui tri-
stiam concipit, ac nutrit de statu, quem

impletus est, aut de tribus Religionis vo-
ris, quibus se obtinuit: quoties hæc tri-
stia conjunctam habeat voluntatem non
adimplendi ea, ad quam sub gravi culpa
obligatus est. Si vero talem voluntatem ne-
quiquam habeat, paratam ea servare, ad
quam teneatur, quavis non obstante difficul-
tate; non videtur ea tristitia peccatum esse
mortale. Grava tamen peccatum veniale
esse solet, si illi non resistat, sed foveat;
& ingens periculum secum affert labendi
in mortale.

CONSECRATIONUM UNDECIMUM.

XI. Acedia ejusdem, licet late sumpta,
peccato obtinguntur, quicumque a
via prava ad rectam diu conversionem dif-
ferunt, multoque amplius si illam protra-
hant ad usque senectutem, aut mortem.
Hoc graviter monet Spiritus Sanctus Ecclesia
5. *Non tardes converti ad Dominum, & ne*
differas de die in diem. Subito enim veniet
ira illius, & in tempore vindictæ disperdet
te. Et Proverb. 1. minas horribiles intencas
quoniam, qui in conversionem suam differ-
runt, dicens: *Quia vocavi: & remisisti;*
extendi manum meam; & non fuit; qui aspi-
ciebat. Desperavisti omne consilium meum;
& increpationes meas neglexisti; ego quoque
in interitu vestro ridebo, & subannate, cum
vobis id, quod timebatis, advenit; & cum
irruerit repentina calamitas, & interitus,
quasi tempestas, ingruerit; quando venerit
super vos tribulatio, & angustia. Quapropter
Christus Dominus Joas. 2. Judais, in
eorumque persona omnibus conversionem
suum differentibus ait: *Ego vado; & quem*
retinueris me, & in petra petra moriamini.
Hinc S. Bernardus serm. 35. in Cantic. scri-
bit, tres esse causas, quæ interim occu-
runt, & querentes frustrari solent; Cum
videlicet aut non tempore querunt, aut
non sicut oportet, aut non ubi oportet.
Si enim omne tempus aptum est ad qua-

rendum, kug dicit Propterea: *Quarto*
Dominum, dum inveniri potest & Erit abs-
que dubio, cum inveniri non poterit:
& ideo addit, ut innoceatur, dum prope-
est; quia futurum est jam non prope fu-
turum. Nunc, tempus acceptabile,
nunc dies salutis sunt; tempus plane &
querendi, & invocandi, quando plerum-
que, & ainequam invocetur, adesse sen-
titur &c.

CONJECTARIUM DECIMUM.

XII. Acediosi dicendi sunt, adeoque pec-
 catorum plurimorum, quibus nonnunquam
 ad lethalem culpam perveniunt, & cele-
 dunt Ecclesiastici, Religiosi, ac Sanctimo-
 niales cum triditia, & languore divinas
 laudes persolventes, & ad officia divina,
 quae ad spirituales vias Magistris, Opus Dei
 merito appellantur, negligenter se confe-
 rentes, quae cum fervore, & alacritate
 frequentanda sunt, & persolvenda; ac
 propterea divinam in se maledictionem ac-
 cessunt juxta illud: *Maledictus vir qui facit*
opus Dei fraudulentè, sive negligenter. His
 proinde inculcanda maxime est admonitio
 illa S. Bernardi firmo. 47. in Cantu Mosco,
dilectissimi, pax semper, ac sedula devotio
interesse debet. Stronno quidem ut, sicut
reverenter, ita & affectu Domino assistan-
tis; non pigri, non somnolenti, non oscitan-
tes; non parcetes variis, non praedones;
verba dimidia, non integra transientes, non
fracti, & remissa verbis, mulabre quidam
balda de nave sonantes, sed virili, ut dicuntur
est, & sonitu, & affectu voces Sancti Spiritus
deponentes.

CONJECTARIUM DECIMUMQUARTUM.

XIII. Rancor, qui paucos acediosos, ad
 culpam lethalem perducit quos homines
 praesertim subditi Superioribus quos ipse
 corripiant, indignatur; eosque propter a-
 ctio profectum, quod illos ad meliora

compellant. Id satis coquat ex Scriptura
 verbis Proverb. cap. 29. *Viro, qui corripi-*
entem dura cervice contemnit, repentinus ei
superveniet interitus; & cum sanitas non se-
quitur. Et Luc. 10. ubi Christus ait: *Qui*
vos audit, me audit per, qui vos spernit, me
spernit; qui autem me spernit, spernit eum;
qui misit me. Quare graviter peccant tum
 Laici, qui: Parochis, tum Clerici, qui
 Episcopis, aut Vicariis eorum vitia corri-
 pientibus, tum Religiosis suis Superioribus
 Monasticam disciplinam instaurare volenti-
 bus, succensent, & Hosque propter hoc ex-
 osos habent.

CONJECTARIUM DECIMUMQUARTUM.

XIV. Pusillanimitas, quae inter alia
 acedie numeratur, peccatum & quidem le-
 thale laetur, qui rebus arduis, & ad sa-
 lutem necessarii peragenda ceteroquin
 idoneus, ex sola animi parvitate ab his se
 subducit; aut ministeria, ac officia sibi
 praepropter Superioris imposita pertinaciter
 respuit. Id colligitur ex doctrina S. Tho-
 mae tractatu 2. 2. q. 133. art. 1. ubi inter
 alia profert auctoritatem Christi apud Mat-
 theum 6. & Lucam de servo, qui accep-
 tam pecuniam Domini sui solvit, in sextarium
 nec est operatus nisi propter liquendam pusil-
 lanimitatis timorem & ob hoc se se in se-
 nobis exterioribus aut Sancti Gregorii Ma-
 gni in Pastoral. dicens, quod illi; qui
 prodesti utilitati proximorum in predicatione
 refugiant, si d. stricti judicantur, ex tantis
 rebus, quantis volentes ad publicum pro-
 fectum potuerunt. Hinc ad obiectum sibi Moy-
 sis, & Jeremie exemplum, qui, dum es-
 sent digni officio, ad quod assumebantur a
 Deo, uterque tamen eorum humiliter re-
 cusabat; respondet ad 4. quod Moyses, &
 Jeremias digni erant officio, ad quod divini-
 tus eligebantur ex divina gratia; sed ipsi con-
 siderantes propria infirmitatis insufficiency
 recusabant; non tamen pertinaciter, ne in su-
 perbiam laberentur.

Ho-

Horum Sanctorum exemplum imitari debet, qui ad aliquod munus Ecclesiasticum assumitur, cui pares sunt ejus vires. Potest enim illud ex humilitate recusare; sed si præceptum Superioris accedat, persuasiter obsequere minime debet, sed munus injunctum suscipere Divino fretus auxilio; quod tunc ipsi minime desertum confidere jure potest. Unde S. Gregorius in *Past.* de Moyse assumpto ad munus regendi universum populum Israel, ait: *Superbus fortasse esset, si ducatum plebis innumera sine trepidatione susceperet; et rursus superbus existeret, si Autoris imperio obedire recusaret.*

CONSECTARIUM DECIMUMQUINTUM.

XV. Immoderatus somnus, qui unus est ex acediosi hominis characteribus, de se quidem nonnisi leve peccatum est; quoties nempe nimium somno indulgetur præter leges necessitatis, quæ par in omnibus non invenitur. Ad temperantiam namque pertinet moderari somnum, prout cuique expedit ad quietem a labore, qua indigemus. Gravius autem peccatum est hæc immoderatio in Ecclesiasticis, & Religiosis vitis; quæ impedit, ne orationi, aut studio vacent: in Magistratibus, & iis, qui Republicam administrant; aliisque, quibus incumbit cura negotiorum vel ad se, vel ad proximum pertinentium. Quandoque etiam lethale peccatum est, cum ex nimio, & immoderato somno directe vel indirecte impeditur aliquis ab executione præcepti; ut si quis diebus festis somno indulgere malit, quam Sacro audiendo interesse; vel noctem integram in ludis, ac choreis consumere; & mane in lecto se collocans a somno ante meridiem non exciteretur. Ideoque iudicium sit de aliis præceptis vel naturalibus, vel Ecclesiasticis, quorum executionem immoderatus somnus impediret.

CONSECTARIUM DECIMUMSEXTUM.

XVI. Otium iners, ac desidiosum, quod ex acedia progigni solet, peccatum est, & sæpe peccati lethalis occasio. Peccatum esse liquet ex eo, quod adversus ordinem nature est, quod homo tempus consumat in rebus otiosis, & inutilibus, quod in seculis, & gravibus impendere deberet. Occasionem vero plurimum peccatorum nedium venialium, verum etiam mortalium Sacre Litteræ, Ecclesiæ Patres, & spiritualis vitæ Magistri unanimiter esse docent; unde & ab eo fugiendo summo opere nos hortantur. Ecclesiast. cap. 57. dicitur: *Multa malitia duxit otiositas.* Et Ecce. 16. de Sodoma: *Hæc fuit iniquitas Sodome superbia, sedituritas panis, abundantia, & otium ipsius.* S. Bernardus Tract. de gradibus Humilitatis rap. 10. animadvertit, otiositate mentis primos parentes in peccatum præcipites egisse, verba ad Evam ita convertens: *Tu quoque, o Eva, in paradiso posita es, ut cum viro opereris, & custodias illam; si injunctum perfeceris, quandoque transitura ad melius, ubi nec opus sit te in aliquo opere occupari, nec de custodia sollicitari...* Nisi mens mient se curiose servaret, tua curiositas tempus vacuum haberet. Et si cui pa non est, culpa tamen occasio est, & indicium commissa, & causa est committende. To enim intenti ad aliud, latenter interim in cor tuum serpens illabitur, blando alloquitur; blanditiis rationem, mendacis timorem compefcit &c.

Quare S. Augustinus, sive Auctor sermonum ad Fratres in Ermo serm. 17. ait: *Quid otiose agere poteris, nisi opera carnis? Nunquam quæ civis salorum eris, si otiositatem amaveris.* Hoc documentum sequitur S. Carolus Borromeus in litteræ. Confess. nimiam otiositatem numerat inrer proximos peccati mortalis occasiones, in quibus positus homo Sacramentali absolutione donari nequaquam debet, donec illas omnino deseruerit.

CON-

CONJECTARUM DECIMUMSEPTIMUM.

XVII. Hinc. rei peccati evagationis mentis circa illicita, quam postremam dicimus esse accedens filiam, existimandi sunt inquieti illi, & curiosi homines, quibus nihil negotii est, nihil pensi, nisi ut audiant, vel referant aliquid novi; nisi ut in res, & actiones alienas inquirant, & nullis occupati negotiis, aliis negotia facessunt, & familias, aut republicam inquieti antiqui defultoria levitate perturbant. Huius Apostolus Paulus 2. ad Thimoth. cap. 3. delineat, & acerrime reprehendit dicens: *Siquis non vult sperari, nec manducet. Audivimus enim inter vos quosdam ambulare inquieti, nihil operantes, sed curiose agentes. Iis autem, qui ejusmodi sunt, denunciamus, & obsecramus in Domino Jesu Christo, ut cum silentio operantes suum panem manducent.* In hoc peccato maxime versantur Clerici, & Monachi otiosi, inquieti, gyrovagi, qui huc illuc discurrere amant; qui, ut Athenienses, quos memorat idem Apostolus, ad nihil aliud vacant, nisi dicere, aut audire aliquid novi; qui Superioribus inobedientes sunt, aequalibus infesti; inferioribus intolerabiles, sibi metipsis graves; quibus nec oratio sapit, nec studium, sed iners otium placeat. Hujusce etiam peccati reus sunt tum Moniales in Cœnobis laxioribus degentes, tum maxime mulieres seculares; quæ, ut scribit Apostolus 1. ad Timoth. 5. *Otiosa discunt circuire domos: non solum autem otiosæ, sed & verbosæ, & curiosæ, loquentes, quæ non oportet.* His quoque describit Salomon Proverb. 7. de muliere meretricis loquens; quæ, ut ait, *garrula, & vaga, quævis impatienti nec valens in domo consistere pedibus suis, nunc foris, nunc in plateis, nunc juxta angulos insidiatur.*

Ex hac mentis evagatione plura alia peccata proficisci solent, nempe gravia, & lethalia. Ut enim advincit S. Gregorius Magnus lib. 7. Moral. c. 17. *Quibuldam ruinæ*

*sue gradibus desidiola mens in fores lapsus impellitur. Nam dum otiosa verba cavere negligimus, ad noxia pervenimus; ut prius loqui aliena libea; & postmodum detractionibus eorum vitam, de quibus loquitur, lingua mordeat; quandoque autem usque ad apertas contumelias erum- par. Hinc iterum seminantur simuli, oriuntur rixæ, accenduntur facces odiorum, pax tota extinguitur eorumque &c. Quod autem multiloquio quisque serviens rectitudinem judicii tenere non possit, testatur Propheta, qui ait: *Vir linguosus non dirigetur in terra.* Hinc Salomon ait: *In multiloquio non deerit peccatum &c.* Hinc Jacobus dicit: *Siquis putat se religiosum esse, non refrænet linguam suam, deus vana est religio &c.**

REFLEXIO.

Nullus accediosus, & languidus in via Dei, eternæque salutis suæ summo terrore affici non deberet, totisque artibus contemiscere, dum audit formidabilem illam sententiam ex ore Jesu Christi in Apocalypsi prolatam, quam Evangelistæ Joanni scribendam præcepit Episcopo Ecclesiæ Laodiciæ, omnibusque in ejus persona fidelibus: *Hæc dicit testis fidelis, & verus. Scio opera tua, quia neque frigidus es, neque calidus. Utinam frigidus esses, aut calidus! Sed quia tepidus es, & nec frigidus, nec calidus, incipiam te vomere ex ore meo.* Satis quippe ex ipsiusmet terribilis sententiæ verbis manifestum est, quid Christi significandum voluerit: nimirum, ut præclare adnotat in hunc locum Richardus a S. Victore, Episcopus ille tepidus, & eximias solum sibi sufficere si lem, non animam invertens necessarium esse charitatem, & charitatis (sermone) actionem; in sola consensu fidei cognitione, & Sacramentorum perceptione; meliusque illi fuisset infidelitate per- mansisse, quam accepta fide tepidus: vi-

verè,

vere, nec opera fidei excutere; non quod esset hoc malum, sed quia minus esset malum, & fortius ad fidem aliquando conversus citius, ac levius ad veram iustitiam confurgeret, quam nunquam diu in sola fide per tepore resolutus, & inutilem securi tem deceptus acciperet, namque consideret, ac superbiret. Dicit ergo: *Utinam frigidus esses, aut calidus!* quasi diceret: Utinam in fide talis esses, qualis esse deberes; quia tunc vere iustus esses: vel saltem adhuc in infidelitate potius esses; quia & propter ignorantiam minus peccatum haberes, & gratia quandoque conversionis accepta, citius ad veram iustitiam pertingere posses. Quod autem malum ipsius teporem sequatur, adjungit dicens: *sed quia tepidus es, & nec frigidus, nec calidus, incipiam te vomere ex ore meo.* Notandum, quod non dixit: *evomam*; sed *incipiam vomere*; quia, qui per teporem resolvitur, non subito, nec ex toto a gratia deserit, ut raptim ad malum relabatur; sed gratia deferente, & ipso primum minima, deinde majora contemnite, paulatim succiditur, & gradatim a summis ad ima descendit, & tandem precipitanter ad ima ruit: & pulchre ad similitudinem ibi dixit: *Incipiam te vomere ex ore meo*; quia electi quique quasi cibus in stomacho per naturalem calorem decocti, per dilectionem membra Christi sunt per veram justificationem; & tepidi sive dilectione erudi evomuntur per reprobationem¹⁴.

Que autem pœne per hunc vomitum indigantur, enucleatius expono, ut majorem fœne hujusce tepiditatis timorem, & horrorem incutiam. Vomitus metaphora, qua Dominus utitur, proxime quidem referenda non est ad damnationem sempiternam, hæc enim non tepidis duntaxat, sed peccatoribus omnibus a Deo intentatur; sed ea representatur detestatio ipsius Dei iz-

Fatuus Theol. Mor. T. II.

reconciliabilis. Tunc vero acediosus, ac tepidus aptissime dicitur a Christo *evomi*, cum in iuratur in peccato, & quolammodo projicitur extra curam Providentiæ divine. Hujus autem condemnationis particula, quæ propter venialem etiam teporem merito rimari debet, importat privationem illorum auxiliorum, quæ non conceduntur iustis omnibus, sed iis tantummodo, quos Deus majori favore prosequitur. Quam grave porro periculum inde imminet labendi in peccata lethalia, ac tandem in animi obdurationem, id spirituum virorum considerationi relinquendum puro. Addo tamen, condemnationem hanc sic expositam teporem respicere, ac per eam doceri fideles, esse ipsissimam viam ad obdurationem in peccato. Quia sententia nihil aptius ad tepidos deterrendos propositi potuit, utpote qui putant, se valde alienos esse ab hac obduratione, & valde eam detestari.

Hujusce textus allata expositio eo magis tamquam vera existimanda est, quod consona sit iis, quæ in Evangelio leguntur. Quo enim illa collineant, nisi ut probent, tepidos, & acediosos in salutis negotio a Deo tandem deferi, & desertos ob gratiæ, & misericordiæ subtractionem obdurari in malo, atque adeo sempiterna maledictione puniri? Enimvero, quod tepidis, & focoribus auferantur dona, & auxilia celestia, liquet quam maxime ex Parabola jam commemorata de servo inutili, qui talento sibi a Domino tradito propter suam inertiam privatus est; datoque alteri servo strenuo, ac diligenti. *Omni enim habenti dabitur, & abundabit: ei autem, qui non habet, & quod habet (seu quod videtur habere, ut explicat S. Hieronymus), auferetur ab eo.* Uique adeo verum est, occulto Dei iudicio semper iusto tepidos celestibus donis destitui, quippe quæ ea veluti in terra desossa criminioso sue salutis sœdicio, nihil sibi profutura detineant. *Omni igitur habenti dabitur, &*

N n n

abus-

abundabit; homines scilicet bene divinis auxiliis, & beneficiis usos, atque adeo in obsequio, & servitio divino strenue laborantes Deus in dies uberiore gratia, & beneficentia ditabit: contra vero suis talentis, quotquot habuerunt, aut habere visi sunt, privabit eos, qui jam habitis bene usi non fuerint.

Deum ita se gerere erga segnes, & acediosos illos cum bonis divinis exuendo, tum etiam horrenda maledictione pleſtendo, ita ut nullum unquam fructum a charitatis radice prodeuntem, ac perseverantem afferant, satis quoque superque probas Parabola de ſculnea ab ipſo Chriſto æterna ſterilitate damnata. Chriſtus videlicet eſuriens ad arborem acceſſit, quaſiuit in ea fructum, & non inveniens arbori ſterilitatem æternam imprecatus eſt dicens: *Nunquam ex te fructus naſcatur in æternum; & conſeſſum arefactus eſt ſculnea*. Huiusmodi maledictio nemini alieno tempore in inſontem ſculneam impreſſa videatur. Non enim Chriſtus vel ex inedia impatientia, vel ex impotenti iracundia maledixit; ſed eo facto grande mysterium Chriſtianis hominibus adverſus acediam maxime proſuturum declarare voluit. Nam, ut a Sanctis Patribus Hilario, Chryſoſtomo, Hieronymo obſervatum eſt, ſculnea Synagogam adumbravit. Ad Synagogam Chriſtus de cælo deſapſus eſt dilecti populi ſalutem eſuriens; illam ipſam Synagogam aſpexit velut arborem patulis ramis diſſuſam, quæ luxuriantem quidem, lætæque frondium æternitate viſceret, & nullo gauderet fructu, quo ſuam eſuriem, inediumque recrearet: ideoque illi poenam perpetuum ſterilitatis irrogavit. Judæi nimirum ſibi plauderant magnificis, & inanibus legis Moſaicæ verbis, paſſim prædicabant Templum, legales cæremonias, traditiones antiquas, quibus præ cæterarum gentium multitudine cælitus donati fuerant, cum interim nuda Religionis ſpecie contenti, nullos bonorum

operum fructus ederent, atque ita ipſi Deo nauſeam ingererent, & in ſe implacabilem ejus iracundiam concitarent. Unde damnatus eſt contumax ille populus maledictione, & ariditate; ſcilicet dereliſtus a Deo fuit, & reprobatus, ut inſtar arboris arefactæ ſterileſceret, nec ullum ſolidæ juſtitie fructum proferret.

Hæc maledictio, qua percuſſus eſt Hebræus populus, ut præclare obſervat Origenes *trakt. 17. in Matth.* neque cadit in tepidos illos Chriſtianos qui ſatis habent proferre virtutum folia, iſteſt extrinſecus quidem Chriſti fidem profiteri, & etiam aliqua exterioris pietatis, ac religionis opera peragere; cum tamen nullos edant ſolidiorum virtutum, & veræ Chriſtianæ pietatis fructus. Quare cum Deus tam terribili maledictione, & gratiæ ſuæ ſubtractione pleſtat acediosos, quid niſi omnimoda bonorum cæleſtium egeſtas illis pertimeſcenda eſt? Hanc iſſlem egeſtatem, atque penuriam ubique comminantur, ac prænunciant Sacre Litteræ. Unde *Proverb. 10.* dicitur: *Egeſtatem operata eſt manus remiſſa: manus autem fortium divitias parat*. Et cap. 20. *Noli diligere ſomnum, ne te egeſtas opprimat; aperi oculos tuos &c.* Et cap. 21. *Cogitationes robuſti ſemper in abundantia*. Omnis autem piger ſemper in egeſtate eſt. Et cap. 28. *Qui operatur terram ſuam, ſatiabitur panibus: Qui autem ſedatur otium, replebitur egeſtate*. Quid ergo expeſtare ſibi poſſunt inertes, ac tepidi, præter egeſtatem cæleſtium bonorum, quæ per acediam ſatidii & negligunt; ac poſtmodum æterna ſupplicia, quibus in futura vita ſunt afficiendi? Timere, ac formidare debent exemplum præſati ſervi inuiliſ, quem Judex inexorabilis duplici poena mulctavit; egeſtate nimirum, verbis illis ſignificata: *Tolite ab eo talentum &c.* & ſupplicio ſempiterno ſequentibus expreſſo: *Inutilem ſervum ejicite in tenebras exteriores; ibi erit fletus, & ſtridor dentium*.

Ex

Ex quibus omnibus equis non colligat, quæna sibi cura evitandum sit ab hoc tam periculoso vitio: juratūque stulti impendere debeat, ut, si forte in illud jam inciderit, illud a se statim omnino abigat, ac remedia necessaria adhibeat, quibus a miserrimo statu, in quo jacet, emergat? Porro remedia, quæ ad verum acediam suggerunt Sancti Patres, ac vitæ spiritualis Magistri, sunt hæc potissimum. Primum ex S. Thoma eruitur 1. 2. *quest. 35. art. 1. ad 4.* nempe frequens cogitatio bonorum spiritualium, piorumque librorum assidua lectio: Quia quanto magis cogitamus de nobis placentia reduntur; ex quo cessat acedia. Precipue vero efficax est meditatio vitæ, & mortis Christi, ac lectio actionum Sanctorum, quibus ad eorum imitationem, & ad vitæ fervorem accendimur.

Alterum est continua Dei præsentia in operibus nostris. Si enim attente consideremus, Deum esse inspectorem, ac Judicem omnium, quæ agimus fieri non poreit, ut, socordia, & languore penitus abjecto, ea diligenter, ac ferventer non operemur. Ut enim ait S. Bernardus *serm. 2. in Psal.* Qui habitat: *Quomodo poterit negligens fieri, qui intus se Deum nunquam desinit intueri?*

Tertium remedium est jugis memoria Novissimorum; mortis scilicet, tremendi Judicii Dei, Inferni, & sempiternæ Beatitudinis. Cogitemus ea Christi Domini monita apud S. Joannem: *Venit hora, quando nemo potest operari. Ambulate, dum lucem habetis, ut non vos tenebra comprehendant.* Cogitemus illud Apostoli ad Galat. 6. *Quæ seminauerit homo, hæc & metet: quoniam qui seminat in carne sua, & metet corruptionem: qui autem seminat in spiritu, de spiritu metet vitam æternam. Bonum autem facientes, non deficiamus: tempore enim suo metemus non de-*

scitantes. Ergo dum tempus habemus, operemur bonum. Cogitemus, quod ex hac hac incertissima vita, tempus bene operandi non erit amplius: quod ad inferos damnati frustra tempus requirunt, quibus ob abutū temporis hic concessi sola supererit exilii a Dei Regno, ac pœnarum æternitas. Cogitemus tandem, ac sæpe sæpius melitemur, quod non sunt condignæ passiones hujus temporis ad futuram gloriam, quæ revelabitur in nobis; & quod in presenti est momentaneum, & leve tribulationis nostræ, supra modum in sublimitate æternæ gloriæ pondus operatur in nobis, non contemplantibus nobis, quæ videntur, sed quæ non videntur.

Postremum, præter alia, quæ afferri possent, remedium est oratio, quæ Deum continuo deprecemur, ut in nobis suggestat fidei, spei, & caritatis augmentum; & ut mereamur sanctis operibus, ac studiosa mandatorum observantia assequi, quod promittit, faciat nos amare, quod præcipit, quemadmodum orat nomine Fidelium Sancta Mater Ecclesia; faciat, quod scilicet impleamus illud, quod iussit apud Marc. cap. 13. *Videte, vigilate, & orate;* quod & sæpe inculcat apud alios Evangelistæ. Videamus igitur, & perperim meditemur tum quod Deus promittit, tum quod comminatus est. *Vigilemus*, ut Diaboli insidias evitemus; nec mundus, & caro a via veritatis nos abducant, sed in mandatis Dei semper ambulemus. *Oremus*, ut hæc strenue periciamus. *Ignis sancte*, dicam, & concludam cum Angustino, *qui semper ardes, & nunquam extingueris*, accende me, ut toto corde, toto spiritu viam curram mandatorum tuorum; teque semper ardentem diligendo ea demum merear assequi bona, quæ preparasti diligentibus te.

APPENDIX

De quibusdam Peccatorum generibus.

C A P U T I.

De Peccatis in Spiritum Sanctum.

D O C T R I N A.

- I. Gravitas peccati in Spiritum Sanctum.
- II. Notio ejusdem juxta Ecclesie Patres, & D. Thomam, ex quo ejus definitio colligitur.
- III. Divisio peccatorum in Spiritum Sanctum a S. Thoma illustrata.
- IV. De primo peccato in Spiritum Sanctum; scilicet presumptione de divina misericordia.
- V. De altero peccato in Spiritum Sanctum; nimirum desperatione.
- VI. De tertio peccato in Spiritum Sanctum; nempe impugnatione agnitæ veritatis.
- VII. De fraternæ gratiæ invidentiâ, quanto in Spiritum Sanctum peccato.
- VIII. De impoenitentia, quinto peccato in Spiritum Sanctum. Quid propriis his eo nomine veniat.
- IX. De postremo peccato in Spiritum Sanctum; videlicet obstinatione.

§. I.

Peccati in Spiritum Sanctum gravitas, ac notio apud Sanctos Patres. Quid sentiat D. Thomas.

- I. GRAVISSIMA esse peccata, quæ dicuntur in Spiritum Sanctum, quia in dubium vertat, cum & eorum naturam considerat, & locutiones, quæ de ipsis habentur in Sacris Scripturis; easque præsertim, quæ

dictæ leguntur a Christo Domino tum apud Matth. cap. 12. ? nimirum: *Dico vobis; omne peccatum, & blasphemia remittetur hominibus; Spiritus autem blasphemia non remittetur. Et quicumque dixerit verbum contra Filium hominis, remittetur ei; qui autem dixerit contra Spiritum Sanctum, non remittetur ei neque in hoc seculo, neque in futuro.* Tum apud Marc. cap. 3. *Amen dico vobis, quoniam omnia dimittentur filiis hominum peccata, & blasphemia, quibus blasphemaverit. Qui autem blasphemaverit in Spiritum Sanctum, non habet remissionem in æternum: sed reus erit æterni delicti.*

II. Non eadem est peccati in Spiritum Sanctum apud Ecclesiæ Patres notio, & expositio. Quidam enim intellexerunt blasphemiam proprie dictam, quæ quis opera divinæ bonitatis blasphemat, sicuti Pharisei, qui divina opera Christi, & miracula, quæ patrabat, Principi Demoniorum tribuebant, ac propterea dixerunt, hanc blasphemiam esse peccatum in Spiritum Sanctum, quia divina bonitatis opera peculiati quadam ratione Spiritui Sancto attribuuntur. Atque ita intelliguntur Athanasius, Hilarius, Chrysostomus, Hieronymus, & Ambrosius. Alii peccatum in Spiritum Sanctum existimant, ut S. Augustinus, impoenitentiam usque ad finem vitæ; eo quod istud duntaxat nunquam remittatur, cum cetera quæcumque peccata poenitentibus condonantur. Alii peccatum in Spiritum Sanctum dixerunt illud, quod ex certa malitia committitur; hoc est ex ipsa electione mali.

Tres hæc sententias refert Doctor Angelicus.

gelicus 2. 2. q. 14. art. 1. Et quanvis nullam ipsarum improbet, in tertiam tamen concedit, quam ita explicandam, & intelligendam censet. „ Quod peccetur „ (inquit) ex certa malitia ; contingit „ dupliciter . Uno modo ex inclinatione „ habitus vitiosi , qui malitia dicitur ; & „ sic non est idem peccare ex malitia , „ quod peccare in Spiritum Sanctum . Alio „ modo contingit ex eo , quod per contemptum abijcitur , & removetur id , „ quod electionem peccati poterat impedire ; sicut spes per desperationem , & „ timor per presumptionem , & quædam „ alia huiusmodi . Hæc autem omnia , „ quæ peccati electionem impediunt , sunt „ effectus Spiritus Sancti in nobis . Et „ ideo sic ex malitia peccare est peccare „ in Spiritum Sanctum . „ Ex quibus hæc peccati in Spiritum Sanctum colligi definitio valet :

Peccatum in Spiritum Sanctum est illud , quo abijcitur , aut contemnitur id , quod peccatum impedire , aut removere potest .

Constat hæc definitio ex allata S. Thomæ doctrina . Non itaque peccatum in Spiritum Sanctum est peccare ex certa malitia , sive ex inclinatione pravi habitus , qui malitia appellatur , de qua egimus suo loco : sic enim peccatum omne dici potest in Spiritum Sanctum ; sed quando ea est alicuius malitia , ut sciens , & volens per contemptum abijciant ea , quæ possent vel impedire , vel removere peccatum . Siquidem peccatum huiusmodi adversatur bonitati , qua speciale attributum est Spiritus Sancti . Sicut enim Patri appropriatur potentia , & sapientia Filio : unde peccatum in Patrem dicitur esse peccatum ex infirmitate ; peccatum autem in Filium dicitur peccatum ex ignorantia : peccatum vero in

Spiritum Sanctum dicitur peccatum ex certa malitia ; quæ specialiter opponitur bonitati in sensu explicato .

§. II.

Diviso exponitur peccatum in Spiritum Sanctum .

III. Sex esse peccata in Spiritum Sanctum , concors est Theologorum cum S. Thoma sententia ; videlicet desperatio , presumptio , impenitentia , obstinatio , impugnatio veritatis agnita , & invidentia fratrum gratie . Quam divisionem elegantissime S. Doctor illustrat hic art. 3. „ Secundum quod (ait) peccatum in Spiritum Sanctum tertio modo (jam expostio) accipitur , convenienter prædicantur species ei assignantur . Quæ distinguuntur secundum remotionem , vel contemptum eorum , per quæ potest homo ab electione peccati impediti . Quæ quidem „ sunt vel ex parte divini iudicii , vel ex parte donorum ipsius ; vel etiam ex parte ipsius peccati . Avertitur enim homo ab electione peccati ex consideratione divini iudicii (quod habet iustitiam cum „ misericordia) , & per spem , quæ confurgit ex consideratione misericordiarum remittentis peccata , & premianis bonitatem „ & hoc tollitur per desperationem . Et iterum per timorem , qui confurgit ex consideratione divine iustitiæ punientis peccata : & hic tollitur per presumptionem ; dum scilicet aliquis presumit , se gloriam posse adipisci sine meritis , vel veniam sine penitentia .

„ Dona autem Dei , quibus retrahimur „ a peccato , sunt duo ; quorum unum est „ agnitio veritatis , contra quod ponitur „ impugnatio veritatis agnita : dum scilicet „ aliquis veritatem fidei agnitam impugnat , ut licentius peccet . Aliud est auxilium interioris gratiæ , contra quod „ ponit-

„ponitur invidentia fraterna gratia : dum
 „scilicet aliquis non solum invidet perso-
 „næ fratris, sed etiam invidet gratiæ Dei
 „crescenti in Mundo.”

„Ex parte vero peccati duo sunt, quæ
 „hominem a peccato retrahere possunt.
 „Quorum unum est inordinatio, & turpi-
 „tulo actus, cujus consideratio reducere
 „solet in homine poenitentiam de pecca-
 „to commisso. Et contra hoc ponitur im-
 „poenitentia; non quidem eo modo, quo
 „dicit permanentiam in peccato usque ad
 „mortem, sicut supra Impoenitentia acci-
 „piebatur (sic enim non esset speciale
 „peccatum, sed quedam peccati circum-
 „stantia): Sed accipitur hic impoeniten-
 „tia, secundum quod importat propositum
 „non poenitende. Aliud autem est parvas,
 „& brevitatis boni, quod quis in peccato
 „querit secundum illud Rom. 10. *Quoniam*
 „ergo fructum habuistis tunc in illis, in
 „quibus nunc erubescitis? Cujus considera-
 „tio inducere solet hominem ad hoc, quod
 „ejus voluntas in peccato non firmeretur.
 „Et hoc tollitur per obstinationem; quan-
 „do scilicet homo firmat suum propositum
 „in hoc, quod peccato inherere. Et de
 „his duobus dicitur Jerem. 8. *Nullus est,*
 „*qui agat poenitentiam super peccato suo,*
 „*dicens: quid feci?* quantum ad primum.
 „*Omnes conversi sunt ad cursum, quasi equus*
 „*impetu vadens ad prælium quantum ad se-*
 „*cundum.*” Hæc S. Thomas, cujus do-
 „ctrinæ brevem aliquam explicationem ap-
 „pizgam, in medium productis exemplis,
 „quibus homines hæc peccata in Spiritum
 „Sanctum incurrant.

IV. Primo itaque quoad *presumptionem*
 spectat, peccant in Spiritum Sanctum, qui
 fiducia divine misericordie freit autacter
 peccata committunt, abjecta omni consi-
 deratione divinæ justitiæ, ac timoris Dei;
 illudque saltem animo repetere solent: *Mi-*
seratio Domini magna est: multitudinis pec-

ccatorum meorum miserebitur, ut habetur
Ecclesiast. 5. five qui juxta Apostoli effatum,
divitias bonitatis Dei, & patientiæ, & lon-
ganimitatis contemunt, ignorant, quoniam
illos benignitas Dei ad poenitentiam adducit,
aut deberet adducere; sola sæpe fide in
Christum sibi blandientes, ac æternam fel-
licitatem sibi promittentes, quamvis in cor-
no peccatorum immergi, ab eo nullatenus
emergere curent.

V. Sed & non minus peccant in Spiritum Sanctum ex opposito *per desperationem*, qui spem omnem impetrandæ peccatorum veniæ, adeoque & consequendæ salutis abjiciunt; dicuntque cum impiò Caino: *Major est iniquitas mea, quam ut veniam merear;* vel Judam proditorem imitantur, qui post nefarium facinus desperatione sue salutis abreptus, laqueo sibi mortem conscivit. Hi, dum mentis oculis avertunt a Deo, cujus proprium est *misereri semper, & parcere, & miserationum non est numerus*, qui nunquam abs se peccatorem rejicit, quoties ex corde ingemuerit, & ad ipsum converteriatur; sed veluti amantissimus, & benignissimus Pater recipit, & uti filium prodigum, amplectitur; propter cecitatem cordis ipsorum semetipsos desperantes in omne vitiorum genus trahunt, nihilque amplius cogitant de sua salute.

VI. Tertio peccant in Spiritum Sanctum peccato *impugnationis agnitæ veritatis*, qui præsertim in sinu Catholice Ecclesiæ geniti, ac enutriti, fidei, ac Religionis Christianæ veritatem, non ex ignorantia, sed ex malitia stultiose oppugnant. Hi sunt, quos Apostolus Petrus Epist. 2. cap. 2. redarguit *Magistri mendaces, qui introducunt sectas perditionis; homines corrupti mente, reprobi circa fidem, attendentes spiritibus erroris, & doctis inis demoniorum, in hypocrisis loquentes mendacium, subversi: & proprio judicio condemnati; prout etiam Apostolorum tempore inter alios Elimas Magus, acerrimis*

mis hisce verbis oburgatus a S. Paulo : *O plebe omni dolo , & omni fallacia , fili Diaboli , inimice amicitie iustitie , non desinis subvertere vias Domini vestras ; ac prout fuerunt sequioribus sæculis Arius , Macedonius , Nestorius , Eutyches , Manes &c. ac subinde Zuinglius , Lutherus , Calvinus , Socinus uterque &c. Horum numero accensendi sunt juxta Canon. Violatores Causa XXV. qn. 1. qui contra Sacros Canones , non necessitate compulsi , sed libenter aliquid , & proterve agunt , aut loqui presumunt , aut facere volentibus fronte consentiunt . Talis enim presumptio manifesta unum genus est blasphemantis Spiritum Sanctum : qui fraternæ gratiæ invident : dolentque graviter de affluentia , vel augmento virtutum , aut donorum Dei , de quibus proximus excellit . Hujusmodi erant illi , qui in Actibus Apostolorum referuntur , qui ex Judæis ad Christianam Religionem conversi Apostolorum prædicatione , nascentem Evangelii gratiam Gentibus invidabant : quemadmodum & Alexander ille Hierar. qui gravia mala intulit Apostolo Paulo , & prædicationi illius magnopere obstavit . S. Augustinus lib. 1. de serm. Dom. in monte existimat , fraternæ charitatis invidentiam peccatum illud esse , de quo S. Johannes 1. Epist. cap. 5. ait : Est peccatum ad mortem : non pro illo dica , ut roget quis . Sic enim scribit cap. 22. Peccatum fratris ad mortem puta esse , cum post agnitionem Dei per gratiam Domini nostri Jesu Christi , quisque oppugnat fraternitatem , & adversus ipsam gratiam , qua reconciliatur est Deo , invidentiæ facinus agitatur . Peccatum , inquam , istud ad mortem est , cujus rei ab Ecclesiæ orationibus excluduntur , si in hac perversitate vitam suam compleverint , ut idem S. Doctor exponit lib. 1. Retract. cap. 19. inquit : „ Peccatum non ad mortem*

est , si quisquam non amorem a fratre alienaverit , sed officia fraternitatis debita per aliquam infirmitatem animi non exhibuerit . Quapropter & Dominus in Cruce ait : Pater ignosce illis , quia nesciunt , quid faciant . Nondum enim gratiæ Spiritus Sancti participes sancti societatem sanctæ fraternitatis inierant . Et S. Stephanus orat pro eis , a quibus lapidabatur : quia nondum Christo crediderant , neque adversus illam communem gratiam dimicabant . Et Apostolus Paulus propterea , credo , non orat pro Alexandra : quia jam frater erat , & ad mortem , idest invidentiæ fraternitatem oppugnando , peccaverat . Pro his autem , qui non obruperant amorem , sed timore succubuerant , orat , ut eis ignoscatur .

VIII. Quoad quintum peccatum in Spiritum Sanctum attinet , scilicet *impudentiam* ; illud incurrunt , qui animo prorsus obfirmato in peccatis perseverant , nec ullis vel admonicionibus , vel minis , vel flagellis a pravo instituto se revocari sinunt . Sic Rex Pharaon , cujus cor , ut sæpe dicit Scriptura , induratum erat , ne Dei populum a servitute dimitteret , licet toties a Moyse admonitus , ac tot flagellis Dei attritus . Sic & Judæi , quibus pertinaciam plane invincibilem S. Stephanus Protomartir objecit ; *Dura cervice , incircumcissi cordibus , & auribus , vos semper Spiritui Sancto resistitis* . Sic etiam hujus peccati *impudentia* rei merito dicendi sunt , qui in suis delictis obdurati , sin minus ore , animo certe , assidue dicunt Deo ipsos vocanti : *Recede a nobis ; scientiam veritatum tuarum nolumus* , quemadmodum & illi , qui nedom peccata sua non desunt , sed pertinaciter defendunt ; non solum ea non confitentur , sed in illis impudenter gloriantur , qui potentes in iniquitate , ac in profundum peccatorum venientes , contemunt ,

& so-

& secundam duritiam suam , & impenitentem
cor , thesaurizant sibi iram in die iræ , &
revelationis iusti iudicii Dei .

IX. Demum in sextum, quod a præcedente parum differt, peccatum in Spiritum Sanctum, *offensionem* videlicet, causum, qui abs se omnem abjiciunt considerationem salutarem, que prodesse posset, ut in peccatis, in quibus miseriam jacent, resurgerent, aut saltem impedire, ne voluntas ipsorum magis in peccato firmetur: unde peccatorum suorum nullum finem, modumque facientes, nolle se unquam penitentiam agere proponunt. Horum sicut vita, ita & mors pessima est; qui extinguentes in semetipsis Spiritum Dei, & obdurati fallacia peccati, ejus nunquam turpitudinem, & mala, que secum afferunt in hac, tum in futura vita, contemplantur, & contemplari renuunt, similes sunt iis, qui intra se dicebant: *Perdidi, mas fœdus cum morte, & cum inferno fecimus pactum*. Hoc peccatum proprie ad mortem est, & de illo præcipue verum est, quod non habet remissionem neque in hoc seculo, neque in futuro, ut Christus ait: *Quia*, subdit S. Augustinus *Serm. 71. de verb. Dom.* sola penitentia, quam isti a se longius remouent, impetrat remissionem in hoc seculo, que valet in futuro.

C A P U T II.

De Peccatis omissionis.

DOCTRINE.

- I. *Quid sit peccatum omissionis.*
- II. *Quandoque peccatum omissionis imputetur.*
Prout externum est, illud incurritur,
dum tempus est ponendi actum.
- III. *Sacri Thomae doctrina sacris Canonibus*
confirmata.
- IV. *Internum omissionis peccatum incurritur,*
scilicet a: quis de omitendo deliberat,
aut voluntarie ponit omissionis causam.

V. Censura tamen, si quis aliena sit, non incurritur, nisi omissione scuta.

VI. De peccatis omissionis, quæ in genere
pertinent ad statum cuiusque.

VII. *Quid sit boninum, status, officium, & gradus.*

VIII. *Necessaria est statuum, & officiorum
varietas in mystico Ecclesia corpore. Pul-
chra S. Thomae doctrina.*

IX. *Eadem est necessitas in corpore politico.*

X. Ex hac statu, & officiorum diversitate
plures, ac diverse obligationes in homini-
bus consequuntur. Unde vocatio Dei ad
quemcumque statum requiritur.

XI. Non eadem tamen oportet vocatio sit respectu statuum omnium, & officiorum.

XII. *Specialior vocatio necessaria est ad statum, & officium Episcopi, & Parochi, quem ad statum Religiosum.*

XIII. *Quid agere quisque debeat, ut divinam ad aliquem statum vocationem agnoscat.*

XIV. *Specialis adhibenda pro suscipiendis quibusdam officiis cura.*

4. 1.

*Quid sit peccatum omissionis, Generales
nonnulla observationes de hoc peccato
præmittuntur.*

I. PAUCA quædam supra attigimus de peccato *omissionis*, quod frequentissimum est, & Christianorum oculos sæpius fugit: Alia modo raptim de eodem dicenda puto, ad ejusdem elatioris notitiam hauriendam opportuna. Peccatum *omissionis*, ut ipsum nomen denotat, est *pretermissio boni debiti*, sive *boni*, quod *legi* ferè præcipitur: quemadmodum peccatum *commisionis* est *actio*, quæ *legi* ferè prohibetur. Quare peccatum *omissionis* est contra præcepta *affirmativa*, quæ quispiam agere jubent; v. g. *Memento, ut diem sabbati servas*: *Honora Patrem tuum, & Matrem tuam &c.* sicut peccatum *commisionis* est

contra præcepta *negativa*, quæ fieri quilibet vetant. Hec præcepta *negativa* obligant *semper*, & *pro semper*, ut loquuntur Theologi; præcepta autem *affirmativa* obligant quidem *semper*, sed *non pro semper*. Et ideo, inquit S. Thomas 2. 2. q. 71. art. 5. ad 3. *solum pro tempore illo aliquis cessando ab alio peccat, pro quo præceptum affirmativum obligat*: sive cum implendi præcepti tempus adest, & facultas: & tamen deliberata voluntate non impletur. Nam si præcepti adimplendi facultas non adest; v. g. si quis propter ætuditinem gravem Sacro non inserit die festivo, aut non jejunaet propter eandem ea die, qua urget jejunii præceptum; omisso illa peccaminosa non est.

II. Primum, quod de peccato *omissionis* merito queri potest, illud est; quando nempe imputetur? Qua de re distinguere oportet peccatum ipsum; prout *externum* est, & prout *internum*. Si enim omissionis peccatum spectetur, prout *externum* est; illud demum incurritur, dum tempus est ponendi actum, cui præcipitur: Si vero ut *internum*, illud committitur, dum aliquis sive expresse, sive interpretative vult ipsum omittere.

III. Ex prima quidem huius assertionis pars, diserte traditur a S. Thoma 2. 2. q. 79. art. 3. qd. 3. ubi loquens de peccato omissionis in ebrietate culpabilij sequuto (Itemque dicas in quacunque alia culpabili causa), sic ait: „Peccatum omissionis opponitur præceptis affirmativis, quæ pertinent ad faciendum bonum. Peccata autem affirmativa non obligant a tempore, sed a tempore determinatum: & pro illo tempore peccatum omissionis incipit esse. Potest autem contingere, quod aliquis tunc, sit impotens ad faciendum, quod debet. Quod quidem si sit, præter ejus culpam, non omittit, quod debet, ut dictum est. Si vero sit pro-

ter ejus culpam præcedentem (puta cum aliquis de sero se inebriavit, & non potest tunc surgere ad matutinas, ut debet) dicunt quidam, quod tunc incipit peccatum omissionis, quantum aliquis se applicat ad actum illicitum, & impossibilem cum illo actu, ad quem tenetur. Sed hoc non videtur verum; quia dicitur, quod excusaretur per violentiam, & tunc ad matutinas, non omitteret. Unde patet, quod præcedens inebriatio non fuit omisso, sed omissionis causa. Unde dicendum est, quod omisso incipit ei imputari ad culpam, quando fuit tempus operandi: tamen propter causam præcedentem, ex qua omisso sequens redditur voluntaria; quamquam hæc omisso sequuta sit tempore ebrietatis, & impotente ad non omittendum. Ex quo perspicuum est, quod peccatum omissionis externum, & completum non habetur, nisi eo tempore, quo actus præceptus ponendus est.

Hec sententia, quæ communior est, ac probabilior, confirmari potest ex Cap. *Mulieris* de Sent. Excommun. ubi statuitur, quod si quis voluntarie se inebriet, privans se Clericum occurrum, sequuta occasione, & communicationem contrahat. Similiter S. Thomas 3. p. q. 80. art. 7. de nocturna pollutione prævisa, & voluit in causa posita sermonem habens, peccatum esse docet, etiam si sequatur in somno, inquit: *Quamvis nocturna ipsa pollutio secundum se considerata peccatum mortale esse non possit; nihilominus ratione sua causa quandoque habet mortale peccatum adnexum. Et ideo consideranda est causa pollutionis nocturnæ.* Hanc ad assequendum, quod obicit solet; nimirum omissionem sequutam eo tempore, quo homo compos sui non est, non esse liberam respondendum est, equidem non esse liberam in se ipsa, sed liberam esse in causa vel directe, vel indirecte. Sufficit enim, O o o

ut aliquid sit in se peccatum, libertas in causa. Vide quæ dicta sunt de voluntario directo, & indirecto.

IV. Quoad alteram partem positæ assertionis attinet; scilicet *peccatum omissionis internum eo tempore committi, quo quis vel expresse, vel interpretative vult omittere*, res est penitus explorata: quia eo ipso, quod homo deliberate vult omittere solum præceptum, jam vult ipsum omissionis peccatum. Quis autem in dubium vertat, eum, qui vult peccatum, eo ipso minime peccare? Quapropter peccatum internum omissionis, v. g. Sacri die sabbati incurrit, qui tunc constituit omittere Sacrum Die Dominico: atque adeo qui die sabbati venatum ire sequenti die decernit in locum remotum, prævidens inde sequuturam Sacri omissionem, peccatum committit ob solam illam conceptam voluntatem; ita ut, tametsi die sequenti vel casu, vel voluntate mutata, Sacrum audiret, non ideo præcedentis prævæ voluntatis reus non esset: quemadmodum & omnis alia voluntas, sive actus voluntarius ita inconciliabilis cum actu præcepto, ut hominem efficiat impotentem ad illud implendum, etiamsi ipsum postea pœniteret voluntatis omitrendi, quod præcipitur. Unde si quis deliberaret non recitare per totum annum Horas Canonicas, quibus teneret, & postmodum mutata voluntate, eas recitaret, jam peccavit ex illo priore proposito, illudque in Confessione exprimere deberet. Si tamen quispiam impotentem se reddidit ad præceptum implendum; puta si navigans Breviarium in mare projiciat, ac deinde suæ deliberationis pœniteat, subsequens omisso externa tunc in se peccatum non foret, utpote per dolorem illum, seu respicientiam omnino in se involuntaria jam effecta.

V. Ex qua consequitur, quod si quæ censura externæ omissioni adnexa foret,

qui de causa posita omissionis doleat, antequam reapse omittat, eam non incurreret in foro interno, sive conscientie. An vero eam incurreret in foro externo, dissident inter se Theologi. Sunt qui non sine magna probabilitate asserunt, id exigente Ecclesiæ disciplina: eo quod omisso illa originem traheret ex mala voluntate; sicut, inquit, in casu, quo quis voluntariam posuisset causam pollutionis, vel occisionis proximi, puta propinando venenum, licet ante pollutionem, vel mortem sequutam de hoc pœniteret, nec jam pollutionem, aut mortem impedire valeret, censuram homicidio adnexam in foro externo incurreret; seque veluti excommunicatum habere deberet, si censura ipso facto incurreretur, ut si homicidium esset personæ sacræ, & scandalum sequeretur. Alii tamen in illo casu non incurrere censent. Verum cum censura, quæ adnectitur, aut adnecti potest externæ omissioni, esse soleat non lætæ, sed ferendæ sententiæ, nisi Juxta Ecclesiasticum talem in eam incursum esse declaret; gerere se tanquam censura irretitum non tenetur, nisi scandalum aliquod sequeretur. Sed de hoc alibi.

§. II.

De quibusdam obligationibus, quæ statum cujusque hominis consequuntur.

VI. Valde formianda omnibus esse peccata omissionis, tum ex aliis, tum vel maxime ex finali sententia, quam prolaturus est Christus Dominus in extremo Judicii die erga reprobos dammandos ad ignem æternum, manifestum est. Quamquam enim & propter alia peccata sint a terribilem illam pœnam condemnandi; de solo tamen omissionis peccato meminit apud Sanctum Evangelistam: *Quia non dedistis mihi manducare, non dedistis mihi bibere, non suscepistis*

his me . . . , ut omnes præsertim omni-
um pavitatem agnoscerent; nec sibi quis-
piam excusaret, propter sola commissio-
nis agilia incurrere homines sempiternam
damnationem. De his omissionibus, qua-
las patent, hic minime differam, quo-
iam ex his, que in aliis Tractatibus vel
dicta sunt, vel dicenda erunt, conper-
scent, atque exploratæ: sed de quibuscun-
duntaxat, que præsertim statum cuius-
cumque hominis consequuntur, de quibus
alibi sermo non erit.

VII. Inter alia, que de ignorantia dis-
putantes, ex inconcussa S. Thomæ doctri-
na statuiunt, innoxie ignorari non posse,
adeo ut hæc ignorantia semper vincibilis sit,
atque culpabilis, sunt ea, que ad proprii
status obligationem pertinent. Quid igitur est
hominis status? S. Doctor de hoc agit 2.
2. q. 183. & art. 1. docet, quod status
proprie loquendo significat quamdam positionis
differentiam, secundum quam aliquid disponi-
tur, secundum modum sue nature, quasi in
quodam immobilitate Unde circa ho-
mines ea, que de facili circa eos variantur,
& extrinseca sunt, non constituunt statum . .
. . . sed solum id videtur ad statum hominis
pertinere, quod respicit obligationem persone
hominis; prout scilicet aliquis est sui iuris,
vel alieni: & hoc non ex aliqua causa levi,
vel de facili mutabili, sed ex aliquo perma-
nente. Ex quibus hæc status definitio consi-
ci potest.

*Status est conditio personæ, secundum quam
cum quadam immobilitate debet actiones
suas insinere ad certam vite
normam.*

Ex hac definitione, que satis perspicua
est, sequitur, statum distingui tum ab of-
ficio, tum a gradu. Ab officio quidem; quod
officium dicitur per comparisonem ad
actum: unde describi potest, quod sit con-
ditio, secundum quam aliquis debet opera qua-

*dam exercere in aliorum utilitatem. A gradu
vero; quod iste dicatur secundum ordinem
superioritatis, & inferioritatis; & definiti
potest conditio personæ, secundum quam est
aliis superior, vel inferior. Status autem
importat immobilitatem quam iam, juxta
quam aliquis ad certam vite normam actio-
nes suas debet insinere. Hec tria quan-
doque invicem separantur; sepe etiam in-
vicem conjunguntur in eadem persona, ut
ex. gr. in Episcopo, qui & statum habet,
& simul gradum, & officium. Et aliquando
unum pro alio sumitur.*

VIII. Status in genere alius est secularis,
alios spiritualis, sive Ecclesiasticus. Et in
utroque varie differentie sunt cuilibet ob-
via. De diversitate statuum, sive officio-
rum, que sunt in mystico Ecclesiæ corpo-
re, sermonem habet in 2. art. laudatæ
questionis S. Preceptor; eaque ad tria per-
tinere decernit. „ Primo quidem ad per-
fectionem ipsius Ecclesiæ. Sicut enim in
„ rerum naturarum ordine perfectio, que
„ in Deo simpliciter, & uniformiter inve-
nitur, in universitate creaturarum inve-
niri non potest, nisi dissimiliter, & mul-
tipliciter; ita etiam plenitudo gratiæ,
„ que in Christo, sicut in capite aduna-
tur, ad membra ejus diversimode redun-
dat ad hoc, quod corpus Ecclesiæ sit
„ perfectum. Et hoc est, quod Apostolus
„ dicit ad Eph. 4. Ipse dedit quosdam
„ quosdam Apostolos; quosdam autem Prophe-
tas; alios vero Evangelistas; alios autem
„ Pastores, & Doctores ad consummationem
„ Sanctarum in opus ministerii, in edificatio-
nem corporis Christi.

„ Secundo autem pertinet ad necessitatem
„ actionum, que sunt in Ecclesia neces-
sarie. Oportet autem ad diversas actiones
„ diversos homines deputari ad hoc, quod
„ expeditus, & sine confusione omnia pe-
ragantur. Et hoc est, quod Apostolus
„ dicit ad Rom. 12. Sicut in uno corpore
„ multi

„ multa membra habemus : omnia autem
 „ membra non eundem altum habent ; ita
 „ multi unum corpus sumus in Christo “ .

„ Tertio hoc pertinet ad dignitatem , &
 „ pulchritudinem Ecclesie , que in quodam
 „ ordine consistit , Unde dicitur 3. Reg.
 „ 10. : quod videns Regius Saba sapientiam
 „ Salomonis , & habitacula ferream , & or-
 „ dines Ministrantium , non habebat ultra
 „ spiritum . Unde & Apostolus dicit 2. ad
 „ Timoth. 2. , quod in magna domo non so-
 „ lum sunt vasa aurea , & argentea , sed &
 „ lignea , & stilia “ .

IX. Quomodo modum vero plures sunt sta-
 tus , officia , & gradus in corpore Eccle-
 siæ , que ordinantur tum ad perfectionem
 ejusdem corporis , tum ad actionum multi-
 plicium , que sunt in Ecclesia , necessita-
 tem , tum ad Ecclesie ejusdem dignitatem ,
 & pulchritudinem ; ita quoque , proportio-
 ne servata , plurium statuum , officiorum ,
 graduumque diversitas est in corpore politico
 seculari , ex qua ipsum in ordine suo
 perficitur , necessitatibus publicis provide-
 tur , ejusque pulchritudo consurgit , uti
 sunt status Regum , ac Principum , Magi-
 stratum , Judicum , Artificum , villicorum ,
 aliorumque similium , ex quibus politicum
 corpus consistat , atque subsistit .

X. Evidens exinde est , quod cum plu-
 rimi sint status , & officia sive in Ecclesia-
 stico , sive in laicali corpore , plures eriam
 consequantur peculiare obligationes , qui-
 bus satisfacere unusquisque tenetur , prout
 in hoc , vel illo statu invenitur , & ex
 quarum omissione peccatur . Unde & qui-
 vis sub præcepto obstringitur prius huius-
 modi obligationes probe nosse , ac eas sub-
 inde fideliter exequi . Sed illud ante omnia
 opus est , ut nemo statum aliquem , aut
 officium amplectatur , nisi sit vocatus a
 Deo . Sic enim sperare ab ipso poterit ea
 auxilia , que ad recte obeunda , que prop-
 ria sunt status , & officii sui , necessaria

sunt . Sicut enim Deus in ordinem naturali
 cuilibet causæ creatæ vim confert , & effe-
 ctus producentes , quibus eam deservit ,
 non autem aliter ; v. g. igni confert vim
 calefaciendi , non aquæ ; & e contra aquæ
 tribuit vim humectandi , quam denegat
 igni : ita quæ ad aliquem statum eligit
 illis gratiam specialem largitur huic statui
 accommodatam , ac necessariam , quam
 plerumque iuste negat aliis , qui se absque
 divina vocatione intradunt . Unde est vul-
 gata illa S. Thomæ sententia : *Unicuique dat-
 tur gratia secundum id , ad quod eligitur* .

XI. Porro eum ad quemlibet statum , aut
 officium suscipiendum necessaria sit vocatio
 Dei , non omnes hæc necessitas æque affe-
 cit . Sunt enim permulti , quibus divina
 vocatio satis innotescit hoc ipso , quod in
 tali , vel tali vitæ statu ex qualitate , aut
 conditione parentum suorum , allave de
 causa constituti sunt : atque ii divinæ dis-
 positioni acquiescere debent , vitamque
 suam juxta illum statum , officium , aut
 gradum ita componere , ut ad obligationes
 suas adimplendas indignos se non reddant
 auxilio Dei .

XII. Non idem dicendum est , dum agitur
 de aliquo statu , qui a nativa conditione sua
 quadantenus extraneus est , aut illam super-
 greditur , ut de officio Judicis , de statu Ec-
 clestastico , de statu , aut professione Reli-
 giosa &c. , multoque magis de officio Episco-
 patus , aliisque animarum curam habentibus .
 Ad hosce status capeffendos specialem Dei
 vocationem esse necessariam , specialemque
 studium adhibendum , ut eam agnoscamus ,
 dicendum omnino est , ne forte amoris pro-
 prii , aut alicuius humane cupiditatis præ-
 stigiis decipiamur ; eoque magis studium hocce
 necessarium est in suscipiendo statu , vel
 officio , quod secum curam affert animarum .
 Quandoquidem non eadem est ratio , ut sa-
 pienter animadvertit S. Thomas hic *quæst.*
125. art. 1. ad 2. , de statu Religionis , ac

de statu Episcopali (idemque dicas de Parochiali) propter duo , inquit .

11 Primo quidem, quia ad statum Episco-
12 palem præxigitur viæ perfectiæ, ut patet
13 per hoc, quod Dominus a Petro quæsit,
14 *si plus enim ceteris diligeres*, antequam ei
15 *committeret pastorale officium*. Sed ad
16 statum Religionis non præxigitur perfe-
17 ctio, *scilicet ad viam in perfectionem*. Re-
18 quitur autem, quod sit perfectus aliquis
19 ad hoc, quod possit ad perfectionem
20 adducere: quod non *licet* ad perfectionem
21 qui debet ad perfectionem *transire* ab eo,
22 autem presumptuosum, quidam. Est
23 perfectum se reputet: non autem, quis
24 ad perfectionem tendat. Secundo quod
25 ille, qui statum Religionis assumit, se
26 aliis subiicit ad spiritualia capienda: &
27 hoc cuiuslibet licet. Unde Augustinus lib.
28 19. de Civit. Dei dicit: *A studio cognos-*
29 *cende veritatis nemo prohibetur; quod ad*
30 *laudabile otium pertinet*. Sed ille, qui
31 transit ad statum Episcopalem, sublima-
32 tur ad hoc, quod aliis provideat. En-
33 hanc sublimationem nullus debet sibi as-
34 sumere, secundum illud ad Hebr. 5.
35 *Nec quisquam sumit sibi, honorem, nisi qui*
36 *vocatur a Deo* 16.

XIII. Quamvis itaque etiam ad statum Religiosæ Professionis amplectendum divina vocatur requiritur; maxime tamen illa opus est in suscipiendo statu Ecclesiastico, ac præsertim curam animarum habente, sive sit Episcopatus, sive Plebanatus: ob idque peculiare lumen a Patre luminum efflagitare debemus enixis precibus, ne in cognoscenda divina voluntate aberemus; & cupiditatem sequamur potius, quam charitatem, carnis potius, quam Spiritus propensionem, Diaboli vocem potius, quam Christi: *Ipse enim Satanæ*, ut ait Apostolus, *transfiguratur se in Angelum lucis*. Et sæpe, ut subdit S. Gregorius in Pastor. p. 1. cap. 9., *fibi de se meus ipsa mentitur, & fingit fidei de bono opere*

amare, quod non amat, & de mundi gloria non
amare, quod amat.

Necessè, pariter est in hac re illud Sapien-
tiae Eccles. cap. 32. 24. monitum exprimere,
& ad executionem deducere : *Fili, sine con-
silio nihil facias : & post factum non pœnitebit :*
in via ruinæ non eas, & non offendas in lapidibus :
ne credas te viz laboriosè, ne ponas animam
sue scandalum. In pœterio consilio eas adire
oportet, inquit S. Thomas 2. 1. q. 129.
art. 10. *de quibus speratur, quod proficiat.*
Et Eccles. idem cap. 37. postquam dixit :
Cum viro irreligioso tracta de sanctitate, cum
injusto de justitia &c. addit : Non attendas his
in omni consilio : sed cum viro sancto assiduus
esse. Consiliarius potest esse & religiosus
& prudens : aut viz aliquis doctus,
peritus in affectionum experti. Si paren-
tibus filiis, bonum est eos consulere : si
prius, aut in consiliando securuti
sunt : quoniam, cum his, quæ sunt divini ob-
sequii, Deo maxime obtemperandum est,
quam parentibus.

XIV. Sed illud, quæ innuimus, maxime, ac præ cæteris attendendum, cum divina vocatio inquiritur, quæ qui præbet, & qui petit consilium, eo majorem adhibere debeat diligentiam, quæ vitæ statum, qui proponitur, periculosior est: minorem veluti quæ securior. Quandoquidem, ut optime ait S. Thomas loco citato art. 10. *distinta deliberatio, & multorum consilia requiruntur in magnis, & dubiis: in his autem, quæ sunt certa, & determinata, non requiruntur consilia.* Sic magna exigitur circumspexio, quando status perpetuum obligationem inducit, cujusmodi est status Religiosus, status Subdiaconatus, status Matrimonii. Obligatio namque perpetua temere suscipienda non est. Sic etiam magna circumspexio requiritur, quando status animæ periculum obnoxius est. Talis est status Clericalis, ad quem, juxta D. Thomam ibi q. 124. art. 8., requiri-

vitur major sanctitas interior, quam requirit etiam Religio, status. Ex quo colligit, gravius peccare, ceteris paribus, Clericum in Sacris Ordinibus constitutum, si aliquid contrarium sanctitati agat, quam aliquem Religiosum, qui non habet Ordinem Sacrum. Talis quoque est, si de Secularibus sermo sit, status eorum, qui praesunt in regimine politico. Unde Sap. 6. dicitur: *Judicium durissimum his, qui praesunt, fiet.... Potentes autem potenter tormenta patientur*. Talis pariter est status, sive officium Judicis, Advocati, Procuratoris, Tabellionis &c.; quibus officiis nihil est Reipublicae utilius ob servandam inter Cives iustitiam; etenim *remota iustitia*, ut ait S. Augustinus lib. 4. *ut Civ. Dei*, quid sunt Regna, nisi magna latrocinia; Talis similiter est status militum. Nam, ut recte observat Augustinus *In divinis serm.* 19. de verb. Dom., *in ista erga quod non est; sed propter pradam, aut sententiam vis pravae motuum*, quod f. Talis deum esse solet, *militare peccatur*. In artibus aut liberalibus, aut mechanicis occupantur. Quibuslibet enim ars ex omnium vitio suas aleas habet, suaeque pericula inajoria, vel minora; quae praevia oportet, antequam quis eas artes percipiant, ac temere suscipiat. Ex quibus praeiens Lector nonnulla Consecraria deducere potest, quae consideranti facile occurrunt.

CAPUT III.

De generalibus, & specialibus quorundam statuum, & officiorum obligationibus.

DOCTRINA, ET CONSECRARIA.

EJ SOFIA.

- I. Generalis omnium hominum obligatio est, otium fugere, & ad aliquid agendum sive mente, sive corpore animum applicare.
- II. Pluribus ejusmodi obligatio confirmatur.

III. Primum, quod ex hac obligatione Consecrarium fluit.

IV. Alterum Consecrarium. Periculum salutis in quo permulti praesertim Nobiles, ac Divites idcirco versantur.

V. Consecrarium tertium. In majori salutis periculo sunt Ecclesiastici desiderio am agentes.

VI. Quartum Consecrarium. Culpa, et coram Deo sunt, qui, cum suis pro status sui proximi bonum agunt.

VII. De peculiaribus eorum, qui in laboribus suis idcirco ex statu, & officio occurrunt.

VIII. Quinam peccent contra hujusmodi obligationes.

IX. De obligationibus Magistrorum, sive Doctorum.

X. Peccant, qui docere audent scientias, aut liberales artes, quas non callent.

XI. Arctissima obligatione tenentur Theologiae Magistri, ut sanam doctrinam tradant, tum qua dogmata, tum qua mores spectat.

XII. Consecrarium de non docendo Probabilismo.

XIII. De obligationibus Auditorum, sive studentium. S. Thomas de hac re textus, in quibusdam Probabilistis corruptus.

XIV. Qui artibus liberalibus attendendis operam navant, inutilia, & noxia studia devitare debent.

XV. Quoties peccent, qui hujus studii operam dant. Consecraria.

§. I.

De generali obligatione, qua afficit omnes homines, quocumque in statu inventantur, fugiendi scilicet otium, & aliquid vel mente, vel corpore operandi.

I. OBLIGATIO, quae cuicumque statui hominum communis est, & quam si non im-

impleant, gravis peccati rei sunt, in eo est posita, quod *quilibet otium fugiat*, & in aliqua vel mentis, vel corporis occupatione, aut labore sese exerceat. Hæc obligatio ex ipso naturæ jure derivatur, & expresse a Deo imposita est cuicumque homini post lapsum primi nostri parentis Adam verbis illis: *In sudore vultus tui vesceris pane tuo*. Unde S. Job. dixit cap. 5. *Homo nascitur ad laborem, & avis ad volatum*; quasi diceret: quemadmodum proprium, & naturale avi est volare; ita proprium, & naturale est homini laborare, aut occupari in aliqua exercitatione sibi conveniente, si hæc ad corpus, si ad mentem pertineat, prout exigit status, & conditio, in qua quisque constitutus est. S. Augustinus priora verba Genesis expendens *lib. 6. Oper. Imperf.* contra Julianum ita scribit: *Nomine sudoris generalem Sacra Scriptura significavit laborem, a quo nullus hominum est immunis: cum alii laborant operibus duris, alii sollicitantibus curis &c. Nunc ergo laborant pauperes, laborant divites, laborant iusti, laborant iniusti, laborant magni, laborant pusilli a die exitus de ventre matris eorum, usque in diem sepulture in matrem omnium.*

II. Confirmari idem potest ex eo, quod in Sacris Libris, ac præcipue Sapientialibus pluries interdicitur, & damnatur otium veluti in se malum, & multorum malorum causa. Et in Evangelio eadem veritas satis explicatur, & inculcatur ea Parabola, cuius mentionem jam fecimus, talentorum, quæ Dominus commisit servis suis, ut ea non in terram absconderent, sed negotiarentur, & juxta vires uniuscujusque lucrum redderent: unde & inutilis servus, qui ex commendato talento nullum augmentum operando reportavit, in tenebras exteriores, siue in æternam damnationem ejectus est.

His robur maximum addit exemplum Sapientiorum, quotquot extiterunt siue in ve-

teri, siue in novo Testamento. Omnes quippe & otium fugerunt, & labori vel mentis, vel corporis non languide, sed impense vacarunt. Sic Adam innocens positus est in Paradiso, ut operaretur, & custodiret illum: & Adam poenitens iustus est terram maledictam, ac spinis, & tribulos getmificantem in poenam peccati proprio labore subigere. Eandem ovis fugam, & ad opus aliquod applicationem animi, ac virium suarum, invenire est in Patriarchis, Prophetis, Sanctisque omnibus etiam Regibus, ac Magnatibus, qui tunc temporis floruerunt in populo Dei. Quoad Novum Testamentum, Christus Dominus secundus Adam Fabri se filium fecit, imò juxta S. Marcum & Faber ipse operabatur manibus suis, non aliqua cogente necessitate, cum multa hominum millia quinque panibus, & paucis pisciculis ipse nutrierit; sed ut nobis exemplum præberet, & otium esse fugiendum ostenderet. Apostoli Piscatores erant, & opera manuum suarum vivebant, ac immensos subinde labores susceperunt, ut Christi Evangelium in universo Mundo disseminarent. Paulus, quamquam civis Romanus, & indefesso zelo Evangelium prædicaret, labore ramen manuum suarum victitabat. Sic enim 2. ad Thessal. cap. 3. scribit: *Neque gratis panem mandavimus ab aliquo, sed in labore, & in satiatione nocte, ac die operantes, ne quem vestrum gravemur, non quasi non habuerimus potestatem, sed ut nosmetipsos formam daremus vobis ad imitandum nos. Nunc & cum essemus apud vos, hoc denuntiabamus vobis: quoniam si quis non vult operari, nec manducet.* Idemque dicas de reliquis omnibus Christi imitatoribus, qui totam vitam suam in exercitationibus siue corporalibus, siue spiritualibus egerunt.

CONSECTARIA QUÆDAM DERIVANTUR.

III. Primum est. In magno salutis periculo

culo versantur in omnes, quorum vitæ tenor ille est, aut esse solet, ut a lecto ad epulas, ab epulis ad ludos, sive ad spectacula, choreas, conversationem, aliave id genus oblectamenta, rursus ab illis oblectamentis ad cenam, & a cenâ ad lectum transeunt, atque ita vitam omnem inertes, ac desides transigunt. Alibi damnamus hoc vitæ genus, nimirum, heu! inter personas præsertim nobiles, ac divites commune. At satis nunquam damnare possumus: pugnat enim cum monitis, atque præceptis in Evangelio Christianis omnibus talibus, imo cum lege ipsa naturali. Quandoquidem licet, ut modo tamquam certum sumere volo, nec creditoribus suis injuriam faciant, nec domesticos debito salario fraudent, nec alios injuriis exactionibus vexent, nec turpibus, aut transitoriis vitis inquinentur, adeo ut innocentes coram hominibus appareant; ob vitam tamen voluptariam, desidiosam, & inertem abominabiles sunt coram Deo. Sunt enim coram ipso *arbores illæ infructuosæ*, quas Scriptura memorat, *inutiliter terram occupantes*, quas Deus eradicari jubet juxta illud: *Excide illam; ut quid terram occupat?* Et rursus: *Omnis arbor, quæ non facit fructum bonum, excidetur, & in ignem mittetur.* Viam hanc otiosam, ac deliciis circumfluente damnavit præterea Christus in illius Divitis parabola, qui *invehebatur purpura, & hyssopis, & epulabatur quotidie splendide*; propter quod *sepultus est in Inferno*, ut habetur apud S. Lucam cap. 15.

IV. Alterum Confectarium est: in magno patet saluti periculo versari homines illos, sive nobiles sint, sive ignobiles, ac plebei, qui aut nunquam ingenti copia ditari, aut suis, sive possessionibus præditis, reditusbus suis fruuntur sine cura, sine labore, sive honesta occupatione; sed molli otio dissoluti: exultantes nullius se criminis reus esse, modo nulli injuriam fa-

ciant; quasi vita ipsa otiosa, quam transigunt, crimen non esset apud Deum; nec tamquam peccati reus habitus fuerit ille, qui dicebat intra se: *Quia, habeo multa bona reposita in annis plurimos, requiesco, comedo &c.*

V. Confectarium tertium. Sed in majori adhuc periculis salutis periculo versantur viri Ecclesiastici, sive seculariter sint, sive Religiosi, qui sola Divini Officii recitatione, aut etiam Missæ celebratione contenti, reliquum diei tempus insunt in otio, in ludis, in colloquiis inanibus, in ambulationibus, & visitationibus minime necessariis, nova aliqua semper conquirendo, vel narrando, aut in vanis aliis, atque inutilibus occupationibus. Si enim otium in laica persona vituperandum merito est; quanto magis in Clerico sive seculari, sive regulari vituperandum erit? Si omnes juxta Ecclesiastici præceptum *conservare tempus* debent, & in bonis operibus illud insu nere; quanto magis illi, qui ex ipso statu suo divino servito, sanctisque operibus specialiter addicti sunt?

VI. Sed & quantum Confectarium huic affine adjiciamus; nimirum eos sive seculares, sive regulares Ecclesiasticos viros culpabiles esse coram Deo, qui cum doctrina præcellant, & aliis dotibus haud destituantur, possintque juxta conditionem sui status, viresque corporis, & animi prodesse proximis suis vel prædicationibus, vel consiliis, vel adhortationibus, vel studiis proficuis, vel aliis hujusmodi mediis, ad proximorum utilitatem procurandam opportunis; otio vacare malunt, tempusque terere in rebus inutilibus, stultisque curiosis, quibus suam paseunt vanitatem. Audiamus, qui ita se gerunt, qui de ipsis sentiat, & scribat S. Gregorius Magnus in Pastor. p. 3. admon. 35. : „ Qui plebs non sunt perna, considerent, qui, cum fama Verbi Dei animæ percutat, ipsi panem percipere „ gra-

gratiae non ministrant. Unde & bene per Salomonem dicitur: *Qui abscondit frumenta, maledicetur in populis*. Frumenta quippe abscondere, est praedicationis sancta verba apud se retinere. *In populis* autem talis quisque maledicetur, qui in solius culpa silentii pro multorum, quos corrigere poterat, poena damnatur: Si medicinalis artis minime ignari secundum vulnus ecerent, & tamen secatu recu- sarent; profecto peccatum fraternae mortis ex solo torpore committerent. Quanta ergo culpa involvantur, aspiciant, qui, dum cognoscunt vulnera mentium, curare negligunt ea festione verborum. . . Hi itaque, cum apud se sermonem praedicationis occultant, divinas contra se sententias terribiliter audiant, quatenus ab eorum cordibus timorem timor expellat. Audiant, quod talentum qui erogare poluit, cum sententia damnationis amisit. Audiant, quod Paulus eo se a proximorum sanguine mundum credidit, quo feriendis eorum vitiis non pepercit, dicens: *Contestor vos bodierna die: quia mundus sum a sanguine omnium: non enim subterfugi, quominus annuntiarem vobis consilium Dei*. Audiant, quod voce angelica Joannes admonetur, cum dicitur: *Qui audit, dicat: veni*. Ut mirum, cui se vox interna insinuat, illuc etiam clamando alios, quo ipse rapitur, trahat; ne clausas fores etiam vocatus inveniat, si vocanti vacuus appropinquat. Audiant, quod Isaïas, quia a verbi ministerio recit, illustratus superno lumine, magna voce poenitentiae seipsum reprehendit dicens: *Vae mihi, quia tacevi*. Cetera, quae huc pertinere possunt, vide supra de Aedificia.

§. II.

De peculiaribus quorundam statum obligationibus, & peccatis in earundem omissione.

VII. Quoniam, ut praefati sumus, de peculiaribus plurium statum, & officiorum hominum obligationibus, adeoque & peccatis, quae ex earum omissione consequuntur, aut jam diximus, aut dicturi erimus; idcirco quorundam ex illis obligationes hic duntaxat attingam, de quibus sermo alibi futurus non est.

De obligationibus eorum, qui in laboribus corporalibus ex statu, & officio occupantur.

Labor corporalis est exercitatio, quae corporeis membris peragitur, ut agorum cultura, & mechanicae artis exercitium. Qui autem ita laborant, ea in primis opera exercere tenentur, quae tum quoad corpus, tum quoad animam vel sibi, vel proximo prodesse possunt. Siquidem labor corporalis idcirco assumitur, aut ut nobis necessaria ad victum, & vestitum comparemus, aut ut proximo ea, quibus opus habet, provideamus juxta illud Apostoli ad Ephel. 4. *Qui furabatur, jam non furetur: magis autem laboret, operando manibus suis, quod bonum est; ut habeat, unde tribuat necessitatem patienti*; sive necessitatem patientis sit ipsemet, qui laborat, aut uxor, aut filii, quos alere debet: sive proximus opera sua indigens.

VIII. Peccant igitur non operando, quod bonum est, qui labore occupantur, qui sibi, vel alii est noxius; sive corpus spectet, sive animam. Unde peccant, qui venena conficiunt, quoties venenum ad nihil aliud inservire queat, nisi ut vitam auferat, aut sanitatem extenuet, vel diminuat. Peccant etiam, qui artibus vacant, quae vitia for-

vent, v. g. qui tabellas, aut imagines ad lasciviam provocantes efformant, vel libros obscenos, aut hæreses continentes imprimunt; qui in cibis condiendis non ea querunt, quæ necessitati corporali satisfacere possunt, sed quæ unice servant voluptati, & gulam fervent, ac concupiscentiam accendunt; qui in consuecendis vestibus propriis adventionibus eas formas excogitant, quæ Christianæ modestiæ contrariæ sunt, aut sæculi luxum adaugent.

Hic tamen damnare mens mihi non est omnia ciborum continentia, nec vestium diversitatem. Nam continentia ciborum penes sanctos viros in usu fuisse rationis ætatis, infirmitatis, imo & conditionis, Scriptura ipsa nos docet: aliter quippe docet nutrire rusticos, aliter nobiles; aliter sanos, aliter infirmos; aliter senes, aliter juvenes &c. Decet etiam aliis vestibus indui viros nobiles, aliis rusticos, & plebejos. Sed hæc tum ciborum, tum vestium diversitas inter eos limites coercenda est, ut semper caveatur immoderatio, & intemperantia, quam Christi Religio, quin & ipsa naturalis ratio sine ullo discrimine in omnibus reprobatur, atque condemnat.

Nulli deinde curandum cuilibet est, ut honestum sibi finem in laborando præfigat. Labor namque præcipue corporalis de se indifferens est; adeoque, sicut honestus est, ac meritorius, si bono fine exerceatur; ita inhonestus, si malo. Fines autem honesti, & sancti, quos sibi præfigere quisque potest, ac debet, hi sunt primo, ut onus humanæ conditioni adjunctum lubens suscipiat: *homo enim nascitur ad laborem*; secundo ut peragat poenitentiam a Deo cunctis hominibus in Adamo peccante impositam, ut præterita peccata diluat, & ut futura præcaveat &c.

Hinc peccant, qui, honestis hisce finibus prætermittis, laborem corporalem exercent ob vanitatem. Vanitas enim latens

venenum est, quod in opera etiam viliora irrepit. Peccant secundo, qui laborant solo intuitu avaritiæ, sive ex cupiditate divitiarum. Nam, ut jam diximus ex Apostolo Paulo: *Qui volunt divites fieri, incidunt in tentationem, & in laqueum Diaboli, & in desideria multa, inutilia, & nociva, quæ mergunt homines in interitum, & perditionem*. Peccant tertio, qui nimio labore se torquent, ut filios suos ditiores post mortem relinquant. Quamvis enim necessaria filiis, ac familie suæ providere debeant; immodicis tamen cutis, ac laboribus semet divexare, ut filii opulenti sint, ac divitiis affluant, ædum stulta cogitatio est, sed etiam Christiano homine indigna.

§. III.

De obligationibus Magistrorum, atque studentium.

IX. Actus doctrinæ, sive docere, quod proprium Magistrorum est munus, ut sapienter animadvertit S. Thomas 2. 2. q. 181. art. 3. *habet duplex objectum. Fit enim doctrina per locutionem: locutio autem est signum audibile interioris conceptus. Est ergo unum objectum doctrinæ id quod est materia, sive objectum interioris conceptionis &c. Aliud vero objectum doctrinæ est ex parte sermonis audibilis: & sic objectum est ipse audiens; sive discipulus, cui Magister internos mentis conceptus communicat; in quo ejus officium propriè consistit. Et ideo, quæcumque sit ars liberalis, aut scientia, quam aliis communicandum assumit, ut recte munere suo fungatur, tria ipsi necessaria sunt juxta S. Thomæ doctrinam 2. 2. q. 181. art. 4. Primo videlicet, quod homo sit fortiter plenitudinem cognitionis rerum, quas docendas suscipit, ut ex hoc instruere alios possit. Secundo, quod possit confirmare, aut probare ea, quæ dicit: alias non esset efficax ejus doctrina; sive effectum*

non

non induceret, propter quem traditur. Tercio, quod *ea, quæ concipit, possit convenienter auditoribus proferre.*

X. Hinc sequitur, obligationi suæ deesse, se peccare, qui Magisterii officium suscipiunt, aut querunt in aliqua arte, vel scientia, quam ipsi perfecte non callent; aut, neglectis propriæ artis studiis, aliis intendunt animum, quibus in arte, quam profitentur, peritioribus nequaquam sunt. Tenetur enim quilibet, applicatione assidua ad alias sciencias poshabita, eam præ cæteris primum addiscere, quam proficetur, & exercet; & postea, si velit, aliis etiam scientiis vacare poterit. Quare advertere serio debant, qui comœdiis, aut Poësis ad animi relaxationem indulgent; ne forte relaxationis obtentu, aut voluntatis illecebæ, aut prophane eloquentiæ splendore decepti, nimiam temporis partem in hisce studiis impendant, quam in studiis utilioribus, suæque professione congruis impendere deberent.

XI. Præcipua, qua arctissime tenentur Magistri Theologiam, aut Sacras Litteras docentes, obligatio est, ut sanam doctrinam, tum quæ fidei dogmata, tum quæ mores spectat, semper doceant; nullaque tradant, quæ sint Scripturarum, & traditionum Ecclesiæ authoritati contraria, aut a communi Sanctorum Patrum consensione abhorreant, prout in Concilio Tridentino definitum est. Quapropter qui hanc obligationem non impleant, aut in adimplendis deficiunt, gravissime peccant; nec a peccato absolvi possunt in Sacramentali Confessione, nisi prius traçant, quæ tradiderunt, aut quanta fieri potest, diligentia errorem, quem docuerunt, a mentibus auditorum aboleant.

Quid vero dicendum de aliis sententiis, quæ ad fidem non pertinent, nec ab Ecclesia definitæ sunt, & inter Theologos eum opinionum diversitate. hinc, arque

inde disputantur? Hac in re illud primum assero, teneri Doctorem, aut Magistrum, si ve verbo, si ve scripto doceat, eam amplecti, ac tradere opinionem, quæ attento studio, ac diligentia, libris utriusque partis fundamentis, certa sibi visa fuerit. Neque enim aliter se gerere poterit, quin conscientiam, dum veritatem certo cognoscit, contradicat, & suos Auditores in re gravi decipiat.

Quod si haud omnimode quidem certa videatur, sed altera altera probabilior, ac tutior, hanc omnino docere tenetur. Atque in hac assertionem conveniunt nedom Theologi, qui sanctiores doctrinas confitentur, sed etiam fere omnes, qui benigniores, ac nomine Probabilitatum adiungunt. Unde P. Gagua unus ex his, qui postremis hisce temporibus Probabilissimum propugnavit, scripsit in suis Litteris typis editis p. 461., *a sapientibus Probabilissimis generatim inculcari, non licere Magistro alia tradere, quam quæ putat ipse probabiliora, ac veriora: oppositam verò sententiam, Doctorem scilicet posse opiniones, quæ sibi minus solida videntur, minusque probabiles, tradere, jam communiter sibi ab ipsi Probabilistis explodi.*

XII. Ex quo consequitur, rejiciendum esse, ac sibi explodendam opinionem, quam tradunt Castropalaus, Tamburinus, ac de Rhodes, non peccare Magistrum probabilia docentem, prætermittit probabilioribus. Neque hoc peccatum leve est, ut putat P. Thomas Sanchez; sed grave, posita materie gravitate, ut consentiant vel ipsi Probabilistæ doctores; & ex ipsa lege a S. Ignatio in sua Regula tradita satis aperte colligitur, dum suis Religiosis ita præcipit: *Squantum in quavis facultate fecerint, & magis approbatam doctrinam, & eos Auctores, qui eam docent. Quam legem PP. Lechius, Bovius, alique ex Societate lectum de Magistro, ac Doctore* P p p 2 in-

intelligendam esse concedunt.

Quod si hæc explorata omnibus doctrina est, aliud Confessarium sponte sua fuit; neminem scilicet Magistrorum, aut Doctorum nunc saltem temporis posse sine gravi peccato aut in Scholis, aut in scriptis, aut alio quocumque modo docere *Probabilismum*; siue sententiam, quæ defendit, posse nos in concursu opinionis probabilis, aut etiam probabilioris, sequi oppositam minus rectam æque, vel minus probabilem. Quandoquidem & ipsi Probabilistæ, modo saltem coguntur admittere, juxta ipsa principia ab eis constituta sententiam suam iudicium certam minime esse, sed nec etiam opposita probabilior, ut argumentis evidentibus, planeque decretorii suo loco demonstravimus, quæ repetere non est opus. Vide quæ supra in Dissertatione de Probabilismo copiose dicta sunt.

De Studentibus.

XIII. Quoad Studentes, siue Discipulos attinet, illum in primis Doctoris Angelici textum præ oculis habeant oportet, qui legitur quodl. 3. art. 10. hisce verbis: *Dicendum, quod diverse opiniones Doctorum Sacrae Scripturae, si quidem non pertineant ad fidem, aut bonos mores, absque periculo Auditorum utramque opinionem sequi possunt. In his enim locum habet illud Apostoli: Unusquisque in suo sensu abundet. In his vero (N. B.), quæ pertinent ad FIDEM, et BONOS MORES, nullus excusatur, si sequatur opinionem erroneam alicujus Magistri.* In talibus enim ignorantia non excusat. Hæc sunt D. Thomæ formalia verba, quæ legimus loco laudato, prout quisque certior fieri potest locum consulendo.

At quomodo locus iste referatur primum a P. Sanchez in Summa lib. 1. cap. 9. n. 7. a P. Filliuccio T. 2. tract. 21. n. 134. a P. Laymano lib. 1. cap. 5. §. 2. ac demum a P. Dominico Viva in Trutina tum in prop.

27. Alexandri VII., tum in prop. 3. Innocentii XI. ubi textum signat, quasi formalia, & genuina verba D. Thomæ referret? Locus adeo interpolatus est, corruptus, depravatus, ut sensum e regione oppositum reddat. Hæc, inquit ille, D. Thomas quodl. 3. art. 10. dicit, posse quemlibet amplecti opinionem, quam a suo Magistro audit in iis, quæ ad mores pertinent; ita S. Doctori affingens, quod nec ipse somniavit, imo contrarium discrete docuit, ut doctrinam falsam, & erroneam P. Viva defendat, quam scilicet damnavit Ecclesia, & fundamentum quæ contrisistit Probabilismi.

Doctrinam hanc Auditor, siue Discipulus omnino deviare, ac reprobare debet. Equidem juxta S. Thomam, quando opiniones diverse sunt inter Doctores, si non pertinent ad fidem, aut bonos mores, aut plurimæ sunt in Sacra Scriptura, & in Theologia, absque salutis periculo sequi potest, quam ipse maluerit: quoniam in his locum habet Apostoli dictum: *Unusquisque in sensu suo abundet.* At dum agitur de his, quæ ad fidem, & bonos mores pertinent, nullus excusatur a peccato, si sequatur opinionem erroneam alicujus Magistri. Et quare non excusatur? Quia licet in rebus aliis ignorantia culpabilis minime sit; in his tamen, quæ pertinent ad fidem, & bonos mores, ignorantia non excuset a culpa. Quapropter cautissime, magnaque cum circumspectione se gerere debent Auditores in deligendis Magistris, a quibus Theologiam siue Dogmaticam, siue Moralem addiscant; & si contingat ab eis sententias audire, quæ in Dogmatum Ecclesiæ, morumve doctrinam impingant, aut dubium aliquid suboriantur, ne opiniones, quæ iraduntur, laxæ sint, atque periculosæ, doctiores adeant, & securiores Magistros.

XIV. Ulterius, qui ad artes liberales, aut scientias addiscentas se applicant, aut studiis operam navare debent, quæ aut inu-

inutilia, aut noxia non sunt, sed aut scitu necessaria, aut saltem utilia ad erudiendam mentem, & promovendam earum veritatum cognitionem, quas addiscere sibi proponunt. Studium enim pabulum mentis est: unde, sicut corpus efus corporalibus alitur; ita mens nostra studio, & contemplatione nutritur: adeoque, sicut peccaret ille, qui venenosos, aut noxios sumeret cibos, & necessaria sibi alimenta subtraheret; ita peccat, qui studendo vel noxiis, vel inutilibus rebus adjungit animum, vel quæ scitu necessaria sunt, addiscere prætermittit.

XV. Quare peccant in primis, qui falsæ doctrinæ student, quæ fidem, aut bonos mores corrumpere possunt. Ut enim ait Vir CL. Sylvius, *jure naturali vitium est legere libros hæreticorum* (habita etiam legendi facultate) aliorumque, quando periculum est subversionis. *Qui enim amat periculum, in illo peribit: & ea læditi* (ut recte observat) *magis est periculosa, quam vel disputatio, vel colloquium verbale; partim quia, scripta sunt magis meditata, magis ornata, & composita; partim quia, cum in promptu sint, sapius, & attentius leguntur: partim quia sic vera falsis, & bonis mala immiscet, ut facile incantos desipias, præsertim juvenes, aut semidoctos, qui antidotum veneno adhibere seipsum nesciunt.*

Peccant ulterius, qui immodico sciendi desiderio illecti, tempus pietatis, & exercitiis spiritualibus debitum profano studio impendant: qui curiosi insiliunt cogitationibus, quæ ad laudabilem virtutis notitiam non referuntur; sed potius ab utilibus considerationibus animum avertunt, cujusmodi sunt vane illæ speculationes, de quibus loquitur Apostolus Paulus, dum ait 2. ad Timoth. 2. *Stultas, & sine disciplina questiones evita, scient, quia generant lites.* Et ad Tit. 3. *Stultas autem questiones, &*

genealogias, & contestationes, & pugnas legis evita: sunt enim inutiles, & vana.

Peccant demum, qui scientiis secularibus addiscendis immoderato studio inardescunt, easque salutis scientiæ præponunt; quæque status, ac officii sui magis propria sunt, vel scire omitunt, vel superficiei tenus attingunt. Hinc S. Augustinus coarguit lib. 1. de morib. Eccles. cap. 21. illos, qui *magnum aliquod se agere putant, si universam illam corporis molem, quam mundum nuncupamus, curiosissime, intentissimeque perquirunt: unde etiam tanta superbia gignitur, ut in ipso Celo, de quo disputant, sibi habitare videantur.* Additque subinde: *Reprimat igitur se anima ab hujusmodi vana cognitionis cupiditate, si se ipsam servare disposuit, sive immunem coram Deo a peccato.*

Postremo ii, qui ex Studentibus Scholæ frequentant, uti sunt præsertim adolescentes, non intermisso labore, ac diligentia, litteris, quibus applicantur, incumbere debent, tum ut otium supiant, tum ut insurgentes passionibus facilius vincant, quæ maximè in Academicis, & Seminariis grassari solent; tum ut idonei præcipue reddantur ad ea percipienda, quibus a Præceptoribus suis induuntur. Magistris honorem, ac reverentiam exhibeant; ac animum beneficii memorem servant. Sicut enim, ut ait Philosophus, a parentibus esse; ita ab institutoribus suis bene esse recipiunt. Propterea, qui studium notabiliter negligunt, curasque tum parentum suorum, qui eos non exiguis expensis in Scholis alunt; tum suorum præceptorum, qui eis excolendis, & imbuedis non sine magno tedio, multaque patientia dant operam, in re gravi defraudant; lethaliter peccare dicendi sunt, præter alia crimina, quæ negligentiam in studiis consequi solent juxta illud: *Qui evitet discere, incidet in malum.*

CAPUT IV.

§. I.

*De obligationibus Medicorum, aliorumque,
qui sanandorum corporum cu-
ram gerunt.*

*Dotes, quibus Medicus præditus sit
oportet.*

DOCTRINA, ET CONSECTARIA.

- I. *Præcipue dotes, quibus Medicus pollere
debet.*
- II. *Insignis locus V. C. Ludovici Vives de obli-
gationibus, & peccatis Medicorum.*
- III. *In Medico requiruntur ingenium, insti-
tutio longa, probitas morum, sedulitas,
usus.*
- IV. *Quam periculoso officium exerceat Medi-
cus, si scientia sufficienti destitutus sit.*
- V. *Peccatus inexpertus, qui morandi ministerium
assumunt.*
- VI. *Peccant etiam, si ex livore, aut perti-
nacia in alienam sententiam concedere
ahnuunt.*
- VII. *Rei quoque peccati sunt, qui lucri avi-
ditate morbos sanare protrahunt.*
- VIII. *Medicorum negligentia in invisendis ægris,
in perpendendis morborum qualitate, ac
remediorum viribus, in peccato est, &
quidem sæpe mortali.*
- IX. *Hippocratis iniurandum, quod Medici
omnes Christiani observare debent.*
- X. *Alia quædam a Medicis, & Chirurgis
sedulo animaverenda.*
- XI. *Pauperibus ægris vita periclitantibus
gentis succurrere tenentur.*
- XII. *Regula pro Medicorum instructione a
Summo Pontifice Benedicto XIV. collecta.*
- XIII. *Alia ex eodem pro instructione Ecclesi-
asticorum, qui artem Medicam, aut Chi-
rurgicam exercent.*
- XIV. *Quædam de obligationibus Pharma-
copula.*

I. **Q**UEMADMODUM ad mentem exco-
lendam necessarii, atque utiles sunt
Magistri, si dotibus gaudeant, quæ
ad officium suum rite obeundum exiguntur;
ita ad curanda corpora necessarii quoque
sunt, atque utiles Medici, si dotibus præ-
diti sint ad hunc finem consequendum re-
quisitis. Hæc porro dotes præcipuæ, ac ge-
nerales sunt, *scientia morborum, peritia in
applicandis remediis, ac diligentia in invisendis
ægris.* Scientia quidem, ac peritia instructus
Medicus sit, oportet; cum sine
his nec morbum a morbo, nec remedium
salutate, aut idoneum ab inutili, & noxio
secernere valeat. Diligentiam pariter ha-
bere debet in ægris invisendis juxta mor-
borum qualitatem, & infirmis necessitatem.
Ex hac enim diligentia valetudo, aut mora
ægroti sæpe dependet. Quare si in aliquo
horum deficiat, obligationi suæ haud satis-
facit; & peccat contra legem naturalem,
qua adstringitur, ut officio suo recte fun-
gatur, nec se periculo exponat inferendis
proximo gravissimum detrimentum.

II. Verum hac in re nonnulla decerpere
præstat ex Clarissimo Viro Ludovico Vives,
qui cum in peculiari opere suo de pluribus
aliis hominum artibus agat, tum vero de
Medicorum officio, ex quo, quenam sine
obligationes ipsorum, quam luculenter eni-
tescit; & Medicis serio meditandas pro-
pono. „ Loquamur, inquit ille, jam de
„ Medicina, cui arti in omnium corpora
„ vitæ, ac necis potestas, & jus summum
„ est permixtum, nec ulli unquam vel
„ Imperatori, vel Regi tantum in homines
„ licuit. Quocirca & Medicum ipsum na-
„ vare diligentem operam, omnes Divi
„ atque homines possulant, clamant, re-
„ qui-

„quirunt, ut prudenter, atque aman-
 „tissime, quæ sunt & fidei, & po-
 „testati commissa, tractet. Quanta, &
 „quam præsentanea pestis est, si huic
 „potentia adjungatur inscitia; quod fere
 „sit arrogantia, & ex hac rabies oritur,
 „& pertinacia non cedendi“?

„III. Itaque propter tam paratum dis-
 „crimen maximis artis hujus authoribus
 „placuit, non videri dignum cum Medi-
 „cum professione, ac nomine, cui hæc
 „non adessent omnia: natura, ingenium,
 „instituto longa, probitas morum, se-
 „dulitas, usus. Ingenio est opus diligen-
 „ti, attento, conjectore optimo, pru-
 „denti, moderato, non ambitioso, non
 „offentatore, non pertinaci, quodque in
 „sententiam nolit transire melius dicen-
 „tis“.

„IV. Erit hujusmodi Medicus, si ha-
 „buerit persuasum, nihil sibi debere esse
 „prius, aut charius vita, & salute ho-
 „minis, ut nec exclamationem sui, aut
 „quæstum anteponat ei, qui ad illius ma-
 „num, atque operam tamquam ad asylum
 „quoddam ex gravissimo periculo confu-
 „git: id vero est boni viri, & Christiani.
 „Nam si quem per ignorantiam inflexi-
 „bilem occiderit, quomodo deinceps id
 „damni sarciet? Quantam, & quam exa-
 „ctam est Deo redditurus rationem? Siquid
 „ab uno Theologo erratum sit, ab alio
 „corrigitur: si a Jurisconsulto erratur,
 „succurritur æquitate Judicis, restitutione
 „in integrum; denique sit pecunie ja-
 „ctura. Quod vero a Medico erratur,
 „quis corriget? Homini extincto quis af-
 „feret remedium? Unde maxime miramur
 „inveniri tam multos, qui adeo peri-
 „culosum munus suscipere, ac profiteri
 „eorum prius in professionem inciderunt,
 „quam intelligerent, quantum id esset,
 „quod susceperant; nec propterea excu-

„santur: quia, ut docet D. Thomas 1.
 „2. q. 76. *Omnes tenentur scire communiter*
 „*ea, quæ spectant ad eorum statum, &*
 „*officium*“.

V. Pergit deinde illustris Author, &
 contra præceptum Juniorum Medicorum
 praxim ita insurgit: „Jvenes, inquit,
 „atque adolescentes Medici solis scholæ
 „spinis, & capitiunculis instructi, nulla
 „petitia herbarum, animantium, ele-
 „mentorum, denique naturæ hujus nullis
 „experimentis, & cognitione rerum ad-
 „juti, nulla saluti prudentia, judicio, &
 „consilio perquam imbecillo, admittuntur
 „ad Doctoratus honorem; & continuo
 „emittuntur ex Academicis in proxima
 „oppida, & vices ad ponenda rudimenta
 „artis, tamquam manus in initium carri-
 „ficum nec universales noverunt Cano-
 „nes, nec deductionem artis viderunt ad
 „usum; nec ipsi ad opus moverunt ma-
 „num: Jvenes calidi, & confidentes
 „omnia temeritati casuum commendant.
 „Admoneri se non ferunt tyrones a vete-
 „ranis, quibus se æquatos vident ho-
 „nore Doctoratus. Quod si seniores Me-
 „dici admonitionibus molesti esse per-
 „gant, adolescentuli Medici eos aggre-
 „diuntur rixis, & tendiculis scholasticis:
 „hinc clamore, & perviciacia assevera-
 „tionis, conviciis, maledicentia cogunt
 „sibi cedere fenes moderatos, & pugnis
 „hujusmodi desuetes, quæ v. Ros effronti
 „confidentia, importunitate, & odio
 „insectantur tyrones. Hinc nata est su-
 „perba Juniorum Medicorum ostentatio,
 „quæ veterem, & vulgatam medendi
 „viam fastidivit; novam, insolitamque
 „quæsit, quæ admirationem excitaret,
 „non sanitatem procuraret: nec propterea
 „excusantur, quia juxta D. Thomam illi-
 „dem: *Quicumque voluit facere id,*
 „*quod tenetur facere, faciat peccato omis-*
 „*sione*“.

VI. Da Medicorum livore etiam verba facit Author idem, inquiens: „Cum aliqui de quopiam morbo in commune consulunt, qua malignitate, quo livore illi faciunt: quanto subsidio, & vultuositate accipiunt alienam sententiam: qua auctoritate, atque asseveratione proferunt suam: qua pertinacia tueretur quisque, quod semel confirmavit, aut etiam est elapsum, ne cessasse videatur? Idque eo faciunt obstinatus, quo sunt imperitiores; videlicet non tam spectantium de se iudicium veriti, si quid concedant, quam sum ipsorum conscientia, cui satisfacere se non putant, nisi omnino victoriam alii fecerint dubiam, aut victores se, aut certe non aperte victos: nam cedere appellant vinci. Hinc sequuntur detractiones, columnæ &c. quæ singula sunt peccata mortalia: quia juxta D. Thomam: *Detractio per se est peccatum mortale*“.

VII. Sed & de quæstiosa Medicorum avaritia dicendum aliquid putat idem Autor. Ait ergo: „Quæstuosissima facta est ars medicinæ. Quid enim non largiatur homo liberatori suo? An vero sit ullus tam infans, qui in vitam periculo pecuniam parcat? Quid ergo de illis dicam, qui aviditate lucri morbos differunt, quo nihil cogitari potest inhumanius? Non privatim videntur isti admonendi; sed publica severitate puniendi, haud aliter, quam convicti facinorum capitalium. Cur in eam animadvertitur, qui hominem liberum cecidit: illis vero impune est, morbos cum certo valetudinis exitio proferre? De quo ita Ius Canonicum Can. *Abst. dist. 30. Si medicus, inquit: Medicus si indulget periculis, hoc non est curare; sed si verum dicere volumus, occidere*. Et quando solum quædam fecerantur, peccant ex prava illa intentione. Si autem per improbita-

tem, inquit D. Thomas, aliquid immoderate extorqueant, peccant contra iustitiam; ac prout tenentur ad restitutionem illius, quod iniuste extorserunt. 2. 2. q. 71. art. 4. in corp.“

VIII. Denum de Medicorum negligentia ita loquitur: „Qui se ad artem Medicinæ in usum generis humani convertunt, ubi primum se publicis militatibus dedicaverunt, non debeat amplius ad alias artes vel disciplinas divertere. Est enim in hac una satis superque, quod agunt, vel vix universa, quantumlibet diuturna, ac longa; sciatque medicus, quidquid temporis huic studio subtraxerit, tantum subripere, ac furari sanitati suorum ægrotantium. Nihil ergo charius, aut potius habebit, quam humanum corpus, Quo circa experimenta prima, quæ sunt plenissima periculi, non sumet in humano corpore, sed in re vili: nempe in muris animantibus, nullam omittat studendi occasionem, qua fiat in arte peritior, ut monet Hippocrates 2. ara. longa, vita brevis“.

IX. Sed juvat hic scribere Jusjurandum Hippocratis, ut sciant medici Christiani, qua religione medicinam Paganus exerceat. Sic enim habet p. 2. *Ceterum quod ad ægros attinet sanandos, dietam ipsi constituam pro facultate, & iudicio meo commodam: omneque detrimentum, & injuriam ab eis prohibebo. Neque vero ullius preces apud me adeo valida fuerunt, ut cuiquam venenam sim propinaturus; neque etiam ad hanc rem consilium dabo. Similiter etiam neque mulieri potum pro faciundo abortu dabo. Porro sanctorum, & ceteræ vitam, & artem meam conservabo. In quovis domo ingressus, ob utilitatem ægrotantium intrabo; ab omni injuria voluntaria inferenda, & corruptione, quæ alia, tamen præsertim operum venereorum abstinebo, siue muliebris, siue virilis, liberorum, aut servorum corpora mihi*

contigerit curanda: quicumque vero inter curandum videro, aut audiero, imo etiam ad medicandum non adhibitis, in communi hominum vita cognovero, ea si quidem efferre non oportuerit, tacebo, & tamquam arcana apud me continebo. Hoc igitur iuvandum mihi integre servanti, & non confundenti contingat & vita, & arte feliciter frui, & apud homines in perpetuam gloriam meam celebrari; transgredienti autem, & peferanti his contraria eveniat. Hæc ille præclare admodum; quæ utinam & a Medicis Christianis omnibus fideliter faveantur.

§. II.

Alia quadam a Medicis observanda.

X. His omnibus addo, Medicum, sicut etiam, proportionem servata, Chirurgum remedium ægotacti applicare non posse, quod dubium est, profuturum ne sit, an nociturum. Hoc enim in casu periculo se exponit necandi, vel ledendi infirmum, qui forte ex ipsa naturæ vi sanaretur. Quod si unicum remedium suppetat, Medicus ex variis circa remedium illud opinionibus tenetur sequi probabiliorē, atque tutiorem, consentientibus ipsis Probabilissimi defensoribus, qui in hisce rebus temporalibus tutiora sectantur. Sic etiam, quoties cetum liber, pharmacum aliquod infirmo profuturum esse, illud adhibere tenetur, eo prætermisso, de quo dubitatur, aut solum probabiliter profuturum putat. Si certa pharmaca non occurrant, debet uti probabilioribus: tum quia alioqui proximi salutem in discrimen adduceret; tum quia officio suo tenetur perfungi eo meliori modo, quo potest, cum minimo proximi periculo, & damno. Quod si nulla spes affulgeat de proximi salute, nec adsit remedium, nisi dubium; de quo scilicet dubium est, num sit profuturum, vel damnum potius allaturum; illud adhibere licite potest, ac tenetur:

Passauzi Theol. Mor. T. II,

quoniam sic negotium infirmi utiliter geritur; ac, si moris fortasse sequatur, morbi magnitudini impuniatur.

XI. Obligantur etiam Medici; quemadmodum quoque Chirurgi, ac Pharmacopolæ, succurrere pauperibus ægrois, qui ab omnibus deserti sunt, aut probabiliter deserendi; eorumque curationem gratis suscipere. Ita namque ab ipsis exigit præceptum divinum de proximi dilectione, quod *Proverb. 24.* sic explicatum est, ut ad hanc obligationem confirmandum nihil sit hoc oraculo accommodatius: *Erue, inquit, eos, qui ducuntur ad mortem; & qui trabuntur ad interitum, liberare ne cesses. Si dixeris, vires non suppetunt; qui inspector est cordis, ipse intelligit; & servatorem animæ tuæ nihil fallit, reddiditque homini juxta opera sua.* Quæ verba nedum intelligenda sunt de iis, qui falsis testimoniis, aut iniqua iudicis sententia opprimuntur, & ad mortem rapiuntur; verum etiam de omnibus, quorum salus, & vita periclitatur ob alimentorum, vestimentorum, remedium, aut aliarum ejusmodi rerum defectum. Hanc obligationem adstruit etiam S. Thomas 2. 2. q. 71. art. 1., ubi postquam advocati obligationem in causis pauperum agendis, ac defendendis exposuit, subdit et vestigio: *Et idem, dicendum est de Medico, quantum ad curationes pauperum.*

§. III.

Regula pro Medicis ex operibus Benedicti XIV. collecta.

XII. Piaculare plane fuerit, hic silentio præterite regulas ad Medicorum instructionem in obligationibus suis, collectas in *Epicome Doctrinæ Moralit. &c. ex Operibus Sapientissimi Pontificis Benedicti XIV.*, in qua inter alias V. Medicus hæc habeatur: „Medici tenentur sub gravi monere infirmum, cum vocantur ad eum curandum, Q. q. q. „ ut

„ ut vocet Confessarium, ut provideat de
 „ salute animæ suæ, ita præcipiente Con-
 „ cilio Lateranensi In Cap. *Cum infirmitas*
 „ *de Penit. & Remiss.* S. Pius V. in sua
 „ Constitut. 3. in Bullario Romano jubet,
 „ ut Medicus ante omnia id moneat; neque
 „ tertio die ulterius illum visitet, si vo-
 „ care Confessarium recusaverit. Transgres-
 „ sores Medicos incurrere poenam infamiae,
 „ & privationem omnium privilegiorum ejus
 „ professionis. Mandat insuper, ut nemo
 „ deinceps lauream Medicinæ obtineat, ni-
 „ prius juret coram publico Notario, &
 „ Testibus ejus *Bulla* observantiam. Neque
 „ ab his servandis excusantur Medici ex
 „ consuetudine jam per longum tempus
 „ introducta, cum ob singulorum juramen-
 „ tum consuetudo ista inlucel non potuerit:
 „ sufficit tamen, si Medicus id moneat per
 „ alium virum graveol. *Instit. Eccles.* 22.
 „ §. 16.

„ Non tamen tenentur sub gravi monere
 „ ægrotum in quocumque morbo: sed quan-
 „ do ita aliquo morbo corripitur, ut, at-
 „ tentis omnibus, judicare possit, pericu-
 „ lum esse, ut evadat mortalis. *Ibid.* §.
 „ 18. Consultus est tamen, ut moneatur
 „ ægrotus, etiamsi non timeatur periculum
 „ illud. *Ibid.* §. 20.

„ Si tamen ægrotus renuat Confessionem,
 „ & morbus sit adeo periculosus, ut defer-
 „ rus a Medico timendum sit, ne moria-
 „ tur, docent tunc Theologi, deferendum
 „ a Medico non esse, ne ægrotus amittat
 „ spem sanitatis recuperandæ, adeoque
 „ respiciendi. *Ibid.* §. 17.

„ Laici artem Medicam, vel Chirurgicam
 „ exercere ex præscripto suæ artis,
 „ etiamsi aliquis ægrotus obierit, non ta-
 „ men incurrunt irregularitatem: *ad cau-
 „ telam* tamen petunt, & obtinent dispen-
 „ sationem, si promoveri ad Ordines Sa-
 „ croscopulanti. Arcamen hujusmodi *Bre-
 „ vis* non conceduntur, nisi prius audite

„ Episcopo, cui injungitur, ut distincte re-
 „ ferat casus omnes animadversione dignos,
 „ eorumque peculiare circumstantias; simul-
 „ que exponat, cuius rei gratia Orator ad
 „ Ordines Sacros promoveri possit. *De*
 „ *Synod. Dioces.* lib. 13. cap. 20. §. 4.
 „ *Nov. Edit.*

„ XIII. Sacros vero Ordines jam obti-
 „ nentes, vel etiam Minores cum Eccle-
 „ siastico beneficio, ex præscripto Sacro-
 „ rum Canonum necessario debent petere
 „ indultum, si medendi artem velint exer-
 „ cere. Hoc vero indultum non obtinetur,
 „ nisi exposita causa; nempe quod locus,
 „ in quo Orator degit, & prosteri cupit,
 „ vel sit pene destitutus, vel non satis illi
 „ provisum sit ex Medico Laico; vel de-
 „ nique ejus familia tantæ sit egestatis, ut
 „ providendum illi sit ex honesto lucro ab
 „ arte Medici percipiendo. *Ibid.* §. 6.

„ Regulares ex Institut sui ratione Ho-
 „ spitalium curam, & administrationem
 „ obtinentes, medicam artem exercere
 „ non possunt extra illa Hospitalia. *Ibid.*
 „ §. 7.

„ In prædictis indultis Apostolicis Mona-
 „ chis, vel Clericis concessis semper appo-
 „ nitur hæc limitatio: *Absque incisione, &
 „ aduisione.* *Ibid.* §. 2.

„ Clericis Sæcularibus Sacris Ordinibus
 „ insignitis, si concessum fuerit indultum,
 „ ut provideat familiæ indigenti; illud
 „ durat, quoadusque Orator certos Eccle-
 „ siasticos redditus, vel residentiale bene-
 „ ficiam obtinuerit. Insuper affertur limi-
 „ tatio, nequid esposit ab ægrotis; neque
 „ enim Ecclesiastico Sæculari Medico prohi-
 „ betur, ut sponte oblata recipiat, præter
 „ quam a veris egentis, a quibus nihil pe-
 „ nitus potest accipere. *Ibid.* Regularibus
 „ vero indultis semper datur cum mo-
 „ dificativa, ut nihil penitus ab ægrotis
 „ recipiant, *Ibid.*

„ Chirurgiam voco exercere Ecclesiasticis

„ Sæcularibus, vel Regularibus longe difficilius conceditur; & tunc solum, cum „ omnia omnino Chirurgus Laicus deest, „ quin & tunc sine aduersione, & sessione. Ib. „ §. 11. „ Hæcenus ex doctissimo Sammo Pontifice delibata.

XIV. Obiter etiam dicam de obligatione *Pharmacopœa*. Peccat iam primo, si absque simpliciis, aut herbarum, sive medicamentorum noticia suam artem exerceat. Secundo, qui ex arbitrio remedia conficit, aut absque necessaria diligentia vel etiam remedia a Medico, cui inhære omnino debet, præscripta non ministrat, nisi forte nimis manifestus sit Medici error in præscribendo; quo in casu peritiores consulat oportet. Tertio, qui remedia nullius virtutis præbet, aut quæ virtutem ex veritate jam amiserunt. Quarto demum qui remedia parat, quæ bonis moribus contraria sunt; de quibus Cap. 5. de *Homic. Volunt. &c.* habetur: Si aliquis causa explenda libidinis, vel odii meditatione, homini, aut mulieri aliquid fecerit, aut dederit, ut non possit generare, aut concipere, vel nasci soboles, ut homicida teneatur.

CAPUT V.

De *Judicum obligationibus, & eorum peccatis in ipsarum omissione.*

DOCTRINA, ET CONSPECTARIA.

- I. Quatuor dotes requiruntur in *Judice*: quarum prima, *authoritas* scilicet *judicandi*, declaratur ex *S. Thoma*.
- II. Quatuor modi, quibus aliquis *judicio* alterius subiectus sit.
- III. Multipliciter ex hoc capite peccare *Judex* potest.
- IV. Requiritur secundo in *Judice* sufficientis scientia eorum, quæ suum spectant officium.
- V. Quorum scientiam callere *Judex* debeat.
- VI. Dum certa veritatem cognoscere nequit,

in causis civilibus probabiliorē partem sequi tenetur: in criminalibus favere potius viro, quam alicui.

- VII. Quanam a *Judice* in examine causa observanda sint.
- VIII. De tertia *Judicis* dote, & obligatione; reddendi nimirum unicuique, quod suum est, constanti voluntate.
- IX. Colligitur, quando *Judex* desit ex hoc capite obligationi suæ.
- X. Quandonam *Judex* possit, aut non possit relaxare penam delicto debitam. *S. Thoma* doctrina.
- XI. Juxta pestem doctrinam quadam argumenta diluit idem *S. Doctor*.
- XII. De quarta dote in *Judice* requisita, quod videlicet venalitatem fugiat in suo officio, & obligatione inde consecuta.
- XIII. *S. Thoma* doctrina proposita. Quid ex ea sequatur.
- XIV. Colligitur, quando peccent *Judices* ex hoc capite.
- XV. Laxa plures adversus obligationes *Judicis* constitutas *Casuis* opinionibus referuntur, ac reprobantur; ac primum *Bunsenbaum*.
- XVI. Alia ejusdem opinio in propositione damnata contenta.
- XVII. Laxa opinio *P. Valentia*, posse *Judicem* in causis æqualis probabilitatis in favorem amici sui *judicium* ferre, asserentis.
- XVIII. Laxior de re eadem, ac expressè damnata opinio *PP. Dicastilli, Salas, Fagundes &c.*
- XIX. Quid de eadem questione sentiat *P. Thomas Sanchez* *Probabilissarum Principum*.
- XX. Corruptior alia *P. Tamburini* sententia, putantis licitum esse *Judicem* vendere sententiam probabilem propter extrinsecam *Distorum*, quos refert, auctoritatem.
- XXI. Hæc opinionem communem esse *S. J. Doctoribus* censet *Escobarius*.

XXII. Testimonium Apologistarum Casuistarum, lexem eandem opinionem communem faviter esse offerentis.

XXIII. Juxta eundem aliam quoque monstrari opinionem Casuista docent; non teneri scilicet Judicem ad ea restituenda, quae pro danda injusta sententia recepit. Verba P. Lessii, qui alios laudat.

XXIV. Quaedam de obligatione Judicis in causis criminalibus. S. Thomae doctrina exposita.

XXV. Confessoria, quae ex doctrina constituta deducuntur.

§. I.

Quatuor afferuntur, & explicentur dotes, quae in Judice necessariae sunt, ex quibus ejus obligationes proficiunt.

I. **D**E judicio publico, prout actus justitiae est, supra differentes nonnulla diximus, quae huc revocantur. Nunc autem de peculiaribus Judicium obligationibus plura addenda sunt, doctrinam D. Thomae sequentes 1. 2. q. 67., ex qua quatuor praecipue colliguntur Judicis obligationes; nimirum 1. quod auctoritate judicandi gaudeat; 2. quod scientia discernendi, quae recta sunt, polleat, 3. quod constantem habeat ius suum univocum reddendi voluntatem; ac 4. tandem quod in iudicio exercendo quamcumque venialitatem fugiat.

Quoad auctoritatem judicandi pertinet, eam necessariam esse in Judice probat S. Doctor art. 1., ubi quaerit: *Utrum quis possit iudicare eam, qui non est sibi subditus?* eamque questionem ita resolvit. „Sententia „iudicis, ait, est quasi quaedam particulari- „ris lex in aliquo facto particulari. Et „ideo, sicut lex generalis debet habere „vim coactivam; ita etiam & sententia „iudicis debet habere vim coactivam, per „quam constringatur utraque pars ad servandam sententiam iudicis: alioquin ju-

dicium non esset efficax. Potestatem „autem coactivam non habet licite in re- „bus humanis, nisi ille, qui fungitur publica „potestate; & qui ea funguntur, supe- „riores reputantur respectu eorum, in „quos sicut in subditos potestatem accipi- „unt, sive habeant ordinariam, sive per „commissionem. Et ideo manifestum est, „quod nullus potest iudicare aliquem, nisi „sit aliquo modo subditus ejus vel per „commissionem, vel per potestatem ordi- „nariam “.

II. Quamquam vero duos modos S. Thomas tantum commemorat, quibus aliquis sit alteri subditus; nempe ratione *potestatis ordinariae*, qua quis suo Principi subiectus est, & ratione *commissionis*, sive *delegationis*, quae a legitimo Principe fieri potest, ac solet: duos tamen alios minus praecipuos sub iis comprehendisse Auctores observant ex his, quae habet in *respons.* ad argumenta; nempe subiectionem *ratione delicti*, vel *contractus*, & quae inducitur *ex partium consensu*: quando scilicet illi, qui litigant, aut controversiam habent, compromittunt in certum, aut certos quosdam arbitros se partituros eorum determinationi, adjuncta poena illi, qui tergiversari voluerit.

Et primum quidem modum satis insinuat S. Thomas in *respons.* ad 3., ubi loquens de *delicto* in aliqua Diocesi commissio ait: *Episcopus* (idem dicas de alio quocumque saeculari iudice) in cuius Diocesi aliquis delinquit, efficitur superior ejus ratione delicti, etiamsi sit exemptus; nisi forte delinquat in *re aliqua exempta*, puta in administratione bonorum aliqujus Monasterii exempti. Sed si aliquis exemptus committat furtum, vel homicidium, vel aliquid huiusmodi, potest per ordinarium (sive Principem) iuste condemnari.

Alium vero subiectionis modum designat in *respons.* ad 2. dicens: *In rebus humanis aliqui propria sponte possunt se subiacere alio-*

rum iudicio, quamvis non sint eis superiores: sicut patet in his, qui compromittunt in aliquos arbitros. Ex inde est, quod necesse est, arbitrium pœna vallari: quia arbitri, qui non sunt superiores, non habent de se plenam potestatem coercendi.

III. Ex his colligitur 1. peccare, quicumque in iudicando alienius jurisdictionem usurpat. Index enim, ut ait S. Gregorius in Deuteron. c. 23. *salcem iudicii mittere non potest in eam segetem, quam alteri videtur esse commissa.*

Peccat 2. iudex civilis, qui in rebus spiritalibus iudicium exercet; & similiter iudex ecclesiasticus, qui rebus temporibus ad sæculares Iudices pertinentibus iudicium usurpat.

Peccat 3. quicumque fædo diplomate constitutus est Iudex: quia falsus titulus pro nullo habetur. Item qui se Iudicem fingit, dum revera Iudex non est. Pariter qui sub ementito Doctoratus gradu fallit Principem, & Iudex constitutus est: quia tunc iudicium usurpat, cum vere Iudex non sit. Iudicia tamen, quæ ab illo exercentur, qui titulum coloratum habet, nisi aliud impedimentum adsit juris naturalis, aut divini; non improbantur a Principe, sed rata habentur, ut statuit l. *Barbatus ff. de Officio Prætoris*. Hinc sententia lata a Iudice occulte excommunicatio valida est. Quod si Iudex ille publice declaretur usurpator, iudicia omnia ab eo lata irrita, & nulla sunt, nisi ab habente potestatem rata habeantur. Vide quæ de Legibus, ac de Iudicio, prout *Iustitia est alius*, dicta sunt.

IV. Altera, quæ in Iudice dos requiritur, est *scientia sufficiens* eorum; quæ officium suum spectant. Nam juxta vulgatam S. Thomæ regulam *singuli tenentur scire ea, quæ ad eorum statum, & officium spectant*. Hinc lib. 2. Paralip. 6. 19. de Rege Josaphat dicitur: *Constituit Iudices terra in cumulis Civitatibus Juda munitis per singula loca,*

& præcipiens Iudicibus: videte, inquit, quid sociatis. Non enim bonis exercetis iudicium, sed Domini; & quodcumque iudicaveritis, in vos redundabit. Sit timor Domini vobiscum, & cum diligentia cuncta facite: non enim est apud Deum nostrum iniquitas, nec perfonarum acceptio, nec cupido munerum. Quibus verbis innuitur, Iudices imitatores Dei esse debere, qui tamen noverit omnia, nihil tamen iudicat, nisi re cognita, atque perpensa. Unde iudicium latorum in infames quinque Civitates Sodomæ &c., dixit: *Descendam, & videbo &c.*; ut per hoc Iudices doceret, nihil sine scientia, & abique maturo examine iudicandum esse.

V. Quare Iudex in primis debet habere scientiam legum, juxta quas iudicium in ejus tribunali exercendum est; v. g. scientiam legum Romanarum, ubi viget jus Romanum, vel Regnorum, sive Principatuum, velut etiam consuetudinum probatarum.

Debet insuper callere, quomodo applicandæ sint leges ad peculiare casus, qui occurrere solent; prudenter ponderare rationes pro utraque parte militantes; easque non somniculose, sed serio, ac diligenter expendere, exemplo Job de se asserentis cap. 29: *Causam, quam nesciebam, diligentissime investigabam.*

Uterius in examine, & iudicio rationum debet determinare quæstiones quidem juris per *jus scriptum*, vel *non scriptum*, juxta præsentem vigorem utriusque; quæstiones autem facti per instrumenta, & testes; quoniam leges scriptæ, vel non scriptæ unius versalia juris præcepta continent: instrumenta vero, & testes facta determinant. De legibus S. Augustinus c. 31. *de vera Religione* ait: *Cum leges fuerint institutæ, & formata, non licebit Iudici de ipsis iudicare, sed secundum ipsas.* De testibus, & instrumentis S. Ambrosius in psal. 113. *serm. 1.* scribit: *Bonus Iudex &c. sicut audit, ita iudicat.*

VI. Probationes dum aliquam ambiguitatem præferunt, in causis civilibus Judex debet in partem verietem, aut probabiliorem accipere; & in causis criminalibus in interpretatione favere reo potius, quam alicui juxta regulam juris. Sic in illa discussione, & examine sequi non debet scientiam suam privetiam, sed dirigere per scientiam publicam, quam deponit vel ex legibus, vel ex instrumentis, vel ex testibus. Judex namque est persona publica, non declarans, quid ipse sentiat; sed pronuntiatur, quid leges imperent, quid instrumenta ferant, quid testes enuncient.

VII. Posito Judex in examine tam legum, tum instrumentorum, tum in testium discussione hæc sedulo observare debet: 1. Judicare non debet: nisi audita utraque parte, ut ait S. Gregorius lib. 7. Epist. 45., & equitas ipsa naturalis jubet. 2. Ad judicandum tribus mediis uti debet; *accusatione* scilicet, *denuntiatione*, & *inquisitione*, nisi erimam notorium sit: tunc enim sufficit evidentia facti. 3. Processus acti exequatur, oportet per publicam personam, aut saltem duos viros idoneos, ut in Concilio Lateranensi IV. cap. 8. constitutum est. 4. Actorem admittere non debet ad judicandum, nisi libellum de causa dederit, aut quidpiam simile juxta loci consuetudinem. 5. Demum sententiam contra absentem pronunciare non potest, nisi citatus comparere recuset.

VIII. Quoad tertiam Judicis dorem, & obligationem attinet, quod habeat scilicet *constantem voluntatem reddendi unicuique, quod suum est*, sive quod ipse debet, vel quod petenda est, quod *justum* judicium judicet: hæc obligatio intima officio Judicis prætexitur, est, ex ipsa lege naturæ derivata, & in lege divina diserte præcepta; ut inter alia testimonium, quæ asserti possunt, constat ex cap. 1. Deuteronomio. *Quod justum est, judicet, sive civis sit ille, sive peregrinus: nulla*

erit distantia personarum. Ita parvum audietis, ut magnum. Nec accipietis cuiusquam personam: quia iudicium Dei est.

IX. Unde peccat Judex, qui corruptus vel odio, vel amore, vel timore, vel precibus iustitiam violat, sive non iudicat juxta legum præscripta; sive iniustitiam respiciat substantiam rei, sive etiam procedendi modum. Sic peccat 1. qui damnat innocentem, vel falsa pietate commotus absolvit reum secundum illud Proverb. cap. 17. *Qui justificat impium, & qui condemnat justum, abominabilis est uterque coram Deo.*

2. Peccat qui judicando inter pauperem, & divitem, res divitis adjudicat pauperi ex quadam irrationabili misericordia. Siquidem in iudicio necesse est tam diviti, quam pauperi jus suum æque tribuere. Hinc Exodus cap. 23. præcipitur: *Pauperis quoque non misereberis in iudicio.*

3. Peccat, qui ex timore vel reis divitibus insulget, vel pauperem contra divitis oppressionem non tuetur. Unde Ecclesi. 7. expresse iudicibus denunciatur, ut ab officio iudicis suscipiendo abstinant, si tanta animi fortitudine præditi non sint, ut in iudicando nec divites, nec potentes extimescant: *Nolli velle fieri Judex, nisi valeas virtute pervincere iniquitatem.* Hujus delicti rei sunt iudices illi, qui, ut potentum vindictæ, aut voluntati obsequantur, inique damnant innocentem, uti fecit Pilatus, qui territus nomine, & indignatione Cæsaris, quam objiciebant Judæi, in eorum nefarium facinus transivit, & Christum innocentem inortu adjudicavit. Rei patiter ejusdem delicti sunt, qui Magnatum, vel divitum cupiditati servientes, pauperum causas aut aulice abnuunt, aut fundamenta rationum, ac titulorum, quæ proferunt, non attendunt, vel etiam contemnunt: de quo delicto sui temporis iudices arguebat Isaias cap. 1. dicens: *Pupillo non iudicant; & causa vilis non ingreditur ad illos.*

Peccant itidem, & obligationem suam violant Judices, qui secundum formas a jure præscriptas, justitiam non reddunt; sive id præstent, ut malefactoribus saveant, sive ut tutelam innocentibus haud præbeant. Utrumque enim execratur Dominus *Exod. 22. & 23.* sic loquitur: *Maleficos non patieris vivere; & infontem, & justum non occidas: quia averfor impiam.*

Peccati quoque reus est Judex, quoties in modo instituendi processum formas juris non observat ad veritatem investigandam idoneas; ex. c. dum judicat sine necessariis delationibus, aut superfluas admittit: dum justas exceptiones abjicit, aut ineptas recipit; dum interrogat circa ea, circa quæ interrogare minime debet, aut interrogationes necessarias negligit: dum differt amplius, quam par est, pronunciare sententiam, aut, ea jam pronunciata, paribus litigantibus communicare renuit. In his quippe casibus formam a jure præscriptam non observat.

X. Verum in his, quæ diximus, animadvertenda est doctrina S. Thomæ, quam habet hic *art. 4.* ubi inquit: *An Judex licite possit pœnam relaxare?* Ad quam questionem ita solide respondet: „Duo sunt, quantum ad propositum pertinet, circa Judicem consideranda, quorum unum est, quod ipse habet judicare inter accusatorem, & reum: aliud autem est, quod ipse non fert sententiam quasi est propria, sed quasi ex publica potestate.“

„Duplex ergo ratione impeditur Judex, ne reum a pœna absolvere possit. Primo quidem ex parte accusatoris, ad cujus jus quandoque pertinet, ut reus puniatur; puta propter aliquam injuriam in ipsum commissam, cujus relaxatio non est in arbitrio alicujus Judicis: quia qui liber Judex tenetur jus suum reddere unicuique. Alio modo impeditur ex parte Reipublicæ, cujus potestate fungitur, ad

„cujus bonum pertinet, quod malefactorum puniatur.“

„Sed tamen quantum ad hoc differt inter inferiores Judices, & supremum Judicem, scilicet Principem, cui est plenaria potestas publica commissa. Judex enim inferior non habet potestatem absolvendi reum a pœna contra leges a superiore sibi impositas.... Sed Princeps, qui habet plenariam potestatem in Reipublica, si ille, qui passus est injuriam, velit eam remittere, poterit reum licite absolvere, si hoc publice auctoritati viderit non esse nocivum.“ Hæc ille præclarissime.

XI. Juxta hanc doctrinam solvit deinde S. Doctor quædam, quæ sibi objecerat, argumenta; eamque magis illustrat. Et ad primum quidem observat, quod *miserordia Judicis habet locum in his, quæ arbitrio Judicis relinquuntur, in quibus boni viri est, ut sit dimittendus peccatorum. In his autem, quæ sunt determinata secundum legem divinam, vel humanam, non est solum misericordiam facere.*

Secundum vero argumentum ex exemplo Dei pœnam peccatorum condonantis desumptum sic diluit: *Deus habet supremam potestatem judicandi; & ad ipsum pertinet quicquid contra aliquem peccetur. Et ideo liberum ei est pœnam remittere: præcipua cum peccato ex hoc pœna maxime debeatur, quod est contra ipsum. Non tamen remittit pœnam, nisi secundum quod decet suam bonitatem, quæ est legum omnium radix.*

Tertio autem ex eo ducto, quod absolvere reum a pœna prodest ei, & nulli nocet, reponit; quod Judex, si inordinate pœnam remitteret, nocuuntum inferret Communitati, cui expedit, ut maleficia puniantur ad hoc, quod peccata vitentur. Unde *Deuter. 25.* post pœnam sedullorum subditur: Ut omnis Israel audiens timeat, & nequaquam ultra faciat quidpiam hujus rei simile. *Nocet etiam*

etiam persona, cui est illata injuria, quæ recompensationem accipit per quamdam restitutionem honoris in pena injuriarum. Quamquam igitur Judex in poenis delictorum constituendis laudabiliter propendat in misericordiam potius, quam in severitatem, cavere tamen debet sub gravi culpa, ne immoderata sit ipsa elementia. Nam si Judex inferior sit, nefas ipsi est nedum relaxare, sed etiam diminuire poenam a lege constitutam: si autem supremus fuerit, pro oculis semper habeat oportet, ne pietas sua benignitate delicta foveat in Communitatis præjudicium, aut juri alienius nocumentum inferat.

XII. Denum quod quartam, ac postremam Judicis dotem spectat, ut *vanitatem omnem devitet*; hæc obligatio jure saltem divino positivo nititur. Deus enim *Dout. cap. 16.* diserte præcipit: *Non accipies (in judicando) personam, nec munera: quia munera excæcant oculos sapientium, & mutant verba justorum*; quæ ratio asseritur etiam *Ecclesi. 10. Xenia, & dona excæcant oculos judicum*. Unde hæc obligatio in ipso quoque naturali jure fundamentum habet. Eadem lex a jure positivo humano ob eandem rationem communiter præscripta est. Quare Clerus Gallicanus anno 1700. inter alias hanc protulit Casuistarum propositionem: *Possunt Judices accipere munera a litigantibus; nec tenentur restituere, quæ acceperint ad pronuntiandum sententiam*. Alia pro eadem obligatione adducenda monstra præcæmitto; solumque a hujus auctoritatem S. Thomæ quæ habetur. 2. 2. q. 71. art. 4. ad 3.

XIII. Sibi objecerat S. Thomas ad probandum, Advocato non licere pro suo patrocinio pecuniam accipere, hoc argumentum: Sicur ad judicium concurret persona advocati, ita etiam persona Judicis, & persona testis. Sed Secundum Augustinum ad Maced. *non debet Judex ver-*

deri justum judicium, nec testis verum testimonium. Ego nec Advocatus vendere, justum patrocinium. Quid huic argumento respondet S. Thomæ? Ecce.

Ad tertium dicendum, quod Judex, & testis communes sunt utrique parti: quia Judex tenetur justam sententiam dare, & testis verum testimonium dicere. Justitia autem & veritas non declinant in unam partem magis, quam in aliam. Et ideo Judicibus de publico sunt stipendia laboris statuta: & testes accipiunt non quasi pretium testimonii, sed quasi stipendium laboris, expensas vel ab utraque parte, vel ab ea, a qua inducuntur: quia nemo militat stipendiis suis unquam, ut dicitur 1. ad Corinth. 9. Sed Advocatus alteram partem tantum defendit: & ideo licite potest pretium accipere a parte, quam adjuvat.

Ex hoc responso habes primo, sententiam esse tum S. Augustini, tum S. Thomæ, Judicem munera recipere non posse pro suo officio exercendo; quorum auctoritas centum mille Casuistis prævalere debet.

Habes secundo, fundamentum utriusque S. Doctoris esse: quia Judex tenetur justam sententiam dare; & ut ait Augustinus, *non debet vendere justum judicium*, præsertim cum Judicibus jam sint de publico stipendia laboris constituta.

Habes tertio, juxta eosdem Sanctos Doctores nec testes posse quidpiam accipere pro vero testimonio reddendo. Quod si aliquid quandoque accipiant, hoc non est pretium testimonii, sed quasi stipendium laboris: quia nemo militat stipendiis suis.

XIV. Peccat igitur Judex, quoties vel munera, aut alia quidpiam pretio estimabile recipit, vel ut sententiam ferat, vel ut alicui parium faveat, vel ut crimina impunita relinquat.

Peccant etiam graviter Judices, sive superiorum Curiarum sint, sive inferiorum, qui a Magnatibus pensiones, redditus recipiunt; tum quia ab editis Principum hoc prohi-

prohibetur: tum quia ex pensiones hoc sine a Magistris, ac divitiis conferri solant, ut, dum casus occurrerit, suis partibus faveant. Et aliunde pro labore suo satis a Republica provisorum sit.

Rel quoque gravis peccati sunt Judices, qui pro commissio aliquo delicto compositionem ex arbitrio faciunt, sive a puniendo delicto desistunt, modo vel ipsi, vel parti civili pecunia aliqua impendatur: tum quia pecuniam accipiunt pro non reddenda iustitia, quam juxta leges reddere tenentur: tum quia, in causa sunt, quod crimina debitis poenis non puniantur.

Lethalis item peccati rei sunt Judices, qui fallacia quibusdam, quas prava consuetudo, aut lucri cupiditas invexit, utuntur, ut protrahant lites de die in diem, quibus litigantes expensis pluribus exponunt, quae in ipsorum utilitatem referuntur: ita ut quamvis munera non recipiant, saltem utilitatem inde reportent, quae muneribus aequipollet. Hinc enim qui iustas causas tuentur, litigare vix audent: & qui contra causam iniquam prosequuntur, lites intentant: quae manifesta iudiciorum perversio est: atque hoc abusu sit, ut forum iustitiae evadat iniquitatis asylum.

§. II.

*Laxe plurimum Casuistarum opiniones circa
Judicum obligationes promuntur, ac
reprobantur.*

XV. Sanis, quas posuimus ex S. Thoma, melioribusque Theologia, doctrinis ex adverso opponuntur plurimorum Casuistarum opiniones, quas in medium promovere juvat, non ut eas multis refutemus, sed ut potius abominemur, licet illi Probabilissimi praesidio munitas tamquam probabiles, adeoque licitas defendere pertineant.

Prodeat primum Busembaum, ejus sententiam praesertim assero, ut quisque videat
Patuzzi Theol. Mor. T. II.

laudari S. Thomam etiam citato loco pro sententia, quam ipse non docuit. Sic igitur scribit ille lib. 4. cap. 3. dub. 2. art. 1. *Judex carum, necessaria scientia non debet absolvi, nisi facta renunciatione officii, vel nisi firmum habeat propositum renunciandi.* Ita S. Thomas 2. 2. q. 66. art. 2. In primis D. Thomas nec loco a Busembaum citato; nec q. 67. ubi de Judice agit, quidquam habet quoad rem praesentem. Deinde nec exacta Busembaum resolutio est. Nam Judex carum scientia necessaria, aut etiam sufficienti, ut absolutione dignus sit, primo quidem reparare tenetur damna, quae ex inficitia sua in proximum derivata sunt: quoniam inficitia eorum, quae ad proprium officium pertinent, culpe suae varitur. Tertio, ipso Laeroixio ejus Commentatore satente, Judex non habens scientiam sufficientem peccat officium petendo, admittendo, retinendo, & quoties cum tali ignorantia operatur: quia tenetur omnes scire casus ordinarios in officio suo occurrentes: adeoque satis non est firmum propositum renunciandi imposterum officio, sed necesse est, ut illud a vestigio relinquit; nec absolvi debet, nisi illud reapse deseruerit (quod tutius est), vel saltem habeat firmum propositum illud deserendi statim ab ipsa Confessione. Neque enim anteo die, vel momento scientiam sufficientem sibi comparare valet.

2. Improbandum quoque est, quod subinde docet idem Busembaum, nimirum: *Si Judex ex magna imperitia male judicat, tenetur ad interese partis laesae, & ad expensas litis.* Quamquam enim non requiratur in Judice scientia eminens, qua de extraordinariis quibusque, & implicatis casibus iustitiae valeat; sufficienti tamen peritia praestitus sit oportet, qua scilicet obvias, & ordinarias lites juxta leges dirimere, ac de extraordinariis, & arduis dubitare possit, ut peritiores consulat. Quare, medium
R r r ma-

magna, ut Busembaum asserit, *inferiorem*, sed sufficientis peritis defectus, qui ipsi culpæ veritatur, obnoxium Judicem reddit ad damnorum reparationem, quæ inde subsequenda sunt. Sed ad graviora progrediamur.

XVI. 3. Antequam alias laxas opiniones referamus, recolenda est, & ante oculos habenda propositio ab Ecclesia damnata in Decreto Innocentii XI. n. 1., nempe: *Probabiliter existimo Judicem posse judicare juxta opinionem minus probabilem*. Qua posita quid Busembaum docere pergat art. 4. audiamus: *Si sententia aliqua communiter sit accepta in tribunali superiore. Juxta superior videtur secundum eam posse judicare; dicet minus probabilem, quia videt (N. B.) probabiliorem cum honoris sui præjudicio revocandam in superiore tribunali*. Pro qua laudat etiam Sylv., Vasq., & C. de Lugo. Hanc porro opinionem in propositione damnata contineri dicendum omnino est. Si namque damnatum fuit, Judicem judicare posse juxta opinionem minus probabilem; damnatum pariter est, quod asserat Busembaum, scilicet *Judicem inferiorem posse judicare juxta opinionem, quam ipso censet esse minus probabilem*? quia veri nominis Judex est; præsertim cum ratio à Busembaum adducta, ut mitius loquar, nimium humana sit; neque enim hoc rationem habere debet præjudicii honoris sui, si in tribunali superiore revocetur; sed sequi propriæ conscientiæ dictamen, quoties illud cum fundamento rationabili deponere nequeat.

XVII. 4. P. Valentia unus ex quatuor insignioribus S. J. Theologis in 2. 1. D. Thomæ Disp. 5. q. 7. p. 4. ita scribit: *Si Judex reputaret utramque sententiam esse probabilem, licite potest propter amicum secundum illam judicare, quam amico magis faveret*. Ipse P. Tamburinus ex laxioribus, si quisquam alius, Theologis existimat in hoc casu

juxta legem naturalem rem, de qua litigatur, æque dividendam inter duos litigantes, quam sententiam teneri ut certam, & efficacem ratione fultam, quamquam possit vi Probabilistici systematis oppositam credat esse probabilem, atque adeo licitam propter auctoritatem bonorum Doctorum, ut deinde dicemus.

XVIII. 5. P. Dicaillus primæ classis inter Probabilistas Theologus Lib. 2. Traß. 1. Disp. 10. dub. 9. ultra progreditur; atque: *Licet Judici sequi opinionem minus probabilem, dummodo vere probabile sit, relicta probabiliore, & secundum illam adjudicare amico, vel consanguineo*. Laudatque pro hac opinione P. Salas, & plerique; quos indicat. Et rursus P. Salas cum P. Fagundes Traß. 8. Disp. 7. sect. 12. eandem sententiam irradit, expresso dicens: *Judex tam supremus, quam inferior, ceteris paribus ex parte facti potest judicare secundum opinionem probabilem ex parte juris, relicta probabiliore: ac proinde ferre sententiam pro ea parte, cui minus probabiliter favent jura, leges, & rationes*. Horum doctrinam eandem prorsus esse, ac ab Ecclesia proscriptam, anathemate confixam, quia non intelligit?

In eadem pariter sententia est celebra P. Escobarus, qui in Exam. 3. adp. 6. suæ Summæ, postquam docuit in concursu duarum opinionum neminem sequi ceteri opinionem probabiliorem, atque tutiorem, hocce consecrarium colligit; scilicet: *Infero, posse judicem secundum opinionem probabilem judicare*. Id luculentius exprimit in magno suæ Theologiæ corpore Tom. 1. lib. 2. sect. 2. uno ex amantia sua problematibus, nempe: *Judex reputans unam sententiam esse probabiliorem, debet, & non debet juxta illam judicare*. Quod perinde est, ac asserere, cum in hac questione diverse sint inter Autores opiniones, liberum cuicumque judici esse, sequi quam

maluerit, licet minus probabilem, quin culpam incurrat coram Deo.

XLX. 6. Quid vero de questione hac opinatur Theologorum Probabilium Princeps P. Thomas Sanchez? Is primum, si generatim loquamur, cum Escobario consentit: probabiliorum tamen existimat sententiam oppositam. Hoc tamen *probabilis* statim coarctat laxis duabus limitationibus, Scriptorum illustrium autoritate munitis, atque: *Quod bene temperat Vasquez eo cap. 2. n. 6. nisi Judex inferior esset, & opinio, quam minus probabilem iudicat, esset magis praxi recepta; & crederet fore, ut minus gratus a Iudice superiori, ad quem appellatur, notaretur, ejusque sententia revocaretur, si lata esset juxta sententiam, quam probabiliorum existimat. Tunc enim potest sententiam minus probabilem sequi: quod cum tanta sui honoris jactura, & tam modico fructu manus suam obire minime teneatur. L. 1. c. 9. n. 47. Quæ ratio, ac sententia eadem prorsus est, ac illa, quam ex Busembaum produximus.*

Altera P. Sanchez laxa limitatio, quam amplectitur etiam Filiucius, ac Valentia adversus Bannez, est hujusmodi: *Quando utraque opinio est æque probabilis, quamvis Bannez non sine optimo fundamento censet, non dari Iudici electionem, sed teneri vel litigantes componere, vel dividere rem inter ipsos. At verius est integram esse iudici, quam maluerit, opinionem eligere, & secundum eam judicare: immo cessante scandalo, nunc secundum hanc, nunc secundum aliam. Quis ab hac laxissima limitatione non minus, quam a tota doctrina non abhorreat? Aut quis non execreretur Probabilissimum, cui illa inniditur, & a quo etiam sequens non minus corrupta sententia derivatur?*

XX. 7. Hæc in eo consistit, quod Iudex sententiam suam, qua pronunciat in favorem alicujus probabilem causam tuentis adversus alium, cujus causa probabilis sit,

aut etiam probabilior, *vendere licite valeat.* Questionem hanc ira serio proponit P. Thomas Tamburicus *Lib. 8. in Decal. Tr. 3. c. 7. §. 3. n. 13.* præfigitque questionem hunc titulum: *Venditio sententia probabilis; & querit, licetne, & juxta Iudex accipiet pecuniam, ut potius illam eligat, qua inibi favet, quam illam, que meo adversario?* Equidem prius quesito negative respondet. Sed deinde se referens ad ea, quæ dixerat *Lib. 1. cap. 3. eam probabilem, & licitem judicat. inquit: Propter extrinsecam duorum Doctorum auctoritatem assertum, in hoc casu posse Iudicem pro suo amico, si maluerit, sententiam pronunciare, potest id ut probabile, si velit, amplecti.* Quam sententiam legendam remittit apud Lessium, Valentiam, Salonium &c.

8. Cætera omissa, qui vendendam proponunt pretiosam hanc mercem *sententia probabilis*, eam accipe ex P. Lessio *L. 2. c. 14. d. 9.* cujus doctrina, si Cardenam audimus, nulla securior, & verior inter Theologos, qui a trecentum annis scripserunt. Nam ita *solide, & rationabiliter discursis, ut in omnibus videatur fere moraliter evidentiam facere.* Videamus itaque, quoniam sit in hac materia ejus doctrinæ soliditas, veritas, ac fere moralis evidentia. Laudo loco confirmat ille prædictam falsam, laxam, & absurdam sententiam pluribus rationibus, quarum una hæc est: *Quia non tenetur ad alteram (ex litigantium opinionibus) determinare; sed liberum ei est sequi, quam maluerit. Ergo, si aliquis accipiat, ut hanc sequatur potius, quam illam, non facit illi injuriam. Quia cum res non est debita, non est contra justitiam (si solum sit utriusque spectamus) exgere pro ea pretium. Num solida, num vera, num moraliter evidens, est isthæc doctrina, ac principium, ex qua illam deducit? Si Iudex posita æqualitate rationum sequi potest potius unam partem, quam aliam, ut punit ille; nonne*
R x x 2 jure

jure naturali obstringitur, ne indebite præjudicium inferat uni parti, quæ propter æqualia fundamenta gaudet æquali jure, quo altera possit? Componat ergo inter se litigantes, aut rem æque pro juris æqualitate dividat, ut docet Bannez, & alii. Hæc plane sententia solida est, vera & evidentior, spectato etiam solo jure nature; cui iidem repugnat, quod pretium recipiat pro sententia pronuntianda.

XXI. 9. Hæc tamen opinio laxa, & absurdum, juxta Escobarium *Traité*. 3. *Exam.* 2. c. 3. adeo communis est, ut eam asserat esse proximam ex Societatis Jesu Doctoribus; eamque ita ille proponit, ac defendit. *Suppono causam esse æqualem; potestne aliquid Judex accipere? Decet Fagundes dce. aliquid accipi posse non solum ab Eleutheriis ad Majoratum, Cathedram, Capellam, sed etiam a Judice, quando (ut supponis) sententiam profert in causa æquali, seclusa lege positiva in contrarium. Quia pro suo arbitratu potest cuilibet parti dare victoriam. Quare datur locus gratificationi, quæ est pretio estimabilis, utpote quæ plerumque cum iactura amicitie, & gratia alterius conjuncta est.*

XXII. 10. Absque hujusmodi, & depravate Moralia fructus, opinionæ, quæ nedum in divino tribunal, sed nec in ullo humano probantur, non ab uno, ut liquet, vel altero Casuista docentur, sed ab omni ferme Probabilistarum caterva; adeo ut Casuistarum Apologista P. Piotus ingenue fateatur, talem esse ipsorum doctrinam. „Ca-
„suiſtæ (verba ejus gallica latine reddo),
„inquit *pag. 97. Edit. Paris.* defendunt,
„Judices accipere posse munera, nisi id
„forte lex aliqua particularia vetet, quo-
„tles a litigantibus partibus hunc tribu-
„tutum aut avaritiæ titulo, aut recolu-
„tionis prolatae sententiæ; aut, ut eoa
„inducant ad causæ suæ curam pecunia-
„rem, aut ad celeriores causæ expedi-
„tionem; aut denum ut eos adversariæ

„parti præponant, & in eorundem fa-
„vorem sententiam pronuncient “ . Si
hoc prodere iustitiam non est; quidnam,
amabo, erit?

11. Equidem Casuistæ hoc frequentius
docerunt: *Si nulla lex humana vetet. At*
numquid, hæc lege exante, tenebuntur
Judices a recipiendis muneribus abstinere?
Minime gentium juxta P. Tamburinum,
lib. 9. in Decalog. cap. 2. §. 1. n. 4. hæc
decretoria assertione Probabilismo innixa:
Dico secundo, Judices secularæ non peccare,
saltem mortaliter, ex solo capite, quod ad-
versus hæc leges secularæ operantur. Ratio
est: quia probabiliter censet Navar. Covar-
ruo, Val. alique apud Castropaleum &c. leg-
es secularæ, saltem de facto, ad mortale
nequaquam obstringere, nisi id expresse decla-
rent; quod nunquam faciunt. Quæ enim
lex civilis est, quæ, dum aliquod præci-
pit, aut vetat, declarat expresse, se obli-
gare velle sub peccato mortali?

XXIII. Ultra provehuntur Casuistæ; nec
solum permittunt Judici munera recipere
pro ferenda sententia in favorem partis,
æquale jus in rem aliquam habentia, ac
contraria; sed etiam pro danda injusta sen-
tentia, adeo ut ad restitutionem minime
teneatur, ita testante Casuistarum nomine
ipsorum Apologista p. 123. *Verum est, in-*
quit, Judicem non teneri ad restituendum ea,
quæ recipit præ injusta sententia pronuntianda
in alicujus favorem. P. Lessius bonis rationibus
nititur, ut hoc teneatur adversus Cajetanum
oppositum defendentem, quæ refellere oport-
et, antequam ad restitutionem Judex obligetur.
Ego quidem nec referam, nec refel-
lam Lessi rationes, quæ ad hanc monstro-
sam opinionem adstruendam adhibet, quæ
solo aspectu suo horrorem ingerit. Sed tex-
tum ipsius unice proferam, qui legitur *lib.*
2. de Just. dub. 8. c. 24. his verbis expres-
sum. *Notandum tamen est, Covar. & Cajet.*
excipere id, quod acceptum est a Judice, ut

iniquam sententiam ferat; hoc enim putant jure naturæ esse restituendum; quia injusta sententia est perversio iudicii, non est res vendibilis. Sed hæc ratio non est firma: nulla enim est causa, cur magis debeat jure naturæ restitui, quod acceptum est pro iniqua sententia, quam pro iniqua occisione (quasi jus idem naturæ non obligaret ad illud quoque restituendum, quod pro iniqua occisione acceptum est). Addeque Lessius: Dico secundo: verius etiam videtur neque jure positivo id necessario restituendum &c. Item docent Molina, Reginald. Quare Juxta ex omni parte securus omnino est, si ea non restituit, quæ pro iniqua sententia ferenda recipit.

Talem esse Probabilistarum de re hac opinionem, nedum P. Piror Casuistarum Apologista, verum etiam P. Honoratus Fabri Apologista Societatis, haud egre consentit; et camque ulterius confirmat autoritate Aporri, Turriani, Tamburini, Dicastilli, Laymani, ac Basembaum, quibus addere fas est ex his, qui paucis abhinc annis scripsere, nempe anno 1750. P. Franciscum Xaverium Fagelli, qui p. 3. cap. 22. *Questionum practicarum de munera Confessorii* docet, nullam contrarium restituendi obligationem, qui munera, aut aliud accepit pro ferenda illicita sententia.

§. III.

Pecuniaria quadam de Judicis obligatione in causis criminalibus.

XXIV. Expositis, quæ dotes Judicis spectant, prolatisque circa illas plurium Casuistarum falsis, laxisque opinionationibus, reliquum est, ut quæ de Judice dicenda supersunt, in causis criminalibus persequamur. Hoc argumentum versat Doctor Angelicus art. 2. & 3. hujus quest. 67. 2. 2. Et primum quidem decernit, Judici non licere de aliquo delicto judicare, nisi secundum

veritatem, quam novit in judicio juxta leges peccato. Hoc autem probat in primis autoritate S. Ambrosii dicentis in Psal. 118. *Bonus Juxta nihil ex arbitrio suo facit, sed secundum leges, & jura pronunciat.* Deinde id in corpore luculentius exponit, & ait: „Judicare pertinet ad Judicem, secundum quod fungitur publica potestate. Et ideo informari debet in judicando non secundum id, quod ipse novit tamquam persona privata, sed secundum quod sibi innotescit tamquam persona publica. Hoc autem innotescit sibi & in communibus, & in particularibus. In communi quidem per leges publicas vel divinas, vel humanas, contra quas nullas probationes admittit debet: in particulari autem negotio aliquo per instrumenta, & testes, & alia hujusmodi legitima documenta, quæ debet sequi in judicando, magis, quam id, quod ipse novit tamquam privata persona: ex quo tamen de hoc adjuvari potest, ut districtus discutiat probationes inductas ut possit eorum defectum investigare. Quod si eas non possit de jure repellere, debet, sicut dictum est, eas in judicando sequi.“

Ex his manifestum est, Judicem de aliquo crimine sententiam pronunciare debere, non secundum quod ipse noverit, ut privata quadam persona est, sive secundum privatam, quam habet ipse notitiam; sed secundum quod ipse novit, ut est persona publica, hoc est in communi quidem juxta leges publicas sive divinas, sive humanas: in particulari autem facto juxta ea, quæ sibi innotescunt per instrumenta, per testes, & alia hujusmodi legitima documenta. Ex cognitionibus vero, quas habet ut persona privata, adjuvari solum posse, ut probationes, quæ contra afferuntur, districtus discutiat ex omni parte, ut defectum eorum internoscere tandem valeat, ac liberare innocentem. Juxta quam resolutionem

argumentis, quæ sibi objecerat, responderet; ac inter alia argumento, quod efficax videretur, deducto ex eo, quod Judex quidpiam agere nequeat contra propriam conscientiam ipsi dicentem, innocentem esse, qui reus probatur, atque convincitur. Respondet enim: *Quod homo in his, quæ ad propriam personam pertinent, debet informare conscientiam suam ex propria scientia; sed in his, quæ pertinent ad publicam potestatem, debet informare conscientiam suam secundum ea, quæ in publico judicio fieri possunt* (1). Atque huic sententiae semper con-
stanter inhaerit S. Doctor tum hic, tum in 2. 2. 2. 27. q. 1. tum quodlibet 5. art. 15.

XXV. Ex hujus articuli S. Thomæ doctrina aliqua colligenda sunt. Ac primo quidem: quoties agitur de aliquo crimine, ut Judex juxta juris formam judicium exerceret, procedere debet vel accusatio, vel denunciatio, vel inquisitio, vel publica infamia, quibus sufficiens probatio, saltem semiplena, habeatur ad procedendum contra reum. Neque enī contra crimen occultum ulla Judex autoritate gaudet, cum sit publica persona, ejus non est occulta scrutari, sed publica duntaxat punire. Unde Judex nequit quidquam agere contra reum ex vi notitiæ, ut inquam, *extra-judicialis*; cuiusmodi esset confessio facta Judici extra iudicium aut sponte, aut inadvertenter ex huius lapsu, aut ex appetitione litterarum, quas reus vel amico, vel procuratori, vel advocato suo scriberet.

Colligitur secundo: si de crimine agatur non commissio, sed committenda, Judex etiam sine prævia accusatione, aut inquisitione, aut denunciatione crimen illud impedire potest, ac tenetur. Ex suo quippe officio, potestate fungitur impediendi quodcumque crimen, quod in præiudicium Reipublicæ vergeret, præsertim si sit Judex supremus. Sic Prælati possunt inquirere, tunc tenentur de persona etiam non

diffamata, ut præcaveant, ex. gr. ne ad aliquod Ecclesiæ officium eligantur indigni, ut habetur C. *Cum in multis*. Sic patres inquirere possunt circa impedimenta Matrimonii, cum timetur, ne matrimonium vel invalide, vel illegitime contrahatur.

Ex eo, quod Judex utpote persona publica secundum scientiam publicam judicare debeat, sive juxta allegato, & probato; colligitur tertio, peccare Judicem, qui vel accusatores legitime procedentes repellit, vel illegitime procedentes admittit. Siquidem cum in omnibus, tum præcipue in iudicio, in quo agitur vel de fama, vel de vita proximi, ita se gerere damnabile est. Unde nec divitis accusatio legitima contra pauperem misericordie prætextu repellenda est; nec pauperis contra divitem accusatio item legitima rejicienda ob illius honorem, vel dignitatem, qua excideret. Hæc enim acceptio personarum foret: quoniam, ut jam alibi diximus, ex S. Thomæ tum in Summa, tum lect. 2. super cap. 2. Epistolæ ad Galat. *Nil est aliud propria accipere personam, quam considerare conditionem personæ nihil facientem ad negotium*.

Colligitur quarto, peccare etiam Judicem, qui vel reus sublate sibi audit, vel ingenuos, aut veracos rejicit, ut alteri partium faveat. Judex namque veluti mediator est inter eos, qui judicantur. Sic ergo medium se habet æqualiter ad utrumque extremum; ita affectus iudicis in neutram partem propendere debet; & cum Dei minister sit, oportet, ut veluti Deus in iudicando quacumque sit passione solutus. Debet igitur testium dicta diligenter, ac circumspiceo examine ponderare: debet testium dolum, aut fallaciam perquirere, ut præstitit Daniel confundens falsos testes, Susannam accusantes propriis ipsorum depositionibus.

Colligitur quinto, peccatum pariter incurrere Judicem, qui adversus reum vel

dam-

damnandum, vel absolvendum aut sufficiens probationes non admittit, aut exigis plures, quam oportet, probationes. Sic enim ab eo requiritur officium Judicis, quod exerceat. Quapropter si juxta allegata, & probata innocens appareat, qui reapse reus est criminis, de quo accusatur, commisit est absolvendus; praefertim si nullum impendat Reipublicae detrimentum. Si e contra, qui revera est innocens, secundum allegata, & probata reus appareat, licet privata scientia Judex ejus innocentiam noverit, tunc equidem totis viribus entis debet, ut liberetur vel clam apertendo carcerem, vel protrahendo judicium, vel timorem incutiendo accusatori, falsisque testibus, vel damnum decedendo ab officio Judicis, & injuste accusatum ad alium Judicem remittendo.

Quod si nihil horum praestare possit, aut his mediis adhibitis innocentem ab infamia, vel supplicio liberare, in ipsum sententiam *juxta allegata, & probata* pronuntiare poterit sine peccato, ut docet D. Thomas. Non me quidem laet, plures esse Theologos, qui sententiam hanc S. Doctoris nedum improbant, sed etiam carpunt. At si sedulo attendentes ejus verba, quibus notat, Judicem, qui aliquem novit ex privata scientia innocentem, *ex ea posse adjuvari, ut districtius discutiat iocundas probationes*, aliaque adducta media adhibeat ad eum liberandum; arbitror sane, quod adversus illam nequaquam insurgerent. Persuasum quippe haberent, his omnibus praemissis, casum svadere metaphysicum; & vix, ac ne vix quidem in praxi posse contingere, ut Judex ad innocentem damnandum coheret. Et alias ratio, quam affert ad hunc metaphysicum casum adstruendum, adeo efficax mihi videtur, omnibusque videtur debet, ut existimem Reipublice interest plurimum de hac controversia ita sentire.

CAPUT VI.

De Accusatoris obligationibus.

DOCTRINA, ET CONJECTARIA.

- I. Obligatur homo alium accusare, quoties agitur de crimine vergente in Reipublicam, aut Communitatis detrimentum. S. Thomas doctrina.
- II. Quid ex hac doctrina colligatur.
- III. Quaedam ex responsionibus adhibitis a S. Thoma ad argumenta multa observata, quibus aliquae difficultates expediuntur.
- IV. Scripta fieri accusatio debet, non divina quidem jure; sed humano; idque saltem Notarii manu.
- V. Tribus modis potestur in accusando, sicut etiam in denunciando. Calumnia, scilicet, praevocatione, & tergiversatione. Hoc expenitur ex D. Thomae doctrina.
- VI. Ex responsis ad argumenta haec doctrina amplius illustratur.
- VII. Ordine, & absque ulla vitio tergiversatio in accusatione fieri potest ex dupli capite.
- VIII. Accusator injustus in probatione deficiens ad penam telonis tenetur ex jure humano antiquo.
- IX. Quod tamen in desertudinem abiisse videtur.

CONSEQUENS illud est, ut aliqua etiam statuamus circa obligationes Accusatoris, ac Rei, quemadmodum & Advocati de quibus agit S. Thomas 2. 2. q. 68. & sequentibus. Ac primo quidem de Accusatore.

I. Questionem de argumento Accusatoris in quatuor articulos tribuit Angelicus Doctor, in quorum primo inquitur: *Nam homo ad accusandum tenetur? Et, adducta sententia Levitici cap. 5. Si peccaverit anima, & audierit vocem jurantis, testisque fuerit, quod*

quod aut ipse vidit, aut confitetur, nisi indicaverit, portabit iniquitatem suam; sic inde eleganter persequitur: „Hæc est differentia inter denunciationem, & accusationem; quia in denunciatione attenditur emendatio fratris: in accusatione autem attenditur punitio criminis. Poenæ autem præsentis vitæ non per se experientur, quia non est hic ultimum retributionis tempus, sed in quantum sunt medicinales, conferentes vel ad emendationem personæ peccantis, vel ad bonum Reipublicæ, cujus quies procuratur per punitionem peccantium; quorum primum intenditur in denunciatione: secundum autem proprie pertinet ad accusationem“.

Et ideo si crimen fuerit tale, quod vergat in detrimentum Reipublicæ, tenetur homo ad accusationem, dummodo sufficienter possit probare: quod pertinet ad officium *accusatoris*; puta cum peccatum alicujus vergit in multitudinis corruptelam corporalem, seu spiritua-lem. Si autem non fuerit tale peccatum, quod in multitudinem redundet: vel etiam, si sufficientem probationem adhibere non possit, non tenetur ad intendendam accusationem; quia ad hoc nullus tenetur, quod non potest debito modo perficere“.

II. Ex his colligas primo, in eo differre denunciationem ab accusatione, quod illa ordine ut ad emendationem fratris, sive proximi sui, quæ in ea dumtaxat attenditur: in ista vero, scilicet in accusatione, attendatur criminis punitio relate ad bonum Reipublicæ, cujus tranquillitati consulitur, cum delinquentes poenæ, quam merentur, puniuntur.

Colligas secundo, teneri hominem ad alium accusandum Judici, quoties crimen ab illa commissum hujusmodi sit, quod vergat in detrimentum Reipublicæ, aut Communivitatis. Siquidem unusquisque te-

netur malum corporale, aut spirituale, quantum potest, avertere a corpore, cujus est membrum. Quod si crimen in præjudicium Communivitatis non vergat, abstinere debet tum ab accusatione, tum etiam a denunciatione, solaque uti fraterna correctione, ut alibi dicemus.

Colligas tertio, duobus ex capitibus excusari quempiam ab obligatione *accusandi*; si nempe vel delictum ab alio commissum in multitudinem, aut Communivitatem non redundet; vel etiam dum sufficientem probationem adhibere nequit: sive si delictum, quod patratum est, satis coram Judice probare non possit: nemo quippe tenetur ad illud, quod non potest debito modo perficere. Hoc tamen in casu ad averendum commune malum, quod fortassis impendat, si juridica denuntiatio sufficiat, eam negligere minime possumus.

III. Quæ tradit S. præceptor in respons. ad primum, & secundum obiectum, quod sibi proposuerat, doctrinam continent non omnino prætereundam. Sibi objecerat primo loco, *neminem excusari ab implatione divini præcepti; quia ex suo peccato commodum reportaret*. Porro aliqui sunt, qui propter peccatum inhabiles ad accusandum redduntur, sicut excommunicati, infames; & illi, qui sunt de majoribus criminibus accusati, antequam innoxii demonstrarentur, Igitur &c.

Ad hoc autem argumentum ita responder. „Quod nihil prohibet, per peccatum reddi aliquem impotentem ad ea, quæ homines facere tenentur; sicut ad merendum vitam æternam, & ad assumendum Ecclesiastica Sacramenta. Nec tamen ex hoc homo reportat commodum: quin immo deficere ab eis, quæ tenetur facere, est gravissima poenæ; quia virtuosus actus sunt quedam hominis perfectiones“. His assensum puto, quodam alios esse, qui ab accusando ex-

clat.

cludantur aut propter statum persone, ut
 siueta nitas, aut seivus: aut propter
 sexum, vel etatem, ut mulier, aut pu-
 pillus: aut propter aliud, quemadmodum
 habetur l. 43. ff. tit. de Accusat. Omnes
 ramen idonei sunt ad denunciandum, ac
 etiam ad accusandum, si suam, suorum-
 que injuriarum persequantur: imo, a quo-
 cunque querela porrigatur, Judices ex con-
 suetudine illam admittunt solent.

Objeccio altera in eo sita erat, quod
 omne debitum ex charitate dependet, quæ est
 finis præcepti: adeoque illud, quod est cha-
 ritatis, homo debet omnibus majoribus, et
 minoribus subditis, et Prelatis. Cum ergo
 subditi non debeant Prelatos accusare, nec
 minores suos majores, ut per plura capita
 probatur 2. quæst. 7. videtur, quod nullus ex
 debito teneatur accusare.

Apposita est, quam præbet S. Doctor
 huic objecto, responsio; nimirum inquit:

Quod subditi Prelatos suos accusare
 prohibentur, qui non affectione charita-
 tis, sed sua pravitate vitam eorum dis-
 famare, & reprehendere querunt. Vel
 etiam si subditi accusare volentes fuerint
 criminosi, ut habetur 2. q. 7. (cap.
 Clericus, & seq.). Alioquin si fuerint
 alias idonei ad accusandum, licet sub-
 ditus ex charitate suos Prelatos accu-
 sare.

IV. Constituit subinde Doctor Angelicus
 art. 2. laud. quæst. illud, quod formam
 spectat accusandi; eamque scripto fieri
 oportere docet, non quia id divino jure
 præscribitur, sed quia jure humano ita
 statutum est; idque rationabiliter factum
 esse probat; Quia, quando in crimini-
 bus per modum accusationis agitur, ac-
 cusator constituitur pars ita quod Ju-
 dex inter accusatorem, & eum, qui
 accusatur, medius constituitur ad examen
 justitiæ, in quo oportet, quantum pos-
 sibile est, securum certitudinem pro-

Petrucci Theol. Mor. T. II.

cedere. Quia vero ea, quæ verbo tenus
 dicuntur, facile labuntur a memoria,
 non possit Judici esse certum, quid, &
 qualiter dictum sit, cum debet proferre
 sententiam, nisi esset in scriptis reda-
 tum. Et ideo rationabiliter institutum
 est, ut accusatio, & ea, quæ in judicio
 aguntur, redigantur in scriptis. Et
 in hoc præter alia denunciatio ab accu-
 satione distinguitur, quod non oporteat,
 illam in scriptis esse redactam. Nam de-
 nunciator non obligat se ad probandum: unde
 nec punitur, si probare non poterit. Et præ-
 ter hoc in denunciatione non est necessaria scrip-
 tura; sufficit, si aliquis verbo denunciât Ec-
 clesie, quæ ex officio suo procedet ad fratris
 commendationem. Illud solum adnoto opus non
 esse, ut accusatio scripto commendetur ab
 ipso accusatore. Satis namque est, atque
 ita fert frequentior usus, ut in scriptis a
 Notario excipiat, quidquid præsens ac-
 cusator attulerit.

V. Peccari sæpe in accusando, sicut & in
 denunciando, contingit modis pluribus, quibus
 injusta accusatio redditur; calumnia scilicet,
 pravaricatione, & tergiversatione. Hoc declarat S. Thomas art. 3. ejusd. quæst.
 inquit: Sic dictum est, accusatio or-
 dinatur ad bonum commune, quod in-
 tenditur per cognitionem criminis. Nul-
 lus autem debet nocere alicui injuste,
 ut bonum commune promoveat. Et ideo
 in accusatione duplici ratione contingit
 esse peccatum. Uno modo ex eo, quod
 aliquis injuste agit contra eum, qui ac-
 cusatur, crimina falsa ei imponendo,
 quod est calumniari.

Alio modo ex parte Reipublicæ, cujus
 bonum principaliter intenditur in accu-
 satione, dum aliquis impedit malitiose
 punitionem peccati: quod iterum dupli-
 citer contingit. Uno modo fraudem in
 accusatione adhibendo; & hoc pertinet
 ad pravaricationem: nam pravaricator
 S 2 2

„ dicitur quasi *varicator*, qui adversam
 „ partem adjuvat, prodita causa sua. Alio
 „ modo totaliter ab accusatione desisten-
 „ do, quod est *tergiversari*. Hoc enim,
 „ quod desistit ab hoc, quod cœperat,
 „ quasi *tergumvertere* videtur “.

VI. Nonnulla tradit idem S. Doctor in
 responsis ad opposita sibi argumenta, qui-
 bus præsens doctrina amplius illustratur; ac
 primo quidem nemini fas esse ad accusa-
 tionem procedere, nisi de re omnino sibi
 certa, in qua ignorantia falsi locum non ha-
 beat. Nec tamen, subdit ad 1. quicumque
 falsum crimen alicui in accusando imponit,
 calumniatur; sed solum qui ex malitia in
 falsum accusationem prorumpit. Contingit enim
 quandoque ex animi levitate ad accusationem
 procedere: quia scilicet aliqui nimis faciliter
 credit, quod audit. Et hoc temeritatis est.
 Aliquando autem ex iusto errore movetur ali-
 quis ad accusandum. Quæ omnia secundum
 prudentiam Judicis debent discerni, ut non
 pronunciet eum calumniatum fuisse, qui ex
 levitate animi, vel ex iusto errore in falsam
 accusationem prorupit.

Atque ita quoque, ut docet ad 2. præ-
 varicator dicendus non est quicumque vera
 crimina abscondit; sed solum, dum frau-
 dulenter abscondit ea, de quibus accusa-
 tionem proponit, colludens cum reo, pro-
 prias probationes dissimulando, et falsas excu-
 sationes admittendo.

VII. Denum quod attinet ad *tergiver-
 sationem*, illud advertere oportet cum D.
 Thoma ad 3. *tergiversari* tunc esse vitio-
 sum, quoties ab accusatione omnino desi-
 stitur, animum accusandi deponendo non
 qualitercumque, sed inordinate. Nam
 quandoque contingit, ut aliquis ordinate,
 & absque ullo vitio ab accusando desistat:
 puta in primis, si in ipso accusationis pro-
 cessu cognoverit falsum esse crimen, de
 quo accusavit; Et sic pari consensu se absol-
 vunt accusator, et reus. Ulterius si Prin-

ceps, ad quem pertinet cura boni communis,
 quod per accusationem intenditur, accusatio-
 nem aboleverit.

VIII. Postremo art. 4. ostendit Præcep-
 tor Angelicus, accusatorem in probatione
 delicti, de quo aliquem accusat, deficientem
 ad pœnam talionis tenere; idque probat
 tum Autoritate Adriani Papæ I. dicen-
 tias: *Qui non probaverit, quod objecit,
 pœnam, quam intulit, ipse patiatur*; tum
 hac ratione: „ Quia accusator in causa
 „ accusationis constituitur pars intendens
 „ ad pœnam accusati. Ad judicem autem
 „ pertinet, ut eos inter justitiam æqualitatem
 „ constituat. Justitia autem æqualitas hoc
 „ requirit, ut nocumentum, quod quis
 „ alteri intulerit, ipse patiatur, secundum
 „ illud Exod. 21. *Oculus pro oculo, dente
 „ pro dente*. Et ideo justum est, ut ille,
 „ qui per accusationem aliquem in peri-
 „ culum gravis pœnæ inducit, ipse etiam
 „ similem pœnam patiatur “ Hoc tamen
 in resp. ad argumenta intelligendum docet
 de accusatore calumniam intentante ex
 voluntate nocendi; non ex levitate animi
 aut ex aliquo iusto errore.

IX. Ceterum non desunt Auctores, qui
 valde probabiliter censent, teneri quidem
 Judicem debita pœna punire falsum, &
 iniquum accusatorem; sed nunc temporis
 in desuetudinem jam abiisse, ut pœna ta-
 lionis puniatur, aut puniri debeat: quod
 mirum esse non debet; cum hæc talionis
 pœna lege humana, quæ abrogari potest,
 fuerit constituta. Quæ enim de talione le-
 guntur in Veteri Testamento, ad legem
 Judicalem, quæ per Christum abrogata
 fuit, pertinebant.

CAPUT VII.

De Reo, ejusque obligationibus.

DOCTRINA, ET CONSECTARIA.

- I. Tenetur sub mortali peccato reus a legitimo Judice interrogatur, ingenue fateri crimen a se commissum.
- II. Quid in doctrina tradita S. Thomas intendit, & ex ea consequatur.
- III. Ex responsis S. Thomae ad argumenta sibi obiecta magis doctrina ipsius illustratur.
- IV. Amplior ejusdem doctrina confirmatio.
- V. Consecutarium ex hac doctrina deductum.
- VI. Si Judex non secundum ordinem juris interroget, potest reus aliquo licito modo judicium ejus subterfugere: nunquam tamen ipsi iustitiam dicere licet.
- VII. Doctrina isthac magis exponitur.
- VIII. Quibus modis Judex non secundum ordinem juris interrogat.
- IX. An, & quando reo liceat appellatio ad alium Judicem?
- X. Advocatio circa appellationes.
- XI. Iuste ad mortem, aliudve supplicium damnato baud licet sese defendere contra Judicem, ac iustitiae ministros.
- XII. Casuistarum objectiones a S. Thomae evincuntur.
- XIII. Consecutaria ex doctrina ejusdem S. Thomae derivata.
- XIV. An liceat reo carcerem ad evadendum effringere?
- XV. Laxa, & absurda de rei obligationibus Casuistarum contra sententiarum opinionem referuntur; ac primum P. Thomas Sanchez.
- XVI. Busambaum admittit communioem, & verioem esse sententiam S. Thomae. Et tamen modernos sequutos oppositam probabilem iudicat, & in praxi tutam.
- XVII. Thomas Tamburini, qui supra viginti Casuistas allegat, textus plures afferuntur cum quibusdam in oslem animadversionibus.

XVIII. Laxitates alia Tamburini, aliorumque Juniorum de rei obligationibus.

XIX. Cavalus Antonius. Cessandi eandem de reo a Judice interrogato. laxam opinionionem tradit.

XX. Laxa alia Casuistarum opimenta quocumque illa, quae rei licita faciunt, ut se vel a morte, vel ab aliquo gravi damno liberent.

§. I.

Quae spectant Rei obligationes, declarantur.

I. **J**AM vero de Reo, ejusque obligationibus nonnulla dicamus. Quo in argumento plures, easque absurdissimas in Moralem Christianam opiniones invexerunt moderni Casuistae, quas in antecessum dispellere oportet ex praemissa fulgentissima S. Thomae doctrina, quam tradit 2. 2. tota quest. 69. in quatuor articulos tribuit; in quorum primo inquit: *Utrum absque peccato mortali possit accusatus veritatem negare, per quam condemnaretur*. Ubi vides, questionem non institui de veniali peccato, aut de peccato in genere sumpto; sed determinate de peccato mortali. Quo pacto igitur eam resolvit? Primum in medium promittit, quod legitur in libro Josue 1. 7. ubi Praefes Populi Dei hortatus est Achan, ut ingenue fateretur crimen a se commissum dicens: *Fili mi, da gloriam Domino Israel, & confitere, atque indica mihi, quid feceris, ne abscondas*. Ex quo colligit, quod cum illud, quod est contrarium divinae gloriae, sit peccatum mortale, reus, qui interrogatur a Judice de commisso crimine, teneatur sub peccato mortali fateri veritatem.

Deinde vero in corp. explicat simul, ac probat assertionem suam his verbis: *Quia cumque facit contra debitum iustitiae, mortaliter peccat, sicut supra dictum est. Pertinet autem ad debitum iustitiae, quod aliquis obediat suo Superiori in* S. 1. 2. ,, hic,

„his, ad quæ jus Prælationis se extendit, Judex autem, ut supra dictum est, superior est respectu ejus, qui judicatur. Et ideo ex debito tenetur accusatus Judici veritatem exponere, quam ab eo secundum formam juris exigit. Et ideo si confiteri noluerit veritatem, quam dicere tenetur, vel si eam mendaciter negaverit, mortaliter peccat.“

Addit autem: „Si vero Judex hęc exquirat, quod non potest secundum ordinem juris, non tenetur ei accusatus respondere: sed potest vel per appellationem, vel aliter licite subterfugere; mendacium tamen dicere non licet.“

II. Ex hac doctrina compertissimum est, primo peccare mortaliter juxta S. Præceptorem reum, sive accusatum, non confidentem delictum a se commissum, aut mendaciter illud negantem, dum interrogatur a Judice competente: quoniam Judex, cum sit superior, jus habet exquirendi ab ipso veritatem. Secundo autem duntaxat reum ad respondendum non teneri, quoties delictum ab eo Judex exquirat, quod exquirere non potest secundum ordinem juris (de quo postea); sed tunc posse vel per appellationem, vel alio modo subterfugere ejus judicium. *Mendacium tamen dicere non licet.*

III. S. Thomas veritatem eandem declarat ad argumenta respondens. Sibi objecerat secundo loco, mendacium, quod reus proferret, negando coram Judice delictum a se commissum, non esse nisi officiosum; quod veniale peccatum est: adeoque mortaliter non peccare, qui illud proferret, ut mortem sibi ex sententia Judicis imminentem evitet. Quid veto respondet? *Mentiri, inquit, ad liberandum aliquem a morte cum injuria alterius, non est mendacium simpliciter officiosum, sed habet aliquid de pernicioso admixtum. Cum tamen aliquis mentitur in judicio ad excusationem sui, injuriam facit ei,*

cui obedire tenetur: dum sibi denegat, quod ei debet, scilicet confessionem veritatis.

Idem confirmat in *resp. ad 3.* objectionem, desumptam ex eo, quod ille, qui veritatem in judicio non fatetur, non videatur quidquam agere contra charitatem Dei, ac proximi, ex qua peccati mortalitatis ratio repetitur. Ait enim: *Qui mentitur in judicio se excusante, facit et contra dilectionem Dei, cujus est judicium; et contra dilectionem proximi tum ex parte Judicis, cui debitum negat, tum ex parte accusatoris, qui punitur, si in probatione deficiat. Unde et in Psal. 140. dicitur: Non declines cor meum in verba malitiae ad excusandas excusationes in peccatis. Profecto verba malitia dicenda sunt omnes illi amphibologiæ, equivocationes, restrictiones, quas tot Nuperi Theologi excogitarunt, ut reus licitum facerent hisce artificiis eludere interrogationes sibi a legitimo Judice factas de quovis delicto.*

IV. Hęc est de reo a legitimo Judice interrogato pura, & illibata S. Thomæ doctrina, quam hausit ex Sanctis Ecclesie Patribus; eamque tradit pluribus aliis in locis suorum Operum, ac tradiderunt cum ipso veteres omnes Theologi, traduntque meliores quique inter modernos. Quin imo jam definita dicenda videtur a Summo Pontifice Benedicto XIV. ex his, quæ habet in Bulla, quæ incipit: *Paterna charitas*, & reperitur in Bullario To. 3. n. 24. *teneri scilicet graviter reum in judicio criminali veritatem manifestare.*

V. Ex quibus inferas, negandam esse a Confessario Sacramentalem absolutionem reo, qui a Judice legitime interrogatus crimen a se commissum confiteri detrectat. Quandoquidem non confitendo mortaliter peccat, & in statu lethalis peccati est, quamdiu serio non proponit confiteri. Neque audiendus est, si contrariam D. Thomæ sententiam asserta juniorum quorum-

fundam auctoritatem: nullius quippe momenti hæc reputanda est in conspectu totius Antiquitatis, qua nititur opposita S. Thomæ sententia.

VI. Pergit S. Doctor; & art. 2. ejusdem questionis declarat id, quod jam dixerat; non teneri reum, siue accusatum respondere judici delictum exquirenti non secundum ordinem juris: sed posse tunc judicium ejus subterfugere modo aliquo licito, & sine mendacio. Titulus articuli est: *Utrum accusato liceat calumniose se defendere?* Atque ita loquitur: „Dicendum, quod aliud est „veritatem tacere; aliud est falsitatem „ponere. Quorum primum in aliquo casu „licet. Non enim aliquis tenetur crimem „veritatem confiteri, sed illam solum, „quam ab eo potest, & debet requirere „Judex secundum ordinem juris: puta, cum „præfuit infamia super aliquo crimine; vel „expressa indicia apparuerunt; vel etiam „cum præfuit probatio simpliciter. Falsitatem tamen proponere in nullo casu licet alicui. Ad id tamen, quod licitum est, potest aliquis procedere vel per vias „licitas, & fini intento accommodas; „quod pertinet ad prudentiam: vel per „aliquas vias illicitas, & proposito fini „incongruas; quod pertinet ad astutiam, „quæ exercetur per fraudem, & dolum. Quorum primum est laudabile: secundum vero vitiosum. Sic ergo reo, qui accusatur, licet se defendere, veritatem occultando, quam confiteri non tenetur, per aliquos convenientes modos: puta, „quod non respondeat, ad quæ respondere non tenetur. Hoc autem non est „calumniose se defendere, sed magis prudenter evadere.“

„Non autem licet ei vel falsitatem dicere, vel veritatem tacere, quam confiteri tenetur: neque etiam aliquem dolum, vel fraudem adhibere; quia *fraus*, „& *dolus* vim mendacii habent. Et hoc „est calumniose se defendere

VII. Ex hac doctrina plura habentur, quæ veritatem questionis præsentis in propatulo collocant. Habetur primo, aliud esse veritatem tacere; aliud falsitatem dicere, siue proponere. Tacere namque veritatem omisso est, quæ solum est peccaminosa, quando urget debitum loquendi; & licita est, quoties debitum hocce non urget. Falsitatem vero dicere, seu mentiri commissio est, quæ nunquam licet: quia mendacium est intrinsece malum.

Habetur secundo, Judicem aliquem competentem posse reum interrogare de aliquo crimine *juridice*, siue secundum ordinem juris; & etiam non *juridice*, siue juris ordine *præternisso*. Cum igitur Judex in interrogando reum, ordinem juris serviat, sub mortali tenetur iste candide fateri veritatem commisi delicti, quodcumque periculum etiam vires ipsi ex sua Confessione impendeat. Quod si interroget *præternisso* juris ordine, haud tenetur quidem illum procedere, sed occultare potest per aliquos licitos, & convenientes modos juxta sæpè prudentiæ regulas; nunquam tamen eam negare debet, aut profere mendacium, siue etiam ad ipsam occultandam fraudem aliquam, aut dolum adhibere: siquidem *fraus*, & *dolus* vim mendacii habent.

VIII. Habetur tertio, alterum ex his tribus requiri, ut Judex reum interroget secundum ordinem juris, ut propterea ad veritatem ingenue confitendam teneatur; & si quæ alia sunt, vel ad hæc revocantur, nimirum vel infamia præcedens: vel aliqua expressa criminis indicia: vel simpliciter probatio jam habita criminis ejusdem.

Infamia censetur, quando de crimine est multorum opinio, qui communi judicio honesti, aut boni viri reputantur, aut saltem malevoli, aut maledicti non audiant, ut Cap. Qualiter, & quando 2. tit. de Accusat. quodque hoc Judici constet. Neque sufficit inter paucos spatium esse rumore: quia, ut

ut dicitur Cap. *Inquisitionis* cod. tit. *propter dicta paucorum nemo debet reputari infamis*, si apud bonos, & graves lesa non existit ejus opinio. Quot tamen hominum rumor, aut opinio requiratur ad causandam infamiam, definiti non potest, nisi prudentium arbitrio pro locorum, rerumque circumstantiis. Nilud notandum, qui de uno crimine infamatus est, non ideo interrogari posse de alio diverso, de quo nulla infamia laborat, ut animadvertunt graves Authores; consentiunt S. Thomas, qui *quest. 70. art. 1. de Teste loquens*, ait 1. quod si testis exigitur testimonium, in illis, de quibus infamia non praecessit, non tenetur ad testificandum. Et Innocentius III. dicto Cap. *Inquisitionis*, resolvens, inquisitionem solum fieri debere super illis, de quibus clamores aliqui praecesserunt.

Indicia sunt circumstantiae, & signa, ex quibus prudenter judicari potest de aliorum actionibus. Haec si perfecta fuerint, auctoritate scilicet duorum, vel trium testimonium comprobata, vel si plura sint, aut unum adeo perspicuum, ut merito sufficiente existimetur; ex gr. si quis juxta recenter interfectum, deprehendatur cum gladio evaginato, & recenti sanguine cruento; satis sunt, ut reus a. Iudice interrogari juridice valeat.

Denique semiplena probatio est testimonium minus, testis omni exceptione majoris, ut si vir probus, ac honestus, nullum defectum habens, ob quem ipse, vel ejus testimonium jure repelli queat, cum juramento affirmet se vidisse, aut audivisse aliquid, quod merito puniendum sit. Unum igitur ex his tribus, a quae reducuntur & notorias facti, & probatio plena delicti, sufficit, ut Juxta interroget secundum ordinem inter, cuique tacere non debeat, sed crimen suum veraciter confiteri teneatur.

IX. Diximus ex S. Thoma, reum Judicem non interroganti juridice, sive secundum ordinem, non teneri ad consentiendam

veritatem delicti commissi, sed modis omnibus licitis, & convenientibus, sive abique fraude, dolo, ac mendacio ejus judicium subterfugere posse. Inten. hosce modos memorat ille *appellationem* ad alium Judicem. Quoniam vero de hac ipsa appellatione questio fieri potest, an semper licita sit, ideo eam discutit S. Doctor *art. 3. sequente*, ubi quaerit 1. *Utrum res liceat judicium per appellationem declinare?* Ac responsio, qua eam resolvit, & quae consentanea est immaculatæ, ac solidae doctrinae sua.

Sic itaque respondet, Duplici de causa, sa contingit aliquem appellare. Uno, quidem modo consentientia iudicis causae, quia videlicet injuste a Judice gravatur. Et sic licitum est appellare: hoc enim est prudenter evadere. Unde 2. q. 6. dicitur: *Omnis oppressus libere provocatum, si voluerit, appellet judicium, & a nullo prohibetur.*

Alio modo aliquis appellat causa affectu, tendens morè, ne contra eum iuxta sententia proferatur. Et hoc est calumniosum, se defendere, quod est illicitum: facit enim injuriam & Judici, cujus officium impendit, & adversario suo, cujus iustitiam, quantum potest, perturbat. Et ideo, sicut dicitur 2. q. 6. *omni modo puniendus est, cujus appellatio injusta, provocatur.*

Licite igitur, & illicite fieri appellatio potest ab inferiori Judice ad superiorem. Ea licita est, quando Juxta inferior vel non procedit secundum ordinem juris; vel quando movetur in judicando ab aliquo odio, aliave prava affectione, vel praesertim accusatus in iustitia causae suae confidit. Illicite autem, quando sola appellationis causa est, ut effugiat aliquo modo sententiam, quam se iuste promereri cognoscit: unde ad appellationem confugit, ut, si quo modo possit, evadere queat. Et hoc est *se calumniose defendere*: injuriam quippe irrogatum.

tum Judici, ejus officium impedit; tum parti læsæ, quam a sui juris usu inique turbat.

X. Quoad hanc appellationem illud motat S. Thomas jure communi non permitti, ut tertio aliquis appellet super eadem causa: quia non est probabile, totius judices a recto judicio declinare. Verum cum hæc conditio, quemadmodum & aliæ, quæ in appellationibus observari solent, sint humani juris; ideo pro regionum, temporumque varietate mutationi subjæctæ sunt. Unde consuetudo jam obtinuit in pluribus Regionibus, ut etiam tertiæ appellationi deferatur.

XI. At vero reo ad pœnam debitam propter aliquod crimen damnato quid agendum foret? Num licet illi sese defendere, aut alio pacto mortem declinare? Questionem hanc digimit ibidem S. Doctor art. 4. quam ita proposuerat: *Utrum liceat condemnato ad mortem se defendere, si possit?* Cui respondet cum distinctione. Nam aliquis damnari potest ad mortem *dampliter*. Uno modo *juste*: & sic non licet condemnato se defendere. Licitum enim est Judici eum *resistentem* impugnare: unde relinquitur, quod ex parte ejus sit bellum injustum: adeoque indubitanter peccat. Id firmat ipse autoritate Apostoli in medium prius adducta: *Qui potestati resistit, Dei ordinationi resistit, & ipse sibi damnationem acquirit*. Damnatus autem se defendendo *Potestati resistit quantum ad hoc*, in quo est divinitus instituta ad vindictam malefactorum, laudem vero bonorum. Ergo peccat se defendendo.

Quod si Reus ad mortem *injuste* damnetur; responderet: „Tale judicium simile est violentiæ latronum, secundum illud „Ezech. 22.: *Principes ejus in medio illius: quasi lupi rapientes prædā ad effundendum sanguinem*. Et ideo, sicut licet resistere laironibus, ita licet resistere in

„casi casu malis Principibus (sive Judicibus): nisi forte propter scandalum tantum; cum ex hoc aliqua gravis turbatio timeretur“.

XII. Ut luculentius constet, quid juxta S. Thomam liceat Reo juxta ad mortem; aut ad aliam gravem pœnam damnato, exscribenda etiam doctrina est, quam habet in resp. ad objecta. Primum illud erat, quo utuntur, aut potius abutuntur moderni Casuistæ, eo principio nixum; *Licitum semper esse illud, ad quod natura inclinat, quasi de jure naturali exiens*. *Natura autem inclinatio est ad resistendum corruptentibus &c.*

Argumentum huic principio superfluum sic egregie diluit S. Doctor. Dicendum, quod ideo homini data est ratio, ut ea, ad quæ natura inclinat, non passim, sed secundum rationis ordinem exequatur. Et ideo non qualibet defensio sui est licita, sed solum quæ sit cum debito moderamine. Porro debitum moderamen non est, eum Reus a Judice jure ad mortem propter commissum delictum damnatus, ei injuste resistit.

Argumentum alterum in eo positum erat, quod licitum esse videntur, quod aliquis se a morte per fugam liberet; adeoque licitum quoque esse Judici ad mortem damnantis resistere.

Huic vero satisfacit sequenti animadversione. „Dicendum, quod nullus ita condemnatur, quod ipse sibi inferat mortem, sed quod ipse mortem patiatur. Et ideo non tenetur fugere id, unde mors sequatur; quod est manere in loco, unde ducatur ad mortem. Teneatur tamen non resistere agenti, quin patiatur, quod justum est eum pati. Sicut etiam, si aliquis sit condemnatus, ut fame moriatur, non peccat, si eum sibi occulte ministratum sumat: quia non sumere esset se ipsum occidere“.

Tertium ex ea sententia depremissum erat Proverb. 24., ubi dicitur: *Erue eos, qui*

qui dicuntur ad mortem; & eos, qui trahuntur ad interitum, liberare ne cesset. Plus autem tenetur aliquis sibi, quam alteri: adeoque licitum videtur, quod aliquis condemnatus seipsum defendat, ne in mortem trahatur.

Hoc autem ita solvit dicendo, *Quod per illud dictum Sapientis non inducitur aliquis ad liberandum alium a morte contra ordinem justitiae: unde nec seipsum contra justitiam resistendo aliquis debet liberare a morte.*

XIII. Ex doctrina S. Thomae exposita nonnulla facile colligi possunt consecraria: quorum primum est. Reus iuste a iudice ad quancumque poenam damnatus nihil potest ulterius velle, aut moliri, quod positivam defensionem, aut resistantiam importet; puta, optare non potest mortem iudicis, aut Ministrorum iudicis, quamvis ea morte supplicio sibi destinato liberandus foret. Quod si tale desiderium ipsi non licet; multo minus licebit ipsi moliri quidpiam, quod defensionem positivam praeferat. Unde reus carceri iuste mancipatus non potest, ut se e carcere expediat, vim inferre custodibus, gladio eos aggredi, vulnerare, occidere, porione soporifera, aut copioso vino eos somno obruere &c.

Consecrarium secundum. Si damnatus ad aliquam poenam reapse delictum non commiserit, secundum tamen *allegata*, & probata sententia iusta sit, quamvis in conscientia non obliget; licite tamen non potest iudici, ejusve Ministris positive resistere, aut ullum ex modo memoratis mediis adhibere ad se defendendum. Quoniam tamen coram Deo sit innocens, non est tamen innocens coram hominibus; Iudex quoque jus habet exequendi sententiam secundum formam juris pronunciatam. Ipse tamen quibuscumque aliis licitis mediis uti potest ad suam innocentiam ostendendam iuxta ea, quae supra de Iudice agentes diximus.

Consecrarium tertium. Quicunque Reus, ac iuste damnatus sive ad mortem, sive ad mutilationem, sive ad aliud supplicium, non tenetur sibi ipsi poenam, ad quam damnatus est, infligere; sed illam ab aliis illatam suslinere debet. Hoc eruitur ex responsione D. Thomae ad secundum argumentum: Siquidem hoc lex minime jubet, cum Ministros, aut Carnifices habeat ad finem hunc destinatos; & ipsa quoque ratio avertatur, quod quis sibi manus violentas infuset: *Tenetur tamen non resistere agenti, qui patitur, quod iustum est eum pati.*

Consecrarium quartum. Quilibet reus, quantumvis iuste damnatus, potest, non resistendo contra justitiam, aut justitiae ministros, se a morte, vel mutilatione, vel trizemibus, si congrue potest, liberare: quoniam jus ad vitam suam, membrorum conservationem &c., a nulla potestate humana ipsi aufertur. Unde damnatus, ut fame pereat, cibum occulte sibi ministratum sumere valet; & si pateat alius, se fuga e carcere proripere: minime tamen tenetur, etiamsi absque ullo incommodo, aut alicujus injuria fugere valeat; idque praestiterunt SS. Martyres detenti in carceribus, unde aufugere quandoque poterant.

XIV. An vero reus ad mortem damnatus, & in carcere detentus licite queat vincula rumpere, & carcerem ipsum effringere, plurimi quidem Theologi hoc concedunt. At opposita sententia mihi D. Thomae doctrinae magis consentanea videtur; adeoque in praxi sequendam arbitror, praesertim cum leges latae fuerint *contra carcerum effractores*, quae plane abolitae nunquam fuerunt; & carcerem effractusio, quantum quidem sapio, sine *positiva resistantia ad justitiam*, quae nunquam licet, intelligi nequeat. Quod enim ajunt qui contra sentiant, ad praedictas leges, *Legislatores in illis constituendis sequutos esse aliam sententiam, quae etiam est probabilis*, nimis scri-

gidum est. Cur enim dicendum non erit, sequutos potius esse jus, aut lumen naturale, cui lex ipsa consonat? Sed quocunque ducti motivo fuerint ad eas faciendas, gravemque poenam carcerum effractoribus imponendam, ipsæ subsistunt; neque enim adhuc abrogatæ fuerunt, adeoque eam vim, ac auctoritatem obtinent, qua cæteræ leges humanæ gaudent. Quod si ipsi reo minime licet carcerem effringere, suffodere parietes ad evadendum; multo minus licebit aliis ad idem auxilium præbere, aut suppeditare instrumenta, quibus ad ministerium illud adjuvetur.

§. II.

Laxa, & absurda multorum Casuistarum opiniones quoad Rei obligationes.

XV. Puram, ac veridicam exposuimus circa Reorum obligationes S. Thomæ doctrinam, quam sequi omnes debent, ne a via veritatis aberrant. Proderit nunc sub oculos ponere turpissimas, & a vero longius abhorrentes opiniones, in quas lapsi sunt multi ex Casuistarum turba, qui S. Doctorem deserentes, quod sibi arrisit, potius sequi maluerunt. Non omnium quidem horum placita proferam, ne nimium oratio excurrat; sed quorundam duntaxat, quorum existimatio magis viget penes cæteros, eorumque sententias plurimi in praxi etiam amplectuntur. Qui plurimum aliorum notitiam desiderat, consultat *Litteras meas ad Statum Ministrum T. 2. epist. 8.*, ubi etiam inveniet de re hæc eximii, omniumque præconii dignissimi Episcopi pium Leiricensis, nunc vero Archiepiscopi Eboracensis, totius Lustrane luminis plenitudinis prolixum testimonium quoad incrementum, quod paucis annis acquisivit laxa, & absurda in re præcipua præsentis argumenti Casuistarum opinio.

Fatuzai Theol. Mor. T. II.

Prodit primum in scenam Caluistarum Probabilistarum Princeps P. Thomas Sanchez; qui *lib. 3. in Decal. c. 7. n. 11. de Reo negante delictum a se commissum, & de eodem convicto ita scribit*: „Quia frequenter Theologorum sententia habet, reum non teneri veritatem fatari, nisi ipsi aperiantur status causæ, & quæ in processu contra ipsum probata sunt, ut sic certo illi constet juridicam esse interrogationem &c. Hoc autem Judices reum interrogantes nunquam solent facere scilicet alia Iurisperitorum quorundam sententia dicentium, id non exigere. Ergo saltem sequendo communem Theologorum sententiam, possit hic reus a confessione excusari, etiam prædictæ rationes non urgentur“.

XVI. Hermannus Bussembaum *lib. 4. cap. 3. dub. 8. n. 4.*: „Etsi communior, & verior sententia sit S. Thomæ 2. 2. q. 69., si reus legitime interrogetur a Judice, teneri in conscientia aperte veritatem dicere; probabile tamen est etiam, quod ex Sylv. docent Sa, & Lessius, non teneri saltem sub mortali in causis capitælibus, & gravioribus, si sit spes evadendi, & nullum grave damnum Reipublicæ timeatur. Tannetius q. 4. d. 5., Card. de Lugo d. 40. n. 15., ubi dicit, esse sententiam valde probabilem, & in praxi totam. Ratio est, quia lex humana communiter non obligat cum tanto periculo“. Candidè ergo fatetur Bussembaum sententiam oppositam nedum a S. Thomæ doceri, sed etiam esse communio-rem, ac verio-rem: communior & verior Cur igitur eam non amplectitur, nec se ad illam amplectendam teneri existimat? Non alia asserti causa potest, nisi quia Probabilismus veritatem minime curat. Quis ergo sequatur auctores veritatem nequaquam curantes.

XVII. Sed ultra audeat progressus est P. Tho-

T t 5

P. Tho-

P. Thomas Tamburinus, stetus authoritate plurium Theologorum præfatum Societatis; fatique erit hujus scriptoris referre textus: eo quippe audito, jam cætos ferme audimus. Itaque lib. 3. in Decal. c. 7. §. 2., postquam laxa multa tradidit de equivocationibus, quibus uti Reus potest, dum legitime non interrogatur, hæc habet n. 3. „ Jam si legitimus est Judex, legitimeque per semiplenam probationem „ interroget, unde reus ex nullo capite ex „ his excusari videatur a fatenda veritate; „ celebri quæstione queritur, *An ob periculum vite, quod sincere respondendo sumit, possit excusari, atque adeo ipsi negare „ veritatem cum equivocatione liceat* “. Et protatis momentis, quibus negativa sententia nititur, & authoribus, qui eam defendunt, quos inter est S. Thomas, n. 5., ait: „ Sed jam alii Recentiores, ut de Lugo &c. Joan. Sanchez &c. cum Doctoribus „ viginti duobus, post accuratam discussionem, advertentes *onus esse supra naturam vires difficile*, reum obligare ad inferendum testimonium capitale contra se ipsum; docent probabilissimum esse, & tutum, Reum minime obligari ad fatendum crimen suum, unde tantum mactum sibi parare videat “.

Hic animadvertas, Tamburinum, aliofque auctores, qui ejus tradidit sententiam, concedere omnino debere, S. Thomam, & reliquos antiquos sententiam docuisse, quæ *onus* hominibus imponit *supra naturam vires difficile*; quod perinde est, ac *impossibile*. Quis autem ferat calumniam hanc tantis viris impactam? Nonne, cum & S. Thomas, & alii cæteri pro fundamento doctrinæ suæ legem naturalem asserunt, in Deum ipsum, qui hanc legem tulit, hæc recidit impossibilitatis calumnia? At si negas *absolutam impossibilitatem*, solumque difficultatem intelligis; numquid non hanc vincere tenentur homines, &

mortem etiam perferre potius, quam hujusmodi legem violare? Sed pergamus, & sequentia Tamburini verba referamus. *Potissima ratio illa mihi videtur: quia nemo obligandus est concurrere ad seipsum occidendum*. Hæc ratio potissima fulcissima, & nulla est. Neque enim Reus ad manus sibi violentas inferendas adstringitur; sed ipse unice præceptum sibi impositum adimplet fatendi veritatem, & non proferendi falsitatem. Judex vero iuste propter delictum mortis in ipsum sententiam pronunciat, & iustitiæ ministri eam exequentur.

Hinc solvitur, subjicit Tamburinus, ratio adversariorum n. 3. allata. *In re enim tam ardua Judex superior non est. Quod si is soleat cogere, ideo est, quia sequitur contrariam opinionem, quæ saltem ab auctoritate Doctorum probabilis est. Ita Joannes Sanchez &c.* Si Judices in exquirenda a reis veritate commissorum criminum etiam gravissimorum, juxta Tamburinum, superiores in re tam ardua non sunt; jam inique eos interrogant, inique eos torturæ subijciunt, inique eos morte mulctant. Neque enim qui superior non est, hæc agere jure potest. Nonne seditiosa plane hæc doctrina est? nonne ab Ecclesia, & Magistratibus igne combutendi merito sunt libri, qui talia docent? Si cogere soleant, inquit, sequuntur opinionem contrariam, quæ saltem propter extrinsecam auctoritatem probabilis est. Sententia igitur S. Thomæ, totiusque antiquitatis duntaxat probabilis est, non ob rationes, quibus illa fulciatur; quia docet, fieri debere, quod est *supra naturam vires*: sed ob extrinsecam auctoritatem Doctorum, qui absque firma ulla ratione eam tradunt. Vah doctrinam proferus anathematum fulgure abolendam! Illa namque S. Thomæ, aliorumque sententia nedum ratione firmissima, sed infallibilis etiam Scripturæ auctoritate munitur.

XVIII. Verum cætera, quæ Tamburinus

nus ibidem cum aliis modernis Casuistis habet, persequamur; non ut ea quidem refellamus: neque enim opus est; sed ut solum innotescat, in quas prorsus absconditas laxitates præcipites eos egerit nimia Moralem Christianam relaxandi libido. N. 7. hæc scribit: „Doctrinam hætenus a nobis allatam iustitiam citati Doctores, afferendo, a Reo negari posse sub equivocatione crimen, modo aliqua tandem eluceat spes effugiendi mortem. Secus enim (ajunt) negatio esset inutilis; si ipse nihilominus convictus esset, & certe dammandus. Ego vero censeo, etiam nulla elucente tali spe, & mortali esse etiam hujusmodi reum excusandum. Excipio cum Sanchez in Decal. lib. 3. cap. 9. casum hæresis: convictus enim de illa, faceri debet &c.“ Si ergo agatur de quocunque alio atrocissimo delicto, etiam læsæ Mijestatis, etiam necis supremi Principis, etiam conjurationis attentatæ in Rempublicam &c., nunquam teneretur Reus faceri delictum, sed illud sub equivocatione negare posset.

Sed qua ratione hoc Tamburinus affirmat? Audi: „Ratio, inquit, quæ me mover, est, quia ex una parte de jure naturæ est, hominem non posse constringi ad concurrendum ad mortem suam: & ex altera parte in hoc casu ad summum offenditur (si tamen offenditur) potestas Superioris in re levi. Si autem Reus jam convictus est, certoque plectendus; nihil addet confessio Rei, quantum ad punitionem criminis, de qua sermo est, cum Juxta sit ad dammandum satis instructus.“

Satis non habet Tamburinus id constituturæ, quoties agitur de condemnatione ad mortem. Doctrinam eandem extendit N. 9. & 10. ad quæcumque pœnam etiam levem. Denique, ait, quod dictum est de periculo vitæ, extenditur ad quod-

„cumque malum grave, puta exilium, bonorum amissionem, tritremes, gravem infamiam &c. Ita de Lugo &c. Ad hæc enim tam gravia mala, perinde ac ad mortem avertebam, jus naturæ nos armar, imo nos urget.“ Et hæc mala pati juxta ea, quæ supra dixit, erit onus supra naturam vires difficile, & moraliter impossibile; adeo ut ad ferendum illud a semine obligari possit. Nonne hoc aperte sequitur ex ratione ab illo præmissa?

Non igitur alio in casu tenebitur Reus Judici interroganti fateri criminis veritatem, nisi quando de periculo agitur alicujus damni levis; puta de jactura octo, aut decem assium, de pœna carceris per unum, vel alterum diem, de modica abstinentia &c.? Falleris, subdit Tamburinus: grave, vel leve malum sit, quod imminet ex confessione ingenua veritatis, ad illam non obligaris; sed licite potes sub equivocatione Judici respondere, adeo ut culpam tuam non agnoscat. Ea verba illius N. 10. Quid de malo levi &c.? Respondeo. A mortali fortassis excusandus esset, quamvis contrarius sit de Lugo &c. Ratio esse potest, vel quia de jure natura videtur esse, ut ne leve quidem vulnus tibi ipsi infligas: vel quia, si agitur de pœna levi infligenda, videtur leve, & non rigorosum superioris præceptum: vel quia ex negatione talis veritatis non oritur grave malum Reipublicæ &c.

XIX. Hæ sunt non opiniones, sed opinionum monstra, atque portenta, quæ in lucem novæ opinandi modus præterito sæculo eduxit, & quæ pariter ab iismet, qui post damnatas plures a Summis Pontificibus propositiones scripsere, sustinentur. Ex quibus unius tantum, ne sim immensus, testimonium exhibebam, Caroli nempe Antonii Casnedi, qui Tem. 5. Disput. 9. suæ Cris. Theologiae hæc docet: Dico, quod Reus de commissis a se crimine interrogatus a Judice juridice criminaliter, seu ut puniatur,

si occultando restrictione sensibili, ut locutione pure materiali, aut equivoca suum crimen, spem habet evadendi poenam capitalem, ut sunt magna infamia, trivernis, carcer durissimus, honorum omnium confisatio, & similes poena equivalentes morti; non teneatur sub culpa reatum suum candide fateri, quin licite possit suum crimen etiam iurejurando occultare, sive restrictione sensibili; sive locutione pure materiali. Ubi vides Auctorem hunc, sin in omnibus Tamburini placitis, in praecipuo tamen questionis capite & cum Tamburino, & cum reliquis modernis Casuistis penitus consentire. Atque similia habet etiam P. Dominicus Viva, alique.

XX. Unum restat, quod addamus circa ea, quae iidem Casuistae permittunt Reo, ut se a morte, aut ab alia poena liberet, ad quam vel damnandus, vel damnatus est. Dubium movet Tamburinus lib. 3. cap. 1. §. 6. n. 7. *An peccet, si quis inducat ad iurandum falsum, quod iurans putat esse verum; ipse vero inducens sciat esse falsum.* Respondetque juxta Bonacinam, Azorium, aliosque, hunc certo peccatum, & quidem mortaliter; facit enim, ut Deus revera in testem falsi adducatur; adducitque quendam ad hoc confirmandam exempla. Quid vero? Ibidem subinde n. 7. revocat opinionem suam, & in sententiam Hurtadi contrarium assertorem concedit. Verum, inquit, ut ingenue fatear, post aliquot a consilio dato mentes subit mentem meam disparitas inter casum nostrum, & exempla n. 5. allata, quae... subtilis alicui videbitur, sed certo vera distinctio; ut, si penetraretur, censenda sit impossibilitas. **PROBABILIS** (adeoque licita) Hurtadi hoc modo explicata sententia. Hurtadi auctoritati addit etiam Cottonium, Dianam, & Tancredum, ut de ipsis Probabilitate minime dubitetur. Adeoque criminofus quicumque, etiam Iese Mijestatis Reus in primo gradu, aequivoce iuramentis (haec enim a Casuistis licita sunt) sua-

dere poterit alicui, aut pluribus, qui ad reddendum testimonium in iudicio advocandi sint, se innocentem esse, qui postea etiam iurejurando ejus innocentiam confirmet; adeoque criminis reus a iudicio liber, & absolutus evadat. Proh Deum immortalem! Haecine Moralis Christiana?

Quod si Reus jam captus a Ministriis detineatur in carcere, ut deinceps supplicio, quod promeruit, placeatur; quid agere poterit, ut illud effugiat? Lib. 9. in Decal. c. 2. §. 2. n. 9. hanc etiam questionem resolvit Tamburinus cum P. Lessio, & aliis inquiens: *Probabile est, posse vincula effringere, & rumpere carcerem, saltem cum animo restituendi fratris damnum; quod tamen damnum restitui non esse in usu putat Lessius.* Ratio est, quia qui potest velle suum, potest ponere media; nequa id est inferre vim publica Potestati; per hanc enim prohibetur, ne fiat vis contra Iudices, & Ministros, non vero contra vincula, & carcerem (Nam leges contra carcerum effractores non curant). Idem puto si quis sit in eodem carcere, & propter paritatem rationis in trivernis, ob poenam delicti; in carcere, inquam, atroci, vel perpetuo, vel pro longo tempore. Nam pro brevi, & ordinario habet jus Iudex. Lege Dianam &c., Lessium, Malderum, Ledesnam, & alios.

Haec solum docuisse satis non habet Tamburinus cum aliis; sed ultra progreditur, & inquit etiam, num possit quis licite adjuvare diu Reum fugiendum, & ad carcerem effringendum? Atque id quidem negat de Custodiis, & Iustitiis officialibus. De aliis vero ita decernit: *Certum est, alios posse consulere Reo, ut fugiat; quia, si ipse licite potest fugere, poterit & consultor consulere.* Certum est etiam, vel sana probabile ex de Lugo &c., licite dari ipsi instrumenta, v. g. securum, ut ipse reus effodiat parietem vel effringat carcerem, fugiatque; quia, ut modo dixi, qui licite ponit finem, licite ponit & media. Hec

Hæc itaque, Tamburino teste, vel certa juxta Casuistas, vel adeo probabilia sunt, ut licite omnino ad praxim deducti queant. Quid igitur in controversiam verti potest? *Solum*, ait ille n. 12., *subiudatur*, an alii possint adjuvare Reum ad dictam carceris fractionem? Et relata sententia negativa da Luga, subjicit: Huic nequeo subscribere; primo quia universaliter qui potest ponere suam, potest, ut dictum est, adhibere media. At medium est, Reum in efringendo carcerem habere medium vel tuum servum adjuvantem &c. Ac prolatis similibus aliis rationculis concludit, alios etiam posse adjuvare Reum ad efringendum carcerem.

P. Hermannus Busembaum cum Filliucio, Tannero, & aliis multis medium aliud Reo suggestit lib. 4. cap. 3. art. 2., fortasse opportunius ad elabendum e carcere. Licet etiam, docet, saltem in foro conscientia custodas decipere (N. B.; quasi deceptio lege naturæ minime prohibetur), tradenda v. g. cibum, & potum ut sopiantur; vel procuranda, ut absint. Item vincula &c. Hæc & alia permittunt Reo Casuistæ, quibus Ministrorum justitiæ vigilantiam eludant in summum Reipublicæ damnum: quia deserta illibata S. Thomæ doctrina, abierunt post cogitationes suas malas, semetipsos, suosque Auditores miserrime fallentes.

CAPUT VIII.

De Testium, & Advocatorum Obligationibus.

DOCTRINA, ET CONSECTARIA.

- I. Tenetur homo aliquando ad testimonium ferendum. Elegans doctrina S. Thomæ, qua obligationem hanc declarat.
- II. Qui passio Judex se gerere debeat in inquirendo Reo alicujus delicti publici.
- III. De inquisitione generali, & speciali Rei a Judice præmittenda.
- IV. Ad habendam sufficientem notitiam Rei, ac delicti sufficit decurum, vel trium testimonium.

V. Objeção quadam diluitur.

VI. Quid requiratur, ut duo, aut tres ad testificandum sufficiant adversus aliquam.

VII. Quandoque sufficit vel unus testis.

VIII. Quanam persone jure vel naturali, vel positivo humano ad testimonium ferendum non admittantur.

IX. Quadam Confessaria derivantur.

X. Quinam Advocati, & Procuratoris nomine veniant; & quæ in ipsi dotes necessariae sint.

XI. De virtutibus Legum in Advocato, & Procuratore requisita.

XII. De fidelitate, quam servare Clientibus debent.

XIII. De justitia cause, quam cognoscere tenentur, antequam eam tuendam suscipiant.

XIV. Illustratur hæc obligatio ex S. Thomæ doctrina.

XV. Quid agendum sit Advocato, cum dubia est justitia causa, aut solum probabilis.

XVI. De postrema Advocati date; scilicet moderatione in exigendo pretio pro suo labore, sive patrocinio.

XVII. Advocatus tenetur pauperi gratis patrocinium impendere. Quando ad hoc caritatis officium teneatur.

XVIII. Colligitur, quoties in officio suo Advocati delinquant.

XIX. Ex Benedicto XIV. indicatur, quanam persone officium Advocati exercere possint.

XX. De obligationibus Notarii, ejusque peculiaribus peccatis.

§. I.

De Testium obligationibus.

- I. AD complementum obligationum ad Judicalem materiam pertinentium, pauca quædam etiam delibemus oportet de Testis, & Advocati obligationibus ex Angelici Præceptoris doctrina, quam habet qq. 70. ac 71., in quatum prima de Testibus

bus agit, qui sæpe adhibentur a Justice, ac necessarii nonnunquam sunt ad iustam sententiam pronunciamdam. Primum, quod ille querit, hoc est: *Utrum homo teneatur ad testimonium ferendum?* quam questionem eleganter ac solite expedit sequenti doctrina: „In testimonio ferendo distinguendum est; quid est; quid aliquando requiritur testimonium alienius, aliquando non requiritur. Si requiritur testimonium alicujus subditi, auctoritate superioris, cui in his, quæ ad iustitiam pertinent, obedire tenetur; non est dubium, quin teneatur testimonium ferre in his, in quibus secundum ordinem juris testimonium ab eo exigitur: puta in manifestis, & in his, de quibus infamia præcessit. Si autem exigitur ab eo testimonium in aliis, puta in occultis, & de quibus infamia non præcessit, non tenetur ad testificandum“.

„Si vero requiratur ejus testimonium non auctoritate superioris, cui obedire tenetur, tunc distinguendum est: quia si testimonium requiratur ad liberandum hominem vel ab injusta morte, seu pœna quacunque, vel a falsa infamia, vel ab aliquo damno; tunc tenetur homo ad testificandum. Et si ejus testimonium non requiratur, tenetur facere, quod in se est, ut veritatem denunciet alicui, qui ab hoc posset prodesse. Dicitur enim in Psal. 81.: *Eripite inopem, & agnum de manu peccatoris libertate*. Et Proverb. 24.: *Erue eum, qui ducuntur ad mortem*. Et Roman. 1. dicitur: *Digni sunt morte, non solum qui faciunt, sed etiam qui consentiunt facientibus*“.

„Super his vero, quæ pertineant ad condemnationem alicujus, non tenetur aliquis ferre testimonium, nisi cum a superiore compellitur secundum ordinem juris: quia, si circa hoc veritas occultetur, nulli ex hoc speciale damnum nascitur; vel, si imminet periculum

accusatori, non est curandum: quia ipse, in hoc periculum sponte se ingessit. „Alia autem est ratio de reo, cui periculum imminet, eo nolente“.

In hac auctore S. Thomæ doctrina totum id continetur, quod spectare potest testis obligationem. Ex ea autem intelligitur, quod tertia ejus assertio exceptionem patiat, eo in casu, quo grave detrimentum toti multitudini, vel alicui tertio personæ crearetur, nisi quis id, quod novit, testificetur, etiam non requisitus, aut non requisitus juridice. Quæ exceptio constat etiam ex responsione ad 2., ubi docet, quendam esse delicta, quæ statim ac ad notitiam venerint, quisquis ea manifestare tenetur vel testificando, vel denunciando, adeo contra hujusmodi debitum nullus obligari queat per seceri commissum; uti sunt, inquit, *quæ pertinent ad corruptionem multitudinis sive spirituales, sive corporales, vel in grave damnum vergunt alicujus personæ*“.

II. Quoniam vero dum publica crimina contra Reipublicæ, aut alicujus personæ bonum committuntur, Judex inquirere solet de eorum auctoribus, ut qui ea noverunt, deferant, ac testificentur; quædam de hac inquisitione adnotanda sunt. Itaque quoties crimen manifestum est, sed auctor occultus, potest Judex inquirere ex communiore sententia de ejus auctore generali inquisitione ex parte personæ, cessante speciali; nimirum si commissum fuerit homicidium, & a quo commissum sit, ignoretur; Judex potest generaliter inquirere, quis illud fecerit, quamvis non possit peculiariter querere, an vel Petrus, vel Joannes, si ipsi nulla criminis infamia laborent.

Hæc doctrina nititur communi Judicem omnium praxi, quæ derogavit legi positivæ, si qua contra foret. Sic, inquit Innocentius IV. ad cap. Bone 1. tit. de Elec.

Electi, servat totus Mundus, quod, contingente maleficio notorio, statim inquirat Iudex generaliter, non contra certam personam: & falsa inquisitione, vocat nominatos in inquisitione de maleficio. Et quod longam interpretationem recipit, ex iteratione factorum mutari non debet. Et infra: Cum maleficio sit notorie factum est; sed quis illud fecerit, sit incertum: Iudex, nullo vocato, praedit ad inquisitionem illius malefici, scilicet per quem sit factum.

Deinde, nisi huiusmodi inquisitiones a Iudice fierent, duo mala, & illa quidem gravissima, sequerentur. Alterum, quod populus graviter offenderetur, dum cernit Iudicem in auctorem manifesti facinoris nequaquam inquirere. Alterum, quod maleficia invalescerent sub impunitatis fiducia, atque ita pax Reipublicae, atque tranquillitas perturbaretur. Illud tamen adversat Iudex oportet, ne occulta crimina imprudenter ab impecitis quibusdam revelentur, recte se factum, si juxta & personarum, & rerum circumstantias protegetur ab initio, se non de occultis delictis, sed de notoriis inquirere, vel de his, de quibus rumores, aut indicia sunt.

III. Ceterum si Iudici generaliter inquerenti detegatur criminofus occultus, potest, ac debet ad speciale tunc inquisitionem progredi, ac demum juxta ea, quae diximus, criminofum punire. Siquidem ex quo in publicam Iudicis noticiam deductus est, modo sine injuria, quam Iudex intulerit, noxium Reipublicae foret connivere, ac praeberetur occasio delinquendi illi, ad quos detectio, aut impunitas perveniret. Dixi: modo sine injuria &c. Quia cum Iudex per injuriam extorsit criminis, aut criminofus cognitionem, absque peccato injuriae talem reum ex hac cognitione punire, vel ad puniendum procedere nequit: quamvis illi ipsi liceat, quoties detectio habita fuit per alios indebite, imo & injuste,

si illius injuria manifestationis causa non fuerit ipse Iudex.

Ad haucendum noticiam criminis, & criminofus adhaeret quandoque Monitorium. Hoc autem ad revelationem non obstringit nec auctorem criminis, nec cooperatores; qui tamen per censuras compelli quoniam ad satisfaciendum parti laesae. Qui autem intra tempus praescriptum in Monitorio non revelavit, cum debuisset, ac potuisset, peccavit mortaliter, & censuram laicam contraxit; teneturque, quamprimum commode possit, revelare, si revelatio adhuc profutura sit. Quoniam obligatio non cessat, cessante termino, quando terminus non ad finendam obligationem apponitur, sed ad eam duntaxat sollicitandam.

IV. Querit art. 2. S. Thomas, an sufficiat duorum, aut trium testimonium? Responsio, quam tradit, communis, ac certa est; duorum nempe testimonium, vel trium ad majorem certitudinem in judiciis ordinarie sufficere. Principium, quo id probat, non est omittendum: „Secundum „Philosophum (inquit) certitudo non est „similiter quaerenda in omni materia. In „actibus enim humanis, super quibus con- „struuntur judicia, & exiguntur testimo- „nia, non potest haberi certitudo demon- „strativa, eo quod sunt citra contingentia, & variabilia. Et ideo sufficit probabilis certitudo, quae ut in pluribus veritatem attingat, etsi in praecursoribus a veritate deficiat.“

„Est autem probabile (sive moraliter „certum) quod magis veritatem attingat „dictum multorum, quam dictum unius. „Et ideo, cum reus sit unus, qui negat, „sed multi testes asserant idem cum actor; rationabiliter infirmum est de jure „divino, & humano, quod dicto trium „stetur.“

V. Nec quidpiam refert contingere interdum, ut duo, vel res falsum testimonium

nium proferant, quemadmodum contingit in iudicio Naboth, ut habetur 3. Reg. cap. 21. Hoc enim & raro contingit, & per accidens se habet. In legibus autem statuendis consideratur id, quod per se, & ut in pluribus est: alioqui nec sufficeret testimonium multorum, cum etiam illud possit aliquando esse falsum. En responsio, quam argumento adhibet S. Thomas ad primum: *Quantumque multitudine testium determinaretur, posset quandoque testimonium esse iniquum &c.* Nec tamen quia non potest in talibus infallibilis certitudo haberi, debet negligi certitudo, quae probabiliter haberi potest per duos, vel per tres testes.

VI. Ceterum, ut hæc duorum, triumve testimonia ad fidem faciendam sufficiant, illud necesse est, ut ipsi sint omni exceptione majores, & depositio eorum factum idem respiciat, ita videlicet, ut non sint testes singulares, sed rei ejusdem contestes; adeoque convenire debent tam in circumstantiis potioribus, quam in principio puncto rei, de qua agitur. Neque tamen discordes inter sese existimandi sunt, si in tempore designando varietas aliqua extiterit; ut, si alter designet eorum tempus, & certum, & individuum locus, & alter ea ejusdem hæc meminisse assernet. En quæ S. Thomas de his sapienter differtit in responsi: ad 2. inquires: *Dicens, quod discordia testium in aliquibus principalibus circumstantiis, quæ variant substantiam facti, puta in tempo, vel in loco, vel in personis, de quibus principaliter agitur, aufert efficaciam testimonii. Quod si discordent in talibus, videntur singulares esse in suis testimoniis, & de diversis factis loqui....* Non tamen præjudicatur testimonio, si unus dicat, se non recordari, & alius asserat determinatum tempus, vel locum. Et si in talibus omnino discordaverint testes, aliores, & rei, si sint æquales numero, & pares dignitate, statueretur: quia facilius debet, esse Juxta ad

absolvendum, quam ad eorum condemnandum; nisi forte in causis favorabilibus, sicut est causa libertatis & hujusmodi. Si vero testes ejusdem partis differant, debet Juxta ex motu sui animi percipere, cui parti sit standum, vel ex numero testimonii, vel ex dignitate eorum, vel ex favorabilitate causæ, vel ex conditione negotii, & discorum. Multo autem magis testimonium minus repellitur, si sibi ipsi diffideat interrogatus de vi, & scientia: non autem si diffideat interrogatus de opinione, & fama; quia potest secundum diversa visa, & audita diversimode motus esse ad respondendum. Si vero sit discordia testimonii in aliquibus circumstantiis non pertinentibus ad substantiam facti, puta si tempus fuerit nubilosum, vel serenum; vel si domus fuerit picta, aut non, aut aliquis hujusmodi: talis discordia non præjudicat testimonio; quia homines non consueverunt circa talia multum sollicitari; unde facile a memoria elabuntur. Quin imo aliqua discordia in talibus facit testimonium credibilius &c. quia si in omnibus concordarent, etiam in minimis, viderentur ex conditio eundem sermonem proferre; quod tamen prudentis Judicii relinquitur discernendum. Hætenus ille. Ex quibus perspicere Juxta potest, quomodo se gerere debeat in testibus examinandis; & quodnam valeat de eorum efficacia ferre iudicium.

VII. Hæc autem doctrina de judiciis rerum graviorem regulariter intelligenda est. Quandoque enim unius testis sufficit; ut ad Matrimonium impediendum, prout habetur C. 27. de Sponsal. Pariter cum de levioribus poenis indigendis agitur: Sic ad testimonium publici custodis plesti solent, qui ligna in communi sylva furantur; & in Religionibus ex unius testimonio leves poenæ imponuntur; hoc enim fieri expedit ad bonum commune. Quandoque autem duo testes non sufficiunt, ut in Testamentis; in quibus, aliique servandæ sunt leges, & probatæ consuetudines Regionum.

VIII.

VIII. Sunt personæ nonnullæ, quæ jure vel naturali, vel humano ad testificandum non admittuntur. De his agit S. Thomas hic art. 3. ubi querit: *Utrum alicujus testimonium sit absque ejus culpa repellendum?* Cui quæstioni respondens, hanc tradit generalem regulam: „ Testimonium, sicut dictum est, non habet infallibilem certitudinem, sed probabilem (sive prout, denti approbatione dignam). Et ideo quidquid est, quod probabilitatem affert, rat in contrarium, reddit testimonium inefficax. Redditur autem probabile, quod aliquis in testificando non sit firmus quandoque quidem propter culpam; sicut infidelis, & infames: item illi, qui publico crimine rei sunt, qui neque accusare possunt: Quandoque quidem absque culpa. Et hoc est vel ex defectu rationis: sicut patet in pueris, amentibus, & mulieribus. Vel ex affectu; sicut patet de inimicis, & personis conjunctis, & domesticis. Vel etiam ex exteriori conditione: sicut sunt pauperes, servi, & illi, quibus imperari potest, de quibus probabile est, quod de facili possint induci ad testimonium ferendum contra veritatem “.

Porro ad decem personarum genera revocare solent ii, qui a testificando repelluntur. 1. Est delirus, aut semisatus. 2. Persona vilis, & inope, de qua suspitio est facile posse corrumpi: secus autem, si honesta sit. 3. Servus, sive mancipium. 4. Mulier, quæ tametsi in jure civili admittatur, in jure tamen canonico, quibusdam exceptis casibus, non admittitur. 5. Minor viginti annis in criminalibus: in civilibus autem impubes. 6. Infames. 7. Perjuri, & infideles. 8. Inimicus. 9. Confanguinei, & domesticæ Añori, quibusdam tamen demptis casibus. 10. Tandem loci criminis. Ex quibus tamen ii, qui solo jure humano sunt ad testificandum inhabiles, admitti possunt, ac solent in criminibus

Patavii Theol. Mur. T. II.

exceptis, ut hæresi, crimine læsæ Majestatis, falsæ moneræ, maleficio, furto famoso &c. quemadmodum etiam quoties delictum commissum est eo tempore, & eo in loco, ubi sufficientes alii testes haberi nequeunt, ut in campo, sylva, cubiculo, nocturno tempore &c.

IX. Ex iis, quæ dicta sunt, colligas primo, regulariter omnes tam Clericos, quam laicos, tam seculares, quam Regulares compelli posse ad ferendum testimonium nedum in civilibus, sed etiam in criminalibus causis; nisi vel aliquo justo titulo excusentur, vel prohibeantur. Nam si compelli minime possent, vel imnocentes injuste accusati defectu testium, qui eorum innocentiam manifestarent, damnerentur: vel Rei justè accusati testium pariter defectu commissum ab illis delictum non attestantium, injustè absolverentur; quod sane in grave Reipublicæ detrimentum cederet.

Colligas secundo, ad testimonium ferendum omnes illos cogi non posse, qui legè vel naturali, vel positiva sive divina, sive ecclesiastica, sive etiam civili a ferendo testimonio eximuntur: Tunc enim juris ordo minime servaretur. Hinc procul dubio testimonium ferre nequit Confessarius de his, quæ in Confessione audivit. Hinc etiam ex D. Thoma, quæ sub naturali secreto commissæ sunt, revelari non debent: quia servare fidem est de jure naturali: nihil autem potest præcipi homini contra id, quod est de jure naturali, nisi secretum vetget in periculum boni communis, vel in damnum Innocentis juxta ea, quæ alibi dicta sunt.

Colligas tertio: nedum teoemur testimonium reddere veritati, cum interrogamur juridice; sed tunc etiam, cum ex silentio nostro vel bonor Dei, vel utilitas proximi equitate subzaheretur, ut docet S. Thomas loquens de professione fidei: scilicet quoties ex defectu testimonii nostri aut Deus positive inhonoraretur, aut proximus in-

V v v

no-

nocens iniuste opprimeretur. Siquidem in his circumstantiis silentium nostrum præberet causam culpabilem vel blasphemiam in Deum, vel iniuste calumnie in proximum, ob quam veluti reus apud homines haberetur: quod pluribus exemplis ostendi posset. Quæ de falso teste docet S. Thomas art. 4. huius questionis alibi opportunius proponemus.

§. II.

De Advocati, & Procuratoris obligationibus.

X. *Advocati, & Procuratoris* nomine veniunt ii, qui causas litigationum defendendas suscipiunt. Advocatus appellari etiam solet *causa Patronus*, & actio ipsius *patrocinium*, vel *advocatio*, aut *postulatio*; quod per eam desiderium Clientis, cujus agitur causa, exponatur apud illum, qui iurisdictioni præest. Qui ab *Advocati* officio, ut aliquando fit, excluditur; haud propterea, ut Sylvester tradit V. *Advocatus*, censetur prohibitus domi consulere etiam per jurium allegationes in scriptis exhibitas.

Quatuor in *Advocato*, sicut & in *Procuratore*, requiruntur ad rite officium suum obeundum; primo nempe *notitia legum*: 2. *fidelitas* erga Clientem: 3. *equitas* causæ, quam defendendam suscipit; ac demum 4. *pretium moderatum* pro suo labore, vel *patrocinio* præstito.

XI. Quod attinet ad priorē dotem, *Advocatus*, & *Procurator* habere debent *scientiam convenientem* eorum, quæ ministerium suum spectant; *Advocatus* scilicet *peritiam legum*, ex quibus causæ resolutio pendet: *Procurator* autem *notitiam formalitatum juris*. Neque necessaria est, inquit S. Thomas hic art. 2. *Advocato interior peritia, qua possit convenienter iustitiam assumptæ causæ ostendere*. Additque: Et iterum loquela eum auditu, ut possit promovere, & audire, quod ei dicitur. Ratio in eo fundatur, quod

habet 1. 2. q. 76. art. 1. nimirum: *Quicumque negligit habere, & facere id, quod tenetur habere, vel facere, peccat peccato omissionis*. Et vi talis omissionis culpabilis ad restitutionem tenetur damnorum, si quæ ex inficitia, & imperitia sua Clienti damna obvenerint. Nec satis est ad peccatum hocce vitandum, quod sufficienti scientia non careat, si illam non exerceat, vel per negligentiam, vel propter sine causam, sive negotiorum multitudinem Clientum suorum causas non expendat, aut, ut congruum est, non examinet.

XII. Quoad *fidelitatem*, hanc servare omnino debent Clientibus suis *Advocatus*, & *Procurator*, adeo ut causam illorum non prodant, ut aliam partem juvent, aut secreta causæ suæ alteri parti reveleant, aut quidpiam aliud agant, quod causæ, quam defendendam suscipiunt, detrimentum afferat. Sic etiam ad ipsos pertinet indicare Clienti causæ requiritatem, aut iniustitiam, probabilitatem obtinendæ victoriæ, & periculum amittendæ, ne forte superfluos sumptus facias in ea prosequenda. Quare lethaliter peccant *Advocati*, & *Procuratores*, qui duobus inter se litigantibus simul consilium offerunt: ea quippe agendi ratio aperte pugnat cum fidelitate, quam utrique litigantium debent.

XIII. Circa *iustitiam* causæ, pro qua advocat, quam cognoscere debet tum *Advocatus*, tum *Procurator*, antequam ad eam tuendam operam præbet; audiamus S. Thomæ doctrinam, quem tradit art. 3. ubi querit, *utrum Advocatus peccet, si iniustam causam defendat*? Ac ita respondet: „ Illi-
citum est alicui cooperari ad malum fa-
ciendum sive consulendo, sive adjuvan-
do, sive qualitercumque consentiendo: „ quia consiliarius, & coadjuvans quodam-
modo est faciens. Et Apost. dicit Rom.
1. quod digni sunt morte, non solum qui
faciunt peccatum, sed etiam qui consentiunt
„ sa-

facientibus. Unde & supra dictum est, quod omnes tales ad restitutionem tenentur. Manifestum est autem, quod Advocatus Auxilium, & consilium præstat ei, cujus causæ patrocinatur ¹⁴.

XIV. „Unde si scienter injustam causam defendit, absque dubio graviter peccat, & ad restitutionem tenetur ejus damni, quod contra justitiam per ejus auxilium altera pars incurrit. Si autem ignoranter injustam causam defendit, putans esse justam, excusatur secundum modum, quo ignorantia excusari potest ¹⁵“.

Quæ docet quoque S. Doctor in responsione ad sibi objecta argumenta, digna sunt, quæ diligenter considerentur. Primum de promptum erat ex paritate Medici, qui laudantur, si infirmitatem desperatam sanent; adeoque laudandus etiam videtur Advocatus, si peritia sua injustam causam defendat, & vincat. Verum ad hoc ita respondet, obviâ disparitatem assignans; quod videlicet Medicus accipiens in cura infirmitatem desperatam, nulli facit injuriam: Advocatus autem suscipiens causam injustam, injuste ludit eam, contra quem injuste patrocinium præstat. Et ideo non est similis ratio. Quamvis enim laudabilis videatur quantum ad peritiam artis; tamen peccat quantum ad injustitiam voluntatis: quia abutitur arte ad malum.

Occasione alterius argumenti monitum tradit ab Advocatis omnibus sedulo advertendum; nimirum: Si Advocatus in principio credidit causam justam esse, & postea in processu apparuit eam esse injustam; non debet eam prode, ut scilicet aliam partem juvet, vel secreta sua causæ alteri parti revelet. Potest tamen, & debet causam deferre, vel eam, cujus causam agit, ad cedendum inducere, sive ad componendum sine adversarii damno. Adoptandum tamen, cum ait S. Doctor, Advocatum, qui deprehendit injuriam causæ, non debere eam alteri parti prode, sed teneri ad servandum secre-

tum; hoc ita intelligendum esse, nisi ex illo secreto immineret alteri grave damnum sive in corpore, sive in honore, sive in aliis bonis. Si enim grave damnum immineret, teneretur admonere vel Judicem, vel partem, ut ejusmodi damnum, quoquo modo fieri posset, impediretur.

Tertia obiectio desumpta erat ex paritate militum, cui plura permittuntur, quæ etiam Advocatis permittenda videntur in suscepta causâ tractanda. Cui respondet hoc pacto, assignans quid utrique liceat, nec ne. Militi, inquit, vel Ducis exercitus licet in bello justo ex insidiis agere ea, quæ facere debet, prudenter occultando, nos autem falsitatem fraudulenter faciendo: quia & hosti fidem servare oportet, sicut Tullius dicit in 2. Offic. . . . Unde & Advocatus, defendenti causam justam, licet prudenter occultare ea, quibus impediri potest processus ejus: non autem licet ei aliqua falsitate uti.

XV. Verum præcipua, quæ in re hæc quaestio suboritur, in eo posita est; num scilicet Advocato liceat causam alicujus patrocinari, cum justitia causæ non liquida, & certa, sed incerta est, solumque probabilis. Et in primis quidem saltem saniora Ethicæ defensoris illud pro explorato habent, discrimen aliquod intercedere inter Judicem, & Advocatum. Neque enim par est utriusque ratio. Judex enim cum inter utramque partem jus dicere teneatur, cæteris paribus, res magis facere debet, quam alicui juxta Reg. Juris 11. in 6. Cum jura partium sunt obscura, res favendum est potius, quam alicui. Advocati vero munus in eo consistit, ut explicet, ac defendat causam sui Clientis, ejusque merita, ac rationes proponat, quibus innititur.

Conveniunt etiam, quoties agitur de capite, vel alia gravi pœna, seu damno alicujus, ob quod in extremam, aut gravem necessitatem adduceretur, haud licere Advocato probabilem causam alicui adoria contra

V v v 2

pro-

probabiliorem rei defendendam suscipere. Siquidem actor contra charitatem agit, dum reum probabiliori sententia nixum in talem necessitatem, haud angustiam adigere tentat: cum ex charitate potius ad ei subveniendum obligetur, quemadmodum unusquisque proximum suum in urgenti necessitate constitutum adjuvare tenetur.

De causis ergo civilibus tantum excitari controversia potest. Et in his communior, & mihi, aliisque probabilior sententia est, advocatum posse assumere defendendam causam dubiam, pro qua scilicet rationes, sive momenta aequae gravia militent pro utraque parte. Cliente tamen admonito de victorie incertitudine, sive de periculo amittendae litis. Quoniam pars utraque jus habet sive per se, sive per aliam suas proferendi rationes coram Iudice, ut ipse postea determinet, quid sibi reapse debitum sit, aut non; an litigantes componere invicem debeat, aut rem dividere: & Advocatus sui Clientis vices gerit, & ejusdem jura solum proponit; non autem judicat: adeoque nisi utatur captiosis verbis, aut ratiunculis nullius ponderis, ut certa appareat, vel probabilior causa, quam dubiam ipse cognoscit; non video, cur in ea defendenda preceat.

Hoc tamen intelligendum est, nisi partis contrariae Clientis praeter jus aequale gauderet rei possessione. Nam possessio jus majus ipsi praerberet juxta illud, quod hic tantummodo locum habet: *Melior est conditio possidentis*. Deinde neque causam suscipere licite potest, quam certo judicare esse minus probabilem. Tunc enim causam defenderet, quam magis existimat injustam esse, quam justam; & quantum est de se, judicem induceret ad adjudicandam causam habentis jus minus probabile, adeoque ad injuste judicandum; ac niteretur impedire, ne sententia feratur in ejus favorem, cujus, ut potius esse censet, ac melius. De causa

loquor civili. Nam par ratio non est in criminalibus, ubi potius de provocanda misericordia agitur, quam de administranda justitia.

XVI. De postrema qualitate Advocati, *moderatione* scilicet in exigendo pretio pro suo labore, aut patrocinio, specialiter dixerit S. Thomas hic art. 4. ubi primum affert auctoritatem S. Augustini dicentis ad Maced, quod *Advocatus licite vendit jus suum patrocinium, & Jaspasritus verum consilium*. Id autem sequenti ratione confirmat inquit: „ Quae quis non tenetur „ alteri exhibere, iuste potest pro eorum „ exhibitione recompensationem accipere. „ Manifestum est autem, quod Advocatus „ non semper tenetur patrocinium praestare, „ stare, aut consilium dare causis aliorum. „ Et ideo, si vendat suum patrocinium, „ sive consilium, non agit contra justitiam. „ Er eadem ratio est de Medico „ opem ferente ad sanandum; & de omnibus aliis hujusmodi personis: dum „ tamen moderate accipiant, considerata „ conditione personarum, & negotiorum, „ & laboris, & consuetudinis patriae. „ Si autem per improbitatem aliquid „ immoderate extorqueatur, peccant contra justitiam. Unde Augustinus dicit ad „ Maced, quod *ab his extorta per immoderatam improbitatem, repeti solent; data per tolerabilem consuetudinem, non solent*. „

Hae S. Thomae doctrina perspicua est, & probatione non indiget. Illud unum observo, minime licere Advocato pactum inire cum Cliente de quora litis sibi loco salarii solvenda. Hoc enim jure veritum est, ne detur occasio pro fraudes, ac modos iniquos vincendi litem: imo nec pacifice licet, ut si in causa victor existat, tantum stipendii recipiat. Quamquam absque peccato convenire possit, ut sive vincat, sive non,

non, certam pro labore recipiat, eamque justam, pretii quantitatem.

XVII. Cæterum, etsi Advocatus pro labore suo pretium justum recipere, quin & exigere queat, tamen pauperum causis gratis aliquando patrocinari tenetur. Hanc charitatis regulam trahit ex S. Augustino D. Thomas hic art. 1. *Cum enim prestare patrocinium causæ pauperum ad opus misericordie pertineat; idem de eo ferendum judicium est, ac de cæteris misericordie operibus, quæ cadunt sub præcepto. Quando autem hoc præceptum urgeat, adeo ut lethalter peccet Advocatus, si patrocinium suum pauperum causis gratis impendere renuat, declarat in corp. art. dicens: Considerandum, utrum aliquis tantam necessitatem patiat, quod non in promptu appareat, quomodo ei possit aliter subvenire. Et in tali casu tenetur ei opus misericordie impendere (sive patrocinium causæ suæ suscipere). Si autem in promptu appareat, quomodo aliter ei subveniri possit vel per se ipsum, vel per aliam personam magis consensuam, vel majorem facultatem habentem (& ab hac pauper non deseratur, aut deserendum non esse cum fundamento credatur; non tenetur ex necessitate indigenti subvenire, ita quod non faciendo peccet: quamvis, si subveniret absque tali necessitate, laudabiliter faciat. Unde Advocatus non tenetur semper causæ pauperum patrocinium prestare, sed solum concurrentibus conditionibus prædictis (i. scilicet, quæ concurrere debent in aliis necessitatibus): aliquando oportet cum omnia alia negotia prætermittere, & solis causæ pauperum juvando intendere.*

Duplex autem necessitas pauperis esse potest, in qua, aliis deficientibus, Advocatus causam ejus defendendam suscipere debeat. Alia extrema est, quoties sic indigeat patrocinio, ad quod procurandum impar omnino sit, & nisi adjuvetur, causa sit casurus, & vel injusta morte piecien-

das, vel suis, quæcumque ea sit, rebus omnibus spoliandus, & ad extremam pauperiam redigendus. Gravis alia est, quoties nisi gratis juretur, litem amittet, ratione cujus aut gravem patietur bonorum subtractionem, aut ad trimeses, vel diuturnum carcerem damnabitur, aut periculosum morbum incurrer.

In extrema igitur necessitate gratis patrocinari debet Advocatus, tamen si superflua non habeat, & fortasse passurus sit subtractionem enormis bonorum, quæ ad statum suum simpliciter necessaria sunt. In gravi autem cum aliquo eorum detrimento, quæ etiam ad statum suum non sint simpliciter necessaria, sunt tamen quasi necessaria ad ejus decentiam.

Incidit etiam Advocatus tenetur causam pauperis agere in communi necessitate existentis; si nempe id præstare valeat absque sui status imminutione, & tales occurrant ex parte pauperis circumstantiæ, ut ad id ferendum auxilium charitas suadeat, atque præscribat juxta ea, quæ in loco dicenda erunt de hujusmodi necessitate.

Nec minus tenebitur Advocatus ad præstandum gratis hoc charitatis officium, quoties ad advocandum pro pauperis causa ad ipso Principe, vel Judice, aut Magistratu deligitur. Judex siquidem ipse providere tenetur de Advocato, tum quoties aliquis ob pauperiam sibi illum comparare nequit, tum etiam quoties ob potentiam adversarii nemo alteri patrocinari audeat. Hinc Concilium Tolosanum anno 1590. celebratum sanxit, ut qui per egestatem litigantes sibi advocatum comparare non possunt, illis Curia de Advocato, si res postulat, provideat: quod & antea statutum fuerat, & æquitas ipsa deposcit.

XVIII. Ex his omnibus colligamus omnia, aut saltem præcipua capita, in quibus graviter delinquant, aut delinquere solent Ad-

Ad-

vocati in officio suo obsecundo, quandoque charitatem, quandoque etiam contra iustitiam. 1. Si Advocatus, aut Procurator officium suscipiat, dum perita, & idoneitate sufficienti caret ad illud recte exercendum. 2. Si causam assumat, quam iniustum esse novit. 3. Si quamlibet causam sine discrimine, & consideratione suscipiat, nihil expendens merita causarum. 4. Si in progressu litis causæ iniquitatem deprehendens, Clientem non moneat, ut ab ea proseguenda desistat; nec ipse illa dimittat. 5. Si ob ejus impetitiā, negligentiam, aut malitiam Clientis causa cadat, aut indebitas expensas facere debeat, vel damnum aliud patiat. 6. Si in causa dubia periculum amittendæ litis Clienti non manifestet. 7. Si expeditionem causæ protrahat cum Clientis damno. 8. Si causæ secreta adversanti parti revelet. 9. Si in causâ defendenda proferat scripturas falsas, testes mendaces, leges obliteratas, aut abrogatas; aut veras quidem, sed cavillæ, & artificis in falsos sensus detortas. 10. Si falsa crimina adversæ parti imponat; aut vera, sed occulta ad causam non pertinentia detegat; vel conviciis utatur. 11. Si plures causas simul agendas accipiat, quibus apte expediendis impar sit. 12. Si pretium iusto magis exigat. 13. Si iniustis dilationibus adversam partem vexet; vel impediat, ne jus suum legitime proseguat. 14. Tandem, si scripta, quæ exarare opus est, nimium extendat; vanisque, ac inutilibus verbis, aut rationibus impleat ob majus lucrum acquirendum.

XIX. Non abs re futurum arbitror, in calce hujusce paragraphi quædam decerpere, aut potius indicare ex operibus Benedicti XIV. personas spectantes, quæ Advocati munus gerere possunt, aut ab eo prohibentur. Primum itaque de *Synod. Dioces. lib. 13. c. 12. N. edit.* habet: *Rescripta, & Brevia pro exiundo Advocati mu-*

vera Monarchis, etiam Canonici Regularibus nunquam conceduntur; quod conformis est Canonis. Ex parte tua. De postulando.

Lib. eodem c. 19. subjicit: *Secularibus vero Clericis etiam Beneficiariis, tum & Sacris Ordinibus initiatis conceditur, ut advocaturam exercent in Tribunalibus Ecclesiasticis; in Localibus, & coram Judice seculari, cum agitur causa propria ipsorum, vel Ecclesie sue, vel miserabilium personarum. Quamquam in Brevibus libere conceditur Sacerdoti pauperi, ut libere causas civiles, & criminales agat; dummodo tamen in criminalibus tantummodo Reus patrocinetur; quin & tamdiu munus illud exercere permittitur; donec certos Ecclesiasticos redditus ad congruam sustentationem sufficientes, vel beneficium residentiale obtineat.*

§ III.

De Notarii obligationibus.

XX. Pauca etiam cursim adnotemus circa Notarii obligationes. Notarius qui etiam *Tabellio* vocatur, ille est, qui contrahentium voluntates tamquam rebus publicis conscribit, & publica inde instrumenta tamquam depositarius custodit. Quare duo præcipue in Notario requiruntur; *scientia*, qua calleat, & observet solemnes contrahentium formulas; & *fidelitas*, qua nihil contra æquitatem, & veritatem in Scripturis suis irreperere patiarur.

Peccat igitur Notarius contra debitum officii sui, si instrumenta haud recte conscribat; si juramentum, vel secretum violet; si in testimoniis testium vel dictis, aut factis partium adijciat aliquid, vel detrahat; si omnia, prout reapse se habent, sincere non scribat vel circa diem, vel circa res, quæ sunt materia contractus; puta si instrumentum, quod fit tali die, tali mense, vel anno referat factum esse die, mense, & anno prioribus, aut po-

ste-

terioribus: vel scribat contrahentes praesentes esse, cum praesentes non sint; si attesteetur numeratam esse pecuniam, cum revera numerata non est. Haec enim mendacia sunt, imo perjuria, cum Notarii jurent, se nihil falsi in suis publicis instrumentis relaturos.

Peccant pariter contra fidelitatem, & veritatem, si in testium depositione quidpiam haud levis momenti ex arbitrio varient; sicut etiam si in voluntate contrahentium exprimenda addant aliquid, vel detrahant, quod ei non respondeat; si amisso instrumento publico, puta Testamento, vel contractu, aliud simile constituant, atque substituant. Quoniam in singulis hisce casibus contra veritatem agunt, quam se fideliter observaturos juramento firmant. Nec excusandi veniunt ex eo, quod si, instrumento aliquo amisso, aliud simile non constituant, in magnum discrimen conjiciuntur: neque enim ad impediendum damnum licet aliquo illicito medio uti; quemadmodum furari nequaquam licet ob eleemosynam tribuendam.

Peccat etiam Notarius contra veritatem, si scribat testamentum hominis rationis usu destitutum, vel sui minime compotis: si testes falsos ad testimonium ferendum admittat: si ex animo verba aequivoco adhibeat, quae varium sensum pati possunt, ut partes contrahentes decipiat, aut ut commodum, sive favorem amico praestet.

Demum, aliis fortasse casibus omisso, contra iustitiam, & aequitatem: Notarius peccat, si vel ipse iustitiam violat, aut paribus iniuste contrahentibus suffragium praestet: si aliquid exigat ultra pretium a legibus, vel a legitima consuetudine statutum: si publica instrumenta iis ostendere renuat, quibus necessaria sunt; puta heredibus testamenta, legatariis legata, vel si pro exigendis hujusmodi instrumentis pretium excedens extorqueat &c.

Ac de horum quidem statuum, aut officiorum obligationibus satis. Nam de aliorum, quae superfluae, obligationibus suis in locis opportunior sermo erit.

R E F L E X I O .

Plurium statuum, & officiorum hominum obligationes exposuimus. Aliorum etiam plurium suis locis opportune exponendae erunt, ex quarum omissione innumera peccata profluunt, quae sub examinis, & discussionem venient supremi Iudicis Dei; & poenis gravissimis punienda sunt, tamen si frequentius, vel nullatenus in hac vita cognoscantur, vel pro nihilo reputentur. Qua de causa fidenter affirmare mihi fas est, majorem Christianorum multitudinem ad sempiterna supplicia damnari propter omissionis, quam propter commissionis peccata. Haec siquidem facile incurrunt in oculos eorum, qui non penitus salutis suae curam abiecerunt; adeoque & saepe eorumdem poenitet, & Sacramentali Confessione abstergere, & expiare non praetermittunt. Ecquis enim haud protus projectae conscientiae est, qui dum vel homicidium commisit, vel in turpia crimina lapsus est, vel furtum, aliudve simile flagitium perpetravit, peccati sui dolore percussus, illud facere Ministro detegere non festinet, & veniam a Deo non imploret? Horum sane paucissimos inter Christi fideles invenias. At non ita plane se res habet, cum de omissionum peccatis agitur. Haec, quamquam saepe gravia admodum sint, fugiunt plerumque minus attentae mentis conspectum, adeo ut ne illa quidem tamquam prava, ac severa punitione plebenda cognoscant: unde nec de ipse necessarium doletem concipit, nec illa Penitentiae Sacramento delere satagit. Nonne hoc funesta nimium experientia compertum omnibus rem serio considerantibus, exploratumque est? Quot nobiles, ac divites hujus sae-

seculi rum viri, tum mulieres vitam desiderant, & otiosam agunt, aut in perpetuis deliciis, & oblectamentis irascunt, quin aliquo animi sensu, aut stimulo conscientiae tangerentur? Quot Praelati, quot Altaris Ministri, quot Religiosi, quot Confessarii, quot Iudices, Advocati, Medici, Artifices, alique plurimi in adimplendis proprii status, & officii obligationibus gravissime aliquando deficiunt, quin tamen se propterea ulli peccato obnoxios existiment? Quot etiam deprehendere est, qui vel ipsas proprii officii obligationes prorsus ignorant, negligenter procul dubio culpabiles, quos ipsos coram Deo non excusat? Quilibet enim ex certissima Scripturae, ac Sancti Thomae doctrina tenetur scire, quae ad proprium officium, ac statum pertinent. Hi profecto omnes ob huiusmodi omissiones innumeras lethales noxas incurrunt, aeternamque damnationem sibi promerentur; quin tamen periculum suum advertant, aut e miserrimo statu suo emergere curent. Atque hinc merito Sancti Patres observant, Christum Dominum de extremo suo iudicio loquentem omissionis duntaxat peccata commemorasse, propter quae ad ignem aeternum reprobi damnandi sunt, dum dixit: *Non dedisti mihi manducare; non dedisti mihi bibere; non collegisti me &c.*, non quod etiam propter peccata commissionis haud dampnandi forent: sed ut omnes intelligerent, sibiique persuaderent, quam gravis sine omissionis peccata, ac sempiterno digna supplicio, adeoque ad ea diligentiissime cognoscenda, ac praecavenda permoverentur. Ut igitur tam metuendum infortunium devitemus, omni cura, ac sollicitudine enitamur, ut status nostri, ac officii obligationes cognitae habeamus, atque comprehensas; easque diligenter, & fideliter impleamus.

CAPUT IX.

De occasione Peccati.

DOCTRINA, ET CONSECTARIA.

- I. *Animadverso S. Caroli Borromei circa proximas peccandi occasiones.*
- II. *Diviso traditur occasio peccati.*
- III. *Propositiones ab Ecclesia in hac materia anathemate confixae.*
- IV. *Notionis occasio proxima a modernis Casuistis tradita.*
- V. *Consutatur ea, quae inter ipsos frequentior est.*
- VI. *Verba, ac legitima proxima occasio notio proposita.*
- VII. *Quid ex hac definitione sequatur.*
- VIII. *Alia Consecutaria ex eadem notione derivata.*
- IX. *Quid agendum, dum remedia adhibita, ut occasio proxima remota fiat, baud sufficiunt.*
- X. *Falsa opinio plurimum Probabilistarum putantium, ad deferendam occasionem non teneri, dum quis tantum probabiliter novis se in illa lapsurum.*
- XI. *Exploditur sententia Laymani, aliorumque, negantium obligationem deferendi proxima occasionem, dum ea sine gravi incommodo fieri nequit.*
- XII. *Quomodo modum ex Card. de Lugo plures alios laudantis.*
- XIII. *P. Lacroixius licet affirmantem opinionem veram iudicat; nihilominus vi systematis probabilistici negantem ut licitam permittit.*
- XIV. *Reversita opinionis vel tamquam damnata ab Ecclesia, vel ut in damnatis contenta rejicienda sunt. Et efficaci argumenta Casuistarum sententia resollitur.*
- XV. *Corollaria plura peculiari observatione dignissima ex doctrina constituta deducuntur.*
- XVI. *Occasione argumenti ab Adversariis ex S. Tho-*

S. Thomæ doctrina propoſiti, de ſumma in legendo S. Doctore ſolicitatis convincitur: voraque ſententia ejuſdem auctoritate luculentiffime confirmatur.

§. I.

Quædam ad celebrem controverſiam præmiſſa.

I. NEDUM peccata, ſed occaſiones etiam peccatorum virandæ ſunt. Quare pro coronide præſentis Tractatus de Peccatis agendum arbitror de peccatorum occaſionibus; quatum quidem accurata notitia omnibus permaxime neceſſaria eſt, at præcipue Confeſſariis, ut officium ſuum ea cura, ac fidelitate exerceant, qua opus eſt, ut poenitentes ſuos in viam ſalutis dirigant, & a peccatis, quibus ad perditionem perducuntur, avertant. Teſtatur namque illuſtre Eccleſiæ lumen S. Carolus Borromeus Inſtrui. Paſtor. p. 2. cap. 17. Confeſſariotum hac in re incuriam maximam præbere cauſam, cur in omnibus ſere opifiis, & publicis exercitationibus peccata graviffima inveniantur, & abuſus intolerabiles; adeo ut, ſi Confeſſarius majorem in examinando poſuerit induſtriam, inventurus ſit magno numero, qui omnem ſere vitam in peccatis mortalibus traduxerint, & multos, qui nunquam Sacramento Poenitentiae, prout oportet, peccata ſua expiarint. Ita Sanctus ille Archiepiſcopus animarum zelo vere ſuccenſus; a cujus Inſtructionibus, & Monitis utinam nunquam receſſiſſent plerique Junioris Caſuiſtæ; & Confeſſarii, qui eos ſequuntur! Neque enim in tot avia, ac devia a Sanctorum Patrum, & D. Thomæ doctrina proriſſent; neque ita invaleſcerent in populo Chriſtiano morum corruptelæ, & innumerabilia plane flagitia, quæ Sanctus idem enumerat, atque deplorat.

II. Quamquam porro alia ſit occaſionis, alia periculæ natura, ut maniſeſtum eſt; hic tamen alterum pro altero frequentius ſuſ-

Petrucci Theol. Mor. T. II,

mitur, ac nos quoque ſumemus. Ea quippe, quæ præſens argumentum ſpectant, utrumque neceſſario complectuntur. Primumque varia occaſionum genera dividimus, ut eam, in qua poſſiſſima difficultas & controverſia eſt; deſcribere, ejusque legitimam notionem exhibere poſſimus.

Prima itaque & univerſalis occaſionis peccati diviſio eſt in remotam; & proximam. Nam occaſio peccati generatim accepta illud omne dicitur, quod ad peccandum allicit, aut inducit: allicere autem, aut inducere quidpiam poteſt ad peccandum vel remote. vel proxime. Remote quidem ad peccandum allicitur, aut inducuntur res omnes hujus Mundi, quæ peccati objecta ſunt, aut eſſe valent: uti maxime ſunt divitiæ, voluptates, honores, ac cætera, ſi quæ ſunt, bona hujus Mundi. Atque has occaſiones fugere, aut vitare minime tenemur: ſed neque, ſaltem omnes, poſſumus; alioquin de hoc Mundo, juxta Apoſtoli verba 1. ad Corinth. 5. excedendum eſſet: quoniam creature Dei in edium factæ ſunt, & in temptationem animabus hominum; & in muſcipulam pedibus inſipientium, ut dicitur Sapient. 14. Proxime vero ad peccandum allicere, aut inducere dicuntur ea, quæ vel ex natura ſua, vel ex conditione ſubjecti nexum, ſive connexionem habent cum ipſo peccato, prout poſtmodum explicabitur.

Atque hinc alia ſuboritur proxima occaſionis diviſio; nimirum in eam, quæ per ſe ad peccandum pertrahit, ſive de ſe, ac natura ſua apta eſt inducere homines ad peccatum; & aliam, quæ dicitur per accidens, quæ nempe hujusmodi vim non habet ex ſemetipſa, ſed duntaxat ratione ſpecialis fragilitatis, ac diſpoſitionis aliquorum hominum, ſæpe in illa occaſione peccantium.

Utraque occaſio proxima tum per ſe, tum per accidens ſubdiviſitur in voluntariam, & involuntariam, ſive neceſſariam. Prior ea

X x x ver

vocatur, quæ deferri potest sine gravissima difficultate, aut incommodo. Altera, sive involuntaria, aut necessaria dicitur illa, quæ vel physice, vel moraliter deferri nequit. Unde & alia divisio occasionis potest fieri; scilicet in involuntariam, seu necessariam physice, quæ nullatenus a voluntate pender, ut deferatur; puta si quis in carcere victus sit cum foemina, sive homine flagitioso: & in involuntariam moraliter, quæ deferri quidem absolute potest, sed non absque peccato, vel gravissimo damno temporali; ut ex. gr. militia respectu militis in ea frequenter peccantibus, cui facultas abeundi non datur a Ducente exercitus, cui se obstrinxit, & ex justitia retinetur: vel aliquod officium, quod dimittere quidem potest sine peccato, sed non sine damno gravissimo, sive jactura sui status, vel famæ, vel bonorum.

III. Præmissa divisione occasionis proximæ, præmittamus etiam nonnullas propositiones Casuistarum ab Ecclesia in hac materia damnatas. Quarum prima habetur in Decreto Alexandri VII. num. 41. his verbis concepta: *Non est obligandus Concubinarium ejiciendam concubinam, si hoc nimis utilis esset ad oblectamentum Concubinarium, vulgo Regalo: dum deficiente illa, nimis agra ageret vitam, & alia opula tedio magno Concubinarium afficerent, & alia famula nimis difficile inveniretur.*

Ven. Innocentius XI. quatuor alias propositiones anathemate confixit in suo Decreto, ac primum n. 60. *Pœnitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, non est neganda, nec differenda absolutio, dummodo ore proferat se dolere, & proponere emendationem.*

Num. 61. *Potest aliquando absolvi, qui in proxima occasione peccandi versatur, quam potest, & non vult emittere, quin imo divelle, & ex proposito quarit, aut ei se ingerit.*

Num. 62. *Proxima occasio peccandi non est fugienda, quando causa aliqua utilis, aut honesta non fugiendi occurrit.*

Num. 63. *Licitum est querere directe occasionem proximam peccandi pro bono spirituali, vel temporali nostro, vel proximi.*

Hæ sunt propositiones plurium Casuistarum, quas cum Summis Pontificibus Ecclesia damnavit, proscripsit, prohibuit. Plures aliæ superfunt in eodem argumento, quæ ab ipsa pariter damnarentur, si deferrentur ad ejus tribunal, earumque institueretur examen, cum in hisdem continerentur, vel sint principia, ex quibus eruantur, vel confiscationes ex iis legitime deductæ, prout ex sequentibus liquidum erit.

§. II.

Notiones occasionis proximæ juxta recentes Casuistas. Quæ communiter est, confutatur.

IV. Mirum profecto est, quam longe ab Ecclesiæ, Sanctorumque Patrum doctrina, atque adeo a veritate deflexerint moderni Casuistæ in definienda, ac determinanda occasione proximæ, ratione cujus qui in ea versatur, sit peccato obnoxius, & Sacramentorum participationis incapax, si eam non deferat. Juxta Caramuelem illa sola dicitur proxima, in qua certo moraliter aliquis labitur in mortale peccatum. Juxta Oviedum, Palaum, Stephanum a S. Paulo, Antonium a Spiritu Sancto. *In qua plerumque, seu ordinariæ.* Juxta Navarrum, Lessium, Averfam, Gobarum: *In qua semper, aut sæpe semper.* Juxta Thomam Sanchez, Franciscum a Jesu Maria, Tamburinum, Mojam, aliosque, inter quos recensentur etiam Suarez, & de Lugo: *Quæ talis ex genere suo est, ut frequenter homines similis conditionis ad mortale inducat, vel constet in hoc homine tale effectum habere.*

Juxta

Juxta hanc ideam, aut notionem, quam sibi informant de periculo, sive occasione proxima, consequenter asserunt, aut asserere omnino debent, occasionem remotam eam esse, in qua vel non certo quis moraliter peccat, vel non semper, vel fere semper, vel non plerumque, sive ordinario, vel deum, in qua non frequenter peccat. Unde Baunius in Summa judicat non esse proximam, sed remotam occasionem, in qua quis bis, aut iterum singulis mensibus peccat cum famula sua; adeoque Dominum, & famulam necessario sejungendos non esse, si lapsus ipsorum nimium frequentes, ac ferme quotidiani non sunt.

Conformia ad hanc doctrinam sunt ea, quae tradunt circa idoneitatem ad Sacramentalem absolutionem recipiendam. Sic Dicastrus Tract. 8. de Pœnit. disp. 10. 10. docet, cogendum non esse Pœnitentem ad occasionem illam removendam (in qua non frequenter peccatur), quando iusta, & rationabiles cause non tollendi subsistunt (tamen si saepe pœnitens relabatur), scilicet grave damnum in fama, vel pecunia &c. Hanc quippe causam iustam censent esse cum Sanchez, Salas, Palao, Lugo &c.

Ultra progressus est Catamuel in sua Theologia Regulari. Exposita namque de occasione proxima notione, quod nempe, ut talis existimetur, debeat esse evidens physice, vel moraliter peccandi periculum; deducit, quod, si iuris ad talem damnum decies, & quinquies peccaveris, & quinquies non peccaveris; est probabile, si revertaris, te peccaturum esse; & a quo probabile, te non peccaturum esse? ergo non est periculum proximum. Si olties iuris, & septies peccaveris, & semel non peccaveris; est probabilius te peccaturum esse: est tamen probabile, te non peccaturum esse. Ratio est, quia octava pari est gravis &c. Atque ita petgit gradus huiusmodi probabilitatis in peccando, vel non pec-

cando determinare: Ac demum concludit, hac sua doctrina lucem affundi obscurissimis difficultatibus; qua cognoscat homo, quando in proxima peccandi occasione versetur, aut non versetur; adeoque dirigi Confessarius valeat in impartienda absolutione, vel neganda, si illam dimittere renuat. Quis non miteretur Christianos Theologos esse, qui huiusmodi resolutiones statuant, lucidissimis Scripturarum, ac Traditionis, imo recte rationis veritatibus adeo repugnantes?

V. Has omnes absurdas, & laxas Casuistarum circa notionem proxima occasionis, sive proximi peccandi periculi opiniones ad examen non vocabo. Ex seipsis namque absurditatem suam ita produnt, ut confutationem non egeant, post damnatas praefertim ab Ecclesia propositiones: solumque quædam dicam circa notionem ejusdem, quæ inter recentes Casuistas communior est, traditurque a Patricio Sporer, a Dominico Viva, aliisque pluribus vel iisdem, vel similibus verbis; nimirum *Occasionem proximam eam esse, in qua homo aut semper, aut fere semper peccat*. Hæc definitio nullatenus probanda est, sed potius rejicienda: quoniam ex ea manifesto consequitur, occasionem peccandi desinere esse proximam, quoties in ea constitutus homo frequentius non peccat, quam peccet, tamen si frequenter peccet. Nam ex, gr. siquis quotidie eam muliere conversetur, nequa tamen nonnisi bis, vel ter in hebdomada cum ipsa peccet; juxta illam definitionem dicendum foret, illum in occasione proxima nequaquam versari, eoquod minus frequenter peccet, quam peccet: adeoque absolvi a Confessario posset, quin cogeretur ad eam occasionem amovendam; utpote quæ remota tantum esset. Atque hanc consecutionem absurdam, quam nemo ut veram, & Christianam probaverit, reipsa admittit citatus P. Viva cum aliis, dum

X x x 2

q. 111.

q. 111. art. 4. n. 5. hæc scribit: „Unde
 „inferunt Perez, Leander, Lugo, alii-
 „que posse absolvi adolescentes, qui ver-
 „santur cum foeminis laborando, vel con-
 „versando cum iis, qui in eadem domo
 „non habitant: quia licet aliquando in
 „tali occasione mortaliter peccent *con-
 „su, tactibus, & etiam copula*; ea tamen
 „*occafio* censetur *de se remota*. Quando-
 „quidem non solent homines ex tali oc-
 „cassione *SEMPER*, aut *sepe SEMPER* pec-
 „cate mortaliter“. Consecutio itaque
 laxa a nobis ex hac definitione deducta,
 ipso Viva attestante, legitima est; adeoque
 definitio ipsa penitus reprobanda.

§. III.

*Vera ac germana proxima occasiois definitio.
 Quid ea sequatur.*

VI. Hac igitur, aliisque rejectis, quas
 memoravimus, occasiois *proxima*, ac *re-
 mota* notionibus; quænam erit germana,
 ac vera occasiois *proxima* definitio, prout
 a *remota* seceratur? Eam ego ita propono
 ex D. Thomæ, prout infra constabit, do-
 ctina depromptam.

*Occasio proxima est illa, quæ affert probabile
 peccandi periculum: adeoque remota
 solum dicenda est, quæ tale
 periculum non affert.*

Cum dico, occasionem *proximam* esse,
 quæ affert *probabile* peccandi periculum;
probabile periculum idem intelligo, ac *pru-
 dent*er timendum, sive quod juxta *sana pru-
 dentia* regulas merito timeri debet, ac viri
 prudentes timere solent in aliis similibus
 casibus, ne hoc, vel illud sibi contingat.
 Atque hæc definitio locum habet tum in
 iis occasioibus, quæ dicuntur *per se*: sive
 quæ sic aptæ sunt inducere homines ad
 peccandum, ut spectata communi hominum
 fragilitate: & corruptione, multi saltem in

iis positi peccaturi sunt: tum in occasio-
 nibus proximis *per accidens*, sive ex parte
 subiecti peculiaris; quæ quidem vim non
 habent de se inducendi communiter homi-
 nes ad peccandum, sed aliquos duntaxat
 ratione specialis eorum fragilitatis, & dis-
 positionis, ita ut prudenter timeri possit,
 ac debeat, ne in ea constituti labantur.
 Sive igitur occasio peccandi sit *per se*, sive
per accidens, quoties *probabile*, sive *prudens*
 afferat peccandi periculum, semper est oc-
 casio *proxima*: quoties vero hoc periculum
 afferat, *remota* dicenda, & existimanda erit.

VII. Ex quo sequitur, quicumque se
 huic *proxima* occasione committit, semper
 peccat, etiamsi contingat, quod in pec-
 caminosum actum non labatur: quoniam
 idem est peccare, ac se exponere *probabili*
 periculo peccandi; & in hoc consecratio
 consentiunt vel ipsi graviores Probabilistæ,
 ut Suarez, & de Lugo: quis, cum *Pericu-
 lum probabile* peccandi sit *periculum prudenter*
timendum, adeoque prudenter vitandum;
 idem est voluntarie se exponere *probabili*
 peccandi periculo, ac legem nihil pendere,
 & contemnere; quod sine peccato in-
 telligi nequit. Id confirmari potest ea ce-
 lestri S. Augustini autoritate lib. 1. de
 Bapt. agentis: *Efficere id, quod incertum est,
 an sit peccatum, certum peccatum est*. Idem-
 que ex verbis colligitur, quæ S. Thomæ
 de habentibus plures præbendas statuit
 Quodl. 2. art. 13.: *Si manente*, inquit, *tali*
dubitatione (an scilicet Beneficiarius reti-
 nere queat absque peccato plures præben-
 das) *plures præbendas habet: periculo se*
committit, & sic procul dubio peccat. Si ergo
procul dubio peccat, qui dubitans, an liceat
 ipsi *plures præbendas* habere, eas nihilomi-
 nus habet, vel retinet; eo quod periculo
 se committit: potiori sine jure peccabit, qui
 occasionem proximam non evitans, se com-
 mittit *probabili*, sive prudenti peccandi pe-
 riculo.

Con-

Consequitur etiam, Confessarius non posse absolvere Pœnitentem, quoties in ea occasione constitutus est, in qua *probabiliter* est peccaturus; sive in qua probabiliter, sive prudenter timere valer peccatum esse; neque tamen vult eam remove, vel sugere, dum potest, sive illa *per se*, sive *per accidens* ad peccandum inducat. Quotiam pœnitens in ea occasione positus semper est in statu peccati mortalis; adeoque non est dispositus ad fructum Sacramentalis absolutionis percipiendum. Et regulam hanc firmiter sequi debet, utpote faciliorem, simulque tutiorem ad discernendam occasionem proximam a remota, missis aliis notionibus, vanisque speculationibus recentium Casuistarum, quibus rem hanc implicat positus, atque confundunt; eaque permittunt, quæ permittenda nullo modo sunt, ut subinde manifestum erit.

VIII. Sequitur scđdem ex constituta notione *proxima occasio*, necesse non esse, ut quis teneatur peccandi occasionem devitare, ut in ea frequenter peccaverit. Satis namque est, ut *probabiliter*, seu *verisimiliter* in ea peccaturus sit. Semper etenim peccat, qui se *probabili periculo* peccandi exponit. Hoc providere, ac sapienter animadvertit laudatus S. Carolus in *Instruct. Confess.* ubi designans occasiones, quas vitari oportet, donec esse ea *facta*, quæ etiam si *per se* licent, tamen *probabiliter* timetur, ne sit, qui constitetur, in eadem ipsa, quæ olim admisit, peccata relapsurus sit, si in eis remaneat. Profecto juxta doctrinam, quam ex S. Thoma tradidimus agentes de *Voluntario directo*, & *indirecto*, ut peccaminosus effectus censeatur *indirecte*, sive interpretativus volutus in causa; non est necesse, ut ex ea reapse sequatur: sed satis est, quod cognoscatur, aut cognosci possit, & debeat verisimiliter secuturus. Sic enim aperte colligitur ex cap. de *injurii*, ubi

Gregorius IX. docet imputari damnari ei, quid aliquid agit, ex quo probabiliter illud sequi cognosci potuit, ac debuit, dum ait: *Nec ignorantia te excusat, si scire debuisti, ex facto tuo injuriam verisimiliter posse contingere, vel jacturam*. Igitur neque is excusatur a peccato, qui se exponit occasione, aut periculo, in quo providere potuit, ac debuit verisimiliter lapsurus esse, licet non labatur.

Denique ut etiam quidpiam colligamus ex data notione quoad occasiones proximas involuntarias, sive necessarias, quas homo vel nullo modo, vel saltem sine peccato dimittere nequit; satagere omnino debet, omnemque curam impendere, ut ex *proxima occasio remota* fiat; scilicet ut rollatur periculum proximum in ea peccandi, adeoque & Confessarius absolutionem differre tenetur, donec tale periculum sublatum sit; aut sibi persuadeat jam esse sublatum, spectatis circumstantiis, ac Pœnitentis cura ad eam removendam, animique sui dispositione. Quamdiu enim hujusmodi probabile periculum, sive occasio proxima subsistit, randu est in statu peccati mortalis, atque adeo incapax recipiendi Sacramentalis absolutionis beneficium. Remedia autem, quæ adhibere debet, ut ex *proxima* fiat occasio *remota*, sive ut prudens cesset peccandi periculum, præter frequentem orationem, qua necessarium a Deo auxilium imploret, fumenda suntque circumstantiis, & ex qualitate occasionis. E. C. si servus, aut filius famulas, qui facultatem a Domino, vel patre e domo abeundi impetrare non potest, sæpe cum famula peccaret; debet, quantum fieri potest: nunquam solus cum illa versari, aut colloqui, nunquam in eam oculos defigere, nulla ei amicitie signa exhibere: quin potius despectum, aut aversionem erga ipsam ostendere, piis mentem suam cogitationibus munire, & id genus alia per-

peragere; quæ si ex affectu sincero, & efficitur non offendendi Deum, aut peccatum non committendi peregerit, Deus aderit propitius gratia sua; & proximum desinet peccandi periculum.

Eadem remedia adhibenda sunt, ut occasio ex proxima pariter remota fiat, quoties defecti non potest siue gravissimo damno temporali siue famæ, siue divitiarum &c. eique, qui in tali occasione versatur, saltem ordinario loquendo, absolutionem differre debet Confessarius; donec, illa remediis accurate, ac diligenter adhibitis, saniorum fuerit periculum proximum peccandi. Si vero, subdit Magnus S. Carolus loc. laud., absolutionem differre non possit, quin pavitentem exponet gravi infamie periculo; tum si contritum certis quibusdam notis videat, aut ita mente affectum, ut ad omnia remedia paratus sit, quæ ad illius emendationem necessaria judicaverit prudens Sacerdos, tunc aptiora præscribet, & utiliora &c. Imponet & præce, & corporis mortificationem aliquam, & in primis frequentem Confessionis usum, similiaque exercitia, quæ si in se recipiat, tunc debet Confessarius absolvere.

IX. Quid vero, si media quidem adhibeat, ut occasio ex proxima remota fiat; & nihilominus peccare pergat, ut antea? Nihil aliud tunc superest, nisi, ut, quocumque temporali damno posthabito, eam deferat, & ad eam deferendam, ut idem S. Carolus monet. Confessarius absolutionem negando compellat. Tunc enim urget præceptum illud Christi Domini: Si oculus tuus dexter scandalizat te, erue eum, & projice ab te: expedit enim tibi, ut pereat unum membrorum tuorum, quam totum corpus tuum mittatur in gehennam; & si dextera manus tua scandalizat te, absinde eam, & projice ab te. Nimium res ipsæ dilectissimæ nobis dimittendæ sunt, dum agitur de vitando peccato; aut, quod perinde est, proxima occasione peccati. Quod

& aliis verbis præceptum sæpe inculcat Divinus Magister, ut præter alia, dum Luc. 14. turbas alloquens ait: Siquis venit ad me, & non odit patrem suum, & matrem, & uxorem, & filios, & fratres, & sorores: adhuc autem & animam suam, non potest meus esse discipulus; scilicet præcipit, prout S. Gregorius magnus interpretatur, ut vel uxorem ipsam, & eos, qui nobis carnis cognitione conjuncti sunt, quos adversarios in via Dei patimur, odiendo, & fugiendo nesciamus; siue res ipsæ nobis clariiores, vel utiliores contemnamus potius, quam quidpiam committamus contra Deum, ejusve legem, aut committendi proximo periculo nos exponamus. Unde colligit Concilium Lateranense II. Can. 21. Falsum esse penitentiam, cum penitens ab officio vel curiali, vel negotiali non recedit, quod sine peccato agi nulla ratione pravalet.

§. IV.

Plurium Casuistarum ex doctrina constituta rejiciuntur opinioniones.

X. Ex doctrina, quam dedimus paragrapho precedente, & quam, nisi me omnia fallant, cerram puto, atque unice Evangelii, Sanctorumque Patrum principia consentaneam, rejiciendæ sunt tamquam absontæ, falsæ, & cum veritate Christiana pugnantem plurium Casuistarum opinionones. Hæ omnes ad duplex genus revocari possunt. Vel enim, falsa occasionis peccandi notione concepta, confundunt proximas occasiones cum remotis; easque remotas existimant, quæ vero proxime dicendæ sunt, prout facile est colligere ex sententis relatis §. 2., adeoque ea permittunt, quæ permitti nullatenus debent: vel ab obligatione absolvunt dimittendi proximas, dum eæ sine gravi difficultate, aut incommodo, vel sine jactura famæ, aut honoris, aut pecuniæ dimitti non possunt.

Quoad

Quoad primum caput attinet, ex exemplo c. Probabilissimi doctrina derivatum. Querit ab ipsis solet, num deferenda occasio sit ab eo, qui *probabiliter* putat se lapsurum in peccatum, si illam non deferat? Quid vero respondent PP. Sporer, Gobat, Caramuel, & alii? Responsio negativa est. „ Quando enim, inquit ex aliis
 „ P. Sporer *part. 3. c. 11. sect. 4.*, solum
 „ est *probabile*, te succubiturum in tali
 „ occasione tentationi, certe etiam *probabile*,
 „ te non succubiturum: occurrunt
 „ enim graves rationes, ob quas vir prudens
 „ judicat, te non lapsurum. Certe
 „ hujus judicii sequendo sine nota
 „ meritis, ob rationabilem causam, poteris
 „ te committere huic occasioni; certo
 „ non commissurus, si scires, vel certo crederes
 „ te lapsurum. Quare Confessarius
 „ *non julisabit esse in occasione proxima peccandi*,
 „ v. g. se incubituri, fornicandi
 „ &c., qui in tali loco decies tentatus,
 „ succubuit solum ter, vel quater: scelus
 „ si octies, vel septies; & bis, vel ter
 „ tantum peccatum vitavit, & superior
 „ evasit. Quapropter huic, & non illi
 „ nolenti hanc occasionem relinquere, neganda erit absolutio. Noane ex hac doctrina sane mirifica occasio solum remota
 „ credenda foret, cum qui *est* in mense,
 „ vel hebdomada, invisens pellicem, tribus,
 „ vel quatuor tantum vicibus cum illa peccaret:
 „ adeoque absolvi posset, quin & deberet
 „ juxta probabilisticum systema a Confessario
 „ absque obligatione dimittendi occasionem?
 „ Sed quis vere Christianus tam quis aures audiat?

XI. Quoad alterum caput spectat, ex doctrina a P. Paulo Laymano tradita *lib. 5. tract. 6. c. 4.*, quae frequentior est inter Probabilistas; nimirum neminem adstringi ad vitandum *propinquum periculum*, seu occasionem mortaliter peccandi, quoties sine gravi incommodo corporis, fame, vel for-

tunarum tolli non possit. Tunc enim, inquit, *consilium quidem est, minorem illam jacturam majori bono securitatis animae preferre, sed non praeceptum*. Audi ratiocinationem ipsius, quam subinde proferet. *Vel praeceptum declinandi occasiones peccati affirmativum est: & tunc manifestum liquet non obligare in tali necessitate. Vel si contendas negativum esse praeceptum non abeundi periculum, aut in eo non persistendi; tunc respondeo intelligendum esse praeceptum, nequis ultro, ac voluntarie in peccandi periculum se coniciat, aut in eo persistat.*

Nemo unus, quantum quidem arbitror, erit, qui praedictis non occupatus haud videat doctrinam hanc Laymani eandem esse, ac propositionem XXVI., quam supra descripsimus, ab Innocentio XI. damnatam, aut saltem in ea contineri, nempe: *Proxima occasio peccandi non est fugienda, quando causa aliqua utilis, aut honesta non fugiendi occurrit*. At nihilominus qui posteriorem Laymani Editionem curavit, eam ab damnatione conatur eximere; quia, inquit, Laymanus *requirit non quancumque, sed gravem causam, sicut significat per particula illas sine gravi incommodo. Attendendum igitur, subicit, est, quod causa sit valde gravis, ne sententia subeat suspensionem propositionis damnatae*. Arque ita damnationem cludere se posse putat: cum satis exploratum sit, vel ipsos laxiores in hac re Theologos docuisse, non esse absolvendum peccatorem, qui ob quancumque causam recedere recusat a peccandi occasione; sed causam gravem, & etiam valde gravem recognoverint, ut liber esset ab hac obligatione.

XII. Omisso plures alios Casus, qui tradiderunt propositiones in Decretis Alexandri VII., & Innocentii XI. supra relatas; illos nimirum, qui negarunt obligationem efficiendi concubinam utilem ad oblectamentum Concubinae; aut qui as-

seruetunt, *Licetum esse quærendo directæ occasionem proximam peccandi pro bono spirituali, vel temporali nostro, vel proximi.* Hæc siquidem opiniones jam proscriptæ vel ipso aspectu suo horrorem ingerunt; solumque describo doctrinam Card. de Lugo, & quorundam Recentiorum, quæ mihi omnino rejicienda videtur tamquam laxa, & anti-evangelica. Quærit igitur de Lugo disp. 24. lect. 10. n. 156. : *An qui sepius absolutus propter grave detrimentum, quod sequeretur ex remotione occasionis proxima, eodem tamen modo semper relabitur, nec in eo ulla correctio reperitur, cogendus sit subire illud detrimentum, & relinquere occasionem illam proximam.*

Huic quæstioni ita propositum respondet :
 „ Affirmare videntur Suarez, Grassius, Reginaldus &c. Oppositam sententiam (scilicet non esse cogendum poenitentem subire detrimentum, & relinquere occasionem &c.) tuerentur Vivaldus, Joannes Saneius ; & alii Theologi. Quæ sententia in rigore verior est per se loquendo . . . Quia scilicet adhuc post experientiam illam nullius profectus (ut habet n. 158.) potest stare dolor verus, & propositum requisitum absque voluntate auferendi occasionem cum tanto detrimento. Ergo potest absolvi poenitens. Antec. probatur : quia sicut prima vice potuit absolvi, Eo quod cum tanto detrimento non tenebatur auferre occasionem illam ; sic propter idem detrimentum, quod perseverat, excusatur tempore sequenti ab auferenda occasione &c. Sicut ergo potest stare dolor, & propositum requisitum cum certitudine illa morali de lapsu futuro, non ita frequenti ; cur non poterit stare cum certitudine morali de lapsu futuro frequenti ? Ita de Lugo. At quis intelligat, sincerum dolorem peccati, ac firmum propositum illud deferendi sociari posse cum illa occasione

proxima, in qua voluntarie perseverat ab detrimento illud, quod eam deferendo pateretur ? Nonne ipsa *occafio* proxima, in qua volens persistit, peccatum est ? Neque enim *proxima* esse definit ob illud damnum, quod eam tollendo subiret.

XIII. P. Lacroixius lib. 5. n. 261. &c. eandem quæestionem movet, & utramque recenset opinionem. Et pro prioræ affirmante, absolvendum esse in eo casu peccatorem, refert Lugo, Josu Sanchez, Caspalaum, Tamburinum, Gobat, Burgaberum, Stox, & alios. De negante vero, hujusmodi scilicet poenitentem non esse absolvendum, scribit n. 262. : *Hæc secunda sententia admodum rigida est : attamen videtur vera &c. Qui primam benigniorem sententiam vult defendere (nam optionem Probabilissimus concedit omnibus sequentibus quæcumque magis libuerit (legit vindicias Gobat. Non est opus ad hæc vindicias confugere. Satis quippe est ipsum legere Gobatum, ut quisque noverit, vindicem suum non posse nisi Ethiopem lavare. Jam & hic, & alibi vidimus, quam laxè Gobat scripserit de hac materia, adeo ut ejus sententiæ defendi nullo modo queant ; & jam a pluribus Ecclesiæ Prælati proscriptæ fuerunt, cum inter alia permitat, Juvenes plebejos, & puellas indutas, & exutas simul cubare in eodem lecto, tamen estuia, & turpes aversiones exercent. Ac diserte n. 529. hæc tradat : Per accidens fas est permanere in occasione proxima, sem itiam adire occasionem proximam, quando grave, aut gravissimum malum corporis, honoris, fortunarum alias foret certo perferendum. Et T. 3. tract. 5. c. 45. Gravi ex causa potest quis se committeri moraliter certo periculo peccandi. Quæ talia a summa laxitate vindictæ ?*

XIV. Hujusmodi, & similes aliæ Casuistarum opiniones proferre rejiciendæ sunt, utpote vel damnatæ, vel in damnatis contentæ, & tamquam Evangelicæ regulæ

repugantes, quæ præcibit plus a nobis diligendum esse Deum, quam pecuniam, quam honorem, quam aliud quidcumque temporale bonum; potiusque subeundam horum bonorum jacturam, quam ipsum offendere, aut probabili illum offendendi periculo nos committere. Sane quis sibi unquam persuadeat, in hac hominem esse penitus necessaria animi dispositione, sine qua nec gratia, nec charitas divina in corde manet; quod scilicet aucto, & etiam, dum oportet, effectu, Deum præferat rebus omnibus temporalibus hujus Mundi; si, ne in illis detrimentum patiatur, ne jacturam subeat vel pecunie, vel famæ, vel alterius alicujus boni, aut oblationis, pergit in periculo probabili divinam legem violandi; adeoque in peccato, & offensa Dei, quæ ab eo seungi nullatenus potest, cum idem sit peccare, ac probabili periculo peccandi se exponere, aut obnoxium esse? Nonne, si quispiam ita mulierem adamaret, ut, ne ipsam amitteret, periculo se exponeret amittendi honorem, fortunas, ipsamque vitam; vere diceretur præferre mulierem omnibus ejusmodi bonis? Cui igitur idem dicendum non erit de illo, qui se exponit periculo peccandi, ne amittat vel mulierem, quam deperit, vel divitias, vel honorem &c., quod nimirum hujusmodi res creatas præferat Creatori Deo?

§. V.

Nonnulla ex constituta doctrina Covollaria derivantur.

XV. Plura ex dictis facile colligere cui-libet proutum est, quæ tamen ad clariorem doctrinæ intelligentiam, & confirmationem in re magni momenti proferemus, in qua tum penitentes, tum etiam Confessarii sæpius hallucinantur cum ingenti animarum suarum detrimento, atque periculo.

Patuzzi Theol. Mor. T. II.

Præter itaque propositiones jam ab Ecclesia damnatas, quas supra descripsimus, colligat primo, jure ac merito plures Gallicanarum Episcopos proscriptissæ sequentem P. Piroti ex *Apologia Casuistarum* propositionem, qua asseruit, *dimittendam non esse professionem, in qua periculum est sapiens peccandi, animamque suam perdandi, si facile dimitti non possit: nec sine absolutione dimittendos v. g. sororem sapa peccantem cum fratre, filiam cum patre &c. in ista occasione manentes, si peccatum ipsi distinet, et occasionem deservire non possint.* Hanc inter alios Vicarii Generales Parisiensis Ecclesiæ notantur propositionem semperquam falsam, temerariam, scandalosam, et inducentem periculum evident peccandi. Archiepiscopus autem Senonensis Ludovicus Henricus de Gondrin veluti falsam, permissam, expressis Summarum Pontificum definitionibus adversam. Eandem quoque propositionem censura notavit Academia Parisiensis; sicut & hanc Lovaniensis; Petrus aliquando absoluit; qui in proxima occasione peccandi versatur, quam potest, et non vult omittere, quia immo irreducibile, et ex proposito querit, aut si se ingerit; certissime falsam, temerariam, perniciosam, et ab auditu fidelium procul arcedendam.

Colligas secundo: Ad occasionem peccati moralis vitandam necesse non est, quod in ea peccetur frequenter; sed sufficit, quod ita verisimiliter inducatur sit in peccatum, ut qui in ea monet, aut illam adit, prudenter censeat quæst hoc ipso in ea velle peccatum. Ratio est: quoniam eo ipso quod effectus pravus censeatur voluntarius in causa, causa ista debet omitti, ne sequatur ejusmodi effectus, ut ex his, quæ de voluntario indirecto dicta sunt, satis constat. Porro ut malus effectus censeatur voluntarius in causa, siue indirecte, opus non est, ut ex ea sequatur frequenter; sed sufficit, quod cognoscatur, aut cognosci

Y y

debeat verisimiliter secururus, ut adnotavimus ex cap. *de injuriis*, ubi Gregorius IX. docet, *probabile periculum sufficere ad imputationem homicidii*.

Colligas tertio: Tametsi a Confessario cavendum sit, ne peccandi occasiones, quæ revera nonnisi *remotæ* sunt, proximis accenseat, atque ita laqueum poenitentibus injiciat, dum ad eas sub peccato fugiendas obstringit, ipsisque obligationem imponit, quæ imposita a Deo non est; accuratius tamen cavere debet, ne occasiones revera *proximas*, quæ scilicet probabile periculum peccandi afferunt, *remotas* existimet. Id siquidem in longe graviore tenderet, ac certiorum animarum ruina, si Confessario permittere, easdem propterea occasiones frequentarent, ut nemo non videt. Hinc Confessarius diligens sit oportet in examinandis, & distinguendis occasionibus *proximis a remotis*; nec eas ullo modo permittere debet, nisi persuasum habeat, omnibus mature perspectis, non esse nisi *remotas*.

Colligas quarto: Occasio aliqua *proxima* censeri merito potest, quoties in ea quispian posita aut semper, aut fere semper peccat, etiamsi ob aliquem defectum, aut impedimentum peccatum raro contingat. Sic ex. gr. si quis semel tantum in mense, vel etiam in anno adeundo mulierem aut in itinere, aut visitandi gratia, semper, aut fere semper cum ea peccaret, *proxima* illi occasio dicenda foret, præsertim si plurius mensium, aut annorum experientia id compertum esset. Sic etiam si Chirurgus in consensum peccati laboretur, quoties fecetiores curat partes mulierum, licet hæc cura raro contingeret, ab hac tamquam ab occasione *proxima* abstinere deberet. Atque ita de aliis. Neque enim ex mera actuum frequentia *proxima* occasio existimanda est, sed ex periculo probabili lapsus in peccatum, qui frequens semper non est.

Colligas quinto eum Eminentiſſimo Cardinali Denhoffio Episcopo Cæsariensi, qui in celebri Instructione sua Pastoralis nedum plurimorum Episcoporum judicio probata, sed autoritate Sedis ipsius Apostolicæ confirmata, adstruit, ad evitandam occasionem aliquando sufficere, quod præsens sit, & fortes adeo tentationes pariat, ut periculum probabile sit, quod in peccatum inducat, quamquam nondum induxerit. Quandoquidem teneretur unusquisque vitare probabile periculum peccati mortalis, sicut unusquisque vitare teneretur periculum probabile homicidii corporalis. Id explicari valei exemplo, quod excusare Gobat solitur, de quibusdam puellis cum prociis suis eodem in lecto cubantibus, quibus haud negandum esse absolutionem contendit, licet propositum non habeant haud amplius admittendi procos, eo quod asserant, nihil se mali cum iis commisisse. Demus enim hoc, quod nihil mali commiserint (tametsi ex verbis ipsius Gobat falsum esse colligitur): numquid tamen probabili committendi periculo expositæ non erant? Quis illi inficiari audeat? Igitur hoc ipso peccant, quod in tale periculum se se coniciunt; & absolutione dignæ non sunt; dum illud removere recusant. Atque hinc locum habet responſio, quam dedit in casu simillimo S. Cyprianus cum aliis Episcopis ad questionem sibi a Pomponio Episcopo propositam de iis *Virginibus, quæ detectæ fuerant in eodem lecto pariter mansisse cum masculis*, sed affirmabant, *se integras esse*. Quid reponit S. Doctor? Occasionem hujusmodi omnino esse *proximam*; adeoque non permittendam, *ne Diabolo insidiant, & favore cupienti ad nocendum datur occasio, quando & Apostolus dicit: Nolite locum dare Diabolo. Liberanda est ergo vigilanter de periculosis locis navis, ne inter scopulos, & saxa frangatur. Eruenta est velociter de incendio sarcina, priusquam flammis supervenerint*.

nientibus coneremur. Nemo diu tutus est periculo PROXIMUS. Periculum ergo proximum censuit S. Pater occasionem hanc, adeoque peccatum, & prorsus vitandum, sicut cetera peccata. Nam graves, pergit, multorum ejusdem conditionis ruinas hinc fieri videmus, ut per hujusmodi illustias, & periculosas conjunctiones corrumpi plurimas Virgines, cum summo animi nostri dolore conspeximus. Unde concludit: Idcirco consulto, & cum vigore facidi, Frater charissime, abstinendo (scilicet removendo, & excommunicando) eam, qui cum Virgine saepe munit; sed & ceteros, qui cum Virgibus dormire consueverant, etiam siasserant integros se esse. Quod si penitentiam egerint, & a se invicem recesserint &c., accepta communiōe, in Ecclesiam admittantur; hac tamen interminatione, ut si ad eisdem masculos postmodum reversi fuerint &c., graviore censura affligantur, nec in Ecclesiam postmodum facile recipiantur. Hinc est de his, aliisque similibus occasionibus tum Cypriani, tum reliquorum Patrum doctrina, quam sequi oportet potius, quam Casuistarum quorundam, qui laxis suis opinionibus Moralem Christianam corrumpunt.

Colligas sexto: Si quis in occasione proxima constitutus sit, a qua physice separari non possit, ut si detineatur cum femina, vel viro effrenate libidinis, aut impietatis in eodem carcere, tunc oratione, jejuniis, aliisque mediis evitari debet, quantum potest, ut ab ea, saltem corde, si corpore nequit, separetur; nec est absolvendus, nisi id diligenter perfecerit, ut tandem, cum proxima occasio fuerat, evadat remota: nemo quippe absolvi potest, dum in proxima occasione permanet. Idemque sentias de iis omnibus, qui per pravam E. C. se polluendi habitum facti sunt sibi metipsis occasio peccandi, a qua plane physice sejungi non possunt. Opus igitur est, ut a se ipsis modis omnibus scle-

sejungant corde toto, plenaque voluntate; adeo ut per seriam emendationem jam sibi metipsis non sint amplius proxima occasio peccandi: nec absolutione donandi sunt, nisi de hoc statu penitentis prudenti Confessatio constiterit. Quapropter digna omni abominatione reputanda est ea Baunii, aliorumque propositio: Absolutio toties quoties imperianda est adolescenti in pollutiones crebris semper reincedenti, tametsi saepe admonitus emendanda vita promissa non servaverit, nec pro tollenda consuetudine inbornaverit; dummodo cum dolore, & proposito necessario confiteatur, de quo Sacerdoti ejus ore, voceque sonset.

XVI. Atque hæc satis sint in hac celebri controversia. De ea namque sermo recurret, dum de Sacramento Penitentiae. Unum illud duxerat præterite nolo, Casuistas videlicet memoratos, cum se in suis resolutionibus statuendis Patrum præsidio destitutos cernerent, conatos esse, ut saepe alias, pertrahere in propriam sententiam S. Thomam, aut, ut verius dicam, ejus auctoritatem laudare, quin eam expendere aut etiam legere. Ajunt scilicet, S. Thomam sibi favere 2. 2. q. 10. art. 9. ubi permittit accessum ad infideles etiam cum propriæ perversioris periculo. Quo textu illius articuli ducti id asserere audent, profecto me lateat: neque enim totum articulum legenti quidpiam occurrit, quod ipsis faveat. At, quicumque sit illa, S. Doctori turpiter imponunt, suamque oscitantiam produnt in eo legendo. Nam S. Thomas ibidem aperte contrarium docet, eorumque sententiam falsitatem convincit etiam in aliis omnibus peccandi occasionibus. Et genuina S. Thomæ verba: „Quasi-
„ tum ad secundum modum (scilicet ad
„ cautelam eorum, quibus interdicitur
„ communicatio cum infidelibus) videtur esse
„ distinguendum secundum diversas condi-
„ tiones personarum, & negotiorum, &
Y y y 2 „ tem-

temporum. Si enim aliqui fuerint firmi in fide, ita quod a communione eorum cum infidelibus conversio infidelium magis sperari possit, quam fidelium a fide averso, non sunt infidelibus prohibendi communicare, qui fidei non susceperunt, scilicet Paganis, vel Judeis, & maxime si necessitas urgeat. Si autem sint simplices, & infirmi in fide, de quorum subversione probabiliter (N. B.) timeri possit, prohibendi sunt ab infidelium communione, & praecipue ne magis famularitatem cum eis habeant, vel absque necessitate eis communicent. Nonne haec S. Thomae doctrina totum id diserte, & luculentissime confirmat, quod hoc capite docuimus? Si nullum, docet, aut solum remotum sit periculum aversionis a fide ex communione cum infidelibus ob firmitatem in ipsamet fide, permittit communicare cum ipsis. At vero si vel ex simplicitate, vel ex infirmitate de aliquorum subversione probabiliter timeri possit, quae est occasio proxima a nobis descripta; prohibendi sunt, inquit, ab infidelium communione. Igitur juxta S. Thomam quotiescumque de alicujus subversione, vel lapsu in alia quavis peccata (eadem quippe de omnibus ratio militat) probabiliter, sive prudentes timeri potest; arcendi omnino erant ab ea occasione, & absolutionem Sacramentalem denegando, si tenuant illam vitare, compellendi. Quare S. Thomae doctrina nedum minime faveat recentium Casuistarum sententiae, sed eam labefactat, penitus, atque convellit. Et hanc doctrinam S. Doctor amplius confirmat in resp. ad 3. argum. ubi loquens de Domino servum infidelem habente, ex quo imminet ipsi occasio ruinae, expresse ait: Si Dominus periculum imminuat ex communione servi infidelis, debet eum a se abjicere secundum illud mandatum Domini Matth. 18. Si per tuus scandalizat te, abscinde eum, & pro-

jice abs te. Si Dominus abjicere a se debet servum, ex quo sibi periculum probabile ruinae imminet, nulla habita ratione damni temporalis, quod ex ejus jactura patitur; quanto potius titulo tenebitur quis abjicere mulierem, socium, amicum &c. cum quibus communicationem habere nequit sine periculo probabili ruinae spiritualis, quocumque temporali detrimento posthabito? En igitur ex castissima S. Thomae Doctrina omnes Casuistarum de re hac opiniones disiectae, refutatae, convulsae.

REFLEXIO.

Materiam omnem huic Reflexioni suppeditat pius, ac Doctus P. Paulus Segnerius vii sui Concionator celeberrimus, haud equidem in Instruptione Confessorii, quae pluribus laxitatibus scatet ex Impuris lacunis recentium Casuistarum derivatis; sed ex Christiano instructo in lege sua, ubi sana, & defaecata doctrina traditur ex limpidissimo fonte hausta S. Thomae Aquinatis. Hec itaque habet part. 3. serm. 15. italico sermone in latinum conversa, atque in pauciora contrahi. „Mira plane stultitia hominum est, qui cum ne tentati quidem, & illecebi, suam concupiscentiam se non semel peccatis inquinaverint, sibi nihilominus pollicentur firmos consistere in mediis tentationibus, & peccandi occasionibus: Filii Ephrem intendentes, & mittentes arcum conversi sunt in die belli: milites scilicet, qui ante certamen fortitudinem, & victorias ostentant, primum terga vertunt in praelio. His falsiter taciter imponit, illis quoque tum suis ipsorum cupiditas, quae egre nimium a rebus, quas amant, avellitur, tum hostis humani generis Demon, qui cum probe norit ea se fraude ampliorem, atque certiores stragem animarum edere, in eam incautos homines impellens, hoc

pro-

„ probabilius occisionum rete es , qua
 „ potest , industria tegit , periculum ele-
 „ vans , ut prædas augeat : *Immittit secu-*
 „ *ritatem , ut immitat perditionem .* Unde
 „ homines diabólica illa fraude decepti ,
 „ dum de periculo monentur , perinde ac
 „ si cedri forent omnis corruptionis exper-
 „ tes , ingrenti timorem respondete so-
 „ lent : *Nullum est periculum : ad illam do-*
 „ *rum radibo ; sed non redibo ad peccatum ,*
 „ *quoniam imo firmus confitemur , ne habeo .* Iane
 „ nullum periculum ? At cui innititur stulta
 „ hæc vestra non labendi fiducia ? Divinæ
 „ certe gratiæ præsidio , aut liberi arbitrii
 „ vestri viribus . Sed quam infirmum sit ,
 „ ac stramineum utrumque spei vestræ sul-
 „ crum , attendite .

„ Nutat plane in primis spel vestræ sob-
 „ sidium gratiæ divinæ . Etenim quo ducti
 „ sanctamento illud speratis ? Deus nam-
 „ que , inquit S. Cyprianus , gratiam suam
 „ elargitur non ad libitum nostrum , sed
 „ iuxta dispositionem suæ providentiæ :
 „ *Ordine suo , non arbitrio nostro virtus Spi-*
 „ *ritus Sancti ministratur .* Ministraret equi-
 „ dem Deus opem gratiæ suæ , si regulis
 „ attenderetis , quibus vos ad occasionem
 „ fugam invitat , impellitque : quia vero
 „ his non curatis attendere , indignos vos
 „ redditus speciali gratia , cujus auxilio
 „ mediâ intet pericula non ruatis . Hoc
 „ utique Apostolus Petrus expertus est , qui
 „ a Christo monitus , ut sibi attenderet
 „ vigilando , & orando , & petulosis ten-
 „ siones declinando , alioquin Magistrum
 „ suum negaturus , neglecto hoc salvari
 „ monito , quo totis artibus contremiscere
 „ debuerat , periculo se credidit , in quo
 „ efficaci auxilio Dei destitutus , trina ne-
 „ gatione Magistrum perjurus execratus est .
 „ Enimvero quis *miseretur & omnibus , qui*
 „ *appropinquant bestitiis ;* videlicet tentationi-
 „ bus , & peccandi periculis ? Certe fortis
 „ illorum Deus non miseretur , qui in ani-

„ mabus in viam salutis dirigendis legem
 „ hanc tulit , ut fugiant a facie arcus , ut
 „ devitent amittendæ gratiæ pericula , si
 „ in ipsis perire nolint : *Recedite ,* clamat
 „ per Isaiam *Pollutum nolite tangere : emite*
 „ *de medio ejus .* Ecce quo verborum pon-
 „ dere legem omnibus denunciatur : *Rece-*
 „ *dite , recedite ,* si periculo propinquo estis :
 „ *Exite inde ,* si in periculo sorte versa-
 „ mini : dumque exitis , cavete ne extensa
 „ quidem digito præbentem peccati occa-
 „ sionem contingatis : *Pollutum nolite tan-*
 „ *gere .* Nemo sit qui in medio ejus sub-
 „ sistere auit : *Exite de medio ejus .*

„ Majore adhuc verborum emphasi le-
 „ gem eandem exprestit Christus Dominus
 „ in Novo Testamento , dum præcepit
 „ oculum , manum , pedem scandali , sive
 „ spiritualis ruinæ occasionem præbentem
 „ eruere , abscondere , projicere . Quæ
 „ verba sedulo notanda sunt . Non enim
 „ satis habuit dicere , ut oculum nos scan-
 „ dalizantem *eruas* tantum , sed etiam
 „ ut projiciamus a nobis , ac similiter de
 „ manu , ac de pede , non ut solummodo
 „ *abscondamus* , verum etiam ut a nobis
 „ projiciamus : *Erue , absconde , projice .*
 „ Ut scilicet intelligamus , si qua persona
 „ fuerit , quantumlibet dilecta , quantum-
 „ libet necessaria , ut oculus , manus , pes ,
 „ que nobis scandalum sit , sive occasio
 „ peccandi ; sat non est eam a nobis abscon-
 „ disse , & corporaliter separasse , sed oportet
 „ etiam , ut illam *projiciamus* a corde ,
 „ non amplius eam amando , nec officiosæ
 „ ipsi litteras scribendo , vel saltem ipsi
 „ mittendo , vel opem , & alimoniam mi-
 „ nistrando : sed tam procul a nobis ipsa
 „ habenda est , ut nihil amplius de illa
 „ inquiramus , & , si fieri quidem potest ,
 „ neque cogitemus . Hæc sunt , quo Divina
 „ a nobis exigit Providentia , ut gratiæ suæ
 „ præsidio nos muniat . Quod si ea præ-
 „ tetimus , perperam in Deo fiduciam
 „ , no-

„ nostram evadendi e peccato in mediis
 „ tentationibus collocamus .


„ At forsitan, pergit ille, in arbitrii ve-
 „ stri viribus spem non peccandi in occa-
 „ sione reponitis . Si quisquam ita loqua-
 „ tur, loquitur sane ut delirus, & amens,
 „ quin etiam ut infidelis, qui non credit
 „ veritati increatae discretissimae dicenti :
 „ *Sine me nihil potestis facere* . Quid enim
 „ aliud a nosmetipsis habemus, nisi ni-
 „ hilum, & peccatum ; abyssum nempe
 „ nihili abyssus alterius nihili superaddit-
 „ tum ? *Non habet de suo*, ita sacrosancta
 „ Ecclesiam Concilia determinarunt, *homo*
 „ *nisi mendacium, & peccatum* . Si solius
 „ arbitrii nostri viribus quidplam bonum
 „ natura superius perficere non possumus,

„ aut malum vitare, nisi propitia nobis
 „ adsit virtus Spiritus Sancti, quæ nos
 „ moveat gratia sua, atque corroboret :
 „ *Sine gratia nullum prorsus, sive cogitando,*
 „ *sive volendo, sive agendo faciunt homines*
 „ *bonum*, inquit S. Augustinus ; nonne ne-
 „ dum stulta, sed etiam impia præsumptio
 „ eorum omnium est, qui proptiis viribus
 „ confisi, peccandi periculis, & occasio-
 „ nibus sese audacter, exponunt, quin
 „ lapsum pertinefcent ? Immo corruent
 „ infelices homines, & tenebuntur la-
 „ queis, quos effugere se posse sibi blan-
 „ diuntur : *Immiste in rete pedes suos ; tene-*
 „ *batur planta illius laqueo* . Hæc & alia
 „ plura Vir eloquentissimus, quæ causa bre-
 „ vitatis silentio prætereo .



FINIS TOMI SECUNDI.





I N D E X

Tractatum , Dissertationum , & Capitum , quæ
in hoc Tomo continentur ,

TRACTATUS TERTIUS

DE OFFICIIS HOMINUM, SIVE DE HUMANIS ACTIONIBUS
BONIS, AC MALIS.

DISSERTATIO PRIMA.

DE PRINCIPIIS ET CONDITIONIBUS
GENERALIBUS ACTUUM
HUMANORUM.

CAPUT PRIMUM.

*Præstantur ea, quæ tradit S. Thomas de
ultimo fine hominis, & beatitudine.*

D O C T R I N A.

- I. **P**ROPRIMUM hominis est agere prop-
ter finem. Pag. 2.
- II. Ex hoc fine speciem bonitatis, ac ma-
litiæ recipiunt actus humani. 3.
- III. Ultimus aliquis finis humanæ vitæ ad-
mittendus; isque unicus tantum sit
oportet. 4.
- IV. Omnis, quæ homo appetit, appetit
propter ultimum finem, sive propter ho-
minem. ibid.
- V. Finis ultimus peccantis lethaliter est
creatura, sive bonum creatum. 5.
- VI. Quadam notantur pro solutione diffi-
cultatum, quæ fieri contra possunt. ibid.
- VII. Creatura, quam pro fine ultimo ha-
bet peccator, preste loquendo, ipse pec-
cator est bono aliquo commutabili, quod
sibi maxime vult, perfectus. 6.

Patuzzi Theol. Mor. T. II.

VIII. *Iustus venialiter peccans, & pecca-
tor opus aliquod bonum peragens non
respicit in his finem ultimum particu-
larem, sed generalem duntaxat, sive
communem boni rationem.* ibid.

IX. De vero ultimo fine, seu vera hominis
beatitudine mira inter antiquos Gentiles
Philosophos dissensio. 7.

X. Quid sit beatitudo? Hæc consistere ne-
quis in ullo exteriori creato bono. 8.

XI. Sed neque consistere potest in aliquo bo-
no interiore animi, sive in scientiis in-
tellectualibus, aut virtutibus moralibus. ib.

XII. Doctrina S. Thomæ, quæ probat,
& explicat, hominem invenire nullatenus
posse beatitudinem in seipso. 9.

XIII. Solus Deus clave visus creaturam
intellectualem felicem efficere valet, at-
que beatam. ibid.

CAPUT II.

CONJECTARIA PRÆCEDENTIS
DOCTRINÆ.

- I. **D**IVERSO modo homo agit propter
finem, ac cætera creatura: nec
homo ipse semper ut homo in omnibus
suis actibus operatur. 10.
- II. Actiones humanæ a fine generatim re-
cipiunt, quod morales sint; speciem ve-
ro

- ro peculiarem ab objecto, quod idem est, ac finis proximus, desumunt. ibid.
- III. Non eodem modo loqui oportet de fine operis, ac de fine operantis. ibid.
- IV. Idem numero actus in esse physico multiplex esse potest in esse morali, & e converso. 11.
- V. Hinc eadem volitio physica infici potest pluribus speciebus malitiæ. ibid.
- VI. Quælibet actio humana semper ab aliquo fine speciem deponit sive operis, sive etiam operantis. ibid.
- VII. Quamvis non omnes homines in unam, eandemque rem determinatam tendant, tendunt tamen semper in ultimum finem beatitudinis. ibid.
- VIII. Etsi unus, ejusdemque hominis plures ultimi fines esse nequeant, plura tamen bona simul juncta præstituerent sibi potest velut ultimum finem. 12.
- IX. Rationalis creatura in hac vita determinata est ad beatitudinem in universali, non autem in parti ulari. ibid.
- X. Cum de fine ultimo absolute sermo est, tunc finis, quem vocant ejus gratia, tum quem appellant quo, intelligi debet. ibid.
- XI. Errant turpissime tum Epicurei, tum Muhamedani, beatitudinem hominis in voluptatibus sensibilibus consiuentes. ibid.
- Reflexio. ibid.
- V. Voluntarii indirecti exactior discussio. 16.
- VI. Declaratur exemplis, baud semper effectus, qui ex aliqua causa consequuntur, esse indirecte voluntarios. 17.
- VII. Exempla aliqua indirecte voluntarii proponuntur. 18.
- VIII. Regule quedam traduntur pro voluntario indirecte discernendo. Regula prima; Expendere oportet, quam frequenter effectus ex causa sequatur. 19.
- IX. Regula secunda; Quo perniciosior effectus est, eo minus frequenter ex causa sequatur oportet. 20.
- X. Regula tertia; Qualitas motivi ponendi causam, sive actionem consideranda est, ut cognoscatur, num effectus indirecte sit voluntarius. ibid.
- XI. Regula quarta; Necessè est, ut causa non ponendi actionem justa sit. ibid.
- XII. Regula quinta; Causa debet esse justa comparative ad effectum. ibid.
- XIII. Regula sexta; Modus, quo causa in effectum influat, attendendus. 21.
- XIV. Regula septima; Quedam doctrina cum debita cautione accipienda. ibid.
- XV. Regula octava; Etiam effectus mali, qui ex ignorantia, aut infirmitate hominum consequuntur, præcavendi sunt. 22.
- XVI. Regula nona; Non idem sentiendum de malis effectibus, qui sequuntur ex mera hominum malitia. ibid.
- XVII. Regula decima; Etiam tamen in istis causa aliqua rationalis ponendi actionem requiritur. ibid.
- XVIII. Regula undecima; Ne malus effectus indirecte voluntarius sit, adeoque culpabilis, necessè est, ut causa justa, quæ subest, ad actionem ponendam, hic & nunc voluntatem ad agendum inducat. 23.

CAPUT III.

De Officiis, sive Actibus hominum voluntariis.

DOCTRINA.

- I. **P**RAELOGIUM S. Thomæ. 14.
- II. Voluntarii definitio, & explicatio. ibid.
- III. Voluntarii divisio. 15.
- IV. Quedam circa voluntarium tacitum adnotantur. ibid.

CAPUT IV.

CONSECTARIA PRÆCEDENTIS DOCTRINÆ.

- I. **V**OLUNTARIUM prope dictum in
brutis non invenitur. 24.
- II. Voluntarium cum libero confundi mi-
nime debet. ibid.
- III. Ad omissionem voluntariam exigitar
aliquis actus, saltem qui causa sit, aut
ocasio illius. Textus S. Thomæ propo-
nitur. ibid.
- IV. Distinguenda est omisso voluntaria a
culpabili: sicut etiam omisso ab omisso-
nis effectu. 25.
- V. Præpostera consecratio ab aliquibus illa-
ta ex quadam S. Thomæ doctrina. ibid.
- VI. Cujusdam Authoris sententia veluti
plus æquo rigidior repudiata. 26.
- VII. Circa concupiscentiæ motus impediendi
obligationem, discernere oportet inter
causas, & causas eorundem. ibid.
- VIII. Voluntarii indirecte reputandi sunt,
dum causas illorum ponimus absque ju-
sto, & rationabili motivo. ibid.
- IX. Indirecte voluntaria censeri Medico,
aut Chirurgo debet mors infirmi sibi
commisissæ, dum contingit ex illorum ne-
gligentia in eo curando. 27.
- X. Idem asserendum de damnis clienti ob-
venientibus ignorantia Advocati, vel
Judicis. ibid.
- XI. Idem quoque de relapsu in priora pec-
cata, qui contingit penitenti, se sub-
jicere remittenti remediis a prudenti Con-
fessorio præscriptis. ibid.
- XII. Peccatum mortale vel indirecte, qui
illud committenti proxime se occasione
committit. ibid.
- XIII. Prægraves mulieres speciali obli-
gatione tenentur ad ea præcavenda, ob
que abortus periculum impendit. ibid.
- XIV. Alii. ebrietas sæpe tamquam indi-
recte voluntaria Caspombibus imputatur.
ibid.

III

- XV. Falsa existimanda est quorundam
opinio hanc majorem utilitatem effluis
indirecte voluto tributum, quam quæ
convenit causa. 28.
- XVI. Ad actum virtutis voluntarium in-
ducendum minime sufficit. ibid.

Reflexio.

CAPUT V.

De Causis Involuntariis.

DOCTRINÆ.

- I. **Q**UÆDAM de involuntario præmis-
tantur. 30.
- II. De prima involuntarii causa, sci-
licet violentia. Voluntas non in ali-
bus a se elicitis, sed imperatis duntaxat
violentiam pati potest. ibid.
- III. Violentia simpliciter, & absolute sa-
lis involuntarium causat. 31.
- IV. De altera involuntarii causa, nempe
metu. Distinctio metus exposita. 32.
- V. Quæ sunt ex metu, mixta sunt ex
voluntario, & involuntario. Doctrinæ
explicatio. ibid.
- VI. In iis, quæ suapte natura prava sunt,
nullus metus excusatur. 33.
- VII. Validi sunt contractus ex metu ini-
ti, solo natura jure spectato. ibid.
- VIII. Contractus metu extorti, ac jura-
mento firmati servandi sunt. 34.
- IX. Etiam jure positivo validi sunt con-
tractus ex metu celebrati, iis exceptis,
quos jus idem irritos statuit, aut decla-
ravit. ibid.
- X. Contractus per metum gravem injuste
influxum extorti, juramento non firma-
ri, rescindi probabiliter possunt in foro
conscientiæ. 35.
- XI. Contractus nonnisi ex levi metu cele-
brati validi sunt cum attento jure na-
turali, cum etiam positivo. ibid.
- XII. De tertia causa involuntarii, scili-
cet

a 2

- et concupiscentia. Quid hic concupiscentia nomine intelligendum veniat. ib.
- XIII. Duplicem concupiscentiam distinguere oportet, antecedentem, & consequentem. De hac questio nulla. 36.
- XIV. Concupiscentia potius facit voluntarium, quam causas involuntarium. ib.
- XV. In hoc, de quo agimus, argumento voluntarium cum libero confundendum non est. ibid.
- XVI. Concupiscentia antecedens culpa rationem diminuit: consequens autem potius aggravat. 37.
- XVII. De quarta involuntarii causa, scilicet ignorantia. Qua ratione involuntarium causas. Triplicis ignorantia divisio revolvenda. ibid.
- XVIII. Ignorantia consequens, quacunque ea sit, nunquam excusat involuntarium. 38.
- XIX. Istud duntaxat causatur ab ignorantia antecedente. ibid.
- XX. Ignorantia eo modo, quo causas, vel non causas involuntarium, causas etiam, vel non causas peccatum. Doctrina Sancti Thomae proposita. ibid.

CAPUT VI.

COLLECTARIA PRECEDENTIS DOCTRINA.

- I. **D**EUS, dum voluntatem ad aliquid inclinât; numquam ipsi violentiam infert. 40.
- II. Duplex modus, quo Deus voluntatem hominis inclinât, & movet citra ullam violentiam. 41.
- III. Potentia, aut facultates humanae a voluntate distinctae violentiam patiuntur, quoties contra ipsius voluntatis inclinationem agere compelluntur. ibid.
- IV. Perperam Christianus Thomae communem improbat Theologorum doctrinam, voluntatem pati coercionem non

- posse quoad actus a se elicitos. ibid.
- V. In actibus mere violentis non invenitur nec meritum, nec demeritum. 42.
- VI. Violentia illata debet esse talis simpliciter, & absolute, nec ad culpam adscribantur actus peccaminosi ex violentia provenientes. ibid.
- VII. Falsa, & omnino repudianda est circa hoc Cornelii a Lapide, aliorumque Theologorum doctrina. ibid.
- VIII. Qui per vim absolutam ad Baptismum recipiendum cogitur, invalide baptizatus est. 43.
- IX. Non idem dicendum de his, qui terroribus, aut suppliciis ad suscipiendum Baptisma permoventur. ibid.
- X. Discrimen eorum, quae aguntur per metum, & per vim. ibid.
- XI. Non eodem modo metus, & violentia involuntarium causant. ibid.
- XII. Quae ex metu sunt, quomodo voluntaria, & involuntaria sunt. ibid.
- XIII. Hinc dolor peccatorum etiam in gehenna metu convictus satis se solo non est ad sinceram peccatoris conversionem. 44.
- XIV. Peccata ex gravi metu commissa minus gravia reputanda sunt. ibid.
- XV. Concupiscentia motus ordinarii voluntarii sunt, ac peccata. De his S. Thomae doctrina. ibid.
- XVI. Quae distinguenda sunt in hisce motibus, ut agnoscamus, quinam involuntarii, quinam autem voluntarii, & culpabiles ex eodem S. Doctore. 45.
- XVII. Eiusdem Angelicae Doctrinae explicatio. ibid.
- XVIII. Concupiscentia, seu passio nunquam voluntatem ad peccandum pertrahit, quin sit error aliquis, aut inconsideratio in intellectu. 46.
- XIX. Qui ex voluntario amore carnalis in insaniam incidunt, non excusantur a peccato. ibid.
- XX. Presumendum communiter est peccare

lethaliter, quæ ex impetu passionis ad aliquem internum actum graviter peccaminosum procedit. *ibid.*

XXI. Quæ de casualitate ignorantia relate ad voluntarium, & peccatum docet S. Thomas, attente consideranda sunt. 47.

XXII. Ignorantia voluntaria nedum ratione actus, sed etiam omissionis diligentia debita peccatum est. *ibid.*

Reflexio. *ibid.*

CAPUT VII.

De Libertate Voluntatis Humane, aliumque nostrorum æconomia.

DOCTRINA.

- I. **H**OMINEM libero esse arbitrio præditum vel solo interno cunctaque sensu invicem demonstratur. 49.
- II. Humane libertatis proxima radix in iudicio intellectus non ad unum determinato, sed ad multa indifferente consistit. 50.
- III. Humana libertas non in sola immunitate a coactione, verum etiam a quacunque necessitate pendenda, dum homo viator est. 51.
- IV. Nullum huic libertati præjudicium inferre Deus efficaci sua motione. *ibid.*
- V. In harmonia humanorum actuum prior est simplex cognitio finis, cui simplex finis volitio respondet. 52.
- VI. Simplem volitionem pone sequitur efficax intentio finis, quæ ipsam respicit ut per media assequendum. *ibid.*
- VII. Huic succedit Consilium, quo media inquiruntur ad finem consequendum idonea, de eorumque convenientia iudicatur. 53.
- VIII. Consilii inquisitioni, atque iudicio accedit consensus voluntatis, quo proposita media approbantur, & acceptantur. *ibid.*

IX. Consensui proxima est electio meliorum, quæ voluntas unum præ alio acceptat in ordine ad assequendum finem magis idoneum. 54.

X. Electionis comes est imperium, quod mediorum executionem efficaciter imperat. *ibid.*

XI. Ulus activus voluntatis præterea admittendus est, qui media respicit ut presentia, & ad executionem per alias potentias deducenda. *ibid.*

XII. Æconomiam demum humanorum actuum conclusit, ac perficit assecutio, sive transitio finis, quæ vel imperfecta est, & inchoata, vel perfecta, & consummata. *ibid.*

CAPUT VIII.

CONJECTARIA PRÆCEDENTIS DOCTRINÆ.

- I. **Q**UI libertatem humani arbitrii negant, tanquam exitiosissimi totius Religionis, ac Politicæ hostes habendi. 55.
- II. Fidei Christianæ repugnat sententia, quæ tradit, humani arbitrii libertatem quoad bonum, & malum extinctam fuisse in Adamo peccante. 56.
- III. Non minus reprobanda est tertia illa inter quinque propositiones Jansenio tributa: Ad merendum, vel demerendum in statu naturæ lapsæ non requiritur in homine libertas a necessitate, sed sufficit libertas a coactione. 57.
- IV. Neque tamen propterea talis in homine admittenda libertas est, ut possit sine gratia quidpiam agere salutare in ordine ad vitam æternam. *ibid.*
- V. Nullus datur actus voluntatis sine aliquo actu intellectus. Quorundam Mysticorum legitimus sensus exponitur. *ib.*
- VI. Intentio finis non ideo in Scripturarum denominatur oculus, quia ad intellectum.

- Ann pertineat, sed quia cognitionem* *ibid.*
præsupponit.
 VII. In mediocri electione maxime effulget voluntatis libertas. 58.
 VIII. Electio non est, nisi coram, quæ per nos aguntur, & finem respiciunt. *ibid.*
 IX. Voluntas inefficax, sive velleitas potest esse necdum possibilem, verum etiam impossibilem. Sed electio non nisi possibilem est. *ibid.*
 X. Homo non eligit ex necessitate, sed libere; libertate tamen quoad exercitium, tum etiam quoad specificationem. *ibid.*
 XI. Scio advertere debent homines, quid propriis sit voluntatis consensus, & in quo consistat. 59.
 XII. Ut consensus ad culpam imputetur, necesse non est, ut sit expressus, sed sufficit implicitus. *ibid.*
 XIII. Solo creato bono uti licet, non autem increato. *ibid.*
 XIV. Quibus bonis creatis uti potest voluntas, declaratur. 60.
 XV. Voluntas tum intellectui, tum propriis actibus imperare valet, atque etiam actibus sentientis appetitus, sed non eodem modo. *ibid.*
 XVI. Quomodo uti non debemus nisi bonis creatis, ita frui non licet nisi bono increato, quod Deus est. 61.
 Resp. xio. *ibid.*

CAPUT IX.

De bonitate, & malitia actuum
 humanorum, sive moralium
 in genere.

DOCTRINA.

- I. **M**ORALITAS neque in voluntario, & libero, neque in imputabilitate statuenda est, sed in subjectione actuum humanorum ad morum regulas. 64.
 II. Specifica humanorum actuum moralitas ab objecto desumitur. *ibid.*
 III. De circumstantiis agitur actuum humanorum. Hæ a Theologia maxime consideranda. *ibid.*
 IV. Circumstantiæ describuntur, earumque sensus legitime explicatur. 65.
 V. Harum ordo, ac præminencia notatur. 66.
 VI. Ex iis sumitur peculiaris bonitas, aut malitia actionum humanarum. *ibid.*
 VII. Quædam specialiter observantur de circumstantiis finis, quæ inter ceteras præcipua est. 67.
 VIII. Numquam actio, quantumvis ex objecto bona, talis revera est, si ex circumstantia aliqua, ac præsertim ex fine operantis mala fuerit. *ibid.*
 IX. Dantur actus secundum speciem suam nec boni, nec mali, sed indifferentes. 68.
 X. Nullus tamen humanus actus in individuo, ut ajunt, indifferens est, sed aut bonus, aut malus. *ibid.*
 XI. Celebris in primis ad hoc probandum assertur authoritas Christi Domini de verbo otioso, de quo reddendam a nobis rationem esse admonet. *ibid.*
 XII. Genuina interpretatio verbi otiosi adversus aliquos Neotericos asseritur, & vindicatur autoritate Sanctorum Patrum. 69.
 XIII. Ratio S. Thomæ positam assertionem confirmat. *ibid.*
 XIV. Eadem evidenter colligitur ex duabus propositionibus ab Ecclesia in hac materia damnatis. 70.
 XV. Præceptum referendi actus nostros in finem honestum naturale est, sive in principis natura fundatum. *ibid.*
 XVI. Questio alia tractanda sumitur, non obligatio sit referendi actiones nostras in finem ultimum Deum. Sententia affirmans ad Apostolicam Sedem delata censura omni humanis evasit. *ibid.*
 XVII. Eandem alii viri eximii, & celeberrimi Episcopi tradiderunt, damnaveruntque, qui ipsi erroris notam incurrere ausi sunt. 71.
 XVIII.

- XVIII.** *Hæc sententia explicatur juxta doctrinam S. Thomæ.* ibid.
- XIX.** *Obligatio referendi actiones omnes deliberatas in Deum conformior est Scripturæ locutionibus, maximeque Apostoli sententiæ: Sive manducatis Ecce, omnia in gloriam Dei facite.* 71.
- XX.** *Interpretatio hujus textus SS. Patrum traditione firmata.* 73.
- XXI.** *Alius Apostoli textus in eandem rem allatus, & Patrum testimonio toleratus.* 74.
- XXII.** *S. Thomæ doctrina huic sententiæ plane conformis latius exposita: ex qua firma ratio colligitur in ejus confirmationem.* 75.
- XXIII.** *Altera ratio deducta ex ordine supernaturali, ad quam homo provocatus est.* ibid.
- XXIV.** *Diluitur obiectio, quæ Adversarii hanc sententiam Bajaniismi arguere conantur adspargere.* 76.
- VII.** *Circumstantiæ malitiam actui non tribuunt, nisi eadem adesse, vel ab eo abesse debuerint.* ibid.
- VIII.** *Aliquando circumstantiæ in specie boni, vel mali actionem constituent.* 80.
- IX.** *Non inducunt peccatorum diversitatem specificam, nisi obiectum specie diversum respiciant.* ibid.
- X.** *Licet finis actionis bonus sit, si obiectum, aut alia circumstantia sit mala, tota actio mala est.* ibid.
- XI.** *Hinc a via veritatis longe abeunt Eschavarius, Hurtado, aliique, qui actiones ex se malas honestant intentione boni finis.* ibid.
- XII.** *Solido fundamento caret eorum sententia, qui eandem actionem simul bonam, & malam esse posse contendunt.* 81.
- XIII.** *Plura in divino judicio tamquam otiosa, & culpabilia damnabuntur, quæ interdum etiam laude digna apud homines judicantur.* ibid.
- XIV.** *Rejiciendi sunt nonnulli moderni Theologi, qui aliam ab ea, quam Patres tradidere, verborum, & operum otiosorum notionem ingerere moluntur.* 82.
- XV.** *Expressè damnata censenda est doctrina quorundam maxime ex Societate Scriptorum, qui omni peccati labe purgant actiones plures ob solam voluptatem elicitas eo motivo, quod naturalis appetitus licite suis actibus frui possit.* ibid.
- XVI.** *Propositionum ab Ecclesia de hac re damnatarum sensum legitimum pervertit potius, quam explicet P. Dominicus Viva.* 83.
- XVII.** *Non minus erronea refutanda est exceptio ab eodem Autore facta quorundam actuum, quamquam ob solam voluptatem exerceantur.* ibid.
- XVIII.** *Quare generatim, & absolute dicendum est in Decreto condemnationis virtualiter, & implicite contineri dam-*

CAPUT X.

CONSECTARIA PRÆCEDENTIS
DOCTRINÆ.

- I.** *ALSA est Puffendorfi sententia moralitatem actuum humanorum in imputativitate constituentis.* 78.
- II.** *Non minus falluntur ii Theologi, qui moralitatem ponunt in arbitrii libertate ad agendum, aut non agendum.* ib.
- III.** *Heretica est opinio Lutheri, argue Calvinii putantium, omnia etiam iustorum opera peccata esse in suis considerata.* ibid.
- IV.** *Nullius ponderis sunt ab iis productæ ex sacris Litteris auctoritates.* 79.
- V.** *Perfecta circumstantiarum cognitio Confessariis maxime necessaria.* ibid.
- VI.** *Circumstantiæ, ut bonitatem actionibus, aut malitiam tribuant, ordinem ad humanam rationem habere debent.* ibid.

- nationem sententiae admittentis actus in
individuo indifferentes . ibid.
- XIX. Nedum immoderatus, sed etiam moderatus voluptatis, aut delectationis amor propter se quasita illicitus est. 83.
- XX. Idcirco admittenda non sunt ut veritati, & rectitudini consentanea omnia illa motiva, quibus permitti ex recentioribus omni culpa etiam veniali purgans legitimi matrimonii usum . ibid.
- XXI. Peculiari vigilantia opus est in electione rerum delectabilium . 85.
- XXII. Nedum quærere minime licet propter se voluptatem, aut delectationem, sed nec etiam alium finem ab honesto diversum . ibid.
- XXIII. Homo Christianus opera sua efficere debet propter finem Christiano homine dignum, sive ad honorem, & gloriam Dei . ibid.
- XXIV. Nonnisi temeritate summa quidam Authores damnare audire hanc doctrinam veluti erroneam, & ab Ecclesia proscriptam . ibid.
- XXV. Instruendi Fideles sunt, & efficaciter hortandi, ut quotidianis opera sua in Dei gloriam referant . 86.
- XXVI. Hoc autem in Deum referibilitate esse necessarium est . ibid.
- XXVII. Ex tradita doctrina nemo colligere debet gravari nimium, & scrupulis implicari fidelium conscientias . ibid.
- Reflexio . 87.
- tia etiam sentientis appetitus malis delectanda est . ibid.
- III. In appetitu sentiente nulla potest esse delectatio prava, nisi dependenter a voluntate . 91.
- IV. Delectatio morosa pravi objecti proprie in ratione est . 92.
- V. Letale peccatum est, posita materia gravitate . 93.
- VI. Dum imminet probabile consentiendi periculum in pravam delectationem, non potest quis negative se habere, quin graviter peccet . 94.
- VII. Graviter etiam peccat, qui motus, aut delectationem graviter illicitam repellere negligit . ibid.
- VIII. Præsens delectatio de re, aut actione modo illicita prava est, quavis aut licita quandoque fuerit, aut futura sit . 95.
- IX. Quodlibet, etiam inefficax, desiderium rei graviter male grave semper peccatum est . ibid.
- X. Desiderium conditionatum rei, aut actionis prava nonnunquam malitia caret, saepius tamen peccatum est . 96.
- XI. Si conditio appositæ desiderio inefficaci rei vetitæ ejusdem malitiam auferat, illud de se non est mortale: secus, si non auferat . ibid.
- XII. Peccatum letale est delectari de opere natura sua malo, quamvis absque peccato commissum sit . 97.
- XIII. Quoties intentio finis antecederet se habet, bonitas voluntatis in iis, quæ sunt ad finem, ex ipsa intentione dependet . ibid.
- XIV. Minime vero, si consequenter se habeat . 98.
- XV. Finis operantis hanc semper est circumstantiam operis . ibid.
- XVI. Non eadem ratio habenda est de intentione boni, ac mali, quoad meritum, & demeritum . 99.
- XVII. Si actus exterior, & interior simul jun-

CAPUT XI.

De bonitate, & malitia in particulari actuum voluntatis tum interiorum, tum exteriorum .

DOCTRINA.

- I. **D**UPLEX complacentia simplex, aut delectatio distinguitur . 90.
1. Non omnis complacentia, aut delecta-

- jungantur, eadem est tunc specie, tum numero bonitas, aut malitia. ibid.*
 XVIII. *Actus exterior nihil addit ad bonitatem, vel malitiam interioris, quoties eam desumit ex fine operantis. 100.*
 XIX. *Absolute loquendo exterior actus nullam addit bonitatem, aut malitiam interiori, quoties voluntas perfecta omnino est, & efficax. ibid.*

CAPUT XII.

CONJECTARIA PRÆCEDENTIS DOCTRINÆ.

- I. **MOTUS**, aut penitus indeliberata delectationes concupiscentiæ peccata præter ducenda non sunt. 102.
 II. *Hæc veritas certa fide tenenda est nedum adversus nuperos hæreticos, sed etiam adversus quoscunque alios, qui aliter senserunt. ibid.*
 III. *Gravis, aut levis inordinatio morosa delectationis ex gravitate, aut levitate objecti attendenda. 103.*
 IV. *Complacencia, seu delectatio deliberata nedum ac rebus venereis, sed etiam de aliis objectis prohibitis, lethale peccatum est. ibid.*
 V. *Certe se gerere quisque debet in delectationibus de sola cogitatione rei prave. ibid.*
 VI. *Delectatio eadem malitia polluitur, qua sordet objectum. ibid.*
 VII. *Ad eandem peccati speciem reducitur delectatio, aut simplex complacencia, ad quam pertinet ipsum opus. 104.*
 VIII. *Non idem assensum de delectatione eorum, quæ solo jure positive prohibita sunt, ac de prohibitis jure naturalibus. ibid.*
 IX. *Species mali, de qua quisque delectatus est, in Confessione est aperienda. ib.*
 X. *In delectationibus, & desideris inefficacibus rei male quædam S. Thoma docet; Patuzzi Theol. Mor. T. II.*

IX

- Strina serio ab omnibus attendenda. ib.*
 XI. *Quædam ex tradita doctrina consulantur. 105.*
 XII. *Rejicienda propterea sententia Busembaum, aliorumque, quos laudat, quoad desideria inefficacia. ibid.*
 XIII. *Quædam de his propositiones jure meritoque ab Ecclesia damnata. ibid.*
 XIV. *P. Lacroix sententia rejecta. 106.*
 XV. *Incorporea mulierum sæpe in desideria inefficacia rei mala prorumpentes. ibid.*
 XVI. *Alia quædam propositio quorundam Casuistarum ab Ecclesia meritisime proscripta. ibid.*
 XVII. *Ex hac proscriptione sequitur falsitas, & improbabilitas alterius universalioris doctrina. 107.*
 XVIII. *Improbanda quoque est alia a Tamburino asserta propositio. ibid.*
 Reflexio. ibid.

DISSERTATIO SECUNDA.

DE VIRTUTIBUS MORALIBUS, VITIUMQUE OPPOSITIS.

CAPUT PRIMUM.

De virtutibus in genere quædam præstantur.

DOCTRINA.

- I. **DEFINITIO** virtutis ex SS. Thoma, & Augustino. 110.
 II. *Plures virtutis divisiones assignantur, & exponuntur. 111.*
 III. *Quid sit virtus heroica, & in qua consistat. 112.*
 IV. *De origine moralium virtutum. Harum inchoatio quædam in homine est attendenda natura tum speciei, tum individuali. 113.*
 V. *Ac in ratione virtutis non comparantur nisi operum assuetudines, labores, &*

flu-

- studio, & industria. 114.
 VI. De subiecto virtutum. Tres in animo nostro partes distinguuntur; suprema, media, & infima. ibid.
 VII. Quae tribus hujus partibus virtutes conveniant, explicatur. 115.
 VIII. Hujus omnibus partibus suis tribuuntur virtutes, quibus insident. ibid.
 IX. Apposita S. Thomae observatio. 116.
 X. De medio, in quo virtus consistit. Multiplex medium distinguitur. 117.
 XI. Medium per se non habent Theologicae virtutes. 118.
 XII. Ex parte tamen nostra regula, & mensura etiam his virtutibus praefigitur; & per accidens medium habent. ibid.
 XIII. De mutua virtutum connexion, & harmonia. Hac procul omni dubio praeregativa gaudent virtutes supernaturales. ibid.
 XIV. Obvia quaedam obiectio ex verbis S. Thomae soluta. 119.
 XV. Virtutes quoque morales acquisitae in statu perfectionis consideratae connexae invicem sunt. ibid.
 XVI. De virtutem perfectione, quae haberi in hac vita potest. Elegans S. Thomae doctrina praemissa. 120.
 XVII. Pelagianorum error de hac perfectione a S. Hieronymo confutatus. ibid.
 XVIII. Confutavit eundem etiam S. Augustinus. 121.
 XIX. Tria decreta ab Ecclesia in Concilio Africano edita adversus hujusmodi errores. ibid.
 XX. Praecipuum Catholici dogmatis fundamentum ab Augustino propositum, & a S. Thomae illustratum. 122.
 XXI. Alia de eodem argumento Sancti Thomae doctrina. 123.
 XXII. Cujus generis, & conditionis dicenda sit impossibilitas non peccandi homini conveniens in hac vita mortali. ibid.
 XXIII. Pauca quaedam attinguntur de Donis Spiritus Sancti. 124.

CAPUT II.

CONSECTARIA PRÆCEDENTIS
DOCTRINÆ.

- I. QUO sensu accipiendæ sint sententiæ S. Augustini virtutem per amorem discernentis. 126.
 II. Proprium virtutis subiectum mens est, sive ratio. ibid.
 III. Diversa plane sunt virtutum semina, quæ ab Ecclesiæ Patribus admittuntur in homine, ab iis, quæ admissa fuerunt a Cassiano, & Semipelagianis. ibid.
 IV. Egregia S. Thomae doctrina, qua difficultates dilantur ad virtutum moralium connexionem pertinentes. ibid.
 V. Virtutes acquisitæ non sunt simpliciter, & absolute virtutes, si cum charitate non jungantur, eas ad Deum ultimum finem ordinantes. 127.
 VI. Verosimilior, & omnino tenenda sententia est, quæ præter fidem, spem, & charitatem, alias virtutes inferiores agnoscit. ibid.
 VII. Virtutum connexio non exigit, ut sancti viri in omnibus virtutibus æque præfulgeant. ibid.
 VIII. Quam merito ab Ecclesia damnatae sint plures propositiones Michaelis de Molinos, quoad virtutum perfectionem ab ipse investit. 128.
 IX. Jure quoque, ac merito aliæ proscriptæ sunt de eodem argumento Fratres de Fenslon propositiones. 129.
 X. Homini in hac vita degenti tribuenda nunquam est spathia, & impeccantia. ib.
 XI. Quantalibet perfectione donetur homo, semper tamen indiget oratione, jejuniis, carnisque, ac passionum mortificatione. ibid.
 XII. Licet nec in tota vita, nec aliquo diuturno tempore peccatum omne leve, ac veniale præcaveri queat; pro aliquo saltem brevi tempore ab illo abstinere possumus. 130. XIII.

XIII. *Hæc immunitas ab omni etiam levi peccato per totam vitam privilegium specialissimum est Deiparæ Virgini a Deo concessum.*
Reflexio. ibid.
 131.

CAPUT III.

De Prudentia.

DOCTRINA.

- I. **Q**UID sit prudentia? 133.
- II. *Officia, sive actus prudentiæ.* ib.
- III. *Fines, ad quos prudentia dirigit, alii generales, alii particulares.* ib.
- IV. *De partibus prudentiæ integralibus.*
Prima est præteritorum memoria. ibid.
- V. *Secunda intelligentia, sive intellectus.*
Tertia providentia. 134.
- VI. *Quarta decililas. Quinta solertia.*
ibid.
- VII. *Sexta ratio. Septima circumspectio.*
ibid.
- VIII. *Octava denum cautio, sive consideratio malorum, & impedimentorum, quæ occurrere possunt.* 135.
- IX. *De partibus prudentiæ subjectivis; ac primum de prudentia regnativa.* ibid.
- X. *De prudentia politica.* ibid.
- XI. *De prudentia æconomica, & militari.* 136.
- XII. *De vitiis, quæ prudentiæ opponuntur.* ibid.
- XIII. *De astutia.* 137.
- XIV. *De dolo & fraude.* ibid.
- XV. *De nimis rerum temporalium sollicitudine.* 138.
- XVI. *De immoderata sollicitudine futurorum.* ibid.

CAPUT IV.

CONSECTARIA.

- I. **P**RUDENTIA recte comparatur ad synderesim, sive habitum principiorum principiorum gallicorum, sicut scientia ad intellectum principiorum speculabilium. 139.
- II. *Providentia inter omnes prudentiæ partes integrales principiorum abinet.* ibid.
- III. *Quum impossibile sit homini in hac vita mortali constituto præcavere omnia mala, quæ contingunt, ad hoc homo non tenetur ex virtute, ac præcepto.* 140.
- IV. *Prudentia proprium est, cavere ne dum a vitiis, & a peccati occasionibus, sed etiam ab hominibus, quorum probitas non est perfecta.* ibid.
- V. *Ad prudentiam maxime pertinet cavere a falsis Magistris, & conscientia Directoribus laxas doctrinas tradentibus.* ibid.
- VI. *Virtus regnativa convenientius ponitur prudentia, quam iustitia.* 141.
- VII. *Quamquam multi peccatores, & impii providi sint in gubernatione propria familiaris, non est tamen in eis admittenda illa prudentia, quæ dicitur æconomica.* ibid.
- VIII. *Prudentia carnis, fraus, dolus &c. ex avaritia potissimum originem trahunt.* ibid.
- Reflexio.* ibid.

CAPUT V.

De virtute Iustitiæ.

DOCTRINA.

- I. **D**EFINITIO iustitiæ tum universim, tum specialiter considerata. 143.
- II. *Expositio juris, quod est obiectum iustitiæ.* 144.

- sticie, & a quo nomen desinit.* ibid;
 III. Non uno, eodemque modo tria exposita
 jura justitia respicit. 144.
 IV. Aliæ divisiones juris, quas justitia in-
 tractas custodit. ibid.
 V. Ex his bonitas traditæ definitionis eni-
 refcit. 145.
 VI. Species, sive partes justitiæ assignan-
 tur, & explicantur; ac primum quid
 sit justitia legalis. ibid.
 VII. Quid justitia distributiva, & com-
 mutativa. 146.
 VIII. Ex his facile constat, quid sit inju-
 stitiæ, quæ justitiæ opponitur. ibid.
 IX. Varii modi, quibus injustum commit-
 ti potest. 147.
 X. Nullus patitur injustum velens. Quo
 sensu hoc intelligendum veniat. ibid.

CAPUT VI.

CONSECTARIA.

- I. **Q**UO sensu S. Augustinus justitiam
 vocat amorem Deo servientem. 148.
 II. Nedum primarius, sed etiam secunda-
 rius justitiæ actus in ipsius definitione
 comprehenditur. ibid.
 III. Necessè est justitiam semper esse ad al-
 terum. 149.
 IV. Justitia legalis veram habet, ac pro-
 priam justitiæ rationem. ibid.
 V. Justitia legalis, quæ reperitur in Prin-
 cipe, ejusdem speciei est, ac ea, quæ
 reperitur in subditis. ibid.
 VI. Justitia particularis, sive distributi-
 va sit, sive commutativa, propriam
 habet, ac præliatam materiam in actio-
 nibus exterioribus positam. ibid.
 VII. Hinc justitia per se, & primario non
 versatur circa passionem. ibid.
 VIII. Justitiæ medium non est rationis, sed
 rei. 150.
 IX. Justitia medium legalis, sed etiam par-

viularis præcæminet exteris virtutibus
 moralibus, quæ sedem habent in appeti-
 tu sentiente. ibid.

- X. Speciale peccatum contra justitiam le-
 galem non est quicquid vitiosum agitur,
 nisi fiat ex contemptu boni communis,
 vel intentione illud violandi. ibid.
 XI. Unde injustitia illegalis speciale qui-
 dem peccatum est secundum essentiam;
 generale vero secundum intentionem ope-
 rantis. 151.
 XII. Quamvis non improbable sit Virgi-
 ni injuriam non inferri, dum sciens ac
 volens in stuprum consentit; opposita ta-
 men sententia probabilior est. ibid.
 XIII. Injuriam patitur tum qui nummos
 usurario solvit, tum qui pecuniam la-
 troni mortui comminanti tribuit; licet
 uterque libere hoc faciat. ibid.
 XIV. Injustitia ex genere suo lethale pec-
 catum est; & solum ex parvitate ma-
 teria veniale. ibid.

CAPUT VII.

De judicio, præut actus justitiæ est.

DOCTRINA.

- I. **J**UDICIUM, quo de egitur, definitio-
 nis. 152.
 II. De conditionibus, quæ ad justum judi-
 cium requiruntur. ibid.
 III. An lethaliter peccet Index, in pecca-
 to mortali sententiam pronuncians. Do-
 ctina S. Thomæ. 153.
 IV. Quanam ex data doctrina colligantur.
 ibid.
 V. De judicio ex suspitione profecto. Quid
 sit suspicio: quinam ejus gradus. 154.
 VI. Suspicio quo sensu peccatum lethale
 sæpe sit. 155.
 VII. Quid de hoc reasse senserit S. Tho-
 mas, ostenditur. ibid.
 VIII. Dubia in meliorem partem interpræ-
 tanda sunt. 156. IX.

IX. Hujus doctrine amplius explicatio .

157.

X. In judicio publico sive seculari . sive ecclesiastico juxta leges scriptas judicandum est . ibid.

XI Sententia judicis injusta valorem non habet in foro conscientie . 158.

XII. De judicio perverso propter judicarie auctoritatis usurpationem . 159.

XIII. Divinitur controversia de legibus , ac judiciis Tyrannorum , sive in regimine , sive in titulo ejusmodi sint . 71.

CAPUT VIII.

C O N S E C T A R I A .

I. QUOTIES in judicando violatur justitia , sive equalitas , judicium injustum est , nullumque jus alteri tribuit . 160.

II. Dum in judicio servatur equalitas , nunquam peccatur contra justitiam . 161.

III. Licet agere in judicio contra raptorem , quin Christi sententiam repugnemus . ibid.

IV. Error Wiclephi est asserere , sententiam judicis in peccato mortali existentis nullius esse roboris , & auctoritatis . ibid.

V. Suspicio , & judicium temerarium peccata sunt justitiæ opposita . ibid.

VI. Non obligant tamen ad restitutionem proprie acceptam . ibid.

VII. Quoties sufficientes causæ suppetunt sive ad suscipiendum , sive ad judicandum , nullum judicium , aut suspicio peccatum important . Quenam leves , quoniam graves , ac sufficientes causæ existimandæ sint . 162.

VIII. Oportet attente distinguere cogitationes , quæ sæpe in mentem incident de alterius malo , a suspitione veri nominis . 163.

IX. Vir timorata conscientia regulariter

metuere non debet de consensu præstito cogitationibus judicium de proximi probitate spectantis . ibid.

X. Falsa dicenda est Cajetani sententia , suspitionem quantumvis temerariam nunquam esse mortale peccatum . ibid.

XI. Materia gravis , circa quam versatur suspicio , aut judicium temerarium , per se est peccatum mortale : per accidens autem est materia levis peccati . ibid.

XII. Interdum , attentis circumstantiis , ipsum peccatum veniale obiectum est judicii temerarii graviter mali . 164.

XIII. Semper suppetit sufficiens causa interpretandi dubia in meliorem partem . ibid.

XIV. In causis ecclesiasticis beneficiorum nulla sententia injusta vim habet in foro conscientie . ibid.

XV. Bona fides in omnibus causis non suffragatur in conscientia ; si injusta sit . ibid.

XVI. Hinc qui per injustam sententiam re sua spoliatus est , illam cum licito modo recuperare potest . ibid.

CAPUT IX.

De justitia Distributiva .

D O C T R I N A .

I. JUSTITIÆ distributivæ notio prout distinguitur a commutativa . 165.

II. Agitur de præcipuo , quod justitiæ distributivæ obijciuntur vitiis ; nimirum acceptione personarum . In quo hæc consistat , declaratur . 166.

III. De personarum acceptione in bonis spiritualibus dispensandis . Dignior in foro conscientie semper eligendus est . 167.

IV. In foro tamen exteriori sufficit eligere dignum . 168.

V. Casus ab hac generali regula excipendus . ibid.

VI.

VI. *Quanam necessaria sint, ut prudens judicium formetur de idoneitate alicujus ad spiritualia recte administranda. Sive quid requiratur in personis eligendis. Primum, & secundum requisitum est legitimus totus, & etas legitima.* 169.

VII. 3. *Tonsura Clericalis.* 4. *Castibatus.* 170.

VIII. 5. *Immunitas a censura, irregularitate, & hæresi.* ibid.

IX. 6. *Morum probitas. Literatura sufficiens.* 171.

X. *Exactior discussio de obligatione eligendi digniorem ad beneficia.* ibid.

XI. *Causæ aliqui excepti referuntur.* 172.

XII. *Nom qui promoveat minus dignum, digniore prætermisso, ad aliquam restitutionem teneatur.* 173.

XIII. *De personarum acceptione in officis, & rebus secularibus distribuendis.* 174.

XIV. *De personarum acceptione in exhibitione honoris, & revocationis.* 175.

XV. *De acceptione personarum in secretis judicii.* ibid.

VII. *Aliæ propositiones, quæ in damnata continentur.* ibid.

VIII. *Concilium Tridentinum præcipiens curata beneficia conferenda esse dignioribus, novum jus non condidit, sed antiquum declaravit.* ibid.

IX. *Non est excusandus a peccato minus dignus concurrens ad beneficium cum manifeste digniore.* ibid.

X. *Quamvis excessus dignitatis unius præ alto levis appareat, digniori conferendum est beneficium.* 179.

XI. *Indignus nunquam eligendus. Causæ tamen occurrere possunt, ut pro digno suffragium ferre liceat.* ibid.

XII. *Levi, Malderi, aliorumque improbandi sententia, qui digno etiam præ digniore resignari posse beneficium docent.* ibid.

XIII. *Etiam Examinatores tenentur Episcopo digniorem proponere pro beneficio.* ibid.

XIV. *S. Thomæ doctrina circa injuste impediētes aliquem a beneficio consequendo.* 180.

XV. *Magna cura adhibenda est ab iis, qui eligunt ad beneficia, siue officia tum ecclesiastica, tum secularia.* ibid.

XVI. *Quinam dignitatum, aut officiorum ambitus a Principe permitti, quinam tamquam illicitis, & perniciosius prohiberi possint, ac debeat.* ibid.

XVII. *Falsæ, & absque quorundam Probabilistarum opiniones, quoad iudicia de bonis temporalibus, quæ fieri posse concedunt.* 181.

Reflexio. ibid.

CAPUT X.

CONSECTARIA.

I. **I**USTITIA vindicativa, quæ est in iudice, non a distributivam, sed commutativam pertinet. 177.

II. *Personarum acceptio locum non habet in iis, quæ gratis conferuntur.* ibid.

III. *Sapiens S. Thomæ animadversio circa collationem beneficiorum factam consanguineis.* ibid.

IV. *Dispensatio, quæ fit cum divitibus, ac potentibus, ut contrahant matrimonium in gradu prohibito, a vitio acceptionis personarum purgari potest.* ibid.

V. *Etiam absque hoc vitio eliguntur aliqui de gremio Ecclesiæ ad beneficia.* ib.

VI. *Propositio merito ab Ecclesiâ damnata circa collationem beneficiorum parochialium factam etiam minus dignis.* 178.

CAPUT XI.

CAPUT XII.

De Fortitudine, & adjunctis virtutibus,
vitiisque oppositis.

CONSECTARIA.

DOCTRINA.

- I. **F**ORTITUDINIS definitio, ac materia. 183.
- II. Actus fortitudinis duo; aggredi, & sustinere. ibid.
- III. Pericula, quæ fortitudo maxime respicit, sunt pericula mortis. 184.
- IV. Quanam sint fortitudinis partes. ib.
- V. Inter omnes Christianæ fortitudinis actus præstantissimus est martirium. 185.
- VI. Aliæ quoque in martirio virtutes emicant. 186.
- VII. Quanam ad martirium conditiones requirantur. ibid.
- VIII. Plures martirii gradus distinguere oportet, magis minusve perfectos. 187.
- IX. Non aggressionem, sed passionis tolerantiam martirium perficitur. 188.
- X. Vitia fortitudini opposita paucis exponuntur. 189.
- XI. De quatuor virtutibus fortitudini adjunctis; ac primum de magnanimitate, & vitiis oppositis. ibid.
- XII. De magnificentia, ac vitiis contrariis. 190.
- XIII. De patientia. In quo proprie consistat. 191.
- XIV. Pulcherrima S. Augustini de patientia doctrina. 192.
- XV. Vitia patientiæ opposita. 193.
- XVI. De perseverantia prout virtus est, & prout speciale quoddam donum Dei. ibid.
- XVII. De vitiis, quæ perseverantiæ opponuntur. 194.

- I. **O**MNIA virtutum opera, prout quædam sunt protestationes fidei, possunt esse martirii causa. 195.
- II. Martyres vocandi non sunt, qui moriuntur in bello contra Infideles. ibid.
- III. Non omnis tamen resistentia, seu contra pugnatio palmam martirii eripit. ibid.
- IV. Martyria charitatis, castitatis, mortificationis, compassionis &c. minus proprie hoc nomine decorantur. ibid.
- V. Hinc falsitatis convincitur sententia Raynaudi, aliorumque auroram martirii tribuentium iis, qui immoriuntur in serviendo pestilentia afflatis. 196.
- VI. Licet laudabile absolute non sit honorem appetere, quibusdam tamen in casibus laudabile esse potest. ibid.
- VII. Audiendi non sunt aliqui Casuista, qui sicut propter voluptatem, ita & propter honorem, in eo sistendo, nos agere posse existimant. ibid.
- VIII. Magnanimitas nullatenus adversatur humilitati. ibid.
- IX. Perperam ab aliquibus magnanimitas cum præsumptione confunditur. 197.
- X. Doctrina S. Thomæ ad veram ambitionis notionem habendam, prout magnanimitati opponitur. ibid.
- XI. Non quivis honoris contemptus laude dignus est; sed ille, qui recta ratione regulatur. 198.
- XII. Non omnes, qui dura, & adversa perferunt, Christianæ patientiæ virtute peroriuntur. ibid.
- Reflexio. ibid.

CAPUT XIII.

*De Temperantia, ac virtutibus
adjunctis.*

DOCTRINA.

- I. **D**EFINITIO, & indoles temperantiae. 200.
- II. Temperantiae objectum, officium, & regula, quam in delectationibus talis praescribit. 201.
- III. De partibus temperantiam integrantibus. 202.
- IV. De virtutibus temperantiae subjellis; ac primum de abstinence. 203.
- V. De jejunio, & variis ejus speciebus. 204.
- VI. De sobrietate, sive abstinence a potui immoderato. 205.
- VII. Quid sit castitas? Ejus excellentia, maximeque castitatis virginalis. ibid.
- VIII. Nudum virginitas illicita non est; sed etiam admodum laudabilem esse omnino tenendum. 206.
- IX. Quid sit pudicitia, & in quo ea consistat. 207.
- X. De partibus temperantiae, quas potentiales S. Thomas appellat; sive de virtutibus, quae ipsi adjunctae sunt: ac primum de continentia. ibid.
- XI. De clementia. 208.
- XII. De mansuetudine. ibid.
- XIII. De modestia. ibid.
- XIV. De taciturnitate. 209.

CAPUT XIV.

*De Vitis oppositis Temperantiae, ac
virtutibus adnexis.*

DOCTRINA.

- I. **D**OCTRINA S. Thomae praemissa de vitis temperantiae oppositis, ibid.

- II. Duo sunt temperantiae opposita vitia, insensibilitas, & intemperantia. 210.
- III. De vitio incontinentiae, quod proprio consistit in illicitis delectationibus tactus. 211.
- IV. De vitio curiositatis, quod studiositati opponitur. In quo situm illud sit, ibid.
- V. Quadrupliciter hoc vitium incurritur ex parte cognitionis intellectivae. 212.
- VI. Duobus autem modis ex parte cognitionis sensitivae. ibid.
- VII. Vitium istud nonnunquam peccatum mortale est. 213.
- VIII. De vitio modestiae opposito, prout illa consistit in actibus externis; ac primum de ludo. Quo pacto ludus accipitur. ibid.
- IX. Ludus moderatus licitus est, ac virtutis actus. S. Thomae doctrina. ibid.
- X. Vitium damnable est, dum requisitas conditiones non servat. Quanam haec sint, exponitur. 214.
- XI. Doctoris Angelici doctrina, quoad excessum in ludo, observanda. 215.
- XII. Mens S. Doctoris quoad histiones, & artem histionatus, clara in luce collocatur. ibid.
- XIII. Immunes a culpa non sunt, qui principaliter ludunt propter lucrum. 216.
- XIV. De vitio modestiae opposito, prout haec spectat exteriorem apparatus. Decens, & moderatus laudabilis est, de actus virtutis. ibid.
- XV. Immoderatus semper est vitiosus. Ex duplici capite immoderatio procedit. 217.
- XVI. Etsiam per defectum peccatur aliquando contra hanc modestiam partem. 218.
- XVII. De vano, ac superfluo mulierum ornatu. S. Thomae doctrina de hoc argumento proposita, & explicata. ib.
- XVIII. Quanam ex hac S. Praeceptoris doctrina certo colligantur. 219.

- XIX. Si Scriptura, ac Patres consulantur, grave saepe peccatum esse vanum, & immoderatum mulierum ornatum, asserere necessum est. *ibid.*
 XX. Extrema in hac materia rigoris, & laxitatis devitanda, S. Antonini iudicium. *220.*

CAPUT XV.

CONJECTARIA.

Duorum præcedentium Caputum.

- I. **D**ELECTIONES sensibiles homini non conveniunt, nisi sint iuxta rationem. *221.*
 II. Cum homo sustentare corpus debeat, non potest ab omnibus corporeis delectationibus abstinere. *ibid.*
 III. Necessaria humana vita, quæ regula temperantia est, dupliciter attenditur; simpliciter nempe, & moraliter. *ibid.*
 IV. Graviter peccat adversus temperantiam, qui delectatur vel comestione carnis humane, vel potu humani sanguinis; nec iis uti licet etiam in casu necessitatis. *222.*
 V. Jejunium naturale non frangitur, nisi aliquid sumatur; quod vel nutriet, vel nutrire queat. *ibid.*
 VI. Interdum jejunium ob circumstantias vitiosum efficitur. *ibid.*
 VII. Præceptum naturale jejunii nonnumquam obligat præter tempus ab Ecclesia constitutum. *ibid.*
 VIII. Peccant aliquando mortaliter, qui inordinato affectu feruntur in studium veritatem, etiam ad intellectualem cognitionem pertinentium. *223.*
 IX. A peccato immunes saepe non sunt joci, & ludi. *ibid.*
 X. Ludere propter lucrum etiam moderatum non est sine aliqua culpa. *ibid.*
 XI. Licet exterior apparatus visitor, quam Patuzzi Theol. Mor. T. II.

deceat, non sit approbandus; suppetere tamen causa possunt, cur laudabilis sit.

224.

- XII. Muliebris ornatu, qui de se ad luxuriam provocat, semper est lethale peccatum. *ibid.*
 XIII. Etiam ob sola gravia incommoda, quæ saepe familia offert muliebris ornatu, grave peccatum est. *ibid.*
 XIV. Mulieres sine peccato non utuntur fucis, ac pigmentis ad pulchritudinem ementiendam. *225.*
 XV. Quorundam Casuistarum de hac re rejicienda sententia est. *ibid.*
 XVI. Peccato non caret, quod vir muliebri, aut mulier virili veste utatur. *ib.*
 XVII. Cautè se gerere debet Confessorius in directione mulierum, vanis ac superfluis ornamentis utentium. *226.*
 Reflexio. *ibid.*

DISSERTATIO TERTIA.

DE PECCATIS IN GENERE.

CAPUT PRIMUM.

De Peccati definitione, ac divisione.

DOCTRINA.

- I. **P**ECCATI definitio a SS. Augustino, & Thoma tradita explicatur, ac illustratur. *229.*
 II. Potius per oppositionem ad legem æternam, quam ad humanam rationem definiri peccatum debuit. *230.*
 III. Peccatum dum offendit, etique injuriam irrogat; Ex quo potissimum capite hæc Dei offensæ proveniat. *231.*
 IV. Alia plura capita, ex quibus offensæ Deo per peccatum illata adaugetur. *ib.*
 V. Plures peccatorum divisiones describuntur. *ibid.*

VI.

- VI. Quædam in divisionem peccati ex fragilitate, & malitia animadversiones, Peccatum ex fragilitate, sive infirmitate idem est, ac ex passione. 233.
- VII. In quo consistat peccare ex malitia. Doctrina S. Thomæ de ejusmodi peccato. ibid.
- VIII. Quicumque ex habitu peccat, peccat ex certa malitia. Aius S. Thomæ textus propositus, & explicatus. 234.
- IX. De præcipuis peccati effectibus. Primus peccati effectus macula est, quam in anima peccanti relinquit. 235.
- X. Quid sit, aut in quo hæc macula consistat, exponitur. ibid.
- XI. Effectus alter est reatus pænæ, quam quisque peccando promeretur. 236.
- XII. Pænæ peccato mortali debita æterna est. Prima hujusce Catholicæ veritatis probatio a S. Thomæ proposita. 237.
- XIII. Altera probatio ejusdem, quæ æquitas æternæ pænæ demonstrat. ibid.
- XIV. Illustratur hujus probationis efficacia. 238.
- XV. Eadem ratio alio modo proponitur. 239.
- XVI. Tertia S. Thomæ ratio ad eandem veritatem comprobendam. 240.

CAPUT II.

CONJECTARIA.

- I. QUODLIBET peccatum mortale excludit quidem omnes virtutes infusas; non tamen acquisitas. 241.
- II. Peccatum etiam consideratum, prout rationi opponitur, est essentialiter offensiva Dei. ibid.
- III. Rejicienda est singularis opinio P. V. quæ rationem offensivæ Dei præse dista peccato denegantis. 242.
- IV. Formalis peccati ratio non in aliquo positivo, sed in privatione consistit. ib.
- V. Neque tamen colligere fas est, pecca-

- ta specie invicem non differre. 243.
- VI. Corporis infirmitas nullam præbet justam causam excusandi peccata, quæ in ea committuntur. ibid.
- VII. Semper peccat ex malitia quicumque eligit, quod malum esse cognoscit. ibid.
- VIII. Peccatum Angeli, sicut & Protoparentum nostrorum, fuit ex malitia commissum. 244.
- IX. Pluribus modis aliquem ex malitia peccare contingit. ibid.
- X. Idem non est peccatum ex malitia, & peccatum in Spiritum Sanctum. ibid.
- XI. Nihil faciendum est excusatio illorum, qui peccata sua extenuant, eo quod ea ex habitu commiserint. ibid.
- XII. Nec audiendi sunt, quoriam effutunt, se de peccato dolere, quod committunt. 245.
- XIII. Macula peccati non re, sed nomine tantum a peccato habituali distinguitur. ibid.
- XIV. Peccatum potest esse aliquando pænæ alterius peccati. ibid.
- XV. Peccatum veniale nec quoad culpam, nec quoad pænâ in hac vita remissum, ob conjunctionem cum peccato mortali, æterna pænâ in inferno punitur. ibid.
- Reflexio. 246.

CAPUT III.

De Peccato Originali.

DOCTRINA.

- I. PECCATI originalis notitia omnibus valde necessaria. 248.
- II. Definitio peccati originalis, & explicatio ejusdem. ibid.
- III. Quid proprie sit hoc peccatum, luculentius exponitur ex S. Thomæ. 249.
- IV. Dogma Fidei est, originale peccatum in omnes homines a primo parente Adam propagari. Hujus dogmatis definitiones Ecclesiæ. 250.

V. *Error ex his definitionibus reprobat.*

251.

VI. *Christus Dominus ab universali lege omnino excipendus.* *ibid.*VII. *An etiam ex speciali privilegio excipiendi sit Beatissima Virgo Maria, ad fidem minime pertinere.* *ibid.*VIII. *Quid de hac inter Catholicos controversia decreverint Summi Pontifices,* *proponitur.* *ibid.*IX. *Differitur de effectibus peccati originalis in genere. Conciliorum definitiones afferuntur.* *252.*X. *S. Thomas de his effectibus doctrina.* *ib.*XI. *Uterior ejusdem doctrinae expositio ex eod. in S. Doctore.* *253.*XII. *De effectibus peccati originalis in specie. Quatuor vulnera S. Thomas enumerat ab illo nobis insulsa.* *254.*XIII. *De vulnere ignorantia.* *ibid.*XIV. *De vulnere malitia. Quo sensu hic malitia sumatur.* *255.*XV. *De vulnere infirmitatis. Quid hic infirmitatis nomine veniat, explicatur juxta S. Thomam, & S. Augustinum.* *256.*XVI. *De vulnere concupiscentia. Quam grave illud sit, quamque perniciosum humano generi.* *257.*

CAPUT IV.

CONJECTURA.

I. **A** Fide Catholica aberrant Sociniani, qui peccatum originale non alio modo traduci in homines putant, nisi per imitationem peccati Adami. *259.*II. *Nihil convenientior, quam a S. Thomas traditus, modus est explicandi traditionem peccati Adami in posteror.* *ib.*III. *Peccat lethaliter, qui non observat ea, quae de Conceptione B. Mariae decreverunt Summi Pontifices.* *ibid.*IV. *Parvulos ex hac vita decedentes cum**peccato originali sibi certum est carere regno privari.* *260.*V. *Ve'uti Fidei adversa censenda est sententia Card. Sfondrati, hos parvulos haud perire, vel damnari affirmantis.* *ib.*VI. *Explodenda quoque est eorum opinio, qui iisdem locum post hanc vitam felicitatem tribuunt, quam in hac experimur.* *ibid.*VII. *Multo minus P. Molina sententia de hac re toleranda videtur.* *ibid.*VIII. *Ex defectibus, quibus in hac vita obnoxii sumus, valde probabile sumitur argumentum existentiae originalis peccati, etiam fide sposita.* *261.*IX. *Naturalis dici non potest inordinatio concupiscentiae, quae in nobis est.* *ibid.*X. *Licet peccatum originale aequae inficitur omnes, inordinatio tamen virium animae magis in uno se prodere potest, quam in altero.* *ibid.*XI. *Nullatenus audiendi sunt, qui ita extenuant vulnera per peccatum originale insulsa, ut ferme ad nihilum redigant.* *262.*XII. *Hinc inferre debemus, quidquid ex concupiscentia fit, semper male fieri, malumque esse.* *ibid.*XIII. *Plurimum ad proximam deservit legittima cognitio vulnerum, quae per peccatum originale contraximus.* *263.*XIV. *Eadem quatuor vulnera, quae insulsa sunt nobis a peccato originali, infliguntur etiam quodatenus a peccatis actualibus, quae committimus.* *ibid.**Reflexio.*

CAPUT V.

De Peccato Philosophico.

DOCTRINA.

I. **C**UR dissertationi de peccato originali adnectatur ea, quae est de pec-

c 2

- peccato philosophico . 266.
 II. Peccatum duplicem mentis considerationem subire valet . ibid.
 III. Error ab Ecclesia de peccato philosophico damnatus in eo consistit , quod utraque ratio offensæ Dei , & repugnantiz cum ratione reipsa sejungatur . ibid.
 IV. Ex damnata propositione infertur germana notio peccati philosophici . 267.
 V. Qui admittunt ignorantiam Dei invincibilem , peccatum philosophicum etiam admittere necessum est . Sententia P. Molina de hac ignorantia . 268.
 VI. Eandem sententiam expresse tradidit P. Arriaga . ibid.
 VII. Post damnatam peccati philosophici doctrinam , illud admittere debet , qui ad peccatum formale necessariam docent advertentiam actualem ad malitiam . 269.
 VIII. Aliquis exemplis hoc declaratur . Doctrina P. Matthæi Stoxii proponitur . ib.
 IX. Author iste sententiam damnatam peccati philosophici apertissime tradit . 270.
 X. De sententia inquiritur P. Claudii Lacroixii . Ponit iste imprimis diserte principia , unde fluit peccatum philosophicum . ibid.
 XI. Illud quoque post damnatam propositionem admittere pluribus evincitur . 271.
 XII. Quædam ab ipso positz limitaciones ad vitandam damnationem nullius momenti demonstrantur . 272.
 XIII. Aliæ ad idem confirmandum animadversiones . 273.
 Variæ de specifica Theologorum sententia . 276.
 II. Sententia S. Thomæ hac de re proponitur . ibid.
 III. Explicatur proposita S. Doctoris sententia . 377.
 IV. Cur S. Thomas ex objecto potius , quam ex alio capite distinctionem peccatorum specificam repetendam doceat . ibid.
 V. Objectum non inducit distinctionem specificam in peccatis , nisi formaliter consideratum . 278.
 VI. Juxta traditam doctrinam accipiuntur ea , quæ S. Thomas docet in aliis ejusdem questionis articulis . ibid.
 VII. Regula quadam ex allata doctrina derivantur . Regula prima . Sola præceptorum diversitas non inducet specificam distinctionem . 279.
 VIII. Regula secunda . Hanc tamen distinctionem inducunt præcepta , si afferant specialem cum ratione repugnantiam . ib.
 IX. Regula tertia . Ex præceptis juris positivi aliquando sumitur specifica distinctio peccatorum . ibid.
 X. Regula quarta . Ad contrahendam malitiam specie distinctam , sufficit , quod voluntas in objectum feratur tali malitia pollutum . 280.
 XI. Regula quinta . Circumstantia , quæ actum efficis repugnantem alicui virtuti , cui ceteroquin non opponitur , speciem peccati mutat . ibid.
 XII. Regula sexta . Major , & minus , intensum , & remissum circumstantia non sunt , quæ de se mutant speciem . 281.
 XIII. Regula septima . Ita quoque nec diuturnitas , aut frequentia peccati non est ex se circumstantia , quæ novam speciem addat peccato ; ex accidenti tamen addere aliquando potest . ibid.
 XIV. Major , minorque gravitas essentialis peccatorum sumitur ex objecto . ibid.
 XV. Accidentalitas autem ex circumstantiis . De circumstantia persone , in quam peccatur , & quæ peccat . 282. CA.

CAPUT VI.

De Peccatorum specifica distinctione , & inæqualitate .

DOCTRINA.

- I. QUÆDAM prælibantur ad discernendam peccatorum distinctionem .

CAPUT VII.

CONJECTARIA.

- I. **PROBANDA** non est sententia, quæ distinctionem peccatorum specificam ex solo repetitis prudentum sensu. 284.
- II. Sicut neque, quæ circumstantiam omnem notabiliter aggravantem novam peccato speciem tribuere statuit. ibid.
- III. Haud differt a sententia a nobis constituta, quæ docet, speciem peccatorum sumi a virtutibus, quibus opponuntur. ib.
- IV. Etiam peccata omissionis specificam distinctionem hauriunt ex objectis. ibid.
- V. Finis operantis sæpe transit in objectum, in quo specificatur peccatum 285.
- VI. Peccata venialia speciem ab objectis recipiunt, sicut & mortalia. ibid.
- VII. Exempla, quibus liquet, peccata specie non distingui ex præceptis diversis. ib.
- VIII. Religiosus Franciscanus abstinentiam violans die Veneris, duplex specie distinctum peccatum incurrit. ibid.
- IX. Non ita tamen alii Religiosi, qui solum vovent obedientiam secundum regulam. ibid.
- X. Duplex specie peccatum committit Religiosus, qui speciale præceptum sui Superioris non observat. 286.
- XI. Ex excessu, & defectu sæpe sumitur peccatorum distinctio specifica. ibid.
- XII. Circumstantia Quis aliquando novam specie malitiam inducit, aliquando solum augeat. ibid.
- XIII. Exempla distinctionis specificæ a peccatis ex persona, contra quam, vel cum qua peccatur. ibid.
- XIV. Quam specie multiplicentur peccata ex circumstantia loci. 287.
- XV. Quamam iridem ex circumstantia quibus auxiliis. ibid.
- XVI. Ea, quæ de se mala sunt, ex gravio fine operantis novam specie distinctam malitiam contrahunt. ibid.

- XVII. Non ita vero dicendum, si finis operantis pravus non est, sed vel bonus, vel indifferens. ibid.
- XVIII. Peccata spiritualia, cæteris paribus, graviora sunt peccatis carnalibus. 288.
- XIX. Graviora sunt peccata Fidelium, quam Infidelium; & Ecclesiasticorum, ac religiosorum, quam laicorum, & secularium. Confectarium Reflectionis loco propositum. ibid.

CAPUT VIII.

De numerica distinctione peccatorum.

DOCTRINA.

- I. **UNUS** idemque physicus actus plures habere potest in esse morali malitias numero distinctas. 290.
- II. Peccata numero multiplicantur ex multiplicatione numerica objectorum totalium. 291.
- III. Exemplis posita regula declaratur. ib.
- IV. Falsa est quorundam Auctorum opinio, putantium, non multiplicari numero objecta ex multiplicatione personarum unius, ejusdemque familiæ. ibid.
- V. Voluntas peccandi cum exteriori actu conjuncta unum numero peccatum efficit; distinctum vero, si ab eo opere separata sit. 292.
- VI. Externæ actiones, licet numero distinctæ, plura numero peccata non sunt, dum ad unum actum principalem ordinantur. ibid.
- VII. Peccata, quæ externa actione consummantur, numero multiplicantur ex multiplicatione actus completi, si ad illud ordinantur. ibid.
- VIII. Ex quacunque cessatione multiplicantur peccata, quæ consummantur in mente. 293.
- IX. Moralis interruptio satis est ad multi-

applicanda numero etiam illa peccata, quae consummuntur opere externo, ibid.

X. Quibus modis pravi alius moraliter interrumpantur, exponitur. 294.

CAPUT IX.

CONSECTARIA.

I. AUDIENDI non sunt, qui contraversionem de multiplicatione numerica peccatorum in ordine ad Confessionem baud necessariam putant. 295.

II. Absoluta, & falsa est Caramuelis, aliorumque sententia, quae ab unitate alius voluntatis unitatem peccati repetendam docet. ibid.

III. Plura sunt peccata, quoties plura sunt objecta totalia, circa quae tendit unus etiam, & idem voluntatis alius. 296.

IV. Unum numero peccatum committit, qui ad furandum ex. gr. plures actiones exercet moraliter non interruptas. ibid.

V. Si qua tamen in serie illarum actionum peculiarem deformitatem afferret, exquiranda foret in confessione. ibid.

VI. Tot peccata committit, quot Confessione audit Sacerdos, in peccato lethali suum ministerium exercens. ibid.

VII. Laxa Salmanticensium, aliorumque opinio quoad res alienas detinentem. 297.

VIII. Alia similiter laxa eorundem sententia, quoad interruptionem moralem attinet pravorum aliorum. ibid.

IX. Multo magis laxa existimanda est opinio illorum, qui docent, nonnisi per alium contrarium interrumpi moraliter alium peccaminosum. ibid.

X. Quomodo se gerere debeat Confessarius cum iis, qui diu in aliquo peccato perseverantes, prae alius ita multiplicent, ut eorum numerus iniri nequeat. 298.

Reflexio.

ibid.

CAPUT X.

De Peccato Mortali, & Veniali, & utriusque distinctione.

DOCTRINA.

I. ADMITTENDA omnino sunt peccata, quorum alia mortalia sunt, alia autem venialia. 300.

II. Quaestio de distinguendis peccatis mortalibus a venialibus ardua admodum visa est S. Augustino, omnibusque videri debet. ibid.

III. Regulae quaedam ad haec discernenda praesentuntur. Regula prima ex locutionibus Sacrae Scripturae, quibus utraque designantur. 301.

IV. Regula secunda. Consensus Ecclesiae Patrum, aut graviorum Theologorum. 302.

V. Regula tertia. Peccata, quae repugnant charitati Dei; vel proximi, aut illam graviter laedunt, mortalia sunt: quae leviter, venialia. ibid.

VI. Regula quarta. In iudicio de peccatorum gravitate, aut levitate non est attendenda hominum consuetudo, aut opinio. 303.

VII. Regula quinta. Ex parte agentis ad peccatum mortale requiritur profecta deliberatio. 304.

VIII. Regula sexta. Materia parvitas, ubi ea admitti potest, excusat a gravi culpa, etiam in peccatis ex genere suo mortalibus. 305.

IX. Ex regulis constitutis colligitur, quibus modis peccata ex genere suo mortalia fieri possunt quandoque venialia. ib.

X. Peccatum veniale dupliciter ad mortale disponit; directe scilicet, & indirecte. 306.

XI. Plura venialia peccata nunquam ex se efficiunt unum mortale. ibid.

XII. Pluribus tamen modis, quod est de se ven-

- veniale, fieri potest peccatum mortale; 1. ex errore conscientia; 2. ratione finis, in quem dirigitur. ibid.
 XIII. 3. Ratione affectus graviter inordinati. 307.
 XIV. 4. Ob grave damnum, quod inde proximo sequenturum praevidetur. ibid.
 XV. 4. Propter Legis, aut Legislatoris contemptum. ibid.
 XVI. 6. Ob probabile periculum incidendi in peccatum mortale. ibid.

CAPUT XI.

CONJECTARIA.

- I. **NOVATORUM** error negantium distinctionem peccati venialis, & mortalis repudiandus. 308.
 II. Repudianda pariter est de hac distinctione opinio, qua Gersoni tribuitur. ib.
 III. Inordinatio venialis peccati finem legis non evertit. ibid.
 IV. Triplex peccati venialis differentia. ib.
 V. Quorundam in determinandis libris, gravibusque peccatis unius praesidentia merito damnanda. 309.
 VI. Doctrina S. Augustini quoad differentiam peccati mortalis, & venialis attendenda. ibid.
 VII. Congruè admodum venialis peccata designantur ab Apostolo per ligum, socum, &c stipulam. 310.
 VIII. Quorundam Casuistarum opinio pro discernendis peccatis mortalibus, ac venialibus prorsus rejicienda est. ibid.
 IX. Multa peccata venialia ex se nunquam efficiunt unum mortale. ibid.
 X. Ad peccatum tamen mortale disponunt. ibid.
 XI. A peccato mortali ex usandus non est, qui velit peccata omnia venialia committere. 311.
 XII. In magno versantur aeterna damnationis periculo, qui nihil venialia curant, neque emendare non fatigant. ibid.

- XIII. Quinam propterea de sua aeterna salute metuit praeferim debeant. 312.
 XIV. Quibus signis aliquem tentationi peccandi consensum praebuisse, vel non praebuisse consicere possumus. ibid.
 Reflexio. 313.

DISSERTATIO QUARTA.

DE PECCATIS CAPITALIBUS.

CAPUT PRIMUM.

De Superbia, ejusque vitio.

DOCTRINA.

- I. **SUPERBIAE** notio, & malitiae gravitas. 316.
 II. Superbia quatuor species, sive modi exponuntur. 317.
 III. Graphica superbiae descriptio ex S. Gregorio Magno. ibid.
 IV. Quid sit ambitio prima superbiae proles. Ejus inordinatio proposita. 318.
 V. Regula prima pro dignoscenda gravitate peccati ambitionis. 319.
 VI. Regula secunda, & tertia. ibid.
 VII. Aliae regulae ad idem afferuntur. 320.
 VIII. De praesumptione prout est appetitus inordinatus ad aliquid supra vires aggreduendum. ibid.
 IX. De vana gloria. Quid ea sit, & in quo ejus inordinatio consistat. 321.
 X. Praeclara S. Thomae doctrina de vitio vanae gloriae. ibid.
 XI. Ex hac eruitur quibusnam in casibus sit mortale peccatum. 322.
 XII. De filiabus vanae gloriae, ac primum de inobedientia. 323.
 XIII. De jactantia. Ejus definitio: & quoties peccatum lethale sit. 324.
 XIV. De hybris. Hujus vitii deformitas ex doctrina S. Thomae expressa. 325.
 XV.

- XV. *Quanam ex allata doctrina consequuntur circa qualitatem hujus peccati.* 326.
- XVI. *De quarta inanis gloria filia, scilicet de contentione. Notio ejusdem praeposita.* ibid.
- XVII. *Regula circa gravitatem, & levitatem peccati contentionis ex doctrina S. Thomae deducta.* 327.
- XVIII. *De pettinacia. Quid ea sit, & quoties peccatum mortale.* 328.
- XIX. *De Discordia. Ejus definitio. Quandam peccatum mortale sit, quando veniale, ex doctrina S. Thomae explicatur.* 329.
- XX. *Plura ex illa inferuntur ad proximum necessaria.* ibid.
- XXI. *De postrema filia vana gloria, nempe praesumptione novitatum.* 330.
- XXII. *De virtute superbia opposita, scilicet humilitate. Quam necessaria haec sit ad salutem.* 331.
- XXIII. *Primum humilitatis officium erga Deum exponitur.* 332.
- XXIV. *Alicuius officium humilitatis erga proximum a S. Thoma mirifice declaratur.* ibid.

CAPUT II

CONJECTARIA.

- I. **SUPERBIA** praeter ceteris vitiis maxime cavenda. 334.
- II. *In superbia punitionem Deus saepe permittit homines ruere in peccata turpissima.* ibid.
- III. *Quanta ignorantia teneantur Christianorum plurimi, qui superbia peccatum vel nibili, vel parvi pendunt.* ibid.
- IV. *Magna diligentia viri justi cavere debent, ne in sensu suo, vel operibus superbia tumor irrepas.* 335.
- V. *In externis quidem humilitatis actibus servanda moderatio est, sed in interno*

sensu, & affectu, quisque se omnibus postponere debet. ibid.

- VI. *Sub specioso virtutis pallio ambitio saepe delitescit.* ibid.
- VII. *Audiendi non sunt aliqui Casuista, qui a peccato absolvunt eos, qui appetunt primarias dignitates, atque etiam ipsum Episcopatum.* 336.
- VIII. *Sed neque fas est appetere, aut alia beneficiis curam animarum habentia.* ib.
- IX. *Licet tamen aliquando querere beneficium simplex.* 337.
- X. *Ambitionis, & vanae gloriae culpa non vacant Concionatores, qui nobiliores Ecclesiarum suggestus studiose exquirunt.* ibid.
- XI. *Superiori officium aliquod imponenti, obedire minime debet subditus, aliquod in se impedimentum agnoscens.* 338.
- XII. *Lethalis ambitionis reus est, qui beneficium ecclesiasticum retinet absque titulo legitimo, aut dotibus necessariis.* ib.
- XIII. *Sicut etiam Episcopus, qui a minore Episcopatu ad majorem, celebrioremque transferri satagit.* ibid.
- XIV. *Peccant lethaliter, qui de peccatis gloriam aucupari studant.* 339.
- XV. *Haud raro contingit gloria vanae appetitum esse lethaliter periculosum.* ibid.
- XVI. *Fraudes, & insidiae vanae gloriae magno studio cavenda.* ibid.
- XVII. *Lethalis hypocrisis rei sunt, qui dum pietatem nibili curant, pios, ac virtuosos videri appetunt.* 340.
- XVIII. *Quamplures ex Christianis hypocritis merito accensendi sunt.* ibid.
- XIX. *Qui falsam, ac temerariam sententiam in re alicujus momenti perstinaciter defendit, peccat mortaliter.* ibid.
- XX. *Potest interdum aliquis citra peccatum ab alterius opinione dissentire.* 341.
- Reflexio. ibid.

CAPUT III.

De Avaritia, ac vitio, quæ ex ea procedunt.

DOCTRINA.

- I. **Q**UID sit, & in quo consistat avaritia secundum capitale peccatum. 345
- II. Avaritia duplici virtuti opponitur, iustitia nempe, & liberalitati. 346.
- III. Prout opponitur iustitiæ, ex genere suo peccatum lethale est. Non autem prout opponitur liberalitati, licet lethale sæpe fiat ex nimio divitiarum affectu. ib.
- IV. S. Thomæ doctrina de hoc immoderato divitiarum affectu pluribus confirmatur. ibid.
- V. Quid ex hac doctrina consequatur. 347.
- VI. Vitia, quæ ex avaritia procedunt, recensentur, & explicantur; ac primum de proditione. ibid.
- VII. Regula plures pro dignoscenda gravitate proditionis. 348.
- VIII. Nedium amico, sed etiam hosti data fides servanda est. ibid.
- IX. Quando nefas est areana commissa revelare. 349.
- X. Proditiōis crimen incurrit, qui alienas litteras aperit, aut resignat. ibid.
- XI. Emptionis regula generales. ibid.
- XII. De tribus aliis avaritiæ filiabus, fraude, fallacia, & perjurio definitio- nes. 350.
- XIII. De quinta avaritiæ sobole, nempe inquietudine, seu nimia sollicitudine rerum temporalium. ibid.
- XIV. Sexta avaritiæ proles, scilicet violentia exponitur, & quando lethale peccatum sit determinatur. 351.
- XV. Plures alii casus, in quibus non nisi cum gravi peccato fieri contingit. ibid.
- XVI. Alii casus violentiæ lethaliter culpabilis assignantur. 352.

Patuzzi Theol. Mor. T. II.

KXV

- XVII. Violentiæ lethalis rei sunt parentes, qui filios, aut filias vel ab infu- ro religioso suscipiendo retrahunt, vel ad illud suscipiendum cogunt. 354.
- XVIII. De postrema avaritiæ prole, scilicet de obduratione contra misericor- diam. 355.
- XIX. Quoties hæc lethale peccatum sit. ib.
- XX. De vitio avaritiæ simul, & libera- litati opposito, nimirum prodigalitate. Notio ejusdem, & quoties ad lethalis peccati gravitatem pertingit. 358.

CAPUT IV.

CONSECVATA.

- I. **V**IRTUTIS liberalitatis, quæ avaritiæ opponitur, legitima notio. 359.
- II. Quam periculosum sit vitium avaritiæ. 360.
- III. Merito ab Apostolo avaritiæ idolatriæ comparata est. ibid.
- IV. Peccatum mortale est ex genere suo, si sumatur ut opposita iustitiæ, non au- tem ut opposita liberalitati; sæpe ta- men etiam ita accepta grave peccatum est. ibid.
- V. Sufficit sola inordinata divitiarum af- fectio, ut peccatum lethale sæpius sit. ib.
- VI. Plures casus, in quibus avaritiæ le- thale peccatum est, ob prædominantem in avaro cupiditatem. 361.
- VII. Nedium qui rapit aliena, sed etiam qui nimium cupide servat sua, nonnum- quam reus est peccati mortalis. Pulchra S. Augustini sententia. ibid.
- VIII. Rei sunt gravis culpa, qui libero- rum gratia nullum divitiarum congregan- dis modum statuunt. Alia de hac re S. Augustini præclara sententia. 362.
- IX. Avaritiæ culpa non vacat, qui ex cupiditate bonorum temporalium forma- set lites suscipiunt. 363.

d

X₁

- X. Maxime a litibus forensibus suscipiendis alieni debent esse viri Ecclesiastici, & Religiosi. 364.
- XI. Exempla plurimum, qui crimine prodicionis peccant, aliena sibi commissa revulando. ibid.
- XII. Interdum tamen, arcana etiam jurata, non solum licite revelare possumus, sed etiam tentamus. 365.
- XIII. Quomodo se gerere oporteat subditus, Prælato secreti revelationem præcipiente. ibid.
- XIV. Dum sigilli observantia illicita redditur, revelare secretum debemus, quamvis sub sigillo confessionis (extra tamen confessionem) creditum fuerit. 366.
- XV. Execrabile est tempore egestatis frumenta abscondere, ut charius vendantur. ibid.
- XVI. Obdurationis contra misericordiam rei sunt, qui egenis tempore famis non subveniunt. ibid.
- XVII. Avaritia spiritalis peccati rei sunt, qui in proximorum indigentiam sublevandam talenta sibi a Deo credita non impendunt. ibid.
- Reflexio. 367.

CAPUT V.

De Luxuria, ac vitiis ex ea progenitis.

DOCTRINA.

- I. QUID sit luxuria. 370.
- II. Q Venera voluptas in solo legitimo matrimonio licita est. ibid.
- III. Luxuria est peccatum de se mortale. 371.
- IV. Contingere tamen potest, ut veniale sit. Quandonam id contingat. ibid.
- V. Inducuntur luxurie species. 372.
- VI. Vitium capitale luxuria est, ex quo alia vicia gignuntur. ibid.
- VII. Luxuria filia expomuntur. 373.

- VIII. De exterioribus luxurie assibus, ac primum de locutione, prout ad luxuriam refertur. 374.
- IX. De aspectibus lascivis. Expositio sententiæ Christi Domini: Qui viderit mulierem &c. 375.
- X. Aspectus mulieris solius curiositatis gratia non nisi veniale peccatum est. 376.
- XI. Oscula, amplexus &c. si considerentur secundum genus, aut speciem suam, peccata non sunt. ibid.
- XII. Sunt vero peccata mortalia, si libidinosa sint. ibid.
- XIII. Quenam oscula, sive amplexus, aut tactus, libidinosa dicenda sunt. 377.
- XIV. Ad eam peccati speciem reducuntur, ad quam pertinet actus consummatus. ibid.
- XV. Ejusmodi oscula, & amplexus aliquando etiam in uxoris peccata mortalia sunt. ibid.

CAPUT VI.

Regula quædam traduntur ad peccati luxurie qualitatem dignoscendam idoneæ.

DOCTRINA.

- I. VOLUPTAS venera extra matrimonium quesita, aut captata lethale peccatum est. 378.
- II. Lethale quoque peccatum est etiam solus ejusdem voluptatis deliberatus appetitus. 379.
- III. Materia parvitas admittenda non est in luxuria deliberate quesita, aut voluta. ibid.
- IV. Principia S. Thomæ, quibus nititur proposita regula. 380.
- V. Lethale de se est peccatum tactus mammillarum mulieris absque iusta causa peractus. 381.
- VI. Amplexus, & oscula honesta juxta patriam morem, aut amicitie causa mala.

- la ex se dicenda non sunt. 382.
 VII. Idem tactus honesti facti ex mera vanitate, vel joco non sunt de se nisi culpe veniales. ibid.
 VIII. Inhonesti vero, aut impudici etiam ex joco, aut vanitate peracti lethalis culpe labe inquinantur. 383.
 IX. Libiti sunt gradatissimi tactus ex rationabilis causa, quoniam et illos pati nonnullam mulieres ipse tenentur. ibid.
 X. Distinguedae sunt delectationes, quas oculis, et tactibus percipiuntur, aut percipi queant. 384.
 XI. Peccati lethalis rea efficitur mulier, quae dum potest, non impedit tactus libidinosos in se ab aliis exercitos. 385.
 XII. Appellatur impudicus ex se peccatum lethale est. ibid.
 XIII. Turpiloliquium saepe mortale est peccatum. 386.
 XIV. Periculosa admodum sunt superfluae, ac frequentes confabulationes virorum, et mulierum. 387.
 XV. Peccant mortaliter loquentes, et scribentes de rebus turpibus, et obscenis. 388.
 XVI. Conversationes promiscuae, prout in consuetudine sunt, damnandae, ac fugiendae. ibid.
 XVII. Chores inter mares, et feminas, spectatis circumstantiis, pravae sunt, et periculorum plena. 389.
 XVIII. Quid de his sentiant tum veteres, tum recentes Ecclesiae Patres, piique scriptores. ibid.
 XIX. Conclusio ex iis omnibus deducta. 392.

CAPUT VII.

CONJECTURALIA PRÆCEDENTIS
DOCTRINÆ.

- I. DAMNATA ab Alexandro VII. propositio de oculis &c. compre-

- hendit alios tactus ob eundem finem carnalis delectationis habitos. 393.
 II. Si desit causa honesta, nunquam licet ponere actiones ad venerem provocantes. ibid.
 III. Laxa Thomæ Huradi propositio reprobanda. ibid.
 IV. Lethale peccatum ex se non est actionem ponere, tametsi venerea delectatio sequutura prævideatur, sublato consensus periculo. ibid.
 V. Nunquam sine culpa gravi alio poni potest ob finem captandæ venereæ delectationis. 394.
 VI. Periculo impendente consensus in rem turpem, etiam alio honesta deferenda P. Gobati propositio rejecta. ibid.
 VII. Alia ejusdem doctrina detestanda. ibid.
 VIII. Culpa lethali non caret oscula libidiosa habita inter Sponsos, et Sponsas. 395.
 IX. Conjux in absentis alterius veneream delectationem de tactibus alias honestis captare nequit. ibid.
 X. Delectatio sensibilis vix a sensuali se jungi valet in tactibus habitis inter personas sextus diversi. ibid.
 XI. Tactus impudici etiam facti supra vestes in partibus verendis gravi culpa non vacant. 396.
 XII. Nimia Desinorum tactuum mammillarum temeritas damnanda. ibid.
 XIII. Peccatum mortale est ponere actionem proxime, et per se influentem in veneream delectationem. 397.
 XIV. Peccant lethaliter, qui turpia loquuntur apud ad libidinem provocandam. ibid.
 XV. Excusari tamen quidam possunt a gravi culpa. ibid.
 XVI. Scribere de rebus obscenis saepe mortale peccatum est. ibid.
 XVII. Locutio, auditus &c. rerum turpium ad eas peccati species referuntur, circa quas versantur, adeoque id in

Confessione exprimendum est . 393.

XVIII. *Sermones haberi de pulchritudine
bujus , aut illius mulieris plerumque ad
luxuriam pertinent , & ex ea malitiam
sumunt .* ibid.

XX. *Quinam mulierum aspectus peccato
vacare dicendi sint .* ibid.

XX. *Us plurimum lethali ter peccant , qui
imagines obscenas retinent apud se , aut
in eis studiose oculos defigunt .* ibid.

XXI. *Officio suo recte non funguntur Con-
fessarii , admissentes ad Sacramenta mu-
lieres hodiernas conversationes sectantes .*
399.

XXII. *Casus aliquando contingere potest ,
in quo choreis interesse liceat .* ibid.

XXIII. *Numquam tamen excusatur a gra-
vi culpa Ecclesiasticus , aut Religiosus ,
si intersit eisdem .* ibid.

Reflexio . 400.

CAPUT VIII.

De Gula .

DOCTRINA .

I. **G**ULÆ definitio explicatur . 404.

II. *Peccatum est : quandoque solum
veniale ; quandoque mortale ; etiam pro-
ut ab ebrietate sejuncta consideratur .*
405.

III. *Sensus quorundam Scripturæ textu-
um de gula exponitur .* 406.

IV. *Quinque gulæ species , aut modi ex-
plicati .* ibid.

V. *Quædam in has gulæ species animad-
versiones .* ibid.

VI. *Ex S. Antonino latius ejusmodi gulæ
species declarantur .* 407.

VII. *Vitium capitale gula est , ex qua
alia vitia oriuntur .* 408.

VIII. *De prima filia gulæ , scilicet inepta
lætitia .* 409.

IX. *De securitate ; altera gulæ filia .* ib.

X. *De tertia filia gulæ ; nempe immo-
dita . Quid hic veniat hoc nomine .* 410.

XI. *De mutiloquio ; quarta filia gulæ .* ib.

XII. *De postrema filia gulæ ; nimirum
hebetudine mentis .* 411.

XIII. *De ebrietate specialiter agitur . Quid
ea proprie sit , & quando peccatum ex
S. Thoma .* ibid.

XIV. *Nedum utrumque peccatum ebrietas
est , sed etiam ex se lethale .* 412.

XV. *Scripturarum , ac Patrum testimo-
nia in confirmationem adducta .* ibid.

XVI. *Quandenam excusetur , aut minua-
tur peccatum ebrietatis .* 413.

XVII. *Quid de illa questione , num ali-
quando licita sit ebrietas ad valetudi-
nem obtinendam . S. Thomæ doctrina
proposita .* ibid.

CAPUT IX.

Doctrina præcedentis .

CONSECTARIA .

I. **M**ENSURA cibi , & potus regulan-
da juxta cujusque necessitatem ,
& conditionem . 415.

II. *Magna cautio adhibenda in usu cibo-
rum , & potuum , ut peccata vitemus .*
ibid.

III. *Dum finem in delectatione homo consti-
tuit , appetitus edendi , ac bibendi sem-
per pravus est .* ibid.

IV. *Lethale peccatum est se cibo , & potu
ingurgitare usque ad vomitum .* 416.

V. *Nullum tamen , vel leve peccatum est ,
si vomitus alio ex capite contingat .* ib.

VI. *Convivia quandoque facere licet ex ho-
nesta causa .* ibid.

VII. *Sed neque vetitum est sumere aliquan-
do cibos delicatiores .* ibid.

VIII. *Studio singulari vitanda crapula est
ab iis , quibus cura incumbit animos vel
regendi , vel docendi .* 417.

IX. *Scurrilitas verbis, aut sententiis Sriptura habita grave plerumque peccatum est.* ibid.

X. *Vini usus de se quidem licitus est, sed per accidens fieri potest illicitus.* ibid.

XI. *Sobrietas in usu vini quibusdam praefertim valde necessaria.* ibid.

XII. *Violentia, & ebrietas Clericorum gravior peccatum est, graviorique poena plectendum.* 418.

XIII. *Grave peccatum est certare de majori vini copia bibenda.* 419.

XIV. *A peccato excusandus, qui alium non cogit, sed amice tantum ad bibendum invitavit.* ibid.

XV. *Peccant Tabernarii vinum ministrantes iis, quos praevident inebriandos.* 420.

XVI. *Definitio ebrietatis a Busembaum tradita nullatenus approbanda.* ibid.

XVII. *Rejicienda alia ejusdem opinio; haud peccare, qui ad ebrietatem cogitur intento esse.* ibid.

XVIII. *Rejicienda etiam alia ejusdem, & aliorum sententia, posse aliquem inebriare alium ob grave motivum.* ibid.

XIX. *Haud licet sumere potus quantitatem inebriantem, etiam si pharmaco impediri ebrietas possit.* 421.

XX. *Signa perfecta, & lethalis ebrietas a quibusdam Casuistis tradita probanda non sunt.* ibid.

XXI. *Alia de hac re laxior P. Lacroixii explodenda sententia.* 422.

XXII. *Regula certa excessus in bibendo mortalis praefiniri nequit.* ibid.

XXIII. *Quaedam doctrina cavenda circa peccata, quae ex ebrietate sequuntur.* 423.

XXIV. *Admodum cauti Confessarii sint oportet in absolvendis vino dedisis.* ibid.

R. f. xio. ibid.

CAPUT X.

De quinto vitio capitali, scilicet Ira.

DOCTRINA.

I. **Q**UID ira sit, & in quo ejus inordinatio consistat. 427.

II. *Egregia S. Gregorii Magni ita expositio, prout appetitus vindictae est, sive ex parte objecti considerata.* 428.

III. *Licet ira ordinata sit ex parte objecti, potest esse inordinata ex parte modi irascendi.* ibid.

IV. *Ira peccatum est ex parte quidem objecti de se lethale; ex parte autem irascendi modi veniale.* ibid.

V. *Explicantur tres irae gradus a Christo in Evangelio commemorati.* 429.

VI. *Expositio horum graduum facta a S. Thoma praepositur.* ibid.

VII. *De ira, prout capitale vitium; quoniam ira filia sit.* 430.

VIII. *De tumore mentis ex ira prognato, quid ille sit.* ibid.

IX. *De indignatione altera filia irae; quoniam peccatum sit. S. Gregorii Magni sententia.* ibid.

X. *De clamore, prout ab ira proficiscitur.* 431.

XI. *De quarta filia irae scilicet contumelia.* ibid.

XII. *De postrema filia irae, nempe rixa.* ib.

CAPUT XI.

CONJECTURA.

I. **I**RA, prout passio, quae ad rationem antecedenter se habet, semper mala est. 432.

II. *Ira, quae consequenter se habet ad rationem, & dicitur ira per zelum haud rectitudinem rationem aufert; adeoque laudabilis esse potest.* ibid.

III. *Illicitum semper est appetere vindictam propter malum ejus, qui puniendus est.*
433.

IV. *Motus inordinatus ira, cum aliquammodo semper sit in potestate nostra, aliquam peccati labem semper offert.* ibid.

V. *Motus irae repentinus, vel deliberatus quidem, sed cum appetitu vindictae levis, nonnisi veniale peccatum est.* S. Thomae doctrina notanda. ibid.

VI. *Ira inveterata odium est, atque adeo gravissimum peccatum.* ibid.

VII. *Quo pacto intelligendum, quod ira vehemens ex parte solius modi irascendi quandoque lethale peccatum sit.* 434.

VIII. *Gravius peccant, qui tardiores sunt ad deponendam iram.* ibid.

IX. *Vindicta, aut vindictae voluntas pro privatis injuriis vitiosa semper est, ac peccatum.* ibid.

X. *Licita nihilominus est, ac etiam laudabilis ob correptionem peccantis, aut ob aliorum utilitatem.* Pulchra S. Augustini sententia. 435.

XI. *Etiamsi ira per zelum aliquando peccatum est, si nempe sit immoderata.* 436.

XII. *Ira gravius peccatum est in Episcopis, & Ecclesiasticis.* ibid.

XIII. *Convicium interdum vel nullum, vel leve tantum peccatum est.* 437.

XIV. *Contumelias contumeliis repellere nunquam licet.* ibid.

XV. *Laxa, & omnino rejicienda sententia est P. Busembaum, a gravi culpa excusantis mulieres, pueros, & infima sortis viros conviciis sese occerantes.* ib.

XVI. *Alia quoque ejusdem, aliorumque Theologorum circa contumelias improbanda doctrina.* 438.

Reflexio. ibid.

CAPUT XII.

De Invidia sento vitio Capitali.

DOCTRINA.

I. **I**NVIDIAE definitio, & natura ex D. Thoma explicata. 441.

II. *Ad quos proprie invidia habeatur.* ib.

III. *Invidia ex natura sua peccatum est. Quibus modis tristitia de bono alterius nullum peccatum sit; imo etiam laudabilis.* ibid.

IV. *Invidia proprie dicta peccatum est ex genere suo mortale.* 442.

V. *Imo unum ex gravioribus, quae proximi charitati adversantur.* Illustris de hoc S. Joannis Chrysostomi sententia. ib.

VI. *Aliud de invidiae malignitate S. Gregorii Magni testimonium.* 443.

VII. *Invidia unum ex vitiis capitalibus merito asseritur. Ejus filiae plures. De quibusdam remissive.* ibid.

VIII. *De salutatione prima inter Invidiam filias. Quid illa sit, ejusque gravis malitia juxta S. Thomam.* 444.

IX. *Quid ex ratione a S. Thoma adducta consequatur.* ibid.

X. *Gravius peccatum est ipsa detractio.* 445.

XI. *De altera invidia filia, scilicet exultatione in proximi adversis, & afflictione in prosperis.* Pulchra S. Gregorii Magni de hac re auctoritas. ibid.

XII. *Quid in doles Christiana Charitatis a nobis exposcat in rebus proximi, sive prosperis, sive adversis. Alia ejusdem S. Doctoris non minus pulchra sententia.* ibid.

CAPUT XIII.

CONSECTARIA.

I. **B**ONUM alterius non est invidiae obiectum, nisi quatenus apprehendatur

- tur diminuire propriam gloriam . 447.
- II. Invidia magis , & directius opponitur misericordiae , & caritati , quam necemeli , sive tristitia de bono insigni agendum . ibid.
- III. Confundi non debet invidia cum altis voluntatis motibus , qui illi similes videntur . ibid.
- IV. Plures indicantur , qui rei peccati invidia dicendi sunt . ibid.
- V. Reprobanda omnino est doctrina P. Thomae Tamburini , quae licitum facit tristari de proximi bono , prout sibi malum est . 448.
- VI. Ex ea doctrina liquido sequitur , Tamburinus omne reapse de medio tollere invidiam peccatum . 449.
- VII. Susurratio computari debet inter graviora peccata , & quae maxime sunt contra Deum . ibid.
- VIII. Susurrationis peccati reus non est , qui aliquando malum proximi renuntiat alteri ob bonum finem . ibid.
- IX. Veniale susurratio peccatum est , si leve sit , quod amice de altero renuntiatur , aut quo graviter amicitia non laeditur . ibid.
- X. Susurrationis peccatum ob circumstantias alterum altero saepe gravius est . 450.
- XI. Qui occultis oblationibus amicos inter se disjunctis , absolvendus non est , nisi invicem illos reconciliare conetur . ib.
- XII. Hinc exire maxime oportet a renunciandis iis , quae inimicitias ferre , aut dissidia fovere possunt . ibid.
- Reflexio . ibid.
- II. Peccatum esse , & quomodo sit , ostenditur . 455.
- III. Non est generale , sed speciale quoddam peccatum . ibid.
- IV. Peccatum est ex genere suo mortale . ib.
- V. Acedia praeccepto illi caritatis adversatur , quo in Deo delectari debemus . ib.
- VI. Apposita D. Thomae observatio , quae patet , quandocumque acedia peccatum lethale sit , & quando veniale . 456.
- VII. De acedia , prout vitium capitale est . Acedie filia . ibid.
- VIII. Quid nomine malitiae , quae prima acedia prima est , intelligatur . ibid.
- IX. De rancore altera acedia prole . Quid hoc nomine veniat . 457.
- X. De pusillanimitate . Quid sit , & quanam eius pravitas . ibid.
- XI. De desperatione quarta acedie filis remissive . ibid.
- XII. Quid sit torpor , & quam periculosus . ibid.
- XIII. De mentis evagatione postrema acedie filia . Quid ea sit , & quid ex ea consequatur . 458.

CAPUT XV.

CONJECTARIA.

CAPUT XIV.

De postremo peccato capitali , nempe Acedia .

DOCTRINA.

- I. DEFINITIO acedie proposita , & explicata ex S. Thoma . 454.
- I. Acedia nunquam ex vera humilitate provenire potest . 459.
- II. Acedia unum ex illis vitiis est , quae non declinando , sed strenue resistendo superantur . Egrégia animadversio S. Thomae . ibid.
- III. Quo sensu congrue dicatur , acediam opposi praeccepto sanctificationis sabbati , prout mortale est . ibid.
- IV. Acedia diversimode est in Religiosis perfectis , & imperfectis . ibid.
- V. Peccatis mortalis reus est , qui delibere fastidit spiritualia , & divina bona , quibus inhaerere tenetur . ibid.
- VI. Fastidium de bono spirituali propter la-

- laborem, aut molestiam, proprie accepta
acedia non est. 460.
- VII. Lethale peccatum est negligere pro-
priam salutem, mediaque ad illam con-
sequendam necessaria. ibid.
- VIII. Peccati ejusdem rei sunt, quicun-
que proficere negligunt in Christiana,
suique status propria perfectione. ibid.
- IX. Quinam acedia pressi dilecti rei sint,
qui resistuntur de bonis vel celestibus,
vel spiritualibus. 461.
- X. Peccat mortaliter Religiosus, quem
tacet vel de statu, quem amplexus est,
vel de votis emissis. ibid.
- XI. Acedia saltem late sumpta rei sunt,
qui diutius conversionem a via mala dis-
serunt. ibid.
- XII. Acedia culpam facile incurrunt Ec-
clesiastici, Religiosi, & Sanctimoniales,
divinam laudem languide admodum per-
solventes. 462.
- XIII. Quinam rancoris crimine se obstrin-
gant. ibid.
- XIV. Quinam in pusillanimitatis peccatum
etiam lethale incidunt. ibid.
- XV. Immoderatus somnus lethale quando-
que peccatum est. 463.
- XVI. Otiurn incere, ac desidiosum viriosum
est, ac saepe peccati mortalis occasio. ib.
- XVII. Quinam rei peccati evagationis
mentis merito dicendi sint. 464.
- Reflexia. ibid.

APPENDIX.

De quibusdam peccatorum generibus.

CAPUT PRIMUM.

De peccatis in Spiritum Sanctum.

DOCTRINA.

- I. **G**RAVITAS peccati in Spiritum
Sanctum. 468.

II. Notio ejusdem juxta Ecclesie Patres,
& D. Thomam, ex quo ejus definitio
colligitur. ibid.

III. Divisio peccatorum in Spiritum San-
ctum a S. Thoma illustrata. 469.

IV. De primo peccato in Spiritum San-
ctum; scilicet presumptione de divina
misericordia. 470.

V. De altero peccato in Spiritum San-
ctum; nimirum desperatione. ibid.

VI. De tertio peccato in Spiritum San-
ctum; nempe impugnatione agnitæ ve-
ritatis. ibid.

VII. De fraternæ gratiæ invidentia, quar-
to in Spiritum Sanctum peccato. 471.

VIII. De impenitentia, quinto peccato in
Spiritum Sanctum. Quid proprie hic eo
nomine veniat. ibid.

IX. De postremo peccato in Spiritum San-
ctum; videlicet oblatione. 472.

CAPUT II.

De peccatis omissionis.

DOCTRINA.

I. **Q**UID sit peccatum omissionis. ibid.

II. Quandoquid peccatum omissionis
imputetur. Prout externum est,
illud incurritur, dum tempus est ponen-
di actum. 473.

III. Sancti Thomæ doctrina sacris Canonibus
confirmata. ibid.

IV. Internum omissionis peccatum incurri-
tur, statim ac quis de omittendo deli-
berat, aut voluntarie ponit omissionis
causam. 474.

V. Censura tamen, siquæ adnexa sit, non
incurritur, nisi omissione secuta. ibid.

VI. De peccatis omissionis, quæ in genere
pertinent ad statum cujusque. ibid.

VII. Quid sit hominum status, officium,
& gradus. 475.

VIII. Necessaria est statum, & officiorum
va-

- varietas in mystico Ecclesiae corpore .
Pulchra S. Thomae doctrina . ibid.
 IX. Eadem est necessitas in corpore politico . 476.
 X. Ex hac statuum, & officiorum diversitate plures, ac diversae obligationes in hominibus consequuntur . Unde vocatio Dei ad quemcumque statum requiritur . ibid.
 XI. Non eadem tamen oportet vocatio sit respectu statuum omnium officiorum . ibid.
 XII. Specialior vocatio necessaria est ad statum, & officium Episcopi, & Parochi, quam ad statum Religiosum . ibid.
 XIII. Quid agere quisque debeat, ut divinam ad aliquem statum vocationem agnoscat . 477.
 XIV. Specialis adhibenda pro suscipiendis quibusdam officiis cura . ibid.

CAPUT III.

De generalibus, & specialibus quorundam statuum, & officiorum obligationibus.

DOCTRINA, ET CONSECTARIA
EJUSDEM.

- I. **G**ENERALIS omnium hominum obligatio est, orium fugere, & ad ali- quid agendum sive mente, sive corpore animum applicare . 478.
 II. Pluribus ejusmodi obligatio confirmatur . 479.
 III. Primum, quod ex hac obligatione Confessarium fluit . ibid.
 IV. Alterum Confessarium . Periculum salutis, in quo permulti praesertim Nobiles, ac divites idcirco versantur . 480.
 V. Confessarium tertium . In majori salutis periculo sunt Ecclesiastici desideriosam vitam agentes . ibid.
 VI. Quartum Confessarium . Culpabiles coram Deo sunt, qui, cum facile possint, in proximi bonum talenta sua pro status sui conditione non impendant . ibid.
 VII. De peculiaribus quorundam obligationibus; ac primum eorum, qui in laboribus corporalibus ex statu, & officio occupantur . 481.

VIII. Quinam peccent contra hujusmodi obligationes . ibid.

IX. De obligationibus Magistrorum, sive Doctorum . 482.

X. Peccant, qui docere audent scientias, aut liberales artes, quas non valent . 483.

XI. Aristoteli obligatione tenentur Theologus Magistri, ut sanam doctrinam tradant, tum quae dogmata, tum quae mores spectat . ibid.

XII. Confessarium de non docendo Probabilismo . ibid.

XIII. De obligationibus Auditorum, sive studentium . S. Thomas de hac re textus a quibusdam Probabilistis corruptus . 484.

XIV. Qui artibus liberalibus addiscendis operam navant, inutilia, & noxia studia devitare debent . ibid.

XV. Quoties peccent, qui hisce studiis operam dant . Confessaria . 485.

CAPUT IV.

De obligationibus Medicorum, aliorumque, qui sanandorum corporum curam gerunt.

DOCTRINA, ET CONSECTARIA.

- I. **P**RÆCIPUÆ dotes, quibus Medicus polleere debet . 486.
 II. Insignis locus V. C. Ludovici Vives de obligationibus, & peccatis Medicorum . ib.
 III. In Medico requiruntur ingenium, institutio longa, probitas morum, sedulitas, usus . 487.
 IV. Quam periculose officium exerceat Medicus, si scientia sufficienti destitutus sit . ib.
 V. Peccant inexperti, qui medendi ministerium assumunt . ibid.
 VI. Peccant etiam, si ex livore, aut pertinacia in alienam sententiam concedere abnuunt . 488.
 VII. Rei quoque peccati sunt, qui lucri aviditate morbos sanare protrahunt . ib.
 VIII. Medicorum negligentia in inviscendis aegris, in perpendendis morborum qualitate, ac remediis viribus, in peccato est; & quidem saepe mortali . ibid.
 IX. Hippocratis iurjurandum, quod Medi-

- ei omnes Christiani observare debent. ib.
 X. *Alia quædam a Medicis, & Chirurgis sedulo animadvertendi.* 489.
 XI. *Pauperibus ægrotis vita periclitantibus gratis succurrere tenentur.* ibid.
 XII. *Regulæ pro Medicorum instructione a Summo Pontifice Benedicto XIV. collectæ.* ibid.
 XIII. *Alia ex eodem pro instructione Ecclesiasticorum, qui artem Medicam, aut Chirurgicam exercent.* 490.
 XIV. *Quædam de obligationibus Pharmacopœiæ.* 491.

CAPUT V.

De Judicum obligationibus, & eorum peccatis in ipsarum omissione.

DOCTRINA, ET CONSECTARIA.

- I. **Q**UATUOR dotes requiruntur in *Judice*: quarum prima auctoritas judicandi, declaratur ex S. Thoma. ibid.
 II. *Quatuor modi, quibus aliquis iudicio alicuius subiectus sit.* 492.
 III. *Multiplaciter ex hoc capite peccare Juxta potest.* 493.
 IV. *Requiritur secundo in Judice, sufficiens scientia eorum, quæ suum spectant officium.* ibid.
 V. *Quorum scientiam callere Juxta debet.* ibid.
 VI. *Dum certo veritatem cognoscere nequit, in causis civilibus probabiliorē partem sequi tenetur: in criminalibus favere potius reo, quam alicui.* 494.
 II. *Quanam a Judice in examine causæ observanda sint.* ibid.
 VIII. *De tertia Judicis dote, & obligatione; reddendi nimirum unicuique, quod suum est, conitanti voluntate.* ib.
 IX. *Colligitur, quando Juxta desit ex hoc capite obligationi suæ.* ibid.
 X. *Quandonam Juxta possit, aut non possit relaxare penam delicto debitam. S. Thomæ doctrina.* 495.
 XI. *Juxta posteam doctrinam quædam argumenta diluit idem S. Doctor.* ibid.
 XII. *De quarta dote in Judice requisita, quod videlicet venialitatem fugiat in suo officio, & obligatione inde consecuta.* 496.
 XIII. *S. Thomæ doctrina proposita. Quid ex ea sequitur.* ibid.
 XIV. *Colligitur, quando peccent Judices ex hoc capite.* ibid.
 XV. *Laxæ plures adversus obligationes Judicis constitutas Casuistarum opiniones referuntur, ac reprobantur; ac primum Buzembaum.* 497.
 XVI. *Alia ejusdem opinio in propositione damnata contenta.* 498.
 XVII. *Laxæ opinio P. Valentis, posse Juxta in causis æqualis probabilitatis in favorem amici sui judicium ferre, asserentis.* ibid.
 XVIII. *Laxior de re eadem, ac expressè damnata opinio PP. Dicastilli, Salas, Fagundes &c.* ibid.
 XIX. *Quid de eadem questione sentiat P. Thomas Sanchez Probabilistarum Princeps.* 499.
 XX. *Corruptior alia P. Tamburini sententia, putantis licitum esse Juxta vendente sententiam probabilem propter extrinsecam Doctorum, quos rejerit, auctoritatem.* ibid.
 XXI. *Hanc opinionem communem esse S. J. Doctoribus censet Escobarus.* 500.
 XXII. *Testimonium Apologitæ Casuistarum, laxam eandem opinionem communem pariter esse asserentis.* ibid.
 XXIII. *Juxta eundem aliam quoque monstruosam opinionem Casuista docent; non teneri scilicet Judices ad ea restituenda, quæ pro danda iniusta sententia recepit. Verbis P. Lessi, qui alios laudat.* ibid.
 XXIV. *Quædam de obligatione Judicis in causis criminalibus. S. Thomæ doctrina exposita.* 501.
 XXV. *Conseclaria, quæ ex doctrina constituta deducuntur.* 502.

CAPUT VI.

De Accusatoris obligationibus.

DOCTRINA, ET CONSECTARIA.

- I. **O**BLIGATUR homo alium accusare, quoties agitur de crimine vergente in Republicam, aut Communitatis detrimentum. S. Thoma doctrina. 503.
- II. Quid ex hac doctrina colligatur. 504.
- III. Quadam ex responsionibus adhibitis a S. Thoma ad argumenta merito observata, quibus aliqua difficultates expediuntur. ibid.
- IV. Scripto fieri accusatio debet, non divino quidem jure, sed humano; idque saltem Notarii manu. 505.
- V. Tribus modis peccatur in accusando, sicut etiam in denunciando. Columnia scilicet, praevaricatione, & tergiversatione. Hoc exponitur ex D. Thoma doctrina. ibid.
- VI. Ex responsis ad argumenta hac doctrina amplius illustratur. 506.
- VII. Ordinate, & absque ullo vitio tergiversatio in accusatione fieri potest ex duplici capite. ibid.
- VIII. Accusator injustus in probatione deficiens ad poenam talionis tenetur ex jure humano antiquo. ibid.
- IX. Quod tamen in defectu abesse videtur. ibid.

CAPUT VII.

De Reo, ejusque obligationibus.

DOCTRINA, ET CONSECTARIA.

- I. **T**ENETUR sub mortali peccato reus a legitimo Judice interrogatus, ingenue fateri crimen a se commissum. 507.
- II. Quid in doctrina tradita a S. Thoma intenderis, & ex ea consequatur. 508.
- III. Ex responsis S. Thoma ad argumenta sibi obiecta magis doctrina ipsius illustratur. ibid.
- IV. Amplior ejusdem doctrina confirmatio.
- V. Consuetudinem ex hac doctrina deductam.
- VI. Si Judex non secundum ordinem juris

interroget, potest reus aliquo licito modo judicium ejus subterfugere: nunquam tamen ipsi falsitatem dicere licet. 509.

- VII. Doctrina isthac magis exponitur. ib.
- VIII. Quibus modis Judex non secundum ordinem juris interrogat. ibid.
- IX. An, & quando reo liceat appellatio ad alium Judicem? 510.
- X. Atnotatio circa appellationes. 511.
- XI. Juste ad mortem, aliudve supplicium damnato haud licet sese defendere contra Judicem, ac justitiae ministros. ibid.
- XII. Casuistarum objectiones a S. Thoma encervatae. ibid.
- XIII. Consuetudines ex doctrina ejusdem S. Thoma derivatae. 512.
- XIV. An liceat reo carcerem ad evadendum effringere? ibid.
- XV. Laxa, & absurda de rei obligationibus Casuistarum contra sententiam opinioniones reseruntur, ac primum P. Thoma Sanchez. 513.
- XVI. Busembaum admittit communionem, & veritatem esse sententiam S. Thoma. Et tamen modernos sequutus oppositam probabilem judicat, & in praxi tutam. ib.
- XVII. Thoma Tamburini, qui supra viginti Casuistas allegat, textus plures afferuntur cum quibusdam in eisdem animadversionibus. ibid.
- XVIII. Locitates aliae Tamburini, aliorumque Junioribus de rei obligationibus. 514.
- XIX. Carolus Antonius Cuscedi eandem de reo a Judice interrogato laxam opinionem tradit. 515.
- XX. Laxa alia Casuistarum opinamenta quoad illa, quae reus licita faciunt, ut se vel a morte, vel ab aliquo gravi damno liberent. 516.

CAPUT VIII.

De Testium, & Advocatorum Obligationibus.

DOCTRINA, ET CONSECTARIA.

- I. **T**ENETUR homo aliquando, qd. testimonium ferendum. Elegans doctrina.

Strina S. Thomæ, qua obligationem hanc declarat. 517.

II. Quo pacto Index se gerere debeat in inquirendo Reo alicujus delicti publici. 518.

III. De inquisitione generali, & speciali Rei a Jure præmittenda. 519.

IV. Ad habendam sufficientem notitiam Rei, ac delicti sufficit duorum, vel trium testimonium. ibid.

V. Objectio quedam diluitur. ibid.

VI. Quid requiratur, ut duo, aut tres ad testificandum sufficiant adversus aliquem. 520.

VII. Quandoque sufficit vel unus testis. ibid.

VIII. Quenam persona jure vel naturali, vel positivo humano ad testimonium ferendum non admittantur. 521.

IX. Quenam Consectoria derivantur. ibid.

X. Quinam Advocati, & Procuratoris nomine veniant; & quæ in ipsis dotes necessariae sint. 522.

XI. De peritis Legum in Advocato, & Procuratore requisita. ibid.

XII. De fidelitate, quam servare Clientibus debent. ibid.

XIII. De justitia causæ, quam cognoscere tenetur, antequam eam tuendam suscipiant. ibid.

XIV. Illustratur hæc obligatio ex S. Thomæ doctrina. 523.

XV. Quid agendum sit Advocato, cum dubia est justitia causæ, aut solum probabilis. ibid.

XVI. De postrema Advocati dote; scilicet moderatione in exigendo pretio pro suo labore, sive patrocinio. 524.

XVII. Advocatus tenetur pauperi gratis patrocinium impendere. Quando ad hoc charitatis officium teneatur. 525.

XVIII. Colligitur, quoties in officio suo Advocati delinquant. ibid.

XIX. Ex Benedictio XIV. indicatur, quanam personarum officium Advocati exercere possint. 526.

XX. De obligationibus Notarii, ejusque peculiaribus peccatis. ibid.

CAPUT IX.

De occasione peccati.

DOCTRINA, ET CONJECTARIA.

I. ANIMADVERSIO S. Caroli Borromei circa proximas peccandi occasiones. 529.

II. Divisio traditur occasionis peccati. ibid.

III. Propositiones ab Ecclesia in hac materia anathemate confixæ. 530.

IV. Notiones occasionis proximæ a modernis Casuistis traditæ. ibid.

V. Confutatur ea, quæ inter ipsos frequentior est. 531.

VI. Vera ac legitima proximæ occasionis notio proposita. 532.

VII. Quid ex hac definitione sequatur. ibid.

VIII. Alia Conjectaria ex eadem notione derivata. 533.

IX. Quid agendum, dum remedia adhibita, ut occasio proxima remota fiat, haud sufficiunt. 534.

X. Falsa opinio plurium Probabilistarum, putantium, ad deferendum occasionem non teneri, dum quis tantum probabiliter novit se in illa lapsurum. ibid.

XI. Explosetur sententia Laymani, aliorumque, negantium obligationem deferendi proximam occasionem, dum id sine gravi incommodo fieri nequeat. 535.

XII. Quemadmodum & Curia de Lugo prius alios laudantis. ibid.

XIII. P. Lacroixius licet affirmantem opinionem veram judicet; nihilominus vi systematis probabilistici negantem ut licitam permittit. 536.

XIV. Recensitæ opiniones vel tamquam damnatæ ab Ecclesia, vel ut in damnis contentæ rejiciendæ sunt. Et efficaci argumento Casuistarum sententia rejicitur. ibid.

XV. Corollaria plura peculiari observatione dignissima ex doctrina constituta deducuntur. 537.

XVI. Occasione argumenti ab Adversariis ex S. Thomæ doctrina propositi, de summa in legendo S. Doctore ositantia convincuntur; veraque sententia ejusdem auctoritate luculentissime confirmatur. 539.



